


《續修四庫全書》編纂委員會編

續修四庫全書



上海古籍出版社

五二二一・史部・傳記類

國朝列卿紀一百六十五卷（卷一至卷四十七）〔明〕雷禮輯

2266108

國朝列卿紀序



國朝設官分職在內莫重於
列卿之署二百年來名公
鉅儒所以矢謨陳力圖事
揆策佐

國朝列卿紀序

王

上總攬萬幾毗贊六典者不可
勝紀夷考其人有以刻厲
而永終譽有以建白而奏
膚功脩諸已奉為典刑守
諸府存為故事又或得失

一時是非千載音徽未往
法戒具存誠舉其遺事而
臚列之固考政者之樞機
當官者之著蔡也第金匱
之藏焚草

國朝列卿紀序

二

禁林祕不傳外而官之志錄
析在列署家之譜牒散在
四方遽未易睹即吾學憲
章諸書網羅云備其於列
卿之業沿革創承遷代首

尾固未詳也若野史稗官
雌黃馮臆昂抑失真盡信
不如無書矣士大夫欲咨
故實以為法戒其何繇哉
豐城司空雷公在

國朝列卿紀

序

三

肅皇帝朝興海鹽鄭公同以練
習掌故著聲一代垂意典
述既總

本朝因革用舍之大政次而
為記又取開國以來中書

省輔臣六曹諸司以下其
人與事論而列之取材於
志錄稽世於譜牒日月披
尋排績成集系牽繩貫比
事屬詞正纂而外旁及羣

國朝列卿紀

序

四

書凡有所關悉從採掇其
或事無可攷亦具存其姓
名名曰

國朝列卿紀於是漸鴻振鷺
依日月而近星辰者履歷

犁然如與身遇煌煌哉真
昭代之鉅觀也隆慶而後
公謝政家居所紀第書名
目以俟後之君子而公亦
尋逝矣顧編摹雖究釐校

未終就中一人一事迭見
則重複宜刪傳信傳疑兩
存則冗蔓宜汰以至魯魚
帝虎之字訛舛宜糾疊床
架屋之書參伍宜備侍御

徐公公同邑人也視學南
畿志先景行念此紀僅有
鈔本未普流傳圖所以表
章之者乃刪汰正補反復
校梓行之自是雷公之盛

事得侍御公而愈彰此紀
所著真有揭曦耀而不刊
垂琬琰以不朽者矣刻成
侍御公以序委余敢僭爲
論次若此余又竊因是而

有感也

國家以官授人以人業官既設其官必求其人既得其人必備其官故槐棘無闕員鴛鴻無失序其制如此

國朝列卿紀

序

七

然而前之君子固尚有位不配德才不酬用者至今有遺論焉以方今日何如也或闔署而空之或越俎而治之上既不專課以功

能下亦不能精求其職掌

浸淫之久恐後之視今謂治朝無可書之績賢士大夫有難得易失之才蓋攷攬已事不能不有望於

國朝列卿紀

序

八

當宁矣侍御公之行是紀其所為剴切者意固甚深遠也豈徒為西臺廣柱下之藏東觀侈禁中之副云爾哉賜進士及第詹事府少詹事

兼翰林院侍讀學士前南
京國子監祭酒右春坊右
庶子掌司經局事江寧顧
起元撰

國朝列卿紀序



九

國朝列卿紀序



粵稽唐虞建官唯百內有
百揆四岳外有州牧侯伯
用是庶政和而萬國寧然
二十二人寅亮天工未嘗
無一二儉壬如共驩輩者
帝降而王夏商官倍亦克
用又周官剡制頭庸立法
詳備則有若以天地四時
馭六曹而統百符於冢宰

國朝列卿紀序

叙

一

王實刻

以趣馬攜僕隸罔正而慎	選於綴衣虎賁以而司庶	府承長伯而坐論於三公	三少倡牧阜民太和臻治	率是道已西漢官多襲秦	國朝列卿紀 叙 二	猶為近古建中以還乃以	吏事責鉉台而古意寢湮	晉陽夾馬換名易局慮無	不中外相統大小相維畫	成一代規模大都承紐解
------------	------------	------------	------------	------------	-----------	------------	------------	------------	------------	------------

之後者議亟脩邊觴盃之	餘者議亟舉耳恭惟我	太祖高皇帝迅掃胡塵一洗勝	國之陋萬化內瑩諸司外	蔚若碁置星列然屈指訐	國朝列卿紀 叙 三	謨靡弗一一中程暨	成祖文皇帝祖述憲章日討官	制而訕定之必底夫畫美	畫善而後愉快嗣是	列聖以守無創二百餘年名卿
------------	-----------	--------------	------------	------------	-----------	----------	--------------	------------	----------	--------------

碩輔通不絕書而董治如
出一人遵軌如出一日累
累若若咸得奉法循理有
譽當官即一二舞文翫法
不致踵而飭典是以脩之

家獻之廷罔有隕越不為
明時羞猗歟盛哉莫可及已
竊嘗思之治而隆也蓋入
與法參焉者也故有治入
無治法則俗媮而良亦情

有治法無治人則制敝而
署亦空若夫人法兩得軌
軌近而祖周官卿各有銜
年各有表行各有實又不
得不有所以紀之矣而為

之紀者則自我邑之雷司
堂始夫列卿載在竹冊彰
彰著矣烏用紀碩不繼其
人之生平恐驪珠魚目混
也不衡其人之品格恐錙

黍鎰羽濶也不曲折其人
之顛末恐鯨浪夷康半鼓
半歇而梗概又濶也夫是
司空有憂之秩必以爵年
必以表采輯諸家記籍詳

國朝列卿紀

六

以應履獲率直書俾列卿
各貢其所優劣而殿最
者得寓目而指掌焉豈非
典而覈贍而有體者耶是
紀也頭總綜核默寄激揚

旌別誅惡昭示勸懲是士
大夫之著蔡也夫主爵者
能升沉人而不能必列卿
之皆賢無不肖秉以者能
埏埴人而不能必列卿之

國朝列卿紀

七

皆遠不肖為賢載筆者能
磨勵人而不能必賢無涓
於不肖不肖無廁於賢是
紀行而崇勛茂烈炳日星
而光徽瀆即或披猖自恣

亦判若蒼素而不得以虛
詞借其裨於

聖天子陶冶之仁蓋不少也矧
感而興者不啻世世其名
卿夫非彰往詔來之一助

國朝列卿紀

叙

八

我於戲我江右夙號材藪
而鄉縉之懿行尤卓若司
空者衣不重采食不重味
橐無饒資家無副婢至其
經理

國朝列卿紀 序

大工殫精瘁美迄有成功勲

業灼然表著則是紀以司
空重而司空更有以重是
紀也爰授殺青公之海內
俾考鏡得失者有所藉云

國朝列卿紀

叙

九

提督應安等府學校巡按
直隸監察御史徐鑒撰



九

國朝列卿紀引

我

明混一區宇設官分職初襲宋元舊制設中書省秩正一品御史臺秩從一品與大都督府為三大府省設左右丞相及平章政事左右丞叅知政事臺設左右御史大夫及御史中丞其六部尚書屬

國朝列卿紀

引

陳忠為
陶仲仁

中書省秩正三品自洪武十三年革中書省丞相等官陞六部正二品衙門各分職掌不相混壓又改御史臺為都察院秩同六部并定通政司大理寺俱秩正三品號為九卿又定詹事府太常寺京兆尹俱正三品光祿寺太僕寺俱從三品鴻臚寺正四品國子監從四品翰

林院尚寶司俱正五品十五年又倣古置殿閣大學士秩同翰林學士永樂初年又設內閣備顧問其品秩不拘惟其人歷宣德以後因各處事關糧儲軍務河道等項窒礙難行又設總督巡撫等官初部院堂上官各以才遣至景泰四年定為都御史其內閣并各部尚書及

國朝列卿紀

引

二

陶仲仁

左右都御史有勲德茂著者加太子三少進三太至三孤而止蓋昭代命官之制非漢唐宋以下可比擬而名德老成相與據忠殫慮建鴻鉅之業者亦前後相炳耀雖間值懷奸挾私者有所軒輊而體統相維終得以更化善治需泰來之慶於無疆於此仰戴

聖祖規模宏遠綱紀丕振真與天地同其
久長也予叨祿於朝思景前修以盡職
守因查自

國初啓運至嘉靖四十五年終凡文臣歷
任中書省御史臺及殿閣部院府司寺
監各堂上官并各處總督巡撫循世系
錄爲年表俾居其官者鑒已往之得失

國朝列卿紀

引

三

張一鳳

知所以勸懲焉庶仰副

朝廷建官之初意而於治道所係固不小

云

柱國少傅兼太子太傅工部尚書豐城

雷禮撰

國朝列卿紀凡例

一是書輯自司空雷公始於洪武初年迄於
嘉靖末年其總自內閣及九卿等以履歷
大小爲次其分就各署以履歷先後爲次
列爲年表紀爲行實年表原書嘉靖末年
止隆慶及萬曆初年係其子澹瀛孫條補
入行實原書於嘉靖末年尚在任者亦未
入今仍其舊總俟續增

國朝列卿紀

凡例

張一鳳

正入梓

一是書間有重複引入及引用無大關涉可
刪者今刪之

一是書所輯外間有它見可參互觀者不能
盡紀略採入一二其末註一增字

一是書八卷至十三卷司空存日已刻爲內
閣行實行於世今仍其卷次梓之

一年表及傳中有列姓名而無籍貫者在司
空原本則空書在王元美弇山別集及鄒

端簡吾學編等書則書不知何許人今徧查諸典故凡有可補者悉補無遺其諸書不載無可考者姑從司空例仍空書

一列卿事蹟惟司空所輯年月次第歷歷不差足為諸書準則間有空闕者止末後數卷耳今攷諸書亦不詳確除攷的者一一補入尚有一二即查題名碑記中反多舛錯掛漏至於他籍訛謬尤甚今一從司空之舊

國朝列卿紀 凡例

二

一是紀各叙中稱其有行實茂著者表為列傳凡內閣及部院大卿悉有之惟太常少卿內多由樂舞生僅書到任年月而已由甲科者有傳

國初光祿少卿二人無傳又以後光祿少卿皆無傳南京光祿少卿年表缺者甚多細查諸書補過二十三人亦無傳

國初鴻臚少卿無傳鴻臚寺卿年表行實多缺尚寶司卿及少卿無傳南京尚寶少卿

年表補過二十六人無傳悉仍其舊以俟續補

國朝列卿紀 凡例

三

國朝列卿紀輯校姓氏

纂輯

柱國少傅工部尚書雷禮

補次

姪暎

孫條

穀

曾孫文焯

校梓

國朝列卿紀

姓氏

提督學校監察御史徐鑒

督校

應天府儒學教授黎祖壽

句容縣儒學訓導李進

分校

京庠張一儒

傅汝舟

劉岸先

黃應登

王貴
九十

國朝列卿紀目錄

卷之一

中書省左右丞相年表 左右丞相行實

卷之二

中書省左右平章政事行實

卷之三

中書省左右丞年表 左右丞行實

卷之四

中書省叅知政事年表 叅知政事行實

卷之五

國朝列卿紀

目錄

弘文館學士年表 學士行實

卷之六

國初侍臣四輔官年表 四輔官行實

卷之七

開國侍臣殿閣大學士年表 殿閣大學士行實

卷之八

直內閣元輔及同直輔臣年表

卷之九

內閣大學士年表 大學士行實

卷之十

內閣大學士行實

卷之十一

內閣大學士行實

卷之十二

內閣大學士行實

卷之十三

內閣大學士行實

卷之十四

國初詹事府詹事年表 國初詹事府詹事行實

卷之十五

國朝列卿紀

目錄

二

劉澆

詹事府詹事年表 詹事府詹事行實

卷之十六

詹事府詹事行實

卷之十七

國初詹事府少詹事年表 國初詹事府少詹事行實

卷之十八

詹事府少詹事年表 詹事府少詹事行實

卷之十九

國初翰林院學士承旨并學士講讀學士直學士年表

翰林院學士講讀學士直學士行實

卷之三十

翰林院學士講讀學士年表 學士講讀學士行實

卷之二十一

兼學士兼講讀學士年表

卷之二十二

南京翰林院學士附署印行實

卷之二十三

國初吏部尚書年表 國初吏部尚書行實

卷之二十四

吏部尚書年表 吏部尚書行實

卷之二十五

國朝列卿紀

目錄

三

周鼎

卷之二十六

吏部尚書行實

卷之二十七

吏部尚書行實

卷之二十八

南京吏部尚書年表 南京吏部尚書行實

卷之二十九

國初吏部左右侍郎年表 左右侍郎行實

卷之二十九

吏部左右侍郎年表 左右侍郎行實

卷之三十一	南京吏部左右侍郎年表	左右侍郎行實
卷之三十二	國初戶部尚書年表	戶部尚書行實
卷之三十三	戶部尚書年表	戶部尚書行實
卷之三十四	南京戶部尚書年表	戶部尚書行實
卷之三十五	國初戶部侍郎年表	戶部侍郎行實
卷之三十六	戶部左右侍郎年表	左右侍郎行實
卷之三十七	南京戶部左右侍郎年表	左右侍郎行實
卷之三十八	戶部總儲尚書侍郎年表	總儲尚書侍郎行實
卷之三十九	國初禮部尚書年表	禮部尚書行實

國朝列卿紀

目錄

四

劉大

卷之四十	禮部尚書年表	禮部尚書行實
卷之四十一	禮部尚書行實	
卷之四十二	南京禮部尚書年表	禮部尚書行實
卷之四十三	國初禮部左右侍郎年表	左右侍郎行實
卷之四十四	禮部左右侍郎年表	左右侍郎行實
卷之四十五	南京禮部侍郎年表	禮部侍郎行實
卷之四十六	國初兵部尚書年表	兵部尚書行實
卷之四十七	兵部尚書年表	兵部尚書行實
卷之四十八	兵部尚書行實	
卷之四十九	南京兵部尚書年表	兵部尚書行實

國朝列卿紀

目錄

五

卷之五十

南京兵部尚書行實

卷之五十一

國初兵部左右侍郎年表 左右侍郎行實

卷之五十二

兵部左右侍郎年表 左右侍郎行實

卷之五十三

南京兵部侍郎年表 兵部侍郎行實

卷之五十四

兵部提督團營後改協理戎政年表

國朝列卿紀

目錄

六

商 坊

卷之五十五

國初刑部尚書年表 刑部尚書行實

卷之五十六

刑部尚書年表 刑部尚書行實

卷之五十七

南京刑部尚書年表 刑部尚書行實

卷之五十八

國初刑部左右侍郎年表 左右侍郎行實

卷之五十九

刑部左右侍郎年表 左右侍郎行實

卷之六十

南京刑部左右侍郎年表 左右侍郎行實

卷之六十一

國初工部尚書年表 工部尚書行實

卷之六十二

工部尚書年表 工部尚書行實

卷之六十三

南京工部尚書年表 工部尚書行實

卷之六十四

國初工部左右侍郎年表 左右侍郎行實

卷之六十五

工部左右侍郎年表 左右侍郎行實

卷之六十六

南京工部左右侍郎年表 左右侍郎行實

卷之六十七

工部總督易州山廠尚書侍郎等官年表

總督易州山廠尚書侍郎等官行實

卷之六十八

北京行部尚書侍郎年表 行部尚書侍郎行實

卷之六十九

北京行部尚書侍郎年表 行部尚書侍郎行實

國初御史臺左右御史大夫年表	左右御史大夫行實
卷之七十	
御史中丞年表	左右中丞行實
卷之七十一	
國初都察院左右都御史年表	左右都御史行實
卷之七十二	
都察院左右都御史年表	左右都御史行實
卷之七十三	
都察院左右都御史行實	
卷之七十四	
國朝列卿紀	目錄
南京都察院左右都御史年表	左右都御史行實
卷之七十五	
國初都察院左右副都御史年表	左右副都御史行實
卷之七十六	
都察院左右副都御史年表	左右副都御史行實
卷之七十七	
南京都察院左右副都御史年表	左右副都御史行實
卷之七十八	
國初都察院左右僉都御史年表	左右僉都御史行實
卷之七十九	

都察院左右僉都御史年表	左右僉都御史行實
卷之八十	
南京都察院左右僉都御史年表	左右僉都御史行實
卷之八十一	
國初通政使司通政使年表	國初通政使行實
卷之八十二	
通政使司通政使年表	通政使行實
卷之八十三	
南京通政使司通政使年表	通政使行實
卷之八十四	
國朝列卿紀	目錄
國初通政使司左右通政使年表	國初左右通政使行實
卷之八十五	
通政使司左右通政使年表	左右通政使行實
卷之八十六	
通政使司提督騰黃右通政年表	提督騰黃右通政行實
卷之八十七	
國初通政使司左右叅議年表	國初通政左右叅議行實
卷之八十八	
通政使司左右叅議年表	通政司左右叅議行實
卷之八十九	

南京通政使司左右叅議年表	通政司左右叅議行實
卷之九十	
國初大理寺卿年表	國初大理寺卿行實
卷之九十一	
大理寺卿年表	大理寺卿行實
卷之九十二	
南京大理寺卿年表	大理寺卿行實
卷之九十三	
國初大理寺左右少卿年表	國初左右少卿行實
卷之九十四	
國朝列卿紀	目錄
大理寺左右少卿年表	大理寺左右少卿行實
卷之九十五	
南京大理寺左右少卿年表	大理寺左右少卿行實
卷之九十六	
國初大理寺左右寺丞年表	國初左右寺丞行實
卷之九十七	
大理寺左右寺丞年表	大理寺左右寺丞行實
卷之九十八	
南京大理寺左右寺丞年表	大理寺左右寺丞行實
卷之九十九	

總督南京糧儲侍郎都御史年表	總督糧儲行實
卷之一百	
巡撫應天侍郎都御史年表	巡撫應天行實
卷之一百一	
勅使淮南尚書侍郎都御史年表	勅使淮南行實
江北巡撫侍郎都御史年表	江北巡撫行實
總督漕運兼巡撫鳳陽尚書侍郎都御史年表	總督漕運兼巡撫鳳陽行實
卷之一百二	
總理河道尚書侍郎都御史年表	總理河道行實
國朝列卿紀	目錄
卷之一百三	
勅使江西左右都侍郎等官年表	勅使江西行實
江西巡撫附鎮守巡視侍郎都御史年表	江西巡撫附鎮守巡視行實
卷之一百四	
提督南贛汀漳等處軍務左右副僉都年表	提督南贛汀漳等處軍務行實
卷之一百五	
勅使并巡撫浙江尚書侍郎都御史年表	勅使并巡撫浙江行實

卷之百六	勅使并巡撫福建尚書侍郎都御史少卿年表 巡撫福建行實
卷之百七	總督兩廣尚書侍郎都御史年表 總督兩廣行實
卷之百八	巡撫廣東侍郎都御史等官年表 巡撫廣東行實
卷之百九	巡撫廣西侍郎都御史等官年表 巡撫廣西行實
國朝列卿紀	目錄
卷之百十	總督川湖貴州右都侍郎年表 總督川湖貴州行實
卷之百十一	勅使湖廣尚書侍郎都御史年表 勅使湖廣行實
卷之百十二	湖廣巡撫侍郎都御史年表 巡撫湖廣行實
卷之百十三	勅使鄖陽尚書都御史年表 勅使鄖陽行實
卷之百十四	撫治鄖陽少卿副僉都御史年表 撫治鄖陽行實
卷之百十五	勅使四川尚書侍郎都御史年表 勅使四川行實
卷之百十六	巡撫四川侍郎都御史年表 巡撫四川行實

卷之百十四	勅使貴州侍郎年表 勅使貴州行實
卷之百十五	巡撫貴州尚書侍郎都御史年表 巡撫貴州行實
卷之百十六	勅使雲南尚書侍郎都御史年表 勅使雲南行實
卷之百十七	巡撫雲南侍郎都御史年表 巡撫雲南行實
國朝列卿紀	目錄
卷之百十八	勅使畿輔侍郎都御史年表 勅使畿輔行實
卷之百十九	勅使遼東附勅使左右副僉都御史年表 巡撫遼東行實
卷之百二十	巡撫遼東附勅使左右副僉都御史年表 巡撫遼東行實
卷之百二十一	巡撫保定侍郎都御史年表 巡撫保定行實
卷之百二十二	整飭薊州邊備兼巡撫順天等府左右副僉都御史年表 整飭薊州邊備兼巡撫順天等府行實
卷之百二十三	巡撫保定侍郎都御史年表 巡撫保定行實
卷之百二十四	巡撫遼東附勅使左右副僉都御史年表 巡撫遼東行實
卷之百二十五	巡撫河南侍郎都御史年表 巡撫河南行實
卷之百二十六	巡撫河南侍郎都御史年表 巡撫河南行實

一 勅使山東尚書侍郎都御史年表	勅使山東行實
巡撫山東尚書侍郎都御史年表	巡撫山東行實
卷之百二十二	
勅使山西侍郎都御史年表	勅使山西行實
巡撫山西侍郎都御史年表	巡撫山西行實
卷之百二十三	
勅使宣大尚書侍郎年表	勅使宣大行實
總督宣大尚書侍郎都御史年表	總督宣大行實
卷之百二十四	
勅使宣大府侍郎年表	勅使宣大府行實
國朝列卿紀	目錄
巡撫宣大府左右副僉都御史年表	巡撫宣大府行實
卷之百二十五	
勅使大同侍郎左右都御史年表	勅使大同行實
巡撫大同左右副僉都御史年表	巡撫大同行實
卷之百二十六	
總督陝西三邊軍務尚書侍郎都御史年表	
總督陝西三邊軍務行實	
卷之百二十七	
勅使陝西侍郎都御史年表	勅使陝西行實
巡撫陝西尚書侍郎左右都御史年表	巡撫陝西行實

卷之百二十八	
勅使延綏侍郎通政年表	勅使延綏行實
巡撫延綏左右副僉都御史年表	巡撫延綏行實
卷之百二十九	
勅使寧夏侍郎都御史年表	勅使寧夏行實
巡撫寧夏侍郎都御史年表	巡撫寧夏行實
卷之百三十	
勅使甘肅秦鞏都御史年表	勅使甘肅行實
巡撫甘肅尚書侍郎都御史年表	巡撫甘肅行實
卷之百三十一	
國朝列卿紀	目錄
國初太常寺卿年表	國初太常寺卿行實
卷之百三十二	
太常寺卿年表	太常寺卿行實
卷之百三十三	
南京太常寺卿年表	太常寺卿行實
卷之百三十四	
國初太常寺少卿年表	太常寺少卿行實
卷之百三十五	
太常寺少卿年表	太常寺少卿行實
卷之百三十六	

南京太常寺少卿年表	太常寺少卿行實
卷之百三十七	
四夷館卿年表	四夷館卿行實
卷之百三十八	
四夷館少卿年表	四夷館少卿行實
卷之百三十九	
順天府府尹年表	順天府府尹行實
卷之百四十	
順天府府丞年表	順天府府丞行實
卷之百四十一	
國朝列卿紀	目錄
應天府府尹年表	應天府府尹行實
卷之百四十二	
應天府府丞年表	應天府府丞行實
卷之百四十三	
國初光祿寺卿年表	光祿寺卿行實
卷之百四十四	
光祿寺卿年表	光祿寺卿行實
卷之百四十五	
南京光祿寺卿年表	光祿寺卿行實
卷之百四十六	

國朝列卿紀

目錄

十六

二百〇六

國初光祿寺少卿年表	
卷之百四十七	
光祿寺少卿年表	
卷之百四十八	
南京光祿寺少卿年表	
卷之百四十九	
國初太僕寺卿年表	太僕寺卿行實
卷之百五十	
太僕寺卿年表	太僕寺卿行實
卷之百五十一	
國朝列卿紀	目錄
南京太僕寺卿年表	太僕寺卿行實
卷之百五十二	
國初太僕寺少卿年表	太僕寺少卿行實
卷之百五十三	
太僕寺少卿年表	太僕寺少卿行實
卷之百五十四	
南京太僕寺少卿年表	太僕寺少卿行實
卷之百五十五	
國初鴻臚寺卿年表	鴻臚寺卿行實
國初鴻臚寺少卿年表	

國朝列卿紀

目錄

十七

二百〇七

卷之百五十六

鴻臚寺卿年表 鴻臚寺卿行實

卷之百五十七

南京鴻臚寺卿年表 鴻臚寺卿行實

卷之百五十八

勅使國子監行實

國初國子監祭酒年表 國子監祭酒行實

卷之百五十九

國子監祭酒年表 國子監祭酒行實

卷之百六十

南京國子監祭酒年表 國子監祭酒行實

卷之百六十一

國初國子監司業年表 國子監司業行實

卷之百六十二

國子監司業年表 國子監司業行實

卷之百六十三

南京國子監司業年表 國子監司業行實

卷之百六十四

尚書司卿年表

卷之百六十五

尚書司少卿年表

目錄終

國朝列卿紀卷之一

柱國少傅兼太子太傅工部尚書豐城雷

提督應安等府學校監察御史同邑徐

中書省序

夫中書之官舊矣自漢武帝遊宴後庭命宦者典事尚書謂之中書謁者置令僕射元帝時令弘恭僕射石顯秉勢用事蕭望之以為中書政本宜以賢明之選更置士人不報成帝建始四年更以士人為之屬少府東京省中謁者令官至魏武帝置秘書令典尚書奏事歷文帝黃初四年改為中書令置省掌機密及明帝時中書監令號為專任其權重矣沿晉宋梁陳凡國之

政事並由中書省而尚書惟聽受而已唐承隋制列中書門下

尚書為三省中書令與侍中尚書令居真宰相之任猶列三品

大曆中乃升正二品入宋朝位益尊叙班在太師之上然只以

為親王及使相兼官無單拜者我太祖於甲辰年置中書省

設左右相國正一品平章從一品左右丞正二品參政從二品

并置左右司郎中都事等官洪武元年改相國為丞相餘官仍

舊至十二年監丞相胡惟庸等陰謀不軌特革中書省丞相等

官分任六部仍禁後世不得輕為更變敢有建言奏請欲復丞

相者本犯處以極刑是 聖祖立法垂訓獨運乾綱無偏聽專

任之弊蓋高出千古遠矣使世世守之朝政悉付六卿如有違

任之弊蓋高出千古遠矣使世世守之朝政悉付六卿如有違

枉臺諫得糾正論劾朝廷端拱以照臨於上豈不萬世無弊也
耶故追本沿革之由使後之人知所以世守云

國朝列卿紀

卷之一

三

國朝列卿紀卷之一

柱國少傅兼太子太傅工部尚書豐城雷 禮纂輯
提督應安等府學校監察御史同邑徐 鑒校梓

中書省左右丞相年表

李善長 直隸定遠人元末從龍吳元年拜左相國洪武
元年拜左丞相加至太師封韓國公四年致仕

徐 達 直隸鳳陽人元末從龍吳元年拜右相國洪武元年拜右
丞相加至太師封魏國公十八年卒封中山王蓋武寧

汪廣洋 直隸高郵人元末舉儒士洪武三年拜右丞相封忠勤伯
四年陞左丞相六年謫廣東叅政歷左御史大夫十年復
拜右丞相十三

胡惟庸 直隸定遠人元末從龍洪武四年拜
右丞相六年陞左丞相十三年伏誅

國朝列卿紀

卷之一

三

張一鳳
三十三

國朝

中書省左右丞相行實

李善長字 直隸鳳陽府定遠縣人當元政亂避居東山

至正辛卯盜起汝穎壬辰江淮大亂善長知天命將改思得明

聖者出而輔之相與除暴救民而未有遇甲午七月

上自濠如定遠將南略滁陽善長謁於道 上以其長者禮之與

語竟日皆合 上大悅遂留幕下俾掌書記預謀議贊軍機畫

饋餉甚見親信 上嘗從容語善長曰方今羣雄並爭非有智

者不可與謀吾觀羣雄中持案牘及謀事者多毀左右將士將

士弗得效其能以致於敗主者安得獨存故亦相繼而亡汝宜

鑒其失務協諸將以成功無效彼所為也是年七月克滁州

國朝列卿紀 卷之一 四

上駐師焉時滁陽王自泗還欲拔善長置麾下善長弗肯行涕泣

訴於 上止曰主帥之命不可違也善長終不肯往久之弗復

召乃止乙未正月淵謀取和陽王命張天祐耿再成等以往復命

上率善長等助之既克城 上總和陽兵謀斷出諸將右諸將不

悅善長委曲調護使不為異元兵數來侵及太子禿堅樞密副

使絆住馬民兵元帥陳也先各屯兵新塘青山等處善長佐

上禦之甚嚴 上嘗出擊雞籠山寨聞知和陽有兵亟還未至和

陽二里有卒持矛至言賊來攻城善長督兵戰却之殺獲甚眾

上喜 上駐和陽既久謀東渡江善長曰今吾眾已數萬方艱食

以舟楫未備姑少俟俄而巢湖水將通海等以舟師來附

上顧善長曰吾遲渡江病之糧與舟耳通海等此舉良應我機善

長曰此殆天意也遂於六月朔與諸將翊 上渡江向牛渚拔

采石乘勝取太平初 上之發采石也先令善長為戒戰軍士

榜即張之及入城士卒欲剽掠以榜搗通衢皆愕然不敢動城

中肅然置太平與國翼元帥府以善長為帥府都事丙申三月

從克建康籍軍民凡五十萬 上欲發兵取鎮江慮諸將不能

禁戢士卒為民患遂召諸將數以常縱軍士之過欲實之法善

長懇救乃免七月善長等奉 上為吳國公置江南行中書省

以善長為參議時 上保有江左命將四征百凡供億皆善長

傳給之丁酉毘陵寧國等處皆下戊戌冬 上征婺州善長留

國朝列卿紀 卷之一 五

守建康庚子夏陳友諒既僭號約張士誠侵建康 上與康茂

才議速諒來茂才曰吾家有老闔嘗事諒具書令齋以往約為

內應必信來無疑以問善長善長曰吾方以來為憂何為更速

之也 上曰使二虜相合吾何以支先破此虜則東寇膽落矣

善長曰善遂遣行友諒見闔者進書其書問曰康公何在曰見

守江東橋又問橋何如曰木橋也乃遣還謂曰吾即至至則呼

老康為號歸具以告善長乃易江東橋以鐵石通宵治之友諒

至見橋非木橋呼老康無應之者惶惑失措遂及於敗其將張

志雄等皆降辛丑二月始議立鹽法錢法茶法皆從之三月改

樞密院為大都督府以善長兼司馬事四月陞中書省恭知政

事八月 上親征江州壬寅取江右癸卯援安豐討廬州大賊
彭蠡征武昌善長皆留守建康甲辰正月率諸臣奉 上為吳
王陞右相國時猶尚右二月武昌平漢亡上表稱 賀遂議立
康山忠臣廟以報死事有功者乙巳春承詔歸江西軍中所掠
牛於其民無牛者官給之勿取其租是冬上言湖廣邊務兼議
江右湖廣魚課歲可得穀一百餘萬石以資軍餉宜歲差官以
按欺隱時淮東泰州等處次第降附 上以李濟據濠州名為
張氏守而觀望未決 命善長為書招之反覆數千言曉譬利
害甚切濟得書猶豫未報丙午四月濟降 上發建康往濠梁
省陵募善長留守八月議發大兵伐張士誠十月是宗廟 社
國朝列卿紀 卷之一 六 周德 四十五

上曰我思功未報於天下德未孚於人心一統之勢未成四方之
塗尚梗若稱大號未愜輿情自古帝王之有天下知天命之已
歸察人心之無外猶且謙讓未遑以俟有德常笑陳友諒初得
一隅妄自稱尊志驕氣盈卒致亡滅遺譏於後吾豈得更自蹈
之若天命在我固自有時無庸汲汲也時刑獄太繁 上謂善
長曰法有連坐之條不已重乎善長因奏自今民有犯鞠獄宜
從欽卹無更連坐 上可其奏恭議李飲冰楊希聖弄權不由
執政善長劾奏 上皆黜之九月大軍破姑蘇執張士誠送建
康昇至中書省善長問之士誠言涉不遜善長怒罵之已而言
於 上欲全之士誠竟自縊死 上論平吳功召善長於 戟
國朝列卿紀 卷之一 七 孫奉 四十五

是繼百王而立國家定四海而總綱紀事聞在昔運際當今欽
惟 殿下勇智自天聰明冠世掃除六合之風塵拯救兆民之
水火擁樓於而西上孺子秉璽而出迎命將帥以東征偽主東
身而就縛由是天下歸赴若江漢之朝宗邦域肇隆有金城之
鞏固既膺在躬之曆數必當歸御於宸居上以答於天心下以
符於人望伏冀俯從衆請早定尊號臣等爰合羣情躬身勸進
對明庭而虎拜仰 聖王之龍飛發政施仁參贊兩間之化育
制禮作樂開拓萬世之太平謹奉表勸進以聞 上曰始吾卽
位不能拒勉從衆言今卿復勸卽帝位恐德薄不足以當尊善
長等復頓首請曰天生聖哲本以爲民 殿下之卽王位天命

國朝列卿紀 卷之一 八 王錦

已有歸矣今又三四年若不正大位何以慰天下臣民之望昔
漢高帝既誅項籍羣下勸進亦不違其情今 殿下除暴亂救
生民功塞宇宙德協天人天命所在誠不可違臣等敢以死請
上固却之明日善長等復請曰 殿下謙讓之德著於四方感於
神明願爲生民計早徇羣臣之請 上曰中原未平軍旅未息
吾意天下大定然後議此而卿等屢請不已此大事當斟酌禮
儀而行不可草草辛酉善長率禮官以卽位禮儀進甲子 上
御新官以善長等推戴之言告於 上帝皇祇以明年戊申正
月四日卽位至日乙亥 上祭告 帝祇於南郊卽 皇帝位
定有天下之號曰大明建元洪武親爲告文有 帝賜英賢表

善長等爲臣之輔遂戡定羣雄等語禮成卽位於郊壇南善長
率文武百官及都城父老北面拜賀舞蹈呼萬歲者三禮畢具
儀導從 上率世子諸子奉 神主詣 太廟追尊 四代祖
考妣爲 帝后奉上玉寶玉冊祭畢 上顧謂善長曰朕荷先
世積累之難慶及於躬撫臨億兆今遵行令典尊崇先代齊肅
一心對越神靈所謂蒿高愴悽若或見之善長對曰 陛下誠
孝感通達於幽顯遂詣社稷壇立主行祭 上還御奉天殿善
長率百官上表賀 上受賀畢命善長奉冊寶立妃 馬氏爲
皇后立世子標爲 皇太子以善長爲銀青光祿大夫上柱國
錄軍國重事中書左丞相宣國公辛巳命兼太子少師賜詔命

國朝列卿紀 卷之一 九 謝

御史中丞劉基學士陶安言於 上曰適聞中書及都督府議
倣元舊制設中書令欲奏以太子爲之 上曰取法於古必擇
其善者從之元氏胡人事不師古設官不以任賢豈可取法以
太子爲中書令乎乃命詹同取東官官制觀之曰朕今立東官
官取廷臣勲德耆成者兼其職老成人動有典則夫舉用賢才
立國之本崇德上齒尊賢之道輔導得賢人各盡職故連抱之
木必以投大匠萬金之璧不以付拙工於是以善長等兼東官
詹事等官仍諭以兼官之意及輔成之道二月善長率禮官進
郊社宗廟議先是 上賜勅曰自昔聖帝明王之有天下莫不嚴
於祭祀以交神明朕誕膺天命統一海宇首建郊社宗廟以崇

祀事顧草創之初典禮未備將何以交神明而致靈贖鄉等其酌古今之宜務在適中定議以聞至是善長等奏有國大祀曰圓丘曰方丘曰宗廟曰社稷各具沿革以進時大將軍徐達方伐中原上復遣都督康茂才率兵參同進取命善長祭告江河漢濟之神然後師行三月克汴梁四月克河南府五月上幸汴梁議定都兼謀取元都善長留守京師軍國重事皆決焉八月車駕還京師善長奏定吏戶禮兵刑工六部官制部設尚書侍郎郎中員外郎主事各有定品以分理庶務至為要職十二月定官民喪服之制定三司朝賀東官儀二年正月承制命有司立功臣廟於雞籠山定太歲風雲雷雨嶽鎮海濱山川城隍諸神祭禮定翰林院官制二月丙寅詔修元史命善長為監修乙亥奉詔立皇陵碑四月奉詔編祖訓錄定封建諸王國邑及官屬之制八月定大祀受誓戒十二月議賞平定中原及守禦有功諸將三年正月議出師征沙漠三月議定朝臣服色悉准所授散官四月定官民書札儀式禁革民間名字有犯先聖先賢大國君臣秦漢晉唐宋國號等字者議置司農司初上以中原之地自兵興以來田多荒蕪命議民授田設官以領之於是善長議置是司開治所於河南司設卿一員少卿二員丞四員主簿錄事各二員從之五月承制給存恤之祿以養國初所設都先鋒十大元帥都尉指揮陣亡

國朝列卿紀

卷之一

十一

石全

物故無子孫承襲者之父母及妻無俾失所六月奏禁淫祀凡民庶祭先祖歲除祀竈鄉村春秋祈土穀之神凡有災患禱於先祖若鄉厲邑厲之祭則里社郡縣自舉之其僧道建齋設醮不許奏章上表投拜青詞亦不許塑畫天地神祇及白蓮社明尊教白雲巫覡持鸞禱聖書符呪水諸術並加禁止庶幾左道不興民無惑志詔從之又議定文武官朝服之制七月元史及大明集禮書成賜文綺及帛集禮以吉凶軍賞嘉及冠服車輅儀仗鹵簿字學樂律六項為之綱其目則吉禮十四曰祭天地宗廟社稷朝日夕月先農太歲風雲雷雨嶽鎮海濱山川天下城隍三皇孔子旗纛馬祖先牧馬步馬社祭厲祀典刑祇嘉禮五曰朝會冊拜冠禮婚禮鄉飲酒禮賓禮二朝貢遣使軍禮三親征遣將大將凶禮二帛疋喪儀樂律三鍾律雅樂俗樂其冠服車輅儀仗鹵簿字學各一凡陞降儀節制度名數織悉具備通十五卷授徐一夔董彝周子諒以官惟梁寅劉宇等賜帛有差是秋善長病上以中書無官召汪廣洋為右丞相左丞相楊憲劾廣洋陰事善長怒奏憲排陷大臣放肆為奸上命羣臣按治之憲伏誅十一月壬辰大將軍徐達等平虜師還明日善長率百官上表賀丙申大封功臣上御奉天殿召諸將諭之曰朕自起兵以來爾等從朕被堅執銳以征討四方戰勝攻取其功何可忘哉今天下既定報以爵賞凡今爵賞次第

國朝列卿紀

卷之一

十一

石全

皆朕所自定至公而無私如李善長雖無汗馬之勞然事朕年久給足軍食其功甚大前已列公爵今宜進封大國以表褒嘉乃授開國輔運推誠守正文臣特進光祿大夫左柱國太師中書左丞相封韓國公參軍國事食祿四千石賜誥命鐵券其文曰朕聞古之帝王成大業者實由天假英賢以輔之故威德加於四海而天下定矣朕起自草萊提三尺劍率眾數千居羣雄肘腋間未有定期而善長來謁轅門傾心協謀從渡大江於是定居建業威聲所至無不來附不一二年間集兵數十萬東征西伐日不暇給爾獨守國轉運糧儲供給器械未嘗缺乏况勦繁治劇和輯軍民無有怨誑之言此上天以授朕朕獨知之其

國朝列卿紀

卷之一

十一

人人未必盡知也昔者蕭何有饋餉之功千載之下人皆稱焉此之於爾蕭何未必過也今天下一家爾年已高朕無以報爾是用加爾爵祿使爾子孫世承襲朕本疎愚皆遵前代帝王之典禮茲與爾誓除謀逆不宥其餘若犯死罪爾免二死子免一死以報爾勲於戲慎終如始以仁義忠孝訓及嗣人必圖後輔與國同久庶不負爾之前勞豈不偉歟仍賜文綺及帛一百疋賚封公者六人善長其首也是冬禮部尚書陶凱請專選東宮官選善長兼職庶於輔導有所責成 上曰古者官不必備惟其賢朕以廷臣有才望勲德者兼東宮官非無謂也嘗慮廷臣與宮寮有不相合遂成嫌隙或坐奸謀離間骨肉其禍非細

若江充之事可謂明鑑朕今立此兼職父子一體君臣一心庶無相構之患也 上與陶凱論齊戒當致誠因諭善長等曰人之一心極難檢點心為身之主若一事不合理則百事皆廢所以常自檢心凡事必求至當今每遇齋戒必思齊整心志對越神明善長頓首曰 陛下此言乃聖賢治心之道心既治天下無難治矣曰年正月善長乞致仕許之 賜臨濠地若干頃守墳人百五十戶佃戶一千五百戶仍 詔董建臨濠官殿既數月 上念其久役於外遣使以米酒往茗往勞之七年 上謂善長曰濠州吾鄉里兵革之後人少田荒天下無田耕種村民儘多於富庶處取起數十萬散居濠州鄉村給與牛種使之開

國朝列卿紀

卷之一

十二

墾荒田永為已業數年之後豈不富庶遂移江南民十有四萬詣濠 命官監開墾田畝以善長總之八年秋聞南安侯監事弗勤 勅諭善長謂為開國老成付以督責之任善長督田及董役留鳳陽者數年十一年定祿制其子謝馬都尉祺每歲給六百石十二年正月胡惟庸謀逆事覺辭連善長惟庸既伏誅羣臣請併罪善長 上曰朕初起兵時善長來謁軍門曰有天有日矣是時朕年二十七善長年四十一所言多合吾意遂命掌簿書贊計畫功成爵以上公以女與其子此吾初起時腹心腹吾不忍罪之其勿問善長以年老養疾奏還原給儀仗戶二十家皆京民 上從之既而詔曰以京衛軍士充公侯儀仗

仍給善長二十戶五月 賜御史臺左中丞安然歸鄉里 命善長理臺事九月壬子善長率羣臣表請今年 天壽聖節受百官朝賀 詔不許明日善長等又以天下太平 上復春秋高因請稱賀 上不違羣情手詔答許之十四年議遣將征漠北征雲南十六年三月上表賀平雲南是月奉 詔定嫡妾封贈例頒示中外復議定文武封贈歷叙之例封贈之例十一廢叙之例五皆從之十七年十月河南水稼積蕩盡 命祺往同有司驗民戶口預爲賑卹 賜勅遣行二十三年春肅清逆黨榜列勲臣五十七人猶前善長未幾有以黨類爲言者 詔勿問御史復劾今按得惟庸所遣封續往來沙漠私書有善長手跡大逆不道不報言之不已 上不得已下其從子佑伸獄會善長家奴盧仲議發其事 上曰太師果有是耶 廷臣訊責得其實詩謎 上弗究會有星變其占爲大臣災 上疑之是年五月十日羣臣復請正法 上曰法如是爲之奈何善長大慚曰臣誠負罪無面目見百官矣乃撫遺歸善長遂自縊卒年七十七御史解縉虞部郎中王國用疏訟其冤 上命以禮葬之

國朝列卿紀 卷之一

十四

吾學編曰善長卒之明年御史解縉虞部郎中王國用爲稱冤言善長與 陛下同心出萬死以取天下勲臣第一生封公死封王男尚公主親戚拜官人臣之分極矣富貴無復加矣

自圖不軌猶未可知而今謂其欲佐胡惟庸者則大謬不然矣夫人情愛其子必甚於兄弟之子安享萬金之富貴者必不僥倖萬一之富貴善長於胡惟庸則猶子親耳於 陛下則親子女也使善長佐胡惟庸成不過勲臣第一而已矣寧復有加於今日者且善長豈不知天下之不可倖求取天下於百戰而艱危也哉當元之季欲爲此者何限莫不身爲齏粉覆宗絕祀能保首領者幾何人善長胡乃身見之而以衰倦之年身蹈之凡爲此者必有深讐急變大不得已而後父子之間或至相挾以冀免禍今善長之子祺備 陛下骨肉之親無纖芥之嫌何苦而忽爲此若謂天象告變大臣當災則尤不可臣亦知善長已死言之無益所願 陛下作戒將來耳 上亦不罪

國朝列卿紀 卷之一

十五

徐達字 直隸鳳陽府鳳陽縣永豐鄉人元至正癸巳天下大亂我 太祖集義旅達來麾下年二十有二初授鎮撫周旋二年 上視其動靜語默悉超羣英於是拔諸將上凡有微征皆以代行乙未以身脫 上於危難已而從渡江下采石定太平 命爲將東取溧水深陽擒陳也先於太平城下丙申二月破蠻子海牙舟師三月從征入建康 命爲大將浮江東下取京口一日克其城授鎮江翼元帥府統軍大元帥未幾轉江南等處行樞密院同僉將數萬人攻圍毘陵張士誠遣其弟九六盛兵來援迎擊破之擒九六既而厄於牛塘與常遇春夾擊敵

衆擒其將張德復圍毘陵敵食少戰不力丁酉二月遂克之陞
 僉院繼克寧國宣城亦附八月取馬馱沙戊戌十月克宜興十
 一月 上親征婺州命守建康己亥四月池州捷聞陞奉國上
 將軍同知樞密院六月 上自浙還遣西征皖城既旋自無爲
 登陸至浮山砦擊敗趙普勝部將胡總管因克潛山庚子五月
 陳友諒寇池州設伏敗之斬首萬級生擒三千餘張士誠兵寇
 宜興城陷率師復之獲其衆三千餘皆戰死辛丑三月拜江南
 等處行中書省右丞八月 上下令諸將暴友諒弒主竊號僞
 我太平隕我名將犯我建康今又以兵陷我安慶觀其所爲不
 滅不已爾等其勵士卒以從達曰師直爲壯今我直彼曲焉有

國朝列卿紀

卷之一

六

鄧名佩

不克及攻江州陳友諒棄城走武昌乃屯兵漢陽之夏口以遏
 之回守江州尋召歸次中途令復守江州比至陳兵已入達遣
 兵與戰陳兵潰俘斬數千獲其眷屬戰騎千軍下豫章 命征
 武昌豫章內變旋師討平之癸卯三月張士誠北寇壽春從
 上往援爲前部張兵敗北轉攻廬州將下屬友諒大率兵寇豫章
 遂罷圍歸整舟師從 上討之七月師次彭蠡友諒逆戰達身
 先諸將敗敵一巨艘死者千五百人命還守建康自是諸將效
 勇竟殲友諒由達作其氣也甲辰正月陞左相國二月武昌平
 遂取廬州江陵常德夷陵衡州等處乙巳十月取淮東泰州丙
 午三月克高郵四月克淮陰安豐八月總甲兵二十萬東取吳

越鏖戰於湖州皂林之野生擒張兵六萬不戮一卒盡赴京師
 十一月師抵姑蘇營於封門分遣別將於裏胥閭諸門又築長
 圍困之架木塔與城中浮屠等築臺三成名曰敵樓下瞰城中
 設火筒其上一發連中又設襄陽礮着物無不糜碎礮風着人
 皆死城中震恐明年丁未二月遣人自軍中請事 上勞之曰
 古者帝王之興必有命世之士以爲輔佐成周伐罪膺揚奮興
 炎漢仗義羣策畢舉所以克集大勲肇啓隆祚者也將軍自昔
 相從忠義出乎天性然且沉毅有謀端重有武故能遏絕亂略
 消弭羣慝建無前之功雖古豪傑之士不能過也今所請事悉
 欲稟命而行此賢臣事君之道吾甚嘉之向所請事多可便宜

國朝列卿紀

卷之一

七

田文

行者而識慮周詳不肯造次有違誠社稷之慶家邦之福然將
 在外君不御乃古道也自後軍中緩急將軍從宜行之時姑蘇
 城堅難猝破無錫莫天祐與張士誠爲聲援其部將楊茂善游
 水天祐遣爲偵邏卒獲茂送達釋而勞之待以心腹於是屢遣
 茂游水往來因獲其彼此所遺書報得士誠天祐虛實知城中
 困乏乃親督兵攻破之九月縛士誠送建康得兵二十五萬論
 功召見於 戟門封信國公賜賚優厚降勅褒論十月命爲征
 虜大將軍帥諸將北取中原 上諭諸將曰征伐所以奉天命
 平禍亂安生民故命將出師必在得人今諸將非不健鬪然能
 持重師有紀律戰勝攻取得爲將之體者莫如大將軍達宜專

主中軍策勵羣帥進籌決勝不可輕動十一月克沂州降王宣
取益都充東郡縣相繼款附十二月下濟南所過輯兵守禦規
畫足食兵不民擾洪武元年正月 上卽帝位加銀青榮祿大
夫上柱國錄軍國重事中書右丞相信國公兼太子少傅誥曰
命將出師立興王之大業建邦啓土資佐運之能臣仗斧鉞而
成顯功秉鈞衡而居右揆才爲異等賞亦非常乎在 朝廷誕
宣綸綍達剛姿英傑遠量雄深巖巖山嶽之重矯矯虎豹之猛
從予起兵於濠上先存捧日之心來茲定鼎於江南遂作擎天
之柱氣貫萬人而無敵拔幟摧城威行四壤而推恩撫民按堵
牙旗指顧淮海澄清雷電鏗轟湖湘率服西連巴蜀東際溟洋

國朝列卿紀

卷之一

六

田文
第五

有征則總水陸之兵戎所向則收郡邑之圖籍削平二強國古
之名將何以加辛勤十餘年吾之封疆由此定疊奏蘇湖之捷
俘其臣主而歸允謂元勳宜膺上爵尊崇相府仍加開國之褒
輔導儲官尤重兼官之選於戲太公謂當弘一統之規鄧禹
功名特別諸侯之上用頒寵數尚克欽承二月克樂安三月引
兵上黃河汴梁守將李景昌遁父老壽康以迎四月下洛陽長
驅峭函直抵潼關守者拒戰命馮勝拔之五月 車駕幸汴梁
詣行在謁見七月渡河取衛輝彰德廣平趙州由臨清上德州
取長蘆至直沽獲其海舟作浮橋以濟師又令副將常遇春都
督張興祖各率舟並河東西以進令步騎遵陸而前元丞相也

速等捍禦海口望風奔走克河西務通州元主及其后妃太子
北走八月庚子進取元都至齊化門命將填壕登城而入遂登
齊化門樓執其監國宗室淮王帖木兒不花及太尉中書左丞
相慶童平章迭木兒必失村賽因不花右丞張康伯御史中丞
滿川等戮之并獲宣鎮南威順諸王子六人及玉印二玉璽一
封其府庫及圖籍寶物又封故宮殿門以兵守之官人妃主令
其宦侍護視號令士卒無得侵暴人民安堵市肆不移人謂曹
彬下江南伯顏入臨安不是過也旣而順德守將吉右丞相胡
叅政等皆自西山來降復獲前樂安逃將俞勝及南叅政等乃
遣使赴京獻捷 上大嘉賞是月承 詔置燕山等六衛以守

國朝列卿紀

卷之一

九

陳嶺
第六

禦北平九月命將略保定中山河間真定懷慶俱下十一月達
發北平取山西所過擇人守要害及平未附山寨十二月將圖
太原謂諸將曰聞擴廓帖木兒以元主命率師遠出太原取道
保安經居庸關以攻北平孫都督總六衛之師足以鎮禦我與
爾等乘其不備直抵太原傾其巢穴則彼進不得戰退無所依
此兵法所謂批亢擣虛者也若彼還軍救太原則已爲我牽制
進退失利必成擒矣諸將皆曰善遂引兵徑進擴廓帖木兒至
保安聞之果還兵其鋒甚銳遠遣精銳夜襲其營擴廓聞變倉
卒不知所出急踰帳後乘驛馬遁去遂克太原得兵四萬人馬
四萬餘匹復遣薛顯傅友德擊賀宗哲等軍於石州而噶忻霍

絳猗氏平陽等處皆平二年取鹿臺河中關中進克鳳翔會諸將議師所同請將威以張思道之才不如李思齊慶陽易於臨洮欲先幽州取慶陽然後從隴西攻臨洮達曰不然慶陽城險而兵悍未易猝拔臨洮之地西通番夷北界河隍得之其人足以備戰鬪其土產足以供軍儲今以大軍威之思齊不西走胡即束手就降矣臨洮既克則旁郡自下諸將然之遂進克隴州秦州至鞏昌降其平章梁子中總帥注靈真保乃遣右副將軍馮宗異征臨洮李思齊果不戰出降獻銀印等物張良臣聞而懼亦以慶陽降遂征平涼良臣復叛遂怒起至涇州諸將咸以師會達命顧特陳德傅友德俞通源率精騎抄其出入之路以國朝列卿紀 卷之一 二十

絕其聲援復令馮宗異湯和等以兵四面圍其城良臣開城恣人馬馳騁城下達麾兵擊敗之久之良臣志不得逞戰復不利遣人赴寧夏求援皆被獲內外音問不通糧餉乏絕平章姚暉等知事不濟獻門納師達勒兵入北門良臣投井中引出斬之陝西悉平十二月 上大賞定中原諸將以達克敵制勝振揚國威撫綏軍民得大將軍體 賜白金五百兩文幣五十表裏三年復總兵征沙漠大破王保保軍於定西遣將取興元復西平土蕃征哨極於西北始還是冬大封功臣授開國輔運推誠宣力武臣特進光祿大夫右柱國太傅中書右丞相進封魏國公叅軍國事食祿五千石賜詔命鐵券其文曰朕聞自古帝王

創業垂統皆賴英傑之臣削羣雄平暴亂然非首將智勇何能統率而成大功如漢唐初興諸大名將是也當時雖有中原四夷未盡賓服以其宣謀効力之將比之豈有過我朝大將軍之功者乎爾達起兵以來為朕首將十有六年廓清江漢淮楚電掃兩浙席卷中原威聲所振直連塞外其間降王縛將不可勝數頃者詔令班師星馳來赴朕念爾勤勞既久立功最大今天下已定論功行賞朕無以報爾是用加爾爵祿使爾子孫世世承襲朕本疎愚皆遵前代哲王之典禮茲與爾並君謀逆不宥其餘若犯死罪免爾二死子免一死以報爾功於戲高而不危所以常守貴也滿而不溢所以常守富也爾當慎守斯言論及國朝列卿紀 卷之一 三十一

子孫世世為國良臣豈不偉歟仍賜文綺及幣一百疋四年賜地若干頃佃戶若干戶守墳人百五十戶僮僕戶二十家復賜第京師表其里曰大功坊五年北征還 命洽邊輯守歲鎮於燕口外餘民自是收盡生養休息海內無虞十七年召還至冬疾作 上遣使馳召名醫視之及禱於神祇弗瘳明年二月二十七日薨年五十四 上惻悼罷朝親為文祭之追封中山王謚武寧賜葬鍾山之陰 上謂羣臣曰朕起自徒步大將軍為朕股肱心膂戮力行陣東征西討削平羣醜克濟大勲今邊胡未殄朕方倚任為萬里長城之寄而太陰屢犯上將不意遽殞其命天何奪吾良將之速朕夜來竟夕不寐欷歔流涕思盡心

國家為社稷之重安得復有斯人乃欲有以報之無所用其情耳但著其勳烈宜於金石永垂不朽使後世知斯人為國之元勳也遂親製神道碑既備其功又稱其平昔言簡慮精當提兵之時令出不二諸將敬若神明所至攻城不屠與人不戲凡受命而出及功成而旋每不自矜至於封姑蘇之府庫置胡官之美人財寶無所取婦女無所愛忠志無疵昭明乎日月復命配享太廟塑像祭於功臣廟位皆第一

弇州外史曰大將軍廉靖仁武沉幾策勝即古名世之佐曷過焉勞而不伐夙夜匪懈與功名終蓋所以處君臣之際微矣元女侑配英主兩都二公光表后裔寵冠羣辟夫豈幸哉

國朝列卿紀

卷之一

王

孫本

汪廣洋字朝宗直隸揚州府高郵州人少從余闕學通詩書游寓太平乙未歲上渡江首召儒士廣洋入見與語大悅留幕下從下太平擢元帥府令史行樞密院掾史江南行省提控下西除照磨兼知諸全州事己亥置正軍都練司拜都練官辛丑遷江南行省都事陞郎中甲辰立中書省改右司郎中尋知曉騎衛指揮司事會常遇春鄧愈會兵圍贛州命廣洋諭遇春曰天瑞困處孤城猶籠禽奔獸豈能逃逸但恐城破之日殺傷過當要以保全生民為心一則可為國家用一則可為未降者勸如漢將鄧禹不妄誅殺此可為法前克湖廣禁軍士毋入城故能全一郡之民苟得郡無民何益於是遇春乃浚濠立柵圍之

天瑞懼乃降遂命守之五月上御白虎殿與廣洋論真宗則

曰初用李沆日聞災異厥後大臣首啓天書以侈其心羣臣曲

意迎合苟圖媚悅論元祐則曰君臣朴厚政事簡略然昧於先

王之道吳元年陞江西行省叅知政事洪武元年夏置山東行

省欲得廉明持重者安輯之以廣洋少健可以經理諸務調任

山東至即撫納新附民咸安之冬十二月召入中書叅政二年

復調陝西叅政是年上欲相楊憲中丞劉基直言憲有相才

無相器不可上曰汪廣洋何如基曰器局褊淺視其人可知

三年丞相李善長病上以中書無官召廣洋拜左丞相時楊

憲以山西叅政先被召入為右丞廣洋至憲惡其位軋已每事

多專決不讓威福恣行廣洋畏之常容默依違不與較憲猶不

以為嫌欲逐去之嗾侍御史劉炳等奏廣洋奉母不如禮以為

不孝上初未之知因以劾切責令廣洋自陳廣洋曰臣母老

炳奏遷之海嶺上覺憲奸乃召廣洋廣洋曰臣母老十一月

進封廣洋忠勤稱諾曰朕親往古俊傑能前此朕未之

初効勞於多難之際終成功業可謂賢者也漢之張敖

葛亮獨能之朕提師渡江入姑孰中書省丞汪廣洋

來謁就職從征剿荼治亂廣洋忠謀驅馳多難先見之哲可

古人今天下已定廣洋加爾開國翊運守正文臣資善

大夫護軍忠勤

平石於乎爾尚益堅初志克

國朝列卿紀

卷之一

王

孫本

忠貞訓爾子孫以光永世四年正月丞相李善長以老辭位乃拜廣洋為右丞相又頒詔曰朕聞自周至今凡有天下創業之君其間能保全功臣使得安養而自老者惟漢之光武後世稱之朕今天下已定有功文武各受爵封雖有遐荒之夷必欲征進不煩上將之勞况大將軍收戈解甲於武備之庫息馬家庭從善樂遊功名兩全古何過哉中書左丞相李善長事朕以來朝寅而至暮戌而歸今十八年勤勞多矣朕見其年高驅馳侍立心懷不忍五載於茲近因其上表告以致政朕已許之使遂其志亦功名兩全漢之何參奚過於此乎中書出納百司庶務不可一時缺人今命中書右丞汪廣洋為中書右丞相參知政

國朝列卿紀

卷之一

三十四

朱榮

事胡惟庸為中書右丞總理軍國重事於戲任賢使能乃前王之明哲除讒去佞亦歷代之英君朕雖不敏必須施為而後見故茲詔示咸使聞知七月 上謂廣洋曰觀前代人君多喜諂諛以飾虛名甚至臣下作為瑞應以恣矯誣至於天災重戒厭聞於耳如宋真宗亦號賢君初相李沆日聞災異其心猶存警惕厥後澶淵既盟大臣首啓天書以侈其心羣下曲意迎合苟圖媚悅致使言祥瑞者相繼於途獻芝草者三萬餘本朕思凡事惟在於誠况於天下國家而可偽為乎爾中書自今凡祥瑞不必奏如災異及蝗旱之事即時報奏廣洋叩首曰 陛下敬天勤民莫大於此惟四海蒼生蒙福誠為 聖子神孫萬世之

謨訓也臣謹奉 詔旨五年九月 聖壽節廣洋率百官請行慶賀禮 上曰朕已令罷此禮卿等其體朕懷勿賀時高麗國王顯遣同知密直司事成揆進表稱賀并遣版圖判書林院賀皇太子千秋節貢金銀龍蓋龜玳瑁 詔中書諭其王繼今 聖壽節千秋俱免慶賀禮自是每歲 聖節之日齋居素食不受朝賀但廣洋在相位畏懦迂猾於凡伸冤理枉略不留心以致公務廢格 上察其狀於六年三月黜為嶺南行省參政七年召為左御史大夫十年復拜右丞相加特進榮祿大夫右柱國知軍國事 上遇之特厚有疾在告 賜勅勞問然頗耽酒色荒於政事以故多稽違又與胡惟庸同在位惟庸所為不法廣

國朝列卿紀

卷之一

三十五

朱榮

洋知而不言但浮沉守位而已 上察其然因勅以洗心補過廣洋內不自安久之占城貢物使者既至而省部之臣不以時引見 上以其蔽遠人下勅書切責執政者廣洋惶懼益甚至是御史中丞涂節言誠意伯劉基遇毒死廣洋宜知狀 上問廣洋廣洋對曰無是事 上頗聞基方病丞相胡惟庸挾醫往候因飲以毒藥乃責廣洋欺罔不能效忠為國坐視廢興遂貶居海南舟次太平復遣使勅之曰丞相廣洋從朕日久前在軍中屢問乃言否則終無所論朕以相從之久未忍督過及居臺省又未嘗獻一謀畫以匡國家民之疾病皆不能知聞命爾出使有所相視還而噤無一語事神治民屢有厭息况數十年

間在朕左右未嘗進一賢才皆命爾佐文正治江西文正爲
既不匡正及朕咨詢又曲爲之諱前與相憲同在中書憲謀不
軌爾知之不言今者益務沉湎多不事事爾通經能文非愚昧
者觀爾之情浮沉觀望朕欲不言恐不知者謂朕薄恩特示爾
其省之廣洋得所賜書益慚懼遂自縊卒廣洋善篆隸大書尤
工爲歌詩爲人寬和自守居相位默默無所可否由是以庸
懦不立目之大抵其相才不足與奸同位而不能去故卒至於
覆敗云

胡惟庸字 直隸鳳陽府定遠縣人太師李善長弟婿也歲
乙未事 上爲元帥府奏差轉宣使丁酉授寧縣主簿陞知縣

國朝列卿紀

卷之一

五

五

甲辰遷吉安府通判丙午擢湖廣按察司僉事洪武元年入爲
太常寺少卿二年陞爲卿三年拜中書省參政初 上欲相楊
憲汪廣洋問於誠意伯劉基皆對不可 上曰胡惟庸何如劉
基對曰此小獷將債贖而敗犁矣 上曰吾之相無以愈於先
生者基曰臣非不知但臣疾惡太甚又耐繁劇爲之且孤
太恩天下何患無才願 明主悉心求之如目前諸人臣誠未見
其可也會四年太師李善長致仕命汪廣洋爲右丞相拜惟庸
左丞詔告天下初劉基屢乞歸久而得請且有密旨令察其鄉
有利病於民社者潛入奏括有淡洋斥而不鹵豪酋數輩卽爲
之場竈私煮海販利聚爲大盜益肆劫掠劉疏其事請建巡檢

司其地而籍其酋爲醴丁令子尚質連上之 上納其奏遣連
歸將見施行惟庸聞之怒謂中外章牘悉由中書劉雖勳舊
官已休閑不應私有陳請且安得不入政府而徑徹 宸覽言
於 上請究其事且請以璉付法司 上曰朕已遣之矣海酋
知之相結爲奸通於惟庸走闕下言劉基善相地以此土踞山
面海有王氣構圖欲空民居假以立公署而規攘爲已有則將
居之以當異符且其地本不可爲巡司 上下之有司惟庸等
請加以重辟 上不報久之爲手書諭劉歷言古之君子保身
之福作辟之禍及君臣相待之義詞甚詳末言念卿功姑奪其
祿而存其爵先是劉雖閒居猶給祿劉得書卽詣闕謝 恩訖

國朝列卿紀

卷之一

五

五

遂居京師不敢歸六年汪廣洋貶廣東命惟庸爲右丞相掌中
書省事詔曰朕聞古帝王之治天下身爲元首臣爲股肱上下
相資同心一德於斯之時民安物阜萬邦來庭皆由德政所致
非昏君邪臣所可及也朕平定天下之初數更輔弼蓋識見淺
薄任非其人前丞相汪廣洋畏懦迂猾於其伸冤理枉略不留
心以致公務失勤乃黜爲嶺南廣省參政觀其所施察其自省
今中書久缺丞相御史臺缺大夫稽古揆今誠爲曠典特命中
書左丞胡惟庸爲中書右丞相中丞陳寧爲御史大夫且惟庸
與寧自廣洋去後獨署省臺協誠匡濟舉直錯枉精勤不怠數
任以斯職播告臣民於戲皇天無私福善禍淫惟德其馨

畏天地恪恭朕命勿以怠為先以勤為後各盡乃心以臻於治
欽哉故茲詔示想宜知悉八月遣御史大夫陳寧釋奠於先師
孔子惟庸與中丞劉基奏馮冕不陪祭而收胙 上聞之曰
基等學聖人之道而不陪祀使學者何以勸既不與祭而享其
胙於禮可乎其武人不知禮道者不足責 命停惟庸等俸各
一月寧坐不舉亦停俸一月自是不與祭不頒胙初劉基因惟
庸專相嘗謂人曰使吾言不驗蒼生之福也言而驗者其如蒼
生何遂憂憤而舊疾愈增惟庸既總政以 上信任之重也專
肆威福生殺黜陟有不奏而行者內外諸司封事入奏惟庸先
取視之如有病已者輒匿不聞私擢奏差胡懋為巡檢營其家

國朝列卿紀 卷之一

三

國文

事由是四方奔競之徒趨其門下及諸武官諛佞多附之遺金
帛名馬玩好不可勝數魏國公徐達深嫉其奸邪嘗從俗言於
上惟庸忌之達有閹者福壽惟庸陰誘致為己用冀得其力以圖
達為福壽所發又知劉基嘗為 上言其奸恣不可用由是恨
基甚及基病詔惟庸挾醫往以毒中之基竟死時八年正月也
上以基病久不疑及基死惟庸益無所懼與太師李善長等相結
以兄女妻善長從子佑食賄弄權無所畏忌諛者言其祖宗三
世塚上皆有火光夜燭天於是惟庸益自負有邪謀矣嘗是時
吉安侯陸仲亨自陝西歸擅乘驛傳 上怒責之國中原兵燹
之餘民始復業籍戶買馬民苦甚矣使皆効爾所為民雖盡

子女買馬走過不能給也責補役於代縣平涼侯費聚嘗命往
蘇州撫綏軍民聚不任事唯嗜酒色 召還使往西北招降達
達又無功 上亦責之二人懼惟庸陰以權利脇誘之二人素
慝勇又見惟庸當朝用事強盛因與往來久之益密嘗過惟庸
家飲酒屏去左右因言若等所為多不法一旦事覺如何二人
惶懼計無所出惟庸乃告以已意且令在外收輯軍馬以俟二
人從之與御史大夫陳寧坐省中閱天下軍馬籍令都督毛驥
取衛士劉遇寶及亡命魏文進等為心膂曰吾有用爾也太僕
寺丞李存義者善長之弟惟庸之婿父也以親故往來惟庸家
惟庸令李存義陰說善長同起事善長驚悸曰爾言何怪耶若

國朝列卿紀 卷之一

三

國文

爾九族皆滅李存義懼而往告惟庸惟庸知善長素貪可以利
動後餘日又令存義以告善長且言事若成當以淮西地封公
為王善長雖有能然本文吏計深巧雖佯驚不許然心頗以為
然又見以淮西之地王已終不失富貴且欲居中觀望為子孫
後計乃歎息起曰吾老矣由爾等所為存義還告惟庸因過善
長善長延入惟庸西面坐善長東面坐屏左右致語良久人不
得聞但見領首而已惟庸忻然就辭出使指揮林賢下海招倭
軍約期來會又遣元舊臣封續致書稱臣於元請兵為外應事
皆未發會惟庸子乘馬馳驟於市馬奔入輓轂中傷死焉惟庸
即殺是輓轂者 上怒命償其死惟庸乃請以金帛給其家

上不許惟庸懼乃與善長及御史中丞涂節御史大夫陳寧等請
不軌事遣人陰告四方及文武之從已者 上一日朝覺惟庸
等舉措有異怪之涂節恐事覺乃上變告時商高謫降為中書
省吏亦以惟庸陰事來告 上曰朕不負惟庸輩何得至是命
羣臣雜問惟庸辭窮不能隱遂吐實戊戌羣臣奏惟庸等罪狀
請誅之於是 賜惟庸陳寧死又言涂節本為惟庸謀主見事
不成始上變告不誅無以戒人臣之奸宄者乃并誅節餘黨皆
連坐頒 詔天下革中書省分為六部以發其奸 詔曰朕膺
天命君主華夷當即位之初會集羣臣立綱陳紀法體漢唐略
加增減亦參以宋朝之典所以內置中書都督府御史臺六部
國朝列卿紀 卷之一 三十 御史
外列都指揮使承宣布政使司指揮使司都轉運鹽使司提刑
按察司及府州縣綱紀庶務以安兆民朕嘗發號施令責任中
書使刑賞務當不期任非其人致有丞相汪廣洋御史大夫陳
寧書夜淫昏酣歌肆樂各不率職坐視廢興以致丞相胡惟庸
結構羣小夤緣為奸或枉法以惠罪或執法以誣賢因發覺人
各伏誅特詔天下罷中書廢都府使知更官定制行移各有所
歸庶不紊煩前後以胡黨戮者凡數百人
野記云洪武十一年戊午元旦朝文武已集鳴殿上金鐘始數
知忽斷為二 上怒甚欲罪工部官得胡丞相奏始免
又云己未丞相胡惟庸井中生石笋日夜漸長出水有礙取汲

國朝列卿紀 卷一

使人取之笋旁復出三枝次年及禍
國琛集云太監雲奇南粵人守西華門邇胡惟庸第刺知其逆
謀胡誑言所居井湧醴泉請
太祖往觀鑿輿西出雲慮必與禍急走衝蹕勒馬啣言狀氣方勃
啐舌缺不能達
太祖怒其犯蹕左右搥捽亂下雲垂斃右臂將折猶奮指賊臣第
太祖乃悟登城眺顧見其壯士披甲伏屏帷間數匝亟返樓殿罪
人就擒召奇則息絕矣
太祖追悼奇賜贈葬令有司春秋祀之墓在南京太平門外鍾山
之西
國朝列卿紀 卷之一 三十一 劉道
國朝列卿紀卷之一終

國朝列卿紀卷之二

中書省平章政事年表

常遇春 直隸懷遠人元末從龍吳元年拜平章軍國重事洪武元年封鄂國公兼太子少保二年卒封開平王諡忠武

俞通海 直隸巢縣人元末歸附吳元年拜平章軍國重事卒封號國公諡忠烈

湯和 直隸鳳陽人元末從龍吳元年拜任尋改御史大夫

廖永忠 直隸巢縣人元末歸附吳元年拜平章軍國重事洪武三年封德慶侯後卒於蜀

胡美 湖廣沔陽人元末歸附吳元年拜平章軍國重事洪武三年封豫章侯後卒於家

李伯昇 直隸泰州人元末歸附吳元年拜平章軍國重事三年食祿不署事後卒於第

李思齊 河南沁山人洪武元年歸附三年拜平章政事食祿不署事後卒於第

國朝列卿紀 卷之二 陳忠為 周德 言三 明德

中書省平章政事行實

常遇春字 直隸鳳陽府懷遠縣人世為農家賦性剛直膂

力絕人歲壬辰羣雄並起江淮為之鼎沸時年二十有三為羣

雄劉聚所得聚觀遇春狀貌奇偉拔於行伍而信任之每出戰

必鼓勇爭先聚深喜之遇春察聚所為終不能有成欲擇所依

乙未聞 太祖駐兵和州領眾數十人棄聚來歸居兩月餘請

為前部先鋒 上曰爾之來者為士卒絕糧故就食耳爾自有

主我安得而留遇春請之再三至涕泣 上曰爾姑從吾渡江

俟克太平委身事吾未晚也夏六月朔 上先抵采石磯元兵

陣於磯上磯下巨舟如織相距僅三丈猝難登岸遇春乘快舸

相繼而至 上麾之使前遇春即捨舟挺戈先登眾皆披靡遂

拔采石乘勝取太平從 上守禦乃始授總管府先鋒冬十月

陞管軍總管丙申春二月元中丞蠻子海牙復以兵屯采石南

北不通 上慮將士雖渡江而其父母妻孥尚留淮西勢莫可

致 命遇春統兵攻之遇春至設疑兵以分其勢而以正兵與

之合及戰則出奇兵擣敗之悉俘其精銳自是元兵扼江之勢

衰矣尋守溧陽攻建康功為諸將先三月從徐達克鎮江夏四

月授承信校尉領軍先鋒秋九月再攻常州會新軍叛去與偽

吳張士誠合徐達被圍於牛塘遇春與諸將力戰大敗之擒張

士誠梟將張士德冬十一月陞統軍大元帥丁酉三月遂克常

國朝列卿紀 卷之二 周德 言三 明德

州遷中翼大元帥夏四月從徐達下寧國秋八月克馬跋沙冬十一月取池州戊戌春擢江南行中書省都督馬步水軍大元帥冬十二月上親取婺州己亥夏四月轉鎮國上將軍同僉書江南等處行樞密院事守婺城尋攻衢州降之冬十月陞僉院十二月攻杭州庚子夏五月召還京師從徐達攻拔安慶趙普勝之水寨時偽漢陳友諒揚言援安慶遇春策其必攻池州以羸弱守城伏銳士於九華山明日友諒果來攻城伏兵四合俘殺萬餘人六月友諒入太平犯龍灣共謀擊敗之而上整舟師襲友諒留遇春守京師軍民無敢譁辛丑春三月拜江南行中書省叅知政事秋七月從上取安慶破江州回守龍

國朝列卿紀 卷之二

其去遇春不言及我師出湖口皆言江流湍急欲放舟而下上知其情命以舟扼上流遇春應之諸將迺流而止舟蔽江面控湖口者旬有五日友諒食乏出江求戰遇春遣火舟火筏禦之敵兵奔潰追北數十里與酣戰自辰至未不解上所乘舟及遇春舟皆膠於沙遇春既脫御舟而已舟被圍復力戰而脫於是友諒中流矢死士卒十萬皆降未幾其臣立友諒之子理於武昌冬十月遇春帥師討之四面合圍甲辰春二月理叩壁山降荆湖之地風聲所至皆附陞中書平章政事秋七月從徐達取廬州八月遂自將兵平臨江之沙坑麻嶺十洞牛陂諸寨進攻熊天瑞於贛州乙巳春正月克之悉定南安南雄韶州上

國朝列卿紀 卷之二

師次太湖偽萬戶尹義等逆戰遇春擒之直趨湖州之具山與敵兵水陸鏖戰敵兵大潰遂抵城下塞其四門晝夜環攻之偽丞相張士信悉發境中兵為援屯於舊館出我師之背遇春統奇兵由大全港入結營東阡復出敵背且填壅溝港絕其歸路士誠知事急出親軍兵拒關遇春一鼓勝之士誠復遣其將徐義統赤龍船親軍來援遇春復擊敗烏鎮堡寨冬十月舊館降得兵六萬十有一月湖州亦下遂進圍平江丁未圍之益急士誠收合餘燼猶背城百戰降其將士且盡秋九月始克之縛士誠來獻藉其兵二十有五萬乃加授中書平章軍國重事疏封鄂國進爵上公冬十月復授征虜副將同徐達奉命北征戊申

國朝列卿紀

卷之二

五

陶仲仁

春正月 上即帝位改元洪武加銀青光祿大夫上柱國兼太子少保與達下山東諸郡遂攻汴梁守臣李景昌遁進河南敵兵五萬屯於洛水之北將出迎戰遇春布陣既定單騎執弓矢衝入其隊敵發二十騎攢槊刺遇春遇春一箭中其前鋒大呼殺入悉獲其衆而河南諸城先後皆平 上幸汴梁謀取燕都秋七月達與遇春渡河河北諸郡又平八月二日燕都不戰而克元君北奔九月下保定中山十月取真定十二月師次大原守將擴廓帖木兒帥衆來禦其鋒銳甚遇春與達謀曰我騎雖集而步卒未至何以能戰莫若遣騎夜劫其營其衆可亂衆亂主將可縛也達如遇春言擴廓帖木兒果中傷而遁已酉春正

月進攻大同竹貞棄城走追擒之河東又平遂西入秦張良弼道李思齊迎降奉先鳳翔鞏昌臨洮又平夏五月元將也速兵侵通州有 旨命遇春以所部軍東還拒之遂搗永平進遵化度鹿兒嶺獲江文靖士馬以千計至大寧也速遁破開平元君又北奔追至北河俘其宗王三人及平章鼎住等凡得軍士萬人車萬輛馬三千牛五萬全師還燕次柳河川得疾而薨實是年七月七日也年四十計聞 上為之震悼罷朝在庭之臣莫不灑泣越明日 詔中書定議贈翊運推誠宣德靖遠功臣開府儀同三司上柱國太保中書右丞相追封開平王謚曰忠武八月朔日柩車至龍江 上親製文躬往祭之曰自胡元季世

國朝列卿紀

卷之二

六

陶仲仁

天下大亂生民塗炭未知所止朕奮起臨濠駐師和陽乙未之春爾來依我同渡大江先拔采石即取太平建江東之地次第皆定自是以來汗馬未乾甲冑未解南破二衢西圍金斗遂與偽漢鏖戰鄱湖九江之上射死偽主陳友諒攻其武昌降其子湖湘悉平南取贛城撫南雄南安北定襄陽旋師淮東自泰至徐盡有其地東平浙右破姑蘇執吳王以歸長淮東西大江南北功甚著焉丁未之冬俾爾副大將軍北征中原首下齊魯既取河洛旋定幽趙晉冀長驅入關撫定秦隴戰勝攻取莫當其鋒近因北平有警乃與偏將軍又復北向轉戰永平大寧至於開平悉皆抵定中國封疆自昔正統之君少有得其全者今朕

全有中國爾功懋焉雖古名將未有過之者天下克一朕方將
 定功行賞共享太平少副報功之意何其未遂遠爾云亡曷謂
 柳河之川失我長城之將喪今南還哀痛切心與誰言哉將軍
 在時朕實所倚將軍既往將誰與謀不過臨風興慨想其音容
 耳靈輻之至朕親臨奠思爾之情言豈能盡祭畢慟哭而還
 命擇地於鍾山草堂之原營墓建祠既葬 上念其功不置且曰
 朕東撫高麗西抵土蕃北際沙漠南來交趾占城莫不稽首奉
 命計其開拓之功以十分而言遇春居其七八豈可無述以示
 永久乃召儒臣撰為神道碑文配享 太廟肖像祭於功臣廟
 位皆第二生榮死哀可謂至矣遇春為人守謙而不矜有功而
 國朝列卿紀 卷之二 七

舟州外史曰封鄂而謚忠武唐之尉遲氏宋之岳氏併開平而
 三增
 俞通海字碧泉其先濠州蒲塘文賢鄉人父廷玉以至元戊寅
 遷巢縣業農至正壬辰天下兵亂汝穎盜起有金花小姐者以
 妖術惑眾江淮人多應之通海父子從其部屬李普勝為軍甲
 午金花小姐事敗泊舟巢湖與妖黨左君弼有隙戰不勝遭其
 困乙未聞 太祖開闢和陽稟命於父遣使問道來曰通海父
 子與諸將率舟師來歸強敵阻道未遂誠款乞發兵為援 上
 大悅謂幕官李善長曰吾率步騎駐和陽適江東今士馬之精
 即欲渡江乏舟楫通海父子以舟師全附良應我機是年五月
 國朝列卿紀 卷之二 八
 親率兵至桐城聞已脫敵險然未入江中承蠻子海牙集樓船
 塞馬腸河口諸兵受阻屯黃墩將號雙刀趙者陰畜異志通海
 父子與諸將軍廖永安桑世傑張德勝華高咸傾心以附密露
 趙機 上謀脫身歸聲言和陽取舟載兵同攻蠻子海牙實欲
 以兵勢挾之遂得歸乃集商人舟多載猛士復至黃墩督其兵
 攻蠻子海牙敵船高大我舟與戰小勝通海與永安德勝操舟
 如神勇不可犯猶未得入江值大雨連月水勢滔天諸將乃得
 縱舟從 上直趨和陽既至通海即於裕谿河攻中丞水寨獲
 孫二等船二艘賊眾潰散繼攻鱗魚洲鐵長官水寨及新生沙
 寨大獲人馬而還授萬戶六月朔 上大率舟師渡江明日克

采石乘勝徑取太平皆如通海謀擢管軍總管遂率水寨大軍
 攻取邊湖水陽八月攻行廊山涇縣克小花圩寨溧陽九月克
 銀渚東壩及固城湖民寨復取太平河三汊口與蠻子海牙戰
 克獲一船十月於灌渡橋河口獲快船擒賊帥屠子花等二十
 餘人時蠻子海牙悉驅戰艦結寨采石元帥陳也先子兆先合
 淮兵數十萬屯管方山相為犄角窺伺太平丙申正月通海攻
 采石寨二月復從 上擊之以舟師進矢石如雨仍令軍士縱
 火焚其軍艦遂大破之獲首目王興祖雷福舒壽等船俘其兵
 衆蠻子海牙僅數舟遁三月從平陳兆先管獲賊首宋永福等
 軍馬甚衆是月十日克臺城功右諸將遂領兵歷沙港焦門克

國朝列卿紀

卷之二

九

劉仕任

阿魯 者林苗軍水寨獲船及首目二十餘人十七日逼
 鎮江城西滅牌灣寨盡掠戰艦遂拔鎮江十八日撫定藤料沙
 竺家等寨追康元帥至第二港降之置秦淮翼元帥府以通海
 爲統軍元帥四月取丹陽金壇丁酉三月常州平以功陞行樞
 密院判官宿帳衛下尋克江陰州宜興劉家河四月克宣城寧
 國長鎗諸軍復與樞判趙誠等乘勢趨水陽下之五月克太浦
 口遂以舟師入太湖馬跡山衝突賊舫軍聲雄震敵騎風靡降
 張士誠守帥王貴鈕津盡獲其衆經東洞庭山艤舟施口僞左
 丞呂珍率兵暴至諸將倉卒欲西退通海曰不可我寡退則情
 見彼益集其衆邀諸險以擊之我何以當不如與之戰於是身

先士卒矢石左右交下通海不爲動徐令從者披已甲立船上
 督戰賊以通海不敢進逼珍戰不利乃去克吳江與張寇遇敵
 血戰中矢近右目傷劇矢鏃不出右目失明鼻且劬致 上軫
 念親爲祈福戊戌正月同樞密廖永安討江陰石牌海寇盡獲
 僞官朱州判等船回奪馬馱沙以其帥樂瑞歸四月攻雙刀趙
 復取黃橋通州十月克太湖宜興等處戰敗張寇水寨獲風快
 船三艘銃手四十餘人時雙刀趙據樞陽已亥四月擊其柵江
 管通海先俘趙牛兒等船士衆勇乘勝追殺賊大敗棄舟岸上
 獲巨艦蒙衝數百艘進復池州擒僞帥洪鈞等先是池州爲雙
 刀所陷至是復之 上時親征浙東方憂趙賊剽劫聞捷大喜

國朝列卿紀

卷之三

十

劉仕任

陞僉樞密院事七月攻安慶獲黃旗舟船十月與趙賊戰敗之
 獲其帥孫四海船庚子閏五月陳友諒重兵犯龍江 上命通
 海同諸將擊之走通海追戰慈湖縱火焚其舟賊衆大潰獲僞
 帥喻國興李智高等樓船數艘及甘張方王陳五帥海角俘賊
 人八十餘人追至采石復與戰臂中流矢回賞銀碗錦段辛丑
 陞樞密院同知 上謂友諒殺主盜國又開兵屢復我邊疆親
 討其罪八月大會騎步水軍舳艫連屬通海率其部以從遂克
 銅陵擄同安又擄九江僞都連破蘄州黃州等郡友諒遁入武
 昌以勲賞彩段六十疋壬寅四月取武昌與敵戰於黃鶴樓聞
 祝宗叛南昌回軍擊之復其城 上喜曰得南昌是去陳氏之

一臂况其地實楚之重鎮乎癸卯三月張士誠兵圍劉福通於安豐從上援之大敗其衆回攻廬州時友諒憤國威財罄乃率所有兵數十萬空國而來圍南昌期必拔七月丙戌上大發兵帥通海等討之至則友諒即解圍東出鄱陽湖以迎我師丁亥遇於康郎山戊子通海等進兵薄戰徐達身先諸將擊敗前軍通海復乘風發火炮焚寇舟二十餘艘軍威大振友諒驍將張定邊奮前欲犯常遇春射中定邊舟始退通海復來援與廖永安永忠以飛舸追定邊走身被百餘矢士卒多死傷已丑復與友諒戰自辰至酉奮擊敵不能當殺死者無算復以七舟載葦荻置火藥其中乘風縱火焚戰艦數百艘烟焰漲天

國朝列卿紀

卷之二

廿一

高橋

湖水盡赤偽王陳友仁陳友貴平章陳普略等皆死軍士溺者萬餘人賊鋒盡挫明日通海等復以六舟深入鏖戰敵聯大艦擁蔽悉燃刀以死拒我師旣而我師望六舟無所見意已陷沒有頃六舟飄颻而出旋繞敵船勢如游龍我師見之勇氣愈倍合戰益力呼聲動天地敵兵大敗通海等還上勞之曰今日之捷諸君之力也明日賊移舟欲通我師先至罾子口及左蠡橫截湖面阻其歸路通海與衆議曰湖水有淺處舟難回旋不利於戰莫若入江據敵上流彼舟若入即成擒矣八月八日我舟入江駐南湖嘴水陸結營賊舟不敢出糧且盡二十七日賊計窘繞江下流欲由禁江口遁回通海等退軍追擊之友諒中

流矢貫睛及顛而死通海伴其御舟其平章姚天祥蕭壽吳才陳榮等悉以樓船將校軍馬降附張定邊以小舟載友諒子陳理奔武昌九月上還建康論功行賞賜通海田及金帛甲辰二月攻武昌陳理出降三月陞中書平章政事總兵略劉家港進迫通州戰勝獲偽院判朱瓊元帥陳勝千戶葛吉戰船十二艘四月廬州平元將樓兒張歸附改元肅政廉訪司立江淮等處行中書省命通海往攝省事守禦廬州時兵戈後民心未寧通海綏定以恩復業者衆郊野間稱通海者舉手加額慕如慈父修築城郡週迴凡四千七百餘丈惟西北濠經來龍岡石灘淺淺而易涸通海募人疏鑿通二丈五尺由是壘淺塹深

國朝列卿紀

卷之二

廿二

高橋

備禦嚴矣丙午四月從取濠州五月平安豐攻鎮陽九州征淞西克湖州拔舊館烏鎮堡寨十一月太倉民獻羊酒香貨迎降滿道通海却其獻慰諭之約束軍士秋毫無犯民大悅偽帥陳仁等乘大艘百餘已避入海聞通海仁聲復回鄉里稽首麾下願爲編氓者凡數千人番舶商帆由是皆還至崑山崇明嘉定松江聞風亦降吳元年三月大軍圍姑蘇久不下徐相國檄通海於滅渡橋戰敗賊寇提兵桃花塢蕩其營中流矢創甚以四月九日歸自軍中上幸其第兄其病革顧曰平章知子來問疾乎通海不能語遂揮淚而去明日薨年三十八車駕復臨哭之慟從官衛士莫能仰視是月望葬金陵城南聚寶山上

親爲文奠於墓道又哭之慟贈光祿大夫追封豫國公洪武元年冬 命築壇於京師祭之二年正月配享 太廟六月祭於功臣廟三年大封功臣贈開國輔運推誠宣力武臣光祿大夫上柱國同知大都督府事改封號國公六年三月謚忠烈通海當世遺草昧羣雄競起能識 太祖爲真主委身來歸用其智勇佐成大業名載元勳功垂國史可謂豪傑之士而又沉幾簡重出言合宜勞不矜能和不踰節馭軍以嚴而政不苛恤民以惠而勢不撓非獨戎略精強匹休古名將用於 朝廷亦輔弼之良也顧年不滿其所施惜哉父廷玉征安慶沒於陣贈河間郡公妻於氏封豫國公夫人弟通源通淵俱有功封侯

國朝列卿紀

卷之二

十三

高儒

湯和字鼎臣直隸鳳陽府濠州東湖里人幼喪二親卓越有奇志嬉戲常習騎射指使羣兒父老異之及長身七尺個儻饒智略元至正間豪傑起兵據郡縣和亦思自奮拔以取富貴歲壬辰聞滁陽王據濠兵勢強率所厚壯士十餘人仗劍從王以和曉勇置之麾下使從諸將略地每在前行命爲百戶取九灣攻濠之定遠得兵千五百人擢爲千戶時 太祖處王甥館和委心推奉率兵從攻大紅山寨得兵八百陞掌萬夫復攻滁州降其首帥以功多授管軍總管招集士卒益衆乙未正月上自將取和州諸將多王舊部曲顧望未盡效臣禮惟和以所領兵聽命甚謹 上心嘉焉會元兵陳也先復攻和州和與將士

擊走之六月從 上渡江下采石定太平獲敵馬三百士卒稱是既而也先與其將康將軍水陸分道寇城和擊其水軍矢中左臂怒氣益奮中山王徐達寧河王鄧愈率師由東門轉戰城北破其步軍遂生擒也先以獻和分兵取溧水句容克而守之丙申 上定建業三月和偕徐達取鎮江一日克其城兵不血刃陞統兵元帥復偕達取金壇及富莊七月轉同僉樞密院事丁酉三月克常州奉 命鎮守其地攻取江陰明年僞吳張士誠寇常州和力戰却之擒其卒三百十月復來寇俘甲士千餘舟數千艘馬數千匹賊勢爲之少阻壬寅同徐達攻無錫癸卯大破士誠兵於錫山斬其梟將獲甲首五百級逐其別將其將

國朝列卿紀

卷之二

十四

高儒

軍虜其妻子以還拜中書左丞甲辰士誠弟僞丞相士信寇圍長興和率部將吳復與會常遇春軍合戰士信大敗而退超遷中書平章乙巳擊江西劇盜姚大膽斬之取永新州戮僞丞相周安等籍士馬歸於京師仍出守常州丙午 上命與諸將伐士誠略太湖營於舊館降僞將呂珍等得兵六萬人轉戰湖州守將張右丞降進擊吳江州將不能格亦降遂薄姑蘇縛士誠歸三吳悉定除御史大夫兼太子諭德階榮祿大夫賜誥曰虎臣翊戴久弘勘定之勲烏府登庸爰任肅清之寄出握戎機於閩外入振風紀於朝端位並鈞衡職兼將相疇咨實當倚任攸深前中書平章政事湯和才氣老蒼天資重厚動合韜鈴之法

練成節制之師麾精騎於滁和渡義旗於姑孰金陵地關明開
日月之衢鐵甕城環險據江山之境爰登樞府遂下毘陵守津
要於邊疆措黎民於衽席出迎敵陣奪姑蘇之舶千艘保障東
郊靖陽羨之區十載任於左轄陞以平章直道不阿雄威愈奮
克永新而勦其餘孽指姑蘇而滅其僞邦載嘉骨鯁之貞誠宛
若鷹鷂之搏擊凜生風於臺閣兼諭德於春官於戲總四海繩
違之綱既允資於耳目佐一人止戈之武尚思賴於股肱茂植
顯功用躋盛治時方谷珍據台溫慶元三郡與士誠比境聞士
誠敗固已震恐和督諸軍征之谷珍益懼乘大舶逃匿海島中
和遣人持書喻以 國家威德谷珍即率昆弟子姪待罪軍門

國朝列卿紀

卷之二

十五

毛士遠

得兵械舟楫以萬計所至不擾和之功居多乘勝下福州戊申
上即大位改元洪武和略定閩中諸郡延平主帥陳友定怙險橫
甚令副將出降觀望持兩端和虜之以歸東南海上晏然是歲
五月 上幸汴梁和實扈從既而與宋國公馮勝取懷慶澤潞
晉絳二年同徐達拔河中渡河入潼關趨鳳翔越六盤關隴皆
平明年與徐達馮勝至定西襲元將擴廓帖木兒管西北取靈
夏至察罕惱兒獲其猛將虎陳定東勝大同宣府皆以勞先諸
將是冬還京論功行賞授開國輔運宣力武臣榮祿大夫柱國
封中山侯食祿一千五百石賜誥命鐵券其文曰朕思猛將助
興王運如雲之從龍於太虎赫然布滿於兩間神龍造化於其

內人莫能窺頃刻霖雨天地通和民物皆遂其生此雖龍之化
實雲之助也朕起自草萊將多鄉里爾和以英毅之資勢若熊
虎自朕定居江右以爾列守毘陵時姑蘇未下其兵銳狡爾獨
當之彼欲知我所為爾能巡捕謹嚴防禦周密國之事情彼終
莫測故我得施其運用豈非如雲之從龍乎自是西克永新東
取姑蘇皆顯著勲績授以征南將軍兵至浙東八閩悉歸版籍
及副征山西陝右所至效勞熊虎之將可謂稱矣今天下已定
論功行賞朕無以報爾是用加爾爵祿使爾子孫世世承襲朕
本疎愚皆遵前代哲王之典禮茲與爾誓除謀逆不宥其餘若
犯死罪爾免二死子免一死以報爾勲於戲秉忠效力為藩鎮

國朝列卿紀

卷之二

十六

毛士遠

於邊陲際遇方今實千載之一會尚其宣爾勲勞訓及子孫以
保祿位於永久仍賜文綺及帛四十疋四年正月 上以明玉
珍之子昇尚僭號都重慶詔和及德慶侯廖永忠統諸將征之
昇鎮瞿塘峽以邊舟和以計敗之水陸並進直擣僞都昇不能
支率其臣屬奉金寶以降五年同徐達北征窮追和林明年斃
通州外郭八年移鎮彰德斃其城是冬追元通臣伯顏帖木兒
於察罕惱兒獲馬牛羊無筭十年正月元日 上念和之功加
號推誠位特進光祿大夫職為左都督勲為左柱國進爵為公
國於信俾議軍國事加祿至三千石仍賜鐵券和益恭畏不驕
盈繼而與岐陽王李文忠練卒鳳陽明年巡撫河州繕完其城

郭管舍十四年偕徐達北伐下灰山擒其平章別里哥及樞密副使文通又明年詔至四川永寧治壩壕飭士馬十八年五開山獠為亂率師討之夷其窟穴俘戮四萬餘人及入朝和以春秋高思歸故鄉從容乞骸骨羣公次第以為言 上嘉之賜寶鈔五萬俾造第鳳陽而謂和曰日本小夷屢擾東海上卿雖老強為朕行視要地築城增戍以固守備和行築海上數十城民四丁取其一為兵以守之二十一年新第成率妻子 陛辭賜白金以兩計者二千黃金以兩計者三百鈔以緡計者一萬五千文綺四十端夫人胡氏亦賜白金一千兩黃金二百兩鈔五百錠彩段三十端俱降手勅褒嘉之二十三年賀元旦於京師

國朝列卿紀

卷之三

十七

商

忽感未疾且失音不能言 上聞之大驚即命輟賀臨視歎惋久之遣歸故里十月詔和之子將命召至京賜以安車入 殿庭燕勞備至復厚賚俾歸以俟有瘳二十七年和疾彌甚不能興 上思見之特詔輿入親手為摩撫語以舊勞對之雪涕錫鈔六百五十緡預為營葬之資二十八年八月七日薨於里第年七十計聞 上感悼輟御朝三日追封東甌王謚襄武親為文授使者以祭命親王咸遣祭於其家棺槨明器塚壙皆官為之十一月十二日葬曹山之原詔像於功臣祠復配享 太廟祥禋必賜祭恩禮之隆時莫與比和沉毅質直勇而善斷不妄發言入聞國論一語不泄於左右行師受任有 詔即行不少

顧家臨敵果敢堅忍未嘗挫衄有語及兵書者輒笑曰臨陣決機在智識敏達耳何以泥古為家菁騰妾百餘暮年皆資遺寧家得賞賜多惠鄉黨父老及孤貧無告者貴極公宰及歸田里見故交遺民意驩如也厥後羣公多先物故而和獨享壽考以令名終斯固保身之有道哉

廖永忠字 直隸廬州府巢縣人先世家黃州元大德中始徙巢父涼國公生子五人永清永寧永堅永安永忠涼國親扈

太祖渡江即還鄉不仕永清以子昇貴贈明威將軍指揮僉事永寧蚤卒永堅初仕陳友諒為叅政後歸 太祖亦卒永安以開國功又死節封楚國公永忠少豪邁有大志智勇過人值時兵

國朝列卿紀

卷之二

十八

商

亂欲起而平之而未有所遇也至正甲午彭祖事敗隨永寧永安率戰艦千餘艘屯巢湖為水寨以觀時變會左君弼據廬州出兵相制永忠為其所窘乙未五月從永安諸將迎 上於巢湖 上見其年少謂之曰汝亦欲圖富貴乎永忠對曰得事明主効展尺寸掃除寇亂垂功名於竹帛是所願也 上大悅即以水將屬永安而以永忠副之六月從渡江永安先諸將拔采石取太平蕪湖擒陳也先丙申破蠻子海牙水寨陳兆先陸寨乘勝定建康克鎮江金壇宣城等處丁酉平常州池州戊戌討江陰石牌海寇奪馬馱沙取爛泥洪諸寨及太湖宜興無錫常熟攻通州復宜興永忠皆預有功永安陷於敵戊戌十月十二

日也是月二十七日 上授永忠樞密院俾總永安兵爲水將已亥四月攻趙普勝柵江營追殺賊衆克復樅陽十月復與趙寇戰敗之庚子閏五月陳友諒重兵襲太平直犯龍江上命諸將分據險要以張德勝總兵擊之兵既交永忠率所部大呼殺入諸兵皆奮擊友諒敗走遂復太平陞同知樞密院事辛丑八月 上親率舟師伐友諒永忠從行戊戌至安慶敵兵固守 上以陸兵疑之敵兵動永忠乃擊其水寨破敵舟八十餘艘獲船二十有七遂克安慶長驅至小孤次湖口未至江州五里友諒始知之勢窮感孕妻孥棄城走武昌我師遂入江州獲馬二千匹糧十餘萬永忠復分兵攻下江西瑞州臨江吉安諸

國朝列卿紀

卷之二

十九

劉仕任

郡壬寅正月從征南昌兵至彭蠡南昌降四月祝宗康泰據南昌叛復從徐達討之復其城癸卯三月拔安豐張士誠兵四月攻廬州久而未下是時陳友諒發國兵圍南昌音問不通六月大都督朱文正告急於建康七月 上復親帥永忠及徐達常遇春俞通海等討之友諒聞 上至卽解圍東出鄱陽湖丁亥遇於康郎山戊子命遇春永忠等進兵薄戰敵兵大敗永忠等還 上勞之曰今日之捷諸君之力也翼日友諒移舟近湖口永忠率師橫截湖面邀其歸路既而友諒欲逸出 上麾永忠等擊之友諒中流矢貫睛及顙而死擒其太子善元平章姚天祥等得士卒五百餘人張定邊乘夜以小舟載友諒屍及其

子理奔武昌復稱帝九月 上還建康論功行賞賜永忠殊牌鏤金字八日功超羣將智邁雄師以旌之是月 上復率永忠等親征陳理十月至武昌命永忠等分兵於四門立柵圍之又於江中聯舟爲長寨絕其出入之路十二月 上還建康命永忠等守營柵勿與賊甲辰二月 上復親征武昌視師督永忠等攻城城中力不能支理率定邊等出降武昌既平以功陞湖廣等處行中書左丞四月從攻廬州左君弼敗走遂克之復拔安豐其年續取江西未下州郡乙巳十月從徐達常遇春等總馬步軍舟師水陸並進規取淮東未幾克海安進攻泰州時張士誠恐失泰州乃遣舟師薄海安駐范蔡港以疑我師 上識

國朝列卿紀

卷之二

二十

劉仕任

其意諭徐達曰寇兵初駐范蔡港吾度其有詐今觀望猶豫不敢卽派上流其爲詐益明然寇計窮不過欲分我勢非有決機乘戰之謀宜遣廖永忠還兵水寨禦之大軍勿輕動此寇徘徊江山自老之師乘其怠慢此日必克泰州既克江都瓦解不戰自潰但宜謹備之閏十月克泰州丙午三月克高郵四月克淮安等處八月從伐張士誠九月將游軍至湖州之德清遂取之獲船四十艘擒其院判鍾正及叛將晉德成十月攻昇山水寨克舊館降其將呂珍十一月下湖州具有浙西進圍蘇州與諸將各軍一門四面困之架塔築樓置弓弩火銳於上又設襄陽砲以擊之城震恐敵兵屢出屢劘吳元年九月城破士誠就

擒師還召見戟門賜彩段表裏七疋陞榮祿大夫中書平章政事降 勅褒諭有今日之功無忝古之名將等語十一月征南將軍湯和既下溫台慶元方國珍遁入海島 上命永忠為征南副將軍帥師自海道會和討之初國珍遁海中尚冀少延及聞永忠兵威益駭感失措遂率昆弟子姪詣軍門乞降得其兵械舟楫以萬計乃以谷珍及其降表送建康十二月帥舟師自明州海道徑取福州戊申正月 上卽帝位改元洪武諸功臣進秩 詔永忠以平章兼同知詹事院事時福州已下略定閩中諸郡兵至延平元參政文殊海牙以城降執元守臣平章陳友定先是永忠與湯和招定定不從至是我師隔水而陣分一

國朝列卿紀

卷之十一

三十一

高橋

矣定亂安民正在今日彼聞八閩不守湖湘已平中心震懾無固守之志若先遣人宣布威德以招徠之必有歸款迎降者可不勞師旅慎勿殺掠阻向化之心如其拒命舉兵臨之據其險要絕其聲援未有不降者且廣東要地惟在廣州廣州既下則循海州郡可傳檄而定海北以次招徠留兵鎮守仍與平章楊璟合兵取廣西用師方略率用是道肅清南服在此一舉丙辰永忠自福州遣人以書至廣東諭元江西分省左丞何真略曰迺者元君失馭天下土崩豪傑之士乘時而起分割州郡竊據疆土或假元之號令或自擅其兵威暴征橫斂吞食一方生民塗炭極矣今 天子受天命肇造區夏江漢既以底定閩越又皆帖服中原之地相繼以平惟兩廣僻在遐荒未沾 聖化予受命南征順者撫綏逆者誅殛恐足下未悟輒先遣人諭之使相告惟足下其留意焉二月壬午永忠率舟師趨福州航海趨廣東壬辰師至潮州何真遣其都事劉克佐詣軍門以廣潮惠款附上其印章并所部圖籍四月辛丑朔師至東莞何真率官屬出見乙巳師次虎頭山門小張元帥以所部來降戊申師至廣州之龍潭元將盧左丞遣鎮撫盧成納款得海舟五百艘軍士二千五百餘人馬三百匹糧五千餘石命指揮胡通守之乙卯遣兵攻破偽參政邵宗愚山寨獲宗愚等斬於廣州市初宗愚聞王師入廣州遣其黨羅元祥詣軍門降本以覘軍勢而

國朝列卿紀

卷之十一

三十一

高橋

實無降意永忠謂之曰欲降則來毋虛言以相欺也宗愚遷延累日竟不至永忠知其詐乃下令往攻之夜二鼓發兵直抵其寨詰旦破之宗愚據三山寨兄弟皆殘暴嗜殺近境被其害嘗再陷廣州大肆掠廣州民尤嫉之及面縛入城民往觀之爭唾其面遂與其弟皆棄市新會縣土豪黃彬河源縣曹文昌連州廖仁等復聚眾作亂自稱元帥永忠捕誅之南海縣人麥康祖以魘魅蠱毒殺人又捕斬之民大悅服由是諸郡相繼來歸永忠一一勞而撫之乃馳檄往諭九真日南朱崖儋耳三十餘城皆納印請吏不敢或後廣東既平遂進取廣西六月丙午兵至梧州境元達魯花赤拜住率官吏父老迎降廣西行省平章

國朝列卿紀 卷之二 三十三 高儒

林文之亦降時元吏部尚書普顏帖木兒張辨以便宜行事入廣西行次藤州聞永忠兵至即募兵欲迎戰民無有應之者既而開州守吳庸出降乃率所部百餘人走鬱林亮祖勒兵追之普顏帖木兒戰死張翔赴水死於是潯桂等州郡以次咸附七月甲午兵至梧州容州同知明安普化暨普寧縣達魯花赤開買等皆率父老迎謁丁酉師次貴州元鬱林州知州張那海同知王楚金降於軍門永忠遣亮祖會平章楊璟收未下州郡八月壬戌亮祖與璟合兵攻克靖江執元平章也兒吉尼戊辰永忠師至南寧元上浪屯田千戶朱真執其守將平章咬住叅政那海遣使請降永忠悉收諸司印章命真守其城送咬住等赴

京九月戊子元平章阮思蘭以象州降初思蘭自全州之敗率其餘眾退保象州永忠兵至梧州遣指揮耿天璧以討之師至賓州境思蘭遣其部將李左丞迎拒天璧擊敗之思蘭勢迫乃以其子僧保來納款至是自率所部詣永忠降獻其銀印三銅印三十七金牌五廣西悉平二年八月戊子永忠亮祖率師還至京 上命 皇太子率百官迎勞於龍灣之入見 上撫慰權甚既退復命 皇太子送永忠還第十二月 上大賞諸將謂永忠先充征南副將軍克平福建後日總兵取廣東比至南海何真已降克平三山邵宗愚等山寨又能調遣副將軍朱亮祖平定海南招諭兩江溪洞念其功賜白金二百五十兩文幣

國朝列卿紀 卷之二 三十四 高儒

二十表裏三年七月泉州漳州不靖永忠往撫之悉定其地十一月大封功臣 上諭諸將曰今日定封行賞皆至公而無私如廖永忠戰鄱陽時奮勇忘軀以與敵舟相拒朕親見之可謂奇男子然而使所善儒生窺朕意嚮以徽封爵止封為侯乃授開國輔運推誠宣力武臣榮祿大夫柱國封德慶侯食祿一千五百石賜誥命鐵券其文曰朕當開創之初賴智勇之士廓清海宇佐成帝業武功既集宜舉崇報之典咨爾永忠朕觀古書歷代之臣奕葉相傳兄弟相及皆為良臣者實不多見朕起自草萊駐兵和陽親臨大江見湍流之迅急非舟不渡心甚憂之時訪求多計必渡乃已俄爾兄廖將軍永安以所部舟師從人

來附朕得爾兄目視滯流如履平地遂東渡大江取采石克姑
孰定金陵獲朱鉞下毘陵身先士卒屢建奇勲奈何復宜興之
舊城與張氏鏖戰太湖及其事急永安麾兵先退奮身獨當之
雖士卒獲全而歸永安被執當時復勝張氏俘獲其眾萬人欲
以三千人生換永安而張氏不從後數年永安殞命朕憫勞追
封為楚國公然失此勇將不勝哀痛爾承忠乃能世濟其美非
獨戰陣有勇而智謀不下於羣將至於取安慶拔九江戰巫子
門平八閩定廣東南海爾功著焉今天下已定論功行賞朕無
以報爾是用加爾爵祿使爾子孫世世承襲朕本疎庸皆遵前
代哲王之典禮茲與爾誓若謀逆不宥其餘若犯死罪爾免二

國朝列卿紀

卷之二

五

王貴

死子免一死以報爾功嗚呼滿門熊虎之資兄終弟及為朕良
臣雖古亦罕見爾當以心膂之言訓及子孫永保世祿豈不偉
歟仍賜文繡及帛二十四疋推恩榮其三代十二月 上以偽
夏明昇尚據巴蜀有阻聲教親祀 上下神祇告伐之命湯和
為征西將軍永忠為副將率京衛湖湘舟師由瞿塘趨重慶傳
友德為征虜前將軍率河南陝西步騎由秦隴趨成都諭諸將
略曰今天下大定惟蜀川未平不可不討命卿等率水陸之師
分道並進首尾攻之勢當必克但師行之際在肅士卒嚴紀律
以懷降附無肆殺掠昔王全斌之事可以為戒卿等慎之四年
三月友德連克階文等州和與永忠克歸州四月欲進攻瞿塘

關以江水暴漲駐師大溪口 上聞和駐師候水平方進恐其
逗遛誤事適友德隆州捷至乃詔和曰傳將軍率精銳冒險深
入克諸州今次於平川蜀無險可恃正宜水陸並進使彼首尾
受敵疲於奔命平蜀之機正在今日若候水退然後進師豈不
失機誤事朕前嘗所以語爾者獨不記憶乎何怯之甚也永忠
聞命即率所部先進五月己卯兵至舊夔府先是偽夏丞相戴
壽等守瞿塘關及還兵內援乃留平章鄒興與副樞飛天張守
城至是聞永忠兵至出兵拒戰永忠分軍為前後陣前軍既接
乃麾後軍兩翼旁出興等大敗明日復併兵攻之擒其元帥龔
興殺溺死者甚眾六月辛卯兵至瞿塘關永忠以山峻水急而

國朝列卿紀

卷之二

五

杜如齊

蜀人設鐵索飛橋橫據關口我舟不得進乃密遣壯士數百人
舁小舟踰山度關以出其上流人持糗糧帶水筒以禦饑渴蜀
山多草木令將士皆衣青蓑衣魚貫出崖石間蜀人不之覺也
度其已至乃率精銳出墨葉渡分為兩道夜五鼓以一軍攻其
陸寨一軍攻其水寨攻水寨將士皆鐵裹頭船置火器而前黎
明蜀人盡銳來拒永忠已破其陸寨矣既而將士舁舟出江者
一時俱發上流揚旗鼓譟而下蜀人出不意大駭下流之師亦
擁舟前進發火炮夾擊大破之其將鄒興中火箭死遂焚其二
橋斷其橫江鐵索擒同僉蔣達等八十餘人斬首千餘級溺死
者無算飛天張鐵頭張等皆遁去永忠入夔府明日湯和兵亦

至永忠乃與和分道並進和率步騎永忠率舟師約會於重慶
永忠師行沿江州縣望風奔附丙申乘勝抵重慶次銅鑼峽明
昇與右丞劉仁等大懼仁勸昇奔成都昇母彭氏泣曰事勢如
此縱往成都不過延命且夕何益仁曰然則奈何彭氏曰大軍
入蜀勢如破竹今城中兵民雖數萬皆膽破心碎豈能効力若
驅之拒戰所傷必多亦終不免也不如早降以免生靈於鋒鏑
昇遂遣使請永忠軍門全城納款永忠以湯和未至辭不受癸
卯湯和至重慶會永忠以兵至朝天門外是日明昇面縛御壁
與母彭氏及劉仁等奉表軍門降和受璧永忠解縛承制撫慰
下令將士不得侵掠撫諭向大亨戴壽等家令其子弟持書往

國朝列卿紀

卷之二

五七

石全

成都招諭遣指揮萬德送昇等併降表於京師表略曰乾坤正
一統知天命之有歸日月仰大明撫華夷之無外萬方不冒四
海同歡欽惟 皇帝陛下功軼禹湯德乃堯舜運乾元不息之
妙寰宇肅清秉神武不殺之權生民永賴收豪傑於紛爭之日
施仁義於拯溺之時景運維新 皇謨丕顯故無征而不克亦
無令而不從臣昇僻處偏方懵無學識既廢寶融先幾之智又
乏錢俶早達之宜見同井蛙計窮穴鼠愆罪實由於已啓釁用
匪其人自揆愚蒙冒干天討顧閉關之何益遂開門以來迎俯
拜道傍竊效子嬰之繫頸仰瞻天上敢希孟昶之傾心謹將軍
馬錢糧府庫及土地人民以獻會傳友德克成都及崇德

國朝列卿紀 卷二

諸郡蜀地悉平十月永忠及諸將還京師上所佩將軍印綬
所得蜀金寶玉冊金虎符冠冕儀仗銀印五十八銅印六百四
十路府七元帥府八宣慰宣撫司二十五州三十七縣六十七
官吏將士凡五萬九百九十八人馬騾一萬三千八百餘匹十二
月論平蜀功 詔曰德慶侯廖永忠破瞿塘下重慶致明昇出
降功最大賞白金二百五十兩彩段二十表裏復賜第於京師
初蜀中捷至 上嘗親製平蜀文備紀其實以旌之洪武八年
三月二十四日卒永忠以豪雄茂爽之才虎視鷹揚之勇濟以
訂深宏遠之略而成夫光大奇偉之功觀其委身血戰殲彭蓋
之強兵曠歲攻圍縛姑蘇之僞主薄海而討國珍賣降恐後陣

國朝列卿紀

卷之二

五八

陳誠

水以擒友定授首莫逃平南之師見於廣海者霆擊馳夷落
妖氛頓息征西之捷著於瞿塘者神施鬼設蜀人心膽俱寒降
王破國於指顧之間斬將奪旗於談笑之頃其入重慶也威懾
德懷兵有紀律秋毫無犯市不易肆農不輟耕大慰民望雖曹
彬之下江南伯顏之入臨安亦不是過收聲定價豈直開國之
元勳實亦千古之名將也
胡美初名廷瑞避 御字改今名湖廣沔陽州人至正間仕陳
友諒為江西行省丞相守南昌歲辛丑八月 太祖率師征友
諒直擣九江僞都友諒走武昌時兵威震疊美知天命有歸乃
遣宣使鄭仁傑詣九江納款 上賜書慰諭于寅春 上正南

昌美迎謁於新城門外 上撫勞之俾仍故官癸卯八月友誼
 戰死於彭蠡其子理奔武昌復僭號九月 上復率諸將及美
 征理於武昌甲辰二月理出降武昌悉平美有功焉乙巳湖廣
 江西諸郡縣皆附乃規取淮東十月 命美同相國徐達等率
 馬步舟師水陸並進是冬克海安泰州丙午二月克高郵四月
 五月淮泗壽穎俱下八月統兵從大將伐張士誠十一月下湖
 州進圍蘇州吳元年九月破其城執士誠遂拔無錫州以歸論
 功 召見於戟門賜彩段表裏九疋加榮祿大夫中書省平章
 政事降 勅褒諭有今日之功無忝古之名將等語十月 命
 為征南將軍率安吉寧國南昌袁贛滁和無為等衛軍由江西
 國朝列卿紀 卷之二 三九

事是月壬午率師至建寧元守將同僉達里麻叅政陳子琦集
 僚佐謀曰聞大明軍驍勇自入杉關諸鎮兵皆望風瓦解其鋒
 不可當今吾城中軍士亦不下萬餘儲蓄尚富可以拒守不可
 與戰彼攻吾城不克必將自退吾因而乘之或可以得志眾皆
 曰然由是備禦甚堅美等進兵數與挑戰達里麻等固守不出
 我師環其四門攻之壬辰克建寧時美督兵攻城益急達里麻
 不能支夜潛至文輝營納款詰旦總管翟也先不花亦率眾請
 降美乃整軍入城嚴號令秋毫無所犯執陳子琦送京師獲將
 士九千七百九十餘人馬二百七十三匹銀一萬六千三百餘
 兩糧九萬八千六百四十餘石命指揮費子賢領兵守之二月
 國朝列卿紀 卷之二 三九

取福建 上諭美曰征伐所以奉天命平禍亂安生民故命將
 出師必在得人汝以陳氏丞相來歸事吾忠實無過故命汝總
 兵往取福建江西左丞何文輝為爾之副湖廣叅政戴德隨征
 從汝調發二人皆吾親近之人勿以此故廢軍政凡號令征戰
 一以軍法從事聞汝往年嘗攻閩中必深知其地理險易今總
 大軍征進凡攻圍城邑必擇便利可否為之進退無失機宜克
 定之功全賴於汝十一月帥師度杉關略光澤縣下之十二月
 師至邵武元守將李宗茂以城降得將士五千四百餘人至建
 陽降其守將曹俊疇命指揮沈友仁守之洪武元年正月 上
 即帝位功臣進秩詔美以榮祿大夫中書平章兼同知樞事

克興化遣建陽降將曹俊疇招諭汀州寧化連城等縣元汀州
 路守將陳國珍納款泉州郡縣相繼降附時王師已取福州延
 平諸路福建悉平統兵守禦五月 上幸汴梁召還扈從凡行
 在機務悉預區處兵行無擾於民二年十二月大賞征南及守
 禦功賜白金二百五十兩文幣十七表裏三年七月往河南等
 處招集故元王保保所部亡散士卒凡占籍在洪武元年者聽
 為民二年以後者收入兵伍十一月大封功臣授開國輔運推
 誠宣力武臣榮祿大夫柱國封豫章侯食祿一千五百石令世
 襲賜誥命鐵券其文曰昔竇融以河西歸漢載於前史後世稱
 之朕以武定四方乃有識天運而建事功如昔人者助成帝業

理當崇報咨爾胡美以漢沔之英當朕經略江右爾能識幾盡歸版籍以保全人民於是任以中書平章之職屢從大將征取江夏攻壽春平淮東克浙西遂取邵武建寧其功益著扈朕巡狩分省北京兵有紀律民得撫安况爲國之姻戚而著勲於當世今天下已定論功行賞朕無以報爾是用加爾爵祿使爾子孫世世承襲朕本疎愚皆遵前代哲王之典禮茲與爾誓若謀逆不宥其餘若犯死罪爾免二死子免一死以報爾功於戲慎守祿位以光勲業篤親親而厚風俗更以忠貞訓及子孫傳於永世豈不偉歟仍賜文綺及帛四十疋六年正月美收隸江州沔陽舊將士一萬四千四百餘人以舊校六十三人爲百戶分

國朝列卿紀

卷之二

三

王貴

三年十一月大行封賞賜文綺及帛十六疋 上欲優待之命食中書平章祿不署事子孫世襲指揮僉事五年命爲征南右副將軍統兵討靖州五溪等處蠻寇功與江陰侯同 上甚嘉之十一年定省臺等官歲祿之數伯昇每歲給七百五十石於官田內給與十二年春命往漳州理軍務未幾遣使齎符召還尋卒於京

李思齊字世賢河南汝寧府羅山人至正壬辰汝穎兵亂江淮諸郡皆殘破元兵致討卒無成功思齊奮義起兵邑中子弟多從之破賊事聞遂以思齊知汝寧府事於是所在義士俱將兵來會得數萬人丁酉二月破宋將崔德李武於同華等州陞四

國朝列卿紀

卷之二

三

王貴

領之人賜錢三千士卒人二千戰衣各一襲十三年正月改封爲臨川侯誥券文與前同六月遣使齎勅至湖廣諭美曰昨者上天垂戒朕思治理恤民爲先其王府一切役作宜皆停罷時美董建潭王府於長沙故以是諭之二十六年卒

李伯昇字直隸揚州府泰州人初與張士誠俱起鹽徒元兵圍高郵伯昇與士誠突圍出走士誠據姑蘇以伯昇守湖州屢引兵侵毘陵長興新城皆爲我師所剽後爲浙江行省平章歲丙午十月徐達帥諸將攻湖州伯昇固守十一月達遣馮國勝以降將呂珍徇於城下伯昇遂出降 上命仍其官洪武元年進榮祿大夫中書平章仍兼同知詹事院事二年征守陝西

大丈夫磊磊落落豈以小嫌介意哉夫堅甲利兵深溝高壘必欲極力抗我軍不知竟欲何為昔足下在秦中人以兵衆地險而從之雖有張思道專尚詐力孔興等自爲保守擴廓帖木兒以兵出沒其間然非勅敵足下當時不能圖秦自王已失此機今中原全爲我有與足下相爲犄角者皆披靡竄伏足下以孤軍相持徒傷物命終無所益厚德者豈爲是哉朕知足下不守鳳翔則必深入沙漠以圖後舉足下初入其地胡或面從然非我族類其心必異據其地不足以爲資失其地適足以自損夫使兵威人從尚云可也儻中原相從之衆以胡地荒涼或不樂居其心叵測一旦變生肘腋孑然孤弱妻孥不能相保矣且足

國朝列卿紀

卷之二

三

四百六

下本汝南之英祖宗墳基所在深思遠慮獨不及此乎誠能以信相許去夷就華當以漢待實融之禮相報否則非朕所知也思齊見書有降意其養子趙琦者與其麾下誘之與西入吐蕃思齊信之及二年三月馮宗異師至鳳翔思齊懼遂率所部十餘萬與琦等俱奔臨洮四月大將徐達在鳳翔會諸將議師所向諸將咸以張思道之才不如思齊慶陽易於臨洮欲先幽州取慶陽然後從隴西攻臨洮達曰不然慶陽城險而兵悍未易猝拔臨洮之地西通蕃夷北界河湟我師取之其人足以備戰關其地土所產足以供軍儲今以大軍促之思齊不西走胡東手就降矣諸將然之達遂遣馮宗異將天策羽林驍騎雄武金

吾豹韜等衛將士征臨洮思齊窮蹙遂舉臨洮降至京入見上以其順天愛民籌筭之良視元將倔強北奔者爲優深嘉慰之命爲江西行省右丞不之官食祿於京師時擴廓帖木兒與王保保等尚爲邊患三年五月命思齊率兵同大將取道潼關出西安以擣之四月大破擴廓軍於定西俘獲不可勝計保保等絕塞遁去又自秦州南出一百八渡至略陽擒元平章蔡琳遂入沔州又遣金興旺張龍由鳳翔入連雲棧合攻興元克之還軍西安是年征哨極於西北至冬始還論功賜文綺及帛二十四疋尋命爲中書平章子孫世襲指揮僉事 上欲優待思齊命食其祿不視事九年卒 上親爲文祭之曰卿昔爲民中原時

國朝列卿紀

卷之二

三

四百六

逢世亂獨能仗義施仁挺身奮臂率義旅以保關中臣元有年矣何元綱不振社稷陵替卿尚能固守臣節斬我行人忠臣之義可謂盡矣然大厦將傾非一木可支未幾胡君遁去中原之地復我漢人朕遂爲生民主當是時漢人棄丘壘從胡爲我中國仇讐至今身膏草野骨委沙漠惟卿退守臨洮心思父母之邦義忠族類是以全境保民助我成功今七年矣夫何久疾不痊以致長往噫握兵一世又得善終亦人之所難卿能如是豈不美哉朕聞卿沒不勝痛悼今遣官以牲醴致祭卿其享之復命其子世昌爲指揮誥曰昔君天下者賞有功而官有德聖人之心明爲歷代相承永爲模範爾李世昌年雖未冠而授兵

之職者何蓋為爾父遭時大亂能率眾以保關內是以民安而地闢及至胡人退諸雄有無知者以漢人棄父母之邦遺丘壠從胡人復仇我中國者無所成惟爾效竇融之事帥二萬騎及步兵之眾助朕成功至今關內之民時思之爾當習將之籌謀以待成人而備武特授爾某官永為世襲爾惟懋哉

國朝列卿紀卷之三

中書省左右承年表

湯和 見平章吳元年任左丞

王溥 江西安仁人元末歸附吳元年任右丞洪武元年兼副詹事三年食祿不署事後卒於京

吳宏 江西餘干人元末歸附吳元年任左丞尋遷指揮使後卒於京


趙庸 直隸合肥人元末歸附吳元年任左丞洪武三年封南雄侯後卒於京

楊憲 山西陽曲人儒士洪武二年任右丞三年改左本年伏誅

汪廣洋 詳丞相洪武三年任左丞

胡惟庸 詳丞相洪武四年任左丞

殷哲 山東膠州人洪武初貢士十二年任左丞本年致仕



中書省左右丞行實

湯和詳平章癸卯年任左丞

王溥字 江西饒州府安仁人仕陳友諒為平章守建昌頗

著聲望弟漢名漢二亦為友諒守將 太祖南征嘗命師取建

昌不克歲辛丑正月院判朱亮祖率兵擊溥於饒州之安人港

溥以兵拒戰我師不利六月友諒將李明道寇信州胡大海引

兵來援擊破之擒明道并漢二等十八人因送之朱文忠文忠

令二人招溥復送建康 上命皆仍舊職八月 上帥師討友

諒取江西以為鄉道江州既拔友諒奔走武昌溥遂以九月已

酉朔遣使來降俾仍守建昌已而龍興守臣胡廷瑞亦具書納

國朝列卿紀

卷之三

孫李

款壬寅正月 上至龍興溥率眾來見 上慰勞之尋遣率兵

取撫州及江西未附諸郡是年元張昶之來溥實遣人報於

上甲辰從克武昌遷資善大夫中書右丞洪武元年諸功臣進秩

詔溥兼副詹事從大將軍克平山東河南燕冀二年克陝西屢

有戰功賜文幣七表裏三年十二月天下既定論功行賞陞河

南行省平章 上欲優待之令食祿而不視事子孫世襲指揮

同知十一年定諸臣歲祿之數刻石官署溥每歲七百五十石

於官田內給與與平章李伯昇潘原明祿同五年五月溥遣人

來言近督取林木建昌蛇舌巖眾見巖上有衣黃衣者歌曰龍

蟠虎踞勢岩巖赤帝重興勝大朝八百年終王氣復重華從此

繼唐堯其聲如鐘歌已忽不見 上曰明理者非神怪可惑守

正者非讖緯可干漢之文成武利足以為戒事涉妖妄豈可信

也後卒於京龍飛記云溥以饒信干戈倣擾奉其母葉氏避兵

貴溪倉卒間母子相失凡十八年葉氏所在不可知而溥思母

亦切是歲正月忽夢母若告以所在者命上者筮之其繇辭曰

非巖即穴朽骨是藏及是溥言於 帝曰臣之父晉母葉氏實

生臣溥及弟漢寶而臣不天父也葉諸孤蚤所恃者吾母以長

以教故臣兄弟稍有成立而母亡已十八年微臣無似獲事

陛下比者推恩褒崇三代假寵於王氏甚厚獨念臣去鄉邑日久

倘賜之告得歸展省丘墓以伸私情臣不勝至願 帝為惻然

國朝列卿紀

卷之三

三

有制與之所以撫諭之者亦至仍命儀曹具祭物給之溥即日

回家躬率士卒詣貴溪之桃源山向母舊時避兵之處伐木入

山以物色求之不得夜號者三日既乃得其居人吳海能言咸

兵逼時夫人病不能行即自投井中死矣溥又披榛棘尋得井

俄有鼠自井中出跳入懷中旋復入井汲井索之葉氏遺骸果

在溥哀號益不自勝乃具衣衾棺槨即其地葬之

吳宏字 江西饒州府餘干人仕陳友諒為江西行省叅政

守餘干至正庚子七月鄱陽院判於光取饒州以其城來附

上命僉院鄧愈往鎮之屢殲友諒舟師威震境內宏深懷疑沮辛

丑愈以江南叅政行總制事推誠結納撫以恩信宏大感激會

上親取江州友諒奔武昌遂全城請降 上嘉其誠命招諭龍興
壬寅正月 上至龍興宏率眾來見 上慰勞之遂改愈為江
西叅政移鎮龍興宏代守饒州尋遣率兵取撫州等郡調守撫
州又從征下武昌以功拜中書左丞後遷親軍指揮宏涉獵經
史能詩工書奉母至孝見重於士大夫後卒於京

趙庸字老哥直隸廬州府合肥縣人僉院趙伯仲弟也元季兵
亂伯仲集義旅屯巢湖觀望時變會俞慶諸將歸於和陽伯仲
亦率所部舟師及庸來附乙未六月從渡江拔采石克太平丙
申定金陵累立戰功陞僉行樞密院事陳友諒陷太平誘殺安
慶守將趙普勝 上遂克安慶命伯仲守之友諒遣兵復破安

國朝列卿紀

卷之三

四

慶伯仲遁走直至龍江事聞 上怒曰主將不能堅守城池失
陷遠遁宜照失城池誅之常遇春諍曰伯仲係渡江勳舊冀曲
赦之 上曰不依軍法無以戒後人竟處以死令其子孫襲職
庸以兄故 上特授僉院辛丑從破安慶九江壬寅下南昌及
分兵取江南諸郡陞叅知政事癸卯四月陳友諒發國中兵
圍南昌期必拔圍且三月守將告急七月丙戌從 上率諸將
往征既至友諒解圍出鄱陽以迎我師大戰於康郎山戊子已
丑庸與諸將連擊敗之庚寅庸及俞通海廖永忠等以舟師深
入搏擊之敵兵大敗庸等還 上勞之曰今日之捷諸君之力
也八月友諒欲自湖口逸去庸等邀擊之友諒中流矢貫睛及

顛而死擒其太子善兒平定姚天祥其子理奔武昌復稱帝九
月 上還建康論功賜庸金帛甲辰從平武昌回克廬州拔安
豐乙巳十月 上以淮東偽吳之藩蒞命徐達馮勝等率步騎
庸與葉高率舟師水陸進取十一月克海安十二月克泰州丙
午三月破高郵四月下淮安庸皆有功八月從伐張士誠克昇
山水寨拔舊館下湖州并兩浙西進圍蘇州與諸將分門而軍
各嚴所部四面困之吳元年九月城破士誠就縛師還 上詔
庸於戟門賜采段表裏各六陞資善大夫中書左丞仍降褒諭
爾等今日之功無忝古之名將且謂江南既平當北定中原以
一天下十月從大將徐達取山東十一月克沂州益都十二月

國朝列卿紀

卷之三

五

下濟南戊申正月 上即帝位改元洪武諸功臣進秩詔庸以
中書左丞兼太子副詹事二月克東昌取棣州三月克汴梁回
月率步騎自中灣進取河南又自虎牢關進至河南塔兒梁元
將詹同脫因帖木兒戰敗將散卒走陝州遂進營於河南城北
門其行省平章梁王阿魯溫送款軍門遂克河南達命庸守之
七月達既拔關陝擇將鎮禦遂班師謀取元都庸與諸將各領
軍衛分布士馬渡河徇取河北州縣閏七月克衛輝下彰德取
廣平至臨清趨德州克長蘆直沽河西務通州八月庚午克元
兵九月克河間守之大軍尋下保定中山真定十一月徐達至
真定會常遇春於柳亭調庸守保定令收諸未附山寨十一月

從克太原二年從下陝西鳳翔鞏昌臨洮諸郡走張良弼降李
思齊五月元將也速兵侵通州 上命庸從常遇春率兵東還
拒之遂搗永平敗元將江文靖於錦川獲士馬以千計至大寧
也速遁破開平元君又北奔追至北河俘其宗王三人及平章
鼎住等凡得軍士萬人車萬兩馬三千牛羊五萬師還燕時慶
陽未下 上命庸副李文忠率師往應徐達合攻之八月癸亥
庸自北平行至太原聞元兵攻大同文忠謀於庸曰吾與若等
受命而來閫外之事有利於國者專之可也今大同受敵甚急
若候進止豈不失機庸曰諾遂由代出鴈門至馬邑適邏騎數
千奄至猝遇我師與戰敗之擒其平章劉帖木進次白楊門前

國朝列卿紀 卷之三 六 毛士遠

軍已駐營去敵五十里文忠至命遷之復前五里許是夜將脫
列伯悉銳來攻我師先以兩營誘敵自寅至辰度其饑疲乃分
一軍為左右翼奮擊大敗之生擒脫列伯縛於軍門降其眾萬餘
獲馬匹輜重無算遂進兵東勝州莽哥倉而還先是元主北走
屯益里命脫列伯孔興以重兵攻大同欲圖恢復當是時脫列
伯被擒孔興走綏德其部將復斬之來降元主知事不濟無復
南向未幾慶陽亦平十二月 上大賞平定中原諸將謂左丞
趙庸從大將軍克山東河南燕冀秦晉等處州郡又從開平王
白陝西復取上都後充副將軍同平章李文忠總兵山西應
大將軍乘勝勦補生擒脫列伯驗其功勞賞白金二百兩

十九表裏三年正月同文忠領兵征伐二月師出野狐嶺降其
守將進師察罕備兒擒其平章祝真三月甲午同文忠敗元太
尉蠻子平章沙不丁朵兒只八刺等於白海子之駱駝山遂進
次開平獲元平章上都罕等五月十五日同文忠率師北至應
昌克其城獲元君之孫買的里八刺及后妃官女金寶玉冊省
院諸官知元君於四月二十八日以疾殂太子愛猷識理達臘
以數騎北奔追之不及而還又至苦脫孫追太尉蠻子及奧魯
擒元平章伯答兒獲馬駝無算過中興擒元將江唐國公進攻
紅羅山擁兵自固者皆請降大軍所至朝廷遂空十一月師還
京丙申大封功臣 上諭諸將曰今日定功行封皆至公而無

國朝列卿紀 卷之三 七 劉汝忠

私如趙庸從平章李文忠取應昌其功不細然有小過止封為
侯乃授開國輔運推誠宣力武臣榮祿大夫柱國同知大都督
府事封南雄侯食祿一千五百石令子孫世襲 賜誥命鐵券
其文曰朕聞自昔佐興王業之臣有父及其子兄及其弟心實
嘉之世常罕見也當朕創業之初師駐和陽爾兄趙伯仲以所
部舟師從人來附東渡大江如履平地乃克采石定金陵從征
安慶侵其城因非命自却罷職而逝念其初附之誠授爾庸以
官督府中書歷任樞要比歲從大將軍下淮東平浙右復任北
伐以取齊魯汴洛燕冀秦隴助績著焉今天下已定論功行賞
朕無以報爾是用加爾爵祿使爾子孫世世承襲朕本疎曷

遵前代哲王之典禮茲與爾誓若謀逆不宥其餘若犯死罪爾免二死子免一死以報爾功於戲爾能鑒兄之不謀奮志超羣多建奇功而雲中之捷威聲尤振際遇今時可謂千載之一會尚其益宜勤勞訓及子孫享祿位於永久仍賜文綺及帛二十四疋尋命視都督府事四年伐蜀克歸州李逢春烽火山寨取桑植容美洞攻茅岡覃崖寨平之十四年秋閩南廣東羣盜爲亂勢猖獗上命庸率師討之十月漳州南靖民亂掠鄉邑庸遣兵擊捕其黨盡平湖州海陽民亂調兵平之擒賊千餘并其家屬二千七十一人十一月程鄉盜竊廢軍破其衆擒賊首偽萬戶饒隆海等一百五十人斬首四十餘級十五年正月討東

國朝列卿紀

卷之三

八

劉汝忠

五十人賊屬一萬六千餘人斬首八千八百級招降其一萬三千二百六十七戶詔庸班師至京入見上慰獎殊至賜綵幣上尊良馬十二月命山西理軍務賜鈔遣行十六年春巡撫北邊訓練士卒至冬召還洪武二十六年卒庸與伯仲初焉分路揚鏢既而監兄之覆轍範我馳驅卒以致遠西擊秦關北衝燕壁無不如意至感吳陪漢如出一軌其功烈當與傅頴公廖德慶並驅而爭先若餘將瑣瑣者當之則駑驥乘十駕莫及庸之所自立者固卓矣或者不稽其然徒從人妄議其所終不幾於侏儒觀場者乎是故與功者不徇名論人者必考實楊憲字希武山西大原府陽曲縣人初名慈少從父寓江南丙申年王師克集慶以儒士錄用留左右叅議憲美姿儀通經史有才辨本年使僞吳張士誠拘留不遣踰年放還除博士聽諮議擢江南行省都事時軍國多事征調日發文書委積憲裁決明敏然深刻猜忌有不足於已輒中傷之出爲山東行省郎中庚子年又使方國珍有口才善論禍福國珍以寧紹台來附還奏稱旨陞按察使遷中書省叅議癸卯年出爲江西行省叅政命總理饒州軍務召入爲司農卿時浙西初平憲以其民富實增其賦畝加爲二倍徵其稅民不堪命皆怨之上不知有揚州人陳敦禮者善滑稽號憲加賦爲擅田吳元年陞中奉大夫叅知政事憲在上左右既久熟於典故市權要寵輕

國朝列卿紀

卷之三

九

劉汝忠

視同列人莫敢與抗嘗頌上功德日勤行督責之政上曰欲使我失人心也不聽與張昶同在中書以昶才出已右構害之昶坐誅自是無憚專恣日甚十月詔定律令命憲為議律官上謂省臣曰法有連坐之條謂侵損傷人者以為鞠獄當恕非大逆不道則罪止及其身先王之政罪不及孥罰弗及嗣忠厚之至也自今民有犯者毋連坐參政憲對曰先王用刑世輕世重自元政姑息民輕犯法非重治之則犯者益重上曰民之為惡辟如衣之積垢加澣濯則可以復潔汙染之民以善導之則可以復新夫威以刑戮而使民不敢犯其為法也殘矣洪武元年命兼詹事府丞改今名本年改署河南行省參政事二年訓

國朝列卿紀 卷之三

十

附見

山西是年召陞中書省右丞三年遷左丞憲欲盡變中書省凡舊吏一切罷黜更用已所親信欲持權乃創為一統山河花押示僚吏以觀其從違附已者不次超擢否者去之以示編修陳桎桎賀曰押字大貴所謂只有天在上更無山與齊憲大悅數日奏陞桎翰林待制以奏對敏捷甚為帝所信任會一欲以憲為相問於中丞劉基基與憲素厚謂其不可以相曰憲有一相才無相器宰相者持心如水以禮義為權衡而已無與焉今憲不然寧無敗乎又問汪廣洋胡惟庸何如俱對不可相三年李善長病中書無官召汪廣洋為右丞相憲因劾廣洋陰事免廣洋官又不以為嫌使御史劉炳奏徙之海南上不從又教

炳誣奏刑部侍郎左安善入人罪上覺之下炳獄善長奏憲排陷大臣放肆為奸上命羣臣按治殺之汪廣洋詳丞相洪武三年任左丞胡惟庸詳丞相洪武四年任左丞殷哲字山東萊州府膠州人洪武初以貢士入大學有才識授翰林應奉歷四川重慶府知府時憲忠定始從里社師一見器之引充郡學弟子員語其師曰是兒將來遠到非吾所及當成就之十二年任叅知政事改左丞本年致仕

國朝列卿紀 卷之三

十一

附詳

國朝列卿紀卷之三終

國朝列卿紀卷之四

中書省叅知政事年表

李善長 詳丞相國初 辛丑年任

趙庸 詳左丞國初 壬寅年任

張昶 順天宛平人元末歸附 國初丙午年任尋伏誅

蔡哲 湖廣武昌人元末歸附吳元年任洪武元年調福建叅政歷侍御史免官

楊憲 詳左丞吳元年任

傅璈 湖廣松滋人元末入仕吳元年任洪武元年兼詹事府丞

汪廣洋 詳丞相洪武元年十二月任

劉惟敬 人洪武元年任大理寺卿十二月陞叅知政事三年三月改廣西叅政

國朝列卿紀卷之四

睢稼 人國初舉文學洪武二年任三年改弘文館學士

陳寧 湖廣茶陵人元末府掾洪武二年任歷御史大夫

胡惟庸 詳丞相洪武三年任

丁玉 直隸人元末入仕洪武六年任九年陞右御史大夫

馮冕 河南孟縣人洪武初舉儒士六年任九年改刑部尚書

殷哲 見左丞洪武十年九月任

中書省叅知政事行實

李善長詳丞相國初辛丑年任

趙庸詳左丞國初壬寅年任

張昶字 順天府宛平縣人仕元為戶部尚書辛丑年來附江西行省平章王溥遣人報於 上命仍其官甲辰年陞中書

右司都事丙午年陞中書省叅知政事外示誠款內懷陰計與

楊憲胡惟庸皆相善昶有才辨智識明敏熟於前代典故凡國

家建制度多出昶手裁決如流事無停滯昶恒自以元臣失節

謂不能無議已者心常快快時擴廓帖木兒兵尚強元都未下

昶私語其所親曰吾若得歸元仍不失富貴也間陰使人上書

國朝列卿紀卷之四

頌功德勸 上以語太史令劉基曰是欲為

趙高也基曰誠如 聖見必有使之者 上不欲窮治但斥之

焚其書後復勸 上重刑法破兼財之家多陳厲民之術欲

上失人心陰為元計 上皆不聽昶懼不安時元主謂昶已死贈

昶官謚擢用其子會平章李文忠下杭州以元平章長壽丑的

等至京師 上釋之遣歸元昶乃陰託長壽丑的奉表於元且

寄書其子詢存亡會昶臥病憲往候偶於昶臥內得書藁遂奏

之 上令大都督府按問昶書八字於牘曰身在江南心思

此 上始惜其才猶欲存之及得其所奏書牘詞曰彼叛意決

矣是不可赦遂伏誅

蔡哲字思賢湖廣武昌府武昌縣人元末仕陳友諒為御史于寅附王師授江西行省理問陞右司郎中 命往贛州招諭熊天瑞天瑞遂遣使入朝上嘉之擢中書省參議陞參政吳元年改授江西按察司僉事尋陞浙江行省參政本年復入為中書省參政命往四川報偽夏明昇聘因挾畫士同往圖其山川險易以獻洪武元年出為福建行省參政臨行諭之曰君子立身行已莫先於辨義利夫義者保身之本利者敗名之源常人則惟利是徇而不知有義君子則惟義是守而竟忘乎利此所以異於常人也福建地瀕海民物庶富番舶往來私交者眾往時官吏多為利怙陷於罪戾 命卿往必堅所守毋蹈其罪蔡哲

國朝列卿紀 卷之四

三

謝利 四百六

對曰臣以菲薄叨承恩命敢不盡公以報 帝曰公即無私義之謂也私即無公利之謂也要之公之一字亦未易言此心如此水明鑑無分毫私意累之然後揆事度物廓然無滯若使胸中微有芥蒂即不得為公矣卿宜勉之哲頓首受命二年召為侍御史三年十月以所舉御史犯法為廷臣所劾坐免官尋卒上深惜之 命賜棺歸葬鄉里

楊憲詳左丞吳元年任洪武元年兼詹事府丞

傅璫字

人初名玳元末入仕留侍左右吳元

年陞中書省參知政事本年詔定律令命為議律官諭璫曰汚染之民以善道之則可以復生求生於重典是索魚於釜也及

律令成付按察司巡歷州縣使內外知所遵守洪武元年正月命兼詹事府丞二月同左丞相李善長學士陶安進郊社宗廟議八月京師火 帝謂中書省臣曰近京師四方水旱相仍朕夙夜不違寧處豈刑罰失中武事未息徭役屢興賦歛不時以致陰陽乖戾而然邪卿等同國休戚宜輔朕修省以消天譴等對曰古人有言天心仁愛人君則必出災異以譴告之使知變自省人君遇災而能警懼則天變可弭今 陛下修德省愆憂形於色居高聽卑天實監之願臣等侍罪宰府有垂憐憫聖衷憂咎在臣等 帝曰君臣一體苟知謹懼天心方回卿等其盡心力以匡朕之不逮二年改禮部右侍郎三年以年老致仕

國朝列卿紀 卷之四

四

謝利 四百六

汪廣洋詳丞相洪武元年任二年出參陝西

劉惟敬即惟謙

人吳元年以才學舉任大理寺少

卿洪武元年擢大理寺卿定律令本年設六部改刑部郎中十二月遷參知政事二年改廣西參政詳刑部尚書

睢稼字

人元末入仕以文學侍左右多所啓

沃擢翰林應奉洪武二年陞中書省參知政事冬十月十三日

甲戌膏露降於乾清宮後苑蒼松之上光潤如酒凝結如脂又

如珠昉白飴甘彌布松柯聲冽氣遠左右勃鬱淋漓露灑大蘇

丙子日李善長率羣臣賀 帝曰甘露之降載在往牒然休

咎之徵當以類應朕惡足以致斯卿等為朕明言之稼對曰聖

人之德上及太清下及太寧中及萬民則膏露呈瑞 陛下敬
赤天地輯和人民故天不愛寶使嘉祥徵顯也 帝推而不居
三年改弘文館學士餘詳國初侍臣

陳寧字 湖廣長沙府茶陵州人元末為鎮江小吏以代武
人單師言事 上覽之甚喜召見擢江西行省掾史已亥陞廣

德知府辛丑除樞密院都事癸卯改按察司僉事甲辰陞浙江
按察使已巳拜中書參議降大倉市舶令洪武元年人為司農
卿遷兵部尚書二年出為松江知府陞中書省參知政事三年
坐事知蘇州府詳右御史大夫

胡惟庸詳丞相洪武三年任

國朝列卿紀 卷之四

五

丁玉直隸

人初名國珍元末仕韓林兒為御史

國初用為九江知府彭澤山民叛玉聚鄉兵敗之事聞 賜鞍

馬以其有武略轉為指揮更名玉屢立戰功陞都指揮使洪武

六年遷中書省參知政事九年陞右御史大夫十二年轉左詳

左御史大夫

馮冕河南懷慶府孟縣人洪武初年以儒士舉授樂城縣丞屢

春坊贊善六年陞中書省參政詳國初刑部尚書

殷哲見左丞洪武十二年任

國朝列卿紀卷之四終

國朝列卿紀卷之五

開國侍臣序

國初稽古右文設翰林院職官以文學承顧問出入侍從因得
參謀議納諫諍其職清而地禁至洪武三年又法唐永徽之制
設弘文館學士十三年又法古四輔之義設四輔官至十五年
又倣宋殿閣大學士之制設大學士凡一時耆舊業進而登或
拔自科甲或徵自薦舉或錄自亡國類以所學利見於世又能
或翼或從尸天之功云

國朝列卿紀

卷之五

一

國朝列卿紀卷之五

弘文館學士年表

胡鉉 武三年任六年致仕

劉基 浙江青田人薦舉歷御史中丞洪武三年任尋封誠意伯

羅復仁 江西吉水人歸附洪武三年任本年致仕

危素 江西金谿人故元學士承旨洪武三年任本年謫和州

睢稼 書省參政洪武三年任

王本中 舉洪武三年任

國朝列卿紀 卷之五

二

弘文館學士行實

胡鉉字 人洪武三年四月初置弘文館以鉉為

學士六年賜還鄉

劉基字伯溫浙江青田人年十四入郡庠從師授春秋經人未嘗見其執經誦讀而默識無遺習舉業為文有奇氣決疑義出人意表凡天文兵法諸書過目洞識其要講性理於復初鄭先生聞濂洛心法即得其旨歸先生大器之乃謂基父曰吾將以天道無報於善人此子必高公之門矣元至正癸酉舉進士授江西瑞州府高安縣丞揭文安公侯斯見之謂魏徵之流而英特過之將來為濟時器也基在燕京時閱書肆有天文書一

國朝列卿紀 卷之五

三

帙因閱之經夕翼日即背誦如流其人乃大驚欲以書授之基曰已在吾胸中矣無事於書也及丞高安有進賢鄧祥甫者精於天文術數迺以其學授基焉之官以廉節著發奸摘伏不避強禦為政嚴而有惠小民自以得基為慈父而豪右數欲陷之時上下咸知其廉平卒莫能害也新昌有人命獄府委基復檢案實得其故殺狀初檢官得罷職罪其家倚蒙古根脚欲中基以復讐江西行省大臣素知基遂辟為職官掾史以謹直聞後與幕官議事不合遂投劾去隱居力學至是而道益明後為江浙儒學副提舉為文省考試官頃之建言監察御史失職請臺憲所沮遂移文決去嘗遊西湖有異雲起西北光燄

時魯道原字文公諒諸同遊者皆以爲慶雲將分韻賦詩基獨
縱飲不顧乃大言曰此天子氣也應在金陵十年後有王者起
其下我當輔之時杭城猶全盛諸老大駭以爲狂且曰欲累我
族滅乎悉去之基獨呼門人沈與京置酒亭上放歌極醉而罷
時無能知者惟西蜀趙天澤知其才器以爲諸葛孔明之流嘗
作文以期之方谷珍反海上元帥原兒只班被其誘脇省憲復
舉爲浙東元帥府都事基即與元帥納隣哈刺謀築慶元等城
賊不敢犯及帖里帖木耳左丞相招諭方寇復辟爲行省都事
議收復基建議招捕以爲方氏首亂掠平民殺官吏是兄弟者
宜捕斬之餘黨脇從註誤宜從招安方氏兄弟聞之懼請重賂

國朝列卿紀

卷之五

四

鄂名景

基悉却不受執前議益堅帖里帖木耳左丞使其兄子省都鎮
撫以基所議請於朝方氏乃悉其賄使人浮海至燕京省院臺
俱納之准招安授谷珍以官乃駁其所議以爲傷朝廷好生之
仁且擅作威福罷帖里帖木耳左丞輩羈管基於紹興基發憤
慟哭血嘔數升欲自殺家人葉性等力阻之門人密里沙曰今
是非混淆豈自經於溝瀆之時耶且太夫人在堂將何依乎遂
抱持得不死因有痰氣疾是後方氏遂橫莫能制兩越皆從亂
如歸基在紹興放浪山水以詩文自娛時與好事者遊雲門諸
山皆有記行省復以都事起基招安山寇吳成七等使自募義
兵賊拒命不服者輒擒誅之略定其地復以爲樞密院經歷與

行院判石抹宜孫守處州安集本郡後授行省郎中經略使李
國鳳巡撫江西諸道採守臣功績奏於朝時執政者皆右方氏
遂置基重功不錄由儒學副提舉格授處州路總管府判諸將
聞是命下率皆解體勅書至基於中庭設香案拜曰臣不敢負
世祖皇帝今朝廷以此見授無以宣力矣乃棄官歸田里時從
義者俱畏方氏殘虐遂從基居青田山中乃著郁離子客或說
基曰今天下擾擾以公才略據括蒼併金華明越可折簡而定
方氏將浮海而避公矣因畫江守之此勾踐之業也舍此不爲
欲悠悠安之乎基笑曰吾平生忿方谷珍張士誠所爲今用子
計與彼何殊耶天命將有歸子姑待之會 太祖下金華定括

國朝列卿紀

卷之五

五

陳棟

蒼乃大置酒指乾象謂所親曰此天命也豈人力能之耶客聞
之遂亡去基決計趨金陵衆疑未決母夫人富氏曰自古衰亂
下之事在吾所輔者爾奚以衆爲乃悉以衆付其弟陞俾家人
業性朱佑等叅掌之且曰善守境土毋爲方氏所得也勿憂我
適總制官孫炎以 上命遣使來聘遂由間道詣金陵陳時務
十八策 上從之會陳友諒入寇獻計者或謀以城降或以鍾
山有王氣欲奔據之或欲決死一戰不勝而走未晚也基獨張
目不言 上召入內基奮擘曰先斬主降議及奔鍾山者乃可
破賊爾 上曰先生計將安出基曰如臣之計莫若傾府庫開

至誠以固士心且天道後舉者勝宜伏兵伺隙擊之取威制敵以成王業者在此時也 上遂用其策乘東風發伏擊之斬獲凡若干萬 上以克敵之功賞基悉辭不受中書省設御座將奉小明王以正月朔日行慶賀禮基大怒罵曰彼牧豎耳奉之何為獨不拜適 上召基遂陳天命所在 上大感悟乃定征討之計復將討友諒於九江基曰金星在前火星在後克之必矣 上大喜遂攻皖城自昏達旦不拔基以為宜逕拔江州

上遂率軍西上陳氏率其屬走湖廣江州平 上使都督馮勝將軍攻 城命基授方略基書紙授之使夜半出兵云至某所見某方青雲起即伏兵頃有黑雲起者即賊伏也慎勿妄動日中

國朝列卿紀

卷之五

六

石全

後黑雲漸薄回與青雲接者此賊歸也即御枚躡其後擊之可盡擒衆初莫肯信至夜半詣所指地果有雲起如基言衆以為神莫敢違竟拔城擒賊而還王漢二以饒信降 上命基撫之陳氏洪都守將胡廷美使其子納降請禁止若干事 上初有難色基自後賜所坐胡床 上意悟許之廷美遂以城降初基聞母富氏喪悲慟欲即歸 上以書慰留之期以成功基不得已遂從征伐至是辭歸 上遣禮官伴送累使帛祭恩禮甚隆時苗軍反金華括蒼殺守將胡大海耿再成孫炎等衢州或謀翻城應之守將夏毅懼無所措會基至即迎入城一夕定之即發書金處屬縣諭以固守所部遂同邵平章榮諸軍克復處城

擒苗帥賀仁德李佑之處州平基至家營葬事時與所親論

上必當有天下之狀於是鄉里及隣近郡縣翕然心服方氏雖據

溫明三郡其士大夫皆仰基如景星慶雲其小民亦未嘗不懷

其舊德也方氏素畏基名時遣人致書奉禮不敢受使人白於

上上因令基與通問因宣國家威德方氏遂納土入貢 上時使

人以書訪軍國事即條答悉合機宜某年月日赴京道經建德

今嚴州也適張氏入寇時曹國公守建德欲奮擊之基乃使勿

擊日不出三日賊當自走追而擊之此成擒也比三日黎明基

登城望之曰賊走矣衆見其壁壘旗幟皆如故且聞嚴鼓聲疑

莫敢輕動基趣使疾進兵至則皆空壘擊鼓者乃所掠老幼耳

國朝列卿紀

卷之五

七

文蔚

遂窮追賊至東陽悉擒之以還基至京時陳友諒據湖廣張士誠據浙西皆未下衆以為蘇湖地肥饒欲先取之基曰張士誠自守虜耳陳友諒居上流且名號不正宜先伐之陳氏既滅張氏如囊中物耳會陳氏復攻洪都 上遂伐陳氏因大戰彭蠡湖勝負未決基密言於 上移軍湖口期以金木相犯日決勝上皆從之陳氏遂平 上還京定計取張士誠因定中原拓土西北基密謀居多 上或時至基所屏人語移時乃去雖至親密莫知其由命為太史令一日基見日中有黑子奏曰東南當失一大將時叅軍胡深伐福建果敗沒他日基見 上上方欲刑人基曰何為 上語以所夢基曰二人頭上有血是衆字頭上

有血以土傳之乃得土得衆之象應在夢後三日當有報至
上遂留所欲刑之人以待之三日後海寧以城降果如基言捷至
上大喜悉以所留人俾基縱之熒惑守心羣臣皆震懼基密奏於
上宜罪已以回天意次日 上臨朝卽以其語諭羣臣衆心始安
後大旱 上命訊獄凡平反出若干人天應時雨 上大喜因
奏請宜立法定制 上從之張士誠平後張昶欲亂政乃使人
上書稱誦功德勸 上宜及時爲娛樂 上以示基基曰是欲
爲趙高也 上領之利色動知基得其情也乃使齊翼巖等伺
察其陰事未及登而昶先事受誅及司天臺災翼巖因爲書言
之於 上其事多平日基密聞於 上或 上使爲之者翼巖
國朝列卿紀 卷之五 八

我任其責掃除弊俗一二年後寬政可復也 上幸鳳陽使基
居守基志在澄清天下乃言於 上曰宋元以來寬縱日久當
使紀綱振肅而後惠政可施也乃命憲司糾察諸道基素剛嚴
彈劾無所避凡中書內府闈人吏胥有犯卽捕治宦者監工不
肅及府衛舍人奕棋基啓 皇太子悉實於法案劾中書省都
事李彬侮法等事罪當死丞相李善長素愛彬乃請緩其事不
聽遣官齎奏詣行在 上從其議處彬刑基承旨斬之由是與
李善長大忤 上回京李善長愬之基乃求退 上命歸鄉里
基奏曰鳳陽雖帝鄉然非置都之地王保保雖可取然未易輕
也願聖明留意焉遂辭歸後定西失利王保保竟走沙漠 上
國朝列卿紀 卷之五 九

德而已無異焉者也今憲不然能無敗乎 上曰汪廣洋何如
基曰此器局褊淺觀其人可知曰胡惟庸何如基曰此小獍將
債轅而破犁矣 上曰吾之相無踰於先生基曰臣非不自知
但疾惡太深又耐繁劇為之且孤大恩天下何患無才願

明主悉心求之如目前諸人臣誠未見其可也 上嘗與論兵曰
克敵在兵制兵在將兵無節制則將不任將非其人則兵必敗
是以兩軍之間決生死成敗之際有精兵不如良將基曰臣每
觀廟算初謂未必皆然及摧鋒破敵動若神明臣由是知將之
勝又不若主之勝然 陛下不拘古法而勝尤人所難 上曰
兵者謀也因敵制勝豈必泥於古哉戰陳之事闔闢奇正項刻

國朝列卿紀

卷之五

十

石全

變化如風雲之無常勢要在通其變爾三年七月授弘文館學
士十一月進封誠意伯四年正月 賜歸老鄉里二月至家遣
長子璉捧表詣闕謝 恩是年八月蜀平復遣璉進賀平蜀表
頌 上仍以文答之八月 上使尅期以手書問天象事基悉
條答其大意以為霜雪之後必有陽春今國威已立自宜少濟
以寬書奏 上悉以付史館其書稿併已前奏請諸稿皆焚之
莫能得其詳也初基言於 上既括間有隙地曰淡洋抵福建
界之三魁元末頑民負販私鹽因挾方寇以致亂累年民受其
害遺俗猶未革宜設巡檢司守之 上從之及設司頑民以其
地係私產且屬温州界抗拒不服適若洋逃軍周廣二反

前而不先由中書省時胡惟庸為左承掌省事因挾舊忿欲構
陷之乃使刑部尚書吳雲林老吏訐基乃謀以基欲求淡洋為
基地弗與則建立司之策以逐其家庶幾可動 上聽遂以為

案奏賴 上素知基置不問省部逮其長子獄 上時已勅璉
歸及奏 上曰既歸矣免之基入朝惟引咎自責而已先是楊
憲敗後汪廣洋為丞相未幾而貶廣東乃相惟庸基乃大感嘗
謂人曰使吾言不驗蒼生之福也言而驗者其如蒼生何遂憂
憤而舊疾愈增洪武八年正月胡丞相以醫來視疾飲其藥一
服有物積腹如卷石遂白於 上上亦未之省也自是疾遂篤

國朝列卿紀

卷之五

十一

高見

三月 上以基久不出遣使問之知其不能起也特 御製為
文一通遣使馳驛送鄉里居家一月而薨享年六十五遺文有
離子十卷履齋集二十四卷寫情集四卷長子璉集所遺文稿
五卷名曰犁眉公集基未薨前數日乃以天文書授使服闋進
且戒之曰勿令後人習也復命謹之語次子仲璟曰胡惟庸必
敗我欲奉遺表無益也日後 上必思我待有問當密為我奏
其略以為修德省刑祈天永命且為政寬猛如循環耳諸形勝
要害之地宜與京師聲勢相連絡幸 聖主留意基平生剛毅
慷慨有大節每天下安危則義形於色然與人交遊開心見誠
坦蕩無間至於義所不直無少假借雖親之者以此而忌之

亦以此惟 上察其至誠任以心膺基亦以為不世之遇知無
不言每遇急難勇氣奮發計畫立就外人莫能測其機累贊

上成大功 上嘗臨朝稱之輒逡巡不敢當家居惟飲酒奕棋未
嘗自言其功每天象有大變則累日不樂以天下蒼生為憂喜
上天威嚴重惟基抗言直議不以利害怵其中 上亦甚禮之嘗
稱為先生而不名又曰吾子房也廷臣或有過失得譴者密為
救解而免其人或知而諂謝者則拒不納其人不知亦未嘗為
言也居鄉里守義尚節儉多陰德不以富貴驕人初與同郡葉
琛胡深章溢金華宋濂同出處有通家之好至於居官任政則
各行其志俱以功名顯於世而基與宋公又文章為當代首稱

國朝列卿紀

卷之五

十一

劉仕任

云

傳信錄云京師自夏至秋不再有司禱求不應 太祖曰在京
法司及在外巡撫御史按察司冤枉下人以致天旱遂速京畿
巡按御史何士弘等至京 命細於馬房及 諭中書省御史
臺都督府言事次日基言三事一曰出陣亡故軍妻數萬盡令
寡婦營居住陰氣鬱結二工役人死暴露屍骸不收三張士誠
投降頭目不合充軍一太祖曰寡婦聽其嫁人不願者送還鄉
里依親工役人釋放營家投降頭目免充軍役旬日仍不用
太祖怒曰劉基著還鄉為民御史按察司官俱令自駕船隻發汴
梁安置被問官吏赦罪還職後得北方欲用舊人乃謂

發在汴梁御史等官俱係舊人宜盡用之

詞林記云予觀誠意伯集慨然激歎以為有子房之風及誦

聖祖之言亦曰吾子房也夫子房椎擊沙中何異伯溫之憤方氏
其受天文於邵祥甫又何異於圯上老人之三略哉漢之元功
大封子房子房願封留足矣乃辭不受引明善保身始神黃石
之術終從赤松之遊易曰介石不終日貞吉何其智也而伯
溫乃徘徊容與雍權於羅象以商焚置其忠於國而弗智於身
耶

遼聞錄云 太祖親征遼大破於影壁山與伯溫皆在御
舟以觀將幸搏戰伯溫忽躍起大呼 太祖亦驚起疑其作亂

國朝列卿紀

卷之五

十三

楊文懿

見伯溫雙手麾之連聲呼曰難星過可更舟 太祖聽其言而
更之坐未半餉舊舟已為敵砲擊碎矣後勝負未決伯溫密言
於 太祖曰可移軍湖口期以金木相尅日決勝 太祖從之
遂平陳氏

楊文懿公曰子房不見詞章玄齡僅游符檄公勲業造邦文章
傳世可謂千古人豪或疑公遺事胡元專門象數何異管伊尹
之屢就恨周公之多才也

羅復仁字 江西吉水人初從陳友諒為編修甚見禮禮歲

壬寅 太祖高皇帝兵至九江復仁來降 命侍左右癸卯從
破友諒於鄱陽湖 命齋蠟書招諭臨江袁州諸郡甲辰除中

嘗省諮議性率直每論事指陳得失無所隱避益親信之及武
昌久圍不下 上以復仁友諒舊臣 令往招諭其子理復仁
至城下號慟不已理怪之使召之入復仁曰今不降大兵且屠
城諸民何罪早為之所則族可保也理由是遂降復招諭江西
還為國子助教以老 賜車出入每宴見 賜坐飲食丙午奉
使山西招諭元將擴廓帖木兒前使多被拘留復仁議論慷慨
獨還洪武元年擢編修二年冬齋 詔諭安南命母侵占城既
至曉以大義安南王悅服還贈以黃金吉貝復仁辭不受歸奏
之上多其廉讓適安南使者至仍令持之以歸改翰林檢閱未
幾拜弘文館學士屢 召論事復仁多士音質俚 上以其率
國朝列卿紀 卷之五 十四

直多見聽納尋乞休 賜大布之衣書曰性雖粗率忠直可嘉
賜爾布衣放歸田里仍賜玉帶名馬鐵杖杖坐墩諸物 上嘗
幸其第復仁方操塗具急呼其妻取菴故 上每呼為老實羅
云
詞林記云馬援有言非惟君擇臣臣亦擇君夫中原鼎沸醜虜
羶汗羣雄角力未知鹿死誰手復仁乃能辭其故主翊戴真龍
推心置腹直見本真綸綍之褒非溢美也
危素字大朴江西撫州府金谿人年十五能究五經大旨與同
郡葛將曾堅黃暉更相策勵乃從吳沉范梈遊遂知名薦入經
筵為檢討歷陞學士承旨榮祿大夫知制誥奏請加封朱考亭

楊龜山李延平真西山蔡九峯從祀俱從其論 國初徐達收
燕京令故臣咸投告身素與編修黃暉誓死於難有報國寺僧
梓者救之乃免而暉竟死矣達乃以素歸 上雅聞素文學仍
命為侍講學士因進言宋朝諸陵為元西僧所發以理宗頂骨為
飲器 上聞之惻然曰宋南渡諸君無大失德與元又非世讐
既乘其弱取之何乃縱奸人肆酷如是耶即命守將吳勉訪索
頂骨得之僧廬 命有司厝於京城之南紹興亦以永穆陵圖
來獻 命掩瘞故處冬十月時值甘露降宋濂為頌 上問素
此何徵也素曰王者愛養耆老則甘露降而松柏受之尊賢容
衆則竹葦受之今甘露降於松是 陛下養老所致也宜以制
國朝列卿紀 卷之五 十五

幣冊告 宗廟頒於史館以永休聞尋坐失朝免三年四月起
原官 命素及胡鉉睢稼王大中俱為弘文館學士鉉告歸素
撰 皇陵碑以獻 上念其老 賜小車免朝謁時從論說經
史質証疑義御史王著等劾素亡國之臣不宜居侍從乃謫居
和州之含山縣五年二月以疾卒所著有宋史稿元史稿文集
五十篇奏議二卷
詞林記云素仕元秉文衡都樞要學者仰之如星鳳及徐達收
燕薊命仕元者投告身素與編修黃暉約死於難暉死而素背
約焉及至躋顯榮陟清華愧東閣之履聲慘南滁之汗顏自經
於溝瀆而不知恥莊生有言哀莫大於心死素之謂矣

餘冬序錄云危大朴素黃殷士等皆撫之金谿人少同學問至正中危仕至中書叅知政事翰林學士承旨黃翰林侍制洪武元年八月天兵定燕都危走所居報恩寺俯身入井寺僧大梓等挽出之謂曰國史非公莫知公死是死國之史也危由是不死垂老喪節黃投居賢坊井中從人張午下救負以出為獻歛曰君小臣而死社稷耶黃曰齊太史兄弟皆死小官彼何人哉午終不解還舍置酒殺使家人歌舞為勸環守至日晏會大將軍徐達下令勝國之臣俱輸告身黃給午取告身若欲輸官午喜出及還求弗得亟往視井黃已死午買棺入殮僧梓與營葬焉危黃事始同而終異如此其墓碑皆宋景濂氏為銘之危

國朝列卿紀 卷之五 十六

初為禮部尚書每陳得失自云吾不畏丞相畏後世史官耳元亡史存景濂云皆危力也嗚呼危故史官知畏史力能存史然得罪元史深矣元史初成無直筆其乃來君子之議乎若黃乃真無媿齊太史者僧梓拯危何如送黃之為義雖然梓非所責黃固梓之人也濂作大樸銘多假借詞無乃過乎後世並與銘殷士者觀之死榮生辱自霄壤矣

睢稼字 人國初入仕任監察御史以文學侍左右多所啓沃授翰林應奉洪武二年陞中書省叅知政事冬十月十三日甲戌宵露降於乾清宮後苑蒼松之上丙子日本善長率羣臣稱賀帝曰甘露之降載在往謀然休咎之徵當

以類應朕惡足以致斯卿等為朕明言之稼對曰聖人之德上及太清下及大寧中及萬民則膏露呈瑞陛下敬恭天地輯和人民故天不愛寶使嘉祥徵顯也帝推而不居三年改弘文館學士日與劉基羅復仁危素胡鉉王本中同居館中時資獻納年致仕

王本中 人薦舉洪武三年任

國朝列卿紀 卷之五 十七

國朝列卿紀 卷之五 終

國朝列卿紀卷之六

國初侍臣四輔官年表

安然 河南祥符人元左丞來附

王本 春官兼太子賓客本年北極刑

李幹 山西絳州人故元編修洪武

杜敬 山西壺關人者儒洪武十三年

李祐 任春官兼太子賓客本年致仕

龔敬 江西鉛山人者儒洪武十三年任春官兼

趙民望 直隸藁城人者儒洪武十三年任

吳源 福建莆田人者儒洪武十三年任夏官

國朝列卿紀 卷之六

何顯周 直隸內黃人者儒洪武

國初侍臣四輔官行實

安然字 河南開封府祥符縣人徙居直隸鳳陽府穎州

季為山東行省左丞守萊州大軍下山東然率眾歸附洪武

年授起居注轉給事中尋擢山東行省叅政立心平正撫綏勤

勞祿止養身餘以給公用二年召還為工部尚書三年正月奉

命於社稷壇北建祭殿五間又建拜殿五間以備不測風雨祭祀

八月建議功臣守墓人戶各以本官封爵品級為差其合用石

碑石獸之數亦令有司依品級成造 上從其議尋詔功臣故

不建享堂墳塋葬具皆自備惟戰沒者官給之五年調河南叅

政九月改行省為布政使司陞浙江布政使十二年陞御史臺

國朝列卿紀 卷之六

右大夫十三年革左右御史大夫改左中丞夏五月癸巳坐事

免官還鄉未幾復召為四輔官每論事 賜坐多所裨益十四

年秋八月庚申以疾卒年五十八 上念來歸之誠親製文遣

官祭之其略曰爾中土之士當元季從事義旅效力於元及元

運既終我師長驅齊魯是以棄胡歸我其來甚誠朕用爾嘉數

授重位嘗干於法朕特釋之昨為朝無舊臣復召爾來所望加

誠事朕何其遽以疾終朕思初歸之義以牲醴致奠爾其享之

王本字 人洪武十三年以吏部尚書

范敏薦召至京勅曰朕觀上古君臣必正直無私心同氣合方

乃上悅天心下忻地祗致海嶽效靈於是乎經邦論道永安社

稷利濟生民臣亦昌焉朕本布衣遇天更元運偶與羣雄並驅
逢多難遇深艱率英俊自中土渡江東造基於此君天下子庶
民十有三年矣永惟致治必在得人乃訪近臣而求士得爾諸
儒來朝朕甚欲與賢者周旋以安寰宇然知人之道堯舜猶難
苟面從志異無利濟之誠則不惟昊天昭鑒實有孤於朕懷故
勅爾羣儒若志秉忠誠則可交於神明與朕同遊以安天下豈
不偉哉乃以本任春官兼太子賓客既而 上坐武英殿西廡
召見諸儒使各言其志本等對曰爲士者貴幼學壯行然求之
往昔懷致君澤民之志而不遇明主道不行功不立徒湮沒於
世如此人者豈不惜哉今臣等草野愚陋學不足以明道才不

國朝列卿紀

卷之六

三

毛士遠

足以經世誤蒙 聖上以儒臣召與圖治道臣等遭遇恩榮誠
千載一時慶幸何如若不思報稱是自棄於明時何以稱士
上悅故授以是職告於太廟十月勅本等竭力忠誠以感格天心
十四年正月命刑官聽兩造之辭果有驗罪正以五刑議定然
後入奏既奏錄其所授之旨送四輔官諫院官給事中覆覈無
疑然後覆奏行之有疑諫則四輔官封駁之者爲令九月 上
謂四輔官王本等曰天道福善禍淫不言而見君有德而降祥
以應之不德其降災以警之故天之於君猶父之於子子不善
而警之安敢不懼恭謹懼無違猶慮有非常之災若恣肆不戒
豈能免當然之責朕與卿等皆當慎之後坐極刑

李幹字 山西平陽府絳州人元翰林院編修改國子監博

士退居於鄉 國朝洪武九年授本州儒學訓導十三年遣

勅召之曰朕卽位十三年夙夜孜孜思得賢才共安天下何期大

臣不職朋比爲奸雖四凶之罪已誅而求賢之意未稱今御史

薦爾博學洽聞特遣使齎符臨召有司禮送至京副朕虛懷至

授四輔官十三年調蘇州府知府改國子博士兩聘爲考試官

後以老致仕

杜敏字 山西潞州府壺關人年十五善屬文勤慎好學精

通易書詩三經元末省院屢辟不起入 國朝洪武十三年以

尚書范敏薦其學行特 勅徵之諭曰昔之御宇內者無倖位

國朝列卿紀

卷之六

四

毛士遠

無遺賢致時和而世泰蓋由善備耳聰目明之道所以士人者
樂從其遊輔之以德間有非哲者處於民上則倖位遺賢亦備
矣今朕才疎迷聖道之良宗是致賢隱善匿民未康世未泰今
爾博學君子齒有年矣符到若精力有餘則策杖來朝果可作
爲加以顯爵與朕同遊比至京陛見 上諭曰昔有耕莘者爲
政社稷永安樂巖者在朝君仁民康斯一賢登出於殷商致君
六百年之大業是賢者雖處同出異其忠君濟民之道則一然
朕政未施訪近臣而求士召爾等來朝命爲四輔官兼太子賓
客位列公侯都府之次必欲均調四時德合人天卿等慎之同
安盛世及蒞任 上又諭曰受斯重任朕與卿等民生係焉可

不重乎且卿等昨為庶民今輔朕以掌民命出類拔萃以顯父母豈不天人交慶於戲慎哉二儀之敬事理無乖心常格神言常履道故茲再諭想宜知悉未幾命敕司夏季三月皆上旬十日每人見 賜坐講論治道 上嘗幸第及屢賜珍饌襲衣又嘗賜遊東苑 上親與賡詩後以老病告歸卒於家所著有聯時集

李祐字 山西平陽府安邑縣人以孝行重於鄉為時宿儒

洪武十三年以吏部尚書范敏薦其賢 召授四輔官兼太子

賓客未幾 命祐司春季三月皆中旬十日 太祖諭曰古以

三公四輔論道經邦理陰陽順四時然當是時間有陽順陰乖

國朝列卿紀 卷之六 五 劉汝忠 四百五十五

陰順陽反者有之是由逆理而使然也且任三公職四輔非數

人不居凡數人使居是任豈不善惡半之善雖格天惡能違帝

是故人事不齊天亦如之而應此其所以陰陽駁雜也當陰陽

駁雜之時所當理者三公四輔冢宰既多各無司定節序期其

時而究將問誰假使 上帝以一賢之善不致斑駁其時則惡

美偷光飾已又小人效之所以斑駁其時雖在 上帝不得不

如是也其天道人事疾如影響為此也朕今設四輔恐 上帝

艱分善惡累時序之不常特以四季均職於四輔又以上中下

三旬人各司之設若上帝福善禍淫 易為缺着所司者地之

混殺豈不利哉特以四輔所司明述於後以驗雨暘時若也

同杜敦等侍食殿庭 賜衣三襦 後以老疾還鄉甲子丁卯庚午三科考本布政司鄉試衆稱其得人未幾以疾卒於家

龔敦字文達江西廣信府鉛山縣人學問該博德行敦實洪武

初以明經任府學教授御史葉孟芳高其學行薦至京師十三

年會雷震謹身殿欲調和陰陽拜四輔官兼太子賓客位列公

侯之次諭令德合天人以臻至治未幾 命司春季三月皆下

旬十日敦同杜敦李祐吳源趙民望並以耆老人侍屢荷眷賚

十四年因春令頗愆還歸後起博士歷司業祭酒詳國初國子

監祭酒

趙民望字 直隸真定府藁城縣人洪武四年有司以儒士

國朝列卿紀 卷之六 六 劉汝忠 四百五十六

舉因疾還歸後遊學山西澤州陵川縣十三年 太祖特賜勅

徵之且獎之曰朕惟才疎以致賢隱善匿民未康世未泰爾可

策杖來朝與朕同遊比至拜四輔官兼太子賓客未幾勅司夏

三月皆下旬十日與杜敦等親侍左右講論治道裨益良多後

以老致仕

吳源字性博福建興化府莆田縣人洪武初舉明經授興化府

學教授十三年召徵四輔官兼太子賓客司夏季三月皆中旬

十日尋以老病告歸十四年起國子司業本年卒於官

何顯周字 直隸大名府內黃縣人以文學老成重於鄉洪

武十五年以薦舉召為右正言兼右春坊右諭德尋進四輔

賜坐講論治道 賜襲衣 命工圖其像 賜待漏院記及誥命
以旌之後以疾致仕

國朝列卿紀

卷之六

七

國朝列卿紀卷之六終

國朝列卿紀 卷七

國朝列卿紀卷之七

開國侍臣殿閣大學士年表

劉仲質 江西分宜人薦舉歷禮部尚書洪武十五年任華蓋殿大學士本年坐事降御史

吳伯宗 江西金谿人狀元洪武十五年任武英殿大學士十六年降檢討卒

朱訥 直隸涇縣人薦舉洪武十五年任文淵閣大學士十六年陞國子監祭酒

吳沉 浙江金華人薦舉洪武十五年任東閣大學士次年降侍書

鮑恂 浙江崇德人薦舉洪武十五年任文華殿大學士固辭還鄉

全思誠 直隸松江府上海縣人薦舉洪武十五年任文華殿大學士固辭還鄉

全銓 浙江安吉人薦舉洪武十五年任文華殿大學士固辭還鄉

張長年 直隸高郵人薦舉洪武十五年任文華殿大學士固辭還鄉

朱善 江西豐城人薦舉洪武十八年任文淵閣大學士本年以病還鄉卒

權謹 直隸徐州人永樂中舉孝行洪熙元年拜文華殿大學士本年改通政司左叅議

國朝列卿紀

卷之七

一

陳忠乃

七五

開國侍臣殿閣大學士行實

劉仲質字文質江西袁州分宜縣人敏而好學博通經典洪武初為宜春訓導被薦入詞垣奏對稱旨授文林郎歷遷禮部尚書十五年四月詔天下通祀孔子增學校及師生廩膳上諭質曰孔子明帝王之道以教後世使君君臣臣父子子綱常以正彝倫攸叙其功參於天地今天下郡縣廟學並建而報祀之禮止行京師未遍天下豈非闕典耶卿與儒臣共定釋奠禮儀頒之天下令每歲春秋仲月通祀孔子是年十一月戊午倣宋殿閣大學士之制以仲質為華蓋殿大學士宋訥為文淵閣大學士吳伯宗為武英殿大學士吳沉為東閣大學士上

國朝列卿紀

卷之七

一

劉仲質

親製誥文賜仲質曰朕閱宋書見尚文之美崇儒之道廓焉且當時諸儒皆以賢德輔景運三百有奇焉今特倣宋制殿閣之名必期近侍有補文並歐蘇爾俾質才頗稱任授以華蓋殿大學士奉議大夫爾往欽哉未幾質坐事降監察御史質為人篤厚文多質實如其人詞林記誤作邵質不知即劉仲質云詳國初禮部

吳伯宗名祐以字行江西撫州府金谿人父儀元鄉貢進士伯宗生而岐嶷十歲通舉子業識者奇之歎曰此兒玉光劍氣終不可掩洪武庚戌鄉試辛亥廷試俱第一是時初議開科取士命國子祭酒魏觀博士孫吾與修撰王傑為讀卷官高皇帝親

製策問略曰古者敷奏以言明試以功漢之賢良宋之制舉得人為盛今特延子大夫於廷不知古帝王敬天勤民其道何繇

伯宗條對稱旨上擢為第一賜袍笏冠服授承直郎禮部員外郎命與學士宋訥等同修日曆時丞相胡惟庸專橫伯宗性剛直不屈惟庸啣之八年坐貶鳳陽伯宗上疏論時政因指斥胡惟庸罪狀不宜獨任以政恐滋久為國大蠹辭甚切直上覽其奏即召還賜襲衣鈔錠奉使安南獲馴象方物以歸獻之改國子助教十二年進講東宮首陳正心誠意之學皇太子嘉納明年改典籍御試以十題命賦詩伯宗援筆立就風格峻整上大稱賞賜織金錦衣十四年遷太常丞不拜

國朝列卿紀

卷之七

三

劉伯宗

十五年又以為國子司業又不拜忤旨貶陝西金縣教諭行至淮召還以為檢討拜武英殿大學士十六年冬至弟仲宴為二河令薦舉不以實坐是復降檢討卒伯宗為人溫厚貞諒而不苟媵姁故屢獲罪所著有南宮集使交集成均玉堂諸稿詞林記云喬木之枝風折之殘當衢之蘭物踐之傷若伯宗者以忤惟庸竟坐貶斥其直氣勁操屢折不回說者以為開科第一人名德俱稱非耶

宋訥字仲敏直隸大名府滑縣人訥博學強記動遵矩度性遲重不妄言笑登元至正癸卯進士任鹽山縣令遭世亂隱居求志入國朝文名益昌洪武二年中書省徵纂修禮樂事竣不仕

而得○十三年徵爲國子助教橫經發難擊部廓塞學者如容得
歸皆同諸儒應制撰諸勅文操筆立就雅稱 上意遂遷○
院學○十五年五月 命撰宣聖廟碑文賜衣帽文綺鈔錦秋
七月庚戌 上謂訥曰朕觀尚書至敬授人時嘗歎敬天之事
後世中主猶能知之敬民之事則鮮有知者蓋後世訥崇○
民○皆○事○我○我○分○所○當○然○故○威○嚴○而○恩○禮○寢○薄○所○以○然○者○視
民○輕○故○也○視○民○輕○則○與○已○不○相○干○而○畔○瀆○離○散○不○難○矣○惟○能○知
民○與○已○相○資○則○必○無○慢○視○之○弊○故○曰○可○愛○非○君○可○畏○非○民○衆○非
元○后○何○戴○后○非○衆○固○與○守○邦○古○之○帝○王○視○民○何○嘗○敢○輕○故○致○天
下○長○久○者○以○此○而○已○是○月○有○廣○東○儒○士○獻○治○平○策○ 上覽之謂
國朝列卿紀 卷之七 四

訥曰此人不識道理○有涉數千言○而不及用賢○天下之太欲
朕一人自理○可乎○蓋自知而用則所見者狹○知賢而用則所及
者廣○訥對曰賢才在天下○人主豈知之○必賴羣臣薦舉○然得賢
與否係所舉任何如爾 上曰小人所舉未必爲君子○君子所
舉未必爲小人○故觀其舉者○可知其人賢否矣○十一月以訥爲
文淵閣大學士○制曰朕觀古○今賢者遇君有遲速名與有先後
昔呂望於渭溪有飛熊之兆○而乃與周八百○訥年雖高○進特授
是○訥○爾往欽哉○未幾以爲國子祭酒○訥初祭酒
吳沉字浴仲浙江金華人○故元國子博士師道子也○博學有文
累徵爲縣庠訓導○辭不就○洪武十二年薦授待制十一月甲午

朔 上觀漢紀顧謂沉曰人君理財之道視國如家可也一家
之內父子不異質其父經營儲蓄未有不爲子計者父子而異
質家必隳矣君民猶父子也若損民以益君民衣食不給而君
獨富豈有是理哉丁酉 上論持身保業之道又謂沉曰人當
無所不謹事雖微而必慮行雖小而必防不慮於微終貽大患
不防於小終虧大德謹小行而無已者可以成大善忽細事而
不戒者必至於成大惡常人且然况人君乎沉對曰聖慮及此
誠社稷永安之道 上曰安生於危危生於安安不克慮則能
致危危而克慮則能致安在能謹與否爾 上御奉天門視朝
畢又謂沉曰人君治天下進賢納諫二者真切事也沉曰求之
國朝列卿紀 卷之七 五

於古克行者鮮矣是故亂日常多治日常少 上曰使其真知
賢者與治其國何有不好真知諫者在於忠已何有不納惟其
知之不真是以於已難入若誠能好賢則不待招徠而賢者自
至誠能納諫則不待旌賞而諫者必來沉曰 陛下之言及此
國家何幸焉十二年十二月以事降編修十三年六月丁卯復
以爲待制沉薦授童冀儒士吳慎遣使徵之十四年冬十月
辛酉給事中鄭相奏言尊無二上稱臣於 東官是並所尊矣
沉駁之曰 東官國之大本所以繼聖體承天位者也臣子尊
敬之禮胡得而異焉請凡啓事 東官如舊制 上從之十五年
年十一月戊午乃以爲東閣大學士十六年二月 上將草太

廟沉進精誠錄先是 上謂沉曰朕閱古昔聖賢其垂訓立教
大要有二曰敬天曰忠君曰孝親君能敬天臣能忠君子能孝
親則人道立矣然其言散在經傳未易會其要領爾等其以三
事以類編輯至是書成 上覽而善之 命沉撰序三月沉因
講周書至國則罔有立政用儉人 上曰甚矣國家不可有小
人有小人必敗君子故唐虞任禹稷必去四凶魯用仲尼必誅
正卯沉進曰書言去邪勿貳所以深致其戒 上曰國家不幸
有小人如蓄毒藥不急去之必為身患小人巧於悅上忍於賊
下人君若喜其順已而恣其所為將無所不至矣沉曰小人中
懷奸邪而言似忠信不可不察 上曰然小人善於逢迎彼知

國朝列卿紀

卷之七

六

人主所樂為者不顧非義乃牽合附會曰是不可不為人主不
樂為者不顧有益於國家亦牽合附會曰是不必為此誠國之
賊也自古知人固難而知言亦不易八月丙戌以進講後期降
侍書尋改博士十九年七月丁丑卒沉富蓄遠覽嘗因奏對誤
遷涇源教諭未行改典籍陟大學士考功監劾其怠事降侍讀
終博士三任三已無喜愠人以此多之

鮑恂字仲孚其先嘉興人元至治間始遷崇德之千乘鄉恂沉
悟淵穎受易於臨川吳幼清深有所得著大易傳義泰定元統
省試第一人至正中由鄉薦授溫州路學正改教婺州州御史
劉彥博薦其學有原本為世儒宗洪武初以明經徵為文華殿

大學士輔導 皇太子暨皇太孫固辭歸隱與貝瓊結詩社所
著有西溪稿云
殿學記云漢高欲立趙王如意留侯乃為呂后畫策招致四皓
以輔翼之矧洪武建極即創大本堂以教 太子乃蒲輪玄纁
聘諸耆儒視古帝王之禮三老五更何如耶不知恂長年將
何以界之耶

國朝列卿紀

卷之七

七

全思誠字希賢直隸松江上海人博雅宏粹少負文名洪武十
五年以耆儒徵授文華殿大學士十六年四月 賜勅致仕其
辭曰朕觀古人有志之士雖髮白氣衰心猶不怠故能善其始
終垂芳史冊卿懷才抱德志肩古人朕甚嘉焉惜乎年迫衰暮
志雖存而力不能任朕不忍復勞特令卿還鄉里以撫子孫享
其奉養不亦悅乎

全銓字 浙江湖州府安吉州人與張長年俱年七十餘禮
部主事劉庸薦銓等明經通達治體 遣使徵之銓長年至
上見之甚喜賜坐顧問終日俱 命為文華殿大學士銓等固辭
上曰朕以卿等年高故授此職以輔導太子爾免卿早朝日晏而
入不久當從其志庶不負卿等平生所學而鄉里亦有光矣卿
何辭焉銓等復固辭翼日俱放還

張長年直隸高郵人見上

殿閣記云粵自商山茹芝真鴻寥落上下千載數人而已思誠

賜勅恂銓被寵麗眉皓首安車蒲輪雖竹帛所書圖書所傳何以加焉

朱善字備萬江西南昌府豐城縣人少聰穎十歲能文通五經四書大義祖雲洞先生嘗謂人曰吾孫他日必為令器及壯以經學授徒壬辰兵變隱居鄉里養親教子杜門絕跡以聖賢道學為己任奉繼母李氏克盡孝道友諒戰爭扶母奔竄十餘日復全人謂孝感所至 高皇平一海內開建學校乃以豐城為富州 守憲中南昌守許方俱延至郡庠教有成效以名聞於 朝授郡學教授洪武八年 廷試兩儒善為首乃除修撰署院事知制誥逾年以奏對失旨謫戍遼東復改典籍放還十

國朝列卿紀

卷之廿一

八

四百六

七年 上思用老成驛召善還京以為待詔七月戊戌 上御東閣謂善等曰人君能以天下之好惡為好惡則公以天下之智識為智識則明益人之常情多矜己能好言人過君子則不然揚人之善不矜己之善貸人之過不貸己之過又曰萬事不可以耳目察惟虛心以應之萬方不可以智力服惟誠心以待之善嘗奏有國者重世臣有家者重世婚近日禮教弗明婚姻混亂或已聘而見絕或既婚而復離議律不精其禍乃至於此成周之世為婚姻者不過齊宋陳杞數國而已故當時稱大國曰伯舅小國曰叔舅世為婚姻可知也列國之君曹衛陳蔡晉莫不皆然降及後世如晉之王謝唐之崔盧潘楊之陸朱陳

之好罔不以世婚為重今宜弛禁以通八情別族以明世教

上從之十八年 命主考禮闈撒棘之日乃起選奉議大夫文淵

閣大學士五月辛酉朔 上御華蓋殿命善進讀心箴 上曰

人心道心有倚伏之幾蓋人仁愛之心生則枝害之心息正直

之心存則邪詖之心消羞惡之心形則貪鄙之心絕忠慤之心

萌則巧偽之心伏故人常持此心不為情欲所蔽則至公無私

自無物我之累矣八月丙辰善復言曰古者人君致治重在任

人蓋任眾賢為耳目則視聽周乎四海任眾知為計慮則私澤

施於萬民今天下太平惟選任賢才宜留聖慮 上曰任人之

道當嚴於簡擇簡擇嚴則庸鄙之人不進常專於任使任使專

國朝列卿紀

卷之廿一

九

四百七

則苟且之意不行然必賢者乃可以專任之非賢而專任者必生亂也是任人為難然人亦有謹始息終者亦有過於前改於後者故不能保其始終惟始終如一者其懷忠報國之心堅如金石安得不任之若匿詐似信懷姦似忠者決不可任也是年九月忽遭危疾 上遣醫調治其子逢掖請告還豐城卒年七十有二屬纊正冠危坐舉手加額曰感荷 聖恩無以報也語畢而絕鄉人見有星如虹墜其舍所著有詩經解願輜釋史輯諸書正德間 賜謚文恪 權謹字仲常直隸徐州人十歲喪父哀毀頓絕復甦洪武初薦知樂安縣清慎平恕其民懷之九載考績遷光祿署丞迎母就

養母疾額天所以身代母卒躬負土成墳廬墓三年有白兔青蛇馴擾不去有司以聞 太宗嘉之扈從 皇太子往南京諸臣皆獻方物不受至徐州謹以孔門聖賢道統圖獻 特賜留覽洪熙元年三月拜文華殿大學士閏七月改通政司左叅議致仕謹質實有操履而文學非其所長又年老故也仍旌其門曰孝行

國朝列卿紀

卷之七

十

二十七

國朝列卿紀卷之七終

國朝列卿紀卷之八

內閣諸學士序

夫學士之職非古也漢魏以來秘書省有其職梁武帝於文德殿內列藏衆書北齊有文林館學士後周有麟趾殿學士皆掌著述唐自太祖時名儒學士時時召以草制然猶未有名號乾封以後始召文士元萬頃輩草諸文辭嘗於北門候進止時人謂之北門學士其館學自武德初置修文館後改名弘文館神龍初改為昭文館開元七年復改為弘文館鳳儀中以館中多圖籍未詳正委學士校正於是有弘文館學士之職其殿學自開元初於乾元殿東廊下寫四部書仍令秘書監馬懷素等總


國朝列卿紀

卷之八

一

陳忠為 夏揚 考

其事於麗正殿安置為修書使至十二年學士張銳等宴於集仙殿乃改殿名集賢改修書使為學士於是有集賢殿書院學士之職其翰學自開元初置翰林待詔掌四方表疏批答應和文章既而又以中書務劇文書多壅滯乃選文學之士號翰林供奉與集賢殿學士分掌制詔書勅二十六年又改翰林供奉為學士別置學士院掌內命於是有翰林學士之職其講讀自開元三年命馬懷素褚無量更入侍讀十二年置集賢院侍講學士侍讀直學士於是有講讀學士之職宋承唐制昭文集賢兩學士皆宰相兼之其翰林學士無定員資淺者為直院暫行者為權直惟真為翰林學士者職始顯貴可以比肩臺長齊武



政路其講讀學士自咸平二年並置以後或不帶學士但以爲兼官而已大中祥符中又建龍圖閣設直閣學士故天章寶文等閣之類遂以所掌閣呼之於是有閣學士之職又有所謂資政殿大學士者真宗特置以寵王欽若至皇祐元年又詔置觀文殿大學士寵待舊臣於是有大學士之職。國初己亥年置禮賢館命陶安劉基章溢宋濂葉琛王禕等居之甲辰年設起居注乙巳年設太史監吳元年設翰林院俱爲侍臣洪武二年定翰林官制承旨正三品學士從三品侍讀學士正四品侍講學士從四品直學士正五品三年又置弘文館學士改劉基與羅復仁危素胡鉉雖祿王大中居之九年罷不設十四年革承

國朝列卿紀 卷之八

楊海

旨直學士定學士爲正五品講讀學士爲從五品十五年十一月倣宋殿閣大學士之制以劉仲質爲華蓋殿大學士吳伯宗爲武英殿大學士宋訥爲文淵閣大學士吳沉爲東閣大學士十六年禮部主事劉庸薦鮑恂全鈐張長年張紳等明經通達治體遣使徵之恂鈐長年先至俱命爲文華殿大學士皆辭不拜而全思誠亦以耆儒拜文華殿大學士之職然大學士之職階不過五品特以崇重文儒備顧問而已况國朝監前代壅蔽之禍革中書省罷丞相使政歸六卿分理不相混壓所以垂之祖訓者甚嚴而殿閣大學士亦不久設固未有相道之責也。文廟入正大統注意文學士於壬午年肇建內閣於東角門內召

解縉黃淮處其中又選胡廣胡儼楊士奇楊榮金幼孜與之同事雖令講讀纂修與議機務然七人始以翰林史職入直陞講讀等官及 仁廟正位東宮又陞春坊等官以後解縉以罪訕則謫廣西叅議胡儼以國學缺人則推陞祭酒而楊士奇等五人終永樂之世亦官止大學士蓋爲衙門所拘初未有衙門小官大之例至洪熙初年以東宮舊臣特加超擢又添設謹身殿大學士於是楊士奇陞禮部侍郎兼華蓋殿大學士楊榮陞太常寺卿兼謹身殿大學士黃淮陞通政使金幼孜陞戶部侍郎俱兼武英殿大學士楊溥陞太常寺卿仍兼翰林院學士緊後委任日隆置三公三孤之官又加至三孤領尚書職隱然有鈞

國朝列卿紀 卷之八

丁文

衡之重禮與百僚殊矣自此官制一變陳山以左庶子張瑛以洗馬各陞侍郎兼大學士入閣然龍飛殊恩非可爲例亦未有由蒞部事而復入者故正統年間陳循高穀苗衷馬愉曹鼐以學士入張益彭時商輅以修撰入則舊意猶存可攷也自景泰初年俞剛江淵王一寧以侍郎改兼學士入蕭鎡以祭酒陞侍郎兼學士入王文以左都御史陞吏部尚書兼學士入於是天順成化弘治以來由侍郎陞尚書入閣者日久因襲不可復改矣然計資叙遷亦未有陞至尚書已理部事而復入內閣焉者自正德初年逆覽劉瑾用事吏部尚書焦芳首以附瑾取入內閣於是楊廷和由南京戶部尚書入劉宇由吏部尚書入曹元



由兵部尚書入而 祖宗官制大壞極矣及逆瑾伏誅而莫之
改正者何哉夫罷丞相分任六卿無偏聽獨斷之弊此 太祖
垂訓立法高出千古者也但政權必有所屬則設內閣而擬議
以成其變化者又 成祖勵精求治之初心固並行不悖矣况
政歸六部權在人主而內閣參謀猶不得專制外事歷 列聖
如一日也使居內閣者仰體 聖祖之心翰忠宣力守憲奉法
於六部有違失密裁抑之與天下廢流而治萬世無弊矣如或
陰持宰相之柄使六部受風旨而後行於罷丞相置內閣之
意不既盡失矣乎今詳各官年表於後其行實見於事紀其勳
德茂著者表為列傳

國朝列卿紀

卷之八

四

商祐

國朝列卿紀卷之八

直內閣元輔及同直輔臣年表

洪武三十五年即建文四年六月己巳

成祖文皇帝即位七

月初建文淵閣選文學臣解縉等七人入直令講讀兼修與議

機務

解縉江西吉水人進士自洪武三十五年七月由翰林待詔陞

侍讀入直為元輔歷翰林院學士兼右春坊大學士至永樂四

年三月被丘福譖洩易儲出為廣西叅議凡四年後改交趾叅

政又被李至剛訕其怨望下詔獄卒

國朝列卿紀

卷之八

五

張鳳

讀

同直胡廣江西吉水人狀元由修撰陞侍講進右春坊右庶子

兼侍讀

同直楊榮福建建安人進士由編修入進右春坊右諭德兼侍

講

同直楊士奇江西泰和人薦舉由王府審理副陞編修入進左

春坊左中允

同直金幼孜江西新淦人進士由戶科給事改檢討入進侍講

同直胡儼江西南昌人鄉舉由桐城知縣陞檢討入歷左諭德

兼侍讀永樂二年出拜國子祭酒後加太子賓客致仕

胡廣自永樂四年三月以右春坊右庶子兼侍讀為元輔歷文淵閣大學士兼左春坊大學士至永樂十六年五月卒於官凡二十二年零三月贈少師禮部尚書諡文穆

同直黃淮歷翰林院學士永樂十二年閏九月繫錦衣衛獄

同直楊榮永樂六年六月憂去七年正月詔起復歷翰林院學士兼庶子

同直楊士奇歷左春坊大學士兼翰林學士

同直金幼孜歷翰林院學士兼諭德

楊榮自永樂十六年五月以翰林院學士為元輔進文淵閣大學士兼翰林院學士至永樂二十八年二月以楊士奇居首凡

國朝列卿紀 卷之八 六

六年零四月

同直金幼孜文淵閣大學士

同直楊士奇仍左春坊大學士永樂二十年九月繫錦衣衛獄尋釋復職

楊士奇自永樂二十二年八月丁巳 仁宗昭皇帝即位進禮

部左侍郎兼華蓋殿大學士為元輔歷洪熙宣德正統三朝凡

二十一年終少師兵部尚書兼華蓋殿大學士至正統九年三月卒於官贈太師諡文貞

同直楊榮進人常寺卿兼文淵閣大學士歷少師工部尚書兼謹身殿大學士至正統五年二月告允展省七月還朝卒於浙

江杭州武林驛贈太師諡文敏

同直金幼孜進戶部右侍郎兼文淵閣大學士於洪熙元年正月憂去尋起復歷太子少保禮部尚書兼武英殿大學士至宣

德六年十二月卒於官贈少保諡文靖

同直黃淮釋自獄進通政使兼武英殿大學士仍直文淵閣歷少保戶部尚書兼武英殿大學士於宣德二年八月致仕家居

二十餘年卒諡文簡

同直楊溥湖廣石首人進士永樂二十二年八月釋自獄擢翰林院學士入閣洪熙元年正月以太常寺卿兼學士直弘文閣宣德初復還內閣四年十月憂去尋起復直弘文閣至宣德十

國朝列卿紀 卷之八 七

年正月以禮部尚書兼學士仍入直

同直張瑄直隸邢臺人鄉舉於宣德元年正月以禮部左侍郎

兼華蓋殿大學士入直二年進禮部尚書兼官如舊至宣德四年十月出為南京禮部尚書九年八月復召以原官仍入直至

正統元年九月卒於官

同直陳山福建沙縣人鄉舉於宣德元年以戶部尚書兼謹身

殿大學士入直至宣德四年十月以子訐外事出教小內使書九年致仕卒

同直馬愉山東臨朐人狀元由侍講學士於正統五年二月入直

同直曹鼎直隸寧晉人狀元於正統五年二月以侍講入直九年正月進彙翰林學士

楊溥自正統九年三月以少保禮部尚書兼武英殿大學士為元輔至正統十一年七月卒於官凡三年贈太師謚文定

同直曹鼎歷吏部左侍郎兼翰林學士

同直馬愉歷禮部右侍郎兼學士

同直陳循江西泰和人狀元正統九年四月以翰林院學士入

直十年十月進戶部右侍郎兼翰林院學士

同直苗衷直隸定遠人榜眼正統十年十月陞兵部右侍郎兼侍講學士入閣

國朝列卿紀

卷之八

八

張博

同直高穀直隸興化人進士正統十年十月陞工部右侍郎兼

侍講學士入閣

曹鼐自正統十一年七月以吏部左侍郎兼翰林院學士為元

輔至正統十四年八月扈 英宗睿皇帝征胡沒於土木凡三

年贈太傅吏部尚書兼文淵閣大學士謚文忠

同直陳循戶部右侍郎兼學士

同直馬愉禮部右侍郎兼學士至正統十二年九月卒於官贈

禮部尚書兼翰林院學士謚襄敏

同直苗衷兵部右侍郎兼侍讀學士

同直高穀工部右侍郎兼侍讀學士

同直張益應天江寧籍直隸吳縣人進士正統十四年正月以侍講學士入直八月扈 駕征胡沒於土木贈翰林院學士謚

文僖

陳循自正統十四年八月以戶部尚書兼學士為元輔歷少保兼太子太傅戶部尚書華蓋殿大學士至天順元年正月謫戍

遼東凡七年半

同直苗衷進兵部尚書兼翰林院學士至景泰元年八月致仕

後卒於家贈少保謚文康

同直高穀進工部尚書兼翰林院學士歷少保兼太子太傅工部尚書謹身殿大學士至天順元年正月致仕後卒於家贈太

國朝列卿紀

卷之八

九

張博

保謚文毅

同直彭時江西安福人狀元由修撰於正統十四年九月入閣

進侍讀至景泰元年正月憂去服除進太常寺少卿兼侍讀

同直商輅浙江淳安人狀元由修撰於正統十四年九月同入

為歷兵部左侍郎兼太常寺卿至天順元年正月削籍

同直江淵四川江津人進士由戶部右侍郎兼翰林院學士於

正統十四年十月入直至景泰三年與易儲加太子少師仍兼

前職尋以憂去五年起復撫安山東河南尋還京入直七年正

月出為工部尚書至天順元年正月謫戍鐵嶺後石亨敗復其

官

同直俞綱浙江嘉善人生員於正統十四年十二月以兵部右侍郎兼翰林院學士入直六月出理兵部事進太子少保兵部左侍郎調南京禮部左侍郎

同直王一寧浙江仙居人進士景泰元年 月以禮部左侍郎兼翰林學士入閣加太子少師至景泰三年七月卒於官贈太子太保禮部尚書謚文通

同直蕭鉉江西泰和人進士以祭酒進戶部右侍郎兼翰林院學士於景泰二年十二月入直歷太子少師戶部尚書兼翰林院學士至天順元年正月削籍

同直王文直隸東鹿人進士由太子太保左都御史改吏部尚書兼翰林院學士於景泰四年二月入直五月憂去九月起復歷少保兼太子太保吏部尚書謹身殿大學士至天順元年正月死於西市後贈太保謚文愍

徐有貞直隸吳縣人進士天順元年正月由左副都御史與奪門功進兵部尚書兼學士入直四月封武功伯兵部尚書兼華蓋殿大學士掌文淵閣事為元輔本年六月忤曹吉祥石亨降

廣東參政凡半年尋下獄編金齒為民

同直許郴山東寧陽人進士以太常寺卿於天順元年正月進禮部右侍郎兼翰林院學士入閣
同直薛瑄山西河津人進士以大理寺卿進禮部右侍郎兼翰

國朝列卿紀

卷之八

十

張文

林院學士於天順元年正月入直四月進禮部左侍郎仍兼翰林院學士至六月見幾乞致仕

同直李賢河南鄧州人進士於天順元年二月由吏部右侍郎兼學士入直四月進吏部尚書仍兼學士六月同徐有貞忤曹石降福建參政

李賢自天順元年七月復原官入直為元輔歷少保吏部尚書兼華蓋殿大學士至成化二年三月憂去五月詔起復十二月卒於官凡十年贈太師謚文達

同直許郴以衰老於天順元年 月改南京禮部左侍郎尋降陝西參政

國朝列卿紀

卷之八

十一

鄧日林

同直呂原浙江秀水人榜眼以通政司右叅議兼侍講於天順元年六月入直歷翰林院學士至天順六年八月憂去卒於家贈禮部左侍郎謚文懿

同直岳正順天灤縣人會元探花以左贊善兼修撰於天順元年六月入直至七月忤曹石降欽州同知尋謫戍甘肅後起修撰陞興化知府卒贈太常寺卿

同直彭時以太常寺少卿進兼翰林院學士於天順元年九月仍入直至成化元年進兵部尚書

同直陳文江西廬陵人榜眼以禮部右侍郎兼學士於天順七年二月入直至成化元年三月進禮部尚書

陳文自成化二年十二月為元輔歷太子少保禮部尚書兼文淵閣大學士至成化四年四月卒於官凡一年五月贈少傅諡莊靖

同直彭時進太子太保兼文淵閣大學士

同直劉定之江西永新人會元探花以太常少卿兼侍讀學士於成化二年十二月入直三年八月進工部右侍郎兼學士

同直商輅以為民於成化三年二月起復原官兵部左侍郎兼學士仍入直

彭時自成化四年四月為元輔歷少保吏部尚書文淵閣大學士至成化十一年三月卒於官凡七年贈太師諡文憲

國朝列卿紀

卷之八

十一

張文

同直商輅歷兵部尚書兼學士

同直劉定之歷禮部左侍郎兼翰林院學士至成化五年八月卒於官贈禮部尚書諡文安

同直萬安四川眉山人進士以禮部左侍郎兼學士於成化五年五月入直

商輅自成化十一年三月為元輔歷太子少保吏部尚書謹身殿大學士至成化十三年六月忤大監汪直加少保致仕凡二年

同直萬安加禮部尚書

同直劉翊山東壽光人進士以吏部左侍郎兼學士於成化十

一年四月入閣十三年陞戶部尚書兼學士

同直劉吉直隸博野人進士以禮部左侍郎兼學士於成化十一年四月入直進禮部尚書

萬安自成化十三年六月為元輔歷少師兼太子太師吏部尚書華蓋殿大學士至成化二十三年十月以人言奸媚令致仕

凡十年零五月卒於家贈太師諡文康

同直劉翊歷太子太保戶部尚書謹身殿大學士至成化二十二年九月令致仕卒諡文和

同直劉吉於成化十八年正月憂去七月起復歷少傅兼太子太師吏部尚書謹身殿大學士

國朝列卿紀

卷之八

十三

張文

同直彭華江西安福人會元進士以詹事陞吏部左侍郎兼學士於成化二十二年十一月入直歷太子少保禮部尚書兼翰林院學士至成化二十三年三月以疾致仕卒於家贈太子少傅諡文思

同直尹直江西泰和人進士以戶部左侍郎兼學士於成化二十二年九月入直歷太子少保兵部尚書兼翰林院學士至成化二十三年十二月以人言令致仕卒於家諡文和

劉吉自成化二十三年十月為元輔歷少師兼太子太師吏部尚書華蓋殿大學士至弘治五年八月以怙權令致仕凡五年

卒於家贈太師諡文穆

同直徐溥直隸宜興人榜眼以吏部左侍郎兼學士於成化二十三年十月入直加至太子太傅戶部尚書武英殿大學士	同直劉健河南洛陽人進士以禮部右侍郎兼學士於成化二十三年十二月入直歷禮部尚書文淵閣大學士	同直丘濬廣東瓊山人進士以太子太保禮部尚書掌詹事府於弘治四年十月命兼文淵閣大學士入直	徐溥自弘治五年八月為元輔歷少師兼太子太師吏部尚書華蓋殿大學士至弘治十一年十月以老乞致仕凡六年三月卒於家贈太傅諡文靖	同直劉健歷少傅兼太子太傅戶部尚書謹身殿大學士	國朝列卿紀 卷之八 十四 張文晉註	同直丘濬歷少保兼太子太保戶部尚書武英殿大學士至弘治八年二月卒於官贈太傅諡文莊	同直李東陽湖廣茶陵人進士弘治八年二月以禮部右侍郎兼文淵閣大學士加太子太保禮部尚書	同直謝遷浙江餘姚人狀元以少詹事兼學士於弘治八年二月入直加太子少保兵部尚書兼東閣大學士	劉健自弘治十一年十月為元輔歷少師兼太子太師吏部尚書華蓋殿大學士正德元年十月力主誅大監劉瑾被構害令致仕凡八年卒於家贈太師諡文靖	同直李東陽歷少傅兼太子太傅戶部尚書謹身殿大學士
---	---	---	---	------------------------	-------------------	--	--	--	--	-------------------------

同直謝遷歷少傅兼太子太傅禮部尚書武英殿大學士至正德元年十月同劉健被劉瑾構害致仕	李東陽自正德元年十月為元輔歷少師兼太子太師吏部尚書華蓋殿大學士正德七年十一月以年老乞致仕凡六年二月卒贈太師諡文正	同直焦芳河南泌陽人進士以吏部尚書兼文淵閣大學士於正德元年十月入直歷少師兼太子太師吏部尚書華蓋殿大學士至正德五年五月致仕尋削籍為民	同直王鏊直隸吳縣人會元探花以吏部左侍郎兼翰林院學士於正德元年十月入直歷少傅兼太子太傅戶部尚書武英殿大學士至正德四年四月見幾乞致仕卒於家贈太傅諡文恪	國朝列卿紀 卷之八 十五	同直劉宇河南鈞州人進士以吏部尚書命兼文淵閣大學士於正德四年五月入直加少傅兼太子太傅至正德五年六月致仕尋削籍	同直楊廷和四川新都人進士正德二年十月以戶部尚書兼文淵閣大學士入直進少師吏部尚書兼華蓋殿大學士	同直曹元直隸舍山人進士以太子少保兵部尚書兼文淵閣大學士於正德四年五月入直至八月致仕尋削籍為民	同直梁儲廣東人會元進士正德五年九月以吏部尚書
---	--	--	---	--------------	---	--	--	------------------------

兼文淵閣大學士入直加少保

同直劉忠河南陳留人進士進吏部尚書兼文淵閣大學士於

正德五年九月入直歷少傅兼太子太傅吏部尚書武英殿大
學士至正德六年十一月以疾致仕卒於家贈太保謚文肅

同直費宏江西鉛山人狀元以禮部尚書兼文淵閣大學士於
正德六年十二月入直

楊廷和自正德七年十一月為元輔歷少師兼太子太師吏部
尚書華蓋殿大學士至正德十年二月憂去凡二年五月同直

梁儲

同直費宏進太子太保禮部尚書武英殿大學士至正德九年

國朝列卿紀

卷之八

十六

五月忤權倖錢寧致仕

同直靳貴直隸丹徒人探花以禮部尚書兼文淵閣大學士於

正德九年二月入直

梁儲自正德十年三月為元輔歷少師兼太子太師吏部尚書

華蓋殿大學士至正德十二年十一月起楊廷和仍讓居首凡
二年零九月

同直靳貴歷太子太保部尚書武英殿大學士至正德十二
年四月以人言致仕卒於家贈太傅謚文僖

同直楊一清湖廣巴陵籍雲南安寧人進士以少傅兼太子太

傅吏部尚書兼武英殿大學士於正德十年閏四月入直至正

德十一年八月致仕

同直蔣冕廣西全州人進士以禮部尚書兼文淵閣大學士於
正德十一年八月入直

同直毛紀山東掖縣人進士以禮部尚書兼東閣大學士於正
德十二年五月入直

楊廷和自正德十二年十一月再起原官為元輔至嘉靖二年
二月進太傅辭不拜十一月以議大禮忤旨致仕凡六年尋削

籍為民

同直梁儲至正德十六年四月致仕卒於家贈太師謚文康

同直蔣冕 少傅兼太子太傅戶部尚書謹身殿大學士

國朝列卿紀

卷之八

十七

同直毛紀 少保兼太子太保禮部尚書武英殿大學士

同直費宏於正德十六年四月起為少保兼原官仍入直

同直袁宗臯湖廣石首人進士以隨龍恩進禮部尚書兼文淵
閣大學士於正德十六年四月入直九月卒於官贈太子太保

謚榮襄

蔣冕自嘉靖二年十一月為元輔歷少傅兼太子太傅戶部尚

書謹身殿大學士至嘉靖三年六月致仕凡八月

同直毛紀歷少保兼太子太保吏部尚書謹身殿大學士至嘉
靖二年六月致仕卒於家贈太保謚文簡

同直費宏

費宏自嘉靖三年六月以少保吏部尚書謹身殿大學士為元
輔歷少師兼太子太師吏部尚書華蓋殿大學士至嘉靖六年
四月致仕凡三年

同直石瑤直隸藁城人進士以吏部尚書兼文淵閣大學士於
嘉靖二年六月入直歷少保兼太子太保吏部尚書武英殿大
學士至嘉靖六年二月致仕卒於家贈太保謚文隱

同直賈詠河南臨潁人進士以禮部尚書兼文淵閣大學士於
嘉靖三年八月入直

同直楊一清以原官於嘉靖四年十一月仍入直

同直席書四川遂寧人進士嘉靖六年 月進少保兼太子太

國朝列卿紀

卷之八

十八

張機

保禮部尚書兼武英殿大學士未任卒於官贈太保謚文襄

楊一清自嘉靖六年四月為元輔歷少師兼太子太師吏部尚

書華蓋殿大學士至嘉靖八年九月致仕凡二年六月卒於家

贈太保謚文襄

同直賈詠歷少保兼太子太保禮部尚書武英殿大學士至嘉

靖六年八月致仕卒於家贈太保謚文靖

同直翟鑾山東諸城人進士以吏部左侍郎兼學士於嘉靖六

年四月入直七年陞禮部尚書兼文淵閣大學士

同直張璠浙江永嘉人進士以禮部尚書兼文淵閣大學士於

嘉靖六年八月入直歷少保兼太子太傅吏部尚書

學士至八年八月致仕九月召還

同直謝遷嘉靖六年十月起原官戶部尚書謹身殿大學士至
七年四月致仕卒於家贈太保謚文正

同直桂萼江西安仁人進士以少保兼太子太保吏部尚書命
兼武英殿大學士於嘉靖八年七月入直八月致仕九月召還

張璠自嘉靖八年九月為元輔九年改名孚敬至嘉靖十年閏
六月致仕凡一年十月

同直桂萼至嘉靖九年十二月致仕卒於家贈太保謚文襄

同直翟鑾仍原官

同直方獻夫廣東南海人進士以少保兼太子太保吏部尚書

國朝列卿紀

卷之八

十九

鄧文謙

命兼武英殿大學士於嘉靖十一年六月入直

方獻夫自嘉靖十年閏六月為元輔至嘉靖十一年二月起張

孚敬仍讓居首凡九月

同直翟鑾仍原官

同直李時直隸任丘人進士於嘉靖十年九月以太子太傅禮

部尚書兼武殿大學士入直

張孚敬自嘉靖十一年二月再起少傅入直為元輔至本年八

月尋見被人言致仕十二年正月三起為元輔進少師兼太子

太師吏部尚書華蓋殿大學士至嘉靖十四年四月致仕凡三

年九月卒於家贈太師謚文忠

同直方獻夫仍原官至嘉靖十六年六月致仕卒於家贈太保謚文襄

同直李時原官

同直翟鑿原官兼武英殿大學士至嘉靖十二年夏去

費宏自嘉靖十四年四月二起原官為元輔至嘉靖十五年十

一月卒於官凡一年八月贈太保謚文憲

同直李時進至少傅

李時自嘉靖十五年十一月為元輔歷少傅兼太子太師吏部

尚書華蓋殿大學士嘉靖十七年十二月卒於官凡二年十月

贈太傅謚文康

國朝列卿紀 卷之八

千

張卡

同直夏言江西貴溪人進士由少傅兼太子太傅禮部尚書命

兼武英殿大學士於嘉靖十五年十二月入直

同直顧鼎臣直隸崑山人狀元以太子太保禮部尚書兼文淵

閣大學士於嘉靖十七年八月入直

夏言自嘉靖十七年十二月為元輔歷少師兼太子太師吏部

尚書華蓋殿大學士至嘉靖二十一年七月以日食開住凡三

年八月

同直顧鼎臣歷少保兼太子太傅禮部尚書武英殿大學士至

嘉靖十九年十月卒於官贈太保謚文康

同直翟鑿嘉靖十八年五月以輔臣起改兵部尚書兼右都御

史行邊十九年正月以太子太保禮部尚書兼武英殿大學士仍入直

翟鑿自嘉靖二十一年七月為元輔歷少傅兼太子太傅禮部

尚書謹身殿大學士至嘉靖二十三年八月以二子中進士被

人言削籍為民凡二年一月

同直嚴嵩江西分宜人進士以少保兼太子太保禮部尚書兼

武英殿大學士於嘉靖二十一年八月入直

嚴嵩自嘉靖二十三年八月為元輔進少傅至嘉靖二十四年

十二月起夏言仍讓居首凡一年五月

同直許讚河南靈寶人進士以少保兼太子太傅吏部尚書命

國朝列卿紀 卷之八

三

劉汝恩

兼文淵閣大學士於嘉靖二十三年八月入直加少傅至嘉靖

二十四年十月乞致仕忤旨開任後贈少師謚文簡

同直張壁湖廣石首人進士嘉靖二十三年八月以禮部尚書

命兼東閣大學士入直加太子太保至嘉靖二十四年十月卒

於官贈少保謚文簡

夏言自嘉靖二十四年十二月再起原官入直仍為元輔至嘉

靖二十七年正月主復河套落職致仕凡二年二月尋下獄死

於西市

同直嚴嵩進少師

嚴嵩自嘉靖二十七年正月夏言得罪仍以少師兼太子太師

吏部尚書華蓋殿大學士為元輔至嘉靖四十一年五月以子
擅權納賄令致仕凡十四年五月削籍為民籍沒家產

同直張治湖廣茶陵人會元進士以禮部尚書兼文淵閣大學

士於嘉靖二十八年二月入直加太子太保至嘉靖二十九年

十月卒於官贈少保謚文隱後改謚文毅

同直李本浙江餘姚人進士於嘉靖二十八年二月以少詹事

兼翰林院學士入直歷少傅兼太子太傅戶部尚書武英殿大

學士至嘉靖四十年五月憂去

同直徐階直隸華亭人探花以少保禮部尚書兼東閣大學士

於嘉靖三十一年三月入直

國朝列卿紀

卷之八

三

劉汝德

同直袁煒浙江慈谿人會元探花以太子少保禮部尚書兼學

士於嘉靖四十年 月入直

徐階自嘉靖四十一年五月為元輔歷少師兼太子太師吏部

尚書建極殿大學士至隆慶二年七月致仕凡六年三月

同直袁煒歷少傅兼太子太傅戶部尚書建極殿大學士至嘉

靖四十四年二月以病致仕卒於途謚文榮

同直嚴訥直隸常熟人進士以太子太保吏部尚書兼武英

殿大學士於嘉靖四十四年 月入直至嘉靖四十五年 月

養病去

同直李春芳直隸興化人狀元以太子太保禮部尚書兼武英

英殿大學士於嘉靖四十四年 月入直

同直郭朴河南安陽人進士以太子少保吏部尚書兼學士於

嘉靖四十五年 月入直歷少傅兼太子太傅吏部尚書武英

殿大學士至隆慶元年 月養病

同直高拱河南新鄭人進士以禮部尚書兼學士於嘉靖四十

五年 月入直進少傅兼太子太傅禮部尚書武英殿大學士

至隆慶元年 月養病

同直陳以勤四川南充人進士以禮部尚書兼學士於隆慶元

年 月入直

同直張居正湖廣江陵人進士以吏部左侍郎兼學士於隆慶

國朝列卿紀

卷之八

三

元年 月入直

李春芳自隆慶二年七月為元輔歷少師兼太子太師吏部尚

書中極殿大學士至隆慶五年 月致仕凡二年 月

同直陳以勤歷少傅兼太子太傅禮部尚書武英殿大學士至

隆慶四年 月養病

同直張居正

同直趙貞吉四川內江人進士以禮部尚書兼學士於隆慶二

年 月入直加太子太保禮部尚書兼文淵閣大學士掌都察

院事至隆慶四年 月致仕

同直高拱復原官於隆慶四年 月仍入直掌吏部事

同直殷士儋山東歷城人進士以太子太保禮部尚書兼文淵閣大學士於隆慶四年 月入直進少保兼太子太保禮部尚書武英殿大學士至隆慶五年 月致仕

高拱自隆慶五年 月以少師兼太子太師吏部尚書中極殿大學士為元輔仍掌吏部事至隆慶六年六月奉旨致仕凡一年三月

同直張居正

張居正自隆慶六年六月以少師兼太子太師吏部尚書中極殿大學士為元輔至萬曆十年六月卒於官以專權削籍抄沒凡十一年

國朝列卿紀

卷之八

三

劉世仁

同直高儀浙江錢塘人進士以太子太保禮部尚書兼文淵閣大學士於隆慶六年六月入直至 月卒於官贈太子太保謚文端

同直呂調陽廣西臨桂人榜眼以禮部尚書兼文淵閣大學士於隆慶六年 月入直歷少傅兼太子太傅吏部尚書建極殿大學士至萬曆六年 月致仕

同直張四維山西蒲州人進士以禮部尚書兼東閣大學士於萬曆三年八月入直

同直馬自強陝西同州人進士以太子太保禮部尚書兼文淵閣大學士於萬曆六年三月入直至本年 月卒於官贈少保

謚文莊

同直申時行直隸吳縣人狀元以吏部左侍郎兼東閣大學士於萬曆六年三月入直

張四維自萬曆十年六月以少傅兼太子太師禮部尚書武英殿大學士為元輔九月加少師兼太子太師吏部尚書中極殿大學士至萬曆十一年四月以憂去凡十月十二年十月卒於家贈太師謚文毅

同直申時行

同直余有丁浙江鄞縣人探花萬曆十年六月以禮部尚書兼文淵閣大學士入直

國朝列卿紀

卷之八

三

高儀

申時行自萬曆十一年四月為元輔歷少師兼太子太師吏部尚書中極殿大學士至十九年九月致仕凡八年五月

同直余有丁歷少傅兼太子太傅戶部尚書建極殿大學士萬曆十二年十一月卒於官贈太保謚文敏

同直許國直隸欽縣人進士萬曆十一年 月以禮部尚書兼東閣大學士入直歷少傅兼太子太師吏部尚書建極殿大學士萬曆十九年九月致仕

同直王家屏山西山陰人進士萬曆十二年 月以吏部左侍郎兼東閣大學士入直至十 年 月以憂去十六年十二月以禮部尚書兼東閣復入

同直王錫爵直隸太倉人榜眼萬曆十三年。月以禮部尚書兼文淵閣大學士入直歷太子太保禮部尚書武英殿大學士十九年六月給假省親

國朝列卿紀

卷之八

三

按內閣政本之地而輔成聖德扶持國是使君子道亨則元輔實司之。我文皇以上聖之資恢無前之業崇性學以興文教犁虜庭以飭武功諸所設施動與天合解縉胡廣楊榮輩不過仰贊其成而已然終永樂之世閣臣官止五品亦不得專制諸司事於此仰窺聖謨神算為萬世慮深且遠也楊士奇贊政二十餘年上守祖訓下軫民瘼凡事以正道倡之而楊榮楊溥亦協心一德故洪熙宣德及正統初海內奠安號稱太平及曹鼐等才器尋常不能抗王振之橫恣致有土木之變豈能這其責與陳循立景泰之朝依阿苟祿不秉大義以自裁半祝易儲貪受官賞及子不中式甘同王文構陷考官志滿樂生而

國朝列卿紀

卷之八

三

高儒

竄戍邊陲不亦宜乎天順復辟徐有貞以奪門功掌閣事然始與曹石同事而欲矯枉於後所以有金齒之謫也李賢既斥復留最專且久密勿帷幄於曹石弊政反革幾盡可謂有救時之功矣陳文以貪賄致譏不足云也彭時商輅奉法守成於事關綱常露章抗論如彭之沮太監劉永昌封伯商之劾太監汪直設西廠害人其大節不足尚乎萬安素行邪佞結萬通輩為奧援久溷台司及孝皇斥逐猶望台星冀復用何恥如之劉吉以陰刻與萬安同事萬去猶納款科道苟留時六部得人如玉恕忠鯁屢為其軒輊不得行其志有損弘治初政不少徐溥以寬厚稱劉健以端靖稱遭逢孝皇勵精圖治將大有為而隨

事將順無以充拓德意清釐內府積弊亦坐失良期矣正德初
 逆暨劉瑾等導 上遊逸廢棄萬機劉健倡九卿科道請劔行
 誅反罹竄逐將衣冠之禍有數存乎劉與謝遷去國李東陽獨
 留時有中立之譏然逆瑾竊柄引焦芳劉宇曹元厠禁扉變亂
 成憲桎梏臣工天下岌岌然而東陽以元老調護其間使國脉
 不至盡斬其功不可泯也楊廷和梁儲處濁亂之世內有義子
 朱寧江彬等與奄暨張忠輩表裏為奸跋扈不恭外有江西四
 川之巨盜搖吻平民而志存裕蠱才亦足以應變卒之叛藩驕
 帥相繼殄除非天啓 世宗中興者歟初 勅下議尊本生廷
 和與蔣冕拘泥舊聞不能申 上罔極之恩固失之矣而嘉靖
 國朝列卿紀 卷之八 二六 高宗

改元一詔盡洗正德敝政為天下所傳誦可泯沒之乎禮嘗莊
 誦嘉靖四十五年間仰窺 世宗聖神天授獨秉乾綱嚴束中
 官悚惕不敢與政紀又裁革天下鎮守除累朝所欲除而未能
 者可謂千載一時矣前後輔臣有才可用者任之不疑及以罪
 聞者量罪大小或致仕或削籍或議死或籍產赫然如雷霆在
 上孰有能逃於 明照者乎大抵輔臣之職不過代言備顧問
 雖文淵閣有印止於封進詔草登答章疏用之不得下諸司自
 居此任者無丞相之名陰竊其實擅權自專使部院稟受而後
 行是不惟悖 太祖之訓亦失 成祖設內閣之本意矣今
 聖祚無疆與天地同其悠久後之視今猶今之視昔也膺輔臣之

任者其尚知所以永鑒哉

國朝列卿紀 卷之八

五

國朝列卿紀卷之八終

國朝列卿紀卷之九

內閣總論

論曰相道有關君德尚矣天造不論 文廟入正 之臣悉出親擢固皆世之良也解大紳以妙年奇才受知 高 廟舉施政所宜直述以聞援證不下萬餘言皆天下之大計晚 遇 成祖參謀密勿承 御注憲義等十人品論確有定見其 陰寢丘福等邪謀以定 仁廟有功社稷大矣而竟為漢庶人 所誣惜也胡若思入閣逾年出掌成均然以身率教人才翕然 從化 朝廷有大制作若纂修實錄及永樂大典天下圖誌諸 書皆為總裁亦云不負所學矣及 車駕巡北京征北虜則胡

國朝列卿紀 卷之九

王都憲 四見列

文穆金文靖楊文敏是從輔 儲監國總理庶務則黃文簡楊 文貞是屬未幾胡以年奪黃以罪困繫洪熙以後文簡文靖文 貞文敏皆職官保文簡陰忌胡解蒙解死有力之詎不容於時 文靖堅立名節溫裕有容而方用謝世厥施未融惟文貞文敏 二公歷事 四聖為國著龜其在文貞輔亮 東宮保全趙邸 止朝覲官領馬之非減惜薪司炭棗之費請復戈謙之朝疏免 仲成之獄表暴儀智之賢存恤昌隆之後甄別中外之才處置 南北之戍與夫封識啟白之謀易服用樂之辨亦幾於以道事 君者矣其在文敏運籌帷幄折衝千里止老的罕逃歸之師全 驢駒河乏食之卒解夏原吉柔姦之誣見李時勉賣直之謗發

國朝列卿紀 卷之九

劉仕任 四見六八

都御史劉觀之貪平漢庶人背叛之罪諫調江西之民兵處置 甘肅之降虜與夫邊將之強弱才否四夷之順逆委曲邊境之 遠近險易靡不備知亦可謂文武兼資者矣之二公者勳業之 大亦既焯著海宇而或者乃謂文貞正而不譎文敏譎而不正 是未可知也張瑛陳山以舊寮入相然寡學多欲昧於大體 宜廟薄而出之其人不足云也楊文定起困陪之餘謙虛好學保 大以貞其所上疏請早開經筵預擇講官論發成悉從南北所 宜誠老成體國用能與文貞文敏齊名蓋自永樂以後正統以 前宇宙晏然坐臻太平者三公不為無力也三楊物故王振竊 柄陳芳洲高文毅苗文康馬襄敏曹文忠張文信諸公不能正 救其間遂有己己之變將時運使然歟抑委任權力殊耶景泰 監國陳高當軸商文毅彭文憲江淵蕭鐵王一寧王文相繼入 相然彭以憂去江蕭無所建明王一寧進由內監王誠所薦踪 跡鬼昧王文阿附王振久玷司憲乘國是未定復貢諛營進沮 迎復而不遂敢易儲以無君使鍾同輩不得其死罪冠諸臣矣 陳芳洲初疏陳諸事力救張楷陳祚擘有特名及易儲之事不 能秉國之是豈所謂患得患失者耶且怙權剛愎不能容物其 子瑛入試不第與王文誣奏考官劉儼黃諫峻文深詆又何險 也高商二公雖模稜其間小枉安焉然都御史楊善迎 太上 皇歸高文毅奏禮宜從厚抗顏不屈商文毅正救南內事而指

揮盧忠不得燭其禍是所益已多會 景泰不豫諸公慮左右
 生變密謀俟時復立 茂陵言未及進而奪門之兵啓矣徐有
 貞當國步危疑之秋首倡南遷為清議所鄙既乃易名冒薦以
 治河功進職司邦憲遂附石亨輩貪天功以封爵入相殺于謙
 并貶陳芳洲等十數人于動天象尋出星變日暈數重經月不
 息未逾稔有貞亦為亨所嫉而出之古云出爾反爾其然乎哉
 許彬老不足恃 英廟燭之明矣薛文清學有淵源多所自得
 岳季方抱負經濟有古豪傑之風遭曹石不靖薛以幾去岳以
 直竄豈往來昭昭者不可測云李文達之際遇千載一時也呼
 俞籌畫動中事幾槩其大者如消忠國之權靖曹欽之變魏

國朝列卿紀

卷之九

三

傳記

駕之爵停采柴之征罷官校之緝邏杜達臣之貢獻止汪后之
 殉葬赦建庶人之幽內煌煌盛美未易枚舉亦中興賢相也哉
 呂文懿彭文憲與文達同相陳莊靖亦繼入相然文懿早世厥
 施未究迨 憲廟嗣位文達以元臣在朝謨謀毗益故成化初
 政如指揮門達之謫戍太平侯張瑾與濟伯楊琮之奪爵少保
 于謙等之復官賜祭改葬一時反正之功卓矣莊靖政體多達
 而勲德未昭文憲代文達首相多所條陳其論正名分均恩愛
 崇正道謹命令清理三營草場退減勢豪庄田請宣見大臣詳
 議政治乞戒勵各官勉修職業諍太監劉永誠之封伯定 慈
 懿皇太后之祔廟亦無愧於補衮之缺者劉文安蜚聲翰苑三

進讜言援古證今理明氣壯及入相再上密疏皆濟世宏猷而
 未及設施以沒將造化斬其才而爵之也耶商文毅既廢復起
 懲艾思奮其所建白曰番僧國師不得重給符券曰四方常貢
 不得外受玩好曰許諸色人直言自達曰分遣部使以理寬抑
 曰停不急營造曰實三邊軍儲曰守緣邊關隘曰增置雲南巡
 撫悉剴切時宜德若撤去西廠力諫皇莊罷造玉皇殿閣停採
 楚蜀木材復 景帝之位號定儲貳於西宮亦庶乎社稷臣矣
 既文憲物故文毅去位於是汪直凌橫威擬至尊中外縉紳卧
 不貼席時萬文康首相巧營媚上冒籍戚畹嫉侮忠正深於仇
 警保養姦回切於骨肉結萬通繼曉卒改省軍以陰為之援而

國朝列卿紀

卷之九

四

傳記

又斥逐鄒智吉人輩以陽張其勢自古權雄禍人家國不是過
 也佐以劉文和劉文穆彭文思尹文和相燭以騰洪恣希世矧
 責其翼德秉亮光昭大業者哉 孝廟登極更化圖治文康文
 和輩斥不復留特起三原王端毅柄政餘府故耿盧氏張華亭
 李襄城馬鈞陽彭莆田何盱江周陽曲倪金陵皆豐芭數世之
 培植海內所慕望者而皆引列政府雖文穆尚畱內閣挾私懷
 忌每有所軒輊而王公亦不少屈益得人之效在六卿矣徐文
 靖天資寬厚行應表儀賴 聖明在上名卿協力坐享太平之
 休丘文莊博極墳籍潛心著述所補大學衍義諸書亦既登之
 大內權衡百度矣而見於功業者僅茲此何哉劉文靖李文正

謝文正中年入相遭逢 孝廟宣詔咨訪政治時劉謝二公
 重不倚李文正文學淹貫時資獻納不幸天不純祐 龍馭上
 賓海內士民至今追思遐味而不能已 武廟嗣統劉瑾等依
 憑春官宿愛蒙蔽聖聰倒置威福虐焰橫空縉紳凜凜時司徒
 韓洪洞首倡府部科道等官伏闕抗章請劍必殛劉謝二公亦
 力主之幾悟 上心而焦芳希圖入相反為內地用是愈無忌
 憚手握口銜恣其播弄而正人盡竄復矯詔指劉謝二公與韓
 洪洞張安福林閩縣諸公為朋黨班示天下而焦芳遂由冢宰
 入閣表裏為姦凡變紊成憲桎梏臣工杜塞言路酷虐軍民皆
 芳導之時有劉宇曹元者媚竈續貂成溷政本芳為之與援緊
 國朝列卿紀 卷之九 五

國朝列卿紀 卷之九

五

毛士遠 賈全三

後公卿歛遜靡靡難觀論者咎李文正累朝元老不免中立之
 譏然逆瑾狎視公卿每陽敬文正則正人有賴亦多矣王文恪
 博學宏詞蔚然人文所宗顧政歸帷幄倭倖而奉身勇退大臣
 之義固如是哉及逆瑾伏誅天下更始若楊石齋劉文肅梁文
 康靳文僖以後諸公其得失著於一時者昭不可掩其是非定
 於萬世者固日在也今 聖天子在上敬天法 祖納諫求賢
 凡可以生養斯民者無所不用其情中外士民喁喁然思見唐
 虞三代之治苟簡自當宁有不一心一德以贊嘉靖之治寧不
 負 聖明委任之意哉夫自設立內閣以來至於今百數十餘
 年三楊以後文達中興然律諸聖賢尚有遺論由文達而下可

數也嗚呼惟良其艱哉

國朝列卿紀

卷之九

六

六

國朝列卿紀卷之九

殿閣大學士年表

解 縉 江西吉水人進士革除四年由侍讀入閣歷翰林院學士

黃 淮 浙江嘉興人進士革除四年由編修入閣歷少保戶部尚書武英殿大學士宣德元年致仕卒諡文簡

胡 廣 江西吉水人狀元革除四年由修撰入閣歷少保兵部尚書左春坊學士十六年卒贈少師禮部尚書諡文穆

楊 士奇 江西泰和人薦舉革除四年以編修入閣歷少師兵部尚書華蓋殿大學士正統九年卒贈太師諡文貞

楊 榮 福建建安人進士革除四年以編修入閣歷少師工部尚書護身殿大學士正統五年卒贈太師諡文敏

胡 儼 江西南昌人經魁革除四年由檢討入閣歷左諭德兼侍讀未樂二年出拜國子監祭酒後加太子賓客致仕

金 幼孜 江西新淦人進士革除四年以檢討入閣歷太子少保禮部尚書武英殿大學士宣德六年卒贈少保諡文靖

楊 溥 湖廣石首人進士未樂末年以翰林學士入閣歷少保禮部尚書武英殿大學士正統十一年卒贈太師諡文定

張 瑛 北直隸邢臺人宣德元年由禮部左侍郎入閣歷禮部尚書兼華蓋殿大學士四年調南京禮部尚書

陳 山 福建沙縣人洪武癸酉舉宣德元年由戶部尚書兼護身殿大學士入閣歷九年致仕卒

曹 鼎 直隸寧晉人狀元正統五年由侍講入直隸吏部左侍郎兼學士十四年死於士木贈太師吏部尚書兼文淵閣大學士諡

馬 愉 山東臨朐人狀元正統五年由侍講學士入直隸禮部右侍郎兼學士入閣十二年卒贈禮部尚書諡義教

陳 循 江西泰和人狀元正統九年由翰林學士入閣歷少保兼太子太傅戶部尚書華蓋殿大學士天順元年諡成

苗 衷 直隸定遠人進士正統十年由兵部右侍郎兼學士入歷兵部尚書兼學士景泰元年致仕卒贈少保諡文康

高 穀 南直隸興化人進士正統十年由工部右侍郎兼侍講學士入歷少保兼太子太傅工部尚書護身殿大學士天

元 年致仕卒贈太師諡文毅

國朝列卿紀 卷之九

謝科 七百

謝科 七百

謝科 七百

謝科 七百

謝科 七百

謝科 七百

謝科 七百

益 應天江寧籍吳縣人未樂乙未進士正統十四年

彭 時 江西安福人正統景泰元年丁憂

江 淵 四川江津人進士正統十四年由戶部右侍郎兼學士

俞 綱 浙江嘉興人正統中景泰元年由兵部右侍郎

王 一寧 浙江仙居人進士景泰二年由戶部右侍郎入閣歷太

蕭 鎡 江西泰和人進士景泰二年由戶部右侍郎兼翰林院

王 文 直隸東鹿人進士景泰三年由吏部尚書入閣歷少保

徐 有貞 直隸吳縣人進士天順元年由左副都御史入

許 彬 山東寧陽人進士天順元年由禮部右侍郎兼學士入

薛 瑄 山西河津人進士天順元年以禮部右侍郎兼翰林

李 賢 河南鄧州人進士天順元年由吏部右侍郎入閣歷少保

呂 原 浙江秀水人進士天順元年由通政參議兼侍講入閣

岳 正 順天都察院學士六年丁憂卒贈禮部左侍郎諡文憲

彭 時 詳前歲後起修陞與化知府卒贈太師諡文淵

陳 文 江西廬陵人進士天順七年由禮部侍郎兼學士入歷

劉 定之 江西未詳人進士成化二年由太常卿兼學士入閣

商 輅 詳前歲成化二年再入閣歷少保兼吏部尚書諡

萬 安 四川眉山人進士成化五年以禮部左侍郎兼翰林

十三年致仕卒贈太師諡文康

國朝列卿紀 卷之九

謝科 七百

謝科 七百

謝科 七百

謝科 七百

謝科 七百

謝科 七百

謝科 七百

劉吉 直隸博野人進士成化十一年由禮部左侍郎兼學士入閣歷少師吏部尚書華蓋殿大學士致仕卒贈太師諡文穆

劉珣 山東壽光人進士成化十一年由吏部右侍郎入歷太子太保戶部尚書謹身殿大學士致仕卒贈太保諡文和

彭華 江西安福人進士成化二十二年由吏部左侍郎兼翰林院學士入閣歷太子少保禮部尚書兼翰林院學士二十三年致仕卒贈太

尹直 江西泰和人進士成化二十二年由戶部左侍郎兼學士入閣歷太子少保兵部尚書兼翰林學士二十三年致仕卒諡文思

徐溥 南直隸宜興人進士成化二十三年由禮部尚書兼文淵閣大學士入歷少師兼太子太師吏部尚書華蓋殿大學士弘治十一年致仕卒贈太師諡文穆

劉健 河南洛陽人進士成化二十三年由禮部右侍郎兼學士入閣歷少師太子太師吏部尚書華蓋殿大學士正德元年致仕卒贈太師諡文靖

國朝列卿紀

卷之九

九

丁文 吉孟

丘濬 廣東瓊山人進士弘治四年由太子太保禮部尚書掌詹事府事入閣歷少保兼太子太保戶部尚書武英殿大學士八年卒于官

李東陽 湖廣茶陵人錦衣衛籍進士弘治八年由禮部右侍郎兼侍讀學士入閣歷少師兼太子太師吏部尚書華蓋殿大學士正德七年致仕卒

謝遷 浙江餘姚人狀元弘治八年由少詹事兼學士入歷少師太子太傅禮部尚書武英殿大學士正德元年致仕

焦芳 河南泌陽人進士正德元年由吏部尚書入閣歷少師吏部尚書華蓋殿大學士正德四年致仕五年為民

王鏊 南直隸吳縣人進士正德元年由吏部右侍郎兼學士入閣歷少師兼太子太傅戶部尚書武英殿大學士四年致仕卒贈太師諡文恪

國朝列卿紀

卷九

九九

劉宇 河南鈞州人進士正德四年由吏部尚書入閣歷少師太子太傅吏部尚書文淵閣大學士五年以附逆瑾削籍

曹元 尚書入閣兼文淵閣大學士五年以附逆瑾削籍

劉忠 河南陳留人進士正德五年由吏部尚書兼翰林學士掌詹事府入閣歷少師兼太子太傅吏部尚書武英殿大學士六年致仕卒

梁儲 廣東順德人進士正德五年由南京吏部尚書入閣歷少師兼太子太師吏部尚書華蓋殿大學士十六年致仕卒

費宏 江西鉛山人成化丁未狀元正德六年由禮部尚書入閣歷太子太保戶部尚書武英殿大學士九年致仕

靳貴 南直隸丹徒人進士正德九年由禮部尚書兼學士掌詹事府入閣歷太子太保戶部尚書武英殿大學士十二年致仕卒贈太師諡文僖

楊一清 湖廣巴陵人進士正德十年由吏部尚書入閣歷少師太子太傅吏部尚書武英殿大學士十一年致仕卒

蔣冕 廣西全州人進士正德十一年由禮部尚書入歷少師兼太子太傅戶部尚書謹身殿大學士嘉靖三年致仕

毛紀 山東掖縣人進士正德十二年由禮部尚書入閣歷少師兼太子太保吏部尚書謹身殿大學士嘉靖三年致仕卒

楊廷和 見前正德十二年再起原官進士嘉靖二年致仕尋削籍

袁宗皋 湖廣石首人進士正德十六年由左長史入閣歷文淵閣大學士本年卒于官贈太子少保禮部尚書諡榮襄

費宏 詳前正德十六年再召入閣歷少師兼太子太師吏部尚書華蓋殿大學士嘉靖六年致仕

石瑤 直隸藁城人進士嘉靖三年由禮部尚書兼學士掌詹事府入閣歷少師兼太子太保吏部尚書武英殿大學士嘉靖六年致仕卒

賈誅 河南臨潁人進士嘉靖四年由禮部侍郎改吏部侍郎兼學士掌詹事府入歷少師兼太子太保禮部尚書武英殿

大學士卒贈太保諡文靖

楊一清 詳前嘉靖四年再召入閣歷少師兼太子太師吏部尚書華蓋殿大學士八年致仕尋削籍卒贈太保諡文襄

翟鑾 山東諸城人錦衣衛籍進士嘉靖六年由吏部左侍郎兼學士入歷禮部尚書武英殿大學士十二年守制

謝遷 詳前嘉靖六年再召入閣歷少師兼太子太師戶部尚書謹身殿大學士七年致仕卒贈太師諡文正

席書 四川遂寧人進士嘉靖六年由少保兼太子太保禮部尚書武英殿大學士入閣未任卒贈太師諡文襄

張孚敬 浙江永嘉人進士嘉靖六年由禮部尚書入閣歷少師兼太子太師吏部尚書謹身殿大學士八年八月致仕九月

桂萼 江西安仁人進士嘉靖八年由吏部尚書入閣歷少保兼太子太保吏部尚書武英殿大學士本年八月致仕九月

李時 直隸任丘人進士嘉靖十年由禮部尚書入閣歷少師兼太子太師吏部尚書華蓋殿大學士十七年卒贈太師諡

國朝列卿紀

卷之九

十一

高崇武

方獻夫 廣東南海人進士嘉靖十一年由吏部尚書兼學士入閣歷少保兼太子太保吏部尚書武英殿大學士十六年致仕卒贈太師

張孚敬 詳前嘉靖十二年以原官三召入閣加少師十四年致仕十五年再起入閣未任卒贈太師諡文忠

費宏 詳前嘉靖十四年三召入閣本年卒于官贈太保諡文憲

夏言 江西貴溪人進士嘉靖十五年由禮部尚書入歷少師兼太子太師吏部尚書華蓋殿大學士二十一年嗣住

顧鼎臣 南直隸崑山人狀元嘉靖十七年由禮部尚書兼學士掌詹事府入歷少保兼太子太師禮部尚書武英殿大學士十九年卒于官

翟鑾 詳前嘉靖十九年再起入閣歷少師兼太子太師禮部尚書謹身殿大學士二十三年削籍

嚴嵩 江西分宜人進士嘉靖二十一年由少保禮部尚書入閣歷少師兼太子太師吏部尚書華蓋殿大學士四十一

致仕

許讚 河南靈寶人進士嘉靖二十三年由少保吏部尚書入閣歷少師兼太子太師吏部尚書文淵閣大學士二十四年

張璧 湖廣石首人進士嘉靖二十三年由禮部尚書進東閣大學士二十四年加太子太保卒于官贈少保諡文簡

夏言 詳前嘉靖二十四年再起原官入閣二十七年典刑

張治 湖廣茶陵人進士嘉靖二十八年以禮部尚書兼文淵閣大學士入歷太子太保二十九年卒贈少保諡文隱改諡

李本 浙江餘姚人嘉靖壬辰進士二十八年由少詹事入閣歷少師兼太子太師戶部尚書武英殿大學士四十年丁憂

徐階 南直隸華亭人嘉靖癸未探花三十一年由少保禮部尚書兼學士入閣歷少師兼太子太師吏部尚書建極殿大學士隆慶三年致仕卒年

袁煒 浙江慈谿人嘉靖戊戌探花四十年由太子少保禮部尚書兼學士入閣歷少師兼太子太師戶部尚書建極殿大學士四十四年以病

嚴訥 直隸常熟人嘉靖辛丑進士四十四年以太子太保吏部尚書兼武英殿大學士入閣四十五年以疾乞歸卒年七

國朝列卿紀

卷之九

十二

高崇武

李春芳 直隸興化人嘉靖丁未狀元四十四年以太子太保禮部尚書兼武英殿大學士入閣後改華蓋殿為中極殿隆慶

郭朴 河南安陽人嘉靖乙未進士四十五年以太子少保吏部尚書兼武英殿大學士入隆慶元年以少師兼太子太師

高拱 河南新鄭人嘉靖辛丑進士四十五年以禮部尚書兼文淵閣大學士入閣進少師兼太子太師武英殿大學士隆慶元年

養病

養病

養病

養病

養病

養病

養病

陳以勤	四川南充人嘉靖辛丑進士隆慶元年以禮部尚書兼文淵閣大學士入閣四年以少傅兼太子太傅禮部尚書武英殿大學士致仕卒年七十五
張居正	湖廣江陵人嘉靖丁未進士隆慶元年以吏部左侍郎兼東閣學士少師兼太子太師吏部尚書中極殿大學士加太子太師萬曆十年以太師卒年五十八
趙貞吉	四川內江人嘉靖乙未進士隆慶三年以禮部尚書兼文淵閣大學士入閣四年以太子太保兼掌都察院致仕卒年六十八
殷士儋	山東歷城人嘉靖丁未進士隆慶四年以太子太保禮部尚書兼文淵閣大學士入閣五年以少保兼太子太保禮部尚書武英殿大學士致仕卒年六十
高拱	見前慶隆五年復入兼掌吏部六年以少師兼太子太師中極殿大學士刑秩卒年六十七
高儀	浙江錢塘人嘉靖辛丑進士隆慶六年以太子少保禮部尚書兼文淵閣大學士本年卒年五十六
國朝列卿紀	卷之九
呂調陽	廣西臨桂人嘉靖庚戌進士隆慶六年以禮部尚書兼文淵閣大學士入閣歷少師兼太子太傅吏部尚書建極殿大學士致仕卒年六十五
張四維	山西蒲州人嘉靖癸丑進士萬曆三年以禮部尚書兼東閣大學士入閣歷少師兼太子太師吏部尚書中極殿大學士十一年丁憂卒年六十
馬自強	陝西同州人嘉靖癸丑進士萬曆六年以禮部尚書太子太保兼文淵閣大學士本年卒年六十六
申時行	直隸吳縣人嘉靖壬戌狀元萬曆六年以吏部左侍郎兼東閣大學士入閣歷少師兼太子太師吏部尚書中極殿大學士萬曆十九年致仕
徐有丁	浙江鄞縣人嘉靖壬戌進士萬曆十年以禮部尚書兼文淵閣大學士入閣歷少傅兼太子太傅戶部尚書建極殿大學士十二年卒
許心國	直隸欽縣人嘉靖乙丑進士萬曆十一年以禮部尚書兼東閣大學士入閣歷少傅兼太子太師吏部尚書建極殿大學士致仕

國朝列卿紀 卷九

王錫爵	直隸太倉人嘉靖壬戌進士萬曆十二年以禮部尚書兼文淵閣大學士入閣進太子太保吏部尚書建極殿大學士致仕卒年七十九
王家屏	山西山陰人隆慶戊辰進士萬曆十二年以吏部左侍郎兼東閣大學士丁憂十六年十二月以禮部復入
國朝列卿紀	卷之九

內閣大學士行實

解縉字大紳江西吉安府吉水縣人自幼穎悟絕人五歲教之書應口成誦七歲賦詩詩有老成語十歲日誦數千言終身不忘十二盡讀四書諸經貫穿其義理宿老不敢難也而文思溢發十八舉江西鄉試第一洪武二十一年會試禮部第七廷試讀卷者以所對策論過高抑置第三甲時兄綸及女弟之夫黃金華同登第 太祖喜其一家三人出任授綸禮部祠祭司主事縉與金華皆中書庶吉士日侍左右甚見愛重閒暇數召兩人議論考其所學一日寓大庖西室諭縉曰爾試舉今施政所宜直述以聞退即具奏大槩言 陛下得國之正非漢唐宋所

國朝列卿紀

卷之九

十五

高尙武

及取天下於羣盜救生民於塗炭徐定燕都市不易肆而女寵外戚寺人藩鎮之患消融底定皆處之有法矣不邇聲色不殖貨利不為遊畋皆遠過漢唐宋之君而無愧三代聖主矣惟願喜怒一聽於天理而推誠任使不以察為明又言 陛下拳拳於畏天畏鬼神治民治強暴然畏民者畏天之本治心者治民之本又言令不必數改數改則民疑刑不宜大繁大繁則國玩法司近有朋姦罔上倚法為姦二條下人殆難措手足矣又言御覽之書宜集唐虞夏商周及濼洛關閩之言隨事類別以備勸戒又言六經殘缺莫甚禮樂宜正禮經及訪求審樂之儒作樂書又言祀天宜復掃地之規尊祖宜備七廟之制太常非可以

隸俗樂又言僧道之壯者宜出之使復入倫經咒之長者悉火之以杜誑惑斷瑜伽之教禁符式之科絕鬼巫破淫祠以底善治又言進人當擇賢否授職當量重輕今大誥有不為君用之罪則仕者不復擇矣又言名不正則言不順故買生定官名易服色願明經制以任諸侯王於眾職推恩義以待百執事於一體大臣不施辱罰屬官不加捶楚又言古者鄉鄰善惡必記今雖設申明旌善一亭而無黨庠鄉學之教互知之法雖嚴訓告

之方未備宜取古人治家睦鄰之法若古藍田呂氏鄉約及今義門鄭氏家範布之天下世臣大族率先以勸旌之復之為民表率而致治不難矣又言易曰王公設險以守其國重門擊柝以禦暴客而近世徂於宴安墮城池銷鋒鏑諱兵事以為天下已治一旦或有不測之虞何以為備宜勅有司以時整葺寬之歲月守以里胥額設弓手課之射教民以農隙兼習兵且乞設武舉以收英才又言宜廣鄉教前代多有書院育學田有貢士莊宜修復以教養賢士又言極刑之禁慮有遺才給配婦人恐傷節義既奏 上嘉其有識縉素與兵部尚書沈潛不合二十三年潛奏縉入部堂索皂隸語嬉慢非禮 上慮縉優閒怠逸卽除江西道監察御史蓋以繁劇玉成之也值都御史袁泰構害張景岳勢恣橫諸御史莫敢糾其非縉執筆起草力詆其奸狀又代虞部郎申玉國用論救韓國公李善長寬疏 上慮其

國朝列卿紀

卷之九

十六

高尙武

狀又代虞部郎申玉國用論救韓國公李善長寬疏 上慮其

涵養未至召縉父謂曰才之生甚難而大器者晚成其以爾子歸益進其學又諭縉曰朕與爾義則君臣恩猶父子其歸益盡心於古人後十年來朕大用爾未晚也縉侍父歸感恩勵志所造益深矣高皇升遐縉趨赴臨權臣構害謂赴臨非詔旨遂謫河州未幾曹國公李景隆錄其詩以聞召還入為待詔一日於宮中披覽建文以來羣臣所上封事千餘通命縉編閱有關政治者留覽餘悉焚之靖難師起過江約周是修死節不果往會文皇正位雅聞縉名召置左右授翰林院侍讀初開文淵閣簡用七人備顧問以縉為首諭之曰爾七人朝夕相與共事鮮離左右朕嘉爾等恭慎故在宮中亦屢言之然恒情保初

國朝列卿紀

卷之九

十七

鄧名林

易保終難朕常存於心爾等亦當謹終於始庶幾君臣保全之美縉對曰陛下不以臣等淺陋俯垂信任敢不策勵圖報上喜各賜五品公服又曰皇后欲召見爾七人命婦其即令赴柔儀殿見之本年復進侍讀學士永樂元年十二月壬辰上御謹身殿閱高皇御製文集論縉曰皇考文章天資超邁然亦學問所至觀其所著皆天地之心帝王之度語簡理至藹然可見朕於宮中徧索宸翰不可得有言建文君自焚時并寶璽皆燬矣意者其有逸帙乎縉對曰國初佐命之臣理當有之於是遣書諸藩索之二年八月己丑縉呈大學正心章講義上覽至再諭之曰人心誠不可有所好樂一有好樂泥而不返則欲

必勝理若心能靜虛事來則應事去如明鑑止水自然純是天理朕每退朝默坐未嘗不思管此心為切要十二月進文獻大成賜宴禮部是歲文華寶鑑成上賜皇太子諭縉曰朕皇考訓戒太子嘗采經傳格言為儲君昭鑑錄朕此書稍加充廣益以皇考聖謨大訓以為子孫帝王萬世之法誠能守此足為賢君昔秦始皇教太子以法律晉元帝授太子以韓非書帝王之道廢而不講此所以亂亡朕此書皆大經大法卿等兼輔東宮從容閒暇亦以此為說庶幾成其德業他日不失為守成令主嗣後纂修洪武實錄及永樂大典悉命縉為總裁官先是上與淇國公丘福等二三大臣議建儲諸臣咸謂高煦有扈從功

國朝列卿紀

卷之九

十八

鄧名林

上不以為然召縉密議事遂定立仁宗為皇太子高煦為漢王加縉為翰林院學士兼右春坊大學士階奉議大夫五年福等初議泄於外高煦知之憾縉獨深遂譖於上曰藩邸舊臣無泄者其縉泄之乃坐縉廷試讀卷不公罪出為廣西右叅議既而禮部尚書李至剛誣縉怨望改交趾八年入京奏事時車駕北征皇太子監國縉伏謁徑歸高煦聞之又譖縉私覲儲君無人臣禮復竄交趾之化州檢討王侁在謫所邀與同趨廣東之化州縉復上言請用數萬人鑿贛江上大震怒徵逮詔獄拷掠備楚詞連大理丞湯宗中允李貫贊善王汝玉編修朱紘檢討蔣驥潘畿臈引高經歷高得陽及李志剛十三年縉死

獄中年四十七子頌應頌亮舉家俱戍邊 仁宗登極特宥遷官其子頌亮為中書舍人

縉襟宇曠略絕無城府喜引拔士類如曾棨等二十八人俱所獎進 太宗嘗命縉評諸臣縉以實對於寒義曰其資重厚中

無定見於夏原吉曰有德有量不遠小人於劉儻曰雖有才幹不知顧義於鄭賜曰可為君子頗短於才於李志剛曰誕而附

勢雖才不端於黃福曰秉心易直確有定守於陳瑛曰刻於用法好惡頗端於宋禮曰愷直而苛人怨不恤於陳洽曰疏通警

敏亦不失正於方賓曰簿書之才駟偷之心既奏 上以授仁宗曰李志剛朕燭之矣餘徐驗之 仁宗嘗問建文所用諸臣

國朝列傳紀 卷之九

九

縉對曰此皆洪武中人材往事不足論已問尹昌隆王汝玉曰

昌隆君子而量不洪汝玉文翰不易得所惜者市心爾縉卒後十餘年 仁宗出所評十人者示楊士奇曰人謂縉狂士乃今

知非狂士也所著詩文散失不全 楊東里云公仕前後不十歲為吉士再歲御史未滿歲為學士

四歲兩贊外藩皆席未煖初修 高皇帝實錄及宋樂大典皆為縉所會試者一讀廷試卷者一聲名在天下籍甚教孝友

重義 縉遇人憂患疾苦輒屬於心苟可用力盡意為之篤於故舊 縉名賢世家之後喜引拔士類或謂其沉愛者終不為縉

縉字闕略不屑意細故而表裏洞達絕崖岸雖野夫穉子皆樂

親之求文與書者日輻輳率與之無厭倦意或言有不當與者笑曰雨露豈擇地而施哉且人孰不可與進者又不畏疆禦承

運庫官張興傳竈而橫營營擊人於左順門下公過之叱興曰御座在此敢爾違犯禮法乎興雖忿公然不敢應一語還俛首斂

退同官治職事或有失誤公在 上前率引為已過其文雄勁奇古逼司馬子長韓退之詩豪宕豐贍似李杜其教學者恒曰

寧為有瑕玉勿作無瑕石書小楷精絕行草皆佳 天順日錄云 文廟過江時胡廣金幼汝黃淮胡儼解縉楊士

奇周是修輩俱在朝惟是修具衣冠詣應天府學拜 宣聖遺像畢自為贊繫於衣帶自縊於東廡下可謂從容就死者矣諸

國朝列傳紀 卷之九

十

公初亦約同死已而俱負約真有愧於死者後縉為誌士奇

為傳且謂其子曰當時吾亦同死誰與爾父作傳識者笑之諸公不死建文之難與唐之王珪魏徵無異後雖有功何足贖哉

縉才獨高使遇唐太宗有所論諫豈下於魏徵若留於 仁宗時事業必有可觀者士奇輩遠不及也

又云 文廟初甚寵愛解縉之才置之翰林縉豪傑敢直言文廟欲征交趾縉謂自古鸚鵡之國通正朔時實貢而已若得其

地不可以為郡縣不聽卒平之為郡邑 仁廟居東宮時 文廟甚不喜而寵漢府漢遂恃寵而有覬覦之心縉謂不宜過寵

致有異志 文廟遂怒謂離間骨肉縉由此二諫得罪暨 宣

廟初漢府東發交吐南叛悉如籍言

瑣綴錄云 太宗駐金川門即命訪解公大紳既至甚喜始建

內閣處翰林七人而公為首今內閣規制皆自公創及議儲未

決乃召公預議公言立嫡以長繼曰好 聖孫 宸衷頓悟事

遂定後丘福等泄此語於漢庶人怨譖不已乃調外任竟下獄

以死固非朝廷之意實漢庶人之所為也

畜德錄云解學士籍應制題虎顧象彪圖曰虎為百獸尊誰敢

觸其怒惟有父子情一步一回顧 文皇素不喜 仁宗感此

詩甚思之時 仁宗留守南京頗懷憂虞因命所親信者莫如

夏原吉即日往迎之可謂得諷體矣

國朝列卿紀

卷之九

三

四

傳信錄云北京宮闕成 太宗命解籍書門帖以古詩書之曰

日月光天德山河壯帝居 上大嘉賜資甚厚

又云未樂 年八月中秋節 太宗開宴賞月而月為濃雲所

掩因命解學士籍賦詩解作風落梅一闕其辭曰嫦娥面今夜

圓垂簾不着臣見拚今宵倚欄不去眠看誰過廣寒殿 上覽

之歡甚賜飲至東白

閣學記云籍負奇器抱偽才意與所到肆筆成章水搏蛟蚪陸

刺犀象淵乎其不寤浩乎其若有餘其自視何如者 高皇帝

網羅英俊智屈羣策當時翊運元臣雖親如善長貴如廣洋惟

庸近侍如安如濂如觀如素雷寔所擊罔不震懼籍以一少年

上庖西萬言疏批鱗逆心罔所諱忌而 聖度優容令其進學

才難之歎猶可想見規模真弘遠矣召旋河隴踐履清華密贊

建儲有故老舊臣所不及知而獨幹運廟謨措神器於磐石視

古英哲何以加諸然諫沮交吐力抗權倖卒罹於讒莫之敢白

悲夫

黃淮字宗豫浙江温州府永嘉縣人自幼抱鉅人志年十二鄉

學師命賦荷花詩十四補邑庠弟子員泉司官命賦挑燈杖詩

語皆出奇驚人洪武丁丑舉二甲進士授中書舍人壬午年靖

難師過江同百官歸順 文皇入正大統首召見訪以大政深

稱旨簡入內閣授翰林院編修尋進侍讀一日有告黨逆者淮

國朝列卿紀

卷之九

三

四

言於 上曰洪武末年已有勅禁革不宜復舉 上從之而大

獄遂息吏部以南人官北土不效順者例編伍淮曰近 勅凡

征討官員與舊官事同一體若復追罪南人是示人以不廣也

上即罷之未樂二年 上命解籍與淮為主考得曾榮等四百七

十二人撤棘入覲 上以得才之多為之甚喜三月 上欲立

東宮預問淮對曰立嫡以長萬世王法 上意遂決冊立 仁

宗為皇太子命淮為庶子仍兼侍讀五年遷右春坊大學士仍

兼侍讀輔導 皇太孫七年 上巡狩北京命奏義金忠楊士

奇及淮留守南京諭曰朕留汝四人居守猶唐太宗簡輔弼監

國必付房玄齡也卿等其識朕意八年 車駕親征胡虜適長

沙妖人李法良作亂 皇太子命豐城侯李彬討之漢王諧彬
 不可用淮曰豐城老將必能成功兵貴神速宜亟遣之以掩不
 備而法良就擒果如淮第九年虜酋阿魯台來降請併女直
 吐蕃諸部屬其約束淮曰北虜狼子野心離其黨使各為心則
 易制若併為一則難圖矣 上顧左右曰黃淮如立高岡無遠
 不見爾等如處平地所見惟目前耳十一年西域烏思藏大寶
 法來朝 上命玉工以全璞製印昇之淮曰 朝廷賜諸蕃制
 勅所用勅命廣運二寶亦有限制今此璞大如聖書恐非所以
 示諸夷也 上嘉納之再命留守南京陞翰林院學士十二年
 漢王隨侍北征潛蓄異志日夜窺伺間隙流言監國之禍請淮
 國朝列卿紀 卷之九 三十一

尤力值進表行在稍滯 上怒逮繫獄中凡十年淮在徃行惟
 賦詩引咎名曰省愆集又即人情物變寓之於言名曰自省錄
 會 仁宗嗣位釋之陞通政使兼武英殿大學士仍領內閣事
 洪熙元年加少保戶部尚書仍兼武英殿大學士時夏五月
 上不豫 皇太子往南京省謁 孝陵遣使召還既而官車晏駕
 羣情洶洶淮及楊士奇等佐鄭襄二王監國及 皇太子還京
 即位大事始定宣德改元八月漢族人反 上率師親征仍命
 淮留守師旋固請歸田時淮父靜庵先生八十有九淮年餘六
 旬恪供子職弗懈父沒 上命以一品禮葬既襄事淮拜恩闕
 下 上寵留累月賜遊西苑命乘肩輿登萬歲山賜宴山之麓

翼日獻詩以謝 上大悅仍命宴餞於太液池且諭之曰明年
 朕誕辰卿其復來越明年如期至龍錫有加九月辭還歸田杜
 門不接世故者二十餘年至正統十四年乃卒於家壽八十三
 諡文簡淮勤慎周密於職務無所不舉命獄疑獄而疑獄無冤
 命議鈔法而鈔法無弊其識見尤為人所不及嘗讀廷試卷於
 上前同列有不直淮正色直之於是人目為大認真者所著有介
 庵集歸田稿

縣笥瑣探云 文廟喜任文學嘗於進士中選二十八人入翰
 林讀書親課試之令大學士解縉督其業周文襄公忱時奏言
 願入選然選二十八人已足上特嘉獎曰此有志之士許之凡
 國朝列卿紀 卷之九 三十二

二十八人悉令選中書舍人二十八人專習義獻書以黃文簡
 公淮領之其且上謂文簡公曰諸生習書如何公對曰日惟致
 勤耳惟今翰林有五墨區陳宗淵者亦日習書然不敢儕諸人
 之列但跪階下臨榻頗逼真因問卿嘗持所書來否公因出諸
 袖中乃覽之喜甚目公曰此何鄉人對曰越陳剛中之後也上
 素聞剛中名改容久之曰自今當令此人與二十八人者同習
 書公曰然尚在區籍又演如例與飲食給筆劄俱從之且公有
 同落其籍宗淵遂得入士流云

殿學記云予觀文貞所載目錄謂淮思胡廣解縉縉之死淮有
 力焉再觀省愆錄乃知淮之不答於時下獄卅年家食二十餘

年杜門掃軌不問國事而同事七人縉既維羅廣亦憇天惟文
貞秉鈞文敏謀幄淮之蒙詬亦未可知也

吾學編云初與公並入閣者七人胡儼早休胡廣先卒解縉沒
詔獄惟西楊秉政最久東楊惟幄最密並總修累朝實錄而公

國士十年家食餘二十年蒙詬簡牘君子弗信也

胡廣字光大江西吉水人幼孤力學內浸漬其母訓外則受從

祖子貞先生之教故德器不凡已卯以詩經領鄉薦華除二年

廷試吳溥等一百一十人王良當第一 上以良貌寢不及胡

廣且策有宗藩陸梁人心搖動之語稱旨遂擢進士第一易其

名曰靖授翰林院修撰靖難兵至廣與周是修解縉楊士奇金

國朝列卿紀

卷之九

五

毛士遠

幼孜諸人約死難及廣歸家解縉使人矚之知其志不果及期

是修縊於應天府學銀杏樹上廣不往 文皇履極以萬幾叢

陛日御奉天門左室裁決庶務特命解縉黃淮立御榻之左以

備顧問已而開內閣命解縉黃淮入典機密又選廣與楊士奇

胡儼楊榮金幼孜與之同事遂進侍講仍復舊名踰四月改侍

讀廣小心敬畏出入禁闈目不忤視在 上前承顧問應對必

盡誠據理而忠厚為本未嘗及人過失事於奉 旨制勅視草

即有所見必具可否以聞多見采納永樂二年陞右春坊右庶

子仍兼侍讀命侍 皇太子與縉等分閱講義解縉閱書金幼

孜閱春秋楊士奇閱易廣閱詩每有疑處 皇太子必召解胡

四人相與辨析暢而後已未樂四年七月 上一日問曰昨有

中官自江西來言田家刈稻已畢何獨太早對曰臣鄉民多勤

且多種早稻 上曰勤之一字豈獨農家為然至於人君亦當

致勤於心朕每退朝靜坐必思今日所行幾事果當於天理合

於人情則心安矣否則中夜必思命左右記之俟旦改之蓋一

事失當民受其弊故不得不勤爾廣對曰誠如 聖諭未幾命

撰神木山碑文五年遷翰林院學士兼右春坊大學士階奉政

大夫諭吏部曰廣等侍朕日久繼自今秩滿勿改外任六年七

月命同淇國公丘福等輔導 皇太孫賜之勅諭略曰宏材之

建必由匠石之功圭瓚之成必假琢磨之力卿等皆懋簡德藝

國朝列卿紀

卷之九

五

毛士遠

職輔東宮東宮之子必資兼弼宜協心同志輔導於成推廣仁

義道德之源開陳二帝三王之治涵養本源恢弘智量以成其

德器庶國家有無窮之聞本年冬廣進呈文字 上覽之稱善

問曰黃淮不滿於楊士奇何也廣對曰淮有政事士奇有文學

蓋因解縉重士奇輕淮故併及於臣 上曰知汝不容於淮惟

朕不為所惑廣頓首謝七年正月扈巡北京二月甲戌 聖學

心法成諭廣曰古人治天下皆有其要雖生知之聖亦資學問

由唐虞至宋聖賢明訓具著經傳然簡帙浩繁未易遽領帝王

之學惟得其要篤信力行足以為治朕惟皇太子天下之本今

當進學貴在知要朕因幾暇采輯古聖之學如執中建極切於

身心家國天下者類為成書卿等試觀之廣曰 帝王道德之

與備載此書宜與典謨訓誥並傳萬世八年扈征本雅失里

上大閱營師聞瓦刺使者言論廣曰國家無所用兵今日此舉非

得已也廣對曰孔子所慎齊戰疾願致謹焉 上曰孔子又言

我戰則必勝祭則受福誠敬之至效可必也三月丙子 上北

征次凌霄峰論廣曰諸將比來不進一言何也廣曰成算在上

莫之能裨 上曰好問則裕自用則小雖聖人咨於蒞堯朕曷

敢任已以掩羣策暨旋師廣等頒賚有差九年督罕提吉并女

直野人來朝 上諭廣曰朕非欲併其土地良以此輩貪殘數

為邊患宋歲賂以金帛剝民膏血若餌虎狼今既畏服授官賜

國朝列卿紀 卷之九 王 賈

賚捐小費以弭大患可也十月乙巳重修 高廟實錄命廣同

楊榮胡儼等為纂修官十二年十一月甲寅諭廣等曰五經四

書皆聖賢精義要道其傳註之外諸儒議論有發明餘蘊者爾

等采其精語增附於下其周程張朱諸君子性理之言如太極

通書西銘正蒙之類皆六經羽翼爾等亦別類成編務極詳備

庶幾可垂後世命廣為總裁官十三年書成廣等撰表進呈

上親製序文十四年擢廣為文淵閣大學士時禮部郎中周訥建

請封禪羣臣多從之廣撰却封禪頌以進上大嘉賞會丁母憂

召還 上問百姓安否對曰安但郡縣寤治奸惡外戚為民厲

上詔罷之永樂十六年寢疾不起尋卒於官壽四十九 上諭侍

臣曰天生人才難得廣速折乃爾慟悼久之 命有司泐棺斂

贈資善大夫禮部尚書謚文穆國朝文臣有諡自太子少師姚

廣孝與廣始也 仁宗登極加贈榮祿大夫少師仍賜其家金

鈔文綺官其子種為檢討廣博學經史百氏下逮醫卜老釋之

談亦皆旁通而用志性命道德之旨為文援筆立就頃刻千百

言奉 勅修 高皇帝實錄五經四書性理大全書皆為總裁

兩考京畿鄉試四為廷試讀卷尤工書法行草之妙獨步當時

所著有冤菴集扈從集若干卷

塵談錄云胡文穆公廣初名靖建文庚辰科狀元也初讀卷時

翰林擬吉水王良為首選 當寧覽之而易以胡故良止為榜

國朝列卿紀 卷之九 王 賈

眼後 文廟靖難師起良家居不食而死廣被知遇入內閣荐

台輔雖有王魏之功而罪過之矣知人惟帝其難諒哉

閣學記云 國朝選士擢冠於庭者自吳伯宗任亨泰輩受知

皇祖至廣益大以肆表章六經及性理諸書可謂有大造於後學

者觀其扈蹕帷幄之籌與夫典樞綸綍之文蔚然炳矣視文貞

以下鮮與其儔云

楊士奇名遇以字行江西吉安府泰和縣人幼孤力學越章貢

浮琴江艤鄂渚登黃鶴樓與蔣隱溪子立恭遊慨然有幽人貞

士之志已而應奉翰林赴試吏部將官之尚書張統讀其策喜

曰明達時務有用之才不但文詞之工而已列名第一授王府

一審理副會 成祖卽位遂擢爲翰林院編修時方開內閣於東
 角門內命解縉黃淮胡廣胡儼楊榮金幼孜及士奇七人處其
 中典機密尋陞侍讀 上嘗諭士奇曰朕知爾文學親擢置此
 爾但盡心勿自疑畏士奇感 上知遇忠勤不懈早夜孜孜以
 修其職未樂二年 仁宗爲皇太子又以本官兼左春坊左中
 允益見寵任一日文華殿當講大學士奇呈講義於 上前覽
 畢 上曰先儒謂堯典克明俊德章一部大學皆具士奇因奏
 二帝三王所以脩諸身施之國家天下皆大學之道 上復曰
 孟子道性善言必稱堯舜講說之際必以前古爲證庶幾易入
 侍講學士王達講乾九四舉儲貳爲說 皇太子疑其言問士
 奇對曰此宋儒胡瑗說也曰與常人言亦舉此說乎對曰程子
 常曰卦中六爻人人有用聖賢有聖賢用衆人有衆人用君有
 君用臣有臣用無所不通王昭素嘗爲宋太祖言之矣講臣非
 有據豈敢妄出意見哉饒州士人朱季友獻所著書斥濂洛關
 閩之說 上覽之怒曰此儒之賊也時禮部尚書李志剛翰林
 學士解縉侍講胡廣及士奇侍側 上示以其書縉曰惑世誣
 民莫甚於此志剛曰不罪之無以示儆宜杖之擯斥四裔士奇
 曰當盡燬所著書庶幾不誤後人廣曰聞其人已七十燬書示
 儆足矣 上曰謗先賢毀正道治之可拘常例耶遣行人押季
 友還饒州會布政司及府州縣官與其鄉士人明論其罪而笞

國朝列卿紀 卷之九 手

以示門悉索其所著盡焚之 上復諭羣臣曰除惡不可不盡
 然其所著書最是五年廣東布政徐奇朝京師載嶺南土簞諸
 物將以饋廷臣或得其單目以進 上閱視無士奇名獨召士
 奇問故將以私交罪之士奇曰奇自都給事中受命赴廣時衆
 皆作詩文贈之故有此餽臣不與名者以當時病未有作不然
 亦不免今衆名雖具然受否未可知且物微甚當無他意 上
 意解命中官燬其目一無所問本年陞左春坊左諭德仍兼侍
 講時禮部尚書鄭賜爲侍郎趙昉所間憂鬱感疾勉強奉職如
 平時忽以卒告 上疑其自盡召翰林諸臣問之衆未及對士
 奇進曰臣觀賜病數日但未敢卽安昨晚同立右順門下賜忽
 仆地旁人怪賜無人氣臣遽命其屬官掖出午門外 上聞士
 奇言曰微汝言幾誤疑賜賜本君子領才不足耳命工部與棺
 禮部往祭之六年冬以巡狩北京詔告天下命士奇視草 上
 稱善又命與諸尚書觀之兵部尚書劉儁私與士奇曰請以有
 字易自字士奇善之衆謂二義不相遠且 上旣稱善不必易
 士奇奏曰國家大體當用儁言 上喜曰士奇能服善則何有
 敗事由是亦屬意用之七年車駕巡狩北京 皇太子監國
 上命蹇義金忠黃淮與士奇職輔導義於事多疑少斷常持兩端
 曰事當熟慮不然必有後憂士奇曰事豈得不思但多思則
 惟據理而行 皇太子聞而笑曰此須兼知仁勇自今

國朝列卿紀 卷之九 手

當理者從之不必多思致惑也然 皇太子知士奇誠篤惟其
 言是從或初若有疑而終必見用由是少有闕失而上下安時
 東宮專意文字因覽文章正宗稱真德秀學術純正此書有益學
 者士奇對曰德秀所著大學衍義為君者不可不知為臣者不
 可不知君臣不知大學衍義為治皆苟而已又閱歐陽修文集
 喜其秦議懇切命贊善陳濟校正因諭士奇曰廬陵有君子爾
 其勉之春坊贊善王汝玉每以詩法進 皇太子以問士奇對
 曰詩以言志明良喜起之歌南薰之詩可見舜之志漢高祖大
 風歌唐太宗雪耻酬百王除兇報千古之作所尚者霸力非王
 道漢武帝秋風辭志氣已衰若隋煬帝陳后主皆淫靡不足道

國朝列卿紀 卷之九 三十一

殿下明經講道之暇娛意文字兩漢詔令皆可觀非但文辭高
 古亦可裨益治道詩非所急也 皇太子曰儒者亦作詩否士
 奇曰儒者固皆作詩然儒之品有高下有德行之儒有經濟之
 儒專意詞章君子謂之俗儒人主尤當辨於此九年 上還南
 京一日退朝召士奇問曰爾輔東宮久果何如士奇以孝敬對
 上使言其實對曰凡有事宗廟祭器皆親闕去年將時享頭風作
 醫言當汗殿下曰汗即不敢蒞祭左右請遣人代斥之曰 上
 以命我又可遣人代乎遂親祭祭畢汗徧體無藥疾自愈每進
 御用物皆躬閱封識遣行不輕信下人車駕北征殿下不敢寧
 居恒日中晷始食駕還而後能安 上曰此子道當然士奇曰

古聖賢亦皆盡其當然者且殿下天資高或有過未嘗不知知
 之未嘗不速改又且存心以愛人為本將來必不負 陛下付
 託之重 上悅十二年正月食先數日 上問禮部及翰林
 諸臣正旦日食百官行賀禮乎尚書呂震曰日食與朝賀不同
 時當賀侍郎儀智曰同日宜免賀士奇對曰日食天變之大者
 也宋仁宗時元正日食富弼請罷宴撤樂宰相呂夷簡不從弼
 曰萬一契丹行之為中國羞後有自契丹還者言虜是日罷宴
 仁宗深悔今誠宜免賀 上曰君子愛人以德士奇與智言是
 也遂免賀及宴十四年 上在北京聞高煦有異志還京師欲
 發其事疑未決獨召士奇問曰昨問蹇義漢府事對曰不知若

國朝列卿紀 卷之九 三十一

朕有未知爾輩疑有離間不敢言今朕既知矣爾言之何害士
 奇對曰臣與義事東宮外無敢與臣等言者但漢王始封國雲
 南不肯行改青州又不肯行今知將徙都北京惟欲畱守南京
 天下皆疑其心惟 陛下善處之使早有定所全父子之恩為
 末世之利 上默然起還宮後數日悉得其反狀及所為戰具
 大怒褫其冠帶繫之西華門內東宮力救解乃免遂命削其庶
 護衛處之樂安州曰此去北京甚邇即其作禍可朝發而夕擒
 也是冬周王楚王來朝謁 孝陵 上命東宮皇太子太孫及
 諸皇孫陪謁問翰林諸臣拜位當何如眾疑未有言士奇對曰
 二王尊屬當分列在前東宮稍後居中皇太孫又後亦居

皇孫與太孫同班分列兩傍 上出片褚所書位次與士奇
合然下有六字未書授筆命士奇足之遺鴻臚寺丞周昇持
赴陵俾率行之少頃復命以宸翰上 上遂以與士奇寶藏之
至今存焉 皇太孫勤於學問 上命吏部翰林舉老成正大
儒者侍講讀士奇與憲義舉儀智衆以為老士奇曰儀智道理
明執守正精神不衰老成大廷臣未見其比者 上聞之喜
曰智雖老識朝廷大體能直言不阿向言元正日食宜免賀朕
知之可謂得人矣十五年 皇太子命士奇纂周易本義要旨
為一編既進 皇太子悅賜名周易直言踰年輯成又名曰周
易大義本年陞翰林院學士仍兼諭德會 上巡北京命輔

國朝列卿紀

卷之九

三

張一編
四百五十六

皇太子監國十二月有疾 皇太子賜諭并以寶鈔酒米給之十
八年 皇太子赴北京過滁州以歐陽修勉之十九年改左春
坊大學士兼翰林院學士二十二年八月 成祖北征上賓學
士楊榮歸自行在以聞 仁宗即遣皇太孫往迎梓宮時京兵
皆隨征在外城中空虛 慮趙府兵為變因秘未發喪 皇太子
然之顧急未有所與以向士奇士奇言 上所用東宮圖書今
請暫假之行此一時之 懼歸即進納 上即取付太孫曰有啟
事以此封識此亦久當 歸汝汝就留之既而謂士奇曰卿言誠
是昔大行臨御儲位久 不定浮議喧騰吾今就以付之浮議何
由興且曰朝廷事卿與 憲義當究心吾當重用卿二人

曰殿下嗣位事無大小皆當盡公此收人心之機也恩之所及
必先扈從征行之臣漢文即位首進宋昌史書以為貶臣兩人
不應先及 上初即位有詔減冗費而惜薪司准常例賦北京
山東棗八十萬斤為香炭之用士奇入奏曰詔下甫二日而即
有此雖云歲例得無過多 上曰數日事叢朕益急遽中遣之
不暇致審耳即命減其半九月祭未尚書呂震言於 上曰今
喪服已踰二十七日請如 太祖做漢制易吉服 上時未有
答震退徧語羣臣明日易從吉士奇謂震曰今未可比此例蓋
洪武中有遺詔且 仁孝皇后崩 成祖皇帝仍素衣冠經帶
者數月今 上於皇考可遽即吉乎震厲聲曰朝廷事爾每執

國朝列卿紀

卷之九

三

滿奉
四百五十六

異尚書憲義兼取二說明曰羣臣皆素衣冠黑角帶遂以聞亦
朱答明日 上素冠麻衣經出視朝文臣惟學士武臣惟英國
公如 上所服罷朝 上諭左右大臣曰呂震昨奏當易服梓
宮在殯吾豈忍易士奇所執是也士奇自左春坊大學士進禮
部侍郎兼華蓋殿大學士尋陞少保翰林以士奇等所受誥草
進呈 上取筆親增二語曰勿謂崇高而難入勿以有所從違
而或怠顧謂士奇等曰此實朕心卿其勉之士奇對曰 聖德
能容臣等敢不勉昔富弼有言願不以同異為喜怒不以喜怒
為用舍成湯改過不吝所以為聖人茲願 陛下常以古人為
法本年十月一日大理寺卿虞謙上封事過激 上怒降謙為

大理寺少卿而陞楊時習為卿士奇以為不可即復其官本年十二月加少傅進階榮祿大夫時天下方面大臣及郡有司皆來朝京師兵部尚書李慶言於上曰民間馬畜蕃已散之軍伍尚餘數千請令朝覲官領之少蘇民力正官領牲馬佐貳官領牝馬太僕寺死馬寺歲課其息有虧罰與民同士奇謂慶不可慶忿不納士奇獨奏曰朝廷選賢任官今乃使養馬而課責與民同豈貴賢賤畜之意乎明日復奏曰必行此令於天下賢者誰復肯仕益虧損一馬則必陪償破家產累子孫朝廷可負此名於天下後世乎上許出內批罷其事不報明日士奇又言兵部已督朝覲官領馬所領多駒南人脆弱不能控制立視

國朝列卿紀 卷之九

三五

張文

其奔逸號泣於道臣恐將來遠慮者非但不願仕亦無志於學問矣此令之失非小也上曰吾偶忘之當即批出不爽也午刻上御思善門召士奇論曰內批豈真忘之朕聞李慶言震革皆忿卿朕念爾孤立恐為眾所傷不欲卿言而罷今有名矣示出一章乃陝西按察使陳智言畜馬不便命士奇據此草勅止散馬士奇頓首言陛下知臣臣不孤矣但馬已領者當何如上曰已領者准洪武中官員乘例不責生息虧損不責償未給者止勿給復謂士奇曰繼今令有不便惟密與朕言李慶輩不識大體不足語也本月上以梓宮在殯命禮部尚書呂震新正朝儀不用樂及鴻臚習儀仍用蓋震主之士奇與許淮

等入疏言前已議不用樂今仍用不可乞勅禮部設而不作未報乃復進奏侍廷中至夜漏下十刻遂有旨如士奇言越三日召士奇等論之曰呂震每事誤朕卿等所奏停樂是臣以能直言為賢如用震言今悔何及洪熙元年正月命士奇兼禮部尚書尋改兼兵部尚書士奇辭曰臣為少傅大學士已踰涯分尚書一職更不敢當上厲色曰黃淮金幼孜皆三職卿獨二職人將謂何卿勿辭士奇請辭俸上曰卿於朕勞動二十年故賜以此祿何用辭士奇曰尚書月俸六十石可養壯士六十人臣受二俸已過分安敢復加尚書寒義言宜聽辭學士俸士奇言辭祿常辭厚何用取虛名上曰朕成卿志乃聽辭顧義曰

國朝列卿紀 卷之九

三六

張文

廉潔之風士奇有焉於是黃淮亦辭戶部尚書俸上監國時御史舒仲成嘗以事廷旨後已陞為湖廣按察副使矣及即位尚書寒義因以他事奏仲成即命都察院逮治之士奇上疏曰向來小人得罪者多陛下即位皆有之今追理仲成即詔書不信漢景帝為太子召衛綰不赴即位用綰前史韙之上喜即罷治仲成賜士奇米及鈔幣且降勅獎諭曰卿導朕以仁助朕以德欲朕為唐虞之君誠忠良股肱之臣也有卿如此朕復何憂洪熙元年二月上以田二頃賜士奇時寒義先已受賜士奇懇辭上曰卿事朕表裏一誠資益良多朕心不忘卿前辭祿今又辭田何執之固也士奇曰臣起自寒微今受恩踰分

豈可不知止足幸少延殘喘得更事 陛下二三年後全歸山林受賜多矣 上曰汝勿憂終身吾送汝入土身後事皆勿憂 士奇曰聖仁在上臣復何憂遂聽辭明日諭蹇義曰士奇真能廉使仕者皆如此世豈有賦吏乎四月人有上書頌太平者 上以示士奇及蹇義夏原吉楊榮等皆曰 陛下即位所行皆仁政百姓無科歛徭役可謂治世矣士奇對曰 陛下恩澤已敷但流徙尚有未歸瘡痍尚有未復遠近猶有艱食之人須休息二三年庶幾人皆得所 上笑曰朕與卿輩相與出自誠心去年各與繩愆糾謬圖書切望匡輔惟士奇曾上五章朕皆從所言三卿未有一言豈朝政果無闕抑生民果皆安乎卿輩吾所國朝列卿紀 卷之九 三七

下知聖德謙虛之實 上知士奇匡輔力多特賜璽書其略曰朕膺監國之命而卿侍左右同心合德徇國忘身屢歷艱虞曾不易志及朕嗣位以來嘉謨嘉猷入告於內期予於治子惠黎元朕固無二簡在朕心茲以已意創製楊貞一印一枚賜卿用藏於家傳之後世惟卿子孫由是知卿克致顯榮不易惟難思保守之惟朕子孫亦由是知卿弼朕之功以保全爾子孫與國咸休末世無斁 上嘗論科舉須是取南北士 上曰北人學問不逮南人士奇曰長材大器多出北方豈但南人有文可用也 上曰然則將何如士奇曰試卷例緘其姓名請於外書南北二字如當取百人則南六十北四十南北人材皆就用矣 國朝列卿紀 卷之九 三八

係吾輩可否也士奇復見榮曰太宗皇帝惟三子今上惟二叔其有罪者不可恕無罪者當加厚庶幾仰慰皇祖之靈榮意未解曰汝不草勅則吾當以聞時惟楊溥與士奇意合溥曰吾二人俱請入見明其太義榮先趨入士奇二人繼之門者不內俄復召蹇夏蹇夏以士奇言白之上不憚而止車駕還京師意大悟不復論彰德事然言者猶喋喋上皆不聽特召士奇曰論趙王者日益多當如何對曰今日宗室惟趙於陛下最親當思保全之豈可惑羣言上曰吾亦思之皇考於趙最友愛且吾惟此一叔奈何不愛今思所以保全之道欲封羣言示之自處士奇曰更得一璽書諭之尤好遂遣廣平侯表

國朝列卿紀 卷之九 三十九

容都御史劉觀持劾往諭且示以衆言趙王得書喜曰吾生矣即獻護衛上表謝恩而言者頓息上待趙王日親厚因薄陳山竟疎斥久之召士奇諭曰吾待趙叔不失親親之禮爾有力焉賜白金文綺楮幣二年十月黎利遣人進前安南陳玉嫡孫嵩表乞立為陳氏後詞甚懇切上亦厭兵欲從之大臣有言此黎利之譎當發兵誅之或以為與之無名徒爾示弱上召士奇與楊榮謀之榮曰永樂中費數萬人命得此至今勞者未息困者未蘇因其請而與之便士奇曰榮言當從初求立陳氏後者太宗皇帝之初心求之未得乃郡縣其地數年以來兵民困於交趾極矣此皆祖宗之赤子體祖宗之初心保

祖宗之赤子正陛下盛德何謂無名漢棄珠崖前史以為美何謂示弱臣侍仁宗皇帝久矣聖心每憾此事有意外之慮願陛下勿疑上意遂決三年十月下都御史劉觀於獄士奇舉通政使顧佐代之臺紀遂振五年二月上以四方屢有水旱欲下寬恤之令獨召士奇議之上曰被災之處稅糧自當免民間有欠孽畜馬騾官責償甚急民苦之亦有所當恤凡爾所知者當悉為朕言士奇曰百姓積欠薪芻及採買諸物官府但知督責而民不能輸官糧額重民困無聊多有委棄逃徙者當量與減除部府坐徵買辦諸物不問其地有無一槩取辦民費價十倍不能完惟當於產有處取之無者勿強也年來刑獄不清早澇恐由於此宜戒飭法司敦用平恕務求實情四方工匠丁男皆徵集京師役於公者無幾受私役者十六七身既勞困而妻孥失顧未免怨嘆當命官察治丁多免其半單丁者皆免老病無丁者除其籍其本非匠誣引為匠者察實除之今軍民苦漕運而倉廩無關防姦盜相繼恬不畏法宜命風憲官巡察上稱善即書勅明日行之民大感悅三月清明上奉皇太后謁陵士奇扈從上曰母后為朕言先帝在青宮惟卿言不避忤意先帝能以不敗事又諭朕當受直言士奇對曰此皇太后盛德之言也願陛下念之六年七月日既夕上微行至士奇宅傳呼范太監來士奇叩首曰陛下奈何以宗廟社

國朝列卿紀 卷之九 四十一

稷之身自輕至此擾擾塵埃誰識至尊若變起倉卒何以備之
上笑謂曰朕思卿一言故來爾明日遣太監范弘問曰海內平靜
時一微行何足過慮士奇曰天子尊居九重恩澤未洽幽隱
萬一有冤夫怨婦窺伺竊發誠不可不慮也後果獲盜如士奇
言 上歎曰愛朕莫若卿朕自今不復微行矣七年二月 上
諭曰士奇憶前下令恤民今已再期民事不知又有可恤者乎
士奇曰官田減租民間皆感 聖恩而戶部不行追之如舊此
循習之弊 上喞然曰今欲再下勅寬恤必舉此為首如再有
不行必罪之因問事之當寬恤者士奇曰逃移之民朝廷既赦
使復業而家業盡喪又有公逋私債之擾所在官私不能恤則

國朝列卿紀

卷之九

四十一

周德

必逃聚山林相結為非請下有司凡逃民願歸者郡縣善撫恤
免其征徭不願歸者聽於所在附籍給以閑田為經營居處免
徭役三年庶使得安 上曰在彼在此皆吾民但得人安足矣
士奇又曰各處課程先因鈔法不行加倍徵收蓋一時權宜今
鈔法頗通宜減倍徵之額天下課程皆納鈔惟湖廣廣西浙江
商稅魚課舊皆納銀請裁為一例 上命納銀一兩折鈔百貫
又言小人之不安皆原有司貪暴請令風憲考察 上曰然若
有廉能者亦令以名聞將用之士奇又言方面及郡守請令京
官三品以上及布政按察薦舉務取公廉端厚能為國為民者
吏部審其可用奏授以官後以賊犯罪併坐舉者凡因保舉授

官而有指告其罪者先逮問餘人有驗然後及之庶不為小人
所誣年來吏員太冗多有昏愚不通請令六部都察院翰林院
同考試選擇而用之軍民中有文學才行卓然出眾智謀才勇
精於武略者亦宜察舉唐虞之世罰弗及嗣今極刑之家有賢
子弟例不許進用 上曰舜極絲用禹聖人至公之心也除謀
反大逆外其餘犯者子孫有文學才行並聽用士奇又奏臣見
聞不廣願命大臣謹厚者一人共議之得推廣仁恩徧及天下
上以胡濙謹厚命與士奇密議可行者悉以進事皆施行 英廟
即位之初惓惓以天下為心率其同列首言當整肅軍政飭邊
防以奠安百姓南京根本之地雖有襄城伯李隆守備其老成

國朝列卿紀

卷之九

四十二

周德

忠直如尚書黃福嘗令參贊軍務有事同議而後行庶幾無闕
湖廣山東河南江西去年旱災人民艱食慮有嘯聚為非者宜
委文武大臣各一人往鎮之事定而歸緣邊將士所以警備非
常其無馬者宜令於行在太僕寺苑馬寺關用西蕃在諸處買
馬有可充邊用亦聽留官員冗濫宜從吏部及內外風憲官考
察近 詔寬恤軍民內外諸司當體朝廷之意凡事務從減省
宜令條奏事有應議者取自 上裁詔皆如所言士奇等又上
疏曰 皇上肇登寶位上繼列聖下統萬邦必明堯舜禹湯文
武之道以興唐虞三代之治去年十月 宣宗皇帝詔臣士奇
曰明年春煖東宮出文華殿讀書凡內外侍從俱用慎擇賢良

廉謹之人臣謂此第一事望 皇上留心不幸大行上賓臣未
 敢遽言然此事至重伏望山陵畢日早開經筵以進聖學其所
 條奏惟在慎擇儒臣及左右侍御之臣其學術不正立心行已
 頗僻者皆宜屏遠使不得上惑 聰明宗社生民之福實關於
 此疏奏 上與太皇太后皆嘉納焉遂告諭士奇等專以擇講
 臣為務尋陞少師特進光祿大夫柱國同知經筵事士奇又念
 今遣御史清軍有以陝西山東河南北直隸之人往南方極邊
 補伍者兩廣四川貴州雲南江西福建湖廣浙江南直隸之人
 往北方極邊補伍者其水土不相調習南人死於寒凍北人死
 於瘴癘且去鄉或萬里或七八千里道路遙遠困於無資多致

國朝列卿紀 卷之九 四三 傳元

死亡深為可惜在 祖宗時已除逃軍仍舊其餘軍丁南北各
 就近衛服役之今兵部以文移煩勞憚於改發不念下人艱苦
 不思兵備之無實遂與少保楊溥計議具疏而率同列上之且
 曰臣愚欲以今後清出山西山東河南陝西北直隸軍丁皆發
 甘肅寧夏延安大同宣府遼東諸處雲南兩廣貴州四川湖廣
 江西福建浙江南直隸軍丁皆發四川雲南貴州兩廣及邊海
 衛所待補足其缺有以填腹裏之空則兵備有實下人不困
 上命公侯大臣議行之天下便焉又言堯湯之世不免水旱而堯
 湯之民不致甚病者有備故也我 太祖皇帝篤意養民其餘
 備荒皆有定制天下郡縣悉出官鈔糴穀各於四鄉置倉貯之

因時斂散又相其地宜開濬陂塘修築圩岸以備水患天下之
 民各安其業此萬世之利歷歲既久姦弊日滋豪猾侵漁穀倉
 盡毀凡諸水利亦湮廢或被占奪稍遇旱災民無所賴風憲不
 舉守令漫不加心事雖若緩關繫甚切請令戶部擇遣京官廉
 幹者往督理糧課豐稔州縣各出庫物平糴儲以備荒陂塘聞
 塌皆令修復其實奏聞若有災之處則候稔歲而後行郡縣官
 考滿兼以此之廢舉為殿最風憲官各務稽考遇有欺弊怠廢
 者具奏罪之若巡歷所至不服問理聽堂上官糾治庶幾官有
 實績荒歲人民不致狼狽耕農無旱潦之虞仁政所施無切於
 此 上曰此祖宗之良法美意命戶部亟行之時有言方面官

國朝列卿紀 卷之九 四四 傳洪

及府州縣正官專用保舉即是恩出於下欲如洪武末樂故事
 皆令吏部選除 上命士奇與楊溥等議之士奇等上疏曰宣
 德七年前藩憲二司及府州縣正官多不得人百姓受害是
 以 宣宗皇帝勅令大臣舉保自茲以後多得其人間有一二
 非才蓋緣舉主審察不至亦或實是徇私所司不行糾舉以至
 如此大抵 宣宗皇帝求賢養民之心皆上體 祖宗之心非
 自有所更改昔堯舜禹湯文武及我朝 祖宗相承為政皆有
 因時損益之宜 宣宗皇帝臨御之時體 祖宗之心以行仁
 民之政者尚多保官乃第一事當時不聞人有異議多以得人
 為喜唐太宗力行仁義命在京三品以上官舉郡守縣令後來

致天下斗米三錢之效明鑑在前可無疑也、聖上所諭保官則恩出於下切錄衆臣舉保吏部審實具名奏請、聖意允俞然後授官不允卽不得除授恩實非出於下也近年有等京官無人舉保造爲謗語專欲壞壞、先帝良法則小人皆得進用小人日進君子日退天下何由治乎伏望、聖斷只依、先皇帝勅旨而行但所舉之人後有犯賊必須明正舉主之罪則人知警畏不敢濫舉官必得人臣受四朝大恩慚無寸補惟念用人賢否生民休戚國家治亂所關是以竭誠盡言惟、聖明裁擇詔如士奇議五年士奇聞四方雨澤不足率同列上疏曰、皇上臨御以來凡百科徵一切停罷官府逋欠悉皆有免生民既

國朝列卿紀

卷之九

聖五

四百六

安天休當應然今猶旱災者豈刑獄或未清歟、聖心倦切惟在施仁恐理刑官奉行未至乞令三法司精選其屬清廉仁厚公正無私者一人賜之以勅公行天下審錄囚犯親詣州縣召集里老親臨審問實情具奏處置不令有冤輕罪有疑者卽與決斷不得淹禁致傷人命兩京法司悉與疏理庶幾可以回天意從之六年麓川蠻不馴當道有貪功者希太監王振意主征之士奇爭之不省命王驥爲總督而以刑部郎中楊寧叅之士奇因贈詩有懷忿忽遠圖之句蓋賦此以見志也其後師竟無功爲南方之大病初、胡后賢以無罪廢爲仙姑是年病歿、張太皇太后而殂、孫太后命閣下諸臣議治喪之儀時、士奇

病諸臣往問士奇曰當以後禮殮葬景陵衆曰此非內中所欲士奇遂面壁不答惟曰後世罵名諸臣畏、太后議以嬪御禮葬言雖不行人多直之八年子稷坐事逮繫給事中廖莊等御史陳員韜等劾士奇不能教子齊家何以服人事上、上優旨留用九年士奇不自安、英宗賜之璽書曰卿歷事、祖宗寔惟簡在暨朕繼統恪沃齋厥勞尤多卿子旣乖家訓干國紀朕不敢私卿其以禮自處以副倚毗士奇感泣積憂遂不起卒年八十贈太師諡文貞士奇久在朝廷處嚴密之地言動以理不苟爲異同亦不惑於利害惟以忠誠結主屢進密疏所言周王求藥等事與啓、太后命史官修建文一朝實錄及弛牧方

國朝列卿紀

卷之九

聖六

四百六

孝孺片言一字之禁之類雖事秘不傳人知其爲敢言者又存心忠厚急於爲善自布衣時篤念戚屬周恤急難取舍行義卓爲人稱道嘗爲塾師有儒士過館下棲棲然攜書數冊士奇詢之聞其母老無所養乃分其徒之半與之俾得束修奉母爲相識大體嘗曰大臣以薦賢爲本然全才難得故所薦引取其長不求其備常扶君子而抑小人羣臣有譖毀非辜者必盡誠爲之伸解有恣肆貪邪不悛者必正言其不可用三朝史事皆任總裁是是非非悉徵諸實每與同列曰天下萬世之事當以天下萬世之心處之如有一毫出於私意不論厚薄皆當獲罪神明所舉賢才列於中外者五十餘人皆能正己恤民蓋取人

必先德行而後才能無問識與不識博詢於衆而信乃舉以此不得於士奇者怨誹必興不卹也直道而行不爲阿徇求樂宣德中有同列譖士奇於上者皆賴上聖明不聽士奇聞之亦不爲憾待其人如初篤故舊解縉尹昌隆之死言於仁宗皆存其後尤矜細行擇友善一日新修廳事門成戒兒曹亟治具邀楊仲舉過飲日門戶初闢必一君子先行仲舉蘇州人官至禮部尚書又嘗省展自江西還朝所過餽送一切不受耿九疇時爲兩淮運使餽雞四翼茹一盤卽受之且攜手而行其激揚之義默寓於交際如此所著有沙羨稿石臺稿文籍志法書志東里集

國朝列卿紀

卷之九

四七

四六

三朝聖諭錄云 宣宗皇帝嘗奉 太皇太后往謁陵士奇與蹇義楊榮等皆從 上傳 太皇太后旨命士奇等進見勞問慰勉加以厚賜既數日 上諭士奇曰 太皇太后爲朕言皇考往年在宮中談卿等姓名及行事甚熟 太后悉能記憶其間才學優劣孰肯任事不任事皆有譏評言蹇重厚小心但多思少斷卿能持正言不避迂意議事之際 先帝數不樂卿然終從卿言始不敗事常有小失甚悔不用卿言 太后又謂朕曰凡正直之言爾不可以爲迂而不從謹之士奇對曰 太皇太后之盛德 仁宗皇帝之盛德也願 陛下常奉聖訓 野記云 皇后大漸召三楊宰相至榻前問 朝廷尚有何大

事未辦者文貞首對有三事其一建庶人雖已滅曾臨御四年當命史官修其一朝實錄仍用建文之號 后曰曆日已革除之豈可復用對曰曆行於一時萬世信史豈可蒙洪武之年以亂實后領之其二云 后亦首肯其三方孝孺得罪已誅 太宗文皇帝詔收其片言一字者論死乞弛其禁文辭不係國事者聽令存而傳之 后默然未答三公卽趨下叩頭言臣等謹受顧命遂出

國朝列卿紀

卷之九

四八

四六

初教書儒生以一詩皆入啓事悉登臺閣今人雖曰詩文百篇誰復聞有薦一人者哉 菽園雜記云東里楊先生嘗見崑山屈昉送行詩有佳句默識其名一日知崑山縣羅永年以事上京投謁東里問崑山有屈昉何如人永年茫然無以對東里云文士令尚不知耶永年慚赧而退及還任乃求昉識之未幾有詔舉經明行修之士永年乃以昉應詔除南海縣丞卒於官前輩留心人物如此 殿學記云予觀沙羨稿及石臺稿見文貞蚤歲跣弛魁岸視天下莫已若及觀國史暨 三朝聖諭錄乃知管仲之才優於召忽魏徵之績多於王珪視諸詭隨無良者不伴矣然而輔亮

中官保全趙郎歷事四朝始終如一非謂社稷之臣歟或者乃以周是修之死子稷之獄少之則吾不知也

楊榮字勉仁福建建寧府建安縣人天資英異父伯成嘗遇其人得吉地遂生榮初名子榮鄉薦魁八閩革除庚辰會試中第三名廷對擢二甲進士入翰林院為編修靖難師過江同百官歸順 文皇履極更其名榮簡入內閣初入閣之臣七人惟榮齒最少最警悟一日晚寧夏報被圍 上急召解縉等七人皆已出惟榮赴命 上不憚示以奏曰爾後進寧解此今當遣何處兵往救榮曰不須救臣嘗奉使至彼其城堅且人皆習戰今其發已十餘日虜必已退但勅守臣固守及鄰近諸城堡隄備

國朝列卿紀 卷之九 四九

可矣不必遣兵重為煩擾也 上頗回顏曰待明日與諸臣議之夜半虜圍解報至詰旦 上詔榮以報書示之諭曰何料之審也喜見於色又吉安鄉民嘯聚先遣行人許子謨齎勅撫諭行將一月又遣都督韓觀統兵繼之至是江西三司奏言嘯聚者悉已復業 上以奏章示榮曰爾不至不下其降勅褒觀榮對曰計發奏之日觀尚在中道未定從之自是信任益重時四方之事方殷榮與解縉等七人日夕侍左右承顧問受 旨退治職務且兼稽古纂述之事不虛寸晷 上時步閣中親閱其所治成稱 旨皆進官榮進修撰數月復進侍講階承直郎末樂二年春二月修古今列女傳書成賜紵絲襲衣鈔幣夏四月

月甲戌立 皇太子陞奉訓大夫右春坊右諭德仍兼侍講秋九月庚申 成祖謂榮曰朕即位以來爾朝夕在左右敬慎勿懈然恒情保初易保終難朕固常思保全之道爾亦宜益謹厥終庶兩盡其美榮對曰 陛下不以臣愚陋特加委任敢不勉圖報稱 上大悅賜象笏幘頭公服尋賜二品金紵絲衣榮入謝且言恩禮太過 成祖曰卿在朕左右機務所屬贊翼之功不在尚書下故特賜二品服以示旌異豈為過哉三年乙酉秋九月召榮評議諸司事宜以奏對稱 旨賜二品金織紗羅衣及鈔幣四年丙戌二月榮得疾不能造朝 成祖聞之亟命 中官偕御醫將用文視之還奏賜藥物且命用文通夕守視時

國朝列卿紀 卷之九 五十一

時奏報至痊乃已及榮入謝重加慰養仍令休息旬餘乃出五年丁亥夏五月奉 命往甘肅規畫軍務所過覽山川形勢察軍民休戚閱城堡虛實秋七月回京奏對武英殿 上大悅時盛暑 命取瓜親剖賜榮且遣中官賜以羊酒 勅命休息十一月朔陞奉議大夫右庶子仍兼侍講六年戊子六月聞父訃告歸 賜以鈔幣命馳傳以存既襄事乃檢鄉黨平日有假貸錢穀弗能償者悉焚其券族人喪不能舉者悉為葬之孤弱不能自存悉收養嫁娶之有因產業致爭者剖已業界之 詔奪情起復宗戚鄉鄰送行者咸垂涕去抵京未閱月 命榮等輔導 皇長孫賜勅曰朕惟令德所成本乎天賦養正之學

弘聖功故有聰明純一之資必有詩書禮樂之教所以充其德性而廣其器識也朕嫡長孫天章日表玉質金相孝友英明寬仁大度年未一紀體具志寧動必中規言必合道好道之篤夙夜孜孜日誦萬言心領要義朕嘗試之以事輒能裁決得中斯實 宗社之靈 上天賜慶篤生異質以福佑天下而基命於無窮然宏材之建必由匠石之功圭瓚之成必假琢磨之力卿等皆茂簡德藝職輔東宮東宮之子必資兼弼宜協心同志輔導於成廣推仁義道德之源開陳二帝三王之治與 太祖高皇帝之大經大法凡創業守成之難生民稼穡之事朝夕講論以涵養本源恢弘智量充其盛大之器以為 宗社生民之福

國朝列卿紀

卷之九

五十一

陶紹

國家有無窮之休卿等亦有無窮之聞七年己丑春正月榮聞毋計當去職時 車駕將幸北京特留扈從 賜錦衣狐裘鞍馬三月抵京賜宴榮辭以母憂弗與特命中官以珍饌送至家嘗 命從遊萬歲山亦辭弗與特召之行復蒙賜賚秋七月廿肅總兵官都督何福言韃靼脫脫不花王等各率部落來歸往甘肅與福經畫還奏稱 旨賜以米鈔九月復 命持節詣亦集乃之地封何福為寧遠侯俾經寧夏與寧陽伯陳懋規畫邊務既抵亦集乃封福還至甘州福盛陳餽遺一無所取冬十一月還京復命及陳邊境便宜事 上嘉納之賜以襲衣鈔幣八年庚寅二月從征北虜賜衣被鞍馬途次命光祿給酒饌壬

戌 成祖度野狐嶺至山巔召學士胡廣及榮指示山川形勢與語良久奉 制各於馬上賦平胡詩榮有 聖天尊居四海安天教戎虜自相殘之句 成祖甚嘉之未幾謀知虜酋本雅失里與其下阿魯台警殺東西奔遁亟召榮諭曰此賊果自相殘滅如前日之詩安知不為讖乎榮下馬叩首且言曰 陛下德威廣布賊若不散旋當殄滅安敢拒天兵 成祖喜命賜羊酒三月壬午 車駕蚤發凌霄峰榮與學士胡廣論德金幼孜刑部侍郎金純四人失道 成祖命中官二人及傳令者追尋得之時已昏黑中官疾馳去榮等復迷入窮谷中幼孜墜馬胡廣金純不顧而去榮下馬為整鞍轡不數步幼孜復墜馬鞍盡

國朝列卿紀

卷之九

五十二

陶紹

裂榮即以所乘馬讓之自乘孱馬從夜至旦登高涉險不憚疲勞翼日出山望見左掖乃趨赴之至午方請中軍 成祖大喜慰問良久嘉榮之義復笑語幼孜曰此中多狼汝非楊榮詎能免乎榮謝曰僚友之分誼所當然 成祖曰胡廣豈非僚友耶何不顧而去也三月乙未 車駕次清水源其地有鹽海旁近水皆苦鹹不可飲人馬皆渴明日營西北二三里忽有泉湧出清冽可愛命榮同胡廣往觀遣中官以銀瓶汲取 成祖親嘗之味甚甘美復賜榮等飲士馬爭趨之皆給足 命之曰神應泉又明日榮等應制撰神應泉詩銘 成祖覽而嘉之是日寒甚特賜上尊以勞之五月丁卯 車駕至驢駒河賜名飲馬河

至是稍逼賊境 駐蹕河上親選勇士三百人專令衛護不以
隸諸將特命榮掌之胡寇平班師軍士乏食榮力言即日召乏
糧者赴中軍以 御膳所儲糧炒熟與之且下令軍中凡糧炒
多者許假貸回京倍酬其直由是獲全者衆秋七月丙寅至開
平中途召榮還南京計事至南京 皇太子賜鈔幣金織麒麟
衣銀箱鏤花香帶及石刻蘭亭兩賜宴於翰林命隆平侯張信
尚書蹇義款待且命諸儒臣陪之及還北京賜綵幣鈔米羊酒
等物冬十月扈 駕南旋賜鞍馬錦衣褲襪及路費屢賜珍饌
嘉果九年辛卯乞奔母喪賜白金鈔幣遣中官宋成伴送且勅
速來抵家拜謁墓下如初喪還京 成祖召問閣中民情暨歲

國朝列卿紀

卷之九

五三

鄧文誠

豐歉榮條對詳實命光祿寺賜酒饌勅戶部優免其家徭役八
月 命考應天鄉試取合精當衆悅服九月 皇太子命侍諸
皇孫讀書文華後殿且諭諸皇孫曰此 皇祖近臣汝輩當禮
敬榮講授有程度 諸皇孫多所進益 皇太子召諭切至且
曰他日學成卽汝訓迪之功榮在春坊每進講罷必從容以正
心務德親賢去邪尚儉戒之旨進深見 嘉納或訪以政務
必陳其切要及先後緩急施行之序皆懇切無少避忌 皇太
子每稱其忠直十月重修 高皇帝實錄命爲總裁十年壬辰
十一月甘肅守將謝馬都村西軍家現言叛寇老約等率
去主赤斤蒙古等處軍民力爲安撫 勅守

李彬討之仍命榮往經略榮還具言戎狄豺狼叛服常態不足
以勤大軍遂勅彬旋師叛者尋附十一年二月復扈 駕幸北
京賜金幣鈔米等物十二年甲午三月扈征瓦剌時 皇太孫
侍行 成祖謂榮曰朕長孫聰明英銳勇知過人今令從行俾
知用兵之法且使躬歷行陣知將士勞苦然文事武備不可偏
廢營中稍閒爾等卽以經史講說庶知古今成敗得失之迹可
以鑑戒也榮每遇駐營伺間進講 皇太孫甚嘉重之四月駐
蹕興和以尚寶司乏人命榮兼掌其事凡出號令與宣傳之事
勅旨旗牌不得榮奏允不敢發乙卯師次大石鎮晚涼 成祖
坐御幄中召問足食足兵之策榮對宜擇將帥力屯田將得人

國朝列卿紀

卷之九

五四

鄧石林

則軍士弗擾軍士安則耕不違時不患兵食不足 上是其言
秋八月還北京賜鈔幣等物冬十一月 成祖諭榮曰五經四
書皆聖賢精義要道傳註之外諸儒論議有發明者爾等宜采
附於下周程張朱太極通書西銘正蒙之類皆六經羽翼然各
自爲書未有統會卿等宜類聚成編務極精備用垂永久 命
榮總其事仍命舉朝臣及在外教官有文學者同修開館於東
華門外命光祿寺給朝夕饌甚豐十三年乙未三月禮部建進
士題名碑於太學 命榮爲記五月 駕幸東苑觀擊毬射柳
賜文武羣臣鈔有差榮進詩文加賜上尊東帛鈔衣九朝記酒
所修書成賜名性理大全 命宴於禮部并賜鈔幣十四年丙

申四月陞翰林院學士仍兼春坊庶子冬十月扈 駕南還賜
錦衣鞍馬鈔幣十五年丁酉二月 駕復幸北京屢召問民情
榮悉以實對賜白金鈔幣金織紗羅紵絲衣帶十六年戊戌五
月庚戌朔進 太祖高皇帝實錄 成祖御奉天殿受之披閱
良久嘉獎再四曰庶幾少副朕心尋 賜宴并鈔幣紗衣會學
士胡廣歿榮掌翰林院事 成祖注意益隆而榮在眾中詞色
嚴厲諸大臣往往忌嫉陰欲疎之屬北京國子監乏師因薦榮
可為祭酒 成祖曰吾固知其可汝但求可以代之者於是眾
意銷阻六月 詔修天下郡邑志 命榮總之十七年己亥十
二月進言十事皆指斥五府六部三法司積弊 成祖覽而喜

國朝列卿紀 卷之九

五十五

張文言

之密與榮曰實切時病但汝為心腹之臣若進此言恐羣臣益
相猜疑不若使慎密御史言之於是得監察御史邱真俾入奏
眾皆股栗免冠請罪 詔諸司即日修改帖終者不赦凡所改
皆益國利民之事十八年庚子正月元宵節 成祖御午門觀
燈賜百官宴并示 御製詩榮奉和以進 成祖覽而悅之尋
陞文淵閣大學士兼翰林院學士階奉政大夫特賜宴於禮部
先是 成祖以四夷諸番字中國宜解其義因選大學士聰俊
少年者習之諸生多不欲輒生謗議 上怒將罪之榮力救得
免遂 命榮掌之榮訓厲得宜自是帖服不敢妄有所言率皆
有成十九年辛丑正月北京官殿成初御朝賀 成祖念榮日

侍左右竭效心力時密加賞賚他人弗與焉四月庚子夜奉天
華蓋護身三殿災火勢猛烈 奉天門東偏切近密閣榮亦身
直入麾衛士三百人將 御書圖籍并積歲制勅文書昇至
東華門河次明日 成祖召諭之曰昨夜火發在目前幾人卿
能收拾圖籍不避艱危可謂歲寒松柏也榮謝曰職分當然
成祖嘉之賜銀酒杯古銅器各一事鈔千錠壬寅降勅訪求民隱
榮首陳利國便民十餘事 上嘉納命悉入詔條頒行之時翰
林侍讀李時勉等十餘人為飛言所中 成祖怒欲罪之榮力
救解得免是冬兵部尚書方賓得罪死逮及戶部尚書夏原吉
等皆下獄禮部尚書呂震侍左右屢言夏原吉儉邪誣罔 上

國朝列卿紀 卷之九

五十六

張椿

益怒一日御鷹坊司特召問原告等平昔所為榮極言其無他
二三人者惟以數征北虜之餽運為憂論才力或不及儉邪未
之見也由是 上怒稍釋寘而不問二十年壬寅三月從征沙
漠賜衣鈔鞍馬每軍中命公侯大臣議機務密令榮參決無不
稱 旨特召榮於 御幄中同公侯大臣坐飲凡有賜賚榮與
之俱其特賜榮者公侯或不與俱而諸扈從文臣亦皆弗與秋
八月還京師九月宴隨征將士 命榮坐前列食上殺賜鈔幣
并二品金織襲衣靴襪閏十二月甲子詔復西征方以士馬糧
餉為艱有以建文間江西聚集民兵與餽運丁夫十餘萬可徵
用為言 成祖以其奏示榮榮曰此兵夫昔有詔令復業復徵

之是失信也 成祖笑語榮曰卿言正合朕意遂寢其奏二十一年癸卯秋七月扈從征西 賜羊酒帳房等物八月駐師萬全一應軍務悉命榮掌之自晝至夜或三接宣詔每以楊學士稱之而不名冬十月次天威寧陽侯陳懋奏番王也先土干納款命榮往大同議納降之禮榮回營奏對稱 旨賜以御饌慰勞甚至冬十一月旋師賜鈔一萬貫米十石紵絲金織衣二襲靴襪二雙二十二年甲辰三月復征北虜五月甲申榮言軍士勞苦宜遣使諭胡虜釋其不順之罪且請班師 成祖曰卿言深合朕意遂勅中官伯力哥及所護謀者往虜中諭其部落歸來遂班師乙未巡按浙江監察御史王復奏處州麗水建寧政

國朝列卿紀 卷之九 五七

和山寇周叔光等聚二千餘人往來行劫漸至滋蔓請發兵捕之 命兵部尚書李慶等議調防倭都指揮張翥所領勁兵三千并閩浙兩都司各調五千總於蕪而捕之榮從容進言謂彼皆愚民或為有司所苦或為衣食所窘不得已逃入山林苟活朝暮耳何敢為亂若寬而撫之當遂散矣急則堅其為盜之心况兵戈所加不免枉及良善願更思處置之宜 成祖曰卿言是也可勅閩浙三司招撫若復頑梗弗服用兵勦滅未晚也既而果悉順服七月庚辰次清水源道傍有石崖高數十丈 命紀年月日刻於上丁亥次翠微岡 成祖御武帳中憑几而坐顧內侍海壽曰計程何日至北京對曰八月中可至已乃諭

國朝列卿紀 卷九

曰東宮歷歲滋久政務已熟吾還京之後悉以軍國之事委之朕惟優游暮年以享安和之福何如榮對曰 東宮孝友仁厚天下屬心允稱 皇上付託 成祖喜命太監馬雲以羊酒賜之辛卯次榆木川 成祖不豫召榮等受 遺命傳位 皇太子遂崩眾倉卒莫知所措榮一遵古禮歛舍如度謂太監馬雲等曰六師去京尚遠不宜發喪所至宜上食如常儀眾是之復條畫軍中事益嚴號令人皆莫測時議者有欲假他事作勅用寶馳報者榮曰 先帝在稱勅今稱勅是詐也罪孰當之壬辰次雙筆峰榮奉 遺命馳計 皇太子八月至北京致 大行皇帝遺命退而復以軍中所宜施行者陳之 皇太子嘉歎賜

國朝列卿紀 卷之九 五八

以白金鈔幣召吏部尚書蹇義謂曰卿其識之他日吾將大用焉翌旦復承 命同義等議即位事宜榮首條民間不便二十餘事上進皆嘉納之命入詔條頒布丁巳 仁宗即位賜榮白金二錠鈔二萬絲幣二十表裏及胡椒諸物已未陞嘉議大夫太常卿仍兼前二職九月丁酉進太子少傅兼謹身殿大學士階資善大夫戊戌賜銀印一其文曰繩愆糾繆且諭榮曰卿國家舊臣祗事 先帝二十餘年又輔朕於東宮練達老成今嗣位須卿等協心匡輔或政務闕失朕弗聽言則用此印密疏以聞至於再三慎毋憚煩朕將采納君臣之間兩盡其道庶幾不負 祖宗付託之重榮頓首受命而退遇事屢有所陳 仁宗

皆嘉納之十月 皇太子正位東宮榮以師傅之重朝夕侍側
 悉心匡輔丁巳大理寺奏決重罪 仁宗特召少傅楊士奇及
 榮至御榻前諭曰比歲法司濫刑往往出於煅煉 先帝嘗切
 戒之故死刑至四五覆奏而後決自今審錄卿與士奇同之由
 是寬抑者多伸理十一月丁亥 仁宗皇帝御西角門閱廷臣
 誥詞顧謂榮等曰卿二人暨寒夏一尚書皆 先帝親任舊臣
 朕方以卿等自輔凡朕所行卿等共知其有未善皆當盡言朕
 觀前代人主一履尊位輒惡聞直言雖素所親信亦皆畏威順
 旨諛悅取容或有忠良進一言不納則退而杜口以圖自全致
 令人主因循肆志卒至覆敗卿等當以此為戒君臣一體終始

國朝列卿紀 卷之九 五九

協心庶幾可以共圖永久因取五人者語詞 親增二語云勿
 謂崇高而難入勿以有所從違而或怠曰此朕實心卿等勉之
 榮對曰 皇上聖德之至臣等其敢不勉十二月加工部尚書
 仍兼二職 勅曰茲為醜虜梗化累犯邊疆我 皇考文皇帝
 為 宗社子孫天下臣民長久之計不得已躬擐甲冑親率六
 師徃行天討豈期醜虜畏威遠遁班師之日不幸中道 皇考
 上賓六軍在外朕又遠違膝下及其崩殂兒孫亦莫能知惟卿
 盡忠為國報 先皇帝恩德獨為果斷致有今日國家寧謐
 宗社莫安今辰奏告忽思至此實感不已卿重簪纓者哀悼皇
 之際報卿甚微今追前愆加賜卿白金五十兩綵幣十表

鈔二萬貫白米二十石特陞卿為工部尚書前官如故三俸俸
 支本色卿當領服以慰朕懷初榮扈從北征 成祖委以軍務
 及 上賓之日所行喪禮并軍中處置事宜 仁宗聞計之時
 不及訪問至是有以為言者遂降勅獎諭丁巳梓宮葬長陵榮
 護喪事賜白金鈔幣洪熙元年正月 仁宗御奉天門朝羣臣
 撤樂止行五拜禮先是禮部尚書呂震請曰 皇上新即位天
 下文武之臣以暨海外諸國悉來朝賀宜設鹵簿作樂如大朝
 之儀以稱瞻仰弗聽既而震固請 仁宗曰山陵甫畢忍遽即
 吉明日朕亦不欲臨羣臣震復進曰四方萬國遠朝 新君皆
 願一覩天顏雖聖孝有所弗忍然宜勉徇輿情 仁宗顧榮等

國朝列卿紀 卷之九 六〇

曰禮過矣奈何榮等對曰誠如 聖諭必欲受朝不宜備禮從
 之翌旦諭榮等曰為君以納言為賢為臣以直諫為忠如朝會
 一事若從震請追悔何及賴卿等直言幸免斯咎自今有弗速
 卿毋惜言之各賜鈔幣丁丑榮懇辭尚書俸 仁宗曰卿居侍
 從之職勤勞多矣矧 皇考賓天遠在外卿獨在側盡力綱維
 每瞻奉 几筵念茲弗忘今與三俸亦豈為過卿其勿辭榮復
 曰臣等祇承 先帝職分當為過受厚祿實所未安終弗允三
 月命魏國公徐顯宗讀書國子監召榮諭曰爾宜徃諭司業此
 開國元勳之裔欲其家與國同久必教之讀書知道理乃可以
 長保富貴顯宗孤子其篤意訓之五月庚午朔 勅修 成祖

皇帝實錄命為總裁每朝退 仁宗還宮遇有機務演計議者必親御翰墨書榮姓名識以御寶或用御押封出規畫榮條對詳悉皆如 聖意辛巳 仁宗升遐時 皇太子守南京中外恂恂奉 皇太后懿旨馳往迎至德州謁 見榮進言曰中外臣民翹首以俟遂兼程而進既至民心大定六月庚戌 宣宗即位益推心委任榮承事尤謹屢沐白金綵幣之賜閏七月甲辰 勅修 仁宗昭皇帝實錄復命為總裁宣德元年丙午春正月乙卯 勅修歷代臣鑒外戚事鑒皆命總之且諭榮書館中編纂及繕寫官有不遵約束者悉聽稽督責罰敢有違越者具聞黜之榮處之適當人皆悅服八月辛未漢王叛偽命指揮國朝列卿紀 卷之九 空

氏勉仁且面致訓戒以表眷待之隆又親御翰墨作春山竹石牧牛三圖題詩其上裝成卷賜榮并賜端硯御用筆墨及白磁酒罍木香爐香爐之類十月交趾黎利遣人進前安南陳王三世孫孫暲表乞立為陳氏後 上以示文武大臣蹇義夏原吉等皆勸發兵擊利 上召榮及楊士奇定計榮曰交趾在荒服外唐虞三代不有其地不失為君漢唐以來雖嘗為郡縣然叛服不常棄之可也時楊士奇亦贊榮言賞從 上從之十一月乙未 皇太子生 宣宗皇帝親酌酒賜榮飲并賜白金鈔幣及金酒器十二月召至東苑詢訪政務賜酒饌銀箱柳杯臘日賜繡衣二襲三年戊申正月元宵節賜文武大臣觀燈於國朝列卿紀 卷之九 空

合香諸帶及龍骨等繫腰皮裘黑貂鼠帽八月戊申扈駕巡
 邊給以內廐良馬 命榮先從出塞日賜 御厨酒饌乙卯師
 次寬河遇虜衆將入寇且道隘師難並進 宣宗親帥師勦平
 之甲子班師還京榮進平胡詩凡十篇各立題意 宣宗皇帝
 覽之喜屢沐白金鈔幣之賜十月乙酉不欲煩榮以有司之務
 乃 賜勅獎諭曰卿祇事 祖宗多歷年所忠謨讜議積効勤
 誠朕嗣統以來尤資贊輔夙夜在念圖善始終益以春秋高尚
 預繁劇優老待賢禮非攸當况傳保之重寅亮爲職不煩庶政
 乃副倚毗可輟翰林之務朝夕在朕左右相與討論至理共寧
 邦家職名俸祿悉如舊卿其專精神審思慮益致嘉猷用稱朕

國朝列卿紀

卷之九

李三

高儒

眷注老成之意一日 上問今日之貪誰甚者榮對曰莫甚劉
 觀 上撫掌歎曰除惡務本及楊士奇薦顧佐可代榮曰佐亦
 嘗爲京尹能禁下吏政清幣革有旨令劉觀巡視河道拜顧佐
 爲右都御史十二月兩遊南海子賜羊酒及鈔四年己丑正月
 陪祀南郊賜金銀鮮果等物五月端午節賜扇及五色長命縷
 繫腰等物七月建議鈔法 上以榮有益國利民之心賜紗羅
 羊酒果物八月賜枸杞湯且令中官吳誠諭 旨曰服此可以
 延年益壽可以祛諸疾九月重陽節賜宴及 御製詩一章尋
 給賜河南男婦六人十月癸未 駕兩至文淵閣賜詩文鈔并
 酒饌十一月有囚犯告都御史顧佐累枉人重罪不聽訴理者

上大怒召榮及楊士奇諭曰此必有重囚教之排佐小人陷正人
 不可不究治及法司鞠之實千戶臧清殺一家無罪三人當死
 教之誣告立命磔清於市五年庚戌正月元夕命觀燈於 萬
 歲山賜宴榮以詩進賞鈔六十錠凡遇時節必賜以詩章及內
 珍羞異果壬戌 兩朝實錄成賜白金絲幣羅衣鞍馬宴於中
 府尋賜鈔一萬貫并猪羊海魚等物二月乙未 宣宗侍 皇
 太后謁 長陵 獻陵庚子 宣宗以 皇太后命召見榮等
 五人於行殿諭之曰皇帝數言卿等忠勤今天下清寧民生無
 事是固 祖宗福佑家國亦惟卿等贊翼之功賜以酒棗及金
 織紵絲表裏辛丑進詩謝 恩三月己酉回京 賜青紅氍毹子

國朝列卿紀

卷之九

李四

高儒

駝褐四月下己丑皇太后千秋節賜鈔三千貫甲申陞少傅仍
 兼前二職階榮祿大夫三俸俱支固辭大學士俸 詔許之內
 申賜宴文華殿 宣宗親待焉賜鈔一萬貫六年二月甲辰
 聖節賜宴恩賚甚厚乙巳 復賜宴內廷特賜詩一章褒嘉之榮
 昔有賜賚必奉親及親歿而 朝廷恩眷日隆至給三俸恒以
 親不逮養爲歉乃請以少傅俸於鄉邑給受以供祭祀及周卹
 親族故舊朋友之貧乏者七年壬子正月元宵節賜觀燈於內
 苑仍賜白金絲幣遣中官送於其第秋七月屢賜 御製祖德
 詩招隱歌荷蘭操重陽節 賜宴及肉醢珍羞十一月丙寅
 皇太子千秋節賜綵繡麒麟製衣八年癸丑七月吏部奏少傅滿

三載 賜宴禮部降 勅獎諭曰卿以博通之學明敏之識
 達心才歷專 皇祖 皇考踰三十年多効勤誠以樹勞績朕
 承 祖宗大統亦惟資 先朝舊臣以匡以輔共圖康濟蓋自
 朕卽位以來卿秉誠心躬勤夙夜據其嘉謀嘉猷贊助不逮朕
 飭武事綏懷夷狄而軍旅之政四裔之情明習周知莫踰卿者
 忠言讜議裨益惟多肆特陞弘化之職今滿三歲嘉念良深特
 宴勞於禮部仍賜勅獎諭於戲自古人右言人惟求舊惟朕以
 至誠任卿惟卿以至誠事朕同務戒儆以令始終庶幾允釐天
 工用光 祖考欽哉九年九月扈 駕巡邊終以天閑名馬光
 祿寺日供酒饌北還恩賚甚厚十一月甲戌朔 賜詩褒嘉詩
 國朝列卿紀 卷之九 六五 高儒 四百七十五

曰 武夷嶽裏青挿天丹山碧水相連延扶輿磅礴之所產往
 昔奮起多名賢只今繼續揚華芬漢清白吏有遠孫明經策第
 登詞垣 皇宗承天御天下竭職論思靡餘暇懷忠秉誠履堅
 貞臨事果達智識明禁中頗牧材卓犖風雲驟足千里輕顧予
 匪德嗣天位肝食宵衣急圖治普天之下率土之濱安危休戚
 繫於一人大厦之興藉梁柱爲 輔弼臣卿事 文祖兼
 仁考歷年固多身未老方茲倚重傳子保士有大抱負堯舜其君
 民勗哉弼違補闕輔吾仁齊芳昔賢耀千春十年乙卯正月甲
 戌 宜宗晏駕榮與少師蹇義等僉議卽位事宜舉愜羣情壬
 午 英廟卽位累賜白金綵幣鈔錠丁亥往視山陵還奏稱

吉復有白金鈔幣之賜夏六月戊申命護 梓宮葬景陵賜白金
 二百兩文綺十表裏鈔二千錠山陵畢復賜白金鈔幣秋九月
 庚午 勅修 宜宗皇帝實錄命充總裁 賜宴禮部冬十月
 辛亥命監立 天壽山碑賜白金五十兩紵絲羅四表裏及上
 尊珍饌十一月丁丑以 聖節賜綵繡雲鶴襲衣寶帶明年丙
 辰改元正統榮與太師英國公張輔等二三大臣建議開 經
 筵以緝熙 聖學詔可其奏且命精選儒臣充講官降 勅勉
 諭曰朕祇奉 天命嗣承 祖宗大寶統御天下用主神人而
 卽位以來弗遑思夜未惟厥道以學乃明今以初九日御經筵
 命爾翰林春坊等衙門儒臣分直侍講夫大道原於天堯舜禹
 國朝列卿紀 卷之九 六六 高儒 四百七十五

湯文武以隆政教而周公孔子闡明之我 祖宗世所師法以
 安天下卿等宜盡心竭誠相與討論務歸至當毋隱而弗彰毋
 曲以徇好庶明之於心誠之於行以興治化以福蒼生用不忝
 天與 祖宗之命欽哉故諭三月丁卯朔 上臨軒策試進士
 榮讀卷 殿中勞以羊酒庚午宴禮部甲戌 上御文華殿開
 講榮講堯典克明俊德章敷析明暢音吐鴻亮 聖心悅豫賜
 白金五十兩綵幣四表裏鈔二百錠卽宴於禮部尋復賜金織
 紗羅襲衣金箱玳瑁香帶各一榮以累 朝舊臣親受 顧命
 被 皇上眷寵優異慨然以身任天下之重精力瀕老而不衰
 遇事雖繁劇應之常若簡而有餘凡所論建動協人心夏五月

甲申秦少傅滿六載勞以羊酒鈔幣三年戊午二月戊辰陞授
 光祿大夫柱國夏四月己巳 宣宗實錄成 上御奉天門慰
 勞再三陞少師賜白金一百兩綵幣六表裏鞍轡名馬宴於禮
 部辛未復賜玉帶金織麒麟羅衣五年庚申二月丙戌從耕籍
 田禮成卽上章請告展先墓 詔賜允降 勅書諭遣曰卿以
 宏才碩學事我 祖宗居密勿之地者四十年小心恭謹簡在
 惟深朕嗣承大統仰惟負荷之重倚任老成用圖康濟講學以
 明治道而克啓沃之崇敬以監成憲而克欽承之修政以安黎
 庶而克相成之肆海內寧一庶幾小康卿以先隴久遠請告展
 省朕惟孝思名教所關特從所請於戲古之大臣君子體國如

國朝列卿紀 卷之九 李七 張齊 四頁

家令聞長世卿其念 先朝寵眷之隆及期而來未諧寅亮之
 功以副朕之倚望賜白金紵絲鈔幣上尊羊豕凡諸饌具稱之
 且命內侍阮江伴行水陸給驛公卿大臣出祖都門外觀者填
 道朝野榮之至家省先隴饋奠惟謹大散賜金幣帛遺諸宗親
 故舊無不及者賓客過宴洽累月六月還京力疾就道次杭州
 而劇卒於武林驛享年七十內侍阮江以計聞 上為之慟輟
 視朝一日贈特進光祿大夫左柱國太師諡文敏遣禮部尚書
 胡濙等諭祭仍命江護喪歸其里工部遣官督所在有司營墳
 以葬榮在郡庠時外祖家自母兄子和歿後贖產日替養其遺
 孤俾有成立春秋親奠墳下閭里有困於賦役而流竄者竭心

力營護招其復業俾父母妻子咸得聚處無離散之憂或有忿
 爭者輒求判正無不悅服及來京師鄉人有囚繫輸作謫戍者
 皆隱憫資給之不令失所其有疾病死喪者或施以醫藥或給
 棺衾蓋所濟益廣其在 朝廷薦舉惟賢無間親疎人有因事
 註誤而囚繫者則從容為之解釋 上知其忠直固不聽從而
 陰受其患者多矣三十四年間日侍 四聖左右叅贊機務忠
 澤及人不可勝計人莫能知榮亦未嘗言至其往還兩京辛勤
 勞悴從征胡寇乘危蹈險人所弗堪亦未嘗告勞 朝廷有大
 慶會分獻南郊遣祭孔子持節封拜宴待遠人無有弗預進退
 起居皆有常度凡所存所履務協理道絕不為戲狎之言藪坑

國朝列卿紀 卷之九 李八 張齊 四頁

之事論事 上前詞氣溫厚委曲至與僚友分別叔慝審辨邪
 正則凜然不可犯暇時接見朝士大夫及方岳牧守從容咨訪
 時政人才以備顧問嘗於所居東偏構屋若干楹環植花木扁
 曰靜軒退朝之暇衣冠正坐焚香煮茗與所知談論經史每至
 夜分又於朝門之東南築室十餘楹樹以槐柳退食則燕息其
 中或邀翰林諸公宴會為樂少傅湯公名其堂曰聚奎并為文
 記之東里稱其為人閭疏果毅遇事當為奮前不疑於論古人
 必欲出新見不肯苟同議刑辟卒歸寬恕於四裔邊徼事及邊
 將勇怯知愚靡不通知故付量事勢卒稱旨說者與其相榮有
 姚崇之風焉所著有默菴集雲山稿靜軒卷退思集北征訓子

綱

水東日記云錢侍郎習禮吉永族本練子寧疎遠姻親一時雖
從而恒為鄉人所持舉族不敢一吐氣習禮既入翰林猶然
習禮無可奈何以告建安楊公公一日獨對畢即以其事聞
太宗欣然曰立賢無方使練子寧今日在此朕固常用之耳下令
禁止之 文皇帝之盛德至矣

又云蓋都御史等在邊以虜使入境節損供給為中貴人所毀
得罪下獄或謂盧本為公家以問楊文敏曰事固有輕重使各
其小費而遠慮或主其可費而不貲矣此亦不可不知

國朝列卿紀

卷之九

十九

丁文

必問曰東楊先生定在否不知不在即問凡議事未嘗不遜西楊或
執古以斷不可行也西楊斷於東楊為可行而無礙也每秋
勅文武大臣其意重自英公而下俱遜避俟二楊
先生決之西楊決之未嘗決至不可了東楊一問即決庶幾子
路片言折獄之才矣

又云 文廟英武大臣奏對少能稱旨愛東楊先生之才自
編修同解縉胡廣等人閣議而後未嘗一日離左右凡大事密
計必參與焉或大臣謀事未決 文廟不樂至發怒東楊一至
輒齊成事亦隨決有濟人利物之仁雖不忍却人之乞人必
愛錢 文廟亦知之每遂其所欲

殿學記云宋儒有言德勝才謂之君子才勝德謂之小人信斯
言也豈天之降才爾殊哉非其才之罪也夫國家多難羽檄傳
午匪才弗達上下多危蕭牆交構匪才弗定醜虜窺伺內猜外
疑匪才弗靖奸雄僭竊彼甲此乙匪才弗協是故陳平燕居深
念張良借筭前籌才矣而謂之小人可乎或謂文貞正而不諂
文敏諂而不正則予豈敢

寓圃雜記云自 太祖相傳 列聖臨朝每至日昃不遑暇食
惟欲達四聰以來天下之言 英宗以幼冲即位三閣老楊榮
等慮 聖體易倦因創輪制每日早朝止許言事八件前一日
先以副詣閣下豫以各事處分陳 上遇奏止依所陳傳旨而

國朝列卿紀

卷之九

七十

丁文

已 英祖既殂三臣繼卒無人敢復 祖宗之舊迄今遂為定
制
野記又云 仁廟在位時一曰內臣道及 太宗皇帝晚年欲
立趙府為儲諭意於東楊楊即對以趙府面鼻缺側不正遂宣
趙府執視頃之意頓罷 仁宗聞之即日降內批陞東楊少傅
謹身殿大學士西楊得旨懷進請加太子二字於少傅兩傍乃
傳出未幾復陞兼工部尚書夫立趙之意素所未聞豈內假以
為東楊地乎而加太子二字西楊亦未必然厥後 宣宗因東
楊便殿奏對手執其牙牌曰今在我身邊如何尚帶此牌可
去了太子二字東楊遂叩頭謝後實錄完乃同西楊進少師

野記又云正統末王振謁三楊朝廷事虧三位老先生然生亦高齡倦悴矣其後當如何文貞曰老臣當盡瘁圖報死而後已文敏不然楊先生休如此說吾輩衰殘無以効力當薦幾箇後生報 聖恩耳振喜令具名來翌日即同薦陳循高穀苗衷等振欣然用之文貞讓文敏曰彼厭吾輩矣吾輩縱自力彼豈自己乎一旦內中出片紙指幾箇名字某入閣則吾輩束手而已今數士竟是我輩人當一心力也文貞歎服

野記又云 文皇兵初入城楊文敏公迎見馬首 上問何人對曰翰林編修臣楊榮曰何如曰臣請 殿下今始入城當先謁 陵乎先入廟乎 上啞然曰固當先謁 陵遽從之既而

國朝列卿紀 卷之九 十一

召文敏謂曰非若言幾誤乃事矣由是寵遇遂隆

國朝列卿紀卷之十

內閣大學士行實

胡儼字若思江西南昌府南昌縣人自幼好學若書經史子有傳授至於天文地理律曆醫卜亦通曉其說以書經中洪武丁卯鄉試第二明年會試中副榜授華亭教諭以內艱去丙子授長垣縣上疏乞近便養親 文皇入正大統聞儼名召試之稱旨特授翰林院檢討尋陞侍讀直內閣遇有顧問必從容審度而後對未嘗以才智先人及在講筵凡古今治亂得失必反復敷陳以圖裨益永樂二年陞左諭德仍兼侍講本年秋季出拜祭酒以身率諸生奉守學規以圖成效一時人才翕然從化時

國朝列卿紀

卷之十

高僧

國子生有以故告歸者皆坐戍邊儼為言其情有可矜者乃得免四年 文皇幸太學御彛倫堂賜儼坐講經賜資優厚益曠典也八年 上北征命以祭酒兼侍講掌翰林院事輔導 皇太孫監國儼雖掌國學朝廷有制作若纂修 太廟書錄及永樂大典天下圖誌諸書皆為總裁未嘗去館閣洪熙元年以疾辭加太子賓客致仕并賜璽書褒美復其子孫頒寶鈔為道里費仍命有司給舟車還閒居二十餘年日與學者講求性理之學嘗表許遜章丹廟請春秋致祭修白鹿書院人謂其處退閒之有道云正統八年卒于家壽八十三詳國子監

金幼教名善以字行江西臨江府新淦縣人自幼嗜學閱從前

進士聶鉉受春秋經得其微旨未第時與同邑練子寧俱負時名練嘗自許為忠臣以良臣期幼孜革除間練職憲臺幼孜庚辰二甲進士授戶科給事中及靖難師過江練死節幼孜不果往會 文廟正位遂改翰林院檢討簡入內閣轉侍講永樂二年 皇太子立日講經史幼孜纂集春秋十二公事名曰春秋要旨五年遷左春坊左諭德仍兼侍講階奉訓大夫永樂七年扈從 車駕巡狩北京八年二月 上親征北虜胡廣楊榮及幼孜從之次永安甸雪初霽諸峯奇絕 上曰雪後看山此景最佳過雞鳴山躡野狐嶺 上曰至此看山盡在下矣至與和 上曰汝觀地勢遠望似高近即漸平此陰山脊也若因山

國朝列卿紀

卷之十

二

高宗

為塹因壑為池守茲巖險雖有鐵騎千羣安能飛度耶次鳴鑾戊 上曰此大伯顏出其西北則為小伯顏出其東北則為開平汝等觀此始知塞外風景也至駐蹕凌霄峰 上召至帳殿夜分乃出次環瓊閣指示塞北山川曰古交河在今哈刺火州兩河相交故名水齧沙出唐碑蹟尚在也次小甘泉曰女直有山其巔有水色白草木虎豹色皆如之所謂長白山也至長清塞曰至此南望北斗矣經潤澤海曰此水周圍千餘里幹難臘胸凡七河注其中遂更名為玄溟池次通川甸又遙指海邊石山曰此即三石山也爾等記之冬還南京陞奉直大夫錫之命命十一年扈巡北京十三年扈從北征是年冬還北京命修五

經四書性理大全充總裁官十四年進翰林院學士仍兼右諭德階奉議大夫賜織金襲衣本年冬扈還南京十五年扈巡北京預修 高廟實錄十八年擢文淵閣大學士仍兼學士二十二年扈從北征次開平 上召至帳中諭曰朕夢神人語上帝好生者三是何祥也豈天謂茲寇乎幼孜請班師 上曰卿言正合朕意即命草詔回鑾次長樂鎮幼孜侍 上曰漢高祖過柏人慮迫於人今朕至長樂思與天下同樂何時而庶幾也榮等對曰有志者事竟成 陛下聖志如此天必助順也次清平鎮 上宴羣臣命內侍歌 高皇御製詞五章曰此 先帝垂論叙創業守成之難戒荒淫酣醜之失也朕嗣洪業惟恐失墜

國朝列卿紀

卷之十

三

高宗

尚相與勉之於是自製五章以奉天法祖勤政恤民為言仍命內侍歌之次清水源命幼孜刻石紀行使後世知朕親征過此既旋師中道 官軍晏駕初喪至斂皆楊榮與幼孜據禮行之既楊榮先馳歸報道中之儀皆諮幼孜而行 仁宗嗣位進戶部右侍郎兼文淵閣大學士踰月加太子少保兼武英殿大學士尋典內制賜之銀章一日繩愆糾繆是歲持節冊梁王及趙王妃洪熙元年命兼禮部尚書階資善大夫三俸並支尋告歸省丁憂宣德元年修 兩朝實錄起為總裁官明年持節之寧復冊安化貞寧二王妃歷覽周秦漢唐之墟悉見賦咏所過民休戚事竣上封事上嘉納之五年正月實錄成賜織金襲衣

及金騎馬三月命同楊士奇等選進士薩琦等八人為庶吉士
十月壬午扈從巡邊度鷄鳴山 上曰唐太宗恃其英武征
嘗過此山對曰太宗後亦悔之此憫忠閣所繇建也 上曰山
崩於元順帝時人謂元亡之徵信乎對曰順帝亡國之主雖山
不崩國亦必亡 上曰自古聖帝明王未嘗無災異國之存亡
繫乎君之仁與不仁而已矣六年選疾屬纊子姓有干澤者正
色斥之曰君子所耻正襟危坐而卒壽六十四贈少保謚文靖
幼孜為人簡易沉默溫裕有容居家敦孝友之行既任事 上
以誠持論必正扈從北征時道中士卒有憊者 太宗皇帝知
之以問羣臣未有對幼孜直對宜遂班師凡於公務致勤不倦

國朝列卿紀

卷之十

四

四六

處同僚能讓於人汎愛無忤其學該博文章和平寬厚類其德
性四方求者無虛日靡不附應得其一篇一詠者皆寶重之書
兼工真行嘗考會試者一讀廷試卷者四不伐善不矜名初陞
學士寵賚日加卽以盛滿為戒名其燕處之居曰退菴所著有
北征錄

殿學記云予觀國史稱述文靖古所謂金玉君子者乃其人也
七人之中保全始終堅立名節如公者蓋不多見也
野記云 太宗崩於榆林川 仁宗在南京帳內左右良寢擾
金文靖公速集諸內侍令秘不發喪亟命工部官括行在及
中錫器悉收入內幄召攻金者入銷錫製為柶柶成權斂而

之殺工以滅世命光祿日進膳如常儀隨作二詔一為遺詔入
朝一召 東官於留都俾星馳卽位比喪達京師無有知者 皇
太子至遂發喪易梓官成禮金文靖鎮定之功迥不可及也已
楊溥字宏濟湖廣荊州府石首縣人夙稟醇質刻志苦學革除
已卯舉湖廣鄉試第一胡儼典文衡批其所刊文曰初學當退
避三舍老夫亦讓一頭地又曰他日立玉塔方寸地必能為董
子之正言而不效公孫弘之阿曲既而中庚辰二甲進士授翰
林院編修永樂二年 仁宗正位東官陞司經局洗馬兼編修
一日東官問漢廷尉張釋之之賢溥對曰釋之誠不易得然世
豈無其人但無文帝寬厚仁恕之君用之爾釋之固難得文帝

國朝列卿紀

卷之十

五

廿文

尤難得也退采文帝關治道者編為事類以進 皇太子嘉納
之十二年七月 車駕北征東官遣使奉迎積穀漢王高煦請
之 上怒曰此輔導者之咎也黃淮先至下之獄楊士奇金問
繼至 上曰楊士奇姑宥之朕不識金問何人乃爾得侍東官
命法司鞫之辭連溥及芮善王愷遂俱逮繫滄禁十年家人供
食數絕糧又 上命叵測日與死為鄰溥勵志讀書不輟同難
者止之曰勢已如此讀書何為曰朝聞道夕死可矣五經諸子
讀之數回不以食寢患難介於中 仁宗登極釋溥擢翰林院
學士入閣典機務本年陞太常寺卿仍兼學士洪熙元年正月
已卯建弘文閣於思善門之左命溥掌閣事選侍講王璉侍直

改博士陳繼學錄楊敬為編修訓導何澄為給事中俱輪班奏對上親握閣印授溥曰朕用卿等於左右非止助益學問亦欲廣知民事為理道助卿等有所建白即用封識以進十一月丙申溥密疏言事上褒荅曰覽卿所奏為國家計誠合朕心但望始終如一知無不言贊朕致治以承天休感卿忠懇特用酌報賜寶鈔絲幣卿其領之宣宗嗣位復遷內閣預修兩朝實錄為總裁官宣德元年高煦反誅獲陳山請襲趙王溥與楊士奇執不可趙即獲全十一日上召溥語及治兵之道溥曰兵貴訓練有方撫養得宜上因養之厚則得其心練之精則得其用必氣銳志果而後可用若素不訓練一旦驅之矢石之間進退失措何望有濟溥曰誠如聖諭四年正月上御齋宮召溥諭曰朕即位以來今年常念祖宗創業之難子孫守成之不易夙夜惓惓未嘗敢忘今幸百姓初安皆賴天地祖宗敷佑益亦羣臣勸翼之功朕恒自喜然自古國家禍亂每生於不虞朕未嘗不以為憂溥對曰聖人治不忘亂安不忘危今聖心如此是以膺天眷福蒼生也上曰滄海之大皆由江河之助古之君臣更相戒飭克致太平號稱賢良若為君不求資於臣為臣不克輔其君欲其善治未之有也比來人臣多進諛辭殊厭之卿宜輔朕於善道對曰臣荷至恩敢忘報稱上曰卿覽朕有過舉直言無隱即為報多矣溥曰自古直言非難

國朝列卿紀 卷之十 計文 四百七十六

受盡言為難陛下樂聞讜論臣敢不竭愚衷是年秋以母喪去任詔奪情起復居宥密以便咨訪如弘文故事不與機務十月上幸文淵閣諭溥曰朕聞有道之君願治之主崇禮儒臣講求治道卿等職專秘閣朕躬至此冀有所聞稍暇當復至卿等必有所陳論也遂制詩一章賜之五年正月實錄成賜溥白金十錠羅衣一襲絲幣十二端六年十二月上御文華殿溥同楊士奇楊榮入侍諭曰朕念祖宗積德累善篤生太祖繼天立極創業垂統太宗迅掃姦回再安宗社皇考仁宗恢弘治化增高累厚以固鴻業朕承天位夙夜不忘記曰先祖有美而不知不明知而不傳不仁是用撰述成詩揭之座上

國朝列卿紀 卷之十 七 四百七十六

朝夕覽之勉圖繼述庶幾永保天命今以刻本賜卿當亦思祖宗開創之難守成不易盡心輔朕國家安卿等亦安矣溥頓首受賜九年秩滿陟禮部尚書兼學士十年英宗繼統命溥復入閣與楊士奇楊榮同知經筵正統三年總裁宣廟實錄成加少保禮部尚書兼武英殿大學士溥首言自古聖賢之君未有不由學而能致治者先帝在御時切諭臣等此事皇上肇登寶位必明堯舜禹湯文武之道以興唐虞三代之治望早開經筵以進聖學當豫擇講官必得學問貫通言行端正老成重厚達大體者數人以其職及選左右隨侍之人用輔養本原皆見嘉納又上疏言近年清解軍士北人苦於瘴腐南人

苦於嚴寒又西北二邊急於防守而所在壯勇之人乃發戍南
方且洪武中犯死罪者不分南北發戍所以宥其死而懲其惡
永樂宣德以來憫其遠道艱苦留操近地所以全其生而圖其
用自今邊卒清解者宜悉從南北所宜發戍庶幾人宜水土兵
政有備詔廷臣議行之十一年卒於官年七十五贈太師謚文
定溥為人謙謹小心篤於操履接吏卒亦不敢慢嘗曰士君子
一言一行幽明無愧然後無負於父母生身之恩又曰人必有
躬行之實然後可以訓子孫初鄉試為首選胡儼典文衡後儼
為祭酒溥已在禁垣位望益高終身執門生禮儼亦不辭人兩
高之

國朝列卿紀

卷之十

八

同祥

水東日記云楊文定公最善王檢討振張修撰益相見輒出所
作就二人評有所改易即樂從公亦善改人文字泰和陳學士
當筆撰祭文公欲有所易陳忿然不平見於言色公即已之又
云嘗聞楊文定公桃符有曰黎庶但教無菜色官居何必用桃
符
菽園雜記云楊文定公溥在內閣時其子來自石首言所過州
縣官迎送饋遺甚勤南京吏部侍郎范公理時知江陵縣頗不
為禮公聞而異之後廉知其賢即薦知德安府其為縣纔八月
而已
瑣綴錄云官廟最好詞章選南楊與陳芳洲二先生日直南宮

應制南楊思遲陳芳洲思敏一日命御製壽星贊陳援筆贊云
渺南極兮一星燦祥光兮八紘兆皇家兮永齡我懷思兮治平
賴忠貞兮弼成宜壽域兮同升南楊以指圈畫壽域二字欲易
而未就時中官促進甚急曰先生有則改無則罷遂取去以賜
內閣中官請問西楊曰壽域二字何如西楊應曰八荒開壽域
中官還告南楊曰八荒開壽域此句詩何如南楊曰好詩中官
曰先生指壽域未為好也南楊默然少頃陳退食遇西楊於端
門西楊語陳曰適賜壽星一贊甚佳必大手筆也陳唯唯後正
統間朝鍾一日不受杵命內閣述祠鍾文南楊入室中翻舊稿
不得太監候久促陳芳洲曰先生何不作陳乃白南楊曰舊無

國朝列卿紀

卷之十

九

杜喬

此稿先生第口占我寫南楊乃起一語陳遂續成之 仁宗昭
皇后當題主祔廟南楊執稱 皇太后眾不能止及後奉命御
製修國子監碑文題曰重建太學之碑時西楊寢疾不能出密
旨封令西楊另製一通題曰大明新建廟學之碑進呈遂用之
南楊又執用其題西楊具論凡言重建者既作之後又作是也
廟學前元所建非 國朝事且廟與學是二若只書太學而不
云廟於禮未安請通改作新建廟學四字為宜廷議雖違西楊
之言然已刻石無及矣二公學識如是可知
殿學記云予觀國史謂溥與士奇榮相繼入相時稱三楊士奇
有相業榮有相才溥有相度雖兒童婦女咸知其名然繫獄不

改其操秉軸不渝其忠史謂謙恭淳謹不愧斯言已矣。
餘冬錄云 英廟之初立年在幼冲朝廷大政承 張太皇太后指裁爲多 太后常御便殿執政大臣英國公張輔大學士楊士奇楊榮楊溥尚書胡濙被旨入朝 太后左右女官雜佩刀劔侍衛凜然 英宗東立英國公西下立 太后召問之人皆有獎勵之辭及溥乃歎曰 先皇帝嘗稱卿忠不謂今日得相見也 仁宗監國於南時 太宗方寵漢庶人有代嫡意溥以翰林學士切諫下錦衣獄者十年 仁宗卽位始出溥數月遂爲大學士故太后有是言因顧 英宗曰此五人先朝所簡貽 皇帝者有行必與之計非五人所贊成者不可行也

國朝列卿紀

卷之十

十

朱榮
四百六

三楊總論

天順日錄云宣廟時三楊任事思天下之士不由已進退勅方面風憲郡守今在京三品以上官保舉且薄吏部尚書郭璉不學無術尋又勅今後御史知縣許在京五品以上官舉保由是天下要職吏部不得除已而奔競之風大作以賊露者甚衆尋有以弊言者遂罷御史知縣舉保之例郡守以上仍舊出於三一楊之門皆由其操去取之權也西楊雖偏而無私尤持公論當時天下方面頗亦得人正統六七年以後張太后崩三楊相繼而亡進退天下人才之權遂移於中官王振邪正倒置矣又云宣德初學士楊士奇輩以方面大職亦任吏部自舉未盡

得人乃令在京三品以上官各舉所知當時以爲美事行之既久公道者少時人有拜官公朝受恩私室之譏景泰初遂罷此例乃從吏部自擢時予在銓司乃將六部郎署年深者第其才之高下爲一帖御史爲一帖給事中爲一帖南京者附之方面有缺持此帖於尚書王直前斟酌用之將盡復增之其推用之時人皆不知命下令人傳報彼方驚喜正謂各官舉時有九年將滿者以其自守不求知於人耻爲奔競至此不得已而亦造人之門况其素行奔競者會舉方退聽舉之人已預知之不待命下而職位地方無不曉悉且又不知所舉之人才能高下但以舉主官大列名在前者其所舉之人官亦大以此輿論不平及

國朝列卿紀

卷之十

十一

朱文信
四百七

吏部自擢較短量長多協輿論然各舉所知本是良法若皆存薦賢爲國之心豈有不善但各出私情反不若吏部自擢雖不能盡知其人却出於公道故也
水東日記云宣德正統間名臣稱三楊先生以文貞爲西楊文敏爲東楊蓋初以姓同亦略因居第以別之文貞固出西江而文定郡每書南郡乃因以南楊號焉
又云文淵閣有密之地外臣非公事不能至廷陛機宜無敢泄者楊文貞文定文敏三先生典刑尚存文貞間遇知己或問近日外間有何事或某事便否亦甚鮮也後來者則有稍稍傳聞於人甚而方面官見辭後必造謁或舉子入考文學又甚而造

滕之言代言之筆不待暮出禁門而已徧告多人斯極矣此不惟係大體之得失而才器之大小福量之薄厚亦於是等見焉瑣綴錄云國初革中書省不設宰相永樂初乃設內閣選翰林六七儒臣居之職知制誥日備顧對參決政機隱然相職而官不過學士洪熙初始陞孤卿皆潛邸舊人而三楊同官最久當是之時干戈甫定宗室未蕃軍職尚少經費無幾國用有餘民間人稀地廣法網未密財利無制 宣殿英武乾綱獨斷百司守令久任不更官民相安天下號為太平三楊之名所由以著時福建僉憲吳謀杖死驛丞東楊以鄉官欲坐償命西楊以鄉故欲擬因公互爭不決請裁於 太后王振因而進言三楊皆

國朝列卿紀 卷之十 十一 張博

有私償命過重因公過輕宜對品調降府同知 太后寤之自是振日拾撫內閣之誤裁決一歸於振三楊乃迭請告展省適宗室中有遺東楊土物者振將發其事西楊以東楊不在京辨解之東楊聞報兼程造朝觸目瘡痍於錢塘以此振權益專好大喜功遂因麓川思機發思仁發兄弟警殺遠有麓川之征遣將出師疲耗中國監費費賞所爭荒蕪之境竟何益於 國家乃致九溪苗獠乘機不靖兵連禍結延至葉滿宗鄧茂七黃蕭養輩相煽而起極於土木之大變此皆三楊失柄於初不能沮振之所致也然西楊之文學東楊之政事南楊之清雅皆人所不及故論今之賢相必曰三楊三楊云丘仲深雜著云一時

賢相比稱三楊避矣然當其時南交叛違乾龍易位勅使旁午頻泛西洋曾無一語權歸常侍遠征麓川兵連禍結極於土木之大變誰實啓之春秋責備賢者其能追乎

塵談錄云我朝相業以三楊為首然亦賴 朝廷委遇而責成之正統初 英宗以幼君臨御張太后在上有擁護之功凡事專任三楊百司奏事必命使諮議然後裁決中官王振一日以事至閣楊少師士奇有所議擬振輒可否其間公憤懣而歸三日不出 太后遣使來問楊少師榮語其故 太后震怒詔鞭振遣人押至閣下謝罪且戒之曰再爾必殺無赦用是數年朝綱整飭海內又安及 太后賓天三楊亦先後下世振始弄

國朝列卿紀 卷之十 十三 鄭文謙

權天下遂多事矣 吾學編曰時稱三楊學士文貞為西楊文敏為東楊文定為南楊正統五年東楊卒又明年 昭聖皇后崩又明年西楊卒十一年南楊卒十四年遂有土木之禍 增 又曰西楊玉質金相通達國體東楊揮斤游刃遇事立斷南楊安貞履節調羹醞醑參合成名並稱賢相 增 又曰文貞輔導監國危心慮患卒能保其身以濟其主文敏經略北塞金湯萬里有武績為文定中更險難比入內閣遲二楊 諸二十三年復還弘文再入內閣 昭皇后臨朝與民休息四海宴然皆其力也 增

張瑛字子玉直隸順德府邢臺縣人洪武丙子鄉貢授陝西寧州訓導調武德衛學再調宿遷縣學所至嚴教條育效生徒多所成就永樂戊子秩滿九載擢吏科給事中稽考封駁克舉其職十一年冊立 宣宗爲 皇太孫瑛與選爲伴讀二十二年仁宗嗣位遷左春坊左中允尋進左諭德本年復改司經局洗馬洪熙元年三月錄瑛舊勞陞行在禮部右侍郎宣德元年轉禮部左侍郎兼華蓋殿大學士入閣二年丁未加禮部尚書仍兼大學士五年正月總裁 兩朝實錄成賞白金六十兩金織羅衣一襲綵幣十端本年因瑛行事與陳山相類干外議調南京禮部尚書七年十月瑛上言天下儒學廩膳生員計二萬有奇

國朝列卿紀

卷之十

十四

張

跡其所言豈其然乎
陳山字汝靜福建延平府沙縣人洪武癸酉舉人永樂初年授奉化教諭六年召修永樂大典陞吏科給事中八年丁憂十年起復到部擬陞廣東右布政使特留掌六科事十一年偕張瑛侍 宣皇講讀二十二年 仁宗嗣位遷左春坊左庶子洪熙元年陟行在戶部左侍郎宣德元年陞戶部尚書兼謹身殿大學士入閣 詔領大學士日侍文華殿充 兩朝實錄總裁嘗墜馬傷足 上親調藥酒賜之時高煦反形已具 上親征命山留守師旋山迎 謁請間言宜乘勝移師彰德襲執趙王則朝廷永寧可無蕭牆虞也 上召楊榮以山言諭之榮曰山之言國之大計請先勦貴趙王詰其與高煦連謀六師奄至可不旋踵而擒也楊士奇楊溥執不可 上悟其非遂薄山不復任四年十月 朔 上御左順門遙見山趨朝問楊士奇曰汝試言山何如人對曰山雖侍從日久然寡學術昧大體非君子也上曰然趙邸幾爲所誤近聞干謁諸司內閣政本之地豈可令斯人賂溷也遂 命改山輟機務專授內監習書九年疏陳休致卒於塗年七十有詩藁奏議藏於家

國朝列卿紀

卷之十

十五

陶

居常篤行事繼母備極孝養永樂癸卯舉鄉薦宣德丁未中
榜授代州學官疏辭不受銓曹銜之改任泰和典史時中使旁
午至郵無虛日雜處之裕如公暇即延禮師儒講明理性宣德
壬子督部工匠赴 闕疏乞入試中第二人楊文貞公一見奇
之明年 廷試 宣帝策以義禹河洛象數雜對稱旨 上親
擢第一 賜宴於禮部永為定例授翰林院修撰從楊文定公
遊所得益深正統改元 英廟初御經筵掄選講讀官彙首預
焉敷納明暢聞者登敬三年預修 宣廟實錄轉侍講五年
命人文淵閣辦事甲子進學士乙丑 廷試讀卷得商輅為第一
是歲陟吏部左侍郎仍兼學士入閣彙學贍行端內剛外和識
國朝列卿紀 卷之十 十六 陶見 習主

達政體才智出人為 英廟所眷注 國朝制母止封兩人正
統十二年彙陳情乞將前母孟氏一體追 贈 詔允之不為
後例蓋特恩也十四年己巳五月戊申彙奏侍講劉鉉修撰王
振堪教庶吉士修撰許彬郎中潘勤堪督四夷館從之七月虜
酋也先大舉入寇中官王振力請親征 上命武官英國公張
輔等文官兵部尚書鄺楚等及彙與侍讀學士張益扈從巡邊
是月壬寅 車駕次鷄鳴山癸卯次萬全峪是夕金星犯亢甲
辰次懷安是夕黑風四塞乙巳次天城丙午次陽和是夕火星
犯土丁未次聚樂驛戊申次大同庚戌次雙寨王振蔚州人邀
上幸其第辛亥次滴水崖壬子次洪州癸丑次白登王振益恣

肆迫挾進兵成國公朱勇膝行聽命戶部尚書王佐竟日
草中噤無一語惟欽天監正彭德清首斥振曰象緯示警不可
復前若有疎虞陷乘輿於草莽誰執其咎彙繼之曰臣子固不
足惜 主上繫宗社安危豈可輕進振怒詈之曰儻有此亦天
命也八月辛酉次土木命太監吳亮相地布營陣未定虜已據
南河次日虜偽退王振復矯制起管追之虜大蹂躪我師敗績
死者十餘萬人彙及諸臣五十二員皆死之 景帝聞之贈彙
榮祿大夫少傅吏部尚書文淵閣大學士諡文襄遣官諭祭官
其子恩為大理評事 英宗復辟加彙太傅改諡文忠又官其
孫為錦衣百戶
國朝列卿紀 卷之十 十七 丁文 習主

閣學記云予觀李文忠公及劉文忠公奏疏謂自古夷狄之禍
未有甚於土木之難者夫漢之有匈奴唐之安祿養
已久宋之遼金及元則又中國偏安勢匪其敵我 明當全盛
之時王用三驅高墉射雉而乃受制闡陞魏勞六飛至使全師
覆沒善人殄瘁如彙者哀然為廷魁首元喪大羊身膏草野不
亦可悲乎
天順日錄云予榜狀元曹彙為人疏通爽俊初為教官不樂願
得繁劇一職改泰和典史益進學不倦復修舉子業遂登進士
第西楊先生嘉其志薦入經筵復入閣秉政士林榮之自東楊
以議大事多決於彙明敏之才相類焉雖王振恣橫而亦尚

加禮敬沒於土木之難

馬愉字性和山東青州府臨朐縣人自幼篤學文思迅發宣

廟嗣位之二年擢進士第一名初國朝登科以來南北並試未

有北人居首選者有則自愉始也是年立石題名大學士楊士

奇奉 旨撰文備叙其盛識者已占愉為遠到之器正統元年

以修撰同考禮闈會 經筵缺人楊士奇薦愉學行進侍讀與

苗衷高穀曹鼎四人同侍 經筵三年與修撰錄成陞侍講學

士五年命同曹鼎文淵閣辦事乙丑主考會試得商輅冠禮闈

及廷對仍賜進士第一名人服其識譽本年陞禮部右侍郎兼

學士入閣愉在內閣性資淳篤論事無私厚嘗奏讞疑獄經

國朝列卿紀

卷之十

十八

丁文

年不決者多所平反愉為 英廟所賞注常因父病 上察其

情特賜歸省蓋希潤之賜也十三年忽晨起趨朝仆不能語事

聞即命醫往治越四日卒年五十三 上聞嗟悼賜棺槨賻錢

萬緡命有司管兆域贈禮部尚書兼學士舊例贈者無兼官兼

之自愉始所著有澹軒集

閣學記云予觀山東志謂愉淳雅寬厚行義可式及讀國史則

又云端重簡默自處澹如門無私謁於乎使居台揆者其門如

市其心如水何愧於愉哉

陳循字德遵江西吉安府泰和縣人蚤有文名永樂甲午舉鄉

試第一名十三年乙未會試當選一考官梁潛以鄉曲避嫌改

取林文祜又以祜字罕見改取洪英曰此洪武中英才也而循

第二及廷試擢第一授翰林院修撰 太宗時重儒臣賜第萬

寶坊十六年駕幸北京命循往南京取載秘書自一部至百部

以上各取一部詣行在遂留用之十九年三殿災循上疏多見

采納洪熙改元轉侍講宣德初年命與楊溥專直南宮備顧問

又賜第於玉河西五年庚戌擢侍講學士時御史張楷上詩涉

時政忤旨循力救之獲免六年辛亥御史陳祚出按江西即按

所上疏勸讀大學衍義書左右讒嗜欲邪佞等語有意譏訕

上不悅遣官校逮繫并籍其家會問翰林儒臣循對曰是書述帝

王修已治人之要誠所當讀俗士迂濶且處遠外不知 聖上

國朝列卿紀

卷之十

十九

蕭奉

嘗讀之矣怒之誠當但緣於忠愛所發無他也 上意稍解竟

緩其法正統元年命兼經筵官七年壬戌擢翰林院學士甲子

命入閣乙丑遷戶部右侍郎仍兼學士十四年陞戶部尚書仍

兼學士循首相奏復近侍翰林官於早朝時當立於金臺左側

於午朝時當先諸司奏事悉從之本年土木之變也先擁駕入

關索大臣于謙胡濙王直出迎眾知其詐循奏請勅各邊精騎

入衛京師又多發榜文招諭回達以疑其心也先計窮復遁景

泰元年四方多事兩京降灾六科十三道給事中官葉盛等

各奏修省循與苗衷高穀等自劾 景皇悉宥之方 聖駕未

迎國是兩在循模稜無定見及也先遣使請和 上諭循等於

文華殿也先背逆天道邀留 上皇不共戴天之讐如何可
和循等請勅諭阿刺并賞來使令回以緩其謫詐之情仍勅在
京各營各邊關整棚軍馬以備從之未幾虜悔過送 上皇還
京循等因吏部尚書王直等奏請遣使迎復還居南宮景泰二
年陞少保兼戶部尚書文淵閣大學士三年 上欲易儲先啖
左右於閣下諸學士各賜金五十兩銀倍之循輩惟知感惠遂
以太子為可立而 茂陵竟廢命以少保兼太子太傅循既獨
寵任集古帝王行事名曰勤政要典上之甚見嘉納七年修寰
宇志凡例一準方輿勝覽有以戶口為言者循執議不從曰此
非造黃冊子何用戶口惟詳列進士之名一一書狀元及第識

國朝列卿紀 卷之十 十一

者鄙之書成命兼華蓋殿大學士是年循子瑛與王文子倫俱
順天鄉試主考劉儼黃諫等不為錄循與王文奏劉儼不公欲
抵之罪有旨令翰林科道官覆考於是有所附者以瑛等文章
合式得特賜舉人給事中張寧劾奏循等罪狀不報景泰八年
正月 上染疾不朝十二日禮部會內閣及文武羣臣議立東
官事具奏不允十四日循等會本請復立 茂陵未及上而奪
門之兵起矣徐有貞以功入閣助石亨除循輩謫循戍遼東鐵
嶺衛未幾詔還鄉以壽終循久在詞垣深知先朝典故應酬擬
筆立就入內閣掌機務典冊制命皆出其手屢為考官去取
當所著有芳洲集

天順日錄云翰林實儒紳所居非雜流可與景泰間陳循等
舉所私非進士出身者十將四五率皆委靡昏鈍浮薄之流
由而退至天順初重修進士志惟擇進士出身者此輩自知不可
居此願補外職賢者於上命吏部除之因其才而高下其職
無不斥逐翰林為之一清

名臣錄云南京吏部尚書魏公驥請老至京閣老陳公考試時
所取士也來見謂曰先生雖位冢宰然未嘗立於朝願少待事
在吾輩而已公不從退謂人曰渠將朝廷事為一已事安得善
終

國朝列卿紀 卷之十 十二

瑣綴錄云景泰中纂修寰宇志館中諸公多不至閣老乃令閣
門吏每晨會後具報至否揭不至者職名於東閣上芳洲因揭
一對云朝參未到荷望朝恩有單時纂述不來奈志閣書無成
日人以為得斯文相規體
瑣綴錄云景泰丙子劉宣化黃廷臣考順天鄉試時王千之陳
芳洲二公之子不偶適譯字劉淳卷已經翰林考中送入場不
及填榜故二公因劾以違制并撫所命題雖欲自絕有無正統
等語請如洪武間坐三五等罪例重開科考試 朝廷止命翰
林會同多官校閱眾謂去取差錯題犯嫌諱考官不能無罪二
主考甚懼不測惟高先生素厚黃同鄉翌日早 朝奏事畢出
班跪稱少保臣高毅有事關上說因石至榻前具白其情

主考不問且許二公子會試二公復上疏內批敢再打攪以
臣擅法論於是士論不韙之然是科小錄亦不足觀踰年二公
坐誣王死陳成宣化亦疾卒時宣化同年陳汝言用事言於
英廟遂得謚文介益二公竟以此失名宣化偶以此得名事固有
幸不幸者

天順日錄云景泰欲易太子恐文武大臣不從先啖其左右於
閣下諸學士各賜金五十兩銀倍之陳循輩惟知感惠遂以太
子爲可易於是假以外條陳奏謀易太子乃會文武羣臣議其
可否有執以爲不可者卽以利害怵之無一人敢異辭於是擇
日立之卽以官僚美秩付之閣下任其所取文武大臣與者十

國朝列卿紀

卷之十

三十二

劉汝言

七人自公孤而下數十人爲太保者十人名位之濫一至於此
惟賢等侍郎四五人不與一易之後人情悵然不平貪其利者
揚揚自以爲榮幸不知識者已知其非善後之計也已而天道
一還盡革無遺因而譴謫者亦多回視不與者反有媿焉榮辱
相尋如此士之立身不可不審也

苗衷字秉彜直隸鳳陽府定遠縣人學術醇正舉應天鄉試永
樂己丑會試中式時 車駕巡狩北京詔中式舉人陳璠等八
十四人寄監讀書越辛卯 車駕還京廷試擢衷第二名宴於
會同館授翰林院編修屢典文衡宣德五年預修實錄成陞侍
讀正統元年内閣楊士奇薦衷學問貫通言行端正與高穀馬

愉曹鼎同侍經筵三年與修實錄成陞侍讀學士七年壬戌命
主考會試得姚夔與劉儼呂原韓雍程信項忠白圭諸公後俱
爲名卿十年陞兵部右侍郎兼侍讀學士入閣十四年陞兵部
尚書兼翰林院學士景泰元年兩京多災衷與首相陳循等上
疏自劾 景皇悉留之未幾衷乞致仕 景帝賜之勅曰卿以
科目高第發身事我 皇曾祖考以至於朕幾四十年歷官翰
苑寅畏小心朕方進卿以大司馬兼翰林院長官冀有倚毗曾
有幾時遽以老辭揆之古先哲王求舊之美固不能忘而士夫
夫甘退之節亦不可拂特賜寶鏹金綺給舟以歸以副朕懷賢
念舊之意後卒于家壽八十贈榮祿大夫少保謚文康官子鏞

國朝列卿紀

卷之十

三十三

王鏞

爲監察御史

閣學記云予觀中都志載苗文康素履弗得其詳及讀國史稱
其爲人溫厚簡重外和內莊諳於世故樂道人善條然有塵外
之志予始知文康之風遐哉矣

高穀字世用直隸揚州府興化縣人自幼承家訓舉止如老成
人父奇之甫十歲乃遣入邑庠卽能奮力於學弱冠遂領鄉薦
登永樂乙未進士第選入翰林爲庶吉士辛丑授中書舍人甲
辰陞左春坊左司直郎洪熙改元授勅階承務郎未幾以學行
獨優陞翰林院侍講丁外艱服除還任宣德乙卯主考順天府
鄉試人服其公正統改元春 英宗初御經筵少傅楊士奇

上言經筵講官必得學問貫通言行端正者以供其職遂薦穀與苗衷馬愉曹鼎四人專侍講讀賜三品章服穀每進講敷衍詳明聞者嘆服戊午預修 宣廟實錄成進侍講學士甲子復主考應天府鄉試士無間言乙丑進工部右侍郎兼侍講學士入內閣知制誥丁卯進階通議大夫十四年乙巳秋 聖駕北狩命穀留守尋進工部尚書兼翰林院學士時 景帝即位虜情叵測邊境日嚴選使虜者中書舍人趙榮獨請往迎遂陞大理寺少卿穀嘉榮之奮忠即解所束金帶與之景泰元年都御史楊善迎 聖駕自北還議奉迎禮穀欲從厚涉疑未定有干戶龔遂榮投書於穀言奉迎當重之意穀即袖其書以進且曰

國朝列卿紀

卷之十

二十四

楊海

武夫尚知此禮况儒臣乎陳循見之悲甚穀執議如初已而朝廷以遂榮非分得譴之 聖駕至百官郊迎穀復上章以伸前議無所顧忌聞者義之辛未朝廷以穀望重進少保仍以尚書兼東閣大學士壬申易儲不敢諍命兼太子太傅尋賜階榮祿大夫穀上言內外諸司惟賢是用况經筵日講關係聖德尤在得人遂薦少卿陳詢學士呂原中允楊鼎都御史王文大理寺卿蕭惟禎疏上命詢鼎侍經筵文入閣甲戌南京災朝廷念祖宗陵寢所在以穀大臣中清慎者特命往祭祀事竣被災者千餘家悉發廩賑之歸奏稱旨是歲冬給事中林聰忤執政王文等執政欲害之乃諷御史劾其私而羅織其罪穀獨持正諍

從輕典士論譴之乙亥星變疊見上疏謂臣濫居保傅不能盡匡輔之道宜譴罷以謝天意不允丙子寰宇通志書成進兼謹身殿大學士是歲秋順天府鄉試太常寺少卿兼翰林院侍讀劉儼為考官執政陳循王文以子入試不中交章奏儼去取不公欲置於法乞詔翰林及六科十三道覆考穀時以疾不出一聞此事即強起預考考畢毅然入言曰大臣子與寒士並進已不可况又不安於命欲殺考官可乎因閱卷止黜林廷一人餘俱從儼所選由是儼得釋穀之名益振而拂其意者啣之穀屢求退避不允天順改元 英皇復位首召穀慰諭而留之其餘誅斥殆盡穀即上疏辭保傅二職時機務填委穀亦衰老弗堪

國朝列卿紀

卷之十

二十五

楊海

懇乞骸骨 上憫其老特允所請賜白金楮幣織金襲衣給驛舟送歸其家復賜勅諭有曰日與親戚故舊徜徉丘園展契闊之深懷道朝廷之盛事清風高致足以勵廉而革貪夙德雅望足以敦化而道俗則鄉人永有終譽焉士林以為榮越四年庚辰以疾卒壽七十贈太保謚文毅穀天資簡重操履清介而交人不泛視義所在勇於必為雖違眾不恤也在位論薦多就得人可謂慥慥乎篤實之君子所著有育齋集八十卷立齋錄云景泰初開經筵每講畢命中官布金錢於地令講官拾之以為恩典時高穀年六十餘俯仰不便無所得有一講官忘其氏名拾以貽之今按宣德中李時勉為講官學士一日

景陵懷金錢至史館撤之於地令諸臣拾之時勉獨正立乃呼至前賜以袖中餘錢則金錢之事其來已久不知當時諸臣曾講到使臣以禮一章否

瑣綴錄云景泰三年高少保先生以陳芳洲先生獨寵任乃疏請內閣增人實欲援知己自助意屬錢原博方私託商先生贊之良久不應高曰商公如何商先生曰再看殊不知二公素不相得若水火然及疏下內閣推舉芳洲曰疏中有云不拘繁劇衙門則三法司亦可舉若則吾所知者蕭惟禎也意實不在蕭特以沮錢耳高先生遂改舉王千之先生又所以沮蕭於是千之遂有人閣之命後千之深服芳洲之識量甚不足高之狹

國朝列卿紀

卷之十

二十六

楊海

隘竟用不合時謂高先生自生一敵然千之好惡固不私也

殿學記云予讀國史稱毅為人高簡廉靜不比匪人觀其白劉儼之公救林聰之直嘉趙榮龔遂榮之忠推是心也天日將為昭焉

張益字士謙應天府江寧縣籍直隸蘇州府吳縣人永樂乙未進士改翰林院庶吉士授中書舍人轉大理寺評事正統元年三楊薦與修宣廟實錄三年書成遷翰林院修撰博學強記一見稱於時十四年正月陞侍講學士入內閣典機務本年八月北虜犯邊太監王振力主親征益同學士曹鼐扈駕時西寧侯朱英武進伯朱冕全軍覆沒大同守將定襄侯郭登因駕將

旋欲有所陳論不能自達乃告曹鼐與益宜從紫荆關還益曰然即當入奏既行管人紫荆復折而東才四十餘里耳蓋竟從居庸也八月十三日駕至土木旁無水泉又當虜衝十四日

欲行虜已逼不敢動兵士束手饑渴十五日虜使持書來以求和為言召曹鼐草勅與和遣二通事與虜使偕去遂移營踰壘以行迴旋之間行列已亂爭先奔遁勢莫能止虜騎蹂躪而入奮長刀以擊我軍大呼解甲投刃者不殺眾裸相蹈籍死蔽野塞川官待虎賁矢被體如蝟上與親兵乘馬突圍不得出虜擁以去益與曹鼐俱沒陣中及景帝即位贈學士謚文僖益為人清淳端謹文章圓熟雅健有法對客數千言援筆立就楷

國朝列卿紀

卷之十

二十七

陶見

書亦工初益與夏景同年及見陳嗣初王孟端俱喜作文寫竹後景見益作石渠閣賦出已上遂不復作文益見景竹妙絕亦不復寫竹竟各以其所能名世

守溪長語云土木之難益以學士從死焉後四十餘年其子某印馬道士木設祭悲泣是夜夢其父衣冠如生來曰以紅沙馬與我既覺未甚異也忽從者來報云後隊紅沙馬一疋夜來無病暴死異之及歸詢之父老益初從駕嘗騎紅沙馬云

商輅字弘載浙江嚴州府淳安縣人幼穎敏卓越游庠時學諭王端最名有經學試以舉業下筆千餘言立就即以狀元宰相期之宣德乙卯發解浙江明年會試弗利乃入太學李文忠

公時勉為祭酒見而異之特設館東廂之後俾卒業及乙丑會
 試廷試果復舉第一入為翰林院修撰丁卯 英宗命選詞臣
 劉儼等十人進學東閣輅與焉已巳 車駕北狩 邸王監國
 召入內閣備顧問預機密陞侍讀時北虜入寇人心洶洶輅力
 主羣議請 邸王即真以安反側時有議南遷者唾而斥之虜
 逼京城輅與文武元僚經略戰守遣官撫輯旬居之虜徵各邊
 帥選兵入援揭榜賊管購虜酋偽為喜寧報誘擒也先書故遺
 於虜管虜得榜與書自相疑遁明年景泰紀元陞翰林院學士
 本年秋 英廟回鑾輅迎至居庸關伏謁命草詔稱旨賜酒果
 馬匹既而錦衣衛指揮盧忠妄言南內事中官阮浪等被重刑

國朝列卿紀 卷之十

二十八

四十八

猶欲窮治不已輅極言不可輕聽以壞大倫有傷骨肉之情由
 是盧忠得罪眾皆無累三年壬辰初議易儲輅謂此國家大事
 有 皇太后在上臣下誰敢議此明日有旨會官議附和者眾
 竟易儲尋遷兵部左侍郎兼左春坊大學士仍兼學士五年甲
 戌鍾同章論相繼請復儲禍不可測輅因召對力救論竟得免
 景泰七年丙子寰宇通志成擬進官秩時閣老皆職保傳止進
 兼官擬輅陞兵部尚書稿定少保陳循屬輅繕正遂付太監王
 忱將進少保王文耳語王忱云諸總裁皆止進兼官商豈可獨
 陞至期勅出輅仍舊兵侍加兼太常寺卿眾愕然不滿丁丑春
 景皇帝不豫與陳循等倡請復儲以繫人心不允繼具疏輅援筆

增二語云 陛下為 宣宗章皇帝之子當立 宣宗章皇帝
 之孫擬詰且進至期變作正月十七日也 英廟復位即日
 迎立事置少保于謙王文等極刑召輅與高學士毅入便殿慰
 曰朕在南官知爾二人無偏向心如今正要爾宜用心辦事
 且計議改元年號草詔頒勅石亨密語輅曰今歲赦文須一
 光不須別具條款輅曰舊制執擅改章輅不悅騰誣謗輅欲
 附致于少保刑案太監與安為輅和解 上愈怒與安奏曰當
 時此輩附和南遷不省將置朝廷何地今有奪門功即復爾耳
 上怒稍解乃坐削為民輅去後 上每念商學士朕所取三元嘗
 與姚汝力東官最多可惜其去議者從旁排擠竟不復召

國朝列卿紀 卷之十

二十九

四十九

憲廟即位之明年追念舊學遣使驛召之輅於次年春至京以野
 服見懇辭不允復舊任首疏八事勤政納諫儲將才飭邊備革
 冗員設社倉崇先聖之號以配天開入德之基以造士 上嘉
 納之戊子以地震乞休不允是夏 慈懿皇太后崩詔議葬禮
 輅與彭文憲時力言祔葬祔廟以體 先聖篤夫婦之懿昭
 今上全母子之情斷不可有異議至率廷臣伏闕泣請 上為感
 動卒從之尋因慧見言官有所誣詆輅力求退奉旨朕用卿不
 疑何卿人言至詰責言者曰唐太宗用王魏朕用商輅何不可
 欲加譴輅言臣嘗勸優容言官召用羅倫已荷嘉納今因論臣
 而反責之如公論何特允所言召輅至榻前勉慰再三尋陞兵

部尚書仍兼學士時皇莊甚爲民厲輅言天子以天下爲家何
以莊爲又番酋滿四叛官軍往討未下廷臣規再出師邀功有
危語輅與彭時執不從未幾捷至 上喜賜輅等俘奴各一已
丑冬煖陳時政之弊辛卯冬彗見復上八事一曰崇正道二曰
謹命令三曰親賢臣四曰慎賞罰五曰納諫諍六曰勵官守七
曰恤軍民八曰 言極懇切多見稱納 上一日議及邸
王監國輅覲縷言有社稷功當復帝位號左右聞者皆泣下上
聞之亦泣遂復景帝號壬辰以天下水旱相仍請省科歛減力
役寬兩稅弛利禁悉從之是冬奉勅修資治通鑑綱目乙未夏
進兼文淵閣大學士丙申加太子少保改吏部賜冠帶一品服

國朝列卿紀

卷之十

三十

甘文
留字

揆之人情事體誠爲未順伏望 勅令就近居住皇子仍煩貴
妃撫養俾朝夕之間便於接見庶得以遂其母子之至情懷衆
人之公論逾月東宮母紀貴妃薨輅舉宋李宸妃故事殯歛悉
如禮尋因黑肯見條陳弭災八事曰番僧國師不得重給符券
曰四方常貢外勿受玩好曰諸色人許直言自違曰分遣部使
者慮囚以理究抑曰停不急營造曰實三邊軍儲曰守緣邊關
隘曰增置雲南巡撫又官門災工部請命中官採木蜀楚略爭
以爲不可 上皆嘉納丁酉命兼謹身殿大學士時內官汪直
新坐西廠威擬至尊內外官卧不帖席輅疏十罪并指羣小韋
瑛王英輩過惡以聞且云用此人實係天下安危 上恚曰用
國朝列卿紀

國朝列卿紀

卷之十

三十

劉大
留字

如流中遭誣罔夷然不較權奸既敗事白復起倚毗益切建明
良多一時儉壬構傾舉無能為卒之身退名完德業著於當時
風聲聳於後世視古名相碩輔如勃之重厚崇之應變日之沉
靜亦何忝哉先後蒙賞資金幣冠服書籍鞍馬飲食之類頻腆
而自處泊然一主考會試五為廷試讀卷官皆稱得士於書無
所不讀為文渾厚雅贍詩主平淡不雕刻有集若干卷傳於家
楊子器傳云公致仕歸北劉先生見其子孫多乃嘆曰某與公
同處若干年未嘗見公筆下妄殺一人宜爾子孫若是公應之
曰實不敢使 朝廷妄殺一人也

國朝列卿紀

卷之十

三十三

劉大

瑣綴錄云公罷政家居甫十載成化丁亥被召再起初未有復
職之命至日眾竊謂難稱職名及陛見方巾絲絛青布圓領自
稱原籍為民臣商輅行取到京見聞者謂其妥帖

彭時字純道江西吉安府安福縣人自小端重寡言不與羣兒
狎戲惟奮勵讀書治春秋從叔父憲副彭琉學屬文輒有驚人
語琉喜謂他日必為宗工及領鄉薦入國學祭酒李時勉尤以
公輔期待之正統戊辰會試第二廷對賜進士第一初謝恩以
夜坐久誤入朝被劾 上惟命錦衣衛尋索而已蓋 聖明倉
卒應變而保全愛恤儒臣之心至矣及就鴻臚習儀大鴻臚厲
色詰其誤事之由時舉止殊從容唯唯謝過而已人以是服其
量已已秋 英廟北狩 邸王監國被命同商輅入內閣與陳

循諸老遊時雖晚進積學素履為 上所眷注時繼母余卒乞
終喪不許尋陞翰林院侍讀景泰元年賜金帶及五品服復上
疏力求終制從之三年壬申服除遷左春坊大學士兼侍讀七
年寰宇通志成遷太常寺少卿仍兼侍讀 英廟復辟之元年
九月召見文華殿令近榻前問曰爾是正統十三年狀元耶時
對曰臣不才誤蒙 聖恩拔擢至今感戴不忘因叩頭者三又
問曰第一名陳鑑第二名是岳正對曰然又問今年幾何對曰
臣犬馬齒四十二 上笑曰正好用事出外與酒飯去時叩頭
退已而命下復入內閣典機務以前職兼翰林院學士 上方
倚任李賢有事數召面議賢退必謀諸時則竭忠據理以告之

國朝列卿紀

卷之十

三十三

王錦

有不可者不肯詭隨初或意相忤久之心服其諒直語人曰彭
公真君子也戊寅春二月上 皇烈慈壽皇太后尊號 詔告
天下 詔草已進訖時謂李賢曰此事前所未有宜有 恩典
及人李曰一年兩赦數赦非所宜時曰非謂赦也但行優老之
政為宜若朝官父母年七十者與誥勅百姓年八十與冠帶是
即老吾老以及人之老意思如此恩典斯與上徽號相稱李賢
喜曰是即擬仁政數條進呈 上大悅 命即行之是年十月
十日扈 駕校獵南海子海子距城二十里方一百六十里關
四門繚以周垣中有水泉三處獐鹿雉兔不可以數計籍海子
千餘守視每獵則海戶合圍縱騎士馳射於中亦所以訓武也

是日扈從官皆蒙頒賜獐鹿雉兔而內閣三人比諸人差厚乙卯四月六日 賜時等遊西苑五月五日賜文武官走驃騎於後苑七月賜時同內閣學士三人及尚書馬昂遊南城俱宴畢而回庚辰春廷試進士第一甲得王一夔等三人以後數日上召李賢諭曰永樂宣德中成教養待用今科進士中可選人物正當者二千餘人為庶吉士止選北方人不用南方人南方若有似彭時者方選取賢出以語時時疑賢欲抑南人進北人故為此語因應之曰立賢無方何分南北賢曰果 上意也奈何已而太監牛玉復傳 上命如前令內閣會吏部同選時對玉曰南方士人豈獨時比優於時者亦甚多也牛玉笑曰且選來看

國朝列卿紀 卷之十 三十四

是日賢與三人同詣吏部考選得十五人南方止三人而江南惟張元禎得與四月六日 上御南薰殿召王翔李賢馬昂呂原與時五人入侍命內侍鼓琴者凡三人皆年十五六者 上曰琴音和平足以養性情曩在南宮自撫一二曲今不暇及矣所傳曲調得於太監李永昌永昌歷事 先帝最精於琴是三人者皆不及也賢等對曰由此不暇亦可精妙因皆叩頭曰願皇上歌南風之詩以解民愠 上起人賜金鑲鶴頂博帶一條十月二十二日 上御西海閣將臣騎射召時等五人入侍是日所閱皆侯伯都督指揮三營把總管操者總兵官會昌侯孫繼宗廣寧侯劉安懷寧伯孫鏗都督趙輔具名籍進呈令

逐一馳馬射箭以三箭為率 上親按籍記中不有中二箭或中一箭者其有不中而引弓發矢可觀者比中例試畢賜寶鈔有差仍賜賢泊時五人各鈔一千貫是年十一月試御馬監勇士騎射亦如之先次有畏避不趨事者罪黜之自是將士畏威知所奮勵天順末錦衣衛指揮使門達日見寵任忌文達與相軋陰中傷之 上曰李且得罪行專用彭某中貴以語時愕然曰李公何遽至此因為力辯其罪文達得釋又河南有衛官頗強橫凌人用事者誣其罪門達煅煉成之時曰人可輕殺耶且言於 上竟得從末 家數十人一日病咳 上遣太監牛玉視疾牛嘆其居 入言之 上欲為營第適駕晏不果自甲申正月朔日 上不豫猶每日裁決萬機如常至初十來疾大漸乃 命太監牛玉執筆口占使書其一東宮即位過百日成 其一定后妃名分其三命勿以嬪御殉葬其四嬪歛器服語意詳盡皆合天理當人心書畢且命牛玉曰將去閣下看令為朕潤色之既至時等驚愕曰何至是牛玉曰 上意亦謂事不可測且說下不用何妨時等欽誦畢皆嘆曰所言關大體非 上英明不能及此而止殉事尤高出古今真盛德事也不須潤色言畢時不覺下淚牛玉備以前言復命且曰彭時猶悲愴 上聞之亦隕涕已而曰且收着待我去後遵行次日玉出道其詳因曰 上英偉從來不墮淚今

國朝列卿紀 卷之十 三十五

若此事可知矣至十七日 駕遂崩焉次日早 憲皇披髮赤
 素出後右門召內閣學士李賢陳文洎時并文武執政大臣至
 前諭曰 父皇賓天爾等盡心輔佐因泣下羣臣皆俯伏號哭
 良久乃起叩頭而退是日有 旨命太監劉永誠夏時傳恭會
 昌侯孫繼宗懷寧伯孫鏗尚書王翱李賢年富馬昂侍郎陳文
 并時為議事會眾官計議處置軍國重事遵宣德十年例也預
 列者皆荷銀幣之賜及 憲皇嗣統進吏部右侍郎兼職如故
 二十三日議上 兩宮徽號內臣夏時懷逢迎心倡言曰錢久
 病只尊所生母為太后李賢曰今日合尊 遺命景泰間事例
 不可法時曰李言是 朝廷所以服天下只要正綱常今為此

國朝列卿紀

卷之十

三十六

高宗武

舉反遺所當尊豈不乖戾大失人心於 聖德所損多矣李言
 是夏曰待請命既入少頃出傳 仁壽宮旨曰子為 皇帝母
 當為 太后豈有無子而稱 太后耶宣德自有例李色變知
 事不成因目時曰爾執筆時曰今日事與宣德年間不同 胡
 后曾上表讓位退居別宮故正統初不加尊號今日名分固在
 豈得不尊夏曰既如此便照例寫讓表牛亦助其言時曰正統
 天順初未曾如此行今日誰敢擅寫為人臣子者若阿諛從順
 是萬世罪人也同議者心知不可皆不發言夏見諸人不言乃
 作色厲詞曰你每偏會懷二心恐追究來不好時拱手向天曰
 太祖 太宗神靈在上誰敢有二心 錢娘娘已無後何所利害

而為之爭所以不敢不極言者為欲全 皇上聖德非有他意
 若推大孝之心則兩宮同尊為宜眾乃曰如此寔好夏色少怡
 遂再入請 命良久出曰得 上位再三勸諭已蒙俞允矣時
 執筆將書又曰須照 上聖例加二字不然無分別夏曰既是
 同尊如何又要分別時曰二字好稱呼非有寓尊卑於其間也
 眾曰然乃以慈寧二字加其上是日同議懼逆夏意有後患隱
 然不言惟李開端時極力繼其後頰 皇上孝事兩宮如一故
 能委曲勸諭 仁壽宮以成大禮 仁孝之德於茲可見矣後
 數日太監曹包至閣下言曰同尊二母是 上位本心但屈於
 親母有難言者而不知禮之人且欲逢迎於其間非二先生力

國朝列卿紀

卷之十

三十七

高宗武

爭幾誤大事為大臣正當如此彼默默者徒享厚祿何為時同
 僚有未發言者面聽單語深有慙色至營造山陵時與同僚李
 賢陳文計曰前日事費周折如此今玄宮宜從權作三位庶日
 後兩全其美李曰然遂具疏言之已而內臣傳 聖旨曰所言
 固有理但洪武以來制度只雙穴未可輕易仍令諸大臣同議
 及議夏太監堅言不可眾顧望不言乃已秋命同知經筵成
 化元年加兵部尚書二月 上行耕籍禮時在九推之列三月
 上幸大學行釋奠先師禮用大臣八人分獻時分獻西哲二年丙
 戌乞歸省詔馳驛往還遣太監許安致道里費長隨張敬護送
 抵家未踰月手勅促還朝丁亥二月至京 上慰勞之六月以

四川宜府遼東地震上疏陳六事皆規切時政八月總裁英廟實錄成進太子太保兼文淵閣大學士尚書如故四年戊子夏陳莊靖卒時上疏言臣才識迂陋今冒居閣首條何以下副羣望乞妙選出眾才賢擢居前任上曰卿輔導有年才識老成何以辭為會 慈懿太后崩 詔大臣議葬所眾相視莫敢先發時曰 梓宮當合葬裕陵主當祠廟此一定禮無可議者其疏引漢文帝合葬呂后宋仁宗合葬劉后故事乞念綱常之大體 先帝之心必求其至當此實綱常典禮萬一有違在廷百臣將有言之宗室親王將有言之天下之大萬世之遠亦將有言之豈得保其終無據理改而從正者乎 上猶重違母后

國朝列卿紀

卷之十

三十八

商

之意未允時與在廷文武羣臣伏文華殿以請或至嗚咽泣下上為之感動卒從禮制是秋彗星見越三台時上疏乞痛加修省而謂外庭大政固所當先宮中根本尤為至急望正名分均恩愛以廣繼嗣為宗社大計又言大臣進退皆宜斷自宸衷不宜專任臣下如平昔察知其人或召吏部面議或召臣等參詳庶權出於 上皆嘉納之七月間陝西奏報平涼府屬縣土達滿四糾眾劫掠四出勢甚張皇時疑此徒服役既久今忽反必有不得已者請 勅鎮守官追問激變之故行間叅將劉清禦賊敗績報至兵部請命陝西寧夏延綏三處合兵殺賊已而聲息益急復請調京軍往以都督劉玉總兵副都御史項忠提督軍

務項忠未至寧夏陝西二處官軍不待延綏兵至輕進大敗死者數千人軍器悉為其所得報至京師輿情驚駭是時賊雖再勝聞 朝廷遣將出師遂退保石城山劉項領兵近山分為七路圍之戒前兵深溝高壘不輕與戰有副將毛忠恃勇自領銳卒登山俟之復敗京師士夫聞失副將益危懼以為安史復出兵部尚書程信恐劉不勝任輒請 命撫寧侯朱永再領京軍及遣兵四萬以往 命已下撫寧難其事奏定賞格謂如生擒賊首一人與世襲指揮使賞銀五百兩數人共擒者其實亦然時見其張大欲止之然難於遽止請令姑整軍裝待有急報啓行至十一月項知賊被圍已別命將亦不敢止但奏宜令總

國朝列卿紀

卷之十

三十九

商

兵星馳赴援儻不日破賊則一面奏報比奏至 上命太監懷許黃三人召兵部於閣下計議程謂事急行不可緩時曰前者賊若四出攻劫誠可駭懼今入山自保我軍圍守甚固不一兩日賊必窮困可擒取也京軍何用再行商取時言曰觀項布置賊不足憂矣程意不平曰項今退在平涼亦不可知何謂為圍守耶尚書白圭侍郎李震相顧不言時曰彼分布已定無故何以退且京軍行何時可到程曰來 二月時曰如此則緩不及事矣事之成敗只在歲終然以項奏詞觀之勝可必矣京軍不行為宜諸太監皆曰然因問邊軍去否時曰邊軍亦不必去商曰邊軍去無害也乃令邊軍行留京軍而住營將不遣程又

請差錦衣衛千戶一人去看動靜已准行矣時聞請止之曰主
看無益徒失將士心程忿忿出危言曰項忠軍若敗必斬一二
人然後發兵去衆不察羣然附和以爲止軍不行必失關中相
知者咸爲時懼私問曰止軍不發何所見時曰觀項疏曲折知
賊決可平靖但彼聞已遣將不敢自任故也衆猶不信洵淘益
甚至十一月二十邊捷至知以十月二十一日執滿四等賊寨
悉平羣言始息次年正月解滿四等三百餘人至京太監親問
之乃云被劉清并指揮馮傑剝削不過且又追捕爲盜不得已
遂反非有他也因下劉清馮傑於獄鞠問得實誅之中外稱快
上喜賜倖奴一人改吏部尚書五年己丑冬無雪上疏言自古

國朝列卿紀

卷之十

四十

高宗

災皆由下民困苦怨嗟之氣感動天變而致近日光祿寺之買
辦各城門之抽分倍尅大甚而獻珍珠寶石者私賄估值之人
倍增其直以規取府庫以萬民之供輸而爲奸人之所侵奪伏
望盡革其弊以惠生民 上是其言京師爲之踴躍七年辛卯
十一月彗復見上疏言德政之要其一乞崇正道而毋惑於佛
事其二乞謹命令之傳庶事出於一而無詐僞其三請退朝之
暇延接大臣面議政事兼問軍民之休戚訪人才之賢否察治
體風俗之得失其四言近聞嬖倖無故而受金帛者多工匠無
故而冒官職者衆是賞太濫也或罪不應謫戍而謫者或罪不
應死而死者是刑太深也宜節賞慎刑以遵成憲其五乞以古

之聖賢爲法聽受羣言勿惡其切直勿忽其迂遠苟當理者宜
卽行之其六言股肱之臣耳目之司近多主於奉承而嫌於違
覆直行已意而不加斟酌乞戒勵各官慎修厥職任股肱者事
有不可宜再三執奏毋率意而行司耳目者遇事爲民盡宜卽
劾奏毋徇情而默庶百官知勵興起事功其七乞清理三營草
場減退豪勢莊田嚴有司倍尅之禁庶軍民得所邦國永寧
上然之且曰卿等宜益勉佐理太監劉永成沒或言其有軍功宜
追封爲伯時力爭之或曰自古有封王侯者時曰此豈盛世事
耶 祖宗成憲具在誰敢違之事遂寢八年壬辰天下水旱相
仍時復上疏言時政闕失乞放歸田里不許十一年乙未正月

國朝列卿紀

卷之十

四十一

高宗

陞少保尋復病蓋自己丑以後凡七在告 上輒命醫視疾遣
內臣致猪羊雞鵝酒米之賜踰日不出則必再遣焉三月病革
衣冠端坐徐言曰死生常理不足驚但冒居大位上不能報國
下不能養老父耳無一語及私問之亦不應是夕遂不起贈太
師謚文憲時資稟既異加以學問之純自少至老敬謹如一日
閒居無情意行則兩手常端拱飲食不聞七筋聲尤不喜紛華
先後蒙賞資白金幾千兩綵幣數百鈔十萬緡冠帶衣服書箱
器玩鞍馬飲食之類有加而時處之泊然終歲不一宴會會
未嘗有音樂於物尤愛惜雖片楮寸墨未嘗輕擲然非其義一
毫不苟取與人接有和色無疾言無喧笑諸謔聲至於論辦事

理則確然有不可拔者交朋友久而益敬人有善稱道之唯恐其不章論薦人才未嘗私以語其人常一典應天府鄉試主考會試四為廷試讀卷官皆稱得人大臣間為新進所媒孽者必反覆辯折且以愛惜人才之意上達言官或過被譴亦必委曲言其不足深罪賴以全者甚眾

菽園雜記云前代賜諸侯有湯沐邑賜公主有脂粉田而皇莊則未聞也今所謂皇莊大率皆國初牧地及民田耳一歲計之入有內官掌之以為乘輿供奉然國家富有天下尺地莫非其地府庫倉廩莫非其財而又有皇莊以為已有此固眾人所不識也聞大臣彭文憲嘗言之其疏留中不出而言官不聞

國朝列卿紀

卷之十

早二

周祥

有議乞革罷者何邪或云正統天順間尚無之

閣學記云予觀可齋記乃見文憲公之貞材非若文達公之多智也及讀國史謂時端嚴慎密外和內剛立朝三十年未嘗不在公公退未嘗語子姓以政事於乎今之君子何獨不然温室之對可為永鑒也已

江淵字世用四川重慶府江津縣人天資明爽才學充裕中宣德五年庚戌科進士時東宮已建上欲選進士之尤者使積學以備官僚之選勅禮部尚書胡濙選年少美質者二十人入試上在齋官親授題曰用人何以得其方命大學士楊溥掄次得三山薩琦與淵等八人與列詔賜襲衣冠帶有司給

燈油房屋皂隸命太和直率之讀中秘書正統元年績成翰林院編修十年乙丑同考會試尋陞侍讀十五年選入東閣進學士十四年陞刑部右侍郎土木之變徐有貞倡議南遷被太監金英扶出淵直左掖門問之徐曰吾主南遷不合矣淵入倡言固守之策遂見稱賞會虜至京城西北關外都督孫鏗營於城西命淵參其軍及虜退尋改戶部右侍郎兼翰林院學士入閣典機務景泰元年大理丞薛瑄自松潘督餉還懇乞致仕淵上疏留之以慰人望二年命主考會試得吳匯等二百人如余子俊馬文升秦紘楊守陳柯潛王傑林鶚高明輩俱為時名卿本年尋命巡視淮徐諸郡淵條奏三事一淮之常盈徐之廣

國朝列卿紀

卷之十

早三

杜濬

運儲倉俱在城外宜築月城以守之一天津為北河之會鳳陽為中都之會宜放操軍以守之一河南為中原之要地北平為京師之巨甸宜選民兵以守之疏上命所司議行三年與易儲事加太子少師仍兼前職七年丙子春于少保病在告上諭旨內閣求一人協同之時淵在內閣每為同事者沮抑常垂涎代于諸閣老窺其意乘此謂之曰兵權任不輕非江先生不可淵欣然不辭乃屬商輅具擬內批陳循王文入商所指畫掌中作江工石兵四字商輅悟領之明日旨出調工部石璞於兵部淵補工部大憲失望明年英廟復位與陳循輩俱謫戍鐵嶺後石亨敗復其官淵清勤簡靜善文詞但入閣未有建明每出

抑於同事者黃汝翁儲之奏人謂出於淵筆史館多以爲然惟
丘濬獨曰聞當時被殺其兄爲此說免罪耳且廣西書奏用土
紙易辨也索其奏驗之果廣西紙其疑乃白所著有觀光錦榮
鳴玉全生休休子等集

閣學記云予觀景泰時陳循國凡厥有猷有爲者咸程厥能
效厥用然而任怨太深操權太重怨叢則衆怒權踰則生疑如
江時用等才固可取而志亦可恤也循之明於知人暗於知己
又胡足恤乎

俞綱字宗立浙江嘉興府嘉興縣人改隸順天正統元年舉楷
書修 宣廟實錄三年授中書舍人六年 邸王受封簡輔導

國朝列卿紀 卷之十

四十四

朱世

詔編侍講歷審理正十四年 邸王即位九月以輔導恩陞太
僕寺卿十二月進兵部右侍郎入內閣景泰元年侍經筵三月
命出理部事二年陞兵部左侍郎綱爲人和愿縝密無疾言遽
色謹身率職人稱爲長厚君子云詳南京禮部

王一寧字 浙江台州府仙居縣人幼負異質十三歲能詩

父峻任國子監丞一寧以奇童薦 仁廟在青宮時召賦銀河

詩并令鼓琴嘉之送國子監肄業登永樂戊戌進士授工部主

事尋改吏部稽勳司主事供奉 文華殿宣德初年秩滿改翰

林院修撰正統三年實錄成進侍講四年己未同考會試十三

年陞禮部右侍郎同曹鼎薦教庶吉士萬安等十四年命督湖

廣軍餉被劾召還景泰元年以中官王誠曾受學力薦命以禮
部 侍郎兼翰林院學士入閣三年與易備議加太子少師仍
兼前二職一寧在位以軟熟希世不能自立未幾卒于官贈太
子太保禮部尚書謚文通

閣學記云古之英傑之起也固不拘其類後世則不然乃若王
任王叔文李訓鄭注之儔或以他技進卒敗其身而動搖宗社
故曰君子未嘗不欲仕也又惡不由其道王君始由狎客射策
甲科終由佞倖司給秘閣君子奚取焉亦以寓勸戒焉爾

蕭鑑字孟勤江西吉安府泰和縣人幼失怙恃成童穎悟絕倫
登宣德丁未進士嘗次於家初 宣宗欲選進士之尤者續學

國朝列卿紀 卷之十

四十五

毛世遠

以備官僚既命楊溥論宣德五年進士得三山薩琦等八人與
列作養後又勅通取二年五年八年進士召試於文華殿取二
十人鑑爲首通前二十八人如永樂間應二十八宿之數正統
元年授翰林院編修三年與修 宣廟實錄成陞侍讀十二年

國子監祭酒李時勉乞休命鑑代陞國子監祭酒景泰元年以

老疾辭監丞鮑相合國子生三千人請留如陽城故事 景皇

可之仍復舊尋命充經筵講官二年 景帝幸學命坐講鑑講

書經臯陶篇天聰明一章稱旨尋進戶部右侍郎兼翰林院學

士入閣三年羣臣議易儲鑑曰無易樹子伯者所禁况天朝乎

不聽尋加太子少師時 上已立己子爲皇子鑑因天變上

措切時政自是不復召見七年會修天下郡志通鑑綱目續編成命兼戶部尚書仍兼翰林院學士明年景皇不豫太監與安詔羣臣請復立東宮僉謂上皇子固宜復之惟王文之意不在此陳循輩知之侍郎李賢因會議問磁磁曰既退不可再於是人疑內閣有異謀而奪門之兵起矣英廟復位削磁為民退居八年築別墅於南阜號曰尚約人因稱尚約先生所著有成均集詞垣集尚約集藏于家

閣學記云予觀丘文莊贊辭謂磁蒼然古色淵然德光進有所施舍可以藏及讀國史釋磁言動溫雅性多猜忌遇事亦多退避方景泰易儲時則顯言以爭及加官秩則視顏以受是遵何

國朝列卿紀

卷之十

四十六

五十五

德哉

王文字千之初名強直隸保定府東鹿縣人永樂中由鄉薦計偕於京師文皇帝命選下第舉人給冠帶入胄監文與馬辛丑登進士擢監察御史有能聲宣德中與同官王翱于謙咸為都御史顧佐所稱許時彰德妖寇張普祥謀逆宣廟簡命往治事平還奏稱旨欽改名文擢陝西按察使正統四年陞都察院右副都御史巡撫寧夏兼理軍務五年入為大理寺卿七年夏大旱上命中貴與安審成獄文片言折之衆皆輸服未幾陞都察院右都御史理院事時冢宰郭璉貪墨文疏其罪人皆憚之及大理寺少卿薛瑄忤太監王振文帝怒遂宣出入人

罪繫獄處以死及見振跪門外俛首向北以是為公論所斥十年代陳鎰鎮陝西十四年也先犯順當國者移文沿邊歛民入城以避其鋒文謂黠虜逆天神人共憤不宜驚擾以惑民心關中安堵如故尋召還轉左都御史景皇蒞祚優禮有加遂席權怙寵不能容物景泰元年也先遣使請送駕還京朝議未定有一揭帖語多文而切直大槩言今日奉迎禮當從厚主上當避位懇辭而後受命乃可禮部尚書胡濙得之大學士高穀因與吏部尚書王直等議封進文曰匿名文書不得言及給事中葉盛林聰等請禮科草疏同上得旨繳進文有憂色曰諸公勿累小子喫牢飯也其量隘如此及英廟將旋禮部議

國朝列卿紀

卷之十

四十七

五十六

迎復文復厲聲曰來孰以為來耶黠虜豈誠真不索金帛不索土地孰以為來耶衆畏文不敢言多忿恨之卒主迎復三年見濟生廣西奸人黃竝建易儲之議祈免死罪命廷臣會議文首云當立衆唯唯因具疏令羣臣署名給事中林聰曰太子已立無過當置何地文怒曠之林不得已亦署而見濟竟立易茂陵為沂王未幾御史王溥希文旨構林為勦教官其營美地詔多官訊之文抑林受賂不承乃入以大臣專擅選法律斬賴胡濙以言語上獲免本年大學士高穀以陳循獨見寵任引知已自助值文與中官王誠結為兄弟謀入閣議增員穀遂薦文入閣改吏部尚書兼翰林院學士恭預機務文疏舉官賑民

事悉納行之五年蘇松大水民饑貸粟富室不與遂焚其廬舍蹈海以避罪命文廉之文以謀叛族其家賴大理寺卿薛瑄抗章辨之獲免者衆事竣陞少保兼吏部尚書東閣大學士十七年夏寰宇通志成命兼謹身殿大學士秋八月順天鄉試文子倫不第與大學士陳循訐奏考官劉儼不公欲抵之罪於是阿附者得特賜舉人八年 景皇不豫羣臣請復立茂陵文曰今只請立東官安知朝廷之意在誰於是人益疑之 英廟復辟言者首論于謙王文迎立外藩擅易儲官廷議文力辯謙不言遂同戮於市後其子倫改名宗彝仕至南京禮部尚書諡雪文冤詔復其官加大保謚毅愍

國朝列卿紀

卷之十

四

四

殿學記云予觀國史謂文為人深沉剛果屢鎮大藩兩總憲政每廷議百官莫敢先發文以一二語裁決與陳鎰交代一揖之外未嘗接談及入閣毅然欲有所為即茲以觀其志果其情深其才充其氣溢迺若私詆考官廷詰獄吏誣薛文清以死又何險也

瑣錄云景泰五年御史鍾同郎中章綸合奏復正東宮下獄時兵部進士楊集以書上于謙略曰奸人黃竑進易儲之說以迎合 上意本為說死之計耳公等國家柱石乃戀官僚之賞而略不思所以善後乎脫二人死杖下而公坐享高崇矣清議何謙以書示王文文曰書生不知朝廷法度然有膽氣當進一

級處之遂出知安州集常熟人字浩然我朝進士選知州始此天順日錄云初景泰不豫圖富貴者因起異謀學士王文與太監王誠謀欲取襄王之子立為東官其事漸泄既而景泰病亟太監與安諷羣臣請復立東官僉謂 上皇子固宜復之惟王文之意不在此閣下陳循輩亦知之賢因會議問學士蕭鎡乃曰既退不可再賢即逆其有異謀也文又對眾曰今只請立東官安知朝廷之意在誰賢益知其必然明日早觀奏詞曰早選元良人皆曰此非復立之意遂駕其說於石亨輩王文于謙已遣人賞金牌勅符取襄王世子去也即於十七日早帶兵入朝請南城請 上皇復位是日景泰不朝已四日矣先一二日又

國朝列卿紀

卷之十

四

四

駕其說於石亨輩云景泰命太監張永等行奪數人掌兵者共謀立 上皇中官吉祥將冕輩白於 太后寫勅旨與亨輩成此事遂以為王文輩為大逆奸惡然王文初謀于謙輩未必知亨輩不過因于謙平日為總督軍務一切兵政專而行之亨不得遂其所私乃乘此機而圖之其餘皆因平日不足者而中傷之未必皆知王文之初謀也况王文之謀其實未發所以誅戮者多非其罪乃曰臣等捨命舉此大事以為社稷之功 上益信之極其報典之隆而亨等遂招權納賄擅作威福冒濫官爵恣情妄為勢焰赫然天下寒心初徐有貞亦與迎 駕之謀特命入閣有貞以陳循輩在前不得自專乃助亨除去循輩未幾

有貞亦為亨所嫉而出之人以為天道好還不意亨復遭烈禍
益見天道之好還矣

可齋雜記云東鹿王公自正統中任都御史甚有名譽晚與中
貴王誠厚相結納欲入內閣是時閣下已有陳高蕭江商伍人
矣而王難言私以語高高遂為具奏請添入有不拘煩劇開散
之語及會議陳不知其意謬曰我於煩劇中舉蕭維禎高遂曰
我舉王文奏上果用王當時人皆駭愕多咎陳欲私鄉人故激
成此事然不知陳無意而高有意也高之意惟商公知之商以
語子如此云

徐有貞初名理字元玉世為直隸蘇州府吳縣人幼從父震以

國朝列卿紀

卷之十

五十一

王貴

間右徙京師性穎異年十二三已能古文詞卓然出諸生上少
長再學於都憲思菴吳先生學益進文益奇已有用世意其議
論所發往往出人意表思菴曰子欲求仕乎乃率之見國子祭
酒顧菴胡先生請授進士業時顧菴以事稱病不出坐卧一土
床雖親故至皆伏枕與語初見頗以幼小易之既而使面賦一
詩援筆立就皆老成句顧菴為之蹶然起而循林行極加稱賞
遂以其業授之學未幾月即了其義宣德七年年二十三中順
天府鄉試明年登進士第 宣廟慎簡進士以備官僚勅通取
二年五年八年進士召試文華殿取蕭鑑與理等為翰林庶吉
士其數上視列宿後績成 宣廟御便殿悉召試之擢理第一

即日授翰林院編修既入翰林不屑專以文凡軍旅刑獄水利
之數無不講求其法而欲通之或曰公職業在文字事此奚為
理曰此孰非儒者事使 朝廷一日有事用我吾恐學之已無
及矣聞者壯之 宣宗崩預修實錄纂述之際多所補益尋簡
命修 玉牒五倫君鑒等書再遷侍講思 英宗之世承平日
久上疏言武備事凡數千言 上嘉納之及十四年土木之變
北虜犯順京師戒嚴 朝廷以內閣政機重繁欲增一二人理
素善錦衣劉揮使薦於太監金英召至左順門問計理妄占天
象倡議南遷兵部尚書于謙斥之於廷又為太監金英所鄙遂
懷悵惘本年假監察御史分守河南彰德府得民兵數萬人虜

國朝列卿紀

卷之十

五十一

卿召景

退召還復侍讀景泰元年選充經筵講官二年理因屢薦不允
一日為陳循推命循以玉帶曰推先生命玉帶至矣故敢以獻
循受之乃教理曰汝當更名毋使內家習知也即更名有貞本
年祭酒員缺有貞嚮意補之時用人決於少保于謙有貞托門
生楊宜為請少保曲意從之因中使言於 景皇帝 上諭于
謙曰徐有貞雖有詞華然存心奸邪豈堪為祭酒若從汝用之
將使後生秀才皆被他教壞了心術于謙無所對惟叩頭謝而
已有貞不得知遂御于謙三年以易儲事轉左春坊左諭德乃
兼侍讀四年河決山東張秋衝開堤三百里饑道阻絕有詔朝
堂舉能治者有貞請行特陞都察院左僉都御史往視水災有

貞奏曰凡平水土在知天時地利人事三者天時既經地利亦
緯人事庶可施也今欲救之請先疏其勢水勢平乃治其災決
止乃濬其淤因為之方以時節宣一曰置造水門二曰開分水
河三曰挑濬運河於是命督軍夫三十萬修築至則作渠起張
秋至衛沁凡河流傍出者堰之凡作堰九長袤皆至萬丈障水
北歸漕河於是始築其缺作水門大堰虹堤交相捍禦比七年
成功陞左副都御史掌院事八年丁丑正月 景皇不豫大學
士陳循等共議請復 茂陵因節假本未上會都督張軌張輓
武清侯石亨太監曹吉祥以南城之謀會有貞有貞曰 太上
皇帝昔者出狩非以遊獵為赤子故耳今天下無離心謀必在

國朝列卿紀

卷之十

五十二

四十八

此特不知南城知此意否軌等曰兩日前有陰達者有貞曰必
伺獲審報乃可啓議軌等兩日夜復會有貞言報得矣計將安
施有貞乃升屋覽步乾象亟下附軌等云謀必在今日軌云今
虜騎薄都城奈何有貞言正宜乘此以備非常為名陰納兵入
內誰不可者軌等肯之復密語即倉皇以出有貞焚香祝天與
家人訣曰事成社稷之福不成家族之禍矣歸人不歸鬼遂往
會軌亨吉祥王驥楊善陳汝言等收諸門鑰夜四鼓開長安門
內兵近千人宿衛官軍驚愕不知所為有出入者兵輒叱止之
有貞命仍鎖諸門曰萬一內外夾攻事去矣鎖訖有貞取鑰投
水竇并軌等莫知之時天色晦冥軌等惶惑有貞輒行軌顧問

曰事當濟否有貞大言曰時至矣勿退薄南官城門鑰固密扣
不應俄聞城中隱隱然有開門聲有貞等命取巨木架懸之數
十人舉撞城門又令勇士踰垣入與外兵合毀垣垣壞門啓城
中黥無燈火軌等入見 英廟燭下獨出呼軌曰爾等何為皆
俯伏合聲請 陛下登位乃呼兵士舉舉來兵士驚懼不能舉
有貞助挽以前掖 英廟獨登舉有貞又自挽以行忽天色照
朗星月光輝 上顧問有貞等卿為誰各對其官有貞等前導
密邇屬車既升 奉天殿諸臣猶有在舉前者武士以椎欲擊
有貞 上叱止之時黼座在殿隅諸臣往推之至中 上陞座
鼓鐘鳴羣臣入賀於是朝野懽騰以為復見太平本遂不進未

國朝列卿紀

卷之十

五十三

四十九

踰時旨下擒于謙王文等以其迎立外藩故也有貞以翊戴功
依舊職兼學士明日陞兵部尚書兼學士掌內閣事初廷詰迎
立之蹟無實可驗左都御史蕭維禎等則謂于某等意欲迎立
外藩以危宗社奏上 英廟持之有貞進曰非此則今日之舉
為無名由是議決于謙王文殺死葉市商輅免為民陳循等編
戎伍有貞以已乃謀首功冠文武論於 上前乃錫以奉天翊
運守正文臣特進光祿大夫柱國武功伯食祿一千一百石賜
券子孫世襲指揮使兼華蓋殿大學士掌文淵閣事有貞既錫
爵權寵傾朝始凡批荅制旨皆出閣臣後入宦寺手至是有貞
復請歸閣閣豎浸失權迨曹石干有貞以事輒不從去自陳請

於上有貞復諫止每節縮恩典益御之會御史楊瑄劾曹石不法事中批令銓曹記瑄名曹石愈憾上與有貞多解人語曹石乃令小豎竊伏聽之以聞上果驚疑有貞實直下有貞及李賢獄是日雷電雨雹大風拔木乃被赦旨出有貞爲廣東叅政行至德州曹石因造奏誹毀朝政多危語假養病給事中李秉彛名以貌類者持奏入接本小豎視其牘甚長言大人說何事有許多文字其人不語豎觀懸牌吏科給事中也奏入明日朝召其人則亡之矣逮捕甚急校尉妄持一人入示小豎豎曰非也昨肥而髯今瘠無鬚乃復大捺常熟張廷端以寫作遊都下捕者覩其貌惟肖且吳語也取以入加掠亡狀後乃得李

國朝列卿紀

卷之十

辛酉

傳元

秉彛竟死酷烈之下曹石因言此徐有貞怨望使所密泰州布衣馬士權及某官某吏共爲之而滅其迹耳遂收四人及徐家屬下詔獄加之酷烈益甚煩死數四竟無狀馬尤毒雷馬曰今欲吾三人何所承行刑官曰徐有貞欲作逆與汝三人同謀先爲此以惑朝廷士權顯建計某某執筆作狀楊某書騰之士權大呼曰徐有貞欲使今皇帝爲堯舜之君今百姓爲堯舜之民如此而已不知其他刑官不能折獄竟不成乃命取誥券出示三法司刑部侍郎劉廣衡等劾奏有貞詐撰制文竊弄國柄自謂治水希蹤神禹敢以定策冒貪天功大不敬無人臣禮宜戮市曹會承天門災乃宥之編置雲南金齒爲民及曹言詳

石亨張輓相繼伏誅上御奉天門論及人材謂李賢曰徐有貞才學亦難得當時有何大罪乃石亨張輓讒害之耳竒若不宥後世其謂何特命戶部移文還其家成化元年復冠帶九年卒於家壽六十六所著有史斷文集若干卷天順日錄云景泰間山東連歲災傷天順初人猶饑窘已發內帑銀三萬賑濟有司以爲不敷乞增之上召有貞與賢曰可從否賢對曰可有貞佛然曰不可不知其弊者以爲可臣常見發銀賑濟小民何嘗沾惠俱爲里老書手得之賢曰雖有此弊尤勝於無銀上曰增銀是也吉祥亦曰朝廷錢財如山不必吝惜有貞不得已從之遂增銀四萬兩有貞退而不樂賢曰

國朝列卿紀

卷之十

辛丑

傳元

先生誤矣朝廷欲出內帑濟饑民而我輩反沮之萬一迫而爲盜責將誰歸蓋其初不論可否惟欲事事出於已古之人惟一事之當而從之不必出於已也後上亦覺有貞之非常曰如增銀濟民一事有貞不然先生之言其謬如此野記云武功方被殊眷劉原溥謂曰公氣甚不佳適與天氣合公將不免武功曰奈何劉曰天上金氣甚冷應當在公既而果罹其咎瑣綴錄云英廟初復辟徐有貞等嗾言官劾劾王于少保等以名立外藩不執事至謂事雖傳聞情實難容下多官會問于俛首不辯但言辯也死不辯也死朝廷放得我衆人亦不

肯惟王于之條折折辯衆莫能難蕭都憲維顧謂事出朝廷
 不承亦難免總兵張軌卽封太平侯者瞋目與蕭都御史去此
 輩自犯如何謂出朝廷蕭若不聞時刑部侍郎劉清芳欲回
 語張軌怒叱之曰看你這等嘴臉也不是這才料而一時附勢
 者皆軒軒然刑科給事中尹旻當衆奮然攘臂拳踢王于二公
 且謂此二奸臣正好毆識者含笑越明日有貞等遂陞旻通政
 司參議後有貞敗王于事亦昭雪旻頗慚悔掩護不及矣
 又云武功奮志疾惡湯都閹胤績謂曰省齊誤矣公曰東谷亦
 爲是言耶湯曰公身在殿上乃可推人下階公自立庭下乃欲
 挽殿中人出乎公默然

國朝列卿紀

卷之十

五十六

薛洪

寓圃記云馬士權泰州人讓官於弟寓京師教授博極羣書多
 與學士先生遊劉元博徐有貞輩凡疑必往質士權故與徐尤
 厚天順元年石亨曹欽等引有貞共爲南城之計不次權勢相
 拉疑有貞文臣不時見上將爲所間遂構其事自武功伯降廣
 東叅政猶慮其復起必欲殺之令人偽造奏本毀謗朝政石曹
 因譖有貞怨望使親信馬士權爲之上命權臣門達分遣邏
 卒追有貞於途收士權等俱下錦衣獄達陳請惡刑於廷必欲
 士權承以及有貞士權通管幾死者數數終無一言若少齟齬
 及有貞矣七月二十五日以太變得釋有貞出獄感士權許以
 一女嫁其子以奉湯藥灑泣而別天順四年有貞自金齒歸蘇

士權自泰州來謁欲成婚約有貞頗有難色士權辭曰貧儒不
 能當侯家女有貞遂從其言而以微物贈之士權略無快快意
 將行余偶見士權於劉宗序所貌甚鄙陋長不踰五尺言論雄
 偉氣節凜然無一言以及徐真信義士也

菽園雜記云武功伯徐公金齒之謫或以太監曹吉祥構讒害
 之非也聞上皇復位時稱兵南內者以于謙軍迎立外藩爲
 辭故論功行賞謂之奪門有功時石亨由武清侯進封忠國公
 都督張輓封文安伯張軌封太平侯公由左僉都御史封武功
 伯楊善由鴻臚卿封興濟伯其餘都指揮以下陞職有差未幾
 慈烈皇太后備言于謙匡濟多難之功迎立外藩之誣英宗始

國朝列卿紀

卷之十

五十七

田文

悟其寬而悔之又常以問李文達公公曰天下陛下之所固
 有誰得而奪之此輩欲圖富貴妄生事端耳由此削奪諸封爵
 及軍職功陞者公金齒之謫石亨詔獄之死殆若霍氏之禍萌
 於駱乘耳
 寓圃雜記云天順五年七月十三日余與劉宗序同詣武功徐
 先生日已午尚未盥櫛坐久方出卽問曰二子曾見夜來天象
 否吾二人對無所見先生徐曰宦官之禍作矣我被曹吉祥所
 害至此其禍尤甚於我也二人復唯唯而退是月吉祥之姪欽
 果反誅連及祥焉
 殿學記云于觀吳志謂有貞短小精悍其學自天文地理兵法

河梁陰陽方術無不通貫及讀其所為漕河碑閣博爾雅當時詞臣無出其右然其心術險賊急嗜功利首倡南遷繼謀奪門比昵奸回屠謀忠良金齒之行亦天道也

許彬字道中山東兗州府寧陽縣人初以文學名登永樂乙未

進士改翰林院庶吉士十九年授檢討宣德中秩滿陞修撰正

統十四年曹鼎推舉提督四夷館九月陞大理寺少卿十月陞

太常寺卿景泰元年英廟北還議遣近臣迎駕沙漠彬毅然

然請行曰主辱臣死分也八月辛酉也先為土臺設座於上率

眾首拜奉辭太上皇進良馬貂皮遺得知院等護送至野狐

嶺仍遣五百騎送至宣府彬謁見太上皇書罪已詔勅諭文

國朝列卿紀 卷之一 五十八 田文 聖主

武羣臣仍遣彬祭土木陣亡官軍以此受知英廟景泰末年

景皇有疾都督張輓張軌武清侯石亨太監曹吉祥鴻臚楊善主

復辟以南城之謀扣彬彬曰此社稷功也雖然彬老矣無能為

矣盍圖之徐元玉軌等說其言就徐議徐覽步乾象遂成取日

之功英廟復辟進禮部右侍郎兼翰林院學士入閣彬既入

相鄙劣放曠一日朝退上東閣階峻雪滑彬失脚傾仆倒流筋

匐復上徐有貞俛首側上噤然而笑殊失觀儀僉鄙斥之天順

元年會試又囑考官私取其子許起一時浮議詩評競起有閣

老賢郎真慷慨之句蓋刺之也會英廟用岳正入相乃謂正

曰凡事為朕主張許彬老矣不足恃矣未幾石亨憾岳正忤已

并及於彬謂南京禮部侍郎尋謫陝西叅政五年石亨敗乃復其官卒贈禮部尚書謚襄敏

閣學記云于觀天順日錄及袁彬李實楊善紀行記乃知許道

中之大節亦不可誣也夫晉之懷愍宋之徽欽與年播於龍

沙袞燕蒙塵於狼胥良以中國諸臣徃於細節閣於遐覽拘於

瑣務暗於遠圖未有若我朝英廟之全福而諸臣建策遠出

晉宋之上如許道中者其亦詞林中之翹楚矣乎

薛瑄字德溫世為山西平陽府河津縣人父貞洪武初年領鄉

薦為真定元氏教諭母齊氏夢一紫衣人謁見已而生瑄祖以

生時卜之吉曰此子必大吾門童時教之詩書輒成誦日記千

國朝列卿紀 卷之十 五十九 聖主

百言及貞改榮陽教諭瑄待行時年十二以所作詩賦呈監司

奇之既而聞魏范二老先生深於理學乃禮延於家供子弟職

日與講習周程張朱性理諸書久之嘆曰此道學正脉也遂焚

其所作詩賦專心於是至忘寢食永樂己亥貞改河南鄆陵時

教官考績以科貢多寡為黜陟貞大以為憂瑄乃補鄆陵諸生

遂中河南庚子鄉試第一明年辛丑登進士第以省親西歸是

歲秋貞有疾瑄日夜不離左右及居喪一遵古禮服闋願就教

職宣廟思得良憲臣選擢雲南道監察御史出監湖廣銀場

瑄聞前監者多致富至則黜貪墨正風俗手錄性理大全一書

潛心誦讀每至夜分方寢或思有所得即燃燭記之或通宵不

寢味而樂之不知手舞足蹈也六年丁繼母憂一年服闋正統
紀元曾有言學政不舉者吏部尚書郭璉首薦璉提調山東學
校璉欣然就之曰此吾事也首以朱子白鹿洞學規開示學者
每臨諸生必親為講解不事夏楚皆呼之曰薛夫子太監王振
之專政也問三楊曰吾鄉人亦有可以為京堂者乎三楊以璉
對乃召為大理少卿璉初至京宿於朝房三楊先過之不值語
其僕曰可語若主明日朝罷即詣王太監謝若主之擢皆王太
監力也明日朝退不往三楊使人語之亦不往時振至閣下問
何不見薛少卿三楊乃對曰彼將來見也知李賢素與璉厚召
賢至閣下令轉致吾等意且言振數問之賢至勸道三楊意

國朝列卿紀

卷之十

六十一

薛璉

璉曰原德亦為是言乎璉曰不為也作大理
箴以自警久之振知其意亦不復問一日會議閣公卿見振
皆拜一人獨直立振知其為璉也先揖之曰多身多罪自是
之指揮某死妾有色振姪王山欲娶之妻持不可妾因誣告妻
毒殺其夫都察院問已誣服璉為辯其冤駁還之如是者二都
御史王文大怒又承振風旨誣璉出入人罪請之於振振喉言
官劾璉得賄故庇死獄 詔繫獄當死人皆危之璉怡然曰辯
冤復咎死何憾焉手持周易誦讀不輟及逮至午門會問璉呼
文字曰若安能問我若為御史長自當迴避文怒奏璉囚不服
問理 詔擄於市殺之門人皆奔走璉神色自若會振有老僕

素謹厚不預事是日哭於厨下振問何為泣曰聞今日薛少卿
將刑故泣振問何以知之僕曰鄉人也備告其賢振意解不
部侍郎王偉申救傳 詔赦之放歸田里璉居家六年閉門不
出留心理學造詣益深正統己巳以吏科給事中程信論薦起
為大理寺丞時虜騎薄都城璉分守北門都帥初疑其迂及接
言論遂訪策焉璉曰以天時人事驗之北虜必宵遁既而果然
貴州苗寇猖獗朝廷命將往征之璉督軍餉事竣而還景泰初
懇乞致仕學士江淵上疏留之明年陞南京大理寺卿有宦黨
殘虐人命者獄久不決執法者欲貸之璉曰死者何辜竟抵於
法明斷之舉播於民謠刑部尚書程信初以才力

國朝列卿紀

卷之十

六十一

薛璉

相尚及與璉同事歎曰如薛公當於古人中求之申官金英奉
使道出南京公卿俱餞於江上璉獨不往英三言於眾曰南
京好官惟薛卿耳壬申秋召至京復為大理寺卿有草場火朝
廷欲置典守者罪璉力辯之獲免蘇松有饑民乞粟富家吝而
不與遂火其屋蹈海以避罪時遣太子太保王文往訊之文以
謀叛連及五百餘家眾皆畏勢莫敢發璉持章辯之文亦悟其
非獲免者甚眾是歲璉年七十復乞致仕不允天順改元
英廟復位素知璉學行遷禮部右侍郎兼翰林院學士召入內閣
知制誥一日 上御便殿召璉入語移時詳論歷代帝王關於
聖學君德者尋命主考官會試事竣轉左侍郎是數月璉見將臣

石亨等竊弄威權歎曰君子見幾而作豈俟終日乎遂引疾懇乞致仕居家八年四方學者從之甚衆瑄惓惓以復性爲教嘗曰此程朱喫緊爲人處而歐陽公言性非所先誤矣又曰學者讀書窮理須識見得然後驗其身心體而行之不然無異於買櫃而還珠也忽遭疾彌留衣冠危坐於正寢精神不亂悠然而逝時風雷大作有白氣上昇天順甲申六月十五日也瑄之學以踐履篤實爲本嘗曰格物只是格個性吾於終日之間必體察之何事是仁之發見何事是義之發見至於萬物各具一理萬理同出一原是其貫通處也每以聖賢爲師隨其所寓圖書箴規一言一動於理稍有違失便覺身心不安凡辭受取于必

國朝列卿紀

卷之十

六十二

劉汝忠

揆諸義一毫不苟晚年玩心高明默契其妙有不言而悟者矣

其出處大節光明峻潔於富貴利達泊如也接人無大小衆寡一以誠待之教之有序而其言平易簡切不爲穿鑿奇僻之說爲文必根於理辭旨條暢所著有讀書錄行於世河汾集藏於家門人閻禹錫撰云先生平日奏疏削其彙皆不存一日檢閱舊書及讀書錄束置架上爲詩曰七十六年無一事此心惟覺性天通

張鼎撰云先生邃於性理之學周易太極圖西銘近思錄未嘗釋手嘗以程門教人居敬窮理接引後學晚年造詣高明踐履篤實益至純熟

損齋備忘錄云少保李文達公嘗謂今日士途中能尚理學者纔見薛大理一人今觀其所著讀書二錄皆身體驗而有得者信非高才能文之人所能造也故其教人拳拳以復性爲事可謂知所務矣方其幼時手錄性理大全一書其書不下數百萬言是非立志之高大能無厭心是以卒能誠身以及於人而一時之死生利害略不能動也彼淺見者乃病其言之不華是以相如楊子雲爲勝於魯子之一唯爾

縣笥瑣探云薛文清公銳志道學著讀書錄二十卷多自得嘗曰自朱子後性理以明正不必著書程明道許魯齋皆未嘗有所著作而言道統者必歸之亦確論也至謂草廬未及許魯齋

國朝列卿紀

卷之十

六十三

高梁

則予不敢知耳

孔門傳道錄云薛瑄謚文清隆慶年從廷臣議從祀孔子廟稱先儒薛子增

國朝列卿紀卷之十一

內閣行實

李賢字原德河南南陽府鄧州人生而氣宇凝重不羈羈言
 得疾劇葉夫人危之有老嫗來視曰此非凡子也幸毋以為憂
 言已即去明日疾愈人以爲神七歲知向學稍長入爲州學生
 學業騰起一時師友皆莫敢與齒舉宣德壬子河南鄉試第一
 方宴鹿鳴有鶴數十旋繞廳上布政使李昌祺舉酒酬曰將必
 有名世之才乎癸丑舉進士奉 命察山西河津蝗災時學士
 薛公瑄以御史家居賢往造之叩質所疑薛公亟稱之以爲英
 悟淳確非流輩可及 英宗皇帝嗣統賢上疏言帝王之道在

國朝列卿紀 卷之十一

石全

赤子黎民禽獸夷狄雖聖人一視同仁其施也必由親及疎未
 有赤子不得其所而先養禽獸者今京師韃官不下萬餘以
 俸言之指揮使三十五石而實支一石韃官則實支十七石五
 斗是韃官一員當京官十七員半矣傳曰朝無倖位則食之者
 寡此豈倖位之比况夷狄人面獸心一旦有警其勢必不自安
 前代五胡之亂可不鑒哉乞斷自 宸衷爲萬世計 勅兵部
 漸次出之於外不惟省 國家萬萬無益之費亦可以消未萌
 之患蓋賢筮仕卽有志當世如此雖議者難之而已已之變畿
 內韃官羣起扇亂亦應虞賢言始驗正統丙辰授吏部驗封主
 事會有 旨文武誥勅三年不得請必候九年者賢以職守所

在復上言此獎勵臣下之良法若候九年則得者恒少不得者

恒多廉貪不分勸懲不立乞仍舊便後卒從賢言賢以人本繫

大學而太學因元之陋上疏言 國家建都北京以來所廢弛

者莫甚於太學所創新者莫多於佛寺舉措如是可謂舛矣若

重修太學雖極壯麗不過一佛寺之費請及時修舉以致養賢

及民之効後數年詔新大學實自賢發之乙丑陞考功郎中踰

兩月丁母葉夫人憂久之轉文選郎中候終制赴京賢官吏部

更三任率公暇手不釋卷尚書王文端公直以公輔期之而少

師楊文貞公每以不識賢爲歉南陽知府陳正倫文貞友也因

要賢往見之賢不肯曰無一面之雅而造門是求知也士大夫

國朝列卿紀 卷之十一

卷之十一

二

石全

兩賢之已已秋虜寇大同時中官王振用事力主 親征吏部
 侍郎當扈從以疾告賢代之行師潰於土木 英宗北狩扈從
 官多預其難賢瀕死而還景泰初年上正本十策曰勤聖學顧
 箴警戒嗜慾絕玩好慎舉措崇節儉畏天變抑貴近振士風結
 民心大略言朝政闕遺有司利弊生民休戚中外進言已詳然
 有關於 上之心者或略臣以爲 陛下 一身國家天下之本
 而心又一身之本也正其本萬事理惟 陛下之心既正則國
 家天下之事可以次第推行乞留中以時省覽詔付 錄給事中
 李侃等以災異上疏謂李賢忠信宜賜覽納乃復取奏入 命
 翰林繕寫置左右焉辛未虜遣使求通好有詔絕之令廷臣共

議長策賢上言虜所以敢輕中國者恃其弓馬之強而已中國
長策惟有所謂戰車若衛青之武剛車者可以禦之而又有取
勝之道則火鎗是也用得其法行可以退敵驅之出境止可以
衛民使得耕作然此策固善又在將士者何如夫今之將士猶
古將士而朝廷於將帥特彰剖封之典於士卒頻加賞勞之
恩待之厚矣然不能一為國家復讐雪耻此忠臣義士所以
扼腕而不能安寢也乞詔加獎諭仍飭中外將臣言採取而行
是歲冬以合廷薦陞兵部右侍郎壬申奉命察四川有司之
不職者癸酉還京轉戶部右侍郎賢以虜欲無已不宜終徇上
疏言北酋也先近殺其主併吞諸夷包藏禍心其志非小若只

國朝列卿紀 卷之十一 王

聽其講和貢馬圖金帛之利茂敬順之誠增數冒名曾無定約
竭生民之膏血供無厭之貪求醜類日見盛強中國日加罷敝
持此悠悠實非長慮惟陛下奮仁者之勇勵總戎之臣惕然
於心不必自逸觀變而動以挫長驅之勢振中國之威則夷狄
之心自懾方來之患自弭 詔下兵部少保于謙謂李賢言誠
為正論請下其章以勵邊臣甲戌轉吏部右侍郎詔頒君鑑錄
於羣臣賢擇其中善可為法者二十二君又詮其最切者數事
曰鑑古錄上之蓋深有意効忠於上為孝友恭儉之舉而力莫
能與 英宗復位一時輔臣多竄殛遂以人望召賢兼翰林院
學士入內閣典機務未幾進吏部尚書兼官如故左右欲以汪

后殉葬者 上問武功伯徐有貞及賢賢言景泰初汪后即不
得志况二女皆幼可憫臣愚以為宜厚遇之 上撫然以賢言
為是山東奏民饑雖得內帑銀三萬而不足 上復召有貞及
賢議有貞持不可曰散銀有弊無益饑者賢言天下之事未嘗
無弊顧奉行何如耳散銀有弊而不貸是視民饑死而不拯也
因噎廢食豈為人上之理 上深以為然命增銀四萬兩民賴
全活甚眾時太監曹吉祥忠國公石亨以迎 上復辟為己功
竊弄威福 上漸不能堪乃密語有貞及賢宜協心輔朕賢自
念遭遇不偶凡事一以至公處之吉祥與亨滋不悅亨率兵西
征御史楊瑄劾吉祥與亨縱家人奪民田 上嘉其敢言命吏

國朝列卿紀 卷之十一 四

部議其名將擢用之亨還與吉祥謀此必有貞及賢所使相與
愬於 上言已有迎復功為有貞賢等所傾將俾臣等無噍類
因伏地流涕不已乃諭 旨言官劾賢等并下獄其日風雷雨
電大作損殿宇公署瓦木甚異 上知天怒在此亨等反言上
天亦怒賢等雖強解釋然不自安明日言於 上釋之詔俱謫
外任賢得福建布政司右叅政將辭吏部尚書鹽山王翱是日
得專對語有間 上曰李賢與有貞雖同事未嘗阿比王翱因
頓首力言賢淳謹可大用 上領之即日留為吏部左侍郎踰
月承天門災 詔復賢尚書學士賢上章懇辭不允二年戊寅
春賜玉帶以優寵之 皇太子將出閣賢請擇學術端良之士

借輔導乃上劉詡等數人為春坊官 上仍命資總之日授書
正字於 文華殿時崇仁處士吳與弼以薦至京 上喜其來
問賢曰與弼當授何官賢曰以弼之純儒必能成就君德授春
坊諭德專輔 青宮為宜與弼固辭恩命不受乞歸田里復請
徇其志以勵士節 上思建庶人幽大內六十年欲赦之左右
多以為不可召問賢賢曰 陛下此一念 太祖在天之靈實
臨之堯舜存心不過如此 上意遂決遣中官衛送居之鳳陽
出入自便初石亨以文臣總軍務於邊使武臣不得逞因請罷
之居無何邊檄騷然 上悟其非命賢舉可任巡撫者蓋都御
史李秉丙劄白圭王宇陳昱皆賢所薦一時號稱得人尋命賢

國朝列卿紀 卷之十一 五

督修大明一統志賢偶患足病不能造朝 上遣御醫來視又
數遣太監安寧以政務問賢旬日方愈入謝御史劉濬劾太傅
安遠侯柳溥敗軍之罪 上怒曰與賊遇安能保其無損且將
校聞濬言豈不解體將遣人繫之賢曰耳目之任職所當言惟
明主用其是舍其非而已不當見譴石亨等遂乘間譏賢以為
阿護文臣會 上知賢已深諳卒不行而大悟賢言為是濬得
薄責已而溥還自陝西 上曰溥為主將畏縮致敗不罪之何
以警眾諭言官廷劾之奪其太傅景泰間三年一度僧數萬及
天順二年如期來集賢言於 上曰此輩有損益宜俟十年
一度著為令初 上於便殿屏人謂賢曰昔禱好預國取關西

亦奏事者必先造其門奈何賢曰自古人主權不可下移若
陛下每事自斷惟公道處之則彼漸不敢預而趨附之人亦自少
矣 上曰朕意亦然會石亨敗家居其從子定遠侯彪謀出鎮
大同諷大同薦已 上廉其詐并逮亨置於法因問賢迎復事
賢曰當時亦有要臣臣不敢從 上怪問何也賢曰天位乃
陛下所固有若景泰不起羣臣表請復位名正言順何至以奪門
為功奪之一字何以示後此輩實貪富貴非為社稷計倘景泰
先覺亨等何足惜不審 陛下何以自解幸而事成得以貪天
之功然天下人心所以歸向 陛下者以正統十數年間凡事
減省與民休息所致今為此輩損大半矣 上悚然大悟 詔

國朝列卿紀 卷之十一 六

彪以迎駕奪門冒功陞者四千人悉褫職中外肅然蓋非賢忘
身殉國不避仇怨莫敢發者前此榮祿公以封贈 恩詔 闕
謝至是陞辭 上特賜寶鏤三千貫因顧謂賢曰先生已盡天
倫之樂乎賢頓首曰臣父子所以有今日者皆 陛下之賜是
冬賜甲第一區賢上章懇辭 上曰聞卿舊宅去朝頗遠特賜
近居以便宣召所辭不允遷居之日 上及 皇太子皆有落
成之資賢以朝覲官黜陟之典往往虛應故事無以示懲勸言
於 上罷不職者數百人旌異者十人賜宴禮部 上命賢與
尚書鹽山王翱主之四年庚辰虜酋李剋大同守將失利遂
深入鴈門烽火徹於京師民驚遁不可止賢請急發兵遣兩都

督將之出鴈門倒馬二關旬日始定五年辛巳虜寇涼州莊浪賢知 上以虜入為憂陳邊事五條 上從之遣懷寧伯孫鏜率兵往禦時江南北大水而加以師旅賢言宜布寬恤之典遂罷天下所取花木板枋之類及暫免采柴追馬清匠刷卷諸事而采柴一歲省銀三十餘萬兩吉祥從子昭武伯欽殺人事覺御史劾之 上雖見原而下詔戒諭勳舊之臣欽益懼與吉祥養死士謀不軌欲幽 上於南宮而立 皇太子因西師行乘機入內為亂朝臣當道或有憾者戕害之擊賢傷首及耳且持賢謂曰某等迫於讒間不得已為此請入疏以申救賢曰爾既殺仇償怨能止戈反正我當言之 上得疏乃知賢在甚喜

國朝列卿紀

卷之十一

七

薛洪

既脫於難 上急召之入宮手疏曰逆賊就擒此非小變宜詔天下一切不急之務悉皆停罷且言自古治朝未有不開言路者惟權奸欲塞之以遂其非由是陷於大惡而不悟自石亨等排黜臺臣言路閉塞其流遂至此極 上悉報可下寬恤條而以開言路殿焉 上念賢忠勤下 勅加太子少保賢上章懇辭不允賢以西師未解而京師有變大軍不可輕出請復都御史王竑俾與兵部侍郎白圭分道禦虜虜引去邊臣請罷兵而議者懼有後警賢上言兵出在外可暫而不可久暫則為壯久則為老且虜安能保其不來若慮其復來更無休息之期况人民供輸疲困已極宜趁河開班師使民得弛種為便 上命廷

議率從賢言 聖烈慈壽皇太后崩 上見賢所服斬衰與眾異取視之乃知賢服制合古即以賢服著為法命宮中悉易之孟冬享 太廟適大喪禮未終 上以問賢賢言宜俟釋服後庶人情事理兩安 上曰微公言幾舛於禮七年癸未春 上足疾不視朝召賢曰大祀將至而疾未愈欲遣官代行可乎賢曰亦須至壇所雖不能行禮人心亦安 上至齋宮召賢曰朕惟俯伏艱於起身欲令一人扶之何如賢曰 陛下能力疾行禮尤見敬天之誠遂竣事而還二月晦夜賢聞空中有聲明曰密疏曰傳言無形有聲謂之鼓妖上不恤民而有此異惟 陛下下憫念黎元凡一切不便於民者悉皆停罷則災變可弭 上

國朝列卿紀

卷之十一

八

傅元

覽之即召賢曰此事正須先生言先生不言誰復言者其具寬恤事條密封以來賢遂疏十事一請清淹禁罪人二止銀場煎辦三停歲造紙劄四蠲被災糧稅五弛芻米之徵六罷虧損馬匹七飭邊臣撫恤兵民八命有司存恤流移九戒御史察貪吏一十禁外官因事科斂 上曰朕諦觀之皆實惠也宜即詔天下賢又請罷江南所造段疋及燒磁器清錦衣衛所監罪人止各邊守臣進貢已下番所遣使臣停內外買辦採辦 上不從賢執之數四止取前十條行之左右見力爭皆寒心同列亦為賢懼賢曰古之大臣知無不言今雖不能盡然至於利害繫於安危者豈可默默以苟祿位然上聖明亦不以為忤也 上以

母后胡氏因疾請間尊號靜慈仙師非令典擬上 皇后尊諡而左右以為不便一日召問賢賢曰 陛下此一念天地鬼神實臨之然臣之愚必須陵寢享殿神主皆如奉先殿之式庶幾稱陛下之明孝不然為虛名 上即舉行是時錦衣衛指揮門達有寵於 上專理詔獄且兼緝事於中外道路洵相視以目賢嘗以為言達卿之會指揮袁彬為其誣下獄有楊暄救之 上命達速訊達欲并傾賢林使誣賢為草奏狀狀牽捕數十人勢危甚上命廷鞠之其人遂吐實曰此達所教也賢以事白上疏力辭且以知足不辱知止不殆為言 上不允曰此細故無用介意八年甲申春正月 上不豫久之疾劇命中官以遺詔示賢十七日 上賓天後五日 憲宗嗣位有欲專致隆於上生母者賢曰 天子新即位四海願望凡事宜悉遵遺詔庶幾順天理服人心脫或不然則當尊 母妃為太后於 皇后為太后再加二字以別之卒如賢議尊 皇后為慈懿皇太后貴妃為 皇太后尋進賢少保吏部尚書兼華蓋殿大學士未幾門達以附中官謫遠方又為言者劾其欺罔故殺諸罪謫成嶺表不知者以謂出賢意其黨相與為匿名文書指賢姓名欲中之賢不自安懇乞退休 上不允下令禁議謗者時災異屢見賢請出官人以昭 聖德又上疏言人君一身天下之主若行事合宜中外順服不然則人皆離德而欲天下治安不可得

國朝列卿紀 卷之十一 九

然治安之本在於君德輔養君德又在左右前後皆老成端謹之人若輕浮頑猾喜好生事逢迎取悅供耳目之玩信佛老之教者望即日退出毋令隨侍庶於君德無損臣受 朝廷祿位為宗社生民至計不敢不竭忠盡言惟 陛下剛斷而進退之五月五日風電大作飄瓦拔木 上及郊壇賢復疏言天戒顯赫如此惟 陛下勉加修省雖在閒靜之中常如對越之際不可一毫與左右狎亦不可聽其誘而寵用之惟日與老成之臣商議君德何以修朝政何以舉念茲在茲頃刻不忘仍寫勅諭羣臣同加修省庶回天意賢以疾在告 詔免早朝尋降勅命知 經筵事及總修 英宗睿皇帝實錄成有司請造鹵簿已得 旨賢聞之亟入言先朝所造車駕尚有貯內庫未經御者今 恩詔方頒百姓甦息未久奈何復為此 上即日寢其旨皇后吳氏之廢小人乘機欲害賢者益甚 上命錦衣衛嚴禁之且遣衛士夜宿賢第護賢以行有內直將軍趙天順初因入直迎 駕而陞冒功者今一切褫職非法意 上念其久於後特復之而以迎駕奪門陞者紛然入懇不已賢言於 上曰自石亨輩此舉之後人以得富貴之易貪利者惟幸有事宜早治之且請復故少保于謙等官賜祭改葬以雪幽枉 上亟是賢言命兵部按其以迎駕奪門陞者自太平侯張瑾與濟伯楊瑄以下俱奪爵蓋賢欲消其禍於天而故於 上即位極言之出是

國朝列卿紀 卷之十一 十

一第... 續修四庫全書 第 2 頁

潮者衰息有識者至今以為難丙戌二月聞榮祿公之喪 詔起復賜賻甚厚復賜素品備途中食用而令有司為營葬事賢上疏言士見用於盛時者無分小大於父母喪皆得盡三年之制若臣以所任之事而不得盡恐無補於名教詔卿勿以私恩廢公義宜抑情遵命以成大孝賢復疏言 陛下必欲起臣以為國家事重不得以彼易此但今內外大臣當任者皆忠正老成之人使臣在此不過贊成其事無臣贊之亦不為欠臣之去就甚輕昔富弼屢詔不起亦以朝廷有人不至甚不得已故也臣之蹤跡似亦類此乞容臣終制假使未與溝壑則驅策駑鈍以報 皇上固有日矣 詔卿當深念職任之重移孝為忠不

國朝列卿紀

卷之十一

十一

楊海 四百五

必固請遂遣太監林興輔行賢聞故鄉歲祿加以師旅請止官管葬不從既抵家襄事與即日促賢上道五月至京師入見上慰勞有加賢退即疏言 陛下謂臣可以委託堅使奪情而不

知臣實駑鈍不堪有類折足之鼎且古之大臣若張九齡寇準輩雖起復而人不非者良以其人之才足勝重任有益於天下國家如臣不過尋常之流無事之時亦招物議今不獲命則不知者謂臣心實以此為榮姑陳奏章免人之議而已乞察臣至情而矜從之 詔禮有經有權朕特從權制用卿若故違君命豈得為孝卿當深念大義勿恤微言勉起就任毋得再陳賢復疏言臣累訴表情而 陛下曲加勉諭終不矜允捧誦 恩旨

涕泗交頤所以不能遵 聖訓者區區之心誠有所不忍况臣日迫衰朽縱起供職未必能副 陛下盛意徒重臣之慚增臣之罪 詔卿言之再三但委託尤重宜體至懷即日就任慎勿再言又遣中官至第道 上意乃供職賢因上道中往來所得軍民利弊八事大約乞重守令之選毋拘常格以免墮政留河南所運之粟以備民饑停通州諸衛薪炭之徵以蘇民困蠲江南馬戶而復本處民戶代之以均勞役增天津諸衛及河南榮澤新鄉諸處驛遞以便往來開衛學軍生歲貢以振淹滯 上即命所司議行是歲秋率廷臣言今天下盜賊未息災傷未止仰惟 祖宗創業垂統官禁甚嚴內外不許混雜府庫充積金

國朝列卿紀

卷之十一

十一

楊海 四百六

銀不肯妄費遊宴有常所而不縱情賞賜有常規而不濫及至於 祖訓一書尤為明備惟 陛下逐一省覽刻意恭儉以繩祖武以幸天下 上方虛已以聽而賢感疾浹旬不愈 上遣中官臨問賜尚食及命御醫日夕診視報疾狀凡三閱月疾亟語弟監察御史讓及子璋惟以 國恩未報史事未成為念以是年十二月十四日卒於賜第享年五十有九贈太師諡文達賢少即有志聖賢之學為諸生時督學者問所志對曰為學之道當如周子言蘊之為德行之為事業其人大異之在史曹遍書箴銘於座右與學士薛瑄交厚善務以性學相切劘而窮理之功益密故言益純學益克立朝四十年不立黨與惟守一

誠蓋不知者始或疑而終大服之無異議自以受知 英宗遂
 身任天下之重知無不言天下亦倚之為重雖遭讒譖惟誘處之
 泰然登對之際氣象雍容言辭簡當將順匡正之力甚多 英
 宗嘗論景泰不與大臣接言賢曰自古明君未嘗一日不與大
 臣商確治道所以天下常安先儒謂接賢士大夫之時多親宦
 官官妾之時少於君德方有益又言朕自復位以來未嘗一日
 忘在南城時每以此戒左右賢曰安樂不忘忠難古昔聖賢之
 君存心正如此又以戒左右最善又言飲食隨分曾不揀擇衣
 服亦隨宜雖著布衣人不以為非天子也賢曰如此節儉尤見
 盛德若朝廷節儉天下自然富庶前代如漢文帝唐太宗宋仁

國朝列卿紀 卷之十一 十三 張文言 四百全

宗皆節儉是以當時海內富庶非其餘可及又曰朕於四書皆
 嘗遍讀如二典三謨真是格言賢曰誠如 聖諭凡帝王修身
 齊家敬天勤民用人為政之事皆在其中此時正宜玩味體而
 行之 英宗每為首肯愛惜人才惟恐弗力而以獎恬退厲名
 節為先耿公九疇及軒公輓皆以廉介聞首舉耿為都御史軒
 為刑部尚書未幾耿為石亨所排斥軒以權貴侵官託疾去又
 屢言於 上而還之年公富亦為亨姪彪所誣陷及亨敗力言
 富有執守可大用遂起為戶部尚書 上嘗謂賢曰左右多不
 悅富者賢曰不悅眾見其賢禮部侍郎缺員禮部郎中李和求
 近習薦陞 上問賢何如對曰不知其人臣所知者學士李紹

可任此因進言邇者士風不立多資緣以求進如若用紹請於
 補座召吏部面命之庶幾士類知警 上從之命下之日傾朝
 僂然其後任事大臣賢多所薦矣其人不知之反有訾賢者或
 以告賢賢曰吾知用其才耳三選庶吉士儲養於翰林親加督
 教如愛子弟與學士呂文懿公原陳公文彭公時相處十餘年
 未嘗失辭色每語具以忠言相告而於講學論政至終日忘倦
 人有善若已出不白之不已兩廣兵興編修丘濬實廣人具嶺
 南事宜告賢賢繳奏言可用請付軍中為平賊之助遇天變民
 瘼憂形於色每以裁抑浮費蘇息民力為本謂內帑財物非濟
 兵民則人主必生侈心而移之於土木禱祠聲色之用自賢柄

國朝列卿紀 卷之十一 十四 張博 四百全

致前後發內帑銀救荒卹邊凡數十萬計人有急難以身救之
 而於植臺諫慎刑獄尤惓惓焉有會試被黜者訴考官有弊
 上不悅以章示賢賢曰此乃私忿考官實無弊如臣弟讓亦不在
 中列可見其公 上意方解言路屢闕屢闕而不至於銷鑠皆
 賢力主之惟成化初言者歷詆中官之惡謂不可使與國政得
 補外而或咎賢不申救者賢曰此事何可激也甘露之變黨錮
 之禍諸君獨不知之天順中宗室臨川王弋陽王前後為緝事
 者發其陰事已而多涉虛因 召問賢賢曰觀此則其餘所枉
 多矣法司雖知其枉而不敢辯乞 明詔理官不許畏勢避嫌
 實傷和氣 上乃召三法司面加戒飭中外咸悅凡 朝廷大

政令涉於軍情邦計者必經賢議而後決虜酋亭來近邊有言
傳國璽在其處石亨請發兵乘機掩取之上為之動賢曰頻
年災荒府庫空虛兵民困極宜與休息且虜近邊而未嘗犯塞
無故伐之必買釁况秦璽亡國之物亦不足寶上矍然罷之
內府奏乏金用詔下戶部議請以蘇松嘉湖四府歲折糧銀
折金五萬兩賢曰國家財賦仰給東南而金非其所產今欲
折金價必湧貴聞雲南諸夷有歲辦金銀若以銀折金亦足以
充國用松潘羗寇亂已勅三司調兵勦之久不下賢曰三司頗
頗牽制自不能成功若朝廷命一大臣統之則事定矣易曰
長子帥師弟子輿尸不可不慮上問可將者賢薦都督謝貴

國朝列卿紀 卷之十一 十五 高四八 四百三

遂用之而松潘寇始靖凡冊后妃與諸王大喪大祀婚冠之禮
及憲宗之初親耕視學諸大典禮悉命賢與禮官增損其儀
式而後行白金文綺上尊珍饌與夫四方貢獻內帑圖書賜賚
無虛月賢每以盈滿為戒取小旻詩中語扁其堂曰臨深以寓
安不忘危之義雖位及三孤不治田宅不鬻女侍為學務實踐
不為空言因自號浣齋孝友敦睦之行有人所難能者所居圖
書左右口誦手錄雖老不懈每有得即識之有體驗錄一卷雜
錄三卷所備顧問有天順日錄三卷作文章理為主不為艱深
靡麗之詞每教人以晦庵草廬為法有古穰集若干卷詩冲澹
温厚有和陶詩二卷和杜詩一卷讀易記一卷南陽李氏族譜

若干卷平居無疾言遠色其容粹然見者如在春風中浮躁者
為之自失陰狡者為之中沮蓋其所稟者厚所養者深故其所
得有大過人者如此論者謂自天順以來所以正君德恤民生
進賢才廣言路抑佞幸却戎狄皆賢之力云

菽園雜記云羅修撰倫上疏論閣老南陽李公奪情事謫泉州
市舶提舉章編修懋黃編修仲昭莊檢討景皆上疏論元旦觀
燈事章謫知臨武黃謫知湘潭莊謫桂陽州判官李公歿後淳
安商公復入閣言於上皆得復其官於是羅為南京翰林修
撰章黃皆為南京大理評事莊為南京行人司副適廬陵陳公
文亦卒士人有為詩悼之者末二句云九原若見南陽李為道

國朝列卿紀 卷之十一 十六 商祐 四百三

羅生已復官蓋章黃莊三人之謫實出上意而羅之謫李公
不能無意故云先是大臣遭父母喪奪情起復者比比皆是至
是始著為令皆終喪三年奪情起復者亦間有之實出朝廷
勉留非復前時之濫是則羅生一疏之力也
又云成化初給事中張寧等欲上疏乞起曹州李公秉為兵部
尚書河州王公竑掌都察院事恐左右或間之密以奏草示南
陽李公且求調護公視其草哂之復正言曰薦人但當言其人
可用若預擬某為某官於事體得無礙乎寧深服之乃退而勿
草以進翌日御批出王為兵部李掌院事後有問其故者文達
云事在朝廷不可知也意者上以王公度忠邪太明自置之

彼處恐或不靜而然耶人服其有識而慎又云文莊葉公巡撫兩廣時素與丘內翰仲深不合丘每投間毀之庚辰進士廣西張某嘗短葉於丘丘因為先容進謁李文達言賊至城下葉猶詠詩不輟且殺無辜之民為功文達素知葉公默識而已益張其歸省時葉嘗知其不檢疎之由是致怨丘素知文事非文達所長且復護短乃謂葉笑其詩文不佳李公啣之他日錦衣呂指揮貴湯都指揮胤績盛稱葉公學問文章之美且云置之內閣於先生無忝文達憮然曰與中笑我乃為人閣地耶入大藤峽用兵 勅韓公雍書有云往者葉某虛張捷報致賊猖獗蓋張某先入之言至是始發也葉公後因言官之薦僅以右僉選

國朝列卿紀

卷之十一

十七

葉傳

左僉而已文達沒後始得入禮部云
又云李文達公賢在內閣時太監曹吉祥嘗在左順門令人請說話文達語云 聖上宣召則來太監請不來也曹乃令二火者掖而至文達云太監誤矣此處乃天子顧問之地某等乃謹候顧問之官太監傳 聖上之命有事來說自合到此豈可令人來召耶曹云吾適病足耳先生幸恕罪也聞李公歿有事司禮監只令散本內官來說太監不至今日閣老請太監議事亦不至矣內閣體勢之輕又非前比
寓圃雜記云楊暄景和者北京人善影漆亦智謀士也天順間錦衣指揮門達擅生殺之權多陷害人同時袁彬指揮者隨

英宗北狩有護蹕功為達所間久在散地 憲宗初立達恐其逼已令邏卒發其陰私欲致之死地暄素不識彬因抱不平之氣為彬訴屈遂奏達違法二十餘事奏入 上方與太監裴璫擊毬遽令達逮問暄至其解達陳諸淫刑恐暄神色不變佯若無所與者達歷詢其事皆曰不知且曰暄素係賤工不識書字又與君侯無怨何得有此望君侯屏去左右暄以實告因告曰此內閣李賢與君侯不善因為此本使暄投進亦不知中所言何事達聞之甚喜方飯至因以酒肉賞之值早朝直以其情復奏上命宦官押諸大臣會問於午門之前方引暄至達欣然謂賢曰此皆先生所命彼與我無干也賢忽驚訝暄即曰此達以酒肉賜暄使暄言如此昨庭中有某某見指斥所奏達事餘條畧無餘蘊押官與諸大臣皆曰達不得辭其罪矣錄詞以進賢上命法官正達罪謫戍廣西以死暄得脫袁復寵任如故京師人多能道其事

國朝列卿紀

卷之十一

十八

葉傳

雙溪雜記云國朝天下方面布政使按察司官及知府當由吏部查各衙門官歷俸淺深奏請銓奏內云查得某官屬係年深相應陞除某官而已宣德間三楊用事勅方面風憲郡守令在京三品以上官舉保天下要職吏部不得除皆出三楊之問後亦革去不用天順末李賢始令吏部方面官有缺推舉三人請旨簡用至今為例

瑣綴錄云李文達公初薦布政陸瑜為刑部尚書石亨以私譖
之久不召對衆為公危及瑜至當擬旨到任同事者謂且擬侍
郎公曰吾以尚書薦而改擬侍郎則自嫌不信矣竟擬尚書從
之後瑜頗稱旨乃復召對如舊公為人恭莊嚴重得時行志不
為小廉曲謹平居號崇正學能納人言容善類無南北之分天
順庚辰會試罷予同衆考官見公詢及人物予曰五經魁中張
元禎神童也人物獨王一夔願先生留意又請選庶吉士 英
廟諭公專選北人公曰南人亦須選乃會選於吏部元禎初不
與公曰此神童不可以貌取急追回與進之成化丙戌廷試王
冢宰以程敏政卷字精楷力贊為第一公曰論文不論書卒取

國朝列卿紀

卷之十一

十九

四百七十八

羅倫第一 憲廟即位進公少保華蓋殿大學士尚書如故踰
年丁父憂乞終制不許羅倫進言請許公終制詞涉詆訐公怒
力辭朝廷黜倫乃已予引文彥博待唐介故事請公留倫公曰
潞公市恩歸怨 朝廷吾不可襲此公之言亦未為無理 又
云天順中李文達公獨見寵任時冢宰王九臯以老成大司馬
馬昂以儀表雖皆為 英廟所眷遇而尤賴公所維持凡公有
所薦舉必先諭意於二公至 御前疇咨時於文則諉諸王公
武則諉諸馬公或既自舉其人亦必曰臣所知如此還須召某
等再審二公亦如公言以是 上不致疑下皆信服

呂原字逢原浙江嘉興府秀水縣人自幼穎敏九歲能通孝經

小學稍長為文輒驚動長者時父嗣芳兄俱為教官識者曰此
子殆穎脫而出者也未幾父兄俱卒於景州原尚朱成童孤貧
不能歸喪或諷以胡俗焚之者原潛然出涕不從遂厝州城之
東曰他日有力必歸之也年及弱冠乃奉其母歸家益貧攻苦
力學知府黃懋閱秀水學官文奇學官對曰此邑輩中呂生文
也呂生貧不能補弟子員學官致家塾教諸子懋輒嘆郡中乃
有文士如呂生遺草萊中者急召公見公入見衣藍縷甚試之
舉業文詞理皆勝問之經書輒能默誦懋益驚異與之新衣謝
不受會理葺費舍與之諸餘材木又謝不受懋曰理家貧鬻此
且得善價又謝不能太守益大奇之當是時太守得輒補學諸

國朝列卿紀

卷之十一

二十

四百七十九

生懋即遣公入學是秋發解浙江正統辛酉年也明年中禮部
會試廷對賜進士及第第二人擢翰林院編修得入秘閣讀所
未見書其學益富癸亥與修五倫書賜寶鏹丁卯 朝廷思用
奇才乃簡狀元劉儼等十人進學東閣入侍經筵原居其一景
泰初遣祭蜀王往還萬里間凡有饋送一毫不取未幾充經筵
講官辛未進侍講壬申夏以右春坊右中允兼侍講時選內侍
之秀異者四五人進學於文華殿之側命原與左中允兼侍讀
倪謙教之秋九月上自臨視命二人講倪講國風原講堯典講
罷問二人何官各以實對又問幾品皆曰正六品 上曰二官
同品安得相兼命取官制視之乃命原同倪謙俱進侍講學士

仍兼中允癸酉與修歷代君鑑秋八月主順天府鄉試丁丑與修寰宇通志明年書成進右春坊大學士兼侍講每書成進講輒有寶鏹白金文綺之賜天順改元 英宗復辟轉通政司右叅議仍兼侍講春三月主禮部會試夏六月徐有貞既黜薛瑄請老乃召原與岳正入內閣知制誥尋進翰林學士庚辰春主禮部會試尋總裁大明一統志凡金帶玉杯梭服貂帽便蕃之賚歲無虛月原夙夜感激思盡論思之職時老母病在牀躬調湯藥憂形於色久而不愈壬午秋八月母卒原哀毀踰禮啓父視歸西而葬之詔有司營葬命原襄事即還朝原懇乞終制不允抵家未及定期忽得風疾於是歲十一月不起年四十五訃

國朝列卿紀 卷之十一 主 傳元 賈全大

聞特贈禮部侍郎諡文懿命工部為營葬事遣官諭祭於其家仍命其子憲為國子生皆異數也原天性孝友事母得其懽心撫育兄子皆底成立宗族中有困乏者必推所有以賙之遇人之危殆者濟之惟恐不及也歲時賞賚奉母之餘輒分遺鄉黨僚友而自奉甚薄為人沉毅有醞藉悃悃無華內端外和與物無競處已待人不立崖岸事有不可則據理諍之未嘗諛言媚色以徇人取悅三為主考取士得人最多其教人也誠切懇到善於警發故四方之士及門者眾其造詣益深作為文章議論超越皆有根據而理趣充然詩有典則音律渾厚無纖巧靡麗之態初入翰林時楊文貞文定諸公咸器重之知其所就必遠

大及入內閣與大議所見出人意表而為民之心尤切天下有陰受其賜者矣惜其享年不永云 閣學記云予觀楊文懿公誄原之文有曰繫樞李之鍾秀兮挺碩人其頤頤植仁義以為本兮橫百行以為枝劉文安公輓原有曰君子非始之難而終之難若公之終孝不忘於其親則無愧於其君矣蓋嘆原之學所從來者遠矣及國史所載謂其為人寬厚不立崖岸事母撫孤克盡孝友其在內閣多所裨益郡志亦稱其內端外和與物無競程篁墩文豈遺事謂居官二十一年家無田宅為學務實踐不事多言蓋皆實錄也 岳正字季方順天府灤縣人長身美髯神采秀發氣屹屹不能

國朝列卿紀 卷之十一 主 薛洪 賈全大

下物舉京闈鄉試卒國子業李忠文公時勉為祭酒簡四方名士置講下正與商文毅彭文憲王端毅諸公皆預焉正統戊辰會試禮部同考誤寘落卷侍講杜公寧見之曰此我輩中人遂擢第一廷試賜進士及第授翰林院編修每開口論大事嘗閉戶夜草疏請復恭讓后位號其伯兄端俯樓隙窺之驚曰奈老母何取其草裂之乃止景泰壬申遷右春坊右贊善兼編修天順丁丑改修撰 英宗廉知其名吏部尚書王翱亦薦之 召見文華殿 上遙見遽曰好既陞陞登殿連曰好好問年若干對曰四十 上曰正好問何處人對曰灤縣 上曰又是我北方人問治何經曰尚書 上曰是書經尤善問何科進士對曰

正統十三年 上益喜曰又是我取者乃顧謂曰今用汝內閣
參預機務凡事為朕主張許彬老矣不足恃也正頓首辭至再
乃出赴閣至 左順門石亨張軌自外入愕然曰何以至此正
不敢對時亨軌已不平比入見 上曰今內閣朕自訪得一好
人亨軌請為誰 上曰岳正亨軌陽賀曰誠佳 上曰但官小
耳今須與吏部左侍郎兼翰林院學士如何亨軌因奏曰 陛
下欲陞正亦甚易但姑試之果稱職未晚也 上默然蓋亨軌
以事非已出故撓之云爾自是宣召賜賚絡繹於道正感 上
知遇銳意功業知無不言言必盡肺腑一日欽天監湯序言變
異謂奸臣未盡之故 上以問正正曰奸臣未聞若求之將人
國朝列卿紀 卷之十一 三三
人自危且序術疎淺不足信事遂寢錦衣衛官校選得一僧自
言當大貴眾惑之至妻以女以覲非分獄具僧坐反太監牛玉
援近例請官邏者正謂事縱得實不過合妖言律活其從十數
人邏者准應捕律令給賞朝廷避之時亨與太監曹吉祥怙寵
擅權有投匿名書指斥時政者獨不及亨緝捕甚急舉 朝惶
駭亨勸 上出榜募能捕告賞以三品職 上令撰榜格正與
呂文懿公見 上曰為政自有體捕盜賊責兵部奸宄責法司
豈有天子自出榜購募之理且堯建進善之旌舜立誹謗之木
秦始皇護短杜諫乃下誹謗妖言之令由此過失不聞卒至亡
國 陛下新復寶祚正當以堯舜為法以秦為戒縱欲窮治其

事緩則人情怠忽事自覺露急則人情恐懼愈求輟晦不如勿
究吉祥從旁請究甚力 上徐謂曰正言是也亨從子彪鎮大
同遣使獻捷內閣詢其狀其人盛陳戰伐且稱斬首無算皆梟
於林木不能悉致正取地圖指示曰某地至某地四面皆沙漠
梟於何所其人驚伏正間為 上言曹石勢太盛慮有變宜早
為節制 上曰汝可以朕意告之正徑造亨諷令稍自斂戢二
人怨之益深會承天門災 上下詔責躬實正視草歷陳弊政
有曰敬事 天神有未盡歟 祖宗成憲有不遵歟善惡不分
而用舍乖歟曲直不辨而刑獄冤歟征調多方而軍旅勞歟賞
賚無度而府庫虛歟請謁不息而官爵濫歟賄賂公行而政事
國朝列卿紀 卷之十一 三四
廢歟朋奸欺罔而阿附權勢歟羣吏弄法而擅作威福歟徵歟
徭役之法太重而閭閻田里靡寧歟讒諂奔競之徒倖進而忠
言正士不用歟抑為軍衛有司關其酷暴貪官無厭而致軍民
不得其所歟詞極切直天下傳之遂有飛語指為謗訕七月
內批降廣東欽州同知鄒以母老留閱月尚書陳汝言曹石黨
也憾正嘗言其不可用至是嫉邏者以私事中之逮繫詔獄拷
掠備至謫戍肅州鎮夷所所居京第為幸臣都督李鐸所奪至
涿州夜宿傳舍手楷急氣奔且死涿人楊四者頗尚意氣為祈
哀解人怒不肯楊醉以醇酒伺其熟睡謂正曰楷有封印奈何
正教之曰可燒釜令熟以酒噴封紙就炙之紙得燥皆昂起乃

去釘脫桎列其中復釘而封之其人覺有異楊說之曰業已然矣今奉銀數十兩為壽不如納之正乃得至戍時太監猛虎石鎮甘肅相傳有 密諭須生不須死鎮巡而下亦雅重之致客禮焉 上每憶及輒曰岳正倒好只是大膽越四五年曹石俱以不軌敗 上謂內閣李文達公賢曰向岳正固言之文達因請曰正有老母得放歸鄉里幸甚乃 命釋為民甲申 憲宗嗣位有御史楊瑄者亦以劾亨謫戍廣東臺諫請復二人官以旌忠直吏部擬調南京有 旨勿調正在院供職充 經筵講官纂修 先朝實錄文達欲薦為南京國子祭酒正不應有思者偽為正劾文達疏草會廷薦正為兵部侍郎清理貼黃與都

國朝列卿紀

卷之十一

五

張文

給事中張寧名並上寧負才氣亦被譖遂皆補外正得知興化府時論譁然為之不平正才素大不屑條格動輒為闊遠計興化地平不足用正察民間利權而操之府於是建涵江書院及孔子廟鑄祭器下諸縣作小西湖開兼濟河築南北隄塞白理港別購民田開河直趨涵口修江口橋池如通津鐵河猴溪諸橋多修治而白理功最鉅復購穀實饑民倉出羨餘以補料價民輸料京庫類多侵尅正親為會計且教之納省其半費士大夫家食利於官弗得其貴有力者共騰為謗書橫不可遏惟彭惠安公韶陳太常音保其無他有叅政陳憲者按閱其事皆有據乃止正亦厭吏職以成化己丑入覲京師因引疾致仕時季

鐸敗 朝廷還其故第居久之陳緝熙刑遜之二公為祭酒有官錢為公用簿不時註忌者因為媒孽皆得罪去彭文憲勸正請代之正曰此事正所不直安忍代為自是當道交絕忽喪幼子慟而成疾壬辰九月十一日卒年五十五正於書無所不讀謂天下事無不可為高自負許俯視一世其為文高簡峻拔追古作者詩亦雅健脫俗字法精邃大書尤偉旁及雕繪鐫刻悉臻其妙嘗戲畫葡萄遂稱絕品晚好皇極書有所論述及經解皆未及就惟類博稿僅存十卷行於世深衣纂疏一卷藏於家

本東陽贊云才之難其信然哉非才之難用才者之難也我

國朝列卿紀

卷之十一

五

張文

皇明才區夏幾百年至於宣德正統之世庶富而教極矣公當是時以文學取甲科天順 復辟之初出膺 召命居有密遭際之盛擬諸夢卜感慨奮發忘身徇國方將以功烈顯於天下而為權奸所構又厄於媚嫉投荒處僻竟不究其志以死豈才弗能哉夫當 英宗之感悟 憲皇之更化幸於側有人焉猶且復用用則猶可以自見也惜哉然公之文章氣節震播海內傳之後世有斷斷乎不可泯者與化入既去而思為祠以祀之他可知已或乃以浚恒之凶不容之失為公累是徒以成敗利鈍論非所以防世厲俗也謹備述之以補國史之闕

本東日記云岳季方在內閣不久被黜有士人告之曰先生犯

孔子戒矣問之云何則曰未信而諫是也季方應之曰初上用我左右責任教戒甚至敢不盡心若子以諫官處我則恐未然

類博稿云有自京師來者傳天語下甘肅曰岳正倒好只是大膽或以賀正曰上念公如此行召公矣曹生爲寫陋容遂鑿括爲其辭題於上曰岳正倒好只是大膽惟帝念哉必當有感如或赦汝再敢不敢臣嘗聞古人之言蓋將之死而靡憾也野記云丁丑承天門災岳編修正草詔罪已甚至曹石相謂言奸邪蒙蔽不謂我曹抑不謂徐有貞乎譖於上上命杖岳百下謫戍肅州室廬財產盡賜指揮李鐸得旨自往據岳門檢括

國朝列卿紀

卷之十一

三七

岳

淨盡家人出門一一搜驗苛辱待之未幾上宥岳得還適鐸得罪上曰季鐸家盡是岳物可悉取還之岳乃往據鐸門搜括如鐸亦復昔怨初岳爲儒臣貫無幾何鐸奏稱不貫皆歸於岳

陳文字安簡江西吉安府廬陵縣人自幼秀拔異常兒七歲卽知向學說書大義鄉老長莫能難父祖咸喜曰大吾門者其在是乎年十五遣游邑庠旣而憲司論秀陞補郡庠弟子員夙夜淬礪學業大進同輩咸讓其能宣德乙卯以詩經中江西鄉試第一明年正統丙辰中禮部會試入對大廷權第一甲第二名授翰林院編修時翰林三楊公負天下重望目文儀觀偉然

遇之甚厚文貞公且爲易其字安固曰安簡云一考最賜勅

命進階文林郎卽日奏乞歸省重慶在堂鄉黨榮之辛酉復任癸亥丁外艱歸丙寅起復與修五倫書丁卯有詔簡翰林之臣才器優等者十人俾進學東閣蓋期以大用文其一也一日修撰商輅侍班上諭學士曹鼎曰商輅着展書宜選一人爲對初選修撰王玉弗稱旨再選文乃允尋侍經筵與商輅爲偶已巳秩滿陞侍講景泰庚午秋考順天府鄉試去取公明防範周密輿論稱之辛未少保高穀上疏言文才識兼優內可居六卿之佐外可任藩臬之正特陞雲南右布政使雲南地遠民罷每歲供餉貴州勞費尤甚乃畫策令商賈代輸而增值以給之

國朝列卿紀

卷之十一

三八

岳

於是商民兩便歲省民費十之五所屬課鈔近百萬爲典守侵欺者多卽痛革其弊課以羨溢他如按籍均徭興學勸士葺貢院修地誌與凡益官便民之事靡不興舉逾年政教大行一考滿巡撫僉都御史鄭顛言其政蹟卓異天官請賜誥命示旌勸焉丙子冬入覲至京師丁丑春還會英廟復辟見商輅曰曩經筵與卿爲偶長而偉者爲誰其人安在輅曰陳文今任雲南右布政陞廣東左布政使以丁母憂不果赴戍寅驛召授詹事仍食從二品祿乞終制弗允入侍東宮癸未學士呂原卒上問大學士李賢誰可代者賢曰柯潛可賢出吏部尚書王翱問內閣之缺爲誰曰已於上前舉潛矣翱曰潛固好然陳文年

資皆深用潛置文於何地賢默然曰業已舉之矣翽曰復見

上言之何妨明日賢見如翽言 上乃陞文禮部右侍郎兼學士

參預機務及文入閣與賢爭事曰吾非汝所薦也士論短之甲

申 英廟上賓 憲宗嗣位一時禮儀政令皆文與二三大臣

裁定以舊恩陞吏部左侍郎兼職如故是時詔下罷貢獻停造

作以及開言路賑貧養老諸事多文等弼成之尋命同知經筵

事纂修 英廟實錄為總裁官成化紀元乙酉侍 上祀南郊

耕籍田幸太學屢蒙厚賚三月特陞禮部尚書兼學士尋進階

資政大夫正治上卿丙戌三月充廷試讀卷官逾月奉命持節

為副使冊封賢妃八月冊封親王復命為副使俱賜銀幣寶鈔

國朝列卿紀

卷之十一

二十九

四紹

有加丁亥八月奉命釋奠先師孔子會實錄成陞太子少保兼

文淵閣大學士尚書如故錫宴禮部并賜白金綵幣衣服鞍馬

戊子二月釋奠先師孔子是月晦吏部以文三 滿聞 上遣

中使齋賜寶鈔羊酒於家是日遽得疾 上復遣中使臨問賜

子加厚仍命太醫院官視療再踰月竟不起年六十四訃聞命

工部具棺營墳遣禮部尚書姚夔致祭贈榮祿大夫少傅謚莊

靖文為人志氣豪邁才識通敏自入翰林雖專文學然於時政

弛張輒能言其當否故每以治才自負人亦以是稱之無異辭

其自方伯入為宮臣職清務簡名其燕居曰需軒賓客過門輒

置酒款延相與賦詩論文談笑以為樂比入內閣甚自矜持正

色鮮言不少假借又為於故舊有在患難者必極力拯之聞有

一善必稱道獎與惟恐其不著惟忌嫉過甚取予不辨人多議

其失守其為詩文敏妙雄健似其為人所著有聚齋稿需軒稿

若干卷藏於家

劉定之字主靜江西吉安府永新縣人自幼天資絕倫過目成

誦父石潭公日授以書不令作文字定之每私為之一日病石

潭公於床褥間得所作祀竈文詠桃漿諸詩大驚異然亦未嘗

口許之自是稍敢以文辭進然每進輒斥之一日又以所作文

字進石潭公曰此子有八面受敵之才宣德乙卯中鄉舉正統

元年丙辰會試第一名賜進士及第三名授翰林院編修四年

國朝列卿紀

卷之十一

三十

四紹

已未京城大水 詔求直言定之上十事其一曰號令之出宜

求其大公至正久而無弊信賞必罰不為苟且其二曰公卿侍

從宜時常召見俾承清問因以觀其才能察其心術而進退之

其三曰降胡近處京畿宜漸分其類移近南地其四曰宜以京

官出任郡縣使民得蒙循良之政其五曰宜倣唐制朝官陞任

之時舉賢良自代其六曰武臣子孫宜習韜畧其七曰守令宜

加詳察其八曰宜鋤富恤貧其九曰廷臣丁憂宜令終制其十

曰宜遏僧尼奏留中不下十年秩滿陞侍講十四年己巳北虜

犯驛適 景帝登位定之上十事其一言戰陣宜倣古滅火鎗

增刀斧其二言守禦宜繕亭障塞蹊隧其三言簡用使臣四言

移降虜五言兵十月錢六言戒守令虐民七言選賢充將八言
武臣濫爵九言總攬權綱十言經筵進學 上嘉納之景泰三
年壬申陞司經局洗馬時北虜遣使來朝固邀廷臣往報居言
職者以爲虜懷窺伺之心宜絕之而勿往執政柄者以爲苟不
往報恐開邊釁乃上疏屢數十百言備陳前代所以待夷狄之
道與今國勢之強弱事理之順逆以爲宜暫遣使以羈縻之使
我得以益修內治倘我以和往彼以惡來則足以增我師之直
氣 朝廷雖從言官之議而亦以公言曲盡事理云七年丙子
陞右春坊右庶子天順元年改通政司左叅議兼侍講是冬進
學士甲申選太常少卿兼侍讀學士修實錄充副總裁官成化

國朝列卿紀

卷之十一

三十一

田文
晉李

丙戌簡入閣叅預機務明年秋陞工部右侍郎又明年轉禮部
右侍郎俱兼學士定之明習練達備嘗世故居內閣再進密疏
皆國家大計凡處事公正而操履嚴謹視昔有加一日使傳旨
命製元宵詩定之據凡不停揮頃刻成四句七言詩百首以進
其敏速如此惜未究其所施云

大學士彭時云公襟度坦夷操履謙謹與人語色溫氣和惟恐
傷之遇人無貴賤大小一於恭敬自下若怯懦然至其居官論
事則根據義理詞鋒峭厲雖勇者弗及

尚書劉宣云公之學自六經子史下至小說雜技釋老之書無
所不窺終身猶成誦非他人彷彿記憶者比其爲文數百千言

援筆立就雄渾高古變化莫測逼真蘇氏父子者居多初年所
著經義及策略業舉子者家傳而人誦焉年十七八已名動郡
邑間比登進士遂名動天下不惟公卿輔相與士林中知之雖
武夫悍卒亦無不知之者求文者日踵門戶公皆曲爲應答不
少厭倦初北虜之變內外章疏無慮千萬惟公之奏爲人所膾
炙云性尤孝友微時苦家貧年弱冠卽授徒於鄉資束修以養
親每暮夜歸侍晝則赴學館一日水凍徒涉手足皆龜拆比就
館則早食已罷公隱忍至午方得食其貧困益如此既入仕卽
分祿歸養而已惡衣菲食無異寒士或以爲居侍從者不宜如
此公亦不能從其言也

國朝列卿紀

卷之十一

三十一

田文
晉李

復齋日記云永新劉文安公作宋論論宋徽宗崇尚老氏反覆
言釋老之不足信而極言世之人君奉其神養其徒竭生民之
膏血積山填海不足以侔其費而不免於危亡之禍可謂深知
其害者矣既知其害胡不一言以悟乎上以去夫生民之害以
弭夫危亡之禍乎文安在翰林院十數年執政數年非不得言者
夫不知而不言與不得言而不言猶之可也今既知之又得言
之而卒不言其何用托之於空言乎

閣學記云予自兒時五洪家君嘗誨以文安之受教於石潭君
也雖古人亦無踰焉乃取呆齋諸稿讀之郁郁乎盛矣及閱國
史乃見其昌言直氣卓不可撓沛不可禦昔人所謂此皆節義

文章可相屈耶惜乎用之既晚未究厥施西涯其知言哉
 萬安字循吉四川眉州眉山人長身魁碩眉目如畫外寬然
 長者而內深刻刺骨正統戊辰進士時 英廟命純選北方及
 蜀士為庶吉士凡二十人安與選授編修景泰三年以易儲陞
 左春坊司直郎仍兼編修四年陞右中允七年改尚寶司丞仍
 兼編修天順戊寅改翰林院侍講侍 皇太子讀書六年陞翰
 林學士成化二年丙戌主考會試三年預修 英廟實錄成陞
 少詹事兼學士初安同年在翰林者八人各為黨友惟安無所
 交李泰內臣養子也安專與泰相結為腹心己丑內閣闕人且
 欲用泰泰推安曰子先為之我不患不至遂薦安陞禮部左侍
 郎兼學士入未幾泰暴死安在內閣初無學術日以囑託貪賄
 為事又多結宦官為內援見所屬無問賢愚惟有內援者則用
 之十一年彭文憲公時卒加禮部尚書十三年喬文毅公裕去
 位安進首相加太子少保改戶部尚書兼文淵閣大學士 孝
 宗出閣改吏部尚書兼謹身殿大學士十六年加太子太保十
 八年加太子太傅二十一年加少傅兼太子太傅二十二年加
 少師兼太子太師吏部尚書華蓋殿大學士初稱德貴妃萬氏
 侍 憲廟於邸儲其父貴為諸城邑吏至是以妃貴授都督兄
 通亦為錦衣都指揮權寵震耀通妻王氏出入掖庭安喜同姓
 陰使人結通之妻往來於家為進妖僧繼曉以固其寵時江右

李孜省亦以小吏幻術與其徒鄧常恩俱驟躐要津安托孜省
 鄉宦學士彭華深相結納凡附已者百計拔之異已者百計去
 之一時詞臣若禮部侍郎邢讓祭酒陳鑑而方正之士如王恕
 馬文升耿裕秦紘皆相繼斥逐雲南土酋暴卒弄與米邦爭構
 據寶林以叛賄於安嚼其利即授以安撫而邊疆各積時內閣
 三人劉珣劉吉珣狂躁吉陰刻皆為天下所輕方昭德好奇詭
 中外有結內臣進寶詭則傳 旨與官以是府庫竭爵賞濫二
 人不一語爭救故時有紙糊三閣老泥塑六尚書之語吏部
 尚書尹旻左都御史王越與劉珣為一黨安與彭華為一黨互
 相詆傾久之安以計排珣斥去之越與旻亦相繼罷去山東人
 國朝列卿紀 卷之十一
 在朝者去之一空舉朝側目莫敢顯訟其過二十三年庶吉士
 鄒智進士李文祥中書舍人吉人皆論之安自票旨令吏部選
 除李文祥繁難衙門做縣丞著歷練鄒智與安皆蜀人智言安
 貪位固寵老無廉耻劉吉附下罔上漫無可否天下之小人也
 王恕彭韶天下之君子也尤忤內閣意御史姜洪文貴等各相
 糾劾俱不報御史湯爾差印馬詣內閣會勅安謂爾等曰近者
 詔書裏面不欲開言路我等扶持科道再三陳說方添此一段爾
 即上疏人臣之義善則稱君過則歸已安等乃歸過裏面而又
 佞臣等以扶持之說不知安所謂裏面者將何所指謂內臣耶
 謂朝廷耶乞追究所指且治其欺君誤國之罪爾俟 命司禮

監宣入內令跪聽命。鶴曰：「令鶴跪者果。」聖旨耶？太監命耶？曰：「奉旨。」鶴乃跪久之。疏留中，不出。太監曰：「可歸矣。」鶴以手拍地大言曰：「臣所疏皆經國大事，何為不見施行？」孝宗在東宮，稔聞其惡，及嗣位，至是於宮中檢獲所進疏，一小篋皆房中術也。遣太監懷恩携至內閣，示之。每展一卷，曰：「是大臣所為乎？」安慚汗不能出一語。已而科道劾之，懷恩以其疏至內閣，令人讀之。安跪而起，起而復跪，哀泣乞憐，無去意。恩令摘其牙牌，曰：「請出矣。」安乃惶遽奔出，索馬歸第。初，安久在內閣，不去，人或微諷之，答曰：「安惟一死報國，及被黜，在道猶看三台星，冀復用也。其無耻又如此。」安貪賄至鉅，萬安死，妾媵子弟懷以奔人家，無餘。

國朝列卿紀

卷之十一

三五

周祥

者卒贈太師諡文康，其子異為南京禮部侍郎，孫弘璧為編修，俱淫恣不檢，類其父，後相繼而死，絕嗣。
瑣綴錄云：戊申歲，縣丞徐項上疏請理。皇妣薨逝之由，以復不共戴天之讐，疏下內閣擬旨。大學士萬安、劉吉、尹直俱在。萬安皆不欲行，只請。上自處內，臣將本去，尹復謂曰：「非不准行，只請。」上示寬嚴輕重之意，庶好擬旨。批示諭三日，詢知本在御前，尹語萬安曰：「此本不出，徐必再言，或有他人言，必來問，所以不行，將何以對？今須請出擬行。」於是內臣將本來擬，尹擬法司看了來說，劉曰：「法司便要拿人，且着禮部尹曰：禮部吉凶禮文煩擾不暇，萬即依劉擬，禮部復本請拘萬家親戚內眷。」

經出入宮闈者，究問安實與萬家通好，懼甚。私謂尹曰：「我與萬家多不往來，尹慰之曰：「此事只宜寬處，若與大獄株連，蔓引豈先帝之意哉？」劉喜曰：「盛德之言也。」少頃，太監覃安等將禮部覆本來議擬旨，萬曰：「如何？」劉曰：「先帝存日，云云覃搖首不然久之。」目尹曰：「先生如何說？」尹徐應之云：「宮闈往事朕承。」皇太后泊母后宣慰明白，你每說的都是外面浮議，難憑訪究，姑從輕處。云云覃曰：「好遂如所擬不行。」

國朝列卿紀

卷之十一

三六

周祥

銓衡者十八九年選法公平，士有定守，萬安為內閣首相，深惡之。每語所親厚者曰：「言官有能劾尹同仁者，勿憂無大官做。」然畏服惟欲招權自專，遂生仇隙。尹旻由吏部侍郎陞尚書掌印，旻在吏部久，公論已歸。又壽光劉詡與旻同鄉，相厚亦在內閣，位並於安能持正論，安雖害旻為詡所梗，不得行及詡因易為安所讒，間罷免安，遂引尹直入閣，託所私道士李孜省讒旻罪下旻子侍講龍於獄，令旻致仕連及旻鄉里，故舊皆降謫。外補才望如侶鍾、張海、章亦在貶謫之數。成化丁未，孝宗登極，李孜省下獄死，尹直罷黜，臺諫交章論劾萬安極其醜惡。劉吉、亞安位素附安，因為之地，廢不行。庶吉士鄒智進士，祥中書舍人，吉人皆論之相繼貶卒。

殿學記云予讀國史見成化間保陞乞陞冒濫名器者無慮數千固已訝之及閱萬氏本傳安據內閣二十餘年嫉侮中正深於仇讐保養奸回切於骨肉觀其結萬通李致省輩以陰為之援而又斥逐鄒智吉人輩以陽張其勢自古權奸之禍人家國類如此易曰開國承家小人勿用可不鑒哉

瑣綴錄云成化辛卯十一月末旬彗見廷臣建言皆為君臣懸隔不通請時召內閣大臣面議機政彭可齋亦對司禮監官言莫謂上不得見雖諸老太監亦不得見以是內臣難於辭拒乃約一二日請上御文華殿召見眾先生但初見時情未洽淡不宜多言姑俟再見可說先生諾之至期約將入復約如初

國朝列卿紀 卷之十一

三十七

七

既見可齋言天變可畏上曰已知卿等宜盡心辦事可齋又言昨御史建言減京官皂隸與條文職尚可武官不免怨望急須傳旨仍舊以慰安之上曰卿即傳旨與該部萬先生連呼萬歲三人皆同聲叩頭復命光祿賜酒飯而退自後再不召見諸太監乃謂人曰常言不召見及見無一奇謀正論止呼萬歲四方因傳為口實曰萬歲閣老云蓋中官初懼有所言戒約至再後喜無所言反見譏諛然先是御史建言欲減京官皂隸俸皆承太監黃高風旨欲以此難京官不虞武職恟恟咸欲刺言者一時莫能解救及此召見得旨兵戶二部遂請裁處卒如舊不減人情始大安而言者亦自相慶惜諸公為中官所

証未及盡言所以相見之後益悔無及予在閣時常欲請面見萬循吉止之曰往年彭可齋每面見一語不答即叩頭呼萬歲不敢盡言今我輩每事盡言太監擇而轉聞無不允從勝於面對是亦有理

劉珣字叔溫別號古直山東青州壽光人幼穎悟氣識豪邁甫五歲時有一老人相曰是兒而有文類承字後必為相八歲能文過目輒成誦正統甲子科年十九以壁經赴省闈道經臨淄適河水泛溢僕馬俱溺水行半里餘神色自若人大以為異既而果高第乙丑會試弗利卒業成均大司成李時勉喜其才思敏捷每試居優等登戊辰彭時榜進士選入翰林進學改庶吉

國朝列卿紀 卷之十一

三十八

朱榮

士鄉先達許彬嘗謂人曰此子文有氣焰異時必為社稷臣已授翰林編修景泰丙子修寰宇志成陞修撰天順丁丑陞右春坊右中允侍東宮講讀八年甲申憲廟登極以舊寮陞太常寺少卿兼侍讀成化三年英廟實錄成陞太常寺卿兼侍講學士五年己丑主考會試十一年陞戶部右侍郎兼翰林院學士入內閣十二年丁酉陞戶部尚書仍兼學士十四年加太子少保戶部尚書兼文淵閣大學士十八年文華寶訓成加太子太保戶部尚書兼謹身殿大學士珣在講筵甚久受知憲廟呼為東劉先生特賜圖書其文曰嘉謨贊翊性剛直決天下大計一言而定利害不能奪然積忌傷人為士大夫所短二十

二年或構以飛語假俳優以中傷之珣遂乞休詔允之卒謚文和

閣學記云子觀東土志謂珣事親孝母沒廬墓時父曷在珣昧爽問安畢復詣墓所郡守李昂表其里曰仁孝豈即昌黎所謂出則秉笏垂魚入則問安侍膳者耶於乎孫子之昌固有本矣劉吉字祐之直隸保定府博野縣人號約菴自幼動履異常稍長讀書從江右劉御史克彥學穎敏勤勵甚見稱許正統丁卯登順天府鄉試戊辰第進士選入翰林為庶吉士尋授編修景泰元年庚午充經筵官預修君鑑七年再修寰宇通志成陞修撰天順丁丑英廟復位命祀漢文帝唐太宗諸陵已卯預修

國朝列卿紀

卷之十一

三十九

毛士遠

大明一統志庚辰鄭世子及涇陽王以事召至 命侍講讀時

憲宗為皇太子因 命侍講讀於青宮癸未丁內艱成化元年修英宗實錄起復至以吉舊官僚進侍讀三年丁亥實錄成陞侍讀

學士仍充 經筵官侍講讀 賜金幣等物五年己丑進禮部

右侍郎八年壬辰轉左侍郎明年夏旱遣祀東嶽等神十一年

乙未始 詔以本官兼學士入文淵閣參預機務十三年丁酉

拜禮部尚書仍兼學士明年加太子太保兼文淵閣大學士十

八年丁外艱去位 上特起復之因降 勅遣官召還視事時

孝宗在青宮 命儒臣修文華大訓以資講讀書成進太子太保

兼武英殿大學士尚書如舊尋進階光祿大夫勳柱國二十年

甲辰轉戶部尚書兼謹身殿大學士二十二年丙午進少保兼太子太傅二十三年丁未 孝宗即位再進少傅兼太子太師

吏部尚書大學士如故知 經筵事吉自入相以來阿附萬安欺上罔下漫無可否故庶吉士鄒智輩劾安必及吉至於臺諫指摘極其醜詆安既去位吉為首相盡逐排已者中傷之又善取名陽為正論以蓋陰私弘治二年己酉二月吉會同官上言邇者奸徒欲效李孜省鄧常恩之故術見月宿在畢天將陰雨乃奏請祈禱幸而留中以希進用謹按詩云月麗於畢俾滂沱矣書云月之從星則以風雨今月宿在畢雨降之徵也臣恐倖門一開爭言祈禱啓釁召亂咸基於此所有祝文臣等不敢奉

國朝列卿紀

卷之十一

四十

毛士遠

命庚戌又率同官上言邇者妖星出天津歷杵曰近宮室考之

圖史為兵為饑為水旱矧今南海修垣汝河修橋俱非急務宜停止以答天戒 上俱納之三年 憲宗實錄成以總裁之勞

加少師兼華蓋殿大學士其冬秩一品降 勅獎諭勲加特進

兼支大學士俸 賜資甚厚五年壬子修撰張昇上疏論之吉

至是以老數上章求退 上允之益加 賜資令有司月給米

五石歲撥僕夫八名仍降 勅護吉還鄉踰年癸丑疾暴作不

起年六十有七吉容貌魁偉舉止矧重性善記憶能歷道往事

為文章平實不浮凡考鄉試一會試二廷試讀卷三或 朝廷

大禮輒持節為使益入仕四十五年居 內閣者十八年當貴

榮顯已極為尚書時尤及封其父如其官而忌害忠直世多斥之

治世餘聞云劉閣老吉博野人屢平清議言官論之輒得溫旨人謂之綿花以其愈彈愈好也

雙溪雜記云弘治初劉吉用事威權焰赫無敢少忤其意者獨諭德張昇上章極言吉奸邪蔽主之狀且言其能駕馭臺諫聽其指使害人吉諷六科十三道交章劾昇陰沮言路調南京至

部員外郎吉初報復言官論已悉加貶竄而言官甘為鷹犬不一愧昇江西人中狀元後官至禮部尚書為劉瑾所逐致仕

又云弘治初言官論薦大臣必以王恕為首及論劾大臣指斥國朝列卿紀 卷之十一 四十一 田文

萬安必連及劉吉至於南京科道保舉王憲入閣乞速罷去萬安劉吉言尤激殊巡河御史姜洪專劾劉吉舉李東陽謝遷等

吉深卹之及王恕落至不得入閣而劉吉代萬安專政內外不合恕有所行吉從中沮之恕舉羅明丘胤吉以為私故舊票旨

云留邊方用時中官蔣琮等守備南京計奏給事中方向等劉吉報前劾已恨貶謫殆盡給事中周紘御史張昂南京教場點

軍數少不准破調守備官奏其刀蹬劉吉票旨令吏部調外任恕執奏紘昂奉 命點軍不宜調吉票旨云周紘張昂點軍不

到如何不即奏聞却乃展轉刀蹬挾制人已從寬調外任了罷恕復奏言天下大事賞與罰而已賞必當功罰必當罪此為

之良法也今不治失伍者之罪反責點操者之官後來何以使人哉吉不聽必欲調外任因不知外缺票旨張昂調南京通政

司知事周紘調南京光祿寺署丞後姜洪巡按湖廣令布政司抄案轉行漕運都御史秦紘論湖廣稅糧紘奏洪犯分刑科都

給事中陳琦等駁論紘數目不明十三道御史論紘剛愎吉票旨俱罰俸以事干大體令禮部會議調洪知縣其果於報怨類

此恕奏薦戶科給事中陳壽為大理寺寺丞吉諷御史論壽不諳刑名改南京光祿少卿恕又薦太僕寺少卿白思明為左僉

都御史巡撫延綏吉諷御史魏璋等論其不協人望調外任知府恕憤吉沮抑然不敢明言為吉所沮但屢疏辯明求退票旨

國朝列卿紀 卷之十一 四十一 田文 云不必深辯人皆知恕為吉所媚嫉畏其威權不敢言如魏璋

等為其鷹犬皆得京堂美官云 又云 孝宗封張后弟伯爵劉吉不從言必盡封王周二太后

家子弟乃可封由是 上惡吉權令自陳同事者票旨極其褒美 士皆塗之止留不允所辭四字發出及再陳遂致仕當時

好事者以為吉前票王恕辯本曰不必深辯今吉自陳本曰不允所辭四字對也相傳以為笑談蓋劉吉嫉害六卿雖未至如

徐有貞萬安之狠毒而怙權挾詐蔽上行私排抑忠賢亦自來所無者也

嚴學記云予讀國史謂吉沉毅能斷但所與遊者多讒夫以故

不聞其過廷臣不協於已者陰嗾言官劾之乏休休之量及讀月畢天津之疏又有不可撓者其然乎其不然乎

彭華字彥實江西吉安府安福縣人生負異質年十九領鄉薦景泰甲戌會試第一登進士第選爲翰林院庶吉士十七年修實

宇通志成授編修天順元年奉使靖江王府還戊寅與修大明一統志以多支廩餼坐除名賴大學士李賢救免八年憲

宗嗣位入侍經筵成化三年丁亥英廟實錄成以纂修校正功遷侍讀四年戊子充講官五年己丑進侍講八年壬辰擢侍

讀學士攝詹事府事賜金幣十三年修續資治通鑑綱目成遷翰林院學士孝廟出講儲官華首講大學尋掌院事十五

國朝列卿紀 卷之十一 甲三

年用內閣萬安薦超擢詹事仍兼學士十八年御製文華大訓成進講儲官加從二品祿嘗主考兩京秋闈再典會試文

衡兩充廷試讀卷官藻鑑詳明得人最多方復考會試有世家子在選殊墨卷不合華黜之失志者欲中傷之竟不能爲

二十二年陞吏部左侍郎仍兼學士入閣預機務制誥冊命多出其手本年驟得風疾上疏辭不允進太子少保禮部尚書

辭亦不允賜麒麟服丁未懇辭得俞旨歸就醫藥與疾出都城過闕門匍匐頓泣下沾臆歸未至以上太皇太后

徵號恩誥贈祖考如其官贈祖母妻俱爲夫人華才識超邁而深沉嚴重人莫窺其際實則坦亮可親平居不安語笑及

論畫國是從容應酬有餘裕窮計極慮者殆未之及焉然阿附萬安與妖人李孜省相比以故肆譏投間亟亟若狂如尚書李乘王恕馬文升秦紘侍郎邢讓祭酒陳鑑與其同鄉劉宜羅璟相繼斥逐華之力居多未幾卒諡文思

閣學記云予觀吉安志謂華才識超邁望重一時及讀國史累千百言皆極其醜詆又謂羅倫之逐張元禎之功皆原於華予不敢盡信姑存其著者

尹直字正言別號寒齋江西吉安府泰和縣人直在孕蕭夫人夢巨螭入室其將誕也族祖仲玉仲謙見其家紫氣騰上以爲失火既聞直生相顧賀曰亢吾宗者必此子也兒時頗異過人

國朝列卿紀 卷之十一 甲四

稍長爲文奇逸儻輩皆出其下景泰癸酉領江西鄉薦明年甲戌中禮部第二廷試賜進士出身改翰林庶吉士與修寰宇

通志丙子五月除編修天順收元奉命祭南海戊寅與修大明一統志憲宗御極充經筵講官與修英廟實錄初景

皇帝名號未定或欲從昌邑更始例直力辯不可成化丁亥實錄成陞侍讀上言典章制度必大備於文明之朝著述纂修當

不廢於承平之世我祖宗神功聖德雖登於秘史其儀文法制未載於全書雖有諸司職掌然遺略尚多更草不一欲示永

久曷萃大成乃若通鑑綱目起自周威烈上迄於五季茲宜續修以成巨典上是其言是年與校貞觀政要己丑春祀四陵

以 秀王主祭陪祀官循舊分行直言往者請大臣主祭陪祀者司分 王今編詰 四陵陪祭者尚司分陪祀官仍舊從之壬辰陞侍講學士所講必傳時政辭意誠懇 上每為感惜乙未陞禮部右侍郎南京地震廷臣疏請修省為直其為所陳多觸時忌同列頗難之直請獨任其責番夷人直想往年有遺賞數以萬計咸謂夷情宜勉徇直言給賞據當時名籍豈有遺者若一墮小人欺日之計將來何以繼之未幾來省果踵前跡眾益服其明決宣府左衛請度僧行百餘人直曰是皆在邊副卒豈可空什伍以充梵刹乎議通行諸邊禁止之內中以愛歸己亥服闋改南京吏部甲辰陞南京禮部左侍郎請法出欽

國朝列卿紀 卷之十一 四十五

天監生徒之冗濫者值歲旱 命大臣會法司獄獄過刻立異者往往猶欲從勸直謂深求淹繫豈緣旱 卹刑意耶由是多從輕宥蓋直所存平恕在兩京一再審錄閱情有可矜輒為辯救得減死論者數人丙午 召為兵部左侍郎會貴州守臣奏叛苗勢甚猖獗宜合兵亟勦之直言此必貪功生事者真有所指取苗勢未必然也力贊大司馬公請遣御史往勘卒以撫定是年九月改戶部左侍郎兼翰林學士入 內閣參典機務尋加太子少保陞兵部尚書 賜麒麟衣一襲直以首相萬安為知己遇事裨救為多一時 制語典冊亦多直手丁未 皇貴妃萬氏薨 上諭欲欽以黃且用后葬直與同官力爭乃止時占

城王子古來為安南所逼棄國至廣求援該部議令守臣送之還國直言遠夷為強國所侵其來想者恃我能為之主也若徒遣之歸而一無所處是棄之矣宜令大臣至廣審度事宜且勅責安南敦睦隣好庶不失以大字小之體因薦都御史屠滂往由是安南欽戰古來得領封還國邊情緩急直臨事以意籌之多中肯綮夏不雨直與同官疏致旱之由 上為輟建寺工役省禁中齋醮放宮女三百餘人逾二日雨各 賜官扇一上繪魏徵像書御製良臣賦蓋旌其言之善也尋以 皇太子冠為宣祝使遂 賜玉帶八月 憲廟上賓遺詔中有欲加一二語者其所關甚重直取天順甲申舊章示之乃止 孝宗既嗣大

國朝列卿紀 卷之十一 四十六

寶知直附萬安一日有 旨欲召用內監舊臣懷恩之在南都者直謂此非初政急務而其機已不可遏乃上章引避不允懷恩既至直與萬安蓋不可復留矣直歸老於澄江之上猶日以講學為事士大夫過者必被容接未嘗厭倦晚年氣體益壯步履如飛少年或不能及蓋居林下者二十七年八十有五而卒諡文和直身長偉貌望而知其為台鼎之器襟宇闊略議論英發文章豐蔚雄雉其氣充然與丘文莊公彭文思公舉進士為同年以博雅更相推服嘗同考會試者二考南京鄉試及會試者各一鑑別精確得人最多若謝文莊羅一峰程篁墩吳文定尤號稱魁傑之士平生著述甚富其傳者有澄江集名相贊南

宋名臣言行錄皇朝名臣言行通錄明良交泰錄瑣綴錄或謂江右李孜省用事直密與通為時所譏但其斥中使李毅之誣辯御史吳珍之寃人又稱之

立齋錄云初直為翰林侍讀學士一日禮部侍郎缺自歷城尹公素不滿直他有舉薦上皆不允內批以直為之翼日廷遇歷城舉笏謝之歷城曰公簡在帝心者自此結怨尤深已而直服闋到京適今少傅大司馬馬公為兵部侍郎被宦者汪直誣奏謫戍直以兵部非所宜為請補南京禮部未幾龍寢裝直經營再入歷城久不許直凡詩文詞語率寓嗟怨不平之意後既與李孜省黃景輩擠罷歷城及作丁未會試錄序末云登名

國朝列卿紀

卷之十一

四七

劉汝恩

是錄者異日有服大僚亦斷斷為休焉好惡用舍一循乎理視天下為一家中國猶一人俾無一賢不効於用云云世為有光於科目設或此町彼畦妬賢忌能且朋比媒婁自抵債僂為斯文玷亦何賴焉說者謂至此猶未忘情於歷城也

閣學記云予觀直所撰瑣綴錄力詆吳與弼之為人及諸勝已者悉加媒孽心竊疑之既而讀國史狀直之心如其所撰者不爽也

徐溥字時用直隸常州府宜興縣人景泰甲戌進士及第第二
名授編修天順元年丁丑兼司經局校書侍 東宮講讀成化
紀元遷左庶子兼侍講充經筵講官兼纂修 英宗實錄五年

陞翰林院學士十年甲午陞少詹事兼侍講學士十一年乙未主考禮部會試十六年庚子陞太常寺卿兼學士十七年辛丑再典會試陞禮部左侍郎二十二年丙午改吏部二十三年丁未 孝宗登極簡入 內閣陞禮部尚書兼文淵閣大學士總

裁 憲宗實錄同知經筵弘治三年庚戌復典會試四年辛亥加太子太傅戶部尚書武英殿大學士時岷藩訐奏知州劉遜詔逮繫言官救之俱下獄羣議洶洶溥方救之七年甲寅加少傅兼太子太傅吏部尚書謹身殿大學士進光祿大夫柱國乙卯命撰三清樂章溥率同官上言天子祭天地夫至尊無對故禮以少為貴祭不過南郊時不過孟春牲不過特牛漢祀五帝

國朝列卿紀

卷之十一

四八

劉汝恩

儒者非之况三清乃邪妄之說謂一天之上有三大帝乃以李昉居其一是謂人鬼列於天神非理也至於郊祀樂章 皇祖舊製今所傳樂章雖載永樂大典是書博采弗精不可以顯禮臣等誦習儒書若邪說俚曲尤所不習且初設文淵閣命學士居之者實欲其講議政事講論經史培養本源弼正闕失非欲其阿諛順旨以取容悅也疏上 上即從之丁巳總裁會典以疾辭十一年戊午 武宗出關加少師兼太子太師華蓋殿大學士在位以寬大稱但持守欠廉當時品曰金編修書編修蓋金不足珍尚古玩也其他壞典可知尋以目眚乞休卒年七十二特進左柱國太師謚文靖

守溪長語云徐溥在內閣承劉吉恣威福報私怨之後溥一以
安靖誠信中外咸寧海內和平行政不必出於已惟其是用人
不必由於已惟其賢時稱其休休有大臣之度溥常希范仲淹
置義田以贍宗族其子不肖多奪鄉人之田以充之溥沒未久
爭訟者紛然

治世餘聞云丙辰進士未開選時忽傳要選一十一人同舊進
士一人分撥五府錦衣衛修書人皆不測其由復訪知乃一上
科進士以養病應外選欲求內補百謀未遂聞徐首相溥好古
貨可通其人素雄於貲乃購古琴古畫并珍品投之首相遂誨
乃與太宰屠公瀟謀令各衙門纂修會典緣府衛皆武職恐采

國朝列卿紀

卷之十一

聖九

劉任

輒不備不若於在部聽選進士內擇其有文學者分撥前項衙
門俟書成皆准受京職屠以為然初進士登科不樂外選多幹
公差或養病因回以為後圖至庚戌以後執政建議除丁憂外
凡養病公差回或外選皆以下手一人為主其人下手實在外
選者故謀如此可謂巧宦者矣後得授禮部主事屢經彈劾固
不足深論但宰相如此可謂亦將焉用彼相者也

殿學記云于觀李文正公年譜見弘治間所上章疏皆出其手
而溥能用之及讀國史稱溥立朝四十餘年因事納約隨才器
使屢遇大獄保全善類從容委曲溫易寬裕乃知曹參丙吉雖
不踰於陳平魏相而培養國家元氣又不在彼而在此也十八

年之治固有由哉

劉健字希賢河南河南府洛陽縣人父任華州教諭時母張夫
人夢一偉人致上帝命持紫玉帶賜其家驚而寤猶有見也
時白夫人有身比寤則報生男生而頭骨隆隆起相貌奇甚教
諭公大異之性聰慧又絕嗜學自幼所與遊皆洛陽老生知名
者於是洛陽人長幼無不知名也景泰癸酉舉鄉試天順庚辰
登進士改庶吉士尋授翰林編修成化甲午進修撰丙申陞春
坊右諭德丁酉進左庶子丙午陞詹事府少詹事凡三任皆職
輔導 皇太子二十三年丁未 孝宗錄輔導功陞禮部右侍
郎兼翰林院學士入內閣參預機務賜胡騎夷奴戊申改元弘

國朝列卿紀

卷之十一

五

劉任

治 上始御經筵初知經筵事辛亥進禮部尚書文淵閣大學
士甲寅加太子太保賜麒麟服進武英殿戊午加光祿大夫柱
國少傅兼太子太傅戶部尚書謹身殿大學士庚申健率同官
上言曰自古願治之君必早朝晏罷日省萬幾 祖宗視朝在
黎明以前每日奏事二次邇者視朝太遲散本或至昏黑四夷
朝貢奚示觀瞻庶府文移多致擾閣矧今各邊啓釁四方府災
尤為可慮怠荒是戒勵精是圖庶可以回天意慰人心也 上
嘉納辛酉健率同官上言近有旨中官往武當山設像掛幡修
舉齋醮命臣等撰勅并祝文茲山宮觀像設已極壯麗若復差
官實為無益矧今災異迭出生民困苦苗賊肆亂軍旅方興糧

餉供餽猶恐不及君門萬里豈能悉知宜斥邪妄以遏無良報
罷癸亥加少師兼太子太師吏部尚書華蓋殿大學士甲子健
率同官上言近有旨欲於朝陽門外修建壽塔臣等竊惟人主
信佛莫梁武帝為甚卒餓死臺城信老莫宋徽宗為甚卒困斃
虜地本以求福反以致禍觀諸往事可為明鑒我 祖宗相傳
以治天下者堯舜周孔之道而已似此異端蠹財惑眾何關於
治欲造佛塔非所以訓天下垂後世也又令撰真人杜永祺等
誥命及封號臣等竊惟異端不可信誥命朝廷所以獎貞勵能
雖卿士大臣必待秩滿考最乃得頒給况 祖宗廟號不過十
六字親王及文武大臣有功德者謚號止一二字此輩何賢何

國朝列卿紀

卷之十一

五

王

能封號多十八字流布朝野傳聞後世皆曰此 朝廷所給與
儒臣所擬撰也天下後世其謂之何俱報罷蓋自戊午以來
孝廟之御極十餘年矣益明習機務勵精治平而健亦身任天下
無所私凡進用大臣及政事臧否必反覆密喻侃侃竭忠愫而
上亦推心委用未嘗不嘉納也時又引李謝二公同輔政 上數
御文華殿及平臺召健等奏對至則屏左右左右莫得聞時竊
從屏隙中觀但聞 上數數稱善 上性至孝雖望治切甚而
守憲承法不變易尤惡慘覈健等善將順德意每議及政令及
積弊與革必却顧遠謀省機而發使天下隱然受其福 上又
時語及官府欲創抑近侍權復 太祖舊然未暇輕動也乙丑

上寢病在床等至次內進御榻前執手欬飲令 太子侍立具膏
軍國重事命健等匡輔健等皆泣受命莫能仰視事具載秘史
中外大弗詳也 武宗即位改元健以顧命大臣翼新政承
先帝之後舉故事勸 上耕籍田幸太學冊大婚御經筵惠天下
百度振肅海內晏然屬逆瑾竊柄奸黨盤據國政日就廢健率
同官自劾上奏曰臣等俱以愚庸遭遇 先帝簡任內閣委以
腹心 臨終 顧命惓惓以 陛下為托臣等痛心刻骨誓以
死報及當初政竭力主持未敢輕易求退近者地動天鳴五星
凌犯星斗晝見白虹貫日羣災疊異併在一時京城道路白日
殺人西北諸邊胡虜猖獗損軍折將前後相仍戰則無兵守則

國朝列卿紀

卷之十一

五

杜

無食民生窮苦府庫空虚風俗頹頹紀綱廢弛賞不當功罰不
當罪法令不行名器冗濫諸司弊政日益月增百孔千瘡隨補
隨漏當此之際內外臣僚協心倍力猶恐弗堪方且持祿固寵
任情作弊諂謗公行奸邪得計變亂黑白顛倒是非人怨於下
而不知天變於上而不畏竊嘗歷觀載籍徧閱古今未有如此
而不亂者也恭惟即位之初 詔書一下天下延頸相望太平
而朝令夕改迄無寧日百官庶府做做成風非惟廢格不行抑
且變易殆盡建言者以為多言幹事者以為生事累章執奏則
謂之再擾查革舊弊則謂之紛更憂在於民生國計則若罔聞
知事涉於近幸貴戚則牢不可破以一二人之私恩壞百年之

定制而不顧以一二人之邪說破滿朝之公論而不恤臣等叨
 居重地徒擁虛銜或 旨從中出略不預聞或有所擬議徑行
 改易似此之類不能一一備舉臣等心知不可義所當言累有
 論列多不見 允比為兵戶等部議處鹽法功次等事具本上
 陳極言利害拱候數日未蒙 批答若以臣等言是則宜俯
 賜施行臣等言非則亦明加斥責而乃留中不報視之若無使臣
 等趨向不明進退無據深憂極慮寢食弗寧亦知內告外順人
 臣之常但政出多門咎歸臣等捫心反顧無以自明展轉於衷
 事非獲已嘗聞宋儒朱熹有曰一日立乎其位則思一日業乎
 其官一日不得乎其官則不敢一日立乎其位今勢窮理極已

國朝列卿紀 卷之十一 五三

至於斯若諉 顧命之名而不盡輔導之實因循玩愒竊祿苟
 容既負 先帝又負 陛下不但取譏當時亦將貽誚方來用
 是共瀝愚誠上塵 天聽伏乞 聖明矜察特允退休別選賢
 能代茲重任少追分毫之罪幸延犬馬之齡則 陛下優待舊
 臣之心勵精新政之義兩盡而無遺矣不報健又率同官上奏
 臣等竊聞委質事君者人臣之常職託孤寄命者天下之重任
 必處常而不失其身任重而不負其託然後可居之無愧若徒
 曠官尸位而假委質之名不能扶顛持危而冒託孤之寄斷乎
 其不可也痛惟 孝宗皇帝大漸之時召臣等至 乾清宮
 御榻前面賜顧命諄諄數百言臣等頓首拜受不勝嗚咽彼時司

禮監太監陳寬等實近聞之伏自 陛下嗣位之初臣等輔導
 啓沃多見施行少伸報稱近數月來往往 旨從中出略不預
 聞有所議擬徑自改易 詔書不信政令失中臣等叨冒 寵
 榮憂慚無地今不敢縷數姑以其重者言之商人譚景清等附
 托 皇親素計殘鹽既不肯奉 詔還官又不肯領回原價挾
 制 朝廷播擻官府沮 陛下之美政累 母后之盛德論其
 情罪死有餘辜且 皇親之家既已辭退家人引自此商人者
 已不相干而乃曲為庇護寧使帑藏空虛邊餉匱乏而不之顧
 此政令之失一也大同隨征所開衝鋒破敵三次當先二項揆
 之舊制俱不該陞況紀功官原開按伏不係對陣侍郎等官勛

國朝列卿紀 卷之十一 五三

得功無顯跡查無明証名字不對多寡不一而乃查近年獎政
 欲陞數百冗員以官法為人情視爵祿如糞土此政令之失二
 也 內府冗員奉 旨裁節倉書守門及分守守備等官減革
 者百無一二而南海子淨身人又選入千餘非惟傷財害民抑
 且敗壞風俗至於蟒龍玉帶濫賞無算大壞名器尤不可言此
 政令之失三也御用監書篆缺人吏部奉 旨考選乃令革退
 人役通送本監考校優劣是不信銓衡之任而信寵幸之臣况
 該部查出革退之人俱係貪緣轉陞奉 詔裁革幾不幾時遽
 開此例則匠官術士做倣成風以邪路為當行視 詔書為故
 紙此政令之失四也他如 皇莊田土已令巡按官查數又復

其小民貧困已極何以堪之此政令之失五也 駕帖出外
人屢經各衙門論奏恐生詐僞近因 皇親家人奏懇畿民
侵占田土祇憑一面之辭輒爲出給提解來京鎮撫司打問情
節俱與原奏不同未免仍解本處官司問理株連負累破家蕩
產冤苦之聲致傷和氣此政令之失六也 韋興齊玄蠱惑 先
朝盜空府庫罪大惡極一則黃緣分守屢劾不退一則奉請追
究止令取回遷延至今未正刑典此政令之失七也 各管執事
官軍及 內府軍匠各倉庫斗俱經奏 准查赴團營及各衙
門乞留仍復照舊廢營伍之籍供私門之用此政令之失八也
國朝列卿紀 卷之十一 李五
內庫承運庫銀兩支銷累數百萬 內庫支用不給印票該庫內
官自請查算竟爾不行司鑰庫銅錢該部屢奏支用展轉遷延
至今未發此政令之失九也 饒州磁器奉 詔蠲二年又令起
運來用此政令之失十也 似此之類未易悉舉臣等或傳聞坐
視無可奈何或封還執奏不能終止其爲失職實所難辭退思
先帝臨終顧命之言仰念 陛下委任舊人之意若涓埃之力少
有所裨犬馬有知猶當報德况 主少國疑四方多事豈忍潔
身去位自求便安但忠不足以格 君才不足以濟世智窮力
竭日甚於前頃者臣等所陳奉有 聖諭朕便處治至今事
未行今奉 聖諭云待斟酌行事必言無可採又使之仍

導亦不過仍前失職而已 先帝赫赫之靈臨之在上庶欲以
其肩輔導之虛名而蹈曠廢之實咎於此哉臣等再三籌度夙
夜靡寧陳力就列不能者止聞之古人亦有明訓與其身自壞
之不若讓之能者用是備瀝愚衷再申前請乞 聖明俯垂洞
察 諒臣等爲 國之心非由矯飾正臣等失職之罪特 賜
罷歸亟選非常之才俾任難爲之事庶可以上回 天變下慰
民心承 先帝付託之隆保 祖宗根業之重矣疏上 上付
各該衙門查奏革之未幾戶部尚書韓文首倡九卿共劾劉瑾
太監王岳范亨徐智內應健等亦助之焦芳趙瑾以健不附已
遂力攻之又希求入內閣反爲內地致 上震怒傳旨捕岳等
國朝列卿紀 卷之十一 五十六
繫獄令劉瑾入司禮監勢傾中外瑾等先嘗奏內閣專主大事
納賄行私及言文官欺壓內官軍職之事形於劇戲上久信之
至是遂令劉健與謝遷自陳准致仕惟李東陽獨留不出又榜
示天下指爲朋黨矯詔奪其官謫罰米復遂謝遷子丕而言者
悚息受禍矣久之瑾誅復原官還所罰米 上數狩邊又幸江
南健每聞必嘆息不飲食曰嗟乎使 帝暴衣露蓋自苦如此
而吾安處家食吾死無以見 先帝矣輒又憶弘治時事復不
語淚潛潛下也 今上嗣位改元詢謀遺老欲召用而健年已
九十不可強起乃 降詔存問明年遣撫臣就其第致東帛餼
羊上尊酒成化年健嘗掌 制勅比又修 兩朝實錄成又續

通鑑綱目總裁會典皆直質宏雅無溢詞又嘗主文試所第皆海內名士卽不第者不怨也教子務依儉音忠厚鄉里信而化之無間言賦性剛正理學深邃以伊洛爲宗任天下大事未嘗迂曲翊運 三朝夷險一節終輔 孝宗位冠羣臣天下想望風采卽所建立聲施後世至今雖深山窮谷語及弘治時事未嘗不太息殞涕也卒年九十四贈太師諡文靖太史氏曰 國朝監前代壅蔽之禍罷宰相官事歸六曹權在 人主迨 文皇帝時肇設內閣立大學士與 天子議機務可否稍稍有權矣然官不過五品比後乃至三孤領尚書職猶不得專制外事嗚呼慮深遠矣然自設立內閣以來稱賢相者前有三楊公

國朝列卿紀

卷之十一

五十七

陶仲仁

宣宗皇帝垂拱承弼同心君逸臣勞庶幾代天之吏弘治間 帝

卽位既久勵精思治登庸俊賢內則文靖暨李謝二公參議

朝政外則鈞陽華容洪洞浮梁諸公戮力陳列君明臣良此萬世

一時也迨 敬皇帝遽崩 武廟卽位逆瑾以黠悍竊政搆去

公等又罷諸大臣朝政反覆盡矣比其時內閣 顧命元老猶

知敬畏其誅瑾時卽人不私報瑾 上不聞交構言無先疑又

重違公等必誅瑾瑾誅公等未必去守法順流承 先帝之後

上雖好遊豫於政無損也此豈非天哉此豈非天哉或者謂公受

先帝命當以身殉國乃卽引身去爲公歉嗟乎蕭望之固漢元

且帝傳也計去恭顯竟誣望之下獄死其於漢事何如哉卽使

公不歸復抗節不諛瑾公必罹禍卽罹禍於瑾無後也徒重壞國體耳公旣諱不從義惟有去卽去後亦落職公益熟慮之矣嗚呼文靖始終之義備矣哉

雙溪雜記云劉健在內閣時河南則有馬文升許進劉宇焦芳李燧健雖同鄉而不阿比文升在兵部每以軍職官不堪委任欲添設兵備按察司官監之健屢止之票旨不准後因奏設九江兵備兵科都給事中夏祚論之今文升回話認罪許進爲戶部侍郎同平江伯陳銳統師出宣大禦虜畏怯嬰城自守無功罷進職致仕焦芳爲吏部侍郎建言禦虜四事健票旨云這本所言窒礙難行芳以爲愧李燧爲鴻臚寺少卿年深止轉太僕

國朝列卿紀

卷之十一

五十八

陶仲仁

寺少卿又何景明年少能詩人以爲首相同鄉必選入翰林無

疑健曰此子福薄能詩何用不取後景明除中書舍人官至提

學副使不壽卒自來居內閣不黨故舊僅見健一人

又云河南洛陽劉健自官翰林潛心理學不事華藻立心亦端

正自徐溥去後專代言之任以公平爲主絕無言議李東陽同

時在閣以詩文氣節援引名流私植朋黨健處之若不知誠可

爲君子人矣

殿學記云弘治間予從先大夫遊京邸既聞梅菴劉公當國正

色率下凡諸僚案謁私宅者不與交一言及入朝事關大義累

幾千言不輟及子登甲科列史館公尚無恙卒無一言干求思

遇豈古人所謂大臣與

大學士楊一清云公之學根極理性以伊洛為師書非正不讀發為文章務闡明義理羽翼風教刊落華藻而悉歸於純厚作舉業亦以理為主不逐時好門生受業多知近裏其主考鄉試同考會試廷試讀卷皆以為的故所得多名士

又云國朝名臣得謚文靖者尚書蕭山魏公驥年九十八顧未得柄用不甚顯少師宜與徐公溥顯矣壽纔七十二耳公位極人臣壽至九十四功成身退完名以歸其鄉者二十年有奇謂為古今之僅見者非邪

國朝列卿紀

卷之十一

五九

陶仲仁

用今日哭為使當日出一語則與我輩同去耳

丘濬字仲深廣東瓊州府瓊山縣人少孤力學天資過人六歲能詩弱冠著論謂許文正公仕元無能改於其俗又不得行已之道不仕可也者儒碩師見其論初甚駭之已而又深服以為先儒未有言及此者正統甲子舉於鄉為廣東鄉試第一名兩試禮部名在乙榜當授教職辭卒業太學祭酒蕭鎡深器重之為之延譽絲是名益重景泰甲戌復試於禮部名在前列廷試為第二甲第一名及選庶吉士凡十八人濬居前命讀書秘閣七年授翰林院編修自六經諸史九流箋疏之書古今詞人之詩文並在醫卜老釋之說靡不深究發之文章雄渾壯麗四方

求者皆至碑銘誌序記詞賦之作流布遠邇然非其人雖以厚幣請之不與天順七年兩廣用兵經年不決濬條列事宜李文

達公賢一見即代上之 英宗嘉嘆付所司舉行八年 憲宗登極充經筵講官成化元年陞侍講 命與修 英廟實錄或謂少保于謙之死當著其不軌之迹濬曰已已之變微于公天下不知何如武臣挾私怨誣其不軌是豈可信哉眾以為然功

過皆從實書之三年實錄成進侍講學士五年丁母憂九年服闋復原職十三年續修宋元綱目成陞翰林院學士濬自出已見撰史略謂朱子綱目以正統為主然秦隋之末有不可遽奪漢唐之初有不可遽予者乃作世史正綱以著世變之升降明

國朝列卿紀

卷之十一

六九

陶仲仁

正統之偏全有裨世教本年會祭酒缺僉謂非濬不可乃陞祭酒十六年加禮部右侍郎仍掌國子監事復謂西山真氏大學衍義有資治道而於治國平天下之事缺焉乃采經傳子史有及於治國平天下者附以已見作大學衍義補值 孝宗嗣位之初其書適成乃表上之 上覽之甚嘉批答有曰卿所纂書考據精詳論述該博有裨政治朕甚嘉之賜白金二十兩紵絲二表裏陞禮部尚書掌詹事府事且命錄其副付書坊刊行修憲廟實錄充副總裁官弘治四年實錄成加太子太保本年冬兼文淵閣大學士入內閣在位務以寬大啓 上心忠厚變士習凡人才進退政事屢舉一惟 祖宗舊典是循五年天變上疏

萬餘言大槩論人改元之初歲在戊申與洪武初元同符宜釐革庶政盡復舊規因擬二十二事陳時政之弊其略曰成化間彗星三見遍掃三垣地震無慮五六百次邇者彗見天津地震天鳴無虛日且異鳥三鳴於禁中考諸經史天變莫大於彗李在三垣三台尤為重地變莫大於震動在京師邊防尤為危急矧禽鳥動物得氣之先春秋二百四十二年書彗者三地震者五飛禽者二今乃屢見於二十五六年之間變不虛生必有其應天人相與其可畏也臣願體上天仁愛念 祖宗基業端身以立本清心以應務謹好尚勿流於異端節財費勿至於耗國公任用勿失於偏聽禁私謁以肅內政明義理以絕邪奸

國朝列卿紀

卷之十一

十一

明史

慎儉德以懷永圖勤政務以弘至治庶可以回天災消物異帝王之治可幾也疏凡十餘萬言 上命諸司議行又請訪求遺書 上皆嘉納洪武永樂以來凡百司朝 觀命吏部都察院考其尤不職者乃黜之不過數十人其後吏部患人言務以多黜為公方岳以下少有微瑕輒黜之黜者亦不敢訴濟深知其弊言於 上曰唐虞二載考績一考黜陟今有居官未半載而黜者所黜徒信人言未必皆實此非唐虞之法亦非 祖宗舊制也 上深然之會吏部上大小庶官當黜者幾二千人乃勅凡歷官未三載者俱復其任雖經一考非有倉暴實跡者亦勿黜蓋用其言也醫瘡有瘵疾往來其家者以失職怨家宰王公

怨奏訐其短衆疑奏出濟意科道以為言 上察其誣待濟益厚七年加少保兼太子太保改戶部尚書武英殿大學士以目疾辭不允八年卒於官贈太傅特進光祿大夫左柱國謚文莊官其孫營為尚寶司司丞濟性剛直與大臣論政議所未安必反覆辯論言官論事亦以是非詰之不肯媵矧取悅無歲不求歸前後凡十三疏 上皆不允問勞賜賚之使踵相接於門初經生文士以奇怪相高或不可句濟考南京鄉試及禮部會試凡怪辭險語皆痛斥之怨誹不恤也及為祭酒尤諄諄為學者言之文體乃復渾厚士有慕道德者或過為詭異之行以微名濟因考會試發策言之士乃知道以中庸為至詭異不足貴也

國朝列卿紀

卷之十一

十一

明史

其在太學論者謂師道尊嚴無愧李文忠公綜理微密則文忠公不及嘗謂朱子家禮最得崇本敦實之意然儀節略焉為考諸儒所言作家禮儀節使好禮者可舉而行朱子微言散見於傳註語錄學者率未易求乃采其精切者彙為二十篇做魯語作朱子學的其他著述甚富世稱博學為我朝之冠云程敏政敘其集曰先生懼學者之無本也有學的之編懼學者之不知變也有史綱之作懼學者之溺體而不適於用也有大學衍義之補其言鑿鑿可行行之可以興治致吾君於堯舜使吾道不為空言蓋其志如此蔡清曰先生博極羣書如巨海之吞吐百川含弘無際矣其才

華國名世者四十年晚際聖明登之台輔取其著書於大內以廣聰明權衡百度矣其道尊為國師門生學子遍天下矣自瓊以來所鍾人物未有如先生於乎其不為虛生也已

守溪長語云丘濬閣老於子史無所不聞而尤熟於國家典故議論高奇人所共賢必矯以為非人所共否必矯以為是能以辯博濟其說亦自恃其才故對人語滾滾不休人無敢難者其論秦檜曰宋家至是亦不得不與和南宋再造檜之力也論范文正則以為生事論岳飛則以為亦未必能恢復其最得者黜元不與正統許衡不當仕於元亦前人所未發也性好著述雖老手不釋書性剛褊不苟取亦恬於仕進年七十猶滯於學

國朝列卿紀

卷之十一

李三

陳松

士 孝宗即位乃進大學衍義補得進尚書李廣幸於 上因

之得入內閣與同僚爭每事欲有紛更時王恕有重望於天下濬每憎之會劉文泰劾恕或以為濬嫉之也以是尤為眾所貶理學名臣錄云公穎悟絕人私淑於趙考古無書不讀其為已之學見於朱子學的經濟之學見於大學衍義補至世史正綱以明正統大義家禮儀節以持世教大端 國朝大臣律已之嚴理學之博著述之富無出其右者乃不得預名臣之列議者惟以與三原王公晚年相軋為嫉計聞始於內宴坐列丘以內閣王以冢宰各執已意致隙適御醫劉文泰援例求進事下吏部議格因嫌玉璫疏摺撫其短以丘密授風旨王亦尋致仕

去而言者譁然指其悼亡長思錄戲劇五倫記此直陶靖節之閒情賦寓情文墨耳宋洛蜀黨禍亦自戲謔之一言夫以東坡固失矣伊川豈盡為得乎則二公是非判然矣

殿學記云國朝洪武建文間時則有若劉伯溫之閱大宋景濂之浩博王子充之醇正方孝儒之爾雅永樂宣德間時則有若解大紳之雄放胡光大之豪宕楊文貞之精密金文靖之沉渾正統景泰間時則有若李文忠之朴茂劉文安之該覈然皆麗藻豐腴未有若丘文莊之明體適用酌古準今裒然為一代文宗也自是以後若程篁墩李文正諸公益聞文莊之風而興起焉者或乃以劉文泰之誣而病之於乎豈知文莊者哉

國朝列卿紀

卷之十一

六西

石全

國朝列卿紀卷之十一

內閣行實

李東陽字賓之湖廣長沙府茶陵州人曾祖文祥法政憲... 吾術遂居京師東陽蚤負奇氣四歲能作大書 景帝召見命書龍鳳龜麟十餘字書奏 止甚喜抱置膝下賜上林珍果及內府寶鏹六歲八歲復兩召之試講尚書益稷篇惟荒度土功一段大義命肄業京庠天順壬午年甫十六舉順天鄉試甲申登二甲進士第一選庶吉士劉文安公見閣試炎暑賦嘆曰此文殆絕無而僅有者觀子之志殆欲為世用吾老不及見矣成化元年授編修三年與修實錄十年陞侍講十九年癸卯進侍

國朝列卿紀 卷之十二

周德 聖賢

講學士三十年充東宮講讀官二十二年丙午主考順天鄉試尋丁憂弘治二年己酉起復遷左庶子兼侍講學士四年辛亥預修 憲廟實錄成陞太常寺少卿仍兼前職掌翰林院事充日講官癸丑主考會試得汪俊為第一十七年甲寅擢禮部右侍郎兼侍讀學士典誥勅八年乙卯命兼文淵閣大學士預機務時安南侵占城國奏請命官往討 上欲從之東陽會同官上疏曰春秋王者不治夷狄安南雖奉正朔修職貢然恃險負固積歲已久今若遣官往至其國海島茫茫徒掉寸舌小必掩過飾非大或抗命若置而不問損威已多若問罪與師貽患尤大宜勿聽十年丁巳秩滿賜金犀帶時中官李廣以燒煉齋醮被

國朝列卿紀 卷之十二

周德 聖賢

寵東陽覆會同官上疏曰 祖宗自洪武至天順年間召儒臣咨議政事今朝參外不得一覲 天顏且經筵日講成就君德裨益治道今每歲進講不過數日去人君之心必有所繫不繫於此必繫於彼正士既疎則邪說乘間而入近有以齋醮燒煉進者此乃異端惑世之術聖王之所必禁宋徽宗崇信道流及金兵圍城方士郭京誑稱作法卒使乘輿播遷社稷顛覆求福不得反以致禍至若燒煉其禍尤慘金石之藥性多酷烈一入腸腑為禍百端唐憲宗藥發致疾雖杖殺方士柳泌竟亦何益今上清龍虎宮神藥祖師殿及番經殿皆焚燬無遺神如有靈何不自保天厭其穢亦已明甚昔李絳有言憂先於事可以無憂事至而憂無益於事矧榮感失度太陽無光天鳴地震草妖木異四方奏報殆無虛日伏望嚴早朝之節復奏事之期勤講學之功優接下之禮遠邪佞之人斥誣罔之說太平之業可保矣時武岡知州劉遜遠繫科道會奏 上震怒俱下獄東陽復同上疏救之 上為霽威召至平臺奏事始復舊制戊午皇太子出閣加太子太保禮部尚書五月復召問親定團營總兵官九月 清寧宮災東陽上疏曰近年以來災異頻仍內府火災尤甚或以天道茫昧變不足畏此乃慢天之說或以天下太平患不足慮此乃誤國之言或以齋醮祈禱為弭災此乃邪妄之術或以縱囚釋罪為修德此乃姑息之謀焚哉 聖聽莫此

為甚且賄賂公行賞罰失當紀綱廢弛賢否混淆工役繁興軍民困敝下情不達正澤不宣愁嘆之聲上干和氣災異之積正此之由越二日有為李廣乞紀額者東陽以為不可又召能仁寺僧入大內慶讚東陽又以為不可上俱從之已未程敏政典試給事中華泉劾之命東陽覆試壬申會典成賜玉帶十六年癸亥改兼戶部尚書謹身殿大學士甲子命祀孔子於闕里還朝上時政疏上命有司議行十八年乙丑孝宗不豫召入玉几前受顧命武宗登極凡詔冊謚議諸大制作皆出其手是歲之詔興革利弊禁治姦宄最為嚴正天下誦之尋加光祿大夫柱國少傅兼太子太傅戶部尚書謹身殿大學士丙寅國朝列卿紀 卷之十二

上倦於政皆近侍誘引為馳騁荒淫等事東陽同劉健等上疏曰近日視朝太遲免朝太多奏事漸晚嬉游漸廣夫奢靡玩戲非所以崇儉彈射釣獵非所以養仁鷹犬狐兔田野之物不可育於朝廷弓矢甲冑戰鬪之象不可施於宮禁使正人不親直言不聞而此數者交雜於前臣竊憂之矧六月中忽風雨飄蕩雷霆震怒正殿鳴吻太廟春獸焚壇樹木禁門房柱摧折燒燬災異尤甚惕然省悟側身履精庶可以回天憫人國家之福也不聽復同劉健等上疏曰先帝顧命惓惓以陛下為托臣痛心刻骨誓以死報邇者地震天鳴五星凌犯星斗晝見白虹貫日羣災叠異併在一時歷觀載籍徧閱古今未有如此而不

亂者且詔令廢格變易殆盡憂在於民生國計若罔聞知事涉於近幸貴戚牢不可破或旨從中出略不預聞或有所議擬徑行改易臣若諉顧命之名不盡輔導之責天下後世其謂臣何不報又上陳政令十失上付諸司議革之會府部科道疏請誅逆瑾不遂逆瑾矯詔逐劉健謝遷獨留東陽尋加少師兼太子太師吏部尚書華蓋殿大學士丁卯劉瑾擅權適尚寶卿崔濟御史姚祥主事張偉為邏卒誣執枷號於長安門外東陽上疏力救之命戍邊時聞內苑御船獵獸上疏曰今歲自端陽後金鼓砲火聲徹都邑廐牧廝役紛充禁廷大臣畏忌不敢言小臣震懾不敢諫不知祖宗分職設官朝廷康祿養士將焉用之昔漢司馬相如諫擊熊豕以為逸羣之獸與不及還轅人不能施巧非天子所宜近薛廣德諫御樓船以為乘船危從橋安聖主不乘危伏望鑒古道以端好尚視朝加早則炎暑不侵進膳有時則元氣日盛上褒答之戊辰六月給事中安奎御史張或忤瑾枷號東陽又上疏救都御史楊一清逮繫至東陽又力救之是月早朝罷有文一卷奏於丹墀侍班御史奏請查究乃錄瑾等過惡者上退坐東角門留百官不放班尋傳旨令跪瑾等面詰何人所為無肯承認者員暑忍餓久跪不能當當有仆地曳出死者數人矣申刻俱詔下獄究問者三百餘人東陽論救得釋瑾行新例逃軍連坐窩主鄰佑皆籍沒充軍遠近

民不堪命又強盜日衆欲并其家屬發遣充軍又連坐親屬禍且益甚皆極言稍得寬解又錦衣邏校於近京州縣捕盜不得併其無服親屬俱執送法司法司承奉風旨槩坐籍沒充軍又山東梁姓者自陳嘗捕盜七十人乞照例陞上官巡檢都察院覆奏請查舊盜七十家高主蘇佑俱照新例籍沒發遣皆極言之得免查究即此一二事所全活者不知幾千萬人矣瑾欲巧取橫斂因以窘迫文臣凡有公錯註誤者假以姑免提問為名各罰米以實邊儲士大夫畏其凌虐亦甘於從罰初自一二百石後漸增至千五百石坐是破家者衆東陽委曲開導瑾執不從乃從邊倉移為關倉地雖稍近猶不能堪後因瑾欲積

國朝列卿紀 卷之十二

五

陳瑄

天下司府州縣預備倉糧因言各官罰納者其在邊關多勞少益不若令於原籍預備倉上納却為實用遂免輸邊之苦其隨事應變潛消默奪使天下陰受其福者類如此四川鎮守太監羅籛請便宜行事瑾實主之力言不可因奏曰太祖高皇帝設官定制在外都布按三司都司管兵而不管錢糧布政司管民而不管軍馬又有按察司管糾劾問刑名而軍馬錢糧皆不得管其權蓋分而不專此 祖宗防微杜漸之深意永樂以後漸差都御史在外巡撫其有番夷去處則置鎮守總兵官又後差內臣一同鎮守撫安軍民防禦賊寇其權則同而不專故勅諭之詞曰會同計議停當而行毋得偏執違拘未有一人專制

方者且如四川所奏則王府宣慰皆其綜理夫以親藩之隆重土官之強悍彼心不服則釁隙必生又如舊有草寇生發則調兵征勦土官必須奏請所有關係尤非細故今既革夫巡撫若并付鎮守衙門任其進止非惟事體不便恐鎮守一人亦自擔當不起百五十年所未有豈敢一旦增添若天下鎮守比例而行則其所係又不止一方而已乃批出不許餘如所議又陳俊之得罪也瑾因以及漕運總兵官平江伯陳熊以濕潤米等項銀為贓遂至大獄必欲真之死地乃力爭之瑾謂熊所犯罪重不宜姑息東陽曰某誠姑息但非姑息陳熊乃姑息陳瑄耳瑄在 太宗朝開濟寧河道以通漕運有大功金書

國朝列卿紀 卷之十二

六

六

陳瑄

券子孫皆免死豈可盡革傷天下武臣心瑾曰國初功臣如常遇春鄧愈湯和董百戰之功今其子孫俱已革罷陳瑄不曾廝殺有功當代豈足深惜東陽曰漢高祖規定十八功臣位以蕭何為第一蕭何不曾廝殺但因供給餽餉不絕遂以為萬世之功蓋足食然後足兵使當時餽餉不繼雖百張良十韓信豈能助漢蕭何餽餉猶是一時爭戰之日陳瑄通南北漕運每歲四百萬石至京師誠國家萬世之利也瑾不答止革熊爵五年庚午六月旱霾東陽上疏曰近時威令大行中外悚懼但霜雪之後必有陽春雷電之餘必有甘雨此天道所當法也臣謹條上一曰寬逃軍拐馬之罪二曰寬僉書職員之罪三曰寬查

亂外賊罪四曰禁官校選織之罪疏上不報會真錯之變朝
將出師詔天下內一款取回各處差出官校瑾不然曰
是要革行事衙門此係累朝舊例如何可革東陽曰舊例行事
官校止在京城今差四外聲勢烜赫驚疑天下姦詐之徒因而
矯托真偽莫辨近已累犯煩朝廷處分若真者取回則偽者無
所自容矣因以天順元年舊稿示之瑾乃語塞八月十三日寧
夏獻俘既入東安門 上親賜宴勞太監張永乘間出懷中疏
奏劉瑾十七事且言其事多不軌 武宗震怒當夜遣人執瑾
次日早令太監溫祥等持永疏至 內閣讀畢徐問曰今當如
何祥輩曰已收逮矣東陽曰此聖政也天下望此久矣祥輩乃

國朝列卿紀 卷之十二 七

曰須傳 旨行之東陽乃援筆擬 進 上降旨瑾罪幾百餘
言皆應死律末云劉瑾所壞事情科道官指實來說翌日科道
列劉瑾罪惡三十餘條乃下瑾鎮撫司獄會鞫於 午門前得
其私製兵甲刻期起事罪狀明白坐謀反於是降 旨極言惡
逆罪狀特令凌遲三日諸被害者爭拾其肉嚼之須臾而盡天
下聞而快之於是時籍瑾書籍得 秦府永壽王為瑾慶壽詩
序中間稱謂過於卑諂 上怒甚欲降勅切責東陽上疏曰自
古治亂賊者正名定罪誅止其身昔漢光武平叛賊王郎得吏
民交通文書數千章不一省視會諸將燒之曰令反側子自安
歷代相傳以為故事當瑾專權亂政之時假托 朝廷威福以

劫天下生殺予奪惟其所欲中外臣民誰不屈意待之往來書
信禮意雖於律法有礙但因畏罪避惡多不得已情有可原况
王府懿親尤宜優待自非知情助叛法不可赦者其細故小過
亦須曲賜包容若指論罪實降勅切責則凡有書信饋送者不
知其幾傳聞各不自安或懼懼終身或遂致失所不可不
為之慮今劉瑾罪狀明白已正典刑伏乞 聖明洞察廣入涵
容將此壽詞置之不問并一應文書涉叛逆事情者并行燒燬
以滅其迹使人心安帖事體穩當 上以為然於是悉焚其往
返文字無延及者逆瑾既誅 上以東陽有反正功加特進左
柱國蔭其從子兆蕃為尚寶司丞復上疏曰天下者 祖宗之

國朝列卿紀 卷之十二 八

天下上天所付託生民所仰賴 高皇帝櫛風沐雨十餘年而
後定何其勞也 文皇帝南征北伐定鼎貽謀亦二十餘年而
後成何其難也 列聖相承兢兢業業罔有怠荒 先帝顧命
惟欲 陛下早嗣大位早成大婚光前裕後衍無疆之澤 聖
慮所及何其深且遠也臣願念上天付託者重思 祖宗授受
者隆體生民仰賴者切每於朝奏講讀之暇安處宮闈溥施恩
澤起居以節游豫以時保養天和培植國本則六氣莫能侵自
邪不敢近矣不報七年巨寇劉六衆至數十萬東陽晝晝宵晝
卒至底定加廢 子為錦衣衛指揮上疏力辭有獻密計者托
言京軍不習戰陣欲調宣府邊軍三千入衛京師而以京軍如

數成邊每歲春秋番換如班操例 上遣司禮監與谷大用至
 聞議東陽方辨以為不可大用等謂此事非我輩所為自有先
 入之言牢不可破盍姑試之以俟再議東陽曰某等職在論思
 預聞國計知其不可若勉強曲從即有後患獻計者不知何在
 而執筆者固存國事一壞雖死何贖往返再日乃具揭帖略陳
 其故曰宣府京師北門切近胡虜十分緊要朝廷屯宿鎮兵分
 地防守尚恐不給每年河南等處軍輸班備禦近因劉賊猖獗
 動調官軍乃是一時權宜亦非得已况今正是防冬時月縱使
 京軍在彼徒為勞擾亦難濟事 祖宗百餘年來未嘗有此恐
 傳聞四邊未免驚疑臣等不敢輕議如謂 聖駕看牲在邇欲

國朝列卿紀

卷之十二

九

晉金

比常加意竊見總兵郤永見在滄州宜令兵部密切行文暫帶
 領邊軍近京住劄事畢之日仍令還鎮庶事體穩當人心安靖
 乃下兵部會議兵部始以為可行及聞閣議乃知衆論多未協
 者覆議至再皆云不可而內意已定司禮監文書官迫令擬票
 云 上坐乾清宮門必欲今夜批出東陽等乃具題極言其不
 便因京邊官軍各有分地必有急事乃可互相應援今無事而
 動一不便也京軍備邊不習戰陣難保必勝恐傷國威二不便
 也京軍出京駭人耳目傳聞各處未免驚疑三不便也京軍在
 外倚恃強勢占住房屋索要錢物需索酒食強買貨物姦汗婦
 女將官護短而不肯禁邊方受害而不敢言四不便也邊軍在

內狎恩恃愛傲視軍民蔑視官府小則怠玩大則違法治之則
 或不能堪縱之則愈不可制五不便也遠近鄉井拋棄骨肉或
 風氣寒煖之不相宜或盤纏供給之不相續六不便也糧草之
 外必有行糧布花之外必須賞賚非緊急不得已之時為糜費
 無極之計七不便也往來交錯日無寧息倉卒之際或變起於
 道途厭倦之餘或患生於肘腋八不便也示京營之虛空見中
 國之單弱九不便也西北諸邊見報聲息唇齒之地正須策應
 脫有疎失咎將誰歸十不便也凡此一事不便者有此數端今
 五府以為不便六部等衙門以為不便六科十三道皆以為不
 便臣等以心腹之臣居輔導之地若阿諛委順勉強曲從是滿

國朝列卿紀

卷之十二

十

晉金

朝之臣皆有為 國之心而臣等獨當誤國之罪萬死不能以
 塞責矣伏望 聖明洞察博采人言稍俟從容務求至當實
 宗社萬萬年無疆之福也所有前項事情臣等不敢別議翌日乃
 內降行之遂乞休賜之勅曰君臣相遇自古為難卿資稟神異
 慧悟夙成爰自召見中禁應制稱旨名動四方遂以宏博之學
 斐英藝苑資歷既深聞望稱重遠我 皇考權居政府朝夕獻
 替便殿延訪平臺賜問有懷必吐無言不從不激不隨無私無
 比顧命付託感激知遇益竭忠勤委曲匡救西鄙戡亂兩河討
 賊崩謀勝美多所贊畫釐革弊政率循舊規樂育人才明揚善
 類代言宣意敷奏達情文學詞翰獨妙一時立朝五十年輔政

十八年清慎之操始終不渝自古大臣兼茲衆美者代不數人屬時艱方切倚仗乃以止足爲念章數十上重違雅志特賜允俞於乎功成身退卿自處善矣國有大政將就而問焉仍歷其從子兆延爲中書舍人十一年卒於家壽七十贈太師謚文正所著有懷麓堂集

尚書汪俊云畿甸羣盜勢甚張大王師屯德州惠安伯張偉不敢出提督馬中錫以鄉黨墳墓所在恐爲所脇制倡爲招撫之議司禮張永以問公憤然曰此賊本朝廷編氓悖理犯法非夷狄國比今攻破州縣拒敵官兵赤子遭其荼毒數千萬衆朝廷養兵百五十年用在今日無分寸效且方出師而以招撫爲計

國朝列卿紀

卷之十二

十一

高子

有血氣者宜痛心疾首而食不下咽也更有何說永等皆嘆曰老先生終是老成人議遂定

近峯聞略云少師西涯李公東祀歸上通達下情疏云請以所見喻之節用度如闡河然節一分則上有一分之益廣儲蓄如淵泉然積一分則下有一分之利惟在聖心一轉移之間而已人稱其引類親切善啓人主之聽者

大學士楊一清云先生孝友天至其素行金完玉粹名滿天下而自視猷然雖位極人臣而樂善如不及履常應變恒介特不易所守蓋其文意與功業並懋斷乎有以立於世者而謂其不本之德不可也

燕對錄云弘治十八年四月十七日 上召至殿問臣健等因奏曰今國帑不充府縣無蓄邊儲空乏行價不償正公私困竭之時鑄錢一事最爲緊要其餘若屯田茶馬皆理財之事不可不講也臣東陽因奏曰鹽法尤重今已壞盡各邊開中徒有其名商人無利皆不肯上納矣 上問商人何故不肯上納臣健等因極論奏討之弊 上曰奏討亦只是幾家臣東陽奏曰奏討之中有夾帶奏一分則夾帶十分商人無利正坐此等弊耳上曰夾帶之弊亦誠有之臣健等又言王府奏討亦壞鹽法每府祿米自有萬石又奏討莊田稅課朝廷每念親親輒從所請常額有限不可不節 上曰王府所奏近多不與皆對曰誠如

國朝列卿紀

卷之十二

十二

高子

聖諭但乞今後更不輕與則不敢奏矣臣健因奏曰臣聞國初茶馬法初行有歐陽駙馬者販私茶數百斤 太祖高皇帝曰我纔行一法乃首壞之遂實極典 高皇后亦不敢勸此等故事人皆不敢言 上曰非不敢言乃不肯言耳因言鹽法須整理臣遷等贊曰請下戶部查議上曰然明日降旨云祖宗設立鹽法以濟緊急邊儲係國家要務近來廢弛殆盡商賈不行各邊開中雖多全無實用戶部通查舊制及今各項弊端明白計議停當來說於是中外稱慶知 上意屬精思治如此 殿學記云予觀湯遂菴叙懷麓堂稿云高才絕學獨步一世如大河之源出崑崙至積石至龍門至底柱吞吐百川涵浴日月

頃刻萬變而不知其所窮邵二泉敘續稿云盛德嘉謨澤被海內如大將御戎不聞號令一節一麾無不如意嗟乎可謂知言矣予以為弘治間薄海外內泰和流行兵以不試為威財以不蓄為富刑以不用為治伊誰之力耶君子是以知文正不可及也

國史實錄云東陽在翰林以文學名前輩或忌之遷侍講學士數年不與經筵劉瑾威權日盛狎視公卿惟見東陽則改容起敬時焦方與東陽同官助瑾煽虐東陽隨事勸導去其太甚增鄭端簡云文正公慧悟夙成文章流麗代言敷奏明暢爾雅又能獎進才雋推挽聲譽風韻所漸人皆嚮附事 泰陵稱忠

國朝列卿紀 卷之十二

十一 蕭奉

勤 康陵時周旋曲濟保護善類清謹弗渝休休不專政歸卿寺人顧思之增

謝遷字子喬浙江紹興府餘姚人自幼穎慧異常見且志趣不凡皆以遠大奇之成化甲午鄉試為第一人乙未會試為第二人 廷試為一甲第一人授翰林院修撰奉詔入館進學勤而且謙為諸元老所重御史某驟陞都憲臺中循例請為文以賀峻拒之眾服遷正直不可妄干辛丑同考禮部一甲三人其二皆遷所取士人咸服其精鑑癸卯冬滿九載陞右春坊右諭德甲辰再同考禮部 孝宗統德春官慎簡侍從首及遷乙巳充經筵講官丁未 孝宗登極推恩官僚陞左春坊左庶子兼諭

林院侍讀仍加俸一級初開 經筵奉 勅為日講官與修憲廟實錄內侍郭鏞者請選妃嬪以備六官選言 上方諒陰豈宜有此俟山陵既畢徐議之未晚也 命禮部議如選言 上方勤學遷務積誠以開悟 聖聰每先期輒焚香莊誦如侍天顏及當講敷暢詳明甚稱 上意庚戌以省親請 上嘉其孝聽給驛往且 賜金帛為道里費辛亥 實錄成陞詹事府少詹事兼翰林院侍講學士加俸如前冬十月母鄉宜人卒癸丑父簡庵又卒訃聞皆蒙 特恩賜葬祭蓋 上念遷春官舊臣且在講筵 眷注甚切思有以柄用之矣乙卯春 詔以本官入閣辦事時猶未終喪八月服闋赴京疏辭不允且陞詹事兼

國朝列卿紀 卷之十二

十四 蕭奉

秩如舊蓋 皇太子將出閣讀書欲重儲端之任故以輔臣領之丙辰 命主會試所取多知名士是歲累有鶴袍犀帶之賜丁巳初修大明會典為總裁官戊午春 皇太子出閣奉 勅陞太子少保兵部尚書兼東閣大學士遷因上疏以親賢遠佞勤學戒逸為 皇太子勸 上嘉納之清寧官災上疏請修人事以應天變詞甚剴切且引咎避位不允已未 賜一品服太監李廣死欲例加 恩典遷力陳其不可辛酉虜犯大同遷疏安邊機宜以進 上即行之本兵慮軍興或國用乏欲加南方折銀每石三之三遷曰 先朝以官田稅至重故立折銀以寬之今若再加民不堪命矣蓋節用以紓用乏乎虜騎尋遁國用

不乏其事遂寢時 視朝稍晏諸司章奏或有不報者兼以工役頗繁遷累言之皆見 采納且有玉帶蟒衣之 賜癸亥會典成陞太子太保禮部尚書武英殿大學士武岡蠻寇平 賜俘奴一人甲子以災異再乞避位不允 孝肅太后崩因先年禮官預擬與 孝莊太后並祔 太廟至是遷請 命集眾議以正典禮尋別議如周姜嫄之禮立奉慈殿祀之識者多其贊襄之力時承平既久政漸寬弛而近習怙侈尤甚有齊玄者奉使武當山欲載激濁揚清便宜行事等語於 勅中遼東首將張天祥妄殺冒賞近倖欲曲庇之遷皆執不可至觸 聖怒不卹也內府各庫及諸倉場馬坊莅事內臣多作奸索賂民不勝國朝列卿紀 卷之十二 十五 梁華 曾子

經筵 賜冠帶衣履蓋追念 先帝遺命付託之重待遷等甚厚但近習蠹政漸不可長戶部尚書韓文率百官伏闕論之賴遷等主張於內將寘諸犯於法會事預泄遂不克遷等皆不能安於位矣十月再引疾乞休 允之賜 勅給驛月廩五石歲隸八名仍 賜金幣襲衣遷等既去吏部尚書焦芳入閣而太監劉瑾擅柄於內考急於倖進憾遷嘗舉王鏊吳寬而不及已瑾又以遷等先嘗裁抑其黨及今廷論之故尤切齒焉二人乃深相結納欲甘心於遷因遣偵卒四出伺察遷事竟無所得會鄉人有以賢良應薦者瑾謂違 詔格以爲遷咎與劉公健俱疏職又矯 旨令遷弟武選員外郎迪致仕于編修不除名且欲追奪 誥勅會瑾敗而止遷之去位也臺諫交章奏留皆逮繫詔獄備遭慘毒至死不悔遷既歸瑾意巨則人皆危之遷曰天佑 皇明我當無他不見劉元城之事乎遂處之裕如日與客圍碁賦詩以自娛若不知有憂患者歲嘗大饑出粟以賑貧乏族黨鄉閭賴之祠堂成每旦必具衣冠率子孫焚香恭謁忌辰必茹素祭物豐潔其儀一遵文公家禮俾世守焉庚午瑾誅詔復職致仕辛巳 今上登極臺諫連疏薦之遣行人齎 勅存問復其官廩與隸如舊而增其數焉迪起叅議丕復任翰林遷遣子正入謝 溫旨褒答蔭爲中書舍人時徐夫人卒正乞終制仍 賜祭葬如例癸未復令有司時加存問丁亥二月遣行

人陳侃齋 勅起遷於家且 命鎮巡藩臬敦促上道十月抵京 勅進少傅戶部尚書謹身殿大學士初大學士賈宏衰病將乞休曾具疏舉遷自代宏去而遂庵楊一清又以遷薦意若虛元佐以遷遷者天下皆相慶遷復入而賢一清之能讓及遷至京而一清以官尊不肯處遷之下乃竟違初志輿論頗少之遷在舟中曾具二疏大意以安靜寬厚為本及入 朝自度衰年且難徇時力求生還遂不果上然 上待甚隆嘗以天寒免朝參以除夕 賜御製諸詩以郊祀 賜錦緞大帶以疾在告遣太醫視藥餌道中官 賜酒米少間則遣鴻臚卿趣出視事而遷竟以疾辭乞休辛卯二月以疾卒壽八十三贈太傅諡文正

國朝列卿紀

卷之十二

廿七

壯喬

大學士賈宏云公器宇豐厚風神秀朗其忠誠端慤始終不渝所謂清白之操百鍊愈精剛毅之氣萬人必往誠如 聖諭也其學以明義理為先為文正大溫厚不事雕琢可以垂之不朽在 內閣時劉公敢於任事而資公之謀斷李公長於為文而資公之典則公可否其間不阿不激同寅協恭所以輔成盛治者端在是也

尚書朱希周云荆襄等處流民屯聚生育莫可數計而混無名籍成化初區處失宜幾至大變公深以為慮每與戶部議思有以處之後司徒韓公言於 上命刑部侍郎何公鑑往經理其事公撰 旨令隨宜安集附籍還鄉各從其願附籍者終得所

編戶已三十餘萬復有阻其事者遂中止識者恨之 焦芳字孟陽河南南陽府泌陽縣人天順甲申進士改庶吉士成化元年授翰林院編修十年陞本院侍講十九年陞侍讀學士時大宰尹旻在吏部久權勢所趨又子龍為侍講遂深相結納以擠南人且席其勢要市於人為清議所斥二十二年尹敗大學士萬安惡之坐比尹降桂陽州同知弘治初年遷霍州知州歷四川湖廣提學副使五年上疏奏辨請雪其愆陞南京右通政本年丁憂八年補原職再以憂去十一年起復召入為太常寺兼侍講學士十二年陞禮部右侍郎十五年轉左十六年改吏部左侍郎芳希進用建言禦虜四事內閣大學士劉健票

國朝列卿紀

卷之十二

廿八

壯喬

旨云這本所言窒礙難行芳以為恨益結閣賢以自固會吏部尚書馬文升去位管逆瑾遂晉吏部尚書凡陞遷除拜惟有內援者則進之未數月銓例悉廢公論益闕值逆瑾亂政號八黨大學士劉健謝遷會同戶部尚書韓文率百僚伏闕固爭將除之芳潛通於瑾預為之所緣是劉健謝遷韓文楊守隨等相繼斥罷黨勢益熾瑾遂引芳入閣表裏為奸凡變紊 成憲桎梏臣工杜塞言路酷虐軍民皆芳導之芳用事時有曹元劉宇者媚竈續貂咸溷政本芳為之與援暨充 孝廟實錄總裁官筆削任意凡先正名卿悉肆醜詆授意檢討段良以快其忿書成以舊恩例濫加至少師兼太子太師仍吏部尚書兼華蓋殿

學士初在吏部時郎中張綵與瑾同鄉故專任之及許進為太宰芳屢請託不遂積成仇恨遂力薦張綵與共謀林進勒令致仕綵驟致太宰賣官鬻爵名器壞溢又忌兵部尚書劉大夏迫岑猛賂既行瑾集大臣議欲寘之重辟諸大臣惴惴不敢吐一語獨都御史屠浦曰劉大夏何罪必欲文致之當具不應瑾勃怒罵屠惡語汝黨劉耶明日大臣以屠議奏瑾謀於芳及吏部尚書劉宇宇素嫉大夏者乃署劉輕議夷人遷徙與潘尚書菴俱發遠戍瑾初擬廣西邊衛芳曰是送二人歸也乃戍肅州其子黃中尤狂誕恣睢方廷試畢芳欲處以魁選既而衆論取呂梅為第一芳謂諸執事抑之遂入言於瑾改編修顧清等二十

國朝列卿紀

卷之十二

十九

廿文

餘人為部屬官授子黃中為檢討及劉宇之子仁等六七人俱為庶吉士黃中尋陞編修踰年陞侍讀時土官岑濬沒入家口有妹色殊甚芳聞求得之後臥病黃中聚廳人咸鄙之瑾伏誅言官交劾其罪父子皆概職為民中原盜起有趙鏊者入泌陽芳僅以身免盡發其先塚墓無遺骸取芳衣冠被庭樹歷數其惡命劍士齮之曰使吾誅此賊以謝天下議者謂盜賊猶知疾惡云

雙溪雜記云劉瑾既奪內閣權自東陽外焦芳等皆瑾所引用芳前為萬安所惡自翰林調除外任深恨之與南人相處如水冰炭及得柄用遂附劉瑾變舊章時弊多陰助之瑾自以內閣

官聽已用不復短之矣

王鏊字濟之直隸蘇州府吳縣人自幼穎悟不凡十六隨父讀書太學太學諸生爭傳誦其文一時先達名流咸屈年行求為友侍郎葉盛提學御史陳選咸有重望於時見而奇之曰天下士於是名聲動遠邇成化甲午應天鄉試第一主司異其文曰蘇子瞻之流也錄其論策不易一字乙未會試復第一入奉廷對衆望翕然執政忌其文乃置二甲第三時論以為屈授翰林編修閉門力學避遠權勢若將免焉九載陞侍講 憲廟實錄成陞右諭德尋晉侍講學士兼日講官每進講至天理人欲之辯君子小人之用舍必反覆規諭務盡啓沃方春 上遊後苑

國朝列卿紀

卷之十二

二十

廿文

左右諫不聽鏊講文王不敢盤于遊田 上為罷遊講罷常召所幸李廣戒之曰今日講官所指殆為若等好為之時 東宮將出閣大臣請選正人以端國本首薦鏊以本官兼諭德尋陞少詹事兼侍講學士既而吏部闕侍郎又遂以為吏部時北虜入寇上籌邊八事雖忤權倖而卒多施行公輔之望日隆於是災異見內閣謝遷引咎求退遂舉鏊以自代 武宗在諫閣內侍八人荒遊亂政臺諫交章中外洵洵鏊協司徒韓文舉文武大臣伏闕以諫 上大驚怒有旨召鏊等至左順門中官傳諭甚厲衆相視莫敢發言鏊曰八人不去亂本不除天下何由而治論議侃侃韓亦危言繼之中官語塞一時國論倚以為重然

自是八人者竟分布要路瑾入柄司禮而韓文遂逐內閣劉劄
 二公亦去矣 詔補內閣缺瑾意欲引家宰焦芳衆議推登瑾
 雖中忌而外難公論遂與焦俱入閣瑾方威鉗士類按索微瑕
 輒枷械之幾死者累累登亟言於瑾曰士大夫可殺不可辱今
 既辱之又殺之吾尚何顏於此由是類從寬釋瑾啣韓不已必
 欲置之死無敢言者又欲以他事中內閣劄謝二公登前後力
 救之乃皆得免大司馬華容劉大夏以瑾舊怨逮至京將坐以
 激變士官岑氏罪死登曰岑氏未叛何名為激變乎劉得減死
 或惡石淙楊一清於瑾謂其築邊太費屢以為言登曰楊有高
 才重望為國修邊乃可以功罪乎瑾議焚廢后吳氏之喪以滅

國朝列卿紀 卷之十二 王

迹曰不可以成服登曰服可以不成葬不可以苟景泰汪妃薨
 疑其禮登曰妃廢不以罪宜復其故號葬以妃祭以后皆從之
 當是時瑾權傾中外雖意不在然見登開誠與言初亦間聽
 及焦芳專事始阿譏彌不協而瑾驕悍日甚毒流縉紳登遇之
 不能得居常戚然瑾曰王先生居高位何自苦乃爾耶登曰求
 去瑾意愈拂衆虞禍且不測登曰吾義當去不去乃禍耳瑾使
 伺登無所得且聞交贊亦絕乃笑曰過矣於是懇疏三上許之
 賜璽書乘傳歲支月米以饒時方危登之求去咸以為異數云登
 既歸吳屏謝紛繁然山水之間究心理性尚友千古至其與
 人清而不絕於俗和而不清於時無貴賤少長咸敬慕悅服有

所興起平生嗜欲澹然吳中士夫所好尚珍賞觀遊之具一無
 所入惟喜文辭翰墨之事至是亦皆脫落雕繪出之自然中年
 嘗作明理克己二箴以進德砥行及充養既久晚益純明凡所
 著述必有所發其論性善云欲知性之善乎盍反而內觀乎寂
 然不動之中而有至虛至靈者存焉湛兮其非有也昏兮其非
 無也不墮於中邊不雜於聲臭當是時也善且未形而惡有所
 謂惡者哉惡有所謂善惡混者哉惡有所謂三品者哉性其猶
 鑑乎鑑者善應而不留物來則應物去則空鑑何有焉性惟虛
 也惟靈也惡安從生其生於蔽乎氣質者性之所寓也亦性之
 所由蔽也氣質異而性隨之譬之珠焉墜於澄淵則明墜於濁

國朝列卿紀 卷之十二 王

水則昏墜於污穢則穢澄淵上智也濁水凡庶也污穢下愚也
 天地間昭塞充滿皆氣也氣之靈皆性也人得氣以生而靈隨
 之譬之月在天物各隨其分而受之江湖淮海此月也池沼此
 月也溝渠此月也坑塹亦此月也豈必物物而授之心者月之
 魄也性者月之光也情者光之發於物者也其所論述後儒多
 未之及居閑十餘年海內士夫交章論薦不輟及 今上即位
 始遣官優禮歲時存問登疏謝上講學親政二篇其講學大略
 言 經筵固為盛典但停歇頗多上下之情未洽日講體分過
 嚴上有疑未嘗問下有見未敢獻徒為文具 太祖初定天下
 卽開禮賢館與宋濂章濂講論故 聖學高明詔誥皆出御製

仁宗設弘文館時至館中講論 孝宗經筵外每繙永樂大典西
銘等書嗜學士沈度書日數臨 陛下詹質天授宜於便殿選
學義著明者數人更番入直命閣臣領之 陛下時造館中屏
去侍從特霽天威從容訪問或經史傳集或論古今或論民間
利害疾苦間或遊戲翰墨詩文之類則日新月化有不知其然
而然者其親政大略言上下交則爲泰否則爲否永樂間閣臣
日造展前承顧問商確機密洪熙宣德時楊士奇蹇義等嘗奏
對便殿或議事榻前天順間李賢等時或召見弘治末屢召大
臣便殿議事望於文華武英殿令大臣或三日或五日侍從臺
諫各一員上殿輪對諸司有事啓奏據所見決之難決者與大
國朝列卿紀 卷之十二 三
臣面議之不時引見羣臣令皆得陳奏仍虛心問之和顏導之
俾人得自盡則天下事皆察然於前豈徒革近習之弊 上曰
卿輔先朝志切匡救朕在藩已知卿 覽奏具悉忠愛之意宜
善願養以副朕懷將復起之而蔡已沒嘉靖三年三月十一日
壽七十五贈太傅謚文恪士大夫惜其用之未竟云
史臣曰世所謂完人若震澤先生王公者非邪內裕倫常無俯
仰之憾外際明良極祿位聲光之顯自爲童子至於耆耄自廟
朝下逮閭巷至於偏隅或師其文學或慕其節行或仰其德業
隨所見異其稱莫或有瑕疵之者所謂壽福康寧攸好德而考
終命公殆無媿爾矣無錫邵尚書國賢公婿徐學士子容皆文

名冠一時其稱公之文規模昌黎以及秦漢純而不流於弱奇
而不涉於怪雄偉俊傑體裁截然振起一代之衰得法於孟子
論辯多古人未發詩蕭散清逸有王岑風格書法清勁得晉唐
筆意天下皆以爲知言陽明子曰王公所深造世或未之能盡
也然而言之亦難矣著其性善之說以微見其槩使後世之求
公者以是觀之
塵談錄云王守溪閣老在翰林院有名文章亦明暢嚴整嘗作
擬臯言其論修史一條切中今時之弊略曰班固死天下不復
有史矣古之所謂史者皆世守之人主所至執筆以隨其言其
動皆親見而親書之所謂信史也後世史官雖具員而無定職
國朝列卿紀 卷之十二 三
人主動靜遞不相及政事行移不及與聞惟易世之後則紬前
後奏疏而分曹書之且以宰臣兼領奏疏之語果皆實乎分曹
之人果皆公平宰臣之意果皆公且正乎且生於數十年之後
追書數十年之前其是非曲直皆茫然無聞或得之傳聞已非
其實縱得其實而亦莫能照其情偽或奪於衆不得書或迫於
勢不敢書或局於見不能書故一時君臣謀議勳業汨沒不傳
而奸險情態亦無能發其微以爲世戒而監領者又往往以私
好惡雜乎其間故曰不復有史矣
楊廷和字介夫四川成都府新都縣人成化戊戌進士改庶吉
士十六年授翰林院檢討弘治二年歷修撰四年陞侍讀九年

進左春坊左中允弘治十二年丁憂十五年補原職十六年陞左春坊大學士兼翰林院侍講學士十八年命同太常寺卿兼學士張元禎為會試考試官取董玘等三百人其榜得人比諸科最盛尋陞詹事府少詹事兼翰林院學士正德元年進本府詹事仍兼學士二年三月陞南京吏部左侍郎初武宗御經筵講書故事講解書義畢終必獻規諫之語是日廷和同學士劉忠直講既罷上謂劉瑾曰經筵講書耳何添出書外許多說話瑾與廷和等皆舊東宮官奏曰此二人當打發南京去陞二人南京侍郎是時南京無缺皆添注之雖若遠之實陞之也忠謂廷和曰此行須別瑾否廷和曰瑾所為如此不可再見之

國朝列卿紀 卷之十二 三五 鄧文謙 晉九十一

人知必以我輩交瑾矣忠深然之廷和密以錦幣辭瑾瑾曰劉先生不足我耶後瑾遂喜廷和而疎忠五月陞南京戶部尚書十月改戶部尚書兼文淵閣大學士入閣辦事三年八月加少保兼太子太保五年二月進吏部尚書兼武英殿大學士九年加少傅兼謹身殿大學士七年十月進少師華蓋殿大學士九年正月廷和上疏請早視朝御經筵罷邊兵西僧市肆等項奉旨早朝深居朕自處治經筵等項已有成規邊兵只照前旨市肆常理西僧舊制俱不必動二月寧王宸濠奏乞復護衛屯田兵部尚書陸完乘內閣部院大臣皆在東閣讀卷先於十四日覆寧王復護衛疏次日中官盧明以疏下閣擬旨過東閣言只請

揚師傳到閣諸公不必動勞廷和趨出票旨云既王奏缺人使用護衛屯田都准與王管業十年二月廷和等疏請重視朝嚴官禁上答以知之三月以憂去十二年十一月起原官仍內閣辦事大學士梁儲遜居已上十二月上時巡邊廷和言北虜不時出沒正統末年之事可為明鑒請回鑾不報十二年六月上復議北征廷和諫為乘不宜輕出不聽會上自稱威武大將軍令內閣草勅廷和等諫不聽十五年廷和同大學士毛紀上疏謂大祀之禮在正月社稷之祀舉在仲春孝貞皇后大祥在二月二日禮應即時拊廟今俱改卜至再甚為非宜天下朝覲官員吏部考察上請未奉定奪各官離任既久

國朝列卿紀 卷之十二 三六 鄧文謙 晉九十一

政務悉廢殿試進士之制亦已踰期自去秋聖駕南行至今八月有餘在京在外各衙門題奏俱未蒙發出施行伏望 亟賜頒師還京舉行前項大禮各衙門題奏文書早賜發出母致事務久稽至生他慮請回鑾不報十六年三月武宗不豫廷和等密請太后懿旨誅江彬籍其家定策迎世廟嗣位會世廟至京城御行殿廷和請由東安門居文華殿上箋勸進擇日登極上命從行殿受箋由大明門入日中登極初儀制郎中具儀注途啓上知此係楊廷和謂袁宗臯曰遺詔以一吾嗣皇帝非為太子此所具儀何謂也會命議與獻王主祀稱號尚書毛澄請之內閣廷和檢文獻通考漢定陶王宋濮王

事授之曰是足為據異論者即奸邪當斬七月進士張璠疏論
繼統繼嗣不同力詆朝議上令送至內閣廷和曰秀才焉知
國家事體復持入頃之 召廷和等人 論曰至親莫如父母
因授以 手勅曰卿等所言俱有理但朕罔極之恩無由得報
今尊父為 興獻皇帝母為 興獻皇后祖母康壽太皇后廷
和等退而上言禮謂所後者為父母而以其所生者為伯叔父
母蓋不惟降其服而又異其名也臣等不敢阿諛順旨仍封還
手勅既 御批加 興獻帝后皇字廷和等復上言恐紊一代綱
常拂萬世公論敢封還 御批若加皇字是忘所後而重本生
任私恩而棄大義臣等不得辭其責者願罷歸 上曰卿等所

國朝列卿紀

卷之十二

二十七

張十

言皆大義朕奉昊天至情不必拘於史志可勉錄皇號廷和等
倡九卿翰林科道連章劾張璠邪說願罷斥之不報嘉靖元年
壬午春以翊戴功加伯爵歷一子為錦衣衛指揮使辭免仍加
錄歷五月有 旨免日講午奏廷和上言人君一心關係最重
養之以善則智若聲色貨利一動於中則妨政害事其患不可
勝言伏望 皇上宮中無事不廢讀書以涵養此心其大學尚
書容臣等接續前所誦讀者甚進起止有疑召臣等詢問暇則
時臨古人法帖一切聲色貨利不使少接於前 上喜其言二
年二月以少師十二年考滿奉 手勅楊廷和輔翊朕躬勳勞
懋著特加大傅兼官仍舊還寫 勅獎諭賜宴禮部時上於欽

女媺修設齋醮廷和等上疏言臣嘗極言異端左道亟宜痛絕
及條慎始修德十二事具書殿廡今無故修設齋醮日費不貲
此皆先年亂政之徒艾鋤未盡妄引番漢僧道試嘗 上心夫
佛家三寶道家三清同一虛罔昔梁武帝宋徽宗敬信尊奉無
所不至一餓死臺城一囚繫虜庭近日劉瑾錢寧崇信佛教建
造寺宇極其華美皆殺身亡家求福未得反以速禍其無益有
損明矣然行香拜籙之勞孰若移之以御講筵設醮修齋之費
何不移之以周窮困乞留神斥遠左右奸人僧道罷停齋醮清
查冒濫恩賞 上納之又以直隸江北水災異常疏請集議賑
救併蠲一應歲派錢糧會內織染局奏乞依成化弘治年間例
差沐滄官二員請勅往蘇杭五府提督織造廷和等上疏言今
年直浙水旱異常稅糧尚真獨免若更差官織造工役何能措
辦非惟逼勒逃亡抑恐激成他變况經過淮揚邳徐諸府縣見
今高低一望皆水房屋田土槩被沖沒所在白骨成堆幼男稚
女稱斤而賣十餘歲者只可得錢數十母子痛哭投水而死官
司議賑而錢糧無措自今抵麥熟時尚數月饑民豈能垂首枵
腹坐以待斃必起為盜近傳鳳陽饑民哨聚劫掠莫敢誰何將
來事勢尚不可料所有勅書決不敢撰 上以織造累朝事例
令無再擾執拘時九卿六科十三道皆極陳其不可廷和等復
上疏曰臣等備員大臣不意 聖明一旦有此固當引避以明

國朝列卿紀

卷之十二

二十八

張十

言皆大義朕奉昊天至情不必拘於史志可勉錄皇號廷和等
倡九卿翰林科道連章劾張璠邪說願罷斥之不報嘉靖元年
壬午春以翊戴功加伯爵歷一子為錦衣衛指揮使辭免仍加
錄歷五月有 旨免日講午奏廷和上言人君一心關係最重
養之以善則智若聲色貨利一動於中則妨政害事其患不可
勝言伏望 皇上宮中無事不廢讀書以涵養此心其大學尚
書容臣等接續前所誦讀者甚進起止有疑召臣等詢問暇則
時臨古人法帖一切聲色貨利不使少接於前 上喜其言二
年二月以少師十二年考滿奉 手勅楊廷和輔翊朕躬勳勞
懋著特加大傅兼官仍舊還寫 勅獎諭賜宴禮部時上於欽

不可則止之義但展轉思惟不無庶幾改之之望臣等惓惓非敢瀆擾誠恐窮民不堪羣起為盜以擾天下亦非固執違拘所執者祖宗之法望 陛下遵而行之以保宗社勿與公議相違取譏後世况考洪武永樂至天順並無有此惟成化弘治間行之 憲宗 孝宗美政非一獨此非美者 陛下他不之法獨取此不美之政以為事例子且特旨雖出御批不知撰寫進呈果出左右何人之手 祖宗朝批答俱由內閣擬進惟正德年間權奸亂政始擅自改擬管求 御批以濟其私 陛下何忍墮其奸計復收壞祖宗之法度 祖宗天下至正德幾傾覆賴陛下再造軍民始獲甦醒今日豈堪更自敗壞報曰卿等所言具國朝列卿紀 卷之十二 三九 張棟 四十七

見忠愛恤民至意但業已差官第寫勅令安靜無擾三年二月以議大禮忤 旨力求去令致仕尋削籍為民

國琛集云楊廷和新都人久入閣漫無所建白人易之 武皇南巡天下洵洵倖臣竊國柄有狂生上書數其過公延禮生泣下曰久當不負良意已而 武皇崩於豹房安危俄頃禁從兵悉屬江彬公密與太監張永謀啓 太后請旨誅彬先傳令散軍士各就賞所彬覺顛蹙無人遂就擒乃定遣迎 世廟禮下詔紀元釐正國條裁革傳奉乞陞及濫役月省食糧十六萬餘鄭淡泉曰 康陵時劉公鞠躬盡瘁以匡其始楊公撥亂反正以扶其終或去或不法均之為大臣或曰公之議大禮也可以

許其忠而未敢以許其妙若處康陵之朝非但人不知其妙而亦不能信其忠是以當時知公者僅僅有李文正梁文康費文憲數人耳文正必得公而後敢一去梁費二公亦必得公而後敢即文則公所係何如哉 增

劉宇字志大河南開封府鈞州人成化壬辰進士十一年授上海知縣有智術善炫風迹獵聲稱大宰尹旻擢監察御史弘治元年陞瑞州府知府居官無善狀歷遷廣東副使山東按察使俱匿情市交而人不知其險詐十三年大學士劉健薦之進右僉都御史巡撫大同地方十四年陞右副都御史仍舊任十八年宣大缺總督吏部尚書馬文升以同鄉薦總督宣大軍務兵國朝列卿紀 卷之十二 三九 四十七

部尚書劉大夏素薄之因 孝宗召見言宇在大同私養官馬饋送權貴 上密遣錦衣衛百戶邵琪往察之以養馬未送回奏司禮監掌印太監李榮亦河南人解之得免究後又召劉大夏因言天下何時太平大夏對曰求治不宜大急但凡人行政有疑者召閣下并執政大臣面議停當行去自然順理便是太平 上曰大學士劉健嘗薦劉宇才堪大用以朕觀之此小人也豈可用哉以是言內閣亦未可盡託及馬文升屢欲引進之竟不可得正德二年逆瑾勢傾中外宇附大學士焦芳結瑾人為左都御史掌院事尋轉兵部尚書加太子少保又托保國公家人朱瀛者交通逆瑾日與兵部說關節四司官不附守者

言於瑾必傳 旨令外補故四司官公然旅附矣時兵部郎中楊廷儀能文又大學士楊廷和弟宇利其文學又圖結廷和凡章奏皆令廷儀草之廷儀主議武舉改文場考試策論用翰林官為主考宇欲因議以自顯遂令廷儀具草欲依倣唐之增置宋之詳定事參酌會殿二試事例少加損益每遇文舉會試之年亦將武舉預期行移南北二京并十三省令其轉行軍民大小衙門出給告示曉諭各色人等如有究極韜略精通武藝身家無礙堪應武舉者或隱於山林或育於學校或羈於戍卒或系於仕籍各赴所在官司投報籍貫脚色查審明白屬軍衛者禮送該管都司屬有司者禮送本布政司俱送巡撫都御史并

國朝列卿紀

卷之十二

三十一

鄧日林

巡按御史其南北二京亦令軍衛有司送南北直隸巡按御史帶管考試所考人材如果謀略弓馬可取就令各該衙門禮送兵部會萃數目請於次年夏四月開科兵部堂上官并提督京營總兵官總領大綱兵部司屬官分理衆務初九日初場較其騎射人發九矢中三矢以上者為合式十二日二場較其步射亦發九矢中一矢以上者為合式俱於京營將臺前較閱十五日三場試策二道論一道於文場席舍內試之照依文舉梓其姓名錄弓馬策論之優者裝演成帙題曰武舉錄進 睿覽上准行之至今以為例戊辰會試宇子仁與焦芳子黃中各囑考官取中式廷試又欲規一甲會翰林衆官取定呂柟景暘戴大

實不肯易遂列黃中二甲第一仁第四欲選翰林賄逆瑾矯詔自仁三名以上俱為編修又陰鷲害人除異已者先御史王時中巡按大同宇為賊吏祈宥不從憾之承瑾言矯詔逮之令荷重枷露立法司之前三日數踏且殆閣臣力救乃釋遣戍鐵嶺衛及欽改吏部值吏部尚書許進公直不附瑾而實不與抗朱瀛謀逐進以宇代之因進薦雍太為南京戶部尚書乘間言於瑾曰許尚書佯為恭謹而外示抗直如雍太平日剛暴為山西按察使辱打知府為都御史巡撫宣府辱打參將 朝廷屢貶不用今欺公舉用却又揚於外曰公因太同鄉用之非吏部不意瑾大怒立召郎中張綵入內詰問雍太貶謫來歷如何不備

國朝列卿紀

卷之十二

三十一

鄧日林

入奏內綵曰奏稿備載許尚書塗之瑾索原稿視之果然於是進為詐直票旨屢以欺罔斥之進懼遂乞歸隨矯 旨改宇吏部尚書宇在部以張綵為腹心一切中外大小官員陞擢除拜之政令惟逆瑾是從賄賂公行蕩無法守又力除異已者士論共忿恨之四年焦芳老病致仕瑾取宇入閣驟加少傅兼太子太傅吏部尚書文淵閣大學士凡變亂成憲毒害忠良沮塞言路皆宇附之逾五月以公論不容致仕及逆瑾伏誅臺諫交劾以廷和有舊恩極力護之得保全而黨瑾之罪論者謂不減於焦芳云曹元字以貞直隸和州含山縣人大寧前衛軍籍成化乙未

士為人卑瑣柔佞突梯滑稽素無善狀初授戶部主事歷工部員外郎郎中簞簋不飾素結閣豎又與逆瑾親舊自逆瑾侍

武宗於青宮極力維持於弘治末年驟陞浙江右叅政河南右布

政使山東左布政使俱荷祿媚世及逆瑾司柄進右副都御史

巡撫甘肅正德二年改撫陝西遂召入兵部為右侍郎轉左三

年尚書劉宇改吏部復陞元兵部尚書兼督團營尋加太子少

保時紀綱紊亂賄賂公行外事則委劉宇武事則委元凡大小

文武官員陞遷除拜皆以賄求及抵任各官浚削民膏以償債

負至總兵將領又毒刻軍士慘不可言而國家大權敗壞極矣

未幾劉宇與元俱入閣元兼文淵閣大學士卒之寧夏肇亂山

國朝列卿紀 卷之十二 三五

東河南四川江西等處盜賊崛起雖瑾為首惡於五年伏誅而

劉宇與元猶倖脫天罰僅黜為民君子猶有餘憾云

劉忠字司直河南開封府陳留人成化戊戌進士授翰林編修

性峻少通行方寡合一介不苟得惡人趨競自處常過抗貴人

亦力抑之在翰林歷侍講幾三紀始拜侍講學士十八年進翰

林學士掌院事正德二年為講官每附經義規 上闕失及諷

時政不得在內傳 旨陞南京禮部侍郎已中貴人知其高節

進本部尚書本年改南京吏部尚書南部大率閑佚居官者自

名吏隱忠毅然持風裁越閩晉人革役者貨縣胥竄名吏籍中

上部往往冒官去忠命四主事稽厥籍年經月緯究意接代凡

革罷千人雖仕者亦追論除名庶寮滿秩為署考必當實御史

某恃勢驕橫人皆憚屈忠署下考郎中某瑾黨張綵私昵者也

乃署考曰守已垂於士論行事拂乎人情自是諸司弗飭者惴

惴焉縮其縱恣少師焦芳亟薦其賢瑾傳 旨徵改吏部尚書

兼翰林學士掌詹事府一見不相合瑾誅始被推入內閣尋加

少傅兼太子太傅吏部尚書武英殿大學士是時政權在閣永

大臣改事瑾者事永忠臨政持重申法同事者忌而擠之永令

其黨廖鵬來謁遇以僕禮又却其餽忠畏最內外怨在位不滿

三月乞致仕同事者恐其得美名尼之乃託祭掃請假始得歸

杜門不交世事 世廟入正大統兩遣行人同洛陽劉公健存

國朝列卿紀 卷之十二 三四

問上疏陳 謝願緝聖學守 祖訓進忠直抑邪諂開言路選

將帥惜賞賚罷土木其於馭朽履水眷然剴切又請時御 文

華召輔臣及九卿長貳及巡撫藩臬來朝者各疏卓異直寫知

見無墮毀譽卒諸御屏而時拔之其用世未盡之蘊豈悻悻長

往不復預人間事邪卒贈太保諡文肅

祭酒鄒守益云近習導 武廟初搖成憲公嘆曰吾講讀舊臣

也疏戒逸遊崇聖德力攻近習及乞休慰甚渥復嘆曰陳力就

列不能者止吾不忍強顏以負初心以干清議

太常卿魏校云公留意人才嚴於考蹟臧否俱精當人不敢干

以私風裁肅然為南都之重可謂名卿矣

閑錄云公言薛文清言二十年治一怒字尚未消磨得盡以是知克己最難蓋籠暴之氣不惟損德召尤其損身尤甚乎平生被此字害最多因書公言為師訓

燕對錄云正德六年四月十三日講畢復 召至暖閣叩頭畢上取會試錄一本付司禮監太監張永授臣東陽等內有白紙票粘於錄上者三處指摘所刻文章錯誤處 上曰今欲別有施行但念衙門體面恐不好看但與先生輩知之耳臣東陽捧錄叩頭出至暖閣門外留寘案上少頃永令內臣送至閣是年大學士劉忠累疏辭疾未允強起主考試事出院後即省墓已得請是日 陛辭聞此事而去抵家復上疏乞休致蓋已有先入國朝列卿紀 卷之十二 三五 陶見 四百五

之說矣 侍郎崔銑云銑初入翰林謁少傅于高坡私第公慨然曰古稱人匹士雖當流離困絕不敢非義取財况居祿食者乎許襄毅公論當世人物獨推章公懋雍公太襄毅語銑曰子初任慎事大夫翰林惟司直一人耳其見重名流如此夫 梁儲字叔厚廣東廣州府順德縣人自幼穎異不凡篤於孝友弱冠博學能文成化戊戌會試禮部第一 廷試二甲居首改庶吉士十六年授編修二十二年尋兼司經局校書侍 孝廟於東宮日進講讀多所啓沃丁未充會試同考官旋丁內艱暨外艱弘治辛亥服闋進侍講與修 憲廟實錄成進司經局洗

馬壬子主考順天鄉試復侍 武宗東宮講讀戊午主試應天是歲冬冊封安南國王充正使輕裝冒險兼程以進至則宣布德威竣事亟反安南利盡南海故多琛貝犀珠之餽公一無所受安南國人相顧動色曰中朝多廉士一至此邪庚申九年考滿遷翰林院學士辛酉再主試順天壬戌奉 詔教庶吉士造就之功居多與修 大明會典書成進少詹事仍兼學士本年遷吏部右侍郎奉 命充正使冊封魯藩正德改元 詔纂修孝廟實錄及會典俱為副總裁遂轉左侍郎明年遷吏部尚書兼學士專典 誥勅掌詹事府事又明年戊辰主會試時逆瑾竊權專恣有不附己者輒以計去之乃指摘會典紕繆貶為吏部

國朝列卿紀 卷之十二 三六 陶見 四百六 右侍郎實錄成復尚書兼職如故瑾猶憾公不置摺摭媒孽欲中公以危禍而難其辭俄有 旨調南京吏部尚書加太子少保實厄其進也公處之裕如五年瑾敗 召復官兼文淵閣學士權居內閣參預密勿既至進武英殿大學士加少保兼太子太保尋進少傅兼太子太傅謹身殿大學士廕一子錦衣世襲千戶公辭改尚寶司丞又辭改中書舍人又固辭弗允甲戌再主會試凡六司文衡藻鑑精審防範詳密所取士號稱得人六年考滿加少師兼太子太師華蓋殿大學士先是石齋楊公首秉 朝政以父喪去位公言於 武宗勅遣行人慰諭 命有司即其家督促上道楊公至公遜出其下士論多之奉 詔奉

安 孝貞皇太后梓宮於茂陵公損益會通一裁之於禮 武宗之將幸宣大也楊公暨敬所蔣公皆在告中外洵洵莫敢先發公與東萊毛公極諫於左順門內繼之以泣既而毛公亦在告公獨 廷爭累日不得 命陝西親藩有請良田為牧地錢寧江彬及宦官張忠輩受重賄請 上許之兵部及科道交章執奏謂 太祖高皇帝有禁茲田不得畀藩封 上曰朕念親親與之勿為間言大學士楊廷和蔣冕皆引疾不出梁儲曰如皆引疾如國事何是時 上震怒令內臣督促草制儲承 命上制草曰昔 太祖皇帝著令藩封不當益以土地土地既廣將多畜士馬奸人誘為不軌不利 宗社今王請求懇篤朕念國朝列卿紀 卷之十二 三十一

親親畀地於王王得地宜益謹侯度毋收聚奸人毋多養士馬毋聽強人誘為不軌危我社稷是時雖欲念保親親不可得已王其慎之母忽 上覽制駭曰若是可虞其勿與事遂擬眾謂儲一草制間有回天之力會 上自稱威武大將軍鎮國公朱壽巡邊令內閣草勅大學士楊廷和同儲力諫不聽屢使促勅廷和稱疾不出至是 上御左順門面促儲儲奏曰勅不敢草上曰何乃逆命對曰凡事可將順獨此勅不敢草 上曰何不敢對曰 陛下為君乃自卑而列於臣臣草勅是以臣名君故不敢 上大怒手劔立曰不草勅齒此劔儲免冠解帶伏地流涕曰臣逆命有罪願就死若草勅則以臣名君臣死不敢奉命良

久 上釋之時禮部尚書李遜學等廷議建儲居守朱寧陰受寧王宸濠賂謀入寧王世子司香太廟江彬亦欲立所厚遠藩各陰有所主張儲厲聲曰 皇上春秋鼎盛建儲未宜輕言萬一有他吾輩伏斧鑕矣邪謀豈可聽徇王瓊王鴻儒亦助言之議遂寢已卯考一品九年滿進階特進光祿大夫勳左柱國兼給 誥命褒諭 賜宴禮部會江西兵變 大駕南征公與蔣公扈從至南都凡七請回 鑾不報時且郊公與蔣公謀曰既郊則返無日矣遂疏言兩都 郊祀 祖宗配位不同典章位置不可紊且 天子主豐廢北而南 神必不歆乃不果郊遂定議北歸公復跪請於 行宮西階中使傳諭者再四公弗起國朝列卿紀 卷之十二 三十二

得報乃起時師行所過繹騷有司供役勞費公悉散遺之民得少息弗及於亂中道既自劾罷抵京師再疏弗允公乃疏言老病宜免且妻喪未葬先隴未修辭旨懇切竟優詔勉留而遣使為治葬修墓且 賜之祭未幾與羣公受遺命定策 世廟自與邸入正大統奉迎勸進公與有力焉既而外議謂儲黨逆濠復護衛不知主之由楊廷和非儲也儲默然不辨攻詆者縷縷儲亦不較固申前請 上可其奏 賜勅馳傳遣行人送歸 命有司月給廩食歲致輿隸仍官其子鈞甫為中書舍人蓋異數云公歸日以詩酒自娛與弟叅議君德徜徉山水間所居蕭然如草布士田宅一無所益嘉靖乙酉秋 上念定策功 詔贈

一第... 貴參... 4. 反E...

于世襲錦衣衛指揮公疏辭 上重違公懇誠報可而遷鈞甫
為尚寶司丞公疏陳謝且謂將有言以裨 聖政 溫旨慰勞
勉其盡言且 諭內閣撰 勅召用公歲丁亥三月公卒享年
七十有七 上聞嗟悼為輟 朝贈太師諡文康公沉重朴雅
悃悃無華接人和易無所乖忤雖賤士亦必下之以禮有善則
為之延譽有過輒掩匿之博交汎愛而臧否自別尤善調卹無
問賢不肖皆稱為長者立 朝四十餘年議論每持忠厚若不
出口且不為矯亢故羣邪用事從容其間若履坦途雖位極人
臣而賓客過從輒治具款飲無不歡而罷至其用人圖政要自
有不可奪者為文章冲澹平雅不事剗刷而自合程度所著有

國朝列卿紀 卷之十二 三十九 王錦 晉左

鬱洲集藏於家

費宏字子充江西廣信府鉛山縣人生而秀異年數歲書過目
輒成誦不忘稍長即負文名與季叔雪峰瑞相上下祖喜曰充
吾宗者必二子也癸卯甫冠遂與雪峰同領鄉薦甲辰試春官
不利卒業北雍時保相丘文莊公為祭酒少宗伯補菴費公為
司業皆重之宏益肆力於學居常茹澹服素節縮經費為購書
資蓋自六籍歷代史諸子莫不旁通而鈎擷其芳雋為一家言
用是月季試每據首列丁未舉進士為 廷試第一人授翰林
院修撰初宏上春官也祖復菴公方以都水生事出治呂梁貽
之書曰汝脫下第母南歸宜入北監讀書丙午代還訊之曰伯

父何以逆知宏之弗第而必令人北監耶復菴笑曰此爾遠到
之兆也蓋吾嘗夢汝入監領班籤籤乃保相彭文憲公故物也
文憲嘗遊北監中狀元矣汝第勉之至是果然人咸異之是歲
八月 憲廟上賓預修實錄丘文莊公少宰楊文懿公為副總
裁甚推重之加委任焉庚戌同考禮部試少師徐文靖公宗伯
汪公為主考程文多屬稿焉而得人尤盛辛亥以疾請告時史
事將就緒敘勞當遷總裁之勸公者或止之曰盍需諸公曰君
豈以身徇祿耶遂決南歸壬子史成有白金文綺之 賜乙卯
疾愈復任丙辰 廷試充執事官是年 皇太子出學青宮
詔簡肅又正人以裨勸諫首改左春坊左贊善己未春聞母喪守

國朝列卿紀 卷之十二 四十一 晉左

制南歸明年父卒癸亥服闋將起復會有 旨召修通鑑纂要
給驛北上乙丑九載考績陞左諭德兼翰林院侍講五月 武
廟嗣服擢太常寺少卿兼翰林院侍讀丙寅與修 孝廟實錄
且為 經筵日講官丁卯擢禮部右侍郎己巳進左侍郎又以
特旨得贈祖父如其官時逆瑾竊柄凌轢公卿莫敢吐氣宏獨
不為意會瑾敗得無他瑾既誅所變更者悉心釐正以遵成
法惟山東河南陝西山西鄉試解額稍增於舊瑾意也議者欲
即裁損如舊宏謂求賢 國家盛典且開科迫期請今科姑聽
候後復舊 上可之時服其公且怨云九月以逆藩真鑄平錄
諸公卿贊畫功受白金文綺之 賜為特厚十月陞禮部尚書

力辭不允故事九卿之長皆得侍經筵 上以春宮舊臣自擢
 禮部皆兼日講官如初尋復 賜玉帶皆異數也十二月恭上
 慈聖康壽太皇太后 慈壽皇太后徽號賜白金支綺又以覃恩
 得加贈祖父如其官辛未正月 賜麒麟衣一襲二月會試天
 下士知貢舉試院諸需舊皆取之順天府宛大二縣裁數百金
 而民不堪用且不給乃議以各省鄉試用度皆有羨餘請俱令
 解部轉貯順天府庫而取用之遂加舊額三之二諸用以足鑄
 印局額設大使副使各一員食糧儒士二名及滿將補投考者
 不下數千人請託者半之當事者每難於處分宏於食糧二名
 之外又預取聽缺者四人習字者四人擬次第補度可逾十數

國朝列卿紀 卷之十二 四十一

年由是投考及請託者皆絕迹二事俱著為令吏部以大臣卒
 贈官屬驗封司而於廕子及祭葬事皆欲併司之奏累上執不
 可竟如舊魯府鄒平王當襲爵為庶兄奪且數年矣既而來奏
 辨乃據倫序謂宜改正事下廷臣議皆如宏言 上從之十二
 月內閣員缺以廷薦奉 旨兼文淵閣大學士入閣供事與先
 輩文正李公石齋楊公厚齋梁公圖惟密勿協德同心實一時
 之盛焉四川江西河南山東羣盜延蔓流毒生靈廟堂為之肝
 食命將出師指授方略內閣諸公之功居多壬申冬羣盜寢平
 上諭功各賜厚賚又廕子一人為錦衣千戶宏等三疏辭 特改
 授六品文階又三疏辭乃加太子太保武英殿大學士甲戌正

月 賜蟒衣一襲二月進戶部尚書兼秩如故先是江西盜甯
 賊而復叛遣總兵李鈇率邊兵往討之未幾鈇以疽死本兵議
 遣劉暉往代鈇暉皆良將先嘗平河北諸盜者也與暉同薦
 者某則以萬金賂錢寧求行寧陰諷中使屬票擬宏執不可竟
 用暉寧因叩之既而寧當得 詔贈三代欲假此交歡乃具百
 金飲器二遣所親夤夜入謁宏拒之既又謁焉又拒之如初寧
 益慚恚無何宸濠來請護衛賂寧巨萬金冀為內援且逼結納
 諸當路獨憚宏不敢近越數日疏下 內閣內侍問所以處之
 者宏因極言濠跋扈不臣將借護衛以為羽翼耳不與之便明
 日下兵部看詳又明日本兵陸完過於 闕下問所以覆奏者

國朝列卿紀 卷之十二 四十二

宏曰其護衛曾兩華之矣今可復與乎完曰第恐不能不與也
 宏艱然而入曰公自任之既而竟與之時濠使在京知宏沮濠
 而錢寧又恨發其奸思有以撼之乃遣偵卒日夕伺門真有所
 得而甘心焉經月竟無可指摘會同列有嫉宏而思窺其位者
 乃陰助寧一日忽傳 旨詰責宏引咎自歸力請休退遂有
 旨令致仕而從弟翰林編修采亦罷職五月南歸舟至清源濠黨
 又陰遣人於舟中縱火行李皆為煨燼寧當使人尾舟窺之至
 是見舟焚而無餘貨遂以是復寧寧乃已比抵家杜門謝客足
 跡不履城府惟築樓一區額曰至樂日課諸子讀書其中焉鄉
 縣去會城不下六七程濠雖憾之然以人望思得見宏乃使所

親來諷宏屹不為動濠憾愈深丙子會羣從有與鄉人為仇者
赴愬會城濠知之招仇家入助以費令搃撫瑣屑事入奏且加
厚誣欲以聳動 上意或重得罪以快其意奏入抵如例下都
察院時大司馬彭公澤方掌院事洞燭其奸既駁罷且欲加罪
馬濠知計不行丁丑春乃嗾羣兇嘯聚奸細以洩忿於室廬積
聚焚掠殆盡又侵毀其先墓慘不可言宏恐與羣從避處縣城
濠復嗾羣兇攻城掠其兄若弟各一人以往兄竟死自是羣兇
知法不容道而勢且不可解遂用精微時贈禮部尚書孫忠烈
公方巡撫江西乃疏上請兵部詳得如請戊寅春
孫公乃令潘某關帥率兵臨之得渠首二人并其黨數十人宏
國朝列卿紀 卷之十二 四三 張博 賈允

連薦其事下吏部題覆時 武廟南巡未及處分逾年 世廟
入繼大統甫旬日即降 勅起宏而察亦召用時辛巳四月也
及具疏辭 溫旨褒答有卿輔導 先帝累效忠謀遭讒去官
輿論推重新政之初特茲召用等語尋復遣行人趙璵再捧
勅敦速行乃促裝以十月末旬抵京 上慰勞再三賜以酒饌
勅加少保照舊入閣供事越月 賜蟒衣三襲玉帶一束又以贊
畫平逆濠功加厚賚前所得 誥命之燬於火者皆 賜重給
且有 溫旨褒答焉時 上以英偉絕人之資勵精圖治而宏
益切篤業壬午春 上視太學謁見先師孔子侍行 親耕籍
田在九推之列三月以恭上 四宮徽號 恩得贈及三代又
國朝列卿紀 卷之十二 四四 張文 賈允

乃有寧宇然濠勢日益熾吏於茲土者皆畏濠莫敢造門矣已
卯六月濠因朝會殺孫公及副使許公達遂擅兵反隨遣數十
騎趨信圖宏過進賢為令劉源濟所斬而濠方一意北向無暇
東顧遂無他或勸宏避之者弗為動且謀與弟家起義兵勤王
會陽明王公方以羽檄徵兵列郡信守周朝佐鉛令杜民表等
率兵往皆為之贊畫方略且遣人間道致書王公議兵事濠平
王公欲以功聞宏力辭焉侍御謝君源伍君希儒方隨陽明紀
功乃竟奏曰大學士費宏編修宋富護衛之再請也昌言明沮
已懷先事之憂及逆謀之既成也間道獻策又急勤王之義既
而巡按漁石唐公給事中祝纘齊之為易瓚御史章綸等欽贊

舊皆貯京通二倉乃議以外衛軍士終歲動竭力以供京儲
 今脚價有餘自宜分給諸卒以蘇其困 上皆從之其經國遠
 猷類如此甲申五月進吏部尚書謹身殿大學士時大禮未定
 上心未安諸公相繼去位宏以受 國厚恩未忍遽去諸凡委曲
 調護 上心漸安縉紳倚之無恐而大禮亦徐以定七月 獻
 皇帝神主至自安陸奉 命同惠安伯張偉駙馬都尉馮景和
 往迎於定興八月大同卒叛殺叅將賈鑑巡撫都御史張文錦
 勢頗洶洶議者欲遣將出師大舉以討之宏曰變出於激不叛
 者固多也討之勝則玉石俱焚不勝則彼拒城抗命損威傷重
 實多矣莫若徐圖之議先遣兵部侍郎本昆往撫諭以觀其變
 國朝列卿紀 卷之十二 四十五 陶見 賈三十一

而以都御史蔡天祐往巡撫命都督桂勇鎮守其地代還舊總
 兵官江桓遂以其事責之有成筭矣顧在廷之議紛紛不一
 上乃遣戶部侍郎胡瓚提督率京邊官軍數千騎宣府傳諭天祐
 勇令取首惡一時擒獲略盡而瓚欲稍振軍威又飛檄欲有事
 大同鎮城城中卒甚恐又協眾圍勇將殺之勇之童僕死者數
 十人賴故將遮勇至其家勇獲免眾因願命某為帥眾議不可
 宏曰莫若姑聽之而因責其擒賊及 命下某果感奮擒獲勇
 者幾百人誅之鎮城以安乙酉郊祀賜大紅蟒衣一襲世廟規
 制規畫為多 武廟實錄成進少師兼太子太師餘秩如故
 賜白金八十兩文綺六表裏羅衣一襲鞍馬一匹副 賜宴禮部

時弟案從子懋中皆編修預史事案進左贊善懋中進修撰
 賜衣及宴如之金帛有差蓋一家一時之盛云翰林檢討席春劉
 夔纂修實錄加恩以係改除陞僉事春兄書因是憾宏上疏言
 歷稽累朝實錄陞官未有調外任者 上特陞春修撰陞夔編
 修已而張璠桂萼求去語亦侵宏宏辨前陞春副使 御筆改
 為僉事實出宸斷因乞休 上優詔慰留之時 上念歲災欲
 暫止仁壽宮工役宏等言昭聖久處仁智殿意或未安須以漸
 修且方有旨難再更改上曰災傷朕欲暫停以恤元命仁智亦
 宏殿但奉孝不可遲之一日仍即修復上以四方災變異常命
 撰 旨令上下同加修省宏上言應天以實不以文感人以行
 國朝列卿紀 卷之十二 四十六 陶見 賈三十一

不以言 皇上欲盡修省之實則必留心於政事加意於窮民
 而後可今用度不能節省則民財竭於科徵工役不能停減則
 民力勞於奔走近京地土半為莊田而民間養馬當差之費無
 從辦納入庫錢糧賠納過多而遠方之管領無所控懇太倉無
 三年之積而冗食者收充未已京營無十萬之兵而做工者借
 撥不休忠直之臣以觸忤得罪而未蒙寬宥臺諫之臣以敢言
 為職而每加詰責有罪當刑屢經審錄而不加處決無冤可辯
 或以優旨而仍令看詳皆足以下致民怨上平天和臣等深憂
 極慮而不能已於言者又 皇上前憫民窮欲暫停仁壽宮工
 臣等不能將順今因災暫停未為不可疏入 上曰覽卿等奏

具見忠誠輔導至意朕嗣位以來災異屢見雖因事省諭而未
臻實效故命卿等撰旨省察此非下民之咎其失在朕所奏工
役未造者暫止見造者亟完匠役人等係舊額除奉旨外毋得
煩擾其營軍乃備警振武重事令兵部議處言官以盡職爲實
輕率煩擾之輩亦宜治戒刑囚有重罪反生窮民有冤抑致死
令法司從公審處其餘事宜所司看議以聞他有利弊宜興革
者卿等一一陳之朕當斟酌施行是冬少雪 上躬禱焉方在
告手札 命作告文且促出視事既而大雪連日人皆謂 上
誠敬格天而調燮之功亦不可誣也丙戌二月六年考滿有羊
酒寶鏹之賜 上以御製詠春詩及四景律詩 命宏等恭和

國朝列卿紀 卷之十二 聖心甚悅賜純白玉帶一束大紅蟒衣一襲白金五十兩自是日

有 聖製皆命和之三月以子懋賢廷試請迴避讀卷 上不
許四月詹事桂萼張璠奏宏實受陳九川所盜貢玉及納鄧璋
彭夔之賄并居鄉不法事宏疏辨九川之玉已奉旨處分可以
勿論鄧璋總制由九卿會推彭夔廉平故公議擬留先坐以逆
濠憲發 上以事已明白令勿辨六月十一大雨 上御平臺
召對命自左順門度文樓歷中左門入賜宏御製七言詩有瞻
茲忠良副倚賴未讓前賢專令名之句士林榮之 獻皇寶錄
成加正一品俸兼華蓋殿大學士賜白金文綺襲衣鞍馬是月
又賜御製律詩一章以酬史勞時 上以法祖安民奉天行道

福善禍淫字示輔臣宏等疏言 皇上拳拳治道雖翰墨無不
留心真可比隆唐虞三代時上政暇頗事詩詞間與宏討論桂
萼謂詩詞小技勞聖躬且使宏窺意指竊恩遇以歷朝士假是
結納以救過 上曰朕學詩不妨政務且宏居輔導有疑亦必
諮問十月 御製敬一箴及註心箴視聽言動箴賜宏等宏言
此帝王傳心之要乞立亭刊行天下學校 上如議 賜獻皇
御書四幅有投匿名帖者鴻臚寺以聞 上以宏言令燬之命
都察院嚴禁桂萼張璠屢疏極力劾宏至五上 上不聽諭朕
自有公處無再噴奏丁亥二月疾再作辭益力 上允之令馳
驛以還時子懋賢已登進士被選入翰林爲庶吉士因疏乞歸

國朝列卿紀 卷之十二 侍養疾 上并允之且令痊日照舊作養恩至渥也既而懋賢
家居數年則又促之行居常焚香祝天以早生 皇嗣爲願癸
巳八月 皇嗣生聞之喜躍不自勝馳疏入 賀荷 温旨褒
答鄉嘗大旱里人禱而無驗乃虔誠具禱輒得雨如澍人皆異
之乙未四月忽有 旨起用且遣行人王獻芝捧 勅促行時
方溽暑或謂行宜稍俟涼爽或謂宜先具辭宏曰吾名位已極
年且衰邁豈志於進取者哉顧惟 聖恩隆重豈可徐徐况君
命召不俟駕乃聖人之訓而鞠躬盡瘁死而後已實古大臣事
也吾豈務遜讓之虛名而忘事君之大義哉遂於六月朔日冒
暑以行至中途具疏謝 恩温旨褒答有卿可兼程早來以副

國朝列卿紀 卷之十二 暑以行至中途具疏謝 恩温旨褒答有卿可兼程早來以副

朕眷朕佇俟卿見等語七月十二日至京未及 陛見寓東朝
房翼日即荷 御札咨訪政事遣中使勞問賜以上尊珍饌
恩數逾前時弟案方為南祭酒適北員缺 上欲用案論吏部推
舉成命已下矣有相知者謂宏初入朝而案即北調恐涉於引
用親黨之嫌宏深然之即上辭疏 上亮其誠案不調既逾時
竟擢南京禮部右侍郎蓋 上之注念未忘也八月二日既
陛見入閣供職午復 召見文華右室賜銀圖書一文曰舊輔元
臣又白銀五十兩大紅織金麒麟紗衣一襲且 諭之曰別卿
久矣喜再見卿卿猶康健凡百宜盡心輔導以稱厥懷宏稽首
謝自是日承 顧問 御書稠疊且數 命代祀先師孔子

國朝列卿紀 卷之十二 四九 朱宗

帝社帝稷及時享捧 主廟廷又嘗賜遊西苑遍歷新構諸別殿
每至一所必 駐輦顧問 天顏和粹溫旨綢繆拳拳於大臣
之進退朝政之得失皆天下大計也抵暮始出且有酒飯之
賜一時恩禮益益至云宏感激知遇矢竭報稱又得少保序蕃李
公協心匡弼引用耆俊光復化幾一時縉紳喜見元老天下忻
忻想望太平第以累月積勞脾疾復作然猶力疾視事不少息
十月十九日以陪祀歸一夕奄逝計聞 上用震悼旋命禮部
議卹典云享年六十有八性孝友少以宦遊未得侍 親為歎
撫弟完訓之學孳孳望其成正德癸酉登鄉薦乃躍然曰吾
親亦含笑地下矣生平二同考禮闈一主試應天四充 廷試

讀卷官門生半海內尤精識鑑一經稱許輒如其言雅尚儉約
衣食不厭粗糲至於施仁舉義則為之不少新捐田輸以供諸
墓祀其餘以贍族之貧者家居殖農遇歲歉即減租或有逋負
即焚券不復問勿出補菴公之門見其子若孫貧屢厚恤之嘗
至濟寧見有旅櫬在舟覆溺者厚助俾之歸其志在利濟類如
此所著有自慙漫錄若干卷藏於家

靳貴字允道直隸鎮江府丹徒縣人少穎悟捷出時廣東憲副
丁玉夫號深理學貴從之游又從少傅楊一清游其學益遂以
博弘治己酉舉應天鄉試第一庚戌會試第二廷試第一甲第
三及第授翰林院編修弘治丙辰 皇太子將出閣講學 詔

國朝列卿紀 卷之十二 五十一 朱宗

選正人以端國本其選特慎翰林舊學多不預戶部尚書侶鍾
以貴名上遂兼司經局校書未數日官僚環侍 皇太子獨指
貴問左右曰非靳先生耶固已目屬之 孝廟幸講所尤加獎
異有文綺玳帶之賜庚申又進春坊右中允癸亥會典成進春
坊左諭德兼翰林院侍講貴每侍講進敷奏雍容儀觀修偉
武宗登極以舊學進太常寺少卿兼翰林院侍讀充日講是歲范
夫人卒京邸給驛歸治葬戊辰服闋還職尋掌翰林院事授庶
吉士業進禮部侍郎時逆瑾盜政常因事諷貴密書翰林官殿
最以進貴不從卿之時翰林多外遷貴亦左遷為光祿寺卿已
乃復舊庚午改吏部又進兼翰林院學士管誥勅掌詹事府事

仍充日講官辛未主考會試言事者發其私以家僮可勤受賄
 鬻題貫亦不辨尋命再授庶吉士業又進禮部尚書甲戌進文
 淵閣大學士參預機務已又進太子太保戶部尚書武英殿大
 學士貴在內閣人望不歸又屬時多事居常色憂不滿容時
 上講武禁中視朝稀晚同楊廷和等上言謹視朝之節以示勤政
 嚴官闈之禁以備不虞 儲嗣未定海內寒心又同勸 上擇
 宗藩之近且賢者置之京師以係海內人心埃 皇子誕育仍
 歸邸皆不報丁丑 上以郊祀畢將遂田南海子貴時病即
 上疏言方今國本未定中外危疑饑饉流臻四方多儆 變輿
 豈可輕動遂乞告 詔遣御醫視疾中使存問又上疏乞致仕
 國朝列卿紀 卷之二十二 五十一

不許時禮部以會試請考試官 詔以屬貴貴力疾以往於是
 言官復醜詆之遂致仕 賜勅給驛以歸有司月給祿米與皂
 且廕子懋仁為中書舍人貴雖得謝而居常悒悒不解顏人莫
 測其所以越二年庚辰疽發背卒壽五十有七在翰林時同考
 會試主考順天鄉試者一考會試者再授庶吉士者再造就為
 多西夏賊平 賜賚功牌一尋又 賜麒麟斗牛服玉帶罪人
 家屬蟒衣三襲及歸又 賜襲衣白金楮幣貴豐夷溫粹可望
 而親寡言為文根極理要病世之學者多趨華故崇雅黜浮力
 變士習家居斥去統綺侈麗之物作師儉堂以示子孫事親色
 養無違居喪致毀而動遵儀禮自初括至祥禫皆有儀注以為

後式晚以故第遜其族兄作室城南建祠堂於正寢之東置祭
 田祭器作惇敘堂以合族革去近世焚楮之弊初卒未葬 武
 帝南巡過鎮江幸其第親臨其喪撫柩嗟悼者久之 世廟入
 繼天統贈太傅謚文僖但居鄉為里人所惡在位屢遭醜詆士
 多非之

大學士楊一清云正德乙亥奉 命入 內閣實與充道同事
 時權奸竊柄每動搖國是子輩力不能救同抱深戚明年丙子
 予得請致仕充道驚憂不能出以書別予曰先生善自愛貴亦
 行且歸矣及歸憂常不釋已卯逆藩構亂 駕親御駐蹕南都
 累數月有識者慮不測充道憂加甚忽疽發背卒

國朝列卿紀 卷之二十一 五十一

又云充道為文務根理道見世俗矜奇衒異作便詞險語者則
 斥之曰此文之賊也其典試黜浮崇雅力變士習得人為多
 武宗嘗命一清輯其詩文分類以進蓋軫念舊學意也
 雙溪雜記云內閣劉忠去楊廷和欲引門生靳貴代之朝廷以
 禮部尚書費宏代貴憾之後讒斥罷宏仍以貴代宏
 楊一清字應寧雲南安寧州人湖廣岳州巴陵縣籍後占籍鎮
 江府丹徒幼讀書過目不忘以奇童薦入翰林 憲朝命內閣
 選師教之受業於黎文僖淳年十四中順天鄉試時已抗顏為
 八師有文中子之風登成化壬辰進士授中書舍人文譽籍甚
 從遊門下者皆海內名士二十三年擢山西提學命事力甚

弊學政肅清會丁憂去任服闋補陝西提學進副使自弘治四年至十一年大作士類士有博記誦者有修文辭者有攻舉業者有志道德者雖所學不一皆以為美誘而進之曲成不遺每試八府三邊學多士廣必歲一小試雖僻壤不遺其蒞士也愈久愈嚴士唯見有不測之威夏楚之用若無虛日方試時咸凜凜守法弗敢左右一顧一交言者及課諸所業所誦又刑以發蒙略無姑息及巡歷去任士追憶往事凡中才以上可貢可舉之士未嘗一朴其身又命郡邑製諸禮樂之器俾諸生肄習諸禮久之絃歌盈於西土又以朱子白鹿洞規及程董學則誨諸可以語上之士又拔諸髦士於貢院繼於正學書院躬授經傳

國朝列卿紀

卷之十二

五十三

石全

使轉相傳受故遐方之士咸於親炙明於知人如一邑品第十人為優或鄉舉五人率不出七人八人之外凡所取諸處冠英之士恒中式四十或五十餘人方進之士或許以將來科第及冠世名世必卒如所言其所造士出而佐理五十餘年用之未盡故當其時雖宗室不能奪生員之婚雖撫按縉紳不能撓課試之權為國朝提學之最久之召為太常少卿提督四夷館十四年轉南京太常卿壬戌虜火篩入寇馬政廢弛乃遷右副都御史督理茶馬遍訪諸朝野之人得其利病然後之任行其所知復請擇材任使旌別淑慝故官勸政舉宿弊以革又處置牧馬茶馬鹽馬實濟邊用十七年清出荒熟牧地凡十二萬八千

四百七十三頃一十二畝有餘本年奏准每年於陝西按察司揀用憲臣一員於臨洮府駐劄巡禁茶馬又奏准選取都布按三司官三員專候委任及填註鞏昌平涼府同知官不時聽委十八年又與御史李璣請復金牌舊制後以檢查未出事寢仍止於輪年招易是年又題准招商自出資本買茶葉轉運茶司每一千斤給價五十兩大約計官銀萬兩舊買馬不過千匹如前所擬可得馬幾二千匹其利在官與開中商茶不同其事例至今以為便甲子虜賊大舉邊軍請京軍會勦大司馬劉大夏薦為陝西巡撫兼經理邊務一清即率精兵阻遏上疏具陳邊事劾罷總兵武安侯及兵備不職者數人請釋緣事守備楊

國朝列卿紀

卷之十二

五十四

陳植

宏使自效裁抑鎮守中官支應歲省數千金創城平虜紅古二處以援固原築垣瀕河一帶以捍靖虜虜遂不敢渡河乙丑冬虜數萬入寧夏乘勝直抵固原遠近危疑一清率帳下五十餘人趨會總兵曹雄議方略眾遮道不可參政安惟學曰公行何恃一清曰以身殉國成敗利鈍非所計也竟去賊圍各馬營見原選新兵軍容甚盛賊駭之又聞一清且至乃移侵隆德夜薄城下一清連發火炮響應如數萬人酋長疑我大兵至遂擊衆北走一清發平涼時道無行人關中震恐眾謂與郭子儀爭騎見虜相類在陝未逾年百務具舉題准靈州大鹽池增課萬五千引小鹽池增三萬引新舊五萬九千九百三十有七引每引

納銀三錢五分及收引銀一錢共銀二萬七百六十餘兩送固原慶陽收貯買馬支用及於鳳漢二府相兼河東鹽課貨賣皆可行之永久者正德改元 朝廷以邊患方熾兵權大分命總制全陝三邊軍馬一清以寧夏花馬池係要害地虜數由以入率官屬沿邊巡視議處方略上疏極陳戰守之策修濬牆塹以固邊防增設衛所以壯邊兵經理寧夏以安內附又上四事曰綏土人曰處額地曰廣招募曰溥賞賚復謂河套者周之朔方漢之定襄赫連勃勃所建統萬城也唐築受降城在河套之北正統以後寢失其險既舍受降而衛東勝又撤東勝而就延綏河套為虜甌脫巢穴其中水堅入套東寇宣大西寇寧固厥

國朝列卿紀

卷之十二

五五

傅元

患無窮乃上六事其一修築定邊營迤東邊其二修復寧遠塞邊迤西屯堡其三議就花馬池立寧夏後衛及興武衛營所其四防禦靈州土達改為守禦千戶其五整飭葦州官軍其六增修黑山鎮遠關墩臺悉中機宜丁卯歸休丹徒逆瑾柄國建詔獄賴大學士李文正公救免庚午慶藩竄鑄叛起為總制鑄擒仍晉總制靈州土人苦漢官科虐一清昔時革之撤去尋作至是告訐以大亂之後為除其害而不深究其人減科徭十之二禁泛濫接遞以恤人馬閱土漢官兵巡視各邊堡閱舊築邊牆高厚堅完嘆前志未遂有老去寸心猶未死仗誰經略了餘忠之句入城督同鎮巡訪求將領之賢否而更置之約法定奪以

從人便以邊軍之困由科差繁重而私役買閑為弊居多屯軍地去糧存逃逃萬數而湖地草灘半屬將領反累軍採取首先奉行於是鎮守總兵遊擊監鎗退革二千餘人退草灘湖地三分之二仍行巡撫查馬步軍士實數造冊凡有征調全隊以出差撥循次無得奸脫通行各城堡一體查處禁革條陳地方急務十事請蠲寧夏各路早傷稅糧以卹困窮溥恩賚以安反側旌忠節都指揮楊忠李膺百戶張欽隆卹其男以勵臣節改調管糧參政復設理儲僉事等官極論糧儲缺乏請發內帑召買以免派買之患瑾敗部覆皆報可又奏取回總兵楊英薦副總兵仇敏參將保勛遊擊史鏞皆可大用又條陳河西事宜欲調

國朝列卿紀

卷之十二

五六

薛洪

延綏寧夏陝西兵分道而進驅逐出境修復沿邊墩臺以圖經久莊浪告急選靖虜蘭州健兵一千令指揮陳松統領援之兵至而賊遁自固原至蘭州所在缺乏糧草河西尤甚軍多枵腹生怨乃量發各帑藏令兵備守巡二司官分道招糴酌量城堡大小緩急分派運納以舒目前隨將議處儲蓄數事馳奏劾固原守備趙洪貪婪洮州守備高謙柔懦舉趙濟路美代之時延綏鎮巡奏欲因燒荒會諸鎮兵搜河套一清上疏以漢中流賊調去兵多邊城空虛儲缺乏河西達賊日肆搶掠又恐河凍大虜入套正當蓄鋒養銳乃舍門庭之寇而尋伏藏之賊所得不償所失遺書當道極論其事竟寢劉瑾素憾一清不得已起

用尋悔之乃矯詔令專在寧夏撫馭實陰奪總制之權無何瑾
 伏誅衆但知瑾之誅為永所發不知永受筭於一清以遂成之
 也逾月召為戶部尚書尋加太子少保戶部自逆瑾查盤禍作
 守臣不復儲積故邊一空一清行各邊巡撫將見在官銀多方
 召糴公私稍備辛未年順天應天山東河南盜起一清上十一
 事曰裕民增軍定賞格有脅從聯鄉保充賞賚嚴罰禁治退縮
 察蒙蔽禁奪功防奔突 上嘉納之復改入吏部黜邪佑正起
 廢拔幽凡瑾所排陷連茹以起國是復定江西盜久未平薦副
 使吳廷舉宜委用山東盜熾又陳戰守撫馭賞罰機宜下兵部
 檄諸鎮施行及劉六劉七等聚衆數千充斥近圻兵部尚書王
 國朝列卿紀 卷之十二 五七

敵束手無策清議推用大將征討及文臣有才智者提督著令
 有能擒斬三名者陞一級內閣李東陽票旨褒美悉從所言行
 之及舉都御史馬中錫提督惠安伯張偉為總兵同征所領京
 管人馬皆不習戰馬張又不知兵主撫而賊益縱大肆劫掠會
 渠魁屯兵近圻要朝廷宥罪廷議將從之一清執不可曰中原
 百姓敢稱兵煽亂罪在不赦必易將增兵殲滅乃已 命太監
 谷大用總督侍郎陸完提督賊至鎮江復貽書於完以拯溺救
 焚為念令星馳帶劾兵半駐江北以為聲援半駐江南以備截
 殺彭仇人馬於南都東屯住以保障金陵以防瓜儀又恐奔通
 海二州以趨山東令勿撤淮鳳兵寇平加少保七年朝審一清

當執筆閱其詞鞠其人多不直許原問者不能答孫忠烈公燧
 時為刑部郎中具以實對用是出可矜若干人因超陞燧甲戌
 乾清官災上疏其一視朝大遲其二祀郊廟大慢其三創梵宇
 於西內其四調邊兵於禁地其五謂皇莊皇店及織造等事言
 多切直是年命入內閣以時事多垂言不盡用乃因災異上疏
 自劾曰近日紀綱縱弛風俗傾頽用舍違宜官府異體官帑空
 虛浮費冗食不能革民力困敝徵求病民不能除賞功太濫刑
 罰失中讒言可以惑 聖聰匹夫得以搖國是禁庭雜介胄之
 夫京師無藩翰之託一切弊政大異往年是宜地震天鳴日食
 星變旱乾水溢報無虛月覲顏在位將安用之疏入近倖錢寧
 國朝列卿紀 卷之十二 五八

卿之遂謝政正德己卯秋有宸濠之變一清以鎮江府為江南
 首郡此地備禦有策則三吳無虞脫或無禦要害一失則吳越
 迎刃而潰矣乃親閱城設險出粟賑軍請調金山鎮海官兵為
 外護設中軍營為內應故城內外恃以無恐後 武宗南征特
 幸其第宴飲慶歌兩晝夜左右有導 上幸浙者一清從容婉
 諫遂不果行嘉靖四年再起總督二邊即以最急且切四事上
 疏謂邊儲莫急於開引中鹽邊卒莫先於召募選擇將校莫先
 於訪求器用要害莫先於分兵控制俱蒙議行及內閣楊廷和
 蔣冕毛紀去五年以少師兼太子太保吏部尚書武英殿大學
 士再召入閣首陳五事曰聖學言經筵非不勤但勢分尊嚴臣

下不得盡言而中有忌諱不敢進講或隨時作輟不免一暴十
寒惟日臨便殿時屢召問務曉暢大義援古證今求體認而行
曰聖政願時召閣臣商確機務諸所建明論列亦親加質問容
其盡言曰聽言謂諸進諫之臣每加斥責械繫非從諫弗弗之
義乞賜優容以作敢言曰宥過乞勅部臣將議禮諸臣按其謫
成者令生還落職者敘用死者優恤曰和衷自大禮議與大小
臣工各欲求勝務矯抗喜攻訐願論在位以恭遜毋蹈叔季猜
忌之習 上曰覽奏俱見忠愛俱見之施行卿宜盡心匡朕不
逮六月疏乞罷差官織造上諭已有旨令安靜行事毋擾地方
會求直言疏舉賢才收人心求直言 帝嘉納之尋賜一清詩
國朝列卿紀 卷之十一 五九

無故舉遷恐有他虞况 獻皇帝大葬之後 陛下自藩邸升
為天子不謂之吉壤可乎竟不果遷大獄已讞 上怒欲置馬
錄死罪一清極言論救錄得戍邊 世廟成 章聖太后欲謁
廟一清奏對以為今制無 母后謁 廟之文累朝亦無謁 廟
之事遂止初張孚敬桂萼二臣恣肆者聞 上亦厭之言官多
有論列疑一清所授二臣行時即私謀於霍韜霍懼有齒寒之
勢遂上疏毀一清於朝 上始疑之遂再疏乞歸霍復諷官
論劾乃奪其官眾謂其當辨一清曰吾心無媿得失在彼吾何
辨哉後卒於家十二年十月命復其官贈太保謚文襄一清急
於進賢而明於知人故若拔仇鉞於列校而寘鑄就擒舉上守
國朝列卿紀 卷之十二 六十

有卿展平生猷佐朕張皇綱句復因災異上疏近視禮部所奏
皆陰盛陽衰所致願陛下益嚴敬畏總攬乾綱以防欺蔽延接
大臣以資輔導賢諸司之奏章則天下事得以周知辨臣下之
忠邪則聽斷不為所惑戒飭諸司官守修職責納忠凡政事
缺失當修改幾事生民疾苦當救援幾事遺賢未舉忠直未錄
讒慝未殄幽滯未雪明白開陳陛下慨然聽受毅然施行 上
嘉納論之曰所言君臣人品天下治道俱切論具見誠惻復條
陳修省事宜曰祭告曰寬恤曰聽言曰用人曰革弊 上曰覽
奏皆切修省之實 上以張錦奏遷 顯陵之事論一清對曰
地道尚靜體魄宜安山陵既定其靜已久大事既竣體魄已安

制府雜錄云公在靈州人有笑其演營習陣者公謂予誠書生
不諳軍旅嘗以古人行謹哨探止修戰備為法故每論諸將曰
無事常如有事時隄防有事常如無事鎮靜又念武侯李靖未
嘗廢營陣世無岳武穆豈可恃野戰以為能哉
李元陽撰公墓表中云正德初年閣人劉瑾有寵於 上獨弄
政柄公時總制三邊條列修邊事宜極有端緒朝宁翕然稱之

瑾惡公不先白已內批罷公公遂引疾去位瑾怒公不已下之詔獄首相長沙李 救得釋瑾權日益重鼻息所向無敢違者六卿一言不合輒辱以荷校敢有乞骸骨去者中以奇禍相逢禁中伏不敢仰視國事惟其意指危亂之機已在旦夕時公家食日夜籌度不遑寢處五年安化王反寧夏命太監張永討賊永奏須文臣有智謀者一人同行召公仍總制陝西等處軍務協同討賊公謂永曰藩室亂易除國家內變不可測奈何永曰何謂公曰寧夏事不足平非久當有捷報內變事非公無能為也永佯若不知纔入陝界果聞仇鉞已擒賊永見公料事如神促膝問內變事公手畫瑾字永曰渠日夜在 上旁不離 上

國朝列卿紀

卷之十二

十一

陶紹晉

一日不見渠不樂今其根幹枝葉連結已成 上傍皆彼手目安從得一言入乎公曰此時已有間可入觀討賊不付他人付公 上意可知矣言已即就出二奏與永一言寧夏事一言內變事囑永曰公班師入京見 上先進寧夏奏 上必就公問公詭言請屏人語乃進內變奏永曰即不濟奈何公曰他人言濟不濟未可知公言必濟顧公言時須有端緒萬一不信公公可頓首請 上即時召瑾沒其兵器請 上登城驗之若無反狀殺奴餒狗又頓首哭泣 上必大怒瑾誅公大用益矯所為呂強張承業暨公千載三人耳但須得請即行事無緩時刻永勃然作曰老奴何惜餘年報主乎已而永入京請見如公策

上覽奏至瑾姪劉二漢方面大耳已謀不軌遂頓足即召瑾入侍瑾不知已有別旨差永抄沒其家矣 上命縛瑾下獄時尚未甚信及登城閱所抄兵器繩繼不絕始吐舌竟誅瑾一時公卿士庶方敢出氣權聲震天摘瑾肉而嚼者如市永乃備言公本謀與首相長沙李公同薦公才望公始柄用矣 增

蔣冕字敬之廣西桂林府全州人成化下酉鄉試第一丁未舉進士選庶吉士授編修弘治庚申兼司經局校書遷右中允乙丑預修通鑑纂要轉右諭德兼侍講正德丙寅預修 孝廟實錄充 經筵講官丁卯進侍講學士庚午主考應天鄉試辛未陞少詹事兼侍讀學士是歲擢吏部侍郎甲戌兼學士與 誥

國朝列卿紀

卷之十二

十一

陶紹晉

勅掌詹事府事是歲陟禮部尚書仍兼學士丙子兼文淵閣大學士賜玉帶辛丑加太子太傅禮部尚書兼武英殿大學士戊寅 武宗北狩命內閣撰威武大將軍勅冕上疏言內閣之職其大者口代王言凡手勅旨意俱從撰擬今事出非常遠近驚疑虎豹當關言益齟齬 聖駕已出條已浹旬延頸聯眸無策可施仰惟 陛下受天明命為天地神人主內而中國外而四夷孰不尊稱天為天稱日為日孰敢擅稱朱壽號為將軍鼎鑊在前不敢奉 詔已卯 駕南巡至金陵大學士儲同冕扈從十二月 駕旋次揚州以郊期在邇冕力請回 變從之辛巳正月加少傅兼太子太傅戶部尚書謹身殿大學士時楊廷和

柄國冕與協心奉迎 世廟於瀋邱入繼 大統改元頒詔與
天下更始多冕所裁定壬午 賜金織襲衣及玉帶勅加伯爵
冕具辭癸未冕上疏論災異及禮儀甲申 聖諭令冕撰勅差
官織造冕以南直隸災傷重大具題請止至是以久不進稿上
命司禮監促之且謂冕忤慢冕引罪得 旨宥之尋乞休不允
五月再乞致仕內稱臣所論大禮節奉 御批朕於太宗之義
未嘗有聞今又加稱 聖母尊號前項禮儀乞免臣等會議疏
入 上責冕牽大禮災異為由歸咎於 上有負重托遂准致
仕還湘中杜門掃軌不通賓客人稱其清謹得大臣體
毛紀字維之山東萊州府掖縣人父敏舉鄉薦教授杭郡紀幼
國朝列卿紀 卷之十二 六十三

賜法王國師名號特藉以蠲縻香衆令不為邊患而已齋供
之失 天朝體又以 儲嗣未建疏乞早定大計十一年以學
士 司誥勅仍掌府事 賜麒麟服蟒龍衣縵環繫帶等物十
二年勅兼東閣大學士入閣供事隨加太子太保文淵閣大學
士 賜蟒衣斗牛服錢寧等數導 上巡幸會逆濠之亂倡親
征議 上御文華殿宣內閣九卿科道官於左順門傳旨促令
撰 親征詔紀等力言不可免冠伏地泣諸司皆泣 上諭各
官退復 降手勅欲出師自稱威武之號紀奏言人君為天下
主不宜自貶下同臣庶 上意稍悟十五年三載考滿加少保
兼太子太保武英殿大學士 車駕幸宣大駐蹕居庸紀力疏
國朝列卿紀 卷之十二 六十四

疾面陳乞退 上知其志決疏入乃允致仕 命有司給月米
夫役 陛辭賜白金綵幣寶鈔紀歸臺諫累疏奏請起用山東
撫按官奏紀年登八十 詔賜羊酒存問仍加給夫米等數甲
辰太僕卿渠以紀年高乞假歸省 上特許之居無何而紀計
至年八十有三紀器宇凝重燕居無褻容素不言人過不妄交
際士夫至萊者必造其廬第以刺答之而已平居手不釋卷老
而愈篤作文渾厚典實一根於理所著有鰲峰類稿密勿稿辭
榮錄聯句私抄歸田雜識藏於家卒贈太保謚文簡

袁宗臯字仲德湖廣荊州府石首縣人弘治庚戌進士任興府
左長史正德十六年四月 世廟龍飛早扈從至良鄉 上覽

國朝列卿紀 卷之十二 李五 王貴 聖考

禮部具儀知係楊廷和令儀制郎中余才所擬謂宗臯曰遺詔
以吾嗣皇帝位非為皇子此所具儀何謂也五月論扈從功進
禮部尚書兼文淵閣大學士九月卒於官贈太子少保謚榮襄
享年七十

石瑄字邦彥直隸真定府藁城縣人父玉由進士歷官山西按
察使瑄自幼穎異莊重為諸生時年未弱冠與兄戶部尚書公
玠俱有文學名以公命謁大學士楊文襄公以文為贊文襄公
甚奇之舉成化丙午鄉試丁未同兄玠登進士被簡為庶吉士
弘治己酉授翰林院檢討德器剛毅知識不羣館閣重之與修
大明會典同考禮部會試少師李文正每日諸後進可托以柄斯

文者其石氏季方乎辛酉充經筵展書官乙丑滿九載遷修撰
同修 孝廟實錄正德丙寅 武宗初開 經筵充講官 賜
宴及幣因士風漸漓多巧宦作媒說以諷尋遷南京翰林侍
讀學士己巳擢南京國子監祭酒教法嚴遂濟之以恕時闈瑾
用事以勵精為名士大夫當官亦附會振作南京禮科因監生
查對軍冊有患病不容給假瑄力主之南京戶科因晒晾黃冊
有不至者輒行典簿廳取供令其每夕畫西瑄以 祖宗成憲
不敢擅改答之諸生感悅會廷臣議令納銀監生增報年歲或
謂將揀選聽點人情洶洶瑄拘集至班惟令遞增一歲繳冊至
部亦竟無他人益服其有見庚午改北監八年八月瑄言正統

國朝列卿紀 卷之十二 李六 王貴 聖考

景泰間西北用兵糧儲乏少廩餼不繼暫令減歷今則坐班人
寡不敷差撥宜照先年事例照舊歷滿方與起送撥補仍申飭
復班限期不使冒送問之法杜絕官醫保結不使長欺偽之風
則士有定志人得專業既無欲速之弊亦消見利之心六館不
至於乏材諸司亦足以濟事矣從之九年陞南京吏部右侍郎
簡靜持正乙亥改禮部丙子轉左丁丑 命兼翰林學士掌院
事授庶吉士業庚辰主考會試又主武舉事辛巳擢禮部尚書
仍兼學士掌詹事府事 世廟入嗣 大統會吏部缺尚書廷
臣首以瑄名 上報可是時輔臣有不悅之者託辭以請 命
仍兼學士在內閣專管 誥勅實奪之權也修 武宗實錄為

副總裁官壬午遷祀闕里及東嶽少昊陵既還朝復主癸未會
試事甲申奉 手勅兼文淵閣大學士入典機務乙酉 武宗
實錄成 賜宴禮部加太子太保武英殿大學士賜白金八十
兩衣四襲鞍馬一具尋賜玉帶蟒衣丙戌 上常御平臺召內
閣四臣面諭各賜詩一章於瑤稱許尤至進 恭睿獻皇帝實
錄加少保宴賜如前以災異自劾祈免不允丁亥錦衣官有搆
飛語訐輔臣者併中傷之遂逮下廷鞫臺諫皆白瑤無他大學
士楊一清三上章為瑤等力辯之瑤不自白惟求去疏再上許
之既入謝僦民車歸私第自是閉門不出邑人稀識其面而人
望益歸重之在國子以身率人教嚴而諸生莫敢犯時 武宗
國朝列卿紀 卷之十二 李七 御名錄 四百八十三

無嗣上疏請於宗藩中擇其親且賢者育於宮中代行溫清蒸
嘗之禮其為翰長 武宗始狩宣大疏請回鑾曰六師不備遠
違法官內無近親之託外有事變之虞若鑿與一日未返則臣
子之心一日不能安其後百官相率諫南巡者罪且不測瑤上
疏救之辭尤切直其在吏部承羣小竊柄之餘政以賄成官以
意授士習靡然日趨於壞屬考察京官諸凡清議有干者多見
屏黜登賢汰冗不及究所施而遷去前後所上封事士林多傳
錄其要語則勸 上清心省事法堯舜之恭已無為用漢文之
與民休息而已其願 上方行王道辨別忠邪賢才皆可用之
人不必備求乎易有近民之實不必務奇治有端緒不必責効

於旦夕之間事可包荒不必刻意於淵魚之察人謂其救時之
藥石云其遣祀事竣便道歸藁城以疾請老 上優詔褒答吏
部遣官促之臺諫亦疏論不宜許退 上命撫臣親詣其家以
禮敦勸不得已力疾至京其在內閣有所論列多觸忌諱 上
優容之再求退不允有勳戚怙勢奪畿內民地萬餘頃詭言國
初所賜歲久失之今得焉以請既得 旨矣畿民大恐瑤言於
上曰百姓為業且久一旦奪之恐生變 上為停前命仍給之民
性沉靜寡默居政府不輕發言遇事所難徐出一二語輒中節
有不當意者憤激見辭色間人或謂其過直或歎於雅量久乃
服之屢典文衡以平正簡要取士力去浮誇險怪之說文體為
國朝列卿紀 卷之十二 李八 御名錄 四百八十九

之一變自為文亦稱是詩歌冲澹沉着成一家言少師李文正
公曰邦彥詩詞皆中矩度而七言古詩尤超脫凡近眾所不及
博極羣書而根於理性意會心契有已所獨得之妙世有非考
亭之學者瑤力詆之曰微考亭吾輩莫適為學非之一何所見
第好名耳戊子以疾卒壽六十四諡文隱

讀書續紀云公初居翰林已勵志不殖貨利及官冢宰黜陟公
明弗為權勢所奪然緣是見忌改知 制誥蓋前無此故事也
作相後門無私謁其剛方正直始終不變云

國琛錄云瑤澹約性成翦翦自戢位躋台鼎供具如寒素士正
德未造侈局肇開公不逐世好亦不迥立異幟嘉靖初入閣嚴

誠閣從不濫交與謁者以怕為儀受則還贊致政歸行李奮配不滿一與

賈詠字鳴和河南開封府臨潁縣人初舉弘治己酉河南鄉試

第一丙辰登進士改翰林庶吉士授編修充 經筵講官詠儀

觀秀偉長身玉立識者知為公輔之器正德四年為纂修事忤

逆瑾改為兵部武選主事五年遷禮部祠祭員外郎瑾誅還編

修六年遷左春坊左中允兼修撰九年轉侍講學士掌南京翰

院十一年拜南京國子祭酒故事諫官御史有關選國子博士

等官充之而南監每不得選詠疏以南北一體宜擢以勵有志

詔可之十三年轉北祭酒以父樂菴翁年九十有五詠便道歸壽

國朝列卿紀 卷之十二 五十九

其親於頰上頰人榮之遂留頰擬草疏終養而父以疾卒十六

年服除會 上登極擢為禮部左侍郎奉命詣承天恭上 皇

考獻皇帝尊號賜白金文綺嘉靖二年改吏部左侍郎三年兼

學士掌詹事府事專管誥勅纂修 武廟實錄充副總裁官四

年晉禮部尚書兼文淵閣大學士參預機務實錄成加太子太

保武英殿大學士尚書如故五年復修 獻皇帝實錄成加少

保光祿大夫柱國屢被鞍馬金幣寶 錄襲末玉帶麟蟒飛魚之

賜數 召見諮問平臺燕對親灑宸翰賜詩褒諭詠在內閣端

嚴持大體然數抑貴倖如奏止中侍奪牧馬草場不得與貧民

爭利勸貴請薊州莊田復奏罷之皆以詠有古大臣風然當是

時方更化興治士皆喜趨事功好紛華而詠更醇德雅度羣綱

整紀納之太和不為聲聞其所匡維調護甚多人不為知也

其悃愾誠厚卓然稱鉅人長者而落落不苟合六年竟以老致

仕雖不究厥施而脫屣榮名田野詠歌有洛社之風焉詠性耿

介初在翰林惟扁門讀書不從同舍宴游為文章醇雅暢達無

艱深險僻之語嘗同考會試主會試主應天鄉試及武舉試各

一又主考會試凡程文一出天下誦之所取士徧列中外至今

稱得人雖老猶著作不倦耳目益聰明四方求文者踵至揮毫

運思酬答如平時居鄉謙抑真坦若未嘗居顯者人稱為篤行

君子歸二十年癸卯之冬年八十河南守臣以聞 詔遣官存

國朝列卿紀 卷之十二 七十

問加月廩歲夫又四年丁未秋以疾卒年八十有四贈太保諡

文靖 翟鑾字仲鳴其先山東青州府諸城人曾祖吉勝起隸錦衣衛

弘治乙丑進士改庶吉士授翰林院編修正德四年逆瑾竊柄

一時文館多被逐斥以會典事改刑部四川司主事五年瑾誅

復編修十一年陞本院侍讀十六年 上即位極選侍講惟鑾音

吐清暢 聖心簡在於嘉靖四年特陞翰林院學士本年十月

一陞禮部右侍郎仍舊日講六年三月擢吏部左侍郎兼翰林院

一學士入內閣預機務七年陞禮部尚書兼文淵閣大學士屢

召對平臺命遊後苑并沐銀文圖書之賜十一年改兼武英殿大

學士十二年以母憂解官十八年 聖駕南狩起輔臣行邊改
 兵部尚書兼都察院右都御史十九年正月還闕拜恩 勅以
 太子太保禮部尚書兼武英殿大學士入閣辦事十二月加少
 保兼太子太傅二十一年加少傅兼太子太傅禮部尚書謹身
 殿大學士鑾在內閣久屢沐恩賚但無所建明人譏為伴食中
 書至二十三年甲辰嗜寵貪榮通詞臣取二子汝儉汝孝俱進
 士高第被言官交劾俱褫職不敘卒於嘉靖丙午年七十
 席書字文同四川潼川州遂寧縣人性剛持不屈人下弘治庚
 戌登進士授刻城知縣操履峻潔片楮不苟取科徵檄下務從
 寬雖督責不為動有干法者每緣情求出必不可出乃罪之久
 國朝列卿紀 卷之十二 王編 七十一

之陞工部都水司主事督漕船於清江廠著漕船志具綜理之
 才兼通變之術已著名十四年改戶部山西司主事歷河南司
 員外郎益留心國計杜利孔有經世之志又備備敢言會雲南
 書晦五日 朝命考察雲貴官員具疏致災之由係 朝廷而
 不係雲貴在大臣而不在小臣因條奏時政數千言 孝皇欣
 覽帖置座右十八年出為河南僉事益喜裁決持憲體不輒撓
 正德四年陞副使提學貴州夷方士鮮知學書立教約迪以正
 道時王陽明謫龍場驛每學擇秀一二人集省城書院延陽明
 為師士始聞古道趨正學六年陞河南叅政尋丁憂八年起復
 陞浙江按察使九年陞山東右布政使再丁憂十二年補雲南

右布政使十三年陞福建左布政使所在振紀勵俗至於重禮
 教恤荒歉問民瘼疏吏壅覈錢穀酌科差皆得藩牧體十六年
 陞都察院右副都御史巡撫湖廣省城三虎者楚府寵任軍人
 納級都指揮甘玉海武昌通判張某衛使劉良皆善承上官大
 肆貪虐軍民苦之皆置之法人心稱快長沙知府宋卿者窮極
 貪酷恣意科罰郡人側目重足悉發其贓巨萬緝捕奸惡數十
 人辨大冤抑數十事皆極明允嘉靖元年以大禮稱號事關綱
 常名義當正有所論列道聞詔下乃止尋陞南京兵部右侍郎
 二年會南直隸大饑戶部議發銀賑貸書上疏謂江北淮揚處
 鳳諸郡災傷為甚蘇松常鎮次之徽寧池太又次之執政始知
 國朝列卿紀 卷之十二 孫本 七十一

狀議遣大臣往賑書適上賑粥要議眾喜曰此任幸屬此公也
 命兼僉都御史賑濟江北時餓殍塞途人至相食盜賊莫可制
 書被 命命講求時宜謂給散銀米實滋弊端且饑民命在旦
 夕若待編審事定將無類矣設粥則所賑皆貧民乃將州縣每
 一十里為一局先發見銀市米為粥饑民趨之至活者若干萬眾
 盜賊漸鮮乃以奏截運儲及戶部所發銀米兩月饑者少甦
 始定議銀米間月兼給人沾實惠尋陞兵部侍郎甲申春南京
 刑部主事桂萼以書及方獻夫大禮疏錄奏 上下其疏議特
 陞禮部尚書書再疏辭不允至京 陛見初廷臣執議以為人
 後者為之子謂 今上宜考 孝皇母昭聖太后稱本生叔父

母 上勉從之既下詔矣然終以為疑書及張璠霍韜議謂
 上以 聖祖兄終弟及之訓入繼大統非為人後者 尊號宜具
 實以稱庶合古經禮爭論數年幾成聚訟至是 上下書等及
 廷臣先後所奏會文武百司集議於朝眾論既定卒如書等言
 合請 大禮始告成焉四年二月書薦致仕大學士楊一清南
 京兵部尚書王守仁文武兼資堪任將相且云今大臣多中材
 定亂濟時非守仁不可不許尋加太子太保丙戌會試書知貢
 舉舊 廷試內閣所讀卷多取入一甲二甲九卿分讀者則以
 官爵為次雖好卷亦不能置前列具疏言 廷試以收人望以
 服士心請 明旨痛革 廷試第一大弊 上是其言士論避
 國朝列卿紀 卷之十二 十三
 之六年加少保兼太子太保禮部尚書兼武英殿大學士入與
 機務未任疾亟時呼弟修撰春及子中至榻前曰自檢平生清
 苦體國一念可質鬼神即死無媿 上若問遺言第曰願 朝
 廷親君子遠小人分別邪正審於取舍而已言畢而逝訃聞
 上深悼贈太傅謚文襄書才識敏決風裁凜凜文章政事卓然可
 稱服御儉約不逐時好近世之名卿也
 張璠字秉用浙江温州府永嘉縣人別號羅峰既晉輔職 皇
 上賜名孚敬字茂恭嘗蒙 召對 上有張羅山之稱更號羅
 山早有異質克勵問學氣度端毅不與眾同少遊郡庠弘治戊
 午以詩經中省試正德丙寅建羅峰書院於姚溪聚徒講學造

詣益充七試春官始中庚辰會試辛巳 上初登寶位即臨軒
 策士 賜璠進士出身時廷議 睿宗獻皇帝尊號眾論紛紜
 上疏為 皇上明父子之倫辭意諄切嘉靖壬午授南京刑部
 主事甲申以議禮未決再上疏 召至京廷議陞翰林院學士
 乙酉進 廟衙議疏陞詹事府詹事仍兼學士丙戌擢兵部右
 侍郎 經筵講書如舊時璠請告省暮已陞辭 上命鴻臚寺
 卿魏澆諭旨留之會吏部推堪任兵部 上命別推以璠名上
 遂用之即日三遣中官宣令治事進謁廟議及奉安 獻皇帝
 神主禮儀丁亥轉左進大禮要略 命開館纂修明倫大典及
 命欽明大獄 劾署都察院事振肅有條 賜勅獎諭及二品服
 國朝列卿紀 卷之十二 十四
 色金帶仍給三代 詔命陞禮部尚書兼文淵閣大學士仍奉
 勅照舊纂修兼管都察院 命兵部侍郎周倫佐理院事 諭勅
 銀圖書二一日忠良貞一一曰繩愆弼違 賜玉帶一理院事
 未久而釐正為多論邊務審邊將明憲綱革倉暴并奏革各處
 濫設鎮守內臣清勘近京 皇親庄田宿弊戊子加太子太保
 尋加少保 上享太廟回侍道側 上屢顧之賜詩褒美有貌
 奇真才傑形端志氣伸之句又曰子喜荷天貺賢作邦珍再
 賜玉帶進姚溪書院集 賜書院名賢義堂名抱忠 命有司於
 書院中建敬一亭石刻御註范氏程氏五箴 命註冠服圖成
 賜勅并金幣蟒衣以災異辭免修書院 慰諭不允本年六月明

一第 丁巳 冊 黃多 日 事 全 書 第 6 版 又 內

倫大典成加少傅兼太子太傅吏部尚書謹身殿大學士給四代 誥命廕一子為中書舍人 章聖皇太后賜諭慰勞并賜金繒撰 孝潔皇后冊文及哀冲太子壙志皆有 賜建議請言宣諭杜私謁重制誥平潞賊定服制應 制陳言曰審幾微專委任惜人才求民瘼皆見 嘉納勅所司舉行已丑 命主會試天下士尋 勅諭重修大明會典是年夫人蔡氏卒於京降旨安慰命禮部尚書李時諭祭遣員外郎張寰督有司治葬事八月以災異辭准休致至天津 遣行人周釋齋 勅守取復任慰諭再三仍 賜銀記一枚庚寅 賜明倫大典大學衍義五經四書各一部知建造四郊丘壇事修祀儀成典進郊祀議

國朝列卿紀

卷之十二

三五

四十一

陳璋齋 勅起取復加少師再給三代 誥命贈封如制賜銀印二顆是年 皇嗣生賜銀幣甲午 命有司為作樓於府城以藏 御書文劄賜額寶綸 命工部製扁差署丞朱守宣齋送以榜於堂乙未兩考 賜勅獎諭廕一子為中書舍人以疾再乞休致差行人周文光御醫袁遷齋 勅送還鄉月給廩米八石歲撥輿隸八名 命有司時加存問丙申差錦衣衛千戶劉昂齋 勅視疾諭疾愈還朝至處州疾作遂回再起至金華疾又作遂歸調理己亥 章聖皇太后哀詔至慟哭於家繼而疾益革遂不起享年六十有五 上幸承天閣詔詩贈太師諡文忠廕一子為尚寶司丞

國朝列卿紀

卷之十二

三六

四十二

請倣古立九嬪以廣儲嗣皆 允行 命正孔子祀典一遵古制以一品初考 賜勅褒廕一子為國子生會議郊祀成 賜玉帶尋以名音同 御名請易疏再上 上稔知其忠謹親為撰名字賜之遂以賜金作堂於寓所 上以 獻皇帝手書榮恩堂裝潢成軸 御筆金書 皇考手澤以扁其堂 賜銀印篆曰永嘉張茂恭印并銀幣 御筆又書字敬茂恭字二幅以 賜以繼助告 遣中官賜羊酒銀幣以資禮用是年雷震午門西樓乞休 賜牙笏公服比抵家西苑工完 遣布政党以平齋賜銀幣 上念不置遣行人周文燭齋 勅往取復任壬辰命兼太子太師華蓋殿大學士復乞致仕歸癸巳差少卿

國朝列卿紀卷之十二終

國朝列卿紀卷之十三

殿閣大學士行實

桂萼字子實江西饒州府安仁縣人自幼從兄華

胡居仁之緒論其學以收斂身心為主本以孝弟忠信為實踐

以經綸康濟為事業而天文地理禮樂名物師田水利以及醫

卜農圃之書靡不究心期於致用正德辛未舉進士授丹徒知

縣歷武康成安所至敦古行明教化抑豪強有聲獨性剛執不

能與時俯仰動以此見戾嘉靖癸未擢南京刑部福建司主事

時 廷議大禮統嗣二字未明部中山西司主事張公璉先有

二疏為執政諸人沮斥天下洶洶莫識誰何而張孤立聞公至

喜曰是可與明禮者比至語果合遂上疏明繼統之公辨立嗣

之私三年同張被 召至京與廷臣辨論 上意始決六月禮

成進翰林院學士四年陞詹事兼學士五年正月萼與刑部尚

書趙鑑爭論給事中陳洗罪犯攘臂相加南京戶科給事中林

士元劾之章下所司六年陞禮部右侍郎建言清言路以定國

是乞如成化間令科道互相糾劾部覆無事例得 旨既先

年有行還着他互相糾舉復題除奸欺以通壅蔽得 旨令

部查明隨該部疏覆查得成化間因糾劾因而奉 旨非考察

拾遺旨下既有 憲宗聖旨萼所言不為無據何不早查明覆

奏且不究還着他互相糾舉來說本年改吏部左侍郎陞禮部

尚書七年改吏部尚書加太子太保尋加少保八年七月命兼

武英殿大學士八月致仕九月召還 上深禮眷稱以俊彥宿

學 賜銀圖書二曰忠誠靜慎繩愆匡違公亦奮勵凡啟沃

君心揚薦士類與夫軍國生民之計知無不言言無不盡九年十

二月致仕卒於家贈太傅謚文襄有奏議八卷

國朝列卿紀卷之十三

璠費宏及阻王守仁之用則引拔才賢殆虛語也

李時字宗易直隸河間府任丘縣人弘治壬戌進士改庶吉士

嘉靖三年進侍讀學士尋陞禮部右侍郎四年三月修 獻

廟實錄命時與吏部右侍郎溫仁和為副總裁四月時言頃者

仁壽宮災詔加修省然中外臣工未有以奉德意者議禮者幾

於聚訟催科者甚於繭絲希進趨權幸之門在位乏羔羊之節

習於世祿鮮克由禮抑於冤獄多所未伸邪正雜居名實未核

凡此皆足以召災致變而諸臣方且佞諛成風以言為諱忠鯁

之士有懷欲吐思及罪譴輒復中止乞廣求直言令指實敷陳

以祛時弊章下所司尋轉左丁憂七年起戶部左侍郎復改禮

部

部八年陞禮部尚書九年時會張璉桂萼議姚廣孝在文廟雖有帷幄之功而崇秩顯爵已償其勞今以削髮緇流配享太廟實所未安乞移祀太興隆寺從之八月生員張紳薦舉大學士翟鑿及時科臣夏言上言祖訓陳言大臣德政者斬上從之逮紳獄拷訊十年加太子太保三月時言各處鄉試巡按不得收取遺才不得與主考較禮儀不得徇私聘取房考官從之會浙江巡按李佶請經房閱得雋卷仍發監臨察閱公同去取時言若令參閱去取則失祖宗糊名易書之法亦非救弊補偏之初意上深然之九月召為武英殿大學士參機務十一年御史馮恩條陳舉邪正極論張孚敬方獻夫汪鉉之姦謂時為太平宰相鉉疏當上言大臣德政律論斬長繫十二年帝幸南內召孚敬時等閱馬觀花賜蟒服上製古樂府七言一章命各和以進復召孚敬時獻夫鑾同遊西苑製古樂七言五言各一章命和十三年五月上幸南內召孚敬時同閱青霄尊賜扇及酒食復畱閱宣宗輿地圖詩及御和詩十四年三月復召同遊南內時等各作奉制記樂賦以獻帝亦作一詩命曰御製記樂同遊命刊示羣臣本年加少保進少傅兼太子太保吏部尚書謹身殿大學士十五年端午召時同夏言郭勛泛舟西苑命蕩樂近龍舟被顧問賜宴無逸殿翼日時等表謝以為自宣宗賜寒義同遊萬壽山楊榮同遊西苑後迨此乃

國朝列卿紀

卷之十三

三

四百六

再見云七月皇史宬成加時兼太子太師九月又以重書寶訓實錄成加少傅華蓋殿大學士十七年十二月卒於官贈太傅諡文康方獻夫字叔賢廣東廣州府南海縣人弘治乙丑進士授禮部祠祭主事正德五年改吏部文選司六年陞驗封司員外轉文選養病嘉靖二年時大禮未定獻夫有大禮疏曰陛下之繼二宗當繼統而不繼祠典獻之於羣廟當稱帝而不稱宗請改與獻為皇考則合於人情當於名實矣不果上三年主事桂萼併錄其疏以聞以獻夫為侍講學士獻夫疏辭言大禮之議乃天地間不可泯滅之理故不得不言初未嘗有一毫希合于國朝列卿紀 卷之十三 四 四百六求之意今論劾者無慮數十而陛下果以官授臣使論者前言皆驗乞容臣之去上曰此疏所言甚明不允辭即出供職以副朕意時御史王時柯言宜從其辭以全節上切責之時盡下諸司大禮疏之畱中者詔禮部與璉萼獻夫會官詳議九月大禮始定獻夫上疏求退上優答不允獻夫將璉等五臣所奏編成二卷請刊布天下從之四年以大禮成陞少詹事兼原官五年南道趙元言席書方獻夫張璉桂萼等大禮之成出自宸斷不足為功今驟致清階未及一載更加遷擢宜並聽辭免上切責元六年以獻夫為禮部侍郎尋轉吏部左仍為經筵日講官八月命樞大理寺訊李福達事遂與璉萼等緣帝意

國朝列卿紀

卷之十三

四

四百六

出之七年六月遷禮部尚書八年改吏部加太子太保獻夫上言任用守令之法其弊有五一日選任太輕二曰遷轉太數三曰旌舉不嚴四曰體貌太卑五曰職守不明必深探弊源嚴加禁制庶主恩可以下流 上深然之九年獻夫上疏輸罪言前主合祀非是 上曰爾職列大臣不能考議正禮既知罪姑不問初廣東人彭澤為吏部郎以不檢黜乃黃緣張璉得內降詔用以為左論德士論駭之至是太常卿缺獻夫以澤同榜榆補澤太常卿又有黃芳者亦廣東人獻夫以補南太常而彭澤之故識吳爵以吏胥由濮州判擢延平判人尤駭異獻夫又誤聞廣東僉事劉喬死遠以員外吳紳代後知其不死乃擢喬為副

國朝列卿紀 卷之十三 五

使附註又浙江叅政黃卿以骨鯁見銜於張璉而副使党以平温州知府丁瓚皆善於璉獻夫阿璉意調卿陝西以平代卿瓚代以平各得俞旨相代去都給事夏言劾獻夫媚悅政府蔑視名卿黃卿党以平歷任未久丁瓚貪聲大著乃因璉銜而調卿因璉悅而擢以平瓚私其鄉人澤芳並為太常而澤之陰媚為最是以澤為赤幟而箝天下之口獻夫任意行私犯議有四而璉擅易命使專橫難掩宜切責懲有 旨黃卿等俱仍舊官彭澤姑依新命今後用人務協公論已給事孫應奎劾獻夫私其鄉人洗光及澤獻夫乞罷不從八月時給事中饒秀劾給事中薛甲阿附大臣反噬羣察明為璉獻夫杜塞言路不思善下

部獻夫知舉論不與乞罷 上從之十年六月召為武英殿大學士初獻夫歸尋遣行人蔡敷召之還部發及門獻夫潛入西樵山以疾辭 上復遣官趣之來朕將別用之獻夫怡然就道及抵潞河疏乞旬日攝養 帝知其意故有是命已而廣東僉事龔大稔奏獻夫在鄉強奪民山獻夫疏辨大稔罷去十一年七月吏部尚書王瓊卒 詔獻夫兼領部事獻夫薦王道張珩可大用 上命量予翰林春坊官十月御史馮恩因陳言悉數張孚敬獻夫右都汪鉉之奸且謂孚敬之奸久露獻夫鉉之奸不測又謂孚敬為根本之慧鉉為腹心之慧獻夫為門庭之慧又謂孚敬鉉獻夫適子也恩孽子也焉有適子逆父孽子猶持

國朝列卿紀 卷之十三 六

敬兄之理乞斬三奸以正不孝父之罪斬臣以謝不敬兄之罪上械繫恩十六年四月 上幸南內召孚敬獻夫共閱馬 上製古樂府七言律各二章命各和復召遊觀西苑各賜酒食詩扇花 上製古樂府七言絕五言絕各一命各和六月罷本年卒贈太保謚文襄

夏言字公謹江西廣信府貴溪縣人正德丁丑進士十六年任兵科給事中上疏謂正德年間軍功之濫其弊有三奏帶之數太多紀驗之次失實武選之法盡壞得 旨命查革因疏 太祖開天建功元臣封公者六人封侯止二十八人 文皇帝時封拜亦不滿十餘人中官第姪封拜之濫未有如先朝者實錄

構逆實逆瑾結憤所致仇鉞一舉平定張永谷大用馬未成陸
闇魏彬並受褒崇於是張富張容谷大寬谷大亮馬山陸永魏
英俱各封伯其他加都督都指揮者不下數十人今遵詔俱查
革合行追奪誥券削為編民凡正德年間巧立名色陞授者二
千一百九十九員部覆盡行革退積年宿蠹一旦頓清嘉靖二
年以查勘莊田畢陳四事其一言各宮原無莊田以宮壺與閭
閻爭利不雅請以附郭改為親蠶廠公桑園其餘一切改為官
地歲收子粒銀兩戶部轉解分進各宮其二勲戚奏討無厭請
定為中制量給其三言查勘各項田土俱退還侵占開豁荒蕪
覆覈實之數一準新冊所司出給由帖以便徵收其四言山東

國朝列卿紀

卷之十三

七

甘肅

河南奉例開墾之地多被奸徒投獻王府及勢家宜一切差官
查勘禁革戶部覆議得 旨各宮莊田子粒銀兩仍解部年終
類進項畝止照新田改為官地不必稱皇莊親侯伯及在外
王府除見年管業不動外以後不許受獻侵占民業禁革事宜
如擬曉諭懲治其親蠶處所禮部議處時傳旨以莊奉夫人弟
邢福海肅奉夫人弟顧錦為錦衣世千戶管事言以大違祖訓
爭之不報 年陞禮科左 年陞兵科都給事中八年改吏科
命覈河南巡撫潘瓚平潞州盜功奏青羊以險固宜割壺關潞
城黎城為平順縣升潞州為府從之六月温州逃兵縛永嘉王
簿脅通判強索庫金三千兩府衛不能制又海寇掠寧紹諸郡

浙東太擾而江陰寇侯仲金聚沙壩磔殺主簿言請設都御史
巡視浙江及江淮總兵官以備江汴控制九江安慶淮揚蘇松
從之十月雲南巡撫歐陽重覈衛軍冒伍者饗餉致眾怨謹譴
巡按劉臬劾之併及太監杜唐黔國沐紹勳 上令重致仕臬
劾太過補外言疏軍卒一呼而撫按皆罷絕綱法度人將謂何
賈生尾大不掉之憂唐季藩鎮跋扈之患所當預防 上切責
之十二月北虜寇大同諸關本兵推左都王憲討之憲抗言峻
拒言劾之削籍九年言疏古者祀天於南郊祭地於方澤兆於
南郊瘞於北郊順天地之宜審陰陽之位也至祖宗之配享諸
壇之從祀合祀之不經乞賜集議以求至當 上嘉納之賜四

國朝列卿紀

卷之十三

八

甘肅

品服霍韜見言郊蠶議合疏言親蠶為亂成法分郊為紊朝政
遺信書謂祖宗定制不可改周禮為王莽偽書宋儒為夢語言
得書飛章劾之 上怒韜懷奸蓄詐械送院議罪命羣臣條奏
郊典言又以各科缺人奏請補足本年以言為協院左僉都御
史疏言貪緣 上責御史言辭不拜時甘肅有巡撫督儲二都
御史會巡撫乞休而寧夏亦缺巡撫部欲以督儲趙載兼之言
疏甘肅孤懸河外災傷疊見難容兩都御史寧夏相去二千里
機宜無兼攝理宜以載巡撫甘肅兼督儲寧夏另推從之十月
勅修祀儀盛典以言為少詹事兼學士兼都給事中纂修十年
七月太常卿彭澤覲吏部左侍郎徐縉缺計去縉吏部以澤名

上 上意屬言不允澤欲傾言會行人司正薛侃草疏云祖宗分封宗室留親王一人司香名曰守城乞查舊典擇賢而親者迎取入京澤見給歸以白張季敬曰此侃疏夏言所草也季敬愕然澤復侃曰相君深羨趣上之季敬密疏出言所畫 上怒逮侃召季敬問狀對如初以試言問可否言對前星方耀此論不可行 上猶疑詐命出對訊言不知仍就列聽訊時右都江鉉司寇許瓚方杜門季敬趣出助已首詰侃曰孰使為之侃曰我自為之季敬曰聞夏言主畫侃曰言不知乃彭澤云相君令上耳鉉大噤曰言實主之何得謂無吾與爾矢諸神言不勝誣大晉曰奸賊爾主此反以陷忠良也與季敬同入奏閣者弗納

國朝列卿紀 卷之十三 九

各草疏上頃之命逮言論勿拷掠侃訊迫但曰言實不預見此草惟歐陽德黃宗明及吾弟僑科臣孫應奎葉洪曹汴面斥季敬儉壬劾之季敬乃奏逮德等及奎洪汴同訊侃備嘗諸毒乃曰必欲板言當矢諸天尚書梁材等知言不預明日彗出東井上知言冤命同禮太監張佐訊之而令季敬勿至訊所澤見季敬不至不敢復誣言侃對簿云鍛鍊非聖朝美事萬死惟侃為之聖明為太傅所誤侃愚宜為澤所賣佐等以聞 旨下言不預知何為擊案喧詬念為誣陷所激特赦不問澤成邊衛餘處分有差本年陞禮部左侍郎未幾陞禮部尚書十一年正月片上欲復古大禘禮以尊 德祖言曰祖廟固以德祖為始祖矣今文

為大禘以統羣廟之主矣大禘之祭又可以德祖為所自出之帝乎必欲如夏商之禘黃帝帝嚳既無所考如李唐之祖聃尤屬不經臣以為宜設先祖虛位而以太祖配享蓋太祖始有天

國朝列卿紀 卷之十三 十

下實昭代之始祖也 上深然之廖道南曰我明始姓為顓頊之後宜祖顓頊季敬曰言虛位者失之無言顓頊者失之誣惟禘德祖為當言復辯之不決復議秋報大雩禮二月 上幸南內睹世廟有感作詩賜言 上召輔臣議復古七廟大廟寢祧如故惟度地以建羣廟言以地不能容即廟成而冠服佩玉循迂曲之途遍歷羣廟日亦不足或謂羣廟可攝則終無對越之時間日一廟則十四日方遍故東都以來同堂異室未可盡非上曰朕於天地百神皆正祀典而太廟乃不復古乎言惶懼從命四月言疏各夷朝貢有常期夷使有定數舊典備載今土魯番投檄幾二百人以索牙木蘭為詞要賞不貲宜勅撫臣查酌定數勿貪納款之名失禦夷之策上允之十二年大同兵變 上用言議靖之十三年二月進少保六月南京太廟災 上欲更建言曰京師宗廟行將復古而南廟災皇天監德之意 聖祖啓後之靈可默會於昭昭之表 上悅令南廟但周以垣時祀從奉先殿十四年言請定七廟曰復古廟制太廟南向太宗特建文世室為百世不遷以下昭穆各三 上從之幸南內召季敬時鉉言助同遊各作奉制記樂賦獻上亦作一詩一序刊示

給事中楊傑請加恩建文死節諸臣言覆諸臣誤國悖正文皇
所討俱新進未諳大義上怒其狂率原之霍韜與言有隙劾言
與李充燭共為奸黨受費完賄排擯劉淑相為費宏請諡增減
名實文憲諡犯 憲宗廟號應斬言辨云成周之世晉文衛武
我朝宋濂彭時諡忠宣許進恭毅所犯何居上慰留之 上欲
擇壽域奉皇太后謁萬壽山陵李時言郭勛等扈從言帳火延
勛時俱燼言所收奏章五通焚翼日汎舟西湖上製賦命和言
失謝上責之五月上循先朝故事汎舟西苑李時郭勛與言侍
行主客郎中陳篋精膳員外楊儀銓司以劣補外言疏留之上
命仍原官順天通判費完凌轍府尹劉淑相相劾完因及言上

國朝列卿紀

卷之十三

十一

楊海

怒置淑相獄言官劾言言求去上慰留之十月 上諭言曰朕
思皇考廟名未妥百世不遷名曰文世室皇考必且敦讓朕非
敢儉於親恐貽後議欲止稱獻皇帝廟言疏按禮有功德者別
立廟祀若周之文武世室是也皇考篤生皇上比商周契稷後
有聖帝必稱世宗皇考必不敢當况世之上不冠以諡世之下
不承以宗考之前古亦所未聞欽定獻皇帝廟義明禮正誠萬
世之公議上從之命付史館時湛若水纂二禮經傳測上獻言
詆其以典禮為經與孔言戾不可示後允之十一月言據程頤
議詔臣民冬至得祀始祖行之十二月以言為武英殿大學士
預機務十六年言疏禮有功宗之祀漢宋皆祭文臣如魏徵李

沈我朝開創止祀武臣仁宗以後雖無武功翊贊治平豈無魏
李之儔乞下廷議有功在當時澤及後世者以俟上命不許十
七年十二月李時卒進言為華蓋殿大學士十八年正月加少
師初上命言選官察以被劾中寢時言草雷守勅至回鑾日方
進上曰爾所職何事今日方呈草耶及密奏上不以賜印緘之
上怒曰言自小臣不次擢用乃欺慢不恭日選官察不愜人望
密疏不鈐賜印其歷年諭劄印章納還母匿言奏聖劄皆親灑
宸翰印記特賜褒嘉乞仍賜臣願加罪罰上曰言既寶君命不
以自呈必有蠱壞禮官其括進革勳階少師以尚書致仕言乃
括送禮部行至潞河召還為少傅復入內閣二十年大計有參

國朝列卿紀

卷之十三

十一

楊海

政王慎中以江西督學見惡於言銓司置之落級旨下竟削籍
八月以議皇太子為其母服誤上罷之十月奏禦虜十四策且
曰臣甫解機務之初適有門庭之寇不敢避嫌上曰言既有忠
謀何乃堅於自適復命以少傅入閣二十一年言以九載考滿
特進上柱國少師吏部尚書華蓋殿大學士宣大總督翟鵬奏
請邊餉言謂繼祖積芻粟尚存豈得遽贖令覈之因罷鵬官
革總督七月日食時上以香葉巾皮帛履賜言不受上怒之令
閒住二十四年十二月復召言入閣門下士有諷之勿出者言
不應二十七年正月言以位望居嚴嵩上再入大不相得而歸
衣陸炳嘗為言所持因相結以圖言因山崩之異疏言曾銜開

邊啟數禍不可測言從中主致悞國是 上心動言力辯不聽
命廷臣集議謂言輕信謬計擬旨復套 上怒奪師傅以尚書
致仕時仇鸞知 上旨許曾銑謀國不忠往年延慶定邊失律
行賄萬金介蘇綱通言得免鎮撫司鞫上具如鸞語及逮言至
上疏自理為嚴嵩所陷刑部以議貴議能請上怒當銑所犯扶
同律言妻蘇氏請代死上曰蘇亦流人安得代亟遣之十月竟
斬於西市言豪邁辯博果於有為文章政事卓有可觀竟以驕
傲致禍後 詔復其官

顧鼎臣字九和直隸蘇州府崑山縣人弘治乙丑舉進士第一
授翰林院修撰未幾 孝廟上賓以修實錄成陞侍講再轉春

國朝列卿紀 卷之十三

十三

王世貞

坊論德歷十餘歲 世廟即位之六年以病痊起復原職首被
知遇簡侍 經筵日講進翰林院學士 上懋崇聖學日親儒
臣討論經史鼎臣因進講宋儒范浚心箴敷陳剴切 上注聽
嘉悅諭輔臣曰鼎臣解說心箴朕思味其意甚為正心之助
上廼親灑宸翰自註釋心箴又註視聽言動四箴及製敬一箴
勅翰林院國子監及天下學校建亭立碑鐫刻五箴以示學者
上又曰洪範一書於帝王為治之大經大法實為親切令鼎臣分
段計日從容論說必使盡其所言以為務學求治之助復慮詞
訓繁多 命鼎臣撰次節略以進舊例每寒月免講 上以洪
範未終篇乃不輟講 詔免鼎臣常參專直講讀 上奉先聖

先師位祀於文華殿東室而數 御西室召鼎臣等十臣令敷
奏經義鼎臣撰中庸首章講義以進推言人君致治期臻聖神
功化之極不可安於小康 上稱善 上於西苑作無逸殿成
命輔臣及鼎臣坐講周書無逸篇七年陞詹事府詹事仍兼學士
賜一品金織仙鶴衣 上親耕籍田特命與九推九年命掌府
事十年陞禮部右侍郎十一年晉吏部左侍郎十五年拜禮部
尚書俱掌詹事府事尋加太子太保兩被 旨教庶吉士於翰
林院故事用官二員獨受簡命自鼎臣始也戊戌八月 勅鼎
臣以太子太保尚書兼文淵閣大學士入贊機務眷遇彌隆被
賜 宸翰經籍銀幣玉帶麟蟒飛魚之服多不可悉紀己亥

國朝列卿紀 卷之十三

十四

王世貞

月加少保兼太子太傅進武英殿大學士 車駕將幸承天
勅鼎臣居守京師鼎臣條奏軍國重計七事 上悉從其請 賜
印記一其文曰經緯首選 上曰卿講惟舊臣久懷經濟朕茲
重寄宜欽承之鼎臣不諳事體多出告示為士夫所訕笑明年
感疾久不瘥竟卒享年六十有八計開贈太保諡文康遣行人
護喪還鼎臣嘗請訪求曾子之後以奉其祀大同軍變請誅止
渠魁以安人心四方郡縣多奏水災疏陳生民困窮之狀請遣
使賑卹而鼎臣生長東南見財賦日蠹民力日屈則三舉奏焉
但素行不檢屢經給事中丘九仞等劾訕晚歲履政府不能有
為奢淫縱樂以終其身云

嚴嵩字惟中江西袁州府分宜縣人幼以神童名弘治乙丑進士改庶吉士授編修退居林下十餘年博稽羣籍印正於心正德十六年進侍講學士署南京翰林院事嘉靖四年陞國子監祭酒七年陞禮部右侍郎八年轉左十年改吏部左本年陞南京禮部尚書十二年改南京吏部十五年改禮部尚書兼翰林院學士掌院事本年出理禮部事十六年九月應天進鄉試錄嵩與大學士夏言劾其策問郊祀語多譏訕且同考官不書名大不敬 命逮典試江汝璧歐陽衢詒獄餘官所在即訊貢士不許應試嵩又摘廣東試錄語多不經聖謨帝懿混入無別稱陳白沙倫遷罔等號非君前臣名之義文詞詭異尤甚 上怒

國朝列卿紀 卷之十三 十五

逮巡按余光詔獄餘行巡撫即訊十七年通州同知豐坊言宜建明堂尊 皇考為宗以配上帝嵩言明堂園丘皆以事天今大祀殿應古方位明堂不必更建侑享之禮詩傳云人成形於父秋祀明堂以父配之自漢唐宋莫不由之錢公輔司馬光又主祖宗之有功德者今以功則宜 文皇以親則宜 皇考若稱宗恐有未宜不敢妄議 上以示夏言言不敢對 上曰明堂秋享宜奉天殿行之 皇考稱宗烏在其為不宜嵩乃言考秋享成物之旨嚴父配天之文 皇考配享允合周道 上嘉納之秋七月上以太宗功同開創當稱祖以別之嵩曰古者祖有功宗有德漢有二祖皆以開造我 文皇定鼎持危功莫大

焉稱祖聖見允當古者父子異昭穆兄弟同世次股有四君一世而同廟者唐十一世而九室宋太祖太宗同居昭位合祭同位今 皇考孝宗宜同一廟蓋四時之廟禰為獨親 太祖即位 仁祖以布衣享天子之祀 皇考可獨缺乎奏下臣工翕然 命各擬廟號進上十八年四月 上幸太峪山召嵩諭曰大峪地勢空濤豈如純德山完美謹奉慈宮南祈以禮書護從時御史桑喬劾嵩選譯字諸生皆以賄成嵩乞罷 上曰卿疏云今日為人臣者皆觀望禍福必使人主孤立獨勞此言已盡不必更辭可盡心贊理以副簡任科臣胡汝霖復劾嵩飾詐強辨有傷大體 上令大臣勿得自辨十九年雲南巡按謝瑜劾嵩為桑喬所論不思自咎佞詞巧辯謂贊議明堂扈蹕南幸為諸臣所嫉以揚已功激聖怒嵩之可論若選譯字生宗藩陳乞入賄始覆齋詔官役亦索重賄收買童女歌舞或待價轉沽非宗伯體報聞二十年七月交城王絕朝國將軍表相以重賄餽嵩謀襲嵩為題覆已得 旨選者得其藉以聞鞫實胥史各成邊時未壽王庶子惟懋與嫡孫懷熿爭立賂嵩亦為覆允王妃擊登聞鼓奏之嵩因劾嵩奸貪狀 上曰表相惟懋令所司覈之嵩安意任事毋以人言介意八月進少保兼太子太保二十一年八月以原官兼武英殿大學士入閣參機務科臣沈良才劾嵩貪淫猥惡南科王燁御史陳紹等各疏劾不報二十二

國朝列卿紀 卷之十三 十六

年三月嵩以陵工完請以清明日詣陵行春享禮從之時閣臣翟鑿以位望先嵩構郤科臣周怡言大臣有動色之言則下有攻鬪之禍鑿嵩憑藉寵靈市恩修怨在閣則違言失色見帝則私陳背詆安能協恭以事上而風下上曰怡謂羣臣不和負君兆禍良是第立心訕上謂朕不能和德於上耳下怡獄會吏部言鑿嵩囑託事上皆不問二十三年加少傅二十四年晉少師十二月夏言以原官再起嵩讓居首二十六年科臣馬錫勅戶部尚書王杲御史艾朴受鹽司賄收納銀色不足上曰下杲獄科臣厲汝進等劾嚴子世蕃等有請託宜寤治嵩疏汝進欲以賤汚蟻臣故借臣子世蕃巧詆上批汝進等意欲開國朝列卿紀 卷之十三 十七 劉汝思 四百三十三

釋杲杖貶外二十七年特貴溪當國位嵩上大不相能又錦衣陸炳嘗為言所持銜之遂深相結以圖言因山崩之異疏曾銑輕議復套開邊啟釁言從中主致誤國是上心動言力辯不聽令廷臣會議奪言師傅以尚書致仕復逮言至當銑所犯符同律會虜入宣府寇居庸嵩乘間言虜以復套故報復不休上怒竟殺言益異冤云二十九年 廷試唐汝楫係太宰龍子以嵩力得占一甲第一人情大駭四月刑部尚書劉認會都御史屠儵大理沈良才奏王聯以死囚奏許誣罔續宗詩詞無謗訕嵩許云認以同里故黨續宗上曰既頌美何云湘竹英皇廷杖續宗與認俱削籍以嵩對制平獄公忠可嘉命兼支大學士

俸刑部郎徐學詩言外攘在修內治而內修在正本源大學士嵩政本也陰險貪黷內結勳貴外比羣小機械足以先發制人勢利足以廣營自固投隙乘機足以立威脅眾文詞便給足以強辯飾非而精悍警敏揣摩巧中足以趨利避害彌縫關失私交密會令色甘言足以結人歡心而緘其口舌論之者往往陰中於陞除考覈之間如王燁陳瑄謝瑜童漢臣者皆 聖恩所寬而今安在哉 上以乘機報復下獄削籍三十年正月錦衣衛經歷沈鍊劾嵩父子奸貪十大罪夏邦謨承受願指通賄狀上以鍊在縣不檢被調自揣考察當黜肆詆沽名捕治為民九月上諭嵩悉改仇鸞所置武政御史王宗茂劾嵩負國八罪 上怒國朝列卿紀 卷之十三 十八 劉汝思 四百六十八

其任率謫之兵部員外楊繼盛劾嵩顯政十罪一謂嵩偃然以丞相自居二謂以擬旨竊弄威福三謂陛下有善即播之於眾曰自我成之至刑 御劄以揜君上之治功四謂擬旨皆子世蕃與義子趙文華共議縱奸子之僭竊五謂令孫效忠妾冒邊功以歐陽必進總督平江伯陳珪總兵黃如桂巡按安奏首功得錦衣千戶六謂逆鸞以貪虐論革嵩薦居大將及將敗始排之以飾前愆七謂虜入內地嵩令丁汝襲勿戰恐敗不可掩阻誤軍機八謂郎中徐學詩科臣厲汝進以劾嵩奪官謫降又以大許報復專黜陟之大柄九謂吏兵選除以賄為低昂故將官多股削有司多貪酷十謂嵩諂媚以事上貪污以率下天下

化之以守法爲固滯以彌縫爲通敏廉介爲矯激奔趨爲緣遠
壞天下之風俗又有五奸以濟此十惡 陛下左右皆嵩之間
謀故 陛下之愛憎言動嵩皆預知逢迎奸一以趙文華爲通
政疏至皆先上副封王宗茂疏截之五日方上爲嵩之鷹犬奸
二懼緹騎緝事則與帥結姻奸三畏臺諫有言非出其門并通
賄者不得與徵取而登拜差發則飲宴餞遺有愛憎則授意論
列緘默苟同者皆得華顯是 陛下之耳目皆賊嵩之奴僕奸
四嵩慮部臣等不能無言乃羅其有才望者結納之鯁介者斥
逐之是臣工皆賊嵩之心腹奸五 陛下察其奸或召二王使
之面陳重則置之憲典輕則令致仕 上命執訊何爲引二王
國朝列卿紀 卷之一三 十九

承行臣聞大同鎮守怯懦而督撫不和外間咸謂鎮巡當亟易
旨下戶部兵部行之時刑科給事中吳時來劾總督宣大侍郎楊
順賢財目功損威受侮巡按路楷受賂欺罔尚書許論雷同附
和 上以問嵩時來之疏是與非與嵩對順在大同亦肯任事
近日右衛盡力支持但處夷婦一節初焉周章解京既又取回
要黃台吉縛送丘富富未得而本婦逃此順之罪其意恐惹事
端殊不知與之亦捨不與亦捨所據果失當故言官風聞論之
其路楷受賄有無未可知順楷俱當革任但今虜事方急順宜
姑戴罪防禦楷革任所劾事情行勘問 上曰時來之言未可
盡謂聞風卽夷婦可例之聞順亦常才將旣更督者當同之令
國朝列卿紀 卷之十三 二十

填發餉案爲文管家方祥爲武管家採木劉伯躍提督趙文華
 侵盜官銀歲時浸潤藩臬諸司効尤 上怒令究主使俱謫成
 烟瘴尚乞罷 上優詔不允時大同右衛圍急 上以問嵩嵩
 欲棄之難於發言以本兵知彼中事對許論爲難詞欲 上自
 棄之 上爲措餉發兵更易文武將吏卒保無虞六月時給事
 中劉祐劾福建提督阮鶚十罪 上命械之嵩言於刑部尚書
 鄭曉爲之解請薄其罪 上怒解黜爲民八月嵩言近大同頗
 熟銀一兩可得米九斗於此時發銀糴買備下年軍餉一倍可
 得三倍之利若延至春米貴銀三兩纔得米一石今年右衛可
 鑿也從之九月 上因薊鎮專事徵發不行練兵致兵馬缺弱

國朝列卿紀

卷之十三

王

王錦

因問邊兵入衛起自何時何人建白嵩對祖宗時只有調土兵
 赴各省殺賊未有調邊兵入內地者正德七年始調許太卻未
 領邊兵殺流賊繼而江彬統宣木邊兵扈南巡識者謂使此輩
 輕京軍單弱必生驕橫隨有大同叛軍之變禍實始此庚戌後
 逆鸞奏遣御史分往各邊調兵入衛每歲十八枝鸞自領防護
 京陵未曰守薊鎮也至何棟奏練兵未完暫借二枝待練完卽
 撤後將邊兵盡調赴薊鎮分擺又將遼東全鎮盡調入關以致
 賊乘虛入遼搶掠一空調邊兵又由此始年復一年調之不已
 由薊鎮邊備廢久因循今 聖諭及此仰窺 睿思深遠矣
 上以光祿寺歲用三十六萬疑有乾沒下禮部問狀以諭內閣嵩

對祖宗時光祿寺除米豆等項徵解本色外歲額銀二十四萬
 歲用不過十二三萬節年積貯四郊興工曾借至數十萬節年
 加添至三十二三年用至四十萬近減至三十六萬 聖諭謂
 先年茶飯及上供膳品各減省其花費欺隱可知臣聞冒費之
 弊多端而大者有四一傳取錢糧原無印記止憑手票莫敢究
 其真偽一各衙門關支酒飯或一人而支數分或事已完而尚
 支一門禁不嚴下人侵盜無算一每歲增買磁器數多今須令
 該寺將節年歲用之費冒濫之件明白具奏悉加釐正既光祿
 寺括一歲費出之數上之內列上膳及皇壇供品 上復以無
 細開之數且皇壇之用并日辦品物俱是朕前銀兩不係該寺

國朝列卿紀

卷之十三

王

孫奉

錢糧侵冒明矣今今後每月將逐日支費具揭進覽諭內閣嵩
 奏錢糧無細開數其平日亦漫然支發所以回奏不明皇壇等
 用俱出御前侵冒可知查得會典凡光祿寺供用物料月差御
 史一員照例具奏又一款內府尚寶監刊刻花欄印票遇有上
 用諸物開寫某日於光祿寺取某物若干用印鈐蓋照數支進
 本寺仍置簿登記歲終稽查乞香復舊規申明舉行 上降旨
 切責命歲差御史一員月籍該寺支費進覽歲以爲常經費少
 省三十八年正月大學士徐階言嵩年登八十本朝閣臣實所
 未有 上曰嵩年高佐朕愈盡忠謹贊事上玄竭赤匪懈詔免
 直出入乘肩輿歲支伯爵賜銀百兩綵幣八表裏寶鈔羊酒仍

宴禮部嵩辭伯祿部宴曰臣前兼支二俸寵祿踰涯况該寺缺
乏尤宜節省 上溫詔聽辭舊支二俸及宴已從部請如靖遠
伯王驥例歲給祿米一千二百石本色八百於太倉銀庫關支
折色京庫支 詔可二月嵩奏昨令御史覈光祿寺錢糧二月
之間省銀二萬二千二百餘兩計歲可省十七八萬然在直諸
臣日賜酒饌三卓計銀二兩餘臣等各有常祿常供請悉停罷
上曰卿等奏省自近始准日減三之二四十年二月朔日食是日
微陰欽天監言卽同不食 上以禮部不合救護禮科失叅住
科首俸餘奪俸半年嵩言乃部臣之罪不當專責言官 上曰
卿此言敬天慎禮正法之謂本在尊官科首改罰兩月餘有之

國朝列卿紀

卷之十三

王

陶

部罪姑記閏五月夫人歐陽氏卒 上賜葬祭遣官護送時嵩
子世蕃不欲歸嵩以情言謂已老耄一日不可離世蕃 上特
旨留侍養不必守制令伊孫鶴護歸嵩辭謝 上曰卿宜以國
事爲重勉抑衷情嵩因言謹遵旨留侍不敢任官報聞時工部
歐陽必進已改左都嵩令吏部題缺會推欲用所私 上怒曰
雷禮見任尚書何又更用私人令太監黃錦取工部本批着雷
禮掌管十一月萬壽宮災 上以 成祖受命之地諭內閣徐
階此地不可一日延必作新仰承天命且謂此居朕安處二十
年非乾清日驚恐比令工部拆舊命黃錦擇近殿房與尚書
禮宿直督工嵩大言曰無命而宿大內無旨而拆除何太膽若

此文書房曰出上命乃語塞復諭嵩我取某日與工階謂可着
禮親督嵩回奏 上燭其情惡之四十一年二月 上急工尚
書禮請分工責成以嵩係紹庭巡緝嵩謂不派伊孫工請以男
世蕃協理 御批孫已巡緝又加何差伊男避吉務且目疾亦
不宜工作當自惜焉因騰謗 上不聽會工完 上令開効勞
本上嵩批該部查例來看 上大怒問嚴嵩我朝燒壽宮幾次
五月御史鄒應龍劾嵩子世蕃私擅爵賞廣致賂遺一開選則
視官之高下而低昂其值遇陞遷則視缺之美惡而上下其價
選法大壞市道公行主事項治元以萬二千而轉吏部舉人潘
鴻業以二千二百金而得知州以司屬未職其賄若此卿尹方

國朝列卿紀

卷之十三

王

陶

岳又何所涯淡交通關節者不下百人而子鶴鳥又及王
羅龍文爲其年世蕃之腹心士夫稱爲鶴山先生每賄年率十
取其一遇嵩生日輒獻萬金僕僉尊大奢侈若是正當何如嵩
田宅遍南京儀揚以僕嚴冬主之估勢肆害民怨入骨猶有異
者世蕃居憂狎客曲宴擁姬歌舞日以繼夕爲鬼神所厭扶其
自鶴侍祖母喪有同奇貨騷擾需索諸司望風奉承民窮財盡
實由於此請斬世蕃首懸之高竿以戒不忠不孝能嵩以清政
本 上曰嵩小心忠順祇順天時力贊玄修壽君愛國人所嫉
惡久矣却一念縱愛悖逆醜子全不管教言是聽計是行不思
朕優眷其致仕去仍令馳驛有司歲給祿米一百石疏內有

人犯送鎮撫司拷訊先是 上聞世蕃居喪淫縱惡之會方士
藍道行以扶鸞得幸 上神之一日問輔臣賢否道行詐為箕
仙言嵩父子弄權 上疎嵩日親大學士徐階廷臣多知之故
應龍疏入稱 旨下世蕃等於獄謫戍雷州四十二年南道御
史林潤初考選時以貌陋鄢懋卿鄙之不得與選以千金于世
蕃得南道及嵩敗欲以自別托袁州府推官郭諫臣廉其事會
入謁奴匠輩偃蹇不知畏諫臣銜之撻拾其侵占強橫以告潤
奏之指為謀逆命潤逮之至京法司擬以謀叛處決籍沒株蔓
及於一省嵩削為民

國朝列卿紀 卷之十三

三十五

丁文

許讚字廷美河南河南府靈寶縣人太子少保吏部尚書諡襄
毅進之子也進生八子伯曰詔鄉貢士次誥太子太保南京戶
部尚書諡莊敏次即讚次記詩工部主事次詞鹽運使次誌青
城尹次論太子太保兵部尚書金緋銀艾並聯通籍一時海內
莫京焉讚生穎異弱不好弄十歲通戴氏經力學強記平時手
不釋卷弘治乙卯舉鄉試第五明年舉進士戊午授大名府推
官以明法舉職有夜殺人者取其首去比曉劉姓者負薪售諸
市途拾其血刃置薪中邏者執以告拷掠之遂誣服讚獨疑之
曰豈有手刃人而不秘形跡者乃榜市曰劉某殺人已服罪有
能得其首者重賞遂得殺人者一訊即服乃釋負薪者郡稱神
明焉方士妄以妖言誣警家詞連開州民李志且旁引十餘人

奉志素儉者讚曰志且寬矣况濫及其他乎執捕細究已而方
士果坐誣死壬戌徵拜陝西道御史乙丑以疾歸正德丙寅復
以為御史戊辰襄毅公入位冢宰以例改翰林院編修闕瑾盜
主鈇鉗織士類襄毅素不附瑾瑾銜之遂矯旨罷襄毅莊敏調
全州判官讚調臨淄尹庚午丁襄毅慶瑾誅起復陞浙江僉事
孝豐寇湯毛九集眾陷城邑乃分地畫籌元兇就擒戊寅陞副
使巡視海道會宸濠反兩浙戒嚴潛募丁壯拒險要待之民恃
安焉己卯改山西提學校士先理道而後詞章每試畢必進諸
生於庭下論身心之要晉人士自是斌斌焉知向道矣辛巳陞
四川叅政西陽土酋構兵累歲不能平往出數語折之二酋稽

國朝列卿紀 卷之十三

三十六

丁文

首服兵罷嘉靖癸未陞按察使平反冤獄脫死籍者數十人甲
申陞浙江布政使乙酉轉左布政使浙賦繁重吏胥緣為奸乃
摘發其尤者置於法宿弊無藏焉一應織造顏料發銀府縣擇
大戶給領限完不由本司其府縣文移註為號數循序散給抗
人有許不解担之謠丁亥陞光祿寺卿瀕行以羨銀三千付汪
公鉉汪私歎不已至比之於楊公四知既而陞刑部右侍郎尋
為左侍郎時勳貴郭助恃權寵擅繫邊官取充戍人犯為臺諫
所論劾下刑部鞠之勳貴人恃勢無敢決者讚上疏曰明法所
以重王章申天討也今不能行法於貴近可為尊 朝廷乎
王特允之獄乃成戊子陞本部尚書是歲議郊禮分合讚上疏曰

分祀者致嚴辨之道也。合祀者通功用之妙也。昭格天地不在禮文而在淵衷。請慎茲大典。先是揚州商袁英者。武廟南侍錦衣指揮施恭。怙權璫韋寢之勢。矯詔籍其家。至是英妻訴聞。屬訊理權者。日偵伺鼓。費為挾持。計讚不為動。竟寘恭重典。棍徒童原李糾挾詐張皇親。不遂奏張空斷。萬壽山龍脉諸違法事。及奏內閣。并即署官員數十人。受張賦計數萬公。辯析其賊。諸臣賴焉。當是時。復有總旗相虎等。奏太監張永。弟指揮張容。交結輔臣楊遂。菴潛通賄賂軍人李福。奏太監崔文姪。都司崔昂。誣騙商價大壞鹽法。舍餘羅佑。奏張祿。交通內臣陳德范。杲等。混賴沒官贓物。及勳衛徐光祀。威力制人生員張紳。周德

國朝列卿紀

卷之十三

二十七

四十六

且覆以憂天變。憫民窮。廣聖心。乞俯從其請。太監奏各馬房香火地土不敷。供支乞照舊增添四十頃。公指摘循襲積弊。請旨戒飭。竟未增一畝。凡所規措。務循舊則。數報罷。新議曰。毋徒徇名貽害也。壬辰。以二品考滿。蔭子俱為國子生。甲午。聞高太夫人病。疏乞終養。不允。令給驛歸省。高卒。哀毀踰禮。十五年。丙申。吏部缺尚書。廷推數人。上皆不許。特召起之。候服闋。蒞事。既至。乃上疏。決壅滯。公薦舉復久任。停無故改調之法。抑奔競濫陞之習。上皆嘉納。丁酉。六年。考績加太子太保。已亥。冊大禮成。加少保。扈從。聖駕南巡。疏節程途。以保聖躬。上褒答勞錫之舉。人盧綱。許知府孫存張一厚。詞連部院。周德

國朝列卿紀

卷之十三

二十六

四十七

牘可厭者擬黜調二十餘人一時士氣復振尤念人才當愛惜有孤特自立為人擠棄及言事傷激遭擯者前後薦起十餘人善容人過釋私怨或以言犯公如南科給事中曾鈞等以其資深敢言不次敘陞其甄別流品南北各定所宜除目一下人人稱平方面以上或以儀通問舉人監生謁選或由私徑營美缺必當衆發其私意抑壓示懲每大計吏治雖憑考語循跡行履若官常素守為上官所刺必留之存心險詐干清議雖考無貶詞不曲貸甲辰春考察外官有一二巧宦竊虛稱公欲黜之都院不從公指而言曰今為公等爾此人異日害人誤國爾善類雖悔無及後果如公言丙辰以一品六載考績加太子太傅

國朝列卿紀

卷之十三

五

傅

命兼文淵閣大學士入閣辦事已 太廟成加少傅歲冬銜公者復起柄政意欲搖公公嘗以盈滿為懼連疏乞休忤 旨令開住歸出賜金遍惠鄉族曰吾不忍自私也又助修孔廟山川壇歲日暨 聖節必扶掖北鄉稽首祝賀不少廢疾革謂諸子弟曰吾父子兄弟俱列上卿吾以涼德受 主上寵甚渥知其深故數履危機卒賴保全今已矣爾輩有官守者當思圖報遂卒年七十有六讚歷官五十餘年晚荷隆遇凡大典禮多 遣命將事其錫予飛魚服銀瓢彩帶及白金綺幣不可勝紀讚德性溫粹意氣凝定坦夷康樂而涇渭不淆直率徑情而應變無窮蒞官翼翼小心以不欺不怠為主在吏部前後十年用人不

憑臆決每遇來京官見各令舉所知其薦同者注錄於心不拘疏逃推用之每銓注必論才高下與地繁簡兼風土南北而劑量之嚴司公而怨或疵以細故飛語悉置不行以是人德之子姓祇嚴訓閉門息鷺無敢以私入僕從穿短衣如農家粧士夫羨公家法不釋口平生寡慾於古稀之年猶作細楷政暇閱經史典籍老而不倦所著有松臯集續集諸史私論五經臆說諸曹奏議若干卷卒贈少師謚文簡

國朝列卿紀

卷之十三

五

薛

清汪石潭有聲詞垣璧皆師友切磨二公每語人曰是當鳴世才也辛未舉進士選翰林庶吉士授編修文望益起甲戌乾清宮災璧上修德勤政講學三事壬午 世廟龍飛首開經筵璧進侍讀每進講器貌端肅儀矩偉然敷陳古訓明聖剴切時司寇林見素以事待罪璧講君使臣以禮有著德舊臣當加敬禮之語 上為之改容四年六月內陞左春坊兼左諭德出典南畿文衡六年十月陞侍讀學士管撰文官誥勅兼修御札充經筵日講官欽賜四品服色七年十二月丁父憂九年八月接服十二年五月復除翰林院侍讀學士照舊管撰文官誥勅兼修御札充經筵日講官十四年主考禮闈五月陞太常寺卿兼翰

林侍讀學士掌管院事十五年九月欽陞禮部右侍郎兼學士
佐理部事日講等項照舊十六年二月陞本部左侍郎十八年
二月奉 欽依兼詹事府少詹事三月降俸二級庚子南京大
宗伯員缺 詔下廷推至再凡得四人以請上特授璧璧廉謹
自持於凡宿弊剪除而振飭之二十二年癸卯召還禮部適議
建 太廟羣論紛紜璧酌議以對制遂定欽天太醫院率多冗
員順天鄉舉舊多冒籍璧奏覈去五十餘人宿弊一清二十三
年甲辰會內閣員缺璧與河南許公讚一時並用進兼東閣大
學士二十四年加太子太保頃之病瘧不能視事 上遣御醫
診視中使齋賜粥米牲豚諸物存問疾竟弗已卒於宣里第享

國朝列卿紀 卷之十三 三十一 王貴 四百七

齡七十有一璧德性醇厚器宇凝重恂恂與物無競天下稱爲
長者期其大用以弼成休養惇大之治而溘然以逝士論惜焉
自講進迄於拜相其間白金文綺銀瓢錦袋及經籍之賜多弗
可悉紀累荷遣祭分獻代拜陪祀之命而賜見 皇太子於臨
保室尤爲異典云卒贈少保諡文簡
張治字文邦湖廣長沙府茶陵州人其先出江右永新自公高
祖播始徙茶陵公之未娠也母譚淑人夢大鳥戛雲下朱顛玄
吭縞羽止其庭忽縮化入妊已而驚寤公父伯誠曰此鶴祥也
將不有徵乎踰年公生神采異特甫七歲揮墨成巨字稍長偶
辭屬對應聲諧捷多非人思構所及者知州會稽董豫大奇之

徑白督學官補充州校弟子員學官示以經書大旨卽曉析旁
及諸史百氏靡不綜貫發爲文蔚如也及鄧張文定督學試之
見其文愕曰茲非劉坦齋李西涯匹耶正德丙子舉於鄉丁外
艱庚辰舉南宮第一州有龍化湖舊有讖云龍湖坵榜元出公
嘗憇而樂之因號龍湖及計偕北上湖忽曠涸龜裂果符應是
年 車駕南狩辛巳始第進士入翰林爲庶吉士居一歲念譚
淑人春秋高力引疾告歸屏交息管充養益盛五年起授翰林
編修會兵部主事霍縉奏稱兩京堂上官及翰林臺諫履任半
年各舉一人自代公以知人爲聖哲所難請改官便養且曰道
苟可行則乘田委吏不爲約道苟不行則高官大爵不爲豐識

國朝列卿紀 卷之十三 三十二 杜加 四百九

者知其志存經濟不徒文章致身也七年纂修大典成擢左春
坊左贊善公以未滿考貶封格於例願守舊職待封疏再入
上特畀封不允辭益異數焉其冬奉冊使榮藩歸拜譚淑人堂下
不數日譚粹疾不起人謂天祐公至孝不使有貽悔云是時諸
貴倖用事多不法公制終數年矣有超然之志至十三年縉紳
先生以大義勸之迺起尋命主南畿試南士沿江左餘風並崇
彫琢日入於弊公崇渾樸浮時稱爲得人十四年同考會試十
五年重書寶訓成進右春坊右諭德十七年秋命主考武舉會
試是冬安南國人以篡臣逆命絕譯貢乞師征討 上下廷議
僉言簡近臣具文武才略者令宣諭 聖朝威德因得擅制置

不煩兵制可乃權公翰林學士以往公喜盤錯自別乃躍然應
 詔曰丈夫志在萬里如安南如履堂與耳詎株守一職為章句
 儒耶未行有言小夷非兵不服者遂止十九年秋命復去南畿
 試南士益知所宗不迷趨向明年拜南京吏部右侍郎又明年
 召改吏部右侍郎公遇事斤斤自信敢斷決銳然以辯正邪明
 升黜為大務及計吏治貴人嫉忤已者欲擠之持不可竟不能
 奪惡人趨競有京朝官鮮服行持所業文求正門下且甘詞申
 款公正色戒之曰國家造士以明經致用乃至矩唐汚人之詩
 耶其人愧沮性峻方不與世瓦合於持正自立為世擯斥者雖
 疎遠必欲延致之屢薦於太宰不以為嫌嘗薦一二謫官太宰
 擬常調公曰凡居官者悉以資深起用而謫者以淺資拘常調
 是侯者常伸而忠者常屈何以勸後太宰悅從之時直隸中差
 奸持權責吏苛切歲劾罷不下十餘數少能以一售全者公言
 於太宰曰九州設官均為一體而畿輔多中差時時考察非所
 以惜人才安民生也議上 命著為令二十二年改吏部左侍
 郎兼學士掌院事二十五年提督四夷館二十六年春命主會
 試公見士習舉業類擬應試活套以微一捷不知經史為何物
 於身心了無所得特率諸房考精別嚴汰必詞合經旨及援引
 有根據者錄之故所取多學行士藝習為之少變未幾奉詔教
 庶吉士每喻以立身大節其為學期稽古識世務不落塵筌有

國朝列卿紀

卷之十三

三十三

張十

一二浮靡不自振濯對眾指摘不少恕故諸吉士多知省改二
 十七年拜南京吏部尚書二十八年二月改禮部尚書兼文淵
 閣大學士同南渠李公入閣預機務夏四月又 命公與南渠
 及大宗伯徐少湖咸直禁中未幾賜飛魚服白金文綺尚方諸
 珍物亡算公遭際 聖明日夜憂思納善道以興太平誓不
 營私不好法不阿權貴有徇俗以贊通及以侍徑干者嚴詞峻
 拒不假色遜自是諸司弗飭者惴惴焉縮其蹤承平日久中外
 戰士離落車馬凋弱又連年調兵築壘未乾公囊已虛公對當
 事者憤而言曰今兵老民棘禍旦夕及肺腑諸公不歷算周思
 以為宿謀而釀成疽根其可久乎及見士風瀾倒如水決防而
 國朝列卿紀 卷之十三 三十四 張十

天下乾耗經費無紀輒愀然歎曰噫士習靡則元氣瀟矣民財
 竭則精血罄矣其將何所底止乎至二十九年奏 命復主考
 會試發策命意多剴切時弊蓋納牖無由而所以儆庶位者深
 矣卒之虜犯京師而一鏃莫施始服公非過慮云公自夏在直
 嬰暑毒忽疾大作上疏請告 上遣中使偕御醫往視賜內膳
 膠米 溫諭降問少間公曰時方多事吾安得以疾自養乃強
 出供直八月以大慶恩加太子太保辭不允然自是疲於承事
 疾加劇不可完攝矣乃再疏 請告及虜入犯畿甸公伏枕惋
 泣力疾草疏欲堰白河水以遏虜涉會德弗支不及上十月九
 日嚴公偕李公問疾公疾不可為神志猶嗶嗶語不及一私十

國朝列卿紀

卷之十三

三十四

張十

四日竟卒長安西第嚴公命子治其喪先是公疾未作夜忽夢乘鶴遊戲飄飄若出九閻覺而占之曰斯吾始娠之祥也殆將反化以歸乎已兆之矣訃聞上震悼令有司治祭葬贈少保謚文隱公磊落有大志欲以功業行實自見雖博極羣書以文學爲下科雅不嗜尚間著於文若詩多切隱愛覽之令人省奮嘗奉詔修續會典公病前書沿革徒存本末失次往往取吏胥故牒并條例蕪積不提綱要甚或賦役之徵用無紀內府之職制弗明與夫省藩外地軍士牧屯鹽政死馬今昔殊紀漫不可核與吏部雷考功郎夜分商確欲以事始爲綱後之舉廢爲日昭聖制於上附臣下建明載其節略以備一代明良之述

國朝列卿紀

卷之十三

三五

張文

而又詳稽往制備載議原既汰復沿義將何取中更復定始自何時其他如稽員數辨歲供考虛實之類毅然以身肩之竟尼格不果立朝持正論侃侃無顧忌意有未當詞氣激切衆莫能屈然胸中無畛域不喜爲逆億又不宿怨有犯而不校之風平生引薦善類如嗜飴然拯厄雪誣雖忤時忌有所不避晚年列樞筦中外想望其風采所爲多與願違至年僅六十有三不及究蘊蓄以沒平生奉制及應酬諸作信口肆筆未嘗不出乎正脫腐遠俗歸古典則凡存稿若干卷

呂本即李本字汝立初號南渠晚更期齋浙江紹興府餘姚縣人系出宋中丞誨之後誨孫億始居新昌八傳至貴義始居餘

姚子德玉當國初定籍以聲訛爲卒遂姓李至隆慶三年始疏復姓呂公幼而岐嶷謝文正公一見奇之曰此兒峭健有氣力異日遠到倍我遂畱讀書於汝仇湖命子學士丕課之與鄒公絢諸公燮同業世以是稱文正爲知人嘉靖甲申謝學士攜之北上鉛山費文憲一見大奇之畱與子同學乙酉歸以儒士高第試於鄉不第充弟子員戊子以遺才舉於鄉己丑游太學大司成魏公校少司成林公時咸器重公壬辰第春官賜同進士出身是歲之十月肅皇命李文康選吉士比上閱卷見有彌封不密者心疑私報罷編修程公文德請親試於文華殿乃得呂懷等二十一人公與焉上嘗問李公諸吉士誰可

國朝列卿紀

卷之十三

三六

張文

大用者李公以公對當是時肅皇已識公名矣比散館留爲檢討乙未充會試同考官持節封汝寧潁川二王便省其太夫人暇與其門人講經義根極理域絕當途之交其冬奉揚太夫人如京師丁酉充經筵展書官校對列聖御製文錄戊戌充廷試掌卷官己陞南國子司業當是時翰林外國子而遠南畿次及者不欲行言於李文康謂汝立願往文康召公而問焉對曰百官惟朝廷使耳理無自擇且吾師在弟子雖南猶宇下何稱遠耶遂拜而南所歷大司成關中馬公汝驥安福鄉公守益懷安龔公用卿南海黃公佐金華程公文德五公者迭用寬栗而公濟以中和所育材以千計人人自以爲得師至

其正講席定序單徹情修絕倖調至本著為燧式壬寅公以考
 滿當赴京留太夫人於家太夫人病瘳公侍湯藥不能去左右
 以簡書故不得已一北上而歸踰歲不赴官同官促之急迺孤
 身之官會 太廟成因捧表入 賀觀太夫人於家公為司業
 者自戊至於乙人詎以為最久而公無幾微見於色公輔之期
 益重已乃改右中允視南院兼中允與司業皆六品得通考再
 滿赴京五月改左中允掌篆八月 上命公及右贊善吳公山
 典試於順天公首命題以禮樂征伐自天子出大稱 肅皇意
 錄文一一手疏又甚典 上大善而字標之竟篇乃已於是彌
 心嚮焉丁未充 廷試受卷官戊申陞南京祭酒隨改北已酉
 國朝列卿紀 卷之十三 田文 冒未充

內閣請益置輔 上命廷推時推釋家宰聞公淵等六人 上
 悉其事十日不下 特簡南家宰張公治及公 命以少詹
 事兼學士入閣辦事公疏辭不允居閣中閑闕無事不欲過優
 逸手檢故牘作館閣漫錄續修大明會典充總裁官隨 召直
 無逸殿賜銀兩彩幣庚戌充 廷試讀卷官取桂林呂公調陽
 禮部上恩榮宴圖擬公坐次分宜擬坐於三品上 上特命坐
 於二品末蓋三品旁坐二品上坐 肅皇優禮儒碩而折衷典
 禮之精如此其秋陞吏部左侍郎兼東閣大學士會大虜逼通
 州羣臣請見 上御永壽宮特日本與階曰卿久失相見禮
 公與徐公各致辭謝公因條禦虜之策 上稱善傳諭舉行虜

退後復上言薊昌等處暴骸可念乞掩埋蠲賑以收人心又乞
 整飭營兵以善後圖 上趣所司議行辛亥禮臣請建儲 上
 問公公對曰自古帝王莫不蚤建太子以正國本 國家 東
 宮諸王年十五則選婚制也顧 東宮諸王異禮今 二王已
 長讀書選婚正其期亟宜正名如禮臣請 上以已酉春事為
 難已酉春事者謂 莊敬太子早世為不利於儲也公又言天
 授元良自有定數不可以槩論 上置之是歲考察京官 上
 問考察及邊事公條對且言連日風霾虜情叵測要在豫備為
 急時咸寧侯鸞用事齟齬都御史商大節分其軍大節訟鸞
 上怒謂秋防近而巧推避下詔獄及法司治當斬公言大節可原
 國朝列卿紀 卷之十三 田文 冒未充

律稱調兵官已承調遣不依期策應失誤軍機者斬而 上謹
 大節不過謂推避耳不宜當臨陣失機律不納鸞又言虜且入
 寇請身領京兵禦於內而出邊兵待於外又請載軍糧以自隨
 恐虜因糧聽將士食民禾公言調邊兵以衛京師也而令待於
 外臣不識鸞何意軍之所至有督餉存而復載補行徒滋煩擾
 古之善軍者卒糧取一物立斬而欲縱軍掠稼尤非所聞也鸞
 又議與虜市兵部爭之急 上問公公對曰虜日變不可以互
 市狎也今徵兵四集正宜決戰以挫狂鋒彰天討不可任其要
 挾徒示弱於是 上決意以戰守為事十一月以平其賊錫銀
 幣羊酒及人口二疏謝云逆妖伏法功莫効於贊襄滅獲隸官

賜幸同於勳戚故事有賜奴功臣無及人臣者及文臣特恩也
也因禮部尚書兼官如故壬子禮臣上 二王冠婚儀以東
宮未定不敢請出府乞暫舉於宮中 上曰諸王出府成婚例
也豈宜於宮中公對曰先年 五王出府以名位等他日皆當
之國故爾今冊禮未行事非前比處分不可不慎 上竟不肯
分別令一體禮成 詔以八月吉出閣講讀九月選婚是歲有
詔許大臣倭直禁中者得乘馬及船侯鸞敗更定戎政癸丑再議
戎政擬議多出公徐邳被水饑民相剽劫疏請大司農議賑司
空議漕渠 上嘉納之又言春明景和 二王宜及時婚如留
內則保護便此天下臣民所瞻仰且儲貳未定而居外使人帖
國朝列卿紀 卷之十三 五十九

保進文淵閣大學士遺視 天壽山還奏言山水衝決之故復
廢一子中書寧安公主筭選子弟可都尉者 上命送無逸殿
屬輔臣元輔推公往取李和時司禮已受賂別屬奏上竟用和
丙辰充會試考官時冢宰缺 上命公暫署不奏事承 旨且
勿推又令公分別內外大小諸臣爲三等以聞毋畏自餒公言
外吏之考察比於在內小臣衆多臣亦不能周知皆可勿考惟
大臣者小臣之倡也敢不奉詔 上許之迺悉錄兩京部寺科
道及在外督撫等官次其去留以上百僚罔不熱服者 上曰
輔臣本暫掌銓務奉公忌私甄別既明宜加恩獎其加少保兼
武英殿大學士餘如故丁巳 殿門災又新作 明堂各進助
國朝列卿紀 卷之十三 四十一

危 先朝有 太后有 中宮有 東宮故 主上體勢增重
而尊安令骨肉唯 二王耳 聖躬不可不慮疏三上 報曰
卿所慮皆不足卹人無能勝天其俟後命徐邳河塞請遣官祭
河岱沂金龍廟等神癸丑 上納給事中朱伯辰言議築外城
且曰不四面非王制也公言築外城亦一勞永逸之計今先築
南面併力可完此天下財貨湊集所亦足以杜非覲矣他東西
北三面俟更議可因進助工銀兩 上報允而城竟止一面矣
其冬上言臣奉密對屢以建儲爲請閱歲淹久未卽允今內
外臣民謂此大事置而不講臣等何以辭責請及開歲詠吉舉
行 上不報甲寅以外城成廢一子中書舍人八月加太子太

工銀兩秩滿一品三年考賜鈔錠羊酒進階光祿大夫勳柱國
廢一子入監讀書給予 誥命八月加兼太子太傅賜蟒衣銀
幣餘姚民夾江居江北有城然多圯江南人十倍城中而無城
倭至其誰與守請於督撫胡公宗憲檄郡守視之諸少年更以
爲厲已也倡衆以譁焚公所聚材數千章公聞之歎曰吾以衛
民而人反詬我難與慮始如是哉其未奉 成命乎乃令千元
及正郎邵公德久侍讀陳公陞凡居江南者二十餘家共疏於
朝得 命旨而城成譁者更來德與縣三老俎豆公於龍山事具
徐少師新城記及袁少保生祠記中已未充讀卷官得清河丁
公士美庚申一品六年滿官子中書兼支大學士俸予 誥命

賜羊酒鈔錠公請移已封贈本生曾祖父母 上並給不移八月加少傅是時 上春秋高國本未建 二王並居外邸前發善郭希顏疏請建帝立儲綱 上怒見法公密奏曰 皇上萬壽無疆而小臣稱建帝死固當雖然 二王並居人各為其主矣希顏請令一住京一之國語亦當省且 上嘗謂天倫之序默定已久第鑒已酉之事篤愛元良不欲冊耳今若因其序而或留京或遣國則人心自定亦可無庸冊也 上大感悟十月諭內閣景王府成已數年何久不令之國即示所司舉行當是時肅皇諱言儲言者輒不測二耦相疑矣揣摩窺伺者不少而公獨以危言衷論悟 主上光啟隆萬之治功不細哉辛酉五月楊國朝列卿紀 卷之十三 四十一 傳元 粵全

太夫人卒邸中 上念公銜恤不可留給傳符遣行人護行仍賜札存問公束髮升朝十七年超拜相相十三年遣祭方澤者二社稷者六祀先師者七分獻南郊者四讀禮之後遇 朝廷有大慶則修賀遇大典則修助居鄉以賦庸獎滋力主清文均則平徭之議鄉民受其利祖墓之在新昌及餘姚者皆修葺之置祭田因梓里後進不識陽明先生良知白黑乃構書院與王公幾及趙公錦時往復焉萬曆癸未公年八十守臣以謝文正例請稱母德偕年 朝廷特命撫按官存問月給米四石歲夫六名丁亥六月七日卒年九十有四撫按以聞 賜祭九壇遣大行管葬贈太傅謚文安性夷粹醇厚平居無疾言遠色親人無

少長齊禮不修人之郝故內外無惡好施予內外親暨一付者無不受其賜戊辰邑饑出困粟千石為賑時緹騎貴寵求媿公公謝絕卒免於後之批繩文章春融渾厚所著有期齋集奏謝稿館閣漫錄等書

國朝列卿紀 卷之十三 四十一 傳元 粵全

國朝列卿紀卷之十四

國初詹事府詹事年表

李善長 直隸定遠人功臣洪武元年以左丞相兼詹事封韓國公四年致仕

唐鐸 直隸鳳陽人功臣洪武二十二年以兵部尚書兼任

寒義 四川巴縣人進士未樂二年以吏部尚書

金忠 浙江鄞縣人儒士未樂二年以兵部尚書兼任十三年卒贈少師諡忠襄

國朝列卿紀

卷之十四

三

孫亦

國初詹事府詹事行實

李善長直隸鳳陽府定遠縣人元末兵起從太祖渡江平定天下歷中書左丞相宣國公兼太子少師洪武元年御史中丞劉基學士陶安言於上曰適聞中書及都督府議做元舊制中書令欲奏以太子為之上曰取法於古必擇其善者從之元氏胡人事不師古設官不以任賢豈可取法以太子為中書令乎乃命詹事同取東宮官制觀之曰朕今立東宮官取廷臣勲德老成者兼其職老成舊人動有典則夫舉用賢才立國之本崇德尚齒尊賢之道輔導得賢人各盡職故連抱之木必以授大匠萬金之璧不以付拙工於是善長兼詹事仍諭以兼

國朝列卿紀

卷之十四

四

王錦

官之意及輔成之道二月善長率禮官進郊社宗廟議曰園丘曰方丘曰宗廟曰社稷各具沿革以進時大將軍徐達方伐中原上復遣都督康茂才率兵參同進取命善長祭告江河漢濟之神五月上幸汴梁議定都兼謀取元都善長留守京師一軍國重事皆決焉八月車駕還京師善長奏定吏戶禮兵刑工六部官制部設尚書侍郎中員外主事各有定品以分理庶務至為要職十二月定官民喪服之制定三司朝賀東宮儀二年正月承制命有司立功臣廟於雞籠山定太歲風雲雷雨嶽鎮海濱山川城隍諸神祭禮定翰林院官制二月丙寅詔修元史命善長為監修乙亥奉詔立皇陵碑四月奉

一書丁巳丹 貴參日華公第 7 反之下

詔編祖訓錄定封建諸王國邑及官屬之制八月定大祀受誓戒
十二月議賞平定中原及守禦有功諸將三年正月議出師征
沙漠三月議定朝臣服色悉准所授散官四月定官民書札儀
式禁革民間名字有犯先聖先賢大國君臣并漢晉唐宋國號
等字者議置司農司開治所於河南司設卿一員少卿二員丞
四員主簿錄事各二員從之五月承制給存恤之祿以養國
初所設都先鋒十大元帥都尉指揮陣亡物故無子孫承襲者
之父母及妻無俾失所六月奏禁淫祀凡民庶祭先祖歲除祀
竈鄉村春秋祈土穀之神凡有災患禱於先祖若鄉厲邑厲之
祭則里社郡縣自舉之其僧道建齋設醮不許奏章上表投拜

國朝列卿紀

卷之十四

五

高宗
聖祖

青詞亦不許塑天地神祇及白蓮社明尊教白雲巫覡扶鸞降
聖書符咒水諸術並加禁止庶幾左道不與民無惑志 詔從
之議定文武官朝服之制七月元史成賜文綺及帛是秋善長
病上召汪廣洋為右丞相時左丞楊憲恃寵專恣不法因挾
私劾廣洋陰事善長怒奏憲排陷大臣放肆為奸 上命羣臣
按治之憲伏誅十一月壬辰大將軍達等平虜師還明日善長
率百官上表賀丙申大封功臣乃授開國輔運推誠守正文臣
特進光祿大夫左柱國太師中書左丞相封韓國公叅軍國事
食祿四千石賜 誥命鐵券仍賜文綺及帛一百疋時封公者
六人善長其首也是冬禮部尚書陶凱請專選東宮官罷善長

等兼職庶於輔導有所責成 上曰古者官不必備惟其賢朕
以廷臣有才望勲德者兼東宮官非無謂也嘗慮廷臣與宮僚
有不相合遂成嫌隙或生奸謀離間骨肉其禍非細若江充之
事可謂明鑑朕今立此兼職父子一體君臣一心庶無相構之
患也 上與陶凱論齋戒當致誠因論善長等曰人之一心極
難檢點心為身之主若一事不合理則百事皆廢所以常自檢
心凡事必求至當今每遇齋戒必思齊整心志對越神明善長
頓首曰 陛下此言乃聖賢治心之道心既治天下無難治矣
四年正月善長乞致仕許之賜臨濠地若干頃守墳人百五十
戶佃戶一千五百戶餘詳中書省

國朝列卿紀

卷之十四

六

高宗
聖祖

唐鐸字振之直隸鳳陽府虹縣人自幼有遠略初守濠州庚子
從 上討江州授西安縣丞召還除中書管勾出知延平府洪
武五年召為殿中侍御史四年正月己亥御史臺進憲綱四十
條 上覽之謂鐸等曰元時任官但貴本族輕中國之士南人
至不得入風憲豈皆公道朕之用人惟才是使無問南北風憲
作朕耳目任得其人自無壅蔽之患鐸對曰臣聞元朝遣使宣
撫初出之時四方驚動及其至也畧無能為民為之語曰遣使
宣撫問民疾苦來若迅雷去若敗鼓至今羞之 陛下視同
仁任官惟賢尤重風憲明立法度所以安百姓興太平也未幾
復出知紹興府七年陞刑部尚書本年改太常寺卿內艱家居

賜食半俸十三年服闋轉兵部尚書十五年遷諫議大夫十七年四月己丑上謂鐸曰人有公私好惡不同故其言有邪有正正言務規諫邪言務阿諛謗言近於忠諛言近於愛惟不惑於謗言則聽日聰而讒人自去不眩於諛言則智益明而佞自絕矣鐸對曰聽言之難自古為然惟不為所眩惑則讒佞自遠

上曰朕日總萬幾所行有得失非資人言何由以知故廣開言路以來衆言言有善者則獎而行之言之非實亦不之罪惟讒諂面諛者決不可容也尋以事左遷監察御史十八年陟右副都御史十九年復陞刑部尚書十月焚錦衣衛刑具先是天下官民有犯者俱命屬法司其有重罪逮至京者或令收繫錦衣衛

國朝列卿紀

卷之十四

七

王貴

審情辭用事者因而非禮凌虐上聞之怒曰訊鞫者法司事也凡負重罪來者或令錦衣衛審之欲先得其情耳豈令其煅煉耶而乃非法如是命取其刑具悉焚之以所繫囚送刑部審理時諸卿中詹徽以才勝鐸以德勝然不動聲色而政務修理人咸愛之上嘗曰都御史徽掌刑部事鐸二人性行不同下人事之亦異徽剛斷嫉惡不容奸偽役吏髮蓬面垢容愁肌瘦不異羈囚亦不得肆其貪故若是鐸始友及臣至今三十四載交不知變色口不出惡聲德有餘而才稍不足屢被小人誣誤陷刑者數矣朕深知其德曲宥弗罪奸人忌徽剛則謗訕滿朝鐸重厚無疵又謂儒而無為一切文移計稟皆舞文弄法愚鐸

賄賂公行鐸無奈何嗚呼聰明決斷者以為非淵德海涵者以為愚人之不古有此邪二十一年奉旨凡中外臣民犯罪有大誥俱減一等科論本年復改兵部尚書太祖諭鐸曰各衛所軍有逃故者令本管編成圖冊送兵部照名行取不許多差人各府勾擾州縣類造軍戶文冊遇有勾丁按籍起解其民匠充軍者月支米八斗牧馬軍士支一石及後復令民丁邊軍操練者月支米一石二十二年四月丙寅置詹事院秩正三品

上謂吏部侍郎侯庸曰朕觀歷代賢明之君於輔導太子必擇忠正賢良之士三代保傅禮甚尊嚴後世若唐太宗為子擇師傅而李綱之徒直言正議頗有裨益今東宮官屬詹事未設衆務無所統領兵部尚書唐鐸為人謹厚有德量宜當是任其以鐸為詹事仍兼尚書之祿本年致仕二十五年起詹事二十六年兼太子賓客二十七年加太子少保四月癸未上謂鐸曰帝王之於天下體天道順人心以為治則國家基業自然久安朕思前代亂亡之故未有不由於違天道逆人心所致也天之愛民故立之君以治之君能安生民則可以保天眷卿與共事者久夙夜左右資弼良多朕之事天子民有弗至者卿即以爲言使知所警毋謂已安不以爲意治亂繫焉鐸頓首曰陛下敬天恤民之心惓惓如此臣雖老悖敢不奉命二十八年使龍州諭趙宗壽還復出叅議總兵楊文軍事經畫守衛撫綏蠻獠

國朝列卿紀

卷之十四

八

杜加貴

事竣還京三十年卒於京年六十九鐸重厚縝密不妄取于太祖起兵即在左右每以故舊遇之雖僚屬罪數連鐸上念鐸篤行皆不關故始終保全云

蹇義字宜之四川巴縣人洪武乙丑進士授中書舍人累官吏

部尚書永樂二年冊仁宗為皇太子命義兼詹事時師傅皆

勲臣兼之而輔導責任文臣詹事蓋元僚也上欲有諭皇

太子率諭詹事往導意義亦委曲周悉皇太子尤愛重義所

言靡不信用滿三載陞資政大夫七年車駕巡狩北京命

輔皇太子監國中外庶務惟諸王及遠夷有奏請詣行在

餘悉啓聞處分義熟於典故又達於政體孜孜無倦不動聲色

國朝列卿紀 卷之十四 九

而事賴以濟賜詔以其官秩封贈三代滿九載賜勅有秉

心正直及淳良篤實裨益國家之褒數奉命兼禮部事雖職

務填委處之裕如十七年丁父喪歸有詔起復詣北京謝

上慰勞再三賜鈔千緡遣中官護送歸南京十八年詔定鼎北京

從皇太子朝北京遂命巡撫直隸應天等府州問兵民休戚

及文武吏之賢否而陞黜之義謂國家多事之際悉以法繩

吏人將不勝特黜其太甚者數人餘多見寬假而兵民利弊當

興革者具奏行之二十二年仁宗嗣位進少保詳吏部

金忠字世忠浙江鄞縣人洪武末年靖難師起以儒士入見命

署紀善遂從征伐歷陞工部侍郎永樂二年累官兵部尚書

命兼領詹事府詹事忠事上敬慎小心每被顧問知無不言退

未嘗泄以是益見禮遇而委任益篤焉輔導儲君以正直自持

言無不盡尤見優待遇同列論事徑情直發不肯持兩端依阿

更虛已服善兵部機務繁劇嘗推讓同官之賢能其或一事失

當則必自引咎人有片善必稱之雖有素與忠異意者其人有

他善未嘗不稱也尤好獎掖善類士有得一官而往見者必戒

之曰國家待士厚所望為民造福耳所至一以濟物為務聞人

出片言語涉暴刻輒艴然色變博於史學每論當時成敗治亂

之故娓娓千數百言不竭其源委折曲如身親觀之者十三年

卒於官年六十三訃聞上為文祭之有曰殫竭心膂克勤夙

國朝列卿紀 卷之十四 十

夜小心慎密始終無間皇太子為文祭之有曰能盡乃心知

無不言助益多矣又曰老成忠厚方資之為輔而遽沒焉觀忠

君臣之際始終一德生榮死哀亦可為奇遇云贈少師諡忠襄

詳國初兵部

國朝列卿紀卷之十四終

國朝列卿紀卷之十五

詹事府詹事年表

吳中	山東武城人監生永樂二十二年以刑部尚書兼任諭月改工部累加少師卒封在平伯謚榮襄
向寶	江西進賢人進士永樂二十二年以工部尚書兼右都御史任洪熙元年調南院
黃福	山東昌邑人鄉舉永樂二十二年以工部尚書兼任宣德元年鄉舉永樂二十二年以工部尚書
俞士吉	浙江象山人鄉舉洪熙元年任宣德元年改刑部右侍郎
郭璉	直隸新安人國子生宣德元年以吏部侍郎掌府事四年陞吏部尚書
胡濙	直隸武進人進士宣德四年以禮部尚書兼學士六年兼署戶部事累加少師卒贈太保謚忠安
習嘉言	江西新喻人進士正統十四年任兼翰林院學士景泰二年卒
儀銘	山東高密人官生景泰三年以兵部尚書兼任加太子太保六年卒贈太師謚忠襄
陳文	江西廬陵人進士天順元年任兼學士七年入閣歷太子少保文淵閣大學士卒謚莊靖
李泰	順天香河人進士成化三年任兼侍讀學士五年卒贈禮部左侍郎
彭華	江西安福人進士成化十五年任兼學士二十一年入閣歷太子少保兼禮部尚書卒謚文思
丘濬	廣東瓊山人進士成化二十二年以禮部尚書兼學士掌府事弘治四年入閣歷少保武英殿大學士謚文莊
費閻	直隸丹徒人進士弘治三年任兼侍讀學士本年陞禮部右侍郎
汪諧	浙江仁和人進士弘治四年以禮部尚書兼學士掌府事五年致仕卒贈禮部尚書
陸簡	直隸武進人進士弘治七年任兼侍讀學士八年卒贈禮部右侍郎
謝遷	浙江餘姚人進士弘治八年以內閣領詹事兼侍讀學士十一年進宮保歷少師身毀大學士謚文正
程敏政	直隸休寧人進士弘治十一年任兼學士加禮部右侍郎仍前任十二年致仕贈禮部尚書
傅瀚	江西新喻人進士弘治十二年以禮部侍郎兼學士掌府事十三年陞禮部尚書卒贈太子太保謚文穆

國朝列卿紀卷之十五

吳寬	直隸長洲人進士弘治十三年以吏部尚書兼學士掌府事加禮部尚書十七年卒贈太子太保謚文定
張元禎	江西南昌人進士弘治十七年以太常卿兼學士掌府事加吏部左侍郎仍前任正德元年卒
楊廷和	四川新都人進士正德元年任兼學士本年陞南史侍歷內閣少師華蓋殿大學士謚文襄
劉機	順天大興人進士正德二年以禮部侍郎兼學士掌府事本年陞禮部尚書
梁儲	廣東順德人進士正德二年以吏部尚書兼學士掌府事四年陞吏部尚書
劉忠	河南陳留人進士正德五年以吏部尚書兼學士掌府事本年入閣歷少師武英殿大學士卒謚文肅
白鉞	直隸南宮人進士正德五年以禮部尚書兼學士掌府事加太子少保本年卒贈太子太保謚文裕
靳貴	直隸丹徒人進士正德五年以吏部侍郎兼學士掌府事九年入閣歷太子太保武英殿大學士卒謚文僖
蔣冕	廣西全州人進士正德九年以吏部侍郎兼學士掌府事十一年入閣歷少師身毀大學士
毛紀	山東掖縣人進士正德十一年以禮部尚書兼學士掌府事十二年入閣歷少師身毀大學士
李遜學	河南上蔡人進士正德十二年以禮部尚書兼學士掌府事本年卒贈太子太保謚文簡
劉春	四川巴縣人進士正德十六年以禮部尚書兼學士掌府事本年卒贈太子太保謚文簡
石瑤	直隸藁城人進士正德十六年以禮部尚書兼學士掌府事本年卒贈太子太保謚文簡
賈誅	河南臨潁人進士嘉靖三年以吏部侍郎兼學士掌府事四年入閣歷少保武英殿大學士
吳一鵬	直隸長洲人進士嘉靖三年以禮部左侍郎兼學士掌府事四年加禮部尚書六年改禮部
董玘	浙江會稽人進士嘉靖四年任兼學士掌府事六年陞吏部右侍郎
張孚敬	浙江未嘉人進士嘉靖四年任兼學士五年入閣歷少師華蓋殿大學士卒謚文忠
桂萼	江西安仁人進士嘉靖四年任兼學士六年陞禮部侍郎歷內閣少師武英殿大學士
徐縉	直隸吳縣人進士嘉靖六年任兼學士本年陞禮部侍郎歷吏部右侍郎
溫仁和	四川華陽人進士嘉靖六年以吏部侍郎兼學士掌府事本年丁憂

霍韜 廣東南海人進士嘉靖六年任兼學士九年丁憂

黃綰 浙江黃岩人官生嘉靖七年任兼學士本年陞南禮部侍郎歷禮部尚書

顧鼎臣 直隸崑山人進士嘉靖七年任兼學士加至禮部尚書大子太保十七年入閣歷少保武英殿大學士

溫仁和 詳前嘉靖十七年以工部尚書改禮部尚書學士掌府事加太子少保二十年致仕卒諡文恪

霍一韜 詳前嘉靖十八年以禮部尚書兼學士協掌府事加太子少保二十年卒諡文敏

陸深 直隸上海人進士嘉靖十八年任兼學士二十年致仕

張邦奇 浙江鄞縣人進士嘉靖二十年以吏部左侍郎兼學士掌府事本年回禮部事改南兵部尚書卒諡文定

張潮 四川內江人進士嘉靖二十一年以禮部尚書兼學士掌府事本年回禮部事加少保卒諡文通

費家 江西鉛山人進士嘉靖二十三年以禮部尚書兼學士掌府事本年回禮部事加少保卒諡文通

孫承恩 直隸華亭人進士嘉靖二十三年以吏部侍郎兼學士掌府事二十九年改理禮部事

歐陽德 江西太和人進士嘉靖二十九年以吏部侍郎兼學士掌府事本年丁憂

孫承恩 詳前嘉靖二十九年致仕

程文德 浙江永康人榜眼嘉靖三十二年以吏部左侍郎兼翰林院學士掌府事三十四年為民

閔如霖 浙江烏程人進士嘉靖三十四年以吏部左侍郎兼翰林院學士掌府事本年陞南京禮部尚書

李璣 江西豐城人進士嘉靖三十四年以吏部右侍郎兼翰林院學士掌府事三十九年陞南京禮部尚書

郭朴 河南安陽人進士

董份 浙江烏程人進士

高拱 河南新鄭人進士

國朝列卿紀 卷之十五

主

薛洪

詹事府詹事行實

吳中宇 字司正山東東昌府武城縣人洪武戊寅由國子生授管州後屯衛經歷累官刑部尚書永樂二十二年仁宗嗣位命

兼詹事踰月改工部仍兼詹事本年進太子少保加至少師卒贈益平伯諡榮襄詳工部

向寶 字克忠江西南昌府進賢縣人洪武乙丑進士授庫部試員外郎累官通政使奏改應天府尹謫廣西蒼梧甲申復前職

庚寅降兩淮通判未幾訟繁南京乙未有復職命督運糧餉併總督漕運材木甲辰八月仁宗即位驛召還以為都察院

左僉都御史翌日入謝陞右都御史階資善大夫未幾復命

國朝列卿紀 卷之十五

四 傅元

兼詹事府詹事特賜楮幣羊酒實錄雖屢見挫抑而志於有

錄致宦不數日即條陳八事以進其一曰錄用勲舊二曰設置

諫官三曰選舉賢材四曰簡練將帥五曰責重有司六曰考覈

吏員七曰監生資格八曰疏通鈔法其言皆懇切有裨時政

上命次第行之宣宗即位之初以南京都察院缺人特命往蒞

焉餘詳南京都察院

黃福 字如錫山東萊州府昌邑縣人洪武甲子鄉貢授項城主

簿累陞金吾衛知事戊寅陞龍江衛經歷是歲上章論國家大

計超陞工部右侍郎壬午調左未幾陞工部尚書掌文趾布按

二司事未幾二十二年仁宗即位驛召還京父老不忍舍去

泣送於塗者千萬人至遮道不能行及抵京仍為工部尚書兼
詹事府詹事賜以白金綵幣 賜誥命褒崇推恩及其祖考洪
熙乙巳扈從 東宮至南及回 上賓天 宣宗嗣登寶位命
董 獻陵事賜賚優渥既竣事以久違先壟奏乞歸省 上允
之賜以路費馳驛而回未逾月復召還京嬰疾 上遣醫調護
命使賜以珍饌疾愈持節 寧府行冊封禮適交趾警報及
掌三司事兵部尚書陳洽累疏乞福復鎮遂驛召還京 上命
仍領布按三司事累官少保南京戶部尚書詳南京戶部
俞士吉字用貞浙江寧波府象山縣人洪武丙子鄉舉授兗州
府學訓導革除中拜南院監察御史壬午年 文廟入正大統
國朝列卿紀 卷之十五 五 毛上卷三

改廣西道監察御史尋陞都察院右僉都御史未樂四年坐事
請為辦事官尋復原職 命賑卹兩浙饑荒五年回京降襄陽
知府十五年陞山東左叅政洪熙元年召為詹事府詹事未幾
宣宗嗣位改刑部右侍郎詳南京刑部

郭璉字時用直隸新安人國子生未樂初年為戶部主事以勤
敏為 文廟所知歷陞福建叅議山東叅政俱有政績五年進
工部侍郎督湖廣武當山宮觀十九年命安撫江西考察官吏
二十二年改吏部 仁廟嗣位命兼少詹事 宣宗登極命掌
詹事府四年進吏部尚書詳吏部

胡濙字源潔直隸常州府武進縣人革除庚辰進士授兵科給

事中遷右給事未樂元年以奏對稱 旨陞戶科都給事中丁
亥以訪異人為名 命巡遊天下還朝陞禮部左侍郎 仁宗
嗣位聞曾有密疏疑之轉太子賓客兼國子祭酒之官南京宣
德元年召留行在禮部進尚書四年巳酉命兼詹事府事夏五
月扈從北巡時常民有豪橫者既抵於法悉以田宅賜之五年
庚戌 宣宗一日召濙曰侍郎如某者吾所任戶部輒欲差巡
撫汝與楊士奇等議巡撫須用不須用退偕士奇等覆奏比年
糧餉多稽差部屬官動數員民擾事誤須得重臣則民安而事
集 上曰爾等試舉堪任侍郎者以名聞因疏薦某等若干人
上喜皆陞侍郎俾巡撫當時吏部復言濙等侵越殊不知 上惟
國朝列卿紀 卷之十五 六 毛上卷三

命與楊士奇等議固不敢援吏部也辛亥命兼行在戶部事八
年命同楊士奇等遊西苑倚任益隆每宴見 上虚心問曰卿
有何言得其奏章即施行之時有芝產於公署人以和氣所召
英宗踐祚惟圖任舊人待之尤厚凡軍國重務皆與聞加授資德
大夫正治上卿每考績必有賚于甲子乞致仕 上以其精力
未衰慰勉留之巳巳 上親征北虜命留守京師會 車駕北
狩 邸王嗣位進太子太傅詳禮部

習嘉言名 以字行江西臨江府新喻縣人未樂戊戌進士改
庶吉士時留翰林者惟嘉言與吉水周敘尹鳳岐高郵董璘上
海楊琪華亭陳詢六人授編修餘皆授諸司官有差宣德間轉

修撰正統初與修 宣宗實錄三年書成陞侍讀五年陞南太常寺少卿七年改太常十四年陞詹事府詹事兼翰林院學士爲人沈毅莊靖爲 上所眷重嘗進封六事皆切時政每有章疏悉嘉納之景泰二年卒所著有尋樂集

儀銘字 山東萊州府高密縣人以恩蔭入太學擢兵科給事中改編修正統三年陞本院侍講侍 邸王講讀五年陞

邸府長史景泰卽位以潛邸恩陞禮部右侍郎未幾陞南京禮部尚書三年召改兵部尚書兼詹事府詹事及廣西奸人黃竑議

易儲立見濟易 憲宗爲沂王加太子太保卒贈太師謚忠襄詳兵部

國朝列卿紀

卷之十五 七 毛士遠 四百五十一

陳文字安簡江西吉安府廬陵縣人正統丙辰進士第一名授

編修丁卯年 英宗簡翰林之臣十人俾進學閣中文與其列

一日修撰商輅侍班 上諭學士曹鼐曰商輅着展書宜選一

人爲對再選得文乃允尋命侍經筵陞侍講少保高毅薦陞雲

南右布政凡益官便民之事靡不興舉丙子冬入 覲至京師

以卓異旌丁丑春還會 英廟復位紀元天順間問文何在近

臣以實對遂陞廣東左布政使以丁內艱不果赴戊寅驛召至

京特拜詹事府詹事兼學士仍食從二品祿懇請終制弗允乃

就職每朝罷入侍 東宮講筵退與諸儒臣議所以勸講之方

啟沃良多癸未春陞禮部右侍郎兼翰林院學士入閣參預機

務詳內閣

李泰字文通順天府香河縣人正統戊辰進士選庶吉士授編

修景泰間遷左春坊司直郎兼編修再轉右中允 英廟復辟

改尚寶司丞兼編修既侍 東宮講讀轉侍講成化改元陞侍

講學士兼 經筵官尋侍 文華日講預修 英廟實錄三年

錄成陞少詹事兼侍講學士未幾進詹事兼職如故五年卒年

四十三 賜祭葬贈禮部侍郎太監李未昌泰之伯父也正統

中掌章奏有寵泰爲其後初應鄉試京尹進錄 英廟問左右

李泰中否見其名甚喜及官翰林頗知向學矜已自足性狷僻

與人寡合而所與者則相朋比汲引士類是以薄之

國朝列卿紀 卷之十五 八 毛士遠 四百五十二

詞林記云予讀小說家見唐有皮思謙者冒中常侍魚朝恩之

寵登高科歷顯仕未嘗身爲其後獲居宥密如李泰者也嗟乎

翰林清要貴重匪宿儒不可以斯人踐斯地豈非子殿國師齊

之辱乎

彭華字彥實江西安福縣人景泰甲戌進士第選庶吉士七年

修案宇通志成授編修天順元年奉使 靖江王府還戊寅與

修 大明一統志八年 憲宗嗣位入侍 經筵成化三年

英廟實錄成以纂修校正功遷侍讀四年戊子充講官五年進日

講八年擢侍讀學士攝詹事府事賜金幣十三年修續資治通

鑑綱自成遷翰林院學士 孝廟出講儲宮華首講大學章

院事十五年用內閣萬安薦權詹事仍兼學士十八年御製文華大訓成進講儲宮加從二品祿二十二年陞吏部左侍郎仍兼學士入閣預機務詳內閣

丘濬字仲深廣東瓊州府瓊山縣人景泰甲戌進士選庶吉士七年授編修天順八年憲宗登極充經筵講官成化元年陞侍講三年進侍講學士五年丁母憂九年復職十三年陞翰林院學士本年陞國子監祭酒十六年加禮部右侍郎仍掌監事

進大學衍義補上嘉悅賜白金二十兩紵絲二表裏陞禮部尚書掌詹事府事且命錄其付刊行修憲廟實錄充副總裁弘治四年實錄成加太子太保本年冬兼文淵閣大學士詳

國朝列卿紀

卷之十五

九

陶紹

內閣

費閻字廷言直隸鎮江府丹徒縣人成化己丑進士選庶吉士授編修成化丙申充經筵官丁酉遷國子司業丁未轉左諭德仍理司業事弘治元年陞祭酒孝廟初開經筵充講官車

駕視學賜坐講彝倫褒諭宴資士林榮之二年直日講改少詹事兼侍讀修憲廟實錄三年書成進詹事兼侍讀學士越月權禮部侍郎卒詳禮部

汪諧字伯諧浙江杭州府仁和县人以春秋舉順天京闈被革歸復舉浙江鄉試登天順庚辰進士簡入翰林為庶吉士壬午授編修成化丙戌同考禮部會試丁亥英廟實錄成以纂修

功遷修撰賜宴及白金文綺製衣丙申滿考權右春坊右諭德下西續宋元資治通鑑綱目成進右庶子戊戌侍孝宗講讀於東宮己亥以母艱去壬寅復任丙午與南畿鄉試丁未奉詔授翰林諸吉士業是年孝宗即位以侍從恩權詹事府少詹事兼翰林侍講學士掌院事弘治戊申諸奏將本院侍講等

官并內閣書寫誥勅等項署正等官會同內閣學士考察奉旨吏部會同翰林掌印官考察尋開經筵承勅充講官庚戌典禮部會試時方修憲廟實錄為副總裁辛亥疾作在告三

月上疏請停俸給不許每時節珍味即賜於家書成勅陞禮部右侍郎兼學士仍掌詹事府事階嘉議大夫賜養九厚壬子

國朝列卿紀

卷之十五

十

陶紹

復上疏辭乃許之仍詔疾愈當復用自是獨處一室右臂猶持杯作書間為文以應購者皆不失恒度越九年卒於京年六十八贈禮部尚書遺尚書徐公瓊諭祭仍給驛歸其喪命

有司管葬事諸簡重寡言笑儀度整潔博弄音樂皆絕不好事母孝當家中衰力供甘旨竟貽祿養喪居枕塊得痺疾終其身與人恭遜嫻友有急輒加賜貸漢陽知府蔡洪濟客死時郵其

孤博涉強記尤遠經學門下士經指授多取科第慶閣精審每典試事輒稱得人所著古文歌詩醞藉有法有寅軒集若干卷藏於家慮事周悉晚益慎密雖居官久不涉世務優游鉛槧間為疾疾所困而卒論者多深惜之

陸簡字廉伯直隸常州府武進縣人先贅金氏祖任奉化訓導徐宜人夢吞絳桃覺而生簡於奉化學舍生甫六七歲聰穎出類為奇對語意卓犖聞者知其不凡父為戶部郎中與吏部尚書莆田陳公俊同僚因遣從學居數月陳辭曰公子異才吾不能為若師也遣歸入郡庠為諸生天才駿發若不可制復從郎中公於京師遭徐宜人之喪扶柩南歸自郡城及河七十里徒跣號泣足破血流不自知觀者益奇其少年操行不可及成化紀元服闋舉南畿鄉試第一明年上禮部大為尚書姚文敏公所鑒賞 廷試中一甲第三名 賜進士及第始奏復其姓授翰林院編修與修 英宗實錄年才二十五是歲叔弟任刑部主事卒於京邸憫其幼子弱女移疾乞恩護其喪歸葬家居三年不出其學益宏以粹及郎中公得謝養母促北上時 憲宗垂意稽古禮文之事 命館閣儒臣重勘朱子綱目時應制詩賦無虛月簡所進多稱旨未幾詔取宋元兩代史續綱目遴選史官十四人簡在選中總裁少保彭文憲公以元史付之元史修於 國初僅七月而成事多舛復簡受繁撮要決疑闡隱為力最多以九載考績陞侍講丁酉春續編成陞右春坊右諭德 孝宗在春宮講讀官八人簡與其一庚子應考順天府鄉試癸卯丁郎中公憂襄事已即闔門謝客城南有地名龍臯治別墅讀書其中因號龍臯子而題其常所居曰治齋大事纂述

國朝列卿紀

卷之十五

十一

陶仲仁

以箴諷補罅為已任宋季元兵寇城時刺史姚普等九人死其難未秩祀典乃言有司立忠義祠以祀之又以蘇文忠公卒於常亦欲立祠不果值 憲宗上賓修實錄至則 孝宗嗣位以輔導舊臣陞右春坊右庶子兼翰林院侍讀充 經筵官又命簡等四人日直便殿三年實錄成陞少詹事兼侍讀學士時王牒久未編纂復 命領之癸丑春主考禮部會試七年甲寅上念侍從之勞特陞詹事府詹事兼翰林院侍讀學士八年卒於官贈禮部右侍郎年五十四簡天才超邁姿貌秀偉若不堪世故其輔 儲極奉 經惟長史局必盡心力實錄垂成而十館所修不能歸一簡等四人受委總勘彪分彙次始克成編主考兩試得人為多至於議禮論事必歸於至當有所不合正色昌言人莫能奪與人交緩急周至尤樂汲引後進觴弈笑談終夕忘倦為詩文力追古作縝密峻潔一字不苟尤致力於諸經手自校勘至疾革猶朱墨不離左右有文集數百卷但恃才不自檢晚益矜誇自負富遠到既久滯不顯多抑鬱齋志以沒論者謂其氣蓋萬夫蓋志大而術疎云

國朝列卿紀

卷之十五

十二

陶仲仁

奉勅為日講官與修憲廟實錄庚戌以省親請上嘉其孝聽給驛往且賜金帛為道里費辛亥實錄成陞詹事府少詹事兼翰林院侍講學士加俸如前冬十月母鄉宜人卒其年簡菴公又卒計聞蒙特恩賜葬祭乙卯春詔以本官入閣辦事時猶未終喪八月服闋赴京疏辭不允且陞詹事兼秩如舊蓋皇太子將出閣讀書欲重儲端之任故以輔臣領之丙辰命主會試所取多知名士是歲累有鶴袍犀帶之賜丁巳勅修大明會典為總裁官戊午春皇太子出閣奉勅陞太子少保兵部尚書兼東閣大學士詳內閣

程敏政字克勤直隸徽州府休寧縣人徽之諸程皆出陳開府國朝列卿紀卷之十五

儀同三司重安郡公靈洗至敏政曾祖杜壽坐累謫戍河間居三世至父信始以河間學生舉進士官至南京兵部尚書兼大興寺卿卒贈太子少保謚襄毅既貴復還休寧十餘歲隨襄毅公叅政蜀藩巡撫侍郎羅綺以神童薦之朝英宗召試出題命對曰鵬翮高飛搏扶搖之九萬敏政云龍墀獨對陳禮樂之三千止首肯之且喜其拜起如老成人命賜食詔館閣試之即日賦聖節及瑞雪詩并經義各一篇援筆立就文采粲然諸閣老翰長嗟異之暨進呈上喜甚詔讀書翰林院官給廩饌時大學士李陽李賢安成彭時學士嘉興呂原中允壽光劉珣皆當世碩儒皆就之講授李公尤愛之因妻以女踰冠舉

進士中成化丙戌科第一甲第二人授翰林院編修同修宗實錄已丑同考禮部貢舉時欲刊布大明一統志洪武正韻資治通鑑綱目皆同校勘正韻先後出有三本一為承旨宋濂序一為待制吳沉序乃請以沉序者為定本議者欲除去新安汪氏綱目考異事已施行乃請大學士彭時以汪氏考異多本於朱子不宜除盡請上稱制臨決就於綱目之上隨修正其舛誤彭公從之尋同修續資治通鑑綱目如宋石守信王審琦不預陳橋之謀周韓通李筠李重進書死節開寶八年李煜降始罷分注書正統張世傑死之下始書宋亡之類皆出其手書成遷左春坊左諭德且以宋藝祖太宗授受大事也當時史

國朝列卿紀卷之十五

臣不能詳記遂乃啓千古之疑乃取宋李燾宋史長編元史臣歐陽玄等宋史本紀以為正而考訂發揮之餘黜陳涇胡一桂之繆別著宋紀受終考三卷乙未春廷試進士充父卷官俄詔侍講經筵尋兼皇太子讀講未幾丁襄毅公憂服闋入朝丙午秋主考南京鄉試丁未孝廟踐祚敘進官臣遷詹事府少詹事兼翰林院侍讀學士充日講官時茂陵工將訖詔議憲宗皇帝升祔當定祧遷之制孝穆皇后神主當有奉寧之禮太傅英國公張懋等上議以德祖比周之后稷太祖成祖同周之文武俱百世不遷宜奉祧懿祖一位別建祧廟奉藏歲暮則奉迎神主祫祭於太祖之廟孝穆皇后比周之

姜嫄及宋之章獻章懿二后皆別廟奉享宜於奉先殿旁近宮室改別廟太保襄城侯李瑾等復上議以為宜於奉先殿 憲宗神主几筵之右別設幄殿以安 神主勅內官監於宮中相度吉地候明年春營建別廟奏 上皆從之俱彙出其手弘治戊申同修 憲宗實錄尋詔敏政率其屬侍 雍王講讀及上將視學時禮儀簡略不稱 詔議儀注敏政倡議預齋一日加帛一段樂設不作改分獻為奠從之初開 經筵詔侍講仍日侍文華殿講讀 上初即位雅重講幄儒臣呼先生而不名嘗因講罷 賜講官冠服敏政得金織緋袍一襲金帶冠履各一慰勞甚至徽州府儒學訓導周成進治安備覽 詔看詳敏政

國朝列卿紀 卷之十五 十五

摘其中多竊宋趙善瑋自警編元張養浩牧民忠告或襲用其標目或全剽其語言然此之猥不及彼之精况以治安為名而不及君德心學謂秦商鞅有見於孔門立信之說則又踵王安石之故智其息異端等說亦非拔本塞源之論鄙俚而無雅馴之言迂妄而非經久之策 詔以成狂妄置不問責還其書時詔議從祀孔子廟庭諸賢上疏曰臣聞古聖王之治天下皆以祀典為重所以崇德報功而垂世教淑人心也故有功德於一時者一時祀之更代則已有功德於一方者一方祀之踰境則已然猶欲以勸一時範一方而不敢輕議焉况先師孔子有功德於天下萬世則其廟庭俯食之人豈可苟焉而已必得文與行

兼名與實副有功於聖門無疵於公議者庶足以稱若非其人則豈唯先師之神不肯顧歟將使典模範者莫知所教為弟子者莫知所學矣若戴勝身陷賊吏子為賊徒劉向喜誦神仙方術謂黃金可成不驗下吏賈逵附會圖讖以致貴顯馬融為梁冀草奏殺忠臣李固何休春秋解詁黜周王魯注風角等書班之孝經論語王弼與何晏倡為清談取老莊之言以為易注王肅女為司馬昭妻佐昭篡魏杜預所注止左氏集傳其守襄陽則培尅以饋遺洛中諸貴破吳則盡殺江陵譏已之人為吏不廉為將不義凡此諸人共於名教得罪不小而議者謂能抱遺經轉相傳授不為無功臣竊以為不然夫守遺經者若左丘明

國朝列卿紀 卷之十五 十六

公羊高穀梁赤之於春秋伏勝孔安國之於書毛萇之於詩高堂生之於儀禮后蒼之於禮記杜子春之於周禮可以當之若融等又不過訓詁此九人之所傳者爾夫所以祀之者非徒使學者誦其詩讀其書亦將論其人而使之尚友也臣恐學者自甘於效尤曰先賢亦若是爾其禍儒害道將有不可勝言者矣請黜戴勝等八人褫爵罷祀而加后蒼封爵與左丘明一體從祀及考孔門弟子見家語者顏回而下七十六人家語出於孔氏當得其實而司馬遷史記多公伯寮秦冉顏何三人文翁成都廟壁畫多遽瑗林放申根三人邢昺論語注疏謂申根在家語作申續史記作申黨重複無稽一至於此况察想子路以沮

孔子而孔子嘗稱瑗為夫子決非及門之士放雖嘗問禮諸家皆不載之子弟之列秦冉顏何疑於字畫譌誤臣請於振黨位號宜存其一察瑗冉何放宜罷其祀請進隋王通宋胡瑗加以封爵列之從祀且顏回曾參孔伋孟軻以傳道配享坐於堂上而回之父無繇參之父皆伋之父鯉皆坐食廡下恐諸賢於冥冥之中未必安於心也宋大中大夫永年伯程瑒嘗不附王安石新法而二子顛顛實接道統之傳獻靖公朱松嘗不附秦檜和議而其子熹實集道學之大成今宜以祀國公顏無繇萊蕪侯曾哲泗水侯孔鯉邾國公孟孫氏及程珦朱松配享啓聖王叔梁紇俾學者知道學之傳有開必先明倫之義不為虛文矣

國朝列卿紀

卷之十五

十七

劉汝忠 四十六

先是臺臣論奏請進賢退姦且各有所指敏政之名在所進中由是素忌者有逐之之意矣俄御史魏璋以曖昧之言中之詔致仕有勸其自辯者敏政答書謂歐陽公朱文公當時各遭讒謗時歐公在執政故力可辯文公在庶察故不可辯恐反遭鍛鍊故耳况上有老母下有弱子邪既歸讀書休寧南山中若將終其身焉郎中陸容給事中楊廉進士夏某錦衣千戶葉通先後上書訟其冤 上悟召還將赴召有以書止之者敏政答書以為自古聖賢固不以不仕為高亦不以苟就為得雖伊川之嚴重剛毅至於復官之際無所辭焉誠以義之所在擇之宜精而非顧一己之私者也可辭則辭可無辭則無辭一出於誠心

直道是乃聖賢為己之學豈以流俗之譏為之前却也若遠臣不得不辭晦叔世臣不得不起豈非當時亦有輕重於兩公者而伊川以義斷之若此乎至於文公被召必遜南軒被召必行者亦皆遠臣與世臣之義不同也僕雖不敢上擬申公南軒然世受 國恩無不同者僕之心事自知甚明向以妄庸大與世忤果若人言則雖投竄不足以塞責荷 主上大恩但俾歸田里今一旦復其舊官雪其幽枉若稍假蹇則疑若出於忿懟不平之餘恐於大義有所不可入謝之後或驅策之難前或職業之難稱則如伊川所謂受一月之俸然後隨吾所欲者是誠在我豈敢厯公議而自取再辱哉惟明者亮之既至職任如

國朝列卿紀

卷之十五

十八

劉汝忠 四十六

故 命教庶吉士於翰林院尋遷太常寺卿仍兼翰林院侍讀學士掌院事兼修 玉牒時有上書請以宋儒楊時從祀孔廟者 詔下廷臣會議上疏曰臣竊考程氏遺書朱子伊洛淵源稱其造養深遠踐履純固然無疾言遽色及其學成而歸程子目送之曰吾道南矣一傳而得豫章羅氏再傳而得延平李氏以授朱子號為正宗文定胡氏親承指授而春秋之傳作南軒上沂淵源而太極之義闡心學所漸悉本伊洛使天下之士曉然知虛寂之非道訓詁之非學詞章之非義則龜山傳道之功不可誣矣當崇寧之世京輔柄國躋王安石於配享位次孟子正頌其新經以取士尊堯舜為聖人不復知有孔子誦新經為

聖言不復知有言訓借聖拔經凡數十年龜山入朝首請黜其配享廢其新經又請罷綱運以收人心斥和議以張國勢竄權固以正邦寇培主德以崇治本則其衛道之功亦不可掩朱子謂龜山之出惟胡安定之言最公當時若能聽用決瀕救得一半然請講於龜山若文定私淑於龜山若朱張咸在侑食之例獨其師有傳道衛聖之功反不預焉揆之人心誠爲闕典今以龜山躋於從祀列東廡司馬光之下胡安國之上宜矣其應封伯爵行移翰林院定擬仍行國子監及天下學校一體從祀從之尋丁內艱杖護歸鄉與襄毅公合葬會 詔修大明會典召爲副總裁疏乞終制許之十一年服闋入朝未至轉詹事府詹事兼翰林院學士 陛見後遷禮部右侍郎兼學士會典副總裁仍掌詹事府事侍 東宮講讀已未春主考官試未揭榜給事中華臬劾其有鬻題賣士下 詔獄敏政疏請致仕且引咎自責乞釋臬以全諫臣既而獄上亦以諫官一時風聞無迹可指而同列林廷玉再疏劾之敏政曰有識者皆知臬爲妄吾所以不深辨者顧存大體爾今言不置是豈欲但已也乃請與廷辯廷玉臬語塞坐罪敏政致仕未行卒年五十五贈禮部尚書敏政秀眉長顙風神清茂於書無所不讀文章爲一代宗臣天稟既高而又上沂洛淵源深探而精擇嘗考合朱陸二家始一之所以異而終之所以同爲道一編其造詣槩可見矣侍

國朝列卿紀 卷之十五

十九

列傳

筵久每進講稿終必有規諫諷切深至 上每欣然聽納喜撥士大夫不以貴自偪不以才自負升其堂者屢談不厭叩之者不能測其涯涘雖遭多言至於逮繫言動如平日未嘗有幾微不平意新安之篁墩以多竹故名且開府舊賜第廟食處也唐廣明中巢賊嘗經其第與已姓同者則不動民懼其戕害乃遷就之改篁爲黃公成化間省襄毅公歸考於圖牒詢於父老惡其以忠臣故第爲逆巢所汚乃復爲篁墩因以自號故所著有篁墩稿續稿三稿新稿共百二十卷行素一卷編類 皇明文衡一百卷蘇氏禱祝若干卷道一編六卷瀛賢奏對錄若干卷新安文獻志一百卷宋逸民錄十五卷修定程氏統宗譜四十卷陪郭支補三卷程氏貽範集四十卷附注真文忠公心經二卷大學有重定本子燻以襄毅公功官錦衣衛千戶贊曰君子修身以俟命身修矣而禍患毀辱之來有不可禦者豈非命歟若張欽夫之不壽呂伯恭之痼疾蔡季通之竄死朱元晦之追奪豈其自取之邪况失鈇妄意於鄰叟盜金見誣於同舍自昔然矣噫克勤而罹此悲夫

傅瀚字曰川江西臨江府新喻縣人天順甲申進士改庶吉士授檢討進修撰成化間 孝宗出閣命兼司經局校書左諭德兼檢討充 經筵講官及 東宮講讀官時方士李孜省爲道政使得侍經筵瀚進講極言汰冗官李銜之不爲勸

國朝列卿紀 卷之十五

三

列傳

位以舊學恩進太常少卿兼侍讀仍克 經筵講官兼日講每
進講誠意懇切敷陳詳婉而進止雍容 上每注聽焉三年

憲廟實錄成進累官太常卿兼侍講學士弘治六年遷禮部右侍郎

郎九年南京吏部缺尚書僉舉尚書倪岳瀚言倪之才何可寘

之南或謂倪往公不當次進乎瀚曰吾知為國違恤其他及金

谿徐公瓊進尚書瀚轉左侍郎徐凡事多倚成之司屬按呈必

自問曰傅先生以為何如初祠部給度十年一舉時僧道入京

師以萬計權貴多為之請瀚力言此輩蠹耗天下宜痛加禁革

縱未能如 祖宗朝之制亦當稍賜裁抑遂改十年給度之例

時以龜山楊時從祀孔子廟庭言者因謂羅從愿李侗亦當從

國朝列卿紀

卷之十五

十一

卿

祀瀚言二子著述視尹焞游酢謝良佐未知所先後二子從祀

則三人似不可遺道學所在其可濫乎乃止已未知貢舉俄因

廷薦以本官兼翰林學士掌詹事府事仍兼日講官會典副總

裁庚申進禮部尚書詳禮部

國朝列卿紀卷之十六

詹事府詹事行實

傅瀚字曰川江西臨江府新喻縣人天順甲申進士授檢討進修撰成化間 孝宗出閣命兼司經局校書遷左諭

德兼檢討充 經筵講官及 東宮講讀官時方士李孜省為

通政使得侍經筵瀚進講極言汰冗官本銜之不為動 孝宗

嗣位以舊學恩進太常少卿兼侍讀仍充 經筵講官兼日講

每進講誠意懇切敷陳詳婉而進止雍容 上每注聽焉三年

憲廟實錄成進官太常卿兼侍講學士弘治六年遷禮部右侍郎

九年南京吏部缺尚書僉舉尚書倪岳瀚言倪之才何可寘之

國朝列卿紀

卷之十六

十一

卿

南或謂倪往公不當次進乎瀚曰吾知為國違恤其他及金谿

徐公瓊進尚書瀚轉左侍郎徐凡事多倚成之司屬按呈必自

問曰傅先生以為何如初祠部給度十年一舉時僧道入京師

以萬計權貴多為之請瀚力言此輩蠹耗天下宜痛加禁革縱

未能如 祖宗朝之制亦當稍賜裁抑遂改十年給度之例時

以龜山楊時從祀孔子廟庭言者因謂羅從愿李侗亦當從祀

瀚言二子著述視尹焞游酢謝良佐未知所先後二子從祀則

三人似不可遺道學所在其可濫乎乃止已未知貢舉俄用廷

薦以本官兼翰林學士掌詹事府事仍兼日講官會典副總裁

庚申進禮部尚書詳禮部

國朝列卿紀卷之十五終

吳寬字元博直隸蘇州府長洲縣人生有異質未冠時入郡庠輩流方務舉業寬獨博覽羣籍爲古文詞下筆已有老成風格屢試應天不利以歲貢資入太學東海張汝弼見之曰天下亦有此貢士也哉江陰下郎中華伯有低頭拜東野之句武功伯徐有貞高邁少可折節與交曰館閣器也寬以屢舉不利絕意仕進不肯復應舉天台陳公選時以御史董學南畿以禮敦遣之不得已入試名在第三成化壬辰會試第一入試大廷又第一授翰林院修撰旋被選侍 孝宗於東宮十七年秩滿進右諭德 孝宗即位以舊學進春坊左庶子弘治三年預修 憲宗實錄成進詹事府少詹事兼侍講學士六年擢吏部右侍郎

國朝列卿紀

卷之一六

梁華

七年丁憂九年補原職十一年轉左十二年命兼翰林學士掌詹事府事入 內閣掌制誥仍侍 武宗於東宮充會典副總裁十六年會典成進禮部尚書兼學士仍典制詔及修歷代通鑑纂要仍充副總裁寬素有古學及入翰林凡有作輒傳播中外位益高望益重學者稱爲抱菴先生而不敢字每 東朝進講開雅詳明意存諷諫至理亂邪正之際未嘗不及覆爲 止誦之 武宗在東宮學少閒率僚屬上疏曰竊惟 東宮講學自寒暑風雨朔望令節外一歲之中不過數月一日之中不過數刻况其間又多間歇人生八歲出就外傳居宿於外誠欲離近習親正人也庶民且然况有天下者乎借曰習讀於內終不

若出就外傳親近儒臣講明治道所得爲多也建議者謂元儒吳澄出處不正不宜從祀孔子 詔廷議之寬言從祀亦觀其有益於經傳否耳苟有裨經傳則楊雄馬融昔皆不廢今獨得廢澄耶 太皇太后將祔廟 詔議其禮寬曰昔周祀后稷姜嫄祭於別廟詩謂之閔宮魯桓公之母仲子不得祔廟春秋書考仲子之宮至宋始有兩后並祔之說然豈後世所宜法哉 詔從之及年甫七十數引疾求退屢 詔懇留有學行聞望輿論攸歸之褒十七年甲子七月卒於官訃聞 孝宗震悼命有司治葬 諭祭者四給驛舟遣官護送特贈太子太保諡文定寬好古力學至老不倦於權勢榮利處則退避如畏然在翰林時於所居之東治園亭雜時花木退朝執一卷日哦其中每良辰佳節爲具召客分題聯句爲樂若不知有官者被選宮僚人動一色相賀歎感然曰我何以當此任哉何以堪此勞哉及自講內殿尤世所榮而辭之至再至三當道見其誠不強也及掌誥制久衆望其柄用當道忌之逡徊不進意寬亦不能無少望寬曰吾初望不及此吾處此甚宜之甚安之衆議爲之永釋及吏部尚書位缺中外皆屬寬又固辭之爲人端清淵穆不溷溷爲同域平生不聞有毀譽之言亦不見愠怒之色其古所謂大雅君子者乎其爲文不事追琢嚴體裁蘊藉簡淡理致悠長爲詩

國朝列卿紀

卷之一六

三

四仲仁

用事渾然天成不見痕跡沉著高壯一洗近世尖新之習作書姿潤中時出奇偏雖規模於蘇而多所自得云

野記云公未達時家應織人役徵擾百端公見重於有司其父亦長者不以有公急事或當苛甚時謂公曰盍一白之上官公

曰譬我不做秀才乃潛入金胥徒以寬其事父不知也里僮子以憾公伺夫人言訖晉公於車旁公召還戒勿應而已縣官矯

激東縛公家人至事公禮儀亦矯而簡慢公殊不介意縣官述職公正佐吏部家宰欲黜此令問公公曰謂之最固非公黜之

亦未至是家宰從遷佐別部

尚書李德裕云公吳中有田數百畝每歲租入視親戚故舊之貧

者分給之友人賀解元恩在京違疾遷至其邸再夕視之賀死

殞之為衣素一月鄉人教官某客死於京貧甚其子假貸於人

公聞之惻然命還所貸自出白金為衆先衆皆樂助竟得以

喪歸

都御史徐源云公掌府事時冀墩程學士敏政以策免起復故

事起復官前所歷俸不入考公曰少詹學士職與我同彼則先

官卽日上疏請以印讓上有 旨命公仍掌之士益多公

大學士王公整序文集曰公頗好蘇學其於長公每若數數然

者及其為文力去浮豔一歸醇雅紆徐則有歐之態老成則有

韓之格信其學力之至自得者深乎其所養可知已明興文人

代作獨楊文貞公為之最為其有典則也公之文視文貞吾未

知所先後位亦顯矣使獲當路於時其功業豈少哉議者至今

惜焉而公之所以自托於不朽者固自有在又何待於外者歟

張元禎字廷祥江西南昌府南昌縣人而生靈異五歲出語驚

人 寧靖王聞其名召見之命為韻語響應無窮有心定萬事

定之語王愕然驚曰異哉斯童他日必為 國家偉器父松亭

翁攜以入閩閩人所在聚觀巧其詩文少長還為弟子員都御

史韓公雅甚奇之初 寧靖王書元徵二字貽之因以名至是

韓公為易之曰元禎字廷祥謂當為國家祥瑞也天順己卯占

國朝列卿紀 卷之十六

西惟元禎文名欵起久之授編修會 憲宗初卽位上疏勸行

三年喪又上疏言治道大本大原曰講學曰聽治曰用人曰厚

風化行此四者則庶政畢舉三年丁亥與時宰議不合迺乞歸

家居二十餘年益潛心性理之學名益高廷臣疏薦者甚衆有

謂氣節恬退當今鮮倫至或有學貫天人之許當是時天下士

大夫日望其起而元禎確然如不復有意於斯世也 孝宗卽

位召同修 憲宗實錄至則擢左春坊左贊善又上疏勸行王

道反復幾萬言已酉主考應天鄉試四年實錄成陞南京翰林

侍講學士本年又乞歸養母家居又九年十二年修 大明會

典 召為副總裁至則陞翰林學士侍 經筵日講時 孝宗

國朝列卿紀 卷之十六

西惟元禎文名欵起久之授編修會 憲宗初卽位上疏勸行

三年喪又上疏言治道大本大原曰講學曰聽治曰用人曰厚

風化行此四者則庶政畢舉三年丁亥與時宰議不合迺乞歸

家居二十餘年益潛心性理之學名益高廷臣疏薦者甚衆有

謂氣節恬退當今鮮倫至或有學貫天人之許當是時天下士

大夫日望其起而元禎確然如不復有意於斯世也 孝宗卽

位召同修 憲宗實錄至則擢左春坊左贊善又上疏勸行王

道反復幾萬言已酉主考應天鄉試四年實錄成陞南京翰林

侍講學士本年又乞歸養母家居又九年十二年修 大明會

典 召為副總裁至則陞翰林學士侍 經筵日講時 孝宗

雅意向用特為低凡就聽之旋以母憂去十五年服闋擢南京太常寺卿十六年修歷代通鑑纂要又召為副總裁至則改太常寺卿兼翰林院學士掌院事仍侍經筵日講并侍東宮講讀十七年命掌詹事府事管內閣誥勅上疏勸經筵宜講太極圖西銘東宮兼講孝經小學孝宗欣然嘉納亟索太極圖以觀曰天生斯人以開朕也且將大用之不果武廟即位進吏部左侍郎仍充實錄副總裁未及上於正德元年十二月以疾卒元頑癡然纖弱而崖岸孤削剛毅之氣不可犯人有過面折之為文必欲作不經人道語晚迺削異為同黜奇為平所交若陳布政選羅修撰倫陳檢討獻章皆以道學自許

國朝列卿紀

卷之十六

六

張文

者云入翰林未幾即歸臥林下名高一時天下士想望其風采晚年始起立華要駸駸大用同列忌而毀焉昧者弗察羣然和之亦不究其中之何如也一公之身何前譽之多後尼之深耶然名在天下則不可得而毀云

大學士李東陽云公少侍父疾額天請代喪禮尚古事母色養惟起召時不及躬歛憾之終身其於書史務博涉尤好探經傳蹟義多所獨得一時談理學者數人各樹門戶而公岸然中立作易詩春秋要語四書集要太極圖說要綱目近思錄家語解要皆未脫藁為詩文始務奇崛勇脫蹊徑晚就平實若出一手然類為人所重莫為軒輊

尚書林俊云先生居常經濟氣節自命綱常治道多所論列英廟實錄成故事當進秩先生論元臣不當謬加孔子號以文廢立復起之奸不並立徑去家居垂三十年善流委心有忠義恬退鮮倫學際天人之薦深源蒼生固有餘望焉起修英廟錄受知孝宗累被殊遇侍講筵前席治道稱上意勸講太極圖上索觀慰懌有天生斯人開朕之感極意大用不幸宮車晏駕武皇即位以待從恩進吏部左侍郎兼翰林院學士食從二品俸知內制充實錄副總裁而事卒齟齬連疏乞休上溫旨懇留先生意不自釋倏一疾竟弗起嗚呼是無入宮見妬曉曉其易缺者邪何其收之家而損之朝也先生任籍四十有七年任朝不滿九年擬之持祿無過耶先生其無猶人者乎容厚纏終其身未嘗一日去官者何限何詳此而略彼也無害為同又何害先生為獨邪嗚呼古之道其信乎不可行於今矣癸亥太常之起予視江右僭及行止為先生謀先生曰學有體用某將行所學以自副避言避色其容竟一日留也嗚呼斯先生志也

國朝列卿紀

卷之十六

七

行

楊廷和字介夫四川成都府新都縣人成化戊戌進士改庶吉士授翰林院檢討歷修撰侍讀進左春坊左中允弘治十六年陞左春坊大學士兼翰林院侍讀學士尋陞詹事府少詹事兼翰林院學士正德元年進本府詹事仍兼學士詳內閣

劉機字文衡順天府大興縣人成化戊戌進士改庶吉士授翰林院檢討累官翰林院學士弘治十六年陞詹事府少詹事仍兼學士充日講十七年八月御 經筵機講孟子責難一節三十日 孝宗召大學士劉健李東陽謝遷諭曰昨者命李榮來說日講時機講陳善閉邪字解做陳說不是止云敷陳其說乃可皆應曰諾劉健曰昨李榮又說以善道啓沃他他序不是上笑曰他字也不妨大抵講書須要明白透徹直言無違道理皆是於上原有的不是纂出若不說盡也無進益且先生輩與翰林院是輔導之職皆所當言劉健對曰臣等若不敢言則其餘百官無敢言矣 上曰然謝遷曰 聖明如此講官愈好盡心

國朝列卿紀 卷之十六 八

東陽曰今年 聖學緝熙中外臣民無不仰戴臣等敢不仰承聖意皆叩頭謝 上又曰先生輩可傳與他不必顧忌又曰他字亦不妨昨因話偶及此意以不若啟沃上更好然不必深計也皆復謝而出時代府世子以酌酒革爵及卒 朝廷葬以世子禮其子嗣王以追封請且欲祔廟下禮部集議不可機曰葬以世子其罪已原進封固宜也不可廟享乎 上是其言正德元年陞禮部右侍郎二年轉左尋兼翰林院學士掌詹事府事管內閣 誥勅會禮部尚書李傑忤逆謹致仕進機尚書理禮部事加太子少保詳南京兵部 梁儲字叔厚廣東廣州府順德縣人成化戊戌進士改庶吉士

授翰林編修歷侍講司經局洗馬尋進翰林院學士改庶吉士六年陞詹事府少詹事仍兼學士本年陞吏部右侍郎正德二年轉左二年命兼學士修 孝宗實錄及修大明會典俱為副總裁尋進吏部尚書仍兼學士掌詹事府事管內閣 誥勅三年止掌府事尋命同少傅王鏊為會試考試官四年為修會典降吏部右侍郎累官內閣少師詳內閣 劉忠字司直河南開封府陳留縣人成化戊戌進士改庶吉士授翰林院編修歷侍講侍讀學士性峻少通行方寡合二介不苟取惡人奔競自處過抗貴人亦力抑之故三紀始拜從五品弘治十八年進翰林院學士充日講官正德初近習導 武廟

國朝列卿紀 卷之十六 九

動搖成憲忠嘆曰吾講讀舊臣也疏戒逸遊崇聖德力攻逆亂及三年春 上御經筵忠為講官附經義規 上缺失及諷時政不得在內傳 旨陞南京禮部侍郎已中貴人知其高節還尚書本年改南京吏部尚書忠毅然持風裁越閩晉人羨後者貨縣胥竄名吏籍中上部往往冒官去忠命四主事嚴察年經月緯究竟接代凡革罷千人雖仕者亦追論除名廉價清積為署考必當實御史某恃勢驕人皆懼屈忠署下考即廉其黨張綵私昵者也乃署考曰守已垂於士論行事嗚乎人情自是諸司弗飭者惴惴焉縮其蹤少師焦芳為薦其賢璫傳 旨徵改吏部尚書兼翰林學士掌詹事府事一見不相合瑾誅始

被推入內閣詳內閣

自鉞字秉德直隸真定府南宮縣人成化庚子舉京闈第一甲

辰舉禮部廷試第二人及第授翰林院編修弘治戊申同修

憲廟實錄以內艱去癸丑同考禮部丙辰秩滿遷侍讀己未充

經廷講官壬戌復同考禮部武宗在春官癸亥修大明會典

成進侍講學士賜宴禮部尋命與修歷代通鑑纂要甲子

考南畿鄉試乙丑以登極以進學士加從四品俸充日講官

賜紗帽轉轉諸物正德丙寅開經筵賜白金綵幣車駕視大

學賜坐奠倫堂丁卯命致庶吉士署掌院事擢禮部右侍郎

賜御製蟠龍諸物并纂要本年改吏部二年轉左尋陞禮部尚書

國朝列卿紀 卷之十六

十

詳洪

賜玉帶庚午復命兼學士入內閣專典誥勅掌詹事

府事以寧夏平賜香加金牌加大子少保居月餘以疾卒年

五十四贈太子太保諡文裕遣官諭祭勅有司治葬事銀以公

卿子習聞朝廷典故加之問學博涉強記詞翰清美見稱於

時而久職文字專禮樂無甲兵錢穀之寄故以此終其身其為

人重厚政尚寬簡不為訛說之行瑣屑之節值所難處多為遜

避而未嘗遂失手正其所著有怡情稿若干卷

斬貴字道充直隸鎮江府丹徒縣人弘治庚戌進士第三名授

翰林院編修歷兼司經局校書春坊右中允左諭德兼侍讀累

官吏部右侍郎正德五年命兼學士管誥勅掌詹事府事六年

辛未命同少傅劉忠主考會試時言者發其私以家僮可勤

賄鬻題於常州舉人某某受千金禮部移文內簾劉忠驗號一

人中式比填榜黜之曰用戒贖貨已出院給事中馬卿上疏劾

之竟坐奴罪貴亦不辨會劉忠致仕大學士楊廷和以貴門生

欲引代之朝廷以禮部尚書費宏代貴憾之廷和進貴禮部

尚書仍兼學士昭舊管事後九年進讒罷宏命兼文淵閣大學

士代宏詳內閣

蔣冕字敬之廣西桂林府全州人成化丁未舉進士選庶吉士

授編修弘治庚申兼司經局校書遷右中允乙丑預修通鑑纂

要轉右諭德兼侍講正德丙寅預修孝廟實錄充經筵講

國朝列卿紀 卷之十六

十一

詳洪

官丁卯歷侍講學士庚午主考應天鄉試辛未陞少詹事兼侍

讀學士是歲擢吏部侍郎甲戌兼學士典誥勅掌詹事府事

是歲陞禮部尚書仍兼學士十一年丙子命兼文淵閣大學士

入閣詳內閣

毛紀字維之山東萊州府掖縣人成化丙午山東解元丁未成

進士改庶吉士讀中秘書弘治二年授翰林院檢討同考丙辰

會試己未歷修撰充經筵講官選侍東官講讀賜五品服

癸亥修大明會典書成陞侍讀賜給驛歸省再同考乙丑

會試武廟即位進左春坊左諭德兼侍講賜金帶正德元

年丁父艱四年服闋值逆瑾竊政削其春坊銜本年孝廟實

錄成陞侍讀學士充日講官尋陞翰林院學士五年擢戶部右侍郎本年改禮部右侍郎六年丁母艱十年服闋陞吏部左侍郎本年陞禮部尚書兼翰林院學士掌詹事府事 賜玉帶時遣使西域齋番供紀奏言西番佛國遠在數萬里外 祖宗朝雖許入貢賜法王國師名號特藉以羈縻番衆令不為邊患而已齋供媚之失 天朝體又以 儲嗣未建疏乞早定大計十一年以學士司誥勅仍掌府事 賜麒麟服蟒龍衣縵環繫帶等物十二年勅兼東閣大學士入閣

李遜學字希賢別號悔軒河南汝寧府上蔡人也為兒時奇異甫長嗜學器業過人讀書能數行俱下一覽輒不忘素為提學

國朝列卿紀 卷之十六

十一

四

陳選吳伯通珍重領成化丁酉鄉薦下未舉進士改翰林院庶吉士弘治己酉授檢討充 經筵講官丙辰春為會試同考官所取濃韶輩皆海內名士夏用大臣薦授浙江僉事奉 勅從督學政教士以德行為先文藝次之品藻允協輿論戊午丁父憂時司寇張子麟守汝延於謝顯道書院拔所屬士之尤者師事之後舉進士鄉貢者三十餘人辛酉服闋改陝西提學僉事嚴士如在浙當道奏旌之尋陞本司副使丁繼母憂正德丁卯復改山東提學學政亦如初戊辰陞太常寺少卿提督四夷館已而兼翰林院侍講是歲秋 上御經筵講尚書多所諷諫益弘多李西崖以一鳴驚人稱之庚午陞戶部右侍郎提督太

倉尋改禮部主事陞本部左侍郎以三載考績給 誥勅贈祖父母父母封妻皆如其官及以 恩典當蔭子一人乃以弟遜志子汝翼補蔭甲戌知貢舉乙亥陞南京禮部尚書丙子改北京禮部下丞春兼翰林院學士掌詹事府入內閣專管 誥勅仍奉命教庶吉士敷歷中外三十餘年忠慎清動保終如始不與世浮沉博覽強記諸子百家書皆能潛貫善屬文以理為文而氣以輔之律章繪句人皆樂於誦誦詩亦清新俊逸有唐人風采與即對客應毫稿凡若干卷己卯春以疾卒於官時年六十有四天下至今惜之

劉春字仁仲號東川一號梅菴四川重慶府巴縣人成化癸卯

國朝列卿紀 卷之十六

十一

四

舉四川鄉試第一丁未舉進士 廷對為天下第二授翰林編修 憲宗實錄官分職戶部三月 上幸國子監翰林自檢討以上侍從儒臣皆祭服隨班後陪祭春以編修與焉辛亥八月實錄成陞修撰仍賜宴於中府九月給賞白金三十兩織金羅段紗各一素羅段紗各一緙六十月推內書館教書壬子選充北經筵展書官五月端陽節賜紙虎牙骨扇虎頭縵壽絲等物癸丑充 殿試掌卷官四月賜端陽節物如前自是歲以為常七月疏乞歸省給 里費乙卯四月復任己未充會試同考試官庚申九月選充東宮講讀官有翰林春坊兩班會春坊班員缺欲改官察以將九

載遂以修撰班春坊直日講讀辛酉八月選充經筵講官壬戌
 二月三考滿陞左春坊左諭德十一月以東宮講讀恩賜大
 紅織金雲鴈羅段紗一藍絹一玳瑁帶一連合發亥三月以纂
 修大明會典成陞翰林院侍讀學士五月詔選修通鑑纂要
 九月以東宮長髮賜大紅栢杖絳羅二表裏花銀二十兩
 十二月命視牲南郊自是歲以為常甲子以御史府君鄧夫
 人明年偕七十再乞歸省命給驛行且賜道里費乙丑冬
 還朝孝宗賓天武宗御極以隨龍恩陞學士詔纂修
 孝皇實錄得兵館丙寅以上初祀南郊賜大紅白鵝段一疋
 舊例賜止三品而上學士預特恩也分獻北鎮玆自是每歲
 國朝列卿紀 卷之十六 十四
 皆預分獻二月上耕藉田幸大學皆扈從賜坐於彝倫堂
 開經筵賞銀三十兩大紅綠段各一絹二鈔二千貫九月
 上念青官舊勞特賜金鑲玳瑁帶一又賜御製盤龍迴文十
 二軸丁卯四月命掌院事八月充順天府鄉考試官十一月
 以通鑑纂要成賜練段一絹一銀五兩戊辰三月充殿試
 讀卷時從子鶴年與試辭不與仍賜鈔一千貫三月命教
 庶吉士邵銳等於院署四月開武舉充試官武舉有錄自此始
 其條格皆創為之最稱折衷五月五日特命隨內閣大臣觀
 標騎於虎城十一月聞御史府君訃以憂歸辛未二月服滿陞
 吏部右侍郎十一月賜大明會典通鑑纂要各一部十二月

轉左侍郎壬申三月以閣薦命不妨部事充經筵日講官
 五月賜虎鬚絲壽縷牙骨扇有青織金羅袋以三品以上官
 也十月以河北盜平賚外庭建議功賜大紅織金孔雀段
 花銀十兩癸酉六月陞禮部尚書尋賜對類一部九月
 賜玉帶一甲戌二月會試知貢舉官五月賜虎鬚絲等物有加
 扇袋用大紅織金羅以三品以上官也九月賜大紅織金麒麟
 段紗各一絹一乙亥聞鄧夫人訃時尚書未滿考特許誥
 贈二代鄧夫人自宜人至夫人以經筵日講東宮講讀勞
 賜祭葬遣禮部主事余才經紀其事於家仍給驛以行戊寅以服
 除即其家改南京吏部尚書疏辭不允己卯四月上任庚辰八
 國朝列卿紀 卷之十六 十五
 月入賀萬壽聖節且滿初考奏未下辛巳正月以閣薦禮部
 尚書兼翰林院學士內閣專管誥勅二月復職命下仍陞
 第三子延年國子監讀書五月命掌詹事府事廷試為讀
 卷官會選廖道南等進士二十四員改庶吉士命教習文業
 於翰林院未廷謝以六月初三日不起春在翰林二十餘年乞
 歸省者再為學士時同官十人具慶者惟春士大夫益修談之
 每以職在論思手不釋卷坐必夜分起必五鼓如未第時凡儒
 臣榮遇如經筵講官東宮講讀及日講皆徧歷之及在銓
 曹少傳遂菴楊公為太宰特重春古朴人材登進多所裨助在
 禮部兩週郊祀大禮一週會試貢院舊格為之新凡舉動皆

為遠久計不務目前西僧有欲奪民地於甘州且乞遣官督建寺時關中實饑春力爭以為不可大略謂非止病民邊警至不可支持必致擾疏入幾兩月報下竟停之占城失國在他所世嫡求冊授春 廷議以為 朝命不可辱在草莽引春秋公孫青為據得不遺宗藩請封及婚嫁弊孔百出春即檢其行駁者盡語之吏不得欺以求賄又以祭葬謚議關係勸懲乃奏為定格要家及故舊有以厚利力請者不為動久之亦安其所宜得心亦莫之怨也每勸戚大臣病故 上遣諭祭葬家輒厚幣為謝習以為常春曰以尚書而受其贈遺豈惟輕已如 國體何故事功臣襲爵表謝又皆禮部堂上分撰謝以銀幣悉却之其

國朝列卿紀 卷之十六

十六

孫奉

謹峻有守如此有行人傳檄有事德府聞母病京師疏入以為事且緩乞得回京省視選曹以差遣隸禮部移咨至春曰苟可勸孝而無病於公何成案之檢耶卒為題覆江西提學僉事田汝籽乞印如分巡官以便關防前此屢有請者例不應給輒報罷春以憲臣領風教關係士習顧後於他務耶奏議添設官用關防例遂徧諸省其不拘曲而勵名教又如此春忠清嚴重毫髮不苟門無雜賓待物寬簡敦朴以致三部察屬及文武科門生皆敬如私親久而愈切其在南部職殊簡則曰南北祿同可自便乎黎明即起視事且挾一帙以行坐必移時乃還即更編識視之數日後帙必更易也 春大受特立雖未見其矯矯之

節而光明俊偉不可奪志已未會試有舉子私謁者直遣之曰亦不汝名也其人震聳而去為學士推祭酒者一在禮部推吏部一推內閣者再其在南部亦嘗一薦吏部皆不果用春守正不撓外和而內剛凡陞進有機輒自失之不色悔其禮部推入內閣太宰楊公為舉首次即春楊公不自翰林者時禮部方奏止西僧請乞辭甚激切因私服曰雖入必在我而乃略不自為地非位且勇者弗能也遇上修省疏與止貢獻皆反覆論辨期於感格請托有負盛焰者人應接恐後春必執以理後亦無他通鑑纂要成例增秩逆瑾初得志方延諸史官一至其家春合眾議不往遂被廷詰以書成字畫濃淡不勻奪月俸官遂以不

國朝列卿紀 卷之十六

十七

孫奉

進久乃有銀幣之賜及以憂歸又遭暹卒于道伺之卒無所得而還待物和而有則人不見喜怒至正義所在則毅然爭之不能奪也每語後進拳拳不欲失秀才風味見不可意事輒煩頗曰士大夫存心行事何必乃爾不遂時好為徑趨計在官三十五年猶一日平生疾不多至于時事可憂則中夜危坐若身履其患者在吏部辭禮部之權在南部及辭 諸勅之命凡七疏得 溫旨有卿學行老成譽望素著及簡在臆心具悉誠懼之褒尚書 賜玉帶甫三月春力辭或曰無例且隨眾得之春嘆曰審爾則吾心事將不能自遂矣非求異也在翰林以文字為職 經筵勸講屢進規諷會有斥異端之語連上 孝皇亦為

送色動吏部又居佐無以自見惟禮部章奏始自也出母奏上
館閣太老始知春志在建立非苟然者及門之士多所造就如
左春坊左諭德兼翰林院侍讀溫仁和監察御史母恩員外郎
湯佐主事牟泰進士王紀羅尚愛其著者其他尚多為詩文力
追古作晚益簡勁類其為人字畫規模於歐而自成一家宛如
冠冕佩玉有心畫焉南京禮部尚書吳儼同舉進士為禮部侍
郎時朝莫出入間及見有應酬之作相謂曰與交三十年老友
矣在翰林不為不久今日乃有以知公吁吾淺之為心也同鄉
馬侍郎廷用亦每日吾館閣中縝密者為其其疏爽者為其其
敏達者又甚至粹然如出於一日者吾惟東川先生見焉碑板

國朝列卿紀 卷之十六

十八

漢文官

在四方者甚眾有鳳山稿數卷藏于家贈太子太保諡文簡大
學士楊廷和銘其墓曰重慶先達曰寒忠定文簡繼之煒煒輝
映其始從事史局講筵隨試自效職業罔愆四典三禮秩亦屢
遷法守是慎不比於權召自留都司 帝之制行將大受參預
政事諧于庶尹以贊新治胡進之難胡奪之易

石珩字邦彥直隸藁城縣人成化丁未進士選庶吉士弘治已
酉授翰林院檢討與修大明會典同考會試少師李文正每曰
諸後進可托以柄斯文者其石氏季方乎辛酉充 經筵展書
官乙丑遷修撰同修 孝宗實錄正德丙寅 武宗初開 經
筵充講官 賜宴及銀幣尋遷南京翰林院侍讀學士正德已

已擢南京國子監祭酒庚午改北監尋陞南京吏部右侍郎乙
亥改禮部丙子轉左丁丑 命兼翰林學士掌院事授庶吉士
業庚辰主考會試又主考武舉事辛巳擢禮部尚書兼學士掌
詹事府事嘉靖初吏部缺尚書廷議首以珩名 上報可足時
輔臣有不悅之者託辭以請 命兼學士在內閣專管 誥勅
詳內閣

賈詠字鳴和河南臨潁人弘治己酉舉河南鄉試第一丙辰終
進士選庶吉士授編修充 經筵講官正德四年忤逆璫以纂
修事改兵部武選主事五年遷禮部祠祭員外郎瑾誅還編修
六年遷左春坊左中允兼修撰正德九年轉侍講學士掌南京

國朝列卿紀 卷之十六

十九

漢文官

翰林院十一年拜南京國子祭酒故事臺省有缺選博士等官
充之而南監不得與詠疏以南北一體宜采擇以勵有志 詔
可之十三年轉北祭酒以父樂菴翁年九十有五便道歸省旋
丁憂十六年擢為禮部左侍郎嘉靖二年改吏部左侍郎三年
兼學士掌詹事府事專管 誥勅纂修 武廟實錄充副總裁
官四年晉禮部尚書詳內閣

吳一鵬字南夫直隸蘇州府長洲縣人弘治癸丑進士選庶吉
士 年授編修十 年陞侍講調南京刑部 司員外轉南
京禮部 司郎中正德 年復侍講七年陞侍讀學士八年
陞南京國子監祭酒十年陞南京太常寺卿十二年丁憂十六

年服闋補原任嘉靖元年陞禮部右侍郎二年轉左三年陞兼翰林院學士掌府事四年加禮部尚書兼學士仍任六年改禮部尚書加太子少保本年調南京吏部仍太子少保八年致仕卒諡文端

董玘字 浙江會稽人弘治乙丑一甲二名嘉靖四年任兼學士六年陞吏部右侍郎

張孚敬字乘用浙江永嘉人正德辛巳進士嘉靖四年任兼學士五年入閣歷少師詳內閣

桂夢字子實江西安仁人正德辛未進士嘉靖四年任兼學士六年遷禮部右侍郎入閣歷少師詳內閣

徐縉字 直隸吳縣人弘治乙丑進士嘉靖六年任兼學士本年陞禮部右侍郎歷吏部右侍郎

溫仁和字 四川華陽人弘治壬戌進士嘉靖六年以吏部侍郎兼學士掌府事本年丁憂

霍韜字 廣東南海人正德甲戌會元嘉靖六年任兼學士九年丁憂

黃綰字 浙江黃巖人官生嘉靖七年任兼學士本年陞南

禮部侍郎歷禮部尚書

顧鼎臣字九和直隸崑山人弘治乙丑狀元嘉靖七年任兼學士加至禮部尚書太子少保十七年入閣歷少保

溫仁和詳前嘉靖十七年以王部尚書改禮部尚書兼學士掌府事加太子少保二十年卒諡文恪

霍韜詳前嘉靖十八年以禮部尚書兼學士協掌府事加太子少保二十年卒諡文敏

陸深字 直隸上海人弘治乙丑進士嘉靖十八年任兼學士二十年致仕卒贈禮部右侍郎諡文裕

張邦奇字 浙江鄞縣人弘治乙丑進士嘉靖二十一年以吏部左侍郎兼學士掌府事本年回理禮部事改南兵部尚書

張潮字惟信四川成都府內江縣人父勁菴為行唐主簿時年十二携從任令游學於內翰劉五清先生之門恒讀書踰夜分

劉淑人恐過勞戒之甚嚴潮藏燈帷中默誦不輟勁菴器之拊其背曰兒他日必充吾宗吾何戀此小官為邪九載考績遂力

乞休致銓部異之陞湖廣布政司照磨不赴任歸肄業山中每朔望歸省途次必復屬文一篇越正德庚午舉於鄉辛未連舉

進士入翰林為庶吉士迎養劉淑人於京邸癸酉授編修用戊

充會試同考試官教讀內館丁丑請假還鄉庚辰復經嘉靖辛巳世宗踐祚充 經筵展書官壬午預修 武廟實錄乙酉陞侍讀充 經筵講讀官實錄成陞同經局洗馬 賜金幣兩

國朝列卿紀 卷之十六 二十

國朝列卿紀 卷之十六 二十一

戊充 殿試受卷官丁亥陞侍講學士兼日講并撰 誥勅日錄 國史時 上方銳意文學日進儒臣講論經史日潮舉動開整敷說詳明每心識之明年戊子主應天鄉試初下詔變文體就切實殫心校閱得名士而梓文詞達理到士咸服其知言已丑充 殿試讀卷官庚寅奉 詔與議郊祀禮潮據經引史旁及子集斷以 祖宗之舊反覆辯論幾及三千言大約謂禮之可疑者八難行者二一曰合祀之說雖證以昊天有成命詩序而其詞却又專頌成王主分祀者不過援周禮奏樂於圜丘方丘數語而北郊則僅創自漢儒標取孝經緯文天神主北神地祇主崑崙而言殊為荒謬二曰六經惟祭法有祭天泰壇祭國朝列卿紀 卷之十六 張十 四八五

犖小祀各有服冕何祀地祇獨無若同大裘則非夏至所宜六曰祭必有配祭義云郊之祭大報天而主日以配月考經云郊祀后稷以配天何北郊獨無配乎七曰朱熹嘗言古時天地定是分祭却又曰五峰言無北郊則祭社便是此說却好似亦矛盾八曰陰陽之義多矣如祭統以禘為陽義以嘗蒸為陰義祭義則曰祭日於壇祭月於坎以別幽明以制上下何天地獨無陰陽至若周禮一歲九祭天朱熹所謂當時禮數簡儀從省故易行者是以今於天歲止一祀而春秋既祭祀又專祀方丘則反崇地亢天非尊卑相承之道此難行者一也且周正建子故二至祀天地於歲事為不齊今歲首在寅不從二至非順陰陽之義從之則於序有乖皆不合周禮此難行者二也惟 聖祖廟合祀已久雖其列壇從祀非古而當時著令命官分獻各以義起殊與漢晉唐宋神座千數百位者不同不若循舊為便時 上志先定分祀覽其言懇切婉盡亦不以爲非未幾 南郊創造園丘都御史汪鉉請緊遷禁垣外冢墓 上不忍遷限一里之內而止潮上疏曰此正 陛下不忍人之心發於至誠周文王行野見枯骨而命瘞之曰有天下者天下之主吾其主矣卒歛而葬天下聞之曰西伯之澤及於枯骨况人乎今陛下事本敬天猶念及此即文王澤及枯骨之仁也惟壇去外垣尚遠一里之墳塚不下千萬餘區倘於瞻對無妨悉容仍舊其

恩尤溥疏下內閣執政者詰訓褻穢 園丘匪宜潮應之曰在
 園丘似褻然天無不覆即遠遷何所逃詰者語塞竟得一旨罷
 遷辛卯陞翰林院學士掌院事尋陞詹事府少詹事兼學士掌
 府事壬辰聘主會試適侍讀學士郭杏東起自家食倉卒同應
 聘梓文多出其手筆事已讀殿試卷先是嘗念母淑人年高邁
 疾三疏乞歸侍養 上重其去不允會陞吏部右侍郎益嘆詫
 不憚曰忘親以戀官非子也復抗疏摺迫始獲 允命給驛以
 歸入門拜慶淑人於床下三越月卒湖疏 上聞賜諭祭一壇
 蓋特恩也服既闋丙申起復吏部右侍郎丁酉轉左仍兼學士
 與 經筵日講己亥加秩 太子賓客充官僚辛丑再掌翰林
 國朝列卿紀 卷之十六 二十四 張文言

院事教庶吉士壬寅陞禮部尚書掌詹事府事教庶吉士兼官
 仍舊上疏辭讓 詔褒答之曰卿學行老成講讀效勞官端重
 任特茲簡用不允辭自入院日課諸吉士業辰集中散踰二年
 如一日眾服其教 上聖學高明振綱馭下日益精勵慎賜予
 重委用覽詞臣文字最難許可惟潮受知素深自為吏侍迄今
 亟遣代拜 先聖先師于永明後殿 遣省牲於 南郊正獻
 於文廟分獻於 帝王廟陪祀於帝社稷於扈 駕謁陵拜銀
 瓢方袋之 賜於冬至夏至拜曆日并川扇之 賜於均思正
 題主拜金幣之 賜於祭金海靈明城隍東嶽之神各拜鎗幣
 之 賜 癸卯

忽賜采柿及 御覽曆則又特恩之所及矣嘗應制和 上奉
 聖母遊覽有詩賀嘉禾瑞麥慶雲靈鵲有賦賀瑞雪甘露瑞兔有
 頌賀時雨時雪有疏每被稱賞其時雨瑞雪中有雨珠玉不可
 為衣食之句則 溫旨特摘出以獎忠愛甲辰命主考會試卒
 於貢院年六十占星者謂去冬文昌星次有白氣貫井分井分
 在蜀白圭喪潮蜀人主文章故應之蓋有數為之先也潮器度
 疑重與物無忤自少即能詩文讀書過目輒成誦尤工楷書入
 翰林后詩格益高文必根極理道不專尚華藻有玉溪稿若干
 卷藏於家性至孝勁菴公卒時為諸生喪葬即遵古禮廬於墓
 側者三年劉淑人病瘵數以手掬之湯液必嘗而後進及卒泣
 國朝列卿紀 卷之十六 二十五 曹一

血扶柩途行三十里墓人多稱之

費案字 江西鉛山人正德辛未進士宏從弟嘉靖二十三
 年以禮部尚書兼學士掌府事本年回理部事加少保詳禮部
 孫承恩字 直隸華亭縣人正德辛未進士嘉靖二十三年
 以吏部侍郎兼學士掌府事二十九年改理禮部事
 歐陽德字 江西泰和人嘉靖癸未進士二十九年以吏部
 侍郎兼學士掌府事本年丁憂

孫承恩詳前嘉靖二十九年以禮部尚書掌府事三十二年致
 仕

程文德字舜敷別號松谿浙江永康人父十峰公銓弘治己未

進士官至四川副使公端穎有異質五歲能日誦數千言稍長博極羣書大司馬潘竹澗公奇之妻以女十五補邑弟子員從楓山先生遊授以誠篤自治之學慨然志於聖賢正德己卯領鄉薦上春官不第益憤發於學從陽明先生遊授良知訣反求於心性嘉靖己丑進士第二授翰林院編修上郊祀議選庶吉士疏靈雪頌靈鵲詩親蠶行內訓講章孝敬勤儉四詩上宴近臣於無逸殿公得與上無逸講章奉勅纂修祀典會同年四川楊公名上疏觸上怒下詔獄責主使者公述所聞繫獄故事密投楊公爲守者所持上聞上下錦衣衛急捕誤繫御史陳九德公聞之毅然就繫而出九德比拷掠無一語黜爲國朝列卿紀 卷之十六 王六 周德 四四

察盡入郊民之奔命者疏郵凋殘慎捕舒民兵三事三十一
年壬子轉吏部左侍郎癸丑當大計專評騰賢不肖以裨餘政
會試知貢舉事竣加兼翰林院學士掌詹事府事教庶吉士謂
相才之儲兼德行文藝後寔寔爲爾益敦復其本以身先之
兩直隸河南山東饑疏聽民輸粟散賑四省稱便上禱祀西
苑命侍臣撰釐詞爭級奇巧以進公獨寓諷意三十四年會推
南京吏部尚書上疏欲脫不經之奉改南工部左侍郎已疏
辭有旨職歸祭室壽山角巾布袍聚徒講學杜足不入城
市三十八年十一月以疾卒年六十有三性孝友事二親盡志
善處其伯兄與人設城府非禮亦不報恒居已於人之後生
國朝列卿紀 卷之十六 王七 周德 四四

國朝列卿紀卷之十六終

國朝列卿紀卷之十七

國初詹事府少詹事年表

馮勝	直隸定遠人功臣洪武元年以右都督兼副詹事三年封宋國公
胡美	湖廣沔陽人功臣洪武元年以中書平章政事兼同知詹事院事三年封臨江侯
廖永忠	直隸東縣人功臣洪武元年以中書平章政事兼同知詹事院事三年封德慶侯
李伯昇	直隸秦州人歸附洪武元年以中書平章政事兼同知詹事院事三年封不視事
趙庸	直隸合肥人功臣洪武元年以中書左丞兼同知副詹事三年封南雍侯
王溥	江西安仁人功臣洪武元年以中書右丞兼同知副詹事三年改河南行省參政
李文吉	山東鄒平人薦舉洪武二年以中書平章少詹事兼侍讀本年致仕卒
祝春	山西蒲州人薦舉洪武二年致仕卒

國朝列卿紀 卷之十七

黃子澄	江西分宜人進士洪武二十五年任少詹事兼修撰
任亨泰	湖廣襄陽人進士洪武二十五年任少詹事兼修撰
辛彥博	山西汾州人監生洪武二十九年任少詹事兼侍讀三十年改右僉都御史
墨麟	陝西高陵人鄉舉永樂二年以兵部右侍郎兼少詹事五年卒贈少保諡榮毅
趙毅	河南汝陽人薦舉永樂二年以工部左侍郎兼少詹事七年謫交趾

國初詹事府少詹事行實

馮勝字 直隸鳳陽府定遠人追封宋國公文質季子郢國公國用弟也生時黑氣滿室若烟霧然經日不散人異之長而謹厚姿貌磊落長軀勇毅且多智略有相者曰此子骨格清奇特有英風烈氣他日必以武致富貴勝聞之曰吾立身願忠孝弗富貴圖也是後喜讀書融會義理與兄國用講論兵法夜分不寢智略益充暇則拉同志適開曠馳馬試射以百步為的發無不中眾服其能元季兵亂江淮雲擾念不能坐受魚肉歲甲午與國用伏謁 太祖於妙山 上見而奇之用置左右從克滁州三汊河和州版門砦乙未春陳也先犯和州人馬三倍我師謀協 廟筭獲其全軍六月渡江拔采石取太平也先復擁眾寇城下勝從諸將擊之擒也先 上釋也先勝知其懷異與國用共防之竟不能為害丙申五月敗元中丞蠻子海牙舟師三月克臺城還軍從擊鎮江舟徒寧國擢萬戶丁酉攻下甘露松山望亭戊戌取泰興宜興授元帥守禦國用先以丙申秋陞帳前總制親軍都指揮使己亥夏疾卒其子誠幼不堪事庚子春 命勝襲兄職仍掌親軍五月陳友諒陷太平遂寇龍灣 上命勝等戒備勝與諸將擊友諒於石灰山殺傷相當勝率敢死士直衝其中堅敵披靡遂大破之溺死者數萬俘獲七千友諒僅以身免 上命勝追至采石復戰友諒復敗遂復太平辛

丑二月攻高郵八月從 上親征友諒安慶水砦長驅至江州
友諒以爲神兵倉皇棄城走武昌遂克之得糧馬數多陞都護
癸卯三月張士誠兵圍安豐號二十萬劉福通請援敵殺福通
圍益急勝從 上往同諸將奮擊之敵敗走追奔踰境陞同知
樞密院事調擊廬州甲辰降陳理於武昌克廬州走左君弼乙
巳取江西諸郡復同徐達常遇春率馬步舟師進取淮東十月
克海安閏十月克泰州十一月徐達攻高郵 上恐深入敵境
不能策應諸將乃遣使卽軍中命勝帥所部節制高郵諸軍而
以達還軍泰州丙午三月勝克高郵四月下淮安安豐八月從
伐張士誠先薄濶西克舊館執吳將呂珍徇湖州城下李伯昇
國朝列卿紀 卷之十七 三

哲等棄城遁留兵戍守克潞州太原至猗氏擒元右丞賈成攻
平陽克之擒李茂克絳州擒田保保徐伯昌獲將士五百餘人
馬三百餘匹授征西將軍二月克河中陝西三月取鳳翔李思
齊西奔臨洮獲其部將薛平章等四月取隴州鞏昌總京衛兵
征臨洮思齊降其全部及銀印等物遣使報捷五月從大將攻
圍慶陽擊敗張良臣兵於西閩復與大將謀移軍驛馬關花原
州以絕良臣聲援則慶陽可破矣大將從之八月遂克慶陽承
制統兵鎮守節制各鎮兵軍規措糧餉河州等處以次俱下十
二月回京賜白金二百兩文幣十五表裏三年正月 上以下
保保等爲西北邊患 命勝爲右副將軍帥師自潼關出西安
國朝列卿紀 卷之十七 四

以爾勝繼之爾勝十餘年間居京師則除肘腋之患歷征賊則
建牙爪之功敵犯龍江帥奇兵而大劉羣寇副將北伐屢克捷
而平定中原宣力內外佐成混一今天下已定論功行賞朕無
以報爾是用加爾爵祿使爾子孫世世承襲朕本疎愚皆遵前
代哲王之典禮茲與爾誓除謀逆不宥其餘若犯死罪爾免二
死子免一死以報爾功於乎爾以忠誠夙夜事朕屢除奸惡爵
祿之崇由爾勲勞而致尚其日慎一日持守高盈訓及子孫保
於永世仍賜文綺及帛八十疋四年守鎮陝西修治城池 賜
臨濠地若干頃佃戶若干守墳人百五十戶儀仗戶十九家仍
賜第於京師五年詔為征虜大將軍與副將傅友德陳德等北征

國朝列卿紀

卷之十七

五

傳元

遇虜兵於別力篤山戰敗之擒獲將士甚眾乃分兵由西道取
甘州破元將失刺罕兵敗朶兒只把於虎刺罕口獲人口數十
萬羊馬駝稱是進拔肅州至亦集乃敗命寶兵分布戍守扼塞
關寨始還六年七年練兵臨清北平繼往大同八年自大同征
元未下散不刺等地回鎮陝西九年練兵西征十年鎮河南五
月夫人何氏卒於京 上遣使齋勅報計 召還議葬事十一
年回鎮十二年董建周王官殿興作以時一如 聖諭十三年
九月享 太廟賜米五百石是冬故元平章乃兒不花等寇邊
明年正月 上命徐達率師討之命勝佩征虜大將軍印節制
河南賜 手誥曰河南為天下重鎮地廣民稠士馬甚眾方今

大將軍等征北 特命爾等制其地宜休息民力訓練士卒以
佐征討時王府官殿告成遣使齋 勅諭勝曰今天象有警占
大梁乃爾所封之地爾今正在彼處當蚤夜謹畏 王之官殿
已成上城內外護衛嚴密馬步士卒各加訓練其在爾左右為
圍子手者王府有馬毋令牧於邊地當令兩軍守一馬軍皆須
精銳者但有異聞時即乘馬至報爾就語都指揮馬兒亦宜慎
防察入動靜九月 勅諭勝曰天象屢見不可不警大梁軍民
雜處宜用撫安之令 秦王 晉王還京宜選精銳將士嚴密
宿衛至到之時宋國公出迎則都指揮守城都指揮出迎則宋
國公守城指揮軍士以三之一出迎餘悉令守城爾其夙夜加

國朝列卿紀

卷之十七

六

薛洪

慎毋忽十一月 勅勝曰聞有盜五百餘人由黃陂縣而西殺
掠居民此必征南士卒畏避而逃者夫不用軍法罪固當死因
而為盜者又甚焉宜即遣兵於汝寧南陽之地伺其出沒捕之
十五年至十七年連鎮河南撫軍恤民兵欣附明年以久鎮
於外為勞 上乃召還遣禮曹齋羊酒慰勞之其年秋授征虜
大將軍總兵北征屯兵絳橋操練兩月而還時殘元遺孽及
元故將歸服殆盡惟納哈出尚擁眾金山時為邊患 上以春
虜負固非得宿將重臣統大軍聲討終未馴附二十年佩征虜
印總步騎三十萬往征師抵金山納哈出懼而遁勝遣驍將率
精騎窮追納哈出敵知不可免乃乞降並降其學士也先帖木

國公官童平章臺所部二十餘萬咸附悉驅入山海各城屯住捷聞 上大悅卽旋師城大寧二十一年往東昌等處調遣兵隨穎國公征雲南達兵至常德四川叛其令遂往永寧鎮守沿邊撫安達兵二十三年春 上肅清逆黨榜列勲臣凡五十七首功高望重嘗總兵者八人勝居其三其見褒重如此是秋詔還鄉賜緡金帛甚厚二十四年秋命率山西平陽等郡塚軍發大同等衛屯種三十二年癸卯十月十日卒 朝廷哀悼遣祭勅有司治喪以明年二月五日附先墓葬焉子男皆先勝卒女一周王妃

胡美初名廷瑞避御字改今名湖廣沔陽人元至正間任陳友諒爲江西行省丞相守南昌辛丑年 太祖拔江州率城來附命仍舊官吳元年以平吳功陞榮祿大夫中書省平章政事十月命爲征南將軍率安吉寧國南昌袁贛滁和無爲等衛軍由江西取福建 上喻美曰征伐所以奉天命平禍亂安生民故命將出師必得其人汝以陳氏丞相來歸事吾忠實無過故命汝總兵往取福建江西左丞何文輝爲前之副湖廣叅政戴德隨征從汝調發二人皆吾親近之人勿以此故廢軍政凡號令征戰一以軍法用事聞汝往年嘗攻閩中必深知其地里險易今總大軍進征凡攻圍城邑必擇便利可否爲之進退無失汝宜克定之功全賴於汝十一月帥師度杉關略光澤縣下之士

國朝列卿紀 卷之十七 七 張文宣

二月師至邵武元守將李宗茂以城降得將士五千四百餘人至建陽降其首將曹俊疇命指揮沈友仁守之洪武元年正月卽帝位功臣進秩詔美以榮祿大夫中書平章兼同知詹事院事是月壬午率師至建寧元守將同僉達里麻叅政陳子奇集僚佐謀備禦甚堅美等進兵數與挑戰達里麻等固守不出我師環其四門攻之壬辰克建寧時美督兵攻城益急達里麻不能支夜潛至文輝營納款詰旦總管翟也先不花亦率衆請降美乃整軍入城申嚴號令秋毫無所犯執陳子琦送京師獲將士九千七百九十餘人馬二百七十三匹銀一萬六千三百兩糧九萬八千六百四十石命指揮費子賢領兵守之二月克興

國朝列卿紀 卷之十七 八 張榜

化遣建陽降將曹俊疇招諭汀州寧化連城等縣元汀州路守將陳國珍納款泉州郡縣相繼降附時王師已取福州延平福建悉平統兵守禦五月 上幸汴梁召還扈從凡行在機務悉預區處兵行無擾於民二年十二月大賞征南及守禦功賜白金二百五十兩文幣十七表裏三年七月往河南等處招集故元王保保所部亡散士卒凡占籍在洪武元年者聽爲民二年以后者收入兵伍十一月大封功臣授開國輔運推誠宣力武臣榮祿大夫柱國封豫章侯食祿一千五百石世襲賜誥命鐵券仍賜文綺及帛四十疋十三年正月改封爲臨川侯誥券文與前同六月遣使齎勅至湖廣諭美曰昨者上天垂戒朕思治

理恤民為先其王府一切役作宜皆停罷時美董建潭王府於長沙故以是論之二十六年卒餘詳中書省平章

廖永忠直隸廬州府巢縣人元至正兵起乙未年同兄永安以

舟師附 太祖從渡江歷樞密院同知樞密事甲辰平偽漢

功陞湖廣行中書省左丞吳元年以平吳功陞榮祿大夫中書

省平章政事十一月征南將軍湯和既下溫台慶元方國珍遁

入海島 上命永忠為征南副將軍帥師自海道會和討之初

國珍遁海中尚冀少延及聞永忠兵威益駭惑失措遂率昆弟

子侄詣軍門乞降得其兵械舟楫以萬計乃以谷珍及其降表

送建康十二月帥舟師自明州海道徑取福州戊申正月 上

國朝列卿紀

卷之十七

九

鄧文誠

卽帝位改元洪武諸功臣進秩詔永忠以平章兼同知詹事院

事時福州已下略定閩中諸郡兵至延平元參政文殊海牙以

城降執元守臣平章陳友定聞地悉平二月癸卯 上命永忠

為征南將軍參政朱亮祖為副率舟山海道取廣東丙辰永忠

自福州遣人以書至廣東諭元江西分省左丞何真三月壬午

永忠率舟師趨福州航海趨廣東壬辰師至潮州何真遣其都

事劉克佐詣軍門以廣潮惠款附上其印章并所部圖籍四月

辛丑朔師至東莞何真率官屬出見乙巳師次虎頭山門小漲

元帥以所部來降戊申師至廣州之龍潭元將盧左丞遣鎮撫

盧成納款得海舟五百艘軍士二千九百餘人馬三百匹糧五

千餘石命指揮胡通守之乙卯遣兵攻破偽參政邵宗愚山

獲宗愚等斬於廣州市新會縣土豪黃彬河源縣曹文昌及州

廖仁等復聚兵在粵元帥永忠捕誅之南海縣人麥康和

以魘魅蠱毒殺人捕斬之民大悅服由是諸郡相繼來歸永

忠一二勞勩撫之乃馳驛往諭九真日南朱崖儋耳三十餘城

皆納印請吏不敢或後廣東既平遂進取廣西六月丙午兵至

梧州境元達魯花赤拜住率官吏父老迎降廣西行省平章林

文之亦降時元吏部尚書普顏帖木兒張翔以便宜行事入席

西次藤州聞永忠兵至走鬱林亮祖勒兵來追之普顏帖木兒

戰死張翔赴水死於是潯貴等州郡以次咸附七月甲午兵至

國朝列卿紀

卷之十七

十

鄧文誠

梧州容州同知明安普化暨普寧縣達魯花赤間買皆率父老

迎謁丁酉師次貴州元鬱林州知州張那海同知王楚金降於

軍門永忠因遣亮祖會平章楊璟收未下州郡八月壬戌亮祖

與璟合兵攻克靖江執元平章也兒吉尼戊辰永忠至南寧元

上浪屯田千戶宋真執其守將平章咬住參政那海遣使請降

永忠悉收諸司印章命真守其城送咬住等赴京九月戊子元

平章阮思蘭以象州降廣西悉平二年八月戊午永忠亮祖率

師還至京 上命 皇太子率百官迎勞於龍灣比入見 上

撫慰懽甚既退復命 皇太子送永忠還第十二月 上大賞

諸將念其功賜白金二百五十兩文幣二十表裏三年七月泉

州漳州不靖永忠往撫之悉定其地十一月大封功臣授開國
輔運推誠宣力武臣榮祿大夫柱國封德慶侯食祿一千五百
石 賜誥命鐵券餘詳中書平章

李伯昇字 直隸揚州府泰州人元末兵起仕張士誠爲浙
江行省叅政守湖州丙午王師攻湖州以城降命仍其官洪武
元年進榮祿大夫中書平章仍兼同知詹事院事二年往守陝
西三年十一月大行封賞賜文綺及帛十六疋 上欲優待之
命食中書平章祿不署事子孫世襲指揮僉事五年命爲征南
右副將軍統兵討靖州五溪等處蠻寇功與江陰侯同 上甚
嘉之十一年定省臺官等歲祿之數伯昇每歲給七百五十石

國朝列卿紀

卷之十七

十一

於官田內給與十三年春命往漳州理軍務未幾遣使齎符召
還餘詳中書平章

趙庸小字老哥直隸廬州府合肥縣人元至正兵起甲午年回
兄伯仲來附從 太祖渡江立功庚子年伯仲伏誅命襲兄職
授命行樞密院事壬寅年平江西陞中書省叅知政事吳元年
陞資善大夫中書省左丞十月從大將徐達取山東十一月克
沂州益都十二月下濟南戊申正月 上卽帝位改元洪武諸
功臣進秩詔庸以中書左丞兼太子副詹事二月克東昌取棗
州三月克汴梁四月率步騎自中灤進取河南又自虎牢關進
至河南塔兒灣元將詹同脫因帖木兒戰敗走陝州遂進營於

河南城北門其行省平章梁王阿魯溫送款軍門遂克河南命
庸守之七月達旣拔關陝擇將鎮守謀取元都庸與諸將各領
軍衛分布士馬渡河徇取河北州縣閏七月克衛輝下彰德取
廣平至臨清趨德州克長蘆直沽河西務通州八月庚午克元
都九月克河間守之大軍尋下保定中山眞定十一月徐達至
眞定會常遇春於柳亭調庸守保定令收諸未附山寨十一月
從克太原二年從下陝西鳳翔鞏昌臨洮諸郡走張良弼降李
思齊五月元將也速兵侵通州 上命庸從常遇春率兵東還
拒之遂搗永平過惠州獲江文清士馬以千計至大寧也速遁
破開平元君又北奔追至北河俘其宗王三人及平章鼎住等

國朝列卿紀

卷之十七

十二

凡得軍士萬人車萬輛馬三千牛五萬師還燕時慶陽未下
上命庸副李文忠率師往應徐達合攻之八月癸亥庸自北平行
至大原聞元兵攻大同文忠謀於庸遂由代出鴈門至馬邑適
遊騎數千奄至猝遇我師與戰敗之擒其平章劉帖木進至白
楊門前軍已駐營於饜元將脫列伯悉銳來攻我師先以兩營
誘敵自寅至辰度其饑疲乃分軍爲左右翼奮擊大破之生擒
脫列伯縛於軍門降其衆萬餘獲馬匹輜重甚衆遂進兵東勝
州莽歌倉而還未幾慶陽亦平十二月 上大賞平定中原諸
將謂左丞趙庸從大將軍克平山東河南燕冀秦晉等處州郡
又從開平王自陝西復取上都後充副將軍同平章李文忠總

兵山西應接大將軍乘勝勦捕生擒脫列伯驗其功勞賞白金二百兩文幣十九表裏三年正月同文忠領兵征伐二月師出野狐嶺降其守將進師察罕腦兒擒其平章祝真三月甲午同文忠敗元太尉蠻子平章沙不丁朶兒只八刺等於白海子之駱駝山所遂進次開平獲元平章上都罕等五月十五日同文忠率師比至應昌克其城獲元君之孫買的里八刺及后妃官女金寶玉冊省院諸官知元君於四月二十八日以疾殂太子愛猷識里達臘以數騎北奔追之不及而還又至苦脫孫追太尉蠻子及奧魯軍擒元平章伯魯兒獲馬駝無算過中興擒元將江唐國公進攻紅羅山其擁兵自固者皆請降大軍所至於

國朝列卿紀

卷之十七

十三

陶見

朔庭遂空十一月師還是月丙申大封功臣授開國輔運推誠宣力武臣榮祿大夫柱國同知大都督府事封南雄侯食祿一千五百石令子孫世襲 賜誥命鐵券餘詳中書左丞

王溥字

江西饒州府安仁縣人元末兵起仕陳友諒為江

西行省平章守建昌辛丑年王師下建昌以城降命仍舊官甲辰年以平偽漢遷資善大夫中書右丞洪武元年諸功臣進秩詔溥兼副詹事從大將軍克平山東河南燕冀二年克陝西屢有戰功賜文幣七表裏三年十二月天下既定論功行賞陞河南行省平章 上欲優待之令食祿而不視事子孫世襲指揮同知十一年定諸臣歲祿之數刻石官署溥每歲七百五十石於

官田內給與平章李伯昇潘原明祿同餘詳中書右丞

李文吉字

人洪武中由薦舉歷都察院

右僉都御史二十五年改詹事府少詹事本年復改左僉都御史歷工部刑部侍郎詳南京刑部

祝春字

山西平陽府蒲州人洪武十七年以儒士舉除通政司參議二十四年陞左通政二十五年陞詹事府少詹事

年卒於官

黃子澄名混以字行江西袁州府分宜縣人博學有俊聲游鄉校同舍避席賦寒江把釣圖及枯梅詩人爭誦之洪武乙丑會元廷試及第第三人特授翰林院修撰尋兼春坊官侍 東宮

國朝列卿紀

卷之十七

十四

劉世行

講讀二十五年進少詹事兼修撰二十七年遷太常寺卿詳太

常寺

任亨大字

湖廣襄陽府襄陽縣人洪武戊辰進士第一人

授翰林院修撰

二十五年陞少詹事兼修撰二十七年上重其

學行陞禮部尚書尋出使安南詳國初禮部

辛彥博字

山西汾州人洪武中由太學生擢監察御史進

都察院左僉都御史二十九年改詹事府少詹事三十年復改

右僉都御史永樂初降御史詳國初都察院

墨麟字

陝西西安府高陵縣人洪武甲子鄉舉革除中陞

北平副使靖難師起命守北平總督軍餉壬午年 文廟入正

大統陞刑部右侍郎尋改兵部右侍郎永樂二年 仁宗儲德
 東官命兼少詹事五年卒於官贈少保謚榮毅詳國初兵部
 趙毅字致遠河南汝寧府汝陽縣人父好德爲吏部尚書洪武
 末年以儒士薦舉授工科都給事性孝甘布素善屬文工草書
 輕財下士素以行誼重於鄉在科忠厚識大體爲 文廟所眷
 注永樂二年陞工部左侍郎本年命兼詹事府少詹事四年丁
 憂本年奪情起復七年坐事謫交趾卒於途詳國初工部

國朝列卿紀 卷之十七 十五 高儒

國朝列卿紀卷之十七終

國朝列卿紀卷之十八 詹事府少詹事年表

鄒	濟	郭	郭	郭	曾	王	王	王	項	薩	國朝列卿紀	劉	孔	司	李	柯	萬	徐	黎	王	楊			
浙江錢塘人薦舉永樂十八年任兼侍讀	直隸新安人監生永樂二十二年以	山東堂邑人鄉舉永樂二十二年以	左侍郎兼少詹事宣德二年陞戶部尚書	江西永豐人進士宣德五年任兼侍讀	江西泰和人進士宣德五年任兼侍讀	江西金谿人進士宣德五年任兼侍讀	浙江淳安人進士景泰三年以吏部左	福建閩縣人進士景泰三年以	禮部右侍郎兼少詹事五年卒	直隸長洲人鄉舉天順元年任兼侍	山東曲阜人進士天順	浙江山陰人解元天順七年	以右贊善陞任兼侍講學士	福建莆田人進士成化三年	任兼侍講學士四年丁憂	四川眉州人進士成化三年任兼學士五	年入閣歷少師華蓋殿大學士卒謚文康	直隸宜興人進士成化十年任兼侍講學士十六年	陞太常卿歷內閣少師華蓋殿大學士卒謚文靖	湖廣華容人進士成化十三年任兼侍讀學士	浙江仁和人進士成化十三年任兼學士十	七年陞太常寺卿兼學士卒贈禮部左侍郎	浙江鄞縣人進士成化十六年任兼侍講學	士二十二年陞吏部右侍郎兼府丞卒謚文懿

高儒

謝	遷	治四年任	吳	寬	治四年任	陸	簡	治四年任	張	昇	治九年任	王	蔡	治十三年任	梁	儲	治十六年任	國朝列卿紀	卷之十八	二	高僑																													
謝	遷	見詹事弘治四年任	吳	寬	詳詹事弘治四年任	陸	簡	詳詹事弘治四年任	張	昇	江西南城人成化己丑狀元弘治七年任兼侍講學士九年陞禮部尚書卒諡文僖	王	蔡	直隸吳縣人成化乙未進士弘治十一年任兼侍讀學士十三年陞吏部侍郎內閣少傅武英殿大學士	梁	儲	見詹事弘治十六年任	國朝列卿紀	卷之十八	二	高僑																													
汪	諧	年任兼侍講學士二十三年任	程	敏政	詳詹事成化二十三年任	費	闇	見詹事弘治二年任	謝	遷	見詹事弘治四年任	吳	寬	詳詹事弘治四年任	陸	簡	詳詹事弘治四年任	張	昇	詳詹事弘治九年任	王	華	浙江餘姚人成化辛丑進士弘治十六年任兼學士本年陞禮部尚書南京吏部尚書	劉	機	見詹事弘治十六年任	楊	廷和	見詹事弘治十八年任	江	瀾	浙江仁和人成化戊戌進士弘治十八年任兼學士正德元年陞吏部侍郎南京禮部尚書	蔣	冕	見詹事正德六年任	顧	清	直隸華亭人弘治癸丑進士正德十一年任兼學士十二年陞禮部尚書南京禮部尚書	方	獻夫	廣東南海人弘治乙丑進士嘉靖四年任兼侍講學士六年陞禮部侍郎內閣少傅武英殿大學士	霍	韜	詳詹事嘉靖五年以兵部主事養病陞少詹事兼侍講學士	黃	綰	見詹事嘉靖六年任	夏	言	江西貴溪人正德丁丑進士嘉靖十年任兼學士本年陞禮部侍郎內閣少傅華蓋殿大學士

張	潮	詳詹事嘉靖十年任	崔	銑	河南安陽人弘治乙丑進士嘉靖十八年任兼侍讀學士本年陞南禮部侍郎	孫	承恩	詳詹事嘉靖十八年任	江	汝璧	江西貴溪人正德辛巳進士嘉靖二十年任兼侍讀學士本年下獄為民	生	用賓	陝西咸寧人正德辛巳進士嘉靖二十四年任兼侍講學士二十六年陞任太子少保禮部尚書	黃	佐	廣東香山人正德辛巳進士嘉靖二十五年任兼侍講學士二十六年開往	王	用賓	見前嘉靖二十八年起原職再任二十九年陞禮部侍郎	尹	臺	江西永新人嘉靖乙未進士三十四年任兼侍讀學士	國朝列卿紀	卷之十八	三
張	潮	詳詹事嘉靖十年任	崔	銑	河南安陽人弘治乙丑進士嘉靖十八年任兼侍讀學士本年陞南禮部侍郎	孫	承恩	詳詹事嘉靖十八年任	江	汝璧	江西貴溪人正德辛巳進士嘉靖二十年任兼侍讀學士本年下獄為民	生	用賓	陝西咸寧人正德辛巳進士嘉靖二十四年任兼侍講學士二十六年陞任太子少保禮部尚書	黃	佐	廣東香山人正德辛巳進士嘉靖二十五年任兼侍講學士二十六年開往	王	用賓	見前嘉靖二十八年起原職再任二十九年陞禮部侍郎	尹	臺	江西永新人嘉靖乙未進士三十四年任兼侍讀學士	國朝列卿紀	卷之十八	三

詹事府少詹事行實

鄒濟字汝舟浙江杭州府錢塘縣人蚤喪父事母以孝稱天資
穎敏好學強記稍長游縣庠材識為同輩所服縉紳君子多重
之餘杭令聘教縣學遂奉母從家焉而毅然師道自任振起諸
生皆趨於學一新學舍自令丞以下皆嚴敬之秩滿陞中都國
子學錄又陞國子助教一時國學之為師者皆樂與交為弟子
者多樂就其講下無幾坐事自陳左遷西安府學教授未赴改
河間府學用薦者陞平度知州階奉訓大夫廉簡寬厚吏民安
之丁母憂永樂元年服闋用翰林修撰李貫舉修實錄官攝事
撫要井井有章三年書成 賜鈔衣一襲幣表裏各四百金五

國朝列卿紀 卷之十八

五

十兩陞禮部儀制郎中階奉議大夫進奉政大夫時 朝廷祭
祀冊拜慶賚及儀物制度徵舊章參古典闕部一資於濟五年
安南叛 詔大將軍帥師討之擇朝臣有文學者往司奏記濟
承命以行軍事多所助益安南既平還京五年餘黨復叛 王
師再出濟亦繼往還陞廣東布政司右叅政務持大體而簡重
寬平以率郡邑嶺海之區政化行焉八年坐累左遷吏部郎中
數月擢左春坊左庶子在輔導之職言無不從寵遇特厚奉
令旨授 皇孫明經善於啓迪十八年秩滿陞詹事府少詹事階
中順大夫濟為人和易坦夷不見崖岸於物無所迂自公卿下
至武人庸隸皆樂親之其學長於春秋為文章不煩思索舉筆

馬自強 陝西同州人嘉靖癸丑進士隆慶五年任兼學士歷
吏部左侍郎禮部尚書太子太保文淵閣大學士卒

陶大臨 浙江會稽人嘉靖丙辰進士隆慶五年
由南祭酒任兼侍讀學士六年陞詹事

申時行 直隸吳縣人嘉靖壬戌進士
萬曆元年任兼侍讀學士

王錫爵 直隸太倉人嘉靖壬戌進士萬曆三年
由祭酒陞少詹事陞侍讀學士掌府事

陳思育 湖廣武陵人嘉靖乙丑進士萬曆
兼侍讀學士歷禮部右侍郎轉左尋削籍

余有丁 浙江鄞縣人嘉靖壬戌進士
萬曆六年任兼侍讀學士

國朝列卿紀

卷之十八

四

沈一貫 浙江鄞縣人隆慶戊辰進士萬曆
十一年以少詹事兼侍讀學士

王家屏 山西沁州人隆慶戊辰進士萬曆十二年以少詹
事兼侍讀學士協理府事五月陞禮部右侍郎

張位 江西南昌人隆慶戊辰進士萬曆
十二年以少詹事兼侍讀學士

徐顯卿 直隸長州人隆慶戊辰進士萬曆十三年由北祭酒
陞少詹事兼侍讀學士十四年陞詹事掌翰林院

趙志臯 浙江蘭谿人隆慶戊辰探花萬曆十五年由南祭酒
陞少詹事兼侍讀學士掌府十二月陞南吏部侍郎

盛訥 陝西潼關籍定遠人隆慶辛未進士萬曆十九
年由祭酒陞少詹事兼侍讀學士協理府事

黃洪憲 浙江嘉興人隆慶辛未進士萬曆
十七年以少詹事兼侍讀學士

立就所居號願菴客至必具酒相與傾洽遇朋徒之會山水之遊輒欣然從之不以事廢兼嗜老釋之書旁通深造雖其徒尊宿者莫或過之二十二年卒年六十八贈太子少保謚文敏

郭璉字時用直隸保定府新安縣人國子生精於吏事簡切不泛永樂初為戶部主事以勤敏著稱已為文廟所知歷陞福建參議山東參政俱有政績五年進工部侍郎九年命往湖廣督武當山宮觀事集而人不擾事竣回部十九年定鼎北京特命安撫江西軍民考察官吏二十二年改吏部會仁廟嗣位

益隆眷注命兼詹事府少詹事仍改今名暨宣廟嗣位又命掌行在詹事府事四年寒義以年老輟吏部政務贊謀密勿遂

國朝列卿紀 卷之十八 六 鄧文敏

進尚書代義理部事餘詳吏部

郭敦字仲厚山東東昌府堂邑縣人洪武癸酉鄉舉入太學擢戶部廣西司主事陞衢州知府有善政後廷臣有言敦廉正不阿者召為監察御史陞河南布政司左叅政公明勤約才識超邁時京師營造率民赴役間敦行皆歡趨之無後期者無幾調陝西端重有威僚屬敬畏以公務留京師禮部尚書胡濙言其行於成祖曰郭敦有大臣體宜在左右即日召見以病不克入遂遣御醫視之疾愈入謝獎勞再三賜鈔襲衣明日陞禮部右侍郎十九年定鼎北京命巡撫順天等府安恤軍民考察官吏二十二年仁宗臨御以居大行喪不齋戒公宿

降太僕寺卿十月進戶部左侍郎兼詹事府少詹事宣德二年陞戶部尚書詳戶部

曾榮字子啓江西吉安府永豐縣人幼穎敏端重言笑不易五歲盡識象戲字七歲從學伯父兩舉十五以其所學訓族人子弟十七出教新淦胡氏塾已有名時儒者鄒仲熙鄒幼亨皆忘年與之交二十克邑庠生教諭戴正心文學老成尤重祭既作詩勵之復為龍說期其大用永樂元年中江西鄉試明年禮部會試中選者四百七十人名在第八廷試遂中第一賜進士及第成祖奇其才親批所對策褒美之賜冠帶朝服授翰林修撰承務郎未幾詔解縉選進士二十八人俾進學文淵閣榮為之首上嘗召問典故奏對如響每應制詩文皆立就由是深沐寵眷纂修永樂大典命為副總裁授儒林郎五年陞侍講授承直郎六年丁內艱七年大駕巡狩北京起復扈從同邑有坐奸黨事逮祭者人以爲危成祖特原之謂曰朕惜爾才也所居西長安門外家人不戒火延及禁垣上亦以祭故置不問嘗同諸才俊賦天馬海青歌於上前獨先成詞氣豪宕上深加歎賞陞承德郎十六年滿陞侍讀學士與修太祖高皇帝實錄成重沐賜賚丁父憂復起就職仁宗嗣位宣宗正位儲官陞右春坊大學士仍兼侍讀學士授泰議大夫賜誥命洪熙初元侍宣皇監國南京宣德改元

國朝列卿紀 卷之十八 七 劉汝忠

閣榮為之首上嘗召問典故奏對如響每應制詩文皆立就由是深沐寵眷纂修永樂大典命為副總裁授儒林郎五年陞侍講授承直郎六年丁內艱七年大駕巡狩北京起復扈從同邑有坐奸黨事逮祭者人以爲危成祖特原之謂曰朕惜爾才也所居西長安門外家人不戒火延及禁垣上亦以祭故置不問嘗同諸才俊賦天馬海青歌於上前獨先成詞氣豪宕上深加歎賞陞承德郎十六年滿陞侍讀學士與修太祖高皇帝實錄成重沐賜賚丁父憂復起就職仁宗嗣位宣宗正位儲官陞右春坊大學士仍兼侍讀學士授泰議大夫賜誥命洪熙初元侍宣皇監國南京宣德改元

修 兩朝實錄五年書成 賜織襲衣白金文綺進詹事府少詹事仍兼前職 賜寶帶日直文淵閣歲時累拜御酒珍饌白金鈔幣之賜恩意隆洽六年趨朝以欬嗽遽引退 上遙見之詔免朝叅益敬慎弗懈七年疾復作 上亟命醫往治祭知不起自為贊遺相知訣別遂卒年六十有一贈禮部左侍郎謚襄敏

王直江西吉安府泰和人永樂甲申進士由庶吉士歷陞修撰侍讀右春坊右庶子 宣宗即位與修 兩朝實錄成陞詹事府少詹行實詳吏部

王英字時彥別號泉坡江西金谿人永樂甲申進士第時 成

國朝列卿紀

卷之十八

八

劉汝忠

四百五十五

祖方銳意育才 命翰林學士解縉選進士穎秀者與狀元曾榮等通得如二十八宿之數俾盡讀文淵閣古今書作為班馬韓柳歐蘇文字 命大官日給珍饌月賜油燈之資數召至便殿問以經史諸子故實或至抵暮方退英在二十八人之中每為儕輩推讓後 上以綽綸事重以英與王直皆慎密可與竝任揀入秘閣書進呈機密奏疏歲戊子預修 太祖高皇帝實錄丁亥授翰林修撰 扈蹕巡狩北京丙申陞翰林侍讀戊戌實錄成 賜襲衣綵段鈔錠壬寅胡寇犯邊二月 上親征命扈從至闊濼兒海五月旋師過威虜鎮李陵城已四十里 上召諭曰聞李陵城有石碑可往視之明日還備奏其故 上曰

此碑既鐫有韃靼姓名異日胡虜一見之必以此地為已物爾宜再往擊碎之用火煨沉之於河以絕其爭端英如 旨而往既還奏 上喜謂曰秀才是二十八人讀書者朕需爾為用正好宣力勿憚勞苦因問曰朕率師伐虜爾試言成功如何對曰胡寇犯邊罪在不宥但聞 天兵親征必遠走漠北臣願 陛下幸毋入險窮追也 上笑曰朕為天下國家計秀才之言惟不欲窮兵黷武耳復謂曰凡軍中一切動靜或謠言之類爾有所聞即來密奏又 諭太監孟驥曰秀才有事即令人見毋阻六月 上駐蹕安平鎮立功官軍因有過不與口糧者多相聚悲泣曰吾等糧盡必死道路矣英以為言 上悅即令兵部尚

國朝列卿紀

卷之十八

九

陶見

書李慶人給口糧并載衣甲驢一匹甲辰 上復親征胡虜還次榆木川晏駕時 仁宗在東宮命尚書蹇義夏原吉學士楊榮楊士奇侍讀王直與英同定喪禮議國政宿內閣凡七日 仁宗嗣位加恩賜白金綵段八月進秩侍講學士尋陞右春坊大學士兼翰林侍講學士明年乞歸省 賜鈔二千緡俾馳傳而還 宣宗即位嘗召入便殿謂曰洪武中學士有宋濂吳沈朱善劉三吾永樂初則解縉胡廣俱有重名念汝當講經史陳道義以啓沃朕心罔俾前人獨專其美 賜內醞及鈔千緡 命入內閣叅預中秘宣德庚戌修 太宗仁宗兩朝實錄成 賜白金綵幣襲衣陞詹事府少詹事兼翰林侍講學士復 賜金

箱琥珀麒麟帶壬子正月間太淑人曾氏喪 上命禮部賜祭

工部造墳遣中官阮童護奔喪冬十月季哀還 朝寵遇日隆

不時 召對正統間開 經筵為講官陳說詳明於文義之外

多有規諫之語其講章於朝退之際人爭求去以為珍寶修

宣宗實錄與少師楊士奇同楊榮為總裁實錄成 賜白金百兩

綵段鞍馬進秩禮部左侍郎兼翰林侍講學士詳南京禮部

項文曜字應昌浙江嚴州府淳安縣人宣德癸丑登進士觀政

兵部尚書王驥奇其才俾修馬政復奉使西洋各以能稱授兵

部主事未幾征麓寇及整飭遼東邊備皆著勞効尋除兵部職

方司郎中正統十四年 車駕北狩時于謙為兵部尚書喜其

國朝列卿紀 卷之十八 十一 劉什江 萬三

有幹局遂陞兵部右侍郎為人機警善因事以成謙之美故謙

多信任之景泰二年吏部缺右侍郎時欲用文選郎中李賢因

嫌於陞本部與王直並又因謙薦文曜遂調吏部及至吏部時

何文淵同王直為尚書見寵於 景帝復阿附之三年以易備

轉左兼少詹事言官劾其儉邪謙力庇之時謂之于謙妄云每

朝待漏時必附謙耳密言不顧左右相視及退朝亦然行坐不

離既在吏部亦如是吏部尚書王直世稱儒者謙初其敬之已

而被文曜毀之謙為是頗慢直嘗論其老不去蓋文曜有代直

之意又忮刻懷舊怨訓導吾豫景泰中應薦至京以屢言邊事

兵部奏宜邊用而在邊不得久支俸請於吏部文曜曰是嘗視

我兵部者何可與之王直曰官必有俸自須與之然竟亦莫能
與也詳吏部

薩琦字 福建福州府閩縣人宣德庚戌進士時 宣宗欲

選進士之尤者績學以備官僚 命楊溥選進士得八人為庶

吉士琦為之首命太和王直率之讀中秘書正統元年績成授

翰林院編修三年秩滿陞侍讀景泰三年易儲之議漸萌時禮

部缺侍郎 上令閣下用學士為之大學士陳循等擬劉鉉以

進時江淵不悅乃退與內侍曰鉉素不能幹事不可用乃用琦

超陞禮部右侍郎兼少詹事與易儲日見親密五年卒於官詳

禮部

國朝列卿紀 卷之十八 十一 萬三

劉鉉字宗器直隸蘇州府長洲縣人生弱月而孤數歲入鄉塾

輒有志向學雖衣食羸糲弗顧也未冠即授徒里中從之者甚

眾其言動規模如宿儒鄉之長者皆折輩行與交性孝友母違

疾剖股肉以進旦夕籲天求代比沒哀毀垂絕見者莫不敬歎

事兄若嚴師雖加楚箠不怨迎寡弟養於家從父沒而絕嗣以

父命出繼之永樂戊戌以善書徵入翰林明年中京闈鄉試未

上春闈授中書舍人宣德己酉與修 兩朝實錄成 賜白金

文綺陞兵部車駕主事仍蒞事內廷正統戊午與修 宣廟實

錄成進翰林侍講金綺之賚有加戊辰 詔擇進士穎敏者為

庶吉士屬教之鉉懲曩之事虛文者慨然以師道自任俾力進

古作有一字未協者經月不置以故諸吉士大有所造后多以文學致名已已進侍講學士景泰庚午主考京闈及揭曉第一人劉宣乃盧龍軍士同事者欲更之鉉曰朝廷立賢無方不可乃止時論題之鉉未沒宣已第進士為翰林學士矣初置經筵官居首選賜白金文綺寶鏹禮遇甚隆辛未夏不雨特遣祭四瀆壬申春缺祭酒眾難其人大學士高穀曰學行老成無如劉某者遂抗章薦之命下以鉉為國子祭酒士類歡然有得人之賀鉉曰士子若室女當保愛之於是定程課示教條且暮講解如恐弗及及有託權貴以求侍得者斥弗聽六館之十帖然時監生多潛住在京奔競成風鉉奏稱監生有家近在京者當依親之時雖給文引仍在京潛住一聞行取不待勘到原籍官司輒詣部告病不曾還攙先復監亟求出身又有聞父母之喪托故在京守制及服未滿即行起復速求利祿有傷風化請禁止之上命凡監生犯此者送問明年養母陳氏卒朝廷欲奪其情力求終制服除仍拜祭酒舊例監生依親月日俱准坐堂行取文書出部日即為虛曠景泰間劉鉉等奏准文書出部後俱以各布政司遠近為限再準水程雲南四川貴州兩廣五個月福建七十日陝西江西湖廣兩個月南直浙江四十四日山西山東河南一個月北直半月俱為坐堂月日天順改元英皇復位念官端必求宿德之儒遂陞少詹事日侍講讀輔導惟

國朝列卿紀

卷之十八

十一

高穀

謹二年卒於官年六十五上聞計哀悼曰安得學行純篤如斯人者遣禮部侍郎李紹諭祭其家贈禮部左侍郎謚文恭性介特絕輒媚之態立身以不欺為主未嘗疾言遽色尚儉約已貴而猶儼居隘陋裕如也祿賜之餘必分惠宗族故舊之貧者恒館粟之僚友卒而乏者為具後事又教其孤有至顯官者有病吏憐而舍之染其疾及家人或請遣之弗聽已而皆愈鄉人有繫逮不能明者為白其冤其人感之懷金以謝鉉曰吾直爾公也豈為私邪遂感泣而退其善行類此者甚多立朝無惰容不以寒暑久速而少變亦其志之堅定也楊文貞文定兩公皆重其為人每稱道之家訓素嚴仲子瀚以進士使南戒之有曰國朝列卿紀 卷之十八 十三 高穀 見利無苟得也閱其衣篋以行比還仍閱之如故乃喜曰無玷吾門矣平生耽嗜文籍博極羣書素有醞籍為文紆徐演迤務造至理詩古淡從容自有餘味方眾賢集於朝以意氣相雄長鉉獨用心於內退然沉毅略不與較有假菴集若干卷藏於家孔公恂字 山東曲阜人景泰甲戌進士擢禮科給事中以衍聖公弘緒係大學士李賢婿遂不次用為少詹事成化元年改大理寺左少卿自奏復少詹事二年上疏總兵中止有朱永一人諸總兵不平言官劾之出為漢陽知府四年卒於官司馬恂字 浙江紹興府山陰縣人正統甲子京舉解元赴春官不第入監擢刑科給事中景泰三年與易儲議陞春坊右

國朝列卿紀

卷之十八

十三

高穀

替善天順七年起任府事府少詹事八年兼國子監丞事詳國子監

李泰詳詹事成化三年任

柯潛字孟時福建興化府莆田縣人生有奇質穎異絕人數歲能作詩十五能為舉子程文補邑庠生正統甲子領鄉薦當是會試以未忍離親未果行遂携書入道途會講讀不輟戊辰會試中乙榜解第就職入內監攻苦益肆力於學景泰辛未再至禮部選中甲榜進對 大廷陳狀元及第數日授翰林修撰潛手 教書勤謹仿是時 老多在咸愛重之為之延與未 賜五倫書五經四書專用薦人 經筵自是凡

國朝列卿紀 卷之十八

十四

十四

朝廷用人有制皆加恩與焉壬申四月陞右春坊右中允兼修撰五月承修歷代君鑒書成 賜白金十兩文綺二表裏甲戌二月禮部會試為同考試官五月 命預修寰宇通志丙子五月通志成陞司經局洗馬仍兼修撰加賜白金文綺八月考應天府鄉試舟泊淮揚有與子鬻私者暮夜投潛潛叱之彼固以請以所賂遺置潛前潛怒命執付有司治以法是秋塲屋肅然比揭曉咸稱得人還 朝乞歸省未行 英廟復辟改元天順更授尚寶少卿兼職如故仍許歸省已卯二月 命修 玉牒庚辰春 命偕呂學士原考禮部會試十二月 命充 東宮講讀官尋給 誥命進階奉直大夫癸未二月復 命修 陳

學士文考會試會場屋火罷甲申 憲廟嗣位以隨侍恩陞翰林院學士三月有旨選進士年少質敏者李東陽等十八人入翰林為庶吉士命教以古文詞學八月 上御經筵勅兼經筵官仍 賜白金三十兩寶鑑三千貫文綺二表裏九月奉 旨

纂修 英宗實錄成化改元八月考順天府鄉試九月玉牒成賜鈔千貫是月再奉旨教庶吉士林瀚等二十四人十月 賜新刻貞觀政要十二月 命掌翰林院印丁亥八月實錄成陞詹事府少詹事兼翰林院學士 賜白金三十兩金織綵段三表裏折衣羅三表裏 賜宴禮部十月 賜大明一統志戊子二月 命日侍 經筵講讀自辛巳迄戊子凡遇午節輒賜牙骨

國朝列卿紀 卷之十八

十五

十五

聚扇 上有御製清暑歌解愠歌及諸家給繒金織扇袋五色圓壽絲縷虎頭繒畫文虎七月有 詔議 慈懿皇太后山陵事內閣大臣先進章潛率僚屬繼進論合葬於禮為宜明日文武羣臣又繼進未得 旨復具疏以死請曰 朝廷大事臣子大節舍是奚所用心頃之俱 召至文華殿諭可其奏眾歡呼而退十二月 賜經筵儒臣七人襲衣冠履潛已聞父喪 上命卽其家賜之既而有司為少卿公請祭 命并與葬蓋異數也潛感激銜哀就道抵家不入中門寢苦枕塊不脫襟帶擇地於其所居之東一里許葬和溫山麓不忍離喪次圖繪形式付其弟通州學正江董成之時母戴宜人在堂事之愈謹備極甘

脆已丑九月季弟澍病親為調藥比卒殯殮皆從厚朔望易卦服哭失聲而後返衣衰居苦次君子謂之有禮庚寅正月戴宜人屬疾越五日卒哭慟絕而復甦朝廷聞之復遣官諭祭辛卯四月有詔起復時祭酒缺員難其人上起用之以厭士論潛聞命具疏乞終制大略言忠與孝豈有二致事君事親初無兩心使親喪可短則他日所以事君者可知矣上覽疏許之初潛素無疾至癸巳八月久居苦塊患左足風痺寒熱繼作自知不起呼學正君與之訣瞑目而逝計聞上悼惜遣官賜祭復命工曹管葬潛稟氣峭直操行耿介發為文章嚴整有法類其為人其為詩清新微婉猶有風致其性喜遊供職之

國朝列卿紀

卷之十八

十六

下真

暇時借二三知己窮覽勝槩雅歌投壺分韻賦詩襟度豁如也既掌院事即詞林後圃結清風亭亭下鑿池蒔蓮決渠引泉公退宴息其中至於遇事感發言論侃揚推古今毅然自負故雖庶僚已繫天下之望位日通顯望日益重雖嘗以聖賢之學啓沃聖心其平生所蘊蓄抱負蓋未及少施於天下故其歿也士夫多傷之

萬安字循吉四川眉州眉山人正統戊辰進士時英廟命純選北方及蜀士為庶吉士凡二十人安與選授編修景泰三年以易儲陞左春坊司直郎仍兼編修四年陞右中允七年改尚寶司承兼編修天順戊寅改翰林院侍講侍皇太子講讀六

年陞翰林院學士成化二年丙戌主考會試三年預修英廟實錄成陞少詹事兼學士初安同年在翰林者八人各為黨友惟安無所交李泰內臣養子也安與泰結為腹心已丑內閣缺人且欲用泰泰推安曰子先為之我不患不至遂薦安陞禮部左侍郎兼學士先入詳內閣

徐溥字特用直隸常州府宜興人景泰甲戌進士及第第二名授編修天順元年丁丑兼司經局校書侍東宮講讀成化紀元遷左庶子兼侍講充經筵講官兼纂修英宗實錄五年陞翰林院學士尋丁憂十年甲午服闋至京陞少詹事兼侍講學士十一年乙未主考禮部會試十三年七月以母憂去十六

國朝列卿紀

卷之十八

十七

張鳳

年庚子陞太常寺卿兼學士掌院事十七年辛丑再典會試陞禮部左侍郎詳內閣黎淳字太樸湖廣岳州府華容縣人少苦問學從父宦遠遊與兄資深相師友天順丁丑舉進士第一授翰林修撰預修大明一統志癸未同考禮部會試成化乙酉憲宗即位充經筵講官丙戌遷左春坊左諭德丁亥修英宗實錄成進左庶子甲午考順天鄉試丁酉修資治通鑑綱目成遷詹事府少詹事兼翰林侍讀孝宗正儲位日侍講讀戊戌擢吏部右侍郎性耿介寡合尤好直言居官屢除弊事初入翰林有言被謫者即以書抵當道請救其人當道者雖不能用然心實重之詳南京禮

部

王獻字惟臣浙江杭州府仁和縣人景泰辛未登進士成化十三年任詹事府少詹行實詳翰林院

楊守陳字惟新浙江寧波府鄞縣人成化十六年任二十二年陞吏部左侍郎詳吏部

劉健字希賢河南河南府洛陽縣人景泰癸酉舉鄉試天順庚辰登進士改庶吉士尋授翰林院編修成化甲午進修撰丙申陞右春坊右諭德丁酉進左庶子丙午陞詹事府少詹事凡三任皆職輔導 皇太子二十三年丁未 孝宗 錄輔導功陞

禮部右侍郎兼翰林院學士入內閣詳內閣

國朝列卿紀

卷之十八

十八

朱榮

汪諧詳詹事成化二十三年任兼侍讀學士

程敏政詳詹事成化二十三年任

費閻見詹事弘治二年任

謝遷見詹事弘治四年任

吳寬詳詹事弘治四年任

陸簡詳詹事弘治四年任

張昇字啓昭江西南城縣人成化己丑狀元授修撰在翰林院

航自持不少刑觚角十四年陞左春坊左贊善兼修撰十五年

陞左諭德仍兼前職二十一年丁憂弘治元年起復陞左庶子

兼翰林院侍讀時大學士劉吉用事威權隆赫又善駕馭言官

又忌昇抑之昇因天變上疏極言劉吉奸邪蔽主狀且言其術能駕馭臺諫聽其指使害人貴戚萬喜依憑宮壺兇譖熏灼吉與締姻請托公府賂入私囊詞甚激直吉諷六科十三道如魏璋等交章劾昇陰阻言路遂左遷南京工部屯田司員外郎未任丁憂吉初報復言官論已悉加貶竄而言官甘為鷹犬不愧後 孝宗知內閣與言官交通之弊於言官犯法不少假借一時言路 清肅知懼不敢聽人主使舉劾人者昇一疏之力也五年吉去召復原職七年陞少詹事兼侍讀學士每侍講經筵閑雅詳明於篇終必有規諷至理亂邪正之際未嘗不反覆為上誦之以資啓沃九年陞禮部右侍郎詳禮部尚書

國朝列卿紀

卷之十八

九

王遂

王鑿字濟之直隸吳縣人成化乙未進士授翰林院編修閉門力學避遠權勢九載陞侍講 憲廟實錄成陞右諭德尋進侍

講學士兼日講官每進講至天理人欲之辨君子小人之用舍必反覆規諭務盡啓沃方春 上遊後苑左右諫不聽鑿講文

王不敢盤於遊田 上為罷遊召所幸李廣戒之時 東宮將出閣大臣請選正人以端國本首薦鑿乃以本官兼諭德尋陞

少詹事兼侍講學士弘治十三年陞吏部右侍郎詳內閣

梁儲見詹事弘治十六年任

王華字德輝浙江餘姚人成化辛丑狀元授翰林院修撰弘治

癸丑陞右春坊右諭德克 經筵講官進勸學疏 上然其言

御講日數丙辰三月特命為日講官賜金帶四品服四月以選正人端國本會舉為東宮輔導戊午三月命兼東宮講讀於是卷賜日隆是歲奉命主順天鄉試辛酉主應天鄉試壬戌陞翰林院學士食從四品俸尋教庶吉士魯鐸等繼又命纂修大明會典踰年書成陞詹事府少詹事兼翰林院學士五月復命與編通鑑纂要六月陞禮部右侍郎仍兼日講詳南京吏部尚書

楊廷和見詹事弘治十八年任

江瀾字文淵浙江仁化縣人成化戊戌進士弘治十八年任詳

南京禮部尚書

國朝列卿紀

卷之十八

二十

毛上疏

蔣冕見詹事正德六年任

顧清字士廉直隸華亭人弘治癸丑進士選庶吉士授編修與

修大明會典丙辰己未連同考試稱得人癸亥丁內艱三月

以會典成進侍讀正德初還朝與修孝廟實錄焦公芳貽公

以風聞欲誣彭文思以附李孜省得進清云據實直書史職也

他不敢與聞焦不能強中官蔣琮誣逐臺諫章疏雜沓時逆瑾

方熾僉畏觸其黨莫敢涉筆清盡載其實有欲節略者清不為

動丁卯主南畿鄉試尋充經筵講官前後進講義必稽古兼規

諷時政辭旨剴直逆瑾竊柄朝士多屈意清抗不為禮鄉人張

文冕用事附和者皆至美官清絕不與通有言清肯枉一刺

位即可致清叱曰吾足可輕動乎吾知做吾官不知其他戊辰

丁外艱已巳實錄成例當進秩瑾銜之矯詔追論會典事降編

修尋調南京兵部車駕司員外會憂不赴庚午瑾誅遺侍讀者

未陞侍讀學士兼修玉牒甲午主武舉考試乙亥掌院事詔

同輔臣照例考察疏辭不允九月有文綺之賜十二年丙子秩

滿進奉直大夫尋陞少詹事兼翰林院學士充經筵日講官丁

丑主考會試崇雅黜浮得士為盛奉命教庶吉士陶鎔造就

出門下若舒芬倫以訓陳沂汪佃馬汝驥俱名流嘗教內書堂

不結生徒不使與子弟相接嘗曰此輩如穢物遠之猶恐其汚

况近之也時儲位尚虛疏請預定不報車駕數巡幸屢請迴

國朝列卿紀

卷之十八

二十一

朱榮

鑿言甚切是歲陞禮部右侍郎詳南京禮部尚書

方獻夫字叔賢廣東南海人弘治乙丑進士授禮部祠祭司主

事正德五年改吏部文選司六年陞驗封司員外郎七年改文

選本年養病嘉靖二年起吏部考功司轉文選三年時大禮未

定獻夫進大禮論附張璉之議給事中張嵩曹懷辛僑安磐各

疏論張璉桂萼霍韜首為厲階席書獻夫私相附和而御史鄭

本公等四十四人連章論獻夫居中內應以成夾攻之勢章皆

下所司六月陞翰林院侍講學士九月上盡下諸司大禮疏

之留中者詔禮部與璉萼獻夫會官詳議大禮始定獻夫請將

璉等五臣所奏首以禮官之初議終以近日之會章編成二卷

刊布天下從之四年陞少詹事兼原官六年陞禮部右侍郎詳

內閣

霍韜見詹事嘉靖五年任兼侍講學士

一黃綰見詹事嘉靖六年任

國朝列卿紀

卷之十八

七

朱

國朝列卿紀卷之十八終

平聖齋

國朝列卿紀卷之十九

翰林院序

夫翰林院者非古制也自唐太宗時名儒學士時時應命
然未有名號北門學士玄宗初置翰林待詔掌四方表疏批答
應和文章既而以中書務劇文書多壅滯乃選文學之士號翰
林供奉至開元二十六年改供奉為學士置學士院專掌內命
至憲宗時又置學士承旨至宋真宗咸平二年因開元十三年
有集賢院侍講學士侍讀直學士之置乃以楊徽之夏侯嶠並
為翰林侍讀學士耶為翰林侍講學士始建學士之職其翰
林學士宋無定員凡他官入院未除學士謂之直院學士俱缺

國朝列卿紀

卷之十九

一

傳元刻

他官暫行文書謂之權直於是真為翰林學士者職始顯貴可
以比肩臺長齊武政路矣我朝於吳元年五月己亥設翰林
學士正三品侍講讀學士正四品直學士正五品修撰典簿正
七品編修正八品洪武二年正月戊申定學士承旨正三品學
士從三品侍講學士正四品侍讀學士從四品直學士正五品
典簿正七品待制從五品修撰正六品應奉正七品編修正八
品典籍從八品九年閏九月癸巳詔定百官品級承旨與六部
尚書俱正三品學士從三品侍講學士從四品十三年八月己
卯增設檢閱從九品十四年五月癸未改正五品衙門設學士
一人侍講學士二人侍讀學士二人孔目一人屬官侍講侍讀

各二人五經博士五人典籍二人侍書二人待詔二人史官修撰三人編修四人檢討四人革承旨直學士待制應奉檢閱典簿十八年三月丁丑命吏部定正官學士一人正五品侍讀學士侍講學士各二人從五品首領官孔目一人未入流屬官侍讀侍講各二人正六品五經博士五人正八品典籍二人從八品侍書二人正九品待詔六人從九品又史官修撰三人從六品編修四人正七品檢討四人從七品後簡用取 聖裁官無定員而侍讀先侍講則始於此革除年間更易官制仍設正官學士承旨一員在學士之上改侍讀學士侍講學士俱爲文學博士設文翰文史二館文翰館以居侍讀侍講侍書五經博士

國朝列卿紀

卷之十九

二

薛洪

典籍待詔其侍書陞正七品文史館以居修撰編修檢閱改孔目爲典籍創置典簿廳而革中書舍人改爲侍書以隸翰林又增設文淵閣待詔及拾遺補闕等官永樂初皆復舊制即洪武十八年所定者也未幾命編修等官參預機務謂之內閣然本院印信自王景去後猶以內閣學士解縉胡廣楊榮等相繼署院事至洪熙以後楊士奇等加至師保於是禮絕百僚隱然有鈞衡之重不復署院事矣然文淵閣本內署非衙門名故凡朝廷之召宣諸司之文移雖事關機務亦止稱翰林初不以內閣名及觀正統七年本院落成學院學士錢習禮不設西楊南楊公座曰此非三公府也至期二楊以聞乃命工部具椅案禮部

尚書胡濙定位次以二楊所職同翰林事也而近來文移動輒會同內閣大臣置其未同前制乎惟本院自永樂十九年定鼎北京遂設衙門於北以留都爲南京翰林院止設學士一員掌之遇有員缺從內閣推舉其後侍講以下官皆得掌院事仍設孔目一人今詳國初建置之由并具各官宦歷於後其行實具於事紀其勳德茂著者表爲列傳

國朝列卿紀

卷之十九

三

劉三吾 湖廣茶陵人洪武初薦舉二十二年任學士二十五年罷二十六年復為學士三十年下獄

葛鈞 河南洛陽人洪武中舉明經二十二年任侍講學士本年降國子助教尋復職二十四年復降助教

李遜 北直隸景州人洪武中鄉舉二十二年任侍講學士

高遜志 直隸蕭縣人洪武中鄉舉三十一年任侍講學士歷太常寺少卿

方孝孺 浙江寧海人洪武中薦舉革除元年任文學博士死靖難

董倫 山東東昌府恩縣人世居宛平縣洪武中薦舉革除元年召為禮部左侍郎兼學士四年免

王景 浙江松陽人洪武中薦舉洪武三十五年任學士永樂四年致仕

解縉 江西吉水人進士洪武三十五年任侍讀學士永樂二年陞翰林院學士掌院詳內閣

王達 直隸無錫人洪武中薦舉永樂元年任侍講學士三年卒於官

武周文 順天宛平人明經永樂四年任侍講學士尋憫其老賜之休沐

國朝列卿紀 卷之十九

胡廣 江西吉水人進士永樂五年任翰林學士掌院事直內閣歷文淵閣大學士

胡儼 江西南昌人鄉舉第二永樂八年以祭酒兼翰林侍講掌院事

黃淮 浙江永嘉人進士永樂十一年陞翰林院學士詳內閣

楊榮 福建建安人進士永樂十四年任翰林學士掌院事直內閣歷少師

金幼孜 江西新淦人進士永樂十四年陞翰林院學士兼右諭德十八年擢文淵閣大學士兼學士

楊士奇 江西廬陵人薦舉永樂十五年任翰林院學士詳內閣

翰林院學士講讀學士直學士行實

潘廷堅字叔聞直隸太平府當塗縣人先世業儒有聲江左廷堅性資穎拔博學強記元末教授鄉邦學者多從之遊會薦起

為富陽縣教諭歲乙未高皇帝渡江駐蹕采石廷堅同李習

陶安謁見遂命為太平府教授明年金陵平召為中書博士庚

子補金華同知壬寅入拜侍講學士階嘉議大夫以年老致政

洪武四年起主會試事取俞友仁一百二十人廷堅為人慎密

謙約每參謨議為上所重

廖道南曰予觀太平志乃見天兵初臨者儒人謁皆彬彬然多

文學士視漢之鄼生諸人尚變詐恃智巧者不侔矣

國朝列卿紀 卷之十九

陶安字主敬直隸太平府當塗縣人幼穎敏有大志通判馬昂

夫令賦喜雨詩立就奇之自是肆力問學博極羣書得程氏讀

書日程及呂舍人學規益究心濂洛沉潛道藝元至正甲申舉

浙江鄉薦為明道書院山長再調高節書院講明朱陸之學乙

未夏六月朔高皇帝渡江至太平安偕耆儒李習率父老迎

謁驚相謂曰龍姿鳳質非常人也我輩今有生矣上召見與

語安因說曰四海鼎沸豪傑並爭悉多攻城屠邑志在子女玉

帛爾非有撥亂救民安天下之心公率眾渡江神武不殺人心

悅服應天順人以行吊伐天下不足平也上曰爾言甚善吾

欲取金陵何如安曰金陵古帝王都龍蟠虎踞長江天塹取

有之撫形勝以臨四方所向無敵何憂不克此天所以資明公也 上甚悅從克建康授安天下興國翼元帥府令史丙申秋七月巳卯朔諸將奉 上為吳國公以元御史臺為公府置江南行中書省 上兼總省事以安為員外郎留參幕府會丁母夫人憂戊戌服闋授行省都事掌中書兵房尋陞左司郎中贊畫之功良多巳亥 上得劉基宋濂章溢葉琛四人因問四人者何如安對曰臣謀畧不及劉基學問不及宋濂治民之才不如章溢葉琛 上多其善讓癸卯黃州平 上思得重臣以鎮之曰無逾安者遂命知黃州至則寬賦稅省徭役民悅服之改桐城令尋移知饒州時方征伐急軍需安勸諭率其民民皆樂輸而用不乏適閩寇至攻城安諭父老率子弟固守俟援兵至擒其眾諸將以鄉民多從賊欲屠之安曰民為所脅耳奈何殺之由是民皆得全四境以寧 上嘉其功御製詩以示褒美遣使往勞明年入 朝命復守饒州民懷其德建生祠事之吳元年初置翰林院首召安為學士凡國家制度禮文之事多所定擬御製門帖賜之曰國朝謀略無雙士翰苑文章第一家十二月命李善長等定律令以安為議律官戊申 上御皇帝位建元洪武春正月辛巳安與中丞劉基言於 上曰適聞倣元舊制設中書令欲奏以太子為之 上曰取法於古必擇其善者而從之苟惟不善而一槩是從將欲望治譬猶求登高岡而却

國朝列卿紀 卷之十九

八

張博

步渡長江而廻楫豈能達哉且吾子年未長學未充更事未多所宜尊禮師傳講習經傳博通古今識達機宜他日軍國重務皆令啓開何必效彼作中書令乎 上因謂詹同等曰朕今立東宮官取廷臣勲德老成者兼其職老成舊人動有典則若新進之賢者亦選擇參用夫舉賢任才立國之本崇德尚齒尊賢之道輔導得賢人各盡其職故連抱之木必以授良匠萬金之璧不以付拙工於是以李善長等兼東宮官乃諭曰昔周公致成王告以克詰戎兵召公教康王告以張皇六師此居安慮危不忘武備蓋繼世之君生長富貴泥於安佚軍旅之事多忽而不務一有緩急罔知所措二公言不可忘也 上一日御東閣安與中丞章溢等侍因論前代興亡事 上曰喪亂之源由於驕佚大抵居高位者易驕處佚樂者易侈驕則善言不入而過不聞侈則善道不立而行不顧如此者未有不亡卿此論深契於予心古者今之鑑豈不信歟 上與儒臣論學術安對曰道之不明邪說害之也 上曰邪說之害道猶美味之悅口美色之眩目鮮不為所惑自非有豪傑之士不能決去之戰國之時縱橫捭闔之徒肆其邪說游諸侯急於功利者多從其說往往事未就而國隨以亡此誠何益夫邪說不去則正道不與天下烏得而治安曰 陛下所言深探其本 上曰仁義治天下之本也賈生論秦之亡不行仁義之過夫秦築戰國之餘弊又

國朝列卿紀 卷之十九

九

陳

安得知此二月壬寅朔中書省臣李善長傳獻洎安等進郊社宗廟議其園丘之議若曰今當遵古制分祭天地於南北郊冬至則祀皇天上帝於園丘以大明夜明星辰太歲從祀其方丘之議若曰今當以經爲正擬以今歲夏至日祀方丘以五嶽五鎮四海四瀆從其宗廟之議若曰今擬四代各爲一廟皆南向以四時孟月及歲除凡五享孟春特祭於太廟孟夏孟秋孟冬歲除則合祭於高祖廟其社稷之議若曰今宜祀以春秋二仲月上戊日皆從之又上命議社稷壇創屋以備風雨安奏考諸禮天子大社必受風雨霜露以達天地之氣則不屋亡國之社則屋之不受天陽也今於壇創屋非宜若祭而遇雨則於齋

國朝列卿紀

卷之十九

十

石介

宮望祭 上是之又命定太廟時享之禮安同侍講學士朱升侍制詹同等奏按禮者禴祠烝嘗四時之祭三祭皆各享於祠廟祀各廟者惟春爲然自漢而下廟皆同堂異室則又四時皆合祭矣今四廟時享亦宜倣近制合祭於第一廟適禮之中無煩瀆也 上命春特祭於三時合祭又奏古者天子五冕祭天地社稷諸神各有所用請製之 上曰五冕禮太繁今祭天地宗廟則服袞冕社稷等則服通天冠絳紗袍餘不用時有御史言安隱微之過者 上曰朕素知安安豈有此且爾何由知之對曰聞之道路 上曰御史但取道路之言以毀譽人以此爲盡職乎 命黜之中書省臣進曰御史職當言路言之有失

容之 上曰不然夫植佳木者必去蟬蠹長良苗者必芟稂莠任正大者必絕邪人凡邪人之事君必結以小信而後逞其大詐此人嘗有所言朕不疑而聽之故今日乃爲此妄言夫去小人當如撲火及其未盛而撲之則易爲力不然則害滋大矣竟黜之本年四月遷江西行省參政汪廣洋於山東以安代之

上諭安曰卿自遇朕敷陳王業幕府軍旅裨益良多繼入翰林日聞讜論茲以江西地居上游可代汪廣洋者宜莫如卿安辭曰臣恐付託不效有孤渥恩 上曰躬擐甲冑決勝負於兩陣間此武夫之事儒生非所能若承流宣化綏輯一方此儒者之事非武夫所能也卿才宜是任吾豈私一人弗愛一方乎江西諸

國朝列卿紀

卷之十九

十一

石介

郡縣初下安鎮定有法軍民帖然得推 恩追封其祖父爲姑熟侯其年安有疾卽劇猶草時務十事上之九月戊戌卒于官 上聞之哀悼親爲文遣使祭之時年五十九追封爲姑熟郡公

詞林記云 高皇起應昌運陶安謁見期以王道決計趨金陵嗣居帷幄英謀密議幽贊神明且言邪說害道其見遠哉弘遠矣可不謂一代儒宗矣乎

朱升字允升直隸徽州府休寧縣人後徙歙之石門幼師鄉進士陳櫟深器之元至正癸未聞黃楚望講道湓浦偕趙汭往學焉旣有得乃歸讀書紫陽祠中乙酉舉鄉薦授池州路學正于

辰淮甸斬黃兵起升所居窮僻雖避兵通竄著述不輟脫去俗學直造本真究極玄微單精大道丁酉夏六月 高皇帝遣元帥胡大海等至徽州路改徽為興安府升以衛國鄧愈薦被徵入見顧問稱旨 上問之對曰高築墻廣積糧緩稱王 上嘉其朴遂參密議凡禮樂征伐典章文物多所贊畫吳元年丁未拜侍講學士中順大夫知制誥同修國史 上親製誥詞有曰眷我同宗之老實為耆哲之英無何乃陞為本院學士特免其朝謁以優禮之七月命升領樂舞生入見設雅樂閱視 上親擊石磬命升識五音升不能審以宮音為徵音 上曰升每言能審音至辨石音何乃以宮音作徵音邪起居注熊鼎對曰八音之中石最難和故書曰於予擊石拊石百獸率舞 上曰石聲固難和然樂以人聲為主聲和即八音諧和矣洪武元年二月乙卯 上御東閣顧謂升曰近觀周禮有所謂六夢者朕嘗感異夢厥兆維何升對曰人之精魄上通於天此 陛下受命之兆也軒轅夢遊華胥天下大治帝王之興自有天命蓋振古如茲矣三月辛未 命儒臣修女誡又諭升曰治天下者修身為本正家為先始於謹夫婦后妃雖母儀天下不可使預政事至嬪嬙之屬不過備職事侍巾櫛若寵之大過恐驕恣犯分上下失序歷代官闈政由內出未有不為禍本者夫內嬖惑人甚於鴆毒惟明主能察於未然其他鮮不為所惑卿等為朕述女

國朝列卿紀 卷之十九 十一 王錦 監字元

誠及古賢妃之事可為法者示後世子孫有所持守升受命纂輯二年三月戊戌復命撰齋戒文是月請老歸石門乃居梅花初月樓 上親灑宸翰以賜卒年七十二學者稱為楓林先生所著有易書詩周禮儀禮禮記孝經四書小學旁註及書傳補輯諸書傳解行於世子同為禮部侍郎 詞林記云予幼從石門大夫學誦楓林小四書迥然異之及覽觀諸經旁註慨然興嗟以為道可印矣石門大夫仍復示以玄旨約之精義乃今知朱允升之學要亦切當不可誣也 危素字大朴撫州金谿人與同郡葛將曾堅黃暉更相策勵從吳沉范棹遊遂知名薦入經筵為檢討仕元歷陞學士承旨榮祿大夫知制誥奏請加封朱考亭楊龜山李延平真西山蔡九峯從祀俱從其論洪武元年大將徐達收燕京令故臣咸投告身素與編修黃暉誓死於難有報國寺僧梓者救之乃免而暉竟死矣達乃以素歸 上雅聞素文學仍命為侍講學士因進言宋朝諸陵為元西僧所發以理宗頂骨為飲器 上聞之惻然曰宋南渡諸君無大失德與元又無世讐既乘其弱取之何乃縱奸人肆酷如是耶即命守將吳勉訪索頂骨得之僧廬命有司厝於京城之南紹興亦以永穆陵圖來獻命掩瘞故處冬十月甘露降宋濂為頌 上問素此何徵也素曰敬養耆老則降甘露而松柏受之尊賢容眾則竹葦受之今甘露降於松

國朝列卿紀 卷之十九 十三 劉汝忠 四首七五

陛下養老所致也宜以制幣冊告 宗廟頒於史館以永休閒壽
坐失朝免三年四月起原官未幾 命素及胡鉉睢稼王大中
俱為弘文館學士詳侍臣

王時字 人故元學士至正二十二年二月命王

時以白金三千兩令方國珍市馬洪武元年歸附天兵同危素
錄用拜侍講學士其行實不可考

張以寧字志道其先河南固始人厥祖光祿大夫從王審知入

閩遂居福建之古田少貧苦嗜學登元泰定辛卯進士初授黃

巖州判官轉六合縣尹坐事免官十餘年至正中復起為國子

助教後遷侍制侍讀學士以寧有俊才博學善記元末遺老多

國朝列卿紀 卷之十九 十四 劉汝忠

物故以寧獨擅名於時人呼為小張學士洪武元年 王師入

元都以寧與學士承旨危素學士王時等以故官來歸奏對稱

旨仍以爲侍讀學士階朝列大夫知制誥特被寵遇二年已酉

與典簿牛諒奉使安南 上親製詩送之時安南王陳日燿偶

卒嗣君日燿遣其臣阮亮求詔璽以寧不許乃留居洱江俾諒

往其國諭以 朝廷威福彼遂復遣陪臣杜舜卿來告計 上

親御翰墨爲祭文命編修王廉主事林唐臣往將命事竣 上

御製詩八章并賜以璽書褒之北還卒於道中 詔有司還其

柩於家所在致祭以寧清潔自守所居蕭然未嘗營財產其奉
使也襍被而往臨終時有詩云覆身惟有黔婁被垂橐都無陸

黃金有詩文數十卷號翠屏集

秦裕伯字景容直隸大名縣人從父仕元都就學曹監登第累

官至福建行省郎中會世亂棄官寓揚州復避地松江之上海

以養母母卒舉喪如禮時張士誠據蘇州遣人招之不納吳元

年 上命中書省檄下松江起之裕伯對使者曰受元祿二十

餘年背之不忠也母喪未終忘哀而出不孝也乃上書中書省

固辭洪武元年復檄起之稱疾不出 上乃手書諭之曰海濱

之民好鬪裕伯智謀之士而居此地苟堅守不起恐有後悔裕

伯拜書入朝辯博善爲辭說 上命爲侍讀學士上登鍾山命

裕伯與學士朱升張以寧等扈從擁翠亭給筆劄即景賦詩其

國朝列卿紀 卷之十九 十五 張

見寵待洪武二年降待制一日論學術 上曰爲學之道志不

可滿量不可狹意不可矜志滿則盈量狹則驕意矜則小盈則

損驕則情小而陋故聖人之學以天爲準賢人之學以聖人爲

則苟局於小而拘於凡近豈能充廣其學哉裕伯對曰誠如聖

言後四年蜀地平 上因與侍臣論用將曰秦裕伯嘗言古者

帝王之用武臣或使愚使貪其說雖本於孫武然其言非也夫

武臣量敵制勝智勇兼盡豈可謂愚攻城戰野捐軀殉國豈可

謂貪若果貪愚之人不可使也尋出知隴州卒于官

詹同直隸婺源人薦舉洪武元年任直學士二年陞侍讀學士
六年陞學士承旨兼吏部尚書詳後吏部

范常字子權直隸滁州人宋青山先生孟申孫也幼警悟嗜學
淹貫古今夷粹無競篤於行義鄉里咸重之謂其有青山先生
風至正甲午太祖兵克滁駐蹕城中常以文學聞即召見且
問天下惡乎定常曰常聞之得天下有道在得人心夫好生惡
殺天下人人之心四海擾亂民鯁鯁懼不相保主公能以除
亂救民為心不妄虜戮燔燒俾令按堵內棟精銳之士半從軍
半乘城且擇寬厚長者收宇之使徭耕守不為他盜攻劫則四
方之人雲合霧集天下不足定也上大悅禮遇之從克和州
常見諸將暴請曰使人捐棄骨肉肝腦塗地何以成大事主公
當有以處之上即召諸將切責凡軍中被驅婦女悉遣散於

國朝列卿紀

卷之十九

十六

張梅

是民大悅 上常與范常論兵常曰古者寓兵於農今兵興宜
有制所下郡縣雖田野之人豈無材勇宜精加簡閱為伍各設
長貳典司之耕作隙則習肄母懈事平之日聽其為農如此則
不煩坐食精兵可得數萬以戰則勝以守則固其亦有古之道
也一日 上以羣雄未一命常為辭禱帝辭有奉天征討慮弗
合於天心等語甚稱 上意命典兵牘議取金陵乙未六月扈
蹕渡江取太平授元帥府都事丙申三月定建康皆預謀議自
是下毘陵及取江南諸郡贊畫居多辛丑七月乙酉朔命為太
平知府既至募民種藝時兵亂之後乏種官廩有穀數千石常
請於 朝悉發貸之至秋大稔私使既實官廩亦充乃興學校

延師儒民甚安之 上嘉其績召入為侍儀訪以時政及古人
事宜常直對無隱又嘗紀滁和事蹟上之 上嘉悅洪武元年
四月癸亥擢為翰林直學士尋兼太常卿時肇興禮樂講究設
施常多預議無何以疾免尋起為起居注復懇乞歸 上重念
其老許致仕御製詩四章寵之賜宅一區於太平因家焉子祖
仕至右通政改雲南左叅政

宋濂字景濂浙江金華府金華縣人金華為浙名郡其地曰潛
溪至濂始遷浦江仁義里之青蘿山仍以潛溪扁其所居示不
忘本也於是四方學子咸以潛溪先生稱之在姪七月即生為
嬰兒時苦多病每風眩輒昏迷數日祖母金及母陳更相保抱

國朝列卿紀

卷之十九

十七

張孟

得免無虞年六歲入小學授以李滄蒙求一日而盡自後日記
二千言同肄業者日暮罷歸其所讀皆成誦九歲為詩歌有奇
語人異之呼為神童年十五六里人張繼之長者也聞其善記
誦邀至別墅所問以四書經傳若干日可通背以一月為蒼初
繼之不之信抽架上雜書俾即記五百言乃以指爪逐行按之
按畢輒背一字不遺繼之告其父尚書公曰是子天分非凡當
令從名師其父乃携入城府受業於聞人夢吉先生授以春秋
三傳之學凡學春秋者皆苦其歲月先後難記濂即列國紀年
能悉誦之但舉經中一事即知為魯公幾年幾月是年實當列
國某君幾年幾月或俾書覆之無少異者且兼通易書詩及

一第丁巳冊續修四庫全書第 20 反正內

禮諸經爲舉子業每出諸生右會吳貞文公萊授經於白麟溪
上攻古文辭金華胡君翰亦來從學胡君致書於濂曰舉子業
不足思濂蓋來同學古文辭乎濂欣然來從吳公博極經史學
之未幾悉得其間與自是文章之名籍然著聞矣居無幾何吳
公解館而歸濂嗣主教席子弟年十六者皆相從讀書講道東
明山中受業者一門凡四十餘人始終越二十年學成多有躋
廡仕者當是時曾伯祖貞和府君主家政年踰八十端嚴方正
濂年甫四十又五終日毅然如賓主人尤高之府君方著家規
示子孫其冠婚喪祭儀制禮文多參問於濂則據證古今準酌
時宜以成一家之法子孫世守之時柳文肅公貫黃文獻公潛

國朝列卿紀

卷之十九

十八

王貞文

皆大儒又各及其門執子弟禮二公則皆禮之如朋友柳公曰
吾邦文獻浙水東號爲極盛吾老矣不足負荷此事後來繼者
所望惟景濂以絕倫之識而濟以精博之學進之不止駕風帆
於大江中其就能禦之黃公曰吾鄉得景濂斯文不乏人矣濂
所爲文多經二公指授柳公謂其渾雄可喜黃公謂其雄麗而
溫雅國子監丞陳君旅序其文謂能兼二公之所長歐陽文公
玄謂非才具衆長識邁千古安能與斯爲當時所稱許如此至
正己丑用大臣薦擢將仕郎翰林國史院編修官以親老不敢
遠違固辭會世亂益韜闕不事表顯乃與弟子入龍門山著書
二十四篇龍門疑道記及著孝經說周禮集註等書初宋

渡後新安朱文公東萊呂成公並時而作皆以斯道爲已任
實呂氏倡道之邦而其學不大傳朱氏一再傳爲何基氏王栢
氏又傳之金履祥氏許謙氏皆發人而其傳遂爲朱學之世嫡
濂既間因許氏門人而究其說獨念呂氏之傳且墜奮然思繼
其絕學每與人言而深慨之識者又以知其志之所存蓋本於
聖賢之學其自任者益重矣濂於天下之書無不讀而析理精
微百氏之說悉得其旨要至於佛老之學亦所研究用其義趣
裁爲經論類其語言實諸其書中無辨也誠意伯劉君基謂其
主聖經而奴百氏馳騁之餘取佛老語以資戲劇譬猶飲梁肉
而茹茶飲茗汁耳歲乙亥冬 大明皇帝定鼎金陵遣使者樊

國朝列卿紀

卷之十九

十九

王貞文

觀奉書幣造門徵之濂曰昔聞大亂極而真人生今誠其時矣
遂幡然應 詔與青田劉基麗水葉琛龍泉章溢俱見 上尊
重之建禮賢館以居語必稱先生而不名七月 命爲江南等
處儒學提舉陳友諒平乃擢平江漢領 上大錄賞十月奉
旨入內授 皇太子經誠明儼恪遇綱常大義明白開陳再三言
之而不倦 上深嘉歎之壬寅八月 上召濂及興國孔克仁
講春秋左氏傳畢濂起曰春秋乃孔子褒善貶惡之書苟能遵
行則賞罰適中天下可定也是月告歸省親有白金文綺之賜
且曰卿之誠懇朕素知之故有此賜耳甲辰十月改起居注濂
待 上左右知無不言補益甚衆明年乙巳正月 上御端門

與論及黃石公三略且口釋之濂進曰尚書二典三謨帝王大經大法靡不畢具願 陛下留意講明之 上曰朕非不知典謨為治之道但三略乃用兵攻取時務所先耳嘗侍 上語賞賚濂曰天下以人心為本苟得人心帑藏竭無傷也人心不固雖有金帛何補於國耶 上召丞相李善長歸江西軍中所掠牛於其民無牛者官給之勿取其租丞相退 上顧濂曰向所言事當乎對曰民富則君不至獨貧民貧則君何能獨富捐利於民實興邦之要道也三月臥疾 上曰老宋起居何久不見繼聞在告乃憂形於色曰宋起居誠篤之士不參以分毫人偽侍子五年猶一日也乃謂侍臣曰爾往傳命俾歸金華山父子

國朝列卿紀

卷之十九

二十

杜加贊

祖孫懽然同聚疾必速愈且速造朝 國家文翰庶有賴哉 乃賜金帛 皇太子致贈有加焉六月上箋謝 恩復奉書 皇太子勉以孝友恭敬勤敏讀書毋怠惰毋驕縱修進德業以副 天下之望 上覽書喜甚召 太子語以書意且 賜書答其畧曰曩者先生教吾子以嚴相訓是為不佞也以聖人文法變 俗言教之是疏通也所守者忠貞所用者節儉是為得體也昔 聞古人今則親見之復以文綺侑書 上每與羣臣言其淳謹 君子輔導有方眷遇甚隆吳元年二月設三局一曰律局二曰 禮局三曰誥局徵儒士徐大章梁寅分寘各局以濂等領之既 而丁尚書公憂及服除洪武二年 詔修元史為總裁官兼修

禮書六月除翰林學士亞中大夫知 制誥兼修 國史時編 摩之士皆山林布衣發凡舉例一仰質之濂通練故事筆其綱 領及紀傳之大者同列斂手承命而已三年二月 上御東閣 濂等進講大學至有土有人反覆陳說 上曰人者國之本德 厚則人懷民安則國固故人主有仁愛之德則人歸之如就父 母有土有財自然之理也若德不足以懷眾雖有財亦何用哉 六月詔江南諸郡凡稱大家者悉赴京師已而畢集闕下引至 大庭 帝親諭之凡天地陰陽性命仁義古今治亂盛衰綱紀 法度租賦供給風俗政治得失之故諄諄數千百言又恐民或 遺忘不能詳記因刻為書以印本分賜之是月十三日庚午

國朝列卿紀

卷之十九

二十一

杜加贊

帝御奉天門濂與詹同王禕起居注陳敬奏事畢賜坐從容問曰 卿等知朕所以諭斯民之意乎王禕對曰自古帝王皆身兼君 師之任君以治民師以教之三代而下為人主者但知為治不 知為教今 陛下主天下為治之道已備而又集凡民而訓諭 之耳提面命不啻嚴師之於子弟此古昔帝王教民之意也 帝又問卿等亦嘗見鄉人有論否乎濂起對曰臣鄉人浦江義門 鄭氏仲侑實來京親承訓諭嘗為臣言 陛下教之之旨情意 備至今還鄉且將以所賜書重刻而摹之使其鄉里之民家家 各有是書以宣廣聖意矣七月元史成其功居多賜金幣有差 其筆削倣春秋末著順帝不綱風憲皆為不捕之備將帥盡成

反噬之犬由是羣雄角逐九域瓜分人以爲至論時剖符功臣
下議五等封爵召宿大本堂討論達旦濂歷據漢唐以來故實
量其中而奏之曰此可法彼不可法皆傳於理而已時甘露屢
降濂撰頌 上問災祥之故對曰受命不於天於其人休符不
於祥於其仁是以春秋不書祥而紀異爲是故也 皇上留神
至治以得仁賢爲瑞以臻和豐爲祥視前代植金莖以承液誇
嘉瑞以紀年者不侔矣 上姪文正以荒淫擅殺得罪濂曰文
正罪固當死 陛下體親親之義生之而置諸遠地則善矣
上嘗言古之帝王當宴安之餘多好神仙以朕言之使國治民安
心神恬康卽神仙也對曰漢武好神仙而方士至梁武好佛而

國朝列卿紀

卷之十九

二十二

四百十三

異僧集皆由人主篤好故能致之使移此心以求賢輔天下其
有不治乎 上深然之 上既追封外王父爲楊王立廟京師
御通天冠絳紗袍以祭祭畢召大臣問曰朕祭外王父卿等以
爲不當服袞冕何對曰袞冕惟祭天地宗廟用之餘則當降禮
也 上嘗祀方丘患心不寧濂進曰孟軻有言養心莫善於寡
欲審能行之心清而身泰矣 上稱善久之後失朝左遷編修
十二月遷奉議大夫 國子司業國子多大臣子弟蒞之以莊
率之以正日進諸生立兩序據坐執經敷揚闡奧之旨教以孝
悌忠信之道學者帖帖遵度惟恐不得爲弟子四年七月坐考
祭禮遲滯與魏觀同謫濂授安遠知縣五年二月召爲禮部

事六月嘉禾生於句容撰嘉禾贊十二月擢 太子贊善大夫
階如司業時濂之忠誠久而彌篤 皇太子一言一動皆以禮
法諷諭使歸於道讀書至切於政教及前世興亡之故必拱于
揚言曰君國子民之道當如是不當如彼且推人情物理以明
其義 皇太子每歛容嘉納敬禮未嘗少衰言則曰師父云曰
書舊學二字以賜先是 上問帝王之學何書最要濂請 上
讀真德秀大學衍義 上覽而悅之令左右大書揭之兩廡之
壁時睇觀之六年正月以舉人張唯等爲編修入文華堂肄業
命濂爲之師 上聽政之暇幸堂中評文優劣每食 太子親
王迭爲之主是月昭鑿錄成二月 上御西廡大臣皆侍坐

國朝列卿紀

卷之十九

二十三

四百十三

上指衍義中言司馬遷論黃老事令講析俾在坐者聽之濂既如
詔復言曰漢武嗜神仙之學好四夷之功民力旣竭重刑罰以
震服之臣以爲人主能以義理養性則邪說不能侵與學校教
民則禍亂無從而作矣刑罰非所先也 上謂濂曰朕之爲君
上畏天下畏兆民兢兢業業不敢自逸對曰 陛下此心古
先哲王之心也書曰予臨兆民凜乎若朽索之御六馬爲人上
者奈何不敬正謂此爾願 陛下慎終如始天下幸甚 上御
齋室濂侍坐 上問三代曆數封疆之修短廣狹濂歷言之且
白三代之治天下也以仁義故歷年之多後世莫及 上嘉納
七月陞翰林侍講學士中順大夫知 制誥同修 國史仍兼

於善大夫奉 詔搜萃歷代姦臣之蹟編為辨姦錄及進 太子諸王各分賜焉初 上作祖訓錄其目有十二曰持守嚴祭祀謹出入慎國政禮儀法律內令內官職制兵衛營繕供用至是書成 命作序諭以大意濂歷言帝王之道及 皇上創業之艱以致箴戒之意於後人 上稱善命刻於篇嘗侍 上至後苑觀穫 上曰農事成矣對曰國以民為本民以食為天陛下知稼穡之艱難而念生民之良苦實盛德也 上問曰三代以上所讀何書對曰上古載籍未立不專讀誦而尚躬行人君兼治教之責躬行以率之天下有不從教化者乎八月奉 旨纂修大明日曆一百卷擇言行之大者為寶訓五卷總裁其事

國朝列卿紀 卷之十九 三十四

朝夕禁中至七年五月乃成濂序日曆一曰功高萬古二曰得國之正三曰獨秉全智四曰敬天勤民五曰家法之嚴六曰兵政有統世稱為確論十一月孝慈錄成八年正月 上與濂論用人 上曰人材不可一槩而論賢能之士或有隱於老佛下筮負販者顧在上者能拔用耳否則有志不得上達多矣濂對曰誠如 聖諭昨有僧名傳者能勤於學以所為文求益於臣觀其文甚有可取此其或有可用者 上即命濂取其文觀之喜乃自為文諭之三月洪武正韻及 大明律成俱為總裁五月丁丑 上御端門出內庫蟠桃核命為賦九月侍 皇太子親王遊中都隨處規益既歸 上諭曰皇太子留心治道卿等

居常諷諭庶廣識見幸善調護之濂自以布衣沐非常之遇竭誠以報 國凡 上有所任使靡晷靡夜躬閱載冊書於牘進之或覆視於冊一字不遺在朝日久若郊社宗廟山川百神之典朝享宴慶禮樂律曆衣冠之制四夷朝貢賞賚之儀及勳臣名卿焯德耀功之碑承 上旨意論次紀述咸可傳於後世在 上前所陳說不為文飾隱蔽家事苟有問亦一一道之常曰君猶父也天也其可欺耶 上嘗問昨日飲酒否座客為誰饌為何物悉以其人及膳羞品對 上笑曰卿飲時朕令人視之果如卿言卿信不欺我故 上久而益信其誠欲俾參大政辭曰臣少無他長惟文墨是攻今幸待罪禁林 陛下之恩

國朝列卿紀 卷之十九 三十五

大矣臣誠不願居職任也 上愈厚之每宴見必命茶賜坐每旦令侍膳詢訪舊章講求治道或至夜分乃退屢有所建明召問廷臣臧否第言其善者不置又問否者為誰濂曰善者與臣一友故知之否者縱有臣不知也卒無所毀短或命賦詩為文必寓忠告嘗奉 制詠鷹令七舉足即成有自古戒禽荒之言 上欣然曰卿可為善諫矣然濂絕不以語人至於應制之作亦不留藁署温樹二字於屋室之壁有問及內事者指以示之 上嘗與濂飲素不勝杯勺舉觴即辭 上強之至三觴面如赭行不成步 上觀笑親御翰墨賦楚辭一章以賜仍命侍臣成賦醉學士歌且 曰俾後世知朕君臣同樂若此也甘露降 上

召賜坐 上執金杓煉湯於鼎以甘露授之手注於卮以賜
濂曰此和氣所凝能愈疾延壽故與卿共之耳皆異恩也九年
四月將有事於方丘適有晉王妃之喪命濂考古制以聞對曰
按王制喪三年不祭惟祭天地社稷越紼而行事喪服傳云宮
中有喪三月不舉祭既葬而祭宋真宗時有內喪太常禮院言
准禮宜祭天地社稷真宗時當郊而喪未除常以爲疑講讀官
王珪司馬光王安石皆以爲祭天郊社之禮國之大事聖人所
重雖有三年之喪亦不敢廢示有尊也 上然之五月 上謂
濂曰自古有國家者未有不資賢才而能燭理秦之時張良陳
平韓信皆隱屠釣漢高用以成帝業今山林巖穴豈無超羣拔
國朝列卿紀 卷之十九 二十六 梁華 四十七
衆之才茲欲羅致之其道何由濂曰取士莫善於鄉舉里選用
人莫善於因能任官任官莫善於久居不遷古有是論而 陛
下行之得才之效莫過是矣六月 上以濂久典制作宜勞爲
多特拜翰林學士承旨嘉議大夫知 制誥兼修 國史 上
每謂濂曰朕以布衣爲天子卿亦起草萊列侍從爲開國文臣
之首俾世世與國同休不亦美乎趣令取子孫官之履辭謝不
敢奉 詔至是年某月 詔徵家子璣之子慎爲殿廷儀禮司
序班未幾復召介子璣除中書舍人 上時休暇輒命題試璣
與慎而戒飭之 上笑語濂曰朕爲卿教子孫濂或奏事久稱
倦 上命璣慎共扶下殿祖子孫三世皆官內廷當世以爲異

事復以艱於行步特詔 皇太子選良馬以賜 上親作良馬
歌復 詔羣臣咸作之以寵耀焉濂益感激不自寧常戒子孫
曰 上德猶天地也將何以爲報獨有誠敬忠勤略可自效萬
一耳 上以濂年且至不可煩以事十一月有致政之 詔乃
加贈其父爲嘉議大夫禮部尚書 誥辭皆 上所親製天下
榮之 誥辭中稱濂德量之弘如千頃波澄之不清撓之不濁
人以爲 上知人之明云濂行既有期 上眷念尤深曰卿去
何時復來見朕乎幸相待數日姑徐徐行由是朝夕左右者累
月時 詔許言事朝臣有 上疏萬餘言者 上厭其迂愆怒
欲罪之以問羣臣有阿意者指其疏曰此不敬此詆謗罪當誅
國朝列卿紀 卷之十九 二十七 梁華 四十七
上舍之而罷怒未解召濂對曰彼應 詔上疏其心爲國耳烏可
深罪乎 上默然已而 上覽疏中有足采者召阿意者罵曰
吾怒時若等不能諫乃激吾誅之何異以膏沃火向非宋景濂
之言幾不誤罪言者耶 上嘗廷譽濂曰古之人太上爲聖其
次爲賢其次爲君子若宋景濂者事朕十有九年而未嘗有一
言之僞謂一人之短寵辱不驚始終無異其誠所謂君子人乎
匪止君子抑可謂之賢者矣在廷之臣皆以爲信然十年二月
濂遂辭歸瀕行賜紙幣文綺及 御製文集 皇太子贈以衣
三襲 上諭曰朕最慎於養子嘉卿忠誠可貫金石故以是賜
卿卿今年幾何矣濂曰六十有八 上曰藏此綺俟三十二年

後作百歲衣也濂叩首謝 上復囑曰大江漲不可舟卿宜循
 內河達家庶幾無虞仍俾慎護行至家即拜表遺頓詣 闕稱
 謝仍上箋 皇太子申明正心治國之要 上賜 詔褒答太
 旨謂其忠良之臣勲業既著文章必傳功成身退惟濂獨全初
 將辭請歲一來朝是年九月朔遂入朝越十四日見於端門
 上存想已久廷問屢矣及見大喜加勞再三 皇太子諸王皆驩
 動顏色越翌日 上降勅符遣儀曹奉醪膳諸物抵寓館以賜
 自是日侍 上遊歷觀宮闕盤旋禁禦詢諮備至便殿侍食日
 晏始退恩禮之優羣臣莫敢望 上嘗喟然嘆曰純臣哉爾濂
 純臣哉爾濂方今四夷皆知卿名卿其自愛濂避謝不敢當凡
 國朝列卿紀 卷之十九 三十一
 所陳論皆古之格言朝廷百官惟恐不留下至寺人衛卒見其
 至皆以手加額相推排迎拜恐不得先覩之留 朝七旬餘
 上重其還而難言之濂以歲暮力辭還復遣中貴人賜上尊至於
 道所經行皆 上為指畫聖心惓惓愈加於昔及既行數日
 上問璲曰爾父道中無恙否璲以安對未幾復謂璲曰朕疇昔之
 夜夢見爾父笑談如曩時爾父雖去其容儀儼然在朕目中也
 璲叩首謝曰非 陛下垂念臣父之至何以形諸夢寐中書令
 人史靖可太子正字桂彥良等皆為詩歌以紀之 上之眷重
 不忘如此濂德重而不居位顯而彌恭既司制作之柄造明求
 文之士先後相繼蠻夷朝貢者數問其安否日本得潛溪集刻

板國中高句麗安南使書至璲文集不啻拱壁而濂退然自持
 似不能言者遇人拜雖三尺童子必馳騰而首下焉至於公侯
 貴人則未嘗降下曾不識其門何向 朝廷有大議問引古
 今辨說不少有所回性命之理晚而益究其極外物之往來視
 之若不相干嘗曰古人之為學使心正身脩措之行事俯仰無
 愧而已繁辭複說道之蔽也故作事不尚表暴務合乎義教人
 皆隨其質而導之使人入於善尤篤於倫品處父子兄弟夫婦之
 間者可為法與人交和易任真無鈎距為所給亦弗與較臨時
 廉非其分不取大書於門曰寧可忍饑而死不可苟利而生君
 子以為名言權要及有力者苟非其人雖置金滿囊求一字不
 肯與縱不得已與之亦不受其餽謝日本使奉勅請文以百金
 為獻卻不受 上以問之對曰天朝侍從之官而受小夷金非
 所以崇 國體也 上深然之貧賤人情有所哀欲發潛振幽
 即忻然為之四持文衡試天下士得人為多接引後學惟恐弗
 及遠方來者授館而飲食之雖久不衰有小善必眾譽之色溫
 氣和近其側者如大寒之加重裘盛暑之濯清風也天下之能
 文者多經指授朝廷英俊咸以為法初奉 勅教文華生數十
 輩至是出叅大政為御史知列郡者相望四方士得一見夸於
 人以為幸承一言之賜者人輒收觀視之不敢與齒天下之人
 識與不識無賢愚咸推為大人長者及濂歸 上而發後學無

師之嘆蓋其道內誠外恕一出於正發之也當而行之也安故
上下信服若是云雖以貴顯平居布衣蔬食無異貧士又細目
美髯狀貌豐厚不爲奇異行以求過於人不事生產不置田宅
或勸爲子孫計則曰富貴豈一家物哉吾乃所以遺之也惟刻
意於學自少至老未嘗一時去書不觀及致政歸青蘿山闢一
室曰靜軒終日閉戶幕迹人不見其面戒子孫毋至城市烟燧
有以郡縣事爲託者皆峻謝之或談及時事輒引去不與語切
於仁愛聞民有困乏者食爲之不飽濂視近甚明夜燃燈於几
卧絺帷中閱蠅頭小書一黍上能作十餘字皆可辨畫人以爲
不飲酒寡嗜欲所致所著文有潛溪集四十卷蘿山集五卷龍

國朝列卿紀 卷之十九

三十

杜加貴

門子三卷浦陽人物記二卷已傳於學者翰苑集四十卷芝園
集歸田以後所著計四十卷十三年冬孫慎以罪被刑舉家當
寘重辟 上念舊臣特赦安置茂州十四年五月二十日卒于
夔府年七十二

野記云宋學士景濂以王佐才受聘草昧間輔成 帝業制禮
樂定律曆敷文德配武功 太祖眷禮隆篤其孫得罪當死以
學士故未赴市學士不敢請既而連坐學士 高后遺奏 上
乞念宋先生教 太子諸王之功請免其死 上未允 皇太
子懇請亦未蒙恩命 太子寤遂投金水河左右救止以聞
上乃釋公竄之松藩宋公被謫居茂州卒於夔州葬蓮花山下

青溪暇筆云洪武間翰林應奉唐肅有應制賦海東青一絕云
雲翮能追萬里風坐令狐兔草間空小臣不敢忘規諫却憶當
時魏鄭公自記云是日 上御奉天門外西鴈房觀海東青翰
林學士宋濂因諫曰禽荒古所戒 上曰朕聊玩之耳不甚好
也濂曰亦當防微杜漸 上遂起

守溪長語云宋濂字景濂洪武中以文學承 寵渥最久後以
老致仕每值 萬壽節則來京賀 上與宴恩數尤洽一日與
登文樓峻陟級躓焉 上曰先生老矣明年可無來濂稽首謝
至明年 萬壽節前數日 上曰宋先生其來乎蓋忘前語也
久之不至曰其阻風乎使使視之江口不至曰其有疾乎使使

國朝列卿紀 卷之十九

三十一

杜加貴

視之家濂方與鄉人家會飲賦詩 上聞大怒命卽其家斬之
已而入宮尚膳 孝慈命左右置蔬膳於側 上問后何爲食
素曰聞宋先生今日賜死故爲蔬食以資冥福 上感悟遽起
命駕前雙馬馳赦之曰不及罪死會前使阻風錢塘江稍得延
緩後使至則已擲至市矣宣 詔得免久之其孫慎獲罪復執
來京將殺之 后復力救曰田舍翁家請一先生尚有終始濂
教 太子諸王可無師傅之恩且濂居家必不知情乃免遣至
四川懋其寺有老衲高僧也濂與語曰吾聞內典善惡必以類
報吾平生所爲自以爲無愧何至是哉僧曰此生於勝國常爲
官乎曰編修僧默然濂是月遂自經死

詞林記云予嘗讀楊維禎序景濂之文其隱龍門也燁乎其虎
豹煙霞也其居館閣也燦乎其鸞鳳日星也貝瓊曰正聲勁氣
充塞宇宙星辰河漢山川草木風雨雷電鬼神變化龍跳虎躍
瑰詭奇絕揭沉曰浩乎其博淵乎其深蔚乎其色鏗乎其聲春
濤之濊漫也鐵騎之縱橫也武庫之珍異也龍門砥柱之可駭
也蓋論其文者然也至其門人方孝孺稱之曰公之量可以包
天下而天下不能容公之一身公之識可以見一世而舉世不
能知公之為人道可以陶冶造化而不獲終於正寢德可以涵
濡萬類而不獲蓋其後昆公之所能者皆衆人之所難勉而未
嘗自以為足其所遇者皆衆人之所難處則快然委命而不置

國朝列卿紀 卷之十九

三十一

鄧文誠

乎休戚此公所以跨越前古拔彙超倫控宇宙而獨立後天地
而長存者乎可謂知言矣

陳極字子經浙江寧波府奉化縣人極自束髮受書即知弘前
人業乃撰紀二百卷傳諸同志又上論遠古逮於高辛下據三
史會於有宋述近理刪繁詞比事於通鑑較義於綱目斟酌前
編而不必苟同至於尊正統以定大分凜然大義萬世不可易
也其紀年則司馬公之補遺其書法則朱文公之綱目猶不敢
自比於二公故但名之曰通鑑續編洪武二年春正月以朱升
為學士詹同及極為直學士未幾以老致仕

詞林記云墳典既遐史傳斯剝左史紀言右史紀動後世沿之

紀言為實訓紀動為實錄文彌繁而道愈遠矣乃若陳子經值
元末亂亡潛心史學祖唐綱目之律例述君實資治之龜鑑
昭正統彰大義其文核其事該其旨淵以正可不謂良史矣乎
熊鼎字伯隸江西臨川人陳友諒破江西屬強之任鼎不就王
師駐南昌恭政鄧愈聘鼎及其友湯感生感生入銅陵峰不行
上至南昌愈以鼎薦召見軍門與語大悅欲授鼎以官鼎以母老
固辭乃留愈幕府恭贊軍事歲丙午九月徵至京師授湖州德
清縣丞吳元年入中書與諸儒議禮改太常博士編集經史事
類拜起居 上嘗召翰林儒臣論樂鼎從容敷對稱古洪武元
年與議 上即位後郊祀禮官制法律及賜外夷書詔鼎書勅

國朝列卿紀 卷之十九

三十一

鄧文誠

感生仕生作黃牛篇報鼎時浙東新入版圖 上以其地承方
氏之亂豪傑多不法六月 命鼎為浙江提刑按察司僉事尋
調山東二年陞山東按察副使尋陞翰林院學士三年封建諸
王以鼎為晉王傅四年故元四大王出沒為寇居民患之 上
以鼎不能弭賊遷大同待五年復授晉王府參軍七年除刑部
主事八年西戎朵兒只班率其部落內附 上以鼎老成歷事
改岐寧衛經歷賜白金五十兩鈔一萬二千貫鼎至岐寧知西
戎狙詐有再叛意密疏論之 上遣使慰勞賜裝帽已而遣
中使趙成召還 朝鼎行至西涼行班驛朵兒只班果叛令酋
長么哥脅鼎還鼎以大義切責之遂與趙成及知事杜寅俱被

害 上聞而悼惜竟遣使葬之於黃羊川立祠致祭仍以所食
祿米給其家

魏觀字杞山湖廣武昌府蒲圻人國初江漢既平觀被徵與青
田劉基金華宋濂諸儒同謁 上與語大奇之授平江州學正
遷國子助教浙江提刑僉事吳元年改兩淮都轉運使入為起
居注一日同待制王禕侍 上問曰漢高祖唐太宗孰優觀曰
太宗雖才兼文武於善未免矯揉高祖豁達大度規模弘遠以
茲觀之高祖為優 上曰高祖之度人皆知之然其記兄嫂之
怨封其子為褒侯怨豐之叛不封雍齒不肯以豐為湯沐邑
度亦未弘矣太宗規模雖不及高祖然能駕馭羣臣各為已用

國朝列卿紀

卷之十九

三四

高祖

大業已定卒能保全功臣此則太宗為優也洪武初建大本堂
命觀侍太子說書及授秦晉諸王經觀有詩記之詩曰翠葆宸
綈龍鳳旗東華遙立望多時都堂啓事貂蟬集率倬輪班虎豹
馳月繞珠簾陞講席花迎金輅肅朝儀六王炳炳前星後珠緯
聯輝上玉墀二年十月甲戌天降甘露於乾清宮禁林 上問
災祥觀曰帝王恩及於物順於人則甘露降 陛下誕寬民賦
衆庶權豫底於清寧神應之臻職此故也十一月冬煖如春
上召偕危素詹同吳琳宋濂遊觀內苑錫燕紫閣御製序賜之曰
卿等各賦一詩以述今日之樂觀奏詩云深冬晴煖動逾旬內
苑遊觀詔侍臣五色慶雲開鳳尾九重麗日繞龍鱗和鸞喜奉

彤車御式燕慚叨紫閣賓淑氣已從天上轉人間無地不陽春

上覽之喜三年正月轉太常卿賜之制曰太常之職掌郊廟社稷
山川羣神之祀厥任重矣爾觀學行方正事朕有年屢持憲節
振揚風紀及領鹽運勞績茂彰頃居翰院日紀言動朝夕之間
屢進讜論尤簡朕心茲用長於太常益恭乃職七月命觀改定
太廟祝文稱孝子皇帝臣凡遣 太子行禮稱長子某著為令
是月陟為侍講學士十二月辛酉編集大明令成以觀為嘉議
大夫國子祭酒詳南京國子祭酒

國朝列卿紀

卷之十九

三五

高祖

丁酉年授江南行省管勾洪武三年授起居注四年遷給事中
尋進中書左司員外郎本年陞兵部侍郎六年陞兵部尚書正
月戊午 上念天下既定恐中外將卒習於安逸弛武藝命同
省臺督府定議教練軍士法凡騎士必善馳射及用鎗刀步兵
必善弓弩及鎗刀凡射十二箭內六箭遠可到近可中者為中
式并定賞罰各有差本年六月改侍講學士與承旨詹同定祀
孔子樂章迎神奏咸和之曲奠帛奏寧和初獻奏安和亞獻終
獻奏景和徹饌奏成和送神復奏咸和之曲七月製中都城隍
神主 太祖親為文遣韶鳳奉安九月編集大明日曆命韶鳳
為催祭官又命擇唐宋名儒表箋可為式者頒行天下七年九

月 上以祭祀選用樂舞前導命翰林儒臣撰樂章以致敬慎
 監戒之意論韶鳳等曰古人詩歌詞曲皆寓諷諫之意後世樂
 章惟聞頌美無復古意矣嘗聞諷諫則使人惕然有警若頌美
 之辭使人聞則自警之意怠而自恃之心生蓋自恃者日驕自
 警者日強朕意如此卿等其撰述毋有所避至是上所撰神降
 神既惠并酣酒色荒禽荒諸曲凡三十九章曰回鑾樂其辭皆
 存規諫其舞分為八隊皆八人禮部具圖以上命樂工肄習之
 八年三月 上以舊韻起於江左多失正音乃命韶鳳與諸廷
 臣以中原雅音正之書成名曰洪武正韻九月命攻陵寢朔望
 節序祭祀禮韶鳳奏漢祖諸廟寢園各有便殿日祭於寢月祭
 國朝列卿紀 卷之十九 三十六 丑文 四首
 於廟時祭於便殿後漢都洛陽以關西諸陵久遠但四時用特
 牲致祀每西幸即親詣洛陽諸陵每正月祭郊廟畢以次上陵
 唐園陵之制皇祖以上至太祖陵皆朔望上食元日冬至寒食
 伏臘社各一祭皇考陵朔望及節祭日進食又薦新於諸陵高
 祖永徽二年有司言獻陵二年之後每朔望上食其冬夏二至
 伏臘清明社等節俱上食顯慶五年太常博士彭璟直上疏曰
 近代始以朔望諸節日祭於陵唯漢時議京師自高祖下至宣
 帝等陵旁立廟園各有寢有便殿日祭於寢月祭於便殿唐玄
 宗開元二十三年四月勅獻昭乾定喬共六陵朔望上食冬至
 寒食日各設一祭如節祭與朔望相值依節祭禮每歲春秋節

月遣太常宗正卿朝拜祖宗諸陵欽惟我朝祭祀 皇陵舊儀
 每歲元旦清明七月望十月朔冬夏二至日用大牢其伏臘社
 每月朔望日則用特羊祠祭署官行禮如節與朔望伏臘社同
 日則用節禮 上俱從之十一月詔定登壇脫烏禮韶鳳奏古
 者侍坐於長者履不上於堂解履不敢當階就履而舉之屏於
 側注云屣踐者則不敢陳於尊者之側長者在堂則脫於階下
 長者在室則着履上堂而不着入室漢魏以後朝祭則跣履惟
 蕭何劔履上殿宋南郊皇帝至南階脫烏下壇入廟脫烏升殿
 梁太廟中凡有履行者應皆跣履唐禮志正旦冬至羣臣朝賀
 上公一人詣西階脫烏解劔升御座前跪賀降至西階佩劔納
 國朝列卿紀 卷之十九 三十七 丑貴 四首
 烏燕會羣臣應升殿者禮同宋開寶通禮太廟裸獻饋食并禘
 禘皇帝至東階下解劔脫烏仁宗時正旦朝賀中書令門下侍
 郎解劔脫烏以次升殿又按神宗時宋敏求詳朝儀大尉中書
 令門下侍郎解劔脫烏以次升賀訖降階佩劔納烏今議於郊
 祀廟享前期一日有司以蒲籍地設御幕於壇東南門外及設
 執事官脫履之次於壇門外西側祭日大駕臨壇入幕次脫烏
 升壇其升壇執事導駕贊禮讀祝并分獻陪祭官皆脫烏於外
 以次入壇供事協律郎樂舞生依前跣履就位祭畢降壇納烏
 上俱從之未幾以病免九年起國子司業十二年三月陞國子祭
 酒

續修四庫全書 史部 傳記類 卷之十九

宋訥字仲敏直隸大名府滑縣人訥博學強記動遵矩矱性遲重不妄言笑登元至正癸卯進士任鹽山縣令洪武十三年徵爲國子助教橫經發難擊部廓塞學者如歸嘗同諸儒應制撰諸勅文操筆立就雅稱 上意遂遷翰林學士十五年五月命撰宣聖廟碑文賜衣帽文綺鈔錠秋七月庚戌 上謂訥曰朕觀尚書至敬授人時嘗嘆敬天之事後世中主猶能知之敬民之事則鮮有知者蓋彼自謂崇高謂民皆事我者分所當然故威嚴日重而恩禮寢薄所以然者視民輕故也視民輕則與已不相干而畔渙離散不難矣惟能知民與已相資則必無慢視之弊故又曰可愛非君可畏非民衆非元后何戴后非衆罔與

國朝列卿紀 卷之十九 三十八 杜加貴

守邦古之帝王視民何嘗敢輕故致天下長久者以此而已是月有廣東儒士獻治平策 上覽之謂訥曰此人不識道理豈有涉數千言而不及用賢天下之大欲朕一人自理可乎蓋自知而用則所見者狹知賢而用則所及者廣訥對曰賢才在天下人主豈能知之必賴羣臣薦舉然得賢與否係所舉任何如爾 上曰小人所舉未必爲君子君子所舉未必爲小人故觀其舉者可知其人賢否矣十一月以訥爲文淵閣大學士歷國子祭酒餘詳國子監

李紳字 山西壺關人洪武初由薦舉擢典籍十五年十一月陞爲侍講學士 上賜之勅曰治天下之美非賢何以治民

非文何以昌化文所以備載萬物闡演幽微昔有唐天下歲和時豐無乃弘文館之設有方任館內之事者內相慮勤以致遐邇來庭外戶不閉斗米三錢家給人足朕欲肩之何用賢之道不齊致遺賢於遠邇今特命爾紳居是任尚期文同韓柳勲比房杜以昌治化汝往欽哉十七年正月庚戌 上與紳等論武事紳曰用兵重在任將 上曰任將之道固重然必任之專信之篤而後可以成功昔齊用司馬穰苴魏用樂羊可謂任之專信之篤故皆有功若唐憲宗用魚朝恩肅宗用吐突承璀爲監軍諸將掣肘以致敗事者是任將不專信之不篤故也紳曰惟陛下聖明深知茲弊 上曰將必擇有識有謀有仁有勇者有識能察幾於未形有謀能制勝於未動有仁能得士心有勇能摧堅破銳兼是四者而後可以成功然亦在人君任之何如爾十八年出爲浙江右布政使尋以老致仕

國朝列卿紀 卷之十九 三十九 郭以誠

劉三吾名峴孫以字行湖廣長沙府茶陵州人兄耕孫壽孫皆事元死節三吾少習舉子業元季避兵廣西行省授靖江路教授遷儒學副提舉王師克廣西乃歸茶陵洪武十八年通政衡山茹瑺薦其才可大受乃以爲左春坊左贊善三吾年已近老博覽善記應對詳敏屢承顧問悉多稱 旨七月戊寅 上問侍臣以民生安否三吾對曰賴 陛下威德四方無虞盜賊屏息歲比豐登民咸安樂 上曰天下之民之衆豈能保其皆安

朕為天下主心常在民惟恐失所每加詢問未能一日忘之
 吾曰聖心拳拳若此恩德之及民者深矣 上曰恩德亦非汎
 然譬如盧扁不施藥石疾不自瘳匠如公輸不施繩墨木不自
 正君如堯舜無紀綱法度之施而但曰恩德所謂徒善不足以
 為政也十九年三月省躬錄成初 上嘗命儒臣編集歷代帝
 王祭祀祥異應感可為鑒戒者萃為一書名曰存心錄又命三
 吾編集漢唐以來災異之應於臣下者別為一書名曰省躬錄
 至是頒行之二十年二月甲辰御註洪範書成 上謂三吾曰
 朕觀洪範一書帝王為治之要道也所以叙彝倫立皇極保萬
 民叙四時成百穀本於天道驗於人事箕子為武王陳之武王

國朝列卿紀 卷之十九 四十一

猶自謙曰五帝之道我未能焉朕每為惕然遂疏其言朝夕省
 覽三吾曰 陛下留心是書上明聖道下福生民為萬世開太
 平者也遂命三吾撰序二十一年五月乙酉五色雲見三吾進
 曰雲物之祥徵於治世舜之時興於詩歌宋之時以為賢人之
 符此實聖德所致也 上曰古人有言天降災祥在德誠使吾
 德靡悔災亦可弭苟爽其德雖祥無應國家之慶不專於此也
 二十二年陞翰林學士十一月乙丑朔 上御謹身殿因論治
 民之道三吾曰南地風俗不同有可以德化有當以威制 上
 曰地有南北民無兩心帝王一視同仁豈有彼此之間君子懷
 德小人懷刑施之各有攸當焉爾三吾悚服稽首而退十二月

癸亥 上謂三吾曰愚民犯法如嚼醇酒嗜之而不知止設法
 以防其犯而犯者益多推恕以行吾仁而仁或可濟三吾曰三
 代而上刑罰常簡本仁恕也三代而下刑罰常濫以嚴刻也
 上曰善為國家者惟以生道樹德不以刑殺立威二十三年正月
 吏部侍郎侯庸劾三吾等在職怠惰宜黜降別用 上曰儒者
 不任劇事今教國子降三吾為博士未幾復職十月戊寅 詔
 刊行韻會定正時洪武正韻頒行已久 上以其字義音切未
 能盡當命翰林院重加校正三吾言太常博士孫吾與所編韻
 書本宋儒黃公紹古今韻會凡字切必祖二十六母音韻歸一
 因以其書進 上覽而善之賜名曰韻會定正十一月高麗貢

國朝列卿紀 卷之十九 四十二

玳瑁筆詔分三吾與侍講學士葛鈞二十四年七月 命攷定
 武臣封贈之制三吾言宋制嫡繼母亡許封所生之母正妻次
 妻並封古無此制今議正妻有子無子皆得封贈如正妻無子
 次妻有子俱存未有定議 上曰只封嫡母正妻所生之母則
 從宋制十一月 上御武英殿觀書至惠迪吉從逆凶乃曰凡
 人罹凶咎無不自已求之者彼事勢窮促冀求苟免竟亦何益
 三吾曰如是者當聽乎天 上曰心無所愧可聽於天若其自
 求於天何預二十五年二月 上曰朕老矣太子不幸至於此
 命也朕第四子賢明仁孝英武似朕欲立為太子何如三吾進
 曰陛下言是但太子天下本若易之置秦晉二主於何地 上

不及對但大哭而罷十二月自陳婦戶部尚書趙勉夫婦坐殿
罪皆緣素失教致負深恩今雖蒙宥自當引退遂免其官二十
七年正月辛巳 上還朝謂三吾曰朕歷年久而益懼者恐為
治之心懈也懈心一生百事皆廢生民休戚係焉故日慎一日
惟恐弊及如是而治效猶未臻甚矣為治之難也自古先王之
治必本於愛民然愛民而無實心則民必不蒙其澤民不蒙澤
則衆心離於下積怨聚於上欲國家不危難矣三吾曰 陛下
之言及此天地神人之福也三月辛丑又謂三吾曰人主之
不可使有壅蔽一有壅蔽則耳目不通天下之事遂矣三
吾曰人君惟博采衆論任賢使能則聰聽廣而聰明無所蔽若
信任儉邪隔絕賢路則視聽偏而聰明為所蔽也 上曰人主
以天下之耳目為視聽則是非無隱而賢否自見昔唐玄宗
內惑於聲色外蔽於權奸以養戾安史之亂及京師失守倉皇
出幸雖田夫野老皆能言其必有今日者玄宗雖恍然悔悟亦
已晚矣夫以田夫野老皆知而玄宗不知其蔽於聰明甚矣使
其能廣視聽任用賢能不為邪佞所惑則亂何從生哉七月己
酉 上因改定書傳謂三吾等曰朕每觀天象自洪武初有黑
氣疑於奎壁今年春暮其氣始消文選當與爾等宜考古證今
有所述作以稱朕意於是禮部諸儒其厚各賜以綺縠衣文
御製詩命次韻和之朝奉則列於待衛之府燕享則坐於殿中

國朝列卿紀 卷之十九

四十二

四十二

仍以朝鮮所貢玳瑁筆賜三吾及修震宇通志書禮制集要成
俱倍加賞賚二十八年十一月三吾等進講無逸篇 上曰自
昔有國家者未有不以勤而興以逸而廢勤與逸理亂盛衰所
繫也人君當常存警惕不可少怠以圖其終成王之時天下晏
然周公輔政乃作是書反覆開論上自天命之精微下至生民
稼穡之艱難以及閭里小民之怨詛莫不具載周公之愛君先
事而慮其意深矣朕每觀是篇必反覆詳味求古人之用心常
令儒臣書於殿壁朝夕省閱以為鑒戒今日講此深愜朕心聞
之愈益警惕二十九年八月頒表箋文式於天下先是天下諸
司所進表箋多務奇巧詞體駢儷 上甚厭之乃命三吾等撰
國朝列卿紀 卷之十九 四十三 周德 四百五十三

慶謝恩表箋成式頒天下令諸司凡遇慶賀謝恩如式錄進二
十年 命三吾主考會試北士偶黜竟以是獲罪下獄三吾為
人慷慨坦夷不設城府自號曰坦坦翁至於大節則屹乎其不
可奪所著有坦翁集十二卷傳於世

解縉贊云余聞之故老多言國初草昧時官民冠冕衣裳之製
皆出自三吾可謂有制作才矣不獨擅華國之文而已也論者
又謂三吾文章不如宋濂而渾厚過之先見不如劉基而直亮
過之勇退不如詹同而事功過之語曰尺有所短寸有所長信
哉

餘冬錄云蔡氏書傳日月五星運與朱子詩傳不同及其他註

國朝列卿紀 卷之十九

四十三

四十三

說與鄱陽朱季友所論間亦有未安者 太祖嘗召儒臣博士致仕錢宰等論以欲正是書之意 命翰林院學士劉三吾等總其事開局翰林院凡蔡氏傳得者存之失者正之又集諸家之說足其未備書成賜名書傳會選 命禮部刊行天下然今是書世竟鮮行益永樂中翻刊五經大全書經一依蔡傳士子專業以為科舉蔡說之外遂不復有所考故也

葛鈞字 河南洛陽人洪武初以明經薦授河南府學教授躬行訓督多所造就二十二年徵為侍講學士時劉三吾以耆儒掌院鈞與相得甚懽凡草創禮儀稽考經籍享祀神祇校閱文卷罔不事事本年十二月吏部侍郎侯庸劾其授晉世子怠

國朝列卿紀

卷之十九

四十四

甘文

情降國子助教未幾復職二十三年庚午九月 上欲加封徐

達李文忠三代王爵命鈞考定諸臣封爵之制鈞奏宋制功臣

韓琦生封魏國沒追封魏王韓世忠生封咸陽郡王沒追封

王考其先世止封公爵王及三代別無舊制若開平王常遇春

三代封王出自特恩難為定例今中山王徐達岐陽王李文忠

追贈三代宜准宋制 上謂中山岐陽皆開國元勳三代准贈

王爵十一月高麗貢玳瑁筆分賜三吾及鈞等二十四年六月

命授秦晉諸王經以稽古不稱仍降助教後以老致仕

李遜字 直隸河間府景州人登洪武甲子鄉試二十二年

任侍講學士

高遜志字士敏直隸徐州蕭縣人元末僑寓嘉興幼嗜學從父宦游吳中時宣城貢師泰鄱陽周伯琦皆與之交後為郎山書院山長洪武二年徵修元史授編修十六年命署吏部侍郎事尋以疾歸三十年起翰林侍讀學士建文中擢太常寺少卿時黃子澄為正卿與定國難夙夜匪懈庚辰同董倫主考會試得楊榮胡廣楊溥金幼孜胡濙輩皆為名臣是科同事者則石拾遺朱逢吉編修吳勤葉惠仲趙友士徐允張秉彝葉惠仲則死於建文之難云詳國初吏部侍郎

方孝孺字希直一字希古浙江台州府寧海縣人至正丁酉始生之夕有大星墮於其所故其性資精敏絕倫長老見之皆咄咄嗟異方髫髻已善屬文雙眸炯炯如電讀書十行俱下日積寸許見典冊所載聖賢名字或良將相形貌輒默記欣然有願慕之志鄉人呼為小韓子年十五侍父宦遊濟上覽周公孔子故宅求七十子之遺跡慨然嘆曰使吾得遇孔子同時縱顏閔未可幾及其餘若樊遲冉求輩豈可多讓哉但恨今世無聖人不得所依歸耳曹國公李文忠一見奇之待以國士年二十翰

國朝列卿紀

卷之十九

四十五

高遜志

林學士宋濂方在中朝以文章道德推重海內四方至其門者輻輳洪武八年父克勤嘗誣誤繫京獄孝孺數言於 朝請代父死既而謫戍江浦又上疏乞身代役皆不報克勤自獄中遣孝孺從濂遊孝孺持所為文上謁濂願受業濂一見大加賞異

謂孝孺曰吾備位禁林數年來閱天下之士亦多矣而未有如子者子之文非當世之文也顧肯從我游乎即日館置左右日與討論經史爲文辭濂歸金華孝孺往來山中凡四年盡得其所學自是文章繼濂而起一時四方耆儒宿俊無不折輩行與之交而胡翰蘇伯衡葉見泰輩在衛東尤以文學知名當世每見孝孺未嘗不心服也會父坐空印事草疏將詣闕伸理而父沒扶喪歸葬濂尋徙蜀孝孺欲往省不可以文顧天願輪壽以延之濂嘗欲錫之而不果洪武壬戌上用學士吳沉揭樞薦詔徵至京入見陳說多稱旨上問樞曰孝孺孰與汝對曰十倍於臣錫之宴几稍欹必正而後坐上使人覘之喜其

國朝列卿紀

卷之十九

四十六

高尚武

舉動端整謂皇太子曰此莊士也當老其才以輔汝試靈芝甘露論上每面試舉子輒親定高下註選至孝孺獨不註曰異人也吾不能用留爲子孫光輔太平足矣皇太子素重其才召賜食東宮待以賓友孝孺既歸益杜門纂述不出會仇家得罪詞連孝孺有司例簿錄家貲械赴闕下太祖立命釋之孝孺奉祖母挈妻子家屬數口還鄉鄉人感嘆以爲盛德已而家益貧窘無以爲資孝孺處之泰然不以爲意嘗卧病絕糧家人告乏則曰聞古人有三旬九食者窮豈獨我哉吾當勝之矣授徒石鏡精舍若將終身二十五年復辟至上方重賞罰以其志存教化謂左右曰今非用孝孺時乃除漢中教授詔許

米陸給舟車明年閏四月携妻抵任山郡荒僻水土暴惡病瘵者十之五士人鮮少雖五經亦無全者孝孺安之嗜蔬糲若飲萬鍾者每味爽升席爲諸生講解文義至暮曉曉無惰容由是山南人皆知向學二十七年春蜀獻王聞其賢以賓禮召見每有所陳論輒虛懷聽納恒曰方先生古之賢者也皇太孫聞其名癸酉丙子徵入典試應天府三十一年閏五月太祖大漸遺令必先召孝孺建文帝立馳驛召還將用爲執政天下莫不以王佐責望旦夕成功而用事者忌之乃止遷翰林博士再遷侍講文淵閣日侍左右備顧問德望素隆一時倚重尋定官制改侍讀學士爲文學博士以孝孺爲之是時館中徵集四

國朝列卿紀

卷之十九

四十七

高尚武

方名士修太祖實錄及類要大典諸書皆命孺總裁官諸儒於所長各互有得失至孝孺則卓爲一世儒宗朝廷大制作皆出其手靖難兵至京駐金川門外官中悉自焚三十五年六月十四日孝孺聞之持斬衰服晝夜號哭太宗卽位欲詔天下問左右誰可草詔者廷臣以孝孺對上遣人召之數次皆不至上乃使擁之入見孝孺既至見上益悲慟聲徹殿陛間左右禁之莫能止上親降榻慰諭之曰我家事耳先生何良苦又曰先生爲我作詔命左右給以紙筆孝孺大批數字訖擲筆於地曰死卽死耳詔不可草上大怒磔之夷其族孝孺臨終絕命辭一章詞略曰天降亂離今孰知其由奸臣得計今

謀國用猶忠臣發憤兮血泪交流以此徇君兮抑又何求嗚呼
哀哉今庶不我尤識與不識哀之如親戚年四十六復有旨收
其妻鄭氏使者至其門已經死門人王稔輩收孝孺遺骸殮之
聚寶山宗族坐死者八百四十七人

詞林記云予聞諸黃泰泉云孝孺得家庭之教於書靡不通究
常慨然以古聖賢自期以經綸天下為己任弱冠作深慮等論
十九篇謂化民必自正家始又作宗儀十八篇雜誠三十章識
者已知其運用措設不凡矣在宋濂門為高弟子從濂後每私
居念及或見其手跡或對談及濂事輒涕泣既官漢中其家不
能存言於蜀王厚撫郵之墓在夔每舟次夔必往祭墓下慟哭

國朝列卿紀 卷之十九

陶仲仁 四百六

移時去在建文時羽儀斯文隱然為當世重以蜀王嘗賜號正
學齋世號正學先生所著有遜志齋集二十八卷大易枝辭周
禮考次武王戒書注帝王基命錄文統宋史要言諸書皆未傳
孝孺文章似宋蘇軾雄邁奔放泝龍門狂流倒峽而氣不可遏
發為論著醲粹都郁雖博極羣書而根據六經憲章孔孟宋程
朱以前無有也濂嘗推之謂歐陽少師蘇長公姑置勿論其餘
諸子與之角逐文藝之場未知孰為後先其後李賢亦稱孝孺
師景濂議論波瀾類東坡之才而忠義之氣凜然不可犯景濂
不能及世以為知言於乎忠義在宇宙文章在金石孝孺雖死
猶生矣

董倫字安常山東東昌府恩縣人世居宛平縣在山林有憂世
之志所學浩博沉潛學者從之稱貝川先生元辟不出洪武十
五年侍臣張寧薦其學行召對稱 旨授春坊右贊善大夫賜
以冠帶侍懿文太子陳說剴切 太祖嘉之十七年十一月
上御東閣從容謂侍臣曰責難之辭人所難受明君受之為無難
諛諛之語人所易從昏主從之為易入朕觀唐虞君臣賡歌責
難之際氣象雍容後世以諛諛相欺如陳後主江總輩汗穢簡
策貽譏千古此誠可為戒倫對曰誠如 陛下所諭惟 明主
則能慎擇之 上曰責難不入於昏君而諛諛難動於明主人
臣以道事君惟在守之以正若患得失則無所不至矣十八年

國朝列卿紀 卷之十九

陶仲仁 四百六

正月陞左春坊大學士賜文綺六疋鈔五十錠倫薦諸葛伯衡
代已 上徵用之二十五年東宮晏駕出為河南左叅議二十
年以註誤坐事謫雲南教官建文元年召入為禮部左侍郎兼
翰林院學士階嘉議大夫與方孝孺借入史館侍 經筵是年
十月十三日 御書怡老堂三大字及髹几玉鳩杖各一倫上
表略云臣素無閱閱功勞兼乏智能才藝徒知篤信於古道自
分無用於明時幸蒙 高皇帝之知忝拜左春坊之命任臣以
兩宮輔導之職稱臣為三葉帝王之師茲者踐祚之初乃復馳
書以召蒼顏白髮萬里來歸金馬玉堂十年如昨自今持杖戒
墮則思兆民或阻於饑饉凡安身則念一物或失其所乃方孝

儒代撰也先是解縉代夏長文章奏劾都御史袁泰謫河州至是倫薦之召還為待詔其汲引士類如此庚辰年命主考會試得楊榮楊溥金幼孜胡靖胡濙俱為名臣倫為人篤實端厚志存仁恕建文中禮遇甚厚屢懇言當務睦親不報壬午年成祖入正大統至是年八十餘上命致仕出京數月卒詳國初禮部左侍郎

王景字景彰浙江處州府松陽縣人洪武中以明經薦授懷遠教諭歷陞知州擢山西布政司右叅政坐事謫雲南撰平雲南頌及黔寧昭靖王碑建文中召入纂修太祖實錄守制服闋吏部尚書張統前為雲南布政雅知其賢薦陞翰林院侍講壬

國朝列卿紀

卷之十九

五十

陶仲仁

午年成祖入正大統陞本院學士一日問建文君葬禮景對宜從厚葬以天子禮上然其言四年充讀卷官未幾致仕卒景博學以古文自擅亦擅筆札然不謹細故與時多忤云

解縉江西吉安府吉水人進士洪武三十五年任侍讀學士永樂二年任陞翰林院學士行實詳內閣

王達字達善直隸常州府無錫縣人初以明經授邑庠訓導入補國子助教成祖登極姚廣孝薦之命與修洪武實錄永樂

元年六月錄成權編修侍皇太子於東宮八月命達同侍讀

胡廣主應天考試尋進侍讀學士甲申七月進講乾卦九四一

爻舉儲二為說仁宗問楊士奇恐達含諷意士奇對曰講官

非正道不陳豈敢譏諷此宋儒胡瑗之說也仁宗曰易義無

之若遇庸人亦將為茲說乎士奇曰程子有云凡卦六爻聖賢

有聖賢用衆人有衆人用君有君用臣有臣用宋王昭素講易

以節儉莫若愛民養心莫若寡欲為對宋太祖特書其言於屏

間仁宗遂悅命諸臣分撰五經講義以進一日太宗問建

文君如何達對曰可與為善惜輔導非其人以是誤之耳後嬰

疾卒年六十五所著有詩書心法易經選註桂林機要及人游

集

武周文順天府大興人洪武末年初以儒士明經入侍燕邸

成祖龍潛時命入侍講永樂丙戌召至慰勞備至特命為侍講學

國朝列卿紀

卷之十九

五十

陶仲仁

士賜冠帶織金羅衣一襲上謂學士胡廣曰朕守藩時閒暇

喜觀易時王府官寮亦有知者然未若武周文切實世所言亦

有拘滯不流動處蓋易貴知變不失其宜古人隨時從道之說

最為要妙亦在虛心玩之耳又曰為學不可不知易只內君子

外小人一語人君用之功效不少次日周文入謝上憫其老

乃命為侍講學士賜之休沐

胡廣江西吉安府吉水人進士永樂五年任翰林學士掌院事

行實詳內閣

胡儼字若思江西南昌人洪武丁卯鄉舉任教諭以薦陞桐城

令政行卓異文皇入正大統開儼名召試之稱旨授翰林院

檢討尋陞侍讀直內閣遇顧問必從容審度而後對未嘗以才
智先人永樂二年陞左諭德兼侍講本年秋出拜祭酒以身率
教諸生翁然從化七年召赴行在八年以祭酒兼侍講掌翰林
院事詳祭酒

黃淮字宗豫浙江永嘉人洪武丁丑進士永樂五年歷右春坊
大學士兼侍讀十一年命留守南京陞翰林院學士詳內閣
楊榮字勉仁福建建寧府建寧縣人鄉薦魁閩多士洪武庚辰
進士授國史編修 文皇履極簡入文淵閣更名榮轉修撰侍
講一日上御右順門召解縉等七人惟榮在出江西守臣奏
章示之二年選侍 皇太子於東宮進春坊右諭德階奉訓大

國朝列卿紀

卷之十九

五十二

薛洪

夫未幾轉右庶子五年命往甘肅閱視邊關險要及糧餉豐耗

族奏稱肯六年給傳券父喪奪情起復七年正月 車駕巡狩

北京命胡廣金幼孜及榮扈從八年二月 上北征本雅失里

榮仍扈從至臚胸河命榮馳報東宮於南都復還北京九年春

命中官宋成護榮奔喪還閩中 皇太子召起為太孫講學十

年二月甘肅守帥西寧侯宋琥奏叛寇老的罕等逃居赤斤蒙

古諸衛將為邊患 上命榮同豐城侯李彬往討之十二月榮

馳還奏餉道險遠士馬疲困師不能久居且小醜勝之不武久

當自定 上從之未幾叛者復歸果如榮筭十一月春扈狩北

京十二年三月 上親征瓦剌李羅 皇太孫從命榮兼尚寶

司卿同胡廣金幼孜扈行十四年陞翰林院學士仍兼庶子十
五年扈狩北京十六年夏 高廟實錄成值掌院事胡廣卒命
掌翰林院事十七年進文淵閣大學士兼學士階奉政大夫累
官內閣少師工部尚書詳內閣

金幼孜名善以字行江西新淦人革除庚辰進士永樂五年任
左春坊左諭德兼侍講十二年命修五經四書性理大全總裁
官十四年進翰林院學士兼諭德十五年預修 高廟實錄十
八年擢文淵閣大學士詳內閣
楊士奇名遇以字行江西泰和人薦舉永樂初擢編修尋陞侍
讀二年兼左中允五年任左春坊左諭德兼侍講十五年陞翰

國朝列卿紀

卷之十九

五十三

劉汝忠

林院學士兼諭德 上巡北京命輔 皇太子監國十九年正

月改左春坊大學士詳內閣

國朝列卿紀卷之二十

柱國少傅兼太子太傅工部尚書豐城雷 禮纂輯
提督應安等府學校監察御史同邑徐 鑒校梓

翰林院學士講讀學士年表

沈度 直隸華亭人 楷書永樂十五年任侍講
學士宣德元年陞翰林學士九年卒

曾祭 江西永豐人 進士永樂十六年任侍講學士
詳少詹事

楊溥 湖廣石首人 進士永樂二十二年任翰林學士
掌院事詳內閣

王直 江西泰和人 進士永樂二十二年任侍講
學士本年陞左庶子詳吏部尚書

王英 江西金谿人 進士永樂二十二年任侍講學士
本年陞春坊大學士詳南京禮部尚書

金問 直隸吳縣人 楷書洪熙元年任侍講學士宣德十
年陞太常少卿兼侍讀學士詳南京禮部左侍郎

國朝列卿紀卷之二十

蔣驥 浙江錢塘人 進士宣德五年任行
在侍讀學士本年陞禮部右侍郎

李時勉 江西安福人 進士宣德五年任行在侍讀學士正
統三年陞翰林學士掌院事六年陞國子祭酒

錢習禮 江西吉水人 進士宣德五年任行在侍讀學士正
統三年陞翰林學士六年掌院事詳禮部右侍郎

陳循 江西泰和人 進士宣德五年任行在侍講
學士正統七年陞翰林院學士詳內閣

苗衷 直隸定遠人 進士正統三年
任行在侍讀學士詳內閣

高穀 直隸興化人 進士正統三年
任行在侍講學士詳內閣

馮愉 山東臨朐人 進士正統三年
任行在侍講學士詳內閣

蘭從善 河南磁州人 永樂癸酉舉正統二年任行在侍講學
士改庶子十年擢翰林學士掌院事景泰三年致仕

曹鶴 直隸寧晉人 進士正統九年
年擢翰林學士詳內閣

陳詢 直隸華亭人 永樂戊戌進士正統十三年任侍
講學士本年請知安陸州後召入大理少卿

張益 直隸吳縣人 進士正統十四年
任侍讀學士直文淵閣詳內閣

劉鉉 直隸長洲人 鄉舉正統十四年任侍
講學士景泰三年祭酒詳少詹事

商輅 浙江淳安人 狀元景泰元年任翰林院學
士四年陞兵部左侍郎仍兼學士詳內閣

周叙 江西吉水人 進士景
泰三年任侍講學士

陳詢 見前景泰三年以太常寺少卿兼
侍讀學士掌院事五年改祭酒

喜原 浙江秀水人 進士景泰三年任侍讀學士
兼中允七年陞右春坊大學士詳內閣

倪謙 應天上元人 進士景泰三年任侍講學士天順元
年擢翰林學士三年請致後起原職詳南禮部尚書

劉儼 江西吉水人 正統壬戌進士天順元年
以太常少卿兼侍讀學士掌院事本年卒

李紹 江西安福人 進士天順元年擢翰林
學士掌院事二年詳禮部右侍郎

林文 福建莆田人 進士天順元年擢翰林學士八
年陞太常少卿兼侍讀學士掌院事尋致仕

國朝列卿紀卷之二十

劉定之 江西永新人 進士天順元年擢翰林院學士八
年陞太常少卿兼侍讀學士仍掌院事詳內閣

錢溥 直隸華亭人 進士天順元年任侍讀學士八
年降順德知縣後起原職詳南京吏部尚書

黃諫 陝西蘭州人 正統壬戌進士天
順元年任侍講學士三年請職

柯潛 福建莆田人 進士天順八年任翰林學士成
化二年掌院事三年陞少詹事詳內閣

萬安 四川眉州人 進士天順八年任翰林
院學士成化三年陞少詹事詳內閣

吳節 江西安福人 宣德庚戌進士成化元年任太常少
卿兼侍講學士三年陞太常卿兼學士掌院事

李泰 順天香河人 進士成化元年任侍
講學士三年陞少詹事詳詹事

劉珥 山東壽光人 進士成化三年陞太常卿
兼侍讀學士掌院事七年丁憂詳內閣

周洪謨 四川長壽人 進士成化三年任侍讀
學士本年陞南京祭酒禮部尚書

劉吉 直隸博野人 進士成化三年任侍
講學士五年陞禮部侍郎詳內閣

陳鑑	直隸長州人進士成化三年任 侍讀學士五年陞祭酒詳祭酒
丘濬	廣東瓊山人進士成化三年 任侍讀學士五年丁憂
徐溥	直隸宜興人進士成化 五年任翰林院學士
孫賁	河南杞縣人景泰甲戌進士成化六 年任太常寺卿兼詳讀學士本年卒
王獻	浙江仁和人景泰辛未進士成化八 年任翰林院學士十一年掌院事
楊守陳	浙江鄞縣人進士成化八年任侍讀學 士十六年陞少詹事詳讀學士
彭華	江西安福人進士成化八年任侍讀學士十三 年擢翰林學士掌院事十五年陞詹事詳內閣
尹直	江西泰和人進士成化八年任侍讀 學士十一年陞禮部右侍郎詳內閣
丘濬	見前成化十三年任翰林院學 士掌院事本年陞祭酒詳內閣
謝一夔	江西新建人進士成化十三年任翰林學士十五 年掌院事十六年陞禮部右侍郎詳工部尚書
國朝列卿紀 卷之二十	
江朝宗	四川巴縣人景泰辛未進士 成化十三年任侍讀學士
徐鴻	見前成化十六年以太常卿兼翰林學 士掌院事十七年陞禮部侍郎詳內閣
李永通	四川長寧人榜眼成化十 八年任侍讀學士本年卒
王獻	見前成化十八年以太常寺卿兼 翰林院學士掌院事二十三年卒
倪岳	應天上元人進士成化十八年任翰林院學 士二十二年陞禮部右侍郎詳吏部尚書
焦芳	河南泌陽人進士成化十九年任 侍讀學士二十二年陞桂陽同知
李東陽	湖廣茶陵人進士成化十九年任侍讀學士弘治 四年擢太常少卿兼侍讀學士掌院事詳內閣
李傑	直隸常執人進士成化二十一年 任侍讀學士弘治元年陞左庶子
汪諤	浙江仁和人進士成化二十三年 以少詹事兼侍讀學士掌院事
傅瀚	江西新喻人進士弘治四年進太常 卿兼侍讀學士掌院事詳禮部尚書

董越	江西寧都人進士弘治四年擢太常少卿兼侍讀 學士六年陞南京禮部右侍郎歷南京工部尚書
程敏政	直隸休寧人進士弘治七年擢太常卿 兼侍讀學士掌院事八年丁憂詳詹事
李傑	見前弘治八年以太常寺卿兼 侍讀學士掌院事詳禮部尚書
王鏊	直隸吳縣人進士弘治八年任侍 讀學士十一年陞少詹事詳內閣
楊守陟	守陳弟進士弘治九年任學士十一年 陞南京吏部右侍郎詳南京吏部尚書
劉機	順天大興人進士弘治十年任侍讀學士十 三年擢學士尋陞詹事歷吏部南兵尚書
焦芳	見前弘治十一年任太常寺 少卿兼侍讀學士詳內閣
張元禎	江西南昌人進士弘治 十二年任翰林院學士
張潔	廣西平南人進士弘治十二年任侍讀學士十 八年擢本院學士本年陞祭酒詳南兵尚書
梁儲	廣東順德人進士弘治十三年擢翰林 學士掌院事十六年陞少詹事詳內閣
國朝列卿紀 卷之二十	
江瀾	浙江仁和人進士弘治十三年任侍讀學士 丁憂十五年起翰林學士十八年陞少詹事
武衛	山東沂水人成化戊戌進士弘治十三 年任侍讀學士十五年任學士開任
王華	浙江餘姚人進士弘治十五年任翰林學 士十六年陞禮部侍郎歷南京吏部尚書
張元禎	見前弘治十六年擢太常卿兼翰林學 士掌院事十七年改掌詹事詳詹事
劉忠	河南陳留人進士弘治十六年任侍讀學 士十八年擢翰林學士掌院事詳內閣
白鉞	直隸南宮人進士弘治十六年任 侍讀學士十八年擢翰林學士
劉春	四川巴縣人進士弘治十六年任 侍讀學士十八年擢翰林學士
吳儼	直隸宜興人進士弘治十七年任侍讀學士正 德三年陞職五年復原職詳南京禮部尚書
江瀾	見前正德元年任少詹事兼學 士掌院事詳南京禮部尚書
白鉞	見前正德二年以翰林學士敘 進士掌院事詳禮部尚書

劉春	見前正德二年四月以學士掌院事詳禮部尚書
蔣冕	廣西全州人進士正德二年任侍講學士六年陞少詹事詳內閣
靳貴	直隸丹徒人弘治庚戌探花正德三年以太常寺少卿兼侍讀學士詳內閣
張芮	山西安邑人進士弘治十四年任侍講正德三年陞侍讀學士本年滿鎮江同知歷南京太常寺卿
楊時暢	陝西咸寧人進士正德三年任侍講學士四年陞太常寺少卿兼前職尋卒於官
毛紀	山東掖縣人進士正德四年任侍讀學士本年擢翰林學士掌院事詳內閣
傅珪	直隸清苑人進士正德四年任侍讀學士五年擢翰林學士掌院事本年陞吏部右侍郎詳禮部尚書
毛澄	直隸太倉人進士正德五年任侍講學士六年擢翰林學士七年掌院九年陞吏部右侍郎詳禮部尚書
徐穆	江西吉水人弘治癸丑榜眼正德六年任侍讀學士六年陞學士七年掌院九年陞吏部右侍郎詳禮部尚書
顧清	直隸華亭人進士正德六年任侍讀學士十一年陞少詹事詳南京禮部尚書
國朝列卿紀 卷之二十 五	
吳一鵬	直隸長洲人進士正德七年任侍讀學士八年陞南京祭酒詳南京吏部尚書
朱希周	直隸崑山人進士正德十一年任侍讀學士十四年陞南京吏部右侍郎詳南京吏部尚書
汪俊	江西弋陽人進士正德十一年陞侍讀學士十六年陞禮部右侍郎詳禮部尚書
劉龍	山西襄垣人進士正德十一年任侍講學士十五年改侍讀學士嘉靖元年陞禮部右侍郎詳南京兵部尚書
李廷相	山東濮州人進士正德十一年任侍講學士嘉靖四年陞南京吏部右侍郎詳戶部尚書
陳霽	直隸吳縣人進士正德十二年任侍講學士詳國子監祭酒
石珪	直隸藁城人進士正德十二年以禮部左侍郎兼學士掌院事
豐熙	浙江鄞縣人弘治己未榜眼嘉靖元年任侍講學士署院事三年以議禮論成鎮海衛
張孚敬	浙江永嘉人進士嘉靖三年任翰林學士掌院事四年陞詹事詳內閣
桂萼	江西安仁人進士嘉靖三年任翰林學士掌院事詳內閣

溫仁和	四川華陽人弘治壬戌進士嘉靖三年任侍讀學士本年陞吏部右侍郎
李時	直隸任丘人弘治壬戌進士嘉靖三年任侍讀學士本年陞禮部右侍郎詳內閣
董玘	浙江會稽人弘治乙丑進士嘉靖三年任侍讀學士四年陞詹事詳內閣
方獻夫	廣東南海人弘治乙丑進士嘉靖三年任侍讀學士四年陞少詹事詳內閣
翟鑾	山東諸城人弘治乙丑進士嘉靖四年擢翰林學士掌院事本年陞禮部右侍郎詳內閣
穆孔暉	山東堂邑人弘治乙丑進士嘉靖五年任左庶子兼侍講學士詳南京太常寺卿
徐縉	直隸吳縣人弘治乙丑進士嘉靖五年任侍讀學士詳吏部左侍郎
張璧	湖廣石首人正德辛未進士嘉靖六年任侍讀學士七年丁憂
顧鼎臣	直隸崑山人弘治乙丑進士嘉靖六年擢翰林學士掌院事七年陞詹事詳內閣
許誥	河南靈寶人弘治己未進士嘉靖六年任侍講學士八年陞祭酒詳南京戶部尚書
國朝列卿紀 卷之二十 六	
席春	四川遂寧人正德丁丑進士嘉靖七年任侍講學士十一年陞吏部右侍郎詳吏部
張潮	四川內江人正德辛未進士嘉靖六年任侍講學士十年擢翰林學士掌院事本年陞少詹事
許成名	山東聊城人正德辛未進士嘉靖十年任侍讀學士十一年丁憂詳禮部左侍郎
郭維藩	河南儀封人正德辛未進士嘉靖十年任侍讀學士十二年卒
蔡昂	直隸淮安人正德甲戌進士嘉靖十一年任侍讀學士十二年滿湖州通判歷學士禮部左侍郎
廖道南	湖廣蒲圻人正德辛巳進士嘉靖十一年任侍讀學士十二年滿徽州通判十三年復原職十六年丁憂開序
吳惠	浙江鄞縣人正德辛未進士嘉靖十二年任侍讀學士署院事十四年陞太常寺卿掌祭酒事詳國子監
張璧	見前嘉靖十二年任侍讀學士十四年以太常寺卿兼侍讀學士掌院事詳內閣
嚴嵩	江西分宜人弘治乙丑進士嘉靖十五年以禮部尚書兼學士掌院事本年出理部事詳內閣
溫仁和	見前嘉靖十五年以吏部左侍郎兼學士掌院事詳禮部尚書

姚 涑 浙江慈谿人嘉靖癸未狀元十
五年任侍講學士本年丁憂卒

張邦奇 浙江鄞縣人弘治乙丑進士嘉靖十六年擢吏部左侍郎
兼學士掌院事二十一年改掌詹事詳南京兵部尚書

陸 深 直隸上海人弘治乙丑進士嘉靖十六
年任太常寺卿兼侍讀學士詳詹事

張 治 湖廣茶陵人正德辛巳進士嘉靖十七年任翰
林學士兼右諭德二十年陞南京吏部右侍郎

張 象 直隸江陰人正德辛巳進士嘉靖二十年任侍讀
學士二十一年陞太常卿掌祭酒事終南光祿卿

張 潮 見前嘉靖二十年以吏部左
侍郎兼學士掌院事詳詹事

費 象 江西鉛山人正德辛巳進士嘉靖二十一年擢禮部左
侍郎兼學士掌院事二十二年陞禮部尚書詳禮部

江汝璧 江西貴溪人正德辛巳進士嘉靖二十二年以左
諭德兼侍講學士掌院事本年陞少詹事詳少詹事

張 治 見前嘉靖二十三年以吏部左侍郎兼學士掌
院事二十七年陞南京吏部尚書詳內閣

徐 階 直隸華亭人嘉靖癸未進士二十六年以吏部左侍
郎兼學士掌院事二十八年陞禮部尚書詳內閣

閔如霖 浙江烏程人嘉靖壬辰進士二十八年任侍講
學士

吳 山 江西高安人嘉靖乙未探花三十年以庶子兼侍讀
學士署院事三十一年陞太常卿掌國子祭酒事

敖 銑 江西高安人嘉靖乙未進士三十
一年任侍講學士署院事

郭 朴 河南安陽人嘉靖乙未進士三十二年
以左庶子兼侍讀學士署院事詳內閣

閔如霖 見前嘉靖三十二年以禮部右侍郎兼翰林學士
教庶吉士三十三年掌院事三十四年改掌詹事

康大和 福建莆田人嘉靖乙未進士三十三年
年以左庶子兼侍讀學士署院事

尹 臺 江西永新人嘉靖乙未進士三十四年以少
詹事兼侍讀學士掌院事詳南京禮部尚書

袁 煒 浙江慈谿人嘉靖戊戌探花三十
四年任侍講學士詳內閣

嚴 訥 直隸常熟人嘉靖辛丑進士三十五年任
三十七年加太常寺少卿仍兼學士掌院事詳內閣

李春芳 直隸興化人嘉靖丁未狀元三十五年任
七年加太常寺少卿仍兼學士掌院事詳內閣

兼學士掌院
事詳內閣

董 份 浙江烏程人嘉靖辛丑進士三十六年任學士三
十七年加太常寺少卿仍兼學士掌院事詳禮部尚書

秦鳴雷 浙江臨海人嘉靖甲辰狀
元三十八年任侍講學士

高 拱 河南新鄭人嘉靖辛丑進士三
十八年任侍講學士詳內閣

陳 陞 浙江餘姚人嘉靖辛丑進士
四十年任侍講學士署院事

裴 宇 山西澤州人嘉靖辛丑進士四
十一年任侍講學士署院事

瞿景淳 直隸常熟人嘉靖甲辰榜眼四十一年任侍講學士
署院事四十二年陞太常卿掌南京國子監祭酒事

陳以勤 四川南充人嘉靖辛丑進士四十二年任侍講學
士署院事本年陞太常寺卿掌國子監詳內閣

胡正蒙 浙江餘姚人嘉靖丁未探花四
十二年任侍講學士掌院事

王大任 陝西保安人嘉靖癸丑進士四十二年
以御史起任侍講學士

姜 儉 江西南昌人嘉靖癸丑進士四十二年以
御史起任侍講學士丁憂

張居正 湖廣江陵人嘉靖丁未進
士四十五年任侍講學士

殺士儋 山東武定人嘉靖丁未進
士隆慶元年任侍講學士

諸大綬 浙江山陰人嘉靖丙辰狀元隆慶元年任侍
講學士掌院事四年陞禮部右侍郎仍原兼

張四維 山西蒲州人嘉靖癸丑進士隆慶四年任翰林
院學士掌院事本年遷吏部右侍郎仍兼任

丁士美 直隸清河人嘉靖己未狀元隆慶四年任侍講學士掌院
事五年陞太常寺卿管國子監事六年十一月以太常卿

兼侍讀學
士掌院事

陶大臨 浙江會稽人嘉靖丙辰榜眼隆慶六年以詹事兼侍讀學
士掌院事本年陞禮部右侍郎仍原兼掌院事九月回部

申時行 直隸吳縣人嘉靖壬戌狀元萬曆元年以左庶子兼侍讀
掌院事二年陞少詹事四年陞詹事仍兼侍讀學士掌院

事五年陞禮
部右侍郎

王錫爵 嘉靖壬戌榜眼萬曆二年任侍讀學士掌院本月陞詹事仍

兼侍讀學士掌院事本年陞太常卿掌國子監事

余有丁 浙江鄞縣人嘉靖壬戌榜眼萬曆六年以少詹事

兼侍讀學士掌院事本年陞太常卿掌國子監事

何洛文 河南信陽人嘉靖乙丑進士萬曆六年任侍讀學士掌

院事七年加少詹事仍兼掌院事八年陞禮部右侍郎

陳思育 湖廣武陵人嘉靖乙丑進士萬曆八年以少詹事

兼侍讀學士掌院事九年陞禮部右侍郎仍原兼

陳經邦 福建莆田人嘉靖乙丑進士萬曆九年任侍

讀學士掌院事十年陞禮部右侍郎仍原兼

沈鯉 河南歸德人嘉靖乙丑進士萬曆十年任侍講學士掌

院事改侍讀學士十一年陞禮部右侍郎兼侍讀學士

朱慶 浙江山陰人隆慶戊辰進士萬曆十一年以

侍讀學士掌院事本年陞禮部右侍郎仍兼

王家屏 山西沁州人隆慶戊辰進士萬曆十一年任

詹事兼侍讀學士掌院事十二年協理府事

沈一貫 浙江嘉善人隆慶戊辰進士萬曆十二年以少詹事兼

侍讀學士掌院事本年陞禮部右侍郎兼侍讀學士

國朝列卿紀 卷之二十 九

張位 江西南昌人隆慶戊辰進士萬曆十二年以少詹事兼

侍讀學士掌院事十三年陞詹事仍掌院事十四年陞禮部

于慎行 山東東阿人隆慶戊辰進士萬曆十三年任侍

讀學士十四年陞禮部右侍郎兼侍讀學士

陳于陞 四川南充人隆慶戊辰進士萬曆十四年丁憂

徐顯卿 直隸長洲人隆慶戊辰進士萬曆十四年以詹事兼侍

讀學士掌院事十五年陞禮部右侍郎仍兼侍讀學士

朱慶 見前萬曆十五年以吏部左侍郎

劉虞夔 山西高平人隆慶辛未進士萬曆十六年以水

常寺少卿兼侍讀學士掌院事十七年改詹事

黃洪憲 浙江嘉興人隆慶辛未進士萬

曆十七年以少詹事兼掌院事

陳于陞 見前萬曆十七年以侍讀學

士掌院事十八年陞詹事

翰林院學士講讀學士行實

沈度字民則直隸松江府華亭縣人度天資溫雅敦實自幼嗜

學博涉經史洪武中郡邑交舉文學弗就坐累謫雲南跋涉萬

里處患難其中裕然時同謫者多名人率與度交達官重帥爭

欲迎致館下 岷王具禮幣聘之既至屢進直言居無幾辭都

督羅能能知賢下士延於家塾為弟子師且暮躬請益焉其入

京師也以度偕行時 成祖初臨御命翰林舉賢才值禮部尚

書江陵楊公溥為編修以度名上擢翰林典籍時方制勅填委

既視草學士以下率分書之 上獨覽度書稱善一時翰林書

書如解大紳之真行草胡光大之行草滕用亨之篆八分汪汝

國朝列卿紀 卷之二十 十

玉梁用行之真楊文遇之行皆知名當世而胡解及度之書獨

為 上所愛凡玉冊金簡用之 宗廟朝廷藏秘府施四裔刻

之貞石傳於後世一切大制作必命度書之書婉麗飄逸雍容

矩度兼篆八分八分尤高古渾然漢意而日侍清密無間 賞

賜二品金織衣新製象笏錢度氏名塗金以賜以其弟與子皆

善書皆官之近侍父子兄弟並榮於 朝古今以書遭承寵遇

莫或加度書蓋度一藝耳為文章尚理致平澹雅則不為浮靡

事 上必盡誠被顧問必以正對由典籍陞檢討復陞修撰永

樂十四年陞侍講學士奉直大夫 仁宗皇帝賜諡命進協正

庶尹贈其考奉直大夫協正庶尹翰林侍講學士其妣宜人子

告歸焚黃 賜鈔給驛傳 宣宗皇帝臨御進翰林院學士奉
 政大夫年踰七十再上章乞致仕歸不聽度事親孝與弟聚友
 愛相篤終身與人交久益敬為人貞靜不苟附初入翰林鄉人
 有為大宗伯者得 君有氣勢赫赫朝士希進者日奔走其門
 度以故舊獨自守未嘗輕造問或邀度輒以禮辭士論高之閒
 暇閉戶焚香鳴琴賦詩以自樂人號自樂先生襟宇澄澹風韻
 蕭散所好惟載籍法書名畫古器自題其齋居曰樂琴書處雜
 別花卉奇石高人韻士至必具觴酌或吟或奕意度儼然所作
 詩文有韻南棗隨筆錄西清餘暇自樂彙藏於家年七十有八
 一日微疾猶作和王行儉詹事小洞天詞明日捐館宣德甲寅

國朝列卿紀

卷之二十

十一

十月二十二日也計聞 上遣禮部郎中陳謨賜祭給驛舟歸
 喪 命有司營葬

曾祭字子啓江西吉安府永豐縣人永樂元年中江西鄉試明
 年禮部會試中選者四百七十人名在第八 廷試遂中第一
 賜進士及第 成祖奇其才親批所對策褒美之 賜冠帶朝
 服授翰林修撰承務郎未幾詔解縉選進士二十八人俾進學
 文淵閣祭為之首五年陞侍講授承直郎六年丁內艱七年
 大駕巡狩北京起復扈從十六年滿陞侍讀學士與修 太祖高
 皇帝實錄書成重沐賜賚丁父憂復起就職二十二年命主考
 會試 仁宗嗣位 宣宗正位儲官陞左春坊大學士仍兼侍

讀學士授奉議大夫 賜詔命詳詹事府

楊溥字弘濟湖廣荊州府石首縣人洪武時為諸生入鄉試考
 官胡儼大加稱許取第一建文庚辰進士授編修永樂二年四
 月辛未選用東官官屬遷司經局洗馬仍兼編修侍 皇太子
 於南都十二年七月 車駕北征東官遣使奉迎稽緩漢王高
 煦譖之 上怒曰此輔導者之咎也黃淮先至下之獄楊士奇
 金問繼至 上曰楊士奇姑宥之朕不識金問何人乃爾得侍
 東官 命法司鞫之辭連溥及芮善王愷遂俱逮之淹繫十年
 二十二年 仁宗登極釋之擢行在翰林學士掌院事洪熙元
 年正月己卯建弘文閣於思善門之左 命溥掌閣事選侍講

國朝列卿紀

卷之二十

十二

王璉侍直改博士陳繼學錄楊敬為編修訓導何澄為給事中
 俱輪班奏對 上親握閣印授溥曰朕用卿等於左右非止助
 益學問亦欲廣知民事為理道助卿等有所建白即用封識以
 進十一月丙申溥密疏言事 上褒答曰覽卿所奏為國家計
 誠合朕心但望始終如一知無不言贊朕政治以承天休感卿
 忠懇特用酬報賜寶鈔綵幣卿其領之尋陞天常寺卿兼學士
 入閣詳內閣

王直字行儉江西吉安府泰和縣人永樂甲申登進士 成祖
 詔選進士曾祭等二十八人為翰林庶吉士俾讀中秘書直在
 選中感激奮志不數年文辭迥古作者 上以直卓越諸士召

入內閣凡機密之政屬執筆焉尋授翰林修撰 車駕巡狩北
京 仁宗爲皇太子監國留務之重選任尤嚴時翰林則留黃
淮楊士奇與直三人輔導直夙夜勤慎不懈中外咸倚重之及
再幸北京直在扈從遂與修 太祖實錄未成以憂去服闋仍
入翰林陞侍讀二十二年 仁宗卽位進侍讀學士 宣宗爲
皇太子慎選官僚陞直右春坊右庶子仍兼侍讀學士凡經筵
講義及文武羣臣 誥勅皆以屬直又兼記注至於 聖政聖
訓之當書者皆錄之以備纂述進階奉議大夫 宣宗卽位與
修 兩朝實錄五年書成進詹事府少詹事仍兼侍讀學士有
白金幣裝衣寶錄之資進階中順大夫 英宗嗣位詔修

國朝列卿紀

卷之二十

十三

毛七清

先朝實錄以直總裁正統三年書成進禮部左侍郎仍兼學士賞
賚如前又之以禮部缺人 命出蒞部事宗伯胡濙大旨閣部
之政悉付之直處之裕然若素習者吏部尚書郭璉去位 詔
以直代之 命下士類皆悅詳吏部

王英字時彥江西撫州金谿人永樂甲申進士改庶吉士歲戊
子預修 太祖高皇帝實錄下亥授翰林修撰扈蹕巡狩北京
丙申陞翰林侍講戊戌實錄成 賜襲衣綵段錠鈔壬寅胡寇
犯邊二月 上親征命扈從旋師過威虜鎮季陵城已四十里
上召諭曰聞季陵城右石碑可往視之明日備奏其故 上曰此
碑旣鐫有韃靼姓名異日胡虜必以此地爲已物爾宜再往鑿

碎之用火燬沉之於河英如旨而往旣還奏 上喜謂曰秀才

是二十八人讀書者朕需爾爲用正好宣力勿憚勞苦因問伐

虜成功如何對曰胡寇聞 天兵親征必遠走漠北臣願 陛

下幸毋入險窮追也 上笑曰朕爲天下國家討秀才之言惟

不欲窮兵黷武耳復謂曰凡軍中一切動靜或謠言之類爾有

所聞卽來密奏又 諭太監孟驥曰秀才入見毋阻六月 上

駐蹕安平鎮立功官軍因有過不與口糧相聚悲泣曰吾等糧

盡必死道路矣英以爲言 上悅卽令兵部尚書李慶仍給口

糧并載衣甲驢一匹甲辰 上復親征胡虜還次榆木川晏駕

時 仁宗在東宮命尚書蹇義夏原吉學士楊榮楊士奇侍讀

國朝列卿紀

卷之二十

十四

毛七清

王直與英同定喪禮議國政宿內閣凡七日 仁宗嗣位加恩

賜白金彩段八月進秩侍講學士尋陞右春坊大學士兼翰林

侍講學士詳南京禮部

金問字公疏直隸蘇州府吳縣人少受易俞貞木家貧無書從

人借讀無不通解永樂二年被薦爲司經局正字十二年官僚

多得罪問亦坐繫獄十年非義相餽皆不受時黃淮楊溥同坐

繫三人相得甚懼省躬念咎之暇各持一經講論因此處憂患

之道也洪熙初釋繫 命待詔思善門制授翰林修撰備顧問

論時政之得失悉見獎納元年陞侍講學士宣德十年擢太常

少卿兼翰林侍讀學士正統十年陞南京禮部右侍郎十二年

卒於官詳南京禮部

蔣驥字良夫浙江杭州府錢塘縣人洪武庚辰進士擢行人能其官永樂初成祖詔文學之臣纂修高廟實錄驥與焉書成陞翰林檢討賜白金文綺襲衣已又預修永樂大典為副總裁賜楮幣綺帛五年翰林學士解縉出為交趾參議以事逮獄坐連累拘幽者十餘載中扁坦然日以書史自娛未始有幾微怨對意二十二年仁宗即位宥復前官踰月陞左春坊左司直郎宣宗嗣統之初以官僚恩陞翰林院侍講宣德紀元奉命祀東鎮洎大禹南宋諸帝陵竣事遂得便道省謁其二親本郡方岳重臣以及郡邑官僚咸瞻望下風憊然不敢

國朝列卿紀 卷之二十

十五

薛洪

當日推牛釀酒燕集姻黨榮壽其親歸朝與修兩朝實錄五年書成資錫循承樂故事尋同考會試復進秩侍講學士會

上命左右大臣簡廷臣之才且良者佐六卿授禮部右侍郎蒞職

踰旬旬得風疾不移時遂卒詳禮部

李時勉名懋以字行江西吉安府安福縣人永樂甲申取進士

選庶吉士預修太祖實錄守制服闋起復授刑部主事仍與

纂修書成轉侍讀未幾被讒下獄既而宥之癸卯以楊榮薦復

其官宣德五年修兩朝實錄成進侍講學士一日上幸史

館撤金錢於地眾爭取之時勉端立不動上親取袖中餘錢

賜之又幸文淵閣命諸學士飲酒上曰時勉非朕安能飲此

酒正統三年戊午陞學士掌院事六年遷國子祭酒既蒞任崇廉耻抑奔競別賢否示勸懲士習不變諸生有疾躬為醫療至於貧不能娶死不能殯者皆為營辦恩義兼盡不啻父子餘詳國子監

錢習禮名幹以字行江西吉安府吉水縣人永樂六年江西解元明年會試中第十車駕北幸因得從遊京師而才益進九年辛卯廷試取進士入翰林為庶吉士尋授檢討叅史職甲辰會試命為同考八月仁宗即位一新庶政陞翰林侍讀與知制誥洪熙元年勅同修成祖實錄及仁宗升遐又勅同修仁宗實錄時有詔許焚黃承命以往丙午促召還京

國朝列卿紀 卷之二十

十六

傅元

借太子少保金幼孜等入見命修實錄二年春闈命為同考

官三年戊申元夕賜文武近臣觀燈萬歲山賜宴及文臣賦

詩以進賜之鈔四年八月應天府鄉試命為考官十二月朔

霜寒甚上命光祿賜在廷文臣羊酒以禦寒曰皇祖考在

位每日常有賜今朕多事忘之汝勿忘五年兩朝實錄成賜

金織襲衣銀幣考禮部會試陞行在翰林院侍讀學士七年

駕過史館有作併賦招隱之歌以示近臣八月考北京鄉試十年

乙卯春宣宗晏駕英宗即位二月上宣宗尊號賜白金

秋九月詔修宣宗實錄十二月賜文綺丙辰正月改元正統

大臣建議開經筵詔可其奏命為講官二月上臨軒策士

命讀卷勞以羊酒賜宴於禮部戊午四月進 宣宗實錄 上

御奉天門慰勞甚至賜白金文綺織金襲衣陛行在翰林學士

賜宴於禮部八月應天府鄉試命為考試官四年充廷試讀卷官

六年掌院事尋考北京鄉試七年壬戌為行婚禮賜紗衣紗帽

金扇香帶等物九年甲子三月大新國學成 上祇謁 先聖

躬行釋奠禮幸彞倫堂命祭酒司業進講從臣坐聽命與其列

七月上章乞致仕勿允且降諭天下憲臣及縣令有難其任察

舉以聞凡舉所知人以為當十年乙丑禮部春試 上復命為

考官三月進五倫書蒙賞齎冬十月 欽陞禮部右侍郎縉紳

往賀之對曰吾今任有司之職矣何以賀為時 朝廷稽古右

國朝列卿紀

卷之二十

十七

王錦

文事多由禮部又命兼署吏部事卒謚文肅詳禮部

陳循字德遵江西吉安府泰和縣人永樂乙未進士第一授翰

林修撰 太宗特重儒臣賜第萬寶坊 駕幸北京命循載秘

書扈行在遂留用之 三殿災循上疏多見采納洪熙改元轉

侍講宣德初命與楊溥輪直南宮備顧問又賜第於玉河西五

年庚戌擢行在侍講學士時御史張楷上詩涉時政僉事陳祚

勸講大學衍義忤旨 宣廟震怒循力救之獲免正統初兼經

筵官七年壬戌擢本院學士九年甲子入內閣詳內閣

苗衷字秉彞直隸鳳陽府定遠縣人永樂辛卯進士第二授編

修宣德初與修 兩朝實錄轉侍讀正統紀元侍 經筵二年

與修 宣宗實錄進行在侍讀學士七年壬考會試得姚夔劉

儼呂原韓雍程信項忠白圭諸公為時名卿十年陞兵部右侍

郎兼侍讀學士命入內閣典機務詳內閣

高穀字世用直隸揚州府興化縣人永樂乙未進士選翰林庶

吉士授中書舍人甲辰改春坊司直郎洪熙初擢翰林侍讀宣

德乙卯考順天鄉試正統改元楊士奇薦侍 經筵講讀賜三

品服三年戊午與修 宣宗實錄成轉侍講學士甲子考應天

鄉試乙丑遷工部右侍郎仍兼前職入內閣典機務詳內閣

一馬愉字性和山東青州府臨朐縣人宣德丁未進士第一授修

撰正統初轉侍讀侍 經筵三年預修 宣宗實錄進侍讀學

國朝列卿紀

卷之二十

十八

孫本

士乙丑壬考會試得商輅人服其議十年命入內閣詳內閣

蘭從善字有恒河南磁州人永樂癸酉貢士初任揚州府學教

授召入授編修轉侍讀宣德五年預修 兩朝實錄成遷司經

局洗馬正統三年進侍讀學士未幾改右庶子十年陞翰林院

學士掌院事景泰三年致仕初陞學士與王文端公錢文肅公

相得甚懽及卒 上賜奠章曰卿以文學與教郡邑用膺簡擢

進事先朝翰院官坊累遷清秩暨朕嗣統陞職有加史館經筵

悉勤乃事操履篤實益久不渝

廖道南曰予觀王文端公稱從善心淳氣平學行端方景泰易

儲詞林加官保者二十餘員而從善獨守官如舊及讀崔仲鳧

所撰彰德志益信其為篤厚君子云

曹鶴字德恒一字萬鍾直隸真定府寧晉縣人永樂癸卯初舉鄉薦中乙榜授代州學官疏辭不受銓曹銜之改任泰和典史時中使旁午置郵無虛日鶴處之裕如公暇即延禮師儒講明理性宣德壬子督部工匠赴闕疏乞入試中第二人大學士楊文貞公一見奇之明年廷試 宣皇策以義禹河洛象數鶴對稱首 上親擢第一授翰林院修撰從楊文定公遊所得益深正統初 英廟初御經筵論選講官鶴首預焉敷納明暢聞者聳敬三年預修 宣廟實錄成轉侍講五年簡入內閣參知政事甲子進翰林院學士乙丑廷試讀卷得商輅為第一是歲

國朝列卿紀 卷之二十

十九

陟吏部右侍郎仍兼學士詳內閣

陳詢字汝同直隸松江府華亭縣人永樂戊戌進士選庶吉士授編修宣德間轉修撰正統初充經筵講官三年預修 宣廟實錄進侍讀十三年秩滿侍讀學士坐累謫知安陸州已巳召入為大理寺少卿巡撫大名諸郡景泰三年改太常少卿兼侍講學士掌院事五年改國子監祭酒詳國子監

張益字士謙直隸吳縣人永樂乙未進士正統二年任修撰博學強記見稱於時十四年陞侍講學士入內閣詳內閣

劉鉉字宗器直隸蘇州府長洲縣人永樂戊戌以善書徵入翰林明年中京闈鄉試未上春闈授中書舍人宣德己酉陞修

兩朝實錄成陞兵部車駕司主事仍蒞事內廷正統戊午與修宣廟實錄成進翰林侍講金綺之養有加戊辰詔擇進士類敏者為庶吉士屬教之鉉懲曩之事虛文者慨然以師道自任俾力追古作有一字未愜者經月不置以故諸吉士大有所造後多以文學致名已巳進侍講學士景泰庚午壬午考京闈及揭曉第一人劉宣乃盧龍軍士同事者欲更之鉉曰 天朝廷立賢無方不可乃止時論題之初置 經筵官屬首選數賜白金文綺寶鑑禮遇甚隆辛未夏不雨特遣祭四瀆壬申春缺祭酒眾難其人大學士高穀曰學行老成無如劉鉉者遂抗章薦之 命下以鉉為國子祭酒詳國子監

國朝列卿紀 卷之二十

二十

商輅字弘載浙江淳安人宣德乙丑狀元正統已巳任侍講景泰元年陞翰林院學士本年秋 英廟回鑾輅迎至居庸關伏謁命草詔稱旨賜酒果馬匹既而錦衣衛指揮盧忠妄言南內事中官阮浪等被重刑猶欲窮治不已輅極言不可輕聽以壞大倫有傷骨肉之情三年遷兵部侍郎兼左春坊大學士詳內閣

今言曰御用左少監阮浪侍 英廟南宮浪下內官王堯者往蘆溝橋抽分浪以南宮所賞鍍金梁扣綉茄袋鍍金結束刀一把與堯歸飲錦衣指揮盧忠家蹴毬褫衣忠因見其袋刀非常制遂令妻進酒醉忠解之俄而入皇城白裏行太監高平以

為南宮欲謀復皇儲今浪遺堯以袋刀賞忠求外應竟竟以此
與浪義子趙縉皆凌遲沒產浪入詔獄炮烙煨煉苦慘備至卒
不承死獄中天順復辟忠亦凌遲贈浪本監太監儒臣撰文立
碑官縉子銳錦衣試所鎮撫

周叙字功叙江西吉水人永樂戊戌進士選庶吉士授院編修

宣德二年預修兩朝實錄成轉修撰正統三年進侍讀六年辛

酉閏十一月叙上言三事一曰興學校二曰親農桑三曰慎終

選上命所司舉行十二年署南京院事十三年陞侍講學士

仍掌南京翰林院事已巳九月英宗北狩叙上言八事一曰

勵剛明二曰觀經史三曰修軍政四曰選賢才五曰安民心六

曰廣言路七曰謹微漸八曰修庶政疏上嘉納景泰二年召為

侍講學士天順初叙上言請修宋遼金三史詔令自修進呈又

上致治保邦十二事中與太平十四事俱付所司采擇行之未

幾卒於官

呂原字逢原浙江嘉興府秀水縣人正統辛酉鄉薦第一壬戌

進士及第授編修癸亥預修五倫書賜寶鏡丁卯被選進學東

閣侍經筵景泰初遺祭於蜀歸充經筵講官轉侍講三年壬申

遷右中允兼侍講是秋進侍讀學士兼中允癸酉預修歷代君

鑑錄壬考順天鄉試乙亥預修寰宇通志明年權右春坊大學

士仍兼侍講天順初改通政司左叅議兼侍講壬考會試時徐

有貞既黜薛瑄請老乃特用李賢拜召原與岳正入內閣命原
兼學士詳內閣

倪謙字克讓應天府上元縣人生有四乳人咸異之正統己未

進士及第授編修甲子命祀北岳己巳轉侍講使朝鮮景泰壬

申遷左中允兼侍講侍經筵以易儲事進侍講學士丙子預

修寰宇通志遷左春坊大學士天順紀元改通政司左叅議仍

兼侍講遣祭遼荆楚三府還進本院學士戊寅憲宗出閣充

講讀官己卯壬考順天鄉試以舉子奏發陰事下詔獄謫戍開

平成化元年復翰林院學士預修英廟實錄二年擢南京禮

部侍郎御史陳讓劾之致仕詳南京禮部

劉儼字宣化江西吉安府吉水縣人為人端介自幼不凡勤學

勵行父退養知有遠大志遺從族之先達時年十六七為文必

主理雖舉子業耻為口耳之學務探底裏嘗曰讀書豈但度毛

而已年二十四遂領鄉薦春闈中乙榜不就而還潛心林下二

十六年正統壬戌乃得雋春闈廷對有鯁直忠愛之詞遂擢

進士第一授翰林修撰階儒林郎位既顯學益進遂以古文明

天下八年與修五倫書獲賞資十一年充經筵講官賜勅

命景泰初進侍講階承直郎三年遷右春坊大學士兼舊職階

奉議大夫四年與修君鑑書有白金文綺之賚五年選進士十

八人為庶吉士與狀元孫賢等屬教之六年賜誥命是年修

寰宇通志為副總裁繼續宋元通鑑綱目復領之七年志書成
進太常寺少卿兼侍讀階中奉大夫錫賚益厚尋主考京闈大
學士陳循王文之子欲僥倖科名儼持公道落之遂誣以重罪
賴大學士高穀救之獲免天順改元 英皇復位獎用忠良命
署翰林院事將有寵任之漸尋疾卒於官性孝友初二親垂白
在堂伯兄早亡仲兄優游文翰間惟儼綜理家務雖公私多故
而一親安其養及遭親喪立見毀形凡附身附棺之事無所不
用其極居閑教子弟務底成材有姪曰敦官阜城而死哭之歸
視於鄉族人數千指稱無間言凡窘者葬其喪貧者成其配寡
弱者扶之得所及上春官鄉人有貧者悉焚其券嘗慕范文正

國朝列卿紀

卷之二十

五十五

朱榮

之為人立義倉於先祠之左貯粟以周其乏且自為記以見志
在朝言論侃侃所交必正人回邪者必折之不少借用是直廉
大振計聞 上悼惜不已特贈禮部左侍郎謚文介勅工部營
葬事復遣官諭祭其家享年六十有四

李紹字克述江西安福縣人宣德癸丑進士是歲奉使雲南歸

遇 宣宗皇帝銳志儲才合臨御以來三科進士數百人拔其
尤者應二十八宿為翰林庶吉士俾積學以俟大用優禮給賜
一循永樂甲辰之典仍 賜御製詩以示勉勵紹與其列乙卯

英宗皇帝嗣位擢翰林檢討預修 宣廟實錄為檢閱校正正統
戊午書成 賜白金文綺加祿秩并 賜宴西苑已未以刺直

賜歸鄉里期年大學士楊士奇卧病 英宗遣內官詢人才舉紹

等五人以對 召復任充經筵官丙寅丁內艱已巳服闋還任
踰月滿九載陞修撰是秋北虜寇邊六師敗績於土木之變朝
士多遣家南徙紹曰主辱臣死奚以家為卒不遣庚午景泰紀
元兼經筵講官辛未同考會試壬申陞司經局洗馬兼修撰甲
戌主考會試兩持文衡去取公當士論翕然推服尋奉 命祀
南嶽舟至洞庭阻暴風為文禱於神俄頃風息舟行無虞丙子
預修寰宇志成 賜白金綵幣進右春坊右庶子兼翰林侍講
天順丁丑改尚寶司卿兼侍講尋掌院事冬陞本院學士 賜
二品金織衣戊寅奉 命與諸學士更番侍講讀於文華殿時

國朝列卿紀

卷之二十

五十四

朱榮

禮部郎中李和托一釋子囑權近求為禮部右侍郎士論紛不
平 上密訪學士李賢尚書王翱各薦紹 上喜曰朕知此人
久矣次早召吏部陞紹禮部右侍郎聞者為之驚喜及任公卿
往賀尚書王翱舉酒酌曰天選侍郎也蓋以前此倖進者多指
授故云詳禮部

林文字恒簡福建興化府莆田縣人自少疑重穎敏異於羣童
稍長讀書思義務深沈求索不以難易易意故經傳微辭奧旨
人所窘惑者文率有悟入處遊郡庠益肆力於學會元陳先生
中歸家有重名文師之先生叩其學成待以賓友禮宣德丙午
中鄉舉庚戌中會試入對大廷以第二人賜進士及第授行在

翰林院編修正統初與修 宣廟實錄充經筵講官實錄成陞

翰林院修撰連丁內外艱服闋仍兼舊職景泰壬申遷左春坊

左諭德兼修撰癸酉修歷代君鑒成丙子修天下郡誌成皆有

襲衣文綺之賜陞左春坊左庶子兼侍講天順初 英宗復位

改尚寶司卿仍兼侍讀命往河南祀淮瀆之神還拜翰林院學

士兼東宮講讀官充國志副總裁甫二百年無正拜學士者自

文復見羣情悅服三年己卯以年及乞致仕 上諭少保李文

達公曰此淳雅君子也不可釋去庚辰春差充廷試讀卷官自

是屢以老請皆不允八年癸未 憲宗登極進拜太常寺少卿

兼侍讀學士未幾復懇辭歸老傾城士大夫迎候羅拜觀者如

國朝列卿紀 卷之二十 五十五 朱榮

堵墻又數百年所無者久之近臣有言文宜賓內閣供事將起

之學士劉文安公知文必不來乃白而止已而季子載言文牛

八十願授京秩以資祿養遂以載為中書舍人越三年成化丙

戌卒贈禮部左侍郎公為人神清志定充養有道燕居端處終

日欽欽其經惺論說史館紀撰勞益實多行於道不游目而視

與人言未嘗率爾應答自敵已以下皆降色與為禮故人無鉅

細皆深服其德器暮年形神安康奉祭祀接賓友酬應靡倦其

恭敬不減於少壯之日凡聲色華侈之好終其身不接耳目緝

紳推為醇儒故宗伯黎文僖公為官詹時語韶曰翰苑中古意

時流相半有人然表裏或不能如一吾見林先生終始無間

乎醇者也其為時所重如此文達公嘗謂文德性堅定而不移

氣質沉靜而不躁處心平易操行端潔靡然若不勝衣而志不

懈氣不餒識者以為知言所著作平實與正類其為人一時贈

送四方碑刻多出文手有淡軒稿存於家

劉定之字主靜江西永新縣人正統丙辰會試第一賜進士第

三名授編修丙子轉右春坊右庶子天順紀元改通政司左叅

議兼侍講是冬進翰林院學士掌院事甲申遷太常寺少卿兼侍

讀學士充副總裁官仍掌院事成化丙戌簡入內閣叅預機務

詳內閣

錢溥字源博直隸松江府華亭縣人正統四年己未進士太監

國朝列卿紀 卷之二十 五十六 朱榮

王振訪可教內侍書或薦溥試謦微露詩大見稱賞特授翰林

院檢討景泰辛未遷左贊善兼檢討七年修寰宇通志轉左諭

德兼編修天順元年改尚寶司少卿仍兼編修時以奪門叙功

溥善希時言謂兵部尚書陳汝言曰方今論功行賞殆無虛日

而母后徽號未加獨非缺典與汝言以其言奏 英宗大加稱

賞隨付史氏以行尋陞侍讀學士會修大明一統志充副總裁

六年壬午頒 詔安南充正使貽書與其王論郊迎禮甚悉此

還希躡崇樞出入奄豎有太監王倫者受業於溥當 英廟太

漸時倫出就溥舍妄議時政邏者得之以聞下獄罪且不測有

左右之者乃得未減降廣東順德知縣成化二年丙戌以近侍

三三九

懷恩出其講下薦復原官開任九年赴侍讀學士掌南京翰林院事十三年陞南京吏部左侍郎掌部事詳南京吏部

黃諫字廷臣其先揚州府高郵州人洪武初以富民坐法徙置

陝西蘭州幼有異質讀書績文不煩師友程督日有進詣時蘭

州尚為縣選充縣學生 朝廷編輯四書五經性理大全書頒

之學宮士未能盡見諫手錄誦讀沈潛有得老師莫能窺其際

正統辛酉以書經中陝西鄉試壬戌會試中式俱亞魁選廷試

賜進士及第第三名授翰林院編修獲讀中秘書學益遂景泰

五年上鏡歌鼓吹曲 詔付史館七年同少卿劉儼主考順天

鄉試時大學士陳循于瑛王文子倫俱不第遂構陷考官賴大

國朝列卿紀 卷之二十一 二七 薛洪 四十六

學士高穀覆試獲免秩滿轉左春坊左中允兼編修天順初改

尚寶司丞仍兼前職石亨等言其功權尚寶司卿充 經筵講

官音吐明暢多所規益同考會試所取號得人 英廟復辟嘗

與議諫不自言人亦無知之者使交南始定賓王之禮王初怒

其抗欲有以汗之諫風節凜凜卒不敢犯以歸遺之厚贖却不

受交人益服之未幾 英廟敦尚文治特擢翰林耆宿八人進

本院侍講學士五年忠國公石亨事敗言者以同鄉駁論之謫

判廣州府人謂非所宜處諫曰官無內外職無大小皆天職也

吾盡職而已公餘以其學淑廣之士發節擊蒙造就者衆賡人

為建學士亭尋被誣逮繫至京道卒喪舟過淮故兵部尚書河

澄王公公度方總漕於茲其切憫憫見其子幼家貧遙送旅餼

無所於資歎曰季札葬其子蘧博之間孔子以為合禮况諫高

郵人也何必西歸乃卜淮城之東吉壤葬焉遺其子琳為郡庠

生撫教備至諫性質粹美儀觀清潤博涉諸經子史百家之書

為文根極理致尤工於詩兼善書工古隸篆傍及宋元畫家吮

毫運思一一臻妙能對鏡寫真通達 國體留心世務志崇風

教過河南澠池拜月川曹先生祠詢知分教霍州謝世遂留葬

於彼曰孤死正首丘靈之弟子固不忘其師月川之靈獨不思

故鄉乎乃損已資為邑令遷葬故里月川名端始倡性理之學

於中州所著太極圖解諸書河東薛文清公實紹其傳故諫尊

國朝列卿紀 卷之二十 二八 傅元 四十五

信之成化間 憲廟以 兩朝講官恩官子琳為中書舍人歷

陞吏部驗封司員外郎供事內閣卒所著有使南稿南坡集書

經集義從古正文月令通纂傳於世

柯潛字孟時福建莆田縣人景泰辛未狀元及第數日授翰林

修撰壬申四月陞右春坊右中允兼修撰甲戌二月禮部會試

為同考試官五月 命預修寰宇通志丙子五月通志成陞司

經局洗馬仍兼修撰 英廟復辟改元天順更授尚寶司少卿

兼職如故仍許歸省己卯二月命修 玉牒庚辰春 命偕呂

學士原考禮部會試十一月 命充 東宮講讀官尋給 誥

命進階奉直大夫癸未二月復 命偕陳學士文考會試場屋

1512 年 續修四庫全書 2 反E內

火罷甲申 憲廟嗣位以隨侍恩陞翰林院學士三月有 旨
選進士年少質敏者李東陽等十八人入翰林為庶吉士命教
以古文詞學八月 上御經筵勅兼經筵官仍 賜白金三十
兩寶鏹三千貫文綺二表裏九月奉 旨纂 英宗實錄成化
改元八月考順天鄉試九月玉牒成賜鈔千貫是月再奉 旨
教庶吉士林瀚等二十四人十月 賜新刻貞觀政要十二月
命掌翰林院印丁亥八月實錄成陞詹事府少詹事兼翰林院學
士賜白金三十兩金織綵段三表裏折衣羅二表裏賜宴禮部
詳詹事府

萬安字循吉四川眉州眉山縣人正統戊辰進士時 英廟命
國朝列卿紀 卷之二十 二十九 廿文 四百五十一

純選北方及蜀士為庶吉士凡二十人安與選授編修景泰二
年以易儲陞左春坊司直郎仍兼編修四年陞右中允七年改
尚寶司丞仍兼編修天順戊寅改翰林侍講侍 皇太子講讀
六年陞翰林院學士成化二年丙戌主考會試三年預修 英
廟實錄成陞少詹事兼學士詳內閣
吳節字與儉江西吉安府安福縣人以春秋學著名當世宣德
己酉領鄉薦第一庚戌會試第二甲進士高等選入翰林為庶
吉士擢編修九年陞侍講學者多從之遊於是天下稱春秋學
者宗安福云景泰元年陞南京國子監祭酒節集諸生諭之曰
方今 聖人御極民物熙皞正爾士子學古入官之時也當勤

學業以事進修因詢事宜條陳國子監事宜言欲作與士類修
理學舍且額設膳夫三百名例以囚充近因囚徒日鮮供役不
足宜如北監事例以糧僉兼撥又按洪武永樂中天下共為一
監諸生多而糧食廣故光祿寺寄官豕八十餘使膳夫豕今
南北分為二監諸生數少一日之中米楚有限而所豢官豕猶
夫舊也捐瘠陪償坐是逃避宜減省其半以避困苦則人樂於
充役矣從之於是合應天府屬縣編審均徭人戶充膳夫一百
名其餘二百仍以囚徒充役三月庚子朔工部言節奏本監紅
倉二十餘圈乃洪武中 孝慈皇后積糧以嘉惠監生之有家
室者蘆席苦蓋容易朽腐宜易以陶瓦庶存懿德遺愛於萬年

國朝列卿紀 卷之二十 三十 廿文 四百五十二

其意雖善但浩費必至勞民舊制難以擅改惟行南京工部隨
時修葺一仍其舊節又謂本監殿廡門堂坊牌號舍建自洪武
歷八十餘年日漸頹損宜及是時量行修理此其言之可從者
擬行南京工部會同靖遠伯王驥往審視而規度之節又謂本
監成賢街舊有號舍六十六間以處監生之患病者後因病沒
者多遂至荒廢宜於沿街空土一方改建復宇號以居師生而
使病者處其後廂則人烟日盛求水火易生全者衆矣此亦行
南京工部體勘改建若有窒礙即宜停罷 上從其議七年御
史閻覲言黜陟幽明乃國家勸懲之典進賢退不肖實治道用
舍之公然幽者黜之而明者未陞則志士屈於下寮不肖者退

之而賢者未進則仁者未興於高位今天下之廣或抱兼理之才而終於郡邑或負超卓之行而老於令佐或有政事而困於教官或有廉能而淹於雜職薦賢之詔屢下自非勢利不得與其選者多矣宜令在京堂上官并給事中御史在外責之巡撫巡按有不行推訪及舉主徇私濫舉者罪之吏部以聞上從其言於是節旌別屬官助教馮瑤等奏請權之天順四年九年考滿加三品俸還任八年八月纂修 睿皇實錄改授太常寺少卿兼侍講學士充副總裁官節敘南雍十三年初陳敬宗以嚴毅為教晚年益加峻諸生有不堪者節一切反之以寬其始兩京士夫稱譽謂得體其後士風不古多戾規矩或以各節

國朝列卿紀

卷之二十

三十一

胡守志

節曰書云敬敷五教在寬而禮謂嚴師非師自嚴上之人嚴敬之也訖不變至是老成凋喪知典故者亡幾眾謂舉凡發例非得諸練者不可於是 召節乘傳赴闕改入翰林書成進本寺卿兼學士如故母王夫人年踰九十康健如少壯者節官南北奉以隨侍尋丁母艱服闋請京謝葬祭 恩引年致仕允之家居十有餘年謝絕世事娛情詩詞卒年八十有五節為人簡易質直信人不疑奉母至孝已巳之變條陳時政多切利病為文如其為人云

李泰字文通順天府香河縣人正統戊辰進士選庶吉士授編修景泰間遷左春坊司直郎兼編修再轉右中允 英廟復辟

改尚寶司丞兼編修既而侍 東官講讀轉侍讀成化改元陞侍講學士兼 經筵官尋侍 文華日講預修 英廟實錄二年錄成陞少詹事兼侍講學士未幾進詹事兼職如故五年卒年四十三 賜祭葬贈禮部侍郎詳詹事府

國朝列卿紀

卷之二十

三十一

胡守志

劉詡字叔溫山東青州府壽光縣人正統戊辰進士改庶吉士授翰林院編修景泰丙子修寰宇志成陞修撰天順二年陞右春坊右中允侍 東官講讀八年甲申 憲廟登極以舊僚陞太常寺少卿兼侍讀成化三年 英廟實錄成陞太常寺卿兼侍讀學士掌院事五年已丑主考會試十年陞吏部左侍郎十一年兼翰林院學士入閣詳內閣

周洪謨字堯弼四川叙州府長寧縣人自幼穎敏好學不倦侍父官長陽處諸子中卓然有名正統甲子領四川鄉試第一明年復占一甲進士第二授翰林院編修建言復提學憲臣以振作人才自是頗以好名見短於時景泰壬申陞左春坊贊善仍兼編修丙子修寰宇志成陞侍講天順戊寅進侍讀署南京翰林院事甲申 憲宗即位召修 英宗實錄改翰林院侍讀三年丁亥進侍讀學士洪謨以文為業然有志政務多所建白在翰林即勸 上勤經筵以講 聖學謹內治以敦政本復條十二事以進及蜀寇作與長寧鄰境稔知其出沒設禦備之術甚悉遂見擢而其地晏然本年陞南京國子祭酒累官禮部尚書

詳禮部

劉吉字祐之直隸保定府博野縣人號約菴正統戊辰進士選庶吉士授編修景泰元年庚午充 經筵官預修君鑑七年再修寰宇通志成陞修撰天順丁丑 英宗復位命祀漢文帝唐太宗諸陵已卯預修大明一統志庚辰鄭世子及涇陽王以事召至命侍講讀時 憲宗為皇太子因 命侍講讀於青宮癸未丁內艱成化元年修 英宗實錄起復至以舊官僚進侍講三年丁亥實錄成陞侍讀學士仍充 經筵官侍講讀 賜金帶等物五年己丑擢禮部右侍郎詳內閣

陳鑑字緝熙直隸長洲人正統戊辰進士授翰林編修景泰元

國朝列卿紀

卷之二十

三十三

張鳳

年代祀北鎮巫閭山還充 經筵講官七年遷修撰 英宗復

位奉使朝鮮天順四年同考試禮部明年預修大明一統志尋

選充 東宮講官六年壬順天鄉試丁母憂服闋遷侍讀修

英宗實錄成進侍讀學士成化四年壬應天鄉試明年奉詔教庶

吉士五年擢國子祭酒詳國子監

丘濬字仲深廣東瓊州府瓊山縣人景泰甲戌廷試為二甲第

一名及選庶吉士凡十八人濬居首 命讀書秘閣七年授翰

林院編修八年 憲宗登極充經筵官成化元年陞侍講 命

與修 英廟實錄十二年續修宋元綱目成陞翰林院學士掌

院事本年會祭酒缺會會議非濬不可乃陞祭酒詳內閣

徐溥字時用直隸常州府宜興縣人景泰甲戌進士及第第二

名授編修天順元年丁丑兼司經局校書侍東宮講讀成化紀

元遷左庶子兼侍講充 經筵官兼纂修 英宗實錄五年陞

翰林院學士尋丁憂十年甲午十月服闋至京陞詹事府少詹

事兼侍講學士十一年乙未主考禮部會試十三年七月以母

憂去十六年庚子陞太常寺卿兼學士掌院事十七年辛丑再

典會試陞禮部左侍郎詳內閣

孫賢字舜卿河間府杞縣人景泰甲戌進士第一授修撰預修

寰宇通志成轉侍講天順初改左中允侍 東宮講讀 憲宗

即位遷太常少卿兼侍讀成化庚寅預修 英宗實錄進太常

國朝列卿紀

卷之二十

三十四

蕭永

卿兼侍讀學士上疏請立 皇太子且引疾乞休示無希覬意

章竝上 上皆允之皇子立是為悼恭太子賢憤憤不樂而卒

年五十四贈禮部左侍郎兼翰林院學士謚襄敏

王獻字惟臣號退菴浙江杭州府仁和縣人天賦穎異幼知讀

書記誦日數百言不煩孰復即終身不忘十五學通經肆筆作

舉子程文十七領鄉書明年景泰辛未登進士第與狀元柯潛

等二十八人同進學東閣 賜居第給大官酒饌及膏紙費

命內閣大臣典領之蓋不別立師不出就外署一如永樂初科故

事獻感際遇益肆力於學工古文詞在同年中最號敏贍時獻

猶未娶吏部侍郎淳安項文耀見而奇之以女妻焉癸酉授編

修與修寰宇通志成陞修撰天順初乞歸省賜路費鈔踰年還朝命入內館授中貴人書癸未春同考會試會貢院火秋復試復為同考是科先後兩人簾不改命者惟獻一人丙戌修撰秩且滿父訃至即日 陞辭星行抵家治喪葬戚易兩至暇日與鄉人接恂恂謹厚無一毫早達貴侈之態人以爲難尋用薦起復之獻疏乞終制服闋陞左春坊左諭德兼修撰庚寅命充 經筵講官賜大紅織金襲衣束帶冠履辛卯再 賜大紅羅衣一襲是秋王考順天鄉試壬辰充 廷試讀卷官賜寶鏹千緡未幾陞翰林學士癸巳賜金帶本朝學士非典密務侍日講者皆不與是賜蓋異數也乙未掌院事復充廷試讀卷官賜寶鏹千緡

國朝列卿紀 卷之二十 三十五 劉大 四十九

縉丁酉 朝廷用儒臣議追崇 先聖禮樂遺獻祭告闕里比還適所嘗與修宋元通鑑成陞詹事府少詹事仍兼學士戊戌皇太子出閣命侍講讀於文華殿又命偕學士南昌謝一夔教庶吉士梁儲等於玉堂外署辛丑王考會試壬寅修文華大訓成陞太常寺卿仍兼學士掌院事甲辰丁未再充 廷試讀卷官復再賜寶鈔自入翰林三十有七年先後握院章十六年年已五十餘後進推爲先達爲人性度夷坦襟宇澄霽與人交洞見表裏爲人謀不擇利害嘗有同官最厚者卒而子勿家事爲一弟所持獻忿然不平乃拉二三僚友爲之處分不得逞因與大學士商輅有隙遂造爲無根之謗以誣之好事者從而煽之坐

是不啓樞筦屢要劇獻雖弗爲辯而亦不能釋然於懷卒之以此齟齬終身不克永年識者深惜之學通春秋三傳作詩文有奇氣好持論而切於用事作字亦飄逸類其爲人客至對奕終日其所自奉雖儉而供具必豐比遭謗則罕與人接遇親舊亦寡言初拜官時年方少而癯中歲漸豐腹比年乃更羸然如不勝衣蓋時已屬疾猶日侍朝供職相知者纔一再晨不見而獻已易簣卒年五十有四贈禮部左侍郎

楊守陳字惟新浙江寧波府鄞縣人景泰庚午舉浙江鄉試第一辛未舉進士被選改翰林庶吉士未幾丁父憂而祖父母相繼卒成化丁亥以考績陞侍講踰月實錄成陞司經局洗馬工

國朝列卿紀 卷之二十 三十六 劉大 四十九

辰遷侍講學士 孝宗出閣被選日侍講讀會文華大訓成陞詹事府少詹事詳吏部

彭華字彥實江西吉安府安福縣人生負異質年十九領鄉薦景泰甲戌會試第一登進士選爲翰林院庶吉士十七年修寰宇通志成授編修天順元年奉使 靖江王府還戊寅與修大明一統志以多支廩餼坐除名賴大學士李賢救免八年 憲宗嗣位入侍經筵成化三年丁亥 英廟實錄成以纂修校正功遷侍講四年戊子充講官五年己丑進日講八年壬辰擢侍讀學士攝詹事府事 賜金帶十三年修續資治通鑑綱目成遷翰林院學士 孝廟出講儲宮華首講大學尋掌院事十五年

用內閣萬安薦超擢詹事仍兼學士詳內閣

尹直字正言別號寒齋江西泰和縣人景泰甲戌進士改翰林

院庶吉士與修寰宇通志丙子五月除編修 憲宗御極充

經筵講官與修 英廟實錄已丑春祀四陵以 秀王王祭陪祀

官循舊分行直言往者兩大臣王祭故陪祀者可分 王今編

諸 四陵陪祭者尚可分耶禮官愕然從之壬辰陞侍講學士

所講必傳時政詞意誠懇 上每為感悟乙未陞禮部右侍郎

詳內閣

謝一夔字大韶江西南昌府新建縣人天順庚辰狀元除翰林

修撰同庶吉士讀中秘書由是所學益博而精 憲宗嗣統進

國朝列卿紀 卷之二十

三七

侍經筵被賞資預修 英廟實錄據事直書得史官體二年同

考會試及實錄書成陞左春坊左諭德加賜銀幣繼修續通鑑

綱目時預修者僅十有四人一夔分修元史凡所褒貶一依朱

子書法多正前史之謬十二年史成進 御覽陞翰林學士

賚有加尋命主考南畿鄉試鑒別精明得士最多嘗因辛卯甲

變上疏陳五事一正宮闈以端治本二親大臣以誨治道三開

言路以決壅蔽四慎刑獄以廣好生五戒妄奏以足財用言多

剴切 上怒責之十四年戊戌 皇太子出閣 詔簡侍講讀

庚子陞禮部右侍郎詳工部尚書

江朝宗字 四川巴縣人景泰辛未進士

成化 年遷司經局洗馬八年二月同禮部

左侍郎兼學士萬安主考會試取吳寬楊一清陳壽等十二年

陞侍讀學士十四年 皇太子出閣簡侍講讀八月權豎汪而

以訶察執朝宗及都御史牟俸等下獄以嘗有事囑俸調廣東

市舶司提舉

李永通字 四川長寧人天順庚辰榜眼授編修成化 年

陞侍講十八年陞侍講學士本年卒

倪岳字舜咨應天府上元縣人天順甲申登進士入翰林為庶

吉士授編修預修 英廟實錄秩滿陞侍讀選充 經筵講官

被 命編緝文華大訓時翰林預者三四人而已書成進翰林

國朝列卿紀 卷之二十

三八

院學士選侍 皇太子講讀遂拜禮部右侍郎累官吏部尚書

詳吏部

焦芳字孟陽河南南陽府泌陽縣人天順甲申進士改庶吉士

成化元年授翰林院編修十年 本院侍講十九年歷侍讀學

士時太宰尹旻在吏部久 權勢所趨又子龍為侍講遂深相結

納以濟南人且席其勢要市於人為清議所斥二十二年尹敗

大學士萬安惡之坐比尹降桂陽州同知弘治初年遷霍州知

州歷四川湖廣提學副使五年上疏奏辯請雪其愆陞南京右

通政本年丁憂八年補原職再以憂去十一年起復召入為太

常寺卿兼侍講學士十二年陞禮部右侍郎累官內閣少師詳

內閣

李東陽字賓之湖廣長沙府茶陵州人天順甲申進士選為庶吉士成化元年授編修三年與修實錄十年陞侍講十九年癸卯進侍講學士二十年充東宮講讀官二十二年丙午主考順天鄉試尋丁憂弘治二年已酉起復遷左庶子兼侍講學士四年辛亥預修憲廟實錄成陞太常寺少卿仍兼前職掌翰林院事充日講官癸丑主考會試得汪俊為第一七年甲寅擢禮部右侍郎兼侍讀學士典誥勅八年乙卯命兼文淵閣大學士預機務詳內閣

國朝列卿紀

卷之二十

三十九

傳元

李傑字世賢直隸蘇州府常熟縣人成化丙戌進士選為庶吉士四年授編修十三年轉侍讀乙巳充東宮講讀官二十一年進侍讀學士弘治元年遷左庶子仍兼前職四年辛亥陞南京國子祭酒本年守制八年服闋改太常卿兼侍讀學士掌院事十三年庚申擢南京禮部侍郎餘詳禮部

汪諧字伯諧浙江仁和人天順庚辰進士歷右庶子成化二十三年孝宗即位以侍從恩陞少詹事兼侍講學士掌院事詳詹事

傅瀚字曰川江西臨江府新喻縣人天順甲申進士改庶吉士授檢討進修撰成化間孝宗出閣命兼司經局校書左諭德兼檢討充經筵講官及東宮講讀官孝宗嗣位以舊學

恩進太常少卿兼侍讀仍充經筵講官兼日講四年憲廟實錄成進太常卿兼侍講學士掌院事八年十一月遷禮部右侍郎累官禮部尚書詳禮部

董越字尚矩江西贛州府寧都縣人成化己丑進士及第一名授編修十五年轉侍讀甲辰二十年選侍東宮講讀充經筵講官弘治改元遷右庶子兼侍讀孝宗登極詔使朝鮮宣布德意却其餽遺有賦以紀其國俗弘治三年預修憲廟實錄成陞太常寺少卿兼侍講學士充日講官六年擢南京禮部右侍郎累官南京工部尚書卒贈太子少保謚文僖詳南京工部

國朝列卿紀

卷之二十

四十

薛洪

程敏政字克勤直隸休寧縣人成化丙戌科第一甲第二人授翰林院編修同修英宗實錄己丑春同考禮部貢舉時欲刊布大明一統志洪武正韻資治通鑑綱目皆同校勘書成遷左春坊左諭德乙未春廷試進士充受卷官俄詔侍講經筵尋兼皇太子讀講未幾丁喪憂服闋入朝丙午秋主考南京鄉試丁未孝廟踐祚叙進官臣遷詹事府少詹事兼翰林院侍讀學士充日講官尋致仕弘治七年召遷任朱幾擢太常寺卿仍兼侍讀學士掌院事兼修玉牒累官詹事府禮部侍郎兼學士詳詹事府

王鏊字濟之直隸蘇州府吳縣人成化甲午應天鄉試第一乙

未會試復第一入奉 廷對衆望翕然執政忌其文乃置一甲
第三授編修九載陞侍講 憲廟實錄成陞右諭德尋晉侍講
學士兼日講官時 東宮將出閣大臣請選正人以端國本首
薦鏊以本官兼諭德尋陞少詹事兼侍講學士詳內閣
楊守卮字惟立號碧川浙江寧波府鄞縣人成化戊戌賜進士
及第第二入授翰林院編修辛丑充廷試彌封官 賜寶鏹丁
未滿九載李孜省中傷之出爲南京翰林院侍讀至則署院事
時守陳方署翰林事士論以兄弟俱發解第一又南北分典詞
垣爲斯文盛事弘治改元戊申 孝宗御極召還翰林纂修
憲廟實錄已酉充 經筵官敷對明暢義歸於正且極言進君子
國朝列卿紀 卷之二十 四十一

遷學士十六年進少詹事兼學士充日講累官吏禮二部南京
兵部尚書詳南京兵部
白鉞字秉德直隸真定府南宮縣人成化甲辰舉禮部廷試第
二人及第授翰林院編修弘治戊申同修 憲廟實錄以內艱
去癸丑同考禮部丙辰秩滿選侍讀已未充經筵講官壬戌復
同考禮部 武宗在春宮充講讀官癸亥修 大明會典成進
侍講學士賜宴禮部尋命與修歷代通鑑纂要甲子考南畿鄉
試乙丑以 登極恩進學士加從四品俸充日講官 賜紗帽
鞞靴諸物正德丙寅開 經筵賜白金綵幣 車駕視太學
賜坐蓐倫堂丁卯 命教庶吉士署掌院事擢禮部右侍郎詳詹
事府
國朝列卿紀 卷之二十 四十二

江瀾字文淵浙江仁和县人成化戊戌登進士第改翰林院庶吉士讀中秘書學日益裕未幾丁父憂服闋除編修丁未充廷試受卷官戊申 孝廟登極詔同修 憲廟實錄筆削惟公凡寶訓皆所校正庚戌充 廷試掌卷官尋充 經筵展書官辛卯實錄成進侍讀 賜宴及白金彩幣壬子充經筵講官每進講必正容殫慮以沃 聖心癸丑同考官試秉公校閱時稱得士乙卯王考應天鄉試校閱尤精丁巳 簡充 東宮講官日惟靖恭輔導尋修 大明會典凡制度品式擗撫精詳庚申九載考績陞侍讀學士尋丁母憂壬戌會典成陞學士 賜宴并楮幣千緡未幾修通鑑纂要一以春秋綱目為準凡切於治道

國朝列卿紀 卷之二十一 四十五 張文言

人才者論斷精確是秋 武宗在東宮長髮以講讀官特賜白金文綺甲子王考順天鄉試夙夜校閱得士視應天尤盛乙丑武宗嗣位以從龍恩擢詹事府少詹事仍兼學士修 孝廟實錄丙寅五月命掌翰林院事凡輿隸均分寮案時論議之十月陞吏部侍郎詳南京禮部尚書

武衛字 山東沂水人成化戊戌進士改庶吉士歷 弘治十三年遷侍講學士十五年任學士開任 王華字德輝浙江紹興府餘姚縣人成化辛丑狀元授官翰林院修撰甲辰廷試進士為彌封官丁未充會試同考官弘治改元與修 憲廟實錄充 經筵官己酉秋滿九載當遷聞竹軒

疾即移病不出癸丑服滿陞右春坊右諭德充 經筵講官嘗進勸學疏 上然其言自是御講日數丙辰三月 特命為日講官賜金帶四品服四月以選正人端國本公卿會舉為 東宮輔導戊午三月又 命兼 東宮講讀於是 眷賜日隆足歲奉 命主順天鄉試辛酉又奉 命主應天鄉試壬戌陞翰林院學士從四品休尋 命效庶吉士魯鐸等繼又 命纂修大明會典踰年書成陞詹事府少詹事兼翰林院學士累官南京吏部尚書詳南京吏部

張元禎字廷祥江西南昌縣人天順己卯占江西鄉試明年推進士時 詔北人為庶吉士南方止三人江西惟元禎文名欵

國朝列卿紀 卷之二十一 四十六 張文言

起久之授編修己酉 命主考應天鄉試四年實錄成陞南京翰林院侍講學士本年又乞歸養母家居又九年十二年修 大明會典 召為副總裁至則陞翰林學士侍 經筵日講時 孝宗雅意向用特為低几就聽之旋以母憂去十五年服闋擢南京太常卿十六年修歷代通鑑纂要又 召為副總裁至則改太常卿兼翰林學士掌院事仍侍 經筵日講并侍 東宮講讀十七年 命掌詹事府事管內閣 誥勅累官吏部左侍郎詳詹事府

劉忠字司直河南開封府陳留人成化戊戌進士授翰林編修性峻少通行方寡合一介不苟在翰林歷侍講幾三紀始拜侍

讀學士十八年進翰林學士掌院事正德二年為講官每附經義規 上缺失及諷時政不得在內傳 旨陞南京禮部侍郎詳內閣

劉春字仲仁四川巴縣人成化癸卯鄉試第一丁未進士及第授編修弘治辛亥轉修撰庚申充 東官講讀官秩滿遷左諭

德癸亥預修會典進侍講學士正德紀元陞翰林院學士二年掌院事辛未擢吏部侍郎充 經筵日講官累官禮部尚書兼

學士典 誥勅掌詹事府事詳詹事府

吳儼字克溫直隸常州府宜興縣人成化丁未進士選庶吉士授編修丙辰充 經筵講官 武宗出閣兼司經局校書庚申

國朝列卿紀

卷之二十

四十五

五

轉左中允辛酉進侍講學士掌南京翰林院事正德丙寅召修

孝廟實錄充

經筵日講官兼修

玉牒丁卯典順天鄉試時逆

瑾恃寵招權儼於第二場以為臣不易命題瑾心已惡之會儼

擅娶經選掖庭女子瑾益震怒是歲朝 覲考覈傳旨罷之五年

年瑾誅復侍講學士六年擢南京禮部右侍郎詳南京禮部

張芮字文卿山西平陽府安邑縣人成化戊戌進士選入庶吉

士授檢討弘治初預修 憲廟實錄暨會典正德初復修 孝

宗實錄轉修撰三年進侍講學士芮見逆瑾長揖不拜瑾恚之

以憂歸所居近河南運司鹽商有訐奏者詞連及芮時劉瑾方

欲以事裁抑儒臣遂坐累出為鎮江府同知四年再謫兩浙鹽

運司副使本年遷處州府同知瑾誅始入為南京尚寶司卿六年進南京太常寺卿十年陞南工部侍郎未任致仕芮為人朴實其處僚友無忤害心然性嗜酒終日酣酣於種學績文非其好云

蔣冕字敬之廣西全州人成化丁未進士授編修弘治庚申遷

右中允乙丑修通鑑纂要轉右諭德兼侍講正德丁卯進侍講

學士庚午主考應天鄉試辛未陞少詹事兼侍讀學士詳內閣

靳貴字道充直隸丹徒縣人弘治庚戌進士授編修丙辰

太子將出閣以尚書侶鍾薦兼司經局校書 孝廟幸講所特

加獎異賜文綺玳帶庚申進春坊右中允癸亥會典成進左諭

國朝列卿紀

卷之二十

四十六

六

德兼侍講貴每侍講筵敷奏雍容儀觀修偉 武宗登極以舊

學進太常少卿兼侍讀充日講是歲丁內艱給驛歸治葬戊辰

服闋還職尋掌翰林院授庶吉士業進禮部右侍郎詳內閣

楊時暢字知休陝西咸寧縣人戶部尚書鼎之子也成化戊戌

進士選庶吉士授檢討弘治紀元預修 憲宗實錄三年轉修

撰充 經筵講官九年改右贊善十二年秩滿遷左諭德預修

會典正德三年進侍講學士續修 玉牒四年擢太常少卿兼

職如故尋卒於官李文正公銘其墓有曰經業有門周彖義又

史法有傳鉞貶華褒講幄敷陳藝苑甄擇有一於斯皆公道則

有笏堆床有里鳴珂仲叔之間孰與伯多

毛澄字憲清直隸太倉州人弘治癸丑進士授庶吉士弘治二年

授中書右侍郎兼翰林院學士五年陞戶部尚書

同考乙丑會試 武廟即位進左諭德兼侍講 賜金

帶正德元年丁憂四年服闋進左諭德兼侍講 賜金

孝廟實錄庶侍讀學士充日講官尋陞翰林院學士五年陞戶

部右侍郎兼內閣

傅璉字邦瑞直隸清河人成化丁未進士選庶吉士弘治二年

年授庶吉士內閣直學士尋授兵部主事父憂服滿仍原除九年同

考本歲尋為 經筵講官及致內書館十三年兼司經局校

書兼修會典成陞表坊左中允兼編修賜金幣十八年同考會

試本年陞左諭德兼侍讀經筵講官賜金幣十八年同考會

修 孝宗實錄清軍機貼黃二年壬考應天鄉試三年壬考

武舉咸稱得人四年致庶吉士進日講官會實錄成於營進秋

逆瑾以會典事詔降修撰尋以實錄恩陞中允未幾修撰學

士五年陞學士主考順天俄陞吏部右侍郎詳禮部尚書

毛澄字憲清直隸太倉州人弘治癸丑進士授庶吉士弘治二年

會試已未預修會典成於營進秋 逆瑾以會典事詔降修撰尋

子侍 東宮充講讀官致奏明賜 孝宗問之喜撤去秋

之乙丑陞左庶子兼侍讀學士充日講官尋陞翰林院學士五年陞戶

所國學所授漢誅復原官庚午進侍講學士典試順天九月

署國子監事辛未充讀卷官擢學士充日講官壬申掌院事致

庶吉士甲戌壬考會試尋陞吏部右侍郎詳禮部尚書

徐穆字彝和江西吉安府吉水縣人弘治癸丑進士授編修

顧清字子澹直隸華亭縣人弘治癸丑進士選庶吉士授編修

與修大明會典丙辰巳未連同考試癸亥丁內艱以會典成進

侍讀正德初與修 孝廟實錄雋芳以風聞欲誣彭文思附李

孜省得進清不聽雋不能強中官蔣琮誣逐臺諫章疏雜有

與觸逆瑾欲節畧者清不為動盡載其實丁卯壬考南畿充

國朝列傳紀 卷之二十

經筵講官每進講必稽古兼規諷辭旨剴直逆瑾竊柄清抗不為

禮鄉人張文冕用事清絕不與通戊辰丁憂巳巳瑾矯詔以會

典事降編修調南兵部車駕司員外以憂未赴庚午瑾誅還侍

讀辛未陞侍讀學士兼修玉牒甲戌壬考武舉乙亥掌院事同

輔臣照例考察有文綺之賜十一年秩滿進奉直大夫尋陞少

詹事詳禮部尚書

吳一鵬字南夫直隸長洲縣人弘治癸丑進士選庶吉士授編

修 陞侍講調南京刑部 司員外轉南京禮部

司郎中尋復侍講正德七年陞侍讀學士八年陞南京國子

監祭酒十年陞南京太常寺卿詳南京吏部尚書

國朝列卿紀卷之二十一

兼學士兼講讀學士年表

黃子澄 江西分宜人洪武三十三年以太常卿兼學士

習嘉言 江西新喻人正統十四年以詹事兼侍講學士

江淵 四川江津人正統十四年以戶部右侍郎兼學士入閣景泰三年加太子少師仍兼

王一寧 浙江仙居人景泰元年以禮部左侍郎兼學士入閣景泰三年加太子少師仍兼

蕭鉉 江西泰和人景泰二年以戶部右侍郎兼學士入閣七年加尚書仍兼

王文 直隸東莞人景泰三年以吏部尚書兼學士入閣

徐有貞 直隸吳縣人天順元年以左副都兼學士入閣

許彬 山東寧陽人天順元年以禮部右侍郎兼學士入閣

薛瑄 山西河津人天順元年以禮部右侍郎兼學士入閣

李賢 河南南陽人天順元年以吏部右侍郎兼學士入閣

彭時 江西安福人天順元年以太常寺少卿兼學士入閣八年遷吏部右侍郎仍兼

陳文 江西廬陵人天順二年以詹事兼學士七年以禮部右侍郎兼入閣歷吏部左侍郎禮部尚書仍兼

劉健 河南洛陽人成化二十三年以禮部右侍郎兼學士入閣


陸簡 直隸武進人進士弘治三年以少詹事兼侍讀學士遷詹事仍兼

費閻 直隸丹徒人成化己丑進士弘治三年以詹事兼侍讀學士

吳寬 直隸長洲人弘治三年以少詹事兼侍講學士十年吏部左侍郎兼學士十六年禮部尚書仍兼

謝遷 浙江餘姚人弘治四年以少詹事兼侍講學士八年陞詹事兼學士

張昇 江西南城人弘治七年以少詹事兼侍讀學士



楊廷和 四川新都人弘治十六年以左春坊大學士兼侍講學士十八年少詹事兼學士正德元年以詹事兼學士

李遜學 河南上蔡人正德十三年以禮部尚書兼學士掌詹事府

賈詠 河南臨潁人進士嘉靖三年以吏部左侍郎兼學士掌詹事府

霍韜 廣東南海人進士嘉靖五年以兵部主事陞少詹事兼侍講學士六年以詹事兼學士遷禮部尚書仍兼

黃綰 浙江黃岩人嘉靖六年以少詹事兼侍講學士七年陞詹事兼學士

崔銑 河南安陽人弘治乙丑進士嘉靖八年以少詹事兼侍讀學士

夏言 江西貴溪人進士嘉靖十年以禮部左侍郎兼學士遷禮部尚書仍兼

孫承恩 直隸華亭人進士嘉靖十八年以少詹事兼侍讀學士禮部左右侍郎仍兼二十四年以吏部左侍郎兼學士

王用賓 陝西咸寧人進士嘉靖二十六年以少詹事兼侍讀學士三十三年以禮部尚書兼學士改南吏仍兼

歐陽德 江西泰和人進士嘉靖二十七年以禮部左侍郎兼學士遷吏部左侍郎禮部尚書仍兼學士

程文德 浙江永康人進士嘉靖三十二年以吏部左侍郎兼學士尋奪職

李默 福建臨寧人進士嘉靖三十三年以吏部尚書兼學士

茅瓚 浙江仁和人狀元嘉靖三十三年以禮部右侍郎兼侍講學士三十八年陞禮部左侍郎兼學士

李璣 江西豐城人嘉靖三十四年以吏部右侍郎兼學士掌詹事府

高儀 浙江錢塘人進士嘉靖四十年以禮部尚書兼學士

趙貞吉 四川內江人隆慶元年以吏部左侍郎兼學士遷禮部尚書仍兼

潘晟 浙江新昌人進士隆慶元年以吏部左侍郎兼學士歷禮部尚書仍兼任

馬自強 陝西同州人進士隆慶五年以少詹事兼學士遷吏部左侍郎禮部尚書仍兼

呂調陽 見內閣隆慶五年以吏部左侍郎兼學士掌詹事府事遷禮部尚書仍兼任

國朝列卿紀 卷之二十一

陸樹聲 直隸華亭人進士隆慶六年

王希烈 江西南昌人進士萬曆元年

汪鏜 浙江鄞縣人進士萬曆二年以禮部左侍郎

林士章 福建漳浦人進士萬曆二年

姚洪謨 浙江秀水人進士萬曆三年以禮部右侍郎

呂旻 福建尤溪人進士萬曆五年

許國 直隸欽縣人進士萬曆八年以詹事兼侍講

周子義 直隸無錫人進士萬曆十年以禮部右侍郎

陳經邦 福建莆田人進士萬曆十一年

高啟愚 四川銅梁人進士萬曆十一年以禮部

王弘誨 廣東定安人進士萬曆十二年以禮部右

趙志臯 浙江蘭谿人探花萬曆十五年

田一儁 福建大田人進士萬曆十六年

黃鳳翔 福建晉江人進士萬曆十七年

韓世能 直隸長洲人進士萬曆十八年

趙用賢 直隸江陰人進士萬曆十八年

盛訥 陝西定遠人進士萬曆十九年

國朝列卿紀卷之二十二

南京翰林院掌院事年表

陳全 福建長樂人永樂丙戌榜眼十九年以

張伯隸 江西吉水人洪武甲子鄉舉永樂十九年

周孟簡 江西吉水人永樂甲申探花二十一年以詹事府

陳用 福建莆田人永樂辛卯進士宣德元年以檢討署院事

曾鶴齡 江西泰和人永樂辛丑狀元正統三年

自八年至十一年俱為自守印

周叙 江西吉水人永樂戊戌進士正統十二年以

邢寬 直隸無為人永樂甲辰狀元景泰三年

王檉 江西泰和人舉儒士景泰五年

周洪謨 四川長寧人正統乙丑進士天順二年

王輿 直隸武進人景泰辛未進士成化元年授南

陳秉中 浙江烏程人天順丁丑探花成化

錢溥 直隸華亭人正統己未進士成化九年以侍

徐瓊 江西金谿人天順丁丑進士成化十二年以侍讀

楊守陞 浙江鄞縣人成化戊戌榜眼二十

吳希賢 福建莆田人天順甲申進士成化二十

陳音 福建莆田人天順甲申進士弘治

張元禎 江西南昌人天順庚辰進士弘

曾	馬廷用	吳儼	石珪	豐熙	羅欽順	陳霽	賈詠	黃瀾	吳一鵬	嚴嵩	郭維藩	何瑋	吳惠	費來	王教	孫承恩	鄒守益	黃佐	華察
江西泰和人成化戊戌狀元弘治七年以侍講學士掌院事	四川西充人成化戊戌進士弘治十一年以侍讀學士署院事	直隸宜興人成化丁未進士弘治十五年以侍講學士署院事	隴南院侍講學士四年陞南京祭酒	浙江鄞縣人弘治己未榜眼正德四年以右諭德署院事	江西泰和人弘治癸丑進士正德九年以侍講學士掌院事	直隸吳縣人弘治丙辰進士正德九年授南院侍講學士本年丁憂詳國子監祭酒	河南臨潁人弘治丙辰進士正德九年授南院侍講學士掌院事	福建莆田人弘治癸丑進士正德十二年以侍講學士掌院事十五年致仕	直隸長洲人弘治癸丑進士正德十六年以侍講學士掌院事	江西分宜人弘治乙丑進士正德十六年以侍講學士掌院事詳內閣	河南儀封人正德辛未進士嘉靖四年以侍講學士掌院事詳翰林院	河南懷慶衛籍弘治壬戌進士嘉靖五年以南院侍講學士掌院事詳南京都察院右都	浙江鄞縣人正德辛未進士嘉靖六年以侍講學士掌院事詳國子監太常寺卿	江西鉛山人正德辛未進士嘉靖九年以右庶子兼侍講學士掌院事詳禮部尚書	河南祥符人嘉靖癸未進士十二年以左諭德兼侍讀署院事詳兵部侍郎	直隸華亭人正德辛未進士嘉靖十六年以侍讀學士掌院事詳禮部尚書	江西安福人正德辛未進士嘉靖十九年以太常寺少卿兼侍讀學士掌院事詳國子監祭酒	廣東香山人正德辛巳進士嘉靖二十一年以侍讀學士掌院事詳少詹事	直隸無錫人嘉靖丙戌進士二十三年以侍讀學士掌院事二十四年考察致仕

國朝列卿紀 卷之二十二

二

李本	呂懷	吳山	敖銑	王維楨	沈坤	全元立	高儀	汪鏜	陸樹聲	姜金和	萬浩	陶大臨	王錫爵	余有丁	范應期	戴洵	王弘誨	黃鳳翔	趙志昂
浙江餘姚人嘉靖壬辰進士二十四年以右中允兼司業署院事詳內閣	江西永豐人嘉靖壬辰進士二十五年以右中允兼司業署院事詳南太僕寺少卿	江西高安人嘉靖乙未進士二十八年以右庶子兼侍讀署院事詳禮部尚書	江西高安人嘉靖乙未進士三十年以右庶子兼侍讀署院事詳太常卿掌國子祭酒	陝西華州人嘉靖乙未進士三十一年以右諭德署院事詳南國子祭酒	直隸大河衛人嘉靖辛丑狀元三十三年以右庶子署院事詳南國子祭酒	浙江鄞縣人嘉靖乙未進士三十五年以侍講學士署院事詳南工部右侍郎	浙江錢塘人嘉靖辛丑進士三十八年以侍講學士署院事詳禮部左侍郎	浙江鄞縣人嘉靖丁未進士四十一年以右中允署院事四十二年陞右諭德	直隸華亭人嘉靖辛丑會元進士四十二年以右諭德署院事	江西鄱陽人嘉靖庚戌探花四十二年以右諭德署院事	江西進賢人嘉靖癸丑進士嘉靖二年以右諭德署院事	浙江會稽人嘉靖丙辰榜眼隆慶四年以侍講學士掌院事五年陞南國子祭酒	直隸太倉州人嘉靖壬戌榜眼隆慶五年以右諭德署院事六年陞右春坊兼侍讀	浙江鄞縣人嘉靖壬戌探花萬曆元年以左庶子掌院事本年陞南國子祭酒	浙江烏程人嘉靖乙丑狀元萬曆三年以右諭德掌院事本月丁憂八年以原官仍掌院事十年調用	浙江奉化人嘉靖乙丑進士萬曆七年以右諭德掌院事八年陞南國子祭酒	廣東定安人嘉靖乙丑進士萬曆十年以右諭德掌院事十一年陞南國子祭酒	福建晉江人隆慶戊辰榜眼萬曆十一年以右諭德掌院事十二年陞南國子祭酒	浙江蘭谿人隆慶戊辰探花萬曆十二年三月以右諭德掌院事本年十月改左諭德兼侍讀

國朝列卿紀 卷之二十三

三

高儒

田一儁 福建大田人隆慶戊辰進士萬曆十二年十月以右諭德掌院事十四年八月陞左諭德兼侍讀

習孔教 江西廬陵人隆慶戊辰進士萬曆十四年以右諭德掌院事

余孟麟 應天江寧籍祁門人萬曆甲戌榜眼十七年以侍讀學士掌院事

國朝列卿紀

卷之二十二

四

高

南京翰林院學士附署印行實

陳全字 福建長樂縣人永樂丙戌榜眼授翰林編修十九年以侍講署院事宜德元年卒於官

張伯隸字 江西吉水人洪武甲子鄉舉永樂十九年以修撰同陳全署院事二十一年卒於官

周孟簡名偉 江西吉水人永樂甲申探花二十一年以詹事府丞暫署院事二十二年出為襄府長史後卒於官

陳用字 福建莆田人永樂辛卯進士官德元年以檢討署院事二年陞修撰正統五年陞侍講仍署院事七年丁憂卒於家

國朝列卿紀

卷之二十三

五

上

曾鶴齡字延年 江西泰和人永樂辛丑狀元正統三年以侍講學士掌院事五年卒

自八年至十一年俱孔目守印

周叙字功叙 江西吉水人永樂戊戌進士正統十二年以侍讀署院事十三年陞侍講學士仍掌院事景泰三年召北詳北翰林

邢寬字 南直隸無為人永樂甲辰狀元景泰三年以侍講學士掌院事五年卒於官

王橫字 江西泰和人舉儒士景泰五年以檢討署院事天

順二年丁憂

周洪謨字堯弼四川長寧人正統乙丑進士天順二年以侍讀署院事成化元年召北院詳禮部尚書

王儼字廷貴南直隸武進人景泰辛未進士任左春坊左庶子成化元年授南京翰林院學士四年丁憂詳南京吏部尚書

陳秉中字 浙江烏程人天順丁丑探花成化四年以侍講掌院事八年卒於官

錢溥字源博直隸華亭人正統己未進士成化九年以侍讀學士掌院事十二年陞南京吏部右侍郎詳南京吏部尚書

徐瓊字時庸江西金谿人天順丁丑進士成化十二年以侍讀陞南京翰林院侍讀學士掌院事二十三年陞南京太常寺卿

國朝列卿紀

卷之二十二

六

王貴

掌國子監詳禮部尚書

楊守陟字惟立浙江鄞縣人成化戊戌榜眼任編修二十三年任南京翰林院侍讀署院事詳南京吏部尚書

吳希賢字 福建莆田人天順甲申進士成化二十三年陞南京翰林院侍讀學士掌院事弘治二年卒於官

陳音字師召福建莆田人天順甲申進士改庶吉士授編修成化十三年陞侍講十九年陞南太常寺少卿弘治二年以南京

太常寺少卿署院事六年進南京太常寺卿七年卒於官張元禎字廷祥江西南昌人天順庚辰進士任左春坊左贊

弘治四年以侍講學士掌院事本年乞歸養母詳詹事府

曾彥字士美江西泰和人成化戊戌狀元弘治七年以侍講學士掌院事十年致仕

馬廷用字良佐四川西充人成化戊戌進士弘治十年以侍讀學士掌院事詳南京禮部右侍郎

吳儼字克溫直隸宜興人成化丁未進士弘治十四年以侍講學士掌院事詳南京禮部尚書

石瑋字邦彥直隸藁城人成化丁未進士任修撰正德元年陞南院侍講學士十四年陞南京祭酒詳內閣

豐熙字 浙江鄞縣人弘治己未榜眼正德四年以右諭德署院事八年丁憂陞翰林院學士

國朝列卿紀

卷之二十二

七

尚

吳一鵬字南夫直隸長洲人弘治癸丑進士正德六年以侍講署院事詳禮部南京吏部尚書

羅欽順字允升江西泰和人弘治癸丑進士正德九年以南京太常寺卿掌院事十年陞南吏部右侍郎

陳霖字 直隸吳縣人弘治丙辰進士正德九年授南院侍講學士丁憂十二年復除侍講學士本年陞國子監祭酒

賈詠字鳴和河南臨潁人正德六年任左春坊左中允九年授南院侍讀學士十一年拜南監祭酒詳內閣

黃瀾字 福建莆田人弘治癸丑進士正德十年任國子監司業十二年以南院侍講學士掌院事十五年致仕

嚴嵩字惟中江西分宜人弘治乙丑進士正德十六年以侍講學士署院事詳內閣

郭維藩字河南儀封人正德辛未進士嘉靖四年以侍講學士掌院事十年陞翰林院侍讀學士十二年卒

何瑋字粹夫河南懷慶衛籍弘治壬戌進士嘉靖五年以南京太常寺少卿署院事詳南京都察院右都

吳惠字浙江鄞縣人正德辛未進士嘉靖六年以侍講署院事八年改翰林院詳國子監太常寺卿

費采字子和江西鉛山人正德辛未進士歷南京尚寶司卿嘉靖九年以右庶子兼侍講學士掌院事詳禮部尚書

王教字庸之河南祥符人嘉靖癸未進士十二年以左諭德兼侍讀署院事詳南京兵部右侍郎

孫承恩字直隸華亭人正德辛未進士嘉靖十六年以侍讀學士掌院事詳禮部尚書

鄒守益字謙之江西安福人正德辛未進士授編修謫廣德州判陞南禮部主客司郎中嘉靖十八年起司經局洗馬兼侍讀

十九年以太常寺少卿兼侍讀學士掌院事本年改南京國子監祭酒二十年自陳致仕

黃佐字才伯廣東香山人正德辛巳進士嘉靖二十一年以侍讀學士署院事詳少詹事

國朝列卿紀

卷之二十二

八

四

華察字子潛直隸無錫人嘉靖丙戌進士二十三年以侍講學士掌院事二十四年考察致仕

李本字汝立浙江餘姚人嘉靖壬辰進士改庶吉士二十年任南國子司業二十四年以右中允兼司業署院事五月改左中

允仍掌院事二十七年陞南國子監祭酒詳內閣

呂懷字汝德江西廣信府永豐人嘉靖壬辰進士改庶吉士授科給事中改司直三十四年陞南監司業二十五年以右中

允兼司業署院事二十九年陞南通政司右叅議三十一年陞南京太僕寺少卿

吳山字曰靜江西高安人嘉靖乙未進士二十八年以右庶子兼侍讀署院事詳禮部尚書

敖銑字純之江西高安人嘉靖乙未進士三十年以右庶子兼侍讀署院事詳太常寺卿掌國子監祭酒

王維楨字九寧陝西華州人嘉靖乙未進士歷修撰三十一年以右諭德署院事三十四年陞南京國子監祭酒

沈坤字伯載北直隸大河衛人嘉靖辛丑狀元授翰林修撰陞右諭德二十三年以右庶子署院事三十五年陞南京國子監祭酒

全元立字汝禮浙江鄞縣人嘉靖乙未進士三十五年以侍講學士署院事詳南京工部右侍郎

國朝列卿紀

卷之二十三

九

三

高儀字子象浙江錢塘人嘉靖辛丑進士三十八年以侍講學士署院事四十二年陞太常寺卿掌國子監事四十三年陞禮部右侍郎四十四年陞左

汪鏗孫字振宗浙江鄞縣人嘉靖丁未進士四十一年以右中允署院事四十二年陞右諭德

陸樹聲字與吉直隸華亭人嘉靖辛丑會元進士四十二年以右諭德署院事

姜金和字節之江西都陽人嘉靖庚戌探花授編修三十七年陞侍讀四十二年以右諭德署院事

萬浩字...江西進賢人嘉靖癸丑進士...隆慶

國朝列卿紀 卷之二十二

十

劉汝忠

二年以右諭德任

陶大臨字虞臣浙江會稽人嘉靖丙辰榜眼隆慶四年以侍讀學士掌院事五年陞南京祭酒十月陞少詹事兼侍讀學士六年陞詹事

王錫爵字元馭直隸太倉州人嘉靖壬戌榜眼隆慶五年以右諭德掌院事六年陞右春坊兼侍讀萬曆二年陞國子監祭酒三年陞少詹事兼侍讀學士掌院事

余有丁字丙仲浙江鄞縣人嘉靖壬戌探花萬曆元年以左庶子掌院事本年陞南京國子監祭酒

范應期字伯禎浙江烏程人嘉靖乙丑狀元萬曆五年以右諭

德掌院事本年丁憂八年以原官仍掌院事十年調南京刑部

司員外

戴洵字汝誠浙江奉化人嘉靖乙丑進士萬曆七年以右諭德掌院事八年陞南京國子監祭酒

王弘誨字紹傳廣東定安人嘉靖乙丑進士萬曆十年以右諭德掌院事十一年陞南京國子監祭酒

黃鳳翔字...福建晉江人隆慶戊辰榜眼萬曆十一年以右諭德掌院事十二年陞南京國子監祭酒

趙志臯字...浙江蘭谿人隆慶戊辰探花萬曆十二年三月以右諭德掌院事本年十月改左諭德兼侍讀

國朝列卿紀 卷之二十二

十一

劉汝忠

田一儁字...福建大田人隆慶戊辰進士萬曆十二年十月以右諭德掌院事十四年八月陞左諭德兼侍讀

習孔教字...江西廬陵人隆慶戊辰進士萬曆十四年以右諭德掌院事

余孟麟字伯祥應天江寧籍祁門人萬曆甲戌榜眼十七年以侍讀學士掌院事

國朝列卿紀卷之二十二 終

國朝列卿紀卷之二十三

六部尚書總叙

夫尚書之置非古也秦變周法天下之事皆決丞相府置尚書於禁中有令丞掌通章奏而已漢初因之職屬少府自武帝遊燕後庭特用宦者至宣元之後稍以委任於是弘恭石顯相繼為中書令專權邪僻三公特受成事而已成帝時始置尚書五人一人為僕射四人為四曹曰常侍曹二千石曹民曹客曹後又置三公曹是為五曹及後漢光武親總吏職天下事皆上尚書與人主參決乃下三府尚書令為端揆之官又分為六曹凡庶務皆會而決之然尚書雖有曹名不以號追靈帝以侍中梁

國朝列卿紀

卷之二十三

一

庶務

為選部尚書而曹名始見以後職權益重部分日詳魏有吏部左民客曹五兵度支五尚書晉有吏部三公客曹駕部屯田度支六尚書渡江以來定為吏部祠部五兵左民度支凡五尚書歷宋齊梁陳又加都官凡六尚書類隨宜建置無有常典惟隋制準為吏戶禮兵刑工六部尚書歷唐宋相因不改然較之周官六典猶有未盡協者蓋周典六卿分職不相混壓而隋唐宋則為尚書省之屬官故結銜云尚書某部某官其稱尚書者省名也 國初因前代之制置中書省設左右丞相等官天下政事皆由之而出其屬有四部分治錢穀禮儀刑名營造之務洪武元年始置吏戶禮兵刑工六部俱正三品衙門定尚書正

三品侍郎正四品每部設郎中員外郎主事仍屬中書省至七

三年監丞相胡惟庸等壅蔽之弊革中書省陞六部為正三品

衙門尚書正二品侍郎正三品每部分四子部每子部各設郎

中員外郎主事於是中書之政分於六部矣革除元年改六部

為正一品衙門尚書正一品添設左右侍中各一員正二品所

屬諸司舊有清吏二字皆除去 文皇正位悉復洪武舊制永

樂元年陞北平為北京總置行部設尚書二員侍郎四員所屬

吏戶禮兵刑工六曹清吏司郎中員外郎主事各一員後既遷

都又分置六部各稱行在某部十八年 詔定都於北京除行

在二字又革行部其舊在南京者加南京二字洪熙元年復稱

國朝列卿紀

卷之二十三

二

庶務

行在仍設行部於南京六部悉去南京二字宣德三年仍革行

部正統六年於北京復除行在二字於南京仍加南京二字遂

為定制兩京建置悉同但大政悉歸於北其在南京官員悉從

裁省建官大意具見各部條內今總叙其槩云

Table with multiple columns and rows, containing detailed text from the '國朝列卿紀' section.

吏部序

夫吏部者古選部也自秦置尚書以來漢成帝設常侍曹主公卿事後漢光武改為吏曹主選舉祠祀至靈帝又改為選部及魏更漢命又改為吏部專主選舉拜陳羣為吏部尚書建九品官人之法其制於是乎益詳歷晉宋梁陳凡選舉皆尚書主之迨隋置侍郎貳尚書之事則六品以下銓補多歸之唐承隋制吏部統吏部司封司勳考功四曹沿及趙宋相因不革然皆為尚書省屬官與周官冢宰掌邦治之意固有間矣國初遠稽唐宋置六部衙門並屬中書省洪武十三年革中書省罷丞相使政歸六部分理每部分四子部各設郎中員外郎主事如周官國朝列卿紀 卷之二十三 張十 四十九

六卿各率其屬而治吏部四子部曰總部曰司封曰司勳曰考功二十二年改總部為選部二十九年又改選部為文選司封為驗封司勳為稽勳考功仍舊俱稱清吏司永為定制凡天下官吏選授勳封考課之政令俱吏部掌之而吏部尚書之蒙簡命禮數特異其勳勞茂著則三孤是加及其卒也往往三公是贈而申之以易名之典是罷丞相以後而統百官均四海之責在吏部固甚重也永樂初肇建內閣選翰林官入直然皆講讀纂修備顧問而已比後楊士奇等加至三孤領尚書職猶不得專制外事而品叙列憲義夏原吉之下其參謀密勿商確大政蹇夏居多則不以內閣壓六部之意明矣况吏部為百官之首

而內閣自景泰以前未有加兼吏部尚書者自王文以易儲由左都御史陞吏部尚書兼學士入閣遂為後例然皆以資勞叙選亦未有陞至吏部尚書理部事而又入內閣焉者故弘治初年南臺薦王恕可入內閣 上曰朕用蹇義王直故事委恕吏部若有謀議亦無不聽則官至尚書不可復入內閣固定制也至正德初年逆瑾用事吏部尚書焦芳交結逆瑾取入內閣而劉宇曹元輩各以附瑾相繼由尚書入直自是遂以尚書為入內閣階梯至今沿而不變者勢則然也所幸 祖訓昭明嚴不可犯雖間值權奸有所誣誣徒以體統素正品式具存猶得堅持慎守潛扶默救以需燕來之慶夫然後知 聖祖慮周萬世而收效於無疆者亦云偉矣使職吏部者秉公持正不為勢撓 朝廷端拱以照臨於上則法守固在也乃不免挾私壞志為公議所乘至與內閣相比以固窳終身其所喪多矣矧責之權衡百度師表庶僚者哉惟吏部改置北京肇自永樂辛丑若洪熙元年至正統五年雖有行在之稱而大政實出於北及正統六年復永樂十九年之舊遂世守不改今詳各官宦履於後其行實備於事紀其勳德茂著者表為列傳

國朝列卿紀

卷之二十三

四

國初吏部尚書總論

國朝設官分職吏部尚書極矣自聖祖履跡金陵稽古建官於洪武之元年設六部而選課勳封俱隸吏部至十三年革丞相升六部而吏部尤為百僚之長時用人不以其方或用降附或用薦舉而山林隱逸之士各乘運而興以集於朝雖賢否不可類科如陳公修詹公同吳公琳輩皆能明習經制辨才定位為萬年不易之典雖聖神天授素定於猷畝之中而參謀密議雅稱任使於此見諸臣規度亦不凡矣

國朝列卿紀

卷之二十三

五

國朝列卿紀卷之二十三

國初吏部尚書年表

滕毅	年任二年出為江西參政
商昂	山東定陶人故元平章洪武二年任詳御史中丞
張銘善	洪武三年任
王興福	湖廣應山人歸附洪武三年任諳知西安府詳國初戶部
郎本中	洪武三年任
陳修	江西上饒人歸附洪武四年任
李仁	河南唐縣人歸附洪武四年任
詹同	南直隸婺源人故元學正洪武四年任
國朝列卿紀	卷之二十三
李守道	守將洪武四年任
朱斌	洪武五年任
周時中	江西龍泉人僑漢平章洪武五年任
趙亨堅	洪武五年任
呂本	南直隸壽州人故元都事洪武五年任
吳琳	湖廣黃岡人薦舉洪武六年任
王克已	山西壽陽人徵辟洪武七年任
盛原輔	洪武七年任
呂熙	洪武八年任
趙好德	河南汝陽人儒士洪武八年任

六

廿文

王敏	洪武九年任	人
陳銘	武十一年任	人洪
張度	廣東增城人故元教諭洪武十二年任	
陳昱	舉人才十二年任	人洪武初
侯斯	應天溧水人故元知州洪武十三年任	
劉崧	江西泰和人故元鄉舉洪武十三年以禮侍署部事	
洪彝	武十三年任	人洪
范敏	河南閩鄉人秀才洪武十三年任	
阮峻	浙江仁和人故元教官洪武十三年任	
李信	山西浮山人縣掾洪武十五年任	
國朝列卿紀 卷之二十三		
陳敬	河南洛陽人薦舉洪武十六年任	
任昂	河南洛陽人故元進士洪武十六年任	
余焮	直隸崑山人洪武十年舉明經十七年任	
趙瑁	河南宜陽人儒士洪武十八年任	
詹徽	直隸婺源人薦舉洪武二十三年任	
翟善	直隸泰興人歲貢洪武二十八年任	
杜澤	山東沂水人洪武中舉文學二十九年任	
茹瑞	湖廣衡山人洪武三十一年任	
張統	陝西富平人洪武初舉明經三十一年任	
蹇義	四川巴縣人進士洪武元年任加少師	

七

國初吏部尚書行實

滕毅字 人元末兵亂流寓江南乙巳年太祖征偽吳以儒士入見言事稱 旨留相國徐達幕下五月拜為起居注 上謂毅曰吾見元末大臣門下之士多不以正自處惟務諂諛以圖苟合見其所為非是不相與救正及其敗也卒陷罪戾爾從徐相國幕下久而無過故授爾是職宜盡心所事勿為苟且苟事有差謬皆是為己之累譬之良玉一有微疵即為棄物不能成器矣他日復命毅同楊訓文集古無道之君若夏桀商紂秦皇隋煬所行之事以進曰往古人君所為善惡皆可以為龜鑑吾所以觀此者正欲知喪亂之由以為之戒

國朝列卿紀 卷之二十三

耳又命毅與宋濂等日侍左右甚見眷遇吳元年以湖廣重地陞按察使尋以唐宋咸有成律斷獄惟允不做古制取一時行事為條格吏胥易緣為奸民無措手足命毅同省臺李善長劉基陶安周頌等定為律令將成法付按察司官巡歷州縣使內外知所遵守面諭善長等曰立法貴在簡易使人易曉若條緒繁多或一事而兩平可輕可重奸貪之吏得以夤緣為奸則以禁殘暴者反以賊良善非良法也卿等宜盡心參究凡刑名科目日逐上來吾與卿等面議斟酌庶可以為久遠之法毅等務存寬大民多宜之洪武元年陞吏部尚書六卿初制一切選除考課之政令毅同省臺裁定二年出為江西省參知政事後卒

於官

商曷字 山東定陶縣人故元平章丙午七月橫廓帖木兒

以張良弼拒命率兵渡河會高約李思齊攻良弼不利請下詔

和解之洪武二年 王師平定中原降大將中山王徐達送至

京 上察其朴實留置左右本年命署吏部事三年擢侍御史

六年陞御史中丞詳中丞并太僕卿

張銘善字 人洪武三年拜禮部侍郎尋試吏部

尚書本年免

王興福字時興以字行湖廣德安府應山縣人元末兵亂隱黃

斯之間已已 太祖敗偽漢陳友諒於鄱陽時興福舉躬赴之

國朝列卿紀 卷之二十三 九 張文 三見十

以精於推擇 上大悅擢知徽州丙午以善政改知杭州俱有

惠及於民洪武三年擢吏部尚書本年謫知西安府十四年為

刑部尚書詳國初戶部

郎本中字 人洪武三年擢刑部尚書本年十

二月改吏部尚書四年免

陳修字伯昂江西廣信府上饒人元末甲辰歲附 王師平浙

江首權理官講畫律令崇寬厚而省煩苛復倫要而黜姑息簡

明正大四方翕然知有一統之制作由此始焉繼又謂兵刑之

大者也唐世府兵之制稍為近古而未精密乃擢兵部郎中修

選任將帥愛養士卒令內外相繼兵農相資遂為萬世法 太

祖初即位山東新下念濟南重經王氏之亂民塗炭已甚大將

多練兵屯田其間非修莫可治遂擢濟南知府居二年政成

太祖嘉之以天官六曹之長而明習經制建官均職惟修是宜擢

拜吏部尚書修引據古典參酌時宜審地劇易制事煩簡與凡

貴賤疎數遠近寬嚴課功覈實賞賜黜陟之類皆籌畫停當未

幾卒於位繼之者莫能移易云宜宗采其事載在五倫書

李仁字 河南南陽府唐縣人元末兵起仕偽漢陳友諒為

招討使癸卯年王師下武昌率眾歸附大將常遇春奇其智畧

薦於 太祖特授黃州刺史招撫叛亾及未下州縣各聞風納

款今代陶安鎮守凡六年民皆樂業洪武三年詔為給事中尋

國朝列卿紀 卷之二十三 十 張文 四見金

進吏部侍郎與陳修同秉鈐政四年陞試本部尚書本年坐事

謫青州知府在郡多善政八年召補戶部侍郎詳國初戶部

詹同字同文舊名書直隸徽州府婺源縣人生而穎靈獨抱奇

氣元學士虞集以其弟槃之子妻之至正中舉茂才異等授柳

州學正遇亂道梗因家黃州陳友諒徵為學士承旨兼御史

高皇帝平陳首召為國子博士易其名曰同尋陞考功郎中未幾

以為侍制起居注丙午年四月命有司求遺書 上謂同曰三

皇五帝之書不盡傳於世故後世鮮知其行事漢武帝購求遺

書六經始出唐虞三代之治始可得見武帝雄才大略後世罕

及表章六經開闢帝皇之學又有功於後世吾每於宮中無事

輒取孔子之言觀之如節用而愛人使民以時真治國之良規
誠萬世之師也遂命致宗廟時享禮吳元年四月 上諭同日
國史貴乎直筆是非善惡皆當書之昔唐太宗觀史雖失大體
然命直書建成之事是欲以公示天下也予平日言行可紀其
事是非善惡汝等皆當明白直書勿宜隱諱使後世觀之不失
其實也洪武元年四月命畫古孝行及起家戰伐歷世愁苦爲
圖以垂世訓 上謂同日朕家木業農祖父皆長者世承忠厚
積善餘慶以及於朕今圖茲以貽子孫俾知王業艱難也同對
曰 陛下昭德垂訓莫此爲甚 上曰富貴易驕艱難易忍久
遠易忘後世子孫生長深宮惟見富貴習於奢侈不知祖宗積

國朝列卿紀

卷之二十三

十一

石全

累之艱故示之俾朝夕覽觀庶有所警也是年十二月以同爲
直學士二年三月陞侍讀學士會中丞劉基疏請加禮大臣同
因取戴記及賈誼疏以進且復開說剴切 上深納之又諭同
曰古人爲文章或以明道德或以通當世之務典讓之言明白
易知無深怪險僻之語至如諸葛出師表亦何嘗雕琢爲文而
誠意溢出人讀之自然忠義感激近世文士不究道德之本
不達當世之務立辭離難深而意實淺近即使過於司馬相如
楊雄何裨實用自今翰林爲文但爲通道理明世務者無事浮
藻四年乃陞爲吏部尚書 上諭曰吏部者衡鑑之司鑑明則
物之妍媸無所遁衡平則物之輕重得其當蓋政事之得失在

庶官任官之賢否在吏部任得其人則政理民安任非其人則
瘵官曠職卿等居銓衡之任宜任公平以別賢否六年七月以
同爲學士承旨兼吏部尚書 上御奉天門謂同日論行事於
目前不若鑒之於往 卿儒者試言古先帝王爲治之道同對
曰帝王之治莫善於唐虞三代可爲萬世法 上曰三代而上
治本於心三代而下治由乎法本於心者道德仁義其用爲無
窮由乎法者權謀術數其用有時而窮然爲治者違乎道德仁
義必入於權謀術數甚矣擇術不可不慎也八月同與侍講學
士樂韶鳳等上所製釋奠先師孔子樂章迎神奏咸和之曲奠
帛奏寧和之曲初獻奏安和之曲亞獻終獻奏景和之曲徹饌

國朝列卿紀

卷之二十三

十一

陳順

奏成和之曲送神復奏咸和之曲 上曰祭貴乎誠若省牲告
充告膺及禮之煩文者並宜革之九月同等上言自 上起兵
渡江以來征討平定之蹟禮樂治道之詳雖有紀載而未成書
乞編日曆藏之金匱傳於後世 上從其請命與侍講學士宋
濂爲總裁官 九月詔科舉暫且停罷令有司察舉賢才必以
德行爲本文藝次之仍令同選國子成材者與所舉參用授主
事給事中御史等官時用彭通等爲給事中并國子生李擴等
入文華武英二堂謂之小秀才七年五月丙寅 皇明實訓垂
成同以老乞歸 上賜勅曰朕起布衣持三尺劍總率六師以
拯民艱延攬英雄以圖至治凡二紀於茲曩者親征武昌下城

之日爾同以文學之美從朕同遊厥後任博士起居注學士等
舉其職又長吏部辨人才之賢否審職任之輕重咸得其宜今
年雖邁猶輸誠效謀迄無少怠可謂賢也已朕不忍以爾老年
復役奔走特命以翰林學士致仕爾惟欽哉未幾復起為學士
承旨六月上謂同日大祀既終獻方行分獻禮於禮未嘗卿等
具議之於是同與學士宋濂議以 上行初獻禮奠玉帛將畢
即分獻官行禮初獻亞獻終獻皆如之 上從其議又謂古人
祭用香燭皆所以道達陰陽以接神明初無上香之禮遂定凡
祭祀罷上香復以老乞休卒於家所著有天衢吟嘯及海涓集
子微為左都御史兼太子少保吏部尚書以事坐廢微子祓為

國朝列傳紀

卷之二十三

十三

朱棣

太子洗馬改尚寶司丞

吾學編曰七年五月大明日曆成自 上起兵臨濠至六年癸

丑冬十二月凡征伐次第禮樂沿革刑政設施羣臣功過四夷

一朝貢之類莫不具載為一百卷藏金匱副在秘書監公及宋訥

又言日曆藏之天府人欲見之有不可得臣請如唐太宗貞觀

政要分類更輯聖政為書以傳天下後世 上從之分四十類

自敬天至制蠻夷凡五卷名皇明寶訓自今凡有聖政史官日

紀錄之隨類增

守道字

人故元河南守將吳元年大將徐達

守道率城歸附館之會同館其歷官不知其詳洪武四

年命守道與詹同並拜吏部尚書 上諭曰本部其衡鑑之司
政事得失在庶官庶官賢否在吏部任得其人則政理民安任
非其人則瘵官曠職卿等居持衡秉鑑之任宜任公平以辨賢
否毋但庸庸碌碌而已本年免

朱斌字

人洪武五年拜吏部尚書協詹同理部

事本年免

周時中原姓彭江西吉安府龍泉縣人元季從彭瑩玉起兵改
姓彭復從徐壽輝稱平章以兵守吉之龍泉庚子歲陳友諒弑
主僭號都九江時中屬焉授官平章辛丑八月 上帥師討友
諒拔偽都友諒奔武昌時建昌王溥饒州吳宏龍興胡廷瑞見

國朝列傳紀

卷之二十三

十四

朱棣

九江已破相繼納款壬寅正月 上至龍興袁州歐普祥亦附

時中知天命有在遂舉城請降 上嘉其誠俾仍舊職守龍泉

加兵權預征討上嘗問時中舊所將兵多少對曰昔聚則為軍

今散為民矣又問熊天瑞何如曰彼兵本強嘗約陳氏攻江西

而不以兵應之致陳氏之敗其人不忠他日必叛甲辰從征武

昌是年常遇春征贛州熊天瑞固守不下 上命時中統兵會

遇春等共擊之時中乃戒指揮鄧清等嚴督所部同平章歐平

廣等軍自吉安以南山寨併力掃蕩盡絕直抵贛州 上復命

郎中汪廣洋往諭遇春時中等曰天瑞困守孤城猶籠禽阱獸

豈能逃逸但恐城破之日殺傷過當要當以保全生民為心一

則可以爲國家用一則可以爲未附者勸如漢將鄧禹不安
獲此可爲法我前充湖廣禁軍士毋入城故能全一郡之民苟
得郡無民何益時天瑞拒守益堅遇春時中等承諭乃浚濠立
柵以困之未幾城降歷授管田使司改司農署不就改中書斷
事洪武元年運糧開封還授邵武知府時郡承元季民皆流離
時中撫馴安集使各遂其生民愛慕之五年遙拜吏部尚書命
招集舊部軍卒本年坐事出知鎮江府以埋沒錢糧調福建轉
運使十三年又坐事除爲民

趙學堅字 人洪武五年拜吏部尚書協詹同理
部事六月命發粟往山東高唐濮州及聊城等五縣賑饑本年

國朝列卿紀

卷之二十三

十五

楊海

免九年起廣東行省參政尋改布政使十一年七月遣資 詔

諭故元丞相驢兒於應昌後卒於官

呂本字 直隸鳳陽府壽州人故元帥府都事丙午年歸

附授中書掾史吳元年陞湖廣行省照磨洪武三年陞中書省

右侍郎中四年陞本省左司郎中五年陞刑部侍郎本年陞吏

部尚書六年改太常卿詳太常寺

吳琳字 湖廣黃州府黃岡縣人世詩禮名家父應澍勤儉

好施教授里墟中稱四山先生琳性資純篤力問學通毛詩小

戴記甲辰年王師下武昌徵用荆楚名儒詹同薦琳通經學古

能文章召爲國子監助教與同並教胄子琳才藻不及同至

確經義疊疊不倦同又曰我不及琳遠甚 上聽政暇時召琳

咨時事輒進嘉言天下陰受其賜吳元年遷浙江按察司僉事

尋陞兩淮運同皆効職有才名本年入爲起居注獻納益勤洪

武四年陞太常寺卿本年進兵部尚書八月京闈鄉試有司以

主文請 上思琳優經學命與司業宋濂典試事十月具奏京

師將士之數凡二十萬七千八百二十五人各定衛所五年五

月丁巳有事於方丘 上命琳與禮部主事宋濂選文學能賦

之士以從琳選學士夏閱等從 車駕人皆稱爲盛典六年改

吏部尚書誥詞稱琳學術既醇踐歷尤正其來事朕博士陞僉

憲司二鹽臺起居注皆稱任使茲擢長天官其量才授官計考

國朝列卿紀

卷之二十三

十六

楊海

功能使賢愚有別而黜陟合宜斯副朕意琳既入吏部與詹同

迭視事七年以老致仕既家居 上嘗遣使察之使潛至琳旁

舍見一農人坐小机起拔稻秧布田貌甚端謹使者問曰此有

吳尚書家何在其人尚在否農人歛手對曰琳是也使者還白

上益重之弟琛歷衢州同知卓有政聲

王克巳字 山西太原府壽陽縣人博通經史洪武初以文

學辟除戶部主事在部察已不淄慎出納善於其職七年陞試

吏部尚書本年以疾乞致仕

盛原輔字 人吳元年擢承事郎監察御史本

年修大明律令命原輔爲議律官陞大理寺少卿洪武元年陞

刑部侍郎本年調山東行省參政七年陞吏部尚書八年命原
輔同丞相往國子學考校老成端正學博經通者分教天下除
教授學正教諭等官本年以事免

呂熙字 入洪武八年拜吏部尚書本年免

趙好德字秉懿河南汝寧府汝陽縣人幼警敏有經濟志早失
怙恃刻苦力學能文章善大書娶李氏有淑行會元末汝穎兵
起郡縣多陷沒好德謂李氏曰我觀元運將訖家傑並爭東南
有天子氣欲往從之但汝有孕將婉如是男可名太平他日尋
我若是女聽汝便遂灑泣以別自和陽渡江達金陵見 太祖
語合洪武元年以儒士命同知陝州事尋以安慶為江淮保障

國朝列卿紀 卷之二十三 十七

遂陞知府時草創之初修理公宇均定賦役民咸便之五年陞
戶部侍郎六年陞戶部尚書七年出為陝西參政八年召為吏
部尚書九年二月奏准諸司正佐首領雜職官犯公私罪該笞
者贖罪杖流者紀錄每歲考歲終布政司呈中書省監察御史
按察司呈御史臺送吏部紀錄以便稽考九年仍調陝西行省
參政後卒於官好德在吏部公銓衡甚稱 上意嘗召與四輔
官內黃何顯周等至內殿坐論治道 太祖悅各賜衣一襲命
畫史圖其像十三年胡惟庸敗一時被累者皆正典刑 太祖
獨宥之故得以善終云

王敏字 人洪武九年拜吏部尚書十一年免

陳銘字 人洪武十一年拜吏部尚書十二年免

張度字景儀廣東廣州府增城縣人故元教諭遭亂棄官不出
洪武元年詔選賢能擢監察御史度英發敢言多附名節而心
險刻人畏憚之八年正月建議立張巡許遠廟于歸德州歲時
致祭 太祖嘉納命有司行之先是蘇州知府魏觀以舊治為
士誠竊據且郡多水患乃修府浚河以壯士觀以資民利度誣
其與既滅之基遂與高啓等俱獲罪 上以為能授常州府知
府度好學條舉選法不當者數十事皆允行能文治政嚴每進
郡人俾知向學文風勃然興起九年事聞 上特召為吏部侍
郎十一年十月河間府知府楊冀安來朝 上命度同尚書陳

國朝列卿紀 卷之二十三 十八

銘曰考績之法所以旌別賢否以示勸懲今官員來朝宜察其
言行考其功能課其殿最第二等稱職而無過者為上賜坐而
宴有過而稱職為中宴而不坐有過而不稱職者為下不與宴
序立於間宴者出然後退庶使有司知所激勸十二年陞本部
尚書奏准兩廣所屬地方有瘴癘者有司俱以三年陞調雖以
兩廣而無瘴癘者仍以九年為限福建汀漳湖廣郴州江西龍
州南安遠地亦瘴癘歷任三年一體陞任本年以違悞憤惋卒
於官

陳昱即程昱字 人洪武初舉人才除戶部員外

鄧十一年陞戶部右侍郎十二年陞吏部試尚書本年十月奏

准内外文武官老年致仕者三品已上仍舊四品以下各
級給與誥勅其歷年未及三年爲事降用或工役屯種取到者
依本等職事致仕不給誥勅後又奉命年六十以上者皆給誥
勅處鄉黨惟於族內序尊卑如家人禮於其外祖及妻家亦序
尊卑若筵宴則設別席不許坐於無官者之下如與同姓致仕
官會則序爵爵同則序齒其與異姓無官者相見不須答禮庶
民以禮官謁見敢有凌侮者論如律十三年坐事免

契斯字三應天府溧陽縣人故元嘉定州知州來附上師吳
元年授兵部員外郎本年擢尚寶符寶郎洪武元年遣賞書賜
高麗二年高麗遣使上表來貢方物遣斯賞印封之改尚寶司

國朝列卿紀

卷之二十三

十九

初設

丞仍以祝文牲幣祭其境內山川詔曰朕肇膺正統誕撫多方
乃眷爾高麗爰朝鮮之遺壤克遵中夏踰渤海而稱臣頃詔使
往迴卽表詞之來上有加方物良切衷情蓋由夙慕於華風用
是恪修於臣職况爾三韓之屢世皆慎始終屬茲四海之一家
何殊内外爰稽彙制載錫真封今遣基官齋印仍封爾爲高麗
國王於戲保民社而王纂榮懷於舊物守禮義之國作屏翰於
東藩其始自今毋替朕命故茲詔示想宜知悉使回稱旨日侍
左右四年出知泰安州六年陞河間府知府俱以才幹著而民
亦不擾九年入爲戶部郎中尋陞戶部尚書本年調山西左叅
政十三年正月召拜吏部尚書二月改禮部尚書三月詔定公

侯稱號詳國初禮部

劉崧字子高江西吉安府泰和縣人舊名楚元季鄉舉入國初
改今名崧賦性純厚穎悟絕人又仁孝五歲誦書日記數千言
七歲能賦詩嘗侍世父夜寢聞雞聲因命爲題卽應口成一律
末句喚醒人間蝴蝶夢起看天上火龍飛世父驚嘆是子他日
必大用家貧無火執筆作文手爲皸裂而力學不廢年十六授
徒他邑十九遊南昌時善賦者稱十才子見崧制作推讓爲先
列行省嘗以薦授龍溪山長崧曰吾無勞於國而有恩命吾不
爲也至正丙辰應鄉試報捷者至崧適自田中摘粟歸悵然泣
下曰始二親篤於訓子奈何今日不及見時天下大亂州城陷

國朝列卿紀

卷之二十三

二十

初設

家覆蕩避地屢歲無以爲生會 皇明開基四方以次平定洪
武三年以經明行修薦召見奉天殿授兵部職方司郎中小心
謹畏歷署駕部總部事奉命鎮江徵糧鎮江多公侯田土往往
掣肘崧歸奏之得旨令輸納與民不異未幾命往廣東買馬得
五百八十四匹又明年往山東視驛遞萊州視遭風海船時天
寒水凍衝冒風雪跋涉水陸凡四閱月以訖事聞在兵部幾三
載以振職稱嘗祭方丘崧與吳琳宋濂侍從應制賦詩甚見
六年陞北平按察司副使尤持憲綱靜以臨之考覈屬官以廉
慎爲先讞獄必求其生而不得乃置之法受罰者亦自爲當罪
而亦不怨作興學校刻石立禮部學規榜示府縣勿以差

諸生而廢學考問風俗之末忠臣文天祥祠於大興縣學之側以宛平驛事煩馬少遂損僻路分添設走遞及設法關防賣鹽退引禁治影射私鹽為政裁畫有方民甚賴之十年考績入朝時更定外官九年為滿 勅諭選任未幾坐事輸作京師尋放歸鄉十三年春徵拜禮部侍郎賜之誥有學通古今之褒既拜命日稽古典惟直惟清 上嘉之以其文學雅正勅撰滕國公顧時海國公吳禎神道碑及撰申國公鄧鎮襲封誥宋學士景濂嘗觀其文嘆曰此司馬遷之文求之今世蓋未過之者而文於詩則尤所推讓夏四月命攝吏部尚書時侍郎陸讓以祭為明松一處以寬銓次不荷藻鑑不失五月甲午雷震奉天殿

國朝列卿紀

卷之二十三

二十一

杜喬

上謂松等曰朕自即位以來十有三載夙夜兢兢不敢怠荒惟恐治不古若間者上天有警朕心不安此必朕有失德事政有乖卿等宜悉陳朕得失毋有所隱松等頓首曰人君一身上通乎天災咎之至惟修德行仁可以弭之 陛下遇災能懼省躬思過復開導臣等盡言臣聞惟德動天無遠弗届能修人事此所以消天災也 上曰唐虞之時君臣更相戒勸卿等輔朕當以古人為法盡心無怠尋以老乞休許之賜以勅諭曰君子之生也莫不由父母之賢師友之訓以成其才及其壯也則推而行之以致君垂拱利澤羣生斯仲尼之道君子之志也卿學問該博踐履篤實負成已成物之器備剏治劇之才正宜佐朕以

理天下奈何年齒衰耄難於步趨故不忍復煩以政特賜致仕卿其去朝歸於鄉里宜慎所養以樂餘年十四年三月徵拜國子司業賜鞍馬令朝夕繼見見則必燕語移時夏四月得疾遽卒 上悲悼因言劉松前日徵來朕怪其年老命教國子將以作養我公侯子弟以待用豈意其至此哉即命有司治殯飲諸費皆官給遣御史唐壽論祭其文首曰卿有學有行蓋簡在聖心非一日矣松家素貧所居室弊半覆以茅嘗欲更之未能曰今後世師吾儉家有田五十畝皆館授時所置後居官未嘗有增益在北平身所覆被亦館授時物也嘗為人所傷雖命更置其鼠傷者仍命補葺以表其子歷官十一年未嘗以家累自隨

國朝列卿紀

卷之二十三

二十三

朱榮

嘗携一童子到官亦遣還當赴北平時始盡支職方之俸厚易白金九十兩封托鄉人收貯及歸往取則其人已用之止餘封紙而已松亦不復問平生手筆子史醫卜地理等書六十帙北平八府誌書二十帙北平事蹟一帙詩文三十餘帙職方詩集行于世

洪彝字 人洪武十三年拜吏部尚書本年免

范敏字 河南濟南府閿鄉縣人洪武八年舉秀才性聰慧博涉書史其前履歷不知其詳十三年擢試吏部尚書自丞相胡惟庸不法之後特召天下賢才有司類多泛舉敏薦王本李祐龔敦杜教趙良望等俱耆老經明行修 上召拜王本等為

四廟官王本等又薦儒士宋調等並徵用之一時號稱得人本年實授戶部尚書國初戶部

阮峻字 浙江杭州府仁和縣人故元教官丙午年赴京洪

武三年舉文學授太常寺贊禮郎五年陞本寺博士六年陞本

寺寺丞本年閏十一月峻同給事中侍武樓下 上諭峻曰如

冷大祀園丘省牲時只在宰牲池邊將牲放在南邊一箇就拈

將入去今後各處祭祀時都在宰牲池邊省牲八年二月 上

諭峻等曰我想先農只是上古一箇種田的人今後祭先農時

百官都致齋那當祭日子教應天府官率耆老并種田的老人

去祭祭畢我率百官到那田所依前親畊十年七月峻同少卿

國朝列卿紀 卷之二十三 三十一

樂禮導駕於 太廟前御道上 上諭曰今後祭祀時供事官

并進饌齋郎直至丹陛下脫履陞殿恁太常司家教人收管看

履鞮十二年陞太常寺少卿十三年陞吏部尚書時賢良方正

聰明正直孝弟力田等科并用峻因材授任多稱 上旨會復

置起居注薦儒士單師祐爲之祐學行不失其選十四年以事

免

李信字 山西平陽府浮山縣人洪武中爲縣掾有才幹十

四年 上詔立賢無方各薦所知郡守舉信爲能吏 上欲試

其才授試吏部侍郎信敏練識事體能振其職十五年正月

部事奏令朝覲官各舉所知 上嘉納之三月陞吏部尚書五

月以經明行修之士鄭翰等三千七百餘人引見 上諭之曰

朕自卽位以來側席賢士與圖致治然知人堯舜所難豈所知

者皆賢未知者無賢哉故勅天下徵聘遺逸卿等固皆賢人君

子山林之下又豈無如卿者其悉舉以爲朕用於是濟寧單縣

儒士張以寧董倫等被薦復遣徵之仍賜緡等鈔人一錠十六

年三月信同李善長定議文官封贈廕序之制封贈例十一文

官一品至七品止封贈散官事其應封一代者父與子同妻與

夫貴應封二代者祖降父一級應封三代者曾祖降一級父見

任者不封已致仕及沒亾者封之其在任棄職受封者聽其二

應封父母者嫡母在所生之母不得封嫡母亾並得封若所生

國朝列卿紀 卷之二十三 三十四

母未封不得先封其妻其三父母有二子當封者從其高品婦

人因其子受封而夫與子兩有官當封者從其高品父祖原有

官旣歿而因其子孫封贈者進一階其四應封妻者止封正妻

亦得追封凡繼室止封一人其五命婦因子孫品級封者並加

太字若已歿曾祖父母在者不加其六從七品陞至從六品止

封一次其陞至從五品封贈一次陞至正從四品封贈一次陞

至正從三品封贈一次陞至正從二品封贈一次陞至正從一

品封贈一次其七曾祖父母祖父母曾犯十惡奸盜除名等罪

其妻非禮聘正妻或再醮及娼優婢妾並不許申請其封贈之

後但犯賊私者並追奪其九凡婦因夫貴母因子貴受封不許

再醮違者問之如律其十京官四品以上賜職實授頒給誥命
取自上裁其已授誥命者亦須一考滿秩方許封贈五品以下
官試職一年考覈稱職者實授頒給誥命不稱職黜降其已授
誥命勅者亦須一考方許封贈其十一凡在外三年為一考稱
職者頒給誥命再考稱職聽請封贈其有才能卓異出自特恩
者不在此例廢序之例五其一因廢其嫡長子歿疾則嫡長之
子孫以逮曾玄無則嫡長之同母弟以逮曾玄又無則繼室諸
妾所生者又無傍廢其親兄弟子孫又無傍廢伯叔子孫其二
廢者孫降子曾孫降孫傍廢者皆於廢序品第降二級其三正
一品官廢其子正五品用從一品子則從五品用正二品子則
國朝列卿紀 卷之二十三 二十五

正六品用從二品則從六品用正三品子則正七品用從三品
則從七品用正四品子則正八品用從四品則從八品用正五
品子則正九品用從五品則從九品用正六品子則於未入流
上等叙用如典史巡檢司獄比從六品子則未入流中等職叙
用及各庫倉稅糧課司局批驗鐵冶所官之類正從七品子則
於未入流下等雜職內叙用如遞運驛丞關壩官之類其四凡
係職官子孫許廢一人年二十五以上能通經書大義者叙用
其不通者發還習學其五應叙之人各於原籍附近布政使司
所屬地方銓選 詔皆從之本年以疾卒于官

陳敬字行簡河南河南府洛陽縣人敦實有行誼洪武元年以

薦舉授本府儒學訓導三年拜起居注六月詔江南富民至京
引至大廷 太祖親諭之敬同儒臣宋濂詹同等王禕奏事畢賜
坐從容問曰卿等知朕所以諭斯民之意乎王禕對曰自古帝
王身兼君師之任君以治民師以教之三代而下為人君者知
為治不知為教今 陛下主天下為治之道已備而又集凡民
訓諭之耳提面命不啻嚴師之於子弟此古昔帝王教民之意
也 上喜溢天顏因刻為書以摹本分賜敬等而退未幾乞回
鄉從之十六年刑部尚書開濟薦敬才行可大任召為考功郎
中尋試吏部尚書亦能其官本年開濟伏罪敬坐累免後起為
龍川知縣二十三年詣闕言事稱旨進吏部侍郎二十六年致
仕

國朝列卿紀 卷之二十三 二十六

任昂字 河南開封府河陰縣人博覽羣書早有才譽故元
舉進士拜山西寧夏縣知縣不受隱居山林日以經史自娛洪
武初年以儒士薦舉授襄垣學訓導雅志作人多所成就十一
年擢監察御史十五年陞禮部尚書十六年正月 上命昂同
太師李善長及諫院翰林院等官往監考官生員高下分列
班次規矩方煥然明備於是奸弊盡革增立監規八條三月廣
東都指揮使狄崇王臻言妣阮氏昔封淑人已歿仍乞封次妻
何氏等為淑人詔下廷臣議昂同李善長議曰禮莫大於分分
莫大於名妾不可為嫡夫人故魯莊公妾成風僖公母也稱為

夫人春秋非之哀公庶子荆之母嬖將立為夫人使宗人暨夏獻其禮對曰無之昔周公武公娶於薛學惠娶於商自桓以下娶於齊此禮則有若以妾為夫人則古無其禮蓋古者夫人歿貴妾稱其家事不得稱為夫人為庶子而貴得以推恩其母亦不得稱夫人使並嫡也今崇臻欲任私意廢大禮亂嫡妾之分不可許 上從之遂命昂及翰林院儒士定嫡妾封贈例頒示中外於是定議凡正妻在日所娶側室皆謂之妾正妻歿諸妾不許再立為妻若以禮聘良家女為妻許授封贈前妻無子其所生子即為嫡長子若正妻在日無子不許再娶而諸妾中有子者以長男襲父職其子以本品推恩其母俱從之十七年二月奉命頒行科舉成式凡三年大比子午卯酉鄉試辰戌丑未會試不拘額數三月濟南衛指揮使何誠言早失父母伯父養以為嗣例應承重而所生父母已前受封伏乞推恩伯父以報養育之恩事下禮部議昂援宋右僕射李昉為叔承重既贈其叔復贈其所生為言 上命依所請六月 上諭昂等曰近命製大成樂器將以頒天下學校俾諸生習之以祀孔子朕思古人之樂所以防民欲後世之樂所以縱民欲其故何也古樂之詩章平而正後世之歌詞淫以誇古之律呂協天地自然之氣後世之律呂出人為智巧之私天時與地氣不審人聲與樂音不此故雖以古之詩章用古之器數亦乖戾而不合陵犯而不

國朝列卿紀

卷之二十三

三十七

王錫爵

偷矣手擊之而不得於心口歌之而非出於志人與樂判然為二而欲以動天地感鬼神豈不難哉然其流已久救之甚難卿等宜求諸此俾樂成而頒之諸生得以肄習庶幾可以復古人之意是年甲子初科監生首舉且中式者過半 上喜甚面諭祭酒宋訥以為教導之功九月十三日昂侍華蓋殿 上諭昂曰在京鄉試多有取中的國子監生為他肯學所以取中似這等生員好生光顯他父母恁禮部出榜於原籍張掛着他鄉里知道自是科舉之途始重矣本年命署吏部事 上諭昂曰凡文官居憂制已在職五年廉勤無贓私過犯者照品給半祿終制在職三年者給全祿三月末幾以年老致仕見南京禮部國朝列卿紀 卷之二十三 三十八 孫逢

余煥字茂本直隸蘇州府崑山縣人美丰姿少有雋才從殷奎陳潛夫學得春秋之傳洪武十年以明經薦入京選授承勅郎十五年進通政司參議十七年拜吏部尚書八月奏准天下諸司來朝明年正旦各造事蹟文冊仍畫地上人民圖俱以十二月二十五日至京其服色各以品級為差惟雲南遠在邊圖特免其來又立吏員撥用法試中一二等者於在京出身衙門內用三等者於在京未有品級衙門內用遇缺以次撥用仍出榜示夏四月丁酉祭酒宋訥教範嚴厲為眾所嫉學錄金文徵與煥同鄉里謀逐之以訥年老移文令致仕訥陛辭 上驚問故訥固非臣本意乃鞠所由煥吐實 上怒煥事專擅威福并

國朝列卿紀

卷之二十三

三十八

孫逢

文徵等誅之

趙瑁字河南河南府宜陽縣人喜讀書博學洽聞洪武八

年舉儒士任河南府學訓導歷廣東瓊州府知府宿弊頓革吏

民畏服未幾坐事免十六年九月起左春坊左諭德本年十月

陞禮部尚書十八年五月遷吏部尚書本年以前任禮部盜官

糧事發伏誅

詹徽字資善直隸徽州府婺源縣人吏部尚書同之子徽有才

智見事敏決十三年以薦舉擢監察御史十六年陞都察院左

僉都御史本院自十四年改御史臺為都察院正七品衙門革

中丞等官止設察院御史至是陞正三品設左右僉都御史

國朝列卿紀 卷之三十三

二十九

首膺簡命性嚴厲不以色假人善持風紀 上嘉之特賜徽與

禮部侍郎朱同左通政蔡瑄等十二人襲衣十七年正月陞都

察院正二品定設左右都御史并左右副僉都御史及經歷都

事十三道御史專糾劾有司辯明冤枉提督各道一應不法事

務特陞徽為左都御史徽持憲類務苛刻諸司凜凜不敢犯十

八年六月吏部尚書趙瑁伏誅命徽兼吏部尚書十九年夏四

月奏用監生十四人皆為六品以下官 上諭之曰事君之道

惟盡忠不欺治民之道惟至公無私凡一郡一邑之民必有饑

寒不得其所者有獄訟冤抑者有賢才不舉者有豪猾蠹民者

汝等到任時能不為私欲所蔽人言所惑則方寸自明而諸弊

可息一牽於私欲而惑於人言則其如坐暗室饑寒者無由獲

濟冤抑者無由申理賢才壅閉奸猾縱橫則為廢職矣古人有

言人始入官如入暗室久而方明明乃治矣汝等切記毋為蔽

惑也五月 上以天下郡縣多吏弊民蠹皆由雜流得為牧民

官乃命同祭酒司業擇監生千餘人送吏部除授知州知縣等

職六月設勘合字號初授官員皆給勘合到任至是革之其

行取官員及查理事務等項則仍用勘合廣西雲南浙江湖廣

廣東江西則用子丑寅卯辰巳字山西山東河南貴州陝西福

建則用午未申酉戌亥字滁徽蘇州鳳陽揚州松江淮安太平

寧國常州安慶則用角亢氏房心尾箕斗牛女虛字應天鎮江

國朝列卿紀 卷之三十三

三十

廣德池州廬州和州徐州永平保定河間順天真定大名廣平

順德隆慶保安則用危室壁奎婁胃昂畢觜參井鬼柳星張翼

軫字七月 上以徽在職公勤詔有司復其家二十年十月

上以北方學校無名師生徒廢學命徽選南方學官有學者教

之增廣生員不拘額數二十四年四月奏言監生劉肅已除靖

州衛知事未任欲奔祖父喪而有父在况祖父母伯叔及兄服

俱暮年若一一奔喪守制或一人有五六月喪或往返有八九

千里又兼因濟其私非特曠官悞事抑且有乖禮制難從其請

上命六部都察院通政司等官會議甲戌議上除父母及祖父母

下憂承重外其餘暮年服制俱不許奔喪但遣人致祭如擅自

離職還家拿問如律從之九月 上諭徵與禮部左侍郎張衡
曰有司供宴擾民今後支與官鈔布政司一千貫以下有差十
月徵等同衡奏行凡遇正旦 聖節冬至公安錢於本處官錢
內支給無府州縣都司衛所移附近有司關用每節布政司一
千貫在城都司衛所附郭大小衙門官吏師生并耆民俱赴本
司筵宴府有都司七百貫以下各有差州有衛五百貫縣有衛
四百貫以下有差無有司衙門衛四百貫所一百五十貫二十
五年加太子少保支兼俸二十六年議立教官考滿法凡天下
府學額設生員四十名州三十名縣二十名教授學正教諭九
年之內府生員取中九名州中六名縣中三名又考通經者為
國朝列卿紀 卷之二十三 三十一

詹徵侍郎傳友文伏誅命善署本部事善於其職稱 上旨特
陞吏部侍郎仍署尚書事會 上以諸司職有崇卑政有大小
無方冊以著成法恐後之蒞官者罔知職任政事施設之詳乃
命善同翰林儒臣倣唐六典之制自五府六部都察院以下諸
司凡有設官分職之類務編為書名曰諸司職掌 詔刻行頒
布中外五月奏准各衙門吏三年役滿於本衙門見缺令史書
吏內陞用再役三年給由赴京如有餘吏送赴吏部不許一繫
縣陞於州州陞於府府陞於布政司等衙門及王府長史司此
故不給由者治罪其各處布按承差奏准以能幹人員選取三
年考滿役日無私過於雜職內叙用有私過者則充吏十月詔
國朝列卿紀 卷之二十三 三十一

平常平等用若府生員取中不及四名州不及三名縣不及二
名考又不通經者不稱職出降別用其訓導分教生員一十名
九年内取中三名又考通經者陞教諭若中二名或一名者又
通經仍充訓導若科舉生員全無又考不通經者降出別用二
月涼國公藍玉以謀反下獄 上集羣臣廷鞠未服徵叱令具
實玉因奏徵為黨與侍郎傳友文伏誅徵行事剛果人不敢犯
但懷傾險之性陷韓國以大獄及解縉草諫書達韓國事欲中
以危法其及重禍固宜

祭酒胡季安選監生年三十以上能文章者三百四十一人命
善除授教諭等官二十八年實授吏部尚書一日 上諭羣臣
曰善雖年少字量宏闊他莫能侔也善明於經濟凡所奏議允
合 上心上曰朕有良佐何患天下不治 上欲命工部為善
營第於泰興善曰江鄉地隘宗親其衆誠不忍奪人以自益也
况未報涓埃何敢當此 上語羣臣曰有官居鼎鼐無地起樓
臺善與寇準同風矣善家成籍 上欲免之善曰成卒宜增豈
可以臣破例 上曰善可謂忠矣二十九年正月以事免
杜澤字 山東青州府人洪武中以文學授沂水縣
學訓導二十年侍臣薦其 行修召陞司經局試校書二十

五年改詹事院為府設詹事少詹府丞等官輔導東宮侍從講讀每進畢時凡 帝發落過五府軍政六部緊要事務及撫字四夷恩意大經大法皆得與聞進澤詹事府丞澤朴實持重言動不踰禮 上嘉之於二十九年正月特陞吏部尚書首定朝覲之制以辰戌丑未年為期朝正後吏部會同都察院考入覲官員奏請定奪其存留者俱引至御前刑部及科道各露章糾劾怠職之罪一時譴責宥免皆出 上命及宥免還任各一賜勅一道以申飭戒其已往一歲一朝之制俱革三月賜高麗布一疋會學正吳啓言國子師生例以文學優劣分隸六堂邇來皆無甄別高下不分無以激勸宜考第如例 上令魏國公徐

國朝列卿紀 卷之二十三 三十一

輝祖及禮部翰林院官同詣監考試仍令澤以次錄用毋使淹滯三十年正月奏定考覈等第先是洪武初在京官三年一調用二十九年始以九年為滿至是定官員等第勤慎者仍治其事實授在任三年才力不逮者奏請降黜其各王府官與護衛首領官例不考覈三月 上令澤再試寄監下第舉人中式者次其等第授教授教諭訓導其不中者則除州吏目三十一年正月定考覈府縣首領官法先是各府州縣首領在任三年及九年考滿考不稱職者發充吏役至此乃令首領官不分在任淺深但不稱職俱發充吏三月續定吏員出身皆以九年考滿出身或在京兩考在外一考或在京一考在外兩考一品二品

衙門提控都吏從七品出身掾史令史典吏并內府衙門吏正八品出身三品衙門令史從八品出身典吏正九品出身四品衙門司吏正九品出身四品衙門典吏五品衙門司吏典吏書吏俱從九品出身六品至九品雜職衙門吏典都察院吏典俱除雜職其撥歷亦各從衙門大小而均分之其吏員考滿不給由丁憂不起復其侍親等項託故在閒已經官府問斷仍充吏役者重歷三考澤掌銓慎守不欺本年四月以年老致仕 茹瑞字 湖廣衡山縣人洪武中由監生擢吏科給事中十五年陞通政司右叅議十七年陞左通政善於其職 太祖特一加眷注復其家二十年陞通政使二十三年改右副都御史本

國朝列卿紀 卷之二十三 三十二

年試兵部尚書二十五年加太子少保仍兼兵部尚書併給其俸三十一年改吏部尚書暴昭誣以賊罪黜為河南左布政使詳兵部尚書 張統字昭季陝西西安府富平縣人統自少勤學勵行洪武初以明經舉授京兆學教授尋擢東宮侍書才識通敏 懿文皇太子器重之十二年冬陞通政司左叅議十五年正月克雲南置雲南布政使司改統左叅政賜之勅諭及陞辭復賦詩一章賜之十八年進左布政統在雲南最久夷民心孚遠近安之凡土地貢賦法令條格祀神壇祀公署廨宇與夫上下典儀公用程度皆出統裁定自是雲南多中國衣冠流徙統與諸名士黃

景董倫章定交而厚恤之其地在管内者不問識不識皆若親戚以故遷謫至者如歸二十年三月秩滿入覲 上以統在雲南能撫綏夷人俾復職賜璽書勞之曰唐虞之制外樹州牧侯伯式奠民居以寧方域人樂雍熙載諸方籍雖不備述而紀綱見焉當是時賢良並出所用皆仁是以世代相承而法令不更諸侯列土千載不異以其誠信相孚上下無間也今之人不然善道弗行從欲如流朕竭氣力疲精神諄諄命之從者罕焉何其難治也曩者討平西南諸夷命官撫守爾統實先授任今年五年矣言出則諸蠻聽服令布則四野懽忻皆由誠信相孚克其乃職莫安黔南人獲其所今年來朝不待考而朕知其功出於國朝列卿紀 卷之二十三 三五

天下十二牧之首故嘉汝績復命仍治黔南汝往欽哉二十一年統以西南初靖餘孽尚驕以吏日程本立守禦龍他郎旬自是民安其業軍得其伍三十一年徵爲吏部尚書去官之日滇人思慕如失父母 建文君卽位旁求隱逸悉委統試衡鑑精絕量才授任各適其宜會修 太祖實錄被旨試翰林任編纂獨喜楊士奇有用之才以爲第一其知人之哲如此靖難師起預謀抗禦之方既入京討奸黨統與焉及 成廟卽位召統與戶部尚書王純諭曰卿二人久事 皇考習知典故今皆老矣其解職務月給尚書半俸居京後自經於部之後堂 蹇義字宜之四川重慶府巴縣人詳後吏部尚書 卷之二 十三終

國朝列卿紀卷之二十四

吏部尚書總論

夫吏部尚書者古天官太宰之任也天者統理萬物天子立冢宰使掌邦治亦所以統衆官均四海不言司者以其不主一官之事也自漢置選曹以來至魏改爲吏部與周冢宰所掌不同然黃散而下悉以委之其任豈其輕哉故唐元宗以蘇頌分掌吏部選而親臨決之吳兢切諫以爲不可德宗命陸贄擇常參官贄不從命此皆明選法本原而知體之論可爲程法者也但呂吉甫有云秤必有星尺必有刻勿爲無星之秤勿爲無刻之尺李嶠崔湜掌銓衡則傾附勢要以至選法大壞者所謂無星之秤無刻之尺也宋璟掌吏部而人服其公所謂秤之有星而尺之有刻也是吏治得失係於所掌可不擇人任之乎我 明罷丞相以來權歸六部而吏部尤爲百僚之長凡選課勳封俱屬掌之而百官進退並由叙擬取裁 宸極其任可謂重矣而求其清源守法不奪於化筆者可得哉天造不論蹇忠定當成祖入正大統之初雖云天資厚重中無定見然釐正革朝時政光復洪武舊制損益適宜與天下更始至黜陟百司不設城府天下並服其誠晚年晉寅亮之職參謀密勿一德一心亦庶幾代天之相矣郭璉寬洪簡重得大臣體但內閣薄其不學無術既勅方面風憲郡守令在京三品以上舉保又議勅御史知縣

許在京五品以上舉保由是天下要職吏部不得除而權移弊
 滋其勢莫知所止矣繁後若王文端之奏罷廷臣薦舉令御史
 歸報賢否王忠肅之痛抑賢良諸科行官吏覆勘過名耿文恪
 之坦夷無物舉拔務從衆論倪文毅之劑量均停弛張各當其
 才馬端肅之抗用篆刻儒士而艱險不避許襄毅之奏署南京
 科道而正直有賴皆可謂名吏部者至於裁抑僥倖而傳陞官
 員并工完濫賞者寢格不行褒崇名節而科道忤旨并善類受
 誣者直白其冤與夫疏正條例銓別流品知有其國而不知有
 其身如王端毅者一人而已視被焦芳劉宇張綵輩之媚竈逆
 瑾表裏為奸詎無星之秤無刻之尺已哉後之視今猶今之視
 昔也知所勸懲焉則幾矣

國朝列卿紀

卷之二十四

二

周

國朝列卿紀卷之二十四

吏部尚書年表

許進	河南靈寶人進士正德元年任加太子少保三年致仕卒贈太子太保諡襄毅
焦芳	河南泌陽人進士正德元年任本學士後職為民
馬文升	河南鉅州人進士弘治十四年任加少師兼太子太師正德元年致仕卒贈太子太師諡端肅
倪岳	應天上元人進士弘治十三年任加太子少保卒贈太子太保諡文毅
屠滂	浙江鄞縣人進士弘治九年任加太子太保十三年致仕卒贈太子太保諡襄惠
耿裕	見前弘治六年任加太子太保九年卒贈太子太保諡文恪
王恕	陝西三原人進士成化二十三年任加太子少保弘治六年致仕卒贈太子太師諡端毅
李裕	江西豐城人進士成化二十二年任本學士調南京禮部
耿裕	河南盧氏人進士成化二十二年任本學士調南京禮部
尹旻	山東歷城人進士成化九年任加太子太傅二十二年致仕卒贈太子太保諡恭簡
姚夔	浙江桐廬人進士成化五年任加太子少保九年卒贈太子少保諡文敏
崔恭	直隸廣宗人進士成化五年任本年丁憂調南京吏部卒贈太子少保諡莊敏
李秉	山東曹州人進士成化二年任五年致仕卒贈太子少保諡襄敏
王翺	直隸鹽山人進士景泰四年任加太子太保成化三年卒贈太子太保諡忠肅
何文淵	江西廣昌人進士景泰元年任加太子太保四年致仕
王直	江西泰和人進士正統八年任加少師兼太子太師天順元年致仕卒贈太子太保諡文端
郭璉	直隸新安人監生宣德四年任正統八年致仕
蹇義	四川巴縣人進士洪武三十五年任加少師宣德十年卒贈太子太師諡忠定

唐龍	熊浹	許讚	汪鉉	方獻夫	王瓊	方獻夫	桂萼	李承勛	羅欽順	國朝列卿紀	廖玘	楊旦	喬宇	石瑤	王瓊	陸完	楊一清	劉機	張綵	劉宇
浙江蘭谿人正德戊辰進士嘉靖二十四年由太子太保兵部尚書改任二十五年忤旨為民	江西南昌人正德甲戌進士嘉靖二十三年入閣加太子太保弘治十四年忤旨為民	河南靈寶人進士嘉靖十五年任太子太保	直隸安肅人弘治壬戌進士嘉靖十一年任太子太保	見前嘉靖十一年再任尋入閣歷少保兼太子太保武英殿大學士卒贈太保諡文襄	詳前嘉靖十年再任加太子太保	廣東南海人進士嘉靖八年任太子太保	江西安仁人進士嘉靖七年任太子太保	湖廣嘉魚人弘治癸丑進士嘉靖六年任太子太保	江西泰和人弘治癸丑進士嘉靖六年由禮部尚書起改本部未任致仕卒贈太子太保諡文莊	國朝列卿紀 卷之二十四 四	直隸東光人弘治庚戌進士嘉靖三年任太子太保	福建建安人進士嘉靖三年入閣	山西樂平人進士正德十六年任太子太保	直隸藁城人進士正德十六年任太子太保	山西太原人進士正德十五年任太子太保	直隸常州人進士正德十年任太子太保	雲南安寧人進士正德六年任太子太保	順天大興人進士正德五年任太子太保	陝西安定人進士正德四年任太子太保	河南鈞州人進士正德三年任太子太保

宋纁	楊巍	嚴清	梁夢龍	王國光	方逢時	高拱	楊博	胡松	郭朴	國朝列卿紀	嚴訥	郭朴	歐陽進	吳鵬	李默	萬鐘	李默	夏邦謨	周用
河南商丘人嘉靖己未進士	山東海豐人嘉靖丁未進士萬曆十一年由戶部改任十八年致仕	雲南後衛人嘉靖十年任太子太保	直隸真定人嘉靖癸丑進士	山西陽城人嘉靖甲辰進士	湖廣嘉魚人嘉靖辛丑進士萬曆二年任太子太保	河南新鄭人嘉靖辛丑進士隆慶二年任太子太保	山西蒲州人嘉靖己丑進士四十五年任隆慶三年致仕	直隸涿州人嘉靖己丑進士	見前嘉靖十四年再任	國朝列卿紀 卷之二十四 五	直隸常熟人嘉靖辛丑進士	河南安陽人嘉靖乙未進士四十二年任太子太保	江西安福人正德丁丑進士歷少保兼太子太保	浙江秀水人嘉靖癸未進士三十五年任太子太保	詳前嘉靖三十二年再任加太子太保	江西進賢人弘治乙丑進士嘉靖三十年任太子太保	福建甯寧人正德辛巳進士嘉靖二十八年任太子太保	四川涪州人正德戊辰進士嘉靖二十六年任太子太保	直隸吳江人弘治壬戌進士嘉靖二十五年任太子太保

吏部尚書行實

憲義字宜之四川重慶府巴縣人生而岐嶷長端重不好弄而嗜學弗懈始從里社師中書左丞殷哲時為郡守一見異之引充郡學弟子員語其師曰是兒將來遠到非吾所及當成就之而義不煩程督日有進益洪武甲子中四川鄉試乙丑中禮部會試 廷試賜同進士出身擢中書舍人授徵仕郎見重 太祖每前奏事稱旨 上數見獎齊初名瑤一日遇奏事畢問汝寒叔之後乎義叩頭不敢對 上嘉其篤實親灑宸翰書義字賜之以易舊名時丁羅夫人憂賜道里費且命馳驛歸益特恩云服闋仍舊職滿三載吏部奏當調特命終九載朝夕左右凡

國朝列卿紀

卷之二十四

六

劉世修

機密文字必以付義而小心敬慎久而愈篤三十一年閏五月建文即位陞吏部右侍郎授嘉議大夫壬午六月 成祖入正大統同夏原吉等迎戴首言 建文中凡中外大小衙門有創革陞降官員額數有增減者及所更改文武散官并考滿等例並合遵復舊制 上曰如關軍民利害可因時損益既於利害無所關涉何用更改俱速改復一日 上視朝以建文多改舊制顧侍臣嘆曰如羣臣散官一事前代沿襲已久何關利害亦欲改易且陵土未乾何忍紛紛為此於是 天顏愴然變色既又曰凡開創之主其經歷多謀慮深每作一事必籌度數日乃行亦歎子孫世守之故詩書所載前王之善必曰不愆不忘率

由舊章於警戒後世必曰率乃祖攸行曰監於先王戒憲此皆

老成之言後世輕佻詭諛之徒立心不端以其私智小見導

君改易 祖法嗣君不明以為能而寵任之徇小人之邪謀至

於國弊民叛而喪其社稷者有之矣豈可不以為戒乃令尚書

張統解職務尋改義左侍郎數月尚書張統暴卒特陞吏部尚

書授資善大夫時政令制度有非洪武之舊者 詔悉復之義

從容為上言鑒成憲者豈無因革及亂政者自有經權損益貴

適時宜間舉數事陳說本末 成祖以義忠實悉從其言小人

有譖義不忠建文君者賴 上聖明不聽有除官不得善地訴

義不公者 上皆斥之十二月義言舊制教授滿九年任內諸

國朝列卿紀

卷之二十四

七

毛士遠

一生有舉人九名又考本官通經者陞用舉人四名及考通經者從本等用舉人不及四名又考不通經黜降不用今四川順慶府儒學教授馮壯甫考通經任內舉人三名請降用 上命降一學正著為令又言鹽課提舉司考滿舊無定制宜如稅課司局官三年赴布政司按察司考覈於九年赴部通考從之永樂元年七月義言太僕寺太常寺光祿寺通政司大理寺國子監鴻臚寺翰林院正佐官考滿舊例四品以上本部不考五品以下未有定擬 上命准四品以上之例九月義等上言 太祖雖未仕者至建文中授以官後復以罪黜今有來告復職者於例不當復 上曰天下人才皆 皇考所造就為國家之用朕即

位以來仰遵成憲凡一才一藝悉用之古稱任官惟賢才初興之主往往因才於前代况出 皇考所造就豈得因建文嘗用而遂棄之自今勿復分別但隨才擢用二年冊 仁宗為皇太子命義兼詹事時師傅皆以勳臣兼之而輔導責任文臣詹事蓋元僚也 上欲有諭 皇太子率諭詹事往導意義亦委曲周悉 皇太子尤愛重義所言靡不信用六月義言諸司歷事一監生例應三月後授官近因少缺有一年未授者而內府辦事監生止是謄寫奏本查理文冊稽算數目別無政務迺者內官一監奏准半歲授官而歷事監生有政務者反遲今後宜令有司一內府辦事監生月日滿日定例給賞仍令回監進學依次歷事

國朝列卿紀 卷之二十四 八

出身 上從之未幾滿三載陞資政大夫七年 車駕巡狩北一京命輔 皇太子監國中外庶務惟 諸王及遠夷有奏請詣一行在餘悉啓聞處分義熟於典故達於政體孜孜無倦不動聲色而事賴以濟 賜詔以其官秩封贈三代滿九載 賜勅有秉心正直及淳良篤實裨益國家之褒數奉命兼理他部事雖職務填委處之裕如十七年丁父喪歸 上及皇太子皆遣官賜祭 皇太子贈賻尤厚有詔起復義詣北京謝 上慰勞再三賜鈔千緡遣中官護送至南京十八年 詔定鼎北京從 皇太子朝北京十九年三殿災遂命 同給事中馬俊巡撫直隸應天等府州問兵民休戚及文武官吏之賢否而陞黜之義謂

國家多事之際悉以法繩吏人將不勝特黜其太甚者數人餘多見寬假而兵民利弊當與革者具奏行之還吏部二十餘上北征還坐東官事繫錦衣獄尋釋 仁宗初嗣位一切政議預者四五人而義居首進少保兼吏部尚書二俸俱支 賜冠服象笏及玉帶二遂進少傅及進少師賜師傅之臣銀章各一其文曰繩愆糾繆義首被 賜 上諭之曰朕有過舉卿即具疏用此封識進來蓋望義等匡直也繼賜詔授榮祿大夫封贈三代及妻於數人話詞 上特增曰勿謂崇高而難入勿以有所從違而或息又面諭曰此朕實心蓋所以望義者甚切也又念義等從侍監國舊勞特製寒忠貞印賜之而賜勅有以善翊君

國朝列卿紀 卷之二十四 九

勞心焦思二十餘年夷險一節之褒義重厚每事不敢專斷每承顧問常持兩端不決西楊謂勿過思義曰事不熟慮有後患上笑曰義士奇言皆是東楊或詆之語聞 上不直東楊義頓首言榮無他即左右有讒榮者願 皇上慎察 上曰吾亦不信偶言及耳時修 成祖實錄命義監修 宣宗嗣位一切政議屬義數人如 仁宗之初繼奉命監修 仁宗實錄書成賜白金文綺鞍馬宣德元年扈從征漢庶人高煦還寵賽尤厚七月義言四川按察使陳璉持憲非其所長改南京通政使掌國子監事 上知璉有文名謂義曰命官稱其才則不勞而職易舉向所用非所長矣今其庶幾乎然為天下師表尤不易也時議

赦交趾義及夏原吉方言 祖宗賜土不可棄 上不聽命擇人使交趾義薦伏伯安楊士奇謂伯安不可使義當揚而力爭當是時 上尤信原吉比召諸大臣入議義薦伯安 上顧原吉云何對曰不可義曰伯安有口才羣臣不及 上又顧問士奇云何對曰伯安有穢行無學識遣使必辱國上從二人言不遣伯安使義亦不以二人為異已三年復從巡邊既還以義年老不欲煩以有司之務賜勅曰卿事 祖宗積效勤誠朕嗣統以來尤資贊輔夙夜在念圖善始終益以卿春秋高尚典劇司優老待賢禮非攸當况師保之重實亮為職不煩庶政乃副尚毗可輟吏部之務朝夕在朕左右相與討論至理共寧邦家其

國朝列卿紀

卷之二十四

十

十一

專精神審思慮益致嘉猷用稱眷倚老成之意明年夏郭楚代義尚書 賜銀章一其文曰忠厚寬宏益以褒德云 賜新第於文明門內寵祿薦加五年六月義奏舊例國子監官九載考滿者但復職增俸 上曰國子監官有例復職固是優待儒者但他官九年俱陞職學官獨不可陞乎令量加翰林史職仍理教事又若教官中有學術才識出眾者尤當不拘資格拔擢勿謂儒者不可用八年吏部言義歷少師九載降勅褒諭仍賜宴禮部是歲生且賜鈔萬緡廐馬一疋十年 英宗嗣位賜白金文綺是夕齋宿於公得疾以聞 上遣太監范弘以醫來視賜鈔萬緡明日范太監以眾醫偕來又明日疾革復來問所欲

言對曰 陛下初嗣大寶義獨寡祐不能效分寸裨益然犬馬之誠所望於 聖明者惟敬守洪武成憲始終不渝耳已而絕訃聞 上深悼歎屬時國有大事停諸祀特 賜贈太師諡忠定義為人沉深質實和厚簡靜內有孝友之行事君有誠處人有量無所拂逆未嘗有輕涉一語傷物至於議法亦不苟為包含必歸中正歷事五朝凡五十年所履坦坦無一日顛躓之憂退朝之暇手不釋卷費而能謙富而能約 上前所言未嘗退以語人蓋天下有陰被其利者矣

國朝列卿紀

卷之二十四

十一

十一

於史事簡切不泛承樂初年為戶部主事以勤敏著稱已為文廟所知歷陞福建參議山東參政俱有政績五年進工部右侍郎九年命往湖廣武當山督宮觀事集而人不擾事竣回部十年定鼎北京 特命安撫江西軍民考察官吏二十二年改吏部會 仁廟嗣位益隆眷注 命兼詹事府少詹事仍改今名暨 宣廟嗣位又命掌行在詹事府四年義以年老輟吏部政務替謀密勿遂進尚書代義理部務為人寬洪簡重得大臣體慨別上類人服其當但三楊當軸薄其不學無術以老成至此既議 勅方面風憲郡守令在京三品以上官舉保又議勅今後御史知縣許在京五品以上官舉保由是天下要職吏部

不得除已而奔競之風大作有以弊言者遂罷御史知縣舉保之例郡守以上仍舊出於三楊之門吏部拱手而已正統初侍臣因蝗旱言大臣不能盡職久妨賢路有旨回奏衆欲歸罷田里以謝天譴璉獨以爲不可去非是食位但主上幼冲吾輩皆先帝簡任受付託若皆罷去誰與共理只宜戴罪修省改過以回天意衆從其言璉者是之後都御史王文劾其貪墨八年遂致仕

王直字行儉江西吉安府泰和縣人早喪母而父以事去賴祖母李夫人撫育自幼端重異於常見家貧力薄刻苦讀書永樂改元遂領鄉薦明年登進士第成祖篤意古學詔選進士

國朝列卿紀 卷之二十四

十一

王直

曾榮等二十八人爲翰林庶吉士俾讀中秘書冀成遠大之器直在選中感激奮志不數年文辭追古作者上以直卓越諸士召入內閣凡機密之政屬執筆焉尋授翰林修撰車駕巡幸北京仁宗爲皇太子監國留務之重選任尤嚴時翰林則留黃淮楊士奇與直三人輔導直夙夜勤慎不懈中外咸重之及再幸北京直扈從遂與修太祖實錄未成以憂去服闋仍入翰林陞侍讀仁宗即位進侍讀學士宣宗爲皇太子慎選官僚首陞直右春坊右庶子仍兼侍讀學士凡經筵講義及文武羣臣誥勅皆以屬直又兼記注至於聖政聖訓之當書者皆錄之以備纂述進階奉議大夫宣宗即位與修兩

朝實錄五年書成進詹事府少詹事仍兼侍讀學士有白金彩幣襲衣寶鏤之賚進階中順大夫英宗嗣位詔修先朝實錄以直總裁正統三年書成進禮部左侍郎仍兼學士賞賚如前久之以禮部缺人命出蒞部事宗伯胡濙大喜闔部之政悉付之直處之裕然若素習者八年吏部尚書郭璉去位

詔以直代之命下士類皆悅進階資政大夫歷再歲有無賴不得志者以選撥事嫁禍於直給舍御史交章論列乃直其誣加授資德大夫正治上卿正統己巳秋北虜犯邊車駕欲親征直獨以爲不可率廷臣上疏曰邊鄙之事自古有之惟在守備嚴固而已國朝備邊最爲上策謀臣猛將堅甲利兵隨處備

國朝列卿紀 卷之二十四

十三

王直

禦且耕且守今宜慎固封守申明號令俾堅壁清野按兵蓄銳彼前不得戰退無所掠人馬疲困自當遠遁何必親御六飛遠臨榆塞况秋暑未退旱氣蘊隆青草不豐水泉猶塞人畜之川實有未充且兵凶戰危利害難保上不從特命直留守京師加太子太保兼吏部尚書尋進階榮祿大夫景泰初進少傅時禮部議遣使迎復上首召大臣以通和壞事欲與虜絕直首對必乞遣使勿有他日之悔上色稍不怡曰當時大位是卿等要我爲之非出朕心少保于謙繼有對蓋以爲大位已定孰敢有議但欲遣使盡禮紓邊急耳辭揚而意婉上意始釋曰從汝言已即退羣臣既出文華門太監與安爾爾而出呼曰

爾等固欲遣使且言孰可行者孰為文天祥富弼其人耶眾未
有答直面發赤大言曰豈可為此言今日羣臣皆 朝廷人

唯 朝廷用孰敢有不行者如是言之且至再而詞色愈厲與

安為之語塞卒遣使迎復其力居多二年辛未冬中書舍人何

觀劾直等正統中皆阿附權奸今此輩老猾不宜在左右 上

怒下科道議 令錦衣杖觀調外任壬申易儲 命兼太子太

師進階光祿大夫直屢疏求退不允天順改元 英宗復位圖

任舊人直艱於步履不能朝謁懇乞休致拜師傳二職 詔特

許之 賜以璽書有忠靖之操簡於朕懷之語復出白金文綺

寶鏹 賜之給驛舟以歸直方面修髯器宇宏偉望之若神仙

國朝列卿紀

卷之二十四

十四

直

中人天性嚴重寡言笑居家儼然及至接人和氣可掬學富才

敏詩文清緻四方求者接踵屢與春闈文衡得人最盛在翰林

三十餘年恭勤不怠如一日與王文安公英濟名時稱二王又

以居地在東稱東王先生士類莫不拭目海內想聞其風采及

位冢宰益加廉慎時方面官罷廷臣薦舉專屬吏部直益留意

人才委任部屬凡御史出巡歸者必令報其高下以備拔用自

是四方多號得人奔競之風為之一息居第隘陋曾不屑意

切世味安於淡薄 朝廷重直之德每優禮之免其朝謁及退

休居家杜門不出口課諸孫讀書而已所著有抑菴集若干卷

行於世天順六年九月二十三日以疾卒年八十四訃聞贈太

保證文端遺官 諭祭於其家復令有司營葬事子積為翰林
檢討曾孫思為編修

寓圃雜記云景皇帝八年正月病久不能朝外議稍積于冢宰

直與諸大臣議請舊太子某憲宗御名監國 太上還大內議畢具

本時正月十四日以燈假有妨候十六日早進其禁留於禮部

尚書姚夔家諸臣中有一人泄其議其貪功喜事若曹石諸人

知之遂亟造謀先於十五夜部聚整定至四鼓斬關而入亦有

內應者遂成南城之計而前諸臣之請竟寢焉 英宗既復辟

雖賞諸人之功而恒不悅以其有輕 朝廷之心後皆不得其

終成化初姚為冢宰常以稿出示郎中陸景且曰朝廷本無事

國朝列卿紀

卷之二十四

十五

直

但庸人自擾之兼亦無迎藩之謀特以此誣于謙輩死耳

奇德錄云王文端公直在吏部時其子為南京國學博士考結

在部文選郎中欲留侍公改北學公不可曰是亂法自我始矣

何文淵字巨川江西建昌府廣昌縣人自幼英邁年七歲入社

學從鄉先生讀書過目成誦羣兒或竊瓜果以奉文淵却之曰

童稚之年詎可習為盜賊哉識者嘆其不凡永樂初選補邑庠

生時父兄繼喪文淵晝則經營家事夜則刻苦讀書派濡既久

經史百氏無不貫通發為文章咸中矩度歲戊戌登李騏榜進

士越二年拜湖廣道監察御史以廉介自持正色立朝巡按山

東山東豪右侵漁百姓兼軍衛多擾文淵發奸摘伏吏民畏之

如神 仁宗即位命考四川吏治察其殿最而黜陟之入殿止
當又劾奏工部侍郎楊和雖退參議金文斌副使張銘命事崇
明等三百餘人威風凜凜會暴往往棄官去時蜀學所臨郡邑
輒兩人謂御史兩烏蒙土官知府祿昭妻與者民付伽私昭知
之什伽懼罪潛赴京告昭謀反 詔四川雲南貴州建昌行都
司各以軍討之昭遣人訟冤文淵移檄止所調軍具以其軍聞
於 上遂直其冤由建昌行都司入雲南經貴州出播州楊宣
慰迎謁以銀器文綺來獻文淵笑而却之宣慰出語人此可見
何公不可以利動宣德改元正月奉 勅清理兩西戎俗於其
寬濫者直之欺隱者嗚之民無有苟免而濫加者十一月 詔
國朝列卿紀 卷之二十四 十六

連年文淵請均陸田之稅與水田等於是賦稅不虧而民甚利
之郡所屬四縣稅課司河泊所舊徵銀鈔既而禁用金銀商稅
止輸鈔而舊課不除每歲役於官者買銀輸之民多破產文淵
以稅銀利禁請自今課銀亦皆收鈔 朝廷從之是後民無輸
銀之苦溫地與金鄉盤石等三衛鄰軍士恃其不統於有司肆
爲兇暴廣植田產不供賦役凌轢有司侵刻小民文淵東之以
法軍衛肅然一日檄下作漕運巨艦四五十艘郡邑驚動文淵
任察屬集耆老與工料董其事不一二月寂無勞擾而艦成且
以所餘物還下中貴官柴某以巨舟浮取寶西洋諸國迨還遇
風舟泊海港入溫江瀕岸將起其貨送京柴某聲勢熾焰文淵
處之裕如居數月政化大洽山無盜賊民寡詞訟境內稱治有
來質者文淵爲辯其曲直咸悅服而去青田民葉孟圭徐成皆
邑之大姓也兩家故有怨成爲糧長以賦不時輸縣遣孟圭督
之孟圭欲因以報怨乃率五百人掠其財壞其屋成訴於官三
司調軍追捕文淵聞之曰洪武初青田嘗反今以五百人之衆
不服追捕逃入於山林必激變又延及無辜乃遣人召孟圭及
成至府諭以禍福命孟圭以所掠還成爲葺其屋孟圭拜且泣
曰昨聞調軍追捕自謂旦暮鬼耳今聞指示可生之路敢不從
命人謂文淵片言止亂壬子冬十月入覲道經括蒼馮公嶺丞
嘉丞于見遣其子問道懷金贖文淵於旅館文淵慰諭却之避

客聞其事者因扁所舍處曰却金館士大夫咸有題詠始文淵與八人受命為守未月政聲燁然聞於京師至是上問吏部尚書郭璉曰先所任九人為知府亦有來者乎璉以文淵等七名聞乃召入便殿命使傳詔獎勞賜宴於廷又以御製招隱詩特賜之所以寵賚之者甚厚文淵既復任感上寵遇知無不為化行既久民皆信服軍衛亦皆戒飭其下毋得侵害為民患郡中無事暇則請庠序進諸生周旋講論經史疊疊忘倦又召生徒章綸入府親自受業未幾周旋果狀元及第章綸第進士任禮部右侍郎其餘亦各出仕有廉介心文淵之指教居多歲早齋戒禱于山川泣拜移時不能起其國朝列卿紀 卷之二十四 十八

高宗 四百三十一

禱詞有云薄壽請從今日止甘露望自九天來俄而黑雲四興大雨如注歲大熟乙卯春處州盜起羣集四出剽掠官軍討之往往敗績乃於要害處設官防守俄有一人逸入境守關者執之乃殺官軍者也文淵詢知賊據烏風洞為巢穴遣經歷黃能誠往捕之悉得其渠魁時都指揮使李貴等捕盜無所得乃執村民以火烙之皆自誣服文淵移文言已得盜彼所捕平民也貴等怒必欲置所執者於死文淵抗言不為撓由是活二百餘人永嘉民朱良觀良旦兄弟爭財訟於郡文淵召其鄉長老諭以兄弟人倫大義因判詩於其狀有云祗緣花底鶯聲巧致使天邊鴈影分之句於是觀兄弟感泣退修其親睦之行歲五月

浙江布政使黃澤以文淵治行聞於朝宣宗以璽書獎勵增秩二級掌郡事如故命甫下而禮部尚書胡濙復薦文淵宜大用乃擢刑部右侍郎將赴召溫之官吏軍民父老咸號泣遮留及出城男女送者萬餘人填塞城門居民在江之北者率父老童稚望風拜伏悲泣於岸側在郡六年無錮錐之取於民布裘蔬食處之怡然故其時詩云行囊不載溫州物惟有民情滿腹中民思之不已為立生祠歲時祭祀及在朝敷上章言事皆關於治體每朝廷有政事百官廷議文淵辯折利害眾皆服之論因常求生之前後辯繫者之冤不可勝數又命典獄灑掃囚囹夏日則寬其桎梏正統元年丙辰九月詔往淮揚理鹽法國朝列卿紀 卷之二十四 十九

王貴 四百六十六

惟私販情重者罪之餘率寬貸議者欲悉籍其家文淵力爭之全活者百餘家庚申八月朝議遣文淵經理京畿八府荒政一多得賑濟之法初麓川思任發苦邊吏侵刻而叛都督方政討一之敗死已而遣使入貢謝罪而郡臣復請討之文淵上書大略一言麓川一彈丸瘴癘地疆里不過數百人民不滿萬餘以大軍臨之往無不克然莫若命官軍耕守操備仍令官一員直入其地諭以禍福趨避之幾好生惡死人之常情彼亦人也一開闢一示可生之路必稽首稱臣輸琛入貢若或冥頑梗化則調軍相機剿絕如此則遠人蒙再生之恩而朝廷亦免出師轉餉之勞詔百官會議時有欲邀功邀微者但言征之便卒以山川

險阻弗能克兵疲於奔命民困於轉輸東南騷動衆始悔之辛酉六月旱 詔文淵審覆在京罪囚多所平反凡情有可矜法有可疑者咸從輕議越數日天乃雨大有年上封事者言民之盜竊者多黥刺之刑不足使之懲創自今犯者宜扁其門曰竊盜之家 朝議從之文淵具言律有常憲竊盜初犯再犯俱刺字三犯者絞今又起立牌額是於律條之外又加其罪在京及各布政司人煙輻輳爲盜者多若盡立牌額數年之間各處竊盜牌額必多有失四方往來之人觀瞻實傷治體書奏乃寢其令時文淵以疾欲告歸而少師楊公士奇少保楊公溥勉留之且擬大拜文淵以疾力求罷 上乃許之既歸杜門不出惟課國朝列卿紀 卷之二十四 二十

童僕哂嬰教子讀書而已巳巳八月 車駕北狩 邸邸攝位詔起之遂驛召於家既至以爲吏部左侍郎貴州蠻叛議討之文淵言貴州荒服之地洪武中命鎮遠侯提督鎮守夷人以安永樂年始奏以其地設都布按三司及府州縣夷人始苦其役遂至作亂乞遵舊制仍設總兵官鎮守而革新設衙門不報北虜也先請遣大臣迎 車駕還京 廷議不決文淵自草奏同羣臣議詣闕請迎 變輿南還明年陞本部尚書侍 寵固位聲名日損於治郡時及附易 儲尤爲公論所斥文淵知不可求退避始 命致仕既歸杜門養病絕不與世事縣大夫有問候者輒使人謝之竟弗見天順元年四月十一日得疾與諸子曰

吾嘗爲溫守溫民戴吾亦深今去溫數十年然心未嘗不在溫也我死神氣必歸溫矣三日正衣冠而坐宗紙筆書口占律詩一首付長子宗投筆而逝所著有尚書直解東園集牧民備用司刑格用等書行於世

王朔字九阜直隸河間府滄州鹽山縣人朔生而岐嶷與凡兒不類甫十歲讀書一二過輒成誦稍長即知以禮義自持父鍾愛之嘗戒曰莊家勤苦有飯吃秀才勤苦有官做時朔聞惕然以勤苦自勵潛心經史志期古人永樂初爲邑庠弟子員隆師親友益肆力於學大有所成就九年辛卯中鄉試明年會試乙榜卒業太學乙未中陳循榜進士二甲一名改翰林院庶吉士

國朝列卿紀 卷之二十四 三十一

甲辰授大理寺左寺正獄公平爲兩法司所敬憚因誣誤左選行人司行人宣德改元丙午廬陵楊文貞公薦爲山東道御史陞都察院右僉都御史正統改元丙辰奉 勅鎮守江西剛果孤介去華就實植良善抑好貪風采凜然官民畏愛戊午奉勅巡鹽浙江祛除土豪整理鹽法事竣還已未四川松藩番賊爲患 命將征之朔奉 勅勅參贊軍務威聲大振賊懼率所部來降朔出 上賜白金三十兩寶鈔三千貫易買羊酒犒勞之酋首商巴等感悅盡邀各部落生番一十八寨來歸受約束地方獲寧辛酉奉 勅鎮守陝西整飭關隘操練兵馬舉用將帥三邊晏然關中以治羌戎莫不服其令壬戌遼東邊務弗緝度

寇頻來侵犯監軍叅贊總兵屢失機 朝廷深以為憂特 勅
 鞠提督遼東軍務及辭 召至文華殿面諭以便宜行事則至
 前屯下馬總兵以下庭謁鞠詰所以失機之由命左右悉曳出
 斬之再三哀請得免於是三軍股慄莫敢不用命至廣寧不逾
 月巡邊自山海關直抵開原高牆垣深溝塹五里為堡十里為
 屯烽燧斥堠珠連璧貫千里相望簡閱行伍懦弱者更之貧窮
 者賑給之鰥寡者婚配之謂邊境不可以法律治凡詞訟無間
 重輕量情以布絹穀粟贖罪雖人命亦以物抵償其家有指揮
 孫璟者因漏關鞭戍卒趙甲避避身死其妻哭之亦死其女哭
 之又死他卒被鞭笞訴璟殺一家三人鞠判曰甲死以罪妻女

國朝列卿紀

卷之二十四

三

王

死於夫父非殺也其令璟償其埋葬之費璟得無累卒為名將
 焉癸亥九載秩滿陞左副都御史時母張夫人故上疏乞歸終
 喪特降 勅不必守制賞鈔一千錠令其姪安葬丁卯親率官
 軍征勦達賊斬獲首級人畜無算捷奏 賜勅獎諭爾等克遵
 朕命屢率精兵出境斬獲人畜來獻朕深嘉之茲 特陞爾等
 秩仍加賞賚以旌其勞陞右都御史已巳又以殺獲達賊功陞
 左都御史是年八月胡虜也先犯京師分其醜類數萬寇廣寧
 時鞠方坐教場給賞軍士且戒約三軍分布將帥為禦虜計不
 意虜騎前鋒卒然突至我軍大潰鞠亟歸坐城下收拾散卒眾
 稍集彼眾我寡度不可敵乃下令堅壁固壘間有謂城不可守

以惑眾者鞠怒勒劔示眾曰敢為異謀者斬徐俟虜急選精銳
 步卒分投四出或奔其前或躡其後或衝擊其左右賊不得息
 且所掠輜重既多不久遂遁去窟在邊十數年間設法處置積
 銀萬餘兩糧數萬石馬千餘匹邊用充足器械鮮利軍士飽煖
 人樂於戰所舉總兵叅將如施聚焦禮輩自眾中拔起皆智勇
 有統馭才為夷狄所憚近邊建州毛連及海西諸夷來則厚以
 款待去則嚴加隄備故老少男婦莫不感鞠之恩而畏其威皆
 以王爺呼之景泰三年壬申 勅取回京管都察院事時有
 廣西土官黃瑛殺嫡當死以易 儲為請下廷臣議鞠口雖不
 言心知其不可惟嗟惋歎息而已尋加太子太保兼左都御史

國朝列卿紀

卷之二十四

三

王

值廣東廣西不靖兩鎮將官皆庸流地方大擾 朝廷更置其
 將 簡命鞠總督兩廣軍務自總兵以下悉聽節制凡事得便
 宜而行鞠威望素重蠻夷聞鞠至大懼鞠曰蠻夷久反要在撫
 化得宜耳略去兵威一意推誠撫諭引其酋長向化服眾者犒
 以金帛酒食多見歸順思恩軍民府知府岑英頻年領土兵有
 疑其反側鞠為居之桂林城中禮待甚厚養其土兵如父子相
 視由是人思効力田州知府岑紹死於家奴其已襲知府子鏞
 適領兵赴調家奴呂趙假義挾其出亡庶長子鑑入據府治以
 拒鏞鏞不敢歸思明知府既卒同族黃震黃道爭襲道父兄皆
 死於兵地方洶洶三司莫為計或以為震當襲鞠曰夷俗何倫

理之有調停之可也乃奏授鑑知府管府事鑪隸桂林總戎帳下道授知府以慰其家被禍之慘一時感化爲之帖靜恭將范信有才略人厭其貪兵部因事革其職聽調翔不惑羣疑奏復其官信卒以能將名兩廣者十餘年癸酉 欽取回京遷吏部尚書太子太保如故乙亥上疏乞致仕不允 詔命有司爲翔起第於縣郭之西時冢宰泰和王文端公尚在位而選法一委於翔於是洗剔垢弊嚴考察公銓注抑倖進杜請托故事吏典以資格出身積久過冗宣德間命吏部引入 內庭會大臣羣考之分三等一等本格外出身二等雜職用三等爲民至是翔以爲太拘遂奏罷仍依資格法考於部書判有一稍可者皆在取國朝列卿紀 卷之二十四 十四

爲信翔眷愛加隆 賞賜金玉束帶衣服靴帽綵幣玩器等物歲無虛月每用人必訪於翔翔亦以用賢報 國爲已任 上嘗問翔曰某人如何翔曰此北方人老實可用自是北人進用多翔推轂翔用人未嘗使人知要爲已功必曰 朝廷用人豈若小丈夫汲汲沽恩弔譽待人求而後與或薦之惟恐人不知出已者可同日語哉 上於燕殿呼翔必曰老王而不名嘗召翔與李文達等同遊西苑每至勝處 駕輒留片時 賜茶及晚宴醉 命人扶還其家南城五花樓成 召翔落之上元節賜觀燈於 武英殿燕賜優渥每引選入 奉天門或遇雨雪命巾貴扶而上下之有所遊幸 召翔與俱宣傳侍郎選官翔遊國朝列卿紀 卷之二十四 十五

為國柱石朕方倚毗以成用賢圖治之功不允所辭有疾着太醫院便帶好藥去看三年復疾乞歸 上遣太監許安率御醫仲和寧瓚來視且有白米酒物之賜七月疾益篤上疏懇乞骸歸鄉 上憫之諭曰卿歷事累朝為國老臣朕方倚託今病既篤勉從所請居無何 上遣太監黃高齋 勅諭及 賜白金三十兩金織衣一襲寶楮三千緡即欲與疾出關以病不能舉至十一月初六日卒年八十四計聞贈太保謚忠肅仍 命禮部 諭祭聞喪下葬及七七皆有祭工部造墳安葬給舟車送還其鄉

姚文敏公云公為人端方強毅清白儉約立心制行循理守法

國朝列卿紀

卷之二十四

三六

四

一毫不苟且性極聰敏事無巨細一經涉歷終身不忘有所當行寢食弗遑坐以待旦每見 朝廷行一善政則喜見顏色或有未善攢眉累日聞天下水旱災傷急詢所在官吏來京者有無儲積民不得流離餓死否其憂國憂民如此公京師雖有第宅三十餘年不過仍舊苟完而已公餘則退宿朝房非朔望時令謁先祠未常歸家門無私謁苞苴不敢近權豪勢要有所屬毅然拒之辭色俱厲及處之不甚拂其情故人雖畏公而心不怨屢遭變無他虞公於恩讐一不介意常曰吏部豈報恩復讐之地耶觀斯言真可愧鄙隘而警儉凶公奔走於外二十年不能一日安於朝逮其晚年 寵遇冠於羣臣所得 賜予金帛

國朝列卿紀

卷之二十四

三七

四

內則周給宗族鄉舊外則饋察友與所交之貧者李文達公嘗謂予曰皇陶九德王公有其五亂而敬擾而教簡而廉剛而塞強而義又曰王公經略不為大然專一事則無有滲漏斯言亦足樂公平生焉予忝與公同事近五年相與一出於正荷公頗相愛然不能無南人之嫌嘗竊擬公一二公之才識器度未易測評至於公勤廉慎孽孽為國之心誠非他人所能及但性多猜疑好籠馭人坐是為小人窺覷以左道投之卒為所賣者多矣故人或以知人為病予嘗勸公曰公年高蓋少戒怒聲蓋公舊桂之性到老愈辣剛中扣公高年強健之故公從容謂曰玉蘊石而山輝珠藏淵而波潤昔人已道之矣公平生寡恙一臥九月而後終非病困也蓋公稟氣厚而養之完故其歸也徐徐耳於乎公可謂全生全歸者歟

守溪長語云王朔高適孤峭人不敢干以私鎮守遼東還朝餽遺一無所受某太監者與同事久持明珠數顆餽之固辭某曰公於他人之餽皆不受我之餽亦不受吾有死而已公不得已受之乃自綴於衣領間臥起自隨雖其妻不知也居數年太監死其猶子以貧不敢見公使人召之曰何不買第宅曰貧不能也公曰第買之其人訝不肯買公乃解其珠出之衣領間與之直可千金第尚有餘云

詔營第於鹽山有司承媚於外多列屋若干公悉拆去之曰非

詔旨也每朝退於公卿前孑然獨行不與人言時馬昂兵部尚書
崔恭為吏部侍郎公直以名呼之

侍郎崔銑記忠肅事云公為吏部尚書忠清為英皇所任信
仲孫以廢入監將應秋試以有司印卷白公曰汝才可登第吾
忍蔽之哉如汝誤中選則妨一寒士矣且汝有階得仕何必幸
冀非分邪裂卷火之又公一女嫁為畿輔某官妻公夫人甚愛
女母迎女婿固不遺志而語女曰而翁長銓遷我京職則汝朝
夕侍母且遷我如振落葉耳而固怙者何女寄言於母夫人一
夕置酒跪白公公大怒取案上器擊傷夫人出駕而宿於朝房
旬乃還第塔不調

國朝列卿紀

卷之二十四

二十六

論

瑣綴錄云永樂乙未科始開會闈於北京梁伯菴先生主考得
一卷三場俱優取定為會元榜卷乃陳芳州循先生以鄉故為
嫌欲取林文枯而又以枯字難識進呈不便因見第五名洪英
曰此洪武間英才也遂取為會元而循居第二王翱第五太
宗見翱名喜北京初啓會闈而經魁得一畿甸士遂以布衣
召見賜酒飯後翱至官保太宰壽祿名位非常可及遭際有自
來矣

國朝列卿紀卷之二十四終

國朝列卿紀卷之二十五

吏部尚書行實

李秉字執中山東兗州府曹州乾都人宣德乙卯
第一丙辰登進士授福建延平府推官有兇豪為民害官莫能
禁秉廉得其狀即捕治之因被誣下獄暮年事白兇豪伏法其
名遂起越兩考擢都察院經歷未幾丁內艱服除改戶部主事
已巳陞郎中出督鳳陽等處漕運再理宣府糧儲所至事集景
泰辛未用薦陞都察院右僉都御史宣府叅贊軍務總理糧儲
秉請白金三萬兩買牛給貧乏軍民秋成償其價上允之軍
民樂業邊餉亦足且奏都督紀廣叅將楊能怠忽邊備能亦誣

國朝列卿紀

卷之二十五

一

四百五十一列汝恩

秉不法上旨取回別用擬差都御史蔣林代之科道連章言
風憲糾劾跋扈未辯曲直遽以撫拾之言而改罷之適足以鈐
言官之口非邊人之福上止林行命御史練綱給事中嚴
誠往勘果誣劾切責能等秉復奏准邊軍士雖無妻但有四
口同居者許支一石之例汰宣府尼僧配軍士無妻者又奏都
督過興怯懦無謀及叅將方政黃真都指揮王良孫安陞官賣
宅之罪上切責良等而以宅付代者癸酉有達寇近邊牧
廷議擊之上疏謂邊牆之外皆夷狄牧放之地彼未犯邊若掩其
不意而襲殺之是倖功賞而啓邊釁昔姚崇為相不賞
北意耳上嘉納之虜寇以剽掠男婦易糧米朝

米一石小口米五斗虜不從粟曰是重物而輕人也每口與米一石總兵官以為礙例秉曰何忍使吾赤子為夷人耶專擅之咎吾任之悉如數與之後具聞 上凡不究奏罷將孫安薦陞都指揮周賢代安又以指揮張林代萬全參將江福士論以為得人常條陳邊務其曰設武學以蓄將才恤孤老以廣仁政增衣糧以恤貧寒城縣治以衛居民汰冗員以節邊儲專防守以固城池委將臣以肅邊備行營田以防邊患責典守以革奸弊防虜使以杜奸謀停造作以安人心修城池以防剽掠均田土以息爭端貨官鹽以益邊餉 上悉允行之數年之間邊境無虞軍民賴之至有祀之於家者天順改元巡撫江南一守

國朝列卿紀

卷之三

二

季一

陳泰之制改蘇松加耗之例時郡縣多貪吏為民患秉去其者數人餘悉畏懼而民始安戊寅改遷大同等處一時痛革諸弊凡賂劄軍士者必置於法群情洵洵度不能自容乃以事中之已卯遂坐除名久之 上知其誣 特召復職掌南京都察院事甲申進右副都御史再巡宣府越兩月擢左都御史掌院事屬歲富考察兼舉劾無所避公論快焉是歲秋 上以大同等處邊備廢弛 命秉整飭之適虜寇入境秉率官軍與戰於鳳凰山擒獲人畜萬計成化二年丙戌建州虜酋董山作亂復命秉提督軍務討之秉奏建州毛隣海西等諸部落野人女直進貢邊臣不得過為揀擇以啟邊釁下部議從之三年丁酉武靖伯

趙補破女直擒董山等二百餘人誅之師還特 賜一品服勞以羊酒丁亥遂拜吏部尚書錄建州功進太子少保秉素剛直不阿人意及居吏部凡內外士夫有聲望者擬奏不得進擢命不已又以天下庶職不稱職者諸監生雜冗乃以貌言書判四者律之四有三者為上四有二者為中四有一者冠帶回家由是入臻怨焉大臣有忌之者指其行事乖方嗾給事中蕭彥莊劾之遂落太子少保以尚書致仕前祭酒陳緝熙為之不平特作詩送之有古道自無三黜愠直臣又見一番歸之句人所傳誦方秉被劾時六館士方試禮部咸曰其罪不測則願不試以贖之及聞薄責乃罷丁未 恩詔下進階光祿大夫又二年卒

國朝列卿紀

卷之三

三

丁酉

年八十有二秉居官介然有守無敢干以私者及與鄉人處忘其勢位人人得而親之尤雅好施予鄉族有貧乏者周給不少各云後謚襄敏 蘇志云天順元年 英宗復位石亨輩怙權自用議革宣府巡撫遂改總理糧儲兼巡撫應天等府地方時歲饑秉出官庫銀充運費易在倉米以賑民所全活甚眾罷出賊吏數十輩郡中肅清又改定蘇松加耗例六斗以上田止徵正糧五斗以上田每石加一斗五升四斗以上田每石加三斗三斗以上田每石加六斗二斗以上田每石加八斗一斗以上田每石加一石五升五升以上田每石加一石一斗五升或者謂此法據文而觀

最為平均然聚一則之田於一戶困帖之中查籍填註不勝其煩而里書之飛去不可稽實矣不久復舊益知其行之難也又是時金花銀准米三石四斗三梭布准米一石五斗綿布准米七斗五升輕於此而重於彼亦未見其利也

天順日錄云二年因大同等處巡撫革後地方益多事英宗召大學士李賢謂曰如今革去各邊文臣巡撫十分狼狽軍官縱肆貪暴士卒疲憊且曰朕初復位奉迎之人紛然更變以此不便只得依從今乃知其謬卿為朕舉進才能者用之賢因請曰遼東宣府大同延綏寧夏甘肅要人最急上復曰卿與王翱馬昂商議推選務在得人且曰多舉數人擇而用之於是

國朝列卿紀

卷之二十五

四

議推十二人政秉撫大同地方大同日石彪總戎來誣奏都御史年富逮繫至京益滋橫不可盈厭尤憚秉勁正竟擠之致仕崔恭字克讓直隸順德府廣宗縣人正統丙辰進士除戶部主事提督延綏邊儲即有能譽陞郎中乙丑考最知萊州府事恭至巡行屬邑撫良善去貪暴尤加意學校增修廟堂齋舍生徒便之丁卯登萊大旱飛蝗遣使捕之且焚蝗瘞蝗乃盡止及發郡縣倉勸富民粟賑之奏免膠州即墨諸逃戶芻糧民賴全活已巳北虜人寇遼京師恭括所屬機兵雜民壯為什伍入援京師是歲建議城臨清檄發郡夫恭以方春民且乏食未即應命及秋朔命復下始以郡民赴役適中其會人服其誠治萊六

載威惠大行人謹曰古之楊今之崔後數年山東大饑萊父老相與曰使崔公在我輩何至此極耶具其美政立去思碑於楊震祠中景泰壬申陞湖廣右布政使諸凡取辦諭察屬革去之苗蠻侵武崗巡撫三司議進兵乃督餉練兵助之苗卒効順岳

州謀報公安監利流民擅相殺害恭即下令曰願附籍者收之不願者俟下秋遣歸事不迫而民稱便未幾遷江西左布政使將行一無所取篋中惟大明律書數冊衣數襲而已比至闕理獄囚無病死釋囚盜良民活者甚眾寧王與弋陽王交怨恭陳天倫同氣之義二府始平又作均徭法行之至今天順戊寅改左副都御史巡撫南畿所至郡縣進諭耆老令人得盡言周知

國朝列卿紀

卷之二十五

五

利病崑山民王凱素無賴利別籍所遺田產自冒為軍御史信之連坐隱蔽者二十四人悉配蘇州衛眾人乃訴於恭恭下有司集里老覈其實事遂白止坐凱罪時米價貴乃出倉米而取其值以充義校費米價遂平松江舊設澆清夫天旱則開門隨潮引清水灌田水大則泄之以防滄沒後漸廢弛八十年沿江之民歲被淫潦乃即親詣其地督工挑浚分江為三段崑山縣自夏界口至白鶴江挑四千六百七丈上海縣自白鶴江至泔家渡挑四千六十七丈嘉定縣自泔家渡至莊家涇挑五千五百六十七丈江深一丈四尺而闊十丈二尺底闊四丈又浚曹家港蒲匯塘新涇大營浦諸水至今為利民因且曹家港為都

臺浦以識不忘又前李秉加耗例不便悉復文襄舊例四年冬英宗召大學士李賢曰吏部右侍郎不可久缺况尚書王翱年老早得一人習練其事 命與翱訪其入明日於 文華殿以恭

奏 上喜得人至則佐翱用人無所偏黨共商確政理翱亦信不疑五年轉左一日 上謂李賢曰今六部尚書皆得人但

吏部王翱老矣賢曰臣聞祿命之說翱命尚有十年 上喜曰如此無慮矣因論若吏侍姚夔崔恭亦佳賢曰二人才能異日

皆尚書之選 上曰然將嚮意用恭賀天不果成化三年翱卒於位恭希代翱及科舉李秉補吏部尚書恭與尹旻皆不悅謀

擠之五年秉被劾恭與旻對欵承伏而秉竟罷位比人在科道國朝列卿紀 卷之二十五 六

比秉者共計內閣彭時欲引大理卿王傑構陷秉去大學士商輅欲解彭王之疑遂急補恭吏部尚書未幾丁母憂七年起南

吏書餘詳南京吏部 姚夔字大章浙江嚴州府桐廬縣人正統戊午舉鄉試第一會

試乙榜入太學進業時祭酒李時勉司業趙琬一見知為偉器待以殊禮夔間游劉忠愍公球之門劉許與尤至壬戌會試第

一與從弟龍同登進士時人榮之癸亥擢吏科給事中首疏八事謂修 聖德舉賢才考察有司慎選風憲寬 誥勅之限革

監庫之弊立謚法以勸賢銓教職於便地多見采納甲子夏旱奉 命祀北鎮雨應時至都御史王翱鎮其地喜曰此所謂

車雨也為立碑於廟乙丑秋母夫人疾醫弗效夔頓天願以身代尋瘞丙寅持節冊封晉府徐溝等王夫人以疾卒夔以不獲奉湯藥為恨號慟屢絕奉柩南歸居喪盡禮遠近從遊士雲集多所造就服闋復舊任已巳 英廟北狩國勢危疑羣臣勸

郕王進議未決詢諸六科夔曰 朝廷任用大臣正謂 社稷計何必詢諸小臣眾乃詰 文華殿懇請事遂定十月虜大舉進

逼京城眾議戰守不一夔言兵敗之餘人心未定只宜固守伏兵歸路擊之遂上疏遣人間道齎 勅宣府遼東令總兵官楊

洪曹義各選勁騎刻期以進與京軍內外夾擊未幾洪義果統所部兵來賊聞一夕遁去景泰庚午春廷臣交章薦夔才堪大

國朝列卿紀 卷之二十五 七 用陞南京刑部右侍郎時刑部規矩廢弛夔嚴肅整飭獄無滯

囚壬申改南京禮部奉 勅考察雲南官吏黜陟允當癸酉選朝遂留禮部尋 賜誥進通議大夫丁丑春正月景泰不豫尚書

胡濙在告夔強之出十四日率文武大臣於 左順門 問安退集東閣議立 皇太子 上疏懇請未允次日夔欲率百官伏

闕以請是夕與學士商輅議定遂歸十六日早三鼓至朝房夔屬輅具本稿有 陛下為 宣宗皇帝之子當立 宣宗皇帝

帝之孫正位東宮等語夔躍然舉筆於立上添一復字時同官鄒幹等俱稱善已時入朝眾議合文武大小官僉名且一樣寫

二本因遲延至十七日早變作弗果進 英廟復位石亭董竊

弄威權勢焰可畏夔視之如常亨憾其不附已乘間調夔南京
禮部 英宗素知夔爲人且聞正月立儲之議未幾驛召至京
賜二品服轉禮部左侍郎戊寅吏部左侍郎缺 英廟召大學士
李賢曰吏部乃天下人物權衡非他官比先生以爲誰可賢曰
無如禮部二人 上問孰優賢曰姚夔表裏相稱有大臣之量
遂調吏部有真定守以重賄賂亨挾勢囑復其官同列附亨者
令擬奏稿來判夔擲筆大言曰吾寧不做侍郎必不判此稿事
竟止亨敗附亨者降黜而夔之名益重癸未遷禮部尚書階資
善大夫夔詳雅敬謹明於典禮克稱厥任 上深嘉之甲申
憲廟嗣位命侍經筵賜白金綺寶等物成化乙酉 上耕籍田幸
國朝列卿紀 卷之二十五 八

子嗣然此事自 陛下身上用非求神奉佛所能致也乞罷西
山所建之塔斥回阿叱哩之流其餘庫府金銀綵段俱是民間
膏髓不宜浪自費用內局諸作匠役未爲重天勳勞不宜濫與
官爵仍乞每日視朝之後依 祖宗及 英宗皇帝初年未變
時故事 駕御文華殿留心講筵裁決政事開誠心布公道以
來善言親君子遠小人以圖治化凡一服食之所一言動之間
悉依 祖宗舊規以回天意又言持儉用人正家防微杜漸不
克終今日之治不在他求惟守成化之初足矣 上嘉納之會
慈懿皇太后崩 上命別擇葬地內閣大學士彭時商輅等執不
可繼之以疏下禮部議夔會羣臣議以爲宜與 今皇太后于
國朝列卿紀 卷之二十五 九

猶未從於是內閣復請會議 詔下羣臣再奏斐等言益切謂
 或者曰 上為 皇太后所出不可薄於此而厚於彼殊不知
 慈懿與 皇太后他日並合葬 裕陵並享 太廟畧無輕重何
 謂有厚薄乎或又曰 慈懿無子宜與恭讓皇后同此尤不然
 恭讓在 宣宗時已嘗避處別宮而立 孝恭皇后矣 慈懿在
 當時未嘗退處他宮未嘗別立一皇后豈得謂之同乎况 宣
 宗晚年追復 恭讓徽號悔莫及自笑曰此朕幼年事蓋可
 知矣又况 皇上繼統承緒即同其子而可謂其非所出而別
 讓乎後復繼以危言 上乃從之合葬祔廟如禮九月彗星見
 斐辭職不允已丑會試斐為知貢舉官三月上疏乞祭先塋

國朝列卿紀 卷之二十五

十一

丁亥

上曰卿老成朝夕輔朕未可言私六月遷吏部尚書進資德大夫
 正治上卿斐然於事體釐正庶務剗革宿弊品藻人物進退惟
 公中外稱慶以為得人庚寅雨雪失時斐率諸司條列政務其
 末且言可憂之事以冀感悟辛卯秋加太子少保遣中官 賜
 羊酒寶楮是夕彗出軒轅斐上疏反復諷諫言無所諱壬辰南
 方大風雨水溢斐疏言自前歲彗星示變以來四方漸覺多故
 朝廷處置事宜往往不為深遠之圖自古禍亂常起於災傷饑饉
 之餘毋謂天道姑息有象無應只圖因循便安於目前也 上
 以其言 命禮部即會議行變自是憂形於色食不甘味上疏
 乞罷歸田里不許已而疾作日轉劇臨終謂子壁曰吾愛 國

厚恩不克圖報死後勿隨例請葬祭以重吾過言弗以私斐半
 神秀則器識宏偉平居接人開心見誠汲引人才惟恐不及自
 奉儉素雖貴無異寒士天性孝友每語及二親輒嗚咽流涕處
 兄弟無間言視羣從猶已子遇宗戚中貧乏濟之無德色文章
 豪宕經書疏義學者宗之立朝二十餘年憂 國之心老而彌
 篤說者謂其可屬大事其著述甚富所存書蠹堆稿一十卷卒
 年六十贈少保諡文敏

國朝列卿紀 卷之二十五

十一

丁亥

丘文莊云公少有大志以春秋三傳解發南省俱為第一而天
 下以經義游藝場屋者咸宗法之後入諫垣屢陳大義從容雅
 重不事浮靡時以公輔屬望焉繼而典邦禮總百官表儀端重
 德量宏深謀謨警敏卓卓乎一代之名輔也
 給事中張寧疏云邇者恭邁 皇太后誕日令僧道設建齋醮
 尚書姚夔等乃於各衙門飲會財物收辦炷香約以至期赴壇
 行禮為儒者自失其守業彼者烏知其非臣雖至愚為此深惜
 切以人臣之於君願其福也則當勤於修德善願其壽也則當
 勤於去逸慾願天心之向順也則當相之以和保小民康濟四
 海故曰求福不回天壽平格又曰欲王以小民受天永命未聞
 有以禱祀得福丹藥致壽假符瑞以承天命者今乃不能盡所
 當為徒以辦香尺楮列名其上宣揚於佛老之神明率而拜曰
 為 朝廷祈福祝壽天地鬼神山川河嶽昭布森列可厚誣以

是哉

菽園記云大同猶兒莊本北虜人貢正路成化初虜使有從他
路人者 上因守臣之奏詰之時姚文敏公夔為禮書請筵宴
賞賜一切殺禮虜使有後言姚令通事 諭旨云故迤北使臣
進貢俱從大路入境故 朝廷有大筵宴相待今爾從小路來
疑非迤北頭目比只照他處使臣相待耳虜使不復有言人以
為得馭夷之體

尹旻字同仁山東濟南府歷城縣人正統戊辰進士改庶吉士
歷吏科給事中刑科左給事中會 英廟復辟大學士徐有貞
同石亨等議言官劾少保王文于謙等召立外藩謀為不軌文

國朝列卿紀 卷之二十五

十二

四

條析折辯眾莫能難都憲蕭維禎謂事出 朝廷不承亦難免
總兵張賜即封太平侯者曠日語蕭都云此輩自犯如何謂出
朝廷蕭若不聞刑部侍郎劉清芳欲回語張賜怒斥之而一時附
勢者皆軒軒然旻當眾奮然攘臂爭賜于二公謂此二奸臣
正好毆識者公笑越明日有貞等遂陞旻通政參議後有貞等
敗王文于謙事亦昭雪旻漸悔擢護不及矣天順七年陞吏部
右侍郎成化五年尚書李秉被劾旻與左侍郎崔恭共傾之及
秉罷位恭補尚書旻轉左侍郎未幾恭以母喪去改禮部尚書
姚夔補吏部又旻之既姚夔為國代者太監覃勤乘間薦
大理寺卿王傑及旻 上領之覃密報王傑入 朝道請

曰昨有人到宅其言亦可信乎王曰無也旻質以軍所報王

悟曰恭喜子何敢望是時外議多擬王代姚內閣大學士商輅
亦銜旻謗姚屬意於王旻懼百方經營及時喜得單語故詰王
以沮其來癸巳春二月姚悅適商以妻喪在告旻亟叩單母俟
商出乃引東廠刺事韋太監入奏以外議人望皆歸於旻遂
諭內閣擬 旨內閣大學士彭時謂崔恭在南京亦可取來司禮
諸太監曰只舉在此者彭乃曰此則無如旻遂擬陞吏部尚書
初 國朝進退大臣皆出 宸斷天順間陞用大臣每 朝畢
宣吏部發玉音除某人為某部侍郎尚書成化間始有吏部會
官推舉之例其權遂歸於內閣每遇缺吏部必先謀於內閣而

國朝列卿紀 卷之二十五

十三

四

後定稍出已意必令再推或諷使所私言官論劾故吏部多與
內閣相黨附旻既恃內暨所薦遂不比內閣會太監汪直用事
凌辱縉紳兵部尚書項忠約諸堂上疏汪過惡旻不從項遂具
草詞意剴切令郎中張瑾姚璧持詣諸堂上僉名而送稿於旻
旻潛報汪疏入 上怒罷廠未幾汪復刺事項忠坐賊罷太學
士商輅見幾求去萬安為內閣首相招權納賂朝野切齒旻掌
銓衡十八九年頗有知人之鑑凡事知矯前非雖萬安深惡之
而法守不失以此為公論所予又壽光劉珣與旻同鄉相厚亦
在內閣位亞於安安雖害旻為珣所梗不得行但旻待人誠
多用詐術如各司部屬官之賢能者每向人稱道之以示其知

人及推舉時却先掌科掌道官若舉部屬亦先入中官之門平日所稱道者却不與及珣以易儲事罷免安引尹直入閣共擠之值朝士多訕其納賊之跡甚著乞籍其家資之半賑濟山東之民道士李孜省又從中譖之遂下旻子侍講龍於獄令旻致仕連及旻鄉里故舊如侶鍾張海輩皆降謫外補論者謂萬安輩小人構陷固不足責而旻亦未為端人云後贈太保謚恭簡李裕字咨德江西南昌府豐城縣人裕自幼骨格不凡有劉仁貴者善相人謂異日必成大貴惜不及見之及長楊休山立雞羣野鶴人敬畏之景泰癸酉領鄉薦明年甲戌登進士第乙亥簡授河南道監察御史天順癸未轉山東按察使成化庚寅轉

國朝列卿紀

卷之二十五

十四

楊海

陝西布政使下車踰月 召入為順天府尹癸巳轉都察院右副都御使總督漕運兼巡撫廬鳳淮揚諸郡戊戌丁外艱守制壬寅服闋至京留理院事癸卯進右都御史甲辰調南京都察院丙午考績至京轉工部尚書尋轉吏部尚書丁未 憲廟上賓 孝宗即位未幾迫於羣言見幾巧休遂得請云裕初為御史都御史寇深以裕持憲得大體委掌廣西四州二道寇為上所眷注待十二道嚴甚獨裕不為屈每有指授雖出 上意亦持之甚堅未嘗曲為之從 上頗知裕亦不加罪在山東閱諸一郡死獄無慮數百多十餘年未決者皆親鞫之得平反未減者過半青州大峴山砦七十二處皆殺人為盜群不逞亡命其中

乃督守令往捕殲其渠魁釋其脇從間有逃租稅者亦為之蠲其連資人謂莫測之禍消於未然在順天寬徵需革和買嚴田土投獻之禁故事給引錢並入府尹私藏歲計不下數千緡裕令一引輪楮鈔各二張貯之官用不收一錢遂奏為例總漕政綱運利弊罷行殆盡數運之後人人稱便張秋南旺湖淮安西湖諸防舊用椿木以捍衝激屢修屢壞費無已時裕檄郎中楊禁主事郭昇易之以石利垂永久在都察院以風紀未振慨然欲以嚴束各道甚或朴戒之由是臺中肅然亦緣是得謫其政調南京寔以此耳在吏部每當大選先一日於後堂中設木牌上書 皇天鑒之四字與侍郎坐定文選司官前立以缺員

國朝列卿紀

卷之二十五

十五

張文

并選人姓名品第校量筆之於牘至期引奏畢對牘填榜更不移易且免錯誤 朝覲考察天下官與一二憲臣焚香告天誓無容私其間舊例沙汰之目若老疾若罷軟若貪酷若不謹凡四格裕謂遲鈍似軟偏執似酷二者於老疾不謹復無所屬乃創立才力不及通前謂五此其愛惜人才之意至今無改裕嘗以御史按陝西奏安邊八事皆報可定遠伯石彪在邊偽增首功 廷命裕覆實彪從父忠國公亨通書求庇一時父子寵冠百僚裕焚其書曰吾寧逆權臣不敢欺天子亨果大怒幾及禍亡何亨敗而免嘗與尚書周洪讓謝一藥待漏周謂裕曰昔某公在吏部深嫉江西人每加過抑今某處進士何選科道京職

之多即裕曰江西人何尤某處人何尤苟存此心如朝廷何如天下公議何二公皆服其雅量裕自南院考滿至京 陛見畢

憲廟顧謂左右曰李都御史好人也一日太監覃昌語鴻臚寺官傳語裕曰往時選本人 上必叮嚀司禮監看詳而後允

近日奏人即批出其晚歲得君如此當 廷試進士兩為讀卷歸田後兩遇 覃恩進階一品歷事四朝翺翔仕途三十四年

致政家居二十三年無事恒以翰墨自娛於詩愛選故所作多選而律少愛屈原離騷亦間為楚詞為文有氣不尚怪僻書清

勁尤工草所著有 三朝奏議閒居雜錄東藩倡錄歸田訓山東雪冤錄凡若干卷藏於家若史鈔若政事略若餘力集若正

國朝列卿紀

卷之二十五

十六

張文

家條約若辯誣錄凡若干卷已梓行於世享年八十有八

王恕字宗貫陝西西安府三原縣人而魁偉高岸音吐如鐘

見者異之正統戊辰登進士選入翰林為庶吉士授大理寺評事歷左寺副操履剛正人不敢干以私於奏當之成原情比律

粹然當人心未幾陞揚州府知府屢辯疑獄歲饑發廩不俟報且給醫藥多所全活作資政書院教郡子弟科不乏人天順間

遷江西右布政使揚人立石頌德比至結洛洞達遇事敢為苟有便於民者毅然主之無少顧忌而操履肅然不入義外一錢

久之轉河南左布政使成化元年陞都察院右副都御史撫治南陽荆襄流民時南陽豪爭礦殺人怨獲其渠魁餘悉解散以

內艱去會襄陽盜起 詔恕起復會兵搗其巢穴之及劉千斤

輩作亂恕亦會王師平之大帥欲縱兵搜山恕不可下令曰擅殺者斬復榜示流民諭使復業民為建生祠繪像事之盜平遂

勅撫河南進左副都御史風采凜凜有所興革兵民甚宜之四年改南京刑部左侍郎丁憂成化八年河道淤阻饒道不通特起

刑部左侍郎總理恕躬視上下僉稽眾論且奏揚州一帶河道南臨大江北抵長淮別無泉源止藉高郵邵伯等湖所積雨水

接濟湖面雖與河面相等而河身比之湖身頗高每遇乾旱湖水稍耗則河輒為之淺澁不能行舟若將河身比湖身深深二

尺則湖水自來河水自深雖遇乾旱亦可不阻船又云高郵湖

自杭家嘴至張家溝南北三十餘里俱係磚砌岸每遇西風大作波濤洶湧損壞船隻失落錢糧人命不可勝計况前項堤岸

之外地勢頗低若再濬深三尺闊十二丈取以為外堤就將內堤原有減水閘三座以作通水橋洞接引湖水以內行船仍於

外堤造減水閘三座以接水利雖遇風濤亦無前患并查雷公上下塘句城塘陳公塘俱係漢唐以來古跡各有放水減水閘

座年久坍塌遺址尚存近來止是打造土壩攔水隨修隨塌不能蓄積水利若每塘修造板閘一座減水閘二座濬則減水不

致衝决塘岸旱則放水得以接濟運河疏入俱允行之九年

南京戶部左侍郎俱有政績然猶未甚為人知也十二年

國朝列卿紀

卷之二十五

十七

張文

南夷徠為梗改都察院左副都御史巡撫其地時鎮守內臣私
市外夷誅求無厭人莫敢問怒劾之其下郭英懼而自盡沒其
寶石於官并械送其下數人於京且勸 上不寶異物凡花木
禽獸寶玩宜一切拒絕有鴛帖下郎中鍾蕃所怒言舊例鴛帖
下諸司司禮監印刑科號 皇門諸司備防今皆無之何以為
信設 駕帖有 賜死者其人將何如死之恐孤臣節不死違
君命又言昔文趾鎮守非人致一方陷沒騰衝啟釁致麓賊叛逆
今日之事殆有甚焉在雲南九閱月疏二十上由是直聲動天
下進都察院右都御史十二年又改南京都察院參贊守備軍
務提督巡江進兵部尚書仍參贊同事者忌之改巡撫南直隸

國朝列卿紀 卷之二十五

十八

張一

怒以近年 貢獻太多所在騷擾因言古之明王有投珠抵璧
却千里馬焚雉頭表者非不知珍玩之可愛也恐因其防政害
事所以投之抵之焚之却之以固結人心為宗社計也乞崇恭
儉為天下先凡織造官一切取回珍玩奇貨令四方無來獻中
官王敬乘傳東南搜索奇玩所至驚懼怒言當此凶歲謂宜遣
使賑濟而乃橫求玩好昔唐太宗遣使涼州諷李太亮獻名鷹
明皇令益州織半肩背子捍撥鑲牙大亮與蘇頲不奉 詔臣
敢不効之又具言其失人心損 國體傷和氣而召災沴 上
乃 詔械敬久之敬等俱收捕下獄同惡王臣斬於市中外稱
快謂怒有回天之力壬寅松江太饑米斗百錢怒出粟減價以

糶全活甚眾仍轉南京兵部尚書參贊機務刑部員外郎林俊
以諫建永昌寺下獄經歷張徽救之亦下獄怒言二人志在進
忠而得罪恐人自此以言為諱設有奸邪誤 國誰復為 朝
廷言者俄有 旨令致仕怒怡然就道二十三年丁未星變庶
吉士鄒智等抗章言事極論萬安劉吉天下之小人王恕彭韶
天下之君子乞黜萬安劉吉而用王恕彭韶疏入不報時 孝
宗在東宮素聞恕名及 即位太監懷恩以忠直起自謫所首
奏恕於 上言官又交章首薦遂 召為吏部尚書既南京科
道又舉恕入閣 上曰朕用憲義王直故事委恕若有謨議亦
無不聽劉吉深啣之及恕至不得入閣旋加太子太保在吏部

國朝列卿紀 卷之二十五

十九

張一

裁抑僥倖褒獎名節甄拔淹滯中貴無敢以私干吉代萬安專
政每有所軒輊恕亦個個不輒撓守備蔣琮與南京科道相訐
奏吉報前劾已恨票給事中方向等貶謫殆盡琮自如恕言宮
中府中俱為一體陟罰臧否不宜異同又給事中周紘御史張
昇南京教場點軍數少不准破調守備官奏其刁蹬劉吉票
旨令吏部調外任恕執奏紘昇奉 命點軍不宜調吉票 旨云
周紘張昇點軍不到如何不卽 奏聞却乃展轉刁蹬挾制人
已從寬調外任了罷恕復奏天下大事賞與罰而已賞必當功
罰必當罪此為治之良法也今不治失伍之罪反責點操之官
後來何以使人哉未允臺諫交奏以為老臣言宜聽紘昇乃得

改京任壽州知州劉槃考滿來京與御史湯鶴議時政槃嘗遺書與鶴言夢一人騎牛背上陷澤中公左手把五色石子右手提牛角引入正路其人謝而去蓋人騎牛背正我朝姓字惟五色石子不可曉意者公首抗疏論時政為彈之第一義耶鶴嘗劾內閣附內閣者發其事下獄鶴以受槃餽遺誹謗朝政發衛充軍槃比擬造妖言者律罪至死恕上言槃之書詞固為狂妄其夢有無亦未可知原其心不過與人為善之意初無惑眾亂民之心今比擬妖言論死使槃死於獄中豈不傷天理之和哉卒得減死初司樂徐啟端已經革罷尚書劉友題稱本寺缺官供祀乞復其官恕議 陛下嗣位之初首罷傳陞官員奔競

國朝列卿紀

卷之二十五

二十

四百八十六

稍息今劉友要將徐啟端復職食糧是為傳陞官員立赤幟也若用一人將數千百相率而來豈勝煩擾殺格不行又徵王乞陞鈞州為府晉王乞為世子府晉王乞醫生王王傳奉陞院判御馬太監陳富傳奉親王奏討醫士張錡等二名與夫工完乞恩溢賞內官監皆人所不敢言者力論止之兩廣都御史秦紘奏安遠侯柳景不法事坐致仕恕極言柳景當追贓 聖恩免之矣而恩不及於秦紘是為地方軍民之害者可恕而除地方軍民之害者不可用其將何以服人心而勵將來乃起為戶部尚書內 旨以通政司經歷高祿為本司參議上言祿出自科口自可遠到而越次超陞恐非所以愛之也唯以天下之官待

天下之士勿以親戚妨公議事乃止時有建白多謂業已行矣恕言天下事設未得其當雖十易之不為害若謂已行無及則古之納諫如流豈皆未行乎恕遇事輒言有不合即引疾求退上每溫詔留之但執政擠忌日深明示沮抑如舉羅明丘鶴則謂私故舊票 旨留邊方用舉太僕寺少卿白思明為僉都撫延綏則諷御史魏璋等劾其不協人望調外任知府甚至臺諫劾巡撫及藩郡官俱票旨黜革不由吏部定擬恕以不得其職屢疏辯明求退則票旨云不必深辯及去位執政丘濬又不悅之訕其好名值太醫院判劉文泰出入濟門知其風旨因援例求進事下吏部議革遂誣奏之且乞燒燬大司馬王公傳恕疏

國朝列卿紀

卷之二十五

三十一

四百八十七

辯下文秦獄鞫問事遂白恕不自安求去始准致仕言者譁然不滿於丘屢奏起之不果恕既歸優游山林著述不輟以正德二年卒贈太師諡端毅 大學士王鏊云東南大水士庶咸望公奏蠲歲額公獨持其議以軍國之計重也然所免各郡亦且數十萬而人莫知又舊例應天鎮江太平寧國廣德官田減半徵而民田全免久之民田多歸豪家官田多歸下戶公乃為之損益官田量減其耗民田稍增之公私便焉 又云弘治初視學命下公請釋奠用幣爵用三獻分獻官致拜跪上許分獻行拜禮公又爭之乃於孔子前加幣用大牢致獻

為奠至日分奠鄒國公亞聖公

侍郎儲曜云公於弘治之初柄政銓府如鉅鹿耿公華亭張公襄城李公莆田彭公盱江何公太原周公錢塘倪公才猷風節維國之禎皆豐芑數世之培植海內所慕望者公皆引而置之政事之地宣謀猷輸忠赤同寅協恭以毗弘治之治君明臣良至今天下之人追思遐咏而不能已

損齋備忘錄云孝廟即位之五年以開國功臣追封王爵者俱輔佐 太祖高皇帝平定天下有大勳勞之人今其子孫有不需寸祿與編民無異欲量加恩典仰奉其祀乃下 詔命皆查出明白具實以 聞於是吏部奉 詔惟謹即各行所在查取

國朝列卿紀 卷之二十五

二十五

張十一

赴京既而開平王曾孫常復至自雲南寧河王玄孫鄧炳至自湖廣岐陽王玄孫李璿東甌王玄孫湯紹宗皆至自南京比至命各授以指揮使職還轉送兵部皆定以南京錦衣衛使各近其墳塋夫當太平盛世不忘於報功此固 聖天子之大德而所司急於將順亦賢宰輔之公心也時承行者則吏部尚書三原王公恕兵部尚書鈞州馬公文升驗封郎中安陸孫交武選郎中蘇州徐源皆一時名臣也

庚巳編云三原王端毅公臨終之日既遷正寢戒家人曰吾氣已絕必有風雷還繞吾居爾輩謹無哭當靜以待之比公方瞑自少頃震雷大風雨下如注家人相戒屏目良久開齊乃敢舉

哀及殮視公貌如生焉時正德戊辰某月某日也嘗聞河津薛公文清沒時亦有風雷之異白氣貫空經時乃滅正人君子氣與天地相感召者固如此夫

耿裕字好問其先保定府東鹿縣人祖耿綱國初任河南盧氏縣學教諭不歸因為盧氏縣人父九疇南京刑部尚書證清惠裕年少即有大志景泰癸酉清惠公方以刑部侍郎巡撫於外裕侍母大夫人居京師當順天府舉鄉試奏乞就試遂中其選明年甲戌登進士第改翰林庶吉士與修寰宇通志丙子授戶科給事中尋改工科天順丁酉清惠公任都察院右都御史裕言不當在言路改翰林檢討當是時將臣有怙寵專恣者清惠

國朝列卿紀 卷之二十五

二十五

張十一

勅奏之忤 旨出為江西布政使裕亦判泗州既而下清惠公憂服滿改定州成化乙酉 朝廷知裕無罪召還復檢討丙戌同考禮部會試預修 英宗實錄進修撰仍充經筵講官己丑陞國子監司業十二年丙申陞祭酒十二年擢吏部右侍郎丁母太夫人憂服除轉左侍郎丙午擢吏部尚書俄忤首相萬安妖人李孜省改南京禮部尚書丁未 孝宗即位轉南京兵部參贊機務弘治戊申 召為禮部尚書癸丑仍為吏部明年加太子太保累階至榮祿大夫又二年而卒年六十七贈太保諡文恪裕儀觀豐偉鬚髯若神而器度弘遠人莫能窺測涯涘初列官清要一旦被斥於外人皆為裕不堪至則孜孜訪求民瘼

兩州惠政被於人者甚多至國子時臨諸生舉教條嚴而有恩
公而有法勲戚年幼者奉 旨受業裕患其難教取其所當習
讀者萃成一書授之他日中使至偶持去 上閱之嘉歎及擢
吏部益慎其職李汝省執左道以登顯仕庇其鄉人故裕不得
安於其位居南京二年鎮靜持重論者以爲得大臣體後既召
還禮部當改元之歲多行大典禮裕素博雅通知古今能斟酌
而行得會通之宜時以災異求言裕率左侍郎倪岳同羣臣等
陳七事一預節觀藩一懲究欺弊一均平鈔選一照例附選一
減造軍器一遵復舊制一裁抑侵尅大意謂田土有限藩封日
增國賦日消乞開示條件之國之際不許生事擾人在國之時
不得輒行奏討又人臣事君以不欺爲本如雲南之木邦貴州
之青勻江西之南贛以至兩廣三邊南北兩畿之間侵犯者不
爲尅復之計盜竊者不聞捕勦之策甚者殺良民以爲賊假敗
績以爲功捷奏率爲虛聲掩護遂爲良策宜一一從公究理以
懲欺弊又兩京官職出身既同而遷轉之際乃至懸絕及監生
考勤上選先後互異須斟酌通融庶事體歸一又南京兵仗局
前廠建造軍器共七萬六千餘件收貯南京戊子庫聽候應用
今地卑年久朽壞鏽爛有名無實乞暫且停止以後減半成造
至於鈔關收稅乞免戶部差官照舊制 勅鎮撫鎮巡委府官
管理及曾經抽分去處給與執照不許重複抽分 上謂有防

國朝列卿紀

卷之二十五

二十四

四頁六

微杜漸之意深嘉納焉 崇王嘗乞詣京師朝賀 勅諸臣集
議裕言王雖至親於制不宜况茲饑歲所過必勞供役民何以
堪 上從之西夷貢獅子上言買胡嗜利受之無益且彼泛海
而來非由故貢道宜卻其物亦從之畿內多自宮以求進者紛
然行路上疏請治其罪一時雖不能絕然自是禁例甚嚴無敢
再犯者至再掌鈔曹感 上知遇益竭心力凡所舉薦必當具
人舊緣傳奉貶謫有求復進用者上疏極陳其弊務抑絕之弟
禕任都督府都事秩滿當遷裕故緩之曰吾家常如是衆稱其
無私裕爲人坦夷公平常以關輔饑代祀缺鎮所過輒督有司
賑卹還 朝上言十事悉下所司議行若事有係於天下者會
國朝列卿紀 卷之二十五 二十五 四頁十

議於 朝必持正道不阿徇人意或舉人才從衆論而用之及
朝退獨居不敢以物私饋者至老不營產業不治居第自奉儉
約人以爲有清惠公之風居清惠公喪哀毀踰禮奉庶母及待
弟禕禮意殊厚與人交和易可親其學該博凡前代人物與山
川古蹟考求無遺所著有青崖稿澹菴稿若干卷
李文正去清惠公之廉德重望雖登華陟要不媿爲儒播在天
下著之國史今青崖公爲史官爲祭酒爲禮部世守清白爲儒
流冠冕公之澤其益昌乎
御史汪宣疏云先任吏部之臣廉介端貞不如王翱公忠直亮
不如王恕坦夷無物不如耿裕

屠瀟字朝宗號丹山浙江寧波府鄞縣人成化丙戌舉進士選
試湖廣道監察御史越明年都憲李賓考第一與實授公暇輒
闔門習法律每至夜分時王襄敏公越掌院事委掌奏章凡所
論劾參駁多出其手稿上不塗竄一字常語人曰屠瀟裨吾良
多七年奉 勅湖廣盤糧所在必躬詣考覈或有以耗糧坐重
典者則曰非侵盜法不應重典悉減論岳州倉官高益為軍士
挾私憾受誣瀟廉知其姦親往閱實乃抵罪誣告者武崗大使
苟自新恐缺見糧潛落版經一葉約沒糧二千石既發其事且
曰某必自盡陰使人伺守之其夜果自縊守者捕送瀟及覆其
倉實數盈杖釋之歷四十餘所去官吏過半無怨稱者十年巡

國朝列卿紀

卷之二十五

二十六

百八

按四川方四月歷覽殆徧乃摘其尤弊者十事禁約之民吏創
飭姦宄消沮後人有刊其榜文為典刑者十五年用王越薦特
陞本院右僉都御史十七年陞左又二年陞右副都御史二十
一年九月陞右都御史先是李孜省黨常以私事銜瀟共媒孽
之明年出瀟南京時占城王古來為安南所侵侮挈國族奔船
廣東訟冤於 朝議遣官而人皆難之時李黨因薦瀟往 命
下物議怖恐有私為謀者瀟笑却之即日戒行比至獻策或者
曰安南藩臣也當為問罪之舉或曰占城脆弱遣回國莫保後
艱宜留置之瀟曰用兵則毒民避強則取侮皆弗聽乃詣蒼梧
諸郡覘知其情狀移檄安南諭以禍福安南大恐辭對甚婉瀟

曰此所謂不戰而先奪其氣矣遂置安南而召古來諭歸國召
募千人習武事乘海船二十餘艘以往繼息無動民者古來感
恩以金銀器餽異香番木若干獻謝瀟麾却之既歸國復遣使
馳謝并以聞 上命受之瀟懇辭從之令貯禮部自是一國輯
睦弘治改元奉 勅總督兩廣軍務兼巡撫留廣未一年斬獲
猺獍數百 賜綵段銀兩柳州諸戍軍舊皆番調風土殊習比
歲死亡過半乃為區處分守多所全活二年 勅還掌院事四
年以疾歸省途聞徐夫人憂六年服闋適南京右都御史缺員
吏部會舉瀟 上特命回掌院事尋陞左都御史加太子少保
時各處災異疊見疏時弊二十事以上 上悉命行之山西寧

國朝列卿紀

卷之二十五

二十七

百八

化王有不孝罪狀命重臣往覈既實比至京王母改詞瀟乃奏
言王母前後詞異與民間告子而含忍息詞者例同遂得兩釋
九年冢宰耿文恪公暴卒時會舉瀟名居第三 孝廟親書瀟
名付內閣及居銓採輿論廣寄耳目以公考選進退黜陟無所
避有監司以憂去任或云其人宜黜瀟曰古者不伐有喪之國
况無顯惡乃乘是黜之耶每註選至煙瘴地停筆久之曰吾嘗
經其地官多以瘴死必擇宜其風土者因奏著為令尤痛抑僥
倖或造請者必實其人於遠地有貴近為所識求京職官乃語
其使曰爾王為一士孰若為一大臣耶勲貴有以玉帶獻囑以
私者大怒斥退之弘治六年以後頗多內降官漸冗因災異凡

三執奏大意謂天下士事詩書而躬案牘秃銛鋒而竭筋力積數十年不可得而白身之人乃或因奔競乞憐或緣技藝蒙幸如拾芥然不可以為訓又曰今日之傳奉即漢所謂西邸之爵唐所謂斜封之官宋所謂內批之降甚為政體之累 陛下當遠宗堯舜近守 祖宗豈可襲漢唐宋之弊政乎眾皆服其確論言官有欲開納馬之例者即抗疏曰 朝廷倉庫及太僕見積尚多釋此不用及開是例萬一聞於北虜將謂中國戰馬財用俱已空竭不亦生戎心乎議遂格 清寧官成 詔許番僧入宮慶讚瀟率大臣疏止之言甚剴切未復云自今以後僧道之流並乞杜絕齋醮之事並乞停止崇聖賢之正道守 祖宗

國朝列卿紀 卷之二十五 三十八 晉生五

之家法俾天下後世有所取則皆嘉納之欽天監奏彗星見會九卿條陳十餘事曰早視朝勤聽政汰冗員節財用省差遺處莊田清鹽法申禁例修武備壯國威恤官軍恤邊民停改造惜供應異端警驕惰防詐偽皆切時政十年以二品秩滿 上念久勞命中官即私第 賜酒饌越三日加太子太保甫五月即上疏言臣父已八十有五請預給一品封誥 詔許之十一年會 武宗出閣加陞太子太傅進階光祿大夫勳柱國 賜麒麟一品服十三年有疾 上數遣中官臨問 賜品物又遣御醫診視未幾以疾辭 上賜重書有知卿老親在堂志將終養 特賜俯從之語詳都察院

倪岳字舜咨世家浙江杭州府錢塘縣人國初以問右徒京師故為應天府上元縣人父謙南京禮部尚書謚文僖在翰林院久未有子被命祀北嶽因禱焉母姚夫人夢神人緋袍幘頭入寢驚寤而生因以岳名及壯環偉身長七尺神采瑩然玉立山峙見者異之父謫萬全都司遂領順天鄉試天順甲申登進士入翰林院庶吉士授編修預修 英廟實錄秩滿遷侍讀選充經筵講官被 命編緝文華大訓時翰林預者三四人而已成化十八年書成進翰林院學士選侍 皇太子講讀二十二年拜禮部侍郎仍充 經筵講官 憲宗賓天充山陵使 國朝自德祖以下九廟已備及 憲宗山陵禮畢神王將升祔於制當祧

國朝列卿紀 卷之二十五 三十九 甘文

廟下禮部集廷臣議或以 德祖以下四廟以次當祧至 太祖為百世不遷之祖岳以此說固所以尊 太祖然豈 太祖崇本尊親之意哉故周既追王太王王季又祀先公以天子之禮其意蓋出於此國家自 德祖以上莫推其世則 德祖乃周之后稷也不可祧 懿僖仁三祖以次當祧至 太祖太宗為周之文武百世不遷今 憲宗升祔當祧 懿祖一廟宜太廟寢殿後別建藏祧主之所如古夾室之制每歲暮則奉 王合享亦應古禘祭之制時又有言 孝穆太后當祔廟者 詔議之岳言周之姜嫄為帝嚳次妃后稷之母故周禮有享先 樂舞蓋指姜嫄而魯頌閟宮之詩特見其名此別廟之明證也

且唐以來皆有故事可考如奉慈殿是已今 孝穆神主宜於
 奉先殿旁別立廟歲時祭享悉如奉先殿之儀奏 上悉從之
 孝廟初即位言者全集皆下禮部議擬多出岳手遂釐正京師諸
 神祠淫名修費曰釋迦牟尼文佛三清三境天尊曰北極中天
 星王紫微大帝曰梓童帝君曰祖師三天扶教輔玄大法師真
 君曰大小青龍之神曰崇恩隆恩真君曰金闕玉闕上帝曰神
 父聖帝神母元君金闕玉闕元君諸不經訓者裁革殆盡時議
 者又欲改定孔庭從祀諸賢岳言馬融王弼之徒其立身不無
 可貶然秦漢以來六經出於煨燼積諸子抱遺經專門講授經
 以復存自唐之誣疏多祖其言今之經傳引用尚多其說則何
 國朝列卿紀 卷之二十五 三十 廿文 四百八

可盡廢七十千名字自司馬遷以來相沿已久今生千百年後
 何可臆定於是咸仍舊弘治元年進左侍郎時以災異求言岳
 同尚書耿裕疏寅畏天戒七事未幾復陳八事大意謂當今財
 日匱民日貧宜務節儉以為天下先又言天下之土地有定而
 宗室之封日以增加更數百年又將若何又設官分職所以為民
 近歲喜事者率以添官為經濟司銓者以添官為疏通故額外
 設官甚多民安得不困宜以時裁約又言減齋醮省供應罷營
 繕 上嘉納焉 宗室冗官一議雖格議者趨之二年撤馬兒
 罕差人進貢岳具奏海南諸番國惟占城真臘暹羅滿刺加國
 爪哇等處入貢有勘合者例與廣東布政司比對起送赴京其

餘不許起送係是定例今撤馬罕差人進貢既該委官千戶孫
 祥等呈報各官自合遣人諭以 朝廷事例并請 旨事理阻
 回為當如果夷性執拗不肯依從亦合以理阻留在彼差人星
 馳具本候請 明命以為進止可也却乃即便差人起送似此
 故違合當恭究 上從其言差官阻回不受獻六年進禮部尚
 書時年始五十年會京師大雨雹岳言雨雹之作天所以告 陛
 下宜深求致災之由以回天意又勸 上勵精以勤聖學推誠
 以開言路止無功之賞停不急之役黜奸貪進忠直時有 旨
 召番僧領真占僧岳言法王領占竹等俱以西番腥膻之徒污
 我中華禮義之教飾衣玉食糜費錢糧前擁後擁作威福獻
 國朝列卿紀 卷之二十五 三十一 湖守心 四百五

頂骨數珠進骷髏法碗以穢污之物冒陛賞之榮名曰祝聖實
 為妄誕 皇上首賜罷黜中外稱聖今欲行取來京本部查無
 取番僧國師例必須劍始而行事有未便且四川布政司離京
 寫遠動萬里之程所至之處轉相傳報必曰 欽取國師赴京
 驚駭耳目播擾驛遞勢所必至於 皇上初政之清明 制命
 之嚴正無少損時西域胡人從海道進獅子岳言獅者外夷之
 獸真偽不可知使真非中國所宜畜非真豈不為外夷所笑且
 海道亦非西域常貢之路有 旨遣之八年七月有 旨 聖
 祖母年老念叔 崇王欲得一見便寫 勅差官取來岳極言
 朝廷事必須上揆天心中察人事務出萬全庶幾可動然今日論

一第... 册續修四庫全書第 36 版正內

之事有未便者三焉又非前議之所及者蓋近來傳聞黃河泛漲水高於岸平日波流湍急舟行已難加以泛漲為洶湧必異常時王欲來朝乃舟楫必經之地則夫驚震之患所不能無保護之責誰敢當之此其未便者一也兼聞河南彰德衛輝二府自春徂夏一雨不霑寸草不生赤地千里人民流動殆三之二夫馬艱窘不言可知王欲來朝乃車馬必經之地不獨供億之費無所給萬一盜賊乘時竊發則夫震驚之患所不能無保護之責誰敢當之此其未便者二也况二年之間三王之國近自京師之軍民遠而所過之郡縣百倍供需十分騷擾官無所指手民不得聊生言之可為寒心見者欲為流涕今若加國朝列卿紀 卷之二十五 三十二 胡守志

以崇王來朝先聲所及人必驚疑送往迎來勞費增倍瘡痍之民何以當此此其未便者三也此皆切於今日之急務於理不可不預為之慮者今果奉命來朝雖少遂一時欲見之心然欲別則難見眷戀不捨之情既去必倍增憂思不忘之念他日上厯聖慮所未敢言雖欲悔之殆無及矣疏上不納後復奉旨免王來岳力居多先是四方奏報災異禮部率類其凡歲終一復以為故事岳乃以日月先後彙分條析未復援經史懇懇為上言之弘治九年知貢舉防範嚴密如帖圖編號每因舊法出新意後遂不可易尋改南京吏部尚書太子少保時議謂不宜處之散地會考殿在京諸司岳於南畿所黜凡若干

人眾稱明允十二年春因災異率九卿陳言二十八事多見施行本年改南京兵部尚書參贊守備修舉兵政疲弊盡剗又取監生清查軍冊以防奸偽十三年召拜吏部尚書岳性善知人凡用人之際劑量均停雖不破資格之外每有羸縮弛張必各當其材滿其量大要則以抑僥倖褒恬退振淹滯為主故除門一下中外稱快以為數十年來未有也中貴人逆真武像於武當山道路騷然岳復倡諸大臣抗疏諫止以弘治十四年十月九日終於京師之官舍年五十八計聞上賜寶鏹萬緡為治敘具贈榮祿大夫少保謚文毅

大學士王鏊云公自在翰林則留心世務中外利害罔不諳悉每大廷集議眾相視莫發公獨慨然高論眾多唯唯以從一時軍國大計多公所裁定鈞陽馬公常臥病上言今天下財力大耗臣日夜思之計無所出獨蘇松折糧銀價輕今少增之民不病而國用足詔下廷議公曰馬公國家元老其言誰敢違之然事有大難今東南民力竭矣又復重之因而生變誰其任之乃不果增雲南思疊梗化守臣議欲用兵馬公疏令中外民疲財困災異疊見何以用兵且欲遣京朝官往諭之公言用兵之法不足示之有餘今公之言得無示弱於天下乎使愚疊聞之或輕中國矣且京朝官論之論之不從則策窮矣不如姑遣藩臣有威望者以往彼當無不服不服再議之用兵未晚也

國朝列卿紀 卷之二十五 三十三 鄧召景 四百六十八

於是眾皆從之公每為文援筆立就吏抱案前運筆如飛殊不經意視之則宿構者不能及而法家老吏亦不能增損也蔡與公同在翰林猶未知公及承乏吏部同事頗久見其識之開敏氣之超邁自恨知公之晚也

吳文定公云公幼即知向學業文之餘兼通吏事偶有羣吏將赴吏部試戲出獄詞為題令剖斷觀者曰此老吏筆也識者已知公他日非特以文名者

又云公居常能鑒別人物一日當銓選抑揚進退各當其才或言別白太過終當召怨公不恤曰吾知冢宰之職當如是國朝罷中書省專任六部理政事 聖謀深遠迺出前古當時猶

國朝列卿紀 卷之二十五 三十四

慎簡六部之長欲其練習庶務俾三歲更迭為之後既不行有缺止於轉遷而已百餘年來政事舉息則存乎其人若其間稍或自振迅眾相顧而驚以為立異故東漢時在位者多清確謹與循常襲故之人其弊必至取媚於時如胡伯始而後已如文毅公為人挺然任事不少顧忌其亦有大臣之風者哉

又云國朝父子入翰林為學士並謚為文實自倪氏始且以文集繼世梓行者金華王忠文公之外不一再見亦於此著一代之盛云

馬文升字負圖河南開封府鈞州人文升在娠王夫人常感異夢而生幼讀書即了大義正統 領鄉薦景泰辛未登進士

第授監察御史巡按山西湖廣所至有聲天順癸未陞福建按察使憤鎮守中官擾民輒繩以法民戴其德歌謠載路成化乙酉陞南京大理寺卿未幾以憂去服未闋值固原土夷滿四倡亂邊郵告急特起為右副都御史巡撫陝西俾與都御史項忠總兵官劉玉會兵討之生擒滿四俘獲男婦二千五百名口斬首七千六百餘級捷聞 憲宗皇帝賜 勅獎勞陞左副都御

史時流賊盜起漢中李胡子潼關大竭兒滿城王彪各聚眾劫掠殺敵官軍其鋒銳甚文升悉以計剪除之王辰虜寇臨鞏文升督兵追至黑水口生擒平章鉄烈孫斬首數十顆遂陳時政十五事及禦邊三策尋 命節制三邊秋九月北虜寇章州深

國朝列卿紀 卷之二十五 三十五

入固原及好水川文升檄召諸路按兵伏湯羊嶺虜至遇伏驚遁盡棄輜重擒斬二百餘名顆捷聞有白金文綺之 賜因改其嶺為得勝坡勒石紀功又剿平岷州叛番厥績尤茂乙未

召為兵部右侍郎適遼東有警 上以文升諳練戎務俾往備之文升制五花營八陣圖以訓士卒復上禦邊十五事皆切時宜虜患遂平陞左侍郎食二品俸戊戌建州女直復叛巡撫都御

史陳鉞欲誘殺進貢夷屬以掩已過由是夷益懼為亂 上命文升再往時太監汪直恃寵倖功陰王鉞議邀文升偕行文升弗聽先蒞其地招撫黑鎖忒等二百餘名比直至虜已解散直

無所獲深銜之己亥言官劾總兵官歐信韓斌及鉞激變事情

逮繫至京鉞厚賂直領文升一無所辨遂謫戍重慶日與蜀士
考德問業若未常貴顯者直敗文升究始雪 詔復其官俾致
仕甲辰起爲左副都御史巡撫遼東禁輯科害人無敢犯文升
於遼東至是凡三往皆樹奇績東人至今思之乙巳陞右都御
史督理漕運兼巡撫鳳陽等處搜剔宿弊剷革無遺未期陞兵
部尚書適貴州都勻黑苗弗靖守臣請發雲南四川湖廣兵征
剿文升持不可奏差郎中御史各一負往彼處勸果無他慮尋
改南京兵部參贊機務弘治政元 召爲左都御史 命掌院
事正月 陞見召至 文華殿賜大紅織金衣一襲蓋 上在
東宮時素知其名故也文升感殊遇益自奮勵知無不言 上

國朝列卿紀

卷之二十五

三十六

楊海

特倚重焉二月 上耕籍田文升與行推禮時教坊司以雜戲
承應或至狎文升厲色曰新 天子當知稼穡艱難豈宜以此
瀆亂 宸聰卽斥去二御史以糾儀下獄文升謂 卽值之初
不宜輒罪言官於是得釋時論譴之三月 上幸大學釋奠與
分獻畢列坐聽講 賜茶而退及 上初御經筵 賜資甚厚
乃上言十五事曰選賢能以任風憲曰禁撫拾以戒 官曰擇
人才以典刑獄曰責成效以革奸弊曰擇守令以固邦本曰恤
士人以防後患曰清僧道以杜遊食曰敦懷柔以安四夷曰節
費用以蘇民困悉見施行於內節用乞查內府衙門自洪武永
樂洪熙宣德正統年間一應供應之物如油蠟猪羊 及

柴夫工價銀兩等項其年用若干其年添若干斷自 聖衷是
省一分則民受一分之賜就爲定例不許各衙門具奏增添尤
望 皇上凡百用度更加樽節俱剴切時弊尤留心邊計具奏
陝西路通甘涼止有蘭州浮橋一道若賊以數千人拒守河橋
糧運不能通援兵不能進不數年而甘涼之地難保無虞萬一
甘涼失守則關中亦難保其不危乞勅兵部計議方畧預濟人
馬并勅戶部查筭甘涼各城糧草有無缺欠以備虜患未幾復
改兵部尚書 勅提督京營軍務七月京城大雨爲患疏時政
得失十事以弭災變占城國爲安南所侵遣使請救衆議未決
文升卽會禮部拘 朝貢使臣諭以禍福俾還侵地遂通好如

國朝列卿紀

卷之二十五

三十七

劉汝恩

故辛亥二月丁繼母趙夫人憂 上以邊方多事手 詔起復
懇乞終喪不允乃出視事建州夷當伏加謀叛械繫京師下法
司鞫問巧辯不服文升徐以數言發其奸伏加始惶懼請罪遂
竄南海貴州苗叛議遣鎮遠侯顧溥率兵往擊之且授以方畧
克五十餘寨俘男女數百餘口而還自是震懾九月加太子太
保六七年間因御史馮允中題裏河一帶驛遞煩難豪強多勒
過關米糧等弊議定站船二斗紅船五斗各於輪該悉遞水夫
出辦不許一槩科擾其宿弊稍除又因馬政廢弛題准差官勘
處河南開封彰德衛輝等三府陳州等一十七州縣山東兗州
濟南東昌等三府所屬濟寧州等七十州縣各論人丁每五丁

養兒馬一匹每十丁養騾馬一匹共該人丁四十三萬八千五百二十二丁領養兒馬六千七百五匹騾馬三萬六千八百一十匹其直隸真定保定永平順德廣平河間大名等七府所屬定州等九十二州縣各論免糧地畝每地五十畝養兒馬一匹一百畝養騾馬一匹共免糧地七萬七千四百九十九項五十一畝有零領養兒馬一萬七百九十五匹騾馬四萬二千一百八十八匹各照例兩年算駒一匹其餘人戶收候領養孳生馬駒其順天府所屬霸州等二十七州縣亦各論免糧地畝領養各處解俵備用馬匹至今行之又因將材難得乞刊印武經七書分發兩京武學并各處應襲舍人以作養之九年具疏極論在京軍

國朝列卿紀 卷之二十五

三十八

四十五

士疲困戰馬消耗兵器不精將不得人操練無方恐年後一年愈加廢弛乞今後凡有興作不許奏討團營軍士著為定例其坐營等官務曲加撫恤不許擅役科歛每營揀選精銳馬步軍各二千員名以為上兵遇警動調免致臨行挑選有誤應援仍差給事中御史等官同年老知識草場所在官一員取勘四止明白就為丈量不分內外勢要侵佔俱令退出及後馬軍有將該支糧豆預賣於人及將官馬顧人騎坐事發問罪與顧馬之人罰馬一匹并 勅工部嚴令造作器械俱如式及通行內外衙門各舉將材其操習規矩遵依洪武永樂年操法五日之操乖陣下營一日演習武藝三日不許頻換奏 上嘉納行之以

七十乞致仕 上慰留之戊午春二月 皇太子出閣加少保兼太子太傅即上疏其畧曰 皇太子國之儲貳天下根本宜擇老成純謹之士以資啟沃不宜雜以浮薄之流恐虧損 盛德 上欣納之十一月 清寧宮災 勅兵部議處文升言天下軍民疲弊乞發 內帑銀兩及停止四川採木之擾 上深以為然即從其議落成有蟒衣白金之賜且官其子琇為錦衣百戶虜酋火篩擁眾寇大同威遠勢甚猖獗京師為之戒嚴上親灑宸翰賜尚膳品具召至 內便殿咨以戰守之策文升因舉保國公朱暉等整朔官軍以待且令各邊謹斥埃豫戰具為知有備即時遠遁十四年春 旨諭將所議內修外攘禦虜安

國朝列卿紀 卷之二十五

三十九

四十六

邊事宜開欵條陳文升會集廷臣計議方畧凡十三條於內欲命文職大臣總制大同宣府山西偏頭等三關及陝西延綏各路將官凡軍馬錢糧邊防賞罰俱以便宜處置及府藏官銀不一宜一毫妄費凡奏討鹽引一切停革尤剴切時幣云哈密忠順王為土魯番鎮擅阿力王虜奪王母金印國人驚散文升訪求陝巴立為王復為阿黑麻虜并據其城乃請降 勅切責繼命二大臣往經畧之安置來貢夷使四十餘人於廣西諸處阿黑麻乃大懼始以陝巴金印歸還西域遂寧壬戌轉吏部尚書命下朝野胥慶進少師兼太子太師明年史夫人卒 上遣官諭祭為營葬事甲子八月內早朝畢 上入煖閣召文升面諭曰

明年天下諸司 朝覲卿務用心訪察的實大彰黜陟之典復

諭曰聽得麼文升對曰 聖心留意求治如此宗社之福臣敢不

盡心以圖報稱乃 命中官扶下階及乙丑考察大朝官員汰

去不職者二千餘員人無異議五月 孝宗上賓文升哀慟甚

至正德改元凡 大典禮文升復參預其間御用監太監王端

以 大婚禮欲用儒士七人篆刻番字文升方杜塞僭門堅執

不從給事中安奎以爲宜聽文升言若墮其奸計則大臣垂首

喪氣直道何由得伸非國家之利端慚憤誣文升抗拒賴諸大

臣力爲之辨其冤始自先是兵部尚書劉大夏薦王儼爲戶部

侍郎文升欲抑儼引進劉宇不得會兩廣缺都御史總制軍務

國朝列卿紀 卷之二十五

四

首推兵部侍郎熊繡由是李東陽等深憾之其同鄉御史何天

衢劾之文升遂求去封章屢上前後二十一疏人謂得大臣體

陛辭蒙 賜宴及 輿書褒美仍給寶鑑爲道理費且 命有司

一月給米五石歲撥輿隸八名以備贍用既歸足跡不至城府屏

居三峯山董村之別墅乃更號三峯居士扁其堂曰樂農蓋取

周公明農之意也其始終好學至老不釋卷有約齋集及奏議

三事紀行於世卒年八十九贈太師諡端肅

三紀叙云讀西征石城記見公仗皇威除害戡亂之武讀撫安

東夷記見公敷皇仁篤夏綏夷之文讀興復哈密記見公圖皇

圖大一統之規模文武兼備安攘有得舉出公之遠猶匪直德

望才業若茲而學問文章可考而見之焉

石城記云成化四年固原土夷滿四猖獗巡撫陳价失機逮獄

時文升以南京大理卿居憂於家服初闋特起爲都察院右副

都御史巡撫陝西與都御史項忠總兵官劉玉會兵討之九月

十八日至陝申戒所屬整點民兵防守城池及趙運糧餉畢十

月一日至固原項忠營是夜營外一里砲聲甚急營中皆驚文

升尚未寢急令官軍嚴守營門至天明視之賊乃留文書一紙

云容我每石城居住免納糧差奏聞 朝廷饒我每罪等語衆

愕不可測文升曰此不過欲緩我兵何足信只可整兵以候進

討因與項劉諸公講求用兵方畧地利險易衆皆言石城之險

國朝列卿紀 卷之二十五

四

不可輕進又以前兩失利皆難之乃令善畫者圖其形勢兵分

六路項與 劉并文升及巡按御史任佐姜孟倫右布政使余

子俊左叅政龐勝屯中路延綏鎮守太監秦綱都御史王銳叅

將胡愷副使鄭安屯酸棗溝伏羌伯毛忠鎮守陝西都督白玉

御史鄧本端屯木頭溝叅將劉清夏政布政司右叅議嚴憲屯

打刺赤寧夏副將總兵林勝叅議崔忠屯紅城子陝西都指揮

張英鞏昌府同知羅豫屯羊房堡期三日諸路各出精兵先嘗

賊且探地勢迺大舉比至城外賊規知就來迎敵延綏官軍恃

勇首失利陣亡者二十餘人而賊之傷死亦多衆益懼至十二

日會兵復往探山勢水頭復迎敵佯敗去官軍逐至城下時賊

尚多居城外者官軍忽之貪取財物賊遂斂衆入城伏羌伯毛忠曰賊能有幾多速進兵勦之官軍四攻上山賊極力拒敵毛忠攻其東山路險隘不能進賊奮死捶扼官軍退敗墮崖死者衆而毛忠亦被害賊被鎗砲死者不可勝計斬獲數百顆文升時在中軍領馬軍五百餘帶草萊欲燒賊柵西路之賊乘勝復回東路官軍不能支亦却總兵劉玉被圍于城下官軍潰敗劉玉亦中流矢家人陣亡者三四人項忠斬甘州退怯千戶丁某以狗官軍懼復登山文升亦調度所領兵破空填列以振聲勢敗軍猶欲遁文升號令敢有在逃者斬之中傷者移置山下衆稍定不敢退俄劉玉子斌來報曰家父被圍乞援敗軍文升曰

國朝列卿紀

卷之二十五

四十二

明倫彙編

第入視汝父少頃項忠至憂鬱失色文升發容言勝敗兵家常事况今日之戰賊死者亦多勢已不振此時黃河未凍賊不比徙無深慮者徐可再圖奏報明言伏羌伯忠義奮發身先登山斃於流矢賊勢已窮感且語所遣舍人陶珍等至京但言賊當就平以安中外時 朝廷又望捷報奏至即令宣捷陞珍等爲所鎮撫其月彗出西方兵部及撫寧侯朱永定襄伯郭登議以滿四驍勇恐其渡河與北虜連和禍不止西郵乃交章擬益兵赴援項忠與文升謀兵應益與否文升曰若不益萬一賊不能平誰任其咎第上請令撫寧侯朱永率宣府大同精兵五千順邊而來賊平則止之未平則併力勦之項忠從以上請且日督

兵攻圍賊在山孰視不出戰官軍至暮則回項忠憂之文升入謀於項忠曰賊城中既無水而芻粟亦漸乏若絕其芻汲則彼若釜中之魚當自斃矣項忠從之遂令官軍盡焚左右近地之草賊馬死者殆盡尋又盡以死人馬填塞城外水泉候賊夜汲者設伏掩襲之多被擒益知彼中消息正艱於水文升曰此時賊窮促已甚不足慮矣石城南門與東山相近時令都指揮孫璽領兵數百駐於上以視賊之出入迨兵將回此兵方掣賊據前山矢石雨下我軍不能出時都指揮魯鑑統莊浪土兵千餘人出馬前鋒入於殿後每被賊襲至夜方至文升復言於項忠曰孫璽軍掣之太早故也候中軍兵行遠山上兵方掣項忠從

國朝列卿紀

卷之二十五

四十三

明倫彙編

之自此賊不得上山中軍兵結陣而回賊竟不敢襲其後獨延緩軍與賊門相對日夜攻圍中傷者衆勢不能支文升又言於項劉諸公曰彼處當發兵衝擊攻其所必救賊若上山攻我我以此精兵衝其脇賊必折北衆從文升計乃遣劉玉子文同甘州達官指揮赤撒率土兵五百人候賊上山即兵繼進以邀其後賊信胡人十月八日神降曰若今日出戰勝則利不勝事不利矣至日賊果出攻我山上兵我兵依法禱之遂斬首十數級賊始懼會續調甘州都指揮劉晟兵三千至十八日復會兵攻城已上山勢高險卒不能克又日值景短不久即晡兵在山上者數千人彼此皆懼而賊尤甚文升方憂兵不能掣而賊復恐

我攻山乃詐請降欲總督總兵官詣城下項劉二公皆單騎詣彼久不回賊披戴明盔甲者數百人環遶門外而輕騎往來示武文升與太監劉祥在溝外文升曰賊窮感無信義萬一二公被遮留何以言之 朝廷速邀二公歸賊堅訴要巡撫大人來文升曰若不往示怯乃從數十騎至溝邊大罵曰賊徒無禮天朝將官咸在此敢再反乎以精兵四外旋遞叱去之賊遂入城文升至城下滿四同滿璫等乃訴曰我等本良民被劉叅將馮指揮激變我今既如此願赦死請降文升乃言劉叅將等激變爾等 朝廷已知之各官解赴京師矣爾速降 朝廷必有爾罪賊皆羅拜兵始獲從容而下一無所傷文升因問璫曰爾彼國朝列卿紀 卷之二十五 四四

劫逼入城非反者璫乞命文升遂帶璫回營次日賊即設木柵於山上請戰不復言降矣一日夜五更城內有李旗者至營外報曰今夜城中賊自相讎殺可乘機勦之文升與項劉諸公曰此言固不可深信但以理度之恐不虛遂令中軍營軍士晨食及傳諸營俱早至山下賊果亂未幾俱上山亂矢下射戰良久我軍仰面受敵文升與劉項親在陣前督軍矢至面無敢避者賊亦多傷但不能得其首級耳日將暮遂擊兵明晨至山下則用守城大將軍銅鏡往城中擊之死者不知其數然天氣嚴寒軍士不敢燃火賊堅壁不出迨暮始回軍中頗嗟怨竊相謂曰攻則攻之使我輩早還終日受寒何日得了文升聞之又書於

諸公曰頗兵日久恐生他變即黃河一凍北虜入套我軍豈能久駐其時賊乘間突出奔入河套與之合則貽患有不可言者莫若攻城破之可必眾不敢決時城中有一人代滿指揮送鋪陳馬匹到營有識之者曰此陳都堂子張馬六也陳公軍敗遂從賊文升問曰爾可回否馬六懼不敢對因留詢城中事彼既不吐實又復譁張欲陷我軍遂遣人給送回國原寧家即於山溝內殺之石城外有濠深丈餘人馬不能至賊下文升思欲用土填之乃取各城上圍竿木數千縛成大橋橫橋上軒昂隨人亦可用以攻城至期遂推至濠邊其前以遮矢石命軍士數百人每人負土一袋以填濠須臾濠平車至城下以國朝列卿紀 卷之二十五 四五

竿繫城果高一丈五六尺賊乃開舊所立木柵懸大石以防文升因欲舉此臨城眾恐傷人文升曰豈有攻城不傷人之理諸公終猶豫不決乃止賊用是益懼漸有出降者文升與項忠議曰此輩不可害也遂給帖令旗牌手送出營任歸家自此逃出者日眾賊雖嚴法禁之終莫能遏我軍圍困日密賊既無馬與水漸有逃散意乃令曉番語人四外招之時回回楊虎親親有謀畧四倚為謀王見勢不可為遂以十二月十六日晚出招至大營時文升方會諸公籌畫兵事虎親至心甚恐文升曰汝既聽招而來不必懼劉總戎拔刀與誓曰汝若生擒劉總戎殺死而獻 朝廷有榜文賞白銀五百兩金一百兩隨爾所欲

遂以銀示之送出帳房外屏人問曰何日可戰虎狸曰只在明日倘下雪又有水難以爲力但滿四最怕神鎗至日若戰不可放鎗放即彼退去矣文升又曰何處可戰虎狸曰只在東山口文升復曰賊兵精銳尚多汝可計移其兵上山方可信項忠亦厚慰之乃遣去次日至五更文升與項劉二公整兵而出至山下其東山口係延綏兵所守地而機又不可預泄乃謂延綏參將胡愷曰爾管兵連日傷損實多中軍兵可代爾守一日胡愷曰諾文升即命掣其兵移中軍兵於山口令人於山上視之見有騎白馬出城者乃四也既而東山上果有披戴明盔甲精銳數百人項忠方信之劉玉以其子文階在彼不利欲麾兵進文

國朝列卿紀

卷之二十五

四十六

丁文

升曰不可兵一進彼必退矣如此者三探者忽來報曰今日斯殺賊箭往上射文升叱之曰賊多詐王銳等漸覺之麾下悉前兩軍相戰良久彼此殺傷相當我軍奮勇鏖戰賊遂大敗俄報滿四等已爲郭適生擒少頃送軍前爭功者不已文升手刃欲殺之衆方散文升與項劉諸公議曰四既就擒城中破膽乘勝逼城崩之必矣劉玉曰既得四且罷若進兵恐賊堅守卒不能平遂以四歸營官軍大悅文升乃書火牌十數面行各邊并陝西各府知之以安人心賊有馬驥南斗俱驍勇過人四皆待以心腹次日復率其衆出戰官軍輒擒之賊勢益感乃以擒四等捷聞且止援兵有勅獎諭并賜羊酒犒勞不一日城中復立

平涼衛達官鎮撫火敬爲主以拒官軍凡逸出者即殺之項今諸營各遣夜不收數人夜偵於城下賊北行即報南行勿追蓋欲散彼之黨易成擒耳劉總戎議欲任城中餘賊皆散去不追項忠與文升議曰賊自叛逆殺我一伯三都指揮官軍死者數千人今若縱之後稍有不遂意即又叛矣終爲陝西患論法不可恕乃日探之至十一月二十五日賊度不能支一夜潰出四散而去因悉發諸營捕之擒斬數千級惟滿四姪太平舍人能最驍黠逸去詢其黨滿洪云能熟知青山洞用火燭之方就擒并獲其家屬百餘口諸營官軍日搜山有得賊五百餘人幼男婦不下數千人盡分給官軍止選取十三歲以下者數百以候

國朝列卿紀

卷之二十五

四十七

張鳳

取用楊虎狸家口亦被獲虎狸曰筆救之文升令旗牌手引虎狸逐一認之俱給還而其親戚以虎狸被宥者亦衆蓋以其預有功也惟舊時爲盜者百十人走尋山置帳房數十頂之屢招不下項忠命攻之亦不克文升與項忠議曰此人命殘賊不足慮終能得之第石城之險非盡夷前後所築城垣恐後有叛者必據此爲窟穴遂令萬人悉平之至於陣亡官軍之骸骨又暴於城下則令右布政余子俊收聚起大塚葬之祭以牲醴復立石記平石城歲月刊於山崖以示永久及會項忠至尋箒山視之文升方欲設法攻剿忽延綏報北虜已入河套矣會謂我軍久暴於外倘北虜聞之擁衆來此何其以禦之乃留精兵

千於本山之外伺賊文升與項忠於十二月二日并諸營軍馬
悉回固原文升乃宴總督總兵并各鎮巡撫將佐尚有所獲士
達老婦人三百餘口文升與眾議以之解京途中勞費悉責其
親戚放遣之項忠以二十六日歸陝而諸路兵俱回鎮其生擒
賊千餘恐生變即營中斬八百餘擇留四馬驥南斗火鎮撫
等及其黨與之罪大者二百名并滿四妻解赴京師且以兵後
又安無虞之計 上聞再奉勅獎勵而慧筭山餘賊至成化五
年巳丑正月十四日賊首毛哈刺亦復誅傳首至陝餘賊皆散
其未殄上達不究令其本分耕牧蓋慮其奔河套以促大虜也
於是石城迤北古西安州添設一千戶所置官撥軍防守又以

國朝列卿紀 卷之二十五 四八 蕭奉

固原千戶所改爲固原衛奏選指揮等官苗鳳等七十餘人理
衛事添設兵備僉事一員察帶府州知州楊勉任之項忠
等遂班師本年三月論功行賞太監劉祥歲加俸二十石劉玉
陞右都督項忠陞右都御史文升與延綏巡撫王銳皆陞左副
都御史餘皆陞職有差而賞亦厚先是項忠日披堅於石城下
督軍殺賊雖矢石如雨客無懼色文升常勸其持重忠曰奉
命討賊久無成功死所甘心與論偉之及是人猶以功大賞輕爲
不足濟勵人心云
翁州外史曰弘治最多名臣內閣劉健李東陽謝遷六曹則
耿裕倪岳余子俊周經張悅戴珊閔珪韓文侍從則楊守陳吳

寬王整方鎮則秦紘王越要未有如王恕馬文升劉大夏之灼
灼者也恕直諫重天下然不難於 孝宗而難於 憲宗 孝
宗仁君也然而頗以齟齬終豈非所謂事君數斯辱也耶文升
數更中外歷權寄不屈不勝蓋以才力勝者大夏仁心爲質道
揆法守晚際魚水密勿都俞庶幾有三代風哉造膝之語小有
傳者覺 主聖而臣微不及也人謂恕似魏玄成韓稚吉文升
合姚宋而小遜之大夏似李沆司馬光又曰恕強差近名大夏
弱差近實文升練差用術其然豈其然哉 增
焦芳字孟陽河南南陽府泌陽縣人天順甲申進士授翰林編
修初在翰林爲萬安所惡調除外任深恨之與南人相處如水

國朝列卿紀 卷之二十五 四九 張文

炭弘治十五年歷官吏部左侍郎嘗建言禦虜四事大學士劉
健票旨云這本所言窒碍難行芳以爲愧益結奄豎爲心腹正
德元年陞吏部尚書凡陞遷除拜惟有內援者則進之未數日
銓例悉廢公論益闕時逆瑾亂政號入黨大學士劉健謝遷會
同戶部尚書韓文率百僚伏闕固爭將除之芳潛通於瑾預爲
之所由是謝遷劉健韓文楊守隨等相繼斥罷黨勢益熾瑾遂
引芳入閣表裏爲奸凡瑾變紊成憲桎梏臣工杜塞言路酷虐
軍民皆芳導之餘詳內閣
許進字季升河南河南府靈寶縣人十歲隨父教諭許聚任
定授禮經天順壬午領鄉薦成化丙戌舉進士七月欽

哀毀幾傷生已丑授浙江道御史庚寅丁母何氏憂癸巳服闋復除山東道御史乙未 命巡按甘肅都指揮周敏私騎官馬奏問如律黜貪暴官王文趙鑑等數十餘人上下肅然岷鄰番夷人利其貨物潛結為親致剽掠居民為邊方害進於西寧侯口等處增設橋寨遣指揮劉琥等分兵守之遣番僧楊和尚往諭利害及禁結親邊徼遂安河州致仕兵部尚書王公竑名素重為族姪王紹誣奏不法事進辯理實紹於法王公謂人曰非許繡衣吾事終不明王公竟無責謝進亦無問遣之禮人兩多之丙申十一月回京掌道事戊戌再 命巡按山東憲體益舉事于官吏及豪右多自問不批行所司貪污望風解組長清等國朝列卿紀 卷之二十五 五十一 張文 賈九

縣大小清河專通鹽船舊設二十五閘開夫十二名盡為一叅政修華陽宮諸遊遊所後進劾奏落職減十八閘開止夫二名革濟寧等處濫設役夫三千餘名已亥值歲荒節財後均輸解民不知灾平反死獄劉敬剽鑑許勝董山等數十人人服其明築孔林周垣修陵縣顏真卿沂州諸葛孔明祠而不及他曰吾崇仰在此濟南察院後一亭相傳有崇進常息其中左右以崇告進叱曰焉有避崇御史是年冬回京兼看三法司奏疏雲南太監錢能誅求煩擾交人不靖進奏罷鎮守先是太監汪直妄殺建州夷人兵部尚書陳鉞附勢從人冒襲賞陞遣邊方御史強珍劾直直反誣奏珍以檻車徵至京下獄進不平具疏直

強之冤劾汪及鉞之罪留中不出士夫多為進危者數日得旨珍謫戍遼東進得罰俸三月總兵李震鎮守湖廣日一道士下以黃白術不遂怨之誣首李不軌事於直謂李回南京船泊洞庭湖數日招夷軍為亂直奏逮李氏百口至京諷錦衣鍛鍊成獄 憲廟疑有冤 命都察院勘問良勢不敢二詞進審知無他即自具冤狀以聞 上視其議謂如此類冤枉者甚多禁杖耐不許再妄緝訪即日誅道士於市李氏百口獲全直怒進口令邏卒偵於門無隙可指後竟以章疏字訛奏進被杖於午門幾殆壬寅四月九載俸滿八月擢山東副使李氏始林懷金致謝進固却之癸卯監臨鄉試揭曉之前同事欲實貴介一卷傍國朝列卿紀 卷之二十五 五十一 周祥 賈九

中進厲聲曰天下事俱廢盡公道幸此事存耳若然無事不壞也同事者屢言進直議不回乃止益都縣督工人唐聰撻惰夫病死有司素惡聰誣以死罪進辯出之聰後為恩壽官嘗修寺以報其德東昌一武職子素負債家得銀四兩遇相厚少年生員飲酒肆中暮散武職子隨被殺且無首訴生員於官不勝拷掠即誣服進視生狀貌知其冤私念必洒肆中人殺之又意貧人得銀必易貨物忽拘一縣賈客人不知其故至則驗閱私曆見市酒者以飲之次日易布數疋一鞞即款服始獲死首於空桑樹中憲副衛輝劉公曰此可載入棠陰比事泰安一富豪王南撻人折股而死棄屍於壑賄囑鄉鄰知見者共為隱蔽死

者之兄訴於官經憲司多人獄未成進乃隔取一人問其村巷居人門戶姓名之詳又取一人令其言行殺者之姓名而已前所告者詳詰之其人謂進久私行知其事也始吐實富豪驚愕稽首服罪丁未春分巡遼東六月以地方事與巡按俱逮至京下錦衣衛獄八月值 憲廟賓天赦出之弘治戊申 孝宗龍飛之初簡拔才望正月 命為廣西按察使二月擢都察院右僉都御史巡撫大同兼督理軍務先是北虜小王子擁眾深入欲為寇既又以人一千五百馬五百人貢進於初至請發內帑銀二萬以供館穀之費邊人不擾其虜使進防範嚴待遇厚而所以臨視之者甚整肅人以為得體條陳邊備四事一曰定策

國朝列卿紀 卷之二十五 五十二

應二曰備戰具三曰修墩墻四曰築屯堡反覆千餘言皆極切邊方戰守利害又開種引鹽通草包攬等弊比三年邊備充實奏黜害軍都指揮於容葉春將張璽守備杜澄革武邑王兇縱不檢其實跡以聞 詔謫為庶人徙太原再陳邊事八條曰恤邊軍寬邊民專守均輸納復軍糧便接遞去無益革冗官上多可其奏已酉春北虜小王子大舉臨邊日夕知有備又以人一千五百馬六百人貢其供億處置一如戊申時庚戌六月北虜復深入營長三百里號六萬欲為寇遲疑數月進悉力備禦畫定戰守事宜令各城兵馬嚴備烽火砲石相應不絕馬行係帝於尾塵翳障天虜計難入遂稱款蓋北來小王子引瓦剌同

行兩酋部落共八十營臨時入貢則欲携瓦剌同入又欲比常數增二百名 朝廷不可進謂虜雖包藏禍心但既稱納款勃誠意不可阻 詔遂許以一千七百人入貢諸處分尤精悉允當北虜凡貢三次其初入擁眾本欲為寇賴進防禦於未貢之先厚待於既貢之後使 朝廷威德遠布四年之間邊事無警其力居多蓋自進去任後北虜之貢遂絕至今將四十年而勝掠不可勝言也奏舉謀勇堪用將官都指揮張安為遊擊秦恭為參將劾太監石崖倉暴虐擄掠中傷凡二次差官勘問無實崖乃於中排擠竟以擅用前官所遺藍綃旗 詔謫外任吏部尚書三原王公恕擬進陝西按察司副使 上不可改為苑州

國朝列卿紀 卷之二十五 五十三

知府辛亥九月抵任值荒旱張秋河決凡事寬平專務鎮靜衍聖公弘泰素厚進乘間曰公此來政體何與昔年異進曰往日法官今乃郡有司耳矧吾此行小人多不足者不謂吾秉威以虐吏屬則謂吾公憊不堪於懷吾所以優游寬適者正以絕物議也聖公深服嘗修葺闕里先聖有萬世之功不可言報若欲盡心舍此時何待孔林門樓成聖公舉酒賀曰吾十五年前為先師築林墻茲復立門始有數乎甲寅錦衣百戶全鑾應 詔上言進賦性端謹操履剛方聞望足以伏奸貪才識可以當大任先年巡撫大同倉庫有鉅萬之積軍民無服役之勞獄訟持平豪強斂跡止緣稽察太過遂遭排斥左黜南京後府經歷周

廣榮上言進清慎有為忠直不阿十一月命為陝西按察使
先北虜大寇甘州地方殘破言官劾都御史馮續不職為民十
二月事益急上命都督莊鑑馬升擢京管人馬三萬往援又
用廷臣議復以進為都察院左僉都御史巡撫甘肅乙卯虜酋
也七克里求於近邊貨易以為障蔽進奏言宜照赤斤罕東查
夷事例一體羈縻上陳邊事其畧謂守邊之要固在聲勢聯絡
應援之兵又在先期以待且用兵之道非務多而無實在精強
而有制將謀專則軍政歸一而師律自貞兵素練則齊勇如一
而遇戰則克今調到延綏等處副總兵朱瑾等人馬一萬二千
名兵老財費俱宜放回京管人馬不必啟行止可於固原等處

國朝列卿紀 卷之二十五

五十四

宋

共選精兵五千名統以都指揮聽甘涼鎮巡等官調度則緩急
易於應援自致克捷 詔可再奏復兆岷漢土軍官於甘涼鎮
番二處備禦吏調副總兵彭清各守所宜地方督勵指揮楊有
張濟等累取斬獲虜方引去邊郵遂安哈密國在嘉峪關外幾
二千里 成祖文皇帝降金印封元之遺孽脫脫為忠順王統
畏吾蒙古回回三種夷人俾與赤斤罕東阿端曲先等衛互為
唇齒藩蔽甘肅地方西域諸國夷情賴其傳報或入貢譯語以
聞成化間哈密國分取吐魯番入貢載回茶物太多遂致釁隙
九年土魯番侵哈密榜王母金印去二十年立罕慎為忠順王
土番頭目牙蘭年老習事率眾謀殺哈密都督罕慎子阿木郎

弘治五年復立陝巴六年又虜去忠順王陝巴其遺族 朝廷
命置於苦峪等處寄住屢遣重臣經略前後幾二十年不能定
難其王皆為土魯番殺虜以去弘治甲寅其酋速擅阿黑
麻魯精河汗轉略罕東等處使降且令其部酋牙蘭占據哈密
城池為經久計因挾求為忠順王聲言若 朝廷不從則大舉
兵取甘肅城眾議計無所出及進巡撫甘肅謂僚佐曰往事既
不能威服其心又不為自立之計苟且為之宜乎有今日也乃
獨以哈密可復狀 上聞 詔可即 勅進經略進謂自古有
以夷攻夷之法乃遣人罕東赤斤也七克里各宣布 朝廷恩
威時加犒勞又厚撫苦峪寄住夷人既得其歡心爭為用命

國朝列卿紀 卷之二十五

五十五

明

因北虜小列禿之子於吐番有殺讐乃通和小列禿部落俾與
也七克力屯兵哈密吐魯之間以斷吐魯番東援牙蘭之路復
遣人數十往吐魯番議和以款其心謀既定乃令總兵劉寧統
領官軍四千五百至肅州再以右副總兵彭清統精銳官軍二
千五百同去嘉峪關隨路調赤斤罕東各衛番兵一千八百以
彭清所部及番兵之半深入二千里直抵哈密克奪故城獲回
忠順王罕慎妻女斬首百餘獲牛馬三千器仗糧糈牙蘭與所
部夜遁時城中居民被牙蘭脇從者尚八千人總兵貪功募請
進耳語曰此輩已從牙蘭而貌不異吐番人若誅之得八百
首級真奇功也進正色曰此皆真哈密人但被牙蘭脇耳言也

來務安輯猶恐遠夷不懷且得城無人城誰與守汝不從吾吾
歸決劾汝寧乃止既撫定居人乃全軍而還克復事聞 上賜
勅獎勞進既入關即遣苦峪寄住夷人歸哈密故城給牛種衣
糧犁具俾爲生聚計且令小列秃及也也克力兩部常住牧哈
密之西以藩蔽之吐魯番既不能逞越二載遂稱款以所虜忠
順王金印來歸西域乃定皆進之謀也土人皆言哈密孤懸二
千里之外自來 天兵未至之地考之前代亦無有以兵蒞其
地者非進威信恩義乎於土漢番夷之人焉能合其心力擁衆
深入成此大功丙辰八月以前功進右副都御史辭不允九月
詔爲陝西巡撫儀賓樊瑛洋兇事發詞連撫按三司莫敢誰何
國朝列卿紀 卷之二十五 五十六

詔爲戶部右侍郎時太原周文端公經爲尚書亦正人也與進同
留心國計常有 詔取太倉銀三萬兩爲張燈具進同周公執
奏不可乃止 孝皇每痛孝穆太后上仙求其族不獲乃施恩
后家但益其富弗假政權而公及文端公志全 主德嘗上言
東宮親王則例每歲徵銀三分獨以五分厚戚氏是恩有偏施例
爲徒具民爲君之子今以丘聽等田 賜戚氏雖蠲厚稅非聰
等心實同奪之相氏本亦妃親奈何不念 先皇而奪其三十
年之業乎戊午轉左侍郎十二月刑部主事鄭岳無罪下獄進
爲疏爭得微諱時彗星見進與周公經復上言宜加修省明用
舍省靡費會推大臣或不協時議即止言人以爲侵官進曰古
國朝列卿紀 卷之二十五 五十七

叅劾將官不與監督同議行取回京尋言者訕其良怯嬰城自守無功罷職致仕御史曹玉等不至吏陳景弼皆抗疏乞留不報辛酉西夏不寧府部科道會薦為陝西總制不允又尚書林瀚都御史林俊給事中任良弼吳仕偉許天錫屈伸王纘御史周魯楊璋余濂陳玉李良費鑑燕忠余本實王事林沂張禧等先後四十八疏謂宜起用以當軍事乙丑五月 武宗嗣位值北虜寇大同戕二遊擊將軍事勢甚急科道復交章奏薦遂召為兵部左侍郎提督京營人馬復 命兼理部事疏辭且薦都御史雍泰代已不允差官守取至正德丙寅四月觀 闕下復具疏辭不允尋陞兵部尚書仍督團營未幾 命預經筵進乃

國朝列卿紀 卷之二十五 五十八 丁亥

上疏畧曰人主之心惟在所養以大舜之聖禹陳克艱惠迪之謨益進遊逸淫樂之戒帝王誕膺景命罔不學於古訓以克承世臣於經筵侍聽之餘仰瞻 天表睿智聰明矧儒臣進諭諄切裨益弘多故臣以為 陛下之心欲得所養惟經筵為急切之務伏望時敏問學痛止遊逸以古堯舜之君為必可師以昔荒淫之主為必當戒則 聖德日新災變自彌 上嘉納之方起廢居官五月章凡十數上多與權貴爭論事其奏討車船頭目出常例者皆執奏不與時有太監王岳奏稱官校王縉等十餘人緝事拏賊有功得 旨官校陞一級王縉象房官事進執奏謂賞罰 人主之大柄當功則勸浮功則懈各邊官軍萬死

得一首級止陞一級比之此輩勞逸懸絕此 命一行各邊聞之孰不解體太監陳貴錦衣千戶蕭瑄總旗韋寵張鑑等各奏稱有拏賊功希圖陞職太監劉雲亦為其姪乞官皆格不行且請治貴等罪以為素擾者之戒魏國公為言官劾其聽信下人不法諸事定國公新寧伯各自陳乞加品級進曰勅臣乃武職領袖所為如是何以令人皆請究治或加切責以彰懲戒京衛武職有以賄營求者即呼至部堂大杖數十郎中林廷樞每言曰只此一事已痛快人心然非公不可也國督及三大營聽征官軍為 內府做工借撥太多頻致逃亡具疏言團營非為營造而設且養兵之法必於無事時結其歡心作其銳氣有事

國朝列卿紀 卷之二十五 五十九 丁亥

方可得其死力因備論內監後占軍匠納錢請弊及覆千餘言章凡三四上有 詔以陳新等五百餘名收充勇士極言校進溢收之弊糜費糧食俱宜革退南京御用監收養馬騾八九十匹後軍士千名費糶粟鉅萬尚書林瀚給事中牧相奏宜裁減進請 准行又條陳八事其重者曰遵 成命欲將 內府後占軍士三萬二千名革退送操并治中貴阻撓 成命之罪曰革冗員欲將 午門等門并九門多餘內臣取回別用母令實緣添設曰蘇困苦欲復嘉蔬所舊制革司苑局科剋軍士顧陪等弊曰重爵賞欲裁革傳陞冒濫軍職前後論諫雖或不得行然 國家典章尚賴以存者為多海賊鉅東山為患東南守臣

奏已殄絕進參勘謂事涉不明未幾果復出爲寇正德初公
臺諫共劾羣倖之罪衆必欲與之極刑進獨曰此輩得漸踈斥
足矣何可激也甘露黨錮之事不可不監後丁卯之變果如其
言其先見如此十一月吏部缺尚書廷臣會推進讓都御史張
敷華不已衆謂無踰進乃以進首薦上允之既受命切切
以薦賢爲國爲心取人先行檢氣節而後才藝於抑奔競杜請
託尤嚴御史其滿三考及郎中某員外郎某皆結奧授必覲京
秩進一日悉外補郎中某賂爾承成乃斥黎平郎中李遠因公
事忤持衡者出爲邊方知府進察其枉調入杭州工待某同里
聞託閣督承改吏部公對衆面語之曰君年尚未秩已不卑循
國朝列卿紀 卷之二十五 四十九 商補

直忤武廟論改調別用二公皆自危進擬劾南禮部侍郎楊
爲南戶部侍郎未幾推劾爲南戶書楊爲南史書俱如進擬丁
卯四月 賜玉帶加太子少保階資德大夫正治上卿是後奸
宦劉瑾始大用事凡請託悉不聽成害士類假 詔旨廷諫進
必委曲調護處以善地戊辰考察天下諸司官凡黜幾二千名
甚愜公議荊州知府貪暴無比監司考語不敢署其惡進奏爲
民知府復賄瑾中批留用且命查其考語來着僚屬悉懼進乃
查奏諸司考語而自署其後曰上良其挾制而考語欺天下
民被其殘虐而怨聲動地知府後卒廢棄先是銓選考甲不判
名第於卷或有請託者因得上下之進好考甲即看定卷而面
國朝列卿紀 卷之二十五 六十一 商補

摠都指揮至將臺下杖數十不言其故如此者凡三人瑾請其
 故進乃出請權貴託札示之瑾心服後瑾得志進入吏部凡
 有賄瑾囑進者瑾常難之進在當時猶能自行其志使綱紀不
 至大壞者蓋清節偉望有以素服其心耳其後瑾之欲甘心於
 進也乃輔臣焦芳因請託不遂積成讐恨遂謀起張綵到京因
 與共謀擄進適一選人賂瑾欲得房山縣丞進復拒絕不聽綵
 復加誕詞請進以激瑾怒進素重尚書周經都御史雍泰常曰
 周伯常雍世隆不用吾即死不瞑目屢次推薦 上起用周為
 禮部尚書復推雍為南京戶部尚書瑾既恨之戊辰七月推南
 京刑部署員外王事劉吉為署郎中乃百餘年舊制瑾誣為瑾
 國朝列卿紀 卷之二十五 六十二 制任任

越選法勒令致仕恨不解八月御史郭東山奏言府都御史
 瀾邊糧內有雍泰名瑾即令查雍泰履歷以進及馬文升劉大
 夏俱曾推薦雍成削為民二子誥讚調外任庚午瑾謀請好黨
 欲重害之又措其大同時常籍軍丁出銀顧校為典守者所怨
 故苛為稽察因以中之幾至不測事未決而瑾敗用言者復其
 官仍致仕而已卒矣年七十有四贈太子太保進諱練政體嘗
 指畦蔬曰為政如理此蔬須備知其可灌其可藝斯茂矣質質
 然為之能不亂乎哈密之復雍夷夏之眾深入前代兵馬未到
 之地而成安攘之功識者難之在兵部南北邊重大機宜文書
 無可不至批閱如流案無停牘諸司事體累 朝詔例不一吏

當緣為奸乃擇僚屬有識者通查類集成編欲奏請會官定議
 如見行條例永著為令未就而改吏部至今未有繼其志者在
 吏部每會議六部大事進既諳熟 國家典故數語之間無不
 允愜性雖嚴毅至後進謂曰必留語良久果善用之不啻已出
 益有古大臣風焉立 朝無朋進用皆因公論去世幾二十
 謚典未頒天下咸抱不平御史周期雍周宣張鵬郎中宿進御
 史張榆累以為言皆格不行嘉靖丙戌巡按河南御史陳克宅
 洎河道御史陳察復以為請謚下禮部尚書席公書謂進仗鉞
 邊陲復番虜之威於已滅持衡銓部抗逆瑾之勢於方張定名
 莫可以索取晚節卒脫于危禍剛方正大之氣雖百折而不回
 國朝列卿紀 卷之二十五 六十三 丁文

清約端慎之操舉乎生而無間眾論同推宜賜之謚奏入 詔
 謚襄毅後其子讚為吏部尚書入內閣進少傳誥為南京戶部
 尚書論為兵部尚書人謂盛德之報云

侍郎崔銑云十月初內閣部臺諫共劾閣承成八人尊 上盤
 戲請誅之期在必克公語同事曰此屬得疎斥足矣果竣其事
 恐有甘露之變是月十日午刻太監李榮左順門傳 旨詔部
 院大臣榮曰此屬日夜牽 御衣環泣 上為罷餐諸臣錯愕
 莫對公曰上富於春秋方當講學恢 先帝之業乃為此曹所
 誘逸父成荒何謂無罪榮曰 上行遣之諸公第歸幹 國事
 吏部侍郎王公鰲曰如不遣將復舊 上左右耶榮入是夜內

方致所部軍人反叛律充軍宇以吏部當首署遂排衆議劉大夏輕議夷人遷徙與潘尚書番俱發邊遠充軍璫擬廣西邊衛宇與焦芳曰是送二人歸也乃改肅州士論共忿恨之後焦芳老病致仕逆瑾取宇入閣餘內閣詳之

張綵字 陝西鞏昌府安定縣人弘治庚戌進士授吏部稽勳司主事八年調文選司十年陞稽勳司員外郎十二年陞驗封司郎中十七年改文選司郎中綵有通才議論便利善匿情市交以伺上意故尚書馬文升等俱受其欺且信任之及爲文選奸狀畢露給事中許誥等屢劾綵罪狀文升力救不可已綵以病乞歸及正德二年瑾用事查京師養病久者悉革爲民未

國朝列卿紀 卷之二十五 六十六 蕭奉 父者赴京聽除綵不得已赴京綵前在文選時焦芳爲侍郎相得至是芳在內閣令綵說是署郎中薦於瑾以爲綵乃公之鄉里極有才有用可爲文選郎中劉永陞通政尚書許進已議調驗封郎中石確於文選疏已入而綵適到瑾欲復用綵逼進追回用石確疏以綵易之進雖用綵而心甚銜之進乞歸改宇爲吏部尚書綵在文選與劉宇益結瑾自固每見瑾談論風生瑾喜納之尋陞都察院左僉都御史未踰二月復陞吏部左侍郎四年劉宇入閣進綵尚書代之綵嘗勸瑾今天下諸司官有餽送公禮物者非取於官庫則歛於民取怨貽患所當知也瑾開納遂禁密饋遺者適山東巡按御史胡節回饋送未至偵知之捕

下錦衣衛獄捶死少監李宣侍郎張鸞指揮趙良差往福建回欽銀二萬饋於瑾瑾收其銀於承運庫李宣降長隨趙良降南京百戶張鸞以不知欽銀令致仕其餘因饋得罪者甚多剝削之弊一時少息綵又言於瑾曰公左右用事者多騙財壞事瑾遂逐去之其他救正頗多衣冠之禍少減然綵在吏部惟知敬瑾共謀事同事者以爲瑾之疎同類皆綵教之又楊廷儀爲宇心腹宇過吏部調廷儀爲吏部郎中親信之及綵代宇廷儀不爲綵所親有所私綵不聽廷儀深憾之又故事吏部推用大臣必密謀於內閣官綵以爲事在於瑾內閣不與每忽之李東陽楊廷和等以爲違廢內閣權共銜之五年逆瑾被繫亦捕綵下

國朝列卿紀 卷之二十五 六十七 陳白 都察院獄議以交結近侍符同奏啟斬罪遇赦免死廷和等令都察院改擬回劉瑾反罪綵病死獄中仍令暴其屍然非真謀反流其母妻子弟於嶺南不誅配綵爲郎中時楊一清嘗薦諳曉韜略堪任巡撫邊方都御史及寧夏之變楊一清致仕居鎮江綵薦於瑾起用楊一清同征寧夏至是綵被誣謀反一清不能救亦可謂附閣覽者之戒云

劉機字世衡順天府大興縣人成化戊戌進士改庶吉士授檢討累官禮部尚書管內閣 誥勅加太子少保五年寧夏賊臣何錦周昂丁廣挾宗室寘鐸以叛檄書以誅瑾爲名瑾輒匿之及事平太監張永疏其大罪十有七事瑾伏誅吏部尚書張綵

一五二二 冊 續修四庫全書 8 反文內

以同謀下獄死機管內臣魏彬等改吏部機注長部成員活不
羈與關監綱繆日深請託賄求如水決防不能砥止於選條
例謾不經心眾論輕之會大學士李東陽欲用楊一清尋以人
言致仕家居授匿名帖於禁內指摘一清等過失一清設計再
起南京兵部尚書以遠之餘詳南京兵部

楊一清字應寧雲南安寧州人湖廣岳州府巴陵縣籍成化壬
辰進士授中書舍人陞山西提學僉事陝西提學副使大有聲
名累官都察院右都御史總制陝西三邊軍務致仕正德五年
夏四月寧夏賊臣都指揮何錦周昂丁廣輩挾宗室安化王
寘鐸以叛殺鎮巡太監都御史總兵等官偽封官爵鑄章印傳

國朝列卿紀

卷之二十五

二十八

石全

檄召調各路兵馬將謀入寇命內御用監太監張永總督軍
務涇陽伯神英充總兵官起一清總制陝西延綏寧夏甘肅各
路軍務督諸鎮守官撫諭征剿各賜璽書得專制以軍法從
事先是陝西總兵曹雄約會諸鎮將官協謀討賊師次靈州寧
夏遊擊將軍仇鉞糾集義兵乘間手斬賊帥周昂并殺其黨數
十人遂執寘鐸父子眷屬械繫之擒何錦丁廣于大壩餘賊悉
就縛諸將罷兵而道路相傳總督率京師兵將洗寧夏城一清
恐激成大患上疏乞將京軍撤回以安反側仍遣百戶韋臣曉
諭寧夏軍民使有所恃以不恐捷上召涇陽伯以兵還勅
一清同張永撫靖地方瑾素惡一清以事變不得已起用既平

頗悔之乃矯詔改專在寧夏撫馭實陰奪總制之權先是寘鐸
檄數瑾賊過惡守臣上之瑾輒置之八月永歸遂與永謀必因
此陷瑾既至京內外頌永功永因張雄張忠等共許於上前
以謂瑾激變寧夏心不自安陰謀不軌其形已具宜早除之

上猶預未決眾曰少遲我等皆為齏粉陛下安所之乎上允
其奏命牌子頭往召瑾眾勸上親至瑾宅近地觀變時
漏下三鼓瑾方熟寢令牌子頭入問曰上安在對曰在豹房
瑾披衣謂家人曰此事可疑矣出門有牌子頭數人執瑾就內
獄黎明下錦衣衛坐以謀反凌遲處死悉誅其家屬抄沒財產
京師稱快眾謂瑾之誅雖為永發而實受算於一清踰月陞戶

國朝列卿紀

卷之二十五

本九

石全

部尚書尋加太子少保六年辛未春復改吏部尚書一清入掌
銓衡黜邪佑正起廢振幽凡為逆瑾所構陷連茹以起國是
復定江西盜久未平薦按察副使吳廷舉宜委用責成山東盜
日熾具疏守戰撫馭賞罰機宜下兵部檄諸鎮施行及劉六劉
七等聚眾數千充斥近圻兵部尚書王敞束手無策一清建議
推用大將征討及文臣有才智者提督軍務又著令有能擒斬
盜賊三名類者陞一級大學士李東陽從中票旨極其褒美
悉從所言之及舉都御史馬中錫提督軍務惠安伯張偉為
總兵官同征流賊所領京營人馬皆不開習馬張又不知兵專
王招撫而賊益縱大肆劫掠中錫逮死獄中張偉輩爵閑任時

人心洶洶渠魁劉七屯兵近圻要 朝廷宥罪 廷議將從之
 一清執不可曰中原百姓敢稱名號亂罪在不赦宜易將增兵
 殄滅乃已後 命太監谷大用總督軍務又薦侍郎陸完提督
 軍務及賊至鎮江貽書於完願以拯溺救焚為念星馳前去並
 帶西北勅兵千人半駐江北以為聲援半渡江南以備截殺彭
 提督仇總兵人馬亦於南都以東隨便屯住防邊一以壯金陵
 之保障一以為瓜真二壩之防又思此賊出沒無常或奔淮揚
 通海二州以趨山東故淮鳳之兵不可撤山東之地不宜虛卒
 之金山之捷如所料云七年會 朝審要囚以吏部當執筆閱
 其辭鞫其人多不直許原問者不能答孫忠烈公燧時為刑部
 湖廣司郎中詢之具以實對用是出可矜者若干人燧超陞福
 建右叅政後又薦撫江西竟以死節顯九年甲戌乾清宮災上
 疏時政其一視朝大遲其二祀郊廟大慢其三創梵宇於西內
 其四調邊兵於禁地其五謂皇莊皇店及織造等事言多切指
 是年 命入閣詳內閣并二邊總督

國朝列卿紀

卷之二十五

七十

國朝列卿紀卷之二十五

國朝列卿紀卷之二十六

吏部尚書行實

陸完字全卿直隸蘇州府長洲縣人成化丁未進 監察御史歷浙江副使江西按察使有幹才逆濠獨器重之正
 德三年陞都察院右僉都御史巡撫宣府逆瑾見其言動遲緩
 改南院右僉都御史四年畏瑾威談納賂於瑾陞都察院右副
 都御史五年進兵部右侍郎未幾轉左及瑾敗言官劾完首開
 賄賂之門驟陞風憲之職不報六年甯州等處強賊劉六劉七
 齊彥名等肆亂初舉都御史馬中錫提督軍務以玩寇殃民下
 獄中官以此事非書生所能辦乃命太監谷大用總督軍務推
 完提督軍務伏羌伯毛銳樹平賊將軍印充總兵官時統兵萬
 餘素未簡閱銳又衰老而大用擁眾自衛高坐堅城故京軍屢
 失利不能速平賊兵部奏令完帶主事田蘭等招募民兵大擾
 地方又奏調宣府遊擊許泰卻承大同總兵張復遊擊江彬入
 征內地多妄殺平民冒功完不能制後賊過江大掠吳楚之間
 至蘇州遇颶風覆舟始滅歸而論功谷大用并代大用者太監
 陸閻皆封其弟為伯完進右都御史尋改左都御史掌院事八
 年陞兵部尚書加太子少保時完與逆濠歲時問遺不絕濠問
 完欲乞復護衛完答書須以 祖訓為言及逆濠釐金寶以伶
 人賊賢分饋柄事者大學士費宏言於內閣曰今寧王以金寶

國朝列卿紀

卷之二十六

三打點復護衛苟聽其所為吾江西無唯類矣完不聽完前
錢寧輩題復護衛十年閏四月改吏部尚書時江西左布政
貴為濠所忌完受錢寧囑陞光祿卿以遠之十四年三月
自稱威武大將軍欲巡兩直隸山東江南湖廣內外咸以為憂
修撰舒芬等約諸同志上疏乞留會闕下完迎諸上疏者曰
主上聞直諫輒引刀為刎狀今日撤賴矣其容色詞氣盡歸於
上以沮言者一時言官又多其黨遂為所沮七月宸濠叛逆伏擒
言官劾其交通狀逮獄籍其家謫戍

王瓊字德華山西太原府太原縣人成化甲辰進士授工部屯
田司主事弘治四年陞本司員外郎六年進都水司郎中九年

國朝列卿紀 卷之二十六

一

改戶部陝西司郎中有治才留心國計凡舊卷條例悉錄之以
備稽閱十二年陞山東右叅政十四年守制十六年補河南左
叅政十八年陞河南右布政正德元年陞整理兩淮鹽法都察
院右副都御史二年取回改總督漕運未任陞戶部右侍郎三
年改吏部本年調南京吏部四年改南京戶部右侍郎丁憂六
年起戶部右侍郎兼左僉都御史賑恤畿甸山東地方七年陞
戶部左侍郎八年陞戶部尚書瓊在戶部陝西司於泉貨出入
數目素熟練嘗著論謂國初制親王歲支祿米一萬石後因地
方豐歉或有減支郡王將軍俱有常祿亦因民供有限悉減支
一半本色一半折色其折色多不關支又如初封郡王歲支二

千石以後襲封俱支一千石後亦有例初封郡王亦支一千石
又如郡王生子多至三三十人者有之慶成王生七十子夫以
十子論之一歲該支米一萬五千石反多於一字王祿米矣先
年陝西慶府分封郡王俱於慶府一萬米內分撥并軍校亦於
大府分出不知彼時奉何事例又如鎮國等將軍年十二歲
即請封號祿米弘治十一年因災異禮部會官議修省事件郎
中慈谿王綸白於諸大臣定議鎮國等將軍年及十五歲方准
撥支祿米至今行之以民供論之則日益不給以宗室論之往
往衣食不繼反不如庶民之家得自生計也又宗室犯罪降為
庶人者計口月給米石比與將軍中尉反得實惠宗室例不得

國朝列卿紀 卷之二十六

三

種田納糧商販管利而常祿不給日見其貧乏不能存活矣又
國初定制百官俸給皆支本色米石如知縣月支米七石歲支
米八十四石足勾養廉用度後改四品以上三分本色七分折
色五品以下四分本色六分折色後又改在外官月支本色米
二石其餘俱支折色其折色以鈔為則每米一石折鈔十五貫
或二十貫每布一疋折米二石京官折俸四五年不得一支外
官通不得支俸祿之制果能守哉欲禁貪婪是以難也故在戶
部於邦儲歛散酌盈濟縮不尚同亦不求異凡非分干請有違
成憲者執奏不易苟可以厚宗室利官民者亦調停行之人服
其有心計十年改兵部十一年六月加太子太保十二年三月

加少保兼太子太保先是左都彭澤在院時嘗與言官論及朱寧輒忿曰吾恨不手刃此奴瓊以語寧且曰吾為君致彼來君私察之瓊因招澤過匿寧屏後瓊激怒之澤果大罵寧由是銜之會土魯番反瓊與澤有隙誣奏澤激變番夷以啓邊釁下兵部議瓊因劾其擅命遣使納幣失信致起邊釁乞令法司按實議罪會多官議戶部尚書石玠以為大夫出使於外苟有利於國家專之可也事須再勘瓊曰納幣虜庭失信夷人致貽後患於國家利乎不利乎事已勘明更勘何事眾不能奪奏上朱寧營內旨除澤名十一月加少傅兼太子太傅瓊善結權幸故遷兵部不二年二進三孤初南贛撫鎮非人兇民羣聚為盜焚劫

國朝列卿紀 卷之二十六 四 石介

州縣無忌遠近效尤凡在虔楚閩廣接壤無非賊巢瓊為王守仁巡撫其地及守仁請便宜行事眾笑為迂屢不報瓊慨然曰朝廷此等大柄不與此等人用又與誰用我必與之竟覆議報可諸賊由是悉平十四年正月守仁乞致仕當路素忌之欲從其請瓊力言不可從留之會福州三衛軍人進貴葉元保等作亂瓊知江西寧藩必反召主事應典曰此小事不足煩守仁但假此便宜 勅書在彼手中以待他變爾為我做一題稿來看既成具題 勅守仁查處福州叛軍及給事中徐之鸞等疏宸濠不法事內閣楊廷和令兵部發兵視變瓊曰此不可洩近給事中孫懋建議選兵為江西備留中日久第如議行之廷和默

然已而宸濠反南都告急瓊會眾於左順門獨曰陛下素行不義今倉卒造亂不足為慮有王守仁在彼必成擒矣頃刻覆十三疏詔削濠屬籍正賊名次請命將出師趨南京勅伯方壽祥防江都御史俞諫率淮兵翊南京戶部尚書王鴻儒主給餉王守仁率南贛兵由臨吉都御史秦全率湖廣兵由荆瑞會南昌李充嗣鎮江許廷光鎮浙江叢蘭鎮儀真慎防瓜州壩傳檄諸路但有忠臣義士能倡義旅擒反者封侯且令南京守備操江諸武職并五府掌印僉事即自陳取上裁務在得人以固根本詔悉從之濠果不旋踵就擒十五年十月改吏部尚書加少師十六年 世廟登極五月以人言請成嘉靖 年起兵部尚書

國朝列卿紀 卷之二十六 五 杜琦

兼都察院右都御史總制陝西三邊軍務時吐番侵擾甘肅瓊督兵擊敗之八年套虜入寇統兵三萬出花馬池禦之斬首六十餘級捷聞 勅賜獎勵尋以功加太子太保九年洮岷番夷寇鞏昌命將擊討之斬首二百五十餘撫定七千餘族降 勅嘉賞又置下馬關門接修邊牆一百八十餘里起懋水堡至蘭州因地形勢挑壕塹八百餘里據險以守邊人至今便之十年召還改吏部尚書卒贈太保諡恭毅

石瑤字邦彥直隸真定府藁城縣人成化丁未進士改庶吉士累官禮部尚書兼翰林學士瑤性介特辨吟域自歷官以來費不涉公帑役不越輿隸環堵蕭然於義外錢不啻若吳穢正德

十六年以人望改吏部尚書承羣小竊柄之餘政以賂成官以
意授士習靡然日趨於壞屬考察京官凡諸清議有干者多見
屏黜登賢汰冗不可以私干於得喪禍福了無芥蒂輔臣楊廷
和等忌之托詞以請命兼學士在內閣專管誥勅實奪之權也
前無此故事而楊亦以此見短於人其前後所上封事士林多
錄之其要語則勸上清心省事法堯舜之恭已無爲用漢文
之與民休息而已其願上方行王道辯別忠邪中才皆可用
之人不必求備平易有近民之實不必務奇治有端緒不必責
効於旦夕之間事可包荒不必刻意於淵魚之察人謂其爲救
時之藥石久之入典機務門無私謁其剛方正直終始不變官

國朝列卿紀

卷之二十六

六

至少保詳內閣

喬宇字希大號白巖山西太原府樂平縣人十七歲爲成化庚
子以金吾衛籍中順天府鄉試錄其文以式甲辰中進士通政
司觀政丙午授禮部儀制司主事是歲皇太子婚禮成及
五王冠禮畢俱受文綺白金之賜明年會試天下士著提調官綜
理有法撒棘之日簾內什用之器類爲所司所取悉還之民丁
未母路氏卒歸葬樂平杜門謝客讀禮之暇惟以讀書考究爲
事自是所養益深祖塋有松數百樹皆先人手自封植夏有蟲
食之幾盡乃自爲文以祭遂止弘治庚戌服闋除吏部文選司
主事壬子署考功司員外丁巳補郎中辛酉調文選司郎中

益勤勵門無私謁凡三與考察輿論稱允至於拔進賢才杜塞
僥倖屏退儉壬無不贊行之壬戌遷太常少卿八月有事南郊
命導駕齋壇孝廟賓天以執事送梓官於泰陵正德改元
丙寅武宗卽位告祭天下命分祭中鎮霍山黃河西海媯皇
商湯王陵及晉代瀋諸王陵園事竣之日咨諏民隱爲六事上
之多見采納戊辰轉光祿卿專以裁節浮費以甦民困爲務一
歲陞戶部右侍郎庚午遷左侍郎春至六月不雨漕河涸奉
命禱祭海嶽遂雨時宦瑾用事公卿多通關節宇恬然自守後瑾
敗獨傲然不爲所汙辛未轉南京禮部尚書乙亥改南京兵部
尚書參贊機務治尚簡靜說者謂得畢公保釐之道時番國烏

國朝列卿紀

卷之二十六

七

思藏傳聞國西有童子記其前生事者以爲活佛上遣使迎
之上疏極論其事甚傷國體且云國朝祖宗相承所以不
絕番僧朝貢者不過羈縻遠夷而已非崇奉信惑之也陛下
天縱聖明無微不燭抑豈不知西方異端佛教無益中國也
乎南京御史林有年以言事被逮宇論救得釋上巡遊無時
宣大之地往來數處又復事於關陝以伐虜爲名乃上言天
命人心累數百言無不剴切是時前星未耀中外危疑疏乞
早建皇儲以安定宗社俱不報已卯寧濠之變濠與留守太
監劉珣交通欲取南都宇廉得其實卽偵誅其往來者并制珣
不與同事多執間謀以臬江岸濠計頗沮至安慶爲守備楊銳

敗之濠怒曰安慶一蕞爾尚如此况南京乎且聞喬尚書其有
 備將如何也乃殺方士數十人謀退兵是夜西北風惡其舟纜
 盡絕比曉至鄱陽湖遂為都御史王守仁乘之不戰而收先是
 宇視機務時密得濠反狀又知指揮銳有才略可用迺署為安
 慶守備誠之曰安慶南京上游密邇江西賊計汝必先知知則
 速來告之賊至必先攻安慶攻則汝死守之未幾賊變銳果能
 成其功十二月 上南狩至則叛逆已平遂受 朝正於 行
 在初有 旨命百官以戎服朝見宇獨以為兩京禮儀一體豈
 容有異遂朝服率諸臣見時幸臣江彬怙權寵勢傾人統選
 軍數萬扈從屯處京城懷不軌心宇以雅量鎮服其邪彬始亦
 國朝列卿紀 卷之二十六 八

欲構宇使人檮撫其事卒無所得一日晚彬遣兵官索各城門
 鎖鑰城中驚駭不知所出督府遣人來謀於公公曰守備者所
 以謹非常城門鎖鑰孰敢索亦孰敢與者雖 天子詔奈何督
 府以公言拒之竟寢城中帖然彬每假傳旨有所求為日數十
 通公每得旨必請面奏彬計遂不行鎮安都城隱然虎豹在山
 之勢及駐蹕既久倡九卿臺諫凡上三章勸回 鑾輿以定安
 社稷為計九月 上還京師扈從至揚州歸辛巳五月考績錄
 前功加柱國少保兼太子太保七月 詔拜吏部尚書辨諭官
 材總統百度杜請託錄遺逸至於君子小人之際尤加意焉賢
 必進不肖必退中外翕然稱之 世宗入承大統新政之初銳

意圖治其倚重之宇亦忠勤靡倦知無不言言無不盡革弊興
 廢効力尤多與刑書林俊戶部孫交兵書彭澤協心輔政癸未
 王會之期裁革冗濫至二千員餘前此未有也甲申以議 興
 國大禮不合抗疏乞休歸樂平始買地建宅徜徉於山林中至
 朝廷之事多不言及戊子 詔前議禮之罪得冠帶閑住辛卯鎮
 江少師遂菴楊公卒宇門下生也孥舟渡江吊之及過江日南
 京父老識者舉手加額曰活我公也多遺之以禮不受九月歸
 偶感痰疾於十月二十六日卒年六十八宇少從學楊公於京
 師時楊公為中書舍人談經之學甚盛天下名士多從之游而
 成就者眾公遂為高第既而舉進士又從文正西涯李公游益
 國朝列卿紀 卷之二十六 九

肆力於文字間其所友者海陵儲公懌晉江蔡公清毘陵邵公
 寶和順王公雲鳳彙城石公珪德行道義漸磨者深焉一向皆
 居清秩雖少煩劇其餘暇必友會作文自太常轉南禮書得讀
 國初秘書性命道德浩如也自今北方之士言文苑者必首稱之
 為文不以蹈襲為工出入六經深沉釀郁自成一家有克家稿
 若干卷其為詩始擬古作後擺落陳辭往往多自得語識者以
 為渾然一代大家之作樂府雄雉有作者風氣性嗜山水嘗歷
 雲中上恒霍登嵩華海岱搜奇探隱人莫之及通篆籍有二李
 風晚精鑒賞名書古帖一見知之性淳儉家居所用皆陶甕之
 器衣服恂恂與寒士角而延接儒雅如恐不及見善常如已出

見不善惡形於色卒之日識與不識言之多有歎息泣下者至
一妾從死尤人所難可以見其至誠所感云

紀聞云公長身偉貌聲如洪鐘博學好文工篆籀善園藝負一
藝者悉得延見獎拔遇事從容裁處無疾言遽色待官屬有禮
馭輿隸有恩盛怒未嘗出惡言休休有容得大臣之體雖其天
質之美而所以養之者亦有素也

楊旦字晉叔別號偃菴福建寧府建安縣人太師文敏公榮
之曾孫也初父仕儀娶周氏三月而妊七月而仕儀公疾且逝
又三月旦乃生其生也伯叔父有夢鳳棲公舍者曰是兒也其
將繼文敏公之武而起乎甫髫齡果穎異絕倫年十二三仰承

國朝列卿紀

卷之二十六

十

十一

慈訓匪肆力於學十七補郡弟子員二十四領成化癸卯鄉薦
丁未落會試遂卒業大學司成丘文莊奇之弘治庚戌登進士
二甲第一名授吏部驗封司主事即見重於太宰三原王公恕
丙辰陞考功員外郎未幾陞稽勳郎中辛酉轉考功風采剛方
品藻精確卽科道顯貴人固敢干以私兩秉述職之衡黜陟惟
允時太宰青谿倪公岳性嚴毅慎許可顧獨器重之繼青谿者
鈞陽馬公文升尤峻急難近每持正議初若相迂卒乃聽其言
嘗考察京職有佞夫被黜寅緣奏辯者有旨再覈實馬倉卒拜
命欲改擬以從旦毅然持不可曰祖宗來未有此例且倖門一
開後將謂何都御史浮梁戴公珊亟是之而馬亦悟竟覆罷再

覈之命同官張綵者奇袤人也每匡以正而張顧不之悟後竟
以黨逆瑾敗云甲子陞太僕少卿乙丑改太常正德丙寅乞

恩歸省蒙路費寶鏹之賜丁卯起復逆瑾欲一覲見卒不見遂以
違限例出知於溫溫海邦也地大物衆務劇奸藂治之不遺力
郡以大治時瑾之偵邏旁午州羣吏苦其誅求皆慄慄焉旦獨
鎮以靜民恃以安有庠生某者與趙爭貢鬻夜飯歸爲警家徐
績紀兄弟毆而死其僕畏徐兇莫敢言家爲謂必趙也訟之官
官枉坐趙罪有同知林繁者廉得其實上冀欲旦覆之趙竟
平生守已端潔自謫宦以來大書上帝臨汝毋二爾心於座右
僚吏遵度不敢縱永嘉令王獻臣者以御史謫茂視前守逮事

國朝列卿紀

卷之二十六

十一

十一

旦則敬畏獨至焉居溫二年庚午遷爲浙江副使督學政會當
鄉試以五閱月週迴數千里所校士允愜公議者拔寧波增廣
生余本於久屈之中是秋竟高薦明年廷試及第至今浙上夫
猶服其精鑒辛未逆瑾誅又起爲應天府丞尋進尹順天順天
素號繁劇難治竟就緒貧民有負肉供不能償者請以贖罰并
帑藏之羨者以代仍禁縣吏無重科巨寇劉六等流劫近畿又
四方流民薦食京師道瑾相望因募人爲叢塚收葬之人多感
泣壬申陞南禮右侍嘗攝國子監事士心歸之時武宗在位
已十餘年矣而皇儲未建乃與司馬經川張公燦宗伯白巖喬
公宇議請擇宗室之賢者育於宮中以繫天下心二公欣然

會九卿具疏以請 上雖不覺行人稱其忠諫轉禮右侍掌太常寺事裁抑浮費民力賴以稍紓丙子改戶侍奉 勅總督京通等倉時總督監督中貴人多且刻剝奸蠹特正不回屬官倚以為重而中貴人久亦自服丁丑西羌回賊犯順甘肅釋騷廷議推文武大臣總制三邊奉 勅督理糧餉所在克足開中鹽課以其餘均給三邊及賞賚哈密有功人哈密人推戴 上恩誓不敢負甘肅者漢酒泉張掖之故地也文敏公為學士時扈從 文皇帝西征故嘗過此且忠言感乎甘人舉手加額曰是大賢之後也莫不遮道登瞻以獲誠為幸 守陞都察院右都御史總督兩廣軍務兼理巡撫時嚴枉道之禁念母老疏請便道

國朝列卿紀 卷之二十六 十一

展省允之且錫蟒衣羊酒寶鏢等厚春抵家侍彌月亟戒行以夏六月抵任乃肅紀綱飭武備省刑獄汰苛監百度燦然一新會番禺清遠河源等縣蘇峒十八山滴水巖青龍崗帽子峰等寨徭徭負固稔惡所過大肆焚掠民甚苦之乃調集官軍土兵命會事王宗源都指揮董禎等分道並擊斬級一萬一千有奇俘獲四千一百有奇奪回擄掠男婦二百三十有奇牛馬騾重不可勝紀鎮守太監王堂總兵撫寧侯朱麒以捷聞 聖書褒獎兼有駢蕃之錫云已卯秋宸濠之變南贛撫治都御史陽明王公咨援兵且即委兵備會事王大用朱昂都指揮歐儒干大經整兵以行仍會總鎮總兵檄副使汪鉉都指揮董禎達官都

指揮馬英率驍勇五千繼之而鉉意不欲乃鼓浮言以惑眾且恐其敗事遂改委會事王大用統領南贛南昌前後凡九谷王公又咨巡撫湖廣都御史秦金云西江之變正臣子竭忠效命之時况順逆邪正老壯曲直之形昭然明甚逆黨可刻期而破因選漢達兵三萬餘將親率以往焉尋得報元惡已就擒地方底定遂罷行田州府土官岑猛知府岑濟族黨也弘治間濬亂猛降級指揮僉事因功陞指揮同知資緣 奏辯覲復其官會龍州知府趙源亡嗣襲以姪相猛因黨其妹所立假子韋璋者略京還驛使詐傳 詔旨起兵遂與璋襲破龍州逐知州趙相乃賂遣本兵及當國者猛圖以功贖罪復原職璋圖冒趙宗奪龍州請託於 廷執不可當國者廣人也子弟素與叛人通而本兵司馬擅作威福巡撫者歲有厚餽公獨無三人交怒乃嗾巡按廣西御史曹珪劾之吏部為之駁白詎竟不行未幾聞母周夫人計奔喪歸家哀毀踰禮先是巡按御史汪珊特薦其賢有操履端純學識閑雅士林高標縉紳翹楚等語嘉靖壬午服闋遂起掌南院尋陞南戶書南蒞任又改南史書甲申秋吏部白巖喬公字致仕 廷議會推 旨又改且以北具疏力辭不允會見山桂公羅峯張公以傳奉陞學士口率部院諸老上疏論列語極激切用是忤 旨遂為給事中陳洸所誣劾并及東湖大學士吳公一鵬吏部右侍汪公偉疏下吏部議時左侍郎

國朝列卿紀 卷之二十六 十二

孟公春覆題亟辯其誣且曰此必奸邪欲竊三人官故先爲之
 關路因發洗奸私其請有所懲罰以警將來竟有 旨令旦及
 汪俱致仕既而公論大譁科道交章辯其誣論洗之奸者若彭
 汝寔徐錦戴金朱衣張曰韜藍田輩無慮數十人抵家坦然自
 適放情於溪雲山月間以詩酒自娛未幾科道論薦右給事中
 王俊民謂其學術純正才望懋崇足以壓服天下之心若御史
 鄭浴書司馬泰浦鉉吳大本施山或謂其忠宜恭教執德不回
 或謂其器度文學操持行業俱宜起爲冢宰俱不報且祇事
 三朝敬歷中外幾四十年所蒞若銓衡學校甲兵錢穀禮樂刑獄
 馬政邊防皆諳極要領且清介絕俗奉身甚約至於軫窮恤族
 國朝列卿紀 卷之二十六 四

諸惠利事則爲之又其力性至孝奉母周夫人雖顯貴侍養不
 少衰初成化間宗黨違難業已籍沒比貴乃力贊其兄曷雪辯
 竟蒙 恩復如初文敏公祠雖立而祀未虔乃疏以請卒如南
 陽李文達公例春秋祀焉月朔必薦新且必具衣冠率諸子姓
 謁祠退而立諸堂下必訓以忠孝大節庚寅秋七月危坐而逝
 逝之前月躬享文敏公昧爽觸風露故遂嬰疾云年七十一贊
 曰楊自漢喜封赤泉侯震殖以清德迄唐而宋代有間人 明
 興文敏公崛起於閩又繼以公傳曰公侯之後必復其始信哉
 初 宣皇帝時漢庶人反檄 廷臣奸狀爲兵端榮首贊 親
 征議甚決變卒賴以寧當逆濠之變也海內震驚公復陳師鞠

旅協贊王公以成倚角今讀其容義形於色真文敏公之風哉
 若文敏公望在四朝功在三陟行業在天下而公之轍迹東巡
 山海西略甘肅北歷鴈門南抗嶺表則又足以張文敏公之烈
 也詩曰績我祖考其公之謂夫

廖玘字 直隸東光人弘治庚戌進士五年授吏部考功司
 主事十二年丁憂十六年起復補稽勳主事十七年陞稽勳司
 員外十八年改文選正德元年養病二年補考功三年改文選
 四年陞文選郎中本年陞太僕少卿七年陞提督四夷館太常
 寺卿尋改太常寺十一年陞工部右侍郎督廠事十二年陞吏
 部右侍郎十四年轉左十六年陞南京吏部尚書嘉靖元年改
 國朝列卿紀 卷之二十六 十五

南京兵部三年改吏部尚書加太子太保六年致仕加少保卒
 贈少傅謚僖靖

羅欽順字允昇江西吉安府泰和縣人弘治癸丑進士第二人
 授翰林編修十三年陞南京國子司業正德三年逆瑾黜爲民
 五年起用原職七年陞南京太常寺少卿九年陞南太常卿掌
 南京翰林院事十年陞南京吏部右侍郎十四年改吏部右十
 六年陞吏部左侍郎嘉靖元年陞南京吏部尚書二年改禮部
 未任丁憂六年起吏部尚書未任致仕卒贈太子太保謚文莊
 欽順德性純雅卓有特望士之知與不知惟恐其不見用也居
 家以孝友稱與兄欽忠欽德皆以高第居顯秩並有特名海內

翁然稱之

國琛集云欽順莊篤由衷動執梨粟不能撓以非因自號整菴人固信其為整也凡出處取與必欲印有成憲嘗曰人立身居業必先打破義利關否則擾擾直到底其教人每以是致嚴官至尚書甘茹清素晚年居一樓數載以終

李承勛湖廣嘉魚人弘治癸丑進士嘉靖六年推吏部尚書任改刑部歷兵部尚書太子太保卒贈少保謚康惠詳兵部

桂萼江西安仁人正德辛未進士嘉靖七年任八年入內閣加少保兼太子太傅卒贈太傅謚文襄詳內閣

方獻夫廣東南海人弘治乙丑進士嘉靖八年任九年養病

國朝列卿紀

卷之二十六

十六

一年再任尋入閣歷少保兼太子少保卒贈太保謚文襄詳內閣

汪鉉直隸婺源人弘治壬戌進士嘉靖十一年任加太子太保十四年劾免卒贈少保謚榮和

許讚河南靈寶人弘治丙辰進士嘉靖十五年任二十三年入閣詳內閣

熊浹江西南昌人正德甲戌進士嘉靖二十三年任加太子少保二十四年以諫箕仙忤 旨為民

唐龍字虞佐浙江金華府蘭谿人太夫人方寢夢獅踞門而向日驚寤而龍生日光正射葺也幼即岐嶷有奇志而機神警朗

讀書過目即融領從鄭進士聽菴公受易弱冠遊楓山章文

公門二公皆經師遂理性而文懿益博通古今典章經世之務

龍並得其銓要弘治辛酉舉於鄉登正德戊辰進士授鄉城令

郊荒故甚民戶流亡至則煦嫗愛養紆恤勞來之身勤約以率

僚吏歲旱則徒跣請禱甘澍隨應於是百穀豐成流民相繼復

業戶口稍益繁焉屬流賊起燕齊殘破州邑無算鄉當賊衝乃

崇城浚濠治戰具選城中壯子弟并召鹽徒且乞兵督府為備

禦計未幾賊至攻城不利則拔營奔馬頭集因勸兵追襲之斬

獲二百餘級數日賊步騎二萬來報馬頭之役又乘其未定縱

壯士奮擊之復斬首百餘賊怒因糾合各部黨號三萬直趨鄉

國朝列卿紀

卷之二十六

十七

勢甚熾乃製挽口長柄等炮賊至炮發連斃其驍銳六十餘人

賊大創以去既騰檄當道連帥喜曰賊寧不可破城寧不可守

顧人自怯劬耳即布鄉檄諸州俾觀法鄉城令焉後竟以軍功

陞俸二級龍初蒞鄉視縣倉餘小麥數斛庫惟有銀三兩深以

為憂曰即緩急何賴於是節省措置其後積粟麥至二萬八千

石銀亦至三千餘兩其破賊城守抑恃儲蓄為固云三年威惠

流輿士民孚悅訟獄益平治績為山東最至沂岱間有滯訟皆

願屬鄉城令決之以篳嶼公憂去服除擢監察御史出按雲南

時 武廟數出狩奸孽實導之上疏乞戒巡遊以安夷方因斥

江彬等罪請寘於法以為不臣之戒士弁風朝明以罪廢厚賂

寵臣錢寧寧諷鎮巡諸官洗雪規復用又首駁正之寧乃矯內批俾襲部檄下又執奏於 朝遂褫其職指揮盧和寧假父也殺人罪死寧囑獄官濫出之且致書於龍手裂其書竟致和於理凡再忤寧衆皆危之不爲動巡撫中丞以滇戍卒多冒補非世胄者將廢汰之其帥臣因稽其月給以激衆衆洶洶且爲變乃語中丞曰滇夷方也以夷治之乃安今官無追呼而尺籍悉備撫而肆之猶逾募配矣獨奈何欲擾之中丞以屬龍乃諭使給糧俾復其所而後衆定其他所建白皆懸契時宜流人賴焉庚辰以選按江西江西承逆濠之亂百度蕩弛初發難時朝廷命二璫暨都督許泰劉達帥禁兵討焉比至而濠平久矣然

國朝列卿紀 卷之二十六 木

猶恃威福凌虐吏士軍校皆占民舍以居黷亂淫恣乃甚於寇民不勝毒乃首收縛其逆卒且榜於市亟疏乞班師而促泰等行民始即安時屬官功罪尚疑未白諸從逆者請託規避猶視事如故龍召而數之曰臣于事君有死無二夫脅從罔治謂凡民爾若等讀書受官食祿既不能固封守又不能明節義乃爭先附降奉頭苟活尚得偃然居位爲權貴販卒耶即日收其印綬而列其不忠之罪於 朝與褒節旌功之疏並行焉鎮守內臣崔和前在金騰大逞於民爲龍所劾治及再與從事貪暴益甚禁之如初和恨浹骨後和居中用事每伺求其短欲以危禍中之卒無所得師旅之後凶年薦臻龍極意民隱撫戢賑濟若

痛在膚恤災數疏讀之令人垂涕議者以謂江西撫綏之功不在王新建下徐御史岱陳中丞洪謨交奏其功請亟超擢辛巳拜陝西按察副使提督學政其教以敦行誼正習尚變氣質崇節介勵廉恥爲先時士學趨詭異乃新正學書院分經建局選士羣肄之刻其奇靡而約諸理秦士興焉尤敏於精鑿品士校文錙銖不爽拔秀彥於髫童蒐茂異於寒畯凡所賞錄其後往往登進列爲名臣矣初元山席公書嘗令郊多善政龍時召故老咨而行之元山服其義遂相知重至是元山位宗伯方與宰衡異同龍因鄉試發策論朋黨陳列大義以諷元山閱錄曰是策專箴大僚非唐提學不能作亟呼泰吏語曰爲我謝唐君謹

國朝列卿紀 卷之二十六 九

受教矣其爲朝望所重如此巡撫中丞監察御史累章論薦朝議徵列卿不果嘉靖丙戌進山西按察使風裁峻整事至迎解一道肅清驛置中作徒數十百人歲無所得食因夜噪而遁有司議加越獄罪龍曰此迫於饑寒計乃無聊耳且胥靡豈狂狷囚比耶乃薄笞其倡首者數人而議責其雇直爲緩期俾自持謀投所由郡縣輸直皆縱遣之衆泣謝去相謂曰公實活我願鬻身以毋負公卒無有沉其脾者不越歲而輸悉至其誠信感人如此丁亥入爲太僕卿七年擢左僉都御史總江淮漕兼撫廬鳳諸郡兩淮頻年災異出土蕪曠民困甚而長吏多賄政不恤民乃首頒吏誡以儆有位於是貪墨吏望風自解去又乃撫

民利病之大者以次奏請興罷之漕政久而弊滋隨宜修治其所規畫皆為國經遠計准當天下舟車之衝驛傳積窳瀕河州縣役夫疲於奔命乃為剔刷伏垢立簿要勾稽之而奏省進奉快船及入貢夷若使馳驟者供索並從縮民以少紓江北之民苦養官馬積逋至有千餘匹吏急之不能得又有備用馬入之太僕土產不勝任則別市以償率一馬而費百金民弗能堪上奏乞暫停官馬而輸太僕者令折徵省費十五壽州正陽關推商通泰二州有無田子粒本皆一時權計而卒為暴濫漕卒勞甚而又有船料之徵並奏罷免之徐沛新河之役調河南山東丁夫五萬餘供餽取給二百里外加以炎蒸病者相枕藉 廷

國朝列卿紀

卷之二十六

二十

議下之龍曰疏濬舊河而增築其堤自可通漕較之新工難易百倍卒如其議民不大勞而河之通利承命慮囚平反者數十人釋輕罪二千六百有奇開府二年吏士懷服兵農感悅商工通惠威化大行已丑召為副都御史北行日淮人老稚啼泣遮留至繪像生祝之建祠者相望焉其得民如此在內臺正色立朝百僚肅然憚其風采擢吏部右侍郎十年轉左署皆攝太宰事於時內閣權任重進退百官銓部皆取風指龍抗行已志介直不阿朝臣有坐論執政屏斥者數十人悉收用之無所避開國元勳劉基常遇春李文忠鄧愈湯和後皆失爵百餘年累經廷議弗能復乃稽據典故奏復之五臣子孫並得續封云每授大

吏必先器識而後才華進廉靜而抑奔競其小官則以資品叙之人稱公允會關內久饑民相食 朝命發內帑銀三十萬賑之而胡酋吉囊擁眾十五萬人據河壩正俺答眾號四十萬亦出沒邊徼全陝戒嚴在 廷會議推才望素著者昇以安撫之寄俄有 特旨陞兵部尚書兼右都御史總制三邊軍務兼管賑濟事宜 上軫念西土若救焚溺其夕 詔輔臣討論西事授以德意俾即內閣草 勅坐以待旦云及受命入關躬歷村落宣布 上恩區別機宜訓平糶蠲官通寬私債節用度停勾攝撫逃移恤老羸收遺棄散糜粥給醫藥凡十餘事奏報 上大悅有忠勤體國之褒計所賑丁口凡二十六萬流亡復業者

國朝列卿紀

卷之二十六

二十一

三萬三千有奇十一年秦又饑復奏請發其賑法仍舊而所活有加平涼趙時春曰全陝五千里之地帶甲百萬之師不容朝之羣孽公以咫尺之掌畫而覆之無遺策焉於是邊備久弛虜每歲一深入蔓延二千餘里恣其虜掠而去諸路僅保營壁莫敢誰何至軍門簡戎行飭器械號令一新士氣皆奮而尤以選將領明賞罰為先梁震王劾劉文謀勇冠一時皆拔自麾下推誠任之卒為名將云龍謂諸鎮帥曰虜狃中國兵不出塞故敢陸梁夫先人有奪人之心此兵要也壬辰秋乃親秉鉞帥師三萬由暗門直指陰山軍容甚盛鞞鼓之聲震於荒落虜驚徙營六百里不敢輕窺塞矣明年秋虜以精騎三千潰鎮遠關入薄

平虜城乃督震効等分左右哨馳至柳門夾擊破之斬獲一百四十級虜巫浮河而遁捷聞降 勅獎勵有銀段之賜甲午春虜眾二萬分掠延綏時梁震赴大同故虜乘虛而入乃令趣震還至清水營會參將任傑兵繞虜後合戰俘獲五十餘級其夏謀報虜二千餘潛營嚮水波羅地又檄諸將分布要害嚴兵以俟虜果猝至張鳳梁震前擊之虜潰乘勝逐北俘獲七十餘秋吉囊自將十萬騎入營花馬池乃令曰賊寇延綏張鳳主之寧夏則王効固原則劉文其折衝批亢則委之梁震部分已定虜從青沙峴犯延安會文率所部赴之設伏以要虜文自迎戰伏起乘之虜大敗斬獲百三十級王効與虜遇於興武營又敗之

國朝列卿紀 卷之二十六 王三

獲級與文同梁震遇於乾溝大戰又敗之俘獲百八十餘計首級四百五十有奇奪夷器無算二旬之間凡三捷焉兵部奏功曰始都御史王越襲擒虜首四百餘以功封威寧伯尚書王憲以二百餘級加太子太保蔭一子世襲錦衣衛百戶今虜酋親擁大眾志吞涼朔而唐龍連摧覆之較之往績事勢尤難而功級過焉古稱一月三捷今乃二旬厥功殊矣乞比二臣特加封蔭用答忠勳竟為執政忌者所抑賞多薄焉大同之亂與北虜連 王師討之未克乃遣梁震帥兵往援且以計携虜揚言西師百萬擣其巢穴矣虜師繇此却顧而震因得以降其城執其首惡一方底寧其力居多在軍於三邊四鎮山川地形險阨

歷如指諸掌為圖置座隅即寇至坐而籌之指授諸將方略悉中機要故動必有功在邊四年戎夏慕其威信 朝廷倚重焉丙申改刑部尚書時執法大臣相繼去位諸大疑獄宿留不敢決毅然任之惟刑之中總制都御史劉源清奉 命討大同叛軍將盡誅其黨代卒窮感因飛語以要撫綏 朝議惑之遂以貪功下源清於獄且議赦代事龍上言代凡三亂輒戍其帥諸鎮觀望苟事姑息不正王誅無以除亂本今罪伐叛制將邊人得以窺朝指矣於是國是始定而源清得減論外戚張延齡以罪逮繫奸人劉東山乘機上變構間兩宮其徒朋與為奸利告一許蔓引株連遠近被逮無虛日法吏坐獄不窮竟去者數十人

國朝列卿紀 卷之二十六 王三

龍按得其妄狀竟抵東山於法都人快之異時議大禮大獄諸臣譎戍且十餘年業多物故前後論救者數十疏輔臣復從中申解不能得龍曰是難以口舌爭也願 明主獨可以孝感是歲 丸廟成 詔下覃恩懇疏請赦諸臣 上許之得放歸者二十人有回天之力矣武定侯郭勛權傾一時欲攬諸司之柄條陳若干事其四事下刑部諸司休助勢譏議多依違獨奏參駁其妄助每有請托輒復嚴辭拒之涿州豪李昭坐重辟賄諸權要前後上辯八十奏通誅者二十餘年當朝審助與執政皆勅使欲附比出之龍曰殺人者死必如律京尹劉淑相與當路大臣許奏發其陰私當路必欲寬之死龍曰殺人以媚人吾不為

也淑相止坐落職由是多所忤貴戚大臣其年以尚書六年考
 加太子少保先是起家遊宦於鄉於京師於晉於淮再入秦皆
 奉太夫人以居自秦召入也太夫人思土南歸諸弟因留之時
 太夫人年踰八旬雅懷歸志為所居位多危疑嫌涉規避低回
 久之至戊戌夏陳情乞休終養母詞旨酸切 上嘉允之優以
 給驛公卿祖送盈道皆歎其忠孝兼盡全節完名都下觀傳以
 為盛事既歸閉門却掃朝夕侍太夫人起居飲食必親進之養
 志承顏曲盡其孝暇則進門下諸生討論義理商略今古間以
 文藝自娛若將終身家食六年臺諫騰章論薦凡三十餘疏大
 要以人品才器文武具修當倚以經國匡時不宜徇其私情置
 國朝列卿紀一 卷之二十六 傳元 四五

之閒散 上念舊德特 旨起用甲辰秋推改南京刑部以地
 近便迎養故具辭未得 旨而進為南京吏部尚書尋以北虜
 猖獗諸邊戒嚴 朝廷擬本兵非龍不可遂承 簡命仍勅兵
 部馳驛趣赴京奉太夫人北上且具疏乞收新命奉一旨卿久
 歷邊陲才猷茂著本兵重任特茲簡用况母以祿養可勿復辭
 仍 勅兼管團營軍務以乙巳春至都總理樞密經略邊防未
 明振衣口中退食忘其勞瘁形為之衰龍深識兵機以為制敵
 之本惟在任將而故時驍勇總兵白爵李朝陽張鳳等皆坐罪
 久繫獄中其以註誤閒廢者復數人自餘無可用者乃建議曰
 邇來諸邊解體正以二三用命宿將為言官苛舉細故而文吏

復以法繩之摧落且盡繼之者懼怯自救不暇何以望其樹奇
 宣威哉夫跡弛之才負俗多累寧當以二卵棄千城一蹶廢千
 里也故曰使功不如使過乞宥諸將在繫者令其立功贖罪廢
 錮者從宜用之得 旨會如所請 朝論趨之往年防秋率不
 能先事隄備虜去來若風雨然諸城收保恒不及事乃於夏中
 即檄諸邊申嚴師律修城塹遠斥埃虜至則持滿待之至秋虜
 騎數萬軍於大同之北諸將出精銳逆之虜知有備遂引去自
 是邊境晏然代叛軍亡入胡者歲誘虜人驅牛羊子女徜徉而
 北以為常龍曰是類有所恃且生他變乃密下教宣大二鎮令
 謹備非常俄而大同王子充灼等八人齎稱臣奏文及符印旗
 國朝列卿紀 卷之二十六 傳元 四五

牌等令二健卒走虜潛約攻城為內應者總兵周尙文覺其狀
 遣人躡之徼外三百里執以歸得所為表印即檻送八王子并
 其黨數十人於京伏法其年八月加太子太保因乞恩得以今
 官貶封四代並殊渥云十一月轉吏部尚書既蒞任謝表有云
 常平胸臆私好惡之心謹奉典章秉公黜陟之法其自許如
 此龍故嘗為少宰習其利弊郎吏亦雅信服之銓部常格循資
 序進自其後多越次超遷其淹蹇者或株守一官而十年不調
 龍曰限資固賢愚同滯越格亦僥倖易生其失等職在銓衡均
 平為允乃錄其年勞之尤深者數人進拔之以明資叙其有異
 能奇績自可不拘士論悅服歲貢生員當補教職者待次京師

積二千餘人選部一歲六銓員不滿三百貧士久旅衣食弗給乃亟責所司吏檢究疏通之臺諫建白舉用廢才事下龍曰人才故可惜矧爲人所媚而淪誤者乎乃疏上四十人皆時望也雖不果行公議少伸矣故事推補除授皆太宰主之自左右侍郎皆不得與乃曰爵人於朝與衆共之故每舉必會僚屬參詳裁酌有至更數書者而與一少宰少湖徐公宛洛韓公尤以德義相勵切有古同寅協恭之風會故大臣復起執政多所指摘欲因以傾因傷足移病乞告且謝宰事有旨暫就私室調理部事仍署掌至五月病增再疏陳疾引年不允至六月疾益甚懇疏求去上責以稱老忘國奪官放歸田里因昇疾辭朝

國朝列卿紀

卷之二十六

二十六

去都城二十里轉劇不可行則僦屋以居旬日竟薨於旅舍其日大雷雨電光繞室移時乃定壽七十所著易經大旨若干卷漁石集若干卷雲南奏議江西奏議督府及總制奏議共若干卷傳於世

周用字行之直隸蘇州府吳江縣人自幼穎悟年十四去家力學寒暑不解衣弘治辛酉舉於鄉第三明年壬戌登進士拜行人奉使諭祭楚藩凡王所贈遺悉辭不受遷南京兵科給事中丁父憂服除改禮科給事中又乞南於是復得南京兵科正德間西僧言西番有復生大寶法王解知未來遣中官往迎上章力詆其誣願毋輕信崇以生民姦辭甚切直人多危之竟

得旨不加罪時中貴人用事黜陟多從中制於是尚書劉愷以下凡任數人言官劉經輩任外皆不繇選部又鎮守山西中貴人黎安非法致人以死中外皆無敢言者獨前後抗疏請罷愷等還經等以公用舍罪黎安以正法令天下快其論而賢用敢言遷廣東左叅議番禺盜羣起撫臣調土兵兼官軍分六哨合攻以用領龍門哨征藍囊諸寨與武臣分哨並進直抵藍囊擒斬九百餘人平其寨十有八事聞朝議以級不滿千沒其功不賞實以前敢言故當是時同事者欲多其級其所誅戮或不辯渠醜用獨矜之覈其可疑者悉縱之撫臣謂一僉事所獲級少也欲劾治其罪乃以若干級遺之得免是舉也蓋其功雖

國朝列卿紀

卷之二十六

二十七

不蒙賞於朝而仁義之譽因是籍籍夫有所槩於人心也嘉靖收元陞浙江按察副使會丁母憂服除起爲山東副使備兵於臨清爲建設賞格令同盜者相首卽不復罪其罪盜自相疑畏不復相聚境內以寧遷福建按察使閩素多訟推鞠平恕獄無繫囚亦無冤民中貴人鎮守市舶臨於福州其日所給食費之驛館館人苦於劇費胥感額不能應乃例劑其數公私稱便陞河南右布政使歲大旱民饑死者相籍室有相食者用職當清戎無分守之責然不忍坐視民之饑而斃也毅然白於撫巡請自往活之故事賑饑多里戶據報報多僞饑者多不被賑用不以屬人躬循野間戶貼賑濟字令民自齋以來遂以內帑所

發銀及措畫米物戶給之絕無違留民溥獲實惠所活甚衆已而車從所駐雨輒隨注麥爲秀發民大賴之有恭政守汝南以養痾故訟牒紛積獄繫日繁民病之乃代爲分守卽先命有司盡釋其所繫以俟至則昧爽視事日讞數十輩心力過勤耳爲之不聞而南陽滯政俱次第頓舉矣八年陞都察院副都御史督南贛軍務移檄所屬曰當知不得已而用兵尤當知不得已而爲盜惟藩臬諸司之綱之紀抑郡邑長吏有守有爲源潔則流自清民安而盜自弭矣其言惻怛由衷莫不竦服有巨盜數輩阻山橫行捕久不能獲廉其黨有悔悟者召至諭以利害結以信義因以賞誘之遂奉成算停斬來獻益不血寸兵不費東國朝列卿紀 卷之二十六 五

芻而賊亂蠲除民得安畊人以爲莫大之功初橋廠權稅大重商皆避之他趨軍餉不給乃爲調停其輕重著之例商復趨之至今貽其利焉贛豪室多隱其田額以其虛稅竄之貧者命履畝計丈覆之盡革其私賦役以均流亡盡復召還理院事十年陞吏部右侍郎十一年轉左凡署掌部事者四尚書汪鉉舉用失當嫁其罪於用十三年調南京刑部右侍郎處之裕如不自辯亦不以介意十三年陞南京都察院右都御史律已甚嚴門無私謁上疏乞起廢其所推轂咸炳炳傑出海內有聲者兼操江兵亦以方略平太倉海寇而一方陰蒙寢兵之福十七年陞南京工部尚書 慈聖太后梓宮南附 顯陵自京師直抵承

天上下江淮 聖念殊切用殫思勞力督治巨艦以奉安之棹宮賴安履無虞成 聖天子至孝而竟不一自伐工部物直往往以黠商賂先物未入而給吏緣爲奸乃爲立定式以釐之宿弊盡去常修都城按籍以程工而人不敢懈事城益堅改南京刑部尚書 九廟災坐自劾免晦養者五年御史交劾論薦二十二年起爲工部尚書督河政疏請修溝洫以防河決其事凡五皆不易之規給投資德大夫正治上卿二十三年改督漕運本年尋入爲都察院左都御史每御史按畿省輒誠天下刑獄頃濫極宜悉心推詳長吏貪墨首先劾去民斯得所矣例考察京朝官乃合諸御史詳稽各曹賢不肖狀手自籍記彙騰其等國朝列卿紀 卷之二十六 五

以丹墨第別之所黜惟太甚不務苛碎然用至親乃亦在黜中天下以此翕然稱公九載積滿加太子少保拜寶鑑上尊之賜二十五年陞吏部尚書吏部銓品悉由尚書與郎中兩侍郎諸寮署唯唯非有大事不相參決遂治以爲常用以謂集衆思廣忠益繫臣子當爾況於吏部一切奮然懲之時宛洛韓公少湖徐公西陂劉公前後爲侍郎虛心咨諏求盡天下之情不自怙其諂識諸司亦各展所見以相佐助而吏遂不得用事蒞政勤甚疾作會冬天下吏羣然述職於 朝祇承 天子重命大計其治日取部使者所上籍詳稽之不遺纖微事南竣而公卒是爲嘉靖丁未正月十九日年七十二事聞贈太子太保諡恭肅

命給傳舟歸其喪 命諭祭者四 命有司營其葬事所以褒剛
之者其備

國朝列卿紀卷之二十六終

國朝列卿紀

卷之二十六

二十

國朝列卿紀卷之二十七

南京吏部尚書年表

師 達 山東東阿人國子生
永樂二十二年任

黃宗載 江西豐城人進士
宣德十年任

魏 驥 浙江蕭山人鄉舉
正統十三年任

曹 義 應天句容人進士
景泰元年任

崔 恭 北直廣宗人進士成化
五年由吏部尚書調任

錢 溥 南直華亭人進士成化十五年
以左侍郎掌部事陞尚書致仕

陳 俊 福建莆田人進士成化二十
十年由南兵尚書改任

王 俱 南直武進人進士
弘治元年任

國朝列卿紀 卷之二十七

張 悅 南直華亭人進士弘
治八年任改南兵部

倪 岳 應天上元人進士弘治九
年任歷吏部加太子少保

秦民悅 南直舒城人進士弘治十
二年任歷南戶兵二部

林 瀚 福建閩縣人進士弘治
十三年任改南兵部

楊守陞 浙江鄞縣人進士弘治十八
年由本部侍郎進尚書致仕

李 傑 南直常熟人進士正
德元年任改禮部

黃 珣 浙江餘姚人進士
正德二年任

王 華 浙江餘姚人狀元
正德二年任

劉 忠 河南陳留人進士正德
二年任歷內閣少師

梁 儲 廣東順德人進士正德
五年任歷內閣少師

陳俊

孫交	湖廣鍾祥人成化辛丑進士正德六年任改南京兵部尚書贈少保諡榮僖
張燦	廣西南平人進士正德六年任改南京兵部
孫需	江西德興人進士正德九年任
劉春	四川巴縣人進士正德十三年任改禮部
廖玘	北直東光人弘治庚戌進士正德十六年任歷吏部加太子太保
羅欽順	江西泰和人弘治癸丑進士嘉靖元年任改禮部
楊旦	福建建安人弘治庚戌進士嘉靖二年改吏部未任
顏頤壽	湖廣巴陵人弘治庚戌進士嘉靖三年任改刑部
朱希周	南直崑山人弘治丙辰狀元嘉靖四年任六年致仕
吳一鵬	南直長洲人弘治癸丑進士嘉靖六年出禮部尚書調任加太子少保八年致仕諡文端
國朝列卿紀 卷之二十七	
龍	山西襄垣人弘治己未進士嘉靖八年任改南兵部
嚴	江西分宜人弘治乙丑進士嘉靖十二年任歷內閣少師
湛若水	廣東增城人弘治乙丑進士嘉靖十五年任改南兵部
關	浙江鄞縣人弘治乙丑進士嘉靖十八年任歷吏部太子太保
張邦奇	浙江鄞縣人弘治乙丑進士嘉靖二十一年任改南兵部
宋景	江西奉新人弘治乙丑進士嘉靖二十一年任
唐龍	浙江蘭谿人正德戊辰進士嘉靖二十三年任歷吏部加太子太保詳吏部
張潤	山西臨汾人弘治壬戌進士嘉靖二十四年任工部尚書丁憂起任二十六年致仕
張治	湖廣茶陵人正德辛巳進士嘉靖二十七年任歷內閣
王學夔	江西安福人正德甲戌進士嘉靖二十八年任改南兵部

屠楷	廣西臨桂人嘉靖癸未進士二十九年任改南京兵部
潘潢	南直婺源人正德辛巳進士嘉靖三十一年任改南兵部
周延	江西吉水人嘉靖癸未進士三十二年任改南兵部歷都察院左都御史
楊行中	順天通州人嘉靖癸未進士三十四年任三十五年致仕
王崇慶	直隸開州人正德戊辰進士嘉靖三十四年任贈太子少保
鄭曉	浙江海鹽人嘉靖癸未進士三十五年推未任改京營
王用賓	陝西咸寧人正德辛巳進士嘉靖三十五年由禮部尚書兼學士調任
毛愷	浙江江山人嘉靖乙未進士四十五年任改刑部尚書
劉宗	湖廣麻城人嘉靖己丑進士隆慶元年任
吳嶽	山東汶上人嘉靖壬辰進士隆慶元年任四年改兵部
國朝列卿紀 卷之二十七	
王本固	直隸邢臺人嘉靖甲辰進士隆慶四年任萬曆元年致仕
劉光濟	直隸涿州人嘉靖甲辰進士萬曆元年任
潘辰	浙江新昌人嘉靖辛丑進士萬曆四年任五年改北禮部
趙錦	浙江餘姚人嘉靖甲辰進士萬曆五年任十年致仕十一年起用
汪文盛	湖廣崇陽人嘉靖戊戌進士萬曆七年改任未上
何寬	浙江臨海人嘉靖庚戌進士萬曆七年任十年致仕
趙賢	河南汝陽人嘉靖丙辰進士萬曆十一年任養疾十二年致仕
畢鏘	直隸石埭人嘉靖甲辰進士萬曆十一年任
丘樞	山東諸城人嘉靖庚戌進士萬曆十三年任
李世達	陝西涇陽人嘉靖丙辰進士萬曆十四年任十五年改南京兵部

袁洪愈 直隸吳縣人嘉靖丁未進士

楊成 直隸長洲人嘉靖丙辰進士萬曆十六年出養病南京禮部起用十七年改南京兵部

陸光祖 浙江平湖入嘉靖丁未進士萬曆十七年任

孫鑰 浙江餘姚人嘉靖丙辰進士萬曆十八年由吏部左侍郎陞任

國朝列卿紀

卷之二十七

四

一百一十四

南京吏部尚書行實

師遠字九遠山東兗州府東阿縣人由縣學貢入國子生洪武

二十五年陳情養母求仕特擢監察御史革除中陞陝西按察

使時獄囚淹繫殆千人遠至審其罪量輕重而決遣之浹旬之

間獄為之空丁母憂去壬午年 成祖入正大統召為兵部右

侍郎尋轉吏部右侍郎永樂四年管北京官殿 命採木湖廣

七年 成祖征虜命遠總督餽運二十年 命署南京禮部事

二十二年進南京戶部尚書兼掌吏部事宣德二年正月丙申

卒於官遣官 賜祭 命有司治葬事初遠任吏部時典銓衡

者率任已自用不容於人往往不愜輿論遠能詢眾以求公當

國朝列卿紀 卷之二十七

五

王錦

且能廉不取一毫非義錢其履從在北京又視身介特 成祖

知之間語左右曰六部履從之臣不貪者惟遠一人蓋 上簡

注有素云

黃宗載原名屋江西南昌府豐城縣人自幼喜學年十五歲已

能為里塾師為郡庠子弟從熊伯機受春秋取洪武丁丑進士

為行人謹恪自治奉使西方未嘗受餽遺歷左右司正以父憂

去治喪無違禮不飲酒食肉者二年服除領舊職永樂癸未以

賢舉授湖廣按察司僉事時湖廣諸道惟銅鼓五開最難治分

巡刷卷者多憚行益天下巨奸宿猾皆謫戍其間善無文弄法

興事撓官府而陰把持其短長往者欲稍按治即糾結如沐漆

不可解欲一切漫漶則見噴無可奈何多避不肯往宗載至常
 刷卷即毅然治行到武陵間風俗知其人苦於從軍女子惡為
 軍婦不果嫁男子則慮婦家往從戍而以徭賦累已不果娶至
 年三四十猶獨處宗載召鄉老里正諭人道大端俾轉相告語
 務嫁娶以時不踰月成婚姻者三百餘家他縣聞風皆樂從俗
 為之變乃榜諭銅鼓五開諸姦豪數其罪惡且發其善端曰不
 改實之法眾知宗載務以德化人皆相戒勿犯其有干於理者
 丙戌徵請文淵閣修永樂大典書成受賞而歸及子 肅廷以
 海運糧餉赴北京下湖廣造海船四十九 命 肅廷以
 且能者泄其事宗載以屬宗載而上 肅廷以
 國朝列卿紀 卷之二十七

聞於 上以宗載鎮之以靜其地其後其機牙得不
 擾而成功已丑 直隸將北征遣都督楊景雲 兵 廣七恭
 貪失期 上謂該察司官不糾劾於是宗載以同僚坐累謫
 楊青驛宗載處之如平時遣一力受役而躬自執爨未嘗有不
 豫暇則閱書更以吟咏自娛癸巳復起山東道監察御史侃侃
 自持不肯少屈以徇俗乙未 上親策士於廷時滿庵寺無聊
 丞張斌任事時斌守功最狠戾多所中傷人頗懼之以不與讀
 卷至爭論 上謂不已宗載奏斌不學無識不可以讀卷乃
 煩讀 聖聽如此當伏法士論壯之丙申 命巡按交趾交趾
 城中儲軍營房覆以茅故多火宗載廉知軍民歲伐材陶瓦備

官用然皆資權豪命三司幕官稽其數凡有取者皆著於籍由
 是無敢私費不半年營房皆易以瓦覆火患遂息時工部尚書
 東萊黃福掌交趾藩憲二司才行過人而不事邊幅御史往者
 多庸常視之至宗載獨恂恂恭讓而法亦不廢及歸行李蕭然
 無交趾一物東萊嘗語人曰吾久居此所接御史多矣惟宗載
 知大體已亥丁祖母憂居家有 旨奪情受貴州道監察御史
 益謹禮蹈義遇事必究極是非不曲隨於禍福利害不計也故
 再陷刑辟而賴公道以免甲辰 宣宗正位東宮妙選東宮僚
 職輔導擢詹事府丞未幾陞行在吏部左侍郎時少師蹇義猶
 兼領吏部事多倚之宗載協力一心進退人才必合公論不苟
 國朝列卿紀 卷之二十七

為異同故一時號得人洪熙元年 賜誥命制詞有清潔平恕
 恭謹厚重之褒是年遣祀夏禹及南鎮會稽山因 錫鈔八百
 錠俾歸焚黃於墓下其後嘗奉 命往浙江理軍政及伐宮殿
 大材於湖湘設施措置舉不失宜故事集而民不告勞宣德十
 年 英宗嗣位臨萬邦顧南京根本重地建置百司以吏部為
 之首宜得謹厚大臣往蒞之九月以 命宗載陛辭之日 詔
 進為尚書以行正統八年以老疾求致仕 上初不許章四上
 乃許之歸豐城故第又幾年年七十九以疾終宗載在南京雖
 無遷選之勞而勞於馭吏正已率物無少回撓屹然如泰山喬
 嶽不可撼陰陽闔闔風雲雷雨以榮悴百物而細大不遺其施

博矣已未進階資政大夫詞曰寬和有執廉靜自待又曰小心
順職始終不渝人以爲實錄當是時大夫公卿商德之尊莫如
宗載及致仕而歸猶康強無恙士大夫出餞都門外瞻望咨嗟
二疏傳不過也

魏驥字仲房浙江紹興府蕭山縣人永樂乙酉舉人四年會試
乙榜爲松江府學訓導遷太常寺博士甲辰從征國有大事驥
悉與聞遷吏部考功司員外郎陞南京太常寺少卿正統三年
陞行在吏部左侍郎以老辭滿禮部又辭特改南京吏部示優
待焉十二年九載入見乞致仕不允陞本部尚書景泰庚午四
乞骸始得歸時年七十有七自承事郎累轉至資善大夫天順

國朝列卿紀 卷之二十七

甲申 詔下進階榮祿大夫嘗纂修水樂大典聘考江西鄉試
者二同考會試者三奉 勅巡視畿甸特節慶代府冊封郊廟
耕籍諸禮典無不預驥爲人端重祇慎簡默廉勤爲本頗好別
白君子小人其少舉於鄉聞父病不俟撤棘而回老年事其兄
教諭驥愈益恭謹在學校嚴師道與諸生衣冠相對不問寒暑
蒞官所至禁止抑邪務大體山川增獲雙白兔圻內升瑞麥皆
却弗奏漁陽復漢循吏祠復立洪武望祭北鎮碑昌平立狄梁
公祠在吏部時中官王振怙寵贊見惟怕一方振亦不較呼爲
先生有進士未終制來欲爲考功者同官可之驥曰選法不可
擅又可上欺邪已已之變驥在南都寢食靡違率諸司條陳討

胡安民之策多見施行法司因是恤刑有王剛惡逆詎究或以
其年少欲緩之驥曰此婦人之仁天道不時正謂此也獄遂決
翼日而雨又戍卒四人殺馬三人互毆一人死之有司却拷訊
三人內一人當之驥曰罪一人則情可矜罪三人則律不合宜
上請卒得 旨三人各杖一百改戍邊地餘多類此里居二十
年無事不踰戶闕而遠邇敬禮候問者相屬於道遇鄉人言孝
友忠信遇有官者言勤謹和緩布袍糲食不別治生其清修苦
節人或難之尤不忘憂國與民語及輒感額以爲常其鄉故多
水患有楊龜山湖隄遺跡插堰塘瀝倡率修築一方賴之未文
者不絕苟可與言不爲厭倦篇章之富山刊板刻幾徧天下有

國朝列卿紀 卷之二十七

南齊集若于卷松江志水利切要理學正義等傳於世成化七
年八月戊辰 上御奉天門禮部臣曰魏驥壽及百齡兼有
德望朕深嘉悅其 勅遣行人存問賜酒有司月給米三石
贍之 勅奉臨浙驥先以是年九月薨於 里第有司已得請加
例祭葬既而其家以驥遺言上臣驥死無憾愧無以報 朝廷
恩恤之典乞辭免 上曰老臣清儉固爾死尚然邪不可不戚其
志其諾之茲兩事所未有也先驥薨旬餘一夕大星殞其際
王文政庭中驥忽就枕口占云平生不作世心事一點靈光直
上行既薨而復語意不亂倏然而逝計驥誠與不識莫不嗟悼
於人上相率走吊於門制服哭奠哀感尤深云謚文靖

天順日錄云魏公初為松江教官汲汲成就人才諸生在學者
候一更盡必携茶往視之見書聲者供茶一甌及至三更將盡
必携粥以隨尚有讀書者供粥一碗且嘉其勤如此亦不頻數
間旬一行士子咸感激後出其門者顯宦甚盛

塵談錄云魏文靖公驥以直道自持不苟徇俗正統初任吏部
侍郎時中官王振怙寵而驕每出則雖部堂尊官亦欲與迴避
一日相遇於崇文門不為避王銜之譖於內眾為公危忽一日
上御便殿召吏部既至問孰為右郎驥且訊以近日曾有何事公
慷慨言其故且曰臣不材位六卿臣不足惜 朝廷名器可惜
耳 溫言慰之曰爾所言者是好官好官

國朝列卿紀 卷之二十七 十一

尚德錄云魏文靖公驥嘗以俸金百兩委人為其家僕盡易之
公竟不言他日事登鞠出金還公其主始知公嘗語人為子者
當求名賢厚結之親有疾則信之必專彼召之必速來也公為
尚書北還一小舟常阻於要津其子稍設儀仗公見即命撤去
曰籍重於是耶

曹義字宜應天府句容縣人永樂九年以書經中應天府鄉
試卒業本 成祖文皇帝選入翰林讀中秘書於是益自
淬礪肆力於文學登永樂乙未陳循榜進士尋改為庶吉士先
是宅旁有一背井殆餘年泉忽湧出鄉人以為兆義之興云
歲戊戌授翰林編修丁母吳氏憂喪制未終 詔奪情流秩

滿轉禮部儀制司主事仍直翰林未幾丁父憂服闋還官宣德
乙卯陞吏部文選司員外郎自是始離翰林而專職銓曹矣正
統癸亥知者薦為浙江叅政 上特留之明年陞文選郎中又
明年陞吏部右侍郎士大夫相慶以為得人義盡心率職品量
人物鮮有不當時泰和王直為尚書以義精選法凡黜陟賢否

一以托之然義事王甚謹於事可否非經咨決不輒行以故王
待之益厚且密嘗謂人曰曹公端人也已巳秋北虜犯京師奉
勅提督官軍守衛正陽崇文二門晝夜不遑寧處者凡十餘日防
範嚴謹虜寇不敢近尋轉左侍郎時當多事之秋屢有建白其
見諸施行者人用悅服景泰改元陞南京吏部尚書三載 賜

國朝列卿紀 卷之二十七 十一

誥進階資德大夫天順紀元年七十有二捧賀表自南京至
上念義累朝舊臣而年且老特賜致仕 賜璽書有典選著公平
之譽議事有忠諫之言之褒家居四年而卒義寬厚周慎不與
物件人有過必導以巽言不事訐直居官行已一以忠勤謙慎
為本不矯飾以取名譽外若渾涵而中有定見少師楊士奇素

不協者反覆不已楊樂從之尤篤於友誼編修邢譽卒而家甚
貧哭之盡哀且買棺殮之并賻以白金其子鴻臚序班純聘而
未娶復助以成之吳人沈義係內親家日衰薄有女四各為具
粧奩嫁之其一隣有竊其屋後木植者家人踪跡知之且詬且

182 7 231

索乃止之曰彼乏用故取之勿再言也其仁厚不校類如此卒年七十有六所著詩文有默菴集藏於家

崔恭字克讓直隸順德府廣宗縣人辛卯起補南京南京屬官中恃才放恣交通賄賂者多乃黜其郎中方嵩門相等十數人士風爲之一新南雍生歷事滿必抵北紀選而還卒業其中貧乏者病於往復率多淹滯乃疏其不便南士得紀選於南部者寔自恭始甲午勅叅贊守備機務與成國公開心見誠協力政令軍民皆翕然畏服城中恃以爲安丙申兩抗章乞休致不允明年夏以不視事者三月復乞歸田上特錫璽書以榮其歸文武士餞於國門外者千人道傍觀者十里不絕嘖嘖其言

國朝列卿紀

卷之二十七

十一

其賢歸十年足跡不入城府靜坐一菴教子孫讀書而已疾恙謂諸子曰吾平生無益於國勿乞恩煩瀆竟不及家事卒年七十有一子二珂璿珂本從子璿生之明年恭以爲後廕國子生君子又謂不私其子云恭爲人寬平坦易中無芥蒂好善惡惡出於天性遇後生必談政事剛而能斷然仁愛之意未嘗不行乎其間愛惜人才獎拔後進惟恐不及初廣宗地僻士不見全書出賃市書及五經四書時義之士者貽之後廣宗之士科不乏人卒贈太子少保謚莊敏

錢溥字原博直隸松江府華亭縣人正統四年己未進士太監王振訪可教內侍書或薦溥試薑薇露詩大見稱賞授翰林院

檢討景泰辛未遷左贊善兼檢討七年修寰宇通志轉左諭德兼編修天順元年改尚寶司少卿仍兼編修時以奪門叙功溥

多善希時言謂兵部尚書陳汝言曰方今論功行賞殆無虛日而母后徽號未加獨非缺典與汝言以其言奏英宗大加稱賞隨付史氏以行尋陞侍讀學士會修大明一統志充副總裁六年壬午頒詔安南充正使貽書與其王論郊迎禮甚悉比還希躡崇樞出入奄豎恬不畏慎有太監王倫者受業於溥當英廟大漸時倫出就溥會安議時政遷者得之以聞下獄罪且不測有左右之者乃得末減降廣東順德知縣成化二年丙戌以近侍懷恩出其講下薦復原官閑住九年起侍讀學士掌南京

國朝列卿紀

卷之二十七

十三

翰林院事十三年陞南京吏部左侍郎掌部事十五年己亥九月六科十二道都給事中張海等劾戶部尚書楊鼎玉部尚書王復南京兵部尚書薛遠并溥四人妨政失職宜加斥罷不允時溥以進表至京 陛見後出吏部太宰尹旻詢江南時事溥答以南直隸大熟請以歸諸公北直隸大水皆溥與薛當之尹笑曰諺云女婿牙疼却炙丈母脚根爲之哄然傳聞禁內以資笑具溥不得已乞休陞本部尚書致仕卒謚文通溥性輕躁嗜進常作禿婦傳以譏大學士商輅初附王振繼以王倫諸璫爲奧援屢被彈劾尚遷崇秩識者鄙之陳俊字時英福建興化府莆田縣人正統丁卯試鄉闈以闈藩

第一人發解明年戊辰中進士第授戶部主事值父珪卒解官迎喪海南富土物一無所取服闋仍除舊職景泰甲戌差督天津諸衛官兵舊欠採秋青草卽上言採取舊有額已難徵辦况歲徵耶漁不可以竭澤 朝廷是之得減歲增之數三十五萬束令止輸原額蘇松諸郡折糧銀爲里豪所侵者七十五萬兩有奇俊往徵之不數月悉輸納內帑尚書金濂大咨異之俾典闔部章奏自是吏景泰以至天順歷任員外郎郎中職皆嚴辦而賢能之聲日益至辛巳 朝廷出師征兩廣叛寇 命往督饋餉時郡邑殘破公私匱乏百方籌畫事克有濟大率如弛鹽商越境之禁俾隨處貿易而每引輸粟二斗於南雄梧州用是

國朝列卿紀 卷之二十七

十四

劉汝

兵不乏食而民不出賦輿論稱之是冬母喪乞守制不許明年師還始歸蕭總兵監軍合百金爲賻却之又明年復任成化元年陞南京太常少卿先是爲少卿者多不檢一祠官缺請托紛然俊至僉舉之遂帖服蓋其務甚閒而俊任之嘗不勞餘力識者固已知非久處之地矣四年召爲戶部右侍郎時尚書楊鼎以剛悍自任不假貸於僚佐然獨重俊事經俊斷制者卽不復省屬時四方奏災異二邊告輸輓文移咨雜諮議旁午裁決如流不淹晷刻而靡不曲當人咸服不可及辛卯京師饑俊奉勅發太倉粟一百萬斛減價糶以利民權貴有乘時射利者俊請於 上凡糶以升斗計滿一石者閉不與其計遂沮而真饑者

獲濟壬辰 上命將北征特 勅總督軍餉於秦晉諸邊俊倍道疾馳比至則邊庾空竭歲且不登芻粟價湧而榆林延綏糧道險遠輸者病之俊乃發金於內郡市易且修西安韓城同官徑道以便飛輓而行所向無敵虜酋授首勞伐居多凱旋加俸一階九年遷吏部右侍郎十一年轉左銓綜人物號爲清允十二年滿九載陞南京戶部尚書十六年奉 勅改兵部叅贊機務剷除宿弊益不動聲色而事皆就緒人稱爲名德老成二十一年改南京吏部尚書二十二年加太子少保致仕弘治元年以疾卒於家謚康懿俊爲人沉毅簡重淵澄山峙望而知爲正人平居篤孝友寡言笑操履端方確乎不可拔旣仕以清白自持

國朝列卿紀 卷之二十七

十五

高

雖位至六卿蕭然不異布衣時故世多敬服其介云 儲柴墟云公自登科筮仕敷歷兩京致位通顯凡政事之大者禮樂銓選兵戎錢穀或副或專公無不與奮力奏功蓋四十年矣而天下之士不以此稱頌於公究公之心亦不以此自居也至於論列今之大臣清修慎重坐於廟堂不動聲色足以坐鎮雅俗標榜後進負德望知大體者必首及於公焉蓋非一人之私言也 王與字廷貴直隸常州府武進縣人生有異質十歲能作詩十五攻舉子業二十爲學生正統甲子領鄉薦景泰辛未舉禮部賜進士及第第二人授翰林院編修被 旨借修撰柯潛教庶吉

士吳滙等二十八人肄業東閣給酒饌及膏燭費 賜御府諸書癸酉夏旱代祠東嶽甘雨隨注甲戌丁外艱喪葬如禮天順丁丑仍舊任庚辰同考禮部會試時稱得人尋侍 東官講讀辛巳年預修大明一統志成 賜金帛癸未復同考禮部遷侍講甲申 憲宗踐祚以侍從 恩擢左春坊左庶子仍舊職勅充經筵講官敷析明暢啓沃良多修 英廟實錄分掌禮館成化乙酉改南京翰林院學士至則迎母就養丁亥實錄成以舊勞預賜戊子以母喪歸辛卯服闋適南京祭酒缺 朝廷特用薦起於家俱嚴督率明賞罰公差遣奏設看倉斗級九年幼典簿楊傑貪污黜之議收支錢糧委廉謹屬官公同典簿收支俱國朝列卿紀 卷之二十七 十六 高世武 百五十五

奏請得降級補外其以例考績者必斟酌殿最不苟爲文陳八事多見采納弘治癸丑年七十上疏乞致仕 上優詔留再上亦如之甲寅以再考去任還家臥疾乙卯春復上疏詞益懇 特進階榮祿大夫致仕 命有司給廩米二石歲給與隸四人比得報疾已篤然二日卒壽七十有二贈太子太保謚文肅俱風采凝峻廉角峭厲克制操執不爲俗變性孝友言動不苟雖負才望而謙抑不自矜嘗念宗族貧窶歲給廩粟憫兄子澄之孤以三品恩移贖爲國子生又修世譜輯家乘以貽子孫尤重義氣嘗得楊氏別業有祖隴在欲徙之他乃歎曰彼以全產售人而不能保此三尺吾不忍也不允其徙闕其垣使四國朝列卿紀 卷之二十七 十七 石公 百五十六

士皆帖服無敢以私干者所獎拔或出新進往往取魁甲為
 人眾神其明而莫測其所為用成化十四年陞四川副使十五
 年陞湖廣按察使甲辰朝 觀時中官尚銘在東廠任事眾
 趨其門悅獨不往銘銜之伺察無所得未幾銘敗而其名益彰
 成化二十二年歷都察院右僉都御史二十三年陞工部右侍
 郎 孝廟嗣登大位在朝大臣相率上疏求去位悅不可曰
 新之始正當竭忠報國豈可以去言耶弘治元年遷禮部
 再遷吏部右侍郎五年轉左癸丑大早上陳遵舊章卹小民崇
 儉素裁冗食禁濫罰數條并修德圖治二疏皆嘉納之時在吏
 部尚書王恕負時望尤倚信於悅凡有言無弗從嘗兩攝選眾
 國朝列卿紀 卷之二十七 十八

議翁然稱允六年陞南院右都御史持厲風紀臺中肅然八年
 陞南京吏部尚書鎮定簡靜上下安之雖中官亦加敬禮守備
 太監陳祖生嘗設席獨延賓上位子弟問更召何人曰他人豈
 可同此席其為時所重如此九年改南京兵部尚書叅贊機務
 詳見南京兵部
 倪岳字舜咨應天府上元縣人天順甲申登進士入翰林為庶
 吉授編修預修 英宗實錄秩滿遷侍讀選充 經筵講官被
 命編輯文華大訓書成進翰林學士選侍 皇太子講讀遂拜
 禮部右侍郎仍充 經筵講官 孝宗初即位言者全集皆下
 禮部議擬多出岳手弘治九年知貢舉防範嚴密如帖圖編號

每因舊法出新意後遂不可易本年改南京吏部尚書加太子
 少保時議不宜處之散地及考覈在京諸司岳於南畿所黜凡
 若干人眾稱明允十二年春三月因災異率九卿陳言二十八
 事多見施行本年改南京兵部尚書叅贊守備歷吏部尚書詳
 九吏部
 秦民悅字崇化直隸廬州府舒城縣人天順丁丑進士授行人
 司行人歷工部屯田司員外郎成化十年陞廣州府知府政出
 公平而百廢修舉士民宜之民立生祠求大學士劉珝紀其政
 績祀之陞江西右叅政歷三載陞右布政弘治三年轉左民悅
 在江西凡三任察民情最深敷政多從寬恕不尚嚴苛四年陞
 國朝列卿紀 卷之二十七 十九

都察院右副都御史巡撫順天地方整飭薊州兵備未幾召為
 戶部右侍郎提督倉場六年回理部事七年改吏部丁憂十年
 起復改左副都御史協理院事十一年復吏部右侍郎十二年
 陞南京吏部尚書初官留都給假者紛紛值監丞楊文具告給
 假回籍省祭遷葬養病民悅駁問一狀之內四事並告難以施
 行且嚴禁之於是其風稍息十三年陞南京兵部尚書叅贊機
 務詳南京戶部
 林瀚字亨大福建福州府閩縣人成化丙戌進士改庶吉士接
 丁父母憂八年授翰林院編修十三年陞修撰二十二年陞左
 春坊左諭德仍兼前職弘治三年太宰王恕薦瀚學行淳正陞

國子祭酒十二年改吏部右侍郎尋轉左與太宰同心掄才務求至公十三年陞南京吏部尚書鎮定不搖人倚為重正德改元時冢宰缺人給事中丘俊御史石玠交章薦其學優才瞻臨事公正剛方素著廉介久聞宜居其位未幾改南京兵部尚書叅贊機務詳南京兵部

楊守止字惟立別號碧川浙江寧波府鄞縣人母張淑人孕甫八月夢大星輝輝於庭覺而生幼警敏六歲受業於栖芸先生教以經傳即通大義十五從宦泉州為古詩文迺出時輩景泰辛未以父喪歸得取正於其兄吏侍守陳學益遠補郡庠生願受業者踵相接成化乙酉舉浙江鄉試第一明年會試三場舉

國朝列卿紀

卷之二十七

干

孫

聞張淑人遺疾馳歸省侍疾愈卒業大學會祭酒邢讓等三人為怨家所傾坐昧繫獄乃草奏率六館士伏闕訟其冤至再事雖不自識者避之戊戌會試得易魁第四廷試賜進士及第第二人授翰林院編修辛丑充廷試彌封官賜寶鑑丁未滿九載時江西李孜省以左道子紀與從兄工部尚書守隨素不相能既中傷之併出守止為南京翰林院侍讀至則署院事時守陳方署事翰林士論以兄弟俱發解又南北分典詞垣為斯文盛事弘治改元戊申孝宗御極召還翰林纂修憲廟實錄歷涉六館紀載時事評隲人物去取予奪極精當已酉充經筵官敷對明暢義歸於正且極言進君子退小人為治亂之機

言甚激切孝宗改容聽之辛亥實錄成擢左春坊左諭德

賜白金文綺病士習浮靡文氣日入於弊其同考禮閣主應天順

天鄉試俱務黜浮崇渾時稱得人丙辰署翰林院事預修玉

牒尋進翰林院學士奉詔授庶吉士業會吏部都察院考察

翰林官屬去留協輿論丁巳充纂修大明會典副總裁戊午

武宗春官出閣講學充侍班官已未遷南京吏部右侍郎奉詔

各舉所知以郎中陳鏞評事王紀上後皆不負所舉署兵部以

星變陳五事皆切時弊朝廷嘉納辛酉南監祭酒病卒諸生

乘隙多易簿書以規速進及往署監事悉為釐正而亦不究作

過者滿三載先期請得便道燎黃於墓報可歸鄞壬戌春請

國朝列卿紀

卷之二十七

三

周

闕考績內閣以會典修久未完守止精於史事奏留校閱與鮑卷吳公同事勘訂精審居五月書成賜宴禮部請還任許之錄校閱功遷左侍郎食正二品祿賜寶鑑羊酒甲子考察南京諸司官屬去取當乎人心乙丑上疏乞休不俟命而歸既得旨進本部尚書致仕後逆瑾竊柄素憎止類矯詔奪所加秩璫誅復之性孝友天至與兄守陳恩義如師弟子及謝世為位於室朝夕哭奠日為之昏輯其遺文梓之以傳守隨以瑾誣繫獄又罰出米數百石輸邊乃罄所積為助以產償之不受於書無所不讀而必以六經四書為之宗其學不專事文藝敦大本厲行檢精思力踐期於深造其誨子弟誨生徒皆率是道居常端

重簡默與人論說義理則色溫氣和聽者忘倦至其善善惡惡確有定見羣莫能奪比致仕家居凡可及民言於所司賑荒蠲稅停無益之作陰受其惠者多為文平正典實詩冲澹雋永意到即成不為纖新豔麗語所若有集程朱義論碧川文抄二十九卷困學寡聞錄十卷雜文儲稿又若干卷詩二十卷一日書數語於遺稿曰學文師韓吏部學道師程伊川官同吏部二品壽過伊川二年文章可得而聞望道而木之見困學勉行老而不倦守正疾邪至死不變五日卒壽七十有七贈太子少保

李傑字世賢直隸蘇州府常熟縣人成化丙戌進士選庶吉士四年授編修十三年轉侍讀乙巳充 東宮講讀官二十一年國朝列卿紀 卷之二十七 三十一

進侍讀學士弘治元年遷左庶子仍兼前職四年辛亥陞南京國子祭酒本年守制八年服闋改太常寺卿兼侍讀學士掌院事十三年庚申擢南京禮部侍郎十五年改禮部十六年轉左正德紀元預修 孝廟實錄充副總裁大學士焦芳擅竄國史傑亦莫如之何二年書成陞南京吏部尚書本年調禮部詳禮部
黃珣字廷鑑浙江紹興府餘姚縣人孕十四月而生聰慧絕人讀書過目輒成誦年三十三舉成化辛卯鄉試第一人越辛丑廷試第一甲第二人授翰林院編修二十一年丁外艱服闋當弘治改元與修 憲廟實錄二年充 經筵官是歲書成陞本院

侍講 賜宴及白金文綺四年充 經筵講官丙辰分典會試文衡適大學司業缺進右春坊右諭德管司業事辛酉陞南京祭酒未任丁繼母韓夫人憂 孝宗念經幄舊臣 特遣官為營葬事及論祭十七年釋吉復任補國子祭酒以 恩例賜四品 誥命明年陞南京吏部右侍郎正德二年陞本部尚書既而逆瑾以私憾之遂致仕九年卒於家年七十有七贈太子少保蔭其子一人珣為人簡易厚重忠實之性出於自然凡 經進進講於前代理亂興衰之事必反復深陳之冀以感悟 天衷會試所選拔皆天下知名士掌南北太學為之振頹起廢百度具舉養諸生恩義兼至有山西人魏成者家貧不能歸止一度具舉養諸生恩義兼至有山西人魏成者家貧不能歸止一

國朝列卿紀 卷之二十七 三十一

女已聘許人欲改聘同舍生以資途費珣廉知即撥門差以濟之其餘或病給以藥或死無所歸為之殮殮者甚夥故一時上翕然感頌之又斥其公餘銀若干繕理號舍完輯公解正德改元時為少宰即偕冢宰三山林瀚條六事以裨新政頗見 采納其為詩文典雅平澹如其為人所著有紛紛論稿惕齋稿東山文集素菴詩集藏於家
王華字德輝浙江紹興府餘姚縣人別號實菴晚復號海日翁嘗讀書龍泉山寺中故學者稱為龍山先生正統丙寅九月甲午生先父孟淑人夢其姑趙抱一童子緋衣玉帶授之曰新婦平日事吾孝今孫婦事汝亦孝吾與若祖丐於上帝以此孫界

汝俾汝子孫世世榮華無替故生而以今名其長兄半巖先生以榮名夢故也幼警敏絕人始能言大父槐里先生抱弄之因口授以古詩歌經耳輒成誦稍長便讀書過目不忘六歲時與羣兒戲水濱見一客來濯足已大醉遺其所提囊而去取視之數十金也華度其人酒醒必復來恐人持金去以投於水中坐守之飯頃其人果號泣而至乃迎謂曰求爾金耶為指其處其人喜躍以一金分餽笑却之曰不取數十金乃取爾一金乎客且慚且謝隨至其家無少長咸遍拜之而去岑大夫人嘗績窓下華從傍讀書時邑中迎春里兒皆迎呼出觀華獨安坐讀書不輟太夫人謂之曰若亦暫往觀乎答曰夫人誤矣觀春何若

國朝列卿紀

卷之二十七

西

四九

觀書太夫人喜曰兒是也吾言誤矣年十一從里師錢希寵學初習對句月餘習詩又兩月餘習文數月之後而同學中諸生盡出其下錢歎異之曰歲終吾無以教爾矣縣令呵從到塾同學皆廢業擁觀華乃據案朗誦若無觀錢奇之戲謂曰爾獨不顧令即謂爾倨傲呵責及爾且奈何答曰令亦人耳視之奚為若誦書不輟恐彼亦難便呵責也錢因語父竹軒公曰公子德器如是斷非凡兒十四歲時嘗與親朋數人讀書邑中龍泉山寺舊有妖為祟數人者皆富家子弟素豪俠自負莫之信又多侵侮僧僧甚苦之信宿妖作數人果有傷者寺僧因復張皇其事眾皆失氣狼狽走歸華獨留居如常妖亦遂止僧咸以為

異謀假妖試之每夜分輒登屋號嘯或又投瓦石撼臥榻或乘風雷雨電之夕奮擊門障僧從壁隙中窺之方檠燈端坐神氣自若輒又私相歎異然益欲多方試之月餘技殫因至所居從容問曰向妖為祟諸人皆被傷君能獨無恐乎答曰吾何恐僧曰諸人去後君復有所見乎答曰吾何見僧曰此妖但觸犯之無得遂已者君安得獨無所見乎華笑曰吾見數沙彌為祟耳諸僧相顧色動疑覺其事因佯謂曰此豈吾寺中亡過諸師兄為祟耶華笑曰非亡過諸師兄乃見在諸師弟耳僧曰君豈親見吾儕為之但臆說耳華曰吾雖非親見若非爾輩親為何以知吾之必有見也耶寺僧因具言其情且笑且謝曰吾儕實欲

國朝列卿紀

卷之二十七

五

四九

以此試君耳君天人也異時福德何可量至今寺僧猶傳其事天順壬午年十七以三禮投試邑中邑令奇其文後數日復特試之題下一揮而就令疑其偶遇宿構連三命題其應益捷因大奇賞謂曰吾子異時必大魁天下於是隱然名動遠邇爭禮聘為子弟師提學松江張悅考校姚士以華與木齋謝遷為首並稱之曰二子皆當狀元及第福德不可量也方伯祁陽審良擇師於張張曰但求舉業高等則如某某者皆可必欲學行兼超惟有王某耳時甫踰弱冠審親至館舍講賓主之禮請為其子師延至祁陽時鄂湘之士翕然來從者以數十在祁居方伯之梅庄別墅墅中積書數千卷晝夜誦其間足跡不入城市

者二年永士有陳姓者聞其篤學特至梅庄請益間取所積書叩之皆默誦如流陳歎曰昔聞五經笥今乃見之邪俗好妓飲乃峻絕之未嘗與比告歸邪士以華客居三年矣欲試之乃秘兩妓於水中亭因餞於亭止宿焉客散妓從秘中出華呼舟不得撤門為桴而渡眾始歎服其難始在梅庄嘗一夕夢迎春歸其家前後鼓吹旛節中導白土牛其後一人輿以從則方伯杜謙也既覺以竹軒公奉大夫人皆生於辛丑謂白為凶色心惡之遂語諸生欲歸諸生堅留之寧生曰以絃占是夢先生且大避天下矣夫半丑屬也謂之一元大武辛金屬其色白春者一歲之首也世以狀元為春元先生之登其在辛丑乎故事送狀

國朝列卿紀 卷之二十七 五

元歸第者京兆尹也其時杜公殆為京兆平辭歸舟過洞庭阻風若山祠下因入祠謁祝者迎問曰公豈王狀元耶華曰爾何從知之祝者曰疇昔之夕夢山神曰後日薄暮有王狀元來吾以是知之華異其言與梅庄之夢適相協因備紀其事自是連舉不利至成化庚子始發解明年辛丑果狀元及第杜謙為京兆悉如其占云是歲授官翰林院修撰甲辰 廷試進士為彌封官丁未充會試考官弘治改元與修 憲廟實錄充 經筵官乙酉秩滿九載當遷開竹軒疾即移病不出當道使人來趣親友亦交勸之且出遷官若凶聞果至不出未晚也答曰親有疾已不能劬歸侍湯藥又忍逐逐奔走為遷官之圖須家

信至幸而無恙出豈遂晚乎竟不出庚戌正月下旬竹軒之計始至號慟屢絕即日南奔葬竹軒於穴湖山遂廬墓下墓故虎穴虎時時羣至獨晝夜哭其傍若無覩者久之益馴或傍廬臥人畜一不犯人以為異癸丑服滿陞右春坊右諭德充 經筵講官嘗進勸學疏其略謂學貴緝熙於光明今每歲經筵不過三四御而日講之設或間旬月而始一二行則緝熙之功無乃亦有間歟雖 聖德天健自能乾乾不息而宋儒程頤所謂涵養本原薰陶德性者必接賢士大夫之時多而後可免於一暴十寒之患也 上然其言自是御講日數丙辰三月 特命為日講官賜金帶四品服四月以選正人端國本公卿會舉為

國朝列卿紀 卷之二十七 五

東宮輔導戊午三月又 命兼 東宮講讀於是 眷賜日隆是歲奉 命主順天府鄉試辛酉主應天鄉試壬戌陞翰林院學士從四品尋奉 命教庶吉士魯鐸等繼又 命纂修 大明會典踰年書成陞詹事府少詹事兼翰林院學士五月復 命與編通鑑纂要六月陞禮部右侍郎仍兼日講 上以華講釋明贍故特久任是歲冬 命祭江淮諸神乞便道歸省還 朝以岑太夫人年邁屢上疏乞休以便色養 上不允尋陞禮部左侍郎明年 武宗皇帝改元賊瑾用事呼吸成禍福士大夫奔走其門者如市華獨不之顧時元子封新建伯大司馬守仁方為兵部主事上疏論瑾罪惡瑾大怒既逐新建復移怒於華

然瑾微時嘗從鄉人方習書史備聞其平日處家孝友忠信之詳心敬慕之怒稍解嘗謂人語於華若一見內閣之位可立躋華不行瑾意漸拂丁卯正月遂陞南京吏部尚書瑾猶以舊故使人慰言不久將召用冀必往謝又不行瑾復怒遂推尋禮部時舊事本無于者傳旨令致仕聞命忻然束裝而歸曰吾自此可免於禍矣既而有以同年友事誣毀於朝廷者人咸勸其一白答曰某吾同年友若白之是我訐其友矣是焉能免我哉竟不辯後新建復官京師聞士夫之論以是為不平復具本奏辯其事既馳書責止之曰汝以是為吾平生之大恥乎吾本無可恥今乃無故而攻發其友之陰私是反為吾求一大恥矣人謂汝智於吾吾不信也於是遂止不復辯華歷事三朝惟孝宗最知末年尤為眷注屢因進講勸上勤聖學戒逸豫親仁賢遠邪佞上皆虛心嘉納故事講官教人當直者必先期演習至上前猶或整張失措華未嘗豫習及講又特條暢一日上已畢講廷直講者忽風眩作仆地眾皆皇遽共推代乃從容就案展卷敷析尤極整暇眾咸心服其器度內侍李廣者方貴幸嘗於文華殿講大學衍義至唐李輔國與張后表裏用事事諸學士欲諱不敢言乃特誦說朗然開諷明切左右聞者皆縮頸吐舌而上樂聞不厭明日罷講命中官賜食中官密語云連日先生講書明白聖心甚喜甚加眷念華

國朝列卿紀

卷之二十七

三

四

自慶知遇益用剴切上亦精勤彌厲詎意孝廟升遐志未及行亦僂蹇而歸矣華氣質醇厚平生無矯言飾行仁恕坦直不立邊幅與人無眾寡小大待之如一談笑言議由衷而發廣庭之論入對妻孥曾無兩語人有芹善稱之不容口有難急來控者惻然若身陷於溝穽忘已拯救之雖以此招謗亦不恤然於人有過惡亦直言規切不肯少回曲以是往往反遭嫉忌然人亦知其實心無他則亦無有深怨之者其才識宏達無所不可而操持堅的屹不可動百務紛沓應之沛然未嘗見其有難處之事至臨危疑震蕩眾多披靡惶惑而毅然卓立然未嘗以此自表見故人之知者罕矣為詩文皆信筆立就不事雕刻但取詞達而止所著有龍山稿垣南草堂稿禮經大義諸書雜錄進講餘抄等稿共四百六卷孝友出於天性自得祿食盈餘皆與諸昆弟共之視諸昆弟之子不啻已出事竹軒公及岑太夫人色愛之養無所不至太夫人已百歲華亦壽踰七十矣朝夕為童子之色嬉戲左右撫摩扶掖未嘗少離或時為親朋山水之邀乘舟暫出忽念太夫人感然返棹及太夫人歿寢苦蔬食哀毀踰節因以得疾連葬跣足隨號行數里於是疾勢愈增病臥踰年始漸瘳然自是氣益衰又素聞寧濠之惡疑其必為訛嘗私謂所親曰異時天下之禍必自茲人始矣令家人於地於上虞之龍溪使其族人之居溪傍者買田築室潛為掩護之

國朝列卿紀

卷之二十七

三

四

國朝列卿紀 卷二十七 四五三

至是正德已卯寧濠果發兵為變遠近傳聞駭愕且謂新建公亦已遇害蓋室驚惶請徙龍溪華曰吾往歲為龍溪之上以有老母在耳今老母已入土使吾兒果不幸遇害吾何所逃於天地乎飭家人勿輕動已而新建起兵之檄至親朋皆來賀益勸宜速避龍溪咸謂新建既與濠為敵其勢必陰使奸人來不利於公乃笑曰吾兒能棄家殺賊吾乃獨先去以為民望乎 祖宗德澤布於天下天必不使殘賊覆亂宗國行見其敗也吾為國大臣恨已老不能荷戈首敵儻不幸勝負之算不可期猶將與鄉里子弟共守此城耳因使人趣郡縣宜急調兵糧且禁訛言勿令搖動鄉人來竊視方晏然如平居亦皆稍稍復定不旬

國朝列卿紀

卷之二十七

三

劉大

月新建捷報至果如所料親朋皆携酒交慶華曰此祖宗深仁厚澤漸漬人心紀綱法度維持周密 朝廷威靈震輯四海蒼生不當罹此荼毒故旬月之間罪人斯得皆天意也豈吾兒一書生所能辦此哉然吾以垂盡之年幸免委填溝中家門無夷戮之慘鄉里子弟又皆得免於征輸調發吾兒幸全首領父子相見有日凡此皆足以稍慰目前者也諸親友咸喜極盡歡而罷已而 武廟南巡奸黨害新建之功飛語構陷危疑洶洶且夕不可測羣小偵伺旁午於道或來家私籍其產宇丁畜若將抄沒之為姻族皆震撼莫知所出華寂無聞日休田野間惟戒家人謹出入慎言語而已 世廟龍飛始下 詔宣百新建

之功 召還京師新建因得便道歸省尋進南京兵部尚書封新建伯 遣行人齎白金文綺慰勞新建下 溫旨存問於家兼有羊酒之賜適華誕辰親朋咸集新建捧觴為壽乃感然曰吾父子不相見者幾年矣始如平寇南贛日夜勞瘁吾雖憂汝之疾然臣職宜爾不敢為汝憂也寧濠之變皆以汝為死矣而不死皆以事為難平矣而卒平吾雖幸汝之成然實天意非人力可及吾不敢為汝幸也讒構朋興禍機四發前後二年岌乎知不免矣人皆為汝危吾能無危乎然於此時惟有致命遂志而動心忍性不為無益雖為汝危又復為汝喜也 天開日月顯忠遂良穹官高爵濫冒封賞父子復相見於一堂人皆以為

國朝列卿紀

卷之二十七

三

張文

榮吾謂非榮乎然盛者衰之始福者禍之基雖以為榮又復以為懼也夫知足不辱知止不殆吾老矣得父子相保於牖下孰與犯盈滿之戒覆成功而毀令名者耶新建跣而跪曰大人之教兒所日夜切心者也聞者皆歎息感動於是會其鄉黨親友置酒燕樂者月餘歲且暮疾復作壬午月終於正寢年七十七臨絕神識精明略無昏憤時 朝廷推論新建之功進封華及竹軒槐里皆新建伯是日部咨適至屬疾且革聞使者已在門促新建及諸弟曰雖倉遽烏可以廢禮爾輩必出迎問已成禮然後偃然瞑目而逝始致政歸客有以神仙之術來說者謝之曰人所以樂生於天地之間以內有父母昆弟妻子之親外有

君臣朋友姻戚之懿從遊聚處無相離也人皆去此而稿然獨往於深山絕谷此與死者何異夫清心寡慾以怡神定志此聖賢之學所自有吾但安常委順聽盡於天而已奚以長生爲乎客謝曰神仙之學正謂世人悅生惡死故因其所欲而漸次導之今公已無惡死悅生之心固已默契神仙之妙吾術無所用矣既歸卽息意丘園或時與田夫野老同遊共談笑蕭然形跡之外人有勸之宜且閉門養重者笑曰汝豈欲吾更求作好官邪性善節儉然於貨利得喪曾不以介意嘗構樓居十數楹甫成而火焚積爲一蕩時親友來救焚者皆一一從容接談行行如平時略不見有倉遽之色人以是咸歎服其德量云

國朝列卿紀

卷之二十七

三十一

張文

劉忠字司直河南開封府陳留縣人成化戊戌進士授翰林院編修在翰林歷侍講幾三紀始拜侍講學士十八年進翰林學士正德二年爲講官陞南京禮部右侍郎已中貴人知其高節進本部尚書本年陞南京吏部尚書少師焦芳亟薦其賢瑾傳旨改吏部兼翰林學士掌詹事入內閣詳內閣
梁儲字叔厚廣東廣州府順德縣人成化戊戌進士改庶吉士授翰林編修歷侍講司經局洗馬進翰林學士弘治十六年陞詹事府少詹事仍兼學士本年陞吏部右侍郎正德元年轉左二年命兼學士修 孝宗實錄及修 大明會典俱爲副總裁尋進吏部尚書仍兼學士掌詹事府事管內閣誥勅三年止掌

府事尋命同少傅王鏊爲會試考試官四年爲修會典降吏部右侍郎本年十月復前職十二月改南京吏部尚書五年 召入內閣詳內閣

張灤字仲澗廣西桂林府全州人成化戊戌進士選庶吉士授翰林院編修弘治己酉轉侍講戊午充 東宮講讀官辛酉主考順天鄉試十二年進侍讀學士十八年陞學士尋選國子監祭酒正德元年擢禮部右侍郎二年轉左己巳陞南京禮部尚書本年改南京戶部六年改南京吏部尚書時 儲位久虛灤率同儕請建太子言甚剴切甲戌改南京兵部叅贊機務餘詳南兵部

國朝列卿紀

卷之二十七

三十一

丁文

孫需字孚吉江西饒州府德興縣人成化辛卯領鄉薦第二人特巡按御史蒙城石確奇其文欲置解首而藩臬有欲拔其所厚者以石治易詭言此士治易誠宜首選石引嫌而藩臬所厚者遂先需石謂此士名第今雖小屈明年甲榜恐解首未能或之先也需果以明年壬辰遂登進士第筮仕爲常州府推官常俗富侈訟輒恃賄取勝需遠嫌自潔勤於訊鞫惟公惟明隱奸宿窳摘決無所漏能聲驟起巡撫平倭重之凡獄之難決者率以屬之及經聽斷無不屈服運河淤塞撫按議取徑別鑿一河初委地方官延久緒弗就及屬需督理相地賦役約先完有賞民踴躍趨事不旬月而工告成三年例當奏課平倭疏留治事

不得行又三年為成化戊戌 召入授南京四川道監察御史
風裁凜凜留都皆嚴憚之遇事必極言無所諱避妖僧以左道
盡 憲朝率同列斥其罪請誅之雖遭筆未嘗以為悔嘗奉命
巡倉至中都鎮守中官欲謁者由旁門入且以文東武西榜於
門需不入僅投一刺將據其所榜以僭劾之中官憚需嚴卒正
主客之禮於是王端毅恕方叅留務最慎許可輒造需加禮江
盜熾需巡江以略授耆民張禮捕獲幾百人有賊七十麓節令
錦衣衛同事簡千戶識以印緘送之官奏禮為巡檢專捕盜賊
事自是江道寧帖簡嘗對眾歎需之廉曰盜賊無籍使孫盡七
十麓取之固無知者而公不欺乃爾何可及耶廉聲由此益著

國朝列卿紀

卷之二十七

三五

未幾陞四川按察司副使南臺陞副使蓋自需始前此所未有
也既蒞任會憲長缺遂署其事公務弗給率捐已俸給之略無
難色按部治猾豪決淹獄明而不苛所在奔馳賊吏或望風解
印綬去比歸所得紙劄價值輸之公無毫髮私入屬有素以簡
伉聞者如御史陳瑤以勢凌轢二司獨於需曲加禮敬又以公
廉嚴慎克振風紀薦之歲侵糴貴民死過半湖廣倉粟頗多言
於撫按偕叅議金澤兼程往貸得三十萬石而西分地賑給所
全活甚眾蜀人感之咸曰微孫公吾皆為道殣矣時歷兩考當
課巡撫都御史丘雍疏留視事益在蜀已餘七年吏部推陞者
五邑人有不悅需者潛於時宰久乃不遷而需未嘗意動尋以

憂歸故事藩臬舟行以罷塘濫瀆之險命有司縛後翼之至荆
州市其竹木可數百金需不欲歛民罔利竟拒不用亦竟無他
虞終喪改湖廣未上擢浙江按察使遇大獄必加覆審未嘗輕
決小吏苟無大過必保全扶植之臺使薦賢監司者必首及弘
治庚申陞浙江左布政使浙財賦之淵需志避嫌謗出納皆委
諸人公堂諸宿弊釐革殆盡吏無所售其奸民謠有前劉後孫
清德著聞之語蓋以需可繼大司馬東山之躅也入 覲例僉
水手取銀為里道費朝士之贊亦取辦焉需峻拒贊率從簡論
者賢之第治行又居首及還浙未浹旬擢都察院右副都御史
巡撫河南時河溢且嚙汴城民流移載道乃議使役以築堤而

國朝列卿紀

卷之二十七

三五

予之備錢令出趨者萬計隄成而饑復濟公私便之羣盜橫行
命督兵擒捕先後獲數十人復取其贓散州縣以充給濟之費
他若讞獄平賊勦強植弱孳孳在念民所便不便皆以次行罷
無遺弘治癸亥 駕帖下河南取牡丹三千上疏耳目之玩不
可勞民沁陽縣知縣馮憲忤宗藩已有 旨下撫按官會訊尋
復逮赴詔獄又疏令如反汗如戾舊法 孝廟皆納其言而寢
之居三年屬吏競勸民視如父母然鎮守中官劉瑯與需水火
剝民自殖輒以法裁之有奸民違例赴瑯投懇牒者必據法配
之荒唐瑯嘗跪請於需曰瑯不能學公之公廉蓋稍縱繩墨使
瑯得飲勺水以相安於此邪需心知瑯必害已亦不為動日夜

陰圖中需大臣之子有怙勢橫於其鄉者需亦裁以法於是瑯
計得行會陝西巡撫缺遂調往補蓋大臣亦不欲久於汴也及
去汴汴人遮道扳留呼天而號曰何以爲我奪公而他界也至
陝西經略武備拊循士卒取權貴所私役復之舊伍他省有輸
粟助邊者皆令躬自輦送無苦邊氓聞虞警則以義激將士督
之先驅而亦擐甲從之不以勞避緣由項領爲風寒所襲而病
遂乞休 詔不允乃召還京去陝陝人攀號如去汴之日道彰
守以銅雀硯贈亦弗納寓館陶堅臥不起累以疏辭時 孝廟
方命侍郎何鑑稽覆荆襄流民而鄖陽其淵藪也乃改命撫治
至則以文告諭之願爲編氓者給牛種俾有常業願歸故里者
國朝列卿紀 卷之二十七 三六

故居已燬幾無以生需處之裕如也庚午瑾敗復用薦起爲南
京工部尚書務整宿弊不欲以浮冗多耗民財先是諸管建給
領料價率匠魁專之蒞部事者或與爲市故羣匠無所得而工
不可速完需仍令匠魁及羣匠同領而均分之稱便如一口出
歲省冗費萬金癸酉冬改南京刑部尚書諸司獄必親筆削處
讞皆審慎人無冤稱甲戌夏考最遂改南京吏部尚書留都務
簡表以廉靜諸司翕然明年奉 命考察庶官諸所存黜叅之
公論無毫髮私徇其黜者止坐微罪不忍以太甚斥或曰如此
則彼將不服且得藉口自文需曰吾斬服彼之心苟公矣他何
慮也蓋所黜數人頗有時望聞者始而疑焉既而廉之果當黜
國朝列卿紀 卷之二十七 三七

吏部右侍郎本年轉左壬申以閣薦命不妨部事充 經筵日
講癸酉陞禮部尚書 賜玉帶乙亥尋丁內艱以講讀勞 誥
贈二代賜祭葬戊寅服除卽其家改南京吏部疏辭不允辛巳
改禮部尚書兼學士管內閣 誥勅五月命掌詹事府事
廖玘字 直隸東光縣人弘治庚戌進士五年授吏部考功
司主事丁憂十六年補稽勳司十七年陞稽勳員外十八年改
文選正德元年養病二年補考功三年改文選四年陞文選郎
中本年陞太僕寺少卿七年陞提督四夷館太常寺卿改太常
寺十一年陞工部右侍郎督理山廠十二年陞吏部右侍郎十
四年轉左十六年陞南京吏部尚書嘉靖元年改南京兵部詳
國朝列卿紀 卷之二十七 三八

兵部
羅欽順字允升江西泰和縣人弘治癸丑進士授翰林院編修
十三年陞南京國子司業正德三年忤逆瑾黜為民五年起原
職七年陞南京太常寺少卿十年陞南京吏部右侍郎十四年
改吏部十六年轉左嘉靖元年陞南京吏部尚書二年改禮部
未任詳吏部尚書

國朝列卿紀卷之二十七終

國朝列卿紀卷之二十八

國初吏部左右侍郎年表

樊魯璞	歸附洪武元年任	人國初
汪河	直隸舒城人國初	探史洪武元年任
程徐	浙江鄞縣人故元兵部尚書歸	附洪武元年任詳刑部尚書
李廷桂	河南洛陽人	洪武二年任
李仁	見尚書洪	武三年任
李思迪	山東歷城人洪武	初歸附三年任
顧貞	洪武三年任	人
李真	初薦舉四年任	人洪武
宋驥	不洪武五年任	人人
朱德潤	直隸秦縣人洪武	初薦舉六年任
董幼安	洪武八年任	人
張一度	詳本朝尚書	洪武九年任
陸讓	舉人才十三人	人洪武初
任源	山西武鄉人洪武中	鄉舉十三年任
韓膺	山東平度州人洪武	中薦舉十四年任
李信	詳本朝尚書洪	武十四年任
高遜志	直隸蕭縣人洪武	初薦舉十六年任
劉逢吉	武十六年任	人洪

國朝列卿紀 卷之二十八 三五

王珪	武十六年任 人洪
趙廸	河南宜陽人洪武甲子歲貢十九年任
侯庸	山東膠水人洪武乙丑進士二十二年任左
陳敬	詳本部尚書洪武二十三年任
傅友文	陝西臨潼人洪武中大學生二十六年任右
翟善	見尚書洪武二十六年任
田炯	山西大同人洪武中大學生二十六年任左
鄭昌	山西襄垣人洪武中大學生二十七年任左
湯仲行	浙江歸安人洪武中稅戶人才三十年任右
王謙	人洪武三十一年任右
國朝列卿紀	卷之二十八
茅大芳	南直泰興人洪武元年任左
練子寧	江西新淦人洪武乙丑榜眼華除元年任左改御史中丞
毛泰	除三年任左
蹇義	見本部華除三年任右轉左
陳洽	直隸武進人洪武中薦舉永樂元年任右轉左歷兵部尚書
許思溫	直隸吳縣人洪武中太學生永樂元年任左兼左春坊左贊善
師達	見本尚書永樂元年任右陞南京戶部尚書

國初吏部左右侍郎行實

樊魯璞字 人國初入仕其前宦履不知其詳洪武元年設六部陞吏部侍郎同吏部尚書滕毅掌銓課本年以失職免官

汪河字 直隸廬州府舒城縣人少有大志倜儻傑出嘗師武威余文忠公叩其底裏其與學雄文宏才遠畧卓邁流輩元季政歿江淮兵起四方紛亂靡所適從 太祖高皇帝渡江首被遇用為行省掾吏屢陳時務 上高其才識參謀帷幄贊畫與政大有裨益辛丑三月丁巳擢為大都督府都事出入左右殿歷中外惟所任使聲實以著元察竿帖木兒克復汴梁兵威甚振及下山東遠邇震懾 上命河使察罕結援議論稱 旨

癸卯擴廓帖木兒遣使尹煥章以書幣來通好 上即遣河與俱往答其意河至河南擴廓帖木兒拘留之時虜尚盛兵中原上方有事江漢未遑警較是年秋陳友諒甲辰武昌平湖南江右諸郡咸附乙巳七月 上乃以書與擴廓帖木兒曰曩者初無兵端尹煥章來得書惠綺即遣汪河同往為生者賀沒者吊安知去而不回復遣人去皆被拘留且閣下昔與李羅構戮雌雄未決尚以知院郭雲同僉任亮攻我景陵掠我沔陽予思此城雖元之故地久在他人之手予從他人得之非取於元也閣下外假元名內懷自造一旦輕我遂留前使予雖不較但以閣

國朝列卿紀 卷之二十八 三

下內艱未除猶出兵以欺我使其勢專力全又當何如閣下果若挾天子令諸侯創業於中原則當開誠心示羣落睦我江淮今乃遣竹昌忻都率兵深入淮城殺掠人民殆非所宜况有自中原來者備言張思道李思齊等連和欲專併閣下此甚可慮之秋安可坐使西北數雄結連關內反舍近圖欲趨遠利極力支吾非遠計也子嘗博詢廣采關中軍將欲為亂恐不利於閣下故再遣人叙我前意述我所聞閣下其圖之節次使命若總遣回庶不遺舊好惟恐然焉書至不遺丙午七月 上復遣使以書遺之曰曩者尹英章來隨遣汪河報禮至今不還予思閣下意當此之時寧羅提精兵往雲州與京師密通其勢必挾天

國朝列卿紀

卷之二十八

四

四九

子閣下恐在其號令中故力競若歸使者必泄其謀故留而不遣閣下豈不知春秋戰國家傑之士平世則講信修睦朝聘以時如季札至魯魯觀周樂韓起來聘因考周禮未聞有拘留之典也有事則遠交近攻合從連衡以恤鄰國以保宗社至於兵約戰使命往來猶恐後期相誤亦未聞有拘留者古人誠心相待如此惟春秋有鄭示絕於楚楚人執良霄漢屢伐匈奴拘蘇武此夷狄報怨之淺見豈意閣下反效之予亦不以此介意予嘗言齊有十二山河桓公因之以九合諸侯秦有百二山河西漢據之以一統天下三晉表裏山河晉文以世王霸業幽燕有居庸南阻三關天下都會此四要之地閣下兼得而跨有之

當留意於此閣下自以志高勢大傲然不答亦不復於此留心方且千里裹糧遠爭江淮之利是閣下棄我舊好而生新釁也兵勢既分未免力弱是以李羅雖死匪餘孽跳梁於西北鳳翔鹿臺之兵合黨而東出俞寶軼戰於樂安王仁逃歸於東齊幽燕無腹心之托若加之以南面之兵四面並起當如之何此皆中原將士來歸者所說豈不詳於使臣往復之詞耶閣下拘留使臣果何益哉意者閣下不過欲挾天子令諸侯以效魏武終移漢祚然魏武能使公孫康擒袁尚以服遼東使馬超擒韓遂以定關中皇后太子如在掌握中方能偽定中原閣下自度能垂紳搢笏決此數事乎恐皆出魏武下矣上古之為國者不獨君能斷於上臣亦善謀於下漢王成臯待楚使以草具待亞父使以太牢從陳平計也禮雖有厚薄未嘗有拘留也拘留之意雖出閣下亦可見謀臣又出陳平下矣事皆如此魏武之業豈得成哉倘能幡然改轍續我舊好還我使臣救災恤患各保疆宇則地利從可守後患從可緩為閣下利豈淺淺哉如或不然我則整舟楫乘春水之使命襄陽之師經唐鄧之郊北超許汝次安陸沔陽之兵掠德安向安息使安豐濠泗之將自陳汝擣汴梁徐邳之軍取濟寧淮安之軍約上信海道舟師會俞寶同入山東加以張李及天保奴腹心之疾此時閣下之境必至土崩瓦解是拘使者之計不利而反足以害矣惟閣下與諸君子

國朝列卿紀

卷之二十八

五

五九

同謀之毋徒獨斷以遺後悔書至仍不遣吳元年下未春。上復遣使以書遺之曰自古有匡天下之志必有容天下之量而後能成天下之功使其規模狹隘執見不廣未有能濟者也子起義以來拓地江右閣下之先以興復爲名提兵自起義以來拓地河北相去遼遠天各一涯繼聞令先王去世閣下克成其功且以尹煥章齋書致禮跋躄而來使子踴躍興起乃知閣下能行先王未行之事豈不爲之快然用遣江河致禮同往爲死者吊生者慶初非無故也今江河去而不還子初不能無疑然久而不得釋者正以此時子羅跋躄持國柄元之興替在其掌握故閣下以靜御動一則恐起天下豪傑之心二則恐出字

國朝列卿紀

卷之二十八

六

六

羅自爲之後江河之留自有說矣茲歷歲久終不見還乃知閣下執見不廣度量不弘何自信其始而不信其終耶子請復以古人之事言之昔春秋之世諸侯分治亦有以社稷爲重生靈爲念者故朝聘以時會盟以道且如魯襄公卽位之始衛使子叔晉使武子來聘襄公亦以季武子如衛穆叔如晉此交好之間未嘗執使者齊桓公伐楚行人來聘師乃次於陘此兵交之際亦未嘗執其使者古人豈不思一介之使不過將誠道意所拘者小所失者大也况閣下控守之地東連齊岱西拒秦隴北接幽薊南抵長河地非不遠兵非不多所慮者張思道操刃於滄關李思齊抗衡於秦隴俞寶之兵蓄變於肘腋王信之衆生

費於近郊恐閣下自以成功遂安如泰山置之不問坐使諸雄連結禍機一發首尾莫救此深爲閣下惜也所以數四遣人奉書讀聽者是子欲盡一得之愚於閣下閣下何爲自矜拘使不答問者起禍山東兵連秦隴幽并混撓鼎沸不寧此皆子前日屢告之言爲閣下今日明驗閣下何不取監焉抑又聞古之立事業者必求士之多聞博學以廣其才深謀遠慮以益其智今閣下用兵中原迄今十載幕下豈無其人乎使其有人不知以衛晉之於魯也爲何如魯之復命於衛晉也爲何如設曰各盡其禮則當爲落落竭忠言於閣下執此爲法卽遣能使卽日將命以江河錢禎等還豈惟不失前盟亦可取信於天下使其

國朝列卿紀

卷之二十八

七

七

不然又是取我南方之兵端爲彼後日之戰患禍網日嬰惡貫日積強敵益增仇讐不解閣下雖深謀如莽操詭計如懿溫英雄滿前何以取生功被天下守之以遜富有四海守之以謙况其爲臣者乎閣下其深思之書至仍不遣是年冬十月元罷擴廓帖木兒官奪其軍命諸將分統之擴廓退居澤州洪武元年一王師下河洛擴廓懼而西走定西始以河還河自癸卯歲奉使被拘於陝右至是凡六年抗厲不屈完節來歸 上嘉重之卽陞爲吏部侍郎河備陳虜中事且上方略擴廓竟取敗二年秋推陞爲御史臺侍御史數犯天威歷陳讜論內外諸政補益甚多九年 上以國之藩屏在衆建親臣四月乙丑九子一孫同

日授封晉王於太原控山帶河為韓魏趙之全壤地大且眾必簡朝之重臣為之傅庶以保王宮而制外間以河惟幄舊勳先使虜城忠節顯著繼在中臺功業懋隆遂拜為晉王相親御便殿面諭而臨遣之俾之先往繕城池立府寺備儀衛董官聯施政教以俟王出閣河領眷命誓殫心力時天下初定兵戈甫戢民力未舒晉又大藩百爾政務惟鉅惟難河以身任之威底成績其在王所也鞠恭盡瘁啓沃彌綸居數歲晉大治河卒以賢稱

史臣云夫人臣事君莫大乎忠義忠義之士上通天道下察人倫而識其大者故其心烈其氣嚴其節勁厲其行偉傑其身徇

國朝列卿紀 卷之二十八

八

國不携貳於禍患不怵迫於威武是故軍旅不避難朝廷不設君遇事變不偷生使強國不辱命方攬廓帖木兒遣使通好江河報聘為擴廓者敬遇之可也亟歸之可也審圖而徐遣之亦可也顧以梟獍不義之情肆為執留禁閉之計當是時虜兵橫騖南北勢均以匹夫而罹其患非有貫日之忠抗雲之節幾何不為其威惕而力屈哉河則握忠秉貞誓死守義頭可斷而志不可奪歲愈遷操愈固雖蘇武之寓匈奴洪皓之在金國其凌奮激烈亦不是過忠肝義膽簡在上心是以爵祿加於始還任用隆於益久蓋旌善以勸天下其道當然也於戲水因宗海雖百折而必東臣不負君縱九死而弗悔愚嘗竊論河之不屈

於黠虜也可謂識其大者其視虞楚公之不屈於偽吳也如畫一後之讀其事者想其風采猶負松粹壁真可敬而仰哉

程徐字仲能浙江寧波府鄞縣人由元翰林院從事發身太史院校書郎遷奉禮郎為中書曹掾從太史丞相軍擢禮部主事改刑部復改戶部陞中書檢校官拜監察御史陞本臺都事出掌江西憲以才諳稱於時太傅左丞相河南王承制起為兵部右侍郎不赴後召為國子司業至京改任詳定使進兵部尚書上輕車都尉廣平侯鄆縣男疏乞致仕入國朝 太祖高皇帝以才名召見命為吏部侍郎洪武二年 上以孔子釋奠止令行於曲阜孔廟天下不必通祀徐上疏極諫 上允其奏改刑

國朝列卿紀 卷之二十八

九

部侍郎三年陞刑部尚書本年以壽終為人精勤通敏劇繁治劇事無留滯能文尤工於詩歌有遺集傳後詳國初刑部

李廷桂字

河南河南府洛陽縣人洪武二年任吏部侍郎

李仁見尚書洪武三年任

李思迪字

山東濟南府歷城縣人故元進士為國子生教授洪武元年以故官入京授起居注三年陞吏部侍郎四年謝

山西行省參議以事降丹徒知縣坐出入人罪安置閩中十一年召訓國子生尋卒於官

顧貞字

人洪武三年任

李兵字

人洪武初薦舉四年陞吏部侍郎

宋駢字 人洪武初舉人才六年陞吏部侍郎

朱德潤字 直隸揚州府泰興縣人洪武初舉人才六年授

考功郎中陞吏部侍郎

董幼安字 人洪武初入仕八年陞吏部侍郎

張度詳本部尚書洪武九年任吏部侍郎

陸讓字 人洪武初舉人才十三年陞吏部侍郎

任源字 山西洮州武鄉縣人洪武戊午鄉舉十三年陞吏部

都右侍郎十四年卒於官

韓膺字 山東萊州府平度州人洪武中舉人才十四年任

吏部侍郎

李信詳本部尚書洪武十四年任吏部侍郎

高遜志字士敏直隸徐州蕭縣人元末僑寓嘉興幼嗜學從父

宦遊吳中師事宣城貢師泰都陽周伯琦遂昌鄭之佑為文有

規模成一家言以薦起鄧山書院山長洪武二年徵修元史授

翰林院編修十六年命署吏部侍郎事尋以疾歸三十年起翰

林侍讀學士建文中陞太常寺少卿與正卿黃子澄定國難夙

夜匪懈庚辰同大學士董倫主考會試得楊榮胡廣楊濬金幼

國朝列卿紀 卷之二十八 十 蕭奉 三十一

攷胡濙顧佐皆為名臣靖難兵起不知所終

劉逢吉字 人洪武十六年試吏部侍郎

王珪字 人洪武十六年任吏部侍郎

趙迪字 河南河南府宜陽縣人初姓張勤學好問見重師

友洪武甲子歲貢入太學十九年奏事稱旨試考功郎中尋擢

吏部侍郎二十二年免

侯庸字景中山東萊州府膠水縣人洪武乙丑進士授吏科給

事中有才幹二十二年命署吏部左侍郎事二十三年致仕

陳敬詳本部尚書洪武二十三年任二十六年致仕

傅友文即傅益以字行陝西西安府臨潼縣人洪武初由貢入

國朝列卿紀 卷之二十八 十一 傅 三十一

太學授戶部主事二十五年擢戶部右侍郎二十六年改吏部

右侍郎本年坐奸黨藍玉伏誅

翟善見本部尚書洪武二十六年以文選員外署尚書事善於

其職陞侍郎仍署部事

田炯字 山西大同府大同縣人洪武中由貢入太學試楷

勳郎中二十六年陞吏部左侍郎二十一年免

鄭昌字 山西潞安府襄垣人洪武二十一年歲貢試考功

員外郎二十七年陞吏部左侍郎 年致仕

湯仲行字 浙江湖州府歸安縣人洪武三十年以稅戶入

才拜吏部右侍郎三十一年免

王謙字

人洪武三十一年陞吏部右侍郎

茅大芳字

南直隸泰興人洪武中以儒士應辟典教

考績入朝

太祖召對而悅之擢秦府右長史制詞褒美且

以董子輔相德業賜賚朝待之者甚寵方孝孺稱其志意偉然

深有得於正誼明道之旨革除元年擢右副都御史改吏部左

侍郎死靖難

練子寧名安以字行江西臨江府新淦縣人性英邁不凡幼從

鄉長者竹庄先生游竹庄命賦水竹居歌即有千山暮雨石泉

通一夜春雷響龍長之句竹庄大異之後游邑岸與金幼孜相

友善嘗謂之曰子後必為名臣吾嘗為忠臣洪武甲子領鄉薦

國朝列卿紀

卷之二十八

十一

明年對大廷極言朝廷今日用人徇其名而不求其實以小善

而遽進之以小過而遽戮之因力陳古人所以教養任用之道

言甚剴切 太祖嘉之擢置第二名進士及第授翰林修撰子

寧益以名節自砥礪由是聲望蔚然中外咸以文學行義稱之

滿三載丁母憂杜門屏跡力行古喪禮服闋仍除修撰建文帝

立用廷薦拜吏部左侍郎子寧進賢退不肖多所建白革除二

年辛巳罷都察院典刑獄改為御史府如唐宋御史臺故事職

專糾察子寧初調都御史靖難師起日夕畫策防禦曹國公李

景隆奉命出師至北方密通款藩府賣國喪師謀秘未露子寧

一日於朝班內執景隆前數之請速加誅建文帝不聽子寧

叩頭大呼曰賣陛下者必此賊臣備員執法不能除奸請先伏

誅 上不樂罷朝北師渡淮廷中倉皇失措靖江王府直史蕭

用道衡王府紀善周是修上書論大計指斥用事者誤國書下

廷臣齊黃輩怒詬兩人子寧從傍沮之曰國事至此吾與公輩

罪不可逃尚怒言者乎顧所論吾過有則改之無則加勉耳訴

者愧而止 成廟即位李景隆於上前必欲殺之詔治奸黨子

寧不屈詆上不忠孝遂族誅詳國初都察院

毛泰字泰亨 人建文三年擢吏部左侍郎靖難師

入城與兵部尚書齊泰協謀守禦壬午年 成祖入正大統列

左班文臣奸臣榜就戮赤其族

國朝列卿紀

卷之二十八

十三

塞義詳本部尚書建文三年任右侍郎壬午年轉左

陳洽字叔遠直隸常州府武進縣人自幼端重不為兒戲讀書

力學淹貫羣籍尤工於書法弱冠用薦舉擢給事中命點軍卒

過其目輒識其面且記姓名弗忘有再至輒笞之叱令其去總

戎懼請罪洽上其事 太祖嘉之賜織金鴻鶴衣一襲又奏凡

大臣犯重罪雖蒙 恩宥不宜仍列本班必少加降抑以示勸

懲 上從之詔叙列八品九品班後洪武丙子父以真戍五開

沒洽觸瘴癘冒危險間關五千餘里竟負骨歸葬焉未幾少保

兵部尚書茹瑄薦其才可大用遂奪其情起復授文選司郎中

壬午年 成祖入正大統首陞為吏部右侍郎階嘉議大夫量

才陞官銓衡惟允復署地官事益有聲永樂三年乙酉遷大理寺卿待法平恕民無告冤四年丙戌交趾黎賊構逆朝廷興師問罪命覘賊蹤跡調土兵三萬以佐總戎五年黎賊就俘交趾遂平改吏部左侍郎除交趾流官既還命掌春官事論功定賞人無間言繼署冬官名譽尤振歲己丑交趾餘寇簡定作亂仍命英國公張輔率師討之洽實參贊機務遂擒其兇渠簡定而還時北寇猖獗車駕親征承命偕英國公訓練士卒於塞外辛卯復往鎮交趾以慈和緩輯其民先教化而後刑法夷人安之蠻俗爲之不變而窮阨荒裔絃誦之聲相聞乙未還京師以功陞兵部尚書詳國初兵部

國朝列卿紀 卷之二十八

十四

許思溫

許思溫字叔離直隸蘇州府吳縣人洪武二十九年以貢入太學選署刑部事尋除監察御史以事改揭陽知縣革除中復原職陞北平按察司副使成祖靖難擢署大興縣事奉勅集永平所屬民丁守禦多竭勞勩永樂元年以城守功陞北京行部左侍郎本年擢表入慶改吏部左侍郎二年命兼左春坊左贊善署尚書事六年卒於獄洪熙初追贈吏部尚書遣官祭其墓官其子俊爲大僕寺丞

師達詳南京戶部尚書永樂元年任右侍郎二十二年陞南京戶部尚書

國朝列卿紀卷之二十八終

國朝列卿紀卷之二十九

吏部左右侍郎年表

師達	山東東阿人監生永樂五年任
郭璉	詳尚書永樂
黃宗載	江西豐城人進士永樂二十二年
王讓	山東益都人鄉舉宣德
鄭誠	江西南城人鄉舉宣德
魏驥	浙江蕭山人鄉舉正統三年
洪璵	浙江淳安人進士正統
李敷	順天涿州人鄉舉王
張用瀚	河南鄭縣人進士正統九
趙新	浙江富陽人鄉舉正統十年
曹義	應天句容人進士正統十年
何文淵	詳尚書正統
俞山	浙江秀水人鄉舉正統十四年
項文曜	浙江淳安人進士景泰二年
李賢	河南鄆州人進士景泰五年
孫弘	陝西渭南人鄉舉天
姚夔	詳尚書天
崔恭	兄尚書天順四

尹	詳尚書天順七年 右成化五年左	葉	直隸崑山人進士成化五年 右九年左十年卒謚文莊	劉	山東壽光人進士成化十年左 太子太保戶部尚書文淵閣大學士卒詳內閣	陳	福建莆田人進士成化九年右 十三年陞南京戶部尚書詳南京吏部	黃	福建閩縣人進士成化十一年右 三年左十六年陞南京戶部尚書	耿	詳尚書成化十三年 年右十六年左	黎	湖廣華容人進士成化十六年右 十一年改南吏左歷南京禮部尚書	徐	直隸宜興人進士成化二十二年左 入閣歷少師吏部尚書華蓋殿大學士詳內閣	劉	江西安福人進士成化二十二年右 年左弘治三年陞南京工部尚書卒謚文懿	楊守陳	浙江鄞縣人進士成化二十二年右 弘治二年左卒贈禮部尚書謚文懿	國朝列卿紀 卷之二十九		張	直隸華亭人進士弘治二年右 右都詳南京兵部尚書加太子少保卒謚莊簡	彭	福建莆田人進士弘治三年左 陞刑部尚書卒贈太子少保謚惠安	周	山西陽曲人進士弘治五年右 陞戶部尚書加太子太保卒贈太保謚文端	吳	直隸長洲人進士弘治六年右 治六年右七年丁憂	秦民悅	直隸舒城人進士弘治七年右 治七年右本年丁憂	侶	山東鄆城人進士弘治八年 右九年左十一年陞右都	吳	見前弘治九年再右 掌詹事歷禮部尚書兼學士卒謚文定	秦民悅	見前十一年右 尚書歷南京兵部戶部卒謚莊簡	林	福建閩縣人進士弘治十二年右 南京吏部尚書歷南京兵部卒贈太子太保謚文安	韓	山西洪洞人進士弘治十三年右 京兵部尚書改戶部加太子太保卒贈太傅謚忠定
---	-------------------	---	---------------------------	---	------------------------------------	---	---------------------------------	---	--------------------------------	---	--------------------	---	---------------------------------	---	--------------------------------------	---	-------------------------------------	-----	----------------------------------	-------------	--	---	------------------------------------	---	--------------------------------	---	-----------------------------------	---	--------------------------	-----	--------------------------	---	---------------------------	---	-----------------------------	-----	-------------------------	---	---------------------------------------	---	---------------------------------------

王	直隸吳縣人進士弘治十二年右 右十六年丁憂	焦	見尚書弘治十六年 年左歷內閣少師	梁	廣東順德人進士弘治十六年右 詹事入閣歷少師華蓋殿大學士卒贈太師謚文康	王	見前正德元年左 傳戶部尚書謹身殿大學士卒贈太傅謚文恪	江	浙江仁和人進士正德元年右 年陞南禮部尚書卒贈太子少保謚文昭	白	直隸南宮人進士正德二年右 禮部尚書加太子少保卒贈太子太保謚文裕	張	詳尚書正德三年左	王	詳尚書正德三年右	柴	河南內鄉人進士正德三年右 南京禮部尚書歷南京兵工二部贈太子少保	孫	湖廣鍾祥人進士正德四年右 京吏部尚書戶部尚書加少保卒謚榮倍	國朝列卿紀 卷之二十九		李	山西澤州人進士正德五年右 本年陞南京戶部尚書贈太子少保	靳	直隸丹徒人進士正德五年右 閩歷太子太保武英殿大學士卒贈太傅謚文信	傅	直隸清苑人進士正德五年右 陞禮部尚書卒贈太子少保謚文毅	劉	四川巴縣人進士正德六年右 禮部尚書加太子少保卒贈太子太保謚文簡	蔣	廣西全州人進士正德六年右 年掌詹事尋入閣歷少師謹身殿大學士	王	山東沂州人進士正德八年右 都歷左都御史加太子太保卒贈少保謚恭靖	毛	直隸太倉人進士正德九年右 十年左十二年陞禮部尚書	毛	山東掖縣人進士正德十年左 入閣歷少保武英殿大學士卒贈太保謚文簡	王鴻儒	河南南陽人進士正德十年右 左十四年陞南京戶部尚書謚文莊	廖	詳尚書正德十二年 年右十四年左
---	-------------------------	---	---------------------	---	---------------------------------------	---	-------------------------------	---	----------------------------------	---	------------------------------------	---	----------	---	----------	---	------------------------------------	---	----------------------------------	-------------	--	---	--------------------------------	---	-------------------------------------	---	--------------------------------	---	------------------------------------	---	----------------------------------	---	------------------------------------	---	-----------------------------	---	------------------------------------	-----	--------------------------------	---	--------------------

羅欽順	詳尚書正德十一年 年右十六年左
秦金	直隸無錫人弘治癸丑進士正德十六年推 本部右未任歷南京兵部尚書加太子太保
胡世寧	浙江仁和人進士正德十六年推本部右未任 歷兵部尚書加太子太保卒贈少保諡端敏
汪俊	江西弋陽人進士嘉靖元年 年左二年陞禮部尚書
何孟春	湖廣郴州人弘治癸丑進士嘉靖 元年右三年左本年改南京工左
賈詠	河南臨潁人進士嘉靖二年左三年 掌詹事入閣歷少保武英殿大學士
孟春	山西澤州人弘治丙辰進士嘉 靖三年右尋轉左六年致仕
汪偉	江西弋陽人俊弟弘治丙辰 進士嘉靖三年右本年致仕
溫仁和	四川華陽人進士嘉靖三 年右六年左本年省親
桂萼	見尚書嘉靖六年 左歷內閣少保
國朝列卿紀 卷之二十九 四	
方獻夫	見尚書嘉靖六年 左歷內閣少保
董玘	浙江會稽人弘治乙丑進士嘉 靖六年右尋轉左九年丁憂
徐祐	江西鄱陽人弘治己未進士嘉 靖六年推本部右未任致仕
唐龍	直隸吳縣人弘治乙丑進士嘉 靖七年右九年左十年開仕
嚴嵩	江西分宜人弘治乙丑進士嘉靖十年左本年 陞南京禮部尚書歷內閣少師華蓋殿大學士
周用	詳尚書嘉靖十 年右十一年左
許誥	河南靈寶人尚書進子讚兄弘治己未進士嘉靖十 一年右本年陞南京戶部尚書贈太子太保諡莊敏
張潮	四川內江人正德辛未進士嘉靖十一年右 十二年終養十五起復補右十六年轉左
席春	四川遂寧人正德丁丑進士 嘉靖十二年右本年致仕

張邦奇	浙江鄞縣人進士嘉靖十二年右十五年左 見前嘉靖十五年以左侍郎掌部事歷禮部
溫仁和	尚書加太子少保卒贈太子太保諡文恪
張潮	見前嘉靖十五年右十六年左二十 年掌翰林院歷禮部尚書兼學士
李如圭	湖廣澧州人弘治己未進士嘉靖十 六年右十七年遷戶左歷戶部尚書
顧璘	應天上元人弘治丙辰進士嘉靖十七 年推本部右未任歷南京刑部尚書
歐陽鐸	江西泰和人正德戊辰進士嘉靖十九 年右二十年致仕卒贈工尚書諡恭簡
王學夔	江西安福人進士嘉靖二十一年左二十 四陞南京禮部尚書歷南京吏兵二部
張治	湖廣茶陵人進士嘉靖二十一年右 二十三年左掌翰林院事詳內閣
徐階	直隸華亭人進士嘉靖二十三年右二十 四年左二十六年掌翰林院歷內閣少師
國朝列卿紀 卷之二十九 五	
韓邦奇	陝西朝邑人正德戊辰進士嘉靖二十四 年右二十五年陞右都歷南京兵部尚書
劉儲秀	陝西咸寧人正德甲戌進士嘉靖二十五 年右二十六年本年總儲歷兵部尚書
王道	山東武城人正德辛未進士 嘉靖二十六年右本年卒
潘瓚	直隸安源人正德辛巳進士嘉靖二十六 年左二十八年陞戶部尚書歷南京吏兵二部
丁汝夔	山東霑化人正德辛巳進士嘉靖二 十六年右二十八年陞兵部尚書
王邦瑞	河南宜陽人正德丁丑進士嘉靖二十 八年右二十九年左本年陞兵部尚書
李默	詳尚書嘉靖二十 九年右本年左
應大猷	浙江德清人正德甲戌進士嘉靖二十 九年右三十年左本年陞刑部尚書
葛守禮	山東德平人嘉靖己丑進 士三十年右三十二年左
程文德	浙江永康人嘉靖己丑進士三十一 年左三十二年改兼學士掌詹事府

孫	陞	浙江餘姚人嘉靖乙未進士
郭	朴	河南安陽人嘉靖乙未進士
鄭	曉	浙江海鹽人嘉靖癸未進士三十四年
吳	山	江西高安人嘉靖乙未進士
孫	陞	見前嘉靖三十五年
馮	天馭	湖廣蘄州人嘉靖乙未進士
茅	瓚	浙江錢塘人嘉靖戊戌狀元
袁	燁	浙江慈谿人嘉靖戊戌
嚴	訥	見尚書嘉靖四十年
張	永明	浙江烏程人嘉靖乙未進士四十年
國朝列卿紀 卷之二十九		
李	春芳	直隸興化人嘉靖丁未狀元四十年
朱	衡	江西萬安人嘉靖壬辰進士四十年
毛	愷	浙江江山人嘉靖乙未進士四十年
胡	松	直隸涿州人嘉靖己丑進士四十年
吳	嶽	山東汶上人嘉靖壬辰進士四十五年
陸	樹聲	直隸華亭人嘉靖辛丑會元四十五年
王	本固	直隸邢臺人嘉靖甲辰進士隆慶元年
殷	士儋	山東歷城人嘉靖丁未進士隆慶元年
林	燦	福建閩縣人嘉靖丁未進士隆慶二年
陸	樹聲	見前隆慶二年

呂	調陽	廣西臨桂人嘉靖庚戌
靳	學顏	山東濟寧人嘉靖乙未進士隆慶四年
張	四維	山西蒲州人嘉靖癸丑進士隆慶四年
魏	學曾	陝西紫陽人嘉靖癸丑進士隆慶四年
劉	光濟	直隸江陰人嘉靖甲辰進士隆慶五年
諸	大綬	浙江山陰人嘉靖丙辰狀元隆慶六年
陶	大臨	浙江會稽人嘉靖丙辰榜眼萬曆元年
丁	士美	直隸清河人嘉靖己未狀元萬曆二年
何	維栢	廣東南海人嘉靖乙未進士萬曆二年
馬	自強	陝西同州人嘉靖癸丑進士萬曆三年
國朝列卿紀 卷之二十九		
陳	炯	江西臨川人嘉靖辛丑進士萬曆三年
申	時行	直隸吳縣人嘉靖壬戌狀元萬曆五年
嚴	清	雲南後衛人嘉靖壬戌狀元萬曆五年
姚	弘謨	浙江秀水人嘉靖癸丑進士萬曆五年
沈	應時	河南衛人嘉靖庚戌進士萬曆六年
余	有丁	浙江鄞縣人嘉靖壬戌狀元萬曆八年
趙	賢	河南汝陽人嘉靖丙辰進士萬曆八年
王	篆	湖廣夷陵人嘉靖壬戌進士萬曆九年
陳	經邦	福建莆田人嘉靖乙丑進士萬曆十年
張	士佩	陝西韓城人嘉靖丙辰進士萬曆十年

一第... 冊... 頁...

王家屏 山西山陰人隆慶戊辰進士萬曆十

沈 鯉 河南商丘人嘉靖乙丑進士萬曆十一年任右

陸光祖 浙江平湖人嘉靖丁未進士

李世達 陝西涇陽人嘉靖丙辰進士萬曆十

沈一貫 浙江鄞縣人隆慶戊辰進士萬曆十二年任右十

吳時來 浙江德居人嘉靖癸丑

朱 賡 浙江山陰人隆慶戊辰進士萬曆十五

趙 煥 山東掖縣人嘉靖乙丑進士萬曆十

徐顯卿 直隸長洲人隆慶戊辰進士萬曆十六

于慎行 山東東阿人隆慶戊辰進士萬曆十

國朝列卿紀 卷之二十九 八

孫 鏡 浙江餘姚人嘉靖丙辰進士萬曆十

趙志皋 浙江蘭谿人隆慶戊辰進士萬曆十

東貞吉 江西南昌人嘉靖己未進士萬曆十

王川汲 福建晉江人隆慶戊辰進士萬曆十八年由

吏部左右侍郎行實

師達字九達山東兗州府東阿縣人洪武二十五年以國子生

擢監察御史歷兵部右侍郎壬午年 文皇入正大統改吏部

右侍郎為人有德量協尚書舉義持衡公平人不可干以私永

樂四年命採木湖廣七年命督北征餽運十一年十五年十八

年 車駕巡狩北京俱扈從行在自十五六年以後 文廟有

病多不出扈從之臣放肆無顧藉請託賄賂公行無忌此事已

徹九重俱未發露惟達砥礪廉隅苞苴不敢入上深重之會十

八年定鼎北京 仁宗入覲即問兩京臣寮有能守廉否對曰

無敢不守 上曰扈從來此者賄賂競行其能守廉惟吏部侍

國朝列卿紀 卷之二十九 九

郎師達一人汝當知之及二十二年 仁宗嗣位陞南京戶部

尚書兼署吏部事益有所本云餘詳南京戶部

郭進詳尚書永樂二十三年左

黃宗載字 江西南昌府豐城縣人洪武丁丑進士授行人

歷官左右司正永樂癸未授湖廣按察僉事務以德化人尋以

不糾都指揮吳平貪暴謫楊青驛癸巳起山東道御史侃侃自

持尋丁祖母憂奪情改貴州道 宣宗正位東宮選充輔導權

詹事府丞永樂二十二年陞行在吏部左侍郎時少師蹇義猶

兼領吏部事多倚之宗載協力一心進退人才必合公論不苟

為異同故一時號得人洪熙元年 賜誥命制詞有清濂平想

公謹厚重之褒是年遣祀夏禹及南鎮會稽山因賜鈔八百錠俾歸焚黃於墓下其後嘗奉命往浙江理軍政及伐官殿大材於湖湘設施措置舉不失其宜故事集而民不告勞宣德十年英宗嗣位顧南京根本重地建置百司以吏部為之首宜得謹厚大臣往蒞之九月以命宗載陛辭之日詔進吏部尚書以行餘詳南京吏部

王讓字宗禮山東青州府益都人幼勤敏端恪讀書日積寸馳聲庠序間事親有孝行嘗廬墓致涌泉之應洪武末由鄉薦授國子學錄施教以孝為先文藝書翰皆在所略諸生有以羅難告者讓一聞涕淚輒下以故多所感化永樂十年八月癸酉

國朝列卿紀

卷之二十九

十

孫李

文皇帝特簡侍 皇太孫讀書大司成胡儼薦讓孝行 上謂侍

臣曰孝者百行之原也君子之所當則也故詩曰有孝有德朕聞讓孝於其親故擢用之讓在講筵首陳堯舜之道惟在孝弟人主躬行孝弟則天下感化不勞而治每談經必端凝拱立敷宣明暢 皇太孫敬而愛之時同事之臣陳山張瑛以順 旨被寵戴綸林長懋則強諫不少詭隨惟讓謙卑自牧簡默寡言每進規諷亦委曲切中事情 皇太孫欽容聽之益加禮重及扈從北行常被 召見厚加賜予十八年九月甘泉縣學教諭張昱東阿縣學韓岫永年縣學教諭劉順皆被 簡擢為國子博士侍 皇太孫讀書讓雖先進以官序折節下之意每恬

也二十二年始陞北監助教洪熙初 皇太孫正位東宮讓進左春坊庶子未幾 東宮卽位是為 宣宗章皇帝宣德改元以輔導功首陞讓為吏部右侍郎山瑛及綸等皆居其次時讓同官黃宗載負才學尚氣樂讓每退遜宗載遂和衷交好日密居部二年因浙江秋租負欠積多 命督理未幾卒於官特七十四讓言若不出諸口而禔身素履人所不及游歷榮顯恭儉若布衣時為上簡注未嘗矜耀忠亮清介始終如一士林重之

鄭誠字文質江西建昌府南城縣人自少刻志問學選為邑庠生究春秋之旨同輩自以為莫及永樂辛卯應鄉薦入為太學生夙夜淬礪器宇日充歷事冬官以勤慎自效擢為吏部司務

國朝列卿紀

卷之二十九

十一

別德

於職克稱尋以侍郎師達薦陞考功員外郎誠雖年少居要職動履謙恭事先輩以禮課公責實無所徇人以是多之未幾丁內艱痛念母疾弗克躬侍湯藥哀毀逾禮及葬陰雨不止號泣顛天天稍霽人以爲孝感所致制未終特起改文選員外郎尋轉郎中時同官孫瑛號稱狷介少許可於誠獨加敬讓宣德丁未歸省還朝仍故職五年庚戌以少師蹇義薦為吏部右侍郎選任精審敷奏詳明尤為眾所推 宣廟嘗召問庶官品級及居職者賢否誠歷對稱旨遂受寶帶襲衣之賜十年 英宗嗣位益致公勤雖故舊執贖見却不納鄉人有為太學生者於誠有宿怨及當受官自謂必見抑誠惜其才擢真五品其所守所

行類此正統戊午十一月以疾卒於官 上遣禮部尚書胡濙致祭仍命有司治葬事大學士楊士奇作墓志稱其御史不威而嚴下亦莫之敢欺權貴有所干不肯苟徇親故有干弗得者造誣騰誹知而弗校友諸弟事師如父交友以誠有淪落憂患者極力扶之遇名賢子弟率異視之其天性仁厚如此

魏驥字仲房浙江紹興府蕭山縣人永樂乙酉舉人授松江府學訓導陞太常寺博士歷行在吏部考功司員外郎擢操介以直道自持不與俗浮湛名徹公卿間久之陞南京太常寺少卿正統三年陞行在吏部左侍郎八年以老辭調南京吏部左侍郎歷尚書致仕卒謚文靖為時名臣詳南京吏部

國朝列卿紀 卷之二十九

十一

洪璵字宗器浙江嚴州府淳安縣人悉父堪登洪武丁丑進士拜監察御史父源以貢授江西安仁掌教璵自幼聰敏不伍羣兒歲丙申源以考績調福州府學時璵年已弱冠侍父肄業越四載積學有成乃貫宦籍領闕鄉薦明年辛丑登進士第為人疎慢好褒貶人以才學自負人言不慚授刑曹主事自矜其高癸卯改工部都水司督陝西邊稅回見大學士楊士奇大言其設施之法士奇不考其實異之正統元年薦充經筵講官預修宣廟實錄丁巳轉翰林侍讀荷殊錫 龍章御書寶鈔織金等物尋 命主考京闈庚申超擢吏部右侍郎及秉銓衡驕矜愈甚士林咸惡之壬戌母夫人故陳情守制遣行人尚禱 諭祭已

丑服闋丹次京畿張家灣以士奇故鬱鬱而頽年五十有二李敬字居學順天府涿州人生五歲始能言為州學生永樂公未經魁入國子監因言事切直受知 仁廟命有司給以脚力每朔望率諸生朝見後授京衛經歷陞戶部主事歷禮部員外郎持已嚴厲臨事剛決銳於建立十七年陞江西右叅議所至吏奸民隱纖微洞燭號令必行無能撓者宣德二年陞四川右布政使益礪廉隅官中物不私一毫志鋤奸豪有犯法者繩之不少貸蜀人稱為鐵面李在川中十六年威惠並行治體用張正統八年召為吏部左侍郎協王文端公直持衡公平人有定守後以疾卒於官

國朝列卿紀 卷之二十九

十一

張用瀚字志恭河南南陽府郊縣人宣德癸丑進士授戶部主事正統元年進員外郎出納謹傍操守不渝四年調吏部考功司員外郎六年陞驗封司郎中於公侯襲爵及百官封贈知守舊章不敢執法尚書王直喜其謹厚特薦陞吏部右侍郎未幾同官忌之構以罪戾謫陝西右叅議歷叅政卒於官趙新字日新浙江杭州府富陽縣人永樂乙酉舉人入國子監與修永樂大典十一年授工部屯田司主事二十一年陞吏部稽勲司郎中宣德五年陞行在吏部右侍郎巡視江西地方討平蠻寇兼督稅糧察吏治詢民瘼定征歛蠲浮費勸民出粟賑饑議以漕淮之舟順載江西之粟兵農兩利正統四年改南京

吏部右侍郎六年調南京禮部八年丁父憂十年起復留吏部
右侍郎怙勢自用時考功郎中彭勗負時名行事公直與新不
合新面以言誘之勗曰勗所知守成憲耳狗時于位非素志遂
奏調勗為郡不報已竟補山東副使士論不平尚書王文端重
之莫能主十三年江淮多事出為江淮巡撫

曹義字子宜應天府句容縣人永樂乙未進士改庶吉士歷翰
林院編修轉儀制司主事仍直翰林宣德乙卯陞吏部文選司
員外郎遂專職銓選大學士楊士奇最重之每與商論人物別
白賢否必據其實有不協者反覆不已楊樂從之正統癸亥知
者薦為浙江叅議 上特留之明年陞文選司郎中又明年陞

國朝列卿紀

卷之二十九

十四

鄧文誠

吏部右侍郎士大夫相慶以為得人義盡心率職品量人物鮮
有不當時泰和王直為尚書以義精選法凡黜陟賢否一以正
之然義事王甚謹於事可否非經咨決不輒行以故王待之益
厚且密嘗謂人曰曹公端人也已巳秋北虜犯京師奉 勅提
督官軍守衛正陽崇文二門晝夜不遑寧處者凡十餘日防範
嚴謹虜不敢近尋轉左侍郎時常多事之秋屢有建白其見
諸施行者人用悅服景泰改元陞南京吏部尚書詳南京吏部
何文淵詳尚書正統十四年左

俞山字積之浙江嘉興府秀水縣人自幼風骨秀爽志趣不凡
弱冠補郡庠生治春秋從西園李先生講學專業不懈至忘寢

食踰年即得與義永樂癸卯領鄉薦以祖妣周氏年老不忍去
左右就養者三載宣德丁未乃入太學時祭酒四明陳敬宗師
道尊嚴慎許可六館之士肅然惟待山以色庚戌春遂中乙榜
人或諷之曰以子之才乃屈就邪山曰命也不可強遂得蘇之
崑山訓導崑山之士樂其善教莫不爭先奮勵底於成俄丁外
艱諸生有隨之抵家受業者正統丙辰服闋調常之宜興時親
友楊氏適主師席遂同心率教士習不變未幾丁祖母憂宜興
之士思之不置爭請提學御史留之弟果正統庚申服除赴京
時朝廷嚴 勅吏部擇儒官以輔親藩人皆托故避之山曰願
晦自有定數吾何避為遂選擇邸王府伴讀既居其職若將終

國朝列卿紀

卷之二十九

十五

劉文誠

身日勤講說不少較微窘略不介意弟子從遊者益眾正統
己巳 景帝嗣位進鴻臚左寺丞時都御史楊善掌寺事雅重
之薦陞左少卿踰月拜吏部右侍郎尋轉左侍郎壬申易儲進
太子少傅復 賜誥命進階資善大夫久之忽嬰風疾 朝廷
屢遣太醫往視景泰乙亥上疏乞骸骨不許且慰留之踰年請
之益切人或謂曰委任方隆疾已漸瘥何苦欲休休山曰隆替相
尋亦理之常吾非不戀明時揣分宜休况以疾乎復上疏懇辭
賜乘驛舟以歸卒於途天順改元十月九日年五十有九山為人
敦厚簡靜在藩邸時常行義經書纂成講章尤善諷諫屢有裨
益及顯用之日不市私恩人皆稱為長者景泰初議迎復之禮

奮然曰鑿與回則人心安力贊其成言官有持正被嫉者曲爲調護竟致顯用其佐銓衡人才多所拔用未嘗自言曰薦賢爲國豈爲私也但易儲之際食官保而不言不免蹈患失之戒云項文曜字應昌浙江嚴州府淳安縣人性穎悟絕倫年十九以春秋擢鄉試第二宣德八年癸丑登進士觀政兵部尚書王驥奇其才俾修馬政復奉使西洋各以能稱授兵部主事未幾征麓寇及整飭遼東邊備皆著勞効尋除本部職方司郎中正統十四年北狄犯邊車駕北狩時于謙爲兵部尚書喜其有才遂陞兵部右侍郎爲人機警善因事以成謙之美故謙多信任之景泰二年吏部缺右侍郎時欲用文選郎中李賢因嫌於陞本

國朝列卿紀 卷之二十九 十六

部與王直並又因謙薦文曜遂調陞吏部陞李賢爲兵部右侍郎代文曜及至吏部何文淵同王直爲尚書見寵於景帝復阿附之三年以易儲轉左兼少詹事言官劾其險邪謙力庇之訓導吾豫景泰中應薦至京以屢言邊事兵部奏宜邊用而在邊久不得支俸請於吏部文曜曰是嘗覺我兵部者何可與之王直曰官必有俸自須與之然竟亦莫能與也及英廟復辟給事中王鎮等劾文曜爲謙黨都御史蕭惟禎亦太監曹吉祥所薦引文致謙罪以爲欲行主立外藩依謀反者律凌遲處死文曜爲知于謙謀反故縱者律斬奉旨謙處斬文曜免死後口外永遠充軍

李賢字原德河南南陽府鄧州人宣德癸丑進士正統丙辰授吏部驗封司主事會有旨文武誥勅三年不得請必候九年者賢以職守所在復上言此獎勵臣下之良法若候九年則得者恒少不得者恒多廉貪不分勸懲不立乞仍舊使後卒從賢言乙丑陞考功郎中踰兩月丁母憂久之轉文選郎中候終制赴京賢官吏部更三任率公暇手不釋卷尚書王文端公直以公輔期之而少師楊文貞公每以不識賢爲歉南陽知府陳正倫文貞友也因要賢往見之賢不肯曰無一面之雅而造門是求知也士大夫兩賢之辛未冬以廷薦陞兵部右侍郎上申奉命察四川有司之不職者癸酉還京改戶部甲戌轉吏部右侍郎

國朝列卿紀 卷之二十九 十七

詔頒君鑑錄於羣臣賢釋其中善可爲法者二十二君又詮其最切者數事曰鑑古錄上之蓋深有意效忠於上爲孝友恭儉之事而力莫能與英宗復位一時輔臣多竄殛遂以人望召賢兼翰林院學士入內閣典機務未幾進吏部尚書仍兼學士六月爲石亨等構陷謫福建右叅政未行留爲吏部左侍郎踰月復入閣詳內閣孫弘字崇道陝西西安府渭南縣人宣德己酉舉人授肥縣知縣以才力有餘改知洛陽縣性員活不羈善順指上官意素無實惠及民景泰元年考滿赴京時石亨爲總戎以鄉戚囑吏部陞太僕寺丞七年又管陞太僕寺少卿天順元年石亨等

門奉 英宗復辟貪天之功管陞工部左侍郎弘帖勢管陞驟致通顯其為清論所斥二年丁憂 上召學士李賢曰孫弘豈勝吏部賢曰誠如聖諭 上又恐其謀奪情即令守制五年謫大理府通判

姚夔詳尚書天順二年任左

崔恭見尚書天順四年任右五年轉左

尹旻詳尚書天順七年任右成化五年

葉盛字與中直隸蘇州府崑山縣人自幼穎異博學強記下筆驚人同邑知名士張和見其所業人以此其志不可量因游

邑庠遂駸駸有成正統乙丑舉進士授兵科給事中毅然言責

國朝列傳紀 卷之二十九 十八

自任十四年 英皇北狩 郕王監國奉司刃劫將至是者

失律敗事請誅夷之以謝天下然後選將練兵以復不共戴天

之警與師問罪以除大逆不廷之賊如此則大綱以正大義以

明而 聖駕之旋軫可期矣聞者壯之九月 監國即位頒賞

廷臣盛以時艱辭不許十月京城戒嚴又具請罷內府軍匠悉

遣征操及虜騎近城又請令有司熟糧料以給戰士遣散卒迎

取軍器於天津以張外援三四日間凡七八疏悉合機宜虜既

退盛言賞功罰罪治天下要務今日之賞罰既行他日之勸懲

攸繫賞罰明信則人人力於事功恥無不雪誓無不復矣今效

勞如孫鏗死事如謝澤韓青皆當賞以示勸其他守關不嚴

難不力者皆當罰以示懲從之十一月陞都給事中時邊境未

寧大臣有奏留邊將守京師者盛言今日之事邊關為急往者

獨石馬管不棄則六師何以陷土木紫荆白羊不破則虜騎何

以薄都城即此而觀邊關不固則京師雖守不過僅保九門無

事而已其如 陵寢何其如 郊廟壇壝何其如田里之民茶

毒何宜急遣固守宣府居庸為便已而河南陳州流民煽動

命往視即兼程以進除貪虐賑饑寒威惠並行民用安輯景泰元

年春還復上言京城天下根本而八府旱蝗相仍加以虜寇侵

擾民不聊生乞議寬恤俾安生理不然臣不能不為 社稷憂

也三月久旱兩京災異亦迭見偶會禮科都給事中李實吏科

國朝列傳紀 卷之二十九 十九

給事中毛玉御史陳叔紹羅篈相與惋歎盛因曰自昔災異皆

君臣引咎今事在內則大臣之罪不容辭而我輩臺諫之臣絀

默無補病國尤重在外病民者非一而各藩鎮中官病民尤重

兩事當首言之實曰此言誠是科中稿明早當就君取觀既而

盛曰兩事當先後言蓋言羣臣 朝廷寬大多不從言之類文

具而中官則必欲取回者若並言之萬一上戒飭之命再舉則

難然必得羣臣會 奏庶幾可濟因請謁諸大臣如金尚書濂

等皆伴贊可行無實心且互為推讓無肯居 奏牘之首者一

日兵部尚書于公謙謂盛言中官事言之有名矣近南京周敘

學士言事中之及之外人來言更便也未幾兵部因他事奏官多

民擾略及乞將各處公差內外官員量取回京有旨內官不
動又數日會議及叙 奏有言此亦有例見行侍郎儲懋即揮
筆批定盛因曰此誠民病今既有言者若衆因之則合辭 上
請 上或可從時惟左都御史陳鑑力贊會 奏戶科都給事
中馬顯忽言此事今日兵部有奏 聖斷已不允矣盛曰人臣
論事但當觀事體如何且 主上仁明多有得 旨已行因論
列而即改者今事有當行豈可自沮而上 朝廷下負主者
耶禮部胡公浚迺易批會 奏竟不果他日因其奏南京沿江
盜賊乞行御史錦衣衛巡捕刑部尚書俞士悅以爲當准擬盛
曰錦衣官校近已革去當止行御史蓋兩月前亦因言者革之
國朝列卿紀 卷之二十九 十一
而刑部偶忘之也他日又因馬顯言戶部請議節省用費顯意
欲裁戶部額外官嘗有後言而對衆又不言金尚書濂因略言
不可之故扣之亦不言盛曰用八之際此宜少緩嘗聞宣德中
內府工作答應之人多與軍職雖老病不代支全俸此輩正亦冗
食金云此當即查行既出有大臣呼盛曰適言冗食官尚再細
與尚書言之盛初不虞其僞也而大臣退語同官曰葉其在議
事處如有少保責任在已者然我名之爲少保云八月北虜
駕還京將入關矣有隱名具帖言迎復事者禮部尚書胡濙手
衆觀之大臣顧忌不敢舉盛曰此野人無情之言達於
動必矣都御史王文沮以匿名書盛不顧具疏之有

書胡濙封進帖雖留中而正論有不泯焉是冬盛以北虜南蠻
爲患不已上疏請令中外文武要職各陳安邊濟時之策二年
六月天象示異又條陳弭災防患十二事以上及聞禁中頗事
遊畋又請舉行 祖宗午朝故事中書舍人何觀言少師兼吏
部尚書王直等正統中皆阿附權奸今此輩老猾不宜在左右
及言北虜之來朝宜驅竄於南方忤 旨下六科十三道以
聞吏科給事中毛玉屬奏稿辭連罪觀林聰導之易不從林以
告盛因與偕往時六科皆索稿閱玉以 上促奏急閱之恐後
索之再始出以相示盛曰觀之說固疎其前言老猾蓋意在大
臣但辭連權奸中貴人激怒在此然終是言者諸君當熟思之
國朝列卿紀 卷之二十九 十二
彙須易玉曰 上怒甚不可易盛曰當明觀槩指王直等爲老
猾非宜或可回悟 上心林聰言所引公會戎於潛亦非胡傳
本旨玉以東坡王者不治夷狄論對盛以玉遂非甚因曰此奏
引經不切未甚害事不易或可若辭有當易者須易之玉曰觀
嘗考滿不得陞私憾吏部爲此十三道已具此說稿不具此已
輕矣蓋時有大臣新遷吏部者嗾科道爲此說也玉素於盛厚
因附耳論此意盛曰雖不具與具等耳稿必再玉曰君念何執
欲佑觀耶盛謂曰 朝廷大開言路未嘗罪一言者雖罪觀猶
令我曹看議益甚盛德也君獨不念劉球乎球之死人至今以
王振馬順爲恨此雷霆之下萬一不測則是我曹爲之而成

朝廷不容言之名且諸君亦言官獨不為他日身計乎王意稍解
 盛因林去冒頭所謂誣陷大臣擅開邊釁及終所謂曰正觀罪
 為進言虛妄者之戒等語且益云指大臣王直等諸老猾於是
 平皆曰好而退既而奏入有 旨令錦衣衛杖觀若干且調外
 盛當事之秋遇事輒形於疏每疏不下百千言而大要則以扶
 忠直抑奸佞恤生民禦外患為主其有裨於時政為多三年遷
 山西布政司右叅政監督宣府糧餉尋命協贊獨石等處軍務
 先是獨石馬營八城遇虜失事殘毀未復盛列其利害可興革
 者為八條以進次第罷行之八城既復乃立社學以教子弟置
 醫藥以濟疾病立義塚以瘞死亡設暖舖以便行旅均蔬圃以
 國朝列卿紀 卷之二十九 五
 給將士制度品式纖悉備具而又請官銀五千兩買牛千餘頭
 摘卒不任戰者俾事耕稼歲課餘糧於官凡軍中買馬除器勞
 功恤貧諸費皆於是乎取給自是邊人歡洽歲亦屢登有嘉禾
 同穎之祥七年冬以外艱去八城之人如喪父母連章乞留盛
 固辭不可天順二年 英宗皇帝嘉其能驛召至京面加獎諭
 尋擢都察院右僉都御史巡撫兩廣盛乞終制不允至廣興利
 除弊尤盡厥心舊例廣東鹽課不出境歲久鹽積商困往往賂
 守關津者越過廣西市利盛以為聽之則法壞而利歸於商禁
 之則商滯而利歸於關津乃請許鹽商計鹽多寡入米餉邊而
 後出境於是公私兩利之先是海賊嚴啟盛敵殺官兵拘留都

指揮王雄殺都司杜信盛命官軍擒之又龍水鳳弟吉殺指揮
 陳廣聚等盛督大軍水陸並進擒弟吉等獻俘於京田州知府
 岑紹老傳嫡子鏞頭目呂趙扶庶子鑑拒紹逐鏞私通交趾殺
 鑑以幼孫呂嬰冒襲盛執趙誅之四年藤縣民胡趙成構大藤
 峽徭賊攻陷諸縣盛調兵擒成奪回印信五年大藤賊弗靖督
 兩廣兵分道大攻擒斬賊三千二百七十七人燒房屋木倉一萬
 七千二百間奪回人口五百三十一名牛馬器械船隻無算時
 廣西流賊多入廣東為害而兩廣守將頗頽自異是以討賊不
 成功乃請革兩廣正將立總鎮於梧州居中調度則賊可平矣
 眾避其策而不果行盛不得已請益兵 英宗乃命都督顏彪
 國朝列卿紀 卷之二十九 五
 率兵赴之盛與彪協議破賊若八百所擒斬數萬人而還或又
 以殺降誘之而不知實積年反復賊也天順八年 憲宗嗣位
 陞左僉都御史巡撫宣府修復官牛官田之法懇田益廣積糧
 益多以其餘歲易補戰馬千八百餘匹其屯堡廢缺者力修築
 之不數月完七百餘所兵民雖始怨之既而恃以無恐乃欣戴
 焉在宣府屢有建白且請行養老之令於邊褒恤已往賢臣為
 方來勸 上嘉納之成化三年陞禮部右侍郎五年改任吏部
 是冬持節封 瀋府稷山王六年畿內大饑命巡視真定保定
 二府賑恤貧困綏輯流亡既還復命賑濟京民之饑者全活甚
 眾八年北虜出沒河套為西邊患有言增兵守險者有言大舉

搜套驅出河外沿河築城堡抵東勝從民耕守其中者盛受命往議方略奏言搜河套復東勝此皆事勢所難不敢妄議惟增兵守險可為遠圖宜令守臣剗削邊墻增築城堡收新軍以實邊選土兵以助守此不但可責近效而亦足為長便也 上是其言九年轉左侍郎盛自入蒞部政每議禮用人從容贊決其間僚長敬信司屬悅服至若事非部分而關當時利害繫生民休戚者遇諸卿必相辯正因而助益者不少十年甲午三月一日坐後堂署事忽疾作不能言輿歸西第而卒年五十五謚文莊為人溫雅簡重崇道誼尚名節言勸思政古人居家悃孝友蒞官清慎勤恪設施不苟與僚友論事不激不隨而言色自若

國朝列卿紀

卷之二十九

三十四

論

其取人先行檢而後才藝然存心寬厚終不及人之過惡所寓門無雜客公退手不釋卷考古辯疑殆忘寢食而於世俗聲色財利之好澹然不以經心平生為文師歐陽而功業自期於韓范以范公為鄉先正尤景慕焉所著詩文奏議總若干卷藏於家

劉翊字叔溫別號古直山東青州壽光人正統甲子科年十九以壁經赴省闈道經臨淄適河水泛溢僕馬俱溺水行半里餘神色自若人大以為異既而果高第登戊辰彭時榜進士選入翰林進學改庶吉士己巳授翰林編修景泰丙子修寰宇志成陞修撰天順丁丑陞右春坊右中允甲申 憲宗嗣位以宮僚

舊臣陞太常寺少卿兼侍讀成化丁亥預修 英廟實錄成陞本寺卿仍兼舊職明年陞兼侍讀學士掌院事五年己丑主考會試甲午陞吏部左侍郎猶與 經筵在部事無鉅細必揆諸所學以公不以情亦不為苛細矯激之行乙未陞兼翰林學士擢入內閣詳內閣

陳俊字時英福建莆田縣人正統戊辰進士授戶部主事歷官戶部右侍郎成化九年改吏部十一年轉左銓綜人物不以私干堂屬每勸尚書尹旻抑奔競獎恬退寘正直被時摧折者必陰扶默揀不使人知其操履清白無一毫淄染十三年陞南京戶部尚書歷南京吏部清修慎重蕭然不異布衣為時名臣

國朝列卿紀

卷之二十九

三十五

高

黃鎬字叔高福建福州府閩縣人正統乙丑進士擢監察御史成化六年廣東左布政使八年陞陞都察院右副都御史總督南京糧儲成化十一年陞吏部右侍郎十二年轉左為人簡易溫和不炫風迹以賢聲稱時尚書尹旻掌銓最久多自專主鎬處以謙讓不侵犯其事尹亦重之十六年陞南京戶部尚書卒贈太子少保謚襄敏詳南京戶部

耿裕詳尚書成化十三年右十六年左黎淳字大樸湖廣岳州府華容縣人天順丁丑進士第一名授翰林修撰歷官少詹事兼侍讀成化十四年擢吏部右侍郎在吏部故事內批出翼日承行者必 陞陳補奏疏以防奸僞除

授寢廣有諷令勿奏者執不可諷者色沮久之竟停奏在部不受私餽不行請獨尤慎形跡事涉矯託輒窮本末必暴白乃已聞人有玷行雖所甚愛必摧抑不曲為庇覆下至胥隸亦畏憚不敢犯二十二年調南京吏部歷南京工禮二部尚書卒諡文傳詳南京禮部

徐溥字時用直隸常州府宜興縣人景泰甲戌進士第二名授翰林院編修歷官禮部左侍郎成化二十一年改吏部性恢拓有雅度無一毫睚眦心時尚書李裕雖同年用人不必白於己一以安靖自處二十三年入閣加至少師詳內閣

國朝列卿紀

卷之二十九

三六

高宗

授翰林院編修歷官南京太常卿掌南京國子監事成化二十二年陞吏部右侍郎弘治元年轉左時尚書王端毅公恕右侍郎楊文懿公守陳俱清德宿望為海內具瞻宣亦剛直不苟同於時凡王端毅執奏傳陞等弊俱力贊之弘治三年以老求閑陞南京工部尚書詳南京工部

楊守陳字惟新浙江寧波府鄞縣人父自懲官止泉州倉副使其在妊也母張宜入夢星落懷中及生天庭有黑子七如北斗見者奇之五歲即端恪如成人而才識穎達受業於祖栖芸先生日記數百言稍長學舉業及為古文辭夏出流輩四方多傳其程試之文以為式栖芸恐其弱此恒誨之曰聖賢之學以靜

思力踐為要博聞強記輔此而已遂大有所悟入作致知力行持敬三銘以見志景泰庚午舉浙鄉試第一辛未舉進士被選翰林庶吉士未幾丁父憂而祖父母相繼卒居喪七年學識益邃遠天順戊寅服闋授翰林編修預修大明一統志尋被旨授徒內監辭不許憲宗即位選為經筵官預修英宗實錄

成化丁亥以考績陞侍講諭月實錄成陞司經局洗馬每進講必積誠意傳經訓冀納忠以感悟上心一日講武成篇曰魯論稱舜無為而治周書稱武王垂拱而天下治然後世人主有深居禁中委政內侍者召望東之禍有高居無為惟寵嬖黷者啓祿山之變何也蓋舜武之所以無為者由其舉相去凶憚信

國朝列卿紀

卷之二十九

三七

高宗

明義無一不盡其道皆常憂勞而有為乃始佚樂而無為也後世人主則孟子所謂安其危而利其菑樂其所以亡者耳此聖狂治亂所以異惟陛下留神左右聽者悚然至於應制詩文亦舉筆不忘勸戒壬辰遷侍講學士校刊通鑑綱目遂預修續通鑑日以母喪去居官五品十六年所教中人已多貴幸凡預教者率因之以進獨陳泊然無少藉有欲出力援之則謝曰我嫠婦也抱節三十年矣乃垂老而改志耶縉紳往往傳誦其言孝宗出閣被選日侍講讀會文華大訓成陞詹事府少詹事兼翰林侍講學士大訓篇目多本大學衍義獨事涉中人者悉不以書守陳曰是何以為訓撮其賢否得失之故分註一條談者不

能奪守陳雖晚未遇而名重一時吏部嘗擬國子祭酒在廷大臣兩合辭舉堪吏部侍郎宜入內閣皆不果用 孝宗登極加恩舊僚始擢吏部右侍郎初當道猶擬南京 上覽疏取筆塗南京二字其被眷知如此 詔集議祧廟禮部侍郎倪岳請祧懿祖而以 德祖比宋僖祖百世不遷守陳抗言禮天子七廟祖有功宗有德乃孔子之言故凡號太祖即始祖必事之以配天若商周之契稷皆以功而非論其本統也宋之僖祖及我 德祖可比商報乙周亞圜非契稷比議者徒議大儒嘗有取於士安石之說而不從孔子遂使七廟之間既有始祖又有太祖太祖既以配天而不正南向之位名與實乖豈先王之禮哉若謂國朝列卿紀 卷之二十九 三五

後已一日之間居文華殿之時多處乾清宮之時少使欲寡而清心惑少而理明則得於內者深而出治之本立矣午朝有事者皆先用略節口奏而裁決之大政則召大臣面議未嘗則許諫官駁正而審行之俾賢才常集於目前視聽不偏於左右則資於外者博而致治之綱舉矣若但如近日之聽日講御午朝以應故事凡百題奏皆付內監諸臣調旨批答臣恐積年之弊未革而將來之患難測不但如前所過慮而已 優詔嘉納論禮部以三月御 經筵禮部得請并午朝如楊基奏會修 憲宗實錄 命兼副總裁守陳念更化初凡吏部有所陞黜人必視其忠邪易險愿奸為趨舍故侃侃持議雖取嫌忌於同列弗苟徇也已酉再請解部事專史職不許章三上乞致仕且曰吏部進退百官眾怨所集聞學如王恕尚招人言况臣迂踈豈勝此任 上不許始命以本官兼詹事府丞供職史館如故嘗言古人謂國可滅史不可滅我 太祖既混一即命儒官修元史太宗靖難後史官不紀建文君事遂使當時朝政與忠於所事者皆闕略無傳及今猶可補輯 景皇帝已復位號而 英宗實錄標目猶書邸戾王是宜改正章疏留中者雖有可傳例不得書乞宣付史館擇而書之奏未及上以十月十八日不起初太白犯進賢占者以為賢人厄蓋其應云方疾革語其弟守陞男茂仁曰吾學至為君子仕登三品年邁六十斯何憾惟 上恩

厚未能報先栖芸先生未及封汝曹勉圖報稱以繼吾志諸弟暨男茂元不及訣其以是語之語訖不亂明白端坐而逝計開上悼惜賜謚文懿命官諭祭給葬事後二年實錄成 詔贈禮部尚書又三年以 春宮舊恩許錄其孫美璜為國子生所著述有三禮周易尚書詩孝經大學中庸論孟私抄凡數百卷皆止其錯簡更定其章句詮擇諸家之傳論而傳以已見雖大儒之說不苟同蓋晚年屢加刪定未始輕出也於書謂舜典象以典刑一章乃舜命官語非史臣紀事之詞古者罪人不孥而漢書引湯誓孥作奴蓋或奴或戮隨其罪之輕重施之也酒誥明人命於妹邦疑明字本封字之誤不然則下文乃穆考文王終不

國朝列卿紀

卷之二十九

手

四

可通大誥今蠶今翼日蔡傳謂今之明日也疑以今翼為句言武庚今無知如蠶之蠢動今有有輪如鳥之翼羽而以日字屬下句猶左傳曰衛不睦也於詩以卷耳為大夫行役者之作謂陟岡陟阻馬疾僕痲非后妃思慮所及以栢舟為非婦人之作謂其心不可轉威儀不可選正孔子所謂吾於栢舟見匹夫執志之不可易者也至以鄭衛之詩非孔子所謂鄭聲其辯尤詳大約謂春秋主事當無不載詩主辭當有所擇朱子修通鑑綱目於莽操呂武之事靡不備載其續楚辭則神女季姬皆斷為禮法之罪人高唐賦亦視為倡家之讀禮若鄭衛諸篇非刺淫而果為淫者所自作聖人必不錄之矣其超然獨見多先儒所

未及者又有五經考證大易私徵春秋私比等書皆未稅稿雜著詩文有晉恭鏡川稿東觀稿金波稿銓部稿又數百卷張悅字時敏直隸松江府華亭縣人天順庚辰進士授刑部主事歷官禮部右侍郎弘治二年改吏部五年轉左在吏部與尚書王文端公恕侍郎彭惠安公韶周文端公經相與宣謀猶輸忠赤同寅協恭以人事君之義一時正人並在銓衡君子亦揚眉吐氣以自效於明時悅於臨事反卓有定見為怨所倚信凡有言無不從兩攝選眾議翕然稱允癸丑大旱又陳遵舊章卹小民崇儉素裁冗食禁濫罰數條并修德廟治二疏皆嘉納之六年陞南院右都御史詳南京兵部

國朝列卿紀

卷之二十九

三

四

彭韶字鳳儀福建興化府莆田縣人天順丁丑進士授刑部主事歷官刑部右侍郎弘治三年陞吏部左侍郎時三原王公恕為尚書得韶為貳皆不避權貴請謁路絕人服其公庚戌冬星見於天津 詔大臣言軍民利病時政得失韶具言軍民利病曰厚根本曰減役銀言時政得失曰正近侍曰慎官爵時左右侵權者非一特於正近侍及之其略曰內臣出入左右言語輕重能為禍福人所畏懼今軍馬錢糧入匠柴炭盡付其手分例相洽更相做倣虛名實支遮掩外觀誰能詰之比見凡有章奏無不先允而後下於該部該部承而行之不復審處是失政體也及至有犯多從輕宥免有毆人致死者竟不提問或有提

死者或有給還葬銀八千兩在者或有許其蓋祠覓第宅踰制
服食求奇於斯極矣聲勢移人望風震慄伏望 陛下靜思及
此大公至正以服其心克勤克明以折其氣上法 祖宗乾剛
獨斷褒良善而親忠良遠佞媚而斥各縱事務歸於有司威福
必由已出終篇又言 朝廷一日萬幾安能勞心周溥臣願
陛下執其要焉臣獲隨午朝心念日奏章常起數於事無補照
祖宗勤政之典乞師其意可也臣願自今午朝惟加意經邦急務
如吏部有大陞除禮部有大災異戶兵有緊急錢糧邊報工部
法司有緊關工程囚犯之類許先期開具事由奏乞 聖駕
國朝列卿紀 卷之二十九 三

日出御左順門侍衛一如午門之儀事該各衙門會議者各官
就於御前同計議如吏部陞除大臣明言某官才德堪任某
官資望未可之類內閣輔臣亦同在彼詳論可否事體既定就
行口奏取 旨奉行次日補本備照若係本衙門自行者亦就
御前逐一陳說有無故事兩疑情由請 旨定奪若事體重大一
時難決者聽各官先行博議於下候至朝時再議奏行仍乞
溫顏俯詢曲折如此不惟世事日熟於 聖明耳目而羣臣高下
邪正亦自可見有事則行不分寒暑無事則止勿勞 聖慮既
不廢午朝之典又可率羣臣興事則凡時政得失軍民利病自
可次第張弛矣 上嘉之議者謂此舉有潛消默運之方五年

壬子夏陞刑部尚書詳刑部
周經字伯常山西太原府陽曲縣人天順庚辰進士改庶吉士
歷太常少卿兼侍讀弘治己酉擢禮部右侍郎五年改吏部六
年轉左秉正執法不為權勢所撓一日有中官諭旨欲以通政
司經歷高祿為叅議經不可退與王端毅公恕上疏論之靈壽
獻大明川民田於太監李廣戶部駁議弗得經會諸司具奏事
遂寢乙卯諸司以災異言事吏部請早視朝勤聽政節侈費省
遊幸止貢獻而斥樂戲一事尤激亦出經手後有踪跡為此草
者以問尚書耿裕經曰宜以實對耿曰吾為尚書不宜他諉時
論蓋兩賢之九年陞戶部尚書詳戶部
國朝列卿紀 卷之二十九 三

吳寬字原博直隸蘇州府長洲縣人成化壬辰進士第一名授
翰林院修撰歷官少詹事兼侍講學士弘治六年陞吏部右侍
郎七年丁憂九年起復補原職十一年轉左為人端清淵穆不
溷溷為同不嘒嘒為異士無賢愚見者靡不歸心寬亦保合兼
容不見畛域縣官矯激束縛其家人至事寬禮儀亦矯而簡慢
寬殊不介意縣官述職尚書欲黜此令寬曰謂之最固非公黜
之亦未至是尚書從遷佐別郡十二年兼學士管內閣誥勅歷
禮部尚書兼翰林院學士為世名臣詳詹事府
秦民悅字崇化直隸廬州府舒城縣人天順丁丑進士授行人
司行人歷巡撫順天右副都御史陞戶部右侍郎弘治七年改

吏部丁憂後起復補都察院右副都御史十一年復改吏部右侍郎為人有幹局遇事通敏不滯佐銓政未踰年十二年陞南京吏部尚書詳南京戶部

侶鍾字大器山東交州府鄆城縣人成化丙戌進士授浙江道監察御史陞大理寺右寺丞十六年轉左十八年進右少卿十九年陞巡撫保定右副都二十年陞刑部右侍郎弘治二年謫知府陞大理左少卿三年陞巡撫蘇松左副都御史六年陞戶部右侍郎八年改吏部尋轉左進退陟黜一視家宰即有薦未嘗令人知為恩但屢被劾刺十年陞右都御史歷戶部尚書詳戶部

國朝列卿紀 卷之二十九

三十四

四十六

林瀚字亨大福建福州府閩縣人成化丙戌進士改庶吉士歷禮部右侍郎掌國子監事弘治十二年改吏部尋轉左與太宰同心掄才務求至公十三年陞南京吏部尚書詳南京兵部韓文字貫道山西平陽府洪洞縣人成化丙戌進士擢兵科給事中率同列劾左都王越邀功啓彘且薦家宰李秉大司馬王竑語涉官禁逮拷幾死乙未陞右戌戌陞湖廣參議歷七年轉左弘治九年陞山東左叅政庚戌以薦陞雲南左布政癸丑陞巡撫湖廣右副都改河南歷戶部右侍郎弘治十三年改吏部明年轉左性剛介不可以私干與尚書馬文升綜銓平允士論羣然歸之十六年陞南京兵部尚書改戶部為世名臣謚忠定

詳戶部

王葵字濟之直隸蘇州府吳縣人成化乙未進士第三名授翰林院編修歷官少詹事兼侍讀學士十三年陞吏部右侍郎十六年丁憂正德元年起復補左侍郎時北虜入寇上籌邊八事雖忤權倖而卒多施行公輔之望日隆於是災異見內閣謝遷引咎求退遂舉葵以自代 武宗在亮閣內侍八人荒遊亂政臺諫交章中外洵澗恭協司徒韓文舉文武大臣伏門以請上大驚怒有旨召葵等在左順門中官傳諭甚厲眾相視莫敢發言葵曰八人不去亂本不除天下何由而治論議侃侃韓亦危言繼之中官語塞一時國論倚以為重然自是八人者竟分布

國朝列卿紀 卷之二十九

三五

四十八

要路墮天柄司禮而韓文遂逐內閣劉謝二公亦去矣 詔補內閣缺瑾意欲引家宰焦芳眾議推葵瑾雖中忌而外難公論遂與焦偕入閣詳內閣 焦芳見尚書弘治十六年左歷內閣少師 梁儲字叔厚廣東廣州府順德人成化戊戌禮闈第一人廷對第四人入翰林為庶吉士授編修尋兼司經局校書侍 孝廟東宮講讀多所啓沃丁未充會試同考官尋丁內外艱弘治辛亥服闋進侍講纂修實錄成進司經局洗馬壬子主考順天鄉試丙辰 武宗東宮講讀戊午主試應天是歲冬冊封安南國王充正使禮成亟返饋遺無所顧持大體不與陪臣倡和還

三年庚申以考滿進翰林院學士辛酉主試順天壬戌奉詔
教庶吉士與修大明會典成陞少詹事兼學士遷吏部右侍郎
奉命充正使冊封魯藩正德改元遷左侍郎二年進本部
尚書兼學士專管誥勅纂修孝宗實錄命為副總裁戊辰
主會試逆瑾弄權惡其不附已指摘會典訛繆降本部右侍郎
實錄成復尚書兼職如故瑾猶憾儲不已欲中以危禍而無由
傳旨改南京吏部詳內閣

江瀾字文淵浙江仁和县人成化戊戌登進士第選翰林院庶
吉士讀中秘書學日益裕未幾丁父憂居喪以禮足不至公府
壬寅服闋除編修丁未充廷試受卷官戊申孝廟登極召

國朝列卿紀 卷之十九

三六

石

還修憲廟實錄筆削惟公凡實訓皆所校正庚戌充廷
試掌卷官尋充經筵展書官弘治辛亥實錄成進侍讀賜宴
及白金彩幣壬子充經筵講官每進講必正容殫慮以沃
聖心癸丑同考會試甲寅奉命冊封荆王贈遺悉辭弗受乙
卯主考應天鄉試校閱尤精連第者視昔為盛丁巳簡充東
宮講官日惟靖恭輔導等修大明會典凡制度品式擔撫精
詳庚申九載考績陞侍讀學士尋丁母憂壬戌會典成陞學士
賜宴并楮幣千緡未幾修通鑑纂要一以春秋綱目為準凡切於
治道人才者論斷精確乙丑武宗嗣位以從龍恩擢詹事府
少詹事仍兼學士會上兩宮徽號進中憲大夫與修孝廟

實錄丙寅春上初郊祀命為分獻官賜緋衣一襲二月首開
經筵仍充講官賜白金文綺楮幣五月奉命掌翰林院事凡
興隸均分察宋時論題之九月恭遇聖節以輔導舊臣賜黃
金束帶尋命為實錄副總裁十月陞吏部右侍郎協恭匪懈
常著日錄以自檢獎恬退抑奔競人莫敢干以私丁卯賜御製
龍文詩冬陞左侍郎守法奉公與時鮮合值太宰張綵附逆瑾
用事憾瀾不附已尋陞南京禮部尚書詳南京禮部

白鉞字秉德直隸真定府南宮人成化甲辰廷試第二名及第
授翰林院編修弘治戊申同修憲廟實錄以內艱去癸丑同
考禮部丙辰秩滿遷侍讀己未充經筵講官壬戌復同考禮

國朝列卿紀 卷之二十九

三七

王

部武宗在春宮充講讀官癸亥修大明會典成進侍講學
士賜宴禮部尋命與修歷代通鑑纂要甲子考南畿鄉試乙丑
以登極進學士加從四品俸充日講官賜紗帽靴鞵諸物正
德丙寅開經筵賜白金綵幣車駕視太學賜坐彝倫堂丁
卯命教庶吉士署掌院事擢禮部右侍郎賜御製蟠龍諸
物并纂要本年改吏部三年轉左尋陞禮部尚書詳詹事府
張綵詳尚書正德三年左
王瓊詳尚書正德三年右本年調南京吏部右
柴昇字公照河南南陽府內鄉縣人成化丁酉舉於鄉不第游
太學力學十年益肆以篤成化丁未舉進士是年選擢工科遷

左右都給事中特為 孝廟眷注調兵科歷十有三年在諫垣以死直為心謂官祿非夙志也辛酉陞山東參政奉 勅督糧巡歷所至查革奸弊興學勸農賦吏望風引去乙丑陞廣東右布政正德丙寅陞山東左布政行李蕭然途人興歎丁卯陞副都巡撫江西會革改陝西振肅憲度以綱以紀聞者凜凜二年陞吏部右侍郎四年轉左五年陞南京禮部尚書詳南京兵部孫交字志同湖廣承天府鍾祥縣人自幼秀穎嗜學雖盛夏不輟成化辛丑第進士授南京兵部車駕司主事三原王端毅公其愛之弘治初三原起為冢宰即調吏部用以自輔歷稽勲文選司員外郎進驗封司郎中七年以憂去十年起復補稽勲司

國朝列卿紀

卷之二十九

三

三

十六年調文選司郎中守法信度確然不撓遍三夏司十有餘年益勵廉隅惟培植善類不忍其摧抑一切選授陞遷與倪文毅公斟酌地方遠近煩簡務當其才輿論胥服十四年陞太常寺少卿提督四夷館正德元年陞光祿寺卿時逆瑾竊政諸所作無益事耗民財有如木蠹交不激不隨臨機節縮省費不肯雖諸權貴亦安之三年陞戶部右侍郎尋改吏部五年調南京吏部六年陞戶部尚書詳戶部

李瀚字叔淵山西澤州沁水縣人成化辛丑進士十八年授樂亭知縣二十二年行取擢四川道監察御史弘治四年丁憂七年起復補浙江道監察御史十二年陞湖廣副使十三年丁憂

十六年補河南副使十八年陞湖廣按察使正德二年陞河南右布政使本年轉本司左布政使本年五月陞順天府尹本年九月陞都察院右副都御史總督糧儲三年陞本院左副都御史佐理院事五年陞吏部右侍郎本年八月陞吏部左侍郎六年陞南京戶部尚書詳南戶部

靳貴字道克直隸鎮江府丹徒縣人弘治己酉舉應天鄉試第一庚戌會試第二廷試第一甲第三授翰林院編修弘治丙辰皇太子將出閣講 詔選正人以端國本戶部尚書倡鍾以貴名上遂兼司經局校書未數日官僚環侍 皇太子獨指貴問左右曰非靳先生耶固已曰屬之 孝廟幸講所尤加獎異有文

國朝列卿紀

卷之二十九

三

三

綺玳帶之賜庚申又進春坊右中允癸亥會典成進春坊左諭德兼翰林院侍講貴每侍講進敷奏雍容儀觀修飾 車馬屢回 武宗登極以舊學進太常寺少卿兼翰林院侍讀九月是歲范夫人卒京邸給驛歸治葬辰辰服闋還職尋掌翰林院事授庶吉士業進禮部侍郎時逆瑾盜政常因事諷貴密書翰林官殿最以進貴不從衍之時翰林多外遷貴亦左遷為光祿寺卿已乃復舊庚午改吏部又進兼翰林院學士管誥勅掌詹事府事仍克日講官詳內閣

傅珪字邦瑞直隸保定府清苑縣人成化丙午舉順天鄉試明年舉進士授翰林庶吉士讀中秘書閱三歲為弘治二年授編

修九年禮部會試充同考官經延展書及內書館教書十二年
 兼司經局校書纂修 大明會典成陞左春坊左中允兼編修
 賜以金幣十八年復同考會試是年陞左春坊左諭德兼侍讀經
 筵講書有金帶緋衣之 賜正德元年纂修 孝宗實錄清理
 軍職貼黃明年主考應天府鄉試又明年主考武舉咸稱得人
 四年 命教庶吉士於翰林院充日講官是歲實錄書成時逆
 瑾竊政搜索往事以 大明會典字多舛訛珪嘗預修 詔奪
 其官降修撰尋以實錄 恩陞左中允未幾陞侍讀學士五年
 陞學士主考順天鄉試頃之陞吏部右侍郎尋轉左七年陞禮
 部尚書詳禮部尚書

國朝列卿紀 卷之二十九 四十一

劉春字仁仲別號東川一號樓菴四川重慶府巴縣人成化癸
 卯秋舉四川鄉試第一丁未舉進士第一授翰林院編修弘治
 戊申正月充修 憲宗實錄官分職戶館辛亥八月實錄成陞
 修撰仍 賜宴與中府以禮部火故也乙卯四月復任己未充
 會試同考試官庚申九月選充 東官講讀官有翰林春坊兩
 班員缺欲改官寮以將九載遂以修撰班春坊直日講讀辛酉
 八月選充 經筵講官壬戌二月滿三考陞左春坊左諭德癸
 亥三月以纂修 大明會典成陞翰林院侍講學士五月 詔
 選修通鑑纂要 武宗御極以隨龍恩陞學士 詔纂修 孝
 皇實錄得兵館十一月間御史府君計以憂歸辛未二月服滿

陞吏部右侍郎十一月 賜大明會典通鑑纂要各一部十二
 月轉左侍郎壬申三月以閣薦 命不妨部事充 經筵日講
 官癸酉六月陞禮部尚書詳禮部
 蔣冕字敬之廣西桂林府全州人成化丁酉鄉試第一丁未舉
 進士選庶吉士授編修弘治庚申兼司經局校書遷右中允乙
 丑預修通鑑纂要轉右諭德兼侍講正德丙寅預修 孝廟實
 錄充 經筵講官丁卯進侍講學士庚午主考應天鄉試辛未
 陞少詹事兼侍讀學士是歲擢吏部侍郎甲戌兼學士典 誥
 勅掌詹事府事詳內閣

國朝列卿紀 卷之二十九 四十二

王璟字廷采山東沂州人成化壬辰進士除登封知縣六載以
 清節聞十六年陞南京御史凡所論列悉關 朝廷大體讞獄
 不泥成案率多平反十八年丁外艱起復家宰謂例當改北臺
 御史璟辭老母迎養於南便縉紳異之補貴州道御史按視山
 海等關保定諸郡旌別臧否罷行利弊弘治六年擢光祿少卿
 七載益懋清慎十三年陞南京鴻臚卿十四年陞右僉都御史
 理兩淮鹽法通變革私販屏跡十六年浙東饑被 命賑濟
 上經書嬰宜十事以杭嘉湖寧紹台被蓄尤甚奏減其稅及省
 杭湖軍糧二十餘萬石停制卷御史三年所活四十餘萬人十
 七年改巡撫紫荆等關保定諸郡首疏添官增社以紓衝要民
 力皮置江浙馬價以便本地土民免立 皇莊名目以除民害

等六事 孝廟嘉納焉時內官奉 命勘計寧晉新河諸縣土
 田吏稍侵忤遂奏遣官校捕捉鄉民二百餘家環備疏其害謂
 宜盡斥罷諸內璫田盡歸之民人皆危之弗恤正德丙寅 命
 管院事逆瑾矯 詔罷歸辛未瑾誅薦起巡撫山西時巨盜流
 劫焚燒破陷河東為甚至則閱視通賊處所設險防禦製火槍
 萬餘每槍小箭六枝攻守百爾具備由是斬獲衆多賊望風遁
 晉藩歲祿告乏璟謂不足生於不均富強者兼併貧弱者窘削遂
 革去買頭重冒之利宿弊以清山西地瘠民貧復經兵燹凡兵
 工部歲派沁州諸郡花椒木板及戰馬四千餘毅然疏請改徵
 一以甦困弊先時潞沁諸郡邑婦女不為賊所汙以貞烈死者二

國朝列卿紀 卷之二十九 四十一

十餘璟累實皆 請旌表厥宅里以扶綱常本年陞右副都回
 院管事八年陞兵部右侍郎本年改吏部九年轉左十年陞都
 察院右都御史詳都察院
 毛澄字憲清直隸太倉人弘治癸丑廷試第一授修撰丙辰同
 考會試乙未預修會典癸亥轉左諭德兼修撰預修通鑑纂要
 甲子侍 皇太子於東宮充講讀官敷奏明暢 孝宗聞之甚
 喜徹 御前中秋宴以賜之乙丑擢左庶子兼侍讀 賜金廂
 東帶預修實錄值內艱歸逆瑾柄國奪所陞秩瑾敗起復仍官
 侍讀庚午進侍讀學士典順天鄉試九月署國子監事辛未充
 廷試讀卷官擢學士充日講官壬申掌院事教庶吉士讀書甲戌

主考禮部陞吏部右侍郎丁丑陞禮部尚書詳禮部
 毛紀字維之山東萊州府掖縣人成化丁未進士改庶吉士弘
 治二年授翰林院檢討十二年陞本院學士十六年陞本院侍
 讀十八年陞左春坊左諭德仍兼侍讀正德元年丁未陞本院侍
 讀起復以會典故降侍讀本年以 孝廟實錄成陞翰林侍讀學
 士尋陞本院學士五年陞戶部右侍郎本年陞禮部尚書尋兼翰林
 院學士詳內閣

王鴻儒字懋學河南南陽府南陽縣人幼穎悟絕人書過目即
 成誦甫成童作書端勁得歐顏法有親屬為府吏者致鴻儒佐

國朝列卿紀 卷之二十九 四十二

書郡守金城段堅見其書奇而問之吏以實對遂召見歎曰風
 神清澈非塵埃中人也乃留居府中續食授衣親課其業遂入
 郡學為諸生提學天台陳選校士至南陽閱其卷驚曰此經世
 之文非舉子業也成化癸卯發解河南丁未進士授南京戶部
 主事初領倉使出納明慎軍民稱便遷員外郎權舟淮安督稅
 鳳陽皆有聲績於是眾益信為全才弘治九年陞山西僉事十
 五年晉副使俱督學以陶養為本以文藝為末抑浮崇雅先行
 檢而後詞華品藻高下毫髮不爽又好面誨人每生徒請益因
 材開發終日不倦士子翕然歸之 孝宗一日召兵部尚書劉
 大夏論時政且及當時人才 上曰如山西副使王鴻儒他日

第一冊 續修四庫全書 第 12 頁

可大用大夏對曰斯人才行誠不易得 聖諭是也劉大夏後
 以告鄉人胥員外文相曰 朝廷用此等人方擔當得大事予
 老不及見子其識之正德四年陞國子監祭酒本年以守正忤
 逆瑾回籍八年起南京戶部右侍郎十年改吏部十二年轉左
 侍郎以甄拔人物爲已任好崇實行不純采虛名嘗曰濟天下
 事惟誠實者能之趣名者亦趣利無益也不見夏忠靖王鹽山
 乎惟知有 朝廷而不知有親黨惟知有天理而不知有身家
 社稷生民於是攸賴識者題其言十四年陞南京戶部尚書詳
 南京戶部
 廖玘詳本尚書正德十二年右十四年左

國朝列卿紀 卷之二十九 聖四

羅欽順詳本尚書正德十四年右十六年左

秦金字國聲直隸無錫縣人弘治癸丑進士授戶部福建司主
 事歷戶部右侍郎正德辛巳改本部右侍本年尋改戶部左詳

南京兵部尚書

胡世寧字永清浙江仁和縣人歷巡撫四川右僉都御史嘉靖
 元年遷吏部右侍郎道聞父喪去官未任詳兵部尚書

國朝列卿紀卷之二十九終

國朝列卿紀卷之三十

南京吏部左右侍郎年表

趙新	浙江富陽人鄉舉正德四年 任右歷吏部尚書巡撫淮南
魏驥	正統八年任左 詳本部尚書鄉舉
鄭泰	景泰六年任左 南直舒城人進士
蕭聰	江西泰和人進士天 順元年任右掌部事
石珣	山西應州人進士天順 四年任右歷禮部尚書
章綸	浙江樂清人進士天順五 年任右歷南禮部左侍郎
范理	浙江天台人進士 成化五年任右
錢溥	詳本部尚書進士 成化十二年任左
尹直	江西泰和人進士成化十五年任右歷內 閣太子少保兵部尚書兼翰林院學士
王輿	詳本部尚書探花 成化十八年任左
黎淳	湖廣華容人狀元成化二十二年右 二十三年任左歷南京禮部尚書
王克復	福建福清人進士 弘治三年任右
童軒	江西鄱陽人進士弘治五 年任右歷南京禮部尚書
梁璟	山西埽縣人弘治六年 任右歷南京戶部尚書
楊守陟	詳本部尚書弘治十二 年任右十五年轉左
黃一珣	詳本部尚書弘 治十八年任右
楊廷和	四川新都人進士正德二年任左歷內閣少 師兼太子太保吏部尚書華蓋殿大學士
李旻	浙江錢塘人狀元正德 二年任右四年轉左

國朝列卿紀 卷之三十

王瓊	山西太原縣人進士正德五年以吏部右調右侍郎
朱恩	南直華亭人進士正德四年任右歷南京禮部尚書
孫交	湖廣鍾祥人進士正德五年任右歷戶部尚書太子太保
羅玘	江西南城人進士正德五年任右歷州人進士正德
儲燿	南直泰州人進士正德七年任左八年致仕
石珩	北直藁城人進士正德八年任右歷內閣少保吏部尚書武英殿大學士
羅欽順	見本部尚書正德十年任右歷禮吏二部尚書
朱希周	詳本部尚書狀元正德十四年任右
汪偉	江西弋陽人弘治丙辰進士嘉靖三年任右改吏部
陳鳳梧	江西泰和人弘治丙辰進士嘉靖四年任右歷巡撫應天右都御史
國朝列卿紀 卷之三十一	
李廷相	山東濮州人弘治壬戌進士嘉靖四年任右
胡世寧	浙江仁和人弘治癸丑進士嘉靖六年任右歷太子人保兵部尚書
湛若水	見本部尚書嘉靖九年任右歷南京兵部尚書
張邦奇	見本部尚書嘉靖九年任右歷南京兵部尚書
李廷相	見前十二年任右歷戶部尚書
潘旦	南直婺源人弘治乙丑進士嘉靖十一年任右歷兵部左侍郎
林文俊	福建莆田人正德辛未進士嘉靖十四年任右十五年卒於官
費家	江西沿山人正德辛未進士嘉靖十四年任右歷禮部尚書加少保
張治	湖廣茶陵州人正德辛巳進士嘉靖二十年任右歷內閣
許成名	山東聊城人正德辛未進士嘉靖二十二年任右歷禮部左侍郎以後不設

茅瓚	浙江錢塘人嘉靖戊戌進士三十三年任右
李璣	江西豐城人嘉靖乙未進士三十三年任右
尹臺	江西永新縣人嘉靖乙未進士三十五年任右歷南京禮部尚書
潘晟	浙江新昌人嘉靖辛丑榜眼四十二年任右
瞿景淳	直隸常熟人嘉靖甲辰會元榜眼四十五年任右
裴宇	山西澤州人嘉靖辛丑進士隆慶元年任右
鄭世威	福建長樂人嘉靖己丑進士隆慶元年任右改刑部
林煥	福建閩縣人嘉靖丁未進士隆慶二年任右吏部右侍郎調右
李崇	湖廣長沙人嘉靖戊戌進士萬曆二年任右
翁大立	浙江餘姚人嘉靖戊戌進士萬曆二年任右歷南京兵部尚書
國朝列卿紀 卷之三十一	
王弘誨	廣東安定人嘉靖乙丑進士萬曆十二年任改禮部侍郎
海瑞	廣東瓊山人嘉靖己酉鄉舉萬曆十三年任歷南京都察院右都御史
姜寶	直隸丹陽人嘉靖癸丑進士萬曆十四年任歷南京刑部尚書
何源	江西廣昌人嘉靖己未進士萬曆十四年任右十五年改刑部右
趙志臯	浙江蘭谿人隆慶戊辰進士萬曆十五年任右十七年改吏部
羅萬化	浙江山陰人隆慶戊辰狀元萬曆十八年由南禮侍右任

南京吏部左右侍郎行實

趙新字日新浙江杭州府富陽縣人領永樂乙酉鄉薦入國子

監與修 永樂大典永樂十一年除工部屯田司主事二十一

年陞吏部稽勳司郎中宣德五年江西饑稅糧逋負寇攘時興

蹇義推新行在侍郎 勅巡撫江西討平蠻寇察吏治詢民瘼

時耕穫定征歛蠲浮費又勸民出粟賑濟饑民如吉水曾希恭

胡有初等廬陵陳讓等各以出穀千石奏聞賜褒為義民遣行

人齋勞仍命有司復其家又建議以漕淮之舟順載西江之粟

兵農兩利正統四年還朝調吏部右侍郎蒞事南京掌部事六

年 詔天下教官員缺既多監生能作三場文字考選允之於

國朝列卿紀

卷之三十

四

列人

是新同南京禮部右侍郎陳璉會祭酒陳敬宗倫選本年十月

調南京禮部右侍郎詳江淮巡撫

魏驥詳本部尚書正統八年任左

鄭泰字 直隸廬州府舒城縣人永樂辛丑進士擢禮科給

事直言敢諫不避強禦正統中陞吏科都給事中十四年己巳

之變時進謹言景泰元年陞南京刑部左侍郎五年夏四月

朝觀黜陟已竣事吏部具兩京堂上官以請 上曰此乃出自朝

廷親擢者不必動御史張瑄復建言欲將在京大臣黜一二人

上不從泰復奏請別邪正以勵名節宜審遣清正人員廣詢博訪

上亦不從時議謂泰等有所窺伺故附張瑄之議六年改南京吏

部左侍郎天順元年 英宗復辟以景泰用事之臣 勅令致

仕 蕭聰字孟奎江西吉安府泰和縣人宣德癸丑進士授刑部主

事以丁憂去任起復補工部營繕司歷本司郎中嘗受 命總

督修城調度經畫悉有方未幾改禮部祠祭司郎中練達老成

卓著能聲天順元年以練達 朝章舉止老成陞禮部右侍郎

本年調南京吏部右侍郎掌部事四年謫湖廣叅政尋致仕卒

於家

石琯字信之山西大同府應州人宣德癸丑進士擢禮科給事

中性謹飭不務奇節正統九年陞金華府知府甚得民心十三

國朝列卿紀

卷之三十

五

列人

年征括賊有功陞福建右布政使朴實惻愍與民相宜天順四

年陞南京吏部左侍郎五年 召陞禮部尚書詳禮部

章綸字大經浙江溫州府樂清縣人正統己未進士給事中

時父尚在殯綸葬畢而後娶還朝授南京禮部主事景泰元年

陞禮部儀制司郎中適國家多故綸知無不言言無不盡首稱

增會試取士額次言太平十六事累數千言俱准議行北虜也

先索使通好綸言宜暫結往來之盟以待天時人事之至 車

駕欲幸大隆福寺綸言以 萬乘之尊臨異端之地傳之後世

誠非美事又因災異請下詔求致災之由上示徹樂減膳之敬

下推捐俸救荒之仁節濫賜之費罷補官之奉慎差遣之擬備

義合汰僧徒諸事皆別切景泰元年 英宗皇帝歸自北狩 居南宮 憲宗已在儲位明年乃易 兩宮疎隔嫌隙滋萌 特陳修德弭災十四事一畏天戒二任賢理三養 聖躬四 幸御五務儉約六勤論政七悃孝義八慎賞賚九重名爵十 巡撫十一擇重臣十二辯異端十三却貢獻十四汰冗官其畏 天戒意謂內臣不可干外政後臣不可假威福後宮不宜盛 色其悃孝義則謂 上聖皇太后為天下母受天下養可謂尊 之至矣然必躬修問安視膳之禮乃盡尊養之誠 太上皇帝 君臨天下十有四年 陛下回嘗親父冊封為臣子是人下之 父也至是以 天位授 陛下為 太上皇是天下之 國朝列卿紀 卷之三十 六

也每月朔望及歲時節日宜率羣臣朝見於延安門以極尊崇 之道而又復舊 皇后於中宮以正天下之母儀復舊 皇儲 於東宮以定天下之大本疏上忤 旨下錦衣衛獄刑逼誣引 濱死無一語及他惟御史鍾同先嘗有言故并逮之俱欲重坐 會天大風雨黃氣四塞刑乃少緩明年秋大理少卿廖莊入 朝亦以嘗請復儲杖於 闕庭因命杖綸與同至百同死綸幾絕 復生 英宗復辟登大寶 憲宗還正儲位首錄綸忠出之獄 嘉歎良深遂陞禮部右侍郎其後佐禮部益侃侃不回天順二 年山東水守臣請蠲租未允綸為請得減其半 宗室有被火 盜乞賑恤該司沮以無利綸言 朝廷重親親宜出 特恩遂

賜金五百兩會南京禮部闕卿佐石亨楊善忌綸陽薦於 上 陝之也 上諭曰根本重地非卿不可事有當言具以來 賜金文綺以行四年調南京吏部八年 憲宗嗣位有司奉 遺詔日外請行婚禮言山陵尚新元朔未改百日從吉心實 不安釋服公除在前代固有常制諒陰婚娶於今日不忍隨宜 乞 特諭禮部來春舉行時雖迂其言識者避之成化紀元又 陳救荒四事四年春 詔考察南京官吏與都御史高明議不 協遂劾之并斥御史部屬數十人五年以星變求避位不許尋 陞南京禮部左侍郎詳南京禮部 尹直撰公神道碑曰正統之末社稷非 景帝未知如何一時 安攘之功卓矣所不避者易儲一事耳使當時廷臣有能直諫 以身殉之則儲未必易後有繼公連章會評必從乃已則儲可 必復正月十七日之變亦何由而萌奈何獨公奮發一言遂推 楚毒豈意生全復躋顯位以功名考終而榮及後人忠義之報 何如哉蓋公孝友朴淳剛方坦易學問該洽遇事敢言然皆政 教大體匪詐匪誣厥後 景帝拒絕讒問全護 兩宮其亦終 有悟於公之言也夫 增

范理字道濟浙江台州府天台縣人少穎悟端凝咕嗶一吐輒 能記縣官常以 聖壽節禮儀鼓吹旗仗喧簇塾小生羣往祝 理獨若無所聞坐誦不輟眾異之長為縣學生博書于交山

國朝列卿紀 卷之三十 七

水湧譽髦皆自謂弗如甫踰冠中宣德己酉鄉試第一
試第三皆有文錄之梓 廷試進士出身 宣宗嘗召諸進士
至齋宮親試用人何以得真才論理居第二 賜白金五兩楮
幣五十緡既而例歸省還 朝時重守令之選拜知江陵縣事
作榜文諭民懇切且明盡民口熟之縣當四方之衝過客旁午
理嚴禁令雖權貴無敢漁一錢先是民累歲負租至十四萬石
都御史徵之屬理以民貧不能償也乃召將卒家之佃號畸零
戶者諭之曰世言戶役既佃舊立戶而免役可乎遂定其等各
出募役之米因以償負租畢完且平訟徭勸樹畜郵窮賑弱禁
奸招進訪孝子節婦及忠賢之裔謹學校正禮俗民心翕然由

國朝列卿紀 卷之三十一 八

七月以舊令復遠去少保楊溥薦知德安府亦先榜論吏民大
率如江陵教養之政後悉踐其言每歲必再按屬以省耕牧廉
利弊每季必命題試諸生而第之拔其尤寘府後堂暇輒為其
師隨州民四百家田為楚府護衛所占猶輸租理備奏盡歸其
田民感其皆立主祀之滿去以最異超陟福建布政使時大兵
剿賊鄧茂七等理司饋餉善調度兵皆給食民不加賦 朝廷
嘉其功 賜綵幣表裏各二楮幣十丁潘夫人愛起家拜貴州
左布政使初貴州草創即驛為布政司以夷之難擾也久莫能
改作理奏徙貴州前衛於他所以其地造司數百楹不擾而就
上官無貲弗能職者十五六理悉俾襲吏無敢難常移

夷情固抗章以蠲通稅餉兵春以糧秋以銀便省漕四
饋糧貴州艱甚理俾代糧以銀為之糴減時值十二貴民既獲
利而川廣被惠尤溥秩滿擢南京工部侍郎南京創自國初歲
久凡百皆弊葺造鉅費理不欲煩民迺請鑿盧場之新葺抽分
局之腐木碎炭內府之庫舊貯布帛通售銀殆萬兩又請南畿
獄囚贖者隨葺造所需而納於是自 郊廟宮殿內外諸署城
樓街表或造或葺動輒百千間既修巡戰諸船數百兵食諸器
數萬皆以次成而民不知又奏各處饋南京糧者自船抵倉多
所費每米石費三斗請兵就其船人支三月之餉官取費米歲
可萬石以備賑貸從之果利尋轉南京吏部左侍郎考謀公明

國朝列卿紀 卷之三十一 九

百僚憚之嘗請老至再不允滿考赴京途遇疾卒壽六十四早
孤事潘夫人孝處昆弟友居官清慎忠勤凡政皆精慮而果行
之一以興利為主故江陵纔七閱月而去之日民遮阻不克則
奔餞數十里慟哭而返少保楊文定公溥聞之曰世有為縣七
月遽得民如此怡愉各書所薦皆公名馬公謂其賢而文宜督
學之職文定曰為縣既得民矣俾任民牧尤宜馬公諾合詞以
聞乃有德安之職逮其去德安去貴州也民祖饒如江陵尤甚
德安又勒其去思碑於府治其為文章操紙筆立就率溫厚坦
明深切事理嘗著讀史備志天台要略皆八卷詩經集解三卷
德安府志丹台稿皆十卷藏於家

畜德錄云楊文定公溥執政時其子自鄉來云道出江陰以不
為縣令所禮乃天台范公理也文定深重之即擢為德安府知
府再擢貴州左布政使或勸當致書范公曰宰相為一朝廷川
人非私於理也聞文定卒乃祭而哭之以謝知已

錢溥詳本部尚書成化十二年任本部左侍郎

尹直字正言別號譽齋江西吉安府泰和縣人景泰癸酉領江
西鄉薦明年甲戌中禮部第二 廷試賜進士出身改翰林院

庶吉士與修寰宇通志丙子五月除編修 憲宗御極充 經

筵講官與修 英宗實錄初 景皇帝名號未定或欲從昌邑

更始例直力辯不可成化丁亥實錄成陞侍讀上言典章制度

國朝列卿紀 卷之三十一 十

必大備於文明之朝著述纂修當不廢於承平之世我 祖宗

神功聖德雖登於秘史其儀文法制未載於全書雖有諸司職

掌然遺略尚多更草不一欲示永久曷粹大成乃若通鑑綱目

起自周威烈王迄於五季茲宜續修以成巨典 上是其言是

年與校貞觀政要已丑春祀四陵以 秀王主祭祀官循舊分

行直言往者兩大臣主祭故陪祀者可分 王今編詣 四陵

陪祭者尚可分即禮官愕然從之壬辰陞侍講學士所講必傳

時政詞意誠懇 上每為感悟乙未陞禮部右侍郎南京地震

廷臣疏 請修省屬直具彙所陳多觸時忌同列頗難之直請

獨任其責番夷入貢愆往年有遺賞數以萬計咸謂表德也

狗直言給賞據當時名籍豈有遺者若一隨小人欺冒其

來何以繼之未幾來者果踵相躡眾益服其明決宜府左衛請

度僧行百餘人直曰是皆在邊戍卒豈可空什伍以充梵刹乎

議通行諸邊禁止之內申以父憂歸己亥服闋改南京吏部甲

辰陞南京禮部左侍郎詳內閣

王慎詳本部尚書成化十八年任左侍郎掌部事

黎淳字太樸湖廣岳州府華容縣人天順丁丑舉進士第一授

翰林院修撰成化乙酉 憲宗即位充經筵講官丙戌遷左春

坊左諭德丁亥修 英宗實錄成進左庶子甲午考順天府鄉

試時有試卷奇甚後場不類疑有弊勾稽墨卷果得謄錄生截

國朝列卿紀 卷之三十一 十一

卷狀按其事而取是卷為解首則名士馬中錫也人皆稱服嘗

見天下鄉試錄多舛謬或犯諱摘奏數十條下禮部翰林院議

治考試提調官罪且申定格例行之至今丁酉修資治通鑑綱

目成遷詹事府少詹事兼翰林院侍讀 孝宗正儲位日侍講

戊戌擢吏部右侍郎丙午改南京吏部丁未滿九載遷左侍郎

加正二品俸級弘治元年陞南京工部尚書詳南京禮部

王克復字師仁福建福州府福清縣人天順丁丑進士授刑部

主事歷員外郎中成化 年陞江西右叅政十 年陞湖廣按

察使十九年陞江西右布政使二十一年轉江西左布政使二

十二年陞都察院右副都御史總督蘇松糧儲兼巡撫

府弘治三年陞南京吏部右侍郎五年致仕

童軒字士昂江西饒州府鄱陽縣人景泰辛未進士拜南京吏

科給事中嘗疏省冗員公考察倡武勇釋師儒杜倖進恤民隱

多見採納天順中改戶科給事中 憲廟踐祚首陳帝王之治

在先本而後末者數百言四川盜熾 廷議以軒往馳至賊所

宣布 恩威賊羅拜以降進都給事中復上息盜之策明年盜

復起謫壽昌知縣久之擢雲南僉事提督學校務以敦本為教

士風丕變歷副使叅政成化八年陞太常寺少卿十年命掌欽

天監事弘治元年陞太常寺卿二年陞都察院右副都御史總

制松潘軍務奏除松茂戍守之役人甚便之五年擢南京吏部

國朝列卿紀

卷之三十一

十一

右侍郎十年進南京禮部尚書詳南京禮部

梁璟字廷美山西太原府崞縣人景泰癸酉鄉舉天順甲申進

士擢兵科給事中進都給事中歷陝西左叅政左布政使成化

二十年陞都察院右副都御史巡撫湖廣地方二十三年回籍

弘治六年起原職巡撫四川地方本年回院管事尋陞南京吏

部右侍郎十一年陞南京戶部尚書詳南京戶部

楊守陟詳本部尚書弘治十二年任右侍郎十五年轉左侍郎

黃珣詳本部尚書弘治十八年任右侍郎

楊廷和字介夫四川成都府新都縣人成化戊戌進士改庶吉

士十六年任翰林院檢討弘治二年陞本院修撰四年陞

九年陞左春坊左中允十二年丁憂十四年起復十五年陞

職十六年歷陞左春坊大學士兼翰林院侍讀十八年陞詹事

府少詹事兼翰林院學士正德元年進詹事二年三月陞南京

吏部左侍郎五月陞南京戶部尚書詳內閣

李旻字子陽浙江杭州府錢塘人少敏悟不羣稍長即嗜詩書

博文強記日數千言攻舉業文格華暢小試屢占首列名大起

學者至欲爭識其面成化庚子浙江鄉試第一禮闈不利歸益

自力於學甲辰 廷對遂魁天下授翰林院修撰丁未預修

憲廟實錄弘治戊申補 經筵官己酉丁父憂南還辛亥以實錄

成即家 賜銀十兩綵段二表裏癸丑起復前官丙辰同考禮

國朝列卿紀

卷之三十一

十一

部會試滿九載陞左春坊左諭德沈安人卒予告歸居歲餘上

疏乞養母戊午 朝京師直 文華殿掌左春坊印兼修 上

牒庚申侍 東宮講讀辛酉陞南京太常寺少卿壬戌署南京

國子監事甲子考績至 闕下復以養母自陳正德丙寅召修

孝廟實錄改太常寺少卿兼翰林院侍讀仍修 玉牒充講官

賜金帶丁卯奉 命教庶吉士尋陞本寺卿管國子監事纔八月

陞南京吏部右侍郎四年卒於官年六十有四疾革時大司馬

何世光往視之惟以 國恩未報母老無倚為恨何公還第假

寐書室中見其整衣冠來託其母子恍惚間而計者已至其英

爽如此軀軫秀拔如稠人廣坐談辯懸河出入經傳

口誦盡成始末不遺遺疊終日聽者忘倦居常志在康寧
下事無難者若太常之辨禮成均之教士皆未久而他遷詩文
有法度著述數種多未脫稿藏於家

王瓊詳吏部尚書正德三年以吏部右侍郎調南京吏部右侍郎
四年改南京戶部

朱恩字汝承直隸松江府華亭縣人按察司副使瑄之子也成
化甲辰進士授行人司行人歷司副司正進工部員外丁憂起

復補刑部員外郎進郎中弘治十八年陞河南副使正德二年
陞河南按察使三年陞河南左布政使時大學士焦芳劉宇相
繼為太宰俱為河南人恩趨附結納以故不次陞遷本年陞南

國朝列卿紀 卷之三十一

十四

院右副都御史四年陞南京吏部右侍郎五年陞南京禮部尚
書詳南京禮部

孫交詳戶部尚書正德五年任本部右侍郎本年陞本尚書未
任

羅玘字景鳴別號圭峯江西建昌府南城縣人母傅淑人夢紅
光燭天有物輪困類牛旋五色雲而下膜拜呼天熊天能俄墜
而寤越三日生兒時頭角嶄異奇氣勃勃言議動作皆不肯後
人嘗與羣從兄弟遊遇遺金衆爭趨攫玘獨磔視之未嘗色動
讀書目數行下若涉獵不經意而大義了然父西莊遺入邑庠
初謁尹尹以少易之試對偶出奇響應尹為刮目初治

冠改治書及長樂訓士元守郡集郡彥誦又改治詩
與儕類皆莫敢望而文尚奇崛力追古法試於鄉六十竟不
為有司所知成化乙巳應例入監時閣老丘文莊公濬為祭酒
議南士不聽北留玘固以請至三受朴而銳不少挫丘心異之
然猶且數之曰若能識幾字而崛強乃爾耶玘昂首大聲對曰
惟中秘書未讀耳乃姑留之而識其名於堂柱越數日季試稿
立就若宿構焉六館士數百人無能及之者丘驚歎曰有士如
此而不名薦書誠有司之過也更命作長安賦以為可步兩都
遇知厚輒贊賞之丙午試京府時李文正公東陽傳文穆公瀚
同典文衡得其文奇之以魁多士榜出相慶以為得人明年遂

國朝列卿紀 卷之三十一

十五

登進士改翰林院庶吉士益肆力古文欲卓然樹立成一家言
同館類皆推遜弘治己酉授編修名益重求者戶屢相接然益
自重不苟作有所耐應常杜門謝客終日苦思必得意乃始命
筆意苟未愜稿雖數易不厭也每一篇出釀郁頓挫多不經人
道語士林傳誦文體為之一新志在經世限職守鬱不得施遇
時事可言者輒以已見發諸奏牘而主於開悟調幹非欲激元
以取名也知武岡州劉遜坐忤 岷藩被逮給事中龐洋等救
之觸 孝宗怒併下詔獄上言遜等付所司鞫明公法其在豈
遽按而遣之即有不自救之未晚洋等踈狂誠可罪然在 陛
下宜優容之以全 國體又主事李夢陽以論劾張

言汝榜又上疏謂鶴齡視在肺腑 陛下固將玉成之

一瘦死或自裁乃滋為鶴齡累 孝宗感動薄洋等及夢陽之

責中官李廣死言者劾文武大臣嘗以賄交者欲據廣所籍記

大行斥逐玘謂其瞻攸在不必指其名而暴其惡也宜諭令自

陳或黜以他事庶不貽 朝廷義識者避之已丑考滿陞侍讀

正德丙寅陞南京太常寺少卿歷四年轉本寺卿尋陞南京吏

部右侍郎又嘗一再署國子監及通政司之事所在必究弊壞

而更新之堂隸有募役銀相承以給私用獨却弗受寺外之侵

疆既復遂以是劾為吏舍百餘又拓之以新庫閣並古祠留守

諸權貴見其挺拔不羣往往嚴憚自戢都人遇於道亦皆肅然

國朝列卿紀

卷之三十一

十六

時 武宗臨御已六年而前星未耀中外臣庶人人憂懼自危

而莫敢以為言者乃連疏請早定大計以警屬人心潛奪奸雄

睥睨之念其言迫切且侵及當國諸老一無所顧蓋雖遠去

闕廷而其憂世之心懇懇焉未嘗忘也壬申秋滿三載入京至良

鄉以老請得歸歸山中貽書知舊猶輒以時事為慮然絕意聲

利城府無跡逆濠素重之嘗問以金帛使及門乃豫走旁邑避

不與接濠亂已病臥聞有司將舉義猶豫未決力疾作書趣之

越二日而卒已卯七月二日也年七十有三居家孝友處宗黨

有恩然義所不可雖親之命不肯苟徇其事師交友之道庶幾

古人官兩京鄉人以公事至者卹其艱厄惟力之視必歸

蓋鍾奇氣而生其心迹類以奇自見可謂一代之人豪

侍郎崔銑云羅景鳴者振奇人也故其言捷於異而齋於典其

見昭於細故而闡於大然能自著偉詞不亂於頽習往西涯公

處於劉瑾張永之際不可言臣節矣士惠其私猶曲貸而與之

幾亡是非之心景鳴責引大義願削門人之籍逆濠將叛遣使

齎金餽於山中景鳴知之一夕逃去家人莫知其處噫烈矣哉

儲懽字靜夫直隸揚州府泰州人幼穎異六歲讀書過目成誦

九歲善屬文選充州學子弟員十六歲應鄉試名聞京師成化

乙亥年二十三王淑人疾刺股救之卒時尚未室家貧無貲極

力營墓每旦伏哭塚上夜則苦讀成化癸卯舉應天鄉試第一

國朝列卿紀

卷之三十一

十七

甲辰會試禮部第一觀政吏部太宰濟南尹晏欲選為屬懇求

便養遂授南京吏部考功主事尋陞郎中弘治甲寅太宰鉅鹿

耿公奏改吏部考功郎中公留意人才考注減否無不曲當一

時人士竦然戒曰儲君秋陽可畏居南部時考察庶官雖執政

親戚知識者咸無假借天下服其公丁巳擢太僕少卿次年丁

內艱去辛酉起復補舊職禁吏迎送除民苛費及馬政積弊乙

丑陞本寺卿首舉馬政便民者四事疏於 朝悉見施行譽望

日隆性狷介寡合執政不相悅奏擢都察院右僉都御史總督

南京糧儲革倉庾宿弊裁省供費及條陳應議四事多所惠益

正德戊辰擢戶部右侍郎已巳遷左侍郎督儲其蒞政

都沉靜端毅中其同事者咸見嚴憚時逆瑾用事稱爲
不敢慢庚午春以疾乞休 詔賜乘傳還同事太監蔡甲素重
其廉餽白金五十兩爲贖辭不受冬十月仍起爲左侍郎壬申
年爲南京戶部左侍郎時四方多故京儲虛耗唯籌畫深遠務
善後圖癸酉正月改南吏部左侍郎尋卒於官嚙貌清羸若不
勝衣端默簡重凝然臺閣之器爲文簡古多思尤深於冲澹沉
蔚兼晉唐之風士林重之好賢惜才凡海內知名士咸見推引
阨窮弗達者必思振起之辟遠非類不惡而嚴未嘗有不善人
至其門也邵文莊公嘗語人曰持身當以柴墟爲方終不爲匪
人累其見推重如此每與學士大夫語必政事文學等事否則

國朝列卿紀

卷之三十一

十八

謝子

端坐終日而已居常與家人言亦恒引古賢孝貞烈故事爲訓
絕無燕昵語事親至孝侍年八十顧慮周至四奉 勅誥平生
鬚髮爪甲不敢棄遺竟以殉歛其謹身慎行此可類推已晚爲
朝廷倚重故 誥辭稱其雅操不羣長才傑出學有本原志存貞
固簡在已切矣年五十有七所著有柴墟文集若干卷奏議一
卷駟野集一卷

石瑄字邦彥直隸保定府藁城縣人成化丁未登進士選庶吉
士除檢討德器剛毅知識不羣館閣稱重之以纂修功陞修撰
侍經筵講讀 賜金帶四品服正德初士風漸漓於前類多巧
宦瑄憤世嫉邪作媒說以諷久之陞南京翰林院侍讀

已遂補南監祭酒教法嚴邃濟之以愆五年七月 祭酒
監祭酒以身率人教嚴而莫敢犯九年陞南京吏部右侍郎簡
靜持正十年改禮部累官內閣少保詳內閣
羅欽順詳本部尚書正德十年任右侍郎
朱希周詳本部尚書正德十四年任右侍郎
汪偉字 江西廣信府弋陽縣人弘治丙辰進士任右

國朝列卿紀

卷之三十

十九

謝子

國朝列卿紀卷之三十終

國朝列卿紀卷之三十一

戶部序

夫戶部尚書者非古制也自漢成帝置尚書五曹其後魏晉主財帛委輸并吏人上書事至魏文帝置度支尚書專掌軍國支計吳有戶部晉有度支皆主筭也宋及齊梁度支尚書領度支金部倉部起部四曹隋開皇二年改度支為民部統度支民部金部倉部四曹唐承隋制不改永徽初年避廟諱改民部為戶部顯慶元年又改為度支龍朔二年又改為司元太常伯咸亨元年復舊光宅元年又改為地官龍朔元年復舊沿及趙宋相因不改然皆為尚書省屬官與周官大司徒掌邦教之任固

國朝列卿紀

卷之三十一

王都寫

不同矣 國初沿唐制設戶部尚書侍郎之職掌天下戶口田糧政令仍屬中書省洪武十三年革中書省陞六部每部分四子部各設郎中員外主事於是戶部其屬有四曰民部曰度支曰金部曰倉部二十三年為天下庶務浩繁 欽改為十二部曰浙江江西湖廣陝西廣東山東福建北平河南山西四川廣西各令清理一布政司戶口錢糧等事仍量其繁簡帶管直隸府州每一部內仍分為民度金倉四科以領其事二十九年又改十二部為十二清吏司永為定制未幾元年改北平為北京清吏司十九年定鼎北京革北京清吏司增雲南貴州交趾三清吏司宣德十年革交趾清吏司附十三司帶管凡十三司所

屬布政司府州縣地理人物圖志所載古今沿革山川險阻口多寡與凡徭役職貢之方經費贖給之算藏貨贏儲之准悉咨尚書侍郎而奉行其制命自罷丞相以後戶部之職雖沿襲於度支而掌建邦土地之圖與其人民之數固隱然大司徒之任矣歷永樂洪熙宣德間夏原吉以戶部尚書參謀密勿加至少保領尚書事是即成周三公領六卿之職之遺也正統以來委任日隆凡戶部尚書加至宮保者後先相望第承平既久國家多事加之水旱頻仍邊儲告乏其所以酌盈濟虛類非有心計者不足勝此而一二壞事之臣復乾沒其間其甚也輕變成法使百十餘年邊計廢於一旦猶謂國有賴乎惟戶部改置

國朝列卿紀

卷之三十一

陶仲仁

北京肇自永樂辛丑其總督京都及通州諸處倉場初命司屬理之而柄持內豎自宣德五年命李昶為戶部尚書專督倉糧遂為定制以後不拘尚書侍郎惟資秩相應者命之嘉靖十五年 皇上再意農事又命兼督西苑農事而委任視昔尤加重焉今詳各官年表於後其行實見於事紀其勲德茂著者表為列傳

國朝列傳紀卷之三十一

國初戶部尚書年表

楊思義 洪武元年任

朱昭 洪武二年任

杭琪 洪武二年任

滕德懋 南直長洲人 洪武三年任

蔣思德 洪武四年任

楊訓文 四川潼川人 洪武四年任

海淵 洪武五年任

俞溥 洪武五年任

國朝列傳紀 卷之三十一

李儼 南直泰興人 故元進士 洪武六年任

趙好德 河南汝陽人 儒士 洪武六年任 改吏部

周肅 江西吉水人 故元樞密同知 洪武七年任

韓焯 洪武八年任

宋冕 洪武八年任

周斌 洪武九年任

倪斯 應天溧陽人 故元知州 洪武九年任 歷史禮二部

沈立本 舉洪武十年任

費震 江西鄱陽人 徵辟 洪武十一年任

顧禮 洪武十二年任

任彬 洪武十二年任

徐鐸 江西豐城人 洪武十三年任

劉平仲 洪武十三年任

范敏 河南開封人 秀才 洪武十三年任

徐恢 浙江常山人 洪武十四年任

郭允道 陝西安塞人 洪武初舉 洪武十五年任

曾泰 湖廣江夏人 秀才 洪武十五年任

王時興 湖廣應山人 國初附 洪武十五年任

栗恕 山西長子人 歲貢 洪武十七年任

徐輝 南直武進人 吏員 洪武十八年任

國朝列傳紀 卷之三十一

茹大素 山西澤州人 舉人 洪武十八年任

楊靖 南直山陽人 洪武乙丑進士 二十二年任 歷左都御史

趙勉 湖廣夷陵人 洪武乙丑進士 二十三年任

郁新 南直臨淮人 人才 洪武二十六年任

王鈍 河南太康人 故元進士 洪武二十二年任

郭資 河南湯陰人 進士 未舉 初年任 加太子太師

夏原吉 湖廣湘陰人 舉人 未舉 初年任 加至少師

國初戶部尚書行實

楊思義字

人丁酉年入仕以委任稱 旨特

授起居注吳元年陞司農卿洪武元年八月設六部改戶部尚書奉 命行水旱去處不拘時限從實踏勘的係災傷稅糧印

與蠲免民種麻每畝八兩木綿每畝四兩栽桑者四年以後有歲始徵其租不種桑者使出絹一疋不種麻者出綿布一疋十

二月 上思天下預備倉未立緩急公私無以賑濟乃行令各處悉立預備倉各為糴糶收貯以備賑濟就擇本地年高篤實

人民管理二年正月 帝耕籍田諭廷臣曰古者天子籍田千畝所以供粢盛備饋膳自經喪亂其制已廢上無以教下無以

國朝列卿紀

卷之三十一

五

勸其首舉行之以為天下勸及是行之損益前代儀節務期切實得中自告朔而迄舉事其間太史文告之辭農官省扈之節

一撥三推九推之數朱絃黛耜之文無不悉備又論思義等曰先王之世野無不耕之民室無不蠶之女自十一之制湮技巧

之工作而後農桑之業廢厥思足衣食在於禁末作而革華靡夫一夫業耒而百家待食一女事織而百夫待衣欲人無貧不

可得也後視園丘令左右導太子過觀農家還謂之曰汝知農之勞乎夫農勤四體以務五穀終歲勤動 國家經費此其所

出故令爾知之取之有制用之有節使不致於饑寒也本年調陝西行省叅政後卒於官

朱昭字

人洪武二年拜戶部尚書八月

命昭等於蘇州太倉州儲糧三十萬石以備海運將有事於遼東以給軍士又於北平山東河間靈州廣東海北河東俱置鹽

運使司及鹽課司每歲辦納鹽課每引二百斤先是置兩淮兩浙鹽運使司每引四百斤官給米一石至是又有此命本年十

一月以怠職降蘇州府知府後卒於官

杭琪字

人吳元年拜司農少卿洪武元年八

月設六部改戶部侍郎與楊思義同經國賦二年十一月陞戶部尚書三年六月 上諭琪等籍天下戶口置戶帖書各戶之

國朝列卿紀

卷之三十一

六

於民令有司開點比對有不合者發充軍官吏隱瞞者處斬又令各處軍民有占籍而不應役者許自首又以北方田土不甚

修治乃 詔北方之人墾田地每一戶十五畝又給地二畝種菜有餘力不限頃畝皆免三年租稅本年以事貶陝州知州後

卒於官 滕德懋字思勉直隸蘇州府吳縣人元季為江浙行省掾叅政

采耳只班計方國珍辟為叅謀渡海颶風大作舟且覆德懋神色自若人多服其有養國珍降置撫台州三年台人德之 國

初徵擢丞相府掾從征陳友諒除知信州以才力不逮辭改建昌同知時陳氏故臣王溥守禦建昌所為多不法德懋以去

律之多廢改進知潭州再進湖廣行省左右司郎中洪武
年十二月召拜兵部尚書五年改戶部尚書奏准浙江行省歲
輸糧九十二萬二千二百六十八石設糧長一百三十四名又
奉命設軍儲二十所各置官掌管本年以事免官卒德懋才
辨豪爽器量宏偉其學長於奏疏凡招徠詔諭之文多出其手
一統志稱其居官有大節云

蔣思德字 人任岳州府知府洪武四年任

楊訓文字 四川潼川州人故元淮海書院山長遇亂不出

乙巳年王師下揚州以儒士見留侍左右五月拜起居注上

諭訓文曰起居之職非專事紀錄而已要在輸忠納誨致主於

國朝列卿紀 卷之三十一 七 高洪武 習家

無過之地而後為盡職也吾平時以百官所言一二在外猶尋

繹不已今爾在吾左右可不盡言且爾素稱謹厚當始終一致

苟易其所守則患必生矣譬如馳馬能戒於險阻則不墜肆意

於平曠則顛蹶吾每以此自警故以示爾等他日復命訓文同

滕毅集古無道之君若夏桀商紂秦始皇隋煬所行之事以進

曰往古人君所為善惡皆可為龜鑑吾欲觀此者正欲知喪亂

之由以為之戒耳尋遷中書省左司郎中洪武元年陞太常寺

卿二年出知湖州三年移知汀州四年陞禮部尚書協陶凱理

部事是歲舉進士 命禮部尚書陶凱與前侍講學士潘廷

堅為會試主司侍講學士詹同國子司業宋濂吏部員外

本前貢士鮑恂為同考至廷試又命訓文協陶凱提調得

吳伯宗一百二十人號稱得人本年改戶部尚書奉 命令

外倉庫放支錢糧內則中書外則行省第其字號為符券然後

放出五年調河南行省參政本年卒於官人稱其有學行政事

云

海淵字 人洪武五年拜戶部尚書本年調福

建行省參政後卒於官

俞溥字 人洪武五年拜戶部尚書六年九月

進階正議大夫又奉 命鑄洪武通寶民有私鑄者禁之本

以事免

國朝列卿紀 卷之三十一 八 高洪武 習家

本儼字民瞻直隸揚州府泰興縣人故元進士選充通寶官洪

武三年授大都督府都事以才幹稱 旨五年陞刑部侍郎六

年陞刑部尚書本年十月改戶部尚書奉 命行蘇松等府糧

長每名設知數一名斗級二十名送糧人夫一千名以備運納

未幾卒於官

趙好德字秉彝河南汝寧府汝陽縣人幼警敏有經濟志早失

怙恃刻苦力學能文章善大書娶李氏有淑行會元末汝賴兵

起郡縣多陷沒好德謂李氏曰我觀元運將訖豪傑並爭東南

有天子氣欲往從之但汝有孕將婉如是子可名太平他日尋

我若是女聽汝便遂灑泣以別自和陽渡江達金陵見 太祖

語合洪武元年以儒士命同知陝州事尋以安慶為江淮保障遂陞知府時草創之初修理公宇均定賦役民咸便之五年陞戶部侍郎六年陞戶部尚書七年出為陝西參政八年召為吏部尚書詳吏部

周肅字 江西吉安府吉水縣人故元樞密院同知歲丁未

王師平定中原授御史臺都事以直諫稱旨 上特賜文綺楮幣以獎之洪武二年陞湖廣副使六年改河南府知府有惠政

及民七年丁憂奪情起復陞戶部尚書經畫有方 上甚器重

奉命免亡故官員之家徭役其山東正軍全免差役貼軍者俱

免田百畝其餘田悉與平民同所有差役不得比例優免八年

國朝列卿紀 卷之三十一 九

以蕙直忤 旨卒於官

韓焯字 人洪武八年拜戶部尚書本年免

宋冕字 人洪武八年拜戶部尚書本年免

周斌字 人洪武七年由登州衛知事拜戶部

右侍郎九年陞戶部尚書十年免

僕斯字 應天府溧陽縣人故元嘉定州知州來附王師吳

元年授兵部員外郎本年擢尚寶司符寶郎四年出知泰安州

六年陞河間府知府俱以才幹著而民亦不擾九年入為戶部

郎中尋陞戶部尚書本年調山西左參政詳國初吏部

沈立本字 人洪武初年薦舉任甘肅衛經歷

九年陞戶部侍郎十年拜戶部尚書九月奉 命考校錢糧用

空印者罪之十一年正月奉 命刻功臣俸米之數於石未幾

出為江西右布政後卒於官

費震字 江西饒州府鄱陽縣人洪武初年以賢良徵為吉

水州知州以寬惠愛民有善政四年擢漢中知府時歲歉盜起

震發倉儲十餘萬粟賑濟俾秋熟還倉易陳為新盜乃來歸即

令占宅自為保伍遂得數千家至秋大熟民悉還前粟 上聞

而嘉之後以事被逮 朝廷以震為良吏釋之使為牧民者勸

用為寶鈔司提舉十一年以善政陞戶部左侍郎本年陞戶部

尚書十二年正月奉 命定丞相御史大夫等官歲祿之數刻

國朝列卿紀 卷之三十一 十

石官署中書省左右丞相御史臺左右大夫每歲各給二千五

百石若駙馬都尉李祺梅殷每歲各給六百石平章李伯昇土

溥潘原明每歲各給七百五十石俱於江西官田給與本年調

湖廣布政使後以老致仕

顧禮字 直隸崑山縣人洪武初徵舉九年任刑部左侍郎

十一年起戶部十二年拜戶部尚書本年免

任彬字 人洪武九年任戶部右侍郎十二年

拜戶部尚書十三年免

徐鐸字 江西南昌府豐城縣人洪武初舉人才擢中書省

都事尋進左司郎中九年陞 十年降平陽府知府

十三年陞應天府尹本年陞戶部尚書踰二月以逆黨免十四年起湖廣試布政使尋授山東左布政使後卒於官一統志稱其在山東學術正大治政公平云

劉平仲字 人洪武十三年拜戶部尚書本年

免

范敏字 河南河南府閩鄉縣人洪武八年舉秀才性聰慧

博涉書史 十三年擢試戶部尚書自丞相

胡惟庸不法之後特召天下賢才有司類多泛舉敏薦下本

佐龔敦杜敦趙民望等俱耆老明經行修 上召拜王本等為

四輔官王本等又薦儒士宋訥等並徵用之一時號稱得人本

國朝列卿紀 卷之三十一 十一

年實授戶部尚書 上諭敏等曰曩者奸臣聚歛深為民害稅

及天下織悉之物朕甚耻焉自今如軍民娶嫁喪祭之物舟車

絲帛之類皆勿稅爾戶部宜榜示天下使其周知十四年三月

上諭編造黃冊以一百一十戶為里推丁多者十人為長餘百戶

為十甲凡十人歲役里長一人管攝一里之事城中曰坊近城

曰廂鄉都曰里凡十年一周先後則各以丁類多寡為次每里

編為一冊冊首總為一圖鰥寡孤獨不任役者則帶管於百一

十戶之外而列於圖後名曰畸零冊成一本進戶部布政司及

府州縣各存一本未幾以事免

徐恢字子輝浙江衢州府常山縣人博學有才幹洪武十四年

拜戶部尚書本年犯罪下獄 命減死論

郭允道字 陝西延安府安塞縣人洪武初年以學行舉為

安塞縣學訓導十四年以賢良方正擢居近侍歷

十五年拜戶部尚書本年免

曾泰字 湖廣江夏縣人秀才有學行洪武十五年不次用

之拜戶部尚書本年免

王時即興福初以字時興行後除興字湖廣德安府應山縣人

元末兵亂隱黃蘗間乙巳 太祖敗偽漢陳友諒於鄱陽時興

單舸赴之以精於推擇 上大悅擢知徽州丙午以善政改知

杭州俱有惠及於民洪武三年擢吏部尚書本年謫知西安府

國朝列卿紀 卷之三十一 十二

十四年拜刑部尚書十月 上命時等論擬律奏聞從翰林

院給事中及春坊正字司直郎會議于允然後覆奏論決十五

年改戶部尚書十一月 上以各處糧長催徵不便命悉罷之

止令照黃冊人等催辦其各處奸頑之徒將田地寄人戶者就

許受寄之家首告就賞為業十六年四月奉 命復鳳陽臨淮

二縣民雜差十七年以事免

大誥云刑部尚書王肯持五刑以弼五教肯所習者先聖之道

及其行也不體先聖之教縱奸頑之志鬱良善之心懷暴誹謗

惟在沽名凡奏刑名增減情辭故行出入每每不當御史唐鐸

按實將欲勾問其王肯面傷唐鐸徑引唐則天故事上侮朝廷

下慢執法之官其詞曰你入我罪久後少不得請公入甕今所言王肯之事不過一二爾不才多矣

又云王肯將史靈芝并本夫及妄取軍屬姦夫盡行提取在部不行明坐妄取他人妻室為妻之罪又不問鄉貫同否曾無日前有姦却乃吹毛求疵詢問出史靈芝三歲時曾定與姦夫唐閩山兄為婚其人未出幼已故靈芝長成與姚小五為婚已生男女三人王肯尚欲差人原籍勾取三歲媒合之人意在動擾良民持權妄為有乖治體非止一端

栗恕字 山西潞安府長子縣人洪武七年以縣學生起貢入國子監授刑科給事中十五年廷臣薦其才特試戶部右侍

國朝列卿紀

卷之三十一

十三

十四

郎十七年陞試戶部尚書八月定各處鹽工本鈔兩淮兩浙每引二貫五百文河間廣東海北山東福建四川每引俱二貫十八年七月奉 命行兩浙京畿官田收稅糧鈔每五貫准米一石絹一疋准一石二斗金一兩准十石銀一兩准二石綿布一疋准一石苧布每疋准七斗夏稅農桑絲每十八兩准絹一疋重十六兩其天下有司官俸米每鈔二貫三百文准米一石其酒醋諸色課若有布帛米穀等項俱折金銀錢鈔除量存各司府州縣祭祀所用餘各令該司局等官親齋具奏有司帶辦者差吏管解俱以次年正月起程直隸府州限正月以裏各布政司限三月以裏到京若金銀鉛硃砂礬黃丹青綠毛纓碧甸子

鍾乳粉棕毛水銀俱將本色其餘煎茶酒醋礬硃鉛粉黑錫石管商稅密課等諸課俱折金銀錢鈔若四川等布政司并北平河間等府州縣河泊所凡六百八十九道皆如之又令各該有司復設糧長以民力稍多者充當其各處賦役必驗丁糧多寡產業厚薄以均其力至是又命有司第民戶上中下三等為賦役冊貯於廳事凡遇徭役取驗以革吏弊時以農桑起科大重百姓艱難今後以定數為額聽從種植不必起科以甦其力本年以事免

徐輝字 直隸武進縣人吏員洪武十八年任

茹大素字 山西澤州人洪武四年庚戌鄉舉上萬言書稱

國朝列卿紀

卷之三十一

十四

十五

旨擢監察御史五年設四川提刑按察司擢按察使執法平允七年召為刑部侍郎本年降刑部主事十五年陞江西左參議十六年陞都察院右僉都御史本年降翰林院檢討十八年九月陞戶部尚書十九年奉命率出納官物勘合令本部行文書下庫用印信于本於各衙門關防出入九月庚申西平侯沐英奏雲南土地甚廣而荒蕪居多宜置屯屯令軍士開耕以備儲蓄上諭大素曰屯田之政可以紓民力足兵食邊防之計莫善於此趙充國始屯金城而儲蓄充實漢享其利後之有天下者亦莫能廢英之是謀可謂盡心有志古人宜如所言然遷地久荒榛莽蔽翳用力實難宜後其歲輸之粟使彼樂於耕作數年之後

徵之可也二十年十二月 上以兩浙富民多畏避差役詭寄田產令戶部覈實遣監生往丈量畫圖編號悉書主名為魚鱗圖冊以備查考又令陝西屯軍五十抽一糧稅照民田例田五百畝者一歲納五十石緣邊屯田收穀種外其餘剩糧以十分之二上倉二十一年令內外衙門關支物料本部編置勘合送內府收貯其該衙門奏類勘合赴該庫比號相同照數放支又令司禮監編置內官衙門勘合底簿本部編置在外衙門勘合與底簿內將一扇送 內府收貯本衙門與該庫各收一扇凡各衙門關領物件自行開數具奏關出勘合填寫物數齎赴本部比號填寫底簿倉押用印仍與該衙門齎去庫比號照數支

國朝列卿紀

卷之三十一

十五

賈五七

領本庫將勘合送司禮監收銷或有差錯等項該衙門即便具奏改正用印鈐蓋二十二年以事謫外尋召入自經編置子孫於貴州

楊靖字仲寧直隸淮安府山陽縣人洪武乙丑進士改庶吉士試事戶科有才幹本年擢試戶部左侍郎十九年實授二十二年陞戶部尚書二十三年 上命榜諭各處稅課司局巡攔令計所辦額課日逐巡攔收於司局按季交與官攬出給印信收票不許官攬侵欺致令巡攔賠納違者重罪其各處稅課司局巡攔商稅俱三十八分稅一不得多收本年五月改刑部尚書歷太子賓客左都御史詳都察院

趙勉字 湖廣荊州府夷陵州人洪武乙丑進士歷事工部本年除審刑司左詳議十九年陞大理寺丞二十年陞大理寺卿二十一年陞刑部左侍郎二十二年陞刑部尚書二十三年五月改戶部尚書賜之誥曰昔君天下者首建倉廩府庫備糧備藏金帛以待軍國之需庶職之祿給也故必設官以司之古稱天子富有四海所以昭滿盈示儆戒也若好人在君之左右使掌之動以富為首言則君恍如富兒妄費不問民之艱辛賢臣必欲致君者當敷奏府庫之儲乃民之膏脂一有妄費國本虧矣知斯艱難謹共出納則府庫倉廩皆有餘而祿給充軍足食民無橫斂國有常令大道張君德美矣至於戶口之登耗

國朝列卿紀

卷之三十一

十六

石全

必當進上朕於此職心惟其人今特命爾勉為戶部尚書於乎量人為出毋擾於民至公無私未懷朕命復論勉曰務農事救王政所先古者民勤耕稼之勞故三年耕則餘一年之食九年耕則餘三年之食二十七年則餘九年之食是以歲或不登民無饑色以儲蓄有素故也朕累勅有司勸課農桑而儲蓄之豐未見其効一遇水旱民即饑困故嘗令河南等處郡縣各置倉庾於豐年給價糴穀就擇其地民人年高有德篤實者掌之或遇荒歉即以賑給庶使民得足食野無餓殍其有未備之處宜皆舉行是時方召天下老人至京隨朝命擇其可用者使齎鈔往各處同所在官人糴穀為備十月奏准遣監生回各府州縣

官拘集各里甲人等審知逃亡該縣移文差親隣里甲於各處
起取其各里甲下或有他郡流移者即時送縣官給行糧押赴
原籍州縣復業又定官田每頃科草七包民田加倍俱起運赴
京師草場交納又定浙歲辦鹽引每丁辦小引鹽十六引引重
二百斤復鹽工丁半之其餘工丁四引二十四年命以戶部署
禮部事三月復定黃冊格式禁有司官吏里甲不得科斂民財
有改抹文冊刁蹬不收者許老人指實連冊縛害民吏典赴
京具奏犯人處斬里甲通同人戶作弊隱瞞者及將原報在官
田地不行明白推收過割一槩影射滅除糧額等項一體處死
隱瞞人戶家長處死人口遷發化外編排里長不出本都不許
國朝列卿紀 卷之三十一 七

一收又思京師當令富實即令戶部行各布政使司選富戶起送
入京以實之十一月 上諭各處商稅衙門河泊所官吏每歲
收辦課程不許勒索科鈔但有字貫可辨真偽者不問破爛酒
污水跡紙補即與收受解京若官吏巡攔刁蹬不受及因而不
堪辦真偽鈔解京者俱坐以罪其揚泰二州鹽引俱依淮鹽例
二十五年勉等奏馬草不敷 上曰通年供給馬草有司好生
擾民且如青草時月軍人牧放馬匹就場打草晾曬每晚馬上
一馱回一日的草豈不用五七日若將夏秋積的草數算來一冬
儘用不了戶部行文書去山東山西河南北平陝西四川等處
衛分知道今後民間不徵收馬草官軍的馬再不支與馬草料
國朝列卿紀 卷之三十一 八

別都人補湊庵觀寺院僧道有田糧者亦編入冊與里甲納糧
當差寄莊人戶除里甲原籍排定應役雜泛差役皆隨田糧應
當冊成送戶部轉送後湖收架委御史二員戶科給事中一員
戶部主事一員監生一千二百名以舊冊比對清查如有戶口
田糧埋沒差錯造冊徑奏取旨凡官員監生吏卒人匠每五日
一次過湖瞭曬司禮監戶部收掌鎖鑰不許一應諸生往來其
各處軍民人戶有籍不明解人前來挨查後湖黃冊不許將府
州縣全抄止許抄本戶糧田軍民丁產來歷明白即便發回亦
不許因而帶抄別戶以泄事機五月 上以應天等府如太平
鎮江寧國廣德興王之始供給艱難其官田稅糧自後減半徵

是官下馬着他家人自打草喂養軍人的馬自積聚秋青草喂
養十二月勉同妻坐賊罪妻父翰林院學士劉三吾請吏部自
陳塔戶部尚書趙勉夫婦坐賊罪法當死皆緣素失教誨致負
深恩今已被御史糾劾雖蒙恩宥竊思職居近侍自當引退以
勵廉恥吏部以聞遂免其官
郁新字銘本直隸蘇州府吳縣人洪武二十一年以人才徵授
戶部度支主事 賜名新次年改制戶部設十二屬司遂陞北
平部郎中二十四年陞戶部右侍郎二十六年奏事庭中被顧
問天下戶口數目漕運地理險易應機響答無遺謬 上嘉之
遂陞本部尚書二月 上令揀各布政司并直隸府州縣解納

絹布如泥污水跡堪染顏色及稍破壞者皆不必陪歷爛破損不堪用者准陪補亦不治罪因定折納絹疋則例每絲二十兩及十八兩折絹一疋長三丈二尺闊二尺綿布長三丈二尺闊一尺八寸重三斤二十七年九月立災傷去處散糧則例先是壬申歲山東災傷每戶給鈔五錠癸酉歲令天下有司凡遇歲饑先發倉廩賑貸然後具奏及是乃定則例凡人戶大口六斗小口三斗五歲以下不與二十八年三月因各邊缺糧新等奏請中納米定為則例出榜召商於缺糧倉分上納豫先編置勘合并底簿發各該布政司都司衛分及收糧衙門收掌如遇客商給完糧填寫所納糧數并該支引鹽數自付客商齎各該運

國朝列卿紀

卷之三十一

十九

張文

司及鹽課司提舉司候中鹽客商納米完齎執勘合比對硃墨二號相同照數行程支鹽又奏准兩淮鹽運司工本照各場領辦鹽數遣監生管運給散山東福建河南止於官庫內關領給散九月 上謂新等曰朕今子孫衆盛原定親王歲用祿米各五萬石今天下官吏軍士亦多俸給彌廣其斟酌古制量減各王歲給以資軍國之用至是新等議更定親王歲給祿米萬石郡王二千石鎮國將軍一千石輔國將軍八百石奉國將軍六百石鎮國中尉四百石輔國中尉三百石奉國中尉二百石公主及駙馬二千石郡主及儀賓八百石縣主及儀賓六百石郡君及儀賓四百石縣君及儀賓三百石鄉君及儀賓二百石皇

太子次嫡子并庶子封郡王並候出閣然後歲賜與親王子已封郡王者同女候及嫁然後歲賜與王親女已嫁者同郡王嫡長子襲封郡王者歲賜比始封郡王減半支給 上於是重定祖訓錄名為皇明祖訓其目仍舊而更其箴戒章為祖訓首章上以是編之作將垂之萬世命大書揭於右順門內西南廊下朝夕詳覽斟酌損益久而後定既而遣使召諸王至京諭以減祿米之故且以 皇明祖訓賜之三十年九月 上命新等下令天下民每鄉里各置木鐸一內選年老成替者每月六次持鐸循於道路曰孝順父母尊敬長上和睦鄉里教訓子孫各安生理毋作非為又令民每村置一鼓凡遇農種時月清晨鳴鼓集

國朝列卿紀

卷之三十一

二十

張文

衆皆會田所及時力田其怠惰者里老人督責之里老縱其怠惰不勸督者罰又令民凡遇婚姻死喪吉凶等事一里之內互相賙給不限貧富隨其力次以資助之庶使人相親愛而風俗厚矣革除二年閑住壬午年 成祖入正大統仍召掌部事永樂元年命簡直隸蘇州等十郡浙江等九布政司官民實北京三年卒於官新有才幹精於會計自謂劉晏以下不論也學士解縉稱其存心豈弟恂恂怵怵允為爵祿之器云 王鈍字 河南開封府太康縣人淹貫經史舉故元進士授倚氏知縣入仕 國朝洪武初年授禮部主事三年改湖廣長沙府通判五年坐事免官十二年復舉明經授北平府通判十

六年陞吏部試郎中十九年陞福建左叅議二十年陞福建左叅政寬慎廉介民懷其惠二十二年奉使撫諭麓川平緬甸宣慰使贈遺金貝固却不受還奏稱 旨二十五年陞浙江左布政使蒞政勤民吏胥憎服嘗伐石以捍江濤民免墜溺旱禱雨即應憂民之心不遑寢食民咸德之章除二年陞戶部尚書壬午年 成祖入正大統純歸附諭純與吏部尚書張統曰卿一人久事 皇考習知典故今皆老矣其解見職務月給尚書半俸居京師視時政有戾舊制者並向朕直言之勿隱庶稱屬望老成之意十月命純馳驛往北平與新昌伯唐雲程度屯種永樂元年致仕

國朝列卿紀

卷之三十一

三十一

劉汝忠

郭資字存性河南彰德府武安縣人永樂初年任事詳北京戶部

部

夏原吉字維詰湖廣湘陰人永樂初年任事詳北京戶部

國朝列卿紀卷之三十一終

國朝列卿紀卷之三十一

戶部尚書總論

夫戶部尚書者古地官司徒之任也地者載養萬物天子立司徒掌邦教安擾萬民凡以象地所立也自魏置度支尚書以降至隋改爲民部唐又改爲戶部總判戶部度支金部倉部事於是戶部司版籍財賦與所掌邦教不同矣然唐自肅宗朝宰相呂誼使度支其後遂爲故事賢相如裴度李德裕皆嘗以身任之是戶部之職一變而判以丞相也接於五代後唐以鹽鐵戶部爲三司使是又變而爲三司使也但政在得人係於分專如章聖欲知帑藏名數宰相李沆終不以進真宗命其中外錢

國朝列卿紀

卷之三十一

王師古

殺大數三司使陳恕終不敢上慮開人主之侈心也自王安石籍其數於御前謂之旁通籍嗣後蔡京以制作自任奢費紛起貂璫承受索辦不復關白所司既無計相以司其出入又無案相以制其大綱使庫藏鼠耗無餘而靖康之變作矣 明興設立六部雖沿唐宋之舊而戶部尤爲國家命脉所係故永樂以來雖建內閣選儒臣預叅機務而軍國大計屬戶部尚書夏原吉裁決居多時內府百司營創並起南征北伐所費不貲而天下晏然不聞譁聲於此見原吉之規度宏遠矣以後代司國計固多幹才然求其明政治不失緩急之序如黃忠宣足食首役使漕運無阻滯年恭定保民薦賢以逸儲爲已任奉養教也其

不入而貧乏無異寒素韓忠定類草鹽弊而權倖不緣為利媒
可謂介然不淄足以廉頑而起懦矣至於察民力重國體不取
辦於催科不搖惑於羨銀却魯昂括財之疏而乞省冗費折端
肅市馬之旨而且引祖訓與夫內旨取張燈具靈臺求灑掃卒
諸王奏乞河泊稅銀鎮暨奏給浙江關征中官奏乞鹽引為織
造費外戚奏乞民田為私業俱格不得肆益以身任事不顧利
害而為之若周文端者豈古之所謂社稷臣非耶其餘知有賦
而不知有民者蓋比比也甚或輕變成法如葉淇者利商人鹽
價解部不於各邊上納本色卒至邊事日壞不可充實亦倖於
滿天網矣然則有志於圖報者豈無經久之圖耶

國朝列卿紀

卷之三十二

十一

毛士遠

國朝列卿紀卷之三十二

戶部尚書年表

夏原吉

湖廣湘陰人鄉舉洪武三十五年任永樂十九年改北京本年下獄二十二年再任

郭資

河南武安人進士永樂十九年任二十二年加太子少師致仕宣德四年再任七年卒贈湯陰伯諡忠襄

夏原吉

詳前永樂二十二年復任加少保兼太子少傅宣德三年報政務與密議五年卒贈太師諡忠靖

郭敦

山東棠邑人鄉舉宣德二年任六年卒

黃福

山東昌邑人鄉舉宣德五年任七年加少保調南京戶部尚書卒贈太保諡忠宣

胡濙

直隸常州府武進人進士宣德六年任

劉中敷

順天大興人監生正統元年任六年免

王佐

山東海豐人鄉舉正統六年任十四年卒土木之難贈少保諡忠簡

國朝列卿紀

卷之三十二

三

陶見

金濂

直隸山陽人進士正統十四年任加太子太保景泰五年卒贈太保諡榮襄

張鳳

直隸安平人進士景泰五年任天順元年調南京戶部尚書

沈固

直隸丹陽人鄉舉天順元年任三年致仕

年富

直隸懷遠人鄉舉天順四年任八年卒諡恭定

馬昂

直隸滄州人鄉舉天順八年任加太子少保成化四年卒贈少保諡恭襄

楊鼎

陝西咸寧人進士成化四年任加太子少保十五年致仕贈加太子太保諡莊敬

陳鉞

直隸獻縣人進士成化十五年任十七年改兵部尚書為民

翁世資

福建莆田人進士成化十七年任十八年加太子少保致仕卒贈太子少傅諡襄敏

余子俊

四川南寧人進士成化十八年任二十年改兵部尚書卒諡肅敏

殷謙

順天涿州人進士成化二十一年任二十二年致仕

劉	昭	敏	李	葉	周	伯	泰	韓	顧	劉	楊	國朝列卿紀	孫	王	石	楊	孫	秦	鄒	梁	許	梁	
陝西鄉州人	河南襄城人	直隸山陽人	山西陽曲人	山西陽曲人	山東鄆城人	山東單縣人	山西洪洞人	元年逆瑾誣為民卒贈太傅諡忠定	直隸臨淮人	陝西咸寧人	雲南安寧人	陝西鄉州人	湖廣鍾祥人	山西太原人	直隸藁城人	直隸新城人	嘉靖二年致仕卒贈少保諡榮傳	直隸無錫人	湖廣公安人	南京金吾右衛籍	河南靈寶人	許前嘉靖十三年	梁材
進士成化二十二年	進士成化二十三年	進士弘治四年	進士弘治四年	進士弘治九年	進士弘治十七年	進士弘治十七年	進士弘治十七年	進士正德元年	進士正德五年	進士正德五年	進士正德五年	進士正德八年	進士正德八年	進士正德十年	進士正德十年	進士正德十六年	進士嘉靖二年	進士嘉靖六年	進士嘉靖六年	進士嘉靖七年	進士嘉靖十年	進士嘉靖十三年	進士嘉靖十七年
加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕

李廷相	梁材	李如圭	王杲	夏邦謨	潘潢	李士翺	孫應奎	韓世英	方鈍	國朝列卿紀	賈應春	馬坤	江東	高燿	葛守禮	馬森	劉體乾	張守直	王國光	殷正茂
山東濮州人	詳前嘉靖十八年	湖廣澧州人	山東汶上人	四川涪州人	直隸婺源人	山東長山人	河南南衛人	四川南充人	湖廣巴陵人	直隸真定人	南直通州人	山東朝城人	直隸清苑人	山東德平人	福建懷安人	順天東安人	順天遵化人	山西陽城人	山西陽城人	直隸欽縣人
嘉靖十七年任	嘉靖十八年任	嘉靖二十一年任	嘉靖二十六年任	嘉靖二十八年任	嘉靖二十九年任	嘉靖三十年任	嘉靖三十一年任	嘉靖三十一年任	嘉靖三十七年任	嘉靖三十八年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任	嘉靖三十九年任
加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕	加太子太保致仕

張學顏 直隸肥鄉人嘉靖癸丑進士

楊 魏 山東海豐人嘉靖丁未進士

王 遊 直隸霸州人嘉靖丁未進士

畢 鏘 直隸石埭人嘉靖甲辰進士

宋 縹 河南商丘人嘉靖己未進士

石 星 直隸東明人嘉靖己未進士

張孟男 河南中牟人嘉靖乙丑進士

國朝列卿紀

卷之三十二

六

戶部尚書行實

夏原吉字維詰其先浙紹興會稽人父時敏洪武間以布衣召見授湘陰教諭遂占籍焉初母太夫人廖夢三閭大夫降其室而生年十三父沒母廖教之終喪為里塾師庚午領鄉薦入太學被選禁廡書誥 太祖見而異之賜衣一襲又遣人訶諸生諸生笑傲謹譁獨原吉端坐儼然二十五事竣當署職上曰夏某端厚君子也實授戶部主事尚書郁新與語奇之曰夏某才器老夫不及也諸曹事難處者悉與裁之同官質疑日環左右劉郎中某者恥以事質之多為新所詰責深銜之歲正大朝劾諸司不事事者 上曰宥之新請罪之者再三 上怒曰

國朝列卿紀

卷之三十二

七

是誰教汝以要勤耶新免冠謝得已且率諸曹入謝劉出奏曰聖明洞見尚書果人教之意欲中原吉 上問新為誰對曰堂後書算生實教臣臣愚過聽抵此乃下書算生於獄劉嗾生盡引原吉眾不肯劉他日復奏曰夏某專尚書柄前事實某教之上曰聞原吉甚有裨於尚書汝欲陷之耶劉與書算生皆棄市二十一年陞戶部右侍郎未幾充採訪使巡福建公明寬大時楊文敏公榮為邑庠生原吉器之贈之詩有莫使祥麟後馬牛之句榮遂冠秋試 成祖入定大統原吉時鎮蘄州有執以獻者上曰夏某奉公守法轉戶部左侍郎或譖之曰彼建文用事人不宜大用 上曰夏某 太祖之臣也彼忠於 太祖故忠於建

3 反之下

文又豈不忠於朕哉旋進本部尚書凡貢賦役制悉命詳定兩浙大水 命原吉往治且命都御史俞士吉齋水利集賜之既至奏罷妨民蠹政數十事又徧詢故老水之源委時役兵民數萬撫恤之人人盡力布衣徒步晝夜經畫目爲之赤盛夏或持蓋至曰衆皆赤體暴日中吾何忍求涼哉決壅滯修堤浦濬溝洫治橋梁於蘇浚白茆塘劉家河於松浚黃浦導淫水入海不爲患又奏發粟三十萬石以賑饑給牛具種子與貧民吳人懷之有謂水退於肥請召民佃耕以益賦者事下原吉原吉歎曰民疲極矣救死不暇况重役乎即馳奏曰車戶則徒勞民種植則已失時何益於國 上從之遂寢姚廣孝還自浙西 上

國朝列卿紀 卷之三十一 八 宋宗 留八五

首詢之廣孝曰夏某古之遺愛也三年召還掌部事諭之曰向以部事付郁新以浙江農務付卿庶內外協濟今郁死矣爾其兼之至則請裁冗食平賦役均出入勿使勢要種鹽以妨商賈勿使富賈專錢以沮貨易禁包攬侵欺之弊清倉場廣屯種皆立定規凡倉庾府帑戶口田賦盈縮之數各書小帖於袖時一閱之一日 上問天下糧數即對其處幾何某處幾何毫髮不爽 上益親信之時陞賞靖難功臣又大封親藩征討四夷創宮殿增置武衛添設百司費億萬計皆取辦於原吉初建北京宮殿採木運餉者 命出巡視給以錦衣官校四十人律治怠事者比登車即諭官吏軍民各虔乃事吾將出巡蓋恐犯者衆

也人人感悅而事集六年秋八月召還時 上將北巡命掌行在戶禮二部都察院事扈駕至北京又命兼掌刑部有二指揮曾支官糧 上欲斬之原吉曰罪自有律若真盜何以加之乃止八年親征北虜命輔導皇孫留守北京兼掌行在六部都察院大理寺事諭之曰朕以房玄齡委卿卿其盡心輔導時京邑諸司草創每旦入朝獨近辰前參決機務退至政事堂即官御史抱案盈庭原吉口應手判不動聲色北奏行在南啟 東宮京師肅然七月駕還北京召見便殿曰卿輔導皇孫居守事安民安奏決機務咸當朕心原吉曰 陛下之訓皇太孫遵行之臣何功之有翼日 上諭羣臣曰夏某輔導皇孫今之周公也十

國朝列卿紀 卷之三十一 九 宋宗 留七五

一月扈還南京仍掌戶部事尋命輔導 皇太孫周行鄉落見鄉老令一一陳其風俗疾苦或賜之帛給之糜至一村店取壘黍進曰願殿下味此以知民艱 皇太孫爲嘗之有一人犯駕欲罪之具言 上命所至無擾罪之非上意也既又輔 皇太孫閱武於郊九載奏績 上親宴之便殿諭廷臣曰夏某 高皇養成賢德欲觀古名臣此其人矣遂命與姚廣孝監修國史十一年扈駕巡北京與 皇太孫同居上營之後日親啟沃十四年九月輔 皇太孫自北還南京所至必陳山川險易民生休戚風俗美惡 太孫甚重之稱爲先生而不名所過兵民晏然十五年扈從幸北京十八年北京宮殿成命召 皇太子太

孫於南京且諭以授受意十月原吉先馳奏 上復命迎之且
曰東宮其緩行比至鳳陽迎見道 上旨 東宮曰雖有旨吾
敢取緩乎因手書付原吉與楊士奇詢訪沿途軍民利病政事
得失以備顧問及至 上問東宮來何速對曰 陛下慈注之
深東宮孝思不得不切也 上善其對十九年三殿災具言愛
民所以敬天也乞蠲逋負及芻糧採辦金銀課程優恤流移以
回 天意從之詔求直言者多云建都北京不便主事蕭儀言
之尤峻 上怒誅之時科道亦多云不當輕去金陵 上曰方
遷都時吾與大臣密議數月而行言者因劾大臣 上命言者
與大臣俱跪午門前對辯左都御史陳瑛言科道皆白面書生

國朝列卿紀

卷之三十二

十一

石全

不知大計 上命左衛至午門問衆皆碎罵言官原吉獨奏曰
御史給事職當言路且應詔陳言臣等備員大臣不能協贊大
議臣等之罪 上悅兩宥之或九言其初議原吉曰不然 天
威嚴重吾輩歷事久言雖失 上憐之若言官得罪所損不小
衆始歎服時原吉雖居戶部實兼九卿之事凡軍國要務必與
面議召見便殿或關門語移時左右莫知所言退則恂恂若無
所預者交趾平 上問陞賞孰便對以賞費於一時有限陞費
於後日無窮乃陞元功餘皆頒賚西域法王來朝 上將親勞
之原吉曰彼慕化遠來宜示以君臣之禮且上如是下必有甚
焉禮儀從此大壞 上曰爾欲效韓愈耶他日法王見便殿

上命原吉拜原吉曰王臣雖微加於諸侯之上况夷狄乎臣恐一
屈膝有辱天子大臣死不敢奉詔 上笑曰卿過侍郎楊勉之
拜獮猴遠矣山東妖人唐賽兒黨三千餘人至乃人奏曰諸所
俘俱平人悉原之衆遮道呼云生我原吉叱曰 朝廷之恩我
何與焉谷庶人逆謀既彰 上疑長沙有通謀者原吉曰謀出
於彼居人何與臣敢以百口保之上元節觀燈臣民同樂奉太
夫人往觀及晚宴燈山 上顧問曰聞爾母來觀燈對曰歸矣
因撤御案賜之弟放至京召見賜酒饌歸又遣人送之舟中行
李蕭然異日 上顧問曰聞卿弟行囊甚空對曰臣俸資先已
寄歸適無所贈 上曰何不告朕因賜異布數疋十九年議親

國朝列卿紀

卷之三十三

十一

曹五

征北虜羣臣無敢諫者原吉曰我受國厚恩不可不死諍約尚
書方賓同諫曰公但來吾自言之人叩頭言頻年師出無功軍
馬儲積十喪八九况今災青屢作內外俱疲聖體少安遠涉風
沙誠未便 上怒乃命整邊儲於口北宿懼自縊遂并籍原吉
家命錦衣官立取回至則方啟厥理儲錦衣促之原吉曰姑俟
畢此不然恐有侵盜死吾安之不以累公及至 上問征虜得
失具對如初歷言自古不勤遠略之意命繫於內官監 皇太
孫累請赦之 上命中使覘之因問曰 上待公厚今繫之暴
亦有怨乎原吉曰風雨霜露無非教也何敢怨 上意頗解仍
繫之駕至榆林川不豫顧左右曰夏原吉愛我八月訃至 仁

宗時爲皇太子親臨繫所原吉趨出皇太子立中庭泣曰楊榮報父皇已賓天遂伏地哭不能起曰卿可出視事原吉曰先帝罪人未聞遺詔何敢出駕回命賜御厨饌谷以國事上言方今民力竭於東南戎伍疲於漕運宜幸南京少蘇民困上曰朕意亦然復以詔條事宜訪之乃請賑饑寬省賦役罷西洋寶船雲南交趾採辦金寶香料各處開辦金銀課程上卽位復戶部尚書賜冠帶衣服靴襪被褥帷帳器用原吉以母喪不受上御西角門朝額問左右何不見夏尚書塞義對曰母喪乞歸守制上曰卿可勉留之比至便殿乞守制上曰卿國之老臣正賴共濟艱難卿云有喪我無喪乎如卿辭職朕亦不當在此退上十餘疏終不允皇太子正位東宮命兼太子少傅時呂震爲太子少師位在原吉右上諭鴻臚命引震列其下卽進太子太保兼太子少傅尚書如故三保兼支原吉固辭許辭太子少傅俸表忠徹以風鑑得幸成祖上以其言常不遜首欲誅之原吉曰忠徹固當罪然禮父母所愛待之終身不壞今山陵未畢刑近待之臣不可乃罷忠徹官每朝能必呼原吉等二三大臣近御展或隨至便殿面議政務凡內外諸司所進章疏命擬旨原吉擬旨多云某部知道或以問原吉曰予奪之柄非臣下所敢專故付之六部定其可否而復取上裁一則事有所分而權不下移也洪熙元年欲下寬恤之詔乃請廩

國朝列卿紀 卷之三十一

十一

十一

貧民增官吏之俸以勸廉弛山林湖海之利以與民寬通負以安流徙養將士禁差占屯田之卒不使妨農務皆保行之冬久無雪上作憂民吟命和之兼賜玉帶翰林進誥詞上親增二語曰勿謂崇高而難入勿謂有所從違而或怠又召至展前賜繩愆糾繆銀印一諭曰聞皇考賓天時歎卿忠愛自今朕有過舉但具奏以此封識進來朕不憚改手勅欲除弊割鞭背連坐妖言誹謗之刑原吉與二三大臣密議以聞從之命兼禮部事特賜正直牙印押以便處分且以旌其正直也時山東淮徐諸郡累歲旱澇原吉以爲言卽免夏稅及秋糧之半一切科派悉罷之未幾勅原吉曰古者斧斤以時入山林今山西樵採者根株悉拔宜斬之以徇原吉曰伐薪過當罪止不應請從律上曰吾過矣賜田五頃八里莊建第一所於兩京李時勉廷諍過激諭原吉等曰李時勉當朝旌朕言已天顏大變原吉進曰時勉小臣豈能傷損聖德願少霽天威下法司議罪之未晚仁宗賓天皇太子監國於南京中外洵洵有漢庶人之憂太后命軍國事悉依裁處原吉密謀急迎駕駕將至羣臣出迎太后特留佐襄王監國上見輔臣首問夏某安在蹇義等莫對上不悅至京慰曰見太后方知所以留卿之意卿輔佐有年朕倚卿非他人比卿當以事皇祖者事朕加賜玉帶表裏原吉三楊同心輔政時與面議入坐賜茶或命退殿麻少休復至展

國朝列卿紀 卷之三十二

十一

十一

上曰然當奏太后行之二月以議國本功使殿獎
 宗社之本 上曰然當奏太后行之二月以議國本功使殿獎
 諭賜範金銀印八日合弘貞靖曰謙謙曰後天下樂尋加翠鱗
 銀魏玉鈎玉帶三月命遊西苑人問曰龍衣而緝非至尊乎
 上曰顧原吉下馬謝曰不能檢下臣之罪也 上曰朴哉斯隸賜
 國朝列卿紀 卷之三十三 十四
 臣飽沃 天恩醉矣顧寒猶醒親酌三巨觥飲之將退 上顧
 原吉有欲言之色問曰卿有言乎因進展前密請早建皇儲為
 便殿 上悅命留侍宴顧其醉笑曰卿能復飲乎原吉頓首曰
 兵息民天下賴之十一月 皇太子生赦天下原吉與蹇奏對
 虛復生他患莫若因其請降許以復國自新一楊議亦同遂偃
 已潰則宜進平和之劑俟血氣調和自愈若惟毒之攻心腹內
 更欲興兵討之原吉曰兵疲矣譬如癰伏於身未潰則愛不測
 人既得大被恩賞賜闈者三掖朝祭原吉固辭曰舊制非勳臣
 不敢用 上曰卿輔導非勳何十月交趾請降廷議疑其詐也
 速卷甲趨之所謂先人有奪人之心也楊榮言是 上意乃決
 船率六師兼程而往師臨城庶人欲降猶令人繞城罵原吉罪
 鑿機不可失也臣昨見所命將語臣而泣其臨事可知兵貴神
 坐屏左右密議楊榮首勸 上親征 上難之原吉曰往事可
 白於上漢庶人反檄輔臣奸邪亂政以原吉為首 上夜召入
 譏原吉免冠頓首曰臣罪當死 上曰彼借卿為兵端耳命分

之鈔命登舟游太液池 上顧曰以操以御羣臣之力 上射
 身獲之烹以啖三臣又親酌玉觥以飲之曰卿啟沃良多今老
 矣可不盡歡死多奇石諭內臣吳城惟所欲與之乃取小者一
 二秋八月復侍游東苑 上指草舍一區曰此朕致齋之所師
 古人剪茅之義原吉曰 陛下言及此天下蒼生之福也九月
 扈駕巡邊賜寶刀 上取原吉橐糗嘗之笑曰卿亦食此粗糲
 對曰臣食此足矣隨行將士尚多餒者遂 命取上供賜原吉
 將士俱加犒遠京 上念原吉等四人年高且師保之重以寅
 亮為職勿煩庶務特勅輟部院務俾專論道左右隱然拜相之
 意未幾扈闕武郊外至兔兒山 上怒諸將之不虔也命褫其
 衣上言將帥國之爪牙倘寒凍至斃是以微罪而殺重臣 上
 起入帳內又隨之 上曰卿且休矣原吉曰 陛下憐臣至矣
 諸將瀕於死獨不少念之乎 上曰為卿釋之日數召原吉使
 者數十輩交道廐有賜馬甚靈召命將至馬必蹄齧闈者以報
 而使者至矣嘗張燈宴羣臣悅甚指原吉等曰此朕擎天柱也
 賜紫瑛硯象牙翠花筆龍香墨水晶鎮紙玉筆格為條首用及
 誕辰親繪壽星圖詩有獨生申甫扶鴻運之句又親繪秋香梅
 竹二圖文禽非熊春霽魚遊春水圖賜焉服食器用銀幣無虛
 日嘗命尚方取一翠甌賜之既乃笑曰卿大夫人得無競乎加
 賜一馬又製東髮玉冠二 上用其一以賜原吉曰使後世

國朝列卿紀 卷之三十三

知吾君臣一體也五年春兩朝實錄成 上賜宴資且入謝歸
得末疾卒 上臨朝聞訃遂輟朝流涕還宮議加封公爵大學
士楊士奇曰文官不許封公侯此例不可開也乃贈特進光祿
大夫太師諡忠靖原吉量寬宏人莫能測僚屬有善采納不遺
有小失必掩護每曰人才難得一加譴責則自沮矣有郎汗精
微批懼甚乃入奏曰臣之罪也詔與易之過淮陽馬逸從者逐
之原吉寄聲過客客不應而詈之從者執以詣原吉笑而釋之
隸有盜銀杯者獲不治仍與一杯以去有進士戲坐其車或以
告原吉曰有志呂震爲子乞官 上問之對曰震有守城功可
與震嘗詆爲柔奸者也平江伯靖難時欲害之後薦總漕運
國朝列卿紀 卷之三十二 十六

奏草皆焚之曰不可彰吾直也
何司寇喬新云公初巡福建所至問民疾苦吏治得失其瑣屑
悉付之有司嘗出漳州北門見舊塚將頽問左右曰元達魯花
赤迭理彌實之墓守死不降故葬此公曰忠臣也命整其墳樹
碑表之他日至福寧見道旁一草庵問之曰元福寧尹王伯顏
與其子相子婦潘死節於此公曰一門忠孝無愧下壺命遷其
主於室其少也若有神焉載大笠出入恒道之間有明遠樓多
妖宿者必死公獨宿竟夜晏然豈神明有護持之耶其在吳中
治水利至於今稱之
野記云 成祖既久不見 皇儲亦頗思之一日命召之勅既
國朝列卿紀 卷之三十二 十七

人心服焉或問量可學乎曰某幼時有犯未嘗不怒始忍於色
中忍於心久則無可忍矣又曰處有事如無事處大事如小事
若先自張皇則中便無主矣尤樂薦引士類不使人知 仁宗
欲用李衡爲兵侍吏部不知奏問之始知其薦用文襄爲長史
有薦爲郡守者曰郡守不足以展其才尋致大用襄城伯李隆
守備南京黃忠宣贊理漕運皆所薦也金尚書以疾在告赴蹇
忠定飲 上聞之不樂曰以疾不朝而宴於私可乎 命繫之
原吉曰大臣可殺不可辱金某老矣而繫之非刑不上大夫之
意也或短楊文貞於上者力爲之辨故詬詞有推賢盡誠之語
每朝廷行善政或稱之曰此天子之明羣公之力吾何與焉凡

具未命使人夏原吉進曰請令原吉往 上問何故對曰 皇
太子久不蒙召一旦忽有命恐過疑或致他虞 上歎服之比
原吉至 仁廟初聞之果驚怖謂或有後命頗欲自裁問誰啣
命左右對原吉 仁宗曰原吉來必能爲我調護當且見之及見
原吉備道 上旨 仁宗乃安即與就道
畜德錄云夏忠靖公原吉嘗得賜石硯冬月吏炙冰破甚恐公
知召諭之曰受賜不加愛惜吾之罪也釋之詠螭首詩後四句
云昂昂飽歷風霜古默默深承雨露滋寄語羣飛諸燕雀好來
相近莫相疑蓋性度寬大其言如此
典故紀聞曰 宣宗與夏原吉語及古人信讒事曰讒慝小人

真能變白為黑誣正為邪聽其言若忠究其心則憮是以帝舜
聖讒說孔子遠佞人唐太宗以為國之賊朕於此等每切開防
若有其萌必杜絕之不使奸言得入枉害忠良齊殺斛律光國
遂以弱朕常非之汲黯正直奸邪寢謀卿所宜務也增

郭資字存性河南彰德府武安縣人自幼志氣超羣兒弱冠入
邑庠從師受春秋有所造就洪武辛酉入太學甲子領應天府
鄉薦明年乙丑賜進士初為戶科庶吉士擢戶部總部試主事
丁外艱服闋實授本部湖廣清吏司主事改陝西清吏司吏不
容奸聲譽頓起陞都察院左僉都御史無何尚書郁新以才薦
之授前北平布政司左叅議蒞事之初即以本司弊政為言

國朝列卿紀 卷之三十二 十八

太祖嘉其忠直陞本司右布政資悉心殫慮贊佐有方不數月陞
左布政使精勤詳慎紀綱大振豪猾斂跡良善獲安時 成祖
在藩邸尤愛重之資有所言無不聽納及起義靖難命資城守
撫輯兵民供給糧餉百費所需未嘗乏誤嘗以漢蕭何擬之

成祖即位論功召陞戶部尚書 賜白金文綺楮幣視諸伯未閱
月以北平重地命掌布政司事未幾 詔建北平設行部拜資
行部尚書資以北地軍民初安生業始遂而官司所費冗濫當
樽節以恤下乃惓惓以祛弊舉廢為務或有不悅而謗資者
成祖聞之降勅慰諭益以心服任之滿考賜宴內廷頒勅獎諭歲
辛丑定都北京革行部調資戶部職務叢脞資勤以率下事有

條序 仁宗嗣位加太子太師蹇義夏原吉數短於上謂資備
執妨事且病令致仕 上意不然間以語大學士楊士奇曰

先皇興義旅一切軍需糧餉皆出資調度及吾昔居守甚得資力
其人亦才且誠今必如二臣請是吾危則任人安即棄之吾誠
不忍士奇對曰故舊無大故不棄此 皇上盛德顧資彊毅人
不得干以私但 詔勅所調租稅資必責有司依歲額徵此過
之大者誠如二臣言然耿介守廉非眾所及 上曰吾在此復
有原吉與同事彼雖偏執莫能行也己竟罷政事賜璽書歸武
安資歸 上念之不已間謂士奇等曰無使大臣怨乎不以資
其謂我何 命戶部給半俸復其家 宣皇嗣位詔起資為戶

國朝列卿紀 卷之三十二 十九

部尚書免朝謁資視事勤雖大風雨不避僚吏敬憚滿考 賜
宴於禮部獎以勅書資如歲寒松柏愈老愈勁其優待隆厚
若此宣德癸丑十二月疾劇屢言家被 朝廷重任無以効報
為愧切切訓諸子及孫當感恩思報不及家事以卒年七十三
上深悼惜為資罷朝遣禮部尚書胡濙賜祭勅工部製棺管葬贈
特進光祿大夫柱國湯陰伯諡忠襄官其子佑為戶部廣東清
吏司主事卒之日家無餘貲公卿大夫皆往哭弔致奠祭自始
社至老視國事凡所施為毅然自任不畏強禦雖怨有弗避嘗
有弗辭與人辯論嚴厲之氣見於辭色而推之於政略無害人
靈物之心所居在馬莊村頽垣朴舍未嘗治第府城故人稱其

有守云

郭敦字仲厚山東東昌府堂邑人洪武癸酉以詩經中山東鄉
試會試下第後入太學擢戶部廣西清吏司主事歲餘有賢聲
陞衢州府知府下車咨民隱蠲弊興利修學政務教化崇儒術
禮賢行以表勵其民賑恤無告郡俗貧死不能葬者焚屍沉之
敦相城東得廢地百餘畝榜曰義阡令民貧死者悉葬是又為
約教民有急相資助民利賴之嘗歲旱齋沐致禱雨立降霽足
蝗入境為災敦自為文檄城隍神是夕大雨雷電蝗盡死凡所
禱輒應城西有淫祠歲四月軍民男女聚謁祭祠下謹謹若狂
敦禁止之已而得風眩疾吏民爭勸罷祭弗聽疾亦瘳同僚有

國朝列卿紀

卷之三十二

二十

丁

私取民財者敦雖不面斥而義形於色其人頓首謝改過待之
如初屬邑吏爭濯磨自効敦退所謀諸心發諸言未嘗不在民
事所秉正直襟宇坦明言出而民信令出而民從不俟程督庶
務畢舉舍內蠶箔嘗有叢絲類織成盤韋帶修廣適度郡人謂
敦仁政之應在衙七年政化大行坐累徵請京師者老數百人
伏闕奏乞留理官執不可者老涕泣而退後廷臣有言敦廉正
不阿者召為監察御史陞河南布政司左叅政廉明勤約才識
超邁時京師營造率民赴役聞敦行皆歡趨之無後期者無幾
調陝西端重有威僚屬敬畏以公務留京師禮部尚書胡濙言
其行於 成祖曰郭敦有大臣體宜在左右即日 召見以病

不克入遂遣御醫視之疾愈入謝獎勞再三 賜鈔襲衣明日

陞禮部右侍郎十九年定鼎北京 命巡撫順天等府安恤軍
民考察官吏二十二年 仁宗臨御九月以居 大行喪不齋
戒公宿降太僕寺卿十月進戶部左侍郎兼詹事府少詹事宜
德二年陞戶部尚書命鎮陝西歲餘召還在戶部無敢一毫干
以私者未幾得疾 上聞之命太醫往視數日竟不起年六十
二為人純實溫雅事親愛敬兼至隆寒盛暑不懈閨門之內儀
度清肅聲色未嘗留耳公暇手不釋卷私居無惰容居官剛正
人莫能奪所至整飭紀綱盡誠撫恤不徐不亟吏畏民懷冰蘖
之累無遜古人雖官列六卿泊然布素身沒之日家無餘貲人

國朝列卿紀

卷之三十二

二十一

張

多稱為篤行君子云
黃福字如錫山東萊州府昌邑縣人宣德五年任七年調南京
戶部尚書詳南戶部
胡濙字源潔直隸常州府武進人洪武庚辰進士累官禮部尚
書宣德六年辛亥命兼行在戶部尚書事因天下又安兩京並
設少保黃公福蒞事南京戶部叅替機務其出納欵散俱侍郎
經理凡大綱兼統於濙至十年以後設尚書遂專理禮部事詳
禮部
劉中敷字永孚順天府大興縣人補郡庠弟子試高等洪武二
十二年靖難師起 成祖知其忠厚篤實特命守安定門及修

通州城留鎮守及入正大統叙功授陳留縣丞性慈祥不尚刑威行民披見惻誠未嘗捕發陰私以張智名永樂九年以政績超擢工部員外郎初名中孚避 仁廟諱改今名十八年秩滿陞江西左叅議持身清白處事公平宣德三年陞山東左叅政未幾進左布政使清介有守取予雖細不苟值歲大疫歲儲久不能輸力言於部使蠲三之二正統元年召陞戶部尚書初戶部自宣德洪熙以前重熙累洽宇內晏然且于戈甫定宗室未蕃軍職尚少經費無幾國用有餘又法網未密財利無制自正統初西虜阿台朵兒只怕寇其肅邊患漸興中敷於先事措置非其所長但性恬澹不戾於利頗知節以制度六年以事忤權

國朝列傳紀

卷之三十一

王

傳

奸罷歸十四年起太子賓客兼戶部左侍郎景泰四年卒於官壽七十四命復原官仍兼太子賓客一統志稱其所至以愛人稱亦無愧於官歲云子璉舉進士歷光祿寺卿琛歷虞衡郎中孫機歷吏部南京兵部尚書

王佐字 山東濟南府海豐縣人永樂中領鄉薦入太學肄業大司成胡公儼甚器重之十五年以學行著聞擢吏科給事中儀表凝重器宇深厚每遇事詳慎識大體不搜索士大夫短

長以沽直名二十二年陞本科左給事中謙厚不伐以愛惜人才為心宣德中因奏對洪亮甚為 宣皇所眷注超拜戶部右侍郎尋命幹事河南奉公守法善布揚 德惠不擾於民五年

陞戶部左侍郎正統六年進戶部尚書時北虜漸橫西戎德魯麓川禍結九溪不靖所在遣將出兵疲耗中國濫費爵賞府庫日虛佐立心忠恕以愛人為本不忍苛斂從容調劑節省故經費不之而民亦安之十四年己巳春瓦剌也先遣使二千餘人進馬報作三千人權臣惡其詐減去馬價虜使回報遂失和好七月初八日也先大舉入寇塞外城堡多陷沒邊報日至遣驍馬都尉井源等四將各率兵萬人出禦之源等既行司禮太監王振復勸 上親征命太師英國公張輔太師成國公朱勇等治兵朝廷文武大臣奏疏請留不允十七日 駕行命邸王居守每旦於闕左門西面受羣臣謁見佐同兵部尚書鄭堃學士

國朝列傳紀

卷之三十一

王

傳

曹鼎等官軍私屠共五十餘萬人出居庸關抵宣府井源等報敗踵至 上至大同暮有黑雲如繖罩營雷雨大作振惡之乃勸 駕還八月十三日駕至狼山虜追急朱勇等三萬人皆敗死無隻騎回是日駕至土木日尚木脯去懷來城僅二十里欲入保懷來振輜重千餘輛在後未至留待之遂駐土木旁無水泉又當虜衝十四日欲行虜已迫不敢動兵士束手饑渴十五日虜使持書來以求和為言召曹鼎草勅與和遣二通事與虜使偕去遂移營踰壘以行迴旋之間行列已亂爭先奔迸勢莫能止虜騎蹂陣而入奮長刀以擊我軍大呼解甲投刃者不殺衆裸相蹈藉死蔽野塞川宦侍虎賁矢被體如蝟 上與親兵

續修四庫全書 史部 傳記類 五一八

乘馬突圍不得出虜擁以去佐與鄭楚曹張蓋俱陷沒陣中
景帝嗣位贈少保謚忠簡大學士李賢稱其與人相接開心見誠
坦然無疑光明正大雖政務叢集未嘗廢學恒以不若人爲恥
書義有不通者必請教於閣下先生後卒土木之難蓋有篤實
君子之風人咸惜之

金濂字宗瀚直隸淮安府山陽縣人性剛果有志操永樂戊戌
進士權監察御史風裁嶄然克減憲體正統元年陞陝西按察
司副使折繁舉劾不勞餘力疏剔弊疾燭見幽眇素豪泆險詭
搖撼之徒避莫敢擾時王文爲按察使俱以才名不相下左都
陳僖敏公鑑巡撫陝西前後皆保薦之二年陞都察院右僉都

御史佐理院事三年奉 命鎮撫寧夏地方參贊軍務舉賢用
能人服其公置預備倉勸民出粟以賑凶荒軍民賴之又奏准
靈州鹽課照例招商納馬每上馬一匹鹽一百引中馬八十引

給軍騎征候馬殺用照依馬價折糧而邊馬亦足本年回理院
事陞右副都御史九年陞刑部尚書疏究理抑獄無淹囚時太
監王振竊柄多以意獄人執筆嚴毅不承望風旨移情就獄故
在刑部以明允稱十三年逆盜鄧茂七作亂初遣都督劉聚率
兵討之以僉都張楷爲監軍不能成功巡按御史汪澄以擅止
浙軍下獄又命太監曹吉祥寧陽侯陳懋率大兵討之命濂參
贊軍務至則賊據九龍山同楷等選精兵二千撤其後與衆計

曰明日賊必空寨來攻若疾入其寨而反攻之破賊必矣比旦
賊視我營兵少果至溪上無筏而還一千兵已據其寨用其滾
木欄石下燧之賊衆遂降但懋等籍民夫捕賊徒掩爲功次攘
里用招降羣盜輒以捷聞各冒功次加濂太子賓客未幾賊復
作御史顧瑄等糾劾奏旨宥免十四年戶部尚書王佐死土木
之難改濂爲戶部尚書尋加太子太保值邊事助勦經費不貲
濂善於籌策國計以充景泰二年以事忤 旨改工部尚書落
太子太保尋仍舊三年四月十日獨石都督孫安奏墩軍言永
樂來每墩有預備餘糧二石柴水一月遇警食用乞如例濂言
未審有無事例查行宣府守臣亦云無見行例遂不許但永樂

國朝列卿紀 卷之三十二 王五 周德

十年七月勅武安伯云各處烟墩務要增築高厚於烟墩上收
貯五個月糧食柴薪并置藥弩於上就於烟墩傍開井井外包
圍烟墩相平使外面望之只是一個烟墩不知其中有井務要
堅厚勿致坍塌此事與鄧錕交易銀兩事頗類但墩傍開井一
事本難行故無行之者而濂失於查覆也五年以疾卒於官贈
沐陽伯謚榮襄
天順日錄云戶部尚書金濂初爲御史有聲自永樂以來巡按
廣東者滿載而歸自濂去一毫不取廣人至今德之在陝西自
司亦出色用是累陞副都御史邊儲賴以充足後歸京奏對宏
壯 上偉之拜刑部尚書頗號深刻福建盜起遂參軍務往平

之加太子太保遷戶部然喜結權貴士林少之人以為奸則過矣但性情忌利欲求致精務充國課商貨微矣民或因弊亦不暇恤焉所學亦正言論風采動人接下多暴怒寮屬不能堪大抵亦豪傑之士也

張鳳字子儀直隸真定府安平縣人宣德丁未進士授刑部主事歷官南京兵部尚書叅贊機務景泰五年召改戶部尚書時邊務方殷錢穀之費動以萬計多以不給為憂鳳處之裕如國用不勞而足又出納詳慎時人以其執法呼為板張天順元年英宗復辟仍調南京戶部尚書兼督糧儲詳南京戶部

沈固字仲威直隸鎮江府丹陽縣人生而岐嶷八歲里師授之

國朝列卿紀

卷之三十二

二十六

甘文

書一過輒成誦時 太祖初製大誥三編命有司選民秀課讀之固方九歲即與選以例召赴 闕試之背文終篇無遺謬

賜寶楮十錠以還及年十一補邑庠生學日益就緒甫弱冠遂領京闈鄉薦丁外艱服闋上春官入成均選理刑內臺擢同知山東沂州事始臨民為政即卓有能聲理繁剔蠹吏莫敢以年少易之嶧人齊奉以沂西寶山社產銀鑛舊有課而今無言於朝請官置局役民采辦以富國 詔下有司踏勘其實固曰此奸人焚惑 聖聽將以為民害者也不力爭則害成乃執奏故坑及泉通海不可得鑿鑿新坑為力既難且鑛有無不可度知使其有則土費重而利輕又恐民勞致變不如勿開便 成祖是

其言而罷其事永樂甲午以安養軍民事徵入為戶部廣東清吏司員外郎乙未奉 勅使廣海整理鹽課議者以課久而虧將坐所由官吏以侵欺國課法固謂鹽之積在倉久則必自消折以此罪人非 明主意事遂釋丙申使四川六蕃督運西茶丁酉進正郎辛丑拜山東右叅政使督餉給軍迤北還會 仁宗登極命以本官叅政同前軍武安侯鄭亨督軍事鎮大同賜璽書以行宣德丙午命與武安及叅軍都指揮使曹儉統兵行邊設險為禦寇備其規畫多出於固 宣宗嘉之庚戌召赴 闕計議邊餉事稱 旨辛亥建白安邊四事從之有言大同人私闢土田自封殖而未輸官者 詔遣兵部侍郎柴車監察御史

國朝列卿紀

卷之三十二

二十七

甘文

熊鐸翼往看定畝斗起科固以地方薄而賦重人所不堪且戎事方殷宜從寬大為言乃得減輕其半人賴以安 英宗初位以固在邊勞效居多 璽書褒之加賜白金綵幣益感奮固報復上便宜曰迺者北虜屢入寇邊迄今未已緣以虜情狡詐我軍守西彼則擊東及我之東彼則復西來如飛鶴去如絕絃所以 勅旨戒其窮迫恐墮賊計 聖慮誠深遠矣奈何彼虜知我中國號令漸生輕慢且使官軍勇者為之喪氣怯者得以飾詞是致功效無成邊患不息夫星星之火不撲恐其燎原涓涓之水不防恐其決堤即今虜勢尚微宜早制之臣以謂不探虎穴不得虎子今後遇虜之入許令追襲相機而行彼衆我寡則

一臨邊固守我強彼弱則出境窮追乘彼不虞且穽穴仍時令
一 間謀密探賊踪莫限出入官軍奮勇取勝連出數次彼賊勢必
瓦解縱未得利亦使軍威遠振臣本書生妄論兵機倘賜會議
邊疆幸甚丁巳春奉 勅會同征西前將軍方政遊擊將軍楊
洪統兵護送朝貢使臣出境因絕漠度赤山追勦叛虜而還戊
午巳未連上疏疏各十事皆備邊制虜要務辛酉 命兼綜理
兵食二事尚方特鑄總督邊儲印記畀之固以責任益重不遑
寧處乃復陳邊計曰蓋聞兵之所屯惟糧爲急將欲安邊當務
久計比因阿魯台部爲脫歡所破餘衆竄於我邊不無鼠竊狗
偷之患而脫歡又復驕矜虎視中原將有覬覦之意至雁聖慮
國朝列卿紀 卷之三十一 三八 劉大 王 王 王
添調軍馬運蓄實糧邊圍嚴於扞衛蒸庶煩於供億近以一虜
一滅一死稍得寧息將卒燕閑然以數萬之衆坐費民供則於
國計非便臣在邊年久頗知其要大同地利其在中路有青楊
林馬頭山等處西路有樺皮溝行院屯等處東路有爛柴溝陽
和灘等處土沃而多水草洪武永樂間俱有居民屯種畝收穀
至二石後以虜寇犯邊守將自圖遠禍逐民不許其耕至今
荒蕪誠爲可惜臣先嘗奏言未見施行古今備邊長策莫如屯
田此趙充國所以爲漢之良將也臣謂方今宜於諸屯戍所屯
步兵隊分伍比於所近沃野開耕作息以時乘閒講武至秋收
一成官爲歛發而出納之歲會月支足國裕民莫過於此夫衆志

之多疑不如一心之獨斷惟 聖主察焉又以迺者 勅遣太
同鎮守總兵等官武進伯朱寃與宣武叅將楊洪會兵出塞諸
將旣拘 聖旨且欲要功一時並出無留後者因入疏曰夫雲
朔地方廣遠西北兩邊密邇瓦剌旣變詐叵測而兀良哈或潛
懷異圖皆不可不爲之備今諸將奉 勅盡行出境萬一爲虜
所誘牽制我軍以襲我城則無制之兵誰爲調度此豈萬全計
哉請自今後凡遇征行有 勅調遣諸將從宜出戰居守各任
其責庶有所濟而無所誤 廷議咸是其策壬戌拜戶部右侍
郎祿二品復以 聖書獎諭癸亥甲子邊事益殷論益切乙丑
以母喪免 上以邊計爲重奪情視事因乞終制章再上不允
國朝列卿紀 卷之三十一 三九 王 王 王 王
詔遣官諭祭其母而命馳驛奔喪襄事畢即赴鎮丙寅上邊情大
事十策於朝朝議從違不決而罷巳巳夏虜始渝盟得謀報輒
先以聞及秋虜果大入 朝廷乃命西寧侯宋瑛往撫師督戰
不利諸將或死或遁惟固以居守獨完旣而 車駕親征幸大
同駐蹕三日振旅固得見而不得言及 北狩復幸大同與廣
寧伯劉安率衆出城朝見 上命括官庫金帛以犒虜酋或難
之固曰主憂臣辱主辱臣死古之義也 主上有急可顧身爲
佐謀耶且府庫物皆 朝廷所有豈人臣所得專夫陳平用秘
計脫漢高以爲功不爲罪也天祐 聖躬倘可以權道餌虜脫
吾君於難雖不命猶將爲之矧命之及乎請奉 詔設有罪當

我坐不以累諸君衆乃從之即盡出所有以獻而其聞於朝
 景泰初大臣掌利權者奏請下吏較勘有無欺隱欲因以中之
 固不為動事亦不竟久乃白其年冬以城守勞進都察院右都
 御史有璽書之諭金帛之賜乃上言自虜變以來臣欽承上
 命伴守孤城晝夜營營惟圖殺賊以雪國恥奈何才識短淺
 無所建明今具拙策不敢望其必行伏乞聖明謀以碩書擇
 其可否其策文多不載辛未以却虜功轉左都御史尋復赴
 闕議事因上章乞致仕從之賜錦衣一襲歸既六年會英宗復
 位以璽書趣召入覲上延見便殿玉音褒諭之再三即日拜
 戶部尚書賜以白金五十兩綵緞四表裏加奇南香帶金織
 雲鶴襲衣既又賜之詔命有乃言可底績之褒上每宸游嘉
 宴輒召以從亦時俾內侍偕遊觀西苑數有珍味異物之賜三
 年以衰老自陳乞骸骨 陛辭賜寶鈔三千貫大官賜宴以行
 公卿祖餞於都門人咸以疏傅方之 憲宗嗣位進從一品階
 榮祿大夫至是以疾終年八十一所著有耐翁稿若干卷奏議
 錄若干卷藏於家為人魁梧個儻器宏識遠度量恢廓多籌略
 善論喜功名而尚德義謹大節而不拘細行自其初筮仕致政
 幾五十載歷事五朝存陞華要遂掌臺省其在大同身任邊寄
 之重者二十七載前後所承璽書二百餘函而所上章奏不下
 數百居常不以武衛廢文教修文廟建經閣興學育才孳孳罔

怠至於臨危處變拯救債卒完成鎮以保身家及其晚歲起
 自休閑入主國計精力未衰 恩眷方盛而深惟止足之戒引
 年而歸亦庶幾完名全節云
 年富字大有直隸鳳陽府懷遠縣人本姓嚴洪武初附籍訛為
 年甫十歲即入邑庠為弟子員明敏端重師友咸器之弱冠領
 永樂丁酉鄉薦明年以乙榜教諭濟南之德平年雖少而教規
 甚嚴諸生多所造就秩滿以績最擢吏科給事中兼署刑科糾
 正違失務全大體宣德乙卯吏部薦陞光祿少卿 宣德欲大
 用之乃奏留不下久之特陞陝西布政司右叅政至任即巡歷
 郡邑察民隱革吏弊興學勸農尤嫉賊吏貪墨者聞風即托故
 解去鎮守憲臣獨加禮焉或指畫未宜聞富言即止初三邊十
 馬衆盛供費浩繁民皆疲於遠輸而郡邑豪滑之徒又因緣為
 奸邊儲多空乏 朝廷深以為慮乃屬總之富量地遠近按狀
 之遲速定其徵科防其出入立法甚嚴宿弊盡革民不告勞而
 邊廩實正統甲子陞河南右布政使惠政及民愈廣時鄰省饑
 民流聚南陽陳州諸處無慮十數萬剽掠居民有司莫能制富
 往撫諭乃分散安輯而賑恤之衆皆感其德願為編氓已已轉
 左布政使未幾北虜入寇雲中烽火通於京畿軍民走避道阻
 糧絕 朝廷憂之以富有謀為特委督運糧餉數萬石濟邊吏
 民聞其號令皆冒險而進無後期者邊餉以充明年用邊將論

國朝列卿紀 卷之三十二 三十一

國朝列卿紀 卷之三十二 三十一

奏進都察院左副都御史提督大同軍務兼理邊儲時軍民瘡
痍未復室家離散呻吟之聲不絕乃極力招撫舉廢政革科徵
抑豪橫屯田軍民始有更生之望初倉庫所儲多為勢要侵蝕
富至悉追復之由是軍旅數興錢穀不乏時征虜大將而下多
納賂冒功富至悉核實不錄故爵賞無濫及者景泰乙亥丁外
艱 朝廷以邊警方急奪哀視事懇乞終制不允天順改元將
臣石彪因私怨以危事中之逮繫於京一日 英宗問學士李
賢曰此人何如賢對曰行事公道在彼能革宿弊 上曰此必
石彪被富沮其所行不得遂其私耳賢曰 陛下明見真得其
情願早辭之幸甚明日 上召錦衣衛指揮門達曰年富事情
國朝列卿紀 卷之三十一 三十一

具褒譽甲申春富以陝西累年用兵而督饒道者多不得人乃
薦楊璿余子俊為藩司郡守使理其事吏部以為侵官富上疏
極論大臣薦賢為國之道且以年至七十懇乞致仕 憲宗初
臨御以舊臣慰勉之使復任忽得瘡疾且劇 上命醫往視竟
不起賜謚恭定富為人剛正言不輕發廉靜寡欲遇事敢為臨
利害不少變氣節才識不易得為世名臣云
馬昂字景高一字凌霄其先河南祥符人後移籍河間之滄州
初為郡庠弟子員永樂癸卯鄉試中式明年會試下第入國子
監宣德丙午以儀容俊偉聲音宏亮授行在鴻臚寺序班習典
制儀章有才略不安於萎懦降趨正統丁巳用廷臣薦陞雲南
國朝列卿紀 卷之三十一 三十一

午以乞疾忤 旨致仕甲戌兩廣夷寇擾攘 朝廷召王翔還 為吏部尚書起昂代總督兩廣軍務兼巡撫便益行事乃大布 朝廷威德帥總兵方岳并土官兵民勦其為暴害者生致其偽將 軍周鐵盛盤馬蹄等獻闕下 上遣行人勞以絲幣寶鈔陞右 都御史丙子征斗峒賊平轉左都御史天順丁丑坐誘致仕及 入見復留命之山西巡察邊比還遂理院事戊寅陞兵部尚書 辛巳虜寇陝西勢甚急 命懷寧伯孫鏜為總兵昂仍總督刻 日出師是夕曹欽及昂與鏜討之欽伏誅進太子少保仍掌兵 部事自是 上寵待厚賞賚以金玉束帶緇金麒麟服其銀 幣玩器書畫禽鳥時鮮之賜歲無虛日衣有號撒哈喇者雖黜 國朝列卿紀 卷之三十一 晉書

戚有不可得昂與賜馬屢召遊西苑南宮及扈從較獵南海子 一時進退廷臣亦必咨訪甲申 憲宗嗣位信任益篤調戶部 尚書尋奉勅同右都御史林聰給事中潘禮陳越按籍點軍士 既畢乃分精銳者為十二營以備調用又籍軍帥之賢否而黜 陟之慮後事之違變而禁約之實出其議云戊子年七十時有 災異登見力求退避從之且 賜勅以榮之陞辭復賜燕餞并 寶鈔若干既歸八年精力猶健暇則教子讀書或跨馬詣村莊 課童僕耕種者德晚福士林忻羨至丙申五月五日卒年七十 有八訃聞贈少保謚恭襄遣官 諭祭營葬事昂天性孝友事 母極孝敬有疾憂形於色視諸猶子愛之愈已出祖產悉推讓

與之其在官時部屬持堂稿咨稟略竄數語而事理明允雖積 一思者不能過云

楊鼎字宗器號恥菴陝西西安府咸寧縣人領宣德乙卯鄉舉 一第一正統己未會試第一廷試第二授翰林院編修己巳北虜 入寇改監察御史充州禦虜乃選兵明法而結之以恩事平還 朝請軍送之流涕尋遷侍講兼春坊左中允本年大學士高穀薦 侍經筵天順元年以才堪經理超陞戶部右侍郎鼎恐不勝任 書十思於座隅曰量思寬犯思忍勞思先功思讓坐思下行思 後名思晦位思卑守思忠退思早恒自省焉由是蒞政綽然有 聲時兵部尚書陳汝言用事鼎不蟻附為汝言所譖賴 一英廟 國朝列卿紀 卷之三十一 晉書

一知無遺獲免六年轉左侍郎時延接用兵日久鼎上疏曰阿羅 出住牧河套入寇迨今年三年費用浩繁凡銀兩引鹽收馬徵運 之法盡行尚為未足又起預徵之例民窮財竭所不忍言惟黃 河乃漢唐漕運河即今鹽船木筏往來不絕其間雖有三門折 津之險而古人倒倉之法為當二門之上有小河涇通延綏如 以所運糧草各貯水次迦流償運庶幾運餉可足而民困少蘇 或摘漕運數千糧赴陝就令教習陝西河南之人待舟楫進乃 廻許運且可順帶解鹽數十萬以充淮課則國利大有增矣 詔悉從之此難事也他人不能達竟沮其議識者恨之成化四年 代馬昂為尚書力清利孔凡所題覆恒持止不回事有不可無

論權貴雖論 旨不從嘗立稅法鹽法經久不易故戶部至今
稱之為楷範焉後加太子少保十五年秋九月六科十三道都
給事中張海等因水旱劾鼎妨政失職宜罷鼎初與大學士劉
珣極厚後以干託事多不能盡從遂見銜至是鼎知珣等所言
求致仕不允鼎又求去從之給驛賜月俸與夫恩禮特厚居家
冠婚祠祀遵用古禮其家法為縉紳所宗又築靜善書院延師
以教里中子弟歲饑悉出所蓄以賑親舊嘗語人及諸子曰昔
平生無可取者但識廉恥二字耳年七十八病卒計開 欽賜
葬祭贈太子太保諡莊敏

陳鉞字廷威直隸河間府獻縣人天順丁丑進士授兵科給事
國朝列卿紀 卷之三十二 三十六

中歷都察院右副都御史巡撫遼東成化十五年任十七年改
兵部尚書詳兵部

翁世資字資甫福建興化府莆田縣人父瑛舉鄉貢官至翰林
檢討掌國子監助教事累贈戶部尚書性喜酒樂易姻黨無小
大咸恩視之世資幼穎敏自其遊鄉學時器識已如老成人侍
父官京師因乞入太學應正統六年順天府鄉試壬戌禮部會
試俱中第七授戶部主事政暇輒緝舊案究其利弊涉獵廣
記且明習國朝典故凡條例因革悉所諳練大為部堂諸卿佐
所敬禮嘗以部檄往通州監收軍士冬衣布花因奏言所收貯
一庫藏轄於通州諸衛宿弊極多宜改屬有司則其弊可革從之

丁外艱歸景泰改元本部尚書金濂以時方多艱求可以裨謀
議者因奏起復世資固辭終制明年服闋復除戶部遂委世資
專典各司章奏有大議必與商確未幾陞署本司郎中適江南
水災部以屬世資勘驗因奏免應天太平寧國安慶廬州等府
及建陽宣城等衛稅糧五十萬餘石芻束倍之且檄所司賑恤
英廟復位改天順之元年充會試同考試官時大臣多罷 上謂
姚夔翁世資俱可大用遂擢夔禮部世資工部俱右侍郎三年
命往淮徐督運大木回內織染局上言先遣官往蘇杭等五府
提督織造上供文綺七千疋未完今計各項賞賜等用又合別
遣官督併加造七千疋世資謂東南水潦民苦艱食宜當樽節

國朝列卿紀 卷之三十二 三十七

以甦疲困與尚書趙榮左侍郎霍瑄議減其半榮瑄皆有難色
世資曰倘得罪某請以父子三人當之疏進 上疑其要與推
主議者下世資錦衣獄貶知衡州府先是郡有疑獄數十人世
資悉為直之治郡汲汲以革宿弊厚風俗為務新廟學修石鼓
書院立便民倉凡郡政所不可少者皆以次修舉衡衛帥有不
循理法者世資劾帥之遂誣世資怨望逮至京師 上不直衛
帥削兩階調任復世資官成化元年陞江西左布政使適廣東
寇發王師南下有獻計欲令江西轉餉計當用十萬人世資議
資銀就廣中糴穀以餉民以不擾屬大旱軍民多轉徙乃大發
倉廩賑之且為奏蠲民賦百七十餘萬石仍免一應雜泛差科

境內以安五年陞都察院右副都御史巡撫山東明年秋東土大饑世資日夜講求荒政發廩勸賑分遣官分道賑恤民賴以濟八年遷戶部左侍郎十三年奉勅提督京通等處倉場明年進本部尚書職掌仍舊十七年召掌部事世資久處計司財賦出入劑量盈縮罔不懸合事宜十八年以年及再上疏懇求去遂加太子少保致仕行至儀真卒年六十九贈太子少傅遣官諭祭營葬世資居官四十餘年謙約和厚善兄弟廣交友家無餘貲所著詩文有兵崖集若干卷

余子俊字士英四川眉州青神縣人景泰辛未進士第授戶部主事陞員外郎一時能名聞於上下出知西安府成化初年陞

國朝列卿紀

卷之三十二

三八

張文

陝西右叅政年陞陝西右布政使八年陞都察院右副都御

史巡撫延綏地方丙申移鎮關中進右都御史有詔議弭盜

安民之策選將厲兵之方條上事宜凡七疏入皆從行之至

今十二年陞兵部尚書未幾以丁憂去任十八年再起戶部尚

書會宣大多事命以本官兼左副都御史提督宣大軍務兼理

邊儲詳兵部

殷謙字大撫順天府涿州人正統戊午舉順天第一名也未登

進士授戶部主事陞兵部郎中景泰三年任通政司右通政天

順元年調汝寧府知府六年丁憂成化二年起復補太原府知

府寬猛得中晉人宜之尋陞陝西左叅政四年調山西五年陞

山西右布政使七年陞山東左布政使八年陞都察院右副都御史巡撫宣府大同地方十年命專撫宣府十三年陞戶部右侍郎本年陞本部左侍郎十七年陞本部尚書總理倉儲二十年改理部事加太子少保二十二年致仕卒贈太子太保

劉昭字克明陝西西安府邠州人景泰辛未進士

成化八年陞通政司右通政九年轉左十年陞工部右

侍郎十六年陞工部尚書時太監梁芳用事宮建日興所費不

貲昭不能裁抑多徇其意加太子少保二十二年改戶部二十

三年加太子太保致仕

李敏字公勉河南開封府襄城縣人景泰甲戌進士授湖廣道

國朝列卿紀

卷之三十三

三九

張文

監察御史天順丁丑貴州蠻賊嘯聚命往撫捕之比還出按

畿內力革宿弊以運餉薊州者必山海道多遭覆溺建議別鑿

三河直抵薊州以避海道軍民便之累陞浙江湖廣按察使山

西四川左右布政使成化十二年入為都察院右副都御史奉

勅巡撫大同兼理軍務先時虜侯守墩軍下取水輒肆戕害敏至

設伏擒之自是虜不敢犯山東河南運邊糧者歲數萬石更涉

險遠率倍費始得達敏計歲會外令易銀給將士以其餘市戰

馬治軍裝至今以為常成化十五年召為兵部右侍郎與余子

俊各以身許國知無不言言無不從及陳鉞附汪直代余氣焰

可畏敏以正自律並無跋踣十九年以疾乞歸二十二年適河

南大饑疏救荒數事封上因 召改左副都御史巡撫保定等
府兼提督紫荆等關二十三年改總督漕運巡撫鳳陽等處等
擢戶部尚書時天下頻歲水旱所司往往乞免田租其章奏敏
皆手自參決大要以足國安民爲急 上嗣位例行賞賚而邊
境更以儲待缺乏爲奏敏區畫有方用以不乏嘗言鹽課爲國
用所資比歲法壞宜簡命風憲大臣理之 詔如其議畿內有
隙地貴戚初乞不與而以與民後復有欲得者敏言令不可變
恩不可偏其仍與民爲便奏上 從之時又有乞騰房牧馬場
千頃者敏言場止二百頃餘皆民產業安得奪耕種之地以爲
一飛放之所亦不從之京師大水有 詔令百官各陳時政關失

國朝列卿紀 卷之三十二 四十一

敏因言今畿內爲官莊者計地四萬五千餘畝所有租稅止令
有司輸納等數事皆人所難言者至他建白尚多不能盡述在
戶部五年以疾上疏得休致歸至內黃疾革時戶部主事 與
所差護送戶部照磨 在側謂曰吾以一介書生祿位至此愧
一負無地方圖報稱而年力不能如 朝廷恩何言訖遂卒贈太
子少保謚恭靖敏爲人和易明爽臨事慎重有大議草奏動輒
數千言理明辭順見者推服平生多厚德遇貧乏者輒施予不
吝與諸兄處能友愛數以 賜金分遺少感其師顧昌之教歲
一時間遺不絕嘗欲分俸以養事雖不行然士大夫多之
一葉淇字本清直隸淮安府山陽縣人景泰甲戌進士擢江西道

監察御史天順元年謫武陟知縣五年陞廣西僉事 年丁憂
成化 年起復補山東僉事十年陞陝西副使十九年守備岷
州以格殺程丹阿卜肉二首賊陞河南按察使二十一年陞都
察院右僉都御史巡撫山西地方二十二年陞都察院右副都
御史巡撫大同地方二十三年陞戶部右侍郎弘治元年陞戶
部左侍郎四年陞本部尚書初各邊無年例銀自成化八年開
設榆林衛余子俊增置城砦陝西民供不繼奏送江西折糧銀
以補不足然初亦依江南原折銀例每米一石折銀二錢五分
放支軍士其後大同等邊缺乏亦暫送銀補足數皆不多未有
以萬計送者淇與內閣徐溥同年最厚溥以淇淮安人鹽商皆

國朝列卿紀 卷之三十二 四十一

其親識因與淇言商人赴邊納糧價少而有遠涉之虞在運司
納糧價多而得易辦之便淇遂奏准兩淮運司鹽課於運司開
中納銀解太倉銀庫收貯分送各邊鹽價積至一百餘萬兩人
以爲利而不知壞舊法也蓋洪武永樂以來天下鹽課俱開中
一各邊上納本色米豆商人欲求鹽利預近邊轉運本色以待開
中故邊方粟豆無甚貴之時今廢商人赴邊報中之法雖曰得
多而近邊米豆無人買運價遂騰湧鹽政遂壞識者詆其誤國
之罪不及正刑 八年加太子少保九年致仕卒贈太子太保
周經字伯常山西太原府陽曲縣人父瑄爲南京刑部尚書謚
莊懿經少有大志欲以經濟自見日侍莊懿公習聞天下事而

氣勃勃不可抑蔽及補父廕入太學益銳志問學遊請日深如水湧泉溢無所涯測天順庚辰成進士選翰林院庶吉士文卷歛起與劉公健張公元禎俱為大學士李文達彭文憲所重而端諒正直經又隱隱於縉紳間壬午授翰林院檢討成化三年陞本院編修十二年陞本院侍讀十四年進左春坊左中允仍兼修撰侍 皇太子講文華大訓 皇太子每起立拱聽內閣大臣萬安等或以為勞謂經宜跪請坐聽經不從竟得如禮在翰苑春坊者幾三十年史局編摩貢闈考校皆舉其職至於故沃 青宮尤多規正及 孝宗蒞極同事者俱進崇秩經以持正止陞太常寺少卿兼侍讀識者已知其文學骨鯁而本蓋知國朝列卿紀 卷之三十二 四十一

其政事弘治己酉擢禮部右侍郎每議政蒞事必傳經義若郤西域貢獅毀黃村尼寺為 先廟盛德事皆經與左侍郎倪文毅公贊成之四年改吏部尋轉左一日有中官諭旨欲以通政司經歷高祿為叅議經獨承諭執不可退與王端毅公上疏論之靈壽獻大明川民田於太監李廣戶部駁議弗得經會諸司具奏事遂寢乙卯諸司以災異言事吏部請早視朝勤聽政節侈費省遊幸止貢獻而斥樂戲一事尤激亦出經手後有踪跡為此草者以問尚書耿公裕經曰宜以實對耿曰吾為尚書不宜他諉時論蓋兩賢之九年丙辰拜戶部尚書請王府多奏欲自領河泊所賜稅罷其官上言國體非便且民力不能堪乃止

有中官裁幣南京奏給長蘆鹽八千引鬻於兩淮仍給准鹽價銀二萬兩經言鹽策本以濟迤且各有分地今不嚴禁若公然越境則私販必多官鹽反滯命止長蘆鹽勿給浙江守臣亦請給竹木銀鈔稅為織費又言關征非舊浙地大水民困征役乞暫停織造 上從之每委官監稅必諭以愛節民力如果入多者則與下考大同缺馬尚書馬端肅公請給糧銀市之且戒督糧官毋得阻格既得旨經言糧馬各有職不宜侵奪且引 祖訓六部不許相壓之文為據辭甚激 上為改命兵部以馬價銀充用會邊方調度日繁給事中魯昂以財匱乏請令諸藩公帑積貯及均徭羨銀盡輸太倉經言用不足者蓋以織造賞賚齋醮土木之故若一切節省自宜少裕必欲盡括天下之財恐非藏富於民之意又有旨取太倉銀二萬兩為張燈其經言不可以小民脂膏供耳目之玩內靈臺奏增灑掃卒當給月廩經言禁地非外人所得入不過為守者私役耳疏再上竟寢之清寧宮災方議修建兵部欲調山東民夫七千餘人經曰今歲歉民貧不可使遠去鄉井請以本羨銀就京師僱役為之識者服其遠慮而潛消默奪非人所及云外戚張氏有河間賜地數百頃欲并其旁近民田千餘頃得之且乞加稅銀二分經言河間地多沮洳比因久旱貧民即退灘地耕之遇潦輒沒即欲加稅將貽無窮之害且王府賜田例賦稅三分而此獨加稅五分

國朝列卿紀

卷之三十二

四十一

四十一

國朝列卿紀

卷之三十二

四十二

八將謂 朝廷待外戚與宗親異矣 憲宗妃栢 田與民田比一切奪之彼亦無以為業又將謂 朝廷待 與他外戚異矣疏三四上後有以雄縣退灘地獻為 東宮 者 上因經前奏皆抵之罪一時近戚貴幸有所陳請一裁以 法皆斂不得肆十三年庚申夏五月以星變乞休 上特進太 子太保允之 賜勅褒諭初 命下在廷之臣京師之吏若士 無小大愚良皆相顧失色謂不當去下至民商厮役走卒兒童 亦皆駭傳怪問謂經胡為去自公卿臺諫侍從郎署而下上疏 乞留者若干人不報既去兩京四方言者乞還又若干人亦不 報以後凡論列時政者必首薦之臺員缺員眾必屬目數十年 國朝列卿紀 卷之三十二 學問 來大臣以直道去位為時望所歸者兵部尚書河州王公吏部 尚書曹南李公三原王公不三三人於戲何以得此大臣一身 百責所萃所存所履少不厭人心則腹誹巷議甚則羣起而譁 之惟恐其去之不速者有矣况聖其惜其去而留之至於千 萬乘之威累數十章積數歲不止非真得出處之正關天下之清 議者有是哉十八年起南京戶部尚書未任正德三年太宰許 進素重之歎曰使周伯常不用吾死不瞑目矣推起禮部尚書 會迎瑾司柄因乞致仕不任後卒於家贈太保謚文端識者稱 為國朝戶部尚書第一云 為晉梁覽云公出太原世家早登甲科徊翔翰苑春坊者三

多啟沃之功然人皆知公文士而已一旦 朝廷昇以政務凡 禮儀銓選皆若素習通儒之名翕然起及掌戶部以身任事不 顧利害而為之有古大臣風

國朝列卿紀卷之三十二終

國朝列卿紀 卷之三十三

戶部尚書行實

侶鍾字大器山東兗州府鄆城縣人天順六年以書經舉

鄉試成化丙戌舉進士五年授浙江道監察御史都御史黎陽

王越特薦御史四人可大用四人者吏部尚書屠公浦工部尚

書楊公守隨僉都御史王公濬及鍾也十五年陞大理寺右寺

丞十六年轉左寺丞十八年進本寺右少卿明年陞右副都御

史巡撫保定等府兼提督紫荆等關二十一年陞刑部右侍郎

丙午丁母憂還督運總兵總督王信遇諸漕河以其簡已乃以

事中之謫知雲南曲靖軍民府弘治二年服闋改徽州府其年

國朝列卿紀 卷之三十三

冬陞大理寺左少卿三年陞左副都御史巡撫蘇松等府六年

陞戶部右侍郎督倉場尋遷理部事八年改吏部右侍郎轉左

侍郎十一年陞右都御史十二年陞戶部尚書在部四年屢以

師出給餉勞 賜綵幣白金嘗以疾在告命醫診視中官禮問

於家 賜內醞諸珍物尋請老溫詔慰留不允十七年再以疾

請乃允之仍命馳驛還鍾自誓長身不妄語笑剛毅諒直夙夜

惟勤初為御史時辛卯奉 勅巡兩淮鹽中費用事者道淮勢

張甚獨抗不與見名頓起其按應天等府清揚濁激犁然當人

心又同巡撫大臣賑濟民不殍死甲午按浙江亦然浙巨藩

遂自逸日取詞訟閱之薄夜分乃寢凡行臺幕樹舊

以鍾之者悉封不視有布政以賄聞郡暴於眾或請疾以去

致仕兵部項尚書忠嘗為鄉人誣奏禍回測奉命與中貴人

之白其寃項宗獲全海鹽海岸崩工久不就令所司以刑器實

碑石先塞旁流工乃成夏旱不用乃禱雨三日鄉官夏大理時

正輩作詩頌其功其監秋試場黜舉子之私以賄請者而不暴

其名曰母以一人玷我賓與盛興黎陽公既重之比還朝乃悉

以奏贖委之論列益無避忌巡撫遼東都御史馬公文升亦用

事者所惡風鍾劾之鍾不可由是恨益深無何被廷杖或以為

命撫安真保等府民安乃還其巡撫保定却守關者餽令請禁木

國朝列卿紀 卷之三十三

以固邊陲保障河間海濱淤地舊為豪右占種者悉遷之民其

在江南日以擇廉吏禁侵漁為阜財要務屬吏之疆有力者亦

被笞掠歲值澇條寬恤事請允之既而澇復甚又條奏九事戶

部格不行時 特遣廷臣齋內帑銀賑杭嘉湖三府水災因上

疏理前奏且言蘇松嘉興杭湖五府均之赤子也賦稅之出蘇

松重於三府水災所傷三府輕於蘇松今三府乃蒙賑恤而蘇

松之民何獨不一蒙恤念乎又奏設高淳縣以分治溧水民便

焉其在吏部進退無涉一視輿論即有薦未嘗令人知以為恩

其在都察院詳定條例夙夜惟勤獄獄俱從仁恕在戶部振刷

行臺事無滯留嘗以四方多災報乃疏重京儲備

行臺事無滯留嘗以四方多災報乃疏重京儲備

省公應度邊餉清鹽法均禁例備芻料節香蠟戒松楸... 恤災傷十二事以聞於時政多裨益焉又以九門內臣職譏... 不可令干國課疏累上必得請乃已時 國用不足上疏言冗... 食太多宜汰減內降官吏光祿寺供應太繁宜減內侍及畫工... 番僧酒饌天下有司存留糧稅歲不充用宜白郡王以下量為... 裁處太倉銀不宜收入內庫內庫所蓄金幣不宜修齋造像及... 克私賞城門中使不宜干預國課 朝廷難之久不報及貴戚... 有巧長蘆兩淮鹽引者既得 旨又執奏乞寢成命以杜將來... 及見報罷漸多乃復上言其略曰臣竊言二三事皆為國計未... 蒙批答伏乞 宸斷凡臣意事干貴近者亦乞施行以通下情

國朝列卿紀 卷之三十三

三

四

上是之常創板庫以儲羨餘諸司由是有所稽覈比去積多至若... 于千萬然居官 能檢其子怨者彌眾而謗言與矣鍾居家孝... 友晚雖謝客日以書史自娛至語及時事輒鬱鬱不樂屬繼時... 子以後事請不答但云天下事大可憂而已壽七十有二... 琬琰錄曰鍾為御史按浙江民隱官邪無不洞悉嘗曰小民之... 不得安於田里者有司之虐政致之也彼賣菜傭何為哉故其... 彰輝所及賊吏望風解綬而民間晏然... 秦紘字世纓山東兗州府單縣人性剛毅不與世苟合景泰辛... 未成進士擢南京山西道御史侃侃奉職綽有風裁天順元... 以事忤左都御史軒公輒軒疏紘不職降北黃驛丞

知其賢為知雄縣天順八年又忤中官下獄調陝西平定... 廉能有威修建縣治學舍民自不擾成化元年陞葭州知州... 平訟理二年調秦州知州廉明剛果民多愛慕五年陞鞏昌知... 府持身公正不敢干以私又禁官府賈買豪猾無緣為奸久之... 調西安府益勵精勤庭無宿案賦役屢數萬心計不爽錙銖雅... 性儉素孤介無毫費及於民有古循良風十三年進陝西右叅... 政十五年陞左布政使在關中最久民情益練凡典司出入雖... 寸牒會悉皆手書日閱奸黠無敢欺又平徭役完通負至於... 聲色謙遊之樂泊然不泊其心... 蕭敏同聲望又相當至今陝西並祀遺愛祠十六年陝西缺撫

國朝列卿紀 卷之三十三

四

臣從人心特陞都察院右僉都御史巡撫時秦府旗校肆橫民... 苦之紘悉擒治不少貸秦王不能堪奏其欺滅親王 憲宗震... 怒逮下錦衣獄命內臣尚亨籍其家止得黃絹一疋故衣數事... 亨回奏紘貪狀 上親閱其貲嘉歎良久詔釋其繫且錫鈔萬... 貫以旌其廉調撫河南既抵任巨鏞注直亦以事至注時竊弄... 威福聲勢烜赫他巡撫官率循禮以見紘獨與抗禮略不為屈... 注亦知重之不為較紘乃密疏注多帶旗校騷擾地方後注回... 京 上問各省撫臣賢否注獨稱其廉能 上以紘疏示注注... 叩首伏罪稱其賢不置 上釋之未幾改撫宣府時虜患方劇... 日夕講求邊務謂禦虜莫如自治乃謹堦堠明烽火

以待之邊境恃以無虞二十年改左僉都御史理院張鳳采益峻御史姜紘輩不職劾之皆謫云二十年陞戶部右侍郎未數月以忤時貴降廣西左叅政弘治元年太宰三原王端毅公素重其剛正特起左副都御史總督漕運益侃侃自樹風采巋然會御史姜洪巡按湖廣令布政司抄案轉行湖廣稅糧事紘奏洪犯分刑科給事陳璫等駁論紘恕已不明十三道御史論紘剛愎 上以事干大體俱罰劾又令禮部會議調洪知縣說者謂朝廷處置洪等難過而紘所執奏亦關於憲體云未幾兩廣缺總制進右都御史總制兩廣兼理巡撫先是後山諸賊為患有年紘調兵委湖廣按察使陶魯討平之時總兵官安遠侯柳景食而不法乃具列其狀劾之逮下刑部獄追贓鉅萬褫其爵景挾戚晚于內降冀減其贓且撫他事誣紘以圖報復紘亦被逮赴獄坐免臺諫交章論救王端毅又極言其當大用五年起為南京戶部尚書持身孤特御下以嚴不入義外一錢及致仕行李蕭然歸家閉門不理外事臺諫交薦起之南京守備魏國徐公備特疏紘可當邊關重寄十四年北虜犯固安等處起戶部尚書兼左副都御史總制陝西固安等處軍務十五年特命照王威寧例仍總制陝西延綏寧夏軍務巡撫而下咸聽約束遂為定制至則奏陞開城縣為固原州明年冬甘涼諸路備禦官軍以資之乞休息武安侯鄭英以為虜酋在套不可紘曰

國朝列卿紀 卷之三十三

五

時草枯馬瘠虜必不至已而果不至所省芻餉甚多嘗謂守邊之策惟戰與守乃推演古法造兵車置火器修豫望石峽口築峯臺三城於金佛峽海子口七堡甃石為垣累鐵為門及築下馬房邊城三百餘里皆以絕虜道衛民居焉是年夏又命三邊與其腹裏修城堡關隘一萬四千一百九處創崖設險三千七百餘里自是北虜不敢窺伺時固原城市荒稀民貧乃拓其外城奏移批驗鹽所於此由是商賈流通公私兩便又創修孔廟廣學舍詩書之化人才彬彬相繼出矣在任三年邊功孔多既去軍民不忍忘為立祠祀焉至今言總制經略之功必以紘為第一十七年加太子少保本年召改戶部尚書理部事未任乞致仕十八年卒於家贈少保謚襄毅紘平生剛毅廉介官四十餘年至大司徒所居僅蔽風雨妻孥菜羹麥飯不改其舊及卒家無餘貲未幾子孫有貧乏不能存者其操節始終一致為時名臣云

韓文字貫道其先為相人蓋魏公之裔也譜稱七世祖諱永值金兵之亂去相徙居山西之洪洞於是為洪洞人文將生日父夢紫衣人抱送文路公與之因名文幼負奇質才思溢發既長從太史襄陵邢公遜之遊學益淵博領成化乙酉鄉薦登丙戌進士初拜兵科給事中持節封 韓府高平諸饋遺悉卻不受

都御史王越總邊事邀功啓譽率同官列其罪狀又論薦

國朝列卿紀 卷之三十三

六

一第... 4 五三二

許家李公乘司馬王公竑可大用語涉官禁 純良官禁
逮至 文華殿拷掠幾死陝西紀功郎中張瑾疏總兵等官
降用 上命往覆之文以情之輕重其實選 奏人服其公乙
未陞右給事中以直言為當道所忌戊戌滿考始陞湖廣右叅
議提督大嶽太和官分守荆南談者以用非其地為負屈而文
處之裕如勤於其職分守中官與其下皆嚴憚欽哉境內賴之
又稽覈諸官羨銀易穀創庾以為荒備越三年用巡撫吳公誠
薦改理司事會九溪酋長白嘴鼻與隣境爭地相攻撫按屬文
往視其爭遂息歷七年以右轉左聞者該然未幾以外艱歸以
治戊申終喪赴部家宰王端毅公知其久滯陞山東左叅政亦
國朝列卿紀 卷之三十一
南之俗乘旱輒聚發人墓暴其尸謂之打屍文曰是甚於飢死
之暴矣亟下令禁之越二年庚戌用 公之薦超陞雲南
左布政使先是土官襲代旁支恃強相仇奪土吏滿兩
考者例不赴京復於境內轉相參劾 公至文始立法釐
正之越三年癸丑陞都察院右副都御史巡撫湖廣地方兼贊
理軍務武昌諸郡歲歉疏乞蠲逋以蘇民乙卯改撫河南值
懷孟以北旱饑令所司發銀賑貧勸民耕作雨歲乃大熟
丙辰轉戶部右侍郎丁巳以內艱歸庚申終喪改吏部明年轉
左銓綜平允士論翕然歸之癸亥陞南京兵部尚書叅贊機務
會守備中官議事多遜避不發一言或探其意嚮以為可

否文曰事之可否有理與法吾惟以無私處之可拱默為避禮
計耶遇事輒言商榷聞者無不敬服時值水旱相仍民饑
死者相繼乃移文戶部欲預支三月糧以平糶價所司以未得
命為辭文曰救荒如拯焚民命在旦夕能忍死以待即得罪吾
請以身任之竟發米十六萬石民賴以安甲子改戶部尚書於
是 敬皇帝勵精圖治 遭遇早朝畢嘗被召直至 榻
前論以鹽法廢弛邊 屬文稽考舊制及諸沮壞之弊文
疏陳七事一曰革 之弊二曰革興販私鹽之弊三曰
革賤賣官鹽之弊四曰 補殘廢之弊五曰革夾帶殘廢之
弊六曰革越境賣 之弊七曰革運司廢弛之弊指摘切甚
蒙嘉納於是數十年積弊無遺公私告便時宣大聲息甚急需
索供億復值大 相繼并內外及各王府諸邊賞賜費用不
貲悉心經畫緩急以濟太監苗達等征虜無效日費動逾千金
力為舉劾乃銜甚乞文督餉以圖中傷遂寢追究羽流幻術計
還節盜帑物抑戚畹中貴占奪和買民田及舉正窩占引鹽乞
討織造皆事干權倖怨謗叢集人為危之文裕如也 武皇登
極太監劉瑾等依憑春官宿愛蒙蔽 聖聰蠱惑百出每以夜
為日荒湛無度因而挾內令外機柄竊持威福倒置虛糜橫空
縉紳凜凜率日顧以避初承運庫內官差往南京織造照弘治
年間奏討長蘆官鹽載至南京變賣銀買辦織造文與司官李

夢陽主崇文徐廷用議曰今新政之初決不可准濫設織造於是再執奏 上召內閣問之劉健對以內官裝載官鹽夾帶和鹽沿路害人 上曰內官固害人文官也有不好的瑾等益橫文追痛 孝皇深以 宗社為憂首倡府部科道等官伏闕抗章暴露其狀即繼以泣乞置諸法 武皇覺悟毅欲附從奸邪洩謀營救有地輒報中止用是愈無忌手握口銜恣其播弄塗炭乃極尋搜文細故捏寫旨意降級致仕給事中徐昂論救謂文寡慾清心數十年無仇儷之樂矯枉過直以其子為刑曹之官比因忠憤所激不應停勒徐坐除名文緣此再降級閑住復將于高唐州知州士聰刑部主事士奇各為民令遷卒何察於國朝列卿紀 卷之三十三 九

途文乘一騾宿野店而歸避卒無所得仍假失落簿籍復捏言差官校械繫至京鞫歸衣獄會早 朝有投匿名文書於 丹堦錄瑾罪惡中官必欲害文報復急情瑾怒甚監禁數月無隙可入該司其實上請仍被捏旨罰米一千石大同上納陸續更罰米二千石稱貸以給庚午瑾謀復原職 世廟登極臺諫交薦起用 賜璽書褒嘉尋以守正被害加太子太保令有司存問復 賜諡有曰此因權奸之竊柄痛為朝政之紛更乃能守正不阿以忠自誓倡危言而叩闕屹乎山岳之難搖甘奇禍以忘家凜爾冰霜之不變天下仰其風采神明相其壽康起文意博於九泉之餘人心攸屬繼韓魏公於百代之後家慶彌彰每

宣讀畢文俯伏感泣痛惟老朽不圖復見今日捐館訂關 上悼念不已再賜諡贈特進光祿大夫太傅謚忠定仍 遣官祭營葬文以孤忠報 主甘受奇禍一時縉紳莫不為之扼腕而彼惡直醜正之徒則或傍觀竊笑以為不智其甚者忿其異已且從而下石焉其亦可慨也已然貞松勁栢挺立於歲寒之後完名盛福卒兼而有之非其所立無愧於天無負於國家身克以臻茲耶國史稱其為人清修耿介識量宏遠居常抑抑至臨大事輒毅然不可屈撓云

李夢陽秘錄云 武宗初即位青宮舊閣等日導 上狗馬鷹兔舞唱角觝漸棄萬幾時號八虎而段敏黃偉雖舊閣以端慤斥不信用會段坐病免死於是戶部尚書韓文每朝退對屬史言輒泣淚數行下以闕故郎中李夢陽聞說之曰公大臣也義共國休戚徒泣何益韓公曰奈何曰且諫臣有章入交論諸閣下之閣矣夫三老者顧命臣也開持諫官章甚方公誠及此時率諸大臣殊死爭閣老以諸大臣爭也持必更力力易為辭事或可濟也韓公於是捋鬚昂眉毅然改容曰善即事弗濟且年足死矣不死不足以報國翼日早韓公密叩三老許之而倡諸大臣諸大臣又無不踴躍喜者韓公乃大喜退而召夢陽令具草草具韓公讀而笑之曰是不可文文 上弗省也不可多言

韓公竟也而王岳者亦青宮閣也剛厲而無阿頗亦惡其剛儕

國朝列卿紀

卷之三十三

十

初閣議持諫官章不肯下諸闕者業窘相對涕泣會諸大臣疏
又入於是 上遣司禮者八人齊詣閣議一日而遣者三而四
議持卒不肯下而岳者八人中也顧獨曰閣議是明日忽有
百召諸大臣諸大臣者蓋人人惴也既入左掖行吏部尚書許進
首咎韓公曰公疏言何韓公於是故曳履徐徐行而使吏部侍
郎王鰲趨詣閣探動靜閣老劉健語鰲曰事已七八分濟矣諸
公第持莫輕下至左順門聞首李榮手諸大臣疏曰有 上問
諸先生諸先生言良是無非愛君憂國者第奴儕事 上久不
忍卽置之法耳幸少寬之 上自處耳眾震懼莫敢出一語答
李榮面韓公曰此舉本出自公公云何韓公曰今海內民窮盜
起水旱頻仍天變日增文等備員卿佐靡所匡救而 上始踐
祚輒棄萬幾遊宴無度狎匿羣小文等何得無言韓公言雖端
而氣不勁又鮮中肯綮於是李榮哂曰兩疏備矣 上非不知
今意第欲寬之耳諸公遂悻然而退蓋是日諸闕者業窘自求
安置南京而閣議猶持不從諸公乃竟爾爾退惟王鰲前仍謂
榮曰設 上不處如何李榮曰榮頸有鐵裏之邪而敢壞國事
榮入而事變矣是夜立召劉瑾入司禮而收王岳范榮詔竄南
京尋殺二人於途已又連斥劉謝二老顧獨懇留李而韓公輩
詢詢咸拔茅散矣變之起大抵莫可詳而李榮則曰諸大臣退
而瑾儕繞 上前跪伏哭痛首觸地曰微 上恩奴儕餒餒狗

國朝列卿紀 卷之三十三

十一

矣 上爲之動而瑾輩輒進曰害奴儕者岳也 上曰何也曰
岳前掌東廠也謂諫官曰先生有言第言而閣議時岳又獨是
閣議此其情何也夫 上狗馬鷹兔岳嘗買獻之否 上心所
明也今獨咎奴儕而益復伏地哭痛 上於是怒而收王岳瑾
又曰夫狗馬鷹兔何損於萬幾今左班官敢譁而無忌者司禮
監無人也有則惟 上所欲而人不敢言矣 上於是詔瑾入
司禮監此其說亦近第難盡信耳又聞閣議時健嘗推案哭謝
亦覺書閣休獨李未開口得懇留云
尚書張潤云公風骨玉屹與止凝重雍粹若天成加以奮勵充
養動爲遠大作程自給舍迄藩岳部院四十餘年歷事 三朝
國朝列卿紀 卷之三十三 十一
受知 列聖夙夜圖報黽勉以忠愛爲主晚斥姦權慷慨任重
直聲壯節不振中外晦菴劉閣老嘗語人曰國家養士百四十
五年當其時只養得箇韓貫道者
雜記云公年五十時喪其閨夫人子輩數以再娶并納妾爲勸
言及輒怒云我年已至此復何爲哉卒獨處一室雖使婢亦不
容入遇冬寒命小孫溫足教其念書作對句雖處極貴自奉甚
薄清心寡慾如此所以剛持不屈卒能與東山齊名也
大學士楊一清云公平生政跡甚多而晚年抗疏誅瑾一節尤
卓犖奇偉
又云公素少疾家居好吟咏垂老猶能作楷行細字家居行義

國朝列卿紀 卷之三十三

十一

可述者甚多鄉里化之惟恐惡聲入於其耳 國家文臣謚忠
定者惟少師塞公一人塞厚重博大為當代名臣公德量葉與
之同而得值行志則未若塞公之顯且久也至論其嫉惡之嚴
任事之勇塞公之在當時恐亦無能勝之

尚書林俊云質菴諫垣時不立異於物無所於爭而論事侃侃
等諸心體量諸事為理當否物勢便戾政因革所宜蓋有人不
能言獨言之者矣歷大藩以至中丞少宰司馬司徒廟大遠水
莊簡而凝重休休然其容抑抑貶損親賢而下善以詢咨遠猷
根求彝憲默化潛運長乎其無形而天下陰受其賜蓋有人不
能行獨行之者矣當其時與司馬劉公東山都憲張公公奄相

國朝列傳紀

卷之三十三

十一

四十五

弘治大君子 吏部請謚有曰愚同窳子而竟保其身老似武
公而不弛於學

顧佐字良弼直隸鳳陽府臨淮縣人登成化己丑進士授刑部
主事歷員外郎郎中時錦衣衛都指揮牛循嘗怙勢殺人鎮守
宣府太監顧雄分守紫荆關監丞鍾欽事多不法佐按致其罪
識者謂其有守成化十九年出知河間府府畿甸也貴戚莊田
恭峙境內聞佐至皆戒其下不敢乘勢輻輳先是定徭役悉委
吏胥多寡高下一出其手驛當孔道老奸宿蠹蟠結其中乃會
校出入據籍履晦定為程式其弊遂絕郡有瑞蓮秀麥之謠政
聲流聞二十三年進四川按察副使整飭建昌兵備越雋山崩

地震民駭蕩析佐憊心力撫循增修屯堡哨戍民以安堵弘治
三年徵拜大理寺右少卿丁憂七年補左八年進右僉都御史
巡撫山西提督鳳門諸關九年改南京都察院提督巡江十一
年改都察院十二年進右副都御史十六年陞戶部右侍郎十
七年六月北虜小王子求貢甚急兵部擬差佐往大同宣府整
理糧草 上召大學士劉健等至煖閣袖出所擬指佐名曰是
嘗差幹事力量頗弱恐不能了此劉健等對曰戶部尚書秦紘
行取尚本至左侍郎王儼可用但見署印故臣等擬差右侍郎
惟 皇上裁擇 上曰王儼固好但掌印須留管家當顧佐亦
不必動凡有事二人商議乃得停當各衙門官先生輩知之可

國朝列傳紀

卷之三十三

十四

四十五

推有才者不必拘定戶部十八年陝西三邊告饑 孝宗命兼
僉都御史往蒞之 召至御榻前詢問慰勞賜以白金文綺有
如朕親行之語且顧近侍紀之比至條陳便宜多方區畫始有
三年之積正德初戶部尚書韓文率百官伏闕上疏得罪去佐
實代其位旋有玉帶麒麟服之賜時逆瑾盜政威權日熾士夫
見者多為諛詞諂貌佐自若也瑾性極貪酷而外假仁義大監
王璫於御馬監建新宅誘 上居之因奏令攬納戶數人專一
包納京倉糧草所得利進於內璫自為首送戶部出榜佐等自
於劉瑾谷大用瑾大怒同谷大用直至 御前言安有 天子
令人包納錢糧之理 上以為不知瑾遂枷其攬納戶於戶部

門外命建其柩不得屈伸即日死然亦不能加秀罪瑄諷諸司各進羨餘以入私藏佐曰吾部無羨餘者瑄銜之未發也後瑄因戶部奏送各邊年例銀兩瑄以為祖宗朝無此例命佐查天順年以前年例銀數佐以天順前無前銀例回報瑄大怒曰此戶部官通巡撫邊方都御史共盜內帑銀兩之明驗也悉追問致罪革罷送銀之例邊儲至是缺甚蓋自成化八年開設榆林衛余子俊巡撫增置城砦陝西民供不繼奏送江南折銀以補不足然初亦以南京折銀例每一石折銀二錢五分放支軍士其後大同等邊缺之亦曾送銀而足數皆不多未嘗以出計送者弘治初戶部尚書葉淇與內閣徐溥同年最厚淇淮安國朝列卿紀 卷之三十三 十五

課納銀解京故不得不分送各邊如此瑄必不怒而反正鹽法必不受其禍矣而瑄隴回報使士民受害識者短之瑄憾韓公文不已瑄據百萬緡所得會部有故問瑄瑄欲以為韓罪族佐上其書書不行國事停三月佐曰可以去矣遂引疾乞歸疏再上允即行令遣人副其過無咎意未嫌時命官按三邊儲蓄有紅腐則以為罪佐時去邊三年餘矣 詔罰輸米八百石於邊邊民以為難易米於治中有旨准行又以為佐罪罰輸三百石月有缺失又以為佐罪罰輸百五十石佐素貧殫家資以贖不足稱貧貧之人皆寬之無愆也正德丙子十一月七日卒於家年七十四佐統溫氣和內守堅定立朝四十餘年當財利紛爭之所漸染種好歛絕無所取初壽寧張公發自河間佐為河間守嘗有德焉比當路每論悅於佐佐謝之方其為大理也或以為壽寧之援也及壽寧有召朝士全集而佐獨不往時王瑞教為家宰並稱之始知所自逆瑾伏法其事益明及計開贈太子太保

人鹽商皆淇親識因與淇言商人赴邊納糧價少而有遺涉之虞在運司納銀價多而得易辦之便淇遂奏准兩淮運司鹽課於運司開中納銀解戶部送太倉銀庫收貯分送各邊鹽價銀積至一百餘萬兩人以爲利而不知壞舊法也蓋洪武永樂以來天下鹽課俱開中各邊上納本色米豆商人欲求鹽利預於近邊轉運本色以待開中故邊方粟豆無甚貴之時今廢商人赴邊報中之法雖曰得價多而近邊米豆無人買運價遂騰湧正德五年侍郎叢蘭整理陝西邊儲遂令百姓每石徵銀二兩五錢准米一石益六部政本少有差錯貽弊如此使佐當劉瑾查問之時答曰昔鹽課在各邊上納故無年例銀之送後改鹽

沃縣知縣敷政平恕於民不擾久之陞戶部山西司主事弘治四年奉部檄督餉西陲五年丁父憂後起復進本部員外郎郎中歷知瑞州九江衡州三府俱尋常供職無善績十八年以逆瑾同鄉陞太僕寺少卿未逾年逆瑾竊政甘心鼠附改太常寺卿提督四夷館踰二月驟陞戶部右侍郎時逆瑾既構陷尚書韓文知邊方召商買納糧草情弊因戶部奏差給事中御史三年一次查盤回奏內有糧粗批草沓爛者瑾稟旨遠繫巡撫都御史管糧郎中下獄既而鎖扭差人押至所任地方加倍賠償凡商人納過糧草拖欠價銀皆沒官不給由是商買困弊邊儲漸乏又因顧佐查天順前無送邊例銀遂止各邊送銀并禁商

國朝列卿紀

卷之三十三

十七

吳文言

人報納以致公私告竭尋遂佐去位進璣尚書璣巧宦固位不敵正抹及瑾詢 國初如何充足淺識者以為國初屯田齊舉故軍食自足后為勢家所占以此軍不自給璣遂慨然齊舉屯田分遣胡汝礪楊武周東顏順壽等往各邊丈量屯田以增出地畝甚多迨完積逋者為能否則罪之又命散銀於邊州縣百姓買米陪脚耗運送邊倉交納奉行苛刻人不聊生偽增屯田每數百餘頃悉令出租至正德五年近邊米豆無人買運差待即叢蘭整理陝西邊儲遂令百姓每石徵銀二兩五錢准米一石璣甘心黨惡恬不省憂會真鑄之變逆瑾伏誅以黨奸罷璣璣離知府逾年遂濫入座在戶部四年成憲盡變革坐視元氣

日損民窮盜起猶脫天網識者不能無遺憾云
楊一清字應寧雲南安寧州人湖廣岳州府巴陵縣籍成化壬辰進士累官右都御史總制陝西軍務正德五年逆瑾伏誅以國計重事一清有心計召為戶部尚書尋加太子少保戶部自逆瑾竊政以來查盤禍作守臣不復儲積遷就了事延捱月日故邊儲一空一清行各邊巡撫將見在官銀多方招糴故公私稍備辛未年順天應天山東河南盜起一清上疏十一事曰裕民曰增軍曰定賞格曰宥脇從曰聯鄉保曰充賞賚曰嚴罰禁曰治退縮曰察蒙蔽曰禁奪功曰防奔突 上嘉納之復改入吏部歷內閣詳內閣

國朝列卿紀

卷之三十三

十八

吳文言

孫文志字同湖廣承天府鍾祥縣人自幼秀穎嗜學雖盛暑不輟成化辛丑第進士授南京兵部車駕司主事留務事簡每日散衙後諸僚輩各歸私第或出訪客或拉朋儕飲奕賦詩習以為常交獨退處一室默坐觀書至晚方回或以為言則曰對聖賢語不猶愈對賓客妻妾乎三原王端毅公時為大司馬嘉其有志甚愛之弘治初三原起為冢宰即調吏部用以自輔歷積勲文選司員外郎進驗封司郎中七年以憂去十年起復補稽勲司十六年調文選司郎中守法信度確然不撓遍三要司十有餘年益勵廉隅惟培植善類不忍其摧抑一切選授陞遷與倪文毅公酌酌地方遠近煩簡務當其才輿論胥服十四年陞

太常寺少卿提督四夷館正德元年陞光祿寺卿時逆瑾竊政
諸所作無益事耗民財有如木蠹交不激不隨臨機節縮省費
不貨雖諸權貴亦安之三年陞戶部右侍郎尋改吏部五年調
南京吏部本年陞南京吏部尚書未任六年陞戶部尚書時畿
甸河朔流賊劉六劉七齊彥名等鷓張為中原患朝廷命將
征討調度甚急四方以災上不得不覆其處蠲稅糧若干某處
截留運粟若干興師四萬之儲不得時繼事皆難處交從容調
停權其輕重緩急務濟事不務近名又因民貧歛急不忍椎肌
竭髓取償歲額而至於官爵之冒濫賜與之無節非時之宴遊
無益之齋醮一切侈靡耗財之事終不能違其所蔽因其所明

國朝列卿紀

卷之三十三

十九

張

乃歎曰胡為使我民至此極也於八年乞休歸隱九峯受知
世廟於潛邸入繼大統起耆宿再入為司徒以輔成新政為國當
怨必欲杜利孔清利源還殷阜之舊國命民命身任不疑嘉靖
二年以老請歸四年卒於家贈少保謚榮僖平生言論恂恂誠
懇無大臣氣岸其清慎雅恬始終一致云

紀聞云公慎於交與若見素林公白巖喬公柴墟諸公二泉邵
公數君子號為知己

王瓊字德華山西太原府太原縣人成化甲辰進士授工部屯
田司主事歷員外郎進都水司郎中弘治九年改戶部陝西司
郎中有治才留心國計凡舊卷條例悉錄之以備稽考

都御史正德二年陞戶部右侍郎三年改吏部調南京吏部
部侍郎丁憂六年起戶部右侍郎兼左僉都御史賑恤畿甸山
東地方七年陞戶部左侍郎八年陞戶部尚書瓊在戶部陝西
司於泉貨出入數目素熟練嘗著論謂國初制親王歲支祿米
一萬石後因地方豐歉或有減支郡王將軍俱有常祿亦因民
供有限悉減支一半本色一半折色其折色多不關支又如初
封郡王歲支二千石以後襲封俱支一千石後亦有例初封郡
王亦支一千石又如郡王生子多至二三十人者有之慶成王
生七十子夫以十子論之一歲該支米一萬五千石反多於一
字王祿米矣先年陝西慶府分封郡王俱於慶府一萬米內分

國朝列卿紀

卷之三十三

二十

石

撥并軍校亦於本府分出不知彼時奉何事例又如鎮國等將
軍年十一二歲即請封號祿米弘治十一年因災異禮部會官
議修省事件郎中慈谿王綸白於諸大臣定議鎮國等將軍年
及十五歲方准撥支祿米至今行之以民供論之則日益不給
以宗室論之往往衣食不繼反不如庶民之家得自生計也又
宗室犯罪降為庶人者計口月給米石比與將軍中尉反得實
惠宗室例不得種田納糧商販營利而常祿不給日見其貧乏
不能存活矣又國初定制百官奉給皆支本色米石如知縣月
支米七石歲支米八十四石足勾養廉用度後改四品以上三
分本色七分折色五品以下四分本色六分折色後又改在外

官月支本色米一石其餘俱支折色其折色以鈔為則每米一石折鈔十五貫或二十貫每布一疋折米二石京官折俸四五
年不得一支外官通不得支俸祿之制果能守哉欲禁貪婪是
以難也故在戶部於邦儲飲散酌盈濟縮不尚同亦不求異凡
非分干請有違成憲者執奏不易苟可以厚宗室利官民者亦
調停行之人服其有心計十年改兵部詳吏部

石玠字邦秀直隸真定府藁城縣人父諱玉天順甲申進士由
監察御史歷官山西按察使玠幼警悟倜儻按察公教之易畫
卦爻推奇偶錯綜畫六十四卦試之輒不謬成化癸卯遂以易
魁順天鄉薦丁未同弟少保文隱公瑤舉進士授汜水縣知縣

國朝列卿紀 卷之三十三 三十一 廿文

有惠政弘治癸丑召為河南道監察御史乙卯奉覲大同遊儲
丙辰按甘肅辛酉復按陝西邊務興革悉中機宜監臨鄉試號
得人乙丑推綜三法司事左都御史浮梁戴公珊素知之事無
巨細委推理丙寅陞山西按察司副使督學政教人以修德行
務經學為本己巳陞本司按察使庚午陞布政使尋轉左至
是去按察公舊治僅二十年而吏民安其政如按察公時人以
為世美常作瞻栢以志感辛未陞都察院右副都御史巡撫大
同玠久歷邊陲習諳戎務凡將領而下量才任使皆得其宜而
有違法者裁以大體不為深文小苛故人爭盡力邊境用寧未
幾入為兵部右侍郎時遼東諸夷不靖命以左侍郎兼右僉都

御史往諭之玠宣布 威德即相率歸服使還 詔贖一子為
國子生仍加俸一級癸酉陞右都御史乙亥陞戶部尚書時
武宗數北巡日有調集軍費不貲玠經營籌畫未嘗告匱丙子
二品秩滿加太子少保 賜蟒衣玉帶玠恪守成憲會錢寧竊
權阻壞鹽法累執奏與之忤被讒奪俸因懇疏乞骸得 允賜
勅乘傳還鄉有司月給米四石歲撥夫四名歸杜門却掃意緒
澹然居二年以疾卒年五十九贈太子少保玠天性孝友待物
寬厚居官以誠信愛民為本自俸祿外無一毫妄取及請老歸
葺所居僅蔽風雨與弟文隱公友愛備至喜讀國語左傳尤好
淵明樂天詩所著有東溟漫藁藏於家

國朝列卿紀 卷之三十三 三十一 廿文

楊潭字 直隸保定府新城縣人成化丁未進士弘治十四
年任光祿寺少卿正德元年任南京大理寺右寺丞二年陞大
理寺右寺丞四年陞本寺左少卿五年督軍餉陞光祿寺卿八
年陞戶部右侍郎九年轉左十年兼僉都御史總督宣大軍餉
十二年回部十三年陞戶部尚書十六年致仕
秦金字國聲直隸常州府無錫縣人弘治癸丑進士嘉靖二年
任戶部尚書六年丁憂後起南京戶部歷工部改南京兵部尚
書加太子太保卒贈少保謚端敏詳南戶部及兵部
鄒文盛湖廣公安人弘治癸丑進士嘉靖六年任戶部尚書致
仕卒贈太子少保

梁材字大用南京金吾右衛軍籍順天府大城人弘治己未進士初授德清知縣廉靜寡欲平易正直輕徭薄賦興利除害邑人至今頌之正德二年陞刑部廣東司主事四年陞署貴州司員外郎議獄詳慎人無道情時稱名法家大司寇洪公鍾每命各司錄其招稿以爲法五年改山東道御史逆瑾既誅曉諭天下榜文出其手筆大學士西涯李公東陽見而愛之及作史紀事稿西涯同大學士楊公廷和各作一篇俱不慙意曰此等文章須史筆兼律筆乃爲得體今但有史學筆耳不足以傳後乃會司寇何公鑑中丞楊公綸各入其篇撰上送西涯看西涯獨取其所作喜云法史能兼可愛也遂以付史館且令其勿有所

國朝列卿紀

卷之三十三

三十五

改六年知嘉興府興廢靡靡節用愛民又精悍廉介布衣蔬食善聽發奸伏左右莫敢近吏牘章程皆有限刻不數月民有楊公再來之稱十年調杭州府賢聲日著皆稱爲神明十一年陞浙江右叅政恤荒歉平賦役兼理訟獄雪冤疏滯庭無宿案十三年進掌浙憲益崇憲體風節勵然己卯歲宸濠作亂於江右中貴畢真內應於浙西人心洶懼密謀於巡按御史張縉曰防禦要路在兵潛消不軌在豫草嚴市置綜理周密濠敢抗人恃以爲安十五年丁憂嘉靖二年再爲雲南按察使會上官彼此讐殺不寧者六年矣北蒞任巡按某謂曰上官讐殺久而未決諸道不能勘須公爲之材慨然諾即日遣牌逮上官依限而來

進見謂曰爾爲王臣不遵王法殺害生靈無算論法汝當極刑今姑貸汝死照例罰牛羊若干贖罪上官再拜輪服感謝即引見巡按聽候復職巡按以處大輕不允材以治夷罪律命告之巡按復監候材曰若監恐生他意是我激變矣察院始從復職且差官護送出三十里外即飛報云夷果集兵相訶今無虞矣巡按乃深服其明三年陞貴州左布政使尋調廣東奉身儉約無他嗜好公退惟焚香讀書而已以是關節難通寸絲不入私藏六年陞都察院右副都御史巡撫江西地方操履剛正事循大職於邪正之辨尤嚴未數月陞刑部左侍郎尋改戶部未幾進尚書自世廟登極一詔放田租裁冗食不急之徵無名之

國朝列卿紀

卷之三十三

三十四

欽一切報罷三四年來民愈貧徵歛愈急加以水旱疾癘所在告災材深切爲憂每戒屬官勵廉隅恤民隱於行事得失忘行清污考覈不爽毫釐尤力主節財爲第一義凡一切耗費圖計者必力持之故儲積不至於大竭十年以憂去十三年邊圉多事戶部缺人再起掌部事琬琰錄曰梁材初知德清縣平易正直清介絕俗興利除弊薄賦輕徭雖古之循良莫能過也在任七年陞刑部主事歷員外郎中議獄詳慎人無道情時稱名法家出知嘉杭兩府在在有德政頌聲盈途陞浙江叅政轉按察使時宸濠作亂浙江鎮守中官畢真爲內應材密謀於巡按御史張縉縛真人恃以安等

周經	山西陽曲人進士弘治十八年任本都未任
熊獅	河南光州人進士弘治十八年任正德元年致仕
秦民悅	南直隸舒城人進士歷南兵部尚書丁憂正德元年起任二年致仕卒贈太子少傅謚莊簡
高銓	南直隸江都人進士正德二年任本年致仕卒贈太子少保
楊廷和	四川新都人進士正德二年任歷內閣少師
張縉	山西陽曲人進士正德二年任尋忤奄璉下獄後起總漕右都御史復原官致仕
王佐	山西和順人進士正德三年任尋忤奄璉下獄
林洋	福建閩縣人進士正德三年推本部尚書尋忤奄璉勒令致仕未任
雍泰	陝西咸寧人進士正德三年任本年忤奄璉致仕
吳文度	應天江寧人進士正德三年推本部尚書未任致仕
國朝列卿紀	卷之三四
陳金	湖廣應城人進士正德三年任
張泰	廣東順德人進士正德四年推陞忤奄璉勒令致仕
張潔	廣西平南人進士正德四年任
李瀚	山西沁水人進士正德六年任本年致仕卒贈太子少保
胡富	南直隸績溪人進士正德七年任十年致仕卒贈太子少保謚康惠
鄧庠	湖廣宜章人進士正德十年任十四年致仕
王鴻儒	河南南陽人進士正德十四年任本年致仕卒謚文莊
鄧璋	順天涿州人進士正德十五年任十六年致仕
蔣昇	廣西全州人進士正德十六年任嘉靖二年致仕卒贈太子少保
楊旦	福建建安人進士嘉靖元年任

王緝	廣東東莞人進士嘉靖二年任本年卒於官
顏願壽	湖廣巴陵人進士嘉靖二年任
鄒文盛	湖廣公安人進士嘉靖三年任
王承裕	陝西三原人進士嘉靖六年任七年致仕卒謚康僊
邊貢	山東歷城人進士嘉靖八年任十年卒於官
秦金	南直隸無錫人進士嘉靖十年任
許誥	河南靈寶人進士嘉靖十一年任三年卒於官贈太子太保謚莊敏
王軌	南直隸江都人弘治已未進士嘉靖十三年任歷南兵部
錢如京	南直隸桐城人弘治壬戌進士嘉靖十五年任歷刑部
劉天和	湖廣麻城人正德戊辰進士嘉靖十九年任歷兵部加太子太保
國朝列卿紀	卷之三四
周金	南直隸武進人正德戊辰進士嘉靖二十年任
徐問	南直隸武進人弘治壬戌進士嘉靖二十四年任二十五年致仕
閔楷	北直隸任丘人弘治乙丑進士嘉靖二十五年任本年開仕
夏邦謨	四川涪州人正德戊辰進士嘉靖二十五年任歷吏部
趙廷瑞	北直隸開州人正德辛巳進士嘉靖二十六年任歷兵部
韓士英	四川南充人正德甲戌進士嘉靖二十七年任歷南兵部
王崇慶	北直隸開州人正德戊辰進士嘉靖二十九年任三十一年改南京禮部
張經	福建侯官人正德丁丑進士嘉靖三十二年任改南兵部
孫應奎	河南南人正德辛巳進士嘉靖三十二年任三十五年開仕
盧紳	陝西咸寧人嘉靖癸未進士三十五年任三十六年致仕

賈應春 北直隸真定人嘉靖癸未進士

馬坤 南直隸通州人嘉靖癸未進士

蔡克廉 福建晉江人嘉靖己丑進士

劉采 湖廣麻城人嘉靖己丑進士

黃光昇 福建晉江人嘉靖己丑進士

鮑道明 南直隸歙縣人嘉靖戊戌進士

張舜臣 山東章丘人嘉靖乙未進士

馬森 福建懷安人嘉靖乙未進士

劉體乾 直隸東安人嘉靖甲辰進士

郭乾 直隸任丘人嘉靖戊戌進士

國朝列卿紀 卷之三十四 四

譚大初 廣東始興人嘉靖戊戌進士

劉自強 河南扶溝人嘉靖甲辰進士

曹邦輔 山東定陶人嘉靖壬辰進士

傅頤 湖廣沔陽人嘉靖壬辰進士

陳瓚 直隸獻縣人嘉靖丁未進士

殷正茂 直隸欽縣人嘉靖丁未進士

畢鏘 直隸石埭人嘉靖丁未進士

王好問 直隸華亭人嘉靖庚戌進士

楊巍 山東海豐人嘉靖丁未進士

劉堯誨 湖廣臨武人嘉靖癸丑進士

劉思問 河南孟縣人嘉靖丙辰進士

張士珮 陝西韓城人嘉靖丙辰進士

魏學曾 陝西涇陽人嘉靖癸丑進士

傅希攀 直隸衡水人嘉靖丙辰進士

王友賢 山西寧鄉人嘉靖己未進士

國朝列卿紀 卷之三十四 五

南京戶部尚書行實

師達字九遠山東交州府東阿縣人少孤事母孝年十三母疾危殆思食藤花菜地不常有達亟出求至城南二十五里得之及歸夜已二鼓道遇虎達驚而呼天虎舍之去持菜還母食之遂愈由縣學貢入國子生洪武二十五年陳情養母求仕特擢監察御史革除中陞陝西按察使時獄囚淹繫殆千人達至審其罪量輕重而決遣之決旬之間獄為之空丁母憂去官廬墓側不茹葷飲酒者三年壬午成祖入正大統召為兵部右侍郎尋轉吏部侍郎永樂四年營北京宮殿命採木湖廣七年成祖征虜命達總督魏運建議請軍量其程置堡使更遞輾轉則

國朝列卿紀

卷之三十四

六

四十五

民不困乏而軍得足食從之十四年命督修漢府十九年命巡視湖廣安撫軍民二十年命署南京禮部事二十二年仁宗嗣位進南京戶部尚書兼掌吏部事宜德二年正月丙申卒於官年六十二遺官賜祭命有司治葬事為人有德量人不可干以私遠任吏部時典銓衡者率任已自用不容於人往往不協輿論遂能勸眾以求公當且能持廉其為從在北京視身介特 文皇帝問語左右曰六部扈從之臣不令者惟達一人蓋 上知之有素云
古朴字文質河南開封府陳州人洪武中鄉貢為太學生奉命清理郡縣田賦圖籍丁父喪歸二十一年服闋隸五軍斷事理刑

遂奏家貧願仕得祿養母 太祖嘉之除工部營部主事授承

仕郎迎母就養京師二十六年母歿官給舟歸葬二十八年服

闋改兵部司馬部主事二十九年陞武選司員外郎授奉訓大

夫三十年陞郎中授奉議大夫革除三年陞兵部右侍郎授嘉

議大夫壬午年 成祖正大統改戶部右侍郎轉左侍郎授通

議大夫賜文綺襲衣四年因建北京命採木江西有愛民之心

竣事特被賜賚七年 上巡狩北京侍 仁宗監國常奉命權

禮部兵部及詹事府事十八年扈行在洪熙元年改通政使是

歲陞南京戶部尚書授資善大夫賜誥命追賜二代遂謁告歸

省墓賜鈔襲衣村事親孝非其義一毫不苟取居官臨事蚤作

國朝列卿紀

卷之三十四

七

四十五

夜思勤勞弗懈一志於公無敢干以私者謹守 祖宗成憲不敢踰越或言事久於時小過不及者亦當損益就中終不為動尤惡貪墨戶部主事劉良素行不檢滿三載特考其績下良叩上之左右人求得最考朴曰食後之人竟未覺露不改行終常敗最考不可得也良遂誣奏他事既就逮繫 成祖燭其誣竟釋朴他日吏部奏授良勅命封贈其父母 仁宗曰豈弟君子福祿攸降是嘗誣奏大臣罪者其得為君子乎不與良卒以賊敗眾服朴之明所治職務退未嘗語其家人水漿之操確乎不移平素不事生產華靡雕琢之玩纖毫不留公退清坐一室書冊自娛常病楊士奇往問之入其齋至几案間獨有自警編一帙

可以觀其所存 洪熙中誥辭有端厚簡靜操行清潔之褒益見知於 上者深矣宣德三年卒於官

黃福字如錫山東萊州府昌邑縣人生而岐嶷異常兒洪武初父冷讀書鄉校年及志學補邑庠尋選入郡庠歲甲子得雋鄉闈升胄監歷項城清源二邑主簿惠政及民壬申陞金吾前衛知事乙亥調龍江左衛戊寅陞經歷善於贊畫素有志事功識者皆以遠大期之是歲四月上章論國大計 太祖嘉納超授工部右侍郎日見親幸福感激圖報為政益力譽望日隆壬午六月 成祖入正大統治齊黃離間之罪李景隆指為奸臣逮繫福曰臣居大臣固當死奸臣之名臣不敢當 上壯其言釋

國朝列卿紀

卷之三十四

八

四十五

之調左侍郎未幾陞工部尚書永樂二年奉 命修補國子監經籍板三年乙酉調北京行部尚書四年丙戌 朝廷以安南土酋僭號弗庭與師問罪福承命先赴兩廣營辦軍用處置有方應期而集是年冬師渡富民江賊即散遁明年夏渠魁就俘遂郡縣其地復古興圖設三司控制其土命掌布政按察二司事初附夷民雖叛服不常福視民如子撫綏有道以是有變無虞時總兵英國張公黔國沐公遇有機務必與計議福亦莫不盡心大為二公禮重福自膺重寄惟知有 朝廷而不知有身廉明正大遇事有為不阿鎮守中官馬騏怙恩肆害數裁抑之騏不悅誣奏福聚太原宣化等府民兵欲為不軌福亦具奏陳

情 上深照其妄曰此君子不容於小人寢其事居交趾幾二十年及 仁宗即位上言六事悉見採用驛召還京父老不忍舍去泣送於塗者不啻千萬人至遮道不能行及抵京仍為工部尚書兼詹事府詹事賜以白金綵幣 賜誥命褒崇推恩及其祖考洪熙乙巳扈從 東官至南京及回 上賓天 宣宗

嗣登寶位命董 獻陵事賜賚優渥既竣事以久違先壟奏乞歸省 上允之賜以路費馳驛而回未逾月復召還京嬰疾上遣醫護命中使錫以珍饌疾愈持節 寧府行冊封禮適馬騏激變交趾掌二司事兵部尚書陳洽累疏乞福復鎮遂驛召還京 上命仍領布政按察二司事時黎利據別城叛命將討之

國朝列卿紀

卷之三十四

九

四十六

及至賊境將非其人失利福被執有酋首識之者抱持福泣且曰此我翁黃也此我翁黃也仍集眾羅拜且曰公不北歸我曹不至此言已皆泣既而酋首以已乘舟至營黎利出迎即置上坐問福所欲福厲聲曰我 天朝大臣今至此願爾等速殺我耳黎利等連聲曰我父母我父母以厚資昇送出境乃上章曰禮送賢良福至龍州悉以遺物歸諸官庫分毫無與時總兵王通等為法司所劾被收福既陞見 上以福不預軍旅特宥之即勅與平江伯陳瑄總督漕運數年來致河道疏通舟艦無阻者實福布置有方號令嚴明也福又以遠輸勞費建言三事一曰足食二曰足兵三曰省役承 命又議調行在戶部宣德壬

子調南京雖耳目不職筋力衰微惟念四聖春顧之隆絕口不援例以謝政乙卯正月奉勅守備南京叅贊機務是年二月陞少保仍兼戶部尚書有白金綵幣之賜進階光祿大夫正統紀元春二月以學校之政久弛諸生多事記誦經書略不講究棄本務末難求實才上章言之用是天下學校一變舊習又特疏上言四事曰鈔法曰鹽法曰官俸曰田賦皆切時務四年冬十二月復賜誥命授光祿大夫加贈三代考妣并封其妻如制福風儀修整不妄言笑志氣豪爽器識過人忠敬孝友出於天性剛毅正直士風所屬其學根於經術不爲無用之文而典雅有法所爲歌詩有古作者意雖居繁劇手不釋卷喜納儒士而重交游尤好薦拔賢材號稱知人當官不爲赫赫之名而事之微細無不謹其在安南復輿地增置郡縣籍編氓定賦稅而上其名數他若芻蕘之積軍餉之儲皆屬措辦庶務浩繁雖日不暇給而隨事制宜咸有條理又能鎮之以靜上下帖然恒戒官屬毋苛急於政毋侵漁其民時召父老諭以朝廷德意俾各安其生理有懷來安輯之功學校新設未有教官選待次之官有文學者委攝學事生徒知學漸有可觀官有改任及降者初至或貧乏量給公廩以周之病故者給楮而歸其管政務稍閒則俾掾吏輩講讀大明律及小學使知守法持身之道罔弗悅從福素習律令藩憲具獄立斷之輕重得當主者不敢高

國朝列卿紀

卷之三十四

十

蕭奉

下其手而矜恤之意藹然行於其中自小官至一品始終以國家生民爲心斥奸闢諛無所顧忌下人有過多見優容所與交游輔於道憂國忘家老而彌篤公卿多推讓成祖嘗命解縉論羣臣自蹇義而下凡十八人皆有褒貶獨福則曰秉心易直確有執守上深然之兵部侍郎徐琦使安南回至南京福與駙馬沐公襄城伯李公以及五府六部都憲諸公往見於石城門外或指福問安南來者曰汝識此大人否對曰南交草木亦知名安得不識初福被召還京男婦耆倪追送者千萬人行百餘里不忍舍去福再三慰諭始皆泣拜而別非恩德及人之深奚以致此在官幾六十年廉介自守家無餘財自奉甚約妻子僅給衣食所得俸祿惟待賓客周匱乏而已公退輒以詩書訓子孫或鴈詠自娛嘗慕范文正公爲人誦先天下之憂而憂後天下之樂而樂之言因號曰後樂平生所作詩文有後樂堂交潘文集後樂續集過庭所授稿於家前後所上封事與廟謨廷論逸不盡傳而上自人主信之士大夫服之下至武夫穉子莫不懷之外至夷狄咸知其名而誦其美朝廷累賜璽書極其褒獎視古名臣蓋無愧焉歲己未疾屢作猶強起視事五年正月初力疾至公堂判署文牘至是月五日薨都城縉紳士大夫無不哀傷走弔哭者雲集其第計聞上爲之悼歎遣官諭祭物有司營葬謚忠宣贈太保

國朝列卿紀

卷之三十四

十一

石介

日錄云 宣廟初起廉舊人召蹇義等數人寵待之皆依違承順之不暇惟戶部尚書黃福持正不阿命觀戲曰臣性不觀戲命圍棋曰臣不會着棋問何以不會曰臣幼時父師嚴只教讀書不學無益之事所以不會 上意不樂居數日勅黃福年老不煩以政轉任南京戶部優閑之實踈之也向使蹇夏諸公皆如此持正其勢未必盡踈之則君德可修天下肥矣

三朝聖諭云宣德七年八月 上在宮中覽尚書黃福贊漕運時言便民數事出其章示臣士奇且論臣曰福所言皆知慮深遠可行今六卿中其誰之倫對曰福受知 太祖皇帝最先大用其為人正直明果一志於國家生民今六卿中鮮及之永樂

國朝列卿紀 卷之三十四 十一

初建北京行部命之綏輯凋瘵及得交趾命總藩憲之政安新附之泉躬勤夙夜具有成績其才德兼備有大臣體諸卿誠不及之福今年七十歲矣諸後進少年高坐公堂理政事享佚樂與馬騶從揚揚福四朝舊人乃朝暮奔走道路勞瘁不已殆非國家所以優老敬賢之道 上曰非汝不聞此言吾嘗欲得一老成忠直之人處之南京根本之地緩急可倚今以命福豈不誠當士奇對曰福必不負 陛下任使明且 上命吏部改福南京戶部尚書中外聞者皆悅 上之納直言明於用人類如此 大學士楊士奇曰公秉心正大介然義利之辨以直道事君以

寬惠逮民在交趾二十年其人無老稚皆戴之如父母天下士大夫無論識不識皆知其為君子也

儲懋字 直隸鎮江府丹陽縣人永樂甲午舉人十三年授

台州府學訓導有學行二十二年擢吏科給事中正統元年大學士楊士奇選授經筵尋陞翰林院修撰三年與修實錄陞翰林院侍讀八年陞戶部右侍郎十四年陞禮部左侍郎景泰二年陞南京戶部尚書未任卒於京詳禮部

張鳳字子儀直隸真定府安平縣人父益故為禮科給事中母李氏有娠一夕夢大星出懷中覺而生鳳人以為異二歲取父書讀誦狀識者知有奇志隣有病者召巫治之鳳往觀之竟

國朝列卿紀 卷之三十四 十三

不驗扣其神曰卿相在此及去神乃降隣眾驚異曰此子殆不凡者稍長從太常少卿鄭維言授春秋經每有講說即能問難穎悟異常已而母病躬侍湯藥衣不解帶母卒居喪盡哀人服其孝永樂乙丑北虜犯邊 文廟親征父益以給事中贊理戎務因主將失利沒於軍鳳年十四大父母垂白在堂家道蕭然鳳哀毀踰禮與兄奉祖還家竭力侍養甚得歡心久之有司聞其孝友選為邑庠生鳳奮力於學雖祈寒暑雨不輟遂領薦入大學時鴻臚序班缺員例選北人為之吏部尚書蹇義見而異之曰是生不可就此職也宣德丁未登進士第癸丑春擢刑部江西司主事時江西豪民為逆者千餘人繫獄未決一訊皆

其情獄上獲生者數百人能譽大振大司寇嘉其才特令總闈部章奏及錄在京逮獄者正統戊午冬陞授本部右侍郎由主事而進侍郎者前未有也已未夏以京城草廠出納多弊勅巡督之辛酉春改南京戶部右侍郎鳳上疏曰南京根本重地糧不可不素蓄宜每歲分米二百萬石遂定為令往年南京芻粟專委之憲臣至是勅兼督蓋以出納嚴慎故也時人以其執法呼為張板 朝廷亦知其名已巳春賜璽書嘉勞有清勤公慎之褒賚以白金文綺景泰壬申春陞本部左侍郎未幾進本部尚書明年廷議轉南京兵部兼督守備機務又明年召為戶部尚書時邊務方殷錢穀之費動以萬計多以不給為憂鳳處

國朝列卿紀

卷之三十四

十四

之裕然國用不勞而足天順改元 英宗復位思南京舊都得人庶可以壓眾心仍命為南京戶部尚書兼督儲辛巳春以考績赴闕 上慰勞有加以足疾懇辭休致不允舟還疾甚未抵任而卒享年六十六鳳為人正直而心地平易遇事敢為人不敢以私干之尤篤於友義同門寒於仕途者必極力助之故人李恂為太常贊禮郎母老子幼夫婦相繼而卒鳳惻然遂養其母以終聘其女為子婦教養其子至於成立又急於濟人嘗渡江偶遇一舟覆於急流即捐白金購人救之舟中之人賴以全活性尤真率客至即出酒殺對酌為樂不計其約與之接者未嘗不稱為村實君子云

沈翼字克敬直隸淮安府山陽縣人宣德庚戌進士授戶部主事正統八年出征雲南命為轉運使十二年命徙沙州達官安置東昌平山陞戶部郎中有心計持已清廉蒞政勤慎十四年時虜寇欲據通州積聚芻糞焚之翼乃偽燒腐草烟燄蔽天虜遁去 上嘉其才幹陞戶部右侍郎與同縣大司徒金濂並以聲稱物翼催償散糧船同平江伯陳豫鎮守臨清景泰四年陞南京戶部尚書值山東饑民流徙 勅賑濟全活四百餘萬待屬官嚴各畏憚勤職無敢怠廢五年翼等建議南京錦衣等四十八衛原屯比較新增軍餘一萬七千六百一十八名起科舍餘民人一萬六千三百二十九名歲該徵細糧一十二萬九千七百一十三石五斗零近因各軍奪占民田互相告訐該納籽粒多無上倉又各衛選留操備運糧等項差占有妨屯糧乞革其弊又奏准本部江西等清吏司歲辦商稅等鈔按季送部委官看驗明白劄發應天府庫收完出給通關繳報如遇南京光祿寺等衙門買辦一應物料開數呈部差委主事等官會同監察御史拘集鋪行照依時值兩平估計價錢明白開填勘合行庫放支給還物主不許乘機作弊七年又奉命行應天府上元江寧二縣納戶買辦一應物料行南京戶科給事中一貫都察院委御史一員會同本部委官估計天順元年致仕卒於家陳翌字冲霄直隸鳳陽府定遠縣人幼有異質其父指以語人曰

國朝列卿紀

卷之三十四

十五

吾家世農業人知吾所治者稼而不知種得吾見其稼以獲乎
宣德壬子中應天府鄉試正統丙辰會試中進士第授行在戶
部主事歲已巳虜寇犯邊王師北征命往永平等處備芻糧永
平圻內郡征輸繁重民無宿儲翌日方區畫民不厲而兵饒給
還奏稱一旨復出內帑金數萬兩命糴粟遼陽實邊廩竣事陞
郎中尋奉璽書督漕江西先是歲賦皆卒伍漕輓時 朝廷用
武始更以民有司承望風旨嚴程趣辦民始弗堪翌日賦無後
期足矣奚以亟為乃循行郡邑求得其富厚者俾具舟分漕且
諭之曰此一時權宜爾師還當無爾勞衆樂從為景泰初上崇
孝敬錄忠義備財用清賦罰中舊典禮羣臣六事未報聞又計

國朝列卿紀

卷之三十四

六

薛奉

乞歸三司御史文章留之 上命卒事翌遽已馳歸喪次聞
命復往督漕抵京師而歸終喪會 上命廷臣舉堪任方面者卽
其家拜山西右布政使馳傳赴任問民疾苦為蠲其逋稅至十
餘萬石民素利五臺山木至是有禁翌弛之樵蘇自若鴈門既
設兵守禦益戍以民咸釋之使歸農業翌既厚民生民可以役
其力矣始於其暇日築忻州城除道通平西嶺又感發其良心
俾修陽曲諸廟學益民不知勞而頌有德者至多不容口 英
宗復辟召還拜都察院右副都御史給從二品祿巡撫寧夏時
西邊連歲用兵民罷敝甚翌拊循之又籍其貧甚者計口給食
奏蠲逋租之累里正者寬兩稅稅輸布帛厥貢果實皮貨之物

皆乙權罷之其地故有宣聖廟祀禮典中州等項歲儉止行釋
菜翌曰其費幾何而用以化導邊氓其利博矣俎豆之事吾何
敢廢亟復之久之李來入寇邊將失利虜勢猖獗翌檄諸部固
城堡繕器械募材武士為壯兵悉以官兵守要害既而 朝廷
命將出師虜始引去西師解嚴乃上章乞省墓不允然 上亦
念翌在邊久思有以少休之矣七年陞南京戶部左侍郎 憲
宗卽位 勅總督京儲及屯田諸務始至會臺臣建議令諸司
察舉其屬翌首劾罷其不事事者數輩而薦用其才且賢者廩
庾廢壞修復之資咸取具軍役而公有餘材則積以待敝翌曰
糜有用之物困無告之民吾不能牽於吏議以隱忍於心也卽

國朝列卿紀

卷之三十四

十七

張

日以便宜從事人謂翌一舉而能除數十年之弊復因災異上
恤民力錄囚徒裁省鹽糧俸鈔三事丁繼母憂 賜祭葬旋命
起復懇乞終制祥禫召還京陞南京戶部尚書總督如故三年
乞奏最 上以其兼領諸務止之賜誥命進階資政大夫至是
精力向衰在他人若可以少自暇逸而翌感知遇期於盡瘁每
晨輿入公館治事食頃議臺迄食肝未休屬僚文移趨辦不少
貸卒之以此成疾疾甚猶日省署不廢成化壬辰六月卒於官
翌為人嚴偉立朝稜稜有風望自為郎署人已憚其剛直無敢
有忤之者及出更藩鎮入踐臺省位叙日高年德日茂晚生後
進以得接約納為幸而小官下吏趨走聽令有莫敢仰視云

程信字彥實直隸河間衛籍徽州府休寧縣人正統壬辰進士授吏科給事中累官兵部尚書兼大理寺卿成化八年改南京兵部尚書參贊機務常因南京戶部尚書缺人署部事餘詳南京兵部

陳俊字時英福建興化府莆田縣人正統戊辰中進士第成化十三年任詳南京吏部

黃鎬字叔高福建福州府閩縣人正統乙丑進士授監察御史景泰五年陞廣東僉事天順三年丁憂七年起復補浙江僉事成化二年陞廣東左叅政四年陞浙江按察使六年陞廣東左布政使八年陞都察院右副都御史總督南京糧儲十一年陞

國朝列卿紀

卷之三十四

十八

鄭召佩

吏部右侍郎十三年陞吏部左侍郎為人簡易溫和不炫風迹以引聲稱時尚書尹旻掌銓最久多引專主鑄處以謙讓不使犯其事尹亦重之十六年陞南京戶部尚書具題南京各衛差兩淮運司關支戶口食鹽該吏各違限年久累催不報訪得各吏多有通同包納鈔貫無藉之徒將支出官鹽沿江貨賣又將各起引自影射夾買私鹽全無忌憚今後令行各該衙門如有差去官吏支鹽不回因而在外通同出錢豪勢之人誘引貨買及夾帶私鹽各二千斤以上者事發拿問明白承委官吏與出錢同行之人並發邊遠充軍若盜賣官鹽夾帶私鹽各二千斤以下者俱發衛分附近充軍其承委官吏只是在外躲避或逃

回原籍年久不曾支出官鹽揆拿在官依律問罪有違限一年之上者原籍為民違限三年之上者公一千里外終身擺站原給引目俱追銷繳合支鹽斤不必補支中間出錢買鈔之人果是不曾同行盜賣官鹽止在本衛坐取本利者本利並追入官同承批官吏違限未一年者俱依律問罪照常例發落仍行南京各衛禁革今後完納鈔貫務要四角完全不許將爛鈔一槩混納及容令富豪官勢之人包攬納鈔展轉作弊并兩淮運使如遇南京各衛支鹽官吏到場限一個月內俱要關文出鹽若各場官攬索要財物及限外刁蹬留難與運司各衛官吏容不禁約並聽本部叅究追問其各衛官吏食鹽若再一年之

國朝列卿紀

卷之三十四

十九

鄭召佩

上不曾關支者不許再行納鈔造冊補支十八年奉命行本部編造勘合底簿仍行各運司等衙門查取官商姓名并原奉某號勘合於某年月日奉例該支鹽若干開報該部查考其該衙門關領引目之日備開勘合字號客商姓名比對相同依數給領其客商領過引目鹽斤各運司提舉司務開支過某年項下若干事故者開除該年終通類分歸舊管收除實在數目造冊一樣三本一本送南京戶部查對一本送戶部一本送本處巡鹽御史并風憲官查有一應奸弊聽該叅究十九年又奉命行南京戶部給發引目其年月日俱一一填定分發各運司等衙門收掌給與商人其有收有新舊那移者官吏坐以注法

賊罪本年致仕卒贈太子少保謚襄敏

潘榮字尊用福建漳州府龍溪縣人正統甲子舉福建鄉貢戊

辰登進士第奉 命齎銀幣犒師廣東景泰庚午拜吏科給事

中彈駁有體論停起復抑奔競數事尤剴切多見嘉納壬申陞

左給事中充 荆府冊封副使不受餽遺甲戌歸省 賜楮幣

為道里費未幾值父喪毀瘠骨立事母不離側天順己卯始以

服闋復任辛巳充 蜀府冊封副使如使荆時壬午簡充琉球

國冊封使 賜麒麟衣玉帶以行至則奉宣 德意王以下皆

竦息聽命陪臣請為中山八景記援筆立就有用夏變夷語國

人為之刻石甲申還 朝陞吏科都給事中以母喪歸如喪父

國朝列卿紀

卷之三十四

辛

庚

時成化己丑復任庚寅陞南京太常寺少卿丙申陞南京戶部

右侍郎戊戌奉 勅總南京糧儲尋改都察院右副都御史仍

領其事辛丑 召入為戶部左侍郎適尚書缺遂署部事免兩

浙償補鹽課人皆稱便會久旱漕河淤涸奉 命督治運舟畢

至甲辰陞南京戶部尚書所出政令大抵以節財恤民為務丁

未 孝廟登極以老疾懇辭給驛以歸令有司月給米二石歲

給輿隸四人弘治丙辰卒年七十有八贈太子太保

王慎字廷貴直隸常州府武進縣人景泰辛未 賜進士及第

第三人授翰林院編修被 旨偕修撰柯潛并庶吉士吳滙等

二十八人肄業東閣癸酉夏旱代祠東嶽甘雨隨注甲戌丁外

艱天順丁丑仍舊任庚辰同考禮部會試時稱得人尋 命侍

東宮講讀辛巳與修大綱一統志成 賜金帛癸未遷侍講甲申

憲廟踐阼以待從恩擢左春坊左庶子仍兼舊職 勅充經筵講

官敷祈明勸啓沃良多修 英廟實錄分掌禮館成化乙酉改

南京翰林院學士辛卯服闋適南祭酒缺 朝廷特用薦起於

家似嚴督率明賞罰差遣上奏論便宜數事又修廟宇學舍

補刻書板建書庫門工悉就緒壬寅滿九載進南京吏部左侍

郎丁未召為戶部左侍郎庚申 闕甫數月 孝廟登極遷

南京戶部尚書未任復改南京吏部詳南京吏部

黃紱字用章貴州平越衛人正統丁卯以春秋中雲南鄉試戊

國朝列卿紀

卷之三十四

辛

庚

辰登進士第除行人陞南京刑部員外郎郎中緩廉峻直執選

事應發正色山立印重忤時貴弗恤智巧所避毅然肩之人率

竊笑其杲然亦以是獲名人業以硬黃目之部堂嘗缺官署堂

一印諸察事之猶堂官才識超絕無不欽服譚千戶者大猾也嘗

奪民廬場顯貴人無敢為民直者紱直之竟歸之民天順中陞

四川叅議督松茂請倉兼備其兵釐革宿弊擒豪惡數百人舉

劾將官各當其功罪邊賴以寧成化中陞本司左叅政一日如

崇慶旋風擁輿不得行紱曰汝冤氣邪故散予圖之至州齋沐

禱諸城隍與夢若有神言州西寺者紱旦起率官吏兵往寺圍

捕之鞠訊之遂盡暴其奸惡寘之法又攢典李節陽王親也侵

盜官糧巨萬數王爲所免按之悉如法雖司錢穀然善摘發奸
伏以是威行境中嘗道川東青神令望風解印綬走久之進四
川右布政使奏閉建昌銀礦許之大盜周主簿者哨衆抄掠檄
緩平之陞湖廣左布政使時兩京工興徵銀二萬不忍派民以
庫積餘充之勢豪馬快船巨萬坐逼索又 荆王奏徙墳塚悉
革不從省費巨萬又計除僧繼曉於是威惠大行常忤閣臣萬
安銜之三年六推咸抑阻緩知連疏乞罷凡三上不允至二十
三年安去位陞右副都御史巡撫延綏劾參將郭鏞都指揮鄭
印李鐸王琮葭州史知州等又計捕豪奸張綱乃於是拔才能
察幽隱問疾苦飭廢墜申號令修器械嚴警邏節候望邊政爲
國朝列卿紀 卷之三十四 三十一

京吏部右侍郎十一年陞南京戶部尚書時部署并 玉音樓
傾圮乃稽每歲部運違限所入贖罪銀修理具疏以聞 詔從
之十三年以星變致仕
王軾字用敬湖廣荊州府公安縣人天順甲申進士授大理寺
右評事成化五年陞右寺副七年陞寺正十二年陞四川按察
司副使十五年以憂去接喪二十一年服闋補陝西副使弘治
二年陞四川按察使三年陞南院右僉都御史兼提督江防八
年陞都察院右副都御史總理南京糧儲本年改巡撫貴州九
年陞大理寺卿十三年陞南京戶部尚書十六年 命兼左副
都御史提督貴州軍務本年復命仍蒞南京戶部事奏准各處
國朝列卿紀 卷之三十四 三十二

以次查對候通完之日類造總冊赴京復 命十七年改南京兵部尚書參贊機務詳南京兵部

鄭紀字廷綱福建興化府仙遊縣人號東園天順庚辰進士選

庶吉士授翰林院檢討與同年洛陽劉健南昌張元禎為莫逆

交劉嘗稱之曰鄭廷綱有經濟之才未幾以親老移疾歸倣浦

江鄭氏家範閨門聚食種樹治生冠婚喪祭悉從文公家禮延

孝子劉子賢雲洞講肄歲給穀數十斛以贖其貧往時縣官科

率無藝紀為立定規裁省冗費率鄉人修復諸處橋梁家食凡

二十年再起供職成化二十三年遷浙江提學副使令諸生兼

讀五經白文行鄉射禮品藻不淆雖擯亦服弘治三年召入為

國朝列卿紀

卷之二十四

二十四

國朝列卿紀

國子祭酒教規甚嚴杜絕干請監有膳餘銀不例取同僚以紀

形其短銜之紀以前輩自處遇科道官不能折節為禮因相與

擔撫其事論劾 孝廟謂紀到任未久未宜有此令條折以開

改南京通政司左通政七年陞南京太常寺卿十五年陞南京

戶部右侍郎適南畿災紀以漕米權宜水兌積出餘米二十餘

萬石賑濟又將月糧放支本色以平米價奏革京儲冗食鹽鈔

攬納之弊皆有惠利及人然竟以前被論踵襲言之不已紀亦

屢疏乞休時劉公健在內閣重其才固留之十七年進南京戶

部尚書致仕邑舊無城垣紀力請於官修築之人賴以安卒年

七十六賜祭葬如儀仙之人才宋時與蕭垺人國朝科目常之

官亦不顯獨紀歷清華至八座為其邑之冠詩文清新敏贖有

東園文集吟稿歸田錄奏疏若干卷

周經字伯常山西太原府陽曲縣人弘治十八年由致仕戶部

尚書起本年未任後起禮部尚書致仕詳戶部

熊翀字騰霄河南汝寧府光州人成化己丑進士授武進知縣

有政澤及人以薦擢監察御史嘗捧 勅巡按江西風裁凜然

時寧藩親毛氏者橫於里翀以微服至其家伺之盡得其罪狀

乃密獲及其黨惡者數百人悉寘以法於是豪右屏息弘治八

一年累官都察院右僉都御史巡撫山東地方十年陞右副都御

國朝列卿紀

卷之三十四

三十五

國朝列卿紀

侍郎本年改兵部左侍郎十八年陞南京戶部尚書正統元年

致仕性剛介嚴毅不敢干以私所著有止菴集

秦民悅字崇化直隸廬州府舒城縣人天順丁丑進士授行人

司行人歷工部屯田司員外郎成化十年陞廣平府知府剛毅

開敏多直氣能卓然自立政出公平而百廢修舉士民宜之如

檢勘荒田馬地共三十餘頃辯冤活獄一十九人招流亡進六

千戶皆綽然在耳目十九年滿九載方去民立生祠求大學士

劉翀紀其政績祀之陞江西右叅政歷三載陞右布政弘治三

年轉左民悅在江西凡三任察民情最深敷政多從寬恕不尚

嚴苛四年陞都察院右副都御史巡撫順天地方飭薊州兵備

未幾召爲戶部右侍郎提督倉場六年回理部事七年改吏部
丁憂十年起復補左副都御史理院事十一年復改吏部右侍郎
郎十二年陞南京吏部尚書初官留都給假者紛紛值監丞楊
文具告給假回籍省祭遷葬養病民悅駁問一狀之內四事並
告難以施行且嚴禁之於是其風稍息十三年爲星變率九卿
題准南京文武官員每年該關俸糧折支絹布小麥俱在秋冬
三個月內接連關支各衛官員無米食用乞照在京事例將絹
疋移於四月布疋移於八月小麥仍於十一月關支本年陞南
京兵部尚書參贊機務安靜不掠聲稱十四年丁憂正德元年
起南京戶部尚書二年致仕卒贈太子少傅諡莊簡

國朝列卿紀

卷之三十四

二十六

田文

高銓字宗選直隸揚州府江都縣人銓初娠時母常感異夢比
生岐嶷不凡甫毀齒日記數百言十三能韻語天順丁丑補江
都縣學生少保高文毅公毅一見奇之吏部王端毅公恕知府
事擇諸生俊秀者親訓於資政書院尤器銓成化己丑舉進士
授大理右評事潛心條格上疏言優致仕申比附分贖職杜詐
作辨盜情廣收贖六事皆中時弊出錄福建囚平反至百餘人
會勘其勢家人獄不爲私撓人服其介丙申擢山東僉事遭母
憂戊戌服滿補河南值歲歉人相食朝廷遣侍郎往賑銓實
分領其事驗丁丑程遠近以時給散更有侵尅輒嚴禁之雖有
憑附者亦不貸流移四集處其食息咸有方旣而疫作乃請衣

糧散遣之又爲叢塚以處死者所活甚衆歸德有黃河退地千
餘頃爲親藩所據州守且以負租被訟朝命宦官侍郎都
御史按之銓謂負租宜當其守違制罪地則請還民爲業中官
怒出惡語脅之執不變後藩亦不以河退地請其官長私託於
長吏欲分其半與之銓又執以爲當還民民竟賴之弘治元年
陞浙江副使攝司事清案牘羣吏屏息勾考戎籍宿弊盡革五
年陞河南按察使風紀振肅如在浙江河決張秋命官浚治
銓建治河十二議贊畫居多賜白金文綺八年陞右布政使
尋轉左人號得體會人覲吏部奏銓治爲天下異等九年陞右
副都御史巡撫保定立九則編徭役慎固邊圉時奸民有獻

國朝列卿紀

卷之三十四

二十七

田文

皇莊者實皆民田侍郎許進等奉命會勘免聲撼野至歐州縣
吏不得行許遠欲執以復命銓曰若是固爲民至意恐萬一不
測如民重得罪何請勘實以聞上雅愛小民必不忍奪其生
業以利左右奏上果然十三年陞南京工部右侍郎屢掌吏
戶兵三部事癸亥江淮饑復領賑濟所活亦衆陳荒政八事多
行之正德二年陞南院右都御史獄精允人以爲不冤本年
陞南京戶部尚書奏改衛士廩米折色每月兼給著爲令其於
名節尤刻意不苟尋忤逆瑾令致仕又逮獄褫其官瑾誅復原
官致仕始仕時或勸增年以就科道選亟謝不聽及爲僉事歷
臬經九載四薦乃得遷脫羅逆禍亦無幾微見言面人以是尤

稱之家居孝友仲兄病嘗密以身禱既仕節俸入以為壽儉約自將不喜飲博自謂治律之功不減治經史外星卜醫藥諸書無不涉獵既老猶然儀觀修整尚禮讓鄉黨雖小吏來見亦束帶迎送以為禮於後進名士推挽惟恐後人以急告未嘗不為之盡心然不自德也始號平山晚更號遺安老人所著有平安山道稿若干卷壽六十有九贈太子少保

楊廷和字介夫四川成都府新都縣人成化戊戌進士改庶吉士授檢討累官南京吏部左侍郎正德二年陞南京戶部尚書本年改戶部兼大學士入閣歷少師詳內閣

張縉字朝用其先順天寶坻縣人曾祖諱仲和勝國時為山西

國朝列卿紀 卷之三十四 天

太原路總管因家陽曲縉幼穎悟不凡既冠領天順壬午鄉薦以成化己丑登甲科初知鉤州鉤民多頑曠以嚴治之皆斂手奉令尋以內艱歸終喪改知滄州居南北之衝且頻病雨潦多方賑救民賴之安權貴欲請境內地為莊田縉不可其事乃寢陞南京工部郎中剷除宿弊羣匠故業索為奸利者無所容未三年陞杭州知府益重其地而屬之也縉以廉正自持守臣臺使以及監司無弗敬信者在郡八年節縮百費省民財十有餘萬陞山東叅政去之日留其履以識不忘弘治癸丑河決張秋上命平江伯陳統都御史劉大夏治之百需悉委調度甲寅功成遂陞通政司右通政屬之行河特衝決之餘溝防不治縉相其

緩急以漸修濬無所遺又於決口之東甃石岸數里以圖勿壞又新築南旺東堤樹柳其上每歲夏秋水溢挽卒得分行無阻至今便之庚申八月陞都察院右僉都御史巡撫保定等府飭士馬以防寇掠有發輒得畿內寇幾絕嘗疏陳八事皆切民病辛酉四月陞右副都御史巡撫宣府虜人遮擊屢有斬獲之功是歲十一月改督漕運造舟之價必預給漕卒必選其精壯者補之癸亥甲子淮揚連歲告饑奏留糧米若干萬石所全活甚衆丙寅陞戶部左侍郎時逆瑾專政惡其不已附者合南京戶部尚書缺以縉往補而即因事逮之時同逮皆復官惟縉致仕過滄滄人留止之乃家於滄然堙街縉未釋也復與尚書韓文

國朝列卿紀 卷之三十四 天

同下詔獄罰輸邊米伍百石又坐前揚州災嘗改揚之兌運二萬五千石於鳳陽上納璫以為更制除其名幸未劉齊二賊掠畿甸滄被圍七日城中士民欲許賊和以緩禍來即縉謀縉曰許之和是降城矣降於法何如吾家三十口誓不能降賊而生也眾義之相與嬰城固守男百倍於初賊勢挫其圍遂解未幾復召為右都御史仍督漕運兼淮南勦賊事至則選鋒追勦又設伏以遏其衝賊圍郡濬素知東海千戶張瀛者以謀勇稱遂令率健士開南柵迎敵有三騎突來蓋賊魁也皆中矢斃其黨遁去城乃完七月賊捨騎入江縉於儀真於瓜州皆嚴兵以待既而賊勢日蹙乃有狼山之捷 上勞以璽書金帛時境內畧

經兵燹民物凋瘵又加意撫綏漸有生意然縉亦老已倦於勤矣凡七疏乞休不允甲戌以入議至滄不進復疏乃許之仍復南京戶部尚書致仕命有司給歲夫月廩凡居滄有一年而終年八十有三縉器宇魁岸風神秀朗持已蒞下嚴重有威理楚處劇紳有餘裕故起州郡歷方岳陟臺省所至輒著能聲樹成績居家孝友交接以誠好賢喜事多所崇獎生平嗜學手不釋卷星曆醫卜皆臻其妙性好吟咏有玉雪遺稿若干卷其所建白又有奏議若干卷藏於家

王佐字廷輔山西遼州和順縣喬莊里人父義仕至陝西故關巡檢初丞譚城驛有中貴宿驛久人厭苦之佐夜密令人取庭

國朝列卿紀

卷之二十四

三十

張文

樹巢鶴黑身朱喙而縱之中貴見而驚熟視之故鶴也詰諸館人皆驚以為不祥遂去之年十四攻舉子業弱冠為縣學生二十六舉鄉試成化戊戌登進士第內閣登黃榜終少一卷求之不得或曰狀元卷封內若二然啓之則佐也偶為封者所誤不得已足之榜尾試政吏部文選司太宰尹旻嘉其器識數召與語兼咨訪人才辛丑除文選司主事二甲進士銓授最後一人例當外補州守時安陸孫交在選中有為下一人地者謂當至縣止佐進曰孫某年少且有學識盍與京職以成就之尹公用其言尋丁外艱去甲辰服闋補考功司丁未當朝觀之朝例覈天下諸司官佐博采輿論必求其當凡貪酷吏雖親故不出

庶貴勢請託一無所撓或本廉吏而為毀者所中傷則力為申雪之遷考功員外郎弘治庚戌進驗封郎中有上官承襲例當駁累屬一京官也白金若干祈免佐卻而逐之其人愧甚自是不復敢見太宰三原端毅王公恕知佐亮直調考功司又值

覲期黜貪濁斥庸懦拒請託視前加嚴焉山西提學僉事楊文卿每憾不薦已比遷山東副使以公務至京見少宰陽曲周公經謂之曰王郎中數稱君賢楊乃歎服甲寅遷太常寺少卿提督四夷館尋丁憂去服闋至京師十年補太常寺少卿留逾年不得調相繼遷佐具禮幣往謁執政佐應曰諾實未嘗往又趣之行且令一棧從所之明日佐進執政門不入而去相知

國朝列卿紀

卷之二十四

三十一

鄭文

者佯問曰執政云何佐曰執政意無他也因言其狀為之一笑改順天府丞下事繁動涉權要佐處之裕如提調鄉試費省事實乙丑遷光祿寺卿節縮供用所費甚多正德丙寅遷戶部右侍郎奉勅勸功臣地於常州丁卯轉左侍郎時劉瑾用事凡大臣科道使外遷者皆有厚餽不然立見罪黜佐獨無所餽瑾常語人曰世言山西人各果然自是銜之屬時遣使稽覈各邊糧芻先後撫巡憲臣多坐累繫獄佐一日同尚書顧佐輩見瑾瑾言及茲事曰朝廷必誅一番人乃懼耳佐曰本朝未嘗戮大臣恐不可開端有毀吏部尚書許進者瑾信之語諸大臣曰許某奸邪若某尚書可為吏部佐曰某與某尚書素厚

與許交淺然許素有時望某尚書恐不如毀之者因諧曰王某實黨進瑾益怒遂遷南京戶部尚書欲姑遣之去而徐圖之耳比至南京以戶部廣東司失金幣冊逮先尚書韓文輩詰問遂逮佐下 詔獄以為罪令致仕歸又中以他事罰粟千石佐歸家行李蕭然圖書數卷閉戶披閱子弟親識非有故不得見越四年卒佐性至孝祖父性嚴善承志意孤介寡合鄉隣無當意者惟善李昂一人謂其有篤行命子都憲雲鳳娶其女至白首恒念之存問其子孫在仕途所交不過數人所敬服者二三人而已慈惠下逮使人若恐傷之御史則嚴曰不如是彼將肆志勇於為義故人子貧無所於託者每訪求之猶善記憶凡所涉

國朝列卿紀

卷之三十四

三十一

卯文棟

歷終身不忘初為太學生所著有橋門錄比官於 朝有朝事日錄在吏部有太宰問藏於家

林泮字用養福建福州府閩縣人成化壬辰進士授南京大理寺評事歷陞寺副寺正盡心庶獄嘗有吳鑑者宜津人以與強賊同姓名逮繫又有三男子流丐者江西人亦捕為強賊苦刑部陸郎中刑皆自誣服泮駁復踰時果獲真盜又有吳能者六次父告不孝復息詞最後泮執之竟請 上裁置之法癸卯以母太安人喪去位弘治初服闋赴吏部陞廣州府知府治省城吏奸政弊訟繁泮處之若無事例有堂食泮一不指染嘗過厓山門有石刻元丞相伯顏滅宋於此泮改刻宋太傅樞密院

使張世傑死節於此凡郡之忠義貞節多所表異郡有藍濱諸山洞蠻時方猖獗泮承檄以兵入其穴擒斬渠帥因圖地形會總兵畫圖之有豐湖保十三村民皆為盜拒敵泮至其地諭降之戊午陞廣西叅政奉 勅總督糧儲兼理屯田時通欠三十萬泮偵知湖米方賤下令減直收銀差官往糴湖米民甚便之輸不後時既半年通欠畢集全州屯田千戶謝表剝下奉上軍民切齒凡可以害人取財者無不為泮白上司窮治之一方稱快辛酉陞江西右布政使癸亥轉左布政使廉公有威吏弊一熄值五載俱豐穰民間頗有積穀催科雖緩而守令邀功不置歲終輒督糧里報完亦嘗以報完違例罪一令然治效成風

國朝列卿紀

卷之三十四

三十一

卯文棟

遂莫能救江西之民自此困矣嘗以山東滙澤陳先生濬所著禮記集說 文廟編性理大全書既取為大註是陳有功於禮奏乞從祀孔廟不果正德丙寅登順天府尹省寺供億悉復舊章威警豪右畿輔以治丁卯陞戶部右侍郎總督太倉糧儲時逆瑾方用事泮惟內無所失而處之甚恭會奉 勅往鳳陽河南會勘徽府田土事竣加俸一級戊辰陞南京戶部尚書授資政大夫時逆瑾益橫大臣多從中罷免甚者中以法泮亦惴惴有去志方啓行出都門傳 旨着致仕仍 賜誥褒贈廩給輿如例泮忻然以為得保全出望外矣抵家未幾四年二月瑾以他事矯詔罰泮米二百石輸口外泮家貧素雖歷官二十七年

俸資之外一毫無取家又先被火歸之日寄居寺宇書房者數十年口外之役不勝艱苦泮亦視之坦然不少憂憤故人亦服其清德云

雍泰字世隆陝西西安府咸寧縣人初母夢神授白蓮一莖生泰景泰中鄉舉成化己丑成進士授吳縣知縣吳濱湖淪田千頃泰作堤民受其利至今賴之名曰雍公堤民有誣婚殺其女者蓋非已女殺之湖中石下圖財泰明其誣及行取擢為御史吳民涕泣餽以樓船竟反之民歌曰時苗留犢雍公返舟巡南城豪右歛跡聲震京師十一年巡兩淮鹽力遏權要及滿巡撫奏復留一年兩淮竈丁鰥者俱與完室准人歌曰客邊

國朝列卿紀 卷之三十四 三十四

檢案渾無硯海上遺民盡有家十四年陞知南陽府府泰取民田千頃泰曰民去王誰與守力執不從久之陞山西兵備副使防胡以安民為先胡經年不敢窺寨千戶韋英誣民百人謀逆巡撫命署勘實泰不可後百人竟得釋其年陞山西按察使獄無冤鬱紀綱肅然弘治 年遷湖廣參政辭出死罪數人人皆圖像祀之 年陞浙江布政使民多鬻販私鹽泰先收勢家治之眾遂歛跡十二年陞右副都御史巡撫宣府士民祇畏邊陲宴安十四年參將李傑為輔臣李東陽姪恃援橫作不法泰令縛下以大杖擊之三軍股栗由是被譖罷歸居韋曲正德三年言官潘鐸薦泰有敢死之節克亂之才起為操江左副都御史

七月陞南京戶部尚書時與平人宦瑾用事以泰不附已八月勒令致仕嘗薦泰者皆獲罪自是復居韋曲族黨有犯必告有司曰某是某非令以法治之凡縉紳失守人雖造門不見平生寡言笑奉身儉素無私書無非義之餽之受靈寶太宰許襄毅公進謂邢知州曰吾遙望關西見有二高一為華嶽一為雍世隆也年八十卒時榻下有聲若雷鳴所著有奏議稿五卷止誼菴詩集六卷傳世

吳文度字憲之其先福之晉江人父某教諭黃梅以疾就醫前京遂家應天之江寧文度早孤與伯兄居抗志力學成化乙酉舉應天鄉試登壬辰進士授浙江龍泉知縣龍泉故號難治入

度招集父老示以禮義其強梗者治以法境內肅然已亥徵拜

南京山東道監察御史秉持風采多所建白丁未擢知汀州府時徭人出沒為患文度設方略招致賦役帖帖如居民以其餘力修舉學政考德問業親督勸之人才翕然以變秩滿乃相與立祠勒石祀而頌之曰視祠之廟貌如吳公也弘治戊午擢江西布政司左叅政壬戌進山西右布政使閱歲轉河南左布政使力專才贍一時弊政釐革殆盡下和買之令禁無名之役人至於今稱之乙丑拜都察院右副都御史巡撫雲南屬夷酋阿本負險稱亂文度至撫先文告猶弗率乃進師親臨行陳諭其渠魁地方大定夷民納貢賦如中土捷聞 天子降勅獎諭賜

國朝列卿紀 卷之三十四 三五

與甚厚正德戊辰擢戶部右侍郎尋轉左侍郎未幾拜南京都察院右都御史迎瑾用事索賄文度弗應是歲十一月改南京戶部尚書致仕文度既退蕭然深居澹恬容與無異韋布時知已過從輒治饌具飲宴盡歡達官貴人至則避不見久之逆瑾敗諸所嘗傾害者 朝廷次第收復之士論多屬文度 召命且下而以疾告遂不起壽七十有交石稿若干卷行於世

陳金字汝礪湖廣德安府應城縣人成化壬辰進士授婺源知縣十五年擢南京山西道監察御史二十一年守制弘治元年補江西道監察御史四年陞山西副使九年陞貴州按察使十年調雲南按察使十一年陞雲南左布政使十二年陞都察院

國朝列卿紀

卷之三十四

三

右副都御史巡撫雲南地方十七年陞南京戶部右侍郎正德元年陞都察院右都御史總制兩廣軍務兼理巡撫時仰慶節寇殃民令討平之三年轉本院左都御史仍舊總制巡撫本年十一月陞南京戶部尚書四年七月改都察院左都御史掌院事詳都察院

張泰字叔亨廣東廣州府順德縣人成化丙戌進士授沙縣知縣為人端謹樂易政尚寬平而公庭亦無留事民愛戴之嘗修飭學校重建先賢祠修建縣治事集而民不擾公暇輒於學躬勵諸生學業刻羅豫章陳止齋遺書以詔學者邑士用勸時縣經兵燹荒疫泰至百廢具舉甫三載以賢能徵授浙江道試御

史巡視通州倉革包攬之弊言及 宮闈與政 上怒杖責之幾死提督京畿學政公明為衆推服丁憂養病十有餘年弘治壬子復起出按雲南奏開解額五名繩賊吏之尤無良者先是象馬恩操執木邦宣慰司罕乞法囚禁四十年未有以處之泰於是會議徵各漢土官兵臨其境以公移諭之恩操感悔遂送罕乞法復其故業械其首禍者三十餘人請罪積患一朝頓釋遠近稱其能既復命特劾中貴楊戴二人及戚里壞法者 上怒甚既而霖威罰俸半年尋陞南京太僕寺少卿又改大理寺十三年薊州 皇莊興牧馬草場爭地界日久累勘不明奉命會武臣清理泰密訪得永樂中開設圖本按之權貴始服十八

國朝列卿紀

卷之三十四

三

年乙丑陞右副都御史總督南京糧儲遂疏專委任清兌支均俸糧委監收監儲積修常平清軍數總部運限積派重查糧積住俸省守支十二事俱允行正德丁卯遷工部右侍郎公出納杜請託戊辰陞南京都察院右都御史時逆瑾雷駸熏灼所求不副奇禍立至泰當奉 表入 賀惟以土葛布遺瑾瑾知清苦然猶憾之會吏部以南京戶部尚書員缺疏泰姓名以請內批陞戶部尚書致仕家居三月卒 朝廷遣官 賜祭葬張濬字仲湜廣西桂林府全州人成化戊戌進士選庶吉士授編修弘治己酉轉侍講戊午充 東宮講讀官辛酉主考順天鄉試十二年進侍讀學士十八年陞學士尋遷國子監祭酒正

德元年擢禮部右侍郎二年轉左已巳陞南京禮部尚書本年改南京戶部尚書六年改南京吏部尚書詳南京兵部

李瀚字叔淵山西澤州沁水縣人成化辛丑進士十八年授樂亭知縣二十二年行取擢四川道監察御史弘治四年丁憂七年起復補浙江道監察御史十二年陞湖廣副使十三年丁憂十六年補河南副使十八年陞湖廣按察使正德二年陞河南右布政使本年轉本司左布政使本年五月陞順天府尹本年九月陞都察院右副都御史總督漕運三年陞本院左副都御史佐理院事五年陞吏部右侍郎本年八月陞吏部左侍郎六年陞南京戶部尚書本年致仕卒贈太子少保

國朝列卿紀

卷之二十四

三六

鄧自林

胡富字永年直隸徽州府績溪縣人成化戊戌進士十五年授南京大理寺評事二十年陞寺副二十二年陞右寺正弘治年陞福建僉事 年丁憂 年起復補山東僉事十年陞廣東副使十五年陞湖廣按察使十七年陞陝西右布政使正德元年陞陝西左布政使二年陞順天府尹三年陞南京大理寺卿忤逆瑾勅致仕四年瑾誅起陞南京戶部右侍郎七年陞南京戶部尚書屢疏裁冗食祛宿弊事涉權倖多格不行因乞休十一年疏六上始允致仕嘉靖元年卒贈太子少保謚康惠富敷歷中外四十餘年始終一節士論重之

鄧庠字宗周湖廣彬州宜章縣人成化壬辰進士授行人司行

人擢浙江道監察御史丁憂起復補河南道監察御史弘治四年陞河南副使十一年陞河南按察使十二年陞廣東右布政使十四年陞廣西左布政使十五年陞都察院右副都御史總督南京糧儲本年回籍正德六年起原職撫河南地方本年丁憂十年起陞南京右都御史掌院事本年陞南京戶部尚書十四年致仕

王鴻儒字懋學河南南陽府南陽縣人幼穎悟絕人書過目即成誦甫成童作書端勁得歐顏法有親屬為府吏者致鴻儒佐書郡守金成段堅見其書奇而問之吏以實對遂召見歎曰風神清澈非塵埃中人也乃留居府中續食授衣親謀其業遂入

國朝列卿紀

卷之二十四

三九

鄧自林

郡學為諸生提學天台陳選校士至南陽閱其卷驚曰此經世之文非舉子業也成化癸卯發解河南丁未進士授南京戶部主事初領倉庾出納明慎軍民稱便遷員外郎擢升淮安督稅鳳陽皆有聲績於是眾益信為全才弘治九年陞山西僉事十五年進副使俱提學以陶養為本以文藝為末抑浮崇雅先行檢而後詞華品藻高下毫髮不爽又好面誨人每生徒請益因材開發終日不倦士子翕然歸之 孝宗一日召兵部尚書劉大夏論時政且及當時人才 上曰如山西副使王鴻儒他日可大用大夏對曰斯人才行誠不易得 聖論是也劉大夏後以告鄉人胥員外文相曰 朝廷用此等人方擔當得大事乎

老不及見子其識之正德四年陞國子監祭酒本年以守正忤逆瑾回籍八年起南京戶部右侍郎十年改吏部十二年轉左侍郎以甄拔人物為己任好崇實行不純采虛名嘗曰濟天下事惟誠實者能之趣名者亦趣利無益也不見夏忠靖王鹽山乎惟知有朝廷而不知有親黨惟知有天理而不知有身家社稷生民於是攸賴識者題其言十四年陞南京戶部尚書尋乞致仕鴻儒於書無所不讀大要以窮理致用為主雖一字之異同亦必求其原而審其義之所安故其所得宏博奧衍交發互益其於六經沛如也善觀史每以歷代君臣之行事為案而已從中斷之審得失辨邪正上下數千年如指諸掌尤明習國

國朝列卿紀

卷之三十四

早

表文

家故事自 祖宗用人行事及前輩立朝行己之詳皆能一一言之至論當世之務原始必要其終可否成敗必證以古人之故至誠待物而有禮不問人私人亦不敢以私問由是士樂親之無問識與不識皆知其為盛德君子云

鄧璋字禮方順天府涿州人成化丁未進士授江西南昌府推官弘治七年擢江西道監察御史十五年陞大理寺右寺丞七年轉右少卿正德元年陞都察院右僉都御史巡撫遼東智勇公勤虜人畏之遼東人呼為鄧鐵面三年陞左僉都御史巡撫宣府六年陞巡撫河南右副都御史值流賊作亂運謀勦平之八年陞南京刑部右侍郎改兵部未及履任奉 勅賑濟江

西事完陞都察院右都御史總制陝西三邊軍務在鎮無所建明時哈密陝巴死子速壇拜牙郎立貪酒色不行正事屬夷哈即欲謀害之正德八年走入土魯番王速壇滿速兒令頭目火者他只丁占守哈密遣使遺書甘州鎮巡官曰哈密城金印在我與我段一萬將城與他差去使臣速打發出來不來我領軍馬往漢人地方去璋同都御史趙鑑以土魯番書聞且言逆虜所求不可允乞照先年差侍郎張海故事差官經略 廷擢彭澤總督又給事中王江上言治病者藥無二君奕棋者局無二帥不宜並用二人總制戎務俱忤旨及赴甘州會議哈密事璋控制疎略又不據險守要虜乘隙大舉由花馬池入寇固原直

國朝列卿紀

卷之三十四

早

表文

犯隴州荼毒生靈以失機閑住十四年五月起撫甘肅地方十五年陞南京戶部尚書十六年致仕卒贈太子太保 蔣昇字誠之廣西桂林府全州人成化丁未進士授南海知縣弘治十年行取擢南京福建道監察御史十七年陞汝寧知府正德三年陞湖廣副使五年陞浙江按察使七年陞浙江右布政使八年陞四川左布政使九年陞都察院右副都御史巡撫南贛汀漳等處行事簡易地方宜之十年陞南京戶部右侍郎十六年陞南京戶部尚書嘉靖二年致仕卒於家年七十七贈太子少保 賜葬祭昇天性純篤於世人機械事茫無所知及蒞政折獄物無遁情其官郡縣保民如子惟恐傷之述可盡也

鋤奸雜惡未嘗少有縱舍於先儒務窮理而貴果斷之說終身誦之故其言行政事無愧古人云 國史稱其歷官三十餘年操履清白始終一致家居杜門不干預郡事與弟大學士冕友愛惇睦家庭肅然臨終戒其子勿求恩澤士林重之

楊日字晉叔福建建寧府建安縣人嘉靖元年掌南院尋陞南京戶部尚書甫蒞任又改南京吏部後召為吏部尚書未任致仕詳吏部

王縝字文哲廣東廣州府東莞縣人父恪寶慶知府縝為人敦重寡言笑弘治癸丑進士改翰林庶吉士授兵科給事中出使安南其國王郊迎席拜以禮卓叱去之所餽金寶一無所受進

國朝列卿紀 卷之三十四 望 四文

禮科右給事中奉 勅清查南畿屯田革宿弊權工科都給事中 中正德初擢山西左叅政遇例裁革改雲南左叅政時逆瑾擅權牽咎罰米五百石俸不足鬻產以償瑾誅進右布政使俄進福建左布政使六年遂陞都察院右副都御史奉 勅巡撫應天蘇松嘉杭等郡兼督糧儲殲逆賊劉七於狼山禦姚峒賊王浩八於徽寧獲 賜鈔幣隨以乾清宮災警上陳言以答天譴四事曰正大本以安天下省內臣以慰民望處驛廵以蘇民困廣延納以開壅蔽皆切時弊 武宗欲西巡疏止之不報歲壬申丁內艱服闋以父年老乞終養十三年 勅起撫治鄖陽至任時聞 武宗欲巡幸諸郡供應動以萬計有求活虎豹以獻

者悉令罷之且究為首者褻府護衛奪民產奏下辯以還民已卯夏寧藩煽亂震擾荆襄縝下令設守備人心獲安擢南京刑部右侍郎嘉靖紀元辭前陞俸既允隨上疏陳十事曰正心以正大本勤政以法祖德親賢以廣延訪守信以重 詔令崇德以禁奢侈舉知以求賢才體仁以恤民窮修禮以正風俗裁冗員以復舊制慎刑以重人命亦多見採陞南京戶部尚書疏又以父年老辭不允時南畿大饑縝區處賑恤請內帑銀五萬給之尋卒於官年六十有一訃聞 上命賜祭葬

顏頤壽字天和湖廣岳州府巴陵縣人弘治庚戌進士授寶豐知縣七年調淇縣十一年擢貴州道監察御史正德二年陞光

國朝列卿紀 卷之三十四 望 四文

祿寺少卿三年陞大理右少卿五年陞都察院右僉都御史佐理院事本年守制接喪十年補原職仍理院事十二年陞都察院右副都御史仍理院事十六年陞刑部右侍郎本年轉左嘉靖二年陞南京禮部尚書本年改南京戶部尚書二年題准急缺南京俸糧銀兩暫於本部貯庫積餘折麥銀兩借支仍酌留預備官吏該月折麥支用又題稱南京各衛辦料官軍每名歲支月糧一十二石時價值銀一十二兩又有冬夏布花鈔貫不過歲辦銀四兩經年空閒得以營運生理反得糧銀八兩肥已况又恃頑不納連年拖欠或委官侵欺得不償失欲將前項軍人免其辦料盡撥運糧換出在運餘丁各務生理免致冒濫月

糧將南京刑部察院賦罰銀兩每歲終煎銷約有二三千兩盡數解部以補辦料之數候年豐糧足照舊辦納 上下所司行之本年改南京吏部尚書歷左都御史刑部尚書詳刑部

鄒文盛字時鳴湖廣荊州府公安縣人弘治癸丑進士授吏科給事中十二年守制十五年補原職本年陞刑科右給事中十八年陞兵科左給事中本年守制正德三年補原職本年陞戶

科都給事中四年陞保定知府六年陞山西左叅政八年陞福建右布政使九年陞雲南左布政使十一年陞都察院右副都

御史巡撫貴州地方十四年陞南院右副都御史兼督江防十六年陞戶部右侍郎嘉靖二年陞本部左侍郎本年陞南院右

都御史掌院事三年陞南京戶部尚書六年召任戶部尚書七年致仕卒贈太子少保諡莊簡詳戶部

王承裕字天宇陝西西安府三原縣人太宰端毅公恕子為兒時重厚如老儒七歲能詩賦立孔子木主拜而祭之十五從蕭

田蕭生學遂深造二十作太極動靜圖說為名卿傳誦成化丙午鄉舉完婚自著婚禮用中呈父執而行之弘治初端毅公為

冢宰時隨任命接海內賓客籍其所長依而用之一時號稱公明當時既不疑其子而海內人亦無他議登弘治癸丑進士時

端毅公致仕即歸養暇授徒於弘道書院以孔顏程朱學教人正德間歷授兵刑吏三科給事中吏科都給事中以正直忠厚

名有時政先務勤政任將等疏凡三出封 郡王不受餽遺及給賞諸邊軍士蒙實惠逆瑾用事以上書罰米三百石輸邊八年陞太僕寺少卿奉 命點視京營馬匹人稱明決及十一年

陞本寺卿 上降旨大閱用戰馬二萬倉卒應命不缺大臣驚異十二年陞南京太常寺卿時 武廟南巡具牲帛祭品以待或謂上不暇弗聽及 上至奏行之言者愧服宸濠亂祭其內應者處以極刑南都蕭然本年丁憂嘉靖元年補任二年賞功陞戶部右侍郎却其舊用公堂銀千兩貯庫言官論禮部尚書席青賑濟事不明往勘公罪昭然卒當 上意 欽賜祭筆清平正直四字六年陞南京戶部尚書奏鈔關商稅羨銀解京以饒國用革私充機匠以省糧廩查累歲通稅至一百七十萬石又奏准江西布政司額解折糧綿布十萬疋苧布七萬疋湖廣布政司額解折糧綿布十萬疋正德六年因布疋缺乏拖欠數多本部題准綿布一疋折銀三錢苧布一疋折價銀二錢誠恤民救弊之良法也近因各處分外加徵况在庫布疋又多合無今後除南京 內府每年該用布疋行令各處徵解本色該湖廣綿布一萬疋江西苧布三萬疋徽州府苧布九千九百八十疋其餘照依舊例折銀仍行各撫按官戒飭各該府縣毋縱積年收頭人等加徵害民又奏准屯田御史不能過歷比清理軍伍事例差南道御史提督三年更替在部二年積羨銀至四

國朝列卿紀 卷之三十四 四十五 張世

一第... 冊... 6 三...

萬八千餘兩查南京諸倉應祀神祇奏 准立祠以祀七年致
仕卒 賜葬祭諡曰康僖一時稱其濟美有范忠宣繼文正之
風為人廣額豐順鼻如截甯貌丰而澤體厚而順居嘗端嚴若
神然溫平可親又栗然而不可狎也性篤孝友能悅親養志故
端毅公愛之特甚又善事諸兄誨諸子姓以道有不率教則反
躬自責命其愧恥雖僕御有過至內竊而敗亦薄示懲戒許其
自新務以德化與人交卽之無親遠之弗疎然忠信無偽寬柔
有容故與之交者無弗愛敬善接引後學因材以篤又廣擇髦
士俾各教學以訓蒙士俟厥有獲則授所未聞故師逸功倍學
而成立者衆教人以禮爲先兄弟子家有冠婚喪祭之事必命

國朝列卿紀 卷之三十四 四六 張文書

率禮而行又刊布藍田呂氏鄉約鄉儀諸書俾鄉人出之又表
章先哲如毛氏逮忠李衛公靖以文武濟時楊元帥于江樹勳
於國邑令朱春夫婦死節或立祠致祭或撰記署扁建碑皆顯
其忠義激勸後學所著有論語蒙讀談經漫語星軹集辛卯集
攻經堂集庚寅集諫垣奏草草堂語錄三泉堂漫錄李衛公通
纂厚鄉錄橫渠遺書太師端毅公遺事章吟稿婚禮用中進修
筆錄動靜圖說共若干卷
邊貢字廷實山東濟南府歷城縣人生有異質卽襁抱時祖母
王夫人時置膝上口授章句一過輒成誦既乃從大父治中公
於官所於總角卽蔚有文名弘治乙卯年纔三十舉山東鄉試

第四人明年丙辰遂登進士第授太常寺博士時 敬皇帝重
祀事駿奔惟謹嘗以告不與 上私語左右曰何不見年少官
人耶其爲 上所簡注如此乙丑六月擢兵科給事中性峻直
又練習國章通曉時務抵掌談天下事率鑿鑿副名實雖重逆
權貴弗畏避 敬皇帝登遐劾太監張瑜與太醫劉太高延用
藥之誤又劾太監苗達與國公朱暉都御史史琳用兵之失詞
意剴切聞者凜然是年九月仍擢太常寺丞既而逆瑾擅權凌
轍衣冠亡所不至又不能善事顯貴人於是顯貴人伺瑾顏色
出爲衛輝知府庚午改知荊州事時藍鄂寇亟飛輓之務以身
任之民不擾而事集克獲之功與勞居多若夫革吏奸察民隱

國朝列卿紀 卷之三十四 四七 田文

修廢墜宣恩惠爲天下治行最辛未擢山西提學副使尋丁父
代州公憂甲戌服除河南提學正己以格物先行而後文申條
教以定其趨勤考校以成其業復文體以示其標嚴勸懲以鼓
其氣由是士經訓迪者莫不充然各有所得丙子鄉試號稱得
人丁丑丁母重夫人憂初貢體豐顏渥風神藻雅兩更三年喪
哀毀踰禮自是積衰成疾亦倦於游辛巳 世廟入繼大統詔
求遺逸撫按諸公文章論薦乃卽家起爲南京太常寺少卿嘉
靖癸未晉南京太僕寺卿承平日久騎政漸廢至則釐弊課功
公私稱善甲申改南京太常寺卿丁亥再改太常寺卿提督四
夷館時四夷文字體各地殊八館諸生學亡師授乃徵求故譯

是正諸文以成一家之學以通遠人之情戊子以年勞轉南京刑部右侍郎己丑擢南京戶部尚書東南財賦半輸留都百官六軍咸仰給焉 制以都御史總之轉相疑忌事多格閣貢曰會計者部之事也覺察者院之事也何妨焉其識大體事多類此十年條陳事宜一省免公私虧費一浙江戶口鈔銀一改折庫收緝疋一收收鳳陽麥價至議將南京御馬監每年會派稻草六萬句改派各衛倉場上納以備騎操馬匹支用公私稱便又上疏國計一處京操以絕盜支之弊一處屯糧以絕抵扣之弊并議處長單以便填繳皆切時弊辛卯忽以疾懇疏乞歸初貢癖於求書所蓄不啻數萬卷壬辰偶遭回祿焚之幾盡仰天

國朝列卿紀 卷之三十四 田文 四八

大哭曰嗟乎甚於喪我也疾遂篤卒年五十七 尚書李廷相云國朝文章無慮三變 高皇帝初正大統青田金華義烏諸君子力以斯文為己任刻削舊習積制類波幅尺騷雅興起學士永樂以後騷卿蒞士布滿天下然詞頗纖弱稍異曩昔識者病焉 徽皇帝時明興百三十餘年於茲矣四海梁肉百官委蛇得以肆力弘學游心藝苑於是公起歷下與北地李夢陽河南何景明互相師友力追古作妙悟真機鼓吹盛美可不謂振世雄豪也邪况公孝友天至又喜賓客樂道人善接引後進學若不及至於當官蒞法必盡其力所在人皆嚮之愛之語曰文質彬彬然後君子其在斯乎其在斯乎

秦金字國聲直隸常州府無錫縣人自童時即穎秀不羣見羣兒戲每卻避之端默自若父早牧公授之啓蒙諸書退為家人解即能了其大義一日早牧公對客以陸續命課金援筆立就其詞曰公紀因心孝懷相奉母慈拜時曾墮地袁術大奇之滿座驚歎謂為神授至今傳之稍長經學蹊徑豁然大通為文日有繩尺丁母王夫人憂毀瘠如禮自為之立傳歲丙午年二十由儒士起選自郡邑以至督學御史三試皆第一是歲領南畿鄉試早牧公欲大成之不遺會試亟令就西塾讀書如故越必治癸丑中進士故相徐文靖公溥在位召試館職公以父老急歸省不就徐愈器重之嘗謂人曰釋褐新進能知忠孝大節不

國朝列卿紀 卷之三十四 田文 四九

有秦氏子卯乙卯授戶部福建司主事委督太倉糧儲明年臨清倉勘順天等府災歉監收長安四門倉及象房糧芻芻抉姦盡撫綏俾娶職盡而舉大司徒太原周經簡視諸司章奏事有盤錯多所裁決尋陞河南司署員外郎再進山西司署郎中時邊書告警軍食不贍乃超本司郎中計處糧餉條陳時宜曲中緩急癸亥丁父憂正德改元服闋復除戶部四川司郎中時戚畹恣驕中璫擅權奏討引鹽運袂以攘金持之不可大司徒洪洞韓文執奏至再其風稍寢革繇是術者怨金喉進事者橫撫之竟無所得戊辰禮部以會試同考官請金以族人多公試辭不赴是歲陞河南按察司副使提督學校以身範士嚴立課

程哲於品藻凡所甄拔率多縉用庚午陞左叅政分守大梁道
時劇賊劉六劉七等嘯聚亡命長驅河洛將薄封丘金先期設
備繕城壘時欒繼會叅將宋振提兵南下馳檄邀之翼以民兵
鼓戰遇賊於陳橋剽却村大奮擊之斬賊首若干級生擒其魁
封丘晏然士人生為立祠是歲陞山東右布政使癸酉轉左重
念民遭賊刃極意拊循凡勢要請託翔價賣抄等蠹民數事卽
日禁除甲戌陞都察院右副都御史巡撫湖廣地方督理軍務
不携妻子所至尚疾苦誅姦貪威譽遠流 奏上便宜八事繼
上十事皆艱危切務巨盜盤詰四面峰起乃擒負瑣孽於江
討猛獍於彬桂靖叛苗於香爐峰其功最著己卯逆濠告變

國朝列卿紀 卷之三十四 五十一

大駕親征中官李鎮附麗彬賊橫肆誅求抗辭直奏請以一身當
之民免於毒庚辰陞戶部右侍郎辛巳改吏部尋改戶部左侍
郎時大司徒未至攝部事清理勳戚莊田禁革勢要引創籍
勾稽兩直隸十三省逋負國用漸充先是彬桂功成體一級
廕一子為錦衣衛世襲百戶金疏辭免至 世宗嗣登大位
舊勞 賜之白金綵幣仍晉秩級如初癸未陞南京禮部尚書
尋改南京兵部尚書恭養徵務是冬改戶部尚書因條奏
政以備國儲凡數事琅琅千餘言一言一 帝皆治世公忠丁亥
乞身歸田 上賜璽書寶鈔乘舟以歸命有司歲給 賜月
給廩有差辛卯復起南京戶部尚書恭養准南京內官各衙門

稻草每包折銀二分四釐南京戶部定場草每包折銀一分八
釐俱解本部銀庫收貯出給通關回銷其額派草包行令舖戶
按季上納完日赴部領價又折絨以防積朽折綿價以順人情
公私俱便十一年召改工部尚書詳南京兵部

許誥字廷綸號函谷河南河南府靈寶縣人弘治己未舉進士
擢戶科給事中正德元年改翰林院檢討皆慷慨明直遇事斤
斤斷決讜言富學聞於一時四年父太宰襄毅公進持正忤關
權歸誥謫全州判官五年奔喪毅公喪回靈寶終喪遂不仕十
二年起尚寶司丞又棄之歸益研磨聖經盡洗相沿之臆言一
曰宋人理氣之分大謬蓋由不明夫孟子性善之訓然也善者

國朝列卿紀 卷之三十四 五十一

性之實語性之善如品玉之溫玉有等如性亦各賦宋人若謂
善蘊性中而自氣始有不善又移之造化支蔓無以詰之矣二
曰聖人以用世傳心法謂天地之德曰生人受天地之德曰仁
故善愛身者無庸不養善為仁者無物不體三曰聖人之教務
學也在動弗曰靜謂舜命夔四言和以四樂臯陶述九德箕子
衍五事孔門益以九容九思舍是而辭以夷之僻山之畸士之
讐言可乎哉自宋及元羣和協議牢不可破密無從隙詰超然
有悟由是補通鑑正圖書原性學序道統申原道恭易理詩言
遵聖軌辨決宿誤投之合乎自然揭之當乎人心會嘉靖四
羣臣薦之起南銀臺石叅議六年陞翰林侍講學士八年陞太

常卿掌國子祭酒事 今上初登天位文華左室列三教之師
卽命撤爨鼎至是用其議正祀者 皇帝王八師也南向
者周孔二師也東西對向釋菜之辰惟輔臣及誥等九人相事
乃上章講中和 上說曰以已情通天下至治哉又言孔孟全
教治情蓋性靜情動靜無所施功而動可致欲也十年晉吏部
右侍郎本年拜南京戶部尚書公潔操貳吏選極浮費裕戶財
十二年卒於官享年六十四贈太子太保謚莊敏
國琛集云誥究心玄微求明性命之說乃泛涉經傳嚼擷雋腴
直欲與古人定異同之案其得悟莫得而知要亦注情者歟

國朝列卿紀

卷之三十四

五


國朝列卿紀

國朝列卿紀卷之三十四終

國朝列卿紀卷之三十五

國初戶部侍郎年表

- | | | |
|-------|--------------------|------|
| 劉誠 | 武元年任左 | 人洪 |
| 杭琪 | 洪武元年任 | 人洪 |
| 尋适 | 武三年任左 | 人洪 |
| 程進 | 三年任右本年免 | 人洪武 |
| 張琬 | 江西鄱陽人貢士洪武三年任左五年卒於官 | 人任侍 |
| 韓寬 | 儀使洪武四年任 | 人任侍 |
| 高啓 | 南直隸長洲人薦舉洪武五年召侍郎未任罷 | 人任侍 |
| 趙好德 | 見尚書洪武五年任左歷吏尚 | 人任侍 |
| 國朝列卿紀 | 卷之三十五 | |
| 朱從善 | 南直隸泗州人舉人才洪武五年任七年致仕 | 人洪 |
| 周斌 | 武七年任右 | 人洪 |
| 程昭 | 武八年任左 | 人洪 |
| 李仁 | 河南唐縣人國初歸附洪武八年任 | 人洪 |
| 陳則 | 南直隸崑山人秀才洪武八年任 | 人洪 |
| 王廣 | 諱廣隨州人舉人洪武八年任 | 人洪 |
| 沈立本 | 詳尚書洪武八年任 | 人洪 |
| 程昱 | 年任歷吏部尚書 | 人洪武八 |
| 任彬 | 見尚書洪武九年任右 | 人洪武 |
| 徐鐸 | 見尚書洪武九年任左 | 人洪武 |



費震 江西鄱陽人舉賢良
洪武十一年任左

李煥文 武十一年任
人洪

顧禮 見尚書洪武
十一年起左

傅鐸 北直隸內黃人歲貢洪武
十三年任左十五年免

向志仁 十三年任右十四年免
人舉人才洪武

石璞 河南陝州人儒士洪武
十四年任右未幾致仕

栗恕 詳尚書洪武
十四年任左

高信 浙江義烏人歲貢
洪武十四年任右

李安仁 武十五年試任
人洪

李端 洪武十七年試任右
人舉人才

封益 十七年任左十八年坐羨
人舉人才洪武

郭桓 山東東平人舉賢能洪武
十八年任右本年伏誅

王道亨 十八年任右本年坐誅
人舉人才洪武

張易 河南鄆陵人薦舉
洪武十八年任左

張文質 武十八年任右
人洪

楊靖 見尚書洪武
十八年任左

張經道 山東蒲臺人博學洪武十
八年試任十九年致仕

沈士榮 北直隸故城人歲貢洪武十
九年任右二十二年卒於官

張璉 山西陽城人歲貢洪武二十
二年任右二十四年卒於官

陳宗禮 石喻浙江鄞縣人洪武甲子舉
八二十四年任右二十五年免

國朝列卿紀 卷之三十五

二

楊海

郝新 詳尚書洪武二
十四年任左

傅益 陝西臨潼人歲貢洪武二十五
年任右二十六年陞吏部右

郝著 六年任左二十七年免
人洪武二十

周志清 十六年任右二十七年致仕
人洪武中薦舉二

郝鵬 山西徐溝人歲貢洪
武二十七年任左

陳居敬 南直隸蒙城人舉人才洪武二
十七年任左二十八年致仕

聶震 山東長山人洪武乙丑進士
二十八年任左二十九免

莫禮 南直隸吳江人歲貢洪武
二十八年任右卒於官

鍾永 浙江慈谿人洪武
二十九年任左

李新 河南內鄉人歲貢洪
武二十九任右

嚴良奇 浙江長興人舉人才
洪武三十年任左

郭任 南直隸丹徒人舉人才
洪武三十一年任左

盧迥 浙江仙居人舉才
能革除一年任右

夏原吉 見尚書革除三
年任右轉左

古朴 河南陳州人鄉貢永樂壬午
年任右轉左歷尚書卒於官

劉觀 北直隸雄縣人進士永樂元年任
右歷左都御史兼太子少保

王禮 河南固始人歲貢永樂
元年任右本年卒於官

李文郁 湖廣襄陽人歲貢
永樂元年任右

孫瑜 四川犍為人能吏永樂元年任左二
年請行太僕寺少卿卒於官尚書

王鍾 南直隸華亭人掾吏永樂九年任
右七年卒贈太子太保諡德敏

國朝列卿紀 卷之三十五

三

薛洪

張春 河南許州人歲貢

蔚綬 直隸合肥人歲貢永樂六年任右禮部尚書

王彰 河南鄭州人舉人永樂九年任右禮部尚書

曹洪 湖廣襄陽人洪武中薦舉永樂十年任右

國朝列卿紀

卷之三十五

四

十一

國初戶部侍郎行實

劉誠字 人國初入仕吳元年拜司農少卿洪

武元年設六部改戶部左侍郎

杭琪詳戶部尚書洪武元年任戶部侍郎

尋適字 人國初入仕洪武元年拜黃州知府

有惠政三年以薦舉陞戶部左侍郎本年調殿中侍御史後出

為廣西按察使卒於官

程進字 人國初入仕洪武三年陞戶部右侍

郎本年免

張琬字宗琰江西饒州府鄱陽人洪武元年由貢士入大學試

高等授給事中二年改戶部主事三年春一日上問天下財

賦戶口琬對無遺即進戶部左侍郎謹身殿災上言時政上

嘉賜文綺時歲饑請蠲天下民租百萬餘石上嘉納之琬年

少才敏有心計五年以疾卒於官僉二十七歲衆惜其不久用

云

韓寬字 人任侍儀使洪武四年任

高啓字本旭直隸蘇州府長洲人少孤力學工詩元至正間張

士誠開府平江承制以淮南行省參政饒介為咨議參軍事介

有文學喜士啓時年十六或薦於介介見啓詩驚異以為上客

啓不屑去隱吳松江之青丘洪武初以廷臣薦與修元史授

林國史院編修官命教功臣子弟一日召見啓與編修官謝微俱對時已暮上御闕樓擢啓戶部侍郎徽吏部郎中啓以年

少未習理財且孤遠不敢驟膺重任遂與徽俱辭於是賜罷仍賜內帑白金給牒放還復居青丘先是啓嘗以史事爲國子祭酒

魏觀屬官雅相知契及是觀守蘇爲徙居城中延問郡中政事得失接見甚密會觀得罪連坐死年甫二十有九啓身長七尺

有文武才於書無所不讀尤粹於史其文喜辯擊馳驟上下精采煥發而詩尤號名家所著有缶鳴鳧藻二集行於世

趙好德見尚書洪武五年由安慶知府陞戶部任左侍郎六年陞本部尚書

國朝列卿紀 卷之三十五 六 直隸鳳陽府泗州人洪武二年舉人三年拜

朱從善字 滁州知府有惠澤及民五年徵戶部侍郎七年致仕

周斌詳本部尚書洪武七年任戶部右侍郎 程昭字 人洪武初年入仕擢工部主事八年

陞戶部左侍郎 李仁字 河南南陽府唐縣人元末兵起仕僞漢陳友諒爲

招討使癸卯年王師下武昌率衆歸附大將常遇春奇其智略見薦於 太祖特授黃州刺史使招撫叛亡及宋下州縣各開

風納款令代陶安鎮守凡六年民皆樂業洪武三年詔爲給事中尋進吏部侍郎與陳修同秉銓政四年陞試本部尚書

坐事謫青州知府在郡多善政八年召補戶部侍郎未幾以年老致仕十四年起爲滁陽牧監牧司政克舉後卒於官

陳則字文度直隸蘇州府崑山縣人洪武初應秀才舉任應天府治中八年轉戶部侍郎左遷大同同知陞知本府則未仕之

先僦屋授徒其教甚有法工於詩與高啓徐賁張羽楊基輩爲倡和友嘗賦紫菊詩一時傳誦以爲絕唱人呼爲陳紫菊

王廣卽王鏞湖廣德安府隨州人洪武二年辟舉人才授松江府通判尋陞知府有治才八年陞戶部侍郎十四年罷歸

沈立本詳本部尚書洪武八年任 程昱字 人洪武初入仕除戶部員外郎八年

國朝列卿紀 卷之三十五 七 任戶部右侍郎十三年陞吏部尚書詳國初吏部

任彬詳本部尚書洪武九年任戶部右侍郎 徐鐸詳本部尚書洪武九年任戶部左侍郎

費震詳本部尚書洪武十一年任戶部左侍郎 李煥文 人洪武十一年由陝西西安府知

府陞任戶部右侍郎 顧禮詳尚書洪武十一年起左侍郎

傅鐸字 直隸大名府內黃縣人洪武初由府學生貢入大學 十三年陞戶部左侍郎十五年免

向志仁字 人洪武初舉人

十三年陞戶部右侍郎十四年免

石璞字 河南河南府陝州人好學力行不事華靡洪武中

以儒士薦除本府教授十四年廷臣稱其有治才召陞戶部右侍郎未幾以病致仕

栗恕詳本部尚書洪武十五年任右侍郎

高信字 浙江金華府義烏縣人洪武中歲貢入大學十二年授戶部郎中十四年陞戶部左侍郎與尚書閔鄉范敏常山

徐恢俱以才能稱善於其職十五年陞試禮部尚書詳國初禮部

李安仁字 人洪武中入仕授山西大同府知

國朝列卿紀 卷之三十五 八

府以才幹薦十五年 命試戶部右侍郎十七年以事罷免

李端字 人洪武中舉人才拜工部總部郎中

有能譽十七年 命試戶部右侍郎未幾卒於官

封益字 人洪武中舉人才

任湖廣岳州府知府十七年拜戶部左侍郎十八年坐郭桓累

伏誅

郭桓字 山東兗州府東平州人洪武四年以賢良薦拜山

西按察司僉事轉按察使十八年召陞戶部右侍郎貪賊無厭

本年坐盜官糧事發伏誅

大誥云造天下之罪其造罪愚者無如郭桓其焉其所盜倉

糧以軍衛言之三年所積實空前者榜上若欲盡為恐民不信

但略為七百萬耳若將其餘倉分并十二布政司通同盜賣見

在倉糧及接受浙西四府鈔五十萬張賣米一百九十萬不上

倉通算諸色課程魚鹽等項及通同承運庫官范朝宗偷盜金

銀廣惠庫官張裕長支鈔六百萬張除盜庫見在寶鈔金銀不

算外其實在倉稅糧及未上倉該收稅糧及魚鹽諸色等項課

程共折米算所廢者二千四百餘萬積糧嗚呼古今食有若是

乎其郭桓不才乃敢如是其中所分人已者幾何罪及同謀愚

頑者多死犯必收焉空倉廩之府庫皆郭桓為之

又云馬草事郭桓等官受要應天太平鎮江寧國廣德五府州

納草人徐添慶等戶賦鈔不行追徵合納馬草却於已納安慶

府人戶內多科以補五府州原欠數目以致農忙時月勾取各

人戶到官問出前由害民之奸纒方顯露

又云應天宣城太平廣德鎮江為是與王之地久被差徭特將

夏秋稅糧不時全免惟元宋入官田地我朝籍沒之田民田全

免官田減半徵收凡免糧去處但凡民糧不一槩全徵其應天

等五府州縣數十萬沒官田地夏秋稅糧官吏張欽等通同作

弊並無一粒上倉與同戶部官郭桓等盡行分受君子詳觀可

容乎 又云郭桓等收受浙西秋糧合上倉四百五十萬石郭桓等止

國朝列卿紀 卷之三十五 九

收六十萬石上倉鈔八十萬錠入查以當時拆算可抵二百萬石餘一百九十萬不曾上倉其相受要浙西等府鈔五十萬貫致使府縣官黃文等通同才頑人吏沈原等作弊各分入已又云揚州瓜埠河泊所欠魚課鈔四萬張其郭桓著令追賠通同揚州知府戰慎不令網戶及湖官賠償却乃行下富戶追賠追鈔既足各人分受入已變賣銀兩其所欠四萬張鈔行下湖官原籍江西布政司追賠及鈔至猶因循不進意圖入已雖未入已由是而犯嗚呼揚州魚戶欠鈔着令江西追賠其布政司不才將平民一槩科派又非揚州河泊所民初本所欠四萬兩處共追八萬揚州四萬已行入已重復追徵四萬又欲侵欺人

國朝列卿紀

卷之三十五

十

四十五

有如此無狀者

王道亨字

人洪武中舉人才

十八年陞戶部右侍郎本年坐郭桓累伏誅

張易字

河南開封府鄆陵縣人洪武中薦舉

十四年任兵部右侍郎十八年陞戶部左侍郎在部不留

心政務又不事事致諸事壅滯本年免

大誥云戶部侍郎張易進以儒業授學錢穀凡諸行移謀皆吏

出已於公解袖手若尸入奏錢糧槩知矣朕詢明白茫然無知

惟四顧而已

又云左侍郎張易右侍郎張文質郎中呂士威員外黃安主事

一傳友文李益蔚綬王肅等官故推闡葺將應行事務故不施行及至督責口稱事務繁冗發落不開於是命總目日事以憑考驗十月十八日來呈十七日事件數該一百四十三件勅給事中張衡御史胡昌齡考對盡是十月初三以來塚下公文本日止有六件面欺平侮一百三十七件作一百四十三件面欺以爲冗繁奸頑無籍之徒擅敢肆侮如是

張文質字

人

洪武十八年

任戶部右侍郎本年以欺侮罷見上

楊靖詳本部尚書洪武十八年任左侍郎

張經道字

山東濟南府蒲臺縣人洪武十年以博學舉授

國朝列卿紀

卷之三十五

十一

四十五

兵部總部員外郎十三年陞太常寺卿尋以親屬犯罪免爲民

十八年召試戶部右侍郎本年署大理寺卿十九年以病致仕

沈士榮名全以字行直隸河間府故城縣人洪武中由歲貢入

大學

十九年陞戶部右侍郎二十二年卒於

官

張璉字

山西澤州陽城縣人洪武十七年歲貢入大學擢

同知陞僉事二十二年陞戶部右侍郎二十四年卒於官

陳宗禮名瑜以字行浙江寧波府鄞縣人洪武甲子舉人授陝

西道御史二十四年陞戶部右侍郎二十五年免

郁新詳本部尚書洪武二十四年任左侍郎

傅益字友文以字行陝西西安府臨潼縣人洪武中由歲貢入

太學授戶部主事在部不事事致各務廢滯大詔謂其欺侮二

十五年任右侍郎二十六年遷吏部右侍郎尋調初吏部

祁者字 人 洪武中薦舉

武二十六年任戶部左侍郎二十七年以事免

周志清字 人 洪武中薦舉

十四年任大理寺卿本年改都察院右副都御史二十五年陞

刑部右侍郎二十六年改戶部右侍郎二十七年致仕

陳居敬字宗禮直隸鳳陽府蒙城縣人洪武中舉人才擢湖廣

按察司僉事有才譽二十七年召陞戶部左侍郎二十八年致

仕 國朝列傳紀 卷之三十五 十二

郝鵬字 山西太原府徐溝縣人 洪武十八年由歲貢入大

學授戶部 司主事 歷郎中陞湖廣布政司左叅政二十七

年陞戶部左侍郎未幾以病致仕

聶震字 山東濟南府長山縣人 洪武十八年乙丑進士

歷戶部員外郎謹端有守二十八年陞戶部左侍郎

二十九以事免

莫禮字 直隸蘇州府吳江縣人 洪武中以歲貢入太學授

福建按察司副使能聲卓著二十八年召陞戶部右侍郎未幾

以疾卒於官

鍾永字 浙江寧波府慈谿縣人 兵部侍郎最之子最舉明

經官司馬永亦克承家學於洪武中舉明經

二十九年召陞戶部左侍郎二十九年致仕

李新字 河南南陽府內鄉縣人 洪武中由歲貢入太學授

兵馬指揮有風力陞監察御史未幾轉工部郎中俱以振職稱

二十九年陞戶部右侍郎革除中以事免官

嚴良奇字 浙江湖州府長興縣人 性朴實不欺善服鄉人

洪武三十年以稅戶人才入京 上召問民風上谷奏對稱

青拜戶部左侍郎革除中以事罷為民永樂元年復其官賜致仕

郭任字 直隸鎮江府丹徒縣人 洪武中舉人才三十一年

拜戶部左侍郎革除中靖難師至江任力主抗禦之策及師入

城不屈戮死其子經亦處斬次子金山保於廣西三女監至

次年俱殺之嘉靖中知府劉儲秀立祠祀

虛迥字 浙江台州府仙居縣人 洪武中舉才能歷

革除一年拜戶部右侍郎迥為人疎後每飲酣善謳

人以爲狂及歷迥遠恭慎自將合靖難師渡江迥同郭任守城

力抗及城下不屈將死謂長子而死者悲之

夏原吉見本部尚書革除三年由本部主事陞戶部右侍郎壬

午年 靖難平轉本部左侍郎

古朴字文質河南開封府陳州人洪武中鄉貢入太學生奉

命清理部縣田賦圖籍丁父喪二十一年服闋隸五軍斷事理刑遂
 奏貧願仕得祿養母 太祖嘉之除工部營部主事授承仕郎
 迎母就養京師二十六年母歿官給舟歸葬二十八年服闋改
 兵部司馬部主事二十九年陞武選司員外三十年陞郎中授
 奉議大夫革除三年陞兵部右侍郎授嘉議大夫壬午年 成
 祖人正大統改戶部右侍郎轉左侍郎授通議大夫賜文綺襲
 衣四年因建北京命採木江西有愛民之心竣事特被賜賚七
 年 上巡狩北京侍 仁宗監國嘗奉 命權禮部兵部及詹
 事府事十八年扈行在洪熙元年改通政使詳南京戶部
 劉觀字 直隸保定府雄縣人洪武乙丑進士授入谷縣丞
 國朝列卿紀 卷之三十五 十四

有治才以薦舉擢監察御史三十年陞署都察院左僉都御史又
 革除二年調嘉興府知府尊禮賢士修學政興利去弊郡中肅
 然尋丁父憂永樂元年起復擢雲南按察使未行拜戶部右侍
 郎二年召都察院左副都御史詳都察院

王禮字 河南汝寧府固始縣人洪武中由歲貢入大學授
 北平按察司副使革除中坐事降邵武府通判有善政民甚懷
 之永樂元年召拜戶部右侍郎本年卒於官

李文郁字 湖廣襄陽府襄陽縣人洪武中由歲貢入大學
 授教諭革除三年以薦舉陞通政司左叅議永樂元年陞戶部
 右侍郎本年 命治水蘇松二年以事謫戍遼東性介直慮患

難不易志洪熙元年召復通政司叅議宣德三年以老致仕卒
 於家

孫瑜字 四川嘉定州犍爲人洪武中舉能吏擢知州三十
 一年陞北平左叅政永樂元年陞戶部左侍郎二年謫北京行
 太僕寺少卿未幾卒於官贈戶部尚書

王鍾字 直隸松江府華亭人洪武中起家爲掾史坐事戍
 遼東用薦授行太僕寺典簿革除中進 燕府紀善 文皇入
 正大統命守北京永樂元年陞北京刑部郎中本年陞戶部右
 侍郎爲人寡慾雖富貴不啻約節于貧獨厚簡默遇事判決
 沛然無滯二年 命侍 東宮居守北京永樂元年親重七年卒於
 國朝列卿紀 卷之三十五 十五

官洪熙元年 上思舊勞贈太子太保 張春字 景初河南開封府許州人永樂元年陞武中由歲貢入
 大學授刑部郎中三十年陞都察院左僉都御史十一月與都
 給事中彭嶧劾武定侯郭英私養家奴及男女請治罪 詔
 勿問復奏不已 上令勳戚大臣議其罪 知所警已而有之
 三十一年出爲禮部左叅政改 江永樂六年陞戶部右侍郎
 十一年調山西右布政使後卒於官

蔣綬字 直隸廣州府合州人洪武末年由歲貢入大學
 授戶部度支主事大誥誦其不 欽侮歷員外郎秉心淳實
 履行端方精核出納下人不得緣以爲奸革除中陞山西布政

司右叅議再著賢聲永樂六年召拜戶部右侍郎尋改禮部益
勵恭勤歷禮部尚書蒞事南京致仕詳南京禮部

王彰字文明河南開封府鄭州人幼穎悟好學稍長有司選為
州學生益自刻苦學日進洪武丁卯領河南鄉薦明年會試禮

部弗利補大學生嘗使山東平糴以實軍儲同列納賄縱逋負
者彰毅然責之弗聽比還其人果得罪彰遂以廉幹聞明年擢

吏科給事典封駁之任夙夜在公出納惟允歷左右給事中
益慎益虔聲譽尤著遂進都給事中未幾改刑部員外郎時有

豪橫橫公根株連結數歲不能斷決有司率為所誣彰曰法貴
平恕豈宜寬縱以長惡哉於是正之以法而為所誣者皆得釋

國朝列卿紀

卷之三十五

十六

張十

人咸悅服既而超拜山西布政使司左叅政居藩七年吏弗忍

欺民懷其惠永樂五年召拜禮部右侍郎階嘉議大夫時四方
萬國奉玉帛重譯以朝覲貧賈者肩背相望於京師賞賚燕享

無虛日與尚書鄭公賜同德協恭奉職惟謹明年以父喪去官
哀毀踰節鄉黨稱焉九年服除遷戶部侍郎嘗祀華嶽過陝州

之新安聞民鬻男女償逋租既還奏之 詔悉蠲其租且官給
楮幣以贖其所鬻男女人皆德之十年壬辰改都察院右副都

御史陞右都御史詳都察院

曹洪字 湖廣襄陽府襄陽縣人洪武中薦舉

永樂十年拜戶部右侍郎

卷終

國朝列卿紀卷之三十六

戶部左侍郎年表

古 朴 河南陳州人鄉舉永樂十八年以戶部左
改 行在二十二年調通政歷南京戶部尚書

李 昶 詳總諸承樂
二十二年右

郭 敦 詳尚書承樂
二十二年左

陳 山 福建沙縣人
洪熙元年任左

王 佐 詳尚書宣德元
年右五年左

吳 壘 福建邵武人鄉舉宣德
五年右正統六年議成

李 暹 陝西長安人鄉舉正
統六年左十年致仕

焦 宏 河南葉縣人進士正統六年
在本年出鎮關浙陝西等處

王 質 直隸太和人鄉舉正統六
年右八年陞刑部尚書

儲 懋 直隸丹徒人鄉舉正統八
年右十四年遷禮部左侍郎歷南京戶部尚書

奈 亨 應天香河人吏員正統
十一年左未任致仕

姜 濤 山西忻州人鄉舉正統
十一年左十四年卒

劉中敷 詳本部尚書正統十四年
任左景泰四年卒於官

孟 鑑 直隸博野人進士正統十四
年左天順元年致仕後起南京工部左侍郎

沈 翼 直隸山陽人進士正統十四
年右景泰四年陞南京戶部尚書

李 賢 河南鄧州人進士景泰
四年右五年改吏部

陳汝言 直隸潼關衛人進士景泰五
年右天順元年陞兵部尚書

薛 遠 見總諸尚書天順
元年右本年丁憂

楊鼎	詳尚書天順元年
馬諒	直隸和州人進士天順四年
薛遠	見前天順六年
楊璿	直隸無錫人進士成化四年
陳俊	福建莆田人進士成化四年
原傑	山西陽城人進士成化五年
翁世資	詳尚書成化八年
程萬里	湖廣華容人進士成化九年
殷謙	詳尚書成化十三年
邢簡	陝西咸寧人進士成化十三年
國朝列卿紀 卷之三十六	
閻本	陝西汾州人進士成化十四年
李衍	詳尚書成化十六年
潘榮	福建龍溪人進士成化十七年
秦紘	詳尚書成化二十一年
孫仁	直隸貴池人進士成化二十一年
李嗣	廣東南海人進士成化二十二年
王僎	直隸武進人進士成化二十三年
葉淇	詳尚書成化二十三年
劉璋	福建南平人進士弘治元年
張鼎	陝西咸寧人進士弘治四年

吳原	福建漳浦人進士弘治四年
秦民悅	直隸舒城人進士弘治六年
侶鍾	詳尚書弘治七年
劉大夏	湖廣華容人進士弘治八年
韓文	詳尚書弘治九年
許進	河南靈寶人尚書弘治十年
李孟賜	河南睢州人進士弘治十一年
王儼	湖廣華容人進士弘治十三年
顧佐	詳尚書弘治十六年
張縉	山西陽曲人進士正德元年
國朝列卿紀 卷之三十六	
王佐	山西和順人進士正德元年
劉璣	詳尚書正德二年
王瓊	詳尚書正德二年
韓福	陝西西安前衛人進士正德三年
孫交	詳尚書正德三年
吳文度	應天江寧人進士正德三年
胡汝礪	應天溧水人進士正德三年
諸確	直隸泰州人進士正德四年
陳崑	山東單縣人成化進士
喬宇	山西樂平人進士正德四年

陳震	陝西慶陽衛人進士正德五年
毛紀	山東濟寧人進士正德五年
韓鼎	德化人進士正德五年
叢蘭	山東文登人進士正德五年
陳勗	見前正德五年
邵寶	直隸無錫人進士正德六年
王寅	直隸容城人成化辛丑進士
王瓊	見前正德六年
楊潭	詳尚書正德八年
侯觀	詳尚書正德九年
國朝列卿紀 卷之三十六	
鄭宗仁	詳總儲正德十三年
邊憲	直隸任丘人成化甲辰進士
秦金	見尚書正德十五年
鄒文盛	詳尚書正德十六年
邊憲	見前嘉靖元年
王承裕	陝西三原人弘治癸丑進士
胡璣	直隸永年人弘治癸丑進士
王軌	直隸江都人弘治己未進士
梁材	詳尚書嘉靖七年
李時	直隸任丘人弘治壬戌進士嘉靖七年卒

何塘	直隸懷慶衛人弘治壬戌進士嘉靖七年
張璉	陝西耀州人弘治壬戌進士
張雲	詳總儲嘉靖八年
張璣	直隸滄州人弘治乙丑進士嘉靖十年
陳軾	湖廣應城人弘治乙丑進士
周叙	湖廣九溪衛人正德辛未進士嘉靖十年
唐胃	廣東瓊山人弘治壬戌進士
王堯封	直隸定興人弘治乙丑進士嘉靖十五年
袁宗儒	直隸雄縣人正德戊辰進士嘉靖十六年
胡璉	直隸永年人弘治乙丑進士嘉靖十六年
國朝列卿紀 卷之三十六	
高公韶	四川內江人弘治乙丑進士
任洛	河南鈞州人正德辛未進士
王泉	詳尚書嘉靖十八年
張漢	湖廣鍾祥人正德甲戌進士嘉靖二十年
劉儲秀	詳總儲嘉靖二十年
王暉	詳總儲嘉靖二十一年
江玄錫	直隸休寧人正德辛未進士嘉靖二十二年
閔楷	直隸任丘人弘治乙丑進士嘉靖二十三年
夏邦謨	見尚書嘉靖二十四年
劉儲秀	見前嘉靖二十四年

趙廷瑞 直隸開州人正德辛巳進士嘉靖二十年

于洪 直隸金壇人正德辛巳進士嘉靖二十年

潘潢 詳尚書嘉靖二十五年

及宦 直隸交河人正德甲戌進士嘉靖二十年

胡松 直隸績溪人正德甲戌進士嘉靖二十年

駱顯 四川富順人嘉靖癸未進士二十九年

傅鳳翔 胡廣應城人嘉靖癸未進士二十九年

方鉅 詳尚書嘉靖三十年

葛守禮 山東德平人嘉靖己丑進士三十年

馬坤 直隸通州人嘉靖癸未進士三十年

國朝列卿紀 卷之三十一 六

盧紳 陝西咸寧人嘉靖癸未進士三十年

謝九儀 山東章丘人嘉靖壬辰進士三十三年

倪嵩 直隸當塗人嘉靖己丑進士三十三年

鄒守愚 福建浦田人嘉靖丙戌進士三十四年

艾希淳 陝西米脂人嘉靖乙未進士三十四年

吳嘉會 山西振武衛人嘉靖乙未進士三十五年

謝九儀 詳前嘉靖三十五年

蔡克廉 福建晉江人嘉靖己丑進士三十五年

馬森 福建懷安人嘉靖乙未進士三十七年

劉養直 四川內江人嘉靖戊戌進士三十八年

劉采 湖廣麻城人嘉靖己丑進士三十八年

高耀 詳尚書嘉靖三十九年

石承 直隸成縣人嘉靖壬辰進士三十九年

劉大寶 河南確山人嘉靖戊戌進士三十九年

趙貞吉 四川內江人嘉靖乙未進士三十九年

霍冀 山西孝義人嘉靖甲辰進士四十年

鮑道明 直隸欒縣人嘉靖戊戌進士四十年

張舜臣 山東章丘人嘉靖乙未進士四十一年

馬森 詳前嘉靖四十二年

國朝列卿紀 卷之三十一 七

黃養業 福建南安人嘉靖辛丑進士四十二年

王廷 四川南充人嘉靖壬辰進士四十四年

劉自強 河南扶溝人嘉靖甲辰進士四十五年

徐養正 廣西馬平人嘉靖辛丑進士四十五年

趙孔昭 直隸邢臺人嘉靖甲辰進士四十六年

陳紹德 廣東南海人嘉靖戊戌進士四十六年

張守直 直隸天橋人嘉靖甲辰進士四十六年

趙孔昭 詳前嘉靖四十六年

劉光濟 直隸涿州人嘉靖甲辰進士四十六年

郭朝賀	山東汶上人嘉靖乙未進士 隆慶五年任左改督太倉
陳璜	嘉慶五年任右六年轉左 嘉慶六年任
傅頤	嘉慶六年任
莫鍊	山東益都人嘉 靖甲辰進士
梁夢龍	嘉慶五年進士
畢鏘	嘉慶五年進士
李幼滋	嘉慶五年進士
孫應鰲	嘉慶五年進士
沈應時	嘉慶五年進士
謝鵬舉	嘉慶五年進士
國朝列卿紀	卷之三十六
王好問	嘉慶五年進士
吳文華	嘉慶五年進士
胡執禮	嘉慶五年進士
劉斯潔	嘉慶五年進士
劉思問	嘉慶五年進士
王之垣	嘉慶五年進士
王廷瞻	嘉慶五年進士
傅市學	嘉慶五年進士
朱經	嘉慶五年進士
李世遠	嘉慶五年進士

毛鋼	嘉慶五年進士
張國彥	嘉慶五年進士
楊俊民	嘉慶五年進士
孫不揚	嘉慶五年進士
溫純	嘉慶五年進士
蹇達	嘉慶五年進士
張孟男	嘉慶五年進士
裴應章	嘉慶五年進士
莊國禎	嘉慶五年進士
國朝列卿紀	卷之三十六
九	

戶部左右侍郎行實

古朴字文質河南陳州人洪武中鄉貢為太學生 命清理郡縣田賦圖籍丁父喪歸服闋隸五軍斷事理刑遂奉家貧願仕得祿養母 太祖皇帝嘉之除工部營繕主事授承直郎迎母就養居無幾母歿官給舟歸葬服闋改兵部司馬部主事陞武選司員外郎授奉訓大夫再陞郎中授奉議大夫遂陞兵部右侍郎授嘉議大夫壬午年 成祖入正大統改戶部右侍郎轉左侍郎授通議大夫賜文綺襲衣十八年扈行在尋定陽北京除行在二字朴在戶部蚤作夜思勤勞弗懈一志於公無敢干以私謹守 祖宗成憲不敢踰越或言事久於時小過不及者亦當損益就中終不為動永樂中建北京宮殿董伐木之役於江西有愛民之心竣事特被賜資二十二年以罪改通政使尋陞戶部尚書蒞事南京詳南京戶部

李昶詳總儲永樂二十年右

郭敦詳尚書永樂二十一年右

陳山字汝靜福建延平府沙縣人洪武癸酉舉人永樂初年授奉化教諭六年召修永樂大典陞吏科給事中八年丁憂十年起復到部擬陞廣東右布政使特留掌六科事十一年偕張瑛侍 宣皇講讀二十二年 仁宗嗣位歷左春坊左庶子洪熙元年陞 行在戶部左侍郎宣德元年陞戶部尚書兼謹身殿

國朝列卿紀

卷之三十一

十

附錄

大學士入閣詳內閣

王佐詳尚書宣德元年右五左

吳璽字信玉福建邵武人永樂戊子舉人卒業太學十年入選列上等授兵部武選司主事歷本司郎中有才幹遇繁劇刺裁不滯又善炫風跡以著聲稱宣德五年超陞戶部右侍郎於出納知謹正統七年壬戌外夷來獻馬 英宗問該部貢馬入境日用務果幾何邊郡所儲足用否璽因疾在告司官謝不知事發下獄辭連及璽謫戍威遠衛二年以疾卒

李暹字 陝西西安府長安縣人永樂中鄉薦入太學肄業謁選以才學授戶部主事出納詳慎尤嚴持守以事謫清河監

國朝列卿紀 卷之三十一 十一 附錄

監副管被選與吏部員外陳誠偕使西域踰萬里至撒馬兒罕凡五往返暹姿貌英偉言辭率直歷諸國皆得其懽心洪熙元年進戶部郎中尚書夏原吉知其賢委總理在京糧儲至則進事嚴明剔祛宿弊宿奸巨蠹不得緣以侵牟宣德五年以才幹著聞特陞南京通政使留開局十餘年正統六年戶部缺人召為左侍郎與尚書王佐同心國計酌盈濟虛而經費有制十年卒

焦宏字克明河南南陽府葉縣人性至孝篤學永樂辛丑進士拜監察御史守正不阿時都御史顧佐馭下嚴御史有不謹禮法者皆罷斥獨善待之常出按貴州貴有疑獄不決論死者白

餘人察其實以聞皆釋免坐者十人而已公嘗相傳有妖前御
 史皆避正寢不敢居宏處之恬然陳都督鎮鳳陽行有違法者
 人重誣之欲寘之死地 宣帝疑之命擇御史之賢且明者往
 廉問以命宏至則為直其誣而坐以所當罪得不死謫戍邊由
 是日益有名人有受誣不能白者皆以得遇為幸于子陞江西
 按察副使人謂江西俗健訟宏曰吾知其人多讀書識道理吾
 當以理論之訟無難決者於是人有訟惟折之以理不尚嚴酷
 一人亦感其德無不服從獄遂清省江西連歲歉積通稅藩府病
 之吏部侍郎趙新任總督奏委之宏撫循論民權趨之事以辦
 治已未陞江西右布政使益以寬厚為治察下吏之有才行者

國朝列卿紀

卷之三十一

十一

劉忠

奏進之有起自末僚而為縣令者九江歲納蘆柴而此地不產
 乃歛錢於民買自他所而納通負歲積民益困乃為奏免之新
 南昌府學修公署正堂及吏舍皆捐俸以倡僚屬故不勞而集
 每以公事行縣寬而不縱嚴而不殘吏畏而民愛之尤喜興學
 舍獎進士類九江濂溪書院久廢人侵軼其地復建祠宇以興
 起其士人郡邑中有寒畯不得齒於學羅而致之禮遣為弟子
 有與鄉薦而貧不能赴春官者皆厚禮送之由之而成名者眾
 辛酉徵為戶部右侍郎食從二品祿有重事則以任之本年閩
 浙蘇松半臨海寇往來海中伺便抄掠兵備廢弛 上命往視
 閱諸軍修城堞備戰艦防守之法有當因革增損者悉以便宜

征事政令一新寇不得為害蘇之嘉定民有田數百畝已歸之
 官而稅尚在民苦之乃蠲其稅甲子閩中復開銀場又命往視
 課頗重者請減之以利民乙丑 上以陝西緣邊皆宿重兵俱
 倚食內郡河南濱陝多積粟而諸衛多屯田慮有名無實復命
 按視其廩庾考校其耕穫奸弊盡革儲峙以充其他建立皆倍
 之正統己巳詔以叛賊思機發猶不庭假息孟養 命出征之
 而以宏主餽運抵金沙江奉命謹甚冒瘴癘以進軍不乏食而
 身則病矣然尤力疾終其事師還浮三峽道荆襄以朝京師因
 家南陽葉縣以困憊弗堪少止求醫藥而疾加劇不能就道即
 上奏曰臣餽師無功又不善攝養為瘴癘所侵今瘡復作連項

國朝列卿紀

卷之三十一

十三

杜如黃

背勢且日甚恐不得入朝見 陛下謹具奏復命踰數月計至
 上深悼惜之命禮部致祭工部為治墳塋宏盡心 朝廷遇事勇
 而為之必盡其方不擇利害為取舍與人交謙恭和厚言語恂
 恂有不當其意輒毅然自任不可回於得失不較也故於其卒
 也世多惜之

王質字 直隸鳳陽府太和縣人永樂中由鄉舉授南陽縣
 訓導以才學卓異拜監察御史清謹老成陞四川叅政愈勵前
 志出巡不吃肉惟蔬菜而已蜀人呼為青菜王及遷山東右布
 政使有惠及民正統六年召為戶部右侍郎與論權然在戶部
 清利源塞弊孔而所守皦然不淄八年陞刑部尚書以失囚左

遷後轉戶部未任卒

儲懋字直隸丹陽縣人永樂甲午舉人十三年授台州府

訓導二十二年擢吏科給事中正統元年陞翰林院修撰三年

陞侍讀八年陞戶部右侍郎為人端重寬和協尚書慎出納塞

弊源十四年改禮部左侍郎詳禮部

柰亨字順天府香河縣人由吏員革除末年靖難兵起命

守城永樂元年叙功授修武縣丞九年陞吏部文選司主事十

五年陞行部吏曹員外郎十九年改驗封司員外郎宣德二年

調文選司員外郎三年轉光祿寺少卿八年陞通政司左通政

十年出使安南正統元年還京三年陞光祿寺卿十一年陞戶

國朝列卿紀

卷之三十六

十四

十四

部左侍郎未任仍掌光祿寺事十四年致仕為人機警善幹才

故久見委任云

姜濤字靜之山西太原府忻州人永樂甲午鄉舉授嘉興府同

知二十一年改河間府宣德九年以剛正廉幹陞本府知府有

政績敏決有為士民宜之正統元年陞順天府尹安常率職民

亦不擾四年京師大水命存問被水軍民具奏賑濟十一年

陞戶部右侍郎十二年陞戶部左侍郎十四年卒於官

劉中敷詳本部尚書正統十四年任左景泰四年卒

孟鑑字克明直隸保定府博野縣人宣德癸丑進士授吏科給

事中歷戶科都給事中正統十四年廣東南海賊黃蕭養起陞

戶部左侍郎奉勅勅討景泰元年留巡撫廣東二年回部督

事天順元年致仕詳南京工部左侍郎

沈翼字克敬直隸淮安府山陽縣人宣德庚戌進士授戶部主

事正統八年雲南崇慰思任發梗化出師以翼為轉運使十二

年沙州達官南哥內附勅翼徙置東昌平山陞郎中十四年

時虜寇欲據通州積粟勅翼焚之翼乃偽焚腐草烟焰蔽天

虜遁去上嘉其應變特陞戶部右侍郎備運糧料分守正陽

門因備運糧船驚散勅翼催趕到京尋暨平江伯陳豫鎮守

臨清兼督漕運景泰四年陞南京戶部尚書詳南京戶部

李賢字原德河南南陽府鄧州人宣德癸丑進士正統丙辰授

國朝列卿紀

卷之三十六

十五

十五

吏部驗封司主事乙丑陞考功郎中踰兩月丁母憂久之轉文

選司郎中候終制赴京已巳英宗北狩扈從官多預其難瀕

死而還景泰初年上正本十策奏入命翰林繕寫置左右焉

辛未冬以廷薦陞兵部右侍郎壬申奉命察四川有司之不

職者癸酉還京尋改戶部時尚書金濂以才負獨倚賢為重一

切浮費能力革之甲戌轉吏部累官少保詳內閣

陳汝言字時獻直隸潼關衛人正統壬戌進士授戶部主事歷

郎中有幹才善以巧佞結權貴多愛之景泰五年驟進戶部右

侍郎甚為公論所棄會景泰有疾眾議請復茂陵未上遂

附武臣石亨張軾太監曹吉祥文臣徐有貞王驥楊善等謀命

門奉 英宗復位遂進兵部尚書理部事詳兵部

薛遠見總儲任戶部郎中天順元年使交趾還進右侍郎本年

丁憂四年起工部右侍郎治河南決河事竣六年再改右侍郎

成化元年督餉兩廣賊平二年轉左詳南京兵部尚書

楊鼎詳本部尚書天順元年右六年左

馬諒字子諒直隸和州人宣德癸丑進士授行在吏科給事中

數陳時事闡切知大體正統九年陞山東左叅議究心吏治衆

服其明屢陳撫民恤民便民等事 上嘉之景泰二年陞應天

府尹有聲天順元年陞南京戶部左侍郎尋丁憂四年改戶部

左侍郎時年力衰邁無所建明六年仍改南京戶部左侍郎詳

國朝列卿紀 卷之三十六 十六 孫奉 晉三

南京戶部

楊璿字叔璣直隸常州府無錫縣人正統戊午中京闈鄉薦已

未登進士第尚未授室乃以股歸還 朝拜戶部主事陞郎中

璣才質通敏負器局論事果斷無媿阿態甚爲大司徒金濂所

器財賦出納凡經籌畫不復省費久之陞山西右叅政徧歷州

郡覈實戶數立上中下三等法均其徭役民用利便奉 勅督

輓軍餉二十萬石實邊廩事衆而人不知勞天順中陞陝西右

布政地控三邊動輒有警往歲西夏用兵芻粟轉輸皆出調度

洪渠水溢涇陽縣治堰以殺其勢賑恤匱乏存問乳獨其治民

如山西而加勞焉在陝西五年改河南右布政使丁憂未任成

化四年起戶部右侍郎本年入謁值流民嘯聚荆襄南陽山谷
間以百萬計 朝議求堪任撫循重寄者僉推璿故 上始欲
任典邦賦尋撤以去改右副都御史撫處流亡後歷撫順天河
南等處詳河南巡撫

陳俊字時英福建興化縣人正統戊辰中進士第授戶部主事

景泰甲戌差督天津諸衛官兵舊欠採秋青草卽上言採取舊

有額已難徵辦况歲徵耶漁不可以竭澤 朝廷是之得減歲

增之數三十五萬束令止輸原額蘇松諸郡折糧銀爲里豪所

侵者七十五萬兩有奇俊往徵之不數月悉輸納帑尚書金濂

大谷異之俾典闔部奏章自是更景泰以至天順歷員外郎中

國朝列卿紀 卷之三十六 十七 陶紹 晉三

職皆嚴辦而賢能之聲日益有聞辛巳 朝廷出師征兩廣叛

寇 命往督饋餉時公私匱乏百方籌畫用是兵不乏食而民

不出賦輿論稱之成化元年陞南京太常少卿四年召爲戶部

右侍郎時尚書楊鼎以剛悍自任不假貸於僚佐然獨重俊事

經俊斷者卽不復省屬時四方奏災異三邊告輸輓文移遲集

諮議旁午裁決如流不滯晷刻而靡不曲當人咸服不可及辛

卯京師饑俊奉勅發太倉粟一百萬石減價糴以利民權貴有

乘時射利者俊請於 上凡糴以升斗滿一石者閉不與其計

遂阻而饑者獲濟壬辰 上命將北征特勅總督軍餉於秦晉

諸邊俊倍道疾馳比至則邊庫空竭歲且不登芻粟價湧而偷

林延綏糧道險遠輸者病之俊乃發金於內郡市易且修西安韓城同官徑道以便飛輓而行所向無敵虜酋授首勞伐居多凱旋加俸一階九年遷吏部右侍郎詳南京吏部

原傑字子英山西太原府陽曲縣人正統乙丑進士擢廣西道監察御史奉勅巡按江西剛決不滯風裁獨著景泰年歷

陞江西按察使持身清白不可干以私而吏弊盡除天順年任山東左布政使清田賦正均徭民咸宜之成化二年陞都察

院右副都御史巡撫山東地方孤介有為觸法者不少貸五年召為戶部左侍郎六年差流河南考察文武官員八年以憂去

詳南京兵部

國朝列卿紀

卷之三十六

十八

王榮

翁世資詳尚書成化八年左

程萬里字道遠湖廣岳州府華容縣人天順丁丑進士授吏科都給事中成化六年上言饑民流集京師米價騰湧計自今吏

部聽選不下萬餘率多缺食乞准回籍以聽取用從之陞通政司右叅議尋轉左七年陞右通政八年轉左通政管易州廠九

年陞戶部右侍郎十二年致仕

殷謙詳尚書成化十三年右尋轉左

邢簡字居敬陝西西安府咸寧縣人景泰甲戌進士授刑部主事歷本部員外郎天順七年陞真定府知府祛弊政清均徭於

番漢官軍勳貴戚里悉斟酌周當尤敦崇學校修文廟建公署

政績大著居任七年士民帖服有琴鶴雙清之頌成化六年陞浙江右叅政以嚴治稱九年召陞順天府尹政尚操切而事亦速辦十二年陞南京大理寺卿本年陞戶部右侍郎十四年暴

病卒於官

閻本字宗元陝西西安府邠州人景泰甲戌進士授戶部主事歷本部郎中成化乙酉總督薊州等處糧儲操履清白出納平

允防範周密動有程法一切宿弊剷剔殆盡軍士蒙惠人稱神明會巡撫員缺上命禮部侍郎鄒幹來賑濟饑民與總兵東

寧伯焦壽文章論薦遂陞右僉都御史巡撫順天永平二府激濁揚清鋤強植弱伸理冤抑周濟匱乏處置錢糧修理平谷豐

潤玉田開平等處城池及通薊浮橋本不畏權要有貂璫許某恃勢私稅商貨立置其人於法總兵掾吏舞文害人即於府中

捕之尤注意學校作興斯文以故貪婪解綬士民歸心尋陞右副都御史巡撫畿內八郡後以修理大廣小人藉是駕謗稱疾

致仕軍民遮道送之號泣如失父母十四年會西陲有警復起為戶部侍郎總督軍餉未幾卒於官

李衍詳總儲成化十六年右二十一年左

潘榮字尊用福建龍溪人正統戊辰登進士第奉命齎銀幣犒師廣東景泰庚午拜吏科給事中彈駁有體論停起復抑奔競數事尤剴切多見嘉納壬申陞左給事中充荆府冊封副

國朝列卿紀

卷之三十六

十九

毛士遠

使不受餽送甲戌歸省 賜楮幣為道里費未幾值父喪毀瘠
 骨立事母不離側天順己卯始以服闋復任壬午簡充琉球國
 冊封使 湯麒麟衣玉帶以行至則奉宣 德意王以下皆竦
 息聽命陪臣請為中山八景記援筆立就有用夏變夷語國人
 為之刻石甲申還 朝陞都給事中以母喪歸成化己丑復任
 庚寅陞南京太常寺少卿丙申陞南京戶部右侍郎戊戌奉
 勅督南京糧儲尋改都察院右副都御史仍領其事辛丑 召入
 為戶部左侍郎適尚書缺遂署部事免兩浙償補鹽課人皆稱
 便會久旱漕河淤涸奉 命督治運舟畢至甲辰陞南京戶部
 尚書詳南京戶部

國朝列卿紀

卷之三十一

三十一

毛士遠

秦紘詳尚書成化二十年右

孫仁字世榮直隸池州府貴池縣人景泰辛未進士授戶部主

事丁憂起復補工部主事陞順慶府知府再丁憂不起成化初

檄補西安府知府歷陝西左叅政進右布政使轉左成化十六

年陞都察院右副都御史巡撫四川地方二十一年陞戶部右

侍郎二十二年致仕

李嗣字克承廣東廣州府南海縣人性端謹質幹魁梧年十二

有司羅為邑庠生氣蓋時輩識者知其偉器中景泰甲戌進士

授南京戶部主事以清勤知名嘗督南畿江西積欠輸賦不

勞而集乃奏增大臣一員專董其事遂為例晉署郎中事時五

城兵馬司妄奏房鈔都稅司侵剋公課蠹政戾民叅提兩正其
 罪士民快之尚書張鳳推重之曰公輔才也欲薦代已會鳳卒
 不果尋實授郎中階奉政大夫再賜 恩父母出知金華府下
 車之始供億豐腆一無所受適行鄉飲酒禮有司設主席設核
 視賓十倍遽令撤之由是吏民知風指終嗣任不敢干以私郡
 俗婚嫁論財生次女即淹殺之雖富家亦然嗣嚴其禁使資送
 無得過制其俗漸革舉女者必字李云慨教化不明乃奏立正
 學書院祀先儒王何金許四賢重修昌東萊張南軒朱考亭會
 講麗澤書院俾郡人知所嚮慕治地僻遠民苦賦役奏 請割
 三郡近地設湯溪縣隸本府以便之諸賦浩繁邑里多逋竄者
 乃為羊券貸諸富室以紓其困民情安堵士風丕變治行為浙
 東諸郡之冠壬辰入 覲與黃州守並課優等 詔命旌異授
 中憲大夫即遷浙江右叅政轉左修築長堤以禦紹興寧波海
 漲二郡民永賴其利又上軍政數十事蒙 允轉行諸省晉福建
 右布政使一時寮案多鄉人當居和衷相與臨事則凜不可犯
 閩土稱其公明播諸諸領漳州有狂生得幻術醉後能人役草
 木邑吏上變藩臬議舉兵嗣曰討之是激其反爾單車往其家
 命縛以歸一省帖然尋轉左布政使辛丑入 覲如京道經金
 華民爭逐之攀轅涕泣不忍舍共丐御史淮南蔣誼為文刻石
 路左以昭功德癸卯遭內難守制於家適蘇松多事奪情起嗣

國朝列卿紀

卷之三十一

三十一

陶見

為都察院右副都御史往巡撫馬首陳事宜降 勅嘉獎所至
百廢具興居無何 召還授戶部右侍郎丁憂廷試預讀卷會
上 太皇太后徽號賜恩階嘉議大夫贈祖父父如已官 孝
宗卽位力疏休致優 詔不許尋轉左侍郎會本部有言兩淮
鹽法不舉虧損邊儲者奉 聖書督視兼都察院左僉都御史以
行悉心羣務遂感疾卽上章乞歸得 旨乘傳還第俟瘳起用
弘治甲寅卒年六十有九計聞 賜葬祭嗣為人孝友器量宏
重見義敢為遇事有斷居官三十餘年田園無所管增沒之日
衣篋中惟白金十兩而已登第後祖業盡與兄弟俸餘必以均
宗黨有司請大其居力辭之遭內難自任抵家官司多致祭禮
國朝列卿紀 卷之三十一 三十一 劉任任 四百五十六

賤之不安往往陷溺其本心雖謂之不仁可也
王俱字廷貴直隸常州府武進縣人景泰辛未舉禮部賜進士
及第三人授翰林院編修被 旨偕修撰柯潛教庶吉士吳滙
等二十八人肄業東閣於西夏代刺東岳甘雨隨注甲辰丁
外艱天順丁丑仍舊任庚辰同考禮部會試時稱得人尋命侍
東官講讀辛巳年預修大明一統志成 賜金帛癸未復同考禮
部進侍講甲申 憲宗踐祚以侍從 恩擢左春坊左庶子仍
舊職 勅充經筵講官敷析明暢啓沃良多修 英廟實錄分
掌禮館成化乙酉改南京翰林學士戊子以母喪歸辛卯服闋
適南京祭酒缺 朝廷特用薦起於家俱嚴督率明賞罰公差
國朝列卿紀 卷之三十一 三十一 四百五十六

盧金動以千兩室釐無所取巡撫蘇時約束家人無得外接富
民賄請見其子嗣聞之卽遣之還廣其廉介如此何淡所撰
墓誌銘贊云嗟乎貪夫徇財烈士徇名余嘗悼夫世之徇財者
之衆而徇名者何少也前數十載吾廣士夫多以富為誇爭自
灑濯以免公議及余接世務以來聞人仕衆必問曰好衙門否
聞人退衆必問曰有收拾否且濯金珠廣田宅以驕里閭者世
不以為過也夫勢大則用奢父驕則子汰卒之顛覆而後知財
為禍梯亦已晚矣李嗣之名乃今知之為其廉也居官廉故蒞
事公蒞事公故民愛敬民愛敬故功業昭公業昭故修名立修
名立然後仁孔子曰君子去仁惡乎成名信哉富貴之不審貧

遺奏上論便宜數事又修廟宇學舍補刻書板建書庫門工悉
就緒壬寅滿九載進南京吏部左侍郎時吏弊滋甚每差撥則
呼爭於庭乃按舊試參以時宜著為定規郡吏懾服丁未召為
戶部左侍郎乘傳赴闕甫數月 孝廟登極遷南京戶部尚書
復改南京吏部詳南京吏部
葉淇詳尚書成化二十三年右弘治元年左
劉璋字廷信福建延平府南平縣人天順丁丑進士授戶部主
事歷本部郎中成化 年陞山東右叅政尋轉左 年歷
陞浙江右布政使轉左二十二年陞都察院右副都御史總督
漕運二十 年命撫治鄖陽等處地方本年改撫四川地方弘

治元年歷工部右侍郎本年改戶部右侍郎四年陞左侍郎本年陞南都尚書詳工部

張鶴字大器陝西西安府咸寧縣人成化丙戌進士授刑部主事遷本部員外郎十年陞太原府知府十年陞山西右叅政十年轉左叅政二十二年陞河南按察使弘治元年陞都察院右僉都御史巡撫保定等處地方四年陞戶部右侍郎六年養病於家

吳原字道本福建漳州府漳浦縣人天順甲申進士授禮科給事中歷兵科都給事中十七年陞太僕寺少卿二十三年陞太僕寺卿弘治元年陞戶部右侍郎總督倉場四年陞本部左侍郎九年致仕

國朝列卿紀

卷之三六

二十四

吳原

秦民悅字崇化直隸廬州府舒城縣人天順丁丑進士授行人司行人歷工部屯田司員外郎成化十年陞廣平府知府剛毅開敏多直氣能卓然自立政出公平百廢修舉士民宜之如檢勘荒田馬地共三十餘頃辯冤活獄一十九人招流亡進六千戶皆焯然在耳目十九年滿九載方去民立生祠求大學士劉珝紀其政績祀之陞江西右叅政歷三載陞右布政使弘治三年轉左民悅在江西凡三任察民情最深敷政多從寬恕不尚嚴苛四年陞都察院右副都御史巡撫順天地方整飭薊州兵備未幾召為戶部右侍郎提督倉場六年回理部事陞南都

部

伯鍾詳尚書弘治七年任右

劉大夏湖廣華容縣人天順甲申進士弘治八年任右侍郎九年轉左才已宣大倉場糧草告乏特命兼左僉都御史總督軍餉瀕行周司徒經謂曰邊上糧草半屬京中貴人子弟經營公素不與此輩合此行所謂剛取禍矣大夏曰處天下事以禮不以勢定天下事在近不在遠俟至彼圖之至召邊上父老日夕講究遂得其要領一日揭榜通衢云某倉缺糧幾千石草幾千束每石每束給官價若干封圻內外官員商客之家但願告報者米自十石以上草自百束以上俱准告雖中貴子弟不禁

國朝列卿紀

卷之三六

二十五

伯鍾

也不兩月倉場積蓄有餘蓋在時糴買法有來告糧百千石者草千萬束者方准以致中貴子弟各爭相為市乃轉買邊上軍民糧草陸續運至自此法立有糧草之家自往告報中貴家人即欲糴無處得買也邊上軍民云自劉公收市法行倉場有餘積私家有餘財三十年前僅見此耳踰年上章乞致仕孝皇特旨令馳驛歸養病痊起用歸踪跡不出里閭入官所得俸資每闕族人之貧匱者庚申進右都御史總督兩廣軍務詳兵部韓文詳尚書弘治九年任右

吏部

許進河南靈寶人成化丙戌進士弘治十年任歷吏部尚書詳

李孟暘字時雍河南淮慶府睢州人成化壬辰進士十年除戶
科給事中十四年丁憂十七年起復補前職二十一年陞禮科
都給事中弘治元年陞湖廣左叅政三年陞廣西左布政使八
年陞都察院右副都御史總督南京糧儲十一年陞南京戶部
右侍郎改北十三年轉左十五年陞南京工部尚書正德元年
致仕詳南京工部

王儼字民望湖廣岳州府華容縣人成化己丑進士授兵部主
事丁憂起補刑部又丁憂再起補工部主事選員外郎二十年
陞郎中弘治二年陞成都知府四年改衛輝知府八年陞河南
左叅政十一年陞陝西右布政使尋陞左十二年陞都察院右

國朝列卿紀

卷之三十一

二十六

薛洪

副都御史巡撫山東地方十三年陞戶部右侍郎十六年轉左
十八年命兼左僉都御史督理宣大軍餉正德元年致仕

顧佐詳尚書弘治十六年任右侍郎

張縉字朝用山西太原府陽曲縣人成化己丑登進士初知鈞

州軍民多頑獷以嚴治之皆斂手奉令尋以內艱歸終喪改知
滄州居南北之衝且頻病雨潦多方賑救民賴之安權貴欲請

境內地爲莊田縉不可其事乃寢陞南京工部郎中未三年陞

杭州知府在郡八年節縮百費省民財十有餘萬陞山東叅政

弘治癸丑河決張秋 上命平江伯陳銳都御史劉大夏治之

百需悉委調度及功成遂陞其秩爲右通政屬之行河庚申八

月陞都察院右僉都御史巡撫保定等處疏陳八事皆切民病
辛酉四月陞右副都御史巡撫宣府虜人遮擊屢有斬獲之功
是歲十一月改督漕運造舟之價必預給漕卒必選其精壯者
補之癸亥甲子淮揚連歲告饑奏留糧米賑濟所全活者甚衆
丙寅陞戶部左侍郎時逆瑾專政惡其不已附者會南京戶部
尚書缺以縉往補而卽因事逮之時同逮皆復官惟縉致仕詳
南京戶部

王佐字廷輔山西遼州和順縣人成化戊戌登進士第辛丑除
文選司主事尋丁外艱去甲辰服闋補考功司丁未當朝 觀
之期例覈天下諸司官佐博采輿論必求其當遷考功員外郎

國朝列卿紀

卷之三十一

二十七

甘文

弘治庚戌進驗封郎中太宰三原王公恕知佐亮直調考功司
又直 觀期黜貪濁斥庸懦請托視前加嚴焉甲寅遷太常少

卿提督四夷館尋丁內艱去服闋改順天府丞轍下事繁劾涉

權要佐處之裕如乙丑遷光祿寺卿節縮供應所省甚多正德

丙寅陞戶部右侍郎奉 勅勸功臣地於常州丁卯轉左時劉

瑾用事凡大臣科道使外還者皆有厚餽不然立見罪黜佐獨

無所愧瑾常語人曰世言山西人吝果然自是銜之屬時遣使

稽覈各邊糧芻先後巡撫憲臣多坐累繫獄佐一日同尚書顧

佐輩見瑾瑾言及茲事曰 朝廷必誅戮一番人乃懼耳佐曰

本朝未嘗戮大臣恐不可開端有毀吏部尚書許進者瑾信之語

諸大臣曰某邪奸若某尚書可為吏部佐曰某與尚書素厚與許交淺然許素有時望某尚書恐不如毀之者因譖曰王某實黨進瑾益怒遂遷南京戶部尚書欲姑遺之去而徐圖之耳詳南京戶部

劉幾詳尚書正德二年右

王瓊見尚書正德二年右六年起右七年轉左

韓福字德夫陝西西安府前衛軍籍成化辛丑進士授滑縣知縣丁憂起復補知章丘弘治元年行取擢四川道監察御史九年陞大名府知府十五年陞浙江右叅政十八年進大理寺左少卿正德元年陞都察院右僉都御史巡撫保定等處地方一

國朝列卿紀

卷之三十六

三六

四六

年 命改總督糧儲未任本年改管院事三年陞戶部左侍郎本年 命兼都察院左副都御史督理湖廣通賦福附劉瑾以幹辦取容操切嚴急民甚苦之四年改 命清理查遠東屯田本年免官五年坐附逆瑾謫戍固原 孫交詳尚書正德三年右

吳文度字憲之應天江寧人成化壬辰進士授浙江龍泉知縣境內肅然徵拜南京山東道監察御史秉持風采多所建白丁未擢知汀州府民相與立祠勒石祀而頌之弘治戊午擢江西右叅政壬戌進山西右布政使閱歲轉河南左布政使力富才贍一時弊政釐革殆盡下和買之令禁無名之役人至於今稱

之乙丑拜都察院右副都御史巡撫雲南屬夷酋阿本負險稱亂文度至撫先文告猶弗率乃進師親臨行陣擒其渠魁地方大定夷民納貢賦如中土捷聞 天子降勅獎諭錫與甚厚正德戊辰擢戶部右侍郎尋轉左未幾拜南京都察院右都御史逆瑾用事索賄文度弗應是歲冬改南京戶部尚書致仕詳南京戶部

胡汝礪字良弼號竹巖陝西寧夏衛人成化丁未進士授戶部主事監理清源芻粟力祛宿病狡吏莫敢奸也後進郎中丁父憂服闋授戶部郎中督餉山西邊儲告裕北虜犯大同無可與守者家宰馬文升特權知大同於是總戎重臣不東其下身瘡

國朝列卿紀

卷之三十六

三十九

四六

抑之進順天府承期年進府尹順天雖首善之地然勢族豪右十七其民動遭齟齬乃低昂其間幾何之內亦有陰受其惠者遂進戶部右侍郎 勅董宣府邊務尋改兵部左侍郎兼僉都乃蒞邊政拓宣府屯田以增出地畝進兵部尚書未任卒詳兵部

儲燿字靜夫直隸揚州府泰州人成化甲辰進士授南京吏部考功主事尋陞郎中弘治甲寅太宰鉅鹿耿公奏改吏部考功郎中公留意人才考注臧否無不曲當一時人士竦然戒曰儲君秋陽可畏居南部時考察庶官雖執政親戚知識者咸無假借天下服其公丁巳擢太僕少卿次年遭丁內艱去辛酉起服

補舊職禁吏迎送除民苛費及馬政積弊乙丑陞本寺卿首舉
馬政便民者四事疏上悉見施行譽望日隆性狷介寡合執政
不相悅奏擢都察院右僉都御史總督南京糧儲革倉庾宿弊
裁省供費及條陳應議四事多所惠益正德戊辰擢戶部右侍
郎已巳遷左督儲其蒞政一如南都沉靜端毅中貴同事者咸
見嚴憚時逆瑾用事稱為先生而不敢慢庚午春以疾乞休冬
十月仍起為左侍郎四方多故壬申年為南京戶部左侍郎京
儲虛耗囑籌畫深遠務善後圖癸酉正月改南京吏部左侍郎
八年卒於官見南京吏部

陳昂字 山東兗州府單縣人成化辛丑進士

國朝列卿紀

卷之三十一

三十一

陳昂

弘治十一年陞通政司右叅議十二年轉左十四年陞右通
政正德元年轉左二年陞太僕寺卿三年陞戶部右侍郎總理
倉儲四年陞戶部左侍郎仍督倉儲致仕五年起左督倉儲
喬宇字希大號白巖山西太原府樂平人成化甲辰進士丙午
授禮部儀制司主事丁憂弘治庚戌服闋除吏部文選清吏司
主事壬子署考功司員外郎丁巳補郎中辛酉調文選司郎中
日益勤勵門無私謁凡三與考察輿論稱允至於拔進賢才杜
塞僥倖屏退儉壬無不贊行之壬戌遷太常少卿八月有事
南郊命導 駕齋壇正德丙寅命分祭中鎮霍山黃河四海媽皇
商湯王陵及 晉代瀋諸王陵園事竣之日咨諏民隱為六事

上之多見采納戊辰轉光祿寺卿專以裁節浮費以甦民困為
務一歲陞戶部右侍郎庚午遷左春至六月不雨漕河涸奉命
禱祭海嶽遂雨時宦瑾用事公卿多通關節恬然自守後瑾敗
獨傲然不為所汙辛未轉南京禮部尚書詳吏部

陳震字文靜上世武進人也曾祖肆從 太祖定天下累陞都
督僉事蔭其子友為蔚州衛同知正統間改慶陽衛長子福夢
老媪以玉麟與已曰是汝子當以文易武也震生疑重洞達人
咸異之成化甲午中鄉試高等登丁未費宏榜進士弘治戊申
拜某道監察御史風裁凜然丁巳陞山西按察司副使耻尚嚴
峻務以德化壬戌陞本司按察使憲度益修正德初以御史盧

國朝列卿紀

卷之三十一

三十一

陳震

儀事註誤左遷兩淮運同轉長蘆鹽運使司而支正三品俸力
請致仕得 旨命允居數年以附逆瑾吏部張綵薦其才可重
授起陞光祿寺卿已復陞戶部右侍郎庚午夏值寶鑄及逆瑾
欲彌縫其失改為兵部右侍郎兼都察院左僉都御史總全陝
之師以討之冀其成功柄用之至則罪人已獲乃撫安夏人屬
鎮西將軍曹雄取其餘黨悉命指揮黃正起解欲以獻俘為功
八月劉瑾伏誅以累罷歸卒於家詳三邊總督
毛紀字維之山東萊州府掖縣人正德十五年任詳內閣
韓昂字廷器陝西慶陽府合水縣人辛丑登進士第乙巳還為
禮科給事中丁未 孝宗嗣位首陳公銓選經財用嚴兵衛崇

天道四事尋差陝西寧夏二鎮給散官軍賞資能盡革侵漁之弊由是人沾實惠戊申遷右給事中時西夷貢獅所過騷然上疏言 陛下初政放珍禽異獸天下聞而誦之今未踰年而納此貢恐無以示信於民宜罷遣之又以 皇嗣未廣為憂上言禮天子一娶十二女以廣儲嗣重大本也今舍是弗圖乃信邪說建設齋醮將以徼福不已惑乎 上感其言優詔答之進左給事中太常卿丁永中少卿蒙以祺俱由黃冠金紫神樂觀車素雲竊祭服售人事覺因火其藏以滅跡永中等庇素雲以災聞請明正其罪且乞用文學之臣以充太常庶知法守素雲乃下 詔獄衆論快之親藩將行婚禮詔給淮鹽一萬引為助

國朝列卿紀

卷之三十一

三十一

四百六

上言凡賜鹽須遣中使支費因多市私鹽舟艦塞江官莫敢問鹽法且大壞請令有司給價與之便 詔如其言是時四方奏報災異甚多 上懼撤樂減膳詔百官修省言缺失乃陳謹大要堅大信崇節儉簡大臣重藩臬五事明年辛亥又上明正學導舊制抑異端三事復因星變極陳時弊指斥貴近無所回互且乞遍覽羣臣章奏言有理者悉施行之 上皆嘉納擢通政司右叅議乙卯應詔陳言有克實心以消天變清軍匠以省軍儲正服舍以革僭越抑豪右以便商民數事言亦剴直調南京尚寶司卿尋改南京通政使司左叅議庚申擢右通政駐平安鎮督理河道申明禁例不為貴勢所奪又置朱家淺等閘使水

有節縮濬汶上萊蕪諸家泉及淤河運舟賴之隄南旺湖以障泛濫民得耕種其湖內田流徙復業乙丑擢通政使督理柴薪於易州厥盡剔宿弊完通薪一千七百萬有奇以母憂去職服除遷戶部右侍郎遂引疾致仕既歸脫略邊幅日與親識觴詠為樂鄉人益敬重之後生被其接引者皆自以為得所歸依不忍去正德乙亥卒壽七十九再為給事中遭際 聖明言輒為上所用天下多稱其賢嘗謂言官進言宜切時弊證以先王之法酌之中道庶有裨於治其考績當以所言事 國家大計者多寡為殿最不當叙文書出納為勞又謂攻君之過不若養君之德諫官言事當在經筵進講後識者以為名言蒞官所至皆

國朝列卿紀

卷之三十一

三十一

四百六

若能聲而平安惠政尤多民思之為立生祠云所著有斗菴集一卷尚寶司實錄一卷慶陽府誌十卷藏於家 叢蘭字廷秀山東文登縣人弘治庚戌進士除戶科給事中陞兵科右給事中在科遇事必言至忤 旨下獄不挫十四年陞通政司右叅議轉左經略紫荆等關邊人賴之以內艱歸正德戊辰陞右通政庚午差延綏規畫邊務清屯督儲抽選軍丁至則寧夏變作延綏洶洶益鎮之以靜疏民心所甚不便者 詔已悉行之逆瑾銜甚蘭處之如平時瑾誅陞通政使未浹旬以三邊告乏陞戶部右侍郎兼左僉都督寧夏等處糧儲值歲旱禱於羣望鞠究釋繫三邊皆雨引開中鹽無敢私謁商通而事

濟諸有補於邊儲皆條上行之又勅兼管固靜等處軍務時
 山東河南羣盜猖獗蘭恐內地齊民不勝供億之苦疏請別處
 軍餉廷議召巡撫盧鳳淮揚并以賑濟委之七年春至鳳陽
 賊已壓境督率吏士遏截邀擊俘斬二千餘溺死數萬賑濟所
 全活者十二萬六千八百餘撫釋脅從幾六千人民爲立生祠
 還朝賜勅獎勵陞俸一級廕子太學生八年奉勅巡視西
 路兼督宣大軍餉九年陞右都御史總制宣大詳南京工部
 邵寶字國賢直隸無錫縣人成化甲辰進士授許州知州舉動
 皆風教事尤急民事課農立社倉積散法釐正糧籍民稱便弘
 治七年徵爲戶部員外十年進郎中操履清潔十三年陞江西
 國朝列卿紀 卷之三十六 三十四
 提學副使崇雅黜浮十八年陞浙江按察使正德二年陞浙江
 右布政使三年陞湖廣左四年陞總漕左副都御史瑾銜之令
 致仕瑾誅起撫貴州未任改戶部左侍郎疏乞終養詳南京禮
 部尚書
 王寅字敬夫直隸容城縣人成化辛丑進士授大理右評事進
 寺副執法惟謹弘治壬子陞福建僉事辛酉陞陝西副使分理
 馬政還牧地於官數萬頃刮奸剔蠹拒請託制強禦韓藩支
 庶持實帶造寅所求救子竟論如法正德丁卯遷廣西按察使
 簡易安靜已巳陞四川右布政使尋陞太僕寺卿馬政一新康
 午陞工部右侍郎督山廠辛未改戶部以外艱歸甲戌服除改

刑部詳刑部
 楊潭詳本部尚書正德八年右九年左
 侯觀詳總儲正德九年右十三年左
 鄭宗仁詳總儲正德十三年右十四年左
 邊憲字汝成直隸任丘縣人成化甲辰進士授青州府推官讞
 獄如老吏均六府之役奸莫能售弘治癸丑擢湖廣道御史按
 宣大山西嚴遼東邊儲所至有聲陞淮安知府以憂歸改鳳陽
 正德丁卯陞浙江副使忤逆瑾至罰米二千石竟不少挫庚午
 陞按察使尋轉右布政使辛未陞右副都御史巡撫山東以流
 賊弗靖逮獄甲戌以原官起撫寧夏督芻糧飭邊備禦虜多所
 國朝列卿紀 卷之三十六 三十五
 斬馘丁丑陞南京刑部右侍郎乙卯改戶部以憂歸服除以
 侍郎總督太倉疏漕運數事未幾轉左蒞部事嘉靖二年陞南
 京刑部尚書
 秦金見尚書正德十五年右十六年左
 鄒文盛見尚書正德十六年右嘉靖二年左

國朝列卿紀卷之三十七

南京戶部左右侍郎年表

趙倫 陝西涇州人 鄉舉宣德元年任右調河南布政使

段民 直隸武進人 進士宣德五年任右調南京刑部右

成均 直隸鹽城人 監生宣德七年任右致仕

徐晞 直隸江陰人 吏員正統四年任左詳兵部尚書

王淪 河南太康人 進士正統五年任右被劾乞休

張鳳 直隸安平人 進士正統六年任右兼督糧儲部事詳本部尚書

謝璉 福建龍溪人 進士景泰元年任右理部事

楊輿 福建晉江人 監生景泰七年任右致仕

馬諒 直隸和州人 進士天順元年任左

俞綱 浙江嘉善人 鄉舉天順元年任左掌部事

譚溥 山東昌邑人 進士天順五年任右掌部事

馬諒 詳前天順六年任左掌部事

陳翌 直隸虹縣人 進士天順七年任左掌部事陞本部尚書

黃琛 福建將樂人 進士成化五年任右兼左倉都御史回掌部事

馬顯 直隸永年人 進士成化七年任右署本部事詳南京兵部侍郎

王恕 陝西三原人 進士成化九年任左詳吏部尚書

潘榮 詳前書成化十二年任右十四年改督南京糧儲右副都御史

李和 河南安陽人 進士成化二十一年任右署工部事

侯瓚 直隸雄縣人 進士成化二十三年任左歷南京兵部尚書

李益 陝西長安人 進士弘治五年任右致仕

李孟賜 河南睢州人 進士弘治十一年任

鄭紀 福建仙遊人 進士弘治十五年任右詳本部尚書

陳全 詳前書弘治十七年任

郝志義 陝西清澗人 進士正德元年任右

王珩 直隸趙州人 進士正德二年任右致仕

王瓊 山西太原人 進士正德四年任右詳吏部尚書

胡富 直隸績谿人 進士正德四年任右詳本部尚書

張志淳 雲南永昌人 應天江寧人進士正德五年任右致仕

儲確 直隸秦州人 進士正德七年任左收南京吏部左侍郎

王鴻儒 河南南陽人 進士正德八年任右詳本部尚書

蔣昇 廣西全州人 進士正德十年任右詳本部尚書

蔣恭 四川巴縣人 進士正德十六年任右致仕

吳廷舉 廣西蒼梧人 進士嘉靖二年任右詳南京工部尚書

徐蕃 直隸秦州人 進士嘉靖三年任右改工部侍郎

胡銳 直隸長垣人 進士嘉靖三年任右致仕

楊果 直隸興化人 進士嘉靖八年任右卒於官

顧珀 福建晉江人 弘治己未進士嘉靖八年任右侍郎詳戶部左

唐胃 廣東瓊山人 弘治壬戌進士嘉靖十三年任右侍郎詳戶部左

國朝列卿紀卷之三十七

袁宗儒 北直隸雄縣人正德戊辰進士嘉

王潮 南直隸丹徒人武功衛籍正德戊辰進

汪珊 南直隸貴池人正德辛未進士嘉

王暉 應天何容人正德丁丑進士嘉靖二十

夏邦謨 見本部尚書嘉靖

張聰 南直隸大興人正德甲戌進士嘉

韓世英 見本部尚書嘉靖

王道 山東武城人正德辛未進士嘉

侯綸 山西太原人正德辛未進士歷兵部右侍郎回籍嘉

方鈍 湖廣巴陵人正德辛巳進士嘉靖

國朝列卿紀

卷之三十七

三

陶翁

駱頴 四川富順人嘉靖癸未進士嘉靖三

陳儒 錦衣衛人嘉靖癸未進士三十

楊宜 北直隸衡水人嘉靖癸未進士三十二年任右

王誥 河南西平人嘉靖癸未進士三十

黃懋官 福建莆田人嘉靖戊戌進士三十六年任右

王廷 四川南充人嘉靖壬辰進士三

游居敬 福建南平人嘉靖壬辰進士三十九

林應亮 福建侯官人嘉靖壬辰進士三十九

黃養蒙 福建南充人嘉靖辛丑進士四

陳堯 直隸通州人嘉靖乙未進士四十二年

張珙 山西石州人嘉靖乙未進士四十

徐養正 廣西馬平人嘉靖辛丑進士四十四年任右

萬士和 直隸宜興人嘉靖辛丑進士

洪朝選 福建同安人嘉靖辛丑進士

盛汝謙 直隸栢城人嘉靖辛丑進士

張守直 順天遵化人嘉靖甲辰進士

徐貢元 直隸繁昌人嘉靖辛丑進士

喻時 河南光州人嘉靖戊戌

楊思忠 山西平定人嘉靖辛丑

畢鏞 直隸石埭人嘉靖甲辰進士

國朝列卿紀

卷之三十七

四

陶翁

梁永祿 山西長治人嘉靖甲

曹三陽 直隸宜興人嘉靖甲

汪宗伊 湖廣崇陽人嘉靖戊

程嗣功 直隸歙縣人嘉靖丁

陳道基 福建同安人嘉靖庚

王廷瞻 湖廣黃岡人嘉靖己未進士

王緝 山西汾州衛籍定遠人嘉靖己未進士萬曆十

宋繼 河南商丘人嘉靖己未進士萬曆十二年以

楊之魁 山西安邑人嘉靖乙丑進士萬曆十三年以巡

方弘靜 直隸歙縣人嘉靖庚戌進士萬曆十

顧養謙 直隸通州人嘉靖乙丑進士萬曆十七年任

周繼 山東歷城人嘉靖乙丑進士萬曆十八年由應天巡撫擢任

國朝列卿紀

卷之三十七

五

陳良 五十六

南京兵部左右侍郎行實

趙倫字 陝西西安府邠州人洪武中由歲貢入太學擢兵部職方司郎中宣德元年陞戶部右侍郎泣事留都四年命

巡視浙江地方五年以事調山西左叅政進右布政後改河南

布政使卒於官

段民字時舉直隸常州府武進縣人自幼溫重穎敏喜學登永

樂甲申進士第為翰林庶吉士文學大進與修永樂大典丁內

艱去服闋除刑部山東清吏司主事授承直郎泣官廉慎而明

敏克勤恒存哀矜惻怛之心處疑獄必歸於厚踰年扈從赴北

京召修四書五經及性理大全書成被 重賜復還刑部陞郎

國朝列卿紀 卷之三十七

六

石全 四十八

中益精獄議陞山東布政司叅政同舉中多良難民曰竭力以

共吾職耳何足計利害哉下車數載宣德意整飭紀綱撫綏殘

氓剗革宿弊政理一新吏民悅戴居三年召同考禮部會試人

服其衡鑑又三年召赴闕 命以本官署戶部右侍郎之南京

是時 車駕在北京久南京諸司習於輒惰任錢穀刑名者其

務叢脞尤號不治至則躬勤率之莫敢或違始若杆格已而服

從咸修其職明年實授本部右侍郎又明年改刑部見南京刑

部

成均字 直隸淮安府鹽城縣人性至孝永樂六年由歲貢

入太學擢廣東道監察御史彈劾無所避歷江西按察司副使

宣德三年陞刑部右侍郎五年巡撫浙江築捍海隄民賴之
年改戶部右侍郎瀝事留都正統四年乞致仕尋卒於官

徐晞字直隸常州府江陰縣人由吏員授繕工司都事歷

工部郎中晞有巧佞才外示謙厚心懷機械多以智術籠人又

善結中官王振宣德十年假督工勞超陞試兵部右侍郎命

簡閱陝西臨洮諸衛軍士尋勅鎮守甘肅地方正統元年召還

實授兵部右侍郎本年虜酋朵兒只伯寇西陲復命鎮守涼州

莊浪諸要害地晞規免其地又賄王振改遷南京戶部左侍郎

及張太后崩振益恣橫弄權六年麓川思任發初叛振另遣

將失利事下內閣議大學士楊士奇等謂遠夷不足較且為耕

國朝列卿紀 卷之三十七 十七

守計振逞忿不從與兵部尚書王驥謀用兵又以晞為腹心薦

督軍餉起東南兵十五萬給餉者倍之窮其巢穴而首惡終不

可得疲耗中國濫費爵賞不可勝計且以為功封驥靖遠伯陞

晞兵部尚書餘詳兵部

王淪字河南開封府太康縣人戶部尚書王鈍之子也永

樂丙戌進士改庶吉士作養翰林院七年授左春坊左司直郎

歷參議正統五年召陞戶部右侍郎瀝事留都本年出督浙運

六年劾免

張鳳詳本部尚書正統六年任本部右侍郎兼督南京糧儲黨

部事景泰三年轉本部左未幾進尚書四年轉南京兵部

謝璉字廷器福建漳州府龍溪縣人宣德丁未進士一甲第二
名授翰林院編修正統中陞侍讀景泰元年上治安疏一十五
事俱切時政 上俞行之本年陞南京戶部右侍郎理部事七
年卒於官

楊輿字福建泉州府晉江縣人附籍京衛正統中由監生

授 邸王府伴讀十二年陞處州府知府景泰元年以潛邸恩

進戶部郎中 年陞鴻臚寺卿七年陞南京戶部右侍郎天順

元年致仕

馬諒字子諒直隸和州人宣德壬子領鄉薦癸丑中進士丁外

艱服除授行在吏科給事中數陳時事閭切知大體奉使山右

國朝列卿紀 卷之三十七 八

封藩王恪謹禮儀賞資一無所受正統甲子陞山東布政使左

叅議景泰辛未陞應天府尹天順丁丑陞南京戶部左侍郎三

月奉表賀闕下陳情歸省有寶鑑之賜六月丁母憂庚辰召至

京瀝事戶部壬午復南京戶部癸未滿九載上疏乞骸骨 詔

許之蓋諒尹應天時嘗忤權貴思有以中傷之久矣至是以老

疾為言而諒年纔五十八實未老士論惜之諒為人精敏究心

吏治其始至山東也循行郡邑訪庶政得失察百司賢否廢興

黜陟悉協公議會河決張秋 朝廷雖遣大臣治之然分理之

務多出於諒小訖不能為患正統末胡寇犯邊降虜安置山東

者欲乘機為亂 朝廷憂之以勅諭三司戢民守城諒曰此勅

不可使聞於眾俄有馳生檢劫寇文移至者乃集眾諭之眾咸帖服民有感於後妻而欲置子於法乃論其父母曰昔夫子為政誅少正卯而宥不孝以教令不明也今爾子有凶德乃吾屬教令之失非由爾民之罪也其父母感悟遂請釋之還為孝子有民婦與夫兄有隙而縊殺其子姦人之婦而殺其夫匿其牌以強占民田盜米廩餘地以廣其居皆久訟不決諒一訊即伏其辜歸其侵地而於負冤者尤力為辯雪比至應天府事填委裁決如流案無留牘深水民素健訟一日投牒至八百餘視其虛實而異置之召訟者曰某也實某也虛虛則受答實則待勘民願受答者十之七八待勘者不一其俗人死而利其妻者

國朝列卿紀

卷之三十七

九

土端

出棺殮之人已出棺復有載棺至者其欲嫁後至者用其棺而先出棺者訟於縣不直復訟於諒乃責令曰薄俗不能禁民死無所歸安用令為乃杖出棺者以棺給貧民而歸其妻於所親使俟終喪別適焉六合貧民與其弟妻同劫人三斛粟事覺當棄市諒曰以三斗粟而殺一家三人吾不忍也乃為出其弟妻其人臨刑號於眾曰吾死無所憾但吾尹之德無以報爾句容有因人死而棄毀其屍者所司擬以支解人罪獄上諒不可曰死後棄毀詎可與生前支解同科為輕減之先時堂鈔獨歸於尹凡百供需悉出倚郭二縣民不勝擾諒至一無所取分給僚屬餘則儲以備燕饗饋贖又積其餘以為工傭之費名曰公餘

錢凡重建府治修葺廟學創立貢院皆取給於此無勞民傷財之患既擢試地官未越月綱紀秩然政有未便者條陳於上苟益於時無所顧忌先是為參議時陳撫軍民五事府尹秩滿陳恤民十三事朝覲至京陳便民九事上覽疏嘉之多見施行蓋諒歷官中外三十年門無私謁謝事而歸囊橐蕭然田宅讓諸弟姪別建居室少買田業治常產而家無綱紀之僕多諒自綜理暇日閉門焚香繙閱墳典課子姪業明經而已嘗道至訪以時事輒謝曰老耄無所與聞與守臣言無一語及私鄉人以請托至者拒絕之或以利動則曰吾後事具矣安用此為其清節雅操老而不變逝年七十有七

國朝列卿紀

卷之三十七

十

孫李

俞綱字宗立浙江嘉興府嘉興縣人寓上元為諸生改隸順天正統元年舉修宣廟實錄三年授中書舍人六年 邨王受封簡輔導 詔綱侍講歷審理正為人和厚密無疾言遠色謹身率職稱為長厚君子十四年 邨王即位以輔導恩陞太僕寺卿十二月進兵部右侍郎入內閣 年侍經筵三月尋出理部事景泰二年歷兵部左侍郎三年易儲加太子少保仍兼原職天順元年調南京戶部左侍郎六年改南京兵部詳南京禮部 譚溥字澤民山東萊州府昌邑縣人父義司訓大名遂附籍中順天鄉試取宣德癸丑進士授刑部主事遷遼東苑馬司少卿

景泰二年陞廣右叅政越四年改江西七年陞陝西左布政使
天順五年召爲南京戶部右侍郎掌部事六年卒於官

陳翌詳本部尚書天順七年任左侍郎掌部事

黃琛字廷獻福建延平府將樂縣人正統己未進士登第授戶

部清吏司主事未幾署員外郎時朝廷遣巡撫江南總

督糧儲有言其歲久糧耗而弊滋由是琛出按事稍嚴有司望

風震懾或曰使有勞效有惠在人盡少緩琛曰功過不相掩

且吾知奉命清革耳今日巧名之多浮費之鉅如所謂不費之

輿梁無跡之巨耗與夫釋老之虛金碧輝輝郡邑相望皆國之

錢穀民之膏血也此欲獨爲典司者隱邪竟以實聞公論愜服

國朝列卿紀 卷之三十一 十一 周德 晉空

尋陞郎中景泰癸酉陞江西左叅政進左布政使丁內艱起復

調浙江所至寬厚正大不察察於簿書之末而惟植善抑邪保

境安人尤注意守令之選以爲得方岳重臣體成化丁亥起遷

南京戶部右侍郎庚寅奉 勅四川巡視撫按考察悉從便宜

琛以求民隱精黜陟爲已任不憚險僻偏州小邑躬自涉歷有

所陳白悉報可辛卯冬始復任以勞勩故多病感 上恩遇未

敢言去卽奏乞歸展省未得而病卒成化九年年六十有一琛

外和而內剛寡交與平生不識權貴不諱異端不禮淫祠好善

嫉惡出於至誠流俗之人鮮當其意者有清鑑善臧否人物率

多中至今能傳之

馬顯字文明直隸廣平縣人正統壬戌取進士授戶科給事中

已巳北征幾沒於陣景泰初進都給事中適權奸用事顯指陳

得失多所裨益尋忌者出爲河東都轉鹽運使鹽法流通國計

用裕天順戊寅擢四川左布政使時蠻寇猖獗境內繹騷顯督

畫戎務調度軍餉蜀人賴以帖然旬宣之政不可悉數秩滿用

巡撫都御史奏復留三年成化庚寅擢南京兵部左侍郎七年

署戶部事值歲大祲奉 詔巡視鳳陽等郡民瘼撫窮獨擊奸

慝民賴安堵轉左侍郎詳南京兵部

王恕字宗貫陝西西安府三原縣人生而魁偉高岸音吐如鍾

見者異之正統戊辰登進士選入翰林爲庶吉士授大理寺評

國朝列卿紀 卷之三十七 十二 周德 晉空

事歷左寺副陞揚州府知府天順間遷江西右布政使轉河南

左布政使未踰年歷都察院右副都御史撫治南陽荆襄時南

陽豪爭礦殺人恕獲其渠魁餘悉解散以內艱去會襄陽盜起

詔恕起復會兵搗其巢走之及劉千斤輩作亂恕亦會王師平之

復榜示流民諭使復業民爲建生祠繪像事之益平遂 勅撫

河南進左副都御史風采懍懍有所興革兵民甚宜之後改南

京刑部左侍郎丁憂成化八年河道淤阻特起刑部左侍郎總

理恕躬視上下奏揚州一帶河道止藉高郵邵伯等湖所積雨

水接濟河身比湖身頗高每湖水稍耗則淺澁不能行舟若將

河身比湖身濬深三尺則湖水自來河水自深雖遇乾旱亦不

阻船又云高郵湖自杭家嘴至張家溝三十餘里俱係磚砌岸每遇西風大作損壞船隻前項堤岸之外地勢頗低若濬深三尺濶十二丈取土以為外堤就將內堤減水閘改作通水橋洞接引湖水以內行舟仍於外堤造減水閘三座以接水利雖遇風濤亦無前患并查雷公上下塘甸城塘陳公塘俱古跡各有放水減水閘座若每塘修造板閘一座減水閘二座濬則減水不致衝決塘岸旱則放水得以接濟運河疏入俱允行之尋改南京戶部左侍郎會雲南夷獠為梗改都察院左副都御史巡撫其地有直聲歷吏部尚書詳吏部

國朝列卿紀

卷之三十七

十三

王翰

糧儲

李和字本中河南彰德府安陽人天順丁丑進士授吏科給事中嘗論事忤旨廷杖幾死遷都給事中成化十六年陞通政司叅議十九年遷右通政每居一官積年不徙成化末李孜省以左道進而大臣競樹黨中官梁方等用事最後萬喜有寵士夫躁進者各擇從朝合夕遷和以靜正淹滯鄉有齊姓者因和久次謂曰公常恬如將俟河清邪今諸貴人亦素敬愛持二帕贊造請食頃耳而卿佐可得時乎時乎可隨而不可與之翻也和謝曰吾輩之葵婦黑髮守節皓首乃求聘乎退謂所親曰吾見附人者有害亡利是時有郎中素結倡優進欲為通政乃傳

旨遷和為南京戶部右侍郎以彼代和至戶部六閱月而卒和豐貌恢量雖倉卒言色罔躁喜愠莫顯然內含獨朗事低昂及人賢不自不失分寸父光道得疾彌年和自奉養躬上溺器久益處儉薄不計生產子華少好俠稍侈和每責之曰由奢入儉艱爾少安爾老必辛苦又善說中庸太宰姚夔嘗稱之曰不競不激含蓄光景如澄淵亡波自瑩珠玉後渠甥崔銑曰銑先親李公長女也銑猶及見李公家君居貧時李公知家君賢妻之先親嘗言鄉里先輩李文達耿清惠皆與李公善謂李公量如忠獻公嗟乎恨銜風木感切渭陽沒吾身焉爾矣

國朝列卿紀

卷之三十七

十四

孫本

天順中陞戶部員外郎成化二年陞鳳翔知府八年陞山西右叅政十七年陞光祿寺卿二十一年陞都察院右僉都御史巡撫甘肅二十二年歷兵部右侍郎本年改南京禮部二十三年轉南京戶部左侍郎掌部事弘治五年陞南京工部尚書詳南京兵部
李益字景賢陝西西安府長安縣人戶部左侍郎選之子也中陝西癸酉鄉舉明年甲戌取進士授知縣擢御史陞山東按察使歷右布政使轉左成化二十二年陞右副都御史總理糧儲弘治三年陞南院右副都御史嘗督院事五年陞南京戶部右侍郎十五年致仕

李孟賜字時雍河南睢州人天順壬午中河南鄉試成化壬辰登進士擢戶科給事中乙巳擢都給事中弘治戊申擢湖廣左叅政庚戌晉廣西右布政使乙卯遷都察院右副都御史提督南京糧儲奏修官廨以便分理折支勲臣祿米以省轉輸戊午轉南京戶部侍郎壬戌進拜南京工部尚書詳南京工部鄭紀詳本部尚書弘治十五年任本部右侍郎陳金詳本部尚書弘治十七年任郝志義字宜之陝西延安府清澗縣人中成化陝西戊子鄉試明年已丑取進士授大理寺評事錄囚河南釋無辜者三百七十人決大辟十人定疑獄三十五人時汴洛久旱乃大雨由是國朝列卿紀 卷之三十七 十五

名著擢山西僉事痛懲兇惡復陞山東按察司副使巡撫徐公源知其貧白金贖之不受後起布政弘治十八年進右副都御史巡撫湖廣正德元年陞南京戶部右侍郎二年致仕

王珩字美器直隸真定府趙州人成化辛卯中順天鄉試乙卯取進士弘治二年陞工部給事中八年陞太僕寺少卿十二年改右通政十四年陞光祿寺卿十八年改南太僕寺卿正德二年任南京戶部右侍郎四年致仕

王瓊字德華山西太原府太原縣人成化甲辰進士授工部屯田司主事弘治四年陞屯田司員外郎六年陞都水司郎中九年改戶部陝西司郎中十二年陞山東右叅政十四年守制十

六年補河南左叅政十八年陞河南右布政使正德元年陞都察院右副都御史整理兩淮鹽法二年取回本年改總督漕運未任尋陞戶部右侍郎三年改吏部右侍郎本年調南京吏部右侍郎四年改南京戶部右侍郎本年丁憂六年復任戶部右侍郎詳吏部尚書

胡富詳本部尚書正德四年任右侍郎

張志淳字進之應天府江寧人以戎籍編雲南永昌衛舉雲南成化庚子鄉試第一登甲辰進士二甲第四人弘治三年授吏部文選司主事五年丁外艱九年起復補驗封十二年擢稽勲員外郎十五年調考功時以賢明考最十七年擢稽勲郎中旋國朝列卿紀 卷之三十七 十六

調考功十八年進文選郎中在文選時循部規采輿論用賢拔滯門無請謁與前文選天台黃孔昭齊名正德元年擢太常寺少卿提督四夷館二年遷正卿懲八館子弟空名之弊舊習一變進南京工部右侍郎改南京戶部未幾致仕其功名事業中外著稱晚年著書自娛尤究意詩文書畫咸精造名家嘉靖十二年進階通議大夫十六年 詔有司問勞年八十一而卒所著有南園集西銘通南園漫錄續錄永昌二芳記數十種滇南人物登台階者聲自志淳云

儲確字靜夫直隸泰州人成化甲辰進士授南京吏部考功司主事尋陞郎中弘治甲寅奏改吏部考功司郎中下巳擢太僕

寺少卿次年丁內艱辛酉起復補舊職乙丑陞本卿首薦馬政
便民者四事疏於 朝悉見施行譽望日隆性狷介寡合執政
不相悅奏擢都察院右僉都御史總督南京糧儲革釐宿弊裁
省供費及條陳應議四事多所惠益正德戊辰擢戶部右侍郎
已巳遷左侍郎督儲其漉政一如南都庚午春以疾乞休冬十
月仍起為左侍郎壬申年為南京戶部左侍郎京儲虛耗蠲籌
畫深遠務善後圖癸酉正月改南京吏部左侍郎詳南京吏部
王鴻儒詳本部尚書正德八年任本部右侍郎

蔣昇詳本部尚書正德十年任本部右侍郎
蔣恭字 四川重慶府巴縣人成化丁未進士授中書舍人
國朝列卿紀 卷之三十七 十七

七年改制房辦事十年陞吏部驗封司員外郎十六年陞驗封
司郎中正德元年丁憂四年降一級五年復驗封司員外郎本
年復驗封司郎中六年陞南京太僕寺少卿七年陞南京右通
政十年陞南京光祿寺卿改北十二年陞都察院右副都御史
總督南京糧儲十六年陞南京戶部右侍郎嘉靖二年致仕
吳廷舉字獻臣湖廣嘉魚縣人洪武中其祖茂廣西梧州遂隸
戎籍成化丁未舉進士嘉靖二十年任南京戶部侍郎本年陞
右都御史理南畿歷南京工部尚書詳南京工部
徐椿字宣之直隸揚州府泰州人弘治癸丑進士乞終養歸後
請選授南京吏科給事中以朋論逆瑾輩逮獄被杖幾死放為

民瑾誅起為江西叅議正德七年陞浙江提學副使抑戒浮靡
崇理學九年吏部旌方面官碩望素孚以勵天下蕃與焉十年
陞山東右叅政十四年陞山西左布政使十六年陞順天府尹
本年陞右副都御史撫治鄖陽嘉靖二年陞南京戶部右侍郎
蕃性簡淡寡嗜好居處衣饌取給而已嘗見其子治室頗整大
恚之素無妾媵其配在家為購少女備中櫛菴歸見而訝之配
告以故即日命併裝直遣還其家四年改工部右侍郎提督易
州山廠詳工部

胡錠字 直隸大名府長垣縣人弘治己未進士授南京刑
部山東司主事十七年陞南京刑部廣西司員外郎十八年陞
國朝列卿紀 卷之三十七 十八

南京刑部廣東司郎中正德四年改兵部武選司郎中本年陞
黃州府知府六年陞江西副使十一年陞山西按察使十二年
丁憂十五年補浙江按察使十六年陞浙江布政使嘉靖元年
陞都察院右副都御史巡撫山西二年改命督漕運三年改南
京都察院右副都御史兼督操江四年改南京戶部右侍郎
楊果字實夫先為丁溪場人果始定居興化舉鄉試開吏部郎
蔡虛齋講學修贊問易其門盡得肯綮壬戌試春闈擢第二
廷試二甲進士即告歸省父疾父卒果三年號泣不輟服闋謁選
授戶部主事掌本科凡經國大章奏多出其手時逆瑾用事屢
疏得歸養病正德庚午赴職乞便養改南京戶部尋陞南刑部

江西司郎中執法不避權貴八年入為吏部稽勲司郎中九年
改文選郎中黜陟明允請託不行楊公廉謂其門可羅雀大耐
官職陞南京右通政攝刑部事三大讞誅死罪無冤改提督騰
黃聞寧賊變建言九事以養母請歸嘉靖改元用言官薦起南
京太僕寺卿陳馬政便宜數事從之進太常寺卿又以母老乞
歸養復薦起南京戶部右侍郎署印校勘總核部政秩如中貴
有家人冒攬 內府紙價果寘之法并參怙計官本年以疾卒
於官果天性孝友歷官南北以母老在室不挈妻子業師家四
喪相繼皆為舉之而恤其孤嘗曰予自視實多曠廢惟不識瑾
寧彬三兇差可免愧耳斯足規所養云

國朝列卿紀

卷之三十七

十九

陶見

顧珀字載祥福建泉州府晉江縣人珀生而筆奇童時即善偶
對稍長刻苦力學弘治乙卯領鄉薦己未舉進士除知虹縣有
惠政丁父憂正德丙寅起復補旌德察民瘼擇所宜利者行之
於訟獄立為剖白每比以情鄰邑有淹繫數年不決者咸來求
質尤勤積貯值闕郡歲饑獨旌民得免草移爭樹碑頌德權守
和州復罹大饑倒倉庫所蓄賑之不俟申報巡按捧部檄督通
賦甚亟公計民貧無措召富商諭以大義商各輸所有貸官至
秋成還之商民俱無累州有蘆課勢家侵佃相仍公查收買者
給批輸限無敢違者以治行旌擢南京考功郎中丁母憂服闋
改除庫部諸司薪隸舊以衙門大小有軒輊公革積蠹一例分

給人無間言收倉厥俸米除斛山杜侵盜納戶稱便京衛勾解
多影射為奸公於清勾冊內弔戶部月支冊查對積猾不敢弄
手軍士有功陞職官原籍多解丁補伍公請行印綬監查黃是
實將戶丁發回原籍當差軍免重役陞湖廣布政司參議督儲
各府起運錢糧及王府祿米衛所糧餉節年負額幾倍公設法
綜會賦以不虧屯田瀕江以堤岸圯壞不修損屯額查累年拖
欠軍士月糧每石折銀三錢令軍士砌築一丈者給銀六錢不
加賦而堤岸悉砌完行部至漸有妖僧詐稱奉 勅往名山掛
旛所在恣橫公密發其奸置之法已卯寧庶人反南昌公駐黃
梅扼險為池皖援會 武廟親征人爭逃竄公榜諭安輯地方

國朝列卿紀

卷之三十七

二十

劉江

恃以無恐事平乞休凡四上不允 世宗入承大統以護送
聖母勞有金幣之賜復上疏乞休奉 旨准致仕都御史席文同
御史何鰲唐符馬紀薦劾歲聞至嘉靖五年丙戌起公四川按
察司副使整飭威茂二州公至修理城堡墩臺關口召募武勇
彈壓羌夷歷年賞番虛糜歲計五萬餘兩公一一核實餘銀幾
萬兩廣募民鑿石坎開大衢便商往來土番來貢挾利器公創
會館差官把守令夷人釋刀易馬乃入郭民免毒擾後守為定
規踰年陞河南右叅政又明年戊子陞江西左布政使值賈興
廷差京官主考公職提調嚴關防去取悉裁自內廉人稱得體
時 朝廷有龍虎山之役公不忍派民因查庫藏見三巨桶封

識朽敝簿籍不載啓視之爲金遂申撫按以此銀署工程餘作
歲例差官解部是秋擢南京太僕寺卿檢舊牘振舉馬政見近
郊腴田荒蕪間之係屯田以官徵上手拖欠故不敢耕公令軍
民人等開墾成田之後照畝徵糧以足屯額不失已丑陞南京
太常寺卿尋陞南京戶部右侍郎公署篆疏上便宜十三事留
心度支京廩充溢攝憲部攝都臺兼督江防俱勤慎不懈及見
各衛所屯田久拋荒不耕仍比徵屯糧廼與屯田御史疏請
除豁畝數追徵則例遵守至今在部五年屢乞休甲午秋得致
仕

國朝列卿紀 卷之三十七

三十一

劉汝明

國朝列卿紀卷之三十七終

國朝列卿紀卷之三十八

總督倉儲序

我 明應運御世稽周官設六部分治而邦賦隸
要自永樂十九年都北京大政悉歸於北至宣德五年因在京
及通州并象馬牛羊等房倉場糧料草束各司屬出納絲芥非
專設總督大臣不可 勅涇陽李公昶以戶部尚書帥屬司計
至正統十年又令兼督臨清徐州淮安等處倉糧凡以重事權
裕國用也以後尚書侍郎各以資叙不拘其官惟其人遭逢
世廟御極中興 躬籍田先天下於嘉靖十六年又 西苑農事
視前益加重云夫人臣掌國賦秉勦則可以勵下核實則可以

國朝列卿紀 卷之三十八

十一

王淵

去深觀昔人於計儲曾何垂念之言是茂錢穀爲俗纏其弊非
一日矣故杜預籌國立五十餘件事事躬親計析秋毫吏畏如
白日韓忠彥因入狹用廣務裁損耗冗而歲計不竭此皆卓然
有聲度支爲晉宋名臣非取辦文具已也况總督自初設以來
有中官監理緣爲奸市猝難繩律今賴 聖明獨斷裁革殆盡
可以自効無所基搜及查歲運額四百萬石先年樽節可備十
年用各項徵價亦不下四百萬餘兩週因宇內節告災肯改折
逋負相仍加之邊鎮奏討歲溢常額計今倉儲儘可支二三歲
庫亦不踰二三十萬不於此時曠然懷遠猷清弊源豈 朝廷
專任意耶

國朝列卿紀卷之三十八

戶部總儲尚書侍郎年表

李昶	陝西涇陽人洪武丙子鄉舉宣德五年以戶部尚書任六年卒於官
陳瑞	湖廣孝感人洪熙元年錄父工部侍郎壽慶宣德六年以戶部右侍郎任正統十二年致仕
李暹	陝西長安人永樂初鄉舉正統六年以戶部左侍郎任十年卒
焦宏	河南葉縣人永樂辛丑進士正統十年任
姜濤	山西忻州人永樂甲午鄉舉正統十一年以戶部右侍郎任十二年轉左理部事十四年卒於官
張睿	河南鄆陵人宣德庚戌進士正統十二年以戶部右侍郎任天順元年致仕
劉本道	南直江陰人宣德中鄉舉天順元年以戶部右侍郎任四年免
張睿	詳前天順四年以左侍郎起任六年陞戶部尚書仍總儲成化三年致仕
薛遠	南直無為州人正統壬戌進士成化三年以戶部尚書任十三年致仕後起南京兵部尚書
翁世資	詳本部尚書成化十三年以戶部左侍郎任十四年陞本部尚書仍總儲
殷謙	詳本部尚書成化十七年以戶部尚書任
李衍	北直隆慶人景泰辛未進士成化二十二年以戶部尚書任二十三年致仕
吳原	詳本部左侍郎弘治元年以戶部右侍郎任
秦民悅	詳本部侍郎弘治四年以戶部右侍郎任六年回理部事
侶鍾	詳本部尚書弘治六年以戶部侍郎任七年回理部事
黃傑	河南滑州人成化丙戌進士弘治七年以戶部右侍郎任九年致仕
王繼	河南滑州人成化丙戌進士弘治九年以戶部左侍郎任十四年調南京兵部尚書
陳清	山東益都人天順甲申進士弘治十四年以戶部右侍郎任正德元年陞南京工部尚書

國朝列卿紀卷之三十八

二

正統

何鈞 河南靈寶人成化乙未進士正德元年以戶部右侍郎養病起未任

林泮 福建閩縣人成化壬辰進士正德二年以戶部右侍郎任三年陞南京工部尚書

陳昂 詳本部左侍郎正德三年陞南京工部尚書

李遜學 河南上蔡人進士正德五年以戶部右侍郎任本年改禮部禮部尚書掌詹事府

陳昂 見前正德五年以戶部左侍郎再任

黃珂 四川遂寧人正德六年以戶部右侍郎任七年遷刑部左詳南京工部尚書

鄭宗仁 戶部右侍郎任十一年添註本部管事

楊旦 福建建安人進士正德十一年以戶部右侍郎任詳吏部尚書

侯觀 直隸雄縣人進士正德十四年以戶部尚書任十六年致仕

鄭宗仁 詳前正德十六年以戶部尚書任嘉靖元年卒於官

國朝列卿紀卷之三十八

三

傳元

沈冬魁 直隸故城人嘉靖元年以戶部右侍郎任尋改工部詳南京禮部尚書

邊憲 見本部左侍郎嘉靖元年以本部左侍郎任本年改理部事

王承裕 見本部右侍郎嘉靖二年以本部右侍郎任本年改理部事

孟春 山西澤州人弘治丙辰進士嘉靖三年以本部右侍郎任詳吏部左侍郎

李瓚 山東濮州人弘治丙辰進士嘉靖三年以本部右侍郎任六年陞本部尚書仍總儲九年致仕贈太子太保

王軌 見本部左侍郎嘉靖九年以戶部左侍郎任

鍾芳 即黃芳廣東崖州人正德戊辰進士嘉靖十二年以戶部右侍郎任十四年致仕卒贈右都御史

張雲 河南信陽衛人弘治壬戌進士嘉靖十五年以本部尚書任本年致仕卒贈太子少保

王堯封 直隸定興人弘治乙丑進士嘉靖十七年以戶部尚書任本年致仕起南京兵部尚書

李如圭 詳本部尚書嘉靖十七年以本部左侍郎任

張潤	山西臨汾人弘治壬戌進士嘉靖十八年以戶部右侍郎任十九年陞工部尚書歷南吏書
陳經	山東益都人正德甲戌進士嘉靖二十年以戶部尚書任二十五年遷兵部尚書
張珩	山西石州人正德辛巳進士嘉靖二十五年以總督三邊右都御史推戶部尚書總儲考任
王暉	應天句容人正德丁丑進士嘉靖二十年以戶部尚書任二十六年開任
劉儲秀	陝西咸寧人正德甲戌進士嘉靖二十年以戶部尚書任次年改兵部尚書
李士翱	詳本戶部尚書嘉靖二十年任
孫應奎	詳本戶部尚書嘉靖二十年任
端廷赦	直隸富塗人正德辛巳進士嘉靖二十九年以戶部左侍郎任三十年陞南京右都御史
張經	即禁總福建侯官人正德丁丑進士嘉靖三十年以戶部尚書任本年丁憂起南兵部尚書總督浙直軍務下獄
孫繪	錦衣籍南直合肥人正德甲戌進士嘉靖三十年以戶部左侍郎任三十一年出鎮薊三十二年以疾乞致仕
國朝列卿紀 卷之三十八 四	
余胤緒	湖廣應城人嘉靖丙戌進士三十二年推戶部右侍郎總儲謝恩不到開任未任
楊行中	順天通州人嘉靖癸未進士三十二年以戶部右侍郎任
盧紳	見本戶部左侍郎嘉靖三十年任
高耀	詳本戶部尚書嘉靖三十年任
馬森	見本戶部左侍郎嘉靖三十九年以戶部右侍郎任四十年養病四十一年起南京工部
傅順	湖廣沔陽人嘉靖壬辰進士四十年以戶部右侍郎任本年聽調
林應亮	福建侯官人嘉靖壬辰進士四十年以戶部右侍郎任本年聽調
呂時中	直隸清豐人嘉靖辛丑進士四十年以戶部右侍郎任四十二年自陳去位
王國光	山西陽城人嘉靖甲辰進士四十二年以戶部右侍郎任四十四年養病
張守直	順天遵化人嘉靖甲辰進士四十四年以右侍郎任改二部

國朝列卿紀 卷之三十八 五	
胡執禮	見侍郎萬曆八年以左侍郎帶管九年養病
王廷瞻	見左侍郎萬曆十一年以左侍郎任十二年陞漕運右都御史
傅希擊	見右侍郎萬曆十二年以左侍郎任十三年陞南京戶部尚書
宋纁	詳尚書萬曆十三年以左侍郎任十四年陞本部尚書
張國彥	見侍郎萬曆十五年以左侍郎任四月陞總督薊遼
胡執禮	見前萬曆十五年四月起戶部左侍郎總督倉場十七年二月卒贈戶部尚書

耿定向 湖廣麻城人嘉靖丙辰進士萬曆十七年出南右都陞戶部尚書任尋養病

國朝列卿紀

卷之三十八

六

四
三
文

提督倉儲尚書侍郎行實

李昶字文燁陝西西安府涇陽縣人自少敦厚事親孝事長敬及為邑庠生益自修飾為師友所稱洪武丙子鄉薦入太學司成論秀擢左軍都事有能聲尋陞戶部郎中續用茂著永樂初肇建北京增置行部特陞行部右侍郎北京富靖難之後民甚凋弊而行部初置政務糾紛惟夙夜敬勤盡心協贊凡所施設各適其宜歲丁酉北京營建材用所需行部最為繁劇昶不違寧處協心經畫事無廢缺壬寅春轉戶部贊佐爾至國之儲蓄民之貢輸以至賦稅之損增金帛之出納或四方旱澇災傷年穀之所收豐歉皆調度規畫有法及扈從北征董運糧餉道經數千里士馬足用而無匱乏洪熙元年改北京行部宣德五年冬陞資善大夫戶部尚書賜以寶帶且命專督收支京都及通州諸處倉糧各有條緒六年卒於官

國朝列卿紀

卷之三十八

七

四
三
文

陳瑞字 湖廣德安府孝感縣人洪熙元年以父工部侍郎

壽蔭宣德六年以戶部右侍郎任正統十年致仕

李暹字 陝西長安縣人正統七年任見本部侍郎

焦宏見本部侍郎正統十年任

姜濤見本部侍郎正統十一年以右侍郎任

張睿字 河南開封府鄆陵縣人宣德庚戌進士任吏科給

事中轉本科都給事中 正統十二年以戶部

右侍郎任天順元年致仕四年起左侍郎再任六年陞戶部尚書仍總督成化三年致仕

劉本道字 南直常州府江陰縣人宣德中鄉舉

天順元年以戶部右侍郎任四年免

薛遠字維遠南直無為州人正統壬戌進士成化元年以兩廣督餉功陞戶部左侍郎三年進尚書總督京儲凡文移奏劄悉出其手子部事例及繁正譌體要歸一均節委積內外遠近多寡輕重莫不法式會勘出納吏胥拱手六年夏江南運不至奉命往視滌泉澆流漕以克濟十三年致仕詳南京兵部

翁世資詳本部尚書成化十三年以戶部左侍郎任十四年陞

國朝列卿紀 卷之三十八 八

尚書仍任

殷謙詳本部尚書成化十七年以戶部尚書任

李衍字文盛其先山東歷城人未樂初有諱義者謫戍南丹後改編隆慶州民遂為隆慶人景泰辛未進士第授兵部主事歷

陞員外郎中成化二年陞河南右叅議檄所部課民種桑菓

戶若干株因以考長吏勤惰且令月條上其他政即善則溫言

慰之即不善則訶譴不少貸由是州縣之吏罔不知懲勸四年

丁母夫人憂服除改四川奉 勅提督松潘等處糧儲出見彭

索河荒田彌望乃召其土人而問之曰是町耕地而不耕何也

衆皆謂生蠻往往擾耕為患衍則相視要害橋梁墩堡柵柵為

防民耕乃遂無擾時松潘有堡曰張臘茂州有堡曰松其皆為生蠻所攻乃與叅將 前後擒殺數百人蠻乃遠遁捷聞

朝廷屢有寶鈔綵帛之賜灌縣都江堰壞歲役夫四萬人修之吏

得賞綠為奸衍去十九築不踰歲而功告成民永賴焉七年陞

河南右叅政其居官聲實一如叅議時十一年陞江西右布政

未幾陞都察院右副都御史巡撫河南至則剗刮宿弊理冤獄

黜賊吏定九等差役法時黃河水溢城浸者三版巡視東南角

低下乃分命守土之官日夜疏濬始免決囓之患十六年陞戶

部右侍郎尋奉 勅巡視山海關整飭兵備置牀子弩一萬五

千張弩可射三百餘步又設飛木飛石可發五七十步者各數

國朝列卿紀 卷之三十八 九

十萬削山坡成峭壁東西數百里歸而以圖進 上賜鈔四千

貫二十年轉左侍郎署尚書事時山東河南北直隸連旱穀無

所出州縣當輸邊者類索銀就糴以輸米踊貴斗至數百錢然

亦實無餽石賣者而武吏催督道路旁午勢甚張皇衍聞之乃

請輸銀太倉而以太倉之米轉輸於邊米價遂平二十一年奉

勅總督三邊軍儲兼賑濟饑民時關陝不雨數月矣齋心默禱所

至天輒雨又引渭水為渠經行百餘里以利居民是歲大稔賴

以全活者甚衆比還 朝復具圖以進 上喜又出寶鈔四千

貫賜之明年陞本部尚書總督京通兩倉內外僚吏素熟其名皆慄悚危懼惟恐有犯者雖不大聲以色事無不理二十三年

上疏乞身以歸買田築室於隆慶城西北日與親舊觴咏其中
或問以官事則不應弘治五年以建立 皇太子恩進一品階
七年卒於家年七十四性簡直與人不能委曲又好面折人過
雖權貴亦不掩護故權貴人多怨之及將用輒為其所抑其去
也亦以是云

吳原字道本見本部侍郎弘治元年以右侍郎任四年轉左
秦民悅見本部侍郎弘治四年以戶部右侍郎任六年回部
侶鍾見本部尚書弘治六年以左侍郎任七年回部

黃傑字 河南開封府汴川縣人成化丙戌進士授推官擢
監察御史十九年陞順天府丞弘治四年陞府尹七年陞戶部

國朝列卿紀

卷之三十八

十

劉汝恩

右侍郎總督倉儲

王繼字述之河南祥符縣人成化丙戌進士授雲南道御史七
年陞陝西按察司僉事歷副使十五年陞山西按察使丁憂二
十年補除福建二十二年轉山西右布政使二十三年陞右副
都御史巡撫福建弘治三年改撫宣府又改甘肅五年陞南京
兵部右侍郎九年陞戶部左侍郎總督倉儲十年陞戶部尚書
仍督倉儲十四年改刑部尚書

陳清字

山東青州府益都縣人天順甲申進士

弘治十一年任都察院右副都御史撫治鄖陽十四
年陞戶部右侍郎總督倉儲正德元年陞南京工部尚書

何鈞字仲衡河南河南府靈寶縣人父濬起貢士官南康知府
八歲從父遊太學穎敏強記成化戊子舉河南鄉貢乙未擢進
士第試政工部奉使 襄陵王府修闕里林墓戊戌授太常寺
博士辛丑被簡為浙江道監察御史督捕京畿東路盜賊監通
州倉出閣寧夏邊儲防禁不弛巡按四川播州楊友者鱗其嫡
弟愛謀奪其官誣以謀叛 命刑部錦衣衛官暨巡撫都御史
會勘友黨有健訟者理折之友乃引伏安置保寧事始定監鄉
舉事時稱得人受代歸省值父病篤留闕月比居喪合飲如禮
復 命而後喪事毋李淑人之喪雨經月不止號泣於天及葬
而霽已乃復雨人皆異之服闋改山東道刻諸司文卷茲無所

國朝列卿紀

卷之三十八

十一

陶

宿名益起弘治九年擢大理右寺丞十年轉左遼東夷入貢者
為官軍誘殺獄連數千人久不決鈞徃直其事不為勢屈十一
年進右少卿十二年轉左勘陝西邊事亦一時大獄數十人當
坐死據法原情多得未減矣擢右倉都御史巡撫山西兼督
鴈門諸關治武官股削軍士禁布按二司抑價買物諸弊 晉
王妃父怙勢驕縱有司不能制鈞欲發其姦其人懼自引咎伏
於門者三日鈞勒令率正乃已乙丑歲大疫太原平陽饑民多
轉徙鈞賑貸招集有復業者虜覘知官軍出援宣府乘間入寇
報忽至鈞斬崖設守出兵逐之賊乃遁去丙寅旱蝗食吏理冤
獄雨遂謂是合

仕邊人皆戀戀不忍釋鈞體貌魁碩氣揭擗不下物明習法律
剴析繁錯隨所至能取聲譽與人近厚郵思拯難皆力為之性
度坦率不曲為鈞距居家尤雍睦外暨族鄰鄉閭皆樂稱之

林泮字用養福建閩縣人成化壬辰進士授大理寺評事歷江
西左布政使正德丙寅任順天府尹省寺供應悉復舊章成譽
豪右畿輔以治丁卯陞戶部右侍郎總督太倉糧儲時逆瑾用

事泮惟內無所失而處之甚恭奉 勅往鳳陽河南會勘徽府
田土事竣加俸一級戊辰陞南京戶部尚書

陳揚見本部侍郎正德三年以戶部右侍郎任四年陞左侍郎
本年致仕五年起左侍郎再任

國朝列卿紀 卷之三十八

十二

內閣

李遜學字希賢河南上蔡縣人成化丁未進士改庶吉士正德
戊辰歷太常寺少卿提督四夷館兼翰林院侍講是秋經筵講
尚書多所諷諫裨益弘多李西崖以一鳴驚人稱之庚午陞戶
部右侍郎提督倉儲改禮部詳詹事

黃珂字 四川遂寧人成化甲辰進士授龍陽知縣擢御史
正德三年任山西按察使四年陞都察院右僉都御史巡撫延
綏六年陞戶部右侍郎總督倉儲七年改刑部詳南京工部尚
書

鄭宗仁字 直隸河間府任丘縣人成化丁未進士弘治
年

陞禮科右給事中六年

陞尚寶司丞十五年陞尚寶司卿十七年陞南京太僕寺少卿
正德二年改太常寺少卿六年陞南京太僕寺卿改北本年改
光祿寺卿七年陞都察院右副都御史巡撫山西九年陞總備
戶部右侍郎十一年添註本部十二年以戶部右侍郎兼右僉
都御史總督宣大軍餉十三年回部十四年轉左十六年陞戶
部尚書仍總儲嘉靖元年卒於官

楊旦字晉叔福建建安縣人弘治庚戌進士授吏部驗封司主
事丙辰陞考功員外郎已未陞稽勲郎中辛酉轉考功司品藻
精確風采剛方太宰王恕倪岳馬文升皆器重之考察有奏辯
者且持不可開倖門戴公珊是之甲子陞太僕少卿乙丑改太

國朝列卿紀 卷之三十八

十三

高橋

常正德丙寅歸省丁卯起復逆瑾欲見之不往以違限出知溫
州治之不遺力庚午陞浙江提學副使浙士服其精鑒辛未陞
應天府丞進尹順天民負內供不能償者以贓罰茶羨代納禁
屬母重科流民道殣相望悉收葬之壬申陞南禮部侍郎轉禮
部掌太常寺事裁抑浮費丙子改戶部總儲剗剔奸蠹持正不
回而中貴亦自服屬官倚重丁丑西羌犯順寧十勅督理糧餉
所在充足詳吏部尚書

侯觀字 直隸保定府雄縣人成化戊戌進士
弘治十五年陞戶部郎中十八年

陞南京太僕寺少卿正德二年丁憂五年補太常寺少卿本年

陞太常寺卿提督四夷館九年陞戶部右侍郎尋以本官兼右
僉都御史總督宣大軍務十一年回部十二年轉左十四年陞
戶部尚書總督倉儲十六年致仕

沈冬魁字直隸阜城人弘治庚戌進士正德三年任吏部

驗封司郎中四年陞順天府丞八年陞四夷館太常寺少卿九
年轉光祿寺卿改太常寺卿督四夷館十三年陞右副都御史
巡撫河南十六年陞工部右侍郎督易州山廠嘉靖元年回理
部事改戶部右侍郎總督倉儲二年陞南京禮部尚書
邊憲詳本部左侍郎嘉靖元年以左侍郎任本年回部

王承裕見本部右侍郎嘉靖二年以右侍郎任本年回部

國朝列卿紀 卷之二十八 十四

孟春字山西澤州人弘治丙辰進士任浙江嚴州府知府

正德五年陞太僕寺少卿八年陞右僉都御史巡撫宣府十一
年降陝西叅議陞叅政十六年陞應天府尹本年陞右副都御
史巡撫順天等府設所部預備倉積二十萬六千餘 上嘉之
嘉靖二年陞總儲戶部右侍郎三年陞吏部左侍郎

李瓚字山東東昌府濮州人弘治丙辰進士正德五年任

通政司右叅議七年丁憂九年復任十年陞大理寺左少卿尋
陞巡撫順天兼飭薊州兵備都察院左僉都御史十二年陞巡
撫保定右副都御史十三年遷通政使掌鴻臚寺事十四年改
左副都御史經略居庸山海邊關十六年陞工部右侍郎總理

河道嘉靖三年改總儲戶部右侍郎六年進戶部尚書仍總儲
九年致仕 年卒贈太子太保

國朝列卿紀 卷之二十八 十五

國朝列卿紀卷之二十八終

國朝列卿紀卷之三十九

禮部序

夫禮部尚書非古制也自漢置尚書五曹以來其四為客曹主外國夷狄事後漢光武分六曹吏曹主選舉兼掌齋祀魏尚書有祠部曹及晉江左特重祠部尚書掌廟祧之禮常與右僕射通職不常置以右僕射攝之宋齊梁陳皆號祠部尚書領祠部儀曹二曹後周置春官卿又有禮部而不言職事後改禮部為宗伯又春官之屬有典命後改典命為大司禮俄改大司禮為禮部謂之禮部大夫至隋開皇三年定置禮部尚書統禮部祠部主客膳部四曹唐承隋制不改龍朔二年改為司禮太常

國朝列卿紀

卷之三十九

王國朝

伯威亨元年復舊光宅元年又改為春官龍朔元年復舊沿及趙宋相因不改然皆為尚書省屬官與周官太宗伯掌邦禮之任固有間矣 國初沿唐宋之制設禮部尚書侍郎之職掌天下禮儀祭祀宴享貢舉之政令仍屬中書省洪武十三年革中書省陞六部每部分四子部各設郎中員外郎主事於是禮部其屬有四曰儀部曰祠部曰膳部曰主客部二十九年改儀部為儀制祠部為祠祭膳部為精膳主客仍舊俱稱清吏司承為定制然成周宗伯之職則專主鬼神之祀至合典樂典教內而宗國外而裔夷上而天官下逮醫師膳夫伶人之屬靡不兼之自我 朝始也况罷丞相以後政歸六部而 國家稽古右文

敷典察倫類非博雅崇古道藝德行備具者莫稱茲任故成化弘治以來率以翰林儒臣為之迄由此登公孤任輔導使學未明道而欲其秉持國是舉 明主於三代之隆不亦難哉惟禮部改置北京肇自永樂辛丑若夏原吉以七年兼行在禮部事趙珰以七年扈行在然大政出於留都故不敘云今詳各官年表於後其行實見於事紀其勲德茂著者表為列傳

國朝列卿紀

卷之三十九

二

王國朝

國朝列卿紀卷之三十九

國初禮部尚書年表

崔亮 北直榮城人故元省掾
洪武元年任本年丁憂

錢用任 直隸廣德人故元編修
洪武元年任本年致仕

陶凱 浙江臨海人國初
徵聘洪武三年任

楊訓文 四川潼川人儒士洪武
四年任本年改戶部

牛諒 山東東平人秀
才洪武五年任

劉昭先 洪武六年任七年罷
人舉人才

呂本 南直壽州人故元
都事洪武七年任

張善 洪武八年任
人

國朝列卿紀 卷之三十九
三

張壽 南直無錫人故元浙
江解元洪武九年任

朱夢炎 江西進賢人故元進士洪
武十一年任十三年卒

鄭九成 洪武十三年任本年免
人

僕斯 應天溧陽人故元知州洪
武十三年任本年致仕

李冕 洪武十三年任次年免
人

李叔正 江西靖安人洪武初薦
舉十四年任十五年卒

高信 浙江義烏人歲貢洪武
十五年任本年致仕

劉仲質 江西分宜人薦舉
洪武十五年任

任昂 河南河陰人故元進
士洪武十五年任

趙瑁 河南宜陽人儒士洪
武十七年任改吏部

唐鐸 南直虹縣人元末從
龍洪武十九年任

李原名 北直安州人洪武中舉備士
二十年任二十三年致仕

趙勉 湖廣夷陵人進士洪武
二十四年任改戶部

楊靖 南直山陽人進士洪武
二十六年任歷左都

任亨泰 湖廣襄陽人狀元
洪武二十七年任

門克新 陝西秦州人洪武二
十九年任本年卒

鄭沂 浙江浦江人洪武三十
一年任致仕

陳迪 南直宣城人洪武中
徵辟三十一年任

李至剛 南直華亭人洪武中
舉明經三十五年任

鄭賜 福建閩寧人洪武乙丑進
士永樂三年任六年卒

國朝列卿紀 卷之三十九
四

趙玘 河南祥符人太學生
永樂五年任改刑部

劉觀 北直維揚人進士永樂六
年任本年改刑部

國初禮部尚書行實

崔亮字執夫直隸真定府藁城縣人故元浙江省掾丙午年王師至舊館來附授中書禮曹主事遷濟南知府撫綏得宜士民感服洪武元年陞禮部尚書本年以母憂去官本年冬起復為禮部尚書癸未詔定官員親屬冠服之禮亮於內外官員父兄伯叔子孫弟姪及隸卒軍士等制各定有差三年 上諭亮曰司天臺言朔日以來日有黑子占者多以為祭天不順禮所致令亮制之亮引用漢唐宋及元損益不同復以我 國朝前議園丘從祀之禮以漢唐為煩故正祀日月星辰太歲為簡當上然之復問郊祀天地拜位皆正中而百官朝參則列東西遊正

國朝列卿紀

卷之三十九

五

杜加貴

中何也亮對以天子祭天升自午陛祭社升自子陛蓋社主陰陰北方也故君南向答陰之義也郊主陽陽南方也故君北向以答陽也若羣臣朝參無答神之義俱當避君上之尊故升降則皆由卯陛朝班則分列東西以避馳道此其義不同 上由是益重亮因命百司朝參左右班不得越三尺省府臺公俱就甬道拜上復承命議百官及內史監官於 皇太子親王前稱殿下自稱名若本官內史本府官及承奉司於 皇太子親王前俱稱殿下自稱臣百官在 上前稱 皇太子稱親王曰某王又定大朝會常朝及內外官員辭謝奏事侍班等禮付侍儀司行之并定 皇太子及羣臣賜坐殿上坐墩墩制參酌宋典

為各等差其他請旗纛止祭於當祭之月與夫宗廟四時之祭皆用四時孟月及歲除凡五祭於清明等節各備時物薦享俱允行之五月奉 命定大射禮儀頒於官府學校時禮儀草創而亮引証考據多本經典云七月卒於官

餘冬錄云洪武三年禮部尚書崔亮請定 仁祖陵號既得又請下太常行祭告禮太常博士孫吾與奏以為山陵之制莫備於漢凡人主即位之明年將作郎管地以天下貢賦三分之一入山陵如漢文帝起霸陵欲以此山石為椁時文帝尚在尊位豈有陵號祭告之禮乎又唐太宗昭陵之號定於葬長孫皇后時武后合葬乾陵其號定於高宗陵葬之日其時帝后之陵初

國朝列卿紀

卷之三十九

六

杜加貴

未有兩號其於祭告之禮決無有也蓋廟號與陵號不同廟號是為大行之號不祭告不可故必上冊諡以告之神明若陵之有號則后嗣之王所以識別先陵而已故歷代皆不以告今英陵加號亮欲行祭告臣竊以非宜亮曰加以陵號歸崇先世考之典禮如漢光武加上先陵曰昌宋太宗加上高祖陵曰欽曾祖陵曰定考陵曰安蓋創業之君尊其祖考則亦尊崇其陵既尊其陵亦必以告禮緣人情加先帝陵號而不以告先帝者非人情也臣以為告之是於是廷議皆是亮遂命俟陵碑石成遣太常行祭告禮

錢用任字

直隸廣德州人故元進士為翰林院編修張士

誠據吳用為淮南省參政乙巳年王師下淮揚率城歸附授按察司副使尋遷中書省參議吳元年改御史臺經歷進奉訓大夫尋奉命裁定律令洪武元年陞禮部尚書秋八月遣官釋奠於先師孔子用任等奏周制凡始立學者釋奠於先聖先師凡學春夏釋奠於先師秋冬亦如之漢儒以先聖為公若先師孔子為詩書之官若禮有高唐生樂有制氏詩有毛公書有伏生可以為師者蓋四時之學將習其道故釋奠各以其師而不及先聖惟春秋合樂則天子視學有司總祭先聖先師是則漢時釋奠亦略可知矣魏正始中使太常釋奠於辟雍晉釋奠皆於國學東晉成穆孝武皆親釋奠隋制國子監每歲四仲月上丁

國朝列卿紀

卷之三十九

七

陶紹

釋奠先聖先師州縣學則用春秋仲月唐初釋奠儒官為祭主直書博士姓名敢昭告於先聖許敬宗奏請令國子監祭酒為初獻詞稱皇帝謹遣仍令司業為亞獻博士為終獻縣則令為初獻丞為亞獻主簿及尉通為終獻永為禮部武德貞觀中皆以二月親幸國子監釋奠開耀景龍中皆皇太子釋奠於太學開元中詔春秋釋奠以三公攝事著之常式若遇大祀則仲丁州縣用上丁宋元因古禮而損益之今宜定制以仲春秋二上丁日降香遣官祀於國學以丞相初獻翰林學士亞獻國子監祭酒終獻上然之至是遣官致祭本年十二月乙休賜居湖州

陶凱字中立號耐久浙江台州臨海縣人人生時有大星墜簷前光輝臥室比成童讀書輒過目成誦為文下筆動千百言皆據理立論博學強記性遲重不妄言笑益重孝悌之道既冠夜歸限於大溪不能渡忽有人撐小舟船岸即攝衣登舟既渡回顧舟人皆無見者異之一日里人家大疫凱探視病者見妖神入甕器中避之奉紙筆與封識命棄水中疫即愈又嘗入城晚宿三江病家夜禱俟祝者過夜分凱曰我代之迺誦離騷經聲清越以長病者驚汗浹背而愈儀容步履有嚴有則四方子弟慕其學相從者甚眾厥父教孝友苦於不給以其束修之人佐父治喪葬供祭祀如禮上世墓域有奪於勢家咸贖而表之

國朝列卿紀

卷之三十九

八

陶紹

且他無兄弟惟一妹適仙居懷仁顧氏早卒其子及女撫以成人故鄉黨稱孝友者莫不曰陶氏父子而士大夫又皆為詩以歌詠之誠意伯青田劉氏為之記嘗遊吳興遇相者四明袁廷玉謂之曰公五岳朝扼而氣色未開五星分明而光澤未見宜藏器待時後十年為異代臣子顯名其在荆揚間也至元中以明經掇科除永豐學諭內醜夷德不受職隱居教授主杭州施允弘家塾我太祖初起兵聞名訪凱延上座不敢居太祖曰師座不可坐耶凱曰將軍器宇軒昂襟懷豁達凱閱人誠見所未見者雖侍側且不可矧師位耶相與極談因進望空取天下之策太祖曰何謂也凱曰羣雄所據地是實地兵強未可

與敵討元雖有地政衰民怨是空地也取之易也 太祖大奇之自後用其策遂至地廣兵強而與馬別間凱囑曰方今百姓愁苦仰在明主將軍請自愛民寶重 太祖曰會有重遇日子尚未晚也戊申歲 太祖定鼎金陵遂遣使奉書幣來徵時凱矢心不仕游學湖海中不應詔 上求之懇切論來使曰陶凱不應詔可取一族人首級回話由是族人之四遠求得凱見上上曰卿何棄遺乃爾曩日錢塘之會已得卿之良策茲劉基宋濂累道卿名德宏材不可煩引翼耶二年補翰林編修與學士宋濂待制王禕儒士汪克寬胡翰陳基魯魯趙滂張文海徐尊生王禕傳恕王綺傳著謝徽高啟等分科修纂所撰元史三十八國朝列卿紀 卷之三十九 九

卷五十三卷傳六十二卷目錄二卷繕寫成一百二十冊又撰洪武廣韻若干卷以進 上稱善命敘大本堂授楚王經洪武三年陞禮部尚書剖符封功臣議五等封爵宿大本堂據歷代故實討論詳定四夷之未歸附草覃書論之悉效順獻琛於時法制未備 上命有司各行鄉飲乃采周官儀禮及唐宋之制參定其儀又以兵亂之後人才荒落命定科舉式行於天下以取賢斂才焉開國之初百凡禮儀區畫為多四年初設進士二月九日 上命嘉議大夫國子祭酒魏觀為讀卷官凱之弟陶誼為彌封官取中式進士吳伯宗等一百三十名而凱實提調之得人之盛始此遂刻程文而凱叙其首又命撰大明

九因其略曰一本本大初二曰仰大明三曰民初生四曰品物亨五曰御六龍六曰太階平七曰君德成人八曰聖道成九曰樂清寧九月冊河南王保保女為秦王嬖妃時妃有外王父喪 上命廷臣議之凱奏大功以下雖凡人亦可成婚况王妃無服 上命中使及女史往諭妃家行納徵發冊禮五年六月癸卯旬容縣民獻嘉瓜二同蒂而生中書省臣率百官以進乃奏頌且曰陛下臨御同蒂之瓜產於旬容旬容 陛下祖鄉也實為禎祥益由 聖德和同國家協慶故雙瓜連蒂之瑞獨見於此以彰陛下保民愛物之仁非偶然者 上曰卿以此歸德於朕朕無德不敢當冬十一月辛酉長至日 上御奉天殿集羣工於庭告國朝列卿紀 卷之三十九 十

以誓命戊午出宿齋居時工部尚書黃肅工部員外郎牛諒晉府參軍熊鼎磨勘司令吳雲兵部郎中劉崧工部主事周子諒秘書監丞陶誼府錄事張孟堅吳府錄事吳從養侍凱請曰皇帝升中於天國之大典幸際熙明與於執事之列不可無篇什以紀慶成昭示萬世遂以唐詩星臨萬戶動月傍九霄多為韻凱首之有月朗送殘星之句 上命翰林學士宋濂序諸首十二月凱言漢唐宋皆有會紀載時政以資稽考今起居注紀言紀事藏之金櫃已呈為寶錄凡諸司領錄 聖旨及奏事簿籍紀載時政可以垂法後世者宜依會要編類為書使後之議事者有所考焉其舊省府宜各置銅櫃藏領錄簿以備稽考俱

從之 車駕由宣城至金華紀所歷奉制賦詩一十四首有主
 師百萬過南州之句以進陪祀太廟扈駕還轡適賀以詩有起
 看北斗正當天之句 上稱善一日召對文華殿賜繡項間
 上色愀請得 高后艱產之由因進以方晡時喜捷疊至 上大
 悅賜之金牌篆云免陶卿之罪又嘗萬幾暇凱陪視便殿 上
 從容問居地形勝凱以象鼻岩對且曰臣鄉人張竹屋題曰曾
 入蒼舒萬斛舟至今鼻對燕清流君王玉輅催行駕安得身閑
 伴白鷗即令人歸刻其詩於水中九靈岩壁以實明問一日
 上御五鳳樓工部進吞船之伎羣臣觀侍眾皆以見吞對凱見獨
 不然 上問之凱曰臣惟見遊船走耳 上遂疑之先是 命
 凱與尚書開濟作天下民籍易見圖乃定格眼以進固嘗疑其
 志高矣至此又疑復夢龍遊於凱所居門遂快然不樂尋出為
 湖廣行省叅政於時凱從弟中吉走省告歸凱曰汝可俟明春
 二三月數將至矣我其如難何中吉曰何不謝事南旋凱曰宿
 緣在此昔嘗避之而不得我骨雖貴而汗不香死於國事亦不
 失為忠義鬼逃之奚免耶會使高麗主客誤用符驗 上坐與
 知罪遂曰臣受知於 陛下官高一品壽至七旬死復何憾雖
 向有金牌免罪之旨亦不自表也翌日 上傷悼之尋楚王求
 其師弗得憤入金水橋下羣臣解衣履下救者及法官以不復
 奏受死若干員隨贈太子少保以旌其忠洪武八年三月也葬

國朝列卿紀 卷之三十九 十一 卅文 四百十

長潭山下
 楊訓文字 四川潼川州人故元淮海書院山長遇亂不出
 乙巳年王師下揚州以儒士見留侍左右五月拜起居注 上
 諭訓文曰起居之職非專事紀錄而已要在輸忠納誨致主於
 無過之地而後為盡職也爾素稱謹厚當始終一致苟易其所
 守則患必生矣譬如馳馬能戒於險阻則不墜肆意於平曠則
 顛蹶吾每以此自警故以示爾等他日復命訓文同滕毅集古
 無道之君所行之事以進曰往古人君所為善惡皆可見為龜
 鑑吾所觀此者正欲知喪亂之由以為之戒耳尋遷中書省左
 司郎中洪武元年陞太常寺卿二年出知湖州三年移知汀州
 國朝列卿紀 卷之三十九 十二 卅文 四百十一

四年陞禮部尚書協陶凱理部事是歲舉進士命禮部尚書
 陶凱與前侍講學士潘廷堅為會試主司侍講學士詹同國子
 司業宋濂吏部員外郎原本前貢士鮑恂為同考至廷試又命
 訓文協陶凱提調得進士吳伯宗一百二十人號稱得人本年
 改戶部詳國初戶部
 牛諒字 山東兗州府東平州人洪武元年以秀才舉權典
 簿二年同學士張以寧出使安南至界日燧已卒其姪日燧立
 以寧護勅印留洱江使諒入其國諭以來意諒宣德威黎人效
 順三年回京以使稱 旨陞工部員外郎四年廷試進士充掌
 卷官五年陞禮部尚書六年命承旨詹同等制釋奠先師孔子

樂章諒以所定禮儀進自遣官傳制以至行事皆典儀唱禮迎神三獻撤饌皆奏樂用同等所定樂章制曰可又奉命定大祀分獻禮 上初獻禮畢分獻官即行初獻亞獻終獻亦如之又上建陪祭官齋房於北郊齋宮之西南命諒與承旨詹同等議省牲所用冠服同等奏玉藻君皮弁以日視朝遂以食則皮弁似與命常服之服同今中祀既以皮弁行禮則省牲 上用常服又 上命禮官參考歷代帝王廟祀諒奏三王開天立極大有功德於民京都有廟春秋享祀宜令太常掌之伏羲以勾芒配一神農以祝融配黃帝以風后力牧配正位南面祀以太牢配位東面祀以少牢漢高祖光武唐高祖太宗宋太祖元世祖宜令國朝列卿紀 卷之三十九 十三 鄧召林 四百九十四

有司就各陵立廟每歲仲春以少牢致祭商中宗高宗周成王康王漢文帝武帝宣帝明帝章帝唐玄宗憲宗後唐明宗周世宗宋太宗真宗仁宗亦宜令有司立陵廟三年一祭祭以少牢上曰五帝三王及漢唐宋創業之君俱宜於京師立廟致祭其餘守成賢君令有司祭於陵廟皆每歲春秋祭之又詔定文武官誥命制度命諒與學士宋濂曰前代侍於朝者必有封贈施恩之典既封贈則必給以誥命所以上榮其祖考下及其子孫也卿等宜稽古詳定其式於是諒等奏參考唐宋誥命皆由三省官例御書名復用吏部告身印章本朝誥勅既用御寶則省臣不敢署見造誥勅花樣籤軸制度皆有等第不須改作又宋紹

興年間工部言官誥所用綾紙易壞乞下文思院織一體花樣專充官誥今議於誥尾添織其第幾號以為關防又取工部制勅局已造完誥命書寫用寶頒於文武官從之其制公侯一品至五品誥命六品至九品勅命公侯及一品誥軸用玉伯子男及二品用犀五品以下用角七年十一月勅禮部官定喪服之制諒奏周禮儀父在為母服期年若庶母則無服 上曰父母之恩一也喪服低昂若是其不近於人情甚矣乃勅翰林學士宋濂等曰養生送死聖王之大政諱忌忌疾世之陋俗三代喪禮節文尤詳而散失於衰周厄於暴秦漢唐以降莫能議此矣人情有無窮之變爾等其考定喪禮於是濂等考得古人國朝列卿紀 卷之三十九 十四 鄧文英 四百九十五

論母喪者凡四十二人願服三年者二十八人願者年者十四人奏之諒為人朴實議禮精密本年以事降本職上事尋復前職未幾致仕

劉昭先字宗啟 人洪武初舉人才三年除吉安府太和知縣六年拜禮部尚書協牛諒理部事七年免呂本字 直隸鳳陽府壽州人故元都事丙午年歸附授中書掾史吳元年授湖廣行省照磨洪武三年陞中書省右司郎中四年改左司郎中五年歷刑部侍郎尋進吏部尚書六年改太常寺卿七年以事左遷北平按察司僉事尋召還授禮部尚書八年正月 諭本令天下有寄跡佛老志尚聖賢者許入國

學以習天理民彝乃昇之以政本年出為兩浙都轉運鹽使十三年復授太常寺卿十四年以疾卒於官詳國初太常寺

張善字 人即章善洪武八年擢禮部尚書本

年命署行省參政後以事免

張籌字惟中直隸常州府無錫縣人故元浙江鄉試第一未仕

洪武四年吏部尚書詹同薦籌有文學應奉翰林文字授禮部

主事奉詔同禮部尚書陶凱等采摭漢唐以來藩王善惡可為

勸戒者為昭鑑錄五年冬會凱出叅湖廣行省編集未成至六

年籌亦陞廣東行省參政九年陞禮部尚書值晉王妃謝氏薨

命籌同學士宋濂議喪服制籌以濂議奏上按唐制皇帝為皇

國朝列卿紀 卷之三十九

十五

張文

妃等舉哀畢則常服宋制皇帝為皇親舉哀素紗幘頭白羅衫

黑銀帶令參酌唐宋之制 皇帝及中宮服大功諸妃皆服小

功南昌王妃服大功東宮親王公主皆服小功晉王服齊衰杖

期靖江王服小功王妃服總麻輟朝三日既成服 皇帝素服

入喪次十五舉哀百官奉慰 皇帝出次釋服服常服制曰可

命著為令十年坐事罰輸作十二年起禮部員外郎尋以事免

朱夢炎字仲雅江西南昌府進賢縣人元至正辛卯進士為撫

州金谿丞歲丙午以故官入京延居上賓館 命與儒士熊鼎

等集古忠奸邪事實以恒辭直解之為公子書及務農技藝

商賈書使貴賤之家講誦通和義書既成有白金及衣帽靴

轅之賜俄除國子監博士俾領胄子教之夢炎日以所為書訓

迪諸生使讀誦經書無有弗率教者 上時召問夢炎奏對詳

雅應制作為文章皆典則有據 上益重之吳元年遷翰林修

撰坐小誤出為浙江按察司經歷洪武二年轉山西行省員外

郎是年入為禮部員外郎陞侍郎十一年四月陞本部尚書夢

炎博學善記通歷代文獻之學如指諸掌 朝廷稽古議禮審

樂皆有力焉十三年卒於官

鄭九成字 人洪武十年擢河南按察使十二

年陞禮部尚書本年免

倪斯字 應天府溧陽縣人故元嘉定州知州來附王師吳

國朝列卿紀 卷之三十九

十六

張文

元年授兵部員外郎本年擢尚寶符寶郎洪武元年遣斯齋重

書賜高麗二年高麗遣使上表來貢方物遣斯齋印封之改尚

寶司丞仍以祝文牲幣祭其境內山川詔曰朕肇膺正統誕撫

多方乃眷爾高麗襲朝鮮之遺壤克遵中夏逾渤海而稱臣頃

詔使之往迺即表詞之來上有加方物良切衷情益由風慕於

華風用是恪修於臣職况爾三韓之屢世皆慎始終屬茲四海

之一家何殊內外爰稽彝制載錫真封今遣某官齋印仍封爾

為高麗國王於戲保民社而王纂榮懷於舊服守禮義之國作

屏翰於東藩其始自今毋替朕命故茲詔云想宜知悉使回稱

旨日侍左右四年出知泰安州六年陞河間府知府俱以才幹著

而民亦不擾九年入為戶部郎中尋陞戶部尚書本年調山西左叅政十三年正月召拜吏部尚書二月改禮部尚書三月詔定公侯稱號 上諭斯曰自今封公侯不必加以散官已授券誥者且仍其舊若追封公侯生則曾佩將軍印者仍列於銜於是斯等奏定則式為三公侯之銜曰開國輔運推誠宣力武臣某公某侯食祿若干石世襲者曰世襲某公某侯食糧若干石追封者曰開國輔運推誠宣力武臣某將軍某公某侯追封某王某公謚某本年以年老致仕

李冕字

人洪武十一年拜禮部侍郎十三

陞試禮部尚書十四年以事免

國朝列卿紀

卷之三十九

七

王編

李叔正字克正初名宗頤江西南昌府靖安縣人其先唐宗室世家四會至殿中侍御史翰林學士積中始家南昌方孕父與母俱夢異僧以金盤藉一小兒入肚內及生穎異善記年十二以能詩聞人以神童呼之既長博通諸子百家之言江西十才子叔正其一也方陳友諒陷南昌時夏氏投井死叔正終身不再娶歲丙午初設國子學有以宗頤名薦者權為學正洪武三年告歸田里許之既退自商於齊民已而廷臣以大學舊條文行兼備無若叔正者登名薦劾誤以克正為叔正四年徵至京師仍除國子學正遷渭南縣丞時同州人與蒲城人爭地連年不決行省以是事委之叔正即單騎至其處召二家至前立

談而決縣歲輸糧二萬而田無定額乃即里社丈量立法密而刑刑嚴奸慝警服畢獻其誠於是豪右失計公私交便遷典化知縣尋 召為禮部員外年老乞骸骨不許除國子學助教叔正凡三至大學至是日與諸生講解立課程而督勉之雖貴胄待之愈嚴旦夕端坐聽察誦習無倦容暇輒會計廩饌毫髮無取欺者 朝論推讓其賢能遂遷監察御史嘗奉 命巡嶺表因適瓊州府吏訐告其守進表公座僉名鞠之抵吏罪而守之誣得直 上聞而大悅獎諭之曰人言老御史懦乃明斷如是邪九年擢湖廣叅政十年陞布政使十二年 召還為禮部侍郎十四年陞本部尚書七月日本國王良懷遣僧如瑤等貢方物及馬匹 上命却其貢仍命叔正等修書責其國王曰大明禮部尚書致意日本國王王居滄海之中傳世長民今不奉上帝之命不守已分但知環海為險限山為固妄自尊大肆侮鄰邦縱民為盜 帝將假手於人禍有日矣吾奉 至尊之命移文與王王若不審巨微效井底蛙仰鏡觀天自以為大無乃溝隙之源乎王涉獵古書不能詳細如號曰倭然惡其名遂改日本自漢歷魏晉宋梁隋唐宋之朝皆遣使奉表貢方物當時帝王或授以職或爵以王或睦以親由慕意誠故報禮厚也若叛服不常構隙中國則必受禍如吳大帝晉慕容廆元世祖皆遣兵往伐俘獲男女以歸千數百年間往事可鑒也王其審之十

國朝列卿紀

卷之三十九

八

孫隆

年卒於官壽六十四

高信字 浙江金華府義烏縣人洪武中由歲貢入太學十

三年授戶部郎中十四年陞戶部侍郎與尚書闕縣范敏常山

徐恢俱相善能舉其職十五年陞試禮部尚書在部無所建明

本年以年老致仕

劉仲質字文質江西袁州府分宜縣人敏而好學博通經史洪

武初舉薦宜春訓導被薦入京奏對稱旨擢翰林典籍階文林

郎日侍左右十二年命校正春秋本末十五年春特拜禮部尚

書四月諭仲質曰孔子明帝王之道以教後世使君臣臣父

父子子綱常以正彝倫攸敘其功參乎天地今天下郡縣廟學

國朝列卿紀

卷之三十九

九

周德

並建而報祀之禮止行京師豈非缺典卿與儒臣其共定釋奠

禮儀頒之天下學校令以每歲春秋仲月通祀孔子丁巳 上

謂仲質曰國學新成朕將釋菜令諸儒議禮議者曰孔子雖聖

人臣也禮宜一奠而再拜朕以為孔子明道德以教後世豈可

以職位論哉昔周太祖如孔子祠將拜左右曰孔子陪臣不宜

拜周太祖曰百世帝王之師敢不拜乎遂再拜朕深嘉其明斷

不惑於左右之言今朕有天下敬禮百神於先師之禮宜加尊

仲質乃與儒臣定議 上服皮弁服執圭請先師再拜獻爵後

又再拜退易服請辨倫堂祭酒司業博士助教進講 賜坐侍

臣以次於東西講畢 宣諭學官諸生而還明日祭酒率學官

上表謝 上從之十一月奉 勅旨條成學矩一十二款合

太尉欽定九條梓行以頒賜師生本月奉命領劉向說苑新序於

天下學校令生員講讀十一月戊午做宋殿閣大學士之制以

仲質為華蓋殿大學士宋訥為文淵閣大學士吳伯宗為武英

殿大學士吳沉為東閣大學士 上親製誥文賜仲質曰朕閱

宋書見尚文之美崇儒之道廓焉且當時諸儒皆以賢德輔景

運三百有奇焉今特做宋制殿閣之名必期近侍有補文並歐

蘇爾仲質才頗稱任授以華蓋殿大學士奉議大夫爾往欽哉

未幾質坐事降監察御史後以年致仕仲質為人篤厚文多質

實如其人詞林記誤作邵質即仲質云

國朝列卿紀

卷之三十九

三

周德

任昂字 河南開封府河陰縣人博覽群書早有才譽故元

舉進士拜山西寧晉縣知縣不受隱居山林日以經史自娛洪

武初年以儒士薦舉授襄垣訓導雅志作人多所成就十一年

擢監察御史十五年陞禮部尚書十六年正月 上命昂同太

師李善長及諫院翰林院等官往監考定教官生員高下分列

班次規矩煥然明備於是奸弊盡革增立監規八條三月廣東

都指揮使狄崇王臻言妣阮氏昔封淑人已沒仍乞封次妻何

氏等為淑人詔下廷臣議昂同李善長議曰禮莫大於分分莫

大於名妾不可為嫡夫人故莊公妾成風倍公母也稱為夫人

春秋非之哀公庶子荆之母嬖將立為夫人使宗人躡夏獻其

禮對曰無之昔周公武公娶於薛魯惠娶於商自桓以下取於齊此禮則有若以妾為夫人則古無其禮蓋古者夫人沒貴妾擬其家事不得稱為夫人為庶子而貴得以推其母亦不得稱夫人使並嫡也今崇臻至欲任私意廢大禮亂嫡妾之分不可許 上從之遂命昂及翰林院儒士定嫡妾封贈例頒示中外於是定議凡正妻在日所娶側室皆謂之妾正妻沒諸妾不許再立為妻若以禮聘良家女為妻許授封贈前妻無子其所生子即為嫡長子若正妻在日無子不許再娶而諸妾有子者以長男襲父職其子以本品推恩其母俱從之十七年二月奉命頒行科舉成式凡三年大比子午卯酉鄉試辰戌丑未會試

國朝列卿紀 卷之三十九 三十一

不拘額數六月 上諭昂等曰近命製大成樂器將以頒天下學校俾諸生習之以祀孔子朕思古人之樂所以防民慾後世之樂所以縱民慾其故何也古樂之詩章平而正後世之歌詞淫以誇古之律呂協天地自然之氣後之律呂出人為知巧之私天時與地氣不審人聲與音樂不比故雖以古之詩章用古之器數亦乖戾而不合陵犯而不倫矣手擊之而不得於心口歌之而非出於志人與樂判然為二而欲以動天地感鬼神豈不難哉然其流已久救之甚難卿等宜求諸此俾樂成而頒之諸生得以肄習庶幾可以復古人之意是年甲子初科監生舉首且中式者過半 高皇帝喜甚而諭祭酒宋訥以為教導之

功九月十三日昂侍華蓋殿 上諭昂曰在京鄉試多有取中的國子監生為他肯學所以取中似這等生員好生光顯他父母恁禮部出榜於原籍去處張掛着他鄉里知道自是科舉之途始重矣本年命署吏部事未幾以年老致仕詳國初吏部

趙瑁字 河南河南府宜陽縣人喜讀書博學洽聞洪武八年舉儒士任河南府學訓導歷廣東瓊州府知府吏民畏服坐事免十七年九月起左春坊左諭德本年十月陞禮部尚書十八年遷吏部尚書坐禮部盜官糧伏誅詳吏部

唐鐸字振之直隸鳳陽府虹縣人元末從軍守濠州由紹興府知府累官刑部尚書改太常寺卿晉兵部尚書改諫議大夫十七年坐事 監察御史陞右副都御史洪武十九年復刑部尚書本年命署禮部事二十一年復還兵部尚書詳兵部

李原名即彥名字資善直隸保定府安州人洪武中以通經儒士舉用至京 洪武二十年試禮部尚書六月 上語原名曰尚齒所以教敬事長所以教順虞夏商周之世莫不以齒為尚而養老之禮未嘗廢是以人與於孝弟風俗淳厚治道隆平曩者朕詔天下行養老之政凡耆民年八十以上鄉黨稱善貧無產者月給米五斗肉五斤九十以上歲加帛一疋綿一斤若有田產能自贍者止給酒肉絮帛其應天鳳陽二府者以九十以上賜爵社士八十以上賜爵里士歲許

冠帶復其家尚慮有司奉行不至爾其以朕命申之二十一年
詔定歷代帝王名臣從祀原名奏以風后力牧皋陶夔龍伯夷
伯益伊尹傳說周公旦召公奭太公望方叔召虎張良蕭何曹
叅周勃鄧禹諸葛亮房玄齡杜如晦李靖郭子儀李晟趙普曹
彬韓世忠岳飛張浚博爾朮赤老温伯顏阿木安童凡三十六
人 帝曰古之君臣同德者始終一心載在史傳萬世不泯國
家祀典必洽公論不可徒觀其迹而不究其實若宋趙普負太
祖爲不忠不可從祀元臣四傑木黎華爲首不可以其孫從祀
而去其祖可祀木黎華而罷安童既祀伯顏其阿木亦不必祀
如陳平馮異宋潘美皆節義凜然兼全始終可從廟祀餘悉如
國朝列卿紀 卷之三十九 三十三 陶仲仁 四百九十一

子郡王服與親王同公主服齊衰期年下嫁者服大功九月郡
主服同公主諸王妃及靖江王世子郡王皆服小功五月從之
二十三年二月命考定合祀山川 上曰王國有嶽鎮海濱者
卽以嶽爲正次海次鎮次瀆風雲雷雨之神又次之於是原名
爲圖以進使頒諸國復圖命東海則燕齊皆祭東嶽東鎮齊魯
皆祭西海秦蜀皆祭晉祭北海三月甲寅定官民飾先是 上見
朝臣所服之衣多取便易日就短窄有乖古制乃令原名同國
子司業龔敷叅酌時宜俾存古意原名等議定凡官員衣服寬
窄以身爲度文官衣自領至裳去地一寸袖長過手復回至肘
袖椿廣一尺袖口九寸着民儒士生員制同惟袖過手復回不
國朝列卿紀 卷之三十九 三十四 陶仲仁 四百九十二

試事戶科有才幹本年陞戶部侍郎二十一年累陞戶部尚書
吹刑部兼太子賓客二十六年命以刑部署禮部事二十八年
元官後起左都御史掌院事詳國初都察院

任亨泰字 湖廣襄陽府襄陽縣人由歲貢入太學中洪武
十八年三月殿試擢亨泰第一召祭酒宋訥褒諭之命撰進士
題名記立碑於監門授翰林院修撰二十五年改詹事院為府
起兵部尚書詹事兼詹事尋陞亨泰少詹事仍兼修撰二十七
年五月癸亥 上重其學行擢禮部尚書時青州日照民江伯
兒以母病割股肉食之不愈乃禱於岱嶽祠誓云母病愈則殺
子以祀既而母病愈竟殺其三歲子祭有司以聞 上怒曰父

國朝列卿紀 卷之三十九 五五 孫泰 晉全

子人倫至重禮父為長子三年服今百姓無識殺其子絕滅倫
理宜亟捕治之勿使傷壞風化遂遣伯兒杖一百謫戍海南因
命禮部定議旌表孝行事例行於天下亨泰等議曰人子之事
親居則致其敬養則致其樂有疾則托之良醫投以善藥至於
呼天告地思慕懇切之至此為人子所當為也卧冰割股前古
所無雖出後世亦是間見至若割肝殘害尤甚且如父母止有
一子割肝割股或至喪生卧冰或至凍死使父母無依宗祀永
絕反為不孝之尤者原其所自皆愚昧之徒務為詭異以警世
駭俗希求旌表規避差役割股不已至於割肝割肝不已至於
一殺子違道傷生莫此為甚自今人子遇父母有疾醫治弗愈無

所控訪不得已而割肝卧冰亦聽其所為不在旌表之例 詔
從之又詔國子博士錢宰等至 上語正定蔡氏書傳且曰爾
等知天象乎皆對以不知 上曰朕觀天象自洪武初有黑氣
疑於奎壁乃文章之府朕甚異焉今年春暮其間黑氣始消文
運當興爾等宜考古証今有所述作以稱朕意於是命翰林院
學士劉三五等總其事開局翰林院正定是書時禮待諸儒甚
厚各賜以綺繒衣被等物又御製詩令次韻和之朝恭則班於
侍旁之前宴享則 賜坐殿中時酒樓成人賜鈔宴其上各獻
詩謝 上大悅復遣亨泰諭旨諸儒有年老願歸先遣之眾皆
願留至是書名蔡氏集傳得者存之失者正之又集諸家之說

國朝列卿紀 卷之三十九 五六 王瑞 晉全

足其未備三五等率諸儒上進賜名曰書傳會選命禮部刊行
天下賜諸儒及宴鈔俾馳驛而還二十八年三月秦王棟薨詔
定喪禮亨泰奏曰考之喪制宜報朝五日今遇時享宜暫輟朝
一日服制與晉王同從之四月辛未 上諭亨泰曰秦王既沒
國事無統世子長成宜命襲爵爾其集議以問亨泰同翰林諸
臣議漢諸王薨遣使者并嗣為王則玄冠衰經素服以承詔事
畢反喪服諸侯受天子之命亦宜服其命服使者出反喪服即
位而哭既合於禮且協人情詔依服命禮部行之六月玉科給
事中陳洽等奏凡大臣犯重罪雖蒙 恩宥不宜仍列本班必
少加降抑示勸懲 上從之詔禮部凡大臣犯重罪得免者敘

列八品九品班後九月庚戌頒祖訓錄於内外文武諸司
論享泰自古國家建立法制皆在始受命之君以後子孫不過
遵守成法以安天下蓋創業之君起自微側備歷世故艱難周
知人情善惡恐後世守成之君生長深宮未諳世故山林初出
之士自矜已才至有奸賊之臣徇利作聰明上不能察而信
任之變更祖法以敗亂國家貽害天下故日夜精思立法垂後
永為不刊之典如漢高祖刑白馬盟曰非劉氏者不王以後諸
呂用事咸改其法遂至國家大亂劉氏幾亡此可為深戒者朕
少遭離亂賴 皇天眷命剪除羣雄混一天下即位以來勞神
焦思定立法制革故元弊政至於開導後世復為祖訓一編立

國朝列卿紀 卷之三十九 二十七

為國法俾子孫世守之爾禮部具以朕訓頒行天下諸司使
知朕立法垂後之意永為遵守後世或有言改更祖法者即以
奸臣論無赦十月辛卯朔享泰曰百官朝參賜食實出厚恩緣
職事衆多供億為難請罷賜從之先是每旦視 朝奏事畢賜
百官食 上御奉天門或華蓋武英等殿公侯一品官侍坐於
門內二品至四品及翰林院等官坐於門外其餘五品以下官
於丹墀內文武西面行列位贊禮贊拜叩頭然後就坐光祿
寺進膳案後以次設饌食畢百官仍拜叩頭而退率以為常至
是始罷十一月出使安南時將征龍州以其地界安南故先命
享泰同監察御史嚴震直奉制書諭之因語享泰曰龍州之役

其師略眾然地連安南彼中必疑宜令預知趙宗壽之罪且古
哲王之令典分茅土者不循王命有征伐之誅今壽所為必當
問罪師行遣人諭安南慎守邊毋生納匿之釁王若一如朕命
彼此邊徼之民萬全矣享泰等至丘温先以書遺王其略曰享
泰等辭闕之日而奉 旨諭雲南梁王元之子孫本欲存宗祀
奈何自謀弗靖匿逃誘邊人天討不容所以滅亡今龍州不
臣允廷臣議奏興十萬之師問彼之罪地界安南五縣人民若
有容納逋逃者盡行剷除然猶念前王之篤實憫嗣王之弱冠
復恐國人驚駭故遣享泰等親詣安南款諭國王日焜以中朝
狀元又享泰議論英發敬之盡禮至二十九年春二月使還

國朝列卿紀 卷之三十九 三六

上聞其在安南私市蠻人為僕降為監察御史後以事免
門克新字 陝西鞏昌府秦州人為人寬厚和易始為本州
儒學訓導二十六年秩滿來朝時天下學官入覲者咸命侍朝
或試文辭詢問經史及民間政事得失在列者多應對不稱旨
獨克新敷奏亮直 上甚重之時紹興府儒學教授王俊華亦
以善文稱旨遂擢俊華為右春坊右贊善克新為左春坊左贊
善二十九年正月陞禮部尚書八月以疾請告命太醫給藥物
不輟其祿已而病革遂卒 上嗟悼遣官祭之命有司護喪歸
葬於鄉
鄭沂字仲興浙江金華府浦江縣人宋時旌表義門之裔 國

初天兵下浙東甫定金華選良家子弟為參隨舍人大將軍取
 衛處溫台等州沂居行間者能聲既而還京師仍命歸鄉里洪
 武二十五年宣召義門子弟年三十以上者至 御前選擢備
 用沂其一焉三十年八月又徵取大姓賢能者授以重任吏部
 引奏 上特發沂請前語曰爾家大孝大義累世同居前朝雖
 嘗仕宦我今使汝大貴 御筆親除為禮部尚書夙夜祗畏恪
 恭乃職同寅協和有如兄弟於時新創大理寺命各部官會同
 審囚沂再三詳獻無一人枉濫三十一年正月 郊祭前期命
 焚諸城皇天大雨禮畢雨忽止夜半卷垣月明星朗大禮慶
 成 天顏喜甚未幾奉 旨往山西祭晉恭王五月還朝 太
 國朝列卿紀 卷之三十九 二十九 高尚武 四十一

祖疾本漸既而賓天與祭禮畢即引年致事東歸永樂二年
 成祖思念舊臣復召沂授以前職蒞事三月憫其力衰不煩以政
 特製誥命賜歸有世厚孝友天稟忠淳之語四年 朝廷新禮
 樂修永樂大典訪求天下圖書與姪監察御史幹以義門家藏
 書籍及龍吟雅友二琴上進蒙 賜白金百兩寶鈔一千二百
 錠文綺四端有副四年入朝 賜白金五十兩寶鈔四百錠文
 綺二端有副是皆其致之恩也六年鄉人誣告義門私造軍器
 朝廷遣官搜索一無所有止有舊紅漆器尚存以 罪坐家長屬
 當之沂請前請曰家長乃某之兄昏耄無聞知某嘗為禮官不
 能使家眾遵國法罪坐某兄弟爭再三事聞於 朝未幾蒙

恩宥仍賜冠帶還家八年 大駕巡北京召致仕老臣南京聚會
 同館待以優禮五日一朝 東宮沂嘗為領袖 駕還賜燕東
 歸十年三月忽得氣疾浹旬一日呼二子杓槃來前曰吾仰賴
 天子寵光祖宗德澤白衣授以尚書今年踰七十以疾終於正寢
 幸莫大焉爾等當一心向公力行義事以圖報効言畢忽風雨
 大作頃焉風靜雨止倏然而逝享年七十有五

陳迪字景道直隸寧國府宣城縣人迪自幼儻有志操洪武
 中辟郡學訓導已未以通經召除翰林院編修己丑二月陞侍
 讀預修大典辛未八月陞山東布政司左叅政捕蝗弭盜民甚
 德之甲戌十月丁內艱奪情起復辭不允乙亥二月陞雲南左
 國朝列卿紀 卷之三十九 三十 高尚武 四十一

布政使晉定州靖烏嶽等處苗賊猖獗迪率土兵擊破之
 獻俘於 朝有白金綵幣之賜戊寅八月徵請行在陞禮部尚
 書授特進榮祿大夫庚辰水旱有 旨集議迪言刑獄未清宜
 勅法司擇公廉仁厚者分請郡縣審檄獄囚勿令久淹致傷和
 氣又言逃民家業既喪且畏公私連負之迫失今不恤必曠聚
 為惡宜使有司招來之其不願歸者聽附籍種田暫免其差役
 六則民安而盜息矣 上皆從之辛巳二月加太子少保辭所兼
 俸不受靖難師迫與黃子澄等上疏陳論大計迪受 命僨運
 糧儲於外過家未嘗入聞變即赴京師 成廟繼統召迪貴問
 迪謾罵不屈與子鳳山丹山等六人同日就戮將刑鳳山呼曰

父親累我迪叱使勿言因罵不絕口命割二子鼻舌熬熟俾食之迪吐唾之益肆指斥遂俱凌遲而死人於衣帶中得詩有云三受天王顧命新山河帶礪此絲綸千秋公論明於日照徹區區不二心又有五噫詞並悲烈不傳有老蒼頭侯來保拾其遺骸歸葬之計家橋洪熙初詔釋迪宗姻在戍所者還鄉給復產業成化壬寅郡人祀鄉賢祠甲辰郡守復於迪故居祠祀之近吏部尚書李默作新建祠記載寧國誌

李銅字至剛以字行直隸松江府華亭縣人少穎敏不羣嘗從學楊廉夫為詩文有清思洪武戊辰舉明經奉命侍懿文太子初授祠部試郎中既實授坐累謫戍邊無幾召還為虞部

國朝列卿紀

卷之三十九

三十一

陶仲仁

郎中二十八年陞河南布政司右叅議會河決汴隄居民危懼至剛建議假王府積木作筏濟之人賴全活甚衆章除中陞湖廣布政司左叅議壬午年成祖入正大統來朝大臣有言其才且洪武舊人遂以為通政司右通政尋命與修洪武實錄且朝夕在左右道說洪武中事甚親密是冬陞禮部尚書時禮部之務雖叢脞長於剴繁條理井然益見寵遇十一月奉命清理釋道二教凡歷代以來及本朝洪武十五年以前寺觀有名額者不必歸併其新創者悉如舊清查永樂元年正月至剛等言自昔帝王或起於布衣平定天下或繇外藩入承大統而於肇跡之地皆有陞崇切見北平布政司實皇上承運興王

之地宜遵太祖高皇帝中都之制立為京都制曰可其以北京為北京四月丁未安南權理國事胡奎遣使賀即位求賜封爵下禮部議至剛等言遠夷恍惚難信宜遣使廉察從之己卯至剛妻父坐事都察院作文當處以重法至剛言於上希恩乞免上曰法司鞠獄情之輕重外人何以知之對曰此都察院都御史黃信與臣言遂為刑科都給事中周璟等所劾上命錦衣衛鞠之有實狀特命誅之庚辰至剛等奏五月初十日恭遇太祖高皇帝忌考宋會要凡國忌前後二日不行刑不視事不舉音樂禁屠宰百官赴景靈宮奉真殿行香今議得忌辰前三日上服淺淡衣服御西角門視事至日早於奉天殿

國朝列卿紀

卷之三十九

三十一

陶仲仁

祭祀初八日至初十日不鳴鐘鼓不行賞罰不舉音樂禁屠宰文武官自初八日服淺淡衣服黑角帶侍朝至日早起孝陵行禮從之仍命八月初十日孝慈高皇后忌辰禮亦如之於是至剛復言宋制凡忌日於各佛殿誦經設帝后位百官行香今後宜依宋制於天禧等五寺并朝天官令僧道誦經三晝夜上曰予於父母固當無所不用其心但人君之孝與庶人不同為人君者奉天命為天下主社稷所寄生靈所依但當謹身修德體天心恪修成憲為經國遠謨使內無奸邪外無盜賊宗社莫安萬民樂業斯孝矣如不能此惟務修齋誦經抑未矣先是上謂廷臣曰北京朕舊封國有國社國稷今既為北京而

社稷之禮未有定制其議以聞至是至剛同太常會議以為朝廷王國及府州縣社稷俱有定制考之古典別無兩京並立太社太稷之禮今北京止宜設官看守如遇 皇上巡狩之日於內設太社太稷之位以祭仍於順天府別建府社稷令北京行部官以時祭祀 上可其議乃命依在京山川壇祭署例設北京社稷壇祠祭署奉祀署丞各一員隸北京行部五月至剛等言舊制應天府不設上元江寧二縣學今既設北京國子監以順天府學為之革大興宛平二縣學而以大興縣學為順天府學其順天府學及二縣生徒通經能文者令充北京國子監生其餘皆充順天府生徒之十月至剛言洪武中開平忠武王常

國朝列卿紀 卷之三十九 三十五 丁文 四百六

遇春祠墳俱有定制建文中增修過度請復其舊從之後實錄成有白金文綺金織衣之賜永樂二年春冊立 皇太子命以尚書兼左春坊大學士東宮開經筵與右春坊大學士解縉最先進講及修永樂大典四方文儒皆集仍命董之六月甲午上諭至剛曰會試下第舉人既多其中必尚有可取者蓋慮一時匆卒或本有學問而為文之際記憶偶差遂至謬誤而考閱之官神情昏倦失於詳審以致黜落此皆可矜其令翰林院出題更擇文詞優等者以聞遂得貢士張玄等六十人 上召見皆賜冠帶命入監進學以俟後科且勉之秋七月壬戌饒州府賜民朱季友進書謗毀聖賢至剛請實於法 上曰愚民

之將邪說有誤後學即遣行人押還鄉里會布政司按察司及府州縣杖之一百檢搜所著文字悉毀之仍不許稱儒教學久十一月至剛言歲貢生員坐懷挾充吏者送翰林院再考中式送監讀書從之已而再考不中乃發充吏三年為侍郎宋禮所間見疏歲餘降儀制郎中然遇劇務必以屬之初解縉素相厚成祖御書大臣十人命品評縉於至剛則云誕而附勢雖才不端既縉遭譖出至剛懷宿恨言其怨望中傷之後召下獄而并下至剛 仁廟嗣位念其舊功臣復以為左通政數月又念其老不仕朝參改知興化府時 朝廷方需仁澤於天下至剛勞心撫綏郡民德之再歲歿於官宣德丁未四月七日也享年七十

國朝列卿紀 卷之三十九 三十四 商祐 四百六

餘冬云解縉侍 太宗諭及羣臣御書憲義等十人名命各疏於下既奏 上以授 仁宗曰李至剛朕洞燭之矣餘徐驗之後十餘年 仁宗出其所奏十人者示楊士奇曰人率謂縉狂士縉非狂士向所論皆定見也此事楊公既著於 聖諭錄於解縉碣內又載之墓碣載解被庶人譖出為廣西叅議以李至剛言其怨望又改交趾後入奏事庶人復有言遂徵下獄後三年病死獄中李至剛墓表亦楊所作載李言解事詔下獄而并下李今莫知其悉李之言解其因解有誕而附勢雖才不端之奏而怨之故歟 上之并下李也所謂洞燭之者有在矣噫小人之怨君子事每如此小人終亦何利解死於獄中而李不死

則命也 仁宗臨御既明解寃又官其從子為中書學士雖實緣
官官改為通政尋出知遠郡賢否在 聖衷其彰彰矣乎

鄭賜字 福建建寧府甌寧縣人洪武甲子鄉舉乙丑登進

士擢監察御史二十五年秩滿陞湖廣右叅議尋丁母憂二十

七年起復補北平右叅議革除中附 成祖甚見親幸謀國者

以其反復請置安東屯尋起工部尚書 成祖入正大統時六

卿死難者禮部尚書陳迪兵部尚書齊泰刑部尚書侯泰賜同

吏部尚書張統戶部尚書王純及侍郎蹇義夏原吉等歸附時

奉天殿為建文所焚賜承 命改作奉天殿之西踰月擢改刑

部尚書永樂元年二月奉 命嚴禁誣告法凡誣告三四人者

杖一百徒三年五六人者杖一百流三千里所誣重者從重論

誣告十人以上者凌遲處死梟首其鄉家屬遷化外九月承天

門守衛千戶奏先晚工匠出門遺木牌無姓名有寶鈔提舉司

字且條列本司官吏不法數事 上諭法司曰投匿姓名文書

告言人罪者律有明禁此蓋小人假公法報私忿誣陷忠良其

毀之自今有此者悉勿問十一月康孔高先任祁陽縣知縣建

文中謫教大理縣至是例得復祁陽孔高朝京師還枉道過家

省母母適病留侍九閱月不行賜等逮問孔高舉當杖仍謫教

邊縣以聞 上曰母子之愛本於天性朕違萬里數年一旦相

見已難遽舍况於有病是可矜也免杖復其官三年李至剛以

國朝列卿紀

卷之三十九

三五

四百十

罪謫改賜為禮部尚書四年丙戌二月知貢舉取朱縉等一百

十九人故事以三月朔 廷試是日 駕幸太學初 上勅禮

部曰朕惟孔子帝王之師帝王為生民之主孔子立生民之道

三綱五常之理治天下之大經大法皆孔氏明之以教萬世朕

皇考太祖高皇帝膺君師億兆之任正中華夏文明之統復衣冠禮

樂之舊渡江之初首建學校親祀孔子御經筵講書守帝王之

心法繼聖賢之道學集其大成以臻至治朕承鴻業惟成憲是

遵今當躬詣太學釋奠先師以稱崇儒重道之意其合行禮儀

禮部詳議以聞賜言宋制謁孔子服靴袍再拜 上曰見先師

禮不可簡必服皮弁行四拜禮於是進視學儀注即洪武中所

定也 上親行釋菜禮命吏部尚書蹇義戶部尚書夏原吉翰

林院學士解縉祭酒胡儼分獻十哲兩廡畢 上御彝倫堂命

坐講祭酒胡儼講尚書堯典司業張智講易泰卦大臣及翰林

院詞臣皆賜坐 上諭之曰六經聖人之道彌綸天地昭揭日

月垂憲萬世率由辨訓與卿等皆勉之遂 命光祿寺 賜百

官茶次早祭酒胡儼等 表及箋稱謝 賜祭酒以下宴於奉

天門監生宴於丹墀仍賜儼及司業張智紵絲羅衣各一襲學

官王峻用等三十五人紵絲衣一襲監生朱縉等三千七十四

人鈔各五錠時禮部會試舉人中式者纒第一故縉為諸生班

首云十二日廷試命賜掌其事取林環以下進士及第出身有

國朝列卿紀

卷之三十九

三六

四百四

差五年三月癸酉 命賜等選監生胡敬蔣禮等三十八人隸翰林院習譯書人月給米一石遇開科令就試仍譯所作文字合格准出身置館於長安右門之外處之以四夷字學分爲四齋令都指揮李賢以錦衣衛軍守門務令成業六年賜爲侍郎趙犴所間憂鬱感疾勉強奉職如平時忽以卒告 上疑其自盡召翰林諸臣問之衆未及對楊士奇進曰臣觀賜病數日但未敢即安昨晚同立左順門下賜忽仆地傍人怪賜無人氣臣遽命其屬官掖出午門外 上聞士奇言曰微汝言幾誤疑賜賜本君子顧才不足耳命工部與棺禮部往祭之後贈太子少師諡文安

國朝列卿紀

卷之三十九

三七

張文 賈至

趙犴字雲翰河南開封府祥符縣人洪武丁卯由郡薦入太學士被命董事山東以廉謹授襲衣楮幣之賜歲庚午授兵部職方司主事命敷天下兵馬暨諸路屯戍補其缺而增所宜置悉得其寶具圖以進 太祖以爲能乙亥陞武庫員外慎密小心尤爲當道者所重戊寅陞浙江右叅政剗繁治劇事無凝滯時海寇出沒劫取人財乃以計捕之境內獲安尋丁外艱吏民痛之如離父母壬午年 成祖嗣臨大寶以能專對命使南交阯至則誕宣德音恩威兼布夷長款服既歸却其金寶之餽 上聞而嘉之賜資優渥擢刑部右侍郎永樂二年轉工部再轉禮部受命往封西寧侯未幾歸五年冬拜禮部尚書賜宴於華蓋

殿并徹御筵饌羞遺其母以榮之戊子 仁孝皇后崩逝命詣北京卜山陵告成膺楮幣之賜壬辰督創隆慶保安永寧諸郡治撫輯有方而新集之民悉安其業不知其勞七年扈行在秦言北京國子監開設七年矣監生唐謙等情願出仕吏部試之皆未通經宜罪司業趙季通 上曰姑宥之行文申明天下凡弟子員再試不知文理者併罪其師發煙瘴地面安置十五年改兵部尚書歷刑部尚書致仕詳南京刑部

劉觀字 直隸保定府雄縣人洪武乙丑進士授大谷縣丞

有治才以薦舉擢監察御史三十年命署都察院左僉都御史革除二年調嘉興府知府尊禮賢士修學政興利去害郡中肅

國朝列卿紀

卷之三十九

三八

張文 賈至

然尋丁父憂永樂元年起復推雲南按察使未行拜戶部右侍郎二年調都察院左副都御史時左都陳瑛尚刻右都吳中尚寬觀善處二人各無阻忤四年慶建北京宮殿諸役並與命採木浙江既至飭有司率吏民歷山谿險絕之地凡材之美者悉取之輸北六年陞禮部尚書尋以典章故實非其所請改刑部尚書詳都察院

國朝列卿紀卷之三十九終

國朝列卿紀卷之四十

禮部尚書總論

夫禮部尚書者古春官大宗伯之任也春者出生萬物天子立宗伯使掌邦禮以事神為注亦所以使天下報本反始不言司者鬼神亦人之所為莫敢主故也自魏置祠部尚書以降至隋改為禮部而學校貢舉悉隸之是又兼古司徒之職矣歷宋設太常光祿鴻臚等寺並隸禮部其職豈不重哉我明罷丞相陞六部而禮部資任尤美多拔文學行誼著聞者擢之是以禮樂教化為本務矣求其秉寅清之德足以潛格百神而心學淵源有裨廟謨藉以勸天下何其寥寥也天造不論自定鼎北

國朝列卿紀

卷之四十

王都寫

京以來若胡忠安當漢庶人不靖而密啟東官孝敬之實以

聞卒定國本及已巳之變主迎聖駕務從厚典可謂忠於

謀國者而易儲之議不能毅然力抗何哉姚文敏明於典禮善

藏其用如駁虜使從徑路入貢及止朝鮮進海東青皆有遠識

又麻補臣執慈懿別葬不可其言謹矣而欽會進香致有張寧

之疏於盛德不可少嘗乎嗣後耿文恪因災疏政剴切時弊而

論藩封日增國賦日消有防患於微之慮倪文毅釐正祀典多

本經訓而停取國師占竹却貢西域獅子得以華御東之體傳

文毅遵守成憲杜絕請託而抗改優人牙牌奏止法王封號有

剛毅不撓之勇雖其體局少異而依古肆言優游彌縫亦不失

一 禮部大夫也其餘以華采期樂者豈少哉而國憲所干終不敢驚挺秉義將有所顧望歟然較之震等每事誤朕者亦不可同日語矣由是觀之邦禮之任可用非其人哉

國朝列卿紀

卷之四十

二

國朝列卿紀卷之四十

禮部尚書年表

呂震	陝西臨潼人鄉舉永樂六年任十九年改北京加太子少保宣德元年卒
金純	直隸泗州人監生永樂十四年任協理部事二十二年調工部歷刑部尚書卒贈山陽伯
胡濙	直隸武進人進士宣德元年任加至少保兼太子太師天順元年致仕卒贈太保諡忠安
楊寧	浙江錢塘人進士正統十四年任協理部事景泰二年調南京刑部尚書
楊善	順天大興人進士天順元年任加少保伯掌部事四年卒封侯爵諡忠敏
蕭昺	江西泰和人進士天順四年任五年致仕
石瑁	山西應州人進士天順五年任七年致仕
姚夔	浙江桐廬人進士天順七年任成化五年遷吏部尚書加太子少保卒諡文敏
國朝列卿紀 卷之四十 三 四文 吾空	
鄒幹	浙江餘杭人進士成化五年任加太子少保十六年卒贈太子太保諡康靖
周洪謨	四川長寧人進士成化十六年任加太子少保弘治元年致仕卒諡文安
耿裕	河南盧氏人進士弘治元年任六年遷吏部尚書加太子太保卒贈太子太保諡文恪
倪岳	應天上元人進士弘治六年任九年調南京吏部歷吏部尚書太子少保卒諡文毅
徐瓊	江西金谿人進士弘治九年任十三年加太子少保致仕
傅瀚	江西新喻人進士弘治十三年任十五年卒加太子太保諡文穆
張昇	江西南城人進士弘治十五年任加太子太保正德二年致仕卒贈太子太保諡文德
李傑	直隸常山人進士正德二年任本年致仕卒贈太子太保
劉機	順天大興人進士正德二年任三年改管浩勅歷吏部南京兵部尚書
周經	山西陽曲人進士正德三年任太子太保尚書致仕再起本部未任卒贈太子太保諡文端

國朝列卿紀卷之四十一

白鉞	直隸南宮人進士正德三年任五年改兼學士掌詹事府事加太子少保卒贈太子太保諡文裕
費宏	江西鉛山人進士正德五年任六年入閣歷少師兼太子太師華蓋殿大學士卒贈太子太保諡文憲
傅珪	直隸清苑人進士正德七年任八年致仕卒贈太子太保諡文毅
劉春	四川巴縣人進士正德八年任十年下憂起復兼學士掌詹事府事卒贈太子太保諡文簡
毛紀	山東掖縣人進士正德十年任十一年入閣歷少保太子太保護身殿大學士卒贈太子太保諡文簡
李遷學	河南上蔡人進士正德十一年任十二年改學士掌詹事府事卒贈太子少保
毛澄	直隸太倉人進士正德十二年任加太子太保嘉靖二年致仕贈少保諡文簡
羅欽順	江西泰和人弘治癸丑進士嘉靖二年由南京吏部尚書改未任丁憂
汪俊	江西弋陽人弘治癸丑進士嘉靖二年任三年致仕
席書	四川遂寧人弘治庚戌進士嘉靖三年任六年入閣歷少師
國朝列卿紀 卷之四十一 四 四文 實空	
羅欽順	見前嘉靖六年再起未任後起吏部尚書未任
吳一鵬	直隸長洲人弘治癸丑進士嘉靖六年任本年加太子少保調南京吏部尚書
桂萼	江西安仁人正德辛未進士嘉靖六年任七年遷吏部尚書少保兼太子太傅武英殿大學士贈太傅
方獻夫	廣東南海人弘治乙丑進士嘉靖七年任八年遷吏部少保兼太子太保武英殿大學士卒贈太子太保諡文襄
李時	直隸任丘人弘治壬戌進士嘉靖八年任入閣歷少師兼太子太師華蓋殿大學士卒贈太子太保諡文康
夏言	江西貴溪人正德丁丑進士嘉靖十年任十五年入閣歷少師兼太子太師吏部尚書華蓋殿大學士
嚴嵩	江西分宜人弘治乙丑進士嘉靖十五年任二十年入閣歷少師兼太子太師華蓋殿大學士
黃綰	浙江黃巖人官生嘉靖十八年入閣歷少師兼太子太師華蓋殿大學士
張璧	湖廣石首人正德辛未進士嘉靖二十一年任二十三年入閣加太子太保兼東閣大學士
費家	江西鉛山人宏堂弟正德辛未進士嘉靖二十三年任加少保兼太子太保二十七年卒諡文通

孫承恩 直隸華亭人嘉靖辛未進士嘉靖二十七年任

徐階 直隸華亭人嘉靖癸未進士

歐陽德 江西泰和人嘉靖癸未進士三十一一年任兼

王用賓 陝西咸寧人正德辛巳進士嘉靖三十三年任兼

吳山 江西高安人嘉靖乙未探花三十五年任兼翰

袁煒 浙江慈谿人嘉靖戊戌進士四

嚴訥 南直常熟人嘉靖辛丑

李春芳 直隸興化人嘉靖丁

董份 浙江烏程人嘉靖辛丑進士四十四

高拱 河南新鄭人嘉靖辛丑進士四

國朝列卿紀 卷之四十 五

高儀 浙江仁和人嘉靖辛丑進士四十

殷士儋 山東歷城人嘉靖丁未進

潘晟 浙江新昌人嘉靖辛丑進

呂調陽 廣西臨桂人嘉靖庚戌進

陸樹聲 直隸華亭人嘉靖辛丑進士

萬士和 直隸宜興人嘉靖辛丑進

潘晟 見前萬曆四年自南

徐學謨 直隸嘉定人嘉靖庚

陳經邦 福建莆田人嘉靖乙丑

沈鯉 河南歸德人嘉靖乙丑

朱賡 浙江山陰人隆慶戊辰

于慎行 山東東阿人隆慶戊辰

國朝列卿紀 卷之四十 六

張十九

禮部尚書行實

呂震字克聲陝西西安府臨潼人自幼穎悟以神童稱年十五
 選補縣學生二十以明經領鄉薦入大學二十六年朝廷欲
 稽郡邑壤地之廣狹貢賦之多寡命有司具圖以進使賦役適
 均姦弊無隱震承檄往西浙督之民不勞而事集既還京師遂
 請山西按察司僉事繼入為戶部主事尋復出為北平按察司
 僉事所歷俱以才幹聞 成祖在潛邸將舉兵靖難震知天命
 所在遂竭勞績壬午年內難既平以城守功陞真定知府本年
 召為大理寺左少卿二年陞大理寺卿三年拜刑部尚書六年
 冬遷禮部尚書七年 車駕北狩 東宮監國震啓會試天下
 國朝列卿紀 卷之四十 七

舉人得中式者陳璣等七十五人 皇太子命送國子監進學
 埃 車駕還日廷試閏四月琉球官生石達魯在監三年例當
 省親欲同王舅仁悅慈歸國震以事屬外夷馳驛以聞 上從
 之八年四月震等啓言琉球國四川雲南官民生李俊等及其
 從人例賜夏衣惟琉球官生模都古等自其國省親復監挈帶
 妻子女伴六人未有給賜 皇太子命工部亟製給之仍悉賜
 衣巾靴絛衾褥枕簟十一月 車駕至自北京 上賜琉球等
 處官民生李傑等并其從人冬衣靴襪既而從容與羣臣語及
 之震曰昔唐太宗興學校新羅百濟皆遣子入學當時僅聞給
 以廩膳未若今日養子周備也 陛下聖德前古未有 上曰

遠方慕中國禮儀故遣子入學必足於衣食然後樂學 太祖
 高皇帝命資給之著於令典所謂曲成萬物而不遺者朕安得
 違之九年三月震奉舉 廷試 上可其奏賜蕭時中以下及
 第出身有差十年春二月庚午會試末場冠帶舉人張彥炳與
 同鄉余彝答策互相傳代為軍人劉源緝獲監試御史送禮部
 震以違禁請逮治之 皇太子令翰林院於內府考試尋啓所
 作文字平常 皇太子曰是可宥也乃令復監讀書以俟後科
 五月 駕帖取舉人監生梁弘等一百二十人習譯夷字弘獨
 告免震以聞 上怒編伍交趾永樂十一年十二月二十八日
 鴻臚寺奏習正旦賀儀 上詔禮部翰林院官問曰正旦日食
 國朝列卿紀 卷之四十 八

百官賀禮可行否震對曰日食與朝賀之時先後不相妨侍郎
 儀智曰終是同日免賀為當後以學士楊士奇引証甚直竟免
 賀十二年秋七月 車駕先征沙漠雲南民生起與之等三十
 五人啓言超檢歷事震以其違 制請發刑部都察院治罪
 皇太子命與之充皂隸本監應役楊順等三十四人皆有罪復監
 十九年定鼎北京去行在二字震改北部夏四月二殿災召羣
 臣直言得失震奏監生有單丁親老告侍親者照例令侍養親
 終服闋起用其已經編伍者悉宜宥免從之會 車駕北征震
 言於 皇太子曰殿下前在南數遣中使進奏牘每至輒以
 殿下過失聞於 上上指其妄言今宜疎此人 皇太子曰過失

吾豈能無令 至尊既不信之我又與人計較耶卒置之衆多
議震險佞而服 皇太子之仁明不衰二十二年 仁宗即位
優遇隆渥恩禮有加嘗從容上言百司庶政具有成法第悉遵
祖訓行之勿有所更則永世有賴 仁宗嘉褒 賜以綵幣鈔錠
初命兼掌太常卿事未幾加太子少師尋進太子太保仍兼禮
部尚書九月癸未震奏於 上曰今喪服已踰二十七日請如
太祖做漢制釋服纓易服震奏已遂退遍語羣臣明日易服楊士
奇謂震曰今喪服未可比例蓋洪武有遺詔且 仁孝皇后崩
太宗皇帝在上纓服仍服數月白衣冠經帶今 上於 皇考乃
遽即吉乎時黃淮同士奇意不敢明言忤震震厲聲忿士奇曰
國朝列卿紀 卷之四十 九 張壽言

仍用樂不置今四方朝覲官皆集於此觀禮乞 勅禮部設樂
不作不報震復言士奇等所議不當士奇與淮復進言遂有
旨命禮部設樂不作正月初二日特 召士奇四人奉天門諭之
曰呂震每事誤朕卿等所執停樂是為君以受直言為賢不受
直言則過益深為臣以能直言為賢不能直言則不忠盡如昨
日朝會從呂震言今悔何及賴卿等盡心遂免此悔自今遇朕
行有未當但盡言之毋以不從為慮震恚恨甚會朝覲官將
復任兵部尚書李慶請散馬與朝覲官領牧楊士奇力陳不可
震與李慶益交口忿之其他如詆夏原吉為柔奸攻戈謙為賣
直及為子乞官之數者均為清議所斥云洪熙元年奉 旨祀
國朝列卿紀 卷之四十 十 張壽言

朝廷每事被爾拘束尚書蹇義從旁解之曰渠言當理國家事公
豈應偏執已見請兼取二說明日羣臣皆素衣冠黑角帶遂借
六部都察院具奏報可明日 上素冠麻經出視朝文臣惟學
士武臣惟英國公如 上所服餘文武羣臣皆從義所定期畢
上召蹇義夏原吉楊士奇等 諭曰呂震昨奏易服皆與汝等議
之前奏時吾已疑其非但聽臣下易之 梓宮在殯吾豈忍易
後聞士奇有言始知震妄士奇所執是因歎曰張輔知禮六卿
乃有不及又顧義曰汝所折中亦未當然不必再以語人羣臣
聽其便十二月庚午百官習新正儀於海印寺用樂明日楊士
奇等進言近禮部與臣等已議定新正儀不用樂昨日

古皇帝王陵寢於關西復加厚 賜俾訖事便道祀先省母比
還值 宣宗登極凡冊立拜封及宴勞事多任之震在禮部二
十餘年凡禮樂制度郊廟祭禮燕享飴餼朝覲會同之事莫不
參酌古今以時舉行太夫人家居年耄每形於憂念於是得承
命歸省者三皆有白金文綺之賜其歸也兩值關中饑即令所
司出粟以賑之暨還例列以聞 上多是之但震有通才不能
持正人多詆其柔佞宣德元年四月以疾卒於官年六十有二
寓園雜記云尚書呂震有通才掌禮兵刑三部事 文皇將北
征沙漠命洗馬姚 撰祭文姚書題作寶齋文上進 上大怒
曰何舞文如此命置姚於獄候旋師行遣師行至榆林川晏

仁宗登極命震治此獄震擬進曰日本名旗纛其寫作寶纛係是字體差謬當得宥罰

傳信錄云永樂二十二年十一月 御劄付禮部尚書呂震曰建文中奸臣其正犯已悉受顯戮家屬初發教坊司錦衣衛浣衣局并習匠及功臣家為奴今有存者既經大赦可宥為民給還田土

金純字德修直隸鳳陽府泗州人由太學生擢文選司郎中能聲茂著三十一年陞江西右叅政值久雨江漲民饑多方賑恤壬午年召為刑部右侍郎永樂初採木湖廣郡民不擾八年扈從北征還京轉左命濬運河十四年改禮部左侍郎尋陞禮部

國朝列卿紀 卷之四十 十一 刑部

尚書扈行在十六年還南京協呂震理部事十八年同呂震扈行在十九年定鼎北京 命巡撫四川考察官吏安綏軍民本年事竣還京仍協呂震理事二十二年調工部歷刑部致仕詳刑部

胡濙字源潔直隸常州府武進人生而髮白爾月乃黑見者異之自幼端重不好嬉戲弱冠入邑庠洪武中領鄉薦登建文庚辰進士第授兵科給事中尋遷右給事中勤謹識大體士林譽之 成祖入正統供職如舊永樂改元秋以奏稱 旨陞戶科

都給事中丁亥代署祭酒事 上察近侍中惟濙忠實可托遂命巡遊天下以訪異人為名實察人心向背時 御製性理大全

為善陰陽孝順事實書成俾以此勸勵天下以故雖窮鄉下邑軌跡無不到在湖間最久丙申秋還朝丁內艱乞終制不允一日侍 成祖奏事獨召濙至膝前曰古人有言德勝才謂之君子才勝德謂之小人眼前豈乏幹辦之才求一好人難耳吾欲用汝但汝官小數日 上召吏部特陞禮部侍郎吏部奏禮部

左右侍郎俱缺遂陞左侍郎明年往巡江浙諸州授嘉議大夫癸卯復自均襄還朝 車駕親征北虜駐驛宣府馳謁行在初上卧不出聞濙至喜而起且慰勞之曰卿驅馳良苦 賜坐與語凡所歷山川道理郡邑豐嗇民情休戚以至所聞所見保國安民之事悉為陳說 上欣然納之向所疑慮者至是皆釋比退

國朝列卿紀 卷之四十 十一 刑部

漏下四鼓因進太嶽太和山瑞光圖及榔梅靈芝禮部請賀不許先是 仁宗為太子監國時飛語上聞 文廟屬往祭之比至以所見七事皆誠敬孝謹密疏以聞 上覽之大悅自是不復疑 仁宗嗣位特賜誥命授正議大夫資治尹已而聞曾有密疏疑之乃轉太子賓客兼國子祭酒之官南京未幾閣章奏見所上密疏深嘉其忠方議重用之而龍馭上賓矣 宣宗即位復禮部左侍郎兼官如故洪熙乙巳冬自南京來朝 上素重之及入見顧問良久即留任行在禮部事宣德改元春進禮部尚書是歲秋漢庶人謀叛事覺 上親征事平受賞資資

厚復給叛者家丁四人丁未 賜誥命授資善大夫復賜近

部尚書是歲秋漢庶人謀叛事覺 上親征事平受賞資資

一區於長安右門外給關者二人戊申 上嘉其忠勤特 賜
銀章四其三日文公世家曰清和恭謹尋以漢生辰 賜宴於
其第秋八月扈從巡邊至會州而還已酉命兼詹事府事辛亥
命兼行在戶部事 聖節御製詩一章 賜淡及蹇忠定楊文
貞文敏三公且曰朕茂膺 天眷惟爾四人贊翼之功因賜宴
盡醉而罷新建禮部成命光祿設宴勳戚公卿皆往賀以為盛
事立石廳事之右八年命同楊士奇等遊西苑倚任益隆每宴
見 上虛心問曰卿有何言得其章奏即施行之時有芝產於
公署人以爲和氣所召 英宗踐祚惟爾任舊人待之尤厚凡
軍國重務皆與聞加授資德大夫正治上卿母考績必有資予
國朝列卿紀 卷之四十 十三 朱宗 四十七

封進見朝野同情或可感動 上心漢往質之三法司都御史
王文曰匿名文書不得言以告少保于謙等言便封進亦無妨
蓋其意亦持兩端及葉盛等草疏同上且破匿名之說俄頃得
旨繳進衆候諸途扣淚欣然言適三法司言不可進已還之高矣
茲復取來故遲耳王文有憂色曰諸公勿累小子吃牢飯也漢
不答旋于戶襲遂榮聞捕治急首罪下錦衣衛獄門謝二鎮撫
以其當具奏而不具奏坐不應尋會赦得釋及 英廟將旋漢
屢奏迎復事 上多以虜情多詐爲言將抵居庸一奏始得
旨羣臣同禮部議迎復儀注兵部總戎議防變方略輿情甚欣慰
朝下多官集會議所都御史王文忽厲聲曰來孰以爲來邪衆
國朝列卿紀 卷之四十 十四 朱宗 四十八

聞於官若欲為仲理者已而巡撫刑部侍郎李堂總兵都督俞
事武毅等發其情罪付獄究治坐當死竝遣人赴京先賂用事
者乃具奏請立見濟為 東宮下禮部會官議都御史王文首
言當立大學士陳循等皆唯唯深畏勢不能力爭於三年五月
同眾復本如所請遂易 茂陵為沂王而見濟竟立以易儲恩
進兼太子太傅時給事中林聰自言 皇太子無過不肯署名
王文怒目叱之林不得已亦署後王文嗾御史劾聰甥為教官
因聰言得善地文致其罪以專擅選法當死大臣當連名署奏
牘次及深驚曰林聰至死耶如公論何即移疾不出 朝廷遣
問之深曰本無疾聞林聰被害心怖不安 帝始知聰為人所

國朝列卿紀 卷之四十 十五 陶見 習主

誣竟坐末減八年 景帝有疾深會吏部尚書王直等及科道
等官請復 茂陵推學士商略主筆草奏其大略曰天下者
太祖 太宗之天下傳之於 宣宗陛下 宣宗之子見深 宣
宗之孫以 祖父之天下傳之於孫此不易之常法稿成十五
日登正本期十七日待 上視朝合辭懇請其稿留於侍郎姚
夔及期都御史徐有貞附石亨董奪門奉 英宗復辟殺少保
王文于謙謫大學士陳循等深扶疾入朝乞謝事且辭師傳二
職 上憫其老從之 陛辭賜白金寶鑑金織襲衣給驛舟以
歸復 賜璽書有卿宅心允臧處事惟慎經變故無改厥常之
論歸之日鄉人老穉聚觀者以億萬計乃陳所受賜於堂感激

泣下遣子長寧詣 闕申謝 上念其歷事累朝遂官長寧為
錦衣衛世襲鎮撫俾歸終養時弟克恭克寧克誠年皆七十餘
蒼頭白髮聚樂一堂遂扁曰壽愷復優游桑梓者七年疾復作
召諸子前曰爾輩圖報國恩勿墜家聲遂瞑目而逝年八十有
九訃聞贈太保謚忠安遣官 諭祭於其家復令有司營葬事
為人平易寬和廉靜寡慾自奉澹薄起居有常居官敬慎一毫
不苟歷事 四聖立朝幾六十年薦拔士類甚多十知春闈貢
舉之士盡出其門平居未嘗疾言遽色雖庸夫孺子亦知其為
長者但易儲一事不能力爭主國是於全德猶有歉云所著有
芝軒集若干卷又嘗輯錄醫藥經驗者曰衛生易簡方經進又

國朝列卿紀 卷之四十 十六 陶見 習主

有律身規鑑俱行於世
水東日記云 太宗命使使外濱行 面諭曰人言 東宮所
行多失當至南京可多留數日試觀何如密奏來奏所書字頂
大晚至我即觀也甚至南京日晚隨朝 勅免朝辭以不敢蓋
凡所見 殿下所行之善退即記之如一日趨朝勳臣某者語
譁侍衛槌之仍口奏有 旨不問既退朝亟 宣侍衛者賞鈔
若干錠於是羣臣皆言不顯責大臣而旌禁衛所以寬其罪而
媿其心 殿下之明斷也住稍久隣居楊學士士奇曰公命使
也宜亟行則權辭謝之曰錦衣數種未完耳至安慶始書奏令
所從驛驢給校尉齎進也

瑣錄云正統中宗伯胡公澗一日早朝承旨跪起帶解落地從容繫之遂叩頭還班御史亦不能糾十三年彭可齋中狀元當上表謝恩之夕坐以俟旦至四鼓乃隱几不寤竟失朝糾儀御史奏令錦衣衛拿已奉旨公從容出班奏狀元彭時不到合着錦衣衛尋上是之不然一新狀元遂被拘執如囚斯文不雅觀矣老成舉措自得大體於是亦可見矣

守溪筆記云景泰時王文弄權忤者必死吏科給事中林聰獨上章劾之文銜之日求其罪不得也會聰鄉人在吏部聰為屬之文選出其手書文欲實之死會官廷議擬大臣專擅選官律廷臣附會無敢違者公謂文曰給事七品官也而擬以大臣

國朝列卿紀 卷之四十一 十七

囑託公事也而以選法二者於律合乎且人臣以宿憾而欲殺諫官無乃不可乎遂奮衣出曰此疏吾不預公等自為之遂罷公歸卧病不朝數日 上問以病對使太監與安問疾公曰老臣無疾前日議事驚悸不安爾安問何為曰諫官有小罪而欲殺之此所以悸也安以告於 上詔曰比擬殺人可乎聰得不死

漫錄云英廟居南宮每遇聖誕令節屢請羣臣入朝問起居為權奸沮言雖不行時論譴之

獻實云老成人國之著祭而士之表儀也胡公以碩德耆宿忠勤篤業夙夜匪懈歷事六主並受寵遇晝接蕃庶冠絕百僚晏

子有言一心可以事百君斯之謂矣求之古者其文潞公之儔歟

楊寧字彥謐直隸徽州府歙縣人宣德庚戌進士尋 詔歸進學壬子赴召明年授刑部主事謙獄明恕蔚有時名正統己未麓川思任發反 朝廷命將征之簡寧隨征師次麓川境賊遣人納降主將欲許之眾莫不喜悅乃獨進曰不可固請不已眾謂其迂檄令督運金齒不旬月賊眾奄至士卒多陷比還京將兵者卒以失機被譴寧獨被 褒賞特陞郎中歲辛酉大舉伐麓川總督尚書王驥知其料敵之審仍以寧行師入境王公指授諸將進取方略以寧督戰乃渡江攻上江寧奮不顧身督戰

國朝列卿紀 卷之四十一 十八

益力士卒咸用命遂克之天進改移入龍山賊柵險阻守寧曰賊狃於前勝當多方以誘之使不暇併力乃可圖王公用其言令諸將並進連破七寨斬陶孟嘉等餘賊奔潰遂乘勢擣賊巢乘風舉火焰漲天賊不知所為死鋒鏑及墮崖溺水不計其數師還 英宗親宴勞賜白金楮幣拜刑部右侍郎壬戌丁母

喪夫憂甲子奉命參贊雲南軍務至則練兵伍督屯耕與利去害不以勢撓而於懷遠人猶盡心焉先是有頭目蘇瑛者常効力隨征奏請置騰川宣撫以恭項為之用旌其義城騰衝險要以控制夷蠻建學舍選生徒訓令務學以變夷風先是麓川賊首逃於緬乃簡銳師若將有所向遣使奉詞責緬緬人懼哀

求出賊自効卒誅大憝兩寅侍郎侯... 仰巡撫江西至則
按視郡縣增修城垣團集鄉兵訓以武藝賊聞風畏避不敢犯
於是時益鎮以簡靜求民瘼而弛張之遠近畏慕景泰初還京
奏對稱 旨有織金文綺羊酒之賜明日拜禮部尚書 毘陵
胡濙協心政務濟寬以嚴人謂得體後二年以病足... 少履
調南京刑部詳南京刑部

國朝列卿紀卷之四十一

禮部尚書行實

楊善字幼清順天府大興縣人革除中 成祖靖難...
城叙功授鴻臚寺序班永樂三年以奏庶吉士章朴藏方孝孺
文集進鳴贊歷寺丞進本寺卿 上諭善曰朕初即位凡吏治
賢否民情休戚皆欲聞之而四方之遠無由盡達自今方岳大
臣來朝引見朕親問之以悉下情洪熙元年遣勞陽武侯善練
習朝章居官恭勤自永樂二十二年掌寺事至正統十一年凡
二十三年於 朝覲宴賞諸儀俱合典禮稱 上旨尋進禮部
右侍郎十四年己巳夏瓦剌脫脫不花及太師也先犯邊太監

國朝列卿紀 卷之四十一

王振請 英宗親征使部尚書王直等諫不從率六軍啓行善
以右都御史從會 車駕北狩善於百死中獲一生歸京人心
洶洶不寧及 景帝嗣位尊 英宗為太上皇人心始安既也
先入犯京師兵部尚書于謙與大將石亨管城東刑部侍郎江
淵與都督孫鏜管城西善與交趾舊將王通守城虜攻城連日
抄掠亨等與之殺傷相當其酋長鐵頭元帥死焉虜時少沮復
擁 駕北去 太上皇在虜音問不通有自虜脫回方知無恙
虜亦遣使求通但譎詐不可信未可以使往報善聞議和慨然
欲往 上從之人皆危懼善曰 上皇在虜庭食君祿者於心
何安此為臣者效命之秋也遂行至其境虜將也先密遣人點

慧者田氏來迎且探其意相見云我亦中國人被虜於此因問
向日士未之聞南朝兵何故脫衣甲而走荅曰太平日久將卒
相安況此行只是扈從隨駕初無號令對敵因四方無虞只營
修寺宇而已何曾操習被爾虜兵陡然衝突如何不走雖然爾
虜幸而得勝未見爲福今 皇上卽位聰明英武訥諫如流有
一人獻策云虜人敢入中國者只憑好馬扒山過嶺越關而來
若令一帶守邊者俱做鐵頂櫃子上留一空安尖頭錐子但係
人馬過的山嶺遍下錐子櫃來者無不中傷卽從其計又一人
獻策云如今大銅銃止用一箇石砲所以打的人少若裝雞子
大石頭一斗打去迸開數丈闊者着人馬卽死打中最多也從
國朝列卿紀 卷之四十一 高臨 四十九

段正一疋剪爲兩疋將我使臣閉在館中不放出這等計較關
防如何荅曰比先汝父差使臣到我 太宗 宣宗皇帝前進
馬不過三十餘人所討物件十與二三也無計較一向和好汝
今差來使臣多至三千餘人一見 皇帝每人便賞織金衣服
一套雖十數歲孩兒也是一般賞賜殿上筵宴爲何只是要官
人面上好看臨回時又加賞宴差人送去何曾拘留或是帶來
的小廝到中國爲奸爲盜懼怕使臣知道從小路逃去或遇虎
狼或投別處中國留他何用若減了馬價一節亦有緣故先次
官人寄書一封差使臣王喜送與中國某人會喜不在誤着吳
良收了進與 朝廷後某人怕 朝廷疑恠乃詰權臣因說曰
國朝列卿紀 卷之四十一 三 林如 四十九

其計又一人獻策云廣西四川等射虎弩弓毒藥最快若箭頭
搽此毒藥一着皮肉人馬卽死亦從其計已取的藥來天下選
二十萬有力能射者演習曾將有罪人試驗箭去着皮就死又
一人獻策云如今放槍者雖有三四層他見放了又裝藥便放
馬來衝躡若做大樣兩頭銃裝鐵彈子數箇擦上毒藥排於四
層候馬來齊發俱打穿肚曾試驗三百步之外者皆然獻計皆
陞官加賞天下有智謀者聞之莫不皆來操練的軍馬又精銳
可惜無用了虜人曰如何無用荅曰若兩家講和了何用虜人
聞此言潛去報知次日至管見也先問曰汝是何官荅曰都御
史曰兩家和好許多年今番如何拘留使臣減了我馬價與的

這番進馬不係正經頭目如何一般賞他以此減了馬價段正
及某人送使臣去反說是吳良詭計減了意欲官人殺害吳良
不想果中其計也先荅曰者胡語云者然辭也又說買鍋一節
此鐵鍋出在廣東到京師萬餘里一鍋賣絹疋疋使臣去買止
與一疋以此爭鬧而賣鍋者閉門不賣 皇上如何知得譬如
南朝問使臣買馬價少便不肯賣豈是官人分付他來也先笑
曰者又說剪開段疋是回回人所爲他將一疋剪段兩疋送與
官人充做課程若不信去搜他行李好的都在也先曰者者都
御史說的皆實如今事已往都是小人說壞因見說的意思和
了又曰官人爲北方大將軍掌領軍馬却聽小人言說忘了

大明皇帝厚恩便來殺虜人民上天好生官人好殺將無罪人民虜去有想父母妻子脫逃者拿住便剜心摘膽高聲叫苦上天豈不聞知答曰我不曾着他殺是下頭人自殺又曰今日兩家和好如初可蚤出號令收回人馬免得上天發怒降災也先笑曰者者問 皇帝回去還做否答曰天位已定難再更換也先曰堯舜當初如何來答曰堯讓位於舜今日兄讓位於弟正與堯舜一般有知院伯顏帖木耳說將這使臣留下再差人去問來還着這 皇帝做然後放去不然不要放去也先曰當初問他要大臣來迎既差來又去問是我失信了着他迎 皇帝去罷有平章昂克說汝來取 皇帝將何財物來答曰若將財物

國朝列卿紀

卷之甲一

四

杜加貴

來後人說官人要錢了若空手迎去見得官人有仁義能順天道自古無這等好男子我監史書備細寫上着萬代人稱贊也先笑曰者者都御史寫的好者次日方見 太上皇帝及也先設筵送行云都御史坐 上皇曰太師着坐便坐對曰雖居草野不敢失君臣禮也先顧羨曰好禮數卒之國威不屈兇虜懾服奉 駕南還其忠義之氣亦足尚云本年以功陞左都御史仍掌鴻臚寺事三年易儲加太子太保天順元年 景帝有疾羣臣請復 茂陵未上善同文臣徐有貞武臣石亨等奪門奉英宗復辟以功封興濟伯食祿一千二百石仍掌鴻臚寺事子孫世襲踰月改兼禮部尚書掌禮部事善雖同寮等迎 駕賜爵

而存心謹實不怙權害人故徐有貞以罪黜石亨輩以罪籍惟善保終卒加封興濟侯謚忠敏

蕭昶字養善江西吉安府泰和人宣德丁未進士正統五年授吏部文選主事八年晉考功員外郎十一年陞稽勳郎中厚重優容喜怒不形而坦夷恻實不為皎皎之行以取聲名久之陞雲南副使慎憲度理冤獄於軍民示以恩信不務搏擊及進右布政使益務鎮靜因其俗而順治之民夷帖然天順初年轉湖廣左布政使沉潛有幹局事必求於便民時苗寇弗靖用兵征剿調度甚繁昶節縮冗費出公帑餘蓄以佐芻粟嘗有 勅督造戰船甚急眾議欲賦財於民昶不可白於巡撫白圭請清積

國朝列卿紀

卷之四十一

五

薛洪

餘汰代造全楚不擾其他於民有利與不利者罷行各中其宜天順四年春入覲畢 英宗召大學士李賢曰黜陟之典亦當舉行賢曰此 祖宗舊制即勅吏部都察院退不職者數百人旌其才行超卓政績顯著昶與布政賈銓等以下十人 賜以衣服楮幣禮部筵宴 命太監牛玉大學士李賢吏部尚書王翱待宴以勵其眾輿論懽然隨於其中 召昶為禮部尚書賈銓以貌不稱為副都御史是年知貢舉學士呂原修撰柯潛為會試考官揭曉後有落第舉人奏考官校文顛倒者 上問李賢對曰此乃私忿考官實無弊如臣弟讓亦不中可見其公上意始解乃命昶會翰林院考前奏者多不能答題意因疏其狂

妄命枷號部前以示衆澆風頓息胆爲人朴實故蒞政臨民
惠然稽古右文非其所優未幾以老致仕卒於家

石瑁字信之山西大同府應州人宣德己酉鄉舉癸丑進士擢
禮科給事中性謹飭不務奇節正統九年陞金華知府蒞政嚴
謹修舉廢墜甚得民心十三年處州劇賊楊熙輩流劫隣郡乃
繕城聚糧爲守備計賊果猖獗爲浙東患 朝廷命將征撫而
歸化避難之民與駐劄官軍不計其數皆仰給郡庾瑁調度有
方事平餘積尚多總督上其功超陞福建右布政使益尚清謹
簡在閩藩年久無赫赫譽而朴實惻愍與民相宜進南京吏部
左侍郎會禮部缺尚書王翱在吏部不喜南士喜瑁北人拙直

國朝列卿紀

卷之四十一

六

傅元

遂薦瑁代蕭昞爲尚書瑁不學少文典禮非其所諳士論譁然
不服一日 英宗召大學士李賢曰今六部尚書庶皆得人惟
禮部石瑁稍弱賢曰此人居是位不滿人望早晚宜致仕上
曰且留之恐後來者未必過之六年夏四月一日奉天門奏事
畢靜鞭罷 上起身召禮部瑁等疾出趨走欲上右階鴻臚
寺呼止方轉回御道跪承 旨與 勅書選妃事 上下金臺
卽召賢曰石瑁動止粗疎失措如此何爲禮部尚書不自求退
朝廷難於遣逐賢曰誠如 聖諭令其自退庶全大臣之義上
曰若戶部侍郎張濬可以代之賢曰張濬老成人此職亦宜賢
卽報瑁疏乞致仕瑁遂自陳 上見瑁疏意却不忍因瑁爲人

馮質豈可因此小失而退 命太監牛玉 勅吏部尚書王翱
與賢議賢等言石瑁亦淳誠人但動作遲鈍耳既留之張濬可
不動也七年以老致仕卒於家

姚夔字大章浙江嚴州府桐廬縣人正統壬戌進士擢吏科給
事中累官禮部右侍郎天順丁丑春正月景泰不豫尚書胡濙
病告夔強之出十四日率文武大臣於左順門問安退集東閣
議立 皇太子 上疏懇請 允次日夔欲率百官伏闕以請是
夕與學士商略議定遂歸十六日早三鼓至朝房略具本稿有
陛下爲 宣宗章皇帝之子當立 宣宗章皇帝之孫正位東宮
等語夔躍然舉筆於立上添一復字時侍郎鄒幹等俱稱善已

國朝列卿紀

卷之四十一

七

周德

時入朝衆議合文武大小官僉名且一樣寫二本因遲誤延至
十七日早變作弗果進 英宗復立石亨輩弄威權夔視之
如常亨憾其不附已乘間調夔南京禮部 英廟素知夔爲人
且聞正月立儲之議未幾驛召至京 賜二品服轉禮部左侍
郎戊寅吏部左侍郎缺一日 英廟召大學士李賢曰吏部乃
天下人物權衡非他官比先生以爲誰可賢曰以在朝觀之無
如禮部一人可擇一用之 上復問其優劣賢曰姚夔表裏相
稱有大臣之量 上遂用之有真定守以重賄賂亨挾勢嗚復
其官同列附亨者令擬奏彙來判夔擲筆大言吾寧不做侍郎
不判此彙事竟止後亨敗附亨者降黜而夔之名益重矣未幾

禮部尚書附資善大夫夔詳雅敬謹明於典禮克稱厥任 上深嘉之甲申 憲廟嗣位命侍經筵 賜白金綺寶等物成化乙酉 上耕籍田幸太學皆從夔所請宴賜有加又大同舊兒庄本北虜入 貢正路至是虜使有從他路入者 上因守臣之奏許之夔請筵宴賞賜一切殺禮虜使有後言夔令通使諭旨云故迤北使臣進貢俱從正路入境故 朝廷有大筵宴相待今爾從小路來疑非迤北頭目比只照他處使臣相待耳虜使不復有言人以爲得馭夷之體丙戌會試夔知貢舉預陳數事以杜僥倖閏三月進資善大夫五月夔率羣臣上封事其略曰皇上當念 祖宗之付託思天下之艱難勿以目前無事而恣於國朝列卿紀 卷之四十一 八 周德 四百廿

宴安肆於逸樂以禮法齊家以節儉勸用官爵無濫授金帛無妄費土木勿妄興齋醮勿頻設出入有防巡遊有度節嗜欲養天和留心萬機無忘正務 上嘉其言慰諭甚至丁亥正月賜金織麒麟文綺七月以災異數見乞致仕 上曰卿謹慎老成朕方信用不允辭朝鮮進海東青夔言非故事宜下 詔自今非常貢之物不得進以示不寶遠物之意戊子四月以災變率羣臣上疏言 皇上春秋鼎盛而震位尚虛宜均愛六官以繁子嗣然此事自 陛下身上用非求神奉佛所能致也若西山塔院勞民傷財宜在停罷阿叱哩之流惑世誣民宜在斥回留心經筵裁決政務親君子遠小人服食動息遵 祖宗舊規以

順天意 上嘉納之 慈懿皇太后崩下葬有異議內閣大學士彭時等執不可繼之以疏事下禮部夔率羣臣覆奏詞甚懇切有曰山陵 宗廟聖考所先綱常典禮 國家攸重萬一合葬祈廟之禮少有疑阻關繫非細豈能保其將來無據禮改從正者 上覽奏感泣不卒從其議當時雖賴內閣臺諫維持而夔力居多夔在禮部會議餘陳多進謹言但 皇太后壽誕建設齋醮乃欲會大臣收賀炷香相率詣寺觀行禮祈福於全德不無歉云五年遷吏部尚書加太子少保詳吏部 鄒幹字宗盛號順菴其先浙江嘉興人後徙杭州府仁和再徙餘杭故今爲餘杭人父濟詹事府少詹事贈太子太保諡文敏國朝列卿紀 卷之四十一 九 張鳳 四百廿

在 太宗皇帝時爲官寮卒時幹尚幼適 仁宗皇帝監國南京遣充應天府學生親加訓勉 賜鈔二千貫仍月給米二石以資養之幹感激奮勵力學不懈正統戊午中鄉試明年己未遂登進士第庚申初授兵部職方司主事歷陞署武選司員外郎郎中己巳八月北虜犯邊 英宗北狩京師戒嚴一時所需甲仗糧餉未有能任其劇者乃超遷兵部右侍郎幹殫竭智力日共厥事倉猝間發廩以給兵士或不候奏報而行一日兵士擁東城門請給馬草適鄉民萬計避虜走城下叫號求開門守者難之幹曰草不得則廐馬不過瘦死爾城以衛民若無所衛焉用城爲且聞虜距城尚遠若至近境門開無及而民皆死矣

竟從其言獲濟及虜退明年改元景泰被勅獎諭辛未清軍職貼黃事竣改禮部王申奉勅考察山西官吏癸酉河南鳳陽等處大水詔往救荒民多受惠凡奏免稅糧若干萬石既歸命督易州山廠薪炭積弊頓革因奏設主事一人綜核其事幹獨總其綱而已居三年召還治部事尋陞左侍郎進階正議大夫資治尹天順丁丑英宗復位尚書胡濙方致其事去諸冊立大禮並從幹詳定而行時襄王來朝故事當祭禁門而入自遷都後來朝禮絕莫有知者幹檢太常典故行之及上不豫復行皇太子御文華門代朝禮成化丙戌命撫安畿內許便宜行事明年以老辭不允未幾特拜南京禮部尚書時國朝列卿紀 卷之四十一 十一

祭酒周洪謨奏復會饌詔幹與工部議卒尼不行居二年召還禮部尚書仍令經筵侍班幹性謙謹喜揚人之善處事是非不肯詭隨嘗因災異首以妄費濫賞及修苑囿設齋醮為言後以度僧道過多因極言其弊奏為定制多遵行之少待文敏公多聞典故及居官往往述以論諸寮屬其言皆可書者十四年加太子少保十六年當道者求缺處知已謀太監汪直噉料道劾幹與南京兵部尚書薛遠當罷特勅致仕令馳驛還仍今有司月給米二石歲給僕夫四人居壽八十四至弘治五年卒卒之前二月以杭屬縣大饑心切憂憫手具疏以聞上嘉其身居田里不預政事能達民隱如此詔有司如所奏賑

郵即出內帑文綺賜幹以旌其賢及聞訃贈太子太保謚康靖

周洪謨字堯弼四川叙州府長寧縣人正統甲子領四川鄉試第一明年復占一甲進士第二授翰林院編修建言復提學憲臣以振作人才景泰壬申陞左春坊左贊善仍兼編修丙子修寰宇志成陞侍講天順戊寅改侍讀署南京翰林院事甲申憲宗即位召修英宗實錄進侍讀學士洪謨以文為業然有志政務多所建白在翰林即勸上勤經筵以講聖學謹內治以敦政本復條陳十二事以進及蜀寇作與長寧隣境稔知其出沒設禦備之術甚悉遂見擢而地方晏然丁亥陞南京國子監祭酒四年言會饌乃高皇帝成憲歷年遵行以致學規嚴肅生徒勤謹自景泰中因無柴薪暫且停止其後因循廢弛至今未復訪得南京抽分廠積有柴薪宜令議復詔下南京禮工二部計議洪謨又言監生丁憂多有詐冒令原報父存母亡母存父亡并無祖父母嫡繼母者其丁憂二十七箇月俱准坐堂若父母俱存者第一次丁憂准坐堂二年第二次丁憂准坐堂一年半若有父母并有祖父母嫡繼母者第三次丁憂准坐堂一年四次丁憂准坐堂半年所在官司里老保勘庶使無喪者不詐有喪者不匿矣其在家丁憂者預令申達咨呈丁憂之日為始亦不得出一年之外其就教復監監生在部聽考日期

國朝列卿紀 卷之四十一 十一

以六閱月為率除考期及往迴水程九閱月准作坐堂餘月日皆不准請生告畢姻者有妻沒於家有司先聞於部以待回娶上命禮部議以親喪服制無遞減之例惟令監生下憂者欺罔即為虛曠餘如之 上命照近例行自是凡丁憂事故給假者俱不准坐堂尋令監生患病一年之外不復監者放為民又令監生畢姻者如洪謨所言冬十一月又奏言每年差監生六人解毛襖淹滯虛曠以致年久不得出身乞比照厨料事例免差為便從之五年七月又奏請增設東廂房簷下小門一扇以便關鎖防護書籍從之六年七月又奏言本監紅板倉二十座係

孝慈高皇后積糧以惠養監生妻室乞為修理庶以表著 高皇國朝列卿紀 卷之四十一 十二 商祐

后良法美意於億萬年也 詔從之自后建倉房易簾席覆以瓦七年改北監祭酒薛丁憂十一年補原職整飭規矩表率生徒且言修祀事廣倉儲禁酷刑減正稅樓房無夷六事 上悉嘉納之又奏准申明洪武二十年學規二十八條備榜戒諭十二年七月奏請加孔子封號改大成至聖為神聖廣運若謂孔子陪臣不當稱帝則先儒羅從彥嘗曰唐既封先聖為主襲其舊號可也加之帝號而褒崇之亦可也所封乃當時文王之王既正南面之位宜服冕十二旒衣十二章十邊十豆各增為十二六佾之舞增為八佾之舞且古者鳴球琴瑟堂上之樂笙鏞祝啟堂下之樂而干羽舞兩階今舞羽居上而樂器居下非古

制也宜令典樂者改正 上命禮官議之於是尚書鄒幹上言正統十二年三月巡按直隸御史李奎奏請加封孔子 英宗皇帝制曰孔子萬世帝王所尊已有大成至聖之號 祖宗以來既仍其舊不必增益今聖神廣運出於伯益贊堯之詞不若大成至聖本於孟子中庸猶可以擬議也洪武中新創南京太學止用神主不設塑像故當時祭酒宋訥奉 勅撰文有像不上繪祀以神主百年夷習乃革之語今北監所有塑像皆因元舊不忍撤毀耳以此觀之冤旒蓋因剏之舊亦非 聖朝之制而邊豆佾舞之數則祖宗斟酌已有定式矧易謚號加器數舉不足為孔子重輕所貴乎孔子之道者在身體力行乃尊崇之

國朝列卿紀 卷之四十一 十三 傅元

實耳所擬加封邊豆佾舞俱當仍舊惟佾舞居下則行太常考正之 上是其言九月壬子洪謨復奏言孔子之道莫先乎禮樂今欲體孔子之道亦莫先乎禮樂若不備其禮樂則無以將其誠敬報本之議既疎體道之功安在 上乃降制曰尊崇孔子 朝廷盛典邊豆佾舞俱如洪謨所奏增之十四年擢禮部右侍郎尋轉左進本部尚書有言事載璿璣玉衡蔡傳不得其制乞改造以備占候既成有羊酒寶鈔之賜後烏思藏等處入貢其貢使數踰舊制一歲中有至二四千人者賞賜糜費不可勝計自長河西諸番皆冒以圖利上言此特無印符無驗耳宜照依海外諸番例各給與符二十道人貢備填貢使物數於上

續修四庫全書 史部 傳記類 2 文之四

識以舊賜金印至關驗以防詐偽 詔從其議其費始省丁未
進太子少保時月當食不食或以爲宜賀洪謨謂此陰盛之象
其可賀耶遂止嘗奉 命祭 天壽山神見役夫運載相繼於
道知有所營建歸言月令云盛夏不可興土功又曰舉大事則
有殃今歲大旱未必不由於此且時方炎蒸人易疾疫宜暫休
息之不報及 孝宗卽位之元年以老致仕既歸老蜀中倦倦
不忘 朝廷有力疾疏安中國御四夷十事遣人馳進悉 命
所司議行益忠勤之心至於終身乃已三年以疾卒年七十二
謚文安平生尤善著述凡經史稍有疑輒訂正之其爲文簡直
不爲奇險語而理致明白粲然可愛所著有疑辯錄三卷與朱

國朝列卿紀

卷之四十一

十四

甘文

熹相矛盾辨春秋所書正月據戴良以爲建寅寔非建子好異
者喜之有南臯子集二十卷晉齋集五十卷又手製璿璣玉衡
圖以木代之規制工巧識者服其精

放園雜記云成化辛丑歲西湖撒馬兒罕進二獅子至嘉峪關
奏乞遣大臣迎接沿途撥軍護送事下兵部予謂進貢禮部事
兵部不過行文撥軍護送而已時河間陳公鉞爲尚書必欲覆
奏子草奏大略言獅子固是奇獸然在 郊廟不可以爲犧牲
在乘輿不可以備駮服並無用之物不宜受且引珍禽奇獸不
育中國不貴異物賤用物等語爲據力言當却之如或憫其重
譯而來嘉其奉藩之謹則當聽其自至斯盡貢之禮若遣大臣

迎接是求之也古者天王求車求金於諸侯春秋譏之况以中
國萬乘之主而求異物於外夷寧不貽笑於天下後世公覽之
恐拂 上意乃咨禮部時則四川周公爲尚書亦言不當遣官
迎接事遂寢而遣中官迎至其狀如黃犬但頭大尾長各有鬃
耳

耿裕字好問河南河南府盧氏人景泰甲戌進士改庶吉士累
官吏部尚書調南京禮兵二部弘治元年召爲禮部尚書時
孝宗初政勵精圖治多行大典禮裕素博雅通知古今能斟酌而
行得會通之宜時以災異求言裕率左侍郎倪岳同羣臣等陳
七事一預節親藩一懲究欺弊一均平銓選一照例附選一減

國朝列卿紀

卷之四十一

十五

甘文

造軍器一遵復舊制一裁抑侵尅大意謂田土有限藩封日增
國賦日消乞開示條件之國之際不許生事擾人在國之時不
得輒行奏討人人臣事君以不欺爲本如雲南之木邦貴州之
青甸江西之南贛以至兩廣三邊南北兩畿之間侵犯者不爲
尅復之計盜竊者不聞捕剿之策甚者殺良民以爲賊假敗績
以爲功捷奏率爲虛聲掩護遂爲良策宜一一從公究理以懲
欺弊又兩京官職出身既相同而遷轉之際乃至懸絕及監生
考勤上選先後互異須斟酌通融庶事體歸一又南京兵仗局
前廠建造軍器共七萬六千餘件收貯南京戊字庫聽候應用
今地卑年久朽壞綉爛有名無實乞暫且停止以候減半成造

至於鈔關收稅乞免戶部差官照舊制 勅鎮撫鎮巡委府官
管理及曾經抽分去處給與執照不許重複抽分上謂有防微
杜漸之意深嘉納焉 崇王嘗乞詣京師朝賀 勅諸臣集議
裕言 王雖至親於制不宜况茲饑歲所過必勞供役民何以
堪 上從之西夷貢獅子上言賈胡嗜利受之無益且彼泛海
而來非由故貢道宜卻其物亦從之畿內多自官以求進者紛
然行路上疏請治其罪一時雖不能盡絕然自是禁例甚嚴無
敢再犯者癸丑改爲吏部尚書加至太子太保卒謚文恪詳吏
部

國朝列卿紀

卷之四十一

十六

甘文

倪岳字舜咨浙江杭州府錢塘縣人應天府上元縣籍天順甲
申進士改庶吉士累官翰林學士成化二十二年陞禮部右侍
郎二十三年 憲宗賓天充山陵使時 孝宗初卽位典禮全
集皆下禮部尚書周洪謨老多疾議擬多出岳手遂釐正祀典
凡京師諸神祠淫名侈費諸不經訓者裁革殆盡 國朝自德
祖以下九廟已備及 憲宗山陵禮畢神主將升祔於制當祧
廟下禮部集廷臣議或以 德祖以下四廟以次當祧至 太
祖爲百世不遷之祖岳力辯國家自 德祖以上莫推其世則
德祖乃周之后稷也不可祧懿僖仁三祖以次當祧至 太祖
太宗爲周之文武百世不遷今 憲宗新祔當祧 懿祖一廟宜
於太廟寢殿後別建祧主之所如古夾室之制每歲暮則奉

祧主合享亦應古禘祭之制時又言 孝穆太后當祔廟者復
詔議之岳言 孝穆神主宜於奉先殿旁別立廟歲時祭享悉如
奉先之儀奏上 詔悉從之時程敏政又欲改定孔庭從祀諸賢
岳言馬融王弼之徒其立身不無可貶然秦漢以來六經出於
煨燼賴諸子抱遺經專門講授經以復存自唐之註疏多祖其
言今之經傳引用尚多其說則何可盡廢七十子名字自馬遷
以來相沿已久今生千百年後何可臆定於是咸仍舊弘治元
年進左侍郎時以災異求言岳同尚書耿裕等疏寅畏天戒七
事未幾復陳八事 上嘉納焉其 宗室冗官二議雖格議者
避之二年撤馬兒罕差人進貢岳具奏海南諸番國惟占城真

國朝列卿紀

卷之四十一

十七

甘文

蠟暹羅滿刺加國瓜哇等處入貢有勘合者例與廣東布政司
比對起送赴京其餘不許起送係是定例今撤馬兒罕差人進
貢既該委官千戶孫祥等呈報各官自合遣人諭以 朝廷事
例并請 旨事理阻回爲當如果夷性執拗不肯依從亦合以
理阻留在彼差人星馳具本候請 明命以爲進止可也却乃
卽便差人起送似此故違合當參究 上從其言差官阻回不
受獻六年進禮部尚書時年始五十會京師大雨雹具言雨雹
之作天所以告 陛下宜深求致災之由以回天意又勸 上
勵精以勤聖學推誠以開言路止無功之賞停不急之役黜奸
貪進忠直時有旨四川光相寺國師領占竹取來大慈恩寺住

坐岳言法王領占竹等俱以西番腥膻之徒汚我中華禮義之教錦衣玉食糜費錢糧前擁後訶擅作威福獻頂骨數珠進骷髏法碗以穢汚之物冒陞賞之榮名曰祝聖實為妄誕 皇上首賜罷黜中外稱聖今欲行取來京本部查無取番僧國師例必須創始而行事有未便且四川布政司離京寫遠動萬里之程所至之處轉相傳報必曰 欽取國師赴京驚駭耳目播擾驛遞勢所必至於 皇上初政之清明 制命之嚴正不無少損又西域胡人從海道進獅子岳言獅者外夷之獸真偽不可知使真非中國所宜畜非真豈不為外夷所笑且海道亦非西域常貢之路 詔還之八年七月有 旨 聖祖母年老念叔

國朝列卿紀 卷之四十一 十八 劉大

崇王欲得一見便寫 勅差官取來岳極言 朝廷事必須上揆天心下察人事務出萬全庶幾可動然今日論之事有未便者三焉又非前議之所及者此皆切於今日之急務於理不可不預為之慮者今果奉 命來朝雖少遂一時欲見之心然欲別則難免眷戀不捨之情既去必倍增憂思不忘之念他日上厯聖慮所未敢言雖欲悔之殆無及矣疏上不納後復奉 旨免王來岳力居多先是四方奏報災異禮部率類其凡歲終一復以為故事岳乃以日月先後彙分條析未復援經史懇懇為 言之弘治九年知貢舉岳凡三知貢舉防範嚴密如帖圖編號每因舊法出新意後遂不可易本年改南京吏部累官南京兵

部改吏部尚書加太子少保卒謚文毅詳吏部

徐遵字時庸號東谷江西撫州府金谿縣人自幼穎敏知向學博通經史為文奇逸不滯景泰庚午膺薦天順元年丁丑會

試中式時 英宗即位見士習不正民風不淳首以求賢安民策士瓊對稱 旨賜進士及第第二名授翰林院編修明年戊

寅與修 大明一統志五年志成蒙 賞賚尋丁憂八年起復補編修會 憲宗御極與修 英宗實錄成化三年丁亥實錄

成以纂修校正功陞侍讀尋典應天鄉試十二年秩滿陞南京翰林院侍讀學士掌院事二十三年南京國子缺祭酒以年勞

陞南京太常寺卿掌監事弘治二年陞南京禮部右侍郎六年

召為禮部左侍郎時尚書倪文毅公岳清德宿學為世推重挺

然任事不少規避權貴忌之瓊托嫺貴戚垂涎代岳會九年南

京吏部缺尚書舉岳補之遂陞瓊為禮部尚書眾論譁然不平

初嗣部度僧道十年一舉時僧道集京師以萬計權貴多為之

請左侍郎傅瀚持不可遂同議上疏仍收十年給度之例又太

常寺卿崔志端謂本寺與光祿寺太僕寺不同不係禮部統屬

瓊具奏 朝廷每大事會議止該六部都察院通政司大理寺

未聞有太常寺也今欲與九卿衙門齊得乎況本寺乃祠部之

一事與光祿寺為禮部之一事太僕寺為駕部之一事相同但

以此三事乃事之大者所以又設此三等衙門以專之耳今太

僕寺既屬兵部光祿寺既屬禮部矣獨太常寺與禮部齊乎
 正以崔志端發身道流穢行彰聞累經彈劾未蒙黜退乃數愈
 無忌憚忍為欺罔通應究問 上戒諭志端於是歸職不復十
 一年武宗以青官出閣加太子少保因四方災異言致事
 上可之十二年己未知貢舉是年主考學士李東陽等政俱有
 時名敏政發策以劉靜修退齋記為題人罕知者其說幸門生
 徐經平口獨得之嘗與南畿解元唐寅陳說至是舉以發難
 舉者無遺二子矜誇雀躍輿議沸騰謂敏政賣題受賄給事中
 葉泉劾之瓊聞知敏政在闈皇惑失措自言夙構試日疑為家
 僮竊賈乃緝閱試卷凡知策問出處者俱黜落揭曉後給事中
 國朝列卿紀 卷之四十一 二十一 王州

林廷玉復疏言敏政受賄雖無指實而自言家人竊賈跡有可
 疑 詔逮敏政經等俱下獄經服稱平日嘗以雙綺饋敏政敏
 政受之出入門下夙構試日實從家人購得之獄成敏政奪職
 經寅俱為民論者謂敏政跡雖可疑而瓊知貢舉使物議蜚起
 亦不能辭其責云瓊以高第致位宗伯遭逢 孝宗明聖在上
 不能展訴陳慮舉 明主於三代之隆徒納欵中貴驟致通顯
 屢經給事中彭城等御史余濂等交章論列去位職首惜之
 傅瀚字曰川江西臨江府新喻縣人自少秀異讀書過目成誦
 始就外傳則往往推究奧義人多奇之天順癸未會試科場災
 寢疾幾殆忽神人見夢曰勿憂也公前程遠大疾今愈矣其年

八月終會試甲申 賜同進士出身改庶吉士除翰林檢討
 憲宗一日於內得古帖斷爛不可讀 命中使持至內館適瀚在
 直次為韻語須臾授中使以復 上大悅有珍饌法醞之賜九
 載進修撰兼司經局校書侍 孝宗於春宮遷左諭德兼檢討
 充 經筵講官及 東宮講讀官時方士李孜省為通政使得
 侍經筵瀚進講極言汰冗官李啣之不為動 孝宗嗣位以舊
 學恩進太常少卿兼侍讀仍充 經筵講官兼日講每進講誠
 意懇切敷陳詳婉而進止雍容 上每注聽焉四年修 憲廟
 實錄成進太常寺卿兼侍講學士掌院事六年遷禮部右侍郎
 九年南京缺尚書僉舉尚書倪岳瀚言倪之才何可寘之南或
 國朝列卿紀 卷之四十一 二十一 高信

謂倪往公不當次進乎瀚曰吾知為國選郵其他及金谿徐公
 瓊進尚書瀚轉左侍郎徐凡事多倚成之司屬案呈必自問曰
 傅先生以為何如初祠部給度十年一舉時僧道集京師以萬
 計權貴多為之請瀚力言此輩蠹耗天下宜痛加禁革縱未能
 復 祖宗朝之制亦當稍賜裁抑遂改十年給度之例時以龜
 山楊時從祠孔子廟廷言者因謂羅從愿李侗亦當從祠瀚言
 二子著述跡尹焞游酢謝良佐未知所先後二子從祀則三人
 似不可遺道學所在其可濫乎乃止已未知貢舉俄用廷薦以
 本官兼翰林學士掌詹事府事仍兼日講官會典副總裁庚申
 進禮部尚書會京師地震雨雹四方日奏災異因疏言今賦重

役繁民窮財盡宜躬行節儉以先天下庶民困苦可蘇時陝西地震異甚復率諸公卿條奏三十一事如敬天勤民法祖修德汰冗官罷工役減齋醮省上供尤拳拳焉奏留中又復言民心易感在結之以恩天意可回在應之以實屬者所陳謂當如拯焚猶恐不及而則聽彌月未賜宸斷何以回天意哉疏上報可保定獻白鴉謂祥瑞不當奏又陝西守臣熊翀得玉璽來獻乞頒示天下以爲傳國之寶復出也滄言以史傳諸書考之形制篆刻皆不類其爲屬作無疑即使非廢人主受命在德不在璽自前世以秦璽爲寶得之者君臣動色相慶我太祖以聖德受命製一代之璽傳之聖子神孫壽昌之福萬世無極何國朝列卿紀 卷之四十一 二十三

藉於彼哉 上迺以其璽屬庫藏之尋以足疾在告 上數遣醫來視而乞致仕不允滄雖在告日理部事不怠或勸少輟公務願養心神滄曰吾受 上知遇辭職不可職事在吾其敢自佚一日謂子元曰吾其歸乎夜夢祖妣來視吾疾壬戌二月二十日歿於官年六十八 上賜寶鑑爲治歛具贈太子太保謚文穆 論祭者三給卅車遣官護行爲營葬事滄好學力行至老彌篤平生著述多本於理書灑灑道麗有晉人風韻弟潮亦攻書灑時人稱一家二妙性縝密有矩度事必思而後行生平涉歷聞見隨手籍記人有遺忘者必歷指陳其在 上前雖舉步後先高卑輕重疾徐毫髮皆可較勘雖中更變故卒不火正聞

人有善汲引如不及同鄉故人有客死者關給斂葬務令得所兩主文衡人稱其公明嘗曰應事接物以身體之則無不當故自號體齋但同鄉監生汪鎔誣奏大學士劉健李東陽或謂滄嗾之而嫁禍於程敏政謝遷王華成中誣之及敏政死滄代之家人驚見怪異滄憂悸成疾卒豈其實有之將誣之也不能不致疑於國史所警云

張昇字啓昭號栢崖江西建昌府南城縣人性機高朗耻逐促促者伍爲文務明正典實勿煩雕琢令迂謫以害道應成化戊子鄉薦明年己丑會試中式入對大廷 憲宗舉銓衡塗澤術所員溢并常平均田四事求宜於時會於道者策之昇對稱國朝列卿紀 卷之四十一 二十三

吉擢第一授翰林院修撰在翰林益觥觥自持不少列觚角十四年陞左春坊左贊善兼修撰十五年陞左諭德仍兼前職二十一年丁憂弘治元年起復陞左庶子兼翰林院侍讀時大學士劉吉用事威權隆赫又善駕馭言官莫不昏暮欵門柔佞取悅聽風旨指劾諸司舉朝凜凜無敢少忤其意者又忌昇抑之昇以劉吉抑已因天變劾奏萬安尹直相繼罷去獨吉尚留上疏極言劉吉奸邪蔽主之狀且言其能駕馭臺諫聽其指使害人貴戚萬喜依憑官壘兒婿熾灼吉與締姻請託公府賂入私囊詞甚激直吉諷六科十三道如魏璋等交章劾昇陰阻言路遂左遷南京工部郎中員外郎未任丁憂吉初報復言官論

悉加貶竄而言官甘為鷹犬不愧後 孝宗知內閣與言官交通之弊於言官犯法不少假借而一時言路一清肅知懼不敢聽人主使舉劾人者皆昇一疏之力也五年吉去召復原職七年陞少詹事兼侍讀學士每侍講經筵開雅詳明於篇終必有規諷至理亂邪正之際未嘗不反覆為 上誦之以資啓沃九年陞禮部右侍郎尚書金穀徐公瓊左侍郎新諭傅公瀚並出江西士夫嘆賞以為盛際昇又連屬骯髒視早晚咕囁之態不啻若臭穢於徐所行匡翼甚多十二年轉左侍郎十五年瀚卒於位進本部尚書益明習禮制隨事獻納凡釐祀典擇賢才禁奢靡重名器省供應可身任者次第行之每遇災異率羣臣

國朝列卿紀 卷之四十一 王榮

修省指切無所忌時崔志端以樂舞生為同官每裁抑之御史楊儀之子從禮曹游偶遇昇撻之儀遂劾昇不報癸亥大明會典成自總裁以下賜燕禮俱查舊章舉之三知貢舉於壬戌乙丑二科懲已未之弊預陳條件酌舊規附新意以杜僥倖故事訖無敢譁者會 孝廟賓天 武宗嗣統凡吉凶祭祀冊拜慶賽及儀物制度觀其會通無違禮尋加太子太保正德元年侍經筵賜白金綵幣 車駕視太學賜坐奠倫堂丁卯逆瑾竊柄為晉潘事惡其不附已擠之遂勒令致仕卒贈太子太傅謚文僖李傑字世賢直隸蘇州府常熟人成化丙戌進士選庶吉士四年授編修十三年轉侍講乙巳充 東宮講讀官二十一年

侍讀學士弘治元年遷左庶子仍兼前職辛亥陞南京國子祭酒以纂修勞支正四品俸在監無所建明六年守制八年服闋改太常寺卿兼侍讀學士掌院事庚申擢南京禮部右侍郎十五年改禮部右侍郎十六年轉左正德紀元預修 孝廟實錄充副總裁大學士焦芳擅竄國史傑亦未如之何二年書成陟南京吏部尚書丁卯調禮部尚書時逆瑾用事晉府鎮國將軍表謙賂瑾求封為郡王傑持正不與瑾銜之竟以是去位卒贈太子少保

國朝列卿紀 卷之四十一 王榮

詞林記云瑾之柄國虐熾熒灼一時附麗奔走惟翰苑居多傑不屏其身不挫其志亦可尚也 劉瓌字世衡號省齋順天府大興人成化戊戌第進士改翰林庶吉士授檢討弘治己酉轉修撰 憲廟實錄成進侍講經筵武宗出閣轉侍讀學士日侍經筵講讀十三年會典成遷學士十六年進少詹事兼學士時代府世子以酗酒革爵及卒 朝廷葬以世子禮其子嗣王以追封請且欲祔 廟下禮部集議不可機曰葬以世子其罪已原進封固宜也不可廟享乎 上以其言為是進禮部右侍郎尋轉左兼學士入內閣典 誥勅兼實錄副總裁正德二年陞禮部尚書尋加太子少保三年仍命晉 誥勅五年遷吏部尚書數月逆瑾伏誅以人言致仕詳南京兵部

周經字伯常山西太原府陽曲縣人弘治九年拜戶部尚書十三年庚申夏五月以星變乞休上特進太子太保允之賜勅褒諭十八年起南京戶部尚書未任正德三年太宰許進素重之嘆曰使周伯常不用吾死不瞑目矣推起禮部尚書會逆瑾司柄乞致仕不任後卒於家贈太保謚文端識者稱為國朝戶部尚書第一云許戶部尚書

白鉞字秉德直隸真定府南宮縣人父圭太子少保兵部尚書成化甲辰舉禮部廷試第二名及第授翰林院編修弘治戊申同修憲廟實錄以內艱去癸丑同考禮部丙辰秩滿遷侍讀已未充經筵講官壬辰復同考禮部武宗在春官充講讀

國朝列卿紀

卷之四十一

二十六

廿六

官癸亥修大明會典成進侍講學士賜宴禮部尋命與修歷代通鑑纂要甲子考南畿鄉試乙丑以登極進學士加從四品俸充日講官正德丁卯命教庶吉士署掌院事擢禮部右侍郎賜御製蟠龍箭筈本年改吏部三年轉左尋陞禮部尚書己巳賜玉帶庚午復命兼學士入內閣專典誥勅掌詹事府事詳詹事府
費宏字子充江西廣信府鉛山縣人詳內閣
傅珪字邦瑞直隸保定府清苑縣人成化丙午舉順天鄉試明年舉進士選翰林院庶吉士弘治二年授編修甫二月丁憂服滿復舊除九年禮部會試充同考官尋為經筵展書及內閣

教書十三年兼司經局校書纂修大明會典書成陞左春坊左中允兼編修賜以金幣十八年復同考會試是年陞左春坊左諭德兼侍讀經筵講書有金帶緋衣之賜正德元年纂修孝宗實錄清理軍職貼黃明年主考應天鄉試又明年主考武舉咸稱得人四年命教庶吉士於翰林院進日講官是歲實錄成甫進呈執事者例當陞職時逆瑾竊政以翰林官不附已欲摧抑之乃搜索往事以大明會典字多舛訛珪嘗預修詔奪其官降修撰尋以實錄恩陞中允未幾陞侍讀學士五年陞學士主考順天鄉試頃之陞吏部右侍郎尋轉左時太宰楊一清善招拔外號乘直陰樹私黨又通饒遺珪數言其不公一

國朝列卿紀

卷之四十一

二十七

廿七

清不堪於七年越次陞禮部尚書實遠之耳時諸司當瑾虐政之餘事多因循廢弛既蒞位則飭治振舉事無巨細一遵祖宗程法杜絕請託人不敢干以私條陳十餘事皆闕國家之計又以四方災異疊見凡有至者皆具疏以聞時內閣李東陽婿為儀曹郎中恣橫不法珪乃案其廢法答責其婿郎中遽遷開曹避去教坊禮部屬也優人臧賢輩憑寵賜請改牙牌製如羣僚又以其舊篆狹小詭奏篆文模糊請易鑄珪令但做舊式鑄與之諸教坊官乃日騰謗欲以中傷部屬吏部屬吏懼珪呼教坊官至部語之曰汝輩皆供事日久亦有長曉事者汝不計一身寧不為子孫地乎眾皆稱謝不敢而心銜之上方好佛

法自名大慶法王外廷知之無微以諫番僧奏討田百頃為大慶法王下院珪劾僧曰法王何為者至與 至尊號並列大不道當誅 詔不問其妄求亦止又西番僧法王佛子封號皆關禮部皆執奏以為狄教不足崇 國制不可廢士論翕然稱之盜劉六擾中國勢炎熾太監陸闇以待郎陸完征之不滅乃先行左右賞闈后曹又立監鎗名謀出統軍 命多官議可否眾依違不斷珪怒而言今兵老民疲直以多冒功者失志賊在肺腑孔棘民譁然思亂禍且夕及 宗社吾儕死不償責諸公尚唯唯尚可待乎明日竟遣監鎗者傳 旨令致仕即速裝就道在廷之臣皆咨嘆以為不當去珪曰吾受 朝廷厚祿而無分國朝列卿紀 卷之四十一 二十九

毫補益今日之去乃全我兩京臺諫交章薦之不報既歸清苑杜門謝客跡不至郡關園城西蒔花植木日與親舊飲賦詩為樂絕口不談朝政京師雖至交亦不通書問郎山葛洪諸山皆郡之勝携親友往遊其間浹旬而後返峻絕幽邃人所不至之地皆留題焉十年四月以疾卒年五十有七為人厚重朴直沉毅端方耻浮薄寡嗜好內剛外和與人言侃侃無所隱伏自檢甚嚴於繩墨不失尺寸居閑渾然遇事則精核明審人不敢欺主應天試事時應天簾外官有行私者既知不可為又畏其人之權勢乃欲委禍於珪送廩餼時令一私人隨至簾內欲有所請白即叱出痛笞之曰此豈汝所至之地其人竟不敢言說者

謂當時一容其人啓口則行私者得以藉詞矣在禮部猶稱執法一時士夫倚以為重為文平正不事刻刻有北潭集八卷藏於家卒之日棺槨衣歛之具皆自處分書籍詞翰之類皆封以付諸弟且戒之曰珪無才無德叨冒 朝廷大官清職愧無寸補死後勿乞 恩祭葬以重吾罪勿求墓志銘勿作佛事既卒撫巡官以聞 上命賜葬祭珪在翰林時無所事事無以表見及柄用則剛大之氣忠貞之節經濟之才鎮定之方皆併見焉而其處進退死生之間尤為俊偉求之古人蓋無愧云

侍郎崔銑論曰銑在南封部常與羅太常圭峯論內閣臣圭峯曰能割頸者斯稱矣蓋言伏節也銑請問今之君子圭峯曰求其次邦瑞可矣銑謂傅公樸木人斯言殆激與及後乃深嘆圭峯之智云

劉春字仲仁四川巴縣人成化癸卯鄉試第一丁未進士及第授編修弘治辛亥轉修撰庚申充 東宮講讀官秩滿遷左諭德癸亥預修會典進侍講學士正德紀元陞學士辛未擢吏部侍郎充 經筵日講官明年陞禮部尚書凡舉動皆為久遠計不務目前西僧有欲奪民地於甘州且乞遣官督建寺時關中饑甚春力爭以為不可謂非止病民邊警至不可支持竟停之占城世子失國竄居那都郎請封春曰春秋公孫青尚不辱命於衛况天朝乎疏上已之宗藩請封及婚嫁弊孔百出春即檢

國朝列卿紀 卷之四十一

二十九

其行駁者盡語之吏不得欺以求賄又以祭葬議關係勸懲
乃奏為定格要家及故舊有以厚利力請者不為動久之亦安
其所宜得心亦莫之怨也每勲戚大臣病故 上遣諭祭喪家
輒厚幣為謝習以為常春曰以尚書而受其贈遺豈惟輕已如
國體何故事功臣襲爵表謝又皆禮部堂上分撰謝以銀幣悉却
之其謹峻有守如此又明年改南京吏部尚書

毛紀字維之山東萊州府掖縣人成化丁未進士改庶吉士弘
治二年授翰林院檢討十二年陞本院修撰十六年陞本院侍
讀十八年陞左春坊左諭德仍兼侍讀正德元年丁父憂四年
起復以會典故降侍讀本年以寶錄成陞翰林院侍讀學士尋

國朝列卿紀 卷之四十一 三十一

陞本院學士五年陞戶部右侍郎本年陞禮部左侍郎六年丁
母憂十年起復改吏部左侍郎本年陞禮部尚書尋兼翰林院
學士時遣使西域齋魯供紀言西番遠在萬里 祖宗朝賜法
王國師名號用以攝服令不擾邊為供媚之失大朝體又以儲
嗣未建乞早定大計十一年命掌詹事府事管內閣 誥勅十
二年五月命兼東閣大學士入閣管內閣
李遜學字希賢河南汝南府人成化丁未進士選庶吉士
授檢討弘治丙辰出補浙江僉事以憂去辛酉服闋陞陝西副
使又以憂去起復改山東前後更三任俱督學政所至務從寬
厚頗得士心正德戊辰召入為太常少卿提督四夷館仍兼侍

講是秋 經筵講尚書多所諷諫裨益弘多李西崖以一鳴驚人稱之庚午擢戶部右侍郎提督太倉尋改禮部壬申陞左侍郎乙亥陞南京禮部尚書十一年丙子以慶賀入京調禮部十二年兼學士掌詹事府典 誥勅命授庶吉士業詳詹事府

毛澄字憲清直隸蘇州府太倉州人弘治癸丑廷試第一授修撰丙辰同考會試已未預修會典癸亥轉左諭德兼修撰預修通鑑纂要甲子侍 皇太子於東宮充講讀官敷奏明暢 孝宗聞之甚喜撤 御前中秋宴以賜之乙丑 武宗登極擢左庶子兼侍讀 賜金廂束帶預修實錄值內艱歸逆瑾柄國奪所陞秩瑾敗起復仍官侍讀庚午進侍講學士典順天鄉試九

國朝列卿紀 卷之四十一 三十一

月署國子監事辛未充 廷試讀卷官擢學士充日講官壬申掌院事教庶吉士讀書甲戌主考禮部會試尋陞吏部右侍郎丁丑進階通議大夫禮部尚書值 武宗南巡公上疏諫阻兵部尚書彭澤坐哈密事將置重典公預廷議首救免之已卯賜蟒衣玉帶逆濠就擒江彬擁邊兵邀 駕駐通州 命文武百官大臣出迎人人自危公倡正議謂當訊誠告 廟悉從之辛巳四月同駙馬都尉崔元奉迎 世宗於鄧邸 賜白金千鎰綵段十襲預修 武廟實錄充副總裁加太子太傅冊立 中官皇后充副使持節行禮未幾以議禮弗協乞休卒於興濟舟中贈少保謚文簡登逮事 三朝忠勤敬慎終始如一論事侃

侃不能為煥炯有古大臣之風云

羅欽順字允昇江西泰和縣人弘治癸丑進士授翰林編修十

三年陞南京國子司業正德二年忤逆瑾黜為民五年起原職

七年陞南京太常寺少卿九年陞南京太常寺卿掌南翰林院

事十年陞南京吏部右侍郎十四年改吏部十六年轉左嘉靖

元年陞南京吏部尚書二年改禮部尚書未任丁憂六年起吏

部尚書未任詳吏部

汪俊江西弋陽人弘治癸丑進士嘉靖二年任三年致仕

席書四川遂寧人弘治庚戌進士嘉靖三年任六年入閣詳內

閣

吳一鵬直隸長洲人弘治癸丑進士嘉靖六年任本年調南吏

部八年致仕

桂萼字子實江西安仁人正德辛未進士嘉靖六年任七年改

吏部後入內閣詳內閣

方獻夫字叔賢廣東南海人弘治乙丑進士嘉靖七年任八年

改吏部後入內閣詳內閣

李時字宗易直隸任丘人弘治壬戌進士嘉靖八年任十年入

閣詳內閣

夏言字公謹江西貴溪人正德丁丑進士嘉靖十年任十六年

入閣詳內閣

嚴嵩字維中江西分宜人弘治己丑進士嘉靖十六年任二十

一年入閣詳內閣

張璧字子象湖廣石首人正德辛未進士嘉靖二十一年任二

十三年入閣詳內閣

費宋字子和江西廣信府鉛山縣人祖應麒生五男曰珣鄉貢

士曰瑄舉進士貴州叅議曰璠以子文憲公宏貴贈少師曰璵

即家父曰瑞鄉貢士與娶張氏生宋在胎七月而誕弱僅盈掌

然啼聲若鍾左耳下有七黑子識者知其非常人也長益穎異

正德丁卯舉江西鄉試辛未舉進士選庶吉士讀中秘書癸酉

授翰林院編修時寧濠陰蓄異志以妻氏故欲結納之宋拒弗

國朝列卿紀 卷之四十一 三十三

近蒙中銜之會濠賂倖貴謀復護衛文憲當國柄持不可案發

協之功居多翌日矯旨褫文憲及宋官比歸濠遣人陰伺之乃

微服從小舟夜數易泊所以避不測文憲舟果為濠黨所焚僅

以身免抵家濠猶使羣盜劫墳墓已卯濠殺撫臣以兵叛宋

聞道走贛州上書王中丞守仁曰先定洪州以覆其巢穴扼上

游以遏其歸路使彼進退失據將成擒矣既而濠敗誅辛巳

世廟繼大位復起編修充經筵官嘉靖壬午纂修 武廟實錄未

幾丁母張氏夫人憂乙酉服闋以實錄成陞左春坊左贊善在

講筵凡進講尚書孟子者六明白剴切 上每改容聽焉丁亥

陞南京尚書司卿庚寅改右庶子兼侍講掌南翰林院事癸巳

陞南京右通政甲午改南國子監祭酒是歲陞南京禮部右侍郎乙未改南吏部右侍郎蓋宦於南者十有二年凡六轉官焉丙申 九廟單恩給誥命辛丑改兵部左侍郎 上以講幄舊臣壬寅復改禮部侍郎兼學士掌院事應制奏靈雨嘉禾諸頌上俱見褒納冬至大祀圓丘 命充導引官甲辰陞禮部尚書兼學士掌詹事府事未幾 命掌部事自是舉大典禮儀朝政咸得盡力焉 上由是知之而眷之深矣乙巳 太廟完加太子少保凡 冊妃告 廟及遣祭諸神祇咸以命之金幣之賜不絕丙申命撰應制諸文賞賚日益厚丁未二品考秩 上遣中官賜羊酒寶鏹是年六月 特諭加太子太保賜飛魚服玉帶

國朝列卿紀 卷之四十一 三十四

尋復加少保益欲大用之矣久之以痔疾作治弗愈 上益念之而竟不起卒年六十三 上聞而悼之輟朝賜祭葬贈光祿大夫謚文通遣官護柩理葬事卒之明日 上猶以金幣賜及其家

國朝列卿紀卷之四十一

國朝列卿紀 卷四二

國朝列卿紀卷之四十二

柱國少傅兼太子太傅工部尚書豐城雷 禮部
提督應安等府學校監察御史同邑徐 藝校
南京禮部尚書年表

蔚 綬 直隸合肥人洪武中國子生永樂十九年以右侍郎掌部事洪熙元年任宣德四年致仕卒於家

張 瑛 此直隸人鄉舉宣德元年由禮部尚書兼華蓋殿大學士調任正統元年卒於家

王 英 江西金谿人進士正統十三年任景泰元年卒於官諡文安

儀 銘 山東高密人官生景泰元年任

張 惠 山東德州人永樂中監生景泰三年任天順元年致仕

蕭 暉 江西泰和縣人宣德丁未進士天順四年任

國朝列卿紀 卷之四十二 四十四

鄒 幹 浙江餘姚人進士成化五年任

倪 謙 應天上元人正統己未進士成化十二年任十三年致仕卒贈太子少保謚文僖

李 本 四川富順人進士成化二十二年任

耿 裕 河南盧氏人進士成化二十二年任

黎 淳 湖廣華容人狀元弘治元年任四年致仕卒於家謚文僖

劉 璋 福建南平人進士弘治四年任

童 軒 江西鄱陽人南京欽天監籍進士弘治七年任十年致仕卒贈太子少保

謝 綬 江西樂安人進士弘治十年任十五年卒於官贈太子少保

王宗彙 北直東鹿人進士弘治十五年任正德元年致仕

劉 忠 河南陳留人進士正德二年任

六五七

江	淵	張	張	孫	張	朱	柴	喬	李	吳	邵	章	楊	秦	顏	沈	顧	劉	嚴	湛	霍
浙江仁和人進士正德三年任四	廣西平南人進士正德四年任	江西德興人進士正德四年任	江西德興人進士正德四年任	江西德興人進士正德四年任	南直華亭人進士正德五年任	河南內鄉人進士正德五年任	山西樂平人進士正德六年任	河南上蔡人進士正德十年任	直隸宜興人進士正德十一年任	直隸無錫人進士正德十四年任	直隸無錫人進士正德十四年任	浙江蘭谿人會元正德十六年起本部尚書未任致仕卒於家贈太子少保謚文懿	江西豐城人進士嘉靖元年任本年致仕卒贈太子少保謚文恪	南直無錫人弘治癸丑進士嘉靖二年任本年遷戶部尚書	湖廣巴陵人弘治庚戌進士嘉靖二年任	直隸阜城人弘治庚戌進士嘉靖二年任	直隸華亭人弘治癸丑進士嘉靖七年由禮部侍郎乞休起南京禮部侍郎晉本部尚書致仕卒于途謚文僖	山西襄垣人弘治己未進士嘉靖七年任	江西分宜人弘治乙丑進士嘉靖十一年任	廣東增城人弘治乙丑進士嘉靖十二年任	廣東南海人正德甲戌進士嘉靖十五年任

國朝列卿紀 卷之四十二 二

熊	張	閔	王	萬	王	葛	閔	孫	李	尹	王	毛	林	吳	趙	裴	吳	潘	秦
江西南昌人正德甲戌進士嘉靖十八年任	湖廣石首人正德辛未進士嘉靖十九年任	直隸任丘人弘治乙丑進士嘉靖二十四年任	江西安福人正德甲戌進士嘉靖二十四年任	江西進賢人弘治乙丑進士嘉靖二十四年任	直隸開州人正德戊辰進士嘉靖三十四年任	山東德平人嘉靖己丑進士三十四年任	浙江烏程人嘉靖壬辰進士三十五年任	浙江餘姚人嘉靖乙未進士三十六年任	江西豐城人嘉靖乙未進士三十九年任	江西永新人嘉靖乙未進士四十二年任	四川南充人嘉靖壬辰進士四十五年任	浙江江山人嘉靖乙未進士四十五年任	福建閩縣人嘉靖乙未進士隆慶元年任	山東汶上人嘉靖壬辰進士隆慶元年任	詳內閣隆慶元年任	山西澤州人嘉靖辛丑進士隆慶二年任	江西高安人嘉靖乙未進士隆慶三年任	浙江新昌人嘉靖辛丑進士隆慶四年任	浙江臨海人嘉靖甲辰狀元隆慶五年任

國朝列卿紀 卷之四十二 三

林 熾 福建閩縣人庭機之子嘉
靖丁未進士萬曆二年任

翁大立 浙江餘姚人嘉靖戊戌進
士萬曆四年任改兵部

陶承學 浙江會稽人嘉靖丁
未進士萬曆五年任

劉斯潔 順天昌平人嘉靖丁
未進士萬曆九年任

林士章 福建漳浦人嘉靖己未進
士萬曆九年未上致仕

楊 成 直隸無錫人嘉靖丙辰
進士萬曆十一年任

袁洪愈 直隸吳縣人嘉靖丁未
進士萬曆十二年任

姜 寶 直隸丹陽人嘉靖癸丑
進士萬曆十五年任

王弘誨 廣東定人嘉靖乙丑
進士萬曆十七年任

國朝列卿紀 卷之四十一

四

張十一

南京禮部尚書行實

蔚綬字 直隸廬州府合肥縣人秉心淳實履行端方洪武

中由監生授戶部度支主事大誥謂其故推闡葺不事事欺侮

歷員外郎精核出納下人不得緣以為奸革除中陞山西右叅

議再著賢聲永樂六年陞戶部右侍郎本年改禮部右侍郎時

尚書呂震恃才自用又深刻難測小心謹畏震亦雅重之屢知

貢舉及充廷試提調官關防嚴密類多得人十九年定鼎北京

震改北部綬掌部事二十二年四月綬奏四川雲南官民生駱

進等六十一人例當給賜夏衣其琉球官生周魯美等尚猶未

行宜一體給賜自後通年冬夏衣皆本部行文南京工部成造

國朝列卿紀 卷之四十二

五

王錦

依時給賜不待奏請著為令馳奏以聞 上從之至洪熙元年

陞禮部尚書宣德四年致仕後卒於官賜祭葬

張瑛字子玉直隸順德府邢臺縣人自幼及長豐偉凝峻識者

奇之初補弟子員於鄉校克勤問學日有進益同輩咸推讓之

甫弱冠即以明經領丙子鄉薦授陝西寧州學訓導調武德衛

學訓導武臣子弟再調淮安之宿遷縣學所至嚴教條責效生

徒多成才者永樂六年秩滿陞吏科給事中稽考銓選封駁章

奏克舉其職十一年冊立 宣宗為皇太孫時 成祖遴選文

儒侍從講學瑛與選二十二年 仁宗登大寶 宣宗正位東

宮詔陞左春坊左中允又陞左諭德改洗馬洪熙元年 宣宗

卽位首錄舊勞陞行在禮部右侍郎宣德改元之三月陞本部左侍郎兼華蓋殿大學士入閣知制誥明年陞尚書兼職如故

修 成祖 仁宗兩朝實錄爲總裁官五年于外議命蒞南京禮部七年十月瑛上言天下儒學廩膳生員計二萬有奇歲食廩米不下數萬石 朝廷養士之隆自古鮮儷洪熙定制舉額

人數應天歲取八十人宣德以來稍加增益凡諸省皆然巨愚以爲人才與氣運相爲消長不可預爲額數才寡而數盈其失

也濫才多而數少其失也監矧今各府州縣教官多員缺學政廢弛士習多未正請自今副榜中式悉補教官其鄉試額數量

爲加補疏入下之所司九年甲寅丁憂奪情起復 賜御詩十

國朝列卿紀 卷之四十二 六 孫李 留十四

餘軸楮萬緡十年瑛題稱南京文武官員月支俸給每石月支

米二斗品級高者稍足食用其七品以下支米數少各衙門雜

職每月六斗委實艱難乞令南京七品以下官照在京添支後

尼不行正統元年卒於官年六十二瑛於經史善講解其侍

宣宗每於帝王傳授心法與夫修齊治平切要之言漢唐以下人

君行事可爲勸懲者必反覆數陳之以是日見親厚先後賜賚

攸多當起復入見時 宣宗特出親製詩詞并緡錢二千錠賜

之退而陳之語人曰古人云稽古之力子亦云然性寬厚喜愠

不見待人接物一以真率爲本惟讓賢能僚案協和平居媿媿

然若無所介意以此人稱道之而亦嘉其遭際之爲盛云

殿學記云予觀國史謂瑛儀觀魁梧持已莊重文章政事非其所長予切惑焉夫渾朴多木強老成類進鈍峻峻若不能言者藏辯於訥寒寒若無爲者晦巧於拙然則子玉若是班乎跡其所言豈其然乎

王英字時彥別號泉坡其先太原人祖宗遠宋迪功郎仕於臨

川遂家金谿登永樂甲申進士第時 成祖方銳意育才 命

翰林學士解縉選進士穎秀者與狀元曾榮等通得如二十八

宿之數俾盡讀文淵閣古今書作爲班馬韓柳歐蘇文字 命

大官日給珍饌月賜燈油之貲數召至便殿問以經史諸子故

實或至抵暮方退英在二十八人之中每爲儕輩所推讓後

國朝列卿紀 卷之四十二 七 陶 留十五

上以綸綍事重以英與王直皆慎密可並任揀入秘閣書進呈機

密奏疏歲戊子預修 太祖高皇帝實錄丁亥授翰林修撰扈

蹕巡狩北京丙申陞翰林侍讀戊戌 實錄成賜襲衣綵段鈔

錠壬寅胡寇犯邊二月 上親征命扈從至濶濶兒海五月旋

師過威虜鎮李陵城已四十里 上召諭曰聞李陵城有石碑

可往視之復遣錦衣衛官校隨之以行時城中被虜殺掠燒燬

一空惟城北門有石出尺餘掘出狀磨觀之額曰李陵臺驛令

謝君德政之碑其文可讀其陰刻達魯花赤等官姓名明日備

奏其故 上曰此碑既鐫有姓姓名異日胡虜見之必以此

地爲已物爾宜再往擊碎之用火燬沉之於河以絕其爭端英

如 吉而往既還奏 上喜謂曰秀才是二十八人讀書者朕
雷爾為用正好宜力勿憚勞苦因問曰朕率師伐虜爾試言成
功何如對曰胡虜犯邊罪在不宥但聞 天兵親征必遠走漠
北臣願 陛下幸毋入險窮追也 上笑曰朕為天下國家秀
才之言惟不欲窮兵黷武耳復謂曰凡軍民中一切動靜或謠
言之類爾有所聞即來密奏又諭太監孟驥曰秀才有事即令
入見毋阻 上駐蹕安平鎮止功官軍因有過不與口糧者多
相聚悲泣曰吾等糧盡必死道路矣英以為言且曰此皆壯士
也願 陛下宥其過而與之恩則異日必得其死力 上悅即
令兵部尚書李慶入給口糧并載衣甲驢一疋甲辰 上復親

國朝列卿紀

卷之四十二

八

留于五

征胡虜還榆木川晏駕時 仁宗在東宮命尚書蹇義夏原吉
學士楊榮楊士奇侍讀王直與英同定喪禮議國政府內閣凡
七日 仁宗嗣位加恩賜白金綵段八月進秩侍講學士尋陞
右春坊大學士兼翰林院侍講學士明年乞歸省 賜鈔二千
緡俾馳傳而還 宣宗即位常召入便殿謂曰洪武中學士有
宋濂吳沈朱善劉三吾永樂初則解縉胡廣俱有重名念汝當
講經史陳道義以啓沃朕心罔俾前人獨專其美賜內醢及鈔
千緡 命入內閣參預中秘書奏乞分俸養母於家 上允其
請宣德庚戌脩 成祖 仁宗兩朝實錄成賜白金綵幣襲衣
世濟事府少詹事兼翰林院侍講學士復賜金箱琥珀麒麟帶

壬子正月聞太淑人曾氏喪 上命禮部賜祭工部造墳遣中
官阮童護奔喪冬十月奪哀還 朝龍遇日隆不時 召對正
統間開 經筵為講官陳說詳明於文義之外多有規諫之語
其講章於朝退之際人爭求去以為珍寶修 宣宗實錄與少
師楊士奇楊榮同為總裁實錄成賜白金百兩綵段鞍馬進秩
禮部左侍郎兼翰林院侍講學士癸亥正月奉 旨出理部事講
官如故浙江台寧等府民遭疫死甚眾 上遣齋香往祝南鎮
以禳民厲時浙間久旱英至紹興大雨水深二尺灌獻之夕雨
止星見明日又大雨田野沾足人皆喜曰此侍郎雨也布政使
孫原貞等陪祀請作 御祭感應記刻石於廟而還丙寅奏京

國朝列卿紀

卷之四十二

九

留于五

師去冬少雪今年自春徂夏雨澤不降種不入土小民缺食此
皆臣等政事不修激怒 上蒼所致伏望 陛下施賑恤之恩
臣等宜益省愆戒飭仍乞齋沐祈禱以格天心 上從其言果
大雨五日先是奏請致仕不許是年七十復上章乞罷政吏部
言其精力未衰 上是其言不允戊辰八月 上特旨陞南京
禮部尚書明日謝恩畢內傳 旨曰 上以卿久任 先朝多
效勤勞陞秩南京得安佚既視事南京二年得疾而終是為景
泰元年五月十七日也春秋七十有五訃聞 賜謚文安在翰
林屢為會試考官海內名士多出門下為文章典贍 朝廷制
作經其筆居多四方求金石銘誌碑記者接踵其門酬應不倦

詩歌字書人罕能及 國史謂其樂易善書跌宕不拘小節云
儀銘字子新山東萊州府高密縣人以恩廕入太學 宣宗卽
位念銘父智侍讀 東宮舊勞特授兵科給事中久之陞翰林
院編修正統三年與修 宣廟實錄成陞本院侍讀侍 郟王
講書五年陞郟府長史十四年車駕蒙塵百官請 郟王監國
言官大臣次第宜劾王振章有 旨朝廷當別有處衆鬱憤叫
號不已銘造膝前免冠有言於是衆皆免冠長號已而有 旨
急籍王振等家然呼號不辨人聲不能皆聽聞惟銘長號膝行
而前去袍服纔咫尺忽給事中王竑衆起梓指揮馬順至 上
前曰奸臣黨在是於是 駕起門掩一闕州足履之下暴血流

國朝列卿紀

卷之四十二

十一

郟王

矣百官稍退惟上直衛軍官候左掖門譚云尚有王毛二長隨
在少頃校尉捧兩人送錦衣衛甫出左掖門軍衛捶死之矣初
屍血漬碑門官呼水滌之銘曰不滌可也留與作樣子門官不
能答識者壯之會 郟王卽位力贊征伐尋以潛邸舊恩特陞
禮部右侍郎景泰元年開經筵又 命兼經筵官每講畢 命
中官布金錢於地令講官拾之以爲恩典時文臣與者自內閣
高穀江淵商輅侍講學士劉欽外惟銘與吏侍俞山兵侍俞綱
祭酒蕭鎡論德趙琬數人而已未幾陞南京禮部尚書在部無
所建明三年召改兵部尚書兼詹事府詳兵部
張惠字 山東濟南府德州人永樂十六年以監生擢刑科

給事中二十二年出爲 知縣累官四川右布政使惠居官
謹實無過但寡學少文景泰三年以儀銘薦起陞南京禮部尚
書四年二月惠爲存省京儲奏將國子坐堂年深監生量存一
千名在監肄業其餘放回依親讀書遇有缺用稍次行取七月
八月雲南生張輔李敏告稱家本大理等府已經省祭依親到
家又復行取程途萬里動經一二年之上方纔到監今坐堂將
及三年又當省祭往復艱辛請照北監祭酒李時勉題准事例
存留聽撥歷事惠上議以省祭不必拘其已經幾次但該歷事
期近者准其存留聽撥若期尚遠者仍令照例省祭從之天順
元年以景泰舊臣令致仕

國朝列卿紀

卷之四十二

十一

張文

鄒幹字宗盛別號順巷浙江餘杭人正統己未進士庚申初授
兵部職方司主事歷陞署武選員外郎郎中己巳八月北虜犯
邊 英宗北狩京師戒嚴一時所需甲仗糧餉未能有任其劇
者乃超遷兵部右侍郎幹殫竭智力日共厥事及虜退明年改
元景泰被 勅獎諭辛未清軍職貼黃事竣改禮部壬申奉
勅考察山西官吏癸酉河南鳳陽等處大水 詔往救荒民多受
惠居三年召還治部事尋陞左侍郎天順丁丑 英宗復位尚
書胡濙方治其事去諸冊立大禮並從幹詳定而行明年以老
辭位不允未幾特拜南京禮部尚書詳禮部
倪謙字克讓應天府上元縣人生有四乳人咸異之正統戊午

鄉舉已未進士及第授編修甲子 命祀北岳已已轉侍講使
朝鮮景泰壬申遷左中允兼侍講侍經筵以易儲事進侍講學
士丙子預修寰宇通志遷左春坊大學士天順紀元改通政司
左叅議仍兼侍講遣祭遼荆楚二府還進本院學士戊寅 憲
宗出閣充講讀官已卯主考順天鄉試以舉子奏發陰事下詔
獄謫戍開平成化元年復學士職預修 英宗實錄三年擢南
京禮部侍郎御史陳選劾之致仕已丑進階正議大夫資治尹
復原職丙申陟南京禮部尚書十三年致仕卒贈太子少保謚
文僖子岳為吏部尚書阜布政使所著有遼海上谷玉堂歸山
南宮等稿

國朝列卿紀

卷之四十二

十二

張文

李本字立之四川叙州府富順縣人正統戊辰進士選庶吉士
授檢討景泰四年轉編修天順五年預修一統志進侍讀庚辰
同考會試得謝一夔廷試第一人稱其有識成化三年 英宗
實錄成遷南京太常寺少卿十二年陞南京禮部右侍郎十三
年掌部事二十年陞本部尚書二十二年被劾開任卒賜祭葬
如例本性質直不為詭異之行然慷慨尚義聞有義舉則欣然
為之其文章平實類其為人平生不拘小節晚在禮部頗自豪
縱云

耿裕字好問河南盧氏縣人景泰甲戌登進士第選翰林庶吉
士丙子改授工科給事中尋改工科天順丁丑清惠任都察院

右都御史改翰林檢討當是時將臣有怙寵專恣者清惠劾奏
之忤 旨出為江西布政使裕亦出判泗州既而丁清惠憂服
滿改定州成化乙酉 朝廷知裕無罪召還復檢討丙戌同考
禮部會試預修 英宗實錄進修撰仍充經筵講官成化癸未
陞國子監司業丙申陞祭酒明年陞吏部右侍郎丁母太夫人
憂服除轉左侍郎丙午擢吏部尚書俄忤 旨相萬安妖人李孜
省改南京禮部尚書論譁然不平裕器度宏遠無幾微見於色在
部鎮重持靜得大臣體踰數月改南京兵部尚書詳吏部
黎淳字太樸湖廣岳州府華容縣人少苦問學從父宦遊與兄
資深相師友天順丁丑 英宗復位之歲也舉進士第一授翰

國朝列卿紀

卷之四十二

十三

張文

林修撰預修大明一統志癸未同考禮部會試成化乙酉 憲
宗即位充經筵講官丙戌遷左春坊左諭德丁亥修 英宗實
錄成進左庶子甲午考順天鄉試丁酉修資治通鑑綱目成遷
詹事府少詹事兼翰林院侍讀 孝宗正儲位日侍講讀戊戌
擢吏部右侍郎丙午改南京吏部丁未九載遷左侍郎加正二
品俸弘治戊申始擢南京工部尚書尋改禮部又三年以疾致
仕而卒於家謚文僖淳天性耿介寡合尤好直言居官屢除弊
事初入翰林有以言被謫者即以書抵當道請救其人當道者
雖不用然心實重之鄉試時有試卷奇甚後場不類疑有弊勾
稽墨卷果得謄錄生截卷狀按其事而取其卷為解首則名上

馬中錫也人皆稱服常見天下鄉試錄多舛繆或犯國諱槌奏數十條下禮部翰林院議治考試提調官罪且申定格例行之至今及在吏部故事內批出翌日承行者必 陛陳補奏疏以防奸偽除授寢廣有諷令勿奏者執不可諷者色沮久之竟停奏在部不受私餽不行請囑尤慎形跡事涉矯託輒窮本末必暴白乃已聞人有玷行雖所甚愛必推抑不曲為庇覆下至胥隸亦畏憚不敢犯弘治二年淳奏洪武永樂年間會試取士不拘南北自 宣宗章皇帝命內閣大臣會議始分北直隸山東河南山西陝西為北數南直隸蘇松等府浙江江西湖廣福建廣東為南數四川廣西雲南貴州并南直隸廬州鳳陽等府除

國朝列卿紀 卷之四十二 十四 石全 增

和等州為中數取士以百名為率南數五十名北數三十五名中數一十五名永為定制近因成化丁未會試四川左布政使潘禎建言中數人少將南北二數各退二名添與中數 祖宗成法妄加損益宜復宣德丁未所定數目禮部議謂允當 上從之素儉朴患鄉俗好侈躬自裁抑婚葬飲宴之禮人多視以為則嚴取于教子不假辭色至訓諸生日晝齋不倦登科甲仕中外者相接踵門下逮胥吏有嚮學者輒優給役後亦多成名云平生好著述有龍峯集若干卷及輯 國家諸試錄合六百四十卷藏於家

懷麓堂稿云黎太僕世居岳之華容性介耿寒合重倫尚節痛

違祿於極嚴廟祀兄嫂卒其孤名獻民及女皆幼育為已子遇二季沾愴無間言山東副使董國器妻死而董使邊未返太僕展省至臨清使攜其柩以歸太常卿孟大亨卒家貧不能舉太僕倡諸鄉宦官合購俾襄葬事鄉吏鄧祿寓銀數十兩後祿死遂藏所寓物十年候其子長而還居官儉朴不受私餽常患風俗侈自裁損婚葬宴飲稍示節度多視以為則所居黃洋渡積潦病涉發私帑築堤四十丈民甚利焉

典故紀聞曰黎淳性耿介患流俗奢侈凡婚喪燕飲皆有則取子不苟有門生尹華亭以紅雲布寄淳淳不受即書其封識上曰古之為令拔茶植桑今之為令織布添花吾不用此妖服也

國朝列卿紀 卷之四十二 十五 高 增

劉璋字廷信福建延平府南平縣人天順丁丑進士授戶部主事進郎中歷山東左右叅政陞浙江右布政使轉左成化二十一年陞都察院右副都御史總督漕運兼巡撫鳳陽二十一年改撫治郎陽未幾復改巡撫四川地方弘治元年陞工部右侍郎本年改戶部四年轉戶部左侍郎本年陞南京禮部尚書在部清慎待屬官以嚴不假色笑六年監生宋昇狂悖奪他人懸牌不服朴責以首撞柱大詬而出祭酒羅璟聞於璋璋曰風化之地豈容姑息以壞士心術行法司奏請治罪該禮部備查洪武二十六年間過監生林春等犯該杖罪照例免杖發歷事刑部

及充吏做工等項事例不一會官議擬奏准監生有犯除公罪
依律紀錄外有犯答者答罪贖仍歷一年考勤謹照歷監生出
身如平常仍令再歷一年覆考杖罪的決充吏照吏員資格出
身及查得永樂二年九月內生員林緝爲事照永樂元年例送
充吏今宋昇兇濫不服教養有累監規刑部問擬違制減等
杖九十罪名正與充吏事例相同欲將昇送吏部照例施行
上是其議七年召改工部尚書歷太子少保致仕詳工部

童軒字士昂江西饒州府鄱陽縣人南京欽天監籍景泰辛未
進士拜南京吏科給事中嘗疏省冗員公考察倡武勇擇師儒
杜倖進恤民隱多見採納天順中改戶科給事中憲廟踐祚

國朝列卿紀

卷之四十二

十六

丁文

首陳帝王之治在先本而後末者數百言四川盜熾廷議以
軒往馳至賊所宣布恩威賊羅拜以降進都給事中復上息
盜之策明年盜復起謫壽昌知縣久之六年擢雲南僉事提督
學校務以敦本爲教士風丕變歷恭政成化八年陞太常
寺少卿十年十月命掌欽天監事弘治元年陞太常寺卿三年
陞都察院右副都御史提督松潘軍務奏除松茂戍守之役
人甚便之五年擢南京吏部右侍郎十年進南京禮部尚書本
年致仕卒於家贈太子少保工吟詠得唐人體致所著有清風
亭藁海岳涓埃論獨藁籌邊錄若干卷
典故紀聞曰弘治時南京禮部尚書童軒言清軍一事雖曰急

務但所清之軍自洪武永樂以來遠者百餘年近者數十載而
正身之存者少矣其子孫年深亦多更名避地不可卒識間有
清出亦千百之一二耳所得之軍甚少所擾之民實多乞勅兵
部轉行天下所司凡逃軍有經三十年以上者悉免清勾凡有
願投軍籍者覆視無碍許於本處衙門註籍則民擾可除而軍
亦易補矣

顧司寇公璘作鄉正篇以訓士稱公曰公擇地而蹈擇言而出
吐辭滯翰必軌其方慎哉愿乎君子以爲知言

謝綬字維章江西撫州府樂安縣人父輔由進士歷浙江左叅
政綬承家學登景泰甲戌進士授工部都水司主事天順四年

國朝列卿紀

卷之四十三

十七

丁文

改刑部貴州司主事年陞湖廣司員外郎八年陞湖廣司郎
中不尚苛刻俱以清慎稱職成化二年陞四川右叅議平崇彭
寇尋丁憂十一年起復改廣西適荔浦徭獠叢殺乘機帥師圍
於桂山岩同事欲屠之賴綬以全活者萬計請置永安州治事
聞徵賞甚隆十六年叅政陝西賑饑民築引流堤以利農夫立
橫渠祠以崇儒術士民樹碑紀績二十二年轉福建按察使弘
治元年陞廣西右布政使三年轉雲南左布政使本年陞右副
都御史巡撫湖廣地方爲人忠厚不爲赫赫之聲人皆陰受其
賜六年改工部右侍郎八年改刑部九年轉左平獄多存仁恕
十年陞南京禮部尚書十二年三月因災異率南京九卿陳言

二十八事俱削切時弊 上從其議十四年二月申明國子監生給假舊制自弘治十三年以後監生入監不放依親者除三年省親照依舊制外其有告回畢姻及搬取者務要坐監半年之上照例定限放回如過違限期照洪武年間事例施行凡違兩月以上者送問上下南監行之性平易與人不設城府十五年卒於官贈太子少保

王宗彞名倫直隸保定府京鹿縣人父文歷內閣少保吏部尚書兼謹身殿大學士景泰丙子秋順天府鄉試以學士劉儼侍講黃諫主考文與學士陳循囑考官中倫及循子瑛既揭榜倫瑛不與選文與循誣儼等不公下獄有旨令翰林院并科道官

國朝列卿紀

卷之四十二

十八

四十三

覆考倫瑛文字阿附者以倫瑛文章合式得特賜舉人禮科給事中張寧劾陳循罪狀不報儼得問罪還職未幾 景泰晏駕文等誅 英宗悉誦發口外為民 憲宗登極二家遇宥于姪放還倫以字宗彞舉成化乙酉鄉試第丙戌進士授戶部主事歷郎中督遼餉機警巧宦善附權監十五年守臣以建州寡弱貪功賞請兵征勦至是鎮守副都御史陳鉞說太監汪直立功固寵已亦倖進虛張邊警妄請出師汪主於內遂命撫寧侯朱勇掛印總兵鉞提督軍務汪便宜生殺陞賞時建州頭目六十餘人來貢遇汪直於廣寧汪誣以窺伺奏請拘囚之既到給就鴻臚演禮入門伏起三校偷一路關擾攘因乃就押監禁在衛

虜眾不意大兵猝至壯者逃匿惟餘老弱或殺或虜凱旋獻俘汪直將入城諸大臣皆遠逝 上御文華殿以俟功次陞賞汪加祿米三千餘石勇進爵保國公鉞進都御史未幾改戶部尚書宗彞以督餉陞太僕寺少卿尋改右僉都御史鎮遼東餘進階有差未幾虜復仇為詞屢侵邊堡捨去男婦稚眷火蒸支解以卿屯堡屏迹弗克耕種遼地騷然識者憂之十八年言官文劾直等宗彞以首相萬安曲庇降四川左叅議弘治元年陞河南右叅議四年陞河南右布政使本年陞都察院右副都御史巡撫陝西地方在關中無所建明八年陞兵部右侍郎十一年轉左十三年陞都察院右都御史協理院事時左都戴珊以碩

國朝列卿紀

卷之四十二

十九

四十四

望在臺風紀振肅宗彞仰承休美無所抵牾十五年陞南京禮部尚書在部已衰齡苟延歲月正德元年致仕 劉忠字司直河南陳留縣人成化戊戌進士授翰林院編修性峻少通行方寡合一介不苟得惡人趨競自處常過抗貴人亦力抑之在翰林歷侍講幾三紀始拜侍講學士十八年進翰林學士正德二年為講官每附經義規 上缺失及諷時政不得在內傳 旨陞南京禮部右侍郎已中貴人知其高節進本部尚書本年改南京吏部尚書詳內閣 江瀾字文淵浙江杭州府仁和縣人父玘舉進士官給事中至山東叅政初母陸氏有娠夢髯翁乘白鹿抱授一兒既寤而生

甫能言即知讀書在羣兒中雖嬉戲未嘗有嫚語六歲同隣兒
觀錢塘江潮值父執陳僉事課以對瀾即應聲答之且用杜阿
段尋源之事陳大異之長充縣學生督學者累試居首成化辛
卯舉浙江鄉試壬辰辭乙榜業太學同里學士退菴王獻嘉其
器識遂以女妻之戊戌登進士第選翰林院庶吉士未幾丁父
憂壬寅服闋除編修丁未充廷試受卷官尋乞歸省 賜路費
寶鑑戊申 孝廟登極召還修 憲廟實錄筆削惟公凡 寶
訓皆所校正庚戌充 廷試掌卷官尋充經筵展書官辛亥實
錄成進侍讀 賜宴及白金彩幣壬子充 經筵講官每進講
必正容彈慮以沃 聖心癸丑同考會試秉公校閱時稱得士

國朝列卿紀

卷之四十二

二十

御林

甲寅奉 命冊封 荆王贈遺悉辭弗受乙卯主考應天鄉試
校閱尤精丁巳簡充 東官講官日惟靖恭輔導尋修大明會
典凡制度品式攬摭精詳庚申九載考績陞侍讀學士壬戌會
典成陞學士賜宴并楮幣千緡未幾修通鑑纂要一以春秋綱
目爲準凡切於治道人才者論斷精確是秋 武宗在東宮長
髮以講讀官 特賜白金文綺甲子考順天鄉試夙夜校閱得
士視應天尤盛乙丑 武宗嗣位以從龍恩擢詹事府少詹事
仍兼學士會上 兩宮徽號進中憲大夫與修 孝廟實錄丙
寅春 上初郊祀命爲分獻官賜緋衣一襲二月首開 經筵
仍充講官 賜白金文綺楮幣五月奉 命掌翰林院事九月

恭遇 聖節以輔導舊臣賜黃金束帶尋 命爲實錄副總裁
十月陞吏部右侍郎協恭匪懈常著日錄以自檢獎恬退抑
競人莫敢干以私丁卯 賜御製龍文詩冬 江侍郎守法不
公與時鮮合值太宰張綏附逆瑾用事憾瀾不附已尋陞南京
禮部尚書及履任凡 慶禮祀典罔不祗肅每雨暘不時請禱
輒應人以精誠所感四年以疾卒年僅六十有四未幾瑾敗贈
太子少保謚文昭爲人溫厚純慤不逆人詐孝敬愛友見義必
爲尤篤於故舊凡喪不能舉旅不能歸者率爲資給平生未嘗
言及私利大中公舊居悉讓諸弟別自構居一區徙居之常致
書仲兄曰勿佃廢寺以貽後累立 朝三十年小心翼畏始終

國朝列卿紀

卷之四十三

二十一

傅元

如一每目必夙興趨朝雖風寒暑雨未嘗少懈論諸子少司
空曉太史暉曰吾世受 國恩爾曹盡自當以圖報稱其令
德雅量人稱爲長者且遜敏好學仕而若 詩文渾厚典實
不事雕琢所著有銓曹春亭東川稿藏 家
張深字仲湜廣西桂林府全州人成化 進士選庶吉士授
編修弘治己酉轉侍講戊午充 東 讀官辛酉主考順天
鄉試十二年進侍讀學士十八年陞 學士尋遷國子監祭酒正
德元年擢禮部右侍郎二年轉左己巳陞南京禮部尚書本年
改南京戶部餘詳南京兵部
孫需字平吉江西饒州府德興縣人成化辛卯領鄉薦第二人

甲辰登進士第筮仕為常州府推官遠嫌自潔勤於訊鞠能聲驟起成化戊戌召入授南京四川道監察御史風裁凜凜留都皆嚴憚之妖僧以左道蠱 憲廟率同列斥其罪請誅之雖遭筆未嘗以為悔陞四川按察司副使南臺陞憲副蓋自需始會憲長缺遂署其事尋以父憂歸終喪改湖廣未上擢浙江按察使遇大獄必加審覆未嘗輕決小吏苟無大過必保全扶植之弘治庚申陞浙江左布政使民謠有前劉後孫清德著聞之語蓋以需可繼大司馬東山之躅也入覲例僉水手取銀為道里費朝士之贊亦取辦焉需峻拒贊率從簡論者賢之及還浙未浹旬擢都察院右副都御史巡撫河南時河溢且囓汴城民流移載道乃議役以築堤而予之備錢今出趨者萬計隄成而饑復濟公私便之弘治癸亥 駕帖下取河南牡丹三千本上疏耳目之玩不可勞民泌陽縣知縣馮憲忤宗藩已有 旨下撫按官會訊尋復逮赴詔獄又疏令如反汗殊戾舊法 孝廟皆納其言而寢之居三年屬吏競勸民視如父母然鎮守中官劉瑯與需水火日夜陰圖中需會大臣之子有怙勢橫於其鄉者需亦裁以法於是瑯計得行會陝西巡撫缺遂調往補蓋大臣亦不欲其久於汴也至陝西經略武備拊循士卒取權貴所私役復之舊伍他省有輸粟助邊者皆令躬自輦送無苦邊民而虜警則以義激將士督之先驅而亦環甲從之不以勞避

國朝列卿紀 卷之四十二 二十二 薛洪

頃為風寒所襲而病遂乞休 詔不允乃召還京改命撫治鄖陽至則以文告諭之願為編民者給牛種俾有常業願歸故里者給餼遺籍管內所得逋逃蓋數萬餘口又以教化為撫民急務乃興建學舍擇秀民聚講其中有暇則親往課之未幾士習丕變應試者倍於疇昔正德丁卯陞南京兵部右侍郎過安陸謁 恭穆獻皇帝賜宴有厚賞辭不受 帝益賢之比至留都值 榮王之國過金陵欲登城一覽形勝需謂法不可擅登乃止已已陞南京禮部尚書時逆瑾專柄陞者多以賄謝需方坐崇之累罰輸邊米數百石未數月矯 旨令致仕後起南京工部歷南京刑部吏部尚書卒贈太子太保謚清簡詳南京吏部

國朝列卿紀 卷之四十二 二十三 王榮

張憲江西德興人成化壬辰進士正德五年任尋改南京工部尚書詳南京工部

朱恩字汝承直隸松江府華亭縣人成化甲辰進士授行人司行人歷司副司正進工部員外丁憂起復補刑部員外郎進郎中弘治十八年陞河南副使正德二年陞河南按察使三年陞河南左布政時大學士焦芳劉宇相繼為太宰俱為河南人恩趨附結納以故不次陞遷本年又陞南院右副都御史後以賄瑾誅以人言閑住

柴昇字公照河南南陽府內鄉縣人成化丁未進士授工科給

事中歷工科右左給事中兵科都給事中弘治十四年陞山東
右叅政十八年陞廣東右布政使正德元年陞山東左布政使
二年陞都察院右副都御史巡撫陝西地方三年陞吏部右侍
郎四年轉左爲人清潔關節不通五年陞南京禮部尚書時附
大學士焦芳劉宇者因逆瑾事敗悉誦降爲民昇以朴直不坐
逆黨六年陞南京兵部尚書叅贊機務未幾致仕詳南京工部
喬宇字希大山西太原府樂平縣人成化甲辰進士丙午年授
禮部儀制司主事是歲 皇太子婚禮成及 五王冠禮畢俱
受文綺白金之賜明年會試天下士署提調官綜理有法徹棘
之日簾內所用之器悉還之民丁未母卒歸弘治庚戌服闋除
國朝列卿紀 卷之四十一 王宗 四

士選庶吉士授檢討弘治丙辰出補浙江僉事戊午以憂去辛
酉服闋改補陝西陞副使又以憂去正德丁卯起復改山東前
後更三任俱督學政所至務從寬厚頗得士心正德戊辰召入
爲太常寺少卿提督四夷館仍兼侍講庚午擢戶部右侍郎提
督太倉尋改禮部壬申轉左侍郎乙亥陞南京禮部尚書十一
年丙子以慶賀入京調禮部詳詹事府
吳儼字克溫直隸常州府宜興縣人成化丁未進士選庶吉士
授編修丙辰充經筵講官 武宗出閣兼司經局校書庚申轉
左中允辛丑進侍講學士掌南京翰林院事正德丙寅召修
孝廟實錄充經筵日講官兼修玉牒丁卯典順天鄉試時逆瑾恃
國朝列卿紀 卷之四十二 王宗 二五

尤急民事躬課農種做朱文公社會立積穀法行計口給田法
 為備荒計釐正糧籍民至於今稱便弘治七年徵為戶部員外
 郎尚書周文端公劉忠宣公甚器重之十年進郎中操履清潔
 不可干以私政暇錄戶部條例并各荒儉數目備記不遺而郵
 民隱惜財用 朝省諮議多乘之十三年推陞江西提學副使
 至則以身為教先行檢而後辭藝黜浮崇雅士類勃興修濂溪
 書院清學田定課程遠近向慕十八年陞浙江按察使正德二
 年陞浙江右布政使三年陞湖廣左布政使鎮靜簡重足以革
 浮靡消澆訕而聲望益隆四年陞都察院左副都御史總督漕
 運時劉瑾用事一無所通瑾銜之數令以危言撼之屹不為動

國朝列卿紀

卷之四十二

二十六

毛主述
四百字

乃令致仕去瑾誅起巡撫貴州未任改戶部左侍郎疏乞終養
 十四年起南京禮部尚書以終養辭十六年 今上嗣極大臣
 言官交薦再起本部尚書疏懇辭 上褒以溫旨不奪其志實
 性度端雅貞介夙成臨事猶講學然未嘗疾言遠色人或數有
 語不能終徐以數語即竟之常曰願為真士夫不願為假道學
 於聲色貨利嬉戲事絕口不言惟達人君子前輩舊德則敬之
 久而弗衰一時儒碩並以天下士稱之卒贈太子少保謚文莊
 吾學編曰公有清譽在江淮不事改革赫赫漕大小將校皆嚴
 憚不敢苛贖未幾事忤逆瑾瑾又惡平江伯平江伯者漕帥也
 事連公瑾益怒禍且不測長沙方解得致仕又曰所著學史類

端錄二書巡撫吳廷舉上於朝詞林人物考又有容春堂集若
 干卷增
 章懋字德懋浙江金華府蘭谿縣純孝鄉人天順壬午魁於鄉
 成化丙戌試禮部為會元入翰林為庶吉士為劉定之柯潛獨
 與稱其不涉芟潤柯云詩本諸志而文本諸道編修甫四十日
 偕同官黃孔昭莊定山論上元烟火非是謫臨武知縣先是一
 峰羅倫論有相不當奪情亦謫時稱翰林四諫謂榜得人毛給
 諫弘陳御史壯論救拔改南京大理寺評事由儒飭吏不腐不
 深南入俸視比循例益以堂隸顧直之羸獨無所益遷福建按
 察司僉事體仁藏用與道弛張沙龍泰寧閩漳山海之寇皆有

國朝列卿紀

卷之四十三

二十七

陶見
四百字

以伴其魁離其黨三年疏致仕以去尹冢宰長固留不可三詰
 而終不變時四十一人以為難既歸甘貧守道奉親外閉門讀
 書畢心體認之學而言必根志志必先用用必副功楓山授受
 提挈綱要所得益深士風為之一變學子至不能容白沙一峰
 定山皆極推與朝論時有所薦弘治十四年南北關祭酒倪冢
 宰岳起謝公鐸於北懋於南時未終制 詔虛位以待令吏侍
 楊守卮常卿李長暑監事十六年就官開示近裏南士意若無
 奇比論理道探索隱幽論天下古今事若逢其時履其地處分
 其虧成五經論難若寸挺撞鐘迎手而應然後知書無不讀理
 若事無不會學政時政有疏勤聖學重詔令倣天戒隆繼述謹

大婿有疏在 武宗廟前後兩乞致仕溫旨免留有老成端謹
聞望素著允宜師表之褒既正德三年三疏請老而自問醫東
下後起南京太常寺卿辭進禮部侍郎又辭既致仕儉于鼓奸
綱常易故縉紳罹毒在 宗社亦為之搖獨明炳幾先而憂先
在位者蓋炳炳然江西之寇陷浙江乃移縣城矮屋三間左寢
右爨門垣不能備侍御鮮寬張縉給諫徐文溥劉蔭時疏舊學
耆德表以風世詔加存問十六年 世廟入正大統再用言者
薦加南京禮部尚書致仕有學行老成名實相稱之褒報至已
在床褥曰噫無以為報也疾亟與林守有年論古今事與姪贊
論君大夫保天下國家之本取士會父子庶幾未且故居之前

國朝列卿紀 卷之四十二 二十八 劉仕任

星隕申乃化辛巳除夕也壽八十六善類相吊皆曰章先生亡
章先生亡仕籍幾六十年官僅三考立朝僅四十日城府不見
其迹者四十餘年卒贈太子少保謚文懿國史稱其志行高潔
自少潛心大業居常不為異同至臨大事決大議則據經援史
確乎不易百凡嗜好一不入其心難進易退之節世尤高之
侍郎崔銑云章公德行無瑕起掌南監日關經訓勸士進德略
其瑣屑常矩董吏部玘稱公留心經世之務每一政先稽古典
次參以制折衷於道而定矩焉家故田居諸子躬操器治農邑
令過訪諸子輟輟跪迎在司成其子自金華徒步來省過途巡
檢管之已知請罪公笑曰吾子垢衣弊履宜爾不識也論者曰

古三不惑公有之矣

楊廉字方震號月湖世家江西豐城人自幼穎悟過人父崇受
業於吳與弼高弟胡九韶故廉漸濡與弼之學以六經為正宗
四書為嫡傳周程張朱為正派而飭躬砥行不落塵紛成化丁
酉以邑庠生中鄉試第一丁未會試第三 廷試賜同進士出
身改翰林庶吉士移疾家居為苑學諸老所推重庚戌授南京
戶科給事中益留心世務經史之外凡民生休戚財計盈虧邊
務利害悉研究顛末思以自効丙辰丁內艱服闋補刑科給事
中戊午以便養請改南京兵科因地震劾奏用事大臣首薦張
元禎吳寬李東陽王鏊劉戩宜備日講講書宜用大學行義時

國朝列卿紀 卷之四十二 二十九 高祐

論避之吏部尚書王恕被譏力言公卿不可無恕所宜優禮請
斥遠讒邪無為所惑楊茂元盛應期因事獲譴亟奏乞叙復他
所論薦如周瑛周孟中王鴻張吉王雲鳳劉大夏謝鐸林俊曹
麟等皆有時名屢上時政便宜凡十數事又兩因邊鎮有警陳
言備禦數事 朝廷悉用幾盡又嘗論宋儒周程張朱從祀之
位宜右漢唐諸儒又因關里重新請更立木主以華夷教偶未
及用識者惜之庚申陞南京光祿寺少卿淹抑居幾三考惟
潛心著述取濂洛遺言與境多所闡發嘗入貢 千秋節陳言
輔導元良其說尤備丁卯陞南京太僕寺少卿時問務多暇環
滁諸生多執經其門徧舉先儒異論分剖是非娓娓無倦容尤

謹其矩度崇廉耻有滁人費氏子諱愚者其弟隱墮溺懸馳援不遑褫衣弟因援濕衣重死淵中其聘濮氏女聞之夜縊死乃為之紀曰夫愚為弟死者仁也女貞為夫死者義也號曰仁義塚以風之莫不靡然發動俄遭外艱服滿陞南京通政司右通政前此軍民投狀或寢不行廉以政主於通不宜任情行止悉分送所司仍存其底備考壬申冬陞順天府尹以文學飭吏事不如柔吐剛以省繁屏苛為務市征襍賦皆酌其平豪猾不得為輕重屬醜虜犯邊 命將出師者再所須車輛約費銀數千兩廉以水旱連年根本宜慮力言於兵部移大興通運所餘銀以給之仍奏免夏稅一萬七千餘石又令農民改撥者量入貲

國朝列卿紀

卷之四十二

三十

丁文

為賑濟備民甚賴之慮各屬巧取民財每歲辦創作底簿具載其都數使上下通曉無能為弊凡徵稅則例鄉飲酒儀節悉加裁定遇鄉會三試所需悉從官給盡革和買借辦之擾舊號舍用葦則易以木為經久計工部題准天下所貯吏農銀兩令解補先年物料廉亟奉行後 乾清官災遂變初議惟順天物料獲免府收例銀前後幾二十萬立法簡而有數類解既便且絕侵欺昌平縣以歲辦不前奏准陞州請轄密雲順義懷柔三縣復奏不堪事下議乃均車輛十之六於三縣使州無偏重釐各官馬夫銀於均徭使不得多取定陵戶貧富撥補之法使不得影射皆著為令乙亥春陞南京禮部右侍郎疏論交修論廟祀

論巡幸語皆切至 駕臨舊都即奏言臣僚冠服當如朝儀又請謁 太廟皆得俞旨 世廟登極用廷薦陞尚書首進大學衍義節略有旨褒答又申論大體以堅 上意諸卿佐皆附名焉前後凡八疏乞休癸未春求去益力特允所請 賜勅給驛廩與夫皆從優典歸則取 勅中語扁其堂曰願保杜門却掃縉紳益歸重焉乙酉以疾終享年七十有四巡撫都御史陳洪謨以聞 上嗟悼贈太子少保謚文恪平生所著有文集六十二卷劄記三卷奏議四卷家規一卷所述有伊洛淵源錄新增先天後天圖學考証大極圖纂要分類程氏遺書二程年表西銘旁通皇極經世啓論象山語類洪範纂要禮樂書 皇明名

國朝列卿紀

卷之四十二

三十一

張一順

臣言行錄 皇明理學名臣錄選註風雅源流唐詩詠史絕句白沙定山詩星略算學發明綴算舉例醫學舉要名醫錄凡二十餘種 秦金字國聲直隸常州府無錫縣人弘治癸丑進士授戶部祠建司主事委督太倉糧儲明年監臨清倉勘順天等府災歉監收長安四門倉及象房糧芻剔扶姦蠹無緩悞發職盡而舉大司徒太原周經簡視諸司章奏事有盤錯多所裁決尋陞河南司署員外郎再進山西司署郎中時邊書告警軍食不贖乃超本司郎中計處糧餉條陳時宜曲中緩急癸亥丁父憂正德改元服闋復除戶部四川司郎中時戚畹恣驕中璫擅權奏討引

鹽運袂以攘金持之不可大司徒洪洞韓文執奏至再其風稍
 寢革繇是銜者怨金喉邏事者橫遮之竟無所得戊辰禮部以
 會試同考官請金以族人多人試辭不赴是歲陞河南按察司
 副使提督學校以身範士嚴立課程哲於品藻凡所甄拔率多
 嚮用庚午陞左叅政分守大梁道時劇賊劉六劉七等嘯聚亡
 命長驅河洛將薄封丘金先期設備繕城堡時煥糧會叅將宋
 振提兵南下馳檄邀之翼以民兵鼓戰遇賊於陳橋剷却村大
 奮擊之斬賊首若干級生擒其魁封丘晏然土人生爲立祠是
 歲陞山東右布政使癸酉轉左重念民遭賊刃極意撫循凡勢
 要請托翔價賣抄等蠹民數事即日禁除甲戌陞都察院右副
 都御史巡撫湖廣地方贊理軍務不攜妻子所至問疾苦誅姦
 貪威聲惠流 奏上便宜八事繼上十事皆艱危切務巨盜盤
 詰四面蜂起乃擒賀璋廖琪於江討猺獯於郴桂靖叛苗於香
 爐峰其功最著己卯逆濠告變 大駕親征中官李鎮附麗彬
 賊橫肆誅求抗辭直奏請以一身當之民免於毒庚辰陞戶部
 右侍郎辛巳改吏部尋改戶部左侍郎時大司徒未至攝部事
 清理勲戚莊田禁革勢要鹽引創籍勾稽兩直隸十三省通負
 國用漸充先是郴桂功成陞俸一級廕一子爲錦衣衛世襲百
 戶金疏辭免至 世宗嗣登大位錄舊勞 賜之白金綵幣仍
 進俸級如初癸未陞南京禮部尚書尋改南京兵部尚書詳南

國朝列卿紀 卷之四十二 三十三 蕭朱 留十九

京兵部
 顏頤壽湖廣巴陵人弘治庚戌進士嘉靖二年任
 沈冬魁直隸阜城人弘治庚戌進士嘉靖二年任六年致仕
 顧清直隸華亭人弘治癸丑進士嘉靖七年由禮部侍郎乞休
 起南京禮部侍郎晉本部尚書致仕卒謚文僖
 劉龍山西襄垣人弘治己未進士嘉靖七年任
 嚴嵩江西分宜人弘治乙丑進士嘉靖十一年任詳內閣
 湛若水廣東增城人弘治乙丑進士嘉靖十二年任
 霍輅廣東南海人正德甲戌進士嘉靖十五年任詳內閣
 熊浹江西南昌人正德甲戌進士嘉靖十八年任
 國朝列卿紀 卷之四十二 三十三 陳棟 留四

張壁湖廣石首人正德辛未進士嘉靖十九年任
 閔楷直隸任丘人弘治乙丑進士嘉靖二十四年任
 王學夔江西安福人正德甲戌進士嘉靖二十四年任
 萬鏗江西進賢人弘治乙丑進士嘉靖二十八年任
 王崇慶直隸開州人正德戊辰進士嘉靖三十一年任二十四
 年改南京吏部尚書致仕詳見前
 葛守禮山東德平人嘉靖己丑進士三十四年任
 閔如霖浙江烏程人嘉靖壬辰進士三十五年任
 孫陞字志高浙江餘姚人忠烈公第三子自幼穎特不凡誓此
 卽嗜學日記數千言讀史至名賢傳輒以自期弱冠補邑庠弟

子擇友課文必循矩度同輩莫不感服正德己卯忠烈公撫江右死寧庶人之變公隨二兄誓死復讐會庶人就擒乃扶柩東歸廬於墓茹素三年巡按韓公聞而賢之召試越王臺弔古文大驚謂可與唐王勃滕王閣序並稱名隱起嘉靖乙酉舉於鄉丁亥遊大學時伯兄堪官錦衣迎楊夫人就養公依焉傳經都下家窶甚乃自題曰勿謂古人為不可及勿謂天下第一等事為不能做帖之書厨其礪志類此乙未對 大廷進仁禮保邦之說 上親批說仁禮之意好賜一甲第二人授翰林編修公感 上知拔閉門檢身心研墳籍求所以經世務絕不與他曹事己亥春 冊立東宮詞林官例得補官察入爭競進公獨

國朝列卿紀

卷之四十二

三十四

石全

不然居公後者以妨已讓之竟不為動乙巳以校勘 列聖御文五經二十一史遷右春坊右中允與修 大明會典清理軍職貼黃丙午主南畿試事崇雅黜浮所取多名士一切宿弊芟革殆盡己酉晉國子監祭酒教先器識敦實行命諸生各舉所知拔其尤者揚於彝倫堂以風其餘又慮浮競難制懸格二十二條就行之不以親故關說輒改或遇貧喪出粟為助諸士咸服辛亥陞禮部右侍郎值華亭徐公為尚書協恭一心諸大典儀如請行 裕景府冠讀禮商决居多壬子 上即舊邸建元祐宮命安神祭告公奉使謹飭所至減騶從有司或供治過具悉揮去過襄鄧間見民治河多菜色公哀而憐之作詩遺守臣

遂得歷不瘦死守臣為鐫詩於石癸丑改吏部右丁內艱朝紳禮饒悉謝却或強請留一帛曰此其帛也公立請焚之以抵其意至浙值伯兄卒公歸二喪廬墓茹素如忠烈公時人見公毀瘠勸之肉食不從淚輒下以是得脾疾服除薦疏踵至徵拜禮部左侍郎旋改吏部公樂道人善察其可用即白太宰不欲人知礪冰操視毫末非義若將浼己人素信之無敢以私入者丁巳進南京禮部尚書留都為遠外巧宦者往往不樂推公冷然無營心至則懲俗奢靡敦朴素為諸曹先疏陳較術業數事剴切可行 詔嘉納之又因曹務稍簡益留心治道凡邊塞險夷戶口登耗與夫刑名錢穀庶政一一研究顛末思注措之屹然

國朝列卿紀

卷之四十二

三十五

楊海

為後進法程庚申六月二十日以疾卒壽六十計聞 詔贈太子少保謚文恪 賜祭二壇遣行人治葬士大夫咸悲其不及大拜竟其設施云生平孝友天植事忠烈公與楊夫人始終盡志無畷容事兄如事忠烈公無巨細必稟命而行坐必侍側痛父殉節戒勿治家慶手絕不書寧字即用必以他字易之終不為人作壽父文至母棄世亦不為人作壽母文平生無家念一介之微苟有未安曰趙清獻必不如是雖奇字名畫玩適之物泊然無欲教諸子不專文藝嘗曰養德養身養學三者須日體驗不可缺一故伯子太宰鏡仲子翰林銓叔子春元鈞季子官保鑲幼子鑲俱奉庭訓不脫書生氣味睦宗族懇懇導之為善

雖幼賤行坐必以齒叙既貴徒步里中非遠行不肩輿重交前
尤篤死者同年韓修撰卒撫其子白部使者立坊表誌華州王
司成地震卒收其文序以傳士大夫咸服公古道其問學不自
暴炫於典籍百家金石竹簡之傳并國家典故無不洞悉爲文
宗兩漢詩宗杜氏慕而求之者非其人不授筆至事關綱常如
餘姚謝生殉賊及雲樓王氏雙節皆爲立傳所著有易測窺天
錄及詩文若干卷

李璣字邦在號西野江西南昌府豐城縣人辛卯領鄉薦乙未
第南宮 廷試獻策敷對萬餘言如藩祿未理工作太濫刑罰
失平軍伍不充俱切時弊未復歸於正聖學開言路不少諱讀

國朝列卿紀

卷之四十二

三十六

楊海

卷者憚其峭直實之進呈九人之後 世廟嘉其懇悃御批曰
一 謙賜二甲第一傳臚 命刻其試策示天下尋改庶吉士公感
一 殊遇思自淬礪蒐羅羣籍及考鏡昭代故實并時務機要一一
一 揚確不遺館閣諸公雅許其才堪大用不屑屑以文章致身也
一 公在館念父劔東公不置迎就養旦夕視食定省不少懈適
一 皇嗣覃恩例得賜封其父母庶吉士格於例公率同館比例乞恩
一 准與試御史一體給封朝士榮之丁酉授翰林院編修尋丁外
一 艱癸卯服闋補原官甲辰春奉 命校錄歷代史籍乙巳書成
一 陞俸一級一 九廟告成禮卿遴公充捧主官 世廟嘉公儀度
一 整雅賜金幣丁未陞左中允署國子監司業事戊申復奉 命

纂修會典會丁母憂旬旬歸治喪如禮癸丑起復以會典成陞
左春坊左諭德甲寅陞國子監祭酒以大學首善之地教化所
繇乃嚴規條端矩每進諸士於館下惓惓示以檢身心明理
道尤抑上書獻頌之風初監苦請托士習日壞公熟事體秉公
持正錄序單昭揭於堂有阻撓者衆指摘之不輒貸於是請託
屏息待諸士以恩義不操一切有遠方寒窳衰憊不能自存者
量郵之士翕然歸嚮尋轉南京禮部右侍郎適倭薄都城公以
兵部咨督正陽門城守會所監將卒指授防禦方略咸勝筭
老將遜伏謂非文臣所能及在部守成法於監生歷事吏役滿
考毅然以公特之人不得私干乙卯轉吏部右侍郎兼翰林院
學士掌詹事府事己未奉 旨主考會試入院乃肅簾內外諸
執事焚香天天胥戒胥飭而後卽事病士競削竊多套語令同
校者閱語涉雷同及諸不經訓者黜之必見理明切傳古通今
者始錄故所取多名士庚申陞南京禮部尚書時多右北左南
有諷今少需者公曰君命也敢擇官乎至南倡諸卿儉素以易
靡俗人服之時從弟遂爲大司馬恭贊留務一門二卿縉紳仰
之未幾以時事沮格疏乞休不報癸亥春復疏乞身得 旨致
仕歸杜門屏跡偏其堂曰來復蓋取易之不遠復休復頻復獨
復敦復迷復製爲六箴揭之左右以自警云

國朝列卿紀卷之四十二終

國朝列卿紀

卷之四十二

三十七

陶見

國朝列卿紀卷之四十三

國初禮部左右侍郎年表

世家寶 河南臨潁人故元學士洪武元年任歷刑部尚書

傳 獄 洪武二年任禮部侍郎

黃 肅 武三年任歷工部尚書

張銘善 年任歷吏部尚書

秦文釋 三年任

秦 約 直隸崇明人舉文學洪武四年任

楊冀安 直隸靈璧人四年任

曾 魯 江西新淦人徵辟洪武五年任

國朝列卿紀 卷之四十三

楊 定 洪武五年任

楊思濟 河南歸德人由薦舉六年任右九年免

王中立 山西平定州人儒士洪武六年任左

朱夢炎 詳本部尚書洪武七年任左

李 冕 詳禮部尚書洪武十一年任右


魏 鑑 由薦舉洪武十二年任右

劉 崧 江西泰和人故元鄉舉洪武十三年任右尋攝部事

李叔正 詳本部尚書洪武十三年任左

劉嘉議 武十四年任人洪武十四年任

張子源 田薦舉洪武十五年任右本年免



朱 同 直隸休寧人洪武中舉明經十五年任右

備可求 直隸宜興人洪武中舉明經十六年任

王 志 直隸藁城人洪武初舉人才十七年任左

章 祥 武十八年任左

陳思道 浙江山陰人進士洪武二十一年任左

張 衡 江西萬安人進士洪武二十二年任左

王起東 浙江上虞人文學洪武二十三年任右

凌 漢 河南原武人秀才洪武二十四年任右

張 智 福建順昌人故元州同洪武二十四年任右

姚子宗 由薦舉洪武二十六年任左

國朝列卿紀 卷之四十三

張 昇 山西澤州人人才洪武二十八年任左死靖難

齊 麟 山西五臺人進士洪武二十八年任右

許 觀 直隸貴池人狀元洪武二十九年任右歷侍中死靖難

陳性善 浙江山陰人進士革除元年任左死靖難

吳景玄 浙江括蒼人革除元年任左

蔣 原 除元年任右

董 倫 順天宛平人薦舉革除二年任左兼學士

黃 魁 革除二年任右

宋 禮 河南永寧人貢士革除四年任右轉左歷工部尚書

戚存心 浙江廣巖人進士永樂元年任右

楊 砥 山西澤州人進士

趙 紅 見本朝尚書永

劉 吳 南 樂二年任右

王 彰 河南鄭州人鄉舉永樂五年

儀 智 山東高密人儒士

蔚 綬 詳本朝尚書永

古 朴 河南陳州人鄉貢永樂七年以戶

金 純 詳本朝尚書永

易 英 湖廣澧州人薦舉

胡 澗 直隸武進人進士

國朝列卿紀

卷之四十三

三

三

國初禮部侍郎行實

世家寶字 河南開封府臨潁縣人係蒙古人姿貌魁整

言論性剛果有謀畧讀書知兵故元集賢院學士守登萊附王

師洪武元年授大理寺右少卿尋拜禮部侍郎陞刑部尚書本

年十一月坐事降虜陵縣知縣召還授兵馬副指揮使改兩浙

運同十五年陞臨安府知府賜致仕二十七年卒於家詳刑部

傳 璫 字 人初名璫元末入仕留侍左右吳元

年陞中書省參知政事本年詔定律令命為議律官論璫曰汚

染之民以善道之則可以復生求生於重典是索魚於金也及

國朝列卿紀

卷之四十三

四

四

命兼詹事府丞二月同左丞相李善長學士陶安進 郊社宗

廟議八月京師火 帝謂中書省臣曰近京師四方水旱相仍

朕夙夜不遑寧處豈刑罰失中武事未息徃後屢興賦歛不時

以致陰陽乖戾而然邪卿等同國休戚宜輔朕修省以消天譴

璫等對曰古人有言天心仁愛人君則必出災異以譴告之使

知變自省人君遇災而能警懼則天變可弭今 陛下修德省

愆憂形於色居高聽卑天實監之願臣等待罪宰府有乖調燮

貽 聖衷憂咎在臣等 帝曰君臣一體苟知謹懼天心方回

卿等其盡心力以匡朕之不逮二年改禮部侍郎三年以年老

致仕

黃肅字 人故元禮部主事洪武元年王師克
元都召任原職三年命署禮部侍郎事五年陞工部尚書詳工
部

張銘善字 人洪武三年拜禮部侍郎本年試
吏部尚書詳吏部

泰約字文仲直隸蘇州府崇明縣人少嗜學長益刻厲於書無
不讀為詩文有豪氣洪武四年有司舉文學召試慎獨箴居首
上特擢禮部侍郎本年以母老告後徵儒士所著有樵海集師友
話言樵史補遺詩話舊聞崇明志講論治道有司以其名聞賜
帛鎡入覲陳三事皆有裨益仍告歸鄉里後卒於家

國朝列卿紀 卷之四十三 五 廿文

曾魯字得之孔門弟子郈公五十七代孫其先居江西遂為臨
江府新淦縣人年七歲能暗誦九經一字弗遺奉禮部簡君正
理欲以神童舉於朝其父止之及齒稍長取三史日記之尋及
其餘數千年間國體治亂人材忠佞制度沿革咸能言之有叩
之者如山川出雲層見疊敷杳莫察其端倪殊不以爲足所藏
子集動至數百家各攬其精而撮其華聞有僻書隱牒不憚道
里之遠必購得之既得必篝燈讀之達旦不寐發爲詞章龐蔚
炳朗毅然有不可奪之氣廬陵劉提舉岳申與之語連日夜不
休嘆曰不意後生中能至於斯也其將以文鳴乎杜內翰鄉之
丈人行也乃負笈從之浙益克拓其所未至寤疑辨惑惟日不

足遂以傳極羣書稱於時猶謂未要於至道述長書一通謂虞
文靖公集於臨川虞公大悅曰昔程子與張敬夫年十六七慨
然有志聖賢之道子能如是復何讓古人時年蓋十九矣由是
益潛心濂洛關閩之學分別義理密如蠶絲牛毛而尤愛吳文
正公澄之書無大無小一一訪獲之玩釋未嘗釋手久之充然
有得盤桓林泉以道自娛若將終身焉至正壬辰天下大亂州
縣所在繹騷召里中諸豪集健兒持兵以保障乎一方仍推牛
醴酒開陳逆順禍福言甚剴切衆皆聳耳而聽卒無敢犯非義
者人號曰君子鄉人 國朝洪武二年詔纂修元史勅成一代
之典遣使者起於家曾魯決部居補苴罅漏者不一而足其功

國朝列卿紀 卷之四十三 六 周德

爲最多史成 太祖坐端門召諸史臣有白金束帛之賜將乞
身還山會朝廷開局編類禮書輿論以老成之士無踰於魯者
其堅留之議禮之家有如累訟自古難定於一魯當羣言沸騰
之中揚言曰某禮宜據某書則是從某說則非有不服者爭相
辨詰乃歷舉傳記蒼之各心醉而去俄遷入儀曹爲祠部主事
階承事郎常忠武王薨高麗王遣使來祭魯索其文觀之使者
靳不與魯不可使者不得已出之外則襲以金龍黃帕內則不
書洪武之號魯責之曰龍帕固疑誤用若納貢稱藩而不奉正
朔君臣之義果安在邪使者頓首謝過皆命易去乃已安南來
貢王客曹已受其表將入見魯取其副覽之其王乃陳叔明魯

曰前王陳日燧爾今驟更名必有以也亟白尚書詰之使者不敢諱蓋日燧為叔明所逼而死遂篡其位中心懷愆故託修貢以規朝廷之意上叱之曰島夷何狡猶如此却其貢不受五年二月上問丞相曰曾魯在禮部今何職邪對曰不過主事爾即日超六階拜中順大夫禮部侍郎魯以順字犯父諱辭就朝請下階吏部以國法有定不許倭夷入寇戎將每捕獲之上憫其無知命儒臣草詔歸其俘魯所撰有中國一視同仁之語上悅曰頃觀陶凱文已起人意今魯復如此文運庶其昌乎凱禮部尚書也八月奉旨考京畿鄉試入院之後忽吐血一升猶力疾閱卷不息自是遂奄奄不振九月膏露降鍾山羣臣咸見諸國朝列卿紀 卷之四十三 七 卯卯卷 四百八十九

餘喪且撫存其孤惻惟恐或失其所生平輕財仗義喜周人之急四方賓客日登其門倒屣迎之了無倦容嘗一試江西鄉闈有司真諸乙榜人為不平而魯亦澹如其出仕精白一方有知無不為凡典禮涉於制度者必經其損益而後定雖古者吏牘之繁簡署字之上下人所不能知獨稽諸書以為決屬文不喜留藁其徒雖有所輯錄猶未成書其自著書有六一居士集正訛南豐類彙辨誤藏於家他咸未脫藁當修元史時宋濂實為總裁相知最深共坐官舍更折互辨每至夜分嘆末學之空虛傷古道之寥落又復相視驪然一笑嚴陵徐尊生嘗有言曰南京有博學之士二人一以舌為筆一以筆為舌其意蓋指魯與國朝列卿紀 卷之四十三 八 卯卯卷 四百九十二

咏歌乃獨撰賦以進十月 上將郊祀出宿齋官命取諸作使侍臣更番誦之至魯獨曰此曾魯作邪援據既精鋪叙有法豈新進之可驟至哉十又一月疾愈篤上章乞骸骨中書以聞上惻然許之十又二月辛卯歸舟至南昌謂次子圭曰吾命止明日不能至家矣然吾以一介韋布之士受國寵恩位躋法從又得守正而斃死復何憾所憾者不見二孫之成立也即趣舩翰為書戒之壬辰次石政潭果斂衽而逝魯蓄德熙和人近之者溫如春風不見忿戾之色然其人則山澤之癯身退然若不勝衣未嘗有所矯飾其處家也事親克孝父喪哀毀致疾踰年而後能起已而三兄諸姪相繼捐館杖淚經紀凶事二年間葬才

松賦性仁孝純厚穎悟絕人年五歲誦書日記數千言七歲能賦詩嘗侍世父夜寢聞雞聲因命為題即應口成一絕末句喚醒人間蝴蝶夢起看天上火龍飛世父驚嘆是子他日必大用家貧無火執筆作文手為皸裂而力學不廢年十六授徒他邑十九游南昌時善賦者稱十才子見松製作推讓為先列行省嘗以薦授龍溪山長松曰吾無勞於國而有恩命吾不為也至正丙申應鄉試報捷者至松適自田中摘粟歸悵然泣下曰始二親篤於訓子奈何今日不及見時天下大亂州城陷家蕩覆避地累歲無以為生會 皇明開基四方以次平定洪武二年以經明行修薦召見授兵部職方郎中小心謹畏歷署駕部總

國朝列卿紀 卷之四十三 九 高尚武

部事奉命鎮江徵糧鎮江多公侯田土往往掣肘松歸奏之得旨令輸納與民不異未幾命往廣東買馬得五百八十四匹又明年往山東點視驛遞萊州相視遭風海船時天寒冰凍衝冒風雪跋涉水陸凡四閱月以訖事聞在兵部幾三載嘗祭方丘松與吳琳宋濂輩侍從應制賦詩甚見褒六年陞北平按察司副使北平當元故都新造之初松持憲綱靜以臨之考覈屬官以廉慎為先讞獄必求其生而不得乃付之法受罰者亦自以為當罪而不怨作興學校刻石立禮部學規榜示府縣勿以是役溷諸生而廢學考問風俗立宋忠臣文天祥祠以宛平縣事繁馬少遂損僻路分添設及設法關防費鹽退引禁治影射私

鹽為政裁畫有方率多類此十年考績入朝會更定外官九年為任 上勅諭還任未幾坐事輸作京師尋放歸鄉十二年春革中書省徵拜禮部侍郎賜之誥有學通古今之褒既拜命日稽古典惟直惟清 上嘉之以其文學雅正勅撰滕國公顧時海國公吳禎神道碑及撰申國公邵鎮襲封誥詞宋學士景濂嘗觀其文歎曰此司馬遷之文求之今世益未有過之者而於詩則尤所推讓夏四月命攝吏部尚書時侍郎陸讓以察為明松一處以寬銓次不苟藻鑑不失五月甲午雷震奉天殿 上謂松等曰朕自即位以來十有三載夙夜兢兢不敢怠荒惟恐治不古若問者上天有警朕心不安此必朕有失德事政有乖

國朝列卿紀 卷之四十三 十 高尚武


卿等宜悉陳朕得失母有所隱松等頓首曰人君一身上通乎天災咎之至惟修德行仁可以弭之今 陛下遇災能懼省躬思過復開導臣等盡言臣聞惟德動天無遠弗届能修人事此所以消天災也 上曰唐虞之時君臣更相戒勅卿等輔朕當以古人為法盡心無怠尋以老乞休許之 賜以勅諭曰君子之生也莫不由父母之賢師友之訓以成其才及其壯也則推而行之以致君垂拱利澤羣生斯仲尼之道君子之志也卿學問該博踐履篤實成已成物之器備朝繁治劇之才正宜佐朕以理天下奈何年齒衰耄難於步趨故不忍復煩以政特賜致仕卿其去朝歸於鄉里宜慎所養以樂餘年詳國初吏部尚

書

李叔正詳本部尚書洪十二年任本部侍郎

劉嘉議由薦舉洪武十四年任禮部左侍郎十七年免


張子源字  人洪武十五年任

朱同字  直隸徽州府休寧縣人翰林學士升之子博學篤

行見重鄉里洪武中舉明經授徽州府教授善迪後學十二年

舉才行陞吏部司封員外郎十五年陞試禮部侍郎 上嘉其

稱旨特賜襲衣十六年坐事廢

儲可求字  直隸常州府宜興縣人洪武中舉明經授松江

府學訓導十六年陞禮部右侍郎二十年免

國朝列卿紀


卷之四十三

十一

高尚武

王志字好德直隸藁城人洪武初舉人才十七年任禮部左侍

郎本年改兵部詳國初兵部

章祥字  人洪武十八年陞試禮部侍郎六月

具奏監生病故者多乞令應天府給與棺木通送還鄉從之一

十一年致仕

陳思道字執中浙江紹興府山陰縣人父谷深居鑑湖濱且耕

且讀教授鄉之子弟生四子思道最幼負奇氣穎悟出倫日記

數十言見者每以公輔奇之及對人言曰吾必為吾父償書債

洪武三年開科取士遂領鄉薦登乙丑進士授刑部主事執法

不回二十年 朝廷知其賢驟銓兵部右侍郎益勵風節雖至

戚信友不敢干以私由是名譽日彰 寵遇日盛二十一年轉

禮部左侍郎二十二年三疏乞歸養家居不植生業儼然居官

之日郡邑長令非有劇政造應請議不得一見與鄉人則恂恂

且善屬詩文時推正直有行義必以為稱首云

張衡字子平江西吉安府萬安縣人洪武乙丑進士授禮科給

事中疏奏剴切二十年擢禮部右侍郎有才幹二十二年轉左

侍郎奏定洪武禮制定式會歲行郊祀選百官行最者十三人

登壇分獻衡與焉 太祖屢嘉其清慎以其事載大誥每 宣

召輒呼為瘦張而不名二十三年九月論衡同左都御史詹徽

等曰有司供宴擾民今後支與官鈔布政司一千貫以下令詳

國朝列卿紀

卷之四十三

十一

高尚武

議以聞十月衡等奏行遵守凡遇正旦 聖節冬至分宴錢於

本處官錢內支給無府州縣都司衛所移附近有司關用每節


布政司一千貫在城都司衛所附郭大小衙門官吏師生耆民

俱赴本司筵宴府有都司七百貫以下各有差州有衛五百貫

縣有衛四百貫以下有差無有司衛四百貫所一百五十貫後

又議有司官朝覲每員給盤費鈔一百貫在任歲支柴炭鈔五

十貫又定引錢為堂食費未幾以言事忤卒於官

王起東字  浙江紹興府上虞縣人洪武二十三年以文學

獻大明頌 上嘉納之命試禮部右侍郎二十四年免

凌漢字斗南河南開封府原武人洪武十七年以舉秀才擢司

經局正字未幾出知會稽以事逮繫浙江按察司獄上知漢
 無罪獄為按察使陶晟所淹命械晟還釋漢與俱來既至拜監
 察御史巡按陝西奏陝西民病數事二十一年又以不受私遺
 陞右副都御史尋陞右都御史時詹徽為左都御史論議數不
 合每面折徽微叩之奏遣按事蘇松還朝以失職為監察御史
 桂滿所劾左遷刑部侍郎二十四年命署吏部數月改禮部右
 侍郎又數月 上以漢年老令歸鄉里漢叩頭曰臣願生居京
 都死葬京土 上許之命居於私第詳都察院右都

張智字玄畧福建延平府順昌縣人自幼有大志聰明穎悟讀
 書過目成誦羣兒為嬉戲之事必正色端謹如老成人侍父昇

國朝列卿紀

卷之四十三

十三

梅海

元學於南昌稍長即能勵志於問學嘗慨然嘆曰采玉必於崑
 山探珠必於滄海士之為學豈不出戶庭管窺蠡測所能至哉
 即日挾策入元都交當時之名士用薦補入國學元之季四方
 兵興以才出參閩省機務省臣承制授同知新喻州事已而知
 事不可為浩然退歸 國朝初定天下乃即建陽之崇化里瀝
 掃一室置古今書籍其中窮搜博覽沛然有得於心鄉黨爭企
 慕之洪武十一年戊午以明經薦為上吏部授夷陵州學正凡
 九載以內艱歸二十四年服除入覲尚書趙勉薦於朝 太祖
 高皇帝方任賢圖治亦知其才可用遂超拜禮部 左侍郎即
 一首言宜以書籍頒布北方學校議者以費財不便乃正色曰使

賢才彙征利益生民何惜此費衆大慚未幾實授右侍郎能
 禮不遷綱紀秩然人皆敬服是時諸儒多有不稱任使者至嬰
 顯修 上勅智等曰古之儒者務學以明體適用窮則忠信篤
 敬以淑諸人達則忠君愛國而澤被天下朕自御宇以來擢用
 儒士布列百司思得其人以稱其任而卒少見其效何也良由
 師道不立故成材罕聞爾禮部宜以朕言論天下俾凡為儒者
 必恪遵古先聖賢之道以修己教人毋徒尚文藝云智請首行
 於大學從之智尋奏言歲貢生員舊制中式者送國子監不中
 者罪有司停學官俸生員罰為吏今不中者遣還讀書有司教
 官罰如故是生員不率教者無所勸懲也 上廼命更定其制

國朝列卿紀

卷之四十三

十四

梅海

不中者有司官任及三年論如例二年者停俸半年一年者停
 俸三月學官無分久近罰如例生員廩食五年者為吏不及者
 遣還讀書次年復不中者雖未五年亦罰為吏壬申三月丙子
 懿文太子薨命禮部議喪禮智上議曰喪禮父為長子服齊衰期
 年又云期之喪達乎大夫今斟酌其宜 皇帝當以日易月服
 齊衰十二日祭畢釋之在內文武百官即日於公署齋宿素服
 入臨文華殿給袞麻越三日成服請春和門會奠明日素服行
 奉慰禮其當祭祀及送葬者仍衰經以行在京停大小祀事及
 樂至服闋日而止停嫁娶六十日在外文武百官聞喪易服於
 公署舉哀次日成服行禮停大小祀事及樂十三日停嫁娶二

十日其内外文武百官行祭禮者自備儀物。上曰朝廷府庫百官俸祿皆出於民今祭祀儀物令光祿寺供具百官惟致哀行禮餘如智議尋以時享在邇令智與翰林院參考古制智等奏曰王制三年不祭惟祭天地社稷不敢以卑廢尊也今定議天地社稷先師歷代帝王須用樂外惟太廟乃祖先神靈所在既有喪而時享仍用樂恐神不樂聽宜備而不作詔從之其所建白多此類會高麗國恭愍王薨無嗣國人共推成桂主國事上曰高麗限山隔海非我中國所治且其間事有隱曲豈可遽信命智移文聽其自爲聲教二十六年以事左遷國子學錄尋陞博士建文中陞司業能誘掖獎勵無不底於造就其

國朝列卿紀 卷之四十三 十五 高麗武

蔡沈註誤嘗問羣臣七政左旋然平谷祿與權仍以朱熹新說呈上曰朕自起兵迄今未嘗少置步覽焉可循儒生腐談因命禮部試右侍郎張智與學士劉三吾等改正爲書傳會選刊示天下學子曰凡前元科舉尚書專以蔡傳爲主考其天文一節已自差繆謂日月隨天而左旋今仰觀乾象其爲不然夫日月五星之麗天也除太陽人目不能覩其行於列宿之間其太陰與五星昭然右旋何以見之當天清氣爽之時指一宿爲主使太陰居列宿之西一丈許盡一夜則太陰過而東矣蓋列宿附天舍次而不動者太陰過東則其右旋明矣夫左旋者附天體也必如五星右旋爲順行左旋爲逆行其順行之日常多逆行之日常少若如蔡氏之說則逆行多而順行少豈理也哉若不革正有誤方來今後學尚書者天文一節當依朱氏詩傳日月之交註文爲是又如湯誥內惟天陰隲下民相協厥居一節蔡氏俱以天言不知陰隲下民乃天之事相協厥居乃人君之事天之陰隲下民者何風雨霜露均調四時五穀結實立蒸民之命此天之陰隲也君之相協居者何敷五教以明五倫明刑以弼教保護和治使強不得凌弱衆不得暴寡而各安其居也如或蔡氏之說則相協居事皆付之於天而君臣但安安自若奉天勤民之政畧不相與又豈天佑下民作之君師之意哉今後當依此說

國朝列卿紀 卷之四十三 十六 高麗武

姚子宗字 人洪武二十六年試禮部左侍郎二十八年致仕

張昂字

山西澤州人洪武中舉人才授禮部主事二十六年命試禮部右侍郎二十八年陞禮部左侍郎革除元年會詣

藩不靖廷臣建議凡藩國所在悉更置守臣必素負重望者居

之乃以昂為北平左布政使至則伺燕府之事怵誘其官屬知

成祖必起兵遂與都指揮謝貴以在城七衛屯兵列九門防守飛

章奏聞有掾吏李友直諫人也昂以腹心寄之友直乃竊其章

密獻 王府會朝廷遣內官逮護官察至府 成廟逼使召昂

及貴入至端禮門為燕山右護衛副千戶譚淵所執昂及貴皆

國朝列卿紀 卷之四十三 十七

不屈而死已卯七月六日也昂得屍還葬 成廟登極族其家

後 上屢夢昂等披髮為厲命焚其屍昂而猶如生者有一子

逃死去不知所終或曰養子也正德庚辰知州馬汝驥祠祀之

齊麟字 山西太原府五臺縣人洪武乙丑進士以文學異

等擢翰林院編修二十八年陞禮部右侍郎二十九年以事免

黃觀字淵伯一字尚質直隸池州府貴池縣人父贅在城許氏

生觀遂從其姓少以書補邑庠生嘗築翠微書舍讀書其間受

業於元翰林侍制黃學死國難觀益慷慨砥礪以忠義自許洪

武甲子應貢入太學即發解京府尋罹外難戊辰十月起復仍

入監造詣益深嘗繪父母像為圖携以自隨閱之淚下明年會

試第一廷對禦戎策大要以天道福善禍淫之機人事練兵講

武之法為言 高廟嘉之擢狀元及第時年二十八除翰林修

撰日侍御前敷奏明爽 上甚眷重每賜顧問命編寫省會錄

及以其有政事才凡法司諸榜文令撰成即書之又令清理軍

職貼黃兼管註銷諸司按牘二十九年陞尚寶司卿未幾擢禮

部右侍郎建文元年改官制增設左右侍中員次尚書遷為禮

部侍中仍兼尚寶司卿始奏復黃姓與方孝儒等日見親用請

難師起 成廟自軍中來請誅齊泰黃子澄二人以息兵觀奉

命當制諷其散軍歸藩或束身謝 孝陵辭涉詆斥時北兵已

至平原明年渡淮觀往上游諸郡徵兵入援奮不顧身且行且

國朝列卿紀 卷之四十三 十八

募兵至安慶 成廟已過江矣下令諭京城軍民暴左班文職

奸臣罪狀觀名第六而羣民推戴 成廟即位索寶不知所在

或言黃觀取寶已赴上游起兵矣即命有司追捕沒入家貨收

其妻翁氏并二女給配象奴初觀駐安慶聞變慟哭謂友曰吾

妻素有志節必不受辱越明日其家僮自京逃來言狀是日翁

氏果被象奴叱出金銀釵釧之屬市酒殺以供合歡之費伴順

諾悉解與持去奴既出戶即乘間率二女及家屬十人俱赴淮

清橋下死觀遂招魂葬之江上次李陽河聞報者曰上已出奔

過池之建德而羣臣奉 新皇帝即位今三日矣觀自分人事

已去力不能支乃朝服東向再拜於羅釵磯湍急處給舟人奮

樟伴爲洩解投水而死舟人急以勾挽之僅得珠絲棕帽後追捕者得之以獻命購其屍不獲疑有匿之者遂族觀家且逮其姻黨者百餘人詔繫獄 仁廟初悉放還其發戍邊徼者又數十人景泰中進士邑人徐仁使遼有老卒朱黻給事公館亦以觀累戍邊者黻故爲諸生嘗從觀遊仁問舊事且泣且言甚悉翁氏池口人沒時有收其屍并二女具棺斂以待 朝命不報 天順中池人至南京柳林破棺猶有存者詢之父老咸曰此黃狀元妻女云郡人柯暹曾作觀傳匿不示人近清江襲守愚知貴池始於學宮西偏卽其故址立祠祀之今有闡幽集刻其試文華除錄云初郡縣爲公建狀元坊隨以陪獨存其扁於故家

國朝列卿紀

卷之四十三

十九

丁文

後議復建歲有持以獻者人咸驚異云

教授黎擴與柯暹書云嘗觀人之爲學平居無事坐言其志曰我欲爲忠臣爲孝子及臨利害遇事變則所行非所知所守非所學君子則不然必欲得於已而後行於人行於近而後行於遠孟子曰身不行道不行於妻子詩曰刑于寡妻正謂是歟前禮部侍中池郡許觀早讀聖賢書學聖賢道擢魁天下位亞宗伯其所以得於已行於人者有素一旦我 太宗文皇帝舉仁義之師肅清內難後受億兆推戴以正大統在廷之臣莫不攀龍附鳳而觀獨念其平昔之遇略不計其後來之榮寧赴江流葬魚腹非所學有得而舍生取義者豈能然哉妻及二女念

事至此亦投泰淮而沒非身能行道而行於妻子者又能然哉第恐史官諱忌不書使其一門忠節將日泯焉無聞惟閣下生觀之郡觀觀之儀詳觀之事宜作傳一通以補郡志闕略則往者不泯來者受教而彰善之義不靡有極哉昔張巡之死韓愈得于蒿之言於張籍而其傳始備段秀實之死柳宗元召邊上故老卒吏而後得其詳以告史官韓愈今觀之死與張段同一善道而閣下同其鄉都其義詳其事核比愈之得於他人者實相倍後有史遷其人者包羅古今成一家言欲紀觀之事微諸是傳豈不賢于微荆軻韓信於夏無且淮陰人者耶

國朝列卿紀

卷之四十三

二十

丁文

鄉試丁丑會試列名上第臚唱時 上見其疑重屬目久之謂侍臣曰向唱名陳性善者君子人也授行人詞副已而改翰林檢討初誠意伯劉基卒 上遣御史李鐸往取其遺書基子璉卽出觀像玩占於石室中鐸詣 闕上之 上簡精楷書者數人入便殿繕錄性善預焉 上天威嚴重進見者皆惶汗甚或擊肘不成一字惟性善動止安雅既竣書法端妍 上嘉悅命賜以酒是時威讎叵測性善竟日家人以爲必死旣出莫不大驚久之超拜禮部左侍郎爲達流人薛正言輩前雲南右布政使韓宜可方隸謫籍亦以性善言起爲副都御史自建文君在東宮時已熱性善名及卽位一日退朝獨留性善賜之坐

問以治天下之要且使書於紙以是性善感知過盡所欲言

朝廷悉從之然施行未竟輒為權奸所攻性善朝見曰陛下不以臣愚猥承顧問臣既僭塵上聽許臣必行今而詔書云然所謂為法自戾陛下無以信天下矣未幾 成廟入靖內難 上命

性善監李景隆軍大戰白溝河敗績性善與大理寺丞彭與明

欽天監副劉伯元指揮王賚等皆被執以去 文廟悉縱遣之

性善朝服躍馬入於河以死內難平 詔加追戮徙其家屬於

邊後悉赦還邑人吳顯為傳其事或云 成祖文皇帝靖難之

師至京城眾方謀出迎 駕公獨策馬赴水而死人咸義之後

之人稱之曰冀北飛龍勢壓貔貅之眾江心躍馬身危魚鱉之

國朝列卿紀 卷之四十三 王貴

鄉凜然大節無虧赫矣芳名尚在與周是脩自經於 文廟者

為一律云

吳景玄字 浙江處州府括蒼人洪武末以人才舉革除元

年擢禮部左侍郎本年免

蔣原字 人革除二年任禮部右侍郎

董倫字安常山東東昌府恩縣人世居順天府宛平縣在山林

有憂世之志所學浩博沈潛學者從之稱貝川先生玩癖不出

洪武十五年侍臣張寧薦其學行召對稱 旨授春坊右贊善

大夫賜以冠帶侍懿文太子陳說剴切 太祖嘉之十七年十

一月 上御東閣從容謂侍臣曰責難之辭人所難受明君受

之為無難諂諛之語人所易從昏主從之為易人朕觀唐虞君

臣虞歌責難之際氣象雍容後世之諂諛相歡如陳後主江總

輩汗穢簡冊貽譏千古此誠可為戒倫對曰誠如 陛下所論

惟 明主則能慎擇之 上曰責難不入於昏君而諂諛難動

於明主人臣以道事君惟在守之以正若患得失則無所不至

矣十八年正月陞左春坊大學士賜文綺六疋鈔五十錠倫薦

諸葛伯衡代已 上徵用之二十五年東宮宴駕出為河南左

叅議三十年以註誤坐事謫雲南教官 皇太孫憐之賜白金

為道里費倫涉淮汴驅馳梁雍以達於蜀蜀王聞而重之賦詩

入章以贈其行時雲南初開學倫以身教用變夷習遠人嚮慕

國朝列卿紀 卷之四十三 王貴

建文元年召入為禮部左侍郎兼翰林院學士階嘉議大夫與

方孝孺偕入史館侍 經筵是年十月十三日 御書怡老堂

三大字及髻几玉鳩杖各一倫上表畧云臣素無閱閱功勞兼

乏智能才藝徒知篤信於古道自分無用於明時幸蒙 高皇

帝之知忝拜左春坊之命任臣以兩宮輔導之職稱臣為三葉

帝王之師茲者踐祚之初乃復馳書以召蒼顏白髮萬里來歸

金馬玉堂十年如昨自今持杖飛壺則思兆民或阻於饑饉凡

安身自念一物或失其所乃方孝孺代撰也先是解縉代夏長

文章奏劾都御史袁泰謫河州至是倫薦之召還為待詔其汲

引士類如此庚辰年命主考會試得楊榮楊溥金幼孜胡靖胡

淡俱爲名臣倫爲人篤實端厚志存仁恕建文中禮遇甚厚屢
懇旨當務睦親不報壬午年 成祖入正大統至是年八十餘
上命致仕出京數月卒

宋禮字大本河南開封府永寧縣人幼穎悟知讀書稍長益有
志於學期將以自見由是鄉校以明經充貢禮部補大學生以
才能選者皆待以不次歲庚午遂擢山西僉事持法嚴峻鋤奸
剔蠹無少貸郡縣百司素貪戾爲拾剋者皆側足屏息相戒莫
敢犯禮於善惡之類苗薈髮飾無所私三晉之間率皆想望其
風采以有所庇依癸酉以考滿上天官改除戶部山西司主事
遂日治簿書會計之務惟允愈益有聲已卯復除爲陝西按察

國朝列卿紀

卷之四十三

二十三

鄧召景

僉事其施於政者皆如在山西時而關右所仰望倚賴之者亦
若三晉之民焉未幾復入爲刑部員外郎值 成祖卽位之初
命署禮部事是時詔勅號令封拜朝覲會同宴饗賞賚之事皆
出禮官禮酬對捷給咸克稱 旨由是擢禮部右侍郎踰月轉
左承樂二年陞工部尚書見國初工部
戚存心字 浙江台州府黃岩縣人洪武甲戌進士授行人
司行人有才幹遇事風生革除中陞陝西右叅政壬午 成祖
入正大統召陞禮部右侍郎五年以事伏誅
楊砥字大用山西澤州人自幼秀穎與羣兒處必習禮讓進退
容止若成人洪武甲戌登進士第擢授行人司副嘗上疏言孔

廟從祀宜退楊雄進董仲舒有功名教上納其言踰三載陞湖
廣布政司左叅議舉賢能恤鰥寡去貪暴吏民懷服歲庚辰上
書請敦親恩罷兵息民忤旨謫居遼陽及 成祖龍飛特授鴻
臚寺卿時父已喪乞終制永樂二年起復爲禮部左侍郎四年
以巡視河道坐失職降工部營繕司主事詳太僕寺卿
趙犴見本部尚書永樂二年任本部右侍郎
劉冀南字 人革除中任臨江府知府以才幹
稱永樂元年召陞北京刑部右侍郎二年改禮部右侍郎五年
免

國朝列卿紀

卷之四十三

二十四

鄧召景

王彰字文明河南開封府鄭州人幼穎悟好學稍長有司選爲
州學生益自刻苦學日進洪武丁卯領河南鄉薦明年會試禮
部弗利補大學生嘗使山東平糶以實軍儲同列納賄縱逋負
者彰毅然責之弗聽比還其人果得罪彰遂以廉幹聞明年擢
吏科給事中典封駁之任夙夜在公出納惟允歷左右給事中
益慎益虔聲譽尤著遂進都給事中未幾改刑部福建司員外
郎時有豪橫往往構訟根株連結至數載不能斷決有司率爲
所誣害彰曰法貴平恕然亦豈宜寬縱以長惡哉於是正之以
法而爲所誣者皆得釋人咸悅服既而超拜山西布政司左叅
政居藩七年吏弗忍欺民懷其惠永樂五年召拜禮部右侍郎
階嘉議大夫時四方萬國奉玉帛重譯以朝觀質貢者肩背

望於京師賞賚燕享無虛日與尚書鄭公賜同德協恭奉職惟謹明年以父喪去哀毀踰節鄉黨稱焉詳都察院

儀智字 山東萊州府高密縣人博學有操行見重鄉里洪

武末年舉者儒經學授高密教諭尋改莘縣教人律以規矩不

尚詞華未幾陞高郵知州廉能公正勤於政務凡農桑學校極

力興舉吏民悅服永樂元年陞寶慶知府尋召為通政司右通

政二年命兼右春坊右中允本年陞湖廣左布政使簡易凝重

得大臣體未幾以事謫流六年以廷臣薦徵拜禮部左侍郎遇

崇務別是非不少附會十一年十二月歲除欽天監奏明年元

日日有食之禮部尚書呂震請朝賀如常儀且謂不同時智對

國朝列卿紀

卷之四十三

二十五

胡守志

畢竟同日宜免賀震不從及大學士楊士奇然智言且援宋仁

宗時事為証 上命如智議十四年 上命擇廷臣輔 皇太

孫楊士奇舉智且曰儀雖年老然道理明執守固廷臣未見其

比 上首然之特命輔導每遇書史必及復啟迪以正心術為

本十九年以年八十致仕後卒於家贈太子少保謚文簡子銘

以智歷太子太保兵部尚書蔚綬詳南京禮部尚書永樂六

年任右侍郎

古朴字文質河南開封府陳州人洪武中鄉貢為太學生奉

命清理郡縣田賦圖籍丁父喪歸二十年服闋隸五軍斷事理刑

遂奏家貧願仕得祿養母 太祖嘉之除工部營部主事授承

仕郎迎母就養京師二十六年母歿官給舟歸葬二十八年服

闕改兵部司馬部主事二十九年陞武選司員外郎授奉訓大

夫三十年陞郎中授奉議大夫革除三年陞兵部右侍郎授嘉

議大夫壬午年 成祖正大統改戶部右侍郎轉左侍郎授通

議大夫賜文綺製衣四年因建北京命採木江西有愛民之心

竣事特被賜賚七年 上巡狩北京侍 仁宗監國常奉 命

權禮部兵部及詹事府事十八年扈行在洪熙元年改通政使

是歲改戶部尚書詳南京戶部

金純詳本部尚書永樂十四年任左侍郎

易英字 湖廣岳州府澧州人洪武中以文學授澧州訓導

國朝列卿紀

卷之四十三

二十六

胡守志

三十一年陞工部虞衡司主事革除中進郎中永樂元年陞河

南左叅議六年調浙江左叅議十六年陞禮部左侍郎十七年

卒於官

胡澹字源潔直隸常州府武進縣人革除庚辰進士授兵科給

事中遷右給事中永樂改元以奏稱 旨陞戶科都給事中五

年丁亥 上察澹可托命巡遊天下察人心向背以性理大全

為善陰厲孝順事實俾勸勵天下窮鄉下邑軌跡無不到十四

年還 朝丁憂乞守制不允一日侍 成祖奏事獨召至膝前

曰古人有言德勝才謂之君子才勝德謂之小人眼前豈乏幹

辦之才求一好人難耳吾欲用汝但汝官小數日 召吏部特

陞禮部左侍郎十六年六月遣巡江浙諸郡詳禮部尚書

國朝列卿紀

卷之四十三

五

胡志

國朝列卿紀卷之四十三終

國朝列卿紀卷之四十四

禮部左右侍郎年表

吾 紳 浙江開化人進士永樂十八年

郭 敦 山東堂邑人鄉舉永樂十八年右

胡 澹 詳尚書永樂二十一年以左侍郎巡江浙諸郡

鄒師顏 湖廣宜都人監生永樂二十二年

張 瑛 直隸邢臺人鄉舉洪熙元年右宜德元

李 嘉 順天宛平人貢宣德元年

李 琦 直隸元氏人薦舉宣德元年

吾 紳 見前宣德四年右五年改

國朝列卿紀 卷之四十四

蔣 驥 浙江錢塘人進士宣德五年

章 敞 浙江會稽人進士宣德五年

吳廷用 福建政和人進士宣德九年

王士嘉 山東武城人監生正統元年

王 直 江西泰和人進士正統二年左八年

王 英 江西金谿人進士正統三年左十

錢習禮 江西吉水人進士正統十年

楊 善 詳尚書正統十一年右

王 寧 浙江仙居人進士正統十三年右景泰二年

章 瑾 浙江會稽人敝子進士正統十四年右本年卒

儀	銘	儲	李	鄒	薩	姚	蕭	章	鄒	李	國朝列卿紀	葉	萬	邢	雷	劉	尹	俞	周	謝	徐	
山東高密人官生正統十四年左景泰元年陞南京	直隸丹徒人鄉舉正統十四年	左景泰二年陞南京戶部尚書	四川合州人進士景泰元年右本	詳尚書景泰二年	福建閩縣人進士景泰二年	見尚書景泰四年	江西泰和人進士天順元年	浙江樂清人進士天順元年右二年調南	見前天順	江西安福人進士天順	卷之四十四	直隸崑山人進士成化三年右五	四川眉州人進士成化五年左本年入	山西襄陵人進士成	湖廣寧遠人進士成化七年	直隸博野人進士成化七年右八年左十一	江西泰和人進士成化十一年右本年丁憂歷	浙江新昌人進士成化十一年右十	詳尚書成化十四	江西新建人進士成化十六年右二十二	直隸宜興人進士成化十七年左二十二	直隸宜興人進士成化十七年左二十二

倪	黃	張	周	費	徐	傅	張	焦	李	國朝列卿紀	王	劉	張	白	費	靳	李	毛	吳	石	
見尚書成化二十二	江西上高人進士成化二	直隸華亭人進士弘治元年右二年	見尚書弘	直隸丹徒人進士弘	詳尚書弘	詳尚書弘治六	詳尚書弘治九	河南泌陽人進士弘治十二年右十五年左十	詳尚書弘治十五	卷之四十四	浙江餘姚人進士弘治十六年右正	見尚書正德元	廣西南平人進士正德二年右尋左	見尚書正	見尚書正德二	直隸丹徒人進士正德四年右五年改吏部	見尚書正德五	見尚書正德五	直隸宜興人進士正德七年右十	直隸宜興人進士正德十年右十一年左十二	直隸宜興人進士正德十年右十一年左十二

王贊	浙江永嘉人進士正德十一年右
顧清	直隸華亭人進士正德十二年右
賈詠	河南臨潁人進士正德十六年左嘉靖二年改吏部歷內閣少保武英殿大學士
汪俊	詳尚書正德十六年右
劉龍	山西襄垣人弘治己未進士嘉靖元年右本年丁憂
吳一鵬	見尚書嘉靖元年右二年左
朱希周	直隸崑山人弘治丙辰進士嘉靖二年右三年陞南京吏部尚書
李時	見尚書嘉靖三年右四年左本年丁憂
劉龍	見前嘉靖四年右尋左七年陞南京禮部尚書歷南京吏部兵部
翟鑾	山東諸城人進士嘉靖四年右六年選吏部入閣歷少傅謹身殿大學士罷職
國朝列卿紀 卷之四十四	
桂萼	見尚書嘉靖六年右
方獻夫	見尚書嘉靖六年右
徐縉	直隸吳縣人弘治乙丑進士嘉靖六年右七年遷吏部左侍郎
嚴嵩	見尚書嘉靖七年右八年左十年陞吏部左
李時	見前嘉靖八年左
何塘	河南懷慶人弘治壬戌進士嘉靖八年右木年陞南院右都御史
湛若水	廣東增城人弘治乙丑進士嘉靖八年右十年左十二年陞南禮部尚書
夏言	見尚書嘉靖十年右
顧鼎臣	直隸崑山人進士嘉靖十年右十一年遷吏部歷內閣少師武英殿大學士卒
邢春	四川遂寧人正德丁丑進士嘉靖十一年右十二年遷吏部右侍郎

黃綰	詳尚書嘉靖十二年左
黃宗明	浙江嘉善人正德甲戌進士嘉靖十二年右十四年左十五年卒贈右都御史
謝丕	浙江餘姚人弘治乙丑進士嘉靖十四年右十五年丁憂
李廷相	山東濰州人弘治壬戌進士嘉靖十五年左十六年陞戶部尚書
張璧	見尚書嘉靖十五年右十六年左
蔡昂	直隸淮安人正德甲戌進士嘉靖十六年右十九年左本年卒贈禮部尚書
孫承恩	見尚書嘉靖十九年右二十二年左二十三年改學詹事
馬汝驥	陝西綏德人正德丁丑進士嘉靖十九年右二十二年卒贈禮部尚書文簡
許成名	山東聊城人正德辛未進士嘉靖二十年右二十三年左二十六年陞任
徐階	見尚書嘉靖二十三年右本年改吏部
國朝列卿紀 卷之四十五	
崔桐	直隸海門人正德丁丑進士嘉靖二十三年右二十六年陞任
歐陽德	詳尚書嘉靖二十六年左
王宗慶	直隸開州人正德戊辰進士嘉靖二十七年右二十八年左二十九年陞南京戶部尚書
朱廷立	湖廣通山人嘉靖癸未進士二十八年右本年陞任
李默	福建歐寧人正德辛巳進士嘉靖二十八年右二十九年遷吏部歷尚書
王用賓	詳尚書嘉靖二十九年右
程文德	浙江永康人嘉靖己丑進士二十九年右三十一年左本年改吏部
孫陞	浙江餘姚人嘉靖乙未進士三十年右三十一年左三十二年改吏部
閔如霖	浙江烏程人嘉靖壬辰進士三十一年右三十二年左本年改兼學士掌院事
吳山	見尚書嘉靖三十一年右本年左

郭朴 河南安陽人嘉靖乙未進士三十三年改吏部

茅璣 浙江錢塘人嘉靖戊戌進士三十三年右三十五年左

袁燁 見尚書嘉靖三十五年右三十九年左

嚴訥 見尚書嘉靖三十九年右四十年左

李春芳 直隸興化人嘉靖丁未進士四十年右本年左

董份 見尚書嘉靖四十年右

高拱 見尚書嘉靖四十一年左

陳陞 浙江餘姚人嘉靖辛丑進士四十四年右本年左

泰鳴雷 浙江臨海人嘉靖甲辰狀元四十一年右四十二年左四十四年改吏部左

高儀 浙江錢塘人嘉靖辛丑進士四十四年右四十四年左

國朝列卿紀 卷之四十四

陳以勤 四川南充人嘉靖辛丑進士四十四年右

潘晟 浙江新昌人嘉靖辛丑榜眼四十四年右四十五年轉左

丘岳 湖廣黃岡人嘉靖丁未進士四十五年右嘉慶元年同籍後為布政使

張居正 湖廣江陵人嘉靖丁未進士隆慶元年任右

殷士儋 山東歷城人嘉靖丁未進士隆慶元年任右

林燠 福建閩縣人嘉靖丁未進士隆慶元年任右

瞿景淳 直隸常熟人嘉靖甲辰榜眼隆慶二年任左本年致仕卒

萬士和 直隸宜興人嘉靖辛丑進士隆慶二年任右本年轉左四年致仕

呂調陽 廣西臨桂人嘉靖庚戌進士隆慶二年任右三年改吏部

王希烈 江西南昌人嘉靖癸丑進士隆慶二年任右四年轉左

許大綬 浙江山陰人嘉靖丙辰狀元隆慶四年任右六年改吏部

馬自強 陝西同州人嘉靖癸丑進士隆慶四年任右

陶大臨 浙江會稽人嘉靖丙辰進士隆慶五年任右萬曆元年改吏部

汪鏗 浙江鄞縣人嘉靖丁未進士萬曆元年任左

丁士美 直隸清河人嘉靖己未狀元萬曆元年由太常卿掌翰林院陞右侍郎兼侍讀學士二年改吏部

林士章 福建漳浦人嘉靖己未進士萬曆二年陞禮部尚書

姚弘謨 浙江秀水人嘉靖癸丑進士萬曆三年任右

呂旻 福建龍溪人嘉靖癸丑進士萬曆五年任右

申時行 直隸吳縣人嘉靖壬戌狀元萬曆五年任右兼侍讀學士加太子賓客本年改吏部

王錫爵 見內閣萬曆六年任右

國朝列卿紀 卷之四十四

余有丁 浙江鄞縣人嘉靖壬戌探花萬曆七年任右兼侍讀學士八年陞禮部左侍郎兼詹事府

何洛文 河南信陽州人嘉靖乙丑進士萬曆八年任右九年轉左俱兼侍讀學士本年丁憂

許國 直隸欽縣人嘉靖乙丑會元萬曆九年任右轉左兼侍讀學士

陳思育 湖廣武陵人嘉靖乙丑進士萬曆九年任右左仍兼侍讀學士加太子賓客十一年調周

陳經邦 福建莆田人嘉靖乙丑進士萬曆十年任右兼侍讀學士加太子賓客十二年陞吏部

周子義 直隸無錫人嘉靖乙丑進士萬曆十年任右學士十一年轉左本年改吏部左侍郎

沈鯉 河南歸德人嘉靖乙丑進士萬曆十一年任右兼侍讀學士五月改吏部

高啟愚 四川銅梁人嘉靖乙丑進士萬曆十一年任右兼侍讀學士十二年改吏部

朱賡 浙江山陰人隆慶戊辰進士萬曆十二年任右轉左俱兼侍讀學士

沈一貫 浙江鄞縣人隆慶戊辰進士萬曆十二年任右

王家屏 內閣萬曆十二年任右兼侍讀學士十一月改吏部

王弘誨 廣東定安人嘉靖乙丑進士萬曆十三年任右十四年左俱兼侍讀學士十五年加太子賓客掌詹事府

于慎行 山東東阿人隆慶戊辰進士萬曆十四年任右十五年左俱兼侍讀學士

徐顯卿 直隸長洲人隆慶戊辰進士萬曆十五年任右兼侍讀學士

田一儁 福建大田人隆慶戊辰會元萬曆十六年任右兼侍讀學士十七年左

李長春 四川富順人隆慶戊辰進士萬曆十七年任

黃鳳翔 福建晉江人隆慶戊辰進士萬曆十七年任左十八年養病

韓世能 直隸長洲人隆慶戊辰進士萬曆十八年任右兼侍讀學士

陳千陞 四川南充人隆慶戊辰進士萬曆十八年任右兼侍讀學士

趙用賢 直隸江陰人隆慶辛未進士萬曆十八年任右兼侍讀學士

國朝列卿紀

卷之四十四

八

張文

禮部左右侍郎行實

吾紳字叔縉浙江衢州府開化縣人聰明強記永樂甲申進士

改翰林院庶吉士九年授刑部主事歷郎中十八年陞行在禮

部右侍郎明年以奏對忤 上旨俾出叅政廣東宣德四年復

入為行在禮部右侍郎風度俊偉文詞峻潔為時所稱五年改

南刑部歷禮部卒於官詳南京禮部

郭敦字仲厚山東東昌府堂邑縣人洪武癸酉鄉試入太學擢

戶部主事歷官陝西左叅政十八年以公務留京師禮部尚書

胡濙言其行於 成祖曰郭敦有大臣體宜在左右即日召見

以病不克入遂遣御醫視之疾愈入謝獎勞再三 賜鈔襲衣

國朝列卿紀

卷之四十四

九

張文

明日陞禮部右侍郎十九年定鼎北京 命巡撫順天等府安

恤軍民考察官吏二十二年 仁宗臨御以居大行喪不齋戒

公宿降太僕寺卿十月進戶部左侍郎兼詹事府少詹事宣德

二年陞戶部尚書詳戶部

胡濙詳尚書永樂二十一年以左侍郎出巡江浙等郡還任

鄒師顏字 湖廣荊州府宜都縣人洪武中由太學生授大

理寺評事謙愷慈良不尚深刻歷兵部主事郎中二十年陞江

西左叅政革除中以事奪職永樂四年起河南道監察御史小

心謹畏廉介自持人不敢干以私劾御史白容巡視驛傳會受

賄賂又劾御史李公敏娶見監罪囚親為妻或挾其妻就於家

人通宵不返致同僚劉允張睿郭衡皆娶離異不明之婦併令都察院鞠之十年改大理寺評事尋陞大理寺右寺丞蒞事益周密詳慎以洗冤利物為己任嘗奉 命清黃盡刷舊弊善於其職十九年以事繫掖庭獄二十二年陞禮部右侍郎踰年病疽卒家貧不能歸喪 朝廷惜之給官舟載歸人多其有守足以激貧頑云

張瑛字子玉直隸順德府邢臺縣人洪武丙子鄉舉授陝西寧州訓導調武德衛學再調宿遷縣所致嚴教條責效生徒多成才者永樂六年授吏科給事中稽考封駁克舉其職任選侍官廟諱讀永樂二十二年陞左中允又陞左諭德改司經局洗馬

國朝列卿紀

卷之四十四

十

張文

洪熙元年 宣宗即位錄舊勞陞行在禮部右侍郎性寬厚喜愠不見待人接物一以真率為本推讓賢能察來協和宣德元年入閣詳南京禮部

李嘉字允堅順天府宛平縣人天資凝重不妄言笑自幼卓犖有立志事親孝稍長縣大夫選邑學弟子自前大學士董公倫時為學教諭嘉從授業日暮自策勵所授書率誦讀數百遍四書註釋雖老不忘已而念家貧親老巧能歸侍養為師者初惜其去遂獻詩達意其辭懇切師憫而從之後選奉祀所禮生事成祖文皇帝於潘邸敬恭祀事恒致其誠無幾丁父憂哀毀動人終喪不飲酒食肉覽父手澤未嘗不流涕而養母愛敬兼盡初

世父希賢死於兵無子倉卒棄葬每念及輒悲竟卜吉壤備禮而葬焉 文皇帝靖內難預効守城勞時南兵逼城外民有負母入城無所依者且避舍以處之且食之粟民母子得全於急意率類此內難平錄守城功召至南京有司奏授鴻臚寺序班數月 上親擢為通政司叅議且面諭之曰以爾誠實故擢實要地必勤必慎毋忝朕命嘉益盡心乃職一日奏事畢自陳臣有老母在鄉里無兄弟侍側願躬迎母就祿養從之既至時初建北京奉 命董運木之後於河南殫其智慮夙夜不懈後喪母哀毀如喪父 詔賜棺及驛舟歸其喪服闋仍前職遂扈從北狩後坐累左遷鴻臚寺丞 仁廟御極陞左通政又坐累左

國朝列卿紀

卷之四十四

十一

田文

遷未行 宣宗嗣大統陞通政使尋改北京行部侍郎念其老不堪繁務又改行在禮部左侍郎雖精力日衰猶勉強事事未嘗少間再歲以疾聞 賜勅褒諭命致仕又數月不起年七十持身端謹一介不苟取予剛方嚴毅人不得干以私其任職細務必親故所歷寡合終不為變治家整肅教子孫必務學而閒暇道說國初以來北京名賢故老流風餘韻娓娓不窮故大學士楊士奇等皆重其篤實云

李琦字 直隸真定府元氏縣人洪武末年以文學授滄州訓導坐事謫戍雲南革除中以經明行修用薦權監察御史尋遷大理寺右寺副復坐事謫雲南永樂元年上書陳情召試御

史會交南侵廣西地命琦往琦以書喻援引趙佗呂嘉逆順禍福之理并道路遼遠炎涼俱不足恃凜然可懼安南感悟遂歸侵地還奏稱 旨實授廣西道監察御史宣德元年陞行在禮部右侍郎後占城與安南交惡復 命琦往喻之兩國遂和自是西洋諸番有事悉令往焉所至無不欽服四年改湖廣布政使甚得民心後卒於官

蔣驥字良夫浙江杭州府錢塘縣人第洪武庚辰進士擢行人能其官永樂初 成祖皇帝詔文學之臣纂修 高廟實錄驥預焉書成陞翰林檢討 賜白金文綺襲衣已又預修永樂大典爲副總裁 賜楮幣綺帛前翰林學士解公縉出爲交趾參

國朝列卿紀

卷之四十四

十一

田文

議以事逮獄坐連累拘幽者十餘載中局坦然以書史自娛未始有幾微怨懟 仁宗卽位有復前官踰月陞左春坊左司直郎 宣宗嗣統之初以官僚 恩遷翰林院侍講宣德紀元奉命祀東鎮洎大禹南宋諸帝陵竣事遂得便省謁其二親本郡方岳重臣及郡邑官僚咸瞻望下風慊然不敢當日推牛醴酒燕集姻黨榮壽其親歸朝與修 兩朝實錄五年書成資錫循永樂故事尋同考會試得陳詔爲第一復進秩侍講學士會 上命左右大臣簡廷臣之才且良者佐六卿授禮部右侍郎蒞職踰二旬得風疾不移時遽卒 上聞爲之悼嘆遣使賜祭且給舟歸其喪命有司爲治祠墳驥天性孝友嘗迎司直公就養

師朝夕起居侍奉備至兄弟三人友愛無間言素善筆札奉命書烈女傳特被褒賞禮部會試兩爲同考試官時推其公爲人美丰儀善談論尤善客所居軒檻清曠几席整潔佳花異卉雜植前後客來詠歌觴酌歡如也其雅懷灑落蓋如此年五十有三所爲詩文總六卷前後所錄多手筆云

章敞字尚文浙江紹興府會稽縣人永樂癸未領鄉書首薦明年登進士選入翰林爲庶吉士借狀元曾榮等二十八人續學中秘與修永樂大典壬辰冬授刑部主事癸巳 命同諸儒纂輯五經四書及性理大全書成重膺 賜賚時近京西山有盜肆劫逮捕數百人鞠之多不服敞寤寤究惟拘其辭色異者一

國朝列卿紀

卷之四十四

十三

鄧已錄

餘悉遣出期異日復至同官爭不可卒遣之明且至如約後勘驗其人皆非盜而一人辭色異者卽盜也衆始服其明復有商夜宿都城外千戶何氏四人掠其財商疑何欲訟之何不克自白乃訴於官而自經死 太宗皇帝聞其故命司捕者三口不得盜抵死司捕者乃妄繫何隣近二十餘家別取楮幣如商之數而以盜加之敝察其誣辯理之皆得釋丙申轉員外郎階奉議大夫尋遷郎中丁外艱起復改吏部考功郎中洪熙初賜詔命階奉議大夫丁內艱服除調驗封宣德庚戌擢行在禮部右侍郎進階嘉議大夫奉 詔行安南命黎利權署國事暨宣詔利遣人白相見禮敝語之曰吾奉 詔命至爾蓋小國一會

長能盡禮於使者即所以尊敬 朝廷何以白為利聞即趨拜
坐於下令所親給侍左右數為巧媚辭欲眩以聲色故正色待
之終不為動及還餽膳珍異一無所受利曰假此以將誠爾何
拒之甚故曰吾奉 命今爾撫輯一隅以廣 皇上一視同仁
之恩豈為賂至耶利乃以所餽物付貢使致之且戒關吏俟使
者出即閉關敵付知之及關親閱所貢方物餘悉封付關吏及
利死復奉 命令利子麟權看國事關吏見曰此天使前却金
者比還却所贖如初麟不敢更進蓋知其不可以利動也 英
宗嗣位之初平陽王復封晉王即以故護衛官軍田廬為請敵
受 命往命之則較其軍數量以田廬歸之餘給於民王不悅

國朝列卿紀

卷之四十四

十四

張十

啟啓曰國中先三衛今止二千戶所以三衛田廬而歸一所之
人得無過且 朝廷以藩屏聖殿下國內軍民宜均愛之庶副
皇上至公之意王悟曰使方面諸官蚤有此言吾亦豈敢上煩
朝廷哉還奏 上嘉之未幾遷左侍郎敵蒞政思慮精審防範周
密以國家統理天下既久典禮品式有因革輕重之殊事或隨
時損益有先後矛盾之異而吏胥亦稍緣此為奸於是日尚書
胡公澐取國初至今凡所行條格集記之付四司使得參酌而
行事獲適宜奸弊頓革嘗有黜吏嗜酒怠事且增損公牘即實
於法羣吏自是悚息不敢為非太醫院每舉醫者人往往假以
復怨及徵至多弗請醫敵察知之遂偕尚書奏革其弊比歲僧

道數給度牒輒以千計乃與尚書請依洪武例三歲一給凡僧
道出家及舉為僧道官者止於所居封內不容越籍冒濫四夷
貢使日給糜餼庖人每侵尅之敵聞之曰小人為口腹計而使
朝廷薄懷柔遠人之禮可不禁乎即令所司具日給之數付通事
者或給不如數乃從而督治自是遠人以爲 朝廷待之加厚
云於正統丁巳十二月四日卒年六十二計開 上遣官諭祭
命有司治喪葬為人性質端厚接人待物意氣豁然矧貧濟難
尤克盡心在刑部時有同官尤許二人坐累謫戍邊資之甚厚
後又汲汲欲拔之既而許果膺薦為御史歿又為經理喪事恤
其孤孀尤既老遺其子代戍而窮甚乃贈以衣裝金幣且遺書

國朝列卿紀

卷之四十四

十五

丁文

所親在邊者令周之其輕財重義類如此其間學優裕為文簡
暢所著有質菴稿藏於家
吳廷用字 福建建寧府政和縣人永樂甲申進士授戶科
給事中以内閣楊榮薦陞行在刑部右侍郎宣德九年改行在
禮部左侍郎蒞事南京性通敏有幹才不能持正如大理寺少
卿戈謙數言事奏其實直沽名為清議所薄餘詳南京禮部
王士嘉字 山東東昌府武城縣人永樂元年以國子生授
大同府山陰縣知縣久之以政績陞陝西僉事改工部員外郎
歷郎中處事謹飭詳雅一毫不苟宣德中以才識老成薦陞陝
西布政司左叅政持身清白無他嗜好不入義外一錢出督都

邑田賦措置得宜人受其惠正統元年以清譽召爲行在禮部
右侍郎爲人端重踐履篤實與尚書胡濙並以忠厚稱兩知貢
舉防範周悉十年以年老致仕卒年八十餘

王直字行儉江西吉安府泰和縣人永樂甲申進士改庶吉士
授修撰歷官少詹事兼侍讀學士 英宗嗣位詔修 先廟實
錄以直總裁書成進禮部左侍郎仍兼學士賞賚如前久之以

禮部缺人 命出蒞部事宗伯胡濙大喜閩部之政悉付之直
處之裕然若素習者八年陞吏部尚書詳吏部
王英字時彥江西撫州府金谿縣人永樂甲申進士改庶吉士
授修撰歷官少詹事兼侍讀學士正統三年陞禮部左侍郎仍

國朝列卿紀 卷之四十四

十六

兼前職八年癸亥正月奉 旨出理部事講官如故乙丑浙江
台寧等處民遭疫死甚衆 上遣資香幣往祀南鎮以禳民厲
時浙間久旱英至紹興大雨水深二尺灌獻之夕雨止星見明
日又大雨野沾足人皆喜曰此侍郎而也布政使孫原貞等
陪祀請作 御祭感應記刻石於廟而還丙寅奏京師去冬少
雪今年自春徂夏雨澤不降種不入土小民缺食此皆臣等政
事不修激怒 上蒼所致伏望 陛下施賑卹之恩臣等宜益
省愆戒飭仍乞齋沐祈禱以格天心 上從其言果大雨五日
先是奏請致仕不許至是年七十復上章乞罷政吏部言其積
力未衰 上是其言不允戊辰八月 上特旨陞南京禮部尚

書卒諡文安詳南京禮部

錢幹字習禮以字行江西吉安府吉水縣人自幼喜學凡所師
友者見其文敏而思深且多出腹藁莫不奇其才從學南昌訓
導顏子明而卒業於翰林修撰張伯顏永樂六年江西鄉試第
一明年會試中第十時 車駕幸北京 廷試不果由是從遊

京師間縱觀 聖朝政化之美聲名文物之盛四方萬國謳歌
朝覲之會因而才益進九年 廷試賜進士入翰林爲庶吉士尋
陞檢討參史職甲辰會試 命爲同考八月 仁宗即位一新
庶政陞翰林侍讀與知 制誥洪熙元年 勅同修 成祖實

錄及 仁宗升遐 宣宗正大位又 勅同修 仁宗實錄時
國朝列卿紀 卷之四十四 十七

有 詔許焚黃承 命以往丙午促 召還京借太子少保金
幼孜等入見命完修實錄二年春開 命爲同考官三年戊申
元夕 賜文武近臣觀燈萬歲山 賜宴及文臣賦詩以進
賜之鈔四年八月應天府鄉試 命爲考官十二月朔霜寒甚
上命光祿 賜在廷羊酒以禦寒曰 皇祖考在位每旦常有賜
今朕多事忘之汝勿忘五年南朝實錄成 賜金織襲衣銀幣
考禮部會試陞翰林院侍讀學士七年 駕過史館有作并賦
招隱之歌以示近臣是時天氣清明 聖心悅豫懷賢覽古悠
然天趣之高發見於吟詠於此蓋可見也八月考北京鄉試十
年乙卯春 宣宗晏駕 英宗即位二月上 宣宗尊號賜白

金秋九月 詔修 宣宗實錄十二月賜文綺丙辰正月改元
 正統大臣建議開經筵 詔可其奏命為講官三月 上臨軒
 策士命讀卷勞以羊酒賜宴於禮部戊午四月進 宣宗實錄
 御奉天門慰勞甚至賜白金文綺織金表襲陞翰林學士賜宴
 於禮部八月應天府鄉試命為考試官四年充廷試讀卷官六
 年掌院事尋考北京鄉試七年壬戌為行婚禮賜紗衣紗帽金
 廂香帶等物九年甲子三月大新國學成 上祇謁 先聖躬
 行釋奠禮幸彙倫堂命祭酒司業以書易進講從臣坐聽命與
 其列七月上章乞致仕弗允且降諭天下憲臣及縣令有難其
 任察舉以聞凡舉所知人以為當十年乙丑禮部春試 上復

國朝列卿紀

卷之四十四

十八

四十七

命為考官三月進五倫書蒙賞資冬十月 欽陞禮部右侍郎
 縉紳往賀之對曰吾今任有司之職矣何以賀為時 朝廷稽
 古右文事多由禮部兼署吏部事益敬畏不自寧求去益切
 詔許之公卿大夫餞送出都門皆有詩乃獨取歸去來辭長歌以
 自快為人孝友忠信篤於倫誼至姻戚故舊亦無悖於理者在
 位三十餘年以文章議論為士類所敬樂於教人學者亦樂從
 之遊典文衡者八讀卷者二佳時暇日擇勝往游長篇短章發
 於歌詠以揚太平之盛美及老而歸熙老之堂子孫侍教者十
 五年凡所著述論思聯為大卷有應制集詞垣藻詞垣續藻歸
 田彙藏於家夫順五年卒年八十九諡曰文肅

冰東日記云禮部侍郎錢習禮吉水大族本亦練子寧疏遠姻
 親一時脫禍而恒為鄉人所持舉族不敢吐氣習禮既入翰
 林猶然習禮不可奈何以告建安楊公公一曰獨對畢即以其
 事聞 太宗欣然曰立賢無方使練子寧冷日在此朕故當用
 之耳下令禁之 文皇帝之盛德至矣

國朝列卿紀

卷之四十四

十九

四十八

日諸學士皆到任錢文肅先生掌印不設西楊南楊二先生公
 座曰此非三公府也至期二楊以闕乃 命工部具椅案胡宗
 伯定位次二先生始自內閣出就座時論雖建文肅然三公所
 供職則固翰林事也
 楊善詳尚書正統十一年右
 王一寧字 浙江台州府仙居縣人永樂戊戌進士授工部
 主事改吏部稽勳司供奉 文華殿宣德初改修撰正統五年
 實錄成進官翰林院侍讀十三年陞禮部右侍郎為人諷諫不
 羈以射策于舉十四年督湖廣軍餉劾還景泰三年以中官王
 誠薦入閣詳內閣

章瑾字用欽浙江紹興府會稽縣人父敞為禮部左侍郎自幼失恃英爽卓立甫十餘歲為文辭已蔚然宣德丙午其父與吏部尚書趙新同為吏部郎中趙公見其非常人喜而以女歸之是歲舉順天府鄉試丁未庚戌連試禮部不第癸丑又試名在副榜者命翰林復選得二十四人授冠帶給以所當得之祿俾卒業俟後舉正統丙辰中禮部會試第七廷對賜進士出身觀政兵部踰年以父喪服闋擢禮科給事中時天下亢旱承命祀南海神沛澤斯應數年為同列所推薦遷都給事中朝廷命定國公徐顯宗持節使蜀命為副使正統己巳扈從北征得疾留寓中途比還恭遇景帝嗣統拜禮部右侍郎既而廣東

國朝列卿紀 卷之四十四 二十

盜賊竊發命撫廣東兼治臺盜瑾聞楊信民素為廣州之民信服以註誤謫守邊關力言於上起信民為右僉都御史瑾因疾未行景泰元年卒年四十四後信民至廣東民有被脇從為盜者聞信民至相率來歸者數千人不負所薦云
儀銘字子新山東萊州府高密人永樂中父智為禮部右侍郎以恩廢入大學擢兵科給事中陞翰林編修正統三年陞侍講歷郎府長史正統十四年土木之變英宗北狩郎王即位力贊征伐尋以潛邸舊恩特陞禮部右侍郎景泰初開經筵又命兼經筵官未幾陞南京禮部尚書詳兵部
儲懋字直隸鎮江府丹陽縣人永樂甲午舉人十五年授

台州府學訓導有學行二十二年擢吏科給事中正統元年大學士楊士奇選充經筵陞翰林修撰三年與修實錄陞翰林侍讀八年陞戶部右侍郎十四年轉禮部左侍郎為人端重寬和士林推重景泰元年兩京災異迭見給事中葉盛與都給事中李實等欲革各藩鎮中官因約羣臣會奏尚書金濂等皆侍養可行無實心會南京學士周叙言事中之未幾兵部因他奏一官多民擾乞將各處公差內外官員量取回京有旨內官不動又數日奏議及周叙奏有言此亦有例見行懋即揮筆批定盛因曰此誠民病今既有言者若合辭上請或可從而眾不能然識者惜之二年知貢舉嚴關防無私弊尋陞南京戶部尚

國朝列卿紀 卷之四十四 二十一

書未任卒於京
李實字四川重慶府合州人正統壬戌進士歷禮科都給事中時英宗北狩郎王即位累進諫言景泰元年六月二十一日日戌戌北虜遣使請和上御文華殿文武大臣懇請遣使往虜中議和奉迎太上皇帝未允即命太監與安傳旨要於大臣中務選如富弼文天祥者遣之禮部以三品以上官具名封進上命與安召實問其鄉貫傳旨曰德興進章朝廷素知忠節上欲遣使虜中如何實曰其雖才識不同迨朝廷多事之秋安敢辭諒亦不辱君命與安忻然入內復命有旨陞實兵部右侍郎做正使羅綺陞大理寺右少卿做副使及二

十八日進本討馬疋等物欽改禮部右侍郎七月初一日早辭
 上御左順門召實等 面諭曰你每去脫脫不花王也先那里勤
 謹辦事好生說話不要弱了 國勢賞銀三十兩并衣服一套
 綵段三表裏領齊達達可汗太師也先阿剌知院勅書三道及
 各人銀三百兩綵段二十四表裏本日同虜使參政完者脫脫
 及侍郎人等五人共二十一人起行宿榆河驛 上命光祿寺
 酒飯初二日居庸始償鈔辦酒席管待使臣初三日宿懷來衛
 仍辦酒席管待初四日至懷來賦詩云曉出懷來望北行西風
 吹拂馬蹄輕虜管迎復吾 皇駕會見生民享太平本日過長
 安嶺賦云盤旋會上長安嶺誰覺驅馳路轉賒遙憶 上皇經

國朝列卿紀

卷之四十四

二五

劉在任

過日幾番回首望京華過雁堡一十里乏馬一疋宿荒初五日
 天曉忽有達賊二十一人各張弓執刀一人仗劍衝入帳邊完
 者脫脫急與打話詢知可汗所差尚書何魯木等先送使臣皮
 兒馬黑麻赴京奏事在彼等候阿魯木等為作禮送二十里而
 別賦云胡騎長驅入帳來張弓仗劍怒如雷譯知兩國通和好
 長笑一聲作禮回同口過雲州夜值雨過赤城溫泉口四十里
 宿荒被盜去馬三匹初六日過獨石衛遇也先人馬駝軍運糧
 有感賦云道征獨石停征騎世事皆非實可傷守將肆貪管第
 宅近臣徒力保邊疆人家已盡將兵火倉庫猶存助敵糧回首
 具封希 上旨用懲有罪表忠良相離城北五里宿荒虜人喜

悅勸飲乳酪其夜被盜去馬六疋初七日過種帽山二十里賦
 云萬里窮荒極遠遊風涼露冷正高秋山川野宿潭忘險飲腹
 腥羶笑解愁駝馬連營轉饋餉大羊夾道喜歌謳虜酋悔過重
 朝貢早奉 鑾輿復帝州初八日過興和衛東海邊宿程兒硯
 即海子初十日宿失刺失箔禿即也先邊塞營中逸下程羊二
 隻十一日至也先營中地名失八禿兒與也先并伊婦開讀勅
 書畢也先曰 大明皇帝因何差你每答曰自太師祖父以來
 至今日朝貢 朝廷三十餘年你使臣進馬往往待以厚禮遇
 以重恩近以奸臣王振擅權減少馬價以致太師動兵邀留
 太上皇帝駕搶掠人民殺害軍馬今阿知院上答天道下順人心

國朝列卿紀

卷之四十四

二五

高儒

奏知可汗稟知太師特念前好同差參政完者脫脫齊文赴京
 以求和好因此差我大臣齊送賞賜給與太師并可汗阿剌知
 院以全終始依舊遣使往來也先曰這事只因陳友馬清馬雲
 小人上是非所以動兵小事做成大事我實心送 大明皇帝
 到京你每不差大臣出城迎接我着張爾保姚謙去奏又將他
 殺了因此上又搶了良鄉涿州一帶人馬實曰太師既與送
 駕軍馬不由關入漫山而來肆意搶掠不過假名送 駕耳 朝
 廷不能無疑况又分兵各門廝殺姚謙張爾保願為使臣却使
 達達百餘人各張弓矢逼我 張爾保不知二人為使臣也先曰
 說的是又曰又差人 花六人赴京奏事何故又不放回因此

上又搶了大同寧夏一帶人馬實答曰太師軍馬南侵父被行
者子爲報仇兄被擄者弟爲報仇人皆樂爲從軍今南朝沿邊
關口軍馬多者十餘萬少者六七萬極少者亦有三五萬各奮
勇欲報君父之仇且軍士獲一首級卽得陞賞太師雖差使臣
若無南使同行或被兀良哈達子或被守邊軍殺戮以圖陞賞
復又曰差李貴我着送大同城裏因何亦不放回實答曰近時
夜不收報說哨到大同東邊離城八里見有殺死身尸四五十
人拾得荷包一箇內有文書一紙稱是太師差來奏事人不知
未審虛的想被守邊軍士殺了并不見一人到京 朝廷如參
政完者脫歡等到京奏事重加賞賜禮待筵宴又差我每向來
國朝列卿紀 卷之四十四 二十四 高宗 四十九

人馬到北京也先把酒曰路上辛勤可飲數杯飲畢出令平章
尚書人等送壯馬一疋宰之爲下程十二日差頭目人等齊送
達可汗并阿剌知院勅書賞賜分頭前去同日差平章人等引
實三十里見 上皇同少卿羅綺指揮馬顯共進紵絲四疋糲
米魚肉煤炒燒酒器皿等物實泣下行禮畢惟見校尉表彬軍
餘劉浦兒僧人夏繡三人侍左右 上所居者皮帳布幃席地
而寢牛車一輛馬一疋以爲移營之具 上曰比先我來非爲
遊獵私已之事乃爲天下生靈躬率六軍征討迤北不意被留
在此實因陳友王振馬雲馬清所陷也先實有意送我回京被
喜寧引路先破紫荊關擒殺人馬圍京城喜寧不肯送回後至
國朝列卿紀 卷之四十四 二十五 張文 四十九

兩國講和必資使臣以通其情豈肯殺害自絕其路也先然之
又曰我差喜寧奏事何以殺了實曰喜寧自幼及長累受 朝
廷恩寵加厚於人托爲心腹今齊執金帛迎取 上皇却引領
太師人馬搶掠京師復寇寧夏 朝廷已將喜寧明正典刑凌
遲三日以爲將來不忠之戒也先喜而言曰是我亦知道又曰
大明皇帝與我是仇人自領軍馬與我廝殺天大的氣候落在我
手裡衆人教我害他我再不肯他是一朝人主我特着知院
伯顏帖木兒早晚恭敬不曾怠慢你每捉住我留到今日麼明
日引你去見實答曰此是太師仁厚之心也先曰你每來的好
我正歡喜料得你每事務成就了若不來呵我每七月十五日

小黃河也先欲送回又被喜寧阻住在乾河又要送回喜寧阻
住喜寧已凌遲了陳友不要饒他 上問 聖母及今 上安
否實奏曰安問舊臣一一道其姓名甚悉 上曰我在此一年
因何不差人來迎我回你每與我將衣服冠帶靴帽來否實奏
曰 陛下蒙塵羣臣及天下生民如失考妣但虜中數次走回
有言見 陛下者言未見 陛下者言語不一又四次差人
來迎俱無回報難知有無因此特差臣等來探虛實不曾有衣
服帶來 上曰你每回去上覆 當今皇帝并内外文武羣臣
差人來迎我回我情願看守 祖宗陵寢或爲百姓也好不來
接我也先說令人馬接邊十年也不休我一身不足惜 祖宗

社稷天下生靈為重實詢知也先每五日送牛一隻羊一隻送
 上以為所食殊無米菜實奏曰昔 陛下錦衣玉食觀今服食惡
 陋不堪有大米數升欲進 上曰飲食之類小節與我整理大
 事實奏曰王振一宦官耳若何寵之太過終被傾危國家以致
 今日蒙塵之禍 上曰王振無事之時人皆不說今日有事都
 歸罪於我我亦知此人將壞大事不能去之今悔莫及時伯顏
 帖木兒適來歷言其故亦如也先之辭 上賜酒餽畢 上命
 至帖木兒營中烹羊與伊婦把酒勸飲復回見 上復命次議
 大事實以 上昔任用非人當引咎自責謙退避位之理忠言
 正道懇切應對 上喜從之曰暮深有不忍之情欲留宿館伴
 國朝列卿紀 卷之四十四 二十六 張文

者促歸不果賦云重整衣冠拜 上皇偶聞天語甚淒涼腥膻
 充腹非天祿草野為居異帝鄉始信奸臣移國柄終教胡虜叛
 天常只今天使通和好翠輦南旋省建章歸宿也先營中送下
 程羊二隻十二日也先宰馬備酒相待令十餘人彈琵琶吹笳
 兒按拍歌勸酒曰你每來時心裏可怕麼實答曰自古敵以禮
 為上欲要講和必命使臣以通兩國之情途中遇賊寇躬身危
 險尚無所怕今到太師營中便如一家何怕之有也先喜而然
 之且曰有理的怕無理的怕也先曰你每認的 上皇可想
 他麼實曰為臣盡忠為子盡孝君父之恩豈可忘乎我每之思
 上皇即太師之思可汗耳也先曰然既是思想何不取回實答曰

所延四次差人資金帛太師皆不發既是肯着我奉迎回朝自有
 厚禮給賞不輕也先曰 大明皇帝勅書內只說講和不曾來
 接 駕今 大明皇帝留在這裡又做不得我的皇帝是一箇
 閑人諸事難用我還你每千載之後只圖箇好名兒你每回去
 奏知務要差太監一二人老臣三五人來接我便差人送去如
 今送去呵輕易了你每 皇帝了再三言之不可待酒畢送下
 程羊三隻十四日與也先作辭備酒曰如今我差一人你每議
 一人去大同調回山西一帶擾邊人馬也不動一苗差來接
 駕的來約至八月初五日實答曰差人奏請 皇帝聖旨我每豈
 敢約期也先曰初五日不來你每邊上人吃苦了再三不與定
 國朝列卿紀 卷之四十四 二十七 張文

約若來遲呵着差去兩箇達子同兩箇漢人要初五日先到回
 報此差使再遲三五日亦可若不差人來軍馬擾邊又說我每
 失信勉強與決各送馬四疋貂鼠五十三箇同實等赴京奏事
 進貢本日往辭 上皇時伯顏在側 上再三叮嚀迎復之事
 惟恐來遲就出書三封令實實回 上曰來時冠帽放在宣府
 便服隨身帶來路程遙遠勿辭辛勤當以天下國家蒼生為念
 賜酒餽畢令伯顏帖木兒仍同伊婦把酒曰大人回可着人早來
 圖成大事我每也要回去了實曰 皇帝在此多蒙恭敬奏知
 朝廷給賞慰勞送馬一疋復辭上皇曰你回上覆聖母太后
 上覆當今 皇帝也先所欲者非要土地非要歲幣惟要驍龍

并織金綵段等差人早早實來實領命泣下辭起程行二十里宿荒送下程羊二隻十五日中途過午送下程羊一隻宰之宿刺失箔禿兒送下程羊二隻當夜二更過瀆麻嶺山宿荒十七日宿西陽河口入關至萬全左衛食午飯宿宣府見彼處軍民出郊採打柴草收割黍粟搬運木料人皆歡說生意殊盛十八日會總兵等官驗馬造冊差人奏報仍宿宣府十九日過土木右丞把禿馬上指顧曰上皇在此被拘南朝徒有人馬衆多不能戰實曰中國人民多如草芥土木失利出於不意不可以爲常理有盛有衰有隆有替把禿曰亦非我每勇力乃是氣候又曰元世祖未得帝時與敵國戰後遣使臣往敵國遺針一袋

國朝列卿紀

卷之四十四

二十八

御文錄

羊毛一袋世祖怒謂彼處銳兵多如此針戰馬多如此毛遂與二子并頭目往征之后諫不聽後果滅敵國回至中途世祖病故載尸回還后曰二子不聽我諫敵國雖滅汝父不得復生二子告天世祖卽甦後滅金卽帝位二十餘年人馬固多不足恃實答曰昔項羽號霸王善調軍馬英雄蓋世漢高祖寬仁大度信任豪傑與項羽戰七十二陣高祖皆敗厥後高祖一鼓而擒之霸王遂滅有漢四百餘年天下此無他霸王荼毒生靈天怒於上太怒於下無故興兵乘隙搶掠上天豈不厭之耶把禿咬指仰天嘆曰大人言者大道理本日宿懷來時在京運糧二萬石至軍士皆悅道朝廷差都御史楊善侍郎趙榮同虜使平

章皮兒馬黑麻同知哈答等下番議和實將虜中與也先應答之辭及一應事情并奉迎上皇之意備細說了使彼無訛以全終始二十日少卿羅綺同尚書士現罕魯自大同俱至說大同人馬共六千七百時二千圍朔州等處俱令回軍民俱出外採打柴草實別把禿等預先回京奏事過居庸關遇長隨陳瑒賚勅書實等并將虜使騎坐馬疋留在懷來喂養先已將馬疋并各人懸帶弓矢俱留宣府就領勅書齋回過榆河驛宿朝房二十一日早復命上御文華殿召實賜問曰也先有甚說話實悉陳前辭又問太上皇帝如何說實拜首奏曰上覆陛下備陳太上皇帝皆無遺上曰也先請和之意虛實如何實對曰臣入番境彼處虜人舉忻悅夾道謳歌沿途乳酪勸臣飲之咸願和好蓋因彼處人馬相繼病死又因離家年久論其和意似有實情但也先萬一變詐非臣可知望陛下處置上曰一路辛勤驚恐賜鈔三千貫羊二隻酒十甄命太監李三於文華殿前右廊下待酒飯二十二日少卿羅綺同右丞把禿等到京進貢朝見二十三日把禿等奏討使臣上不許五府六部數上章請遣使亦不許二十五日實進奏其略曰臣竊謂先差臣等未嘗爲迎上皇專爲講和今已事完其欲差人迎復定約日期出也先之口臣特傳說虜情伏望陛下如羣臣之請另差有能大臣奉迎上皇雖虜變詐不測亦可塞彼無

國朝列卿紀

卷之四十四

二十九

御文錄

七〇三

辭倘不差人去則直在彼而曲在我臣若不言恐日後復差人
僉必曰臣實可差臣自揣違期失約自不敢去若另行差人不
可去臣固不敢去人亦不可去則彼此猜疑猜疑則和議不成
和議不成則 上皇終不可復干戈終不可息邊鄙終不可寧
臣頗知虜情不懼斧鉞昧死為 陛下備陳乞早賜 乾斷天
下幸甚謹具以聞伏候 聖旨當日於奉天門奏奉 聖旨也
先使臣明日回趕上楊善來再定奪卒之 上皇回鑾雖楊善
之力而實不辱君命其功亦不可泯未幾陞右都御史出撫湖
廣見湖廣巡撫

鄒翰詳尚書景泰二年右天順元年左

國朝列卿紀

卷之四十四

三十一

王榮

陸琦字

福建福州府閩縣人宣德庚戌進士 宣宗詔楊

溥簡庶吉士入讀中秘書取琦第一命太和直教之為人耿

介學有源委正統元年授翰林院編修預修 宣廟實錄三年

陞本院侍讀景泰三年缺禮部右侍郎時易儲之議漸萌太監

宋 疏於 上令閣下曰可用學士為之大學士陳循舉學士

劉鉉以進時江淵不悅鉉乃退與內侍議曰鉉素不能幹事不

可用乃薦琦陞禮部右侍郎兼詹事府少詹事衆多鉉之正云

五年卒於官

姚夔詳尚書景泰四年右天順元年左

蕭聰字孟奎江西吉安府泰和縣人宣德癸丑進士授刑部主

事歷禮部祠祭司郎中天順元年以練達典章舉止老成進禮
部右侍郎本年調南京吏部右侍郎謫湖廣參政詳南京吏部
章綸字大經浙江溫州府樂清縣人正統己未進士授南京禮
部主事景泰初陞禮部儀制司郎中 英宗復辟陞禮部右侍
郎尋為石亨楊善所短調南京禮部詳南京禮部
李紹字克述江西吉安府安福縣人自幼失怙有立志年二十
領宣德丙午江西鄉薦癸丑會試中經魁 廷試賜同進士出
身觀刑部政是歲奉使雲南歸過 宣宗皇帝銳意儲才合臨
御以來三科進士數百人拔其尤者應二十八宿為翰林庶吉
士俾積學以俟大用優禮給賜一循永樂甲辰之典仍 賜御

國朝列卿紀

卷之四十四

三十一

王榮

製詩以示勉勵乙卯 英宗皇帝嗣位擢翰林檢討與修 宣

廟實錄為檢閱校正正統戊午書成 賜白金文綺加祿秩并

賜宴西苑已未以刺負 賜歸鄉里期年大學士楊士奇臥病

英宗遣內官詢人才舉紹等五人以對 召復任充經筵官丙寅

丁內艱已巳服闋之官踰月滿九載陞修撰是秋北虜寇邊六

師敗績於土木朝士多遣家南徙紹曰王辱臣死矣以家為卒

不遺庚午景泰紀元兼經筵講官辛未同考會試壬申陞司經

局洗馬兼修撰甲戌壬考會試兩持文衡去取公當士論翕然

推服尋奉 命祀南嶽舟至洞庭阻暴風為文禱於神俄頃風

息舟行無虞丙子預修寰宇通志成 賜白金綵幣進右春坊

右庶子兼翰林侍講天順丁丑改尚書司卿兼侍講尋掌院事
冬陞學士 賜二品金織衣戊寅奉 命與諸學士更番侍講
讀於文華殿時禮部郎中李和托一釋子囑權近求爲禮部右
侍郎士論紛不平 上密訪學士李賢尚書王翱俱不許各薦
紹 上喜曰朕知此人久矣次早諭吏部陞禮部右侍郎聞者
爲之驚喜及即任公卿往賀尚書王公翱舉酌曰天選侍郎也
蓋以前此倖進者多 旨授故云已權貴不平伺間譖其奏事
多南音 上曰大臣以德選何以聲音爲是年國子祭酒陳詢
致仕去吏部舉翰林二人未用乃請命兼領之 上謂王翱曰
禮部不可無此人其別選代之翱退與同列曰我不知李侍郎
國朝列卿紀 卷之四十四 三十一 卯文 四十一

爲祭酒疏入 上即日降勅遣人乘傳之命未及門而卒體貌
豐偉識見明敏刻苦問學少壯至老未嘗一日去書不觀自六
經子史下至地理醫卜方技之書靡不精究聞四方有異書及
古碑文字必構求之故積書甚富其爲文力追古作規矩嚴謹
有得於歐爲多其字畫出入晉唐間參以蘇長公之剛勁奇逸
自成一家與人論文評書必先法度見人制作稍不合則曰是
無師承不足觀也察後進有志於學者獎掖稱譽惟恐不至處
僚友以誠勸善規過言直意盡雖衣冠不正舉止失度亦必告
焉其愛人以德如此平居以經濟自任通古今興廢之故達政
治弛張之宜參稽辨析竦人聽聞其或先事計成敗與逆料人
國朝列卿紀 卷之四十四 三十二 卯文 四十二

萬安字循吉四川眉州人正統戊辰進士改庶吉士歷詹事府少詹事兼翰林院學士成化五年陞禮部左侍郎兼翰林院學士初詹事李泰為內臣養子安專與相結為腹心內閣闕人且欲用泰泰推安故安得先入詳內閣

邢讓字遜之山西平陽府襄陵縣人正統戊辰進士改庶吉士授翰林院檢討考績陞修撰為人剛直不阿尚氣槩景泰元年北虜遣使請和奉送 英廟還京 上屢以虜情多詐為疑及回使多不具迎復事讓上奏首以前次 勅書不具迎復 上

皇之意為言眾服其剴切會 英廟復辟 命與修大明一統志成化二年陞國子監祭酒作興學校與司業張業鬼故實纂

國朝列卿紀

卷之四十四

三十四

四百五十五

國子監志刻石記之五年陞禮部右侍郎七年以費用國子監會饌錢鈔無歸着除名

雷復字

湖廣寧遠人正統丙辰進士天順四年任廣西副

使分巡蒼梧道時藤縣民胡趙成構集夫藤峽程賊攻陷縣治荼毒一方復承巡撫葉盛檄同廣西左叅將范信都指揮韓瑄督指揮張錦等討之擒斬成等三十三名類奪回掠去印信五年陞山東左布政使七年陞禮部右侍郎八年改右副都御史巡撫山西十年卒於官

劉吉字祐之直隸保定府博野縣人號約菴正統戊辰進士選庶吉士尋授編修景泰元年庚午充 經筵官預修君鑑七年

再修寰宇通志成陞修撰天順丁丑 英宗復位命祀漢唐諸陵已卯預修大明一統志庚辰鄭世子及涇陽王以事召至

命侍講讀時 憲宗為皇太子因命侍講讀於青宮癸未丁內艱

成化元年修 英宗實錄起復至以吉舊官條進侍講三年丁

亥實錄成陞侍讀學士仍充 經筵官侍講讀 賜金帶等物

五年己丑擢禮部右侍郎八年壬辰轉左侍郎明年夏旱遣祀

東嶽等神十一年乙未始 詔以本官兼學士入文淵閣參預

機務詳內閣

尹直字正言別號寒齋江西泰和縣人景泰甲戌進士改翰林

院庶吉士丙子五月除編修成化丁亥實錄成陞侍讀壬辰陞

國朝列卿紀

卷之四十四

三十五

四百六十三

侍讀學士乙未陞禮部右侍郎丙申以父憂歸詳內閣

俞欽字振恭浙江紹興府新昌縣人景泰辛未進士選庶吉士

癸酉授禮部儀制司主事儀制務繁欽才瞻學充通悉今古

事無留滯天順戊寅遷郎中壬午以郎中績最當加封其父於

時祖尚在堂疏乞移封 上嘉之特賜其祖冠帶欽秩方五品

而褒及於祖寔曠世殊典癸未會試試院火左遷同知松江府

欽益更盡力流任未久民頌而懷之甲申改兵部武選司郎中

成化丁亥川貴山都掌蠻及九姓土獠為寇從大司馬程公信

往征之議者皆以為不如姑撫之欽獨籌其可克且曰不一

振威無以杜後患 上命亦安可中廢程用其議率眾決進

破二十餘寨斬獲無數蠻寇悉平丁亥師還陞大常少卿太常所隸神樂道流托權貴濫進因奏定其額壬辰歲早奉命禱祀淮瀆之神還擢禮部右侍郎朝章故典素所明習凡國家大禮事處之非并有條乙未陞左侍郎賜誥進階通議大夫丁酉歸省還京戊戌皇太子出閣加冠詔有司議定禮儀乃參酌備具朝廷采行之有白金文綺之賜是歲進階正議大夫資治尹庚子遭父憂去職詔賜葬祭壬寅冬服未闋詔起兵部左侍郎詳兵部

周洪謨詳尚書成化十四年任右十六年改左

謝一夔字大韶江西南昌府新建縣人天順庚辰狀元臘傳之

國朝列卿紀

卷之四十四

三十一

張十

且哀然眾中縉紳屬目大學士李文達公賢尤喜得人除翰林院修撰憲宗嗣統進侍經筵被賞賚預修英廟實錄據事直書得史官體二年同考會試及實錄書成陞左春坊左諭德加賜銀幣繼修續通鑑綱目時預修者僅十有四人一夔分修元史凡所褒貶一依朱子書法多正前史之謬十三年史成進御陞翰林學士宴賚有加尋命主考南畿鄉試鑒別精明得士最多嘗因辛卯星變上疏陳五事一正宮闈以端治本二親大臣以詢治道三開言路以災壅蔽四慎刑獄以廣好生五戒妄費以足財用言多剴切上怒責之十四年戊戌皇太子出閣詔簡侍讀庚子陞禮部右侍郎凡制度儀文多所裁定

前所未有者必稽經據史恭以時制具為儀注務使可行一時同事者咸推其練達二十二年遷工部尚書詳工部

徐溥字時用直隸常州府宜興縣人景泰甲戌進士及第第二

名授編修天順元年丁丑兼司經局校書侍東宮講讀成化

紀元歷左庶子兼侍講充經筵官兼纂修英宗實錄五年

陞翰林院學士丁憂十年甲午陞少詹事兼侍講學士十一年

乙未主考禮部會試十三年丁母憂十六年庚子陞太常寺卿

兼學士掌院事十七年辛丑再典會試陞禮部左侍郎在翰林

不以文學名歷部事安靖以和處察屬二十二年改吏部二十

三年入閣詳內閣

國朝列卿紀

卷之四十四

三十七

鄭召景

倪岳見尚書成化二十三年右弘治元年左

黃景字江西瑞州府上高人成化己丑進士授禮部主事

歷負外郎有辯才善結權貴十九年奏事稱旨陞通政司左

通政二十三年以附道士李孜省又比大學士萬安特陞禮部

左侍郎弘治元年被劾致仕正德三年謫戍燉煌宥還而卒

張悅字時敏直隸華亭縣人天順庚辰進士自少疑靜持重授

刑部主事歷負外郎朝士有囑其所親者曰不敢撓公法但乞

假一辭使知其嘗有言耳訖事問之曰其人無大罪既據法施

之矣敢言以市恩聞者歎服未幾陞江西僉事持大體不事苛

察專改浙江提學始以糊名校士奪去之曰我輩自疑人誰信

我請託覬覦屹不為動而士皆帖服無敢干以私者所獎拔或
出所進往往取魁甲為聞人衆神其明而莫測其所為用成化
十四年陞四川副使十五年進湖廣按察司使甲辰人覲時由
官尚銘在東廠任事衆羣趨其門悅獨不往銘銜之伺察無所
得未幾銘敗而其名益彰二十二年進都察院右僉都御史二
十三年陞工部右侍郎 孝廟嗣登大寶在朝大臣相率上疏
求去位悅獨不可曰更新之始正當竭心報國豈可以去言耶
弘治元年遷禮部右侍郎悅平居謹畏無疾言厲色至臨事卓
有定見不以恩怨利害動其心二年改吏部右侍郎詳南京兵
部

國朝列卿紀

卷之四十四

三十一

四百六十一

周經字伯常山西太原府陽曲縣人天順庚辰進士選庶吉士
文名欵起與劉公健張公元禎俱為大學士李文達彭文憲所
重而端諒正直經又隱隱於縉紳間壬午授翰林院檢討成化
三年陞本院編修十二年陞本院侍讀十四年進左春坊左中
允仍兼修撰侍 皇太子講文華大訓 皇太子每起立拱聽
在翰林春坊者幾三十年史局編摩首闕考校皆舉其職至於
啟沃 青宮尤多規正及 孝宗蒞極同事者俱進崇秩經以
持正止陞太常寺少卿兼侍讀識者已知其文學骨鯁而未盡
知其政事弘治己酉擢禮部右侍郎四年改吏部詳戶部
費閻字廷言直隸鎮江府丹徒縣人成化己丑禮部會試第一

選庶吉士授編修丙申充經筵官丁酉遷國子司業丁未轉左
諭德仍理司業事弘治元年陞祭酒 孝廟初開經筵充講官
車駕視學 賜坐講筵倫堂閣講商書惟天聰明惟聖時憲惟臣
欽若惟民從義 上諭曰六經載聖人之道講明體行務臻實
效爾師生其勉之褒諭宴賚士林榮之二年直日講改少詹事
兼侍讀修 憲廟實錄三年書成進詹事兼侍讀學士越月擢
禮部右侍郎卒年五十有八閻長身偉貌議論疊出臨事通變
慷慨且恭謹自持人恒以公輔期之其在國學最久士子多所
造就在禮部亦多持謹人惜其不及大用云

國朝列卿紀

卷之四十四

三十九

四百六十八

徐瓊詳尚書弘治六年左
傅瀚詳尚書弘治六年右九年左
張昇詳尚書弘治九年右十二年左
焦芳字孟陽河南南陽府泌陽縣人天順甲申進士改庶吉士
成化元年授翰林院編修十年陞本院侍講十九年陞侍讀學
士時太宰尹旻在吏部久權勢所趨又子龍為侍講遂深相結
納以擠南人且席其勢要市於人為清議所斥二十二年尹敗
大學士萬安惡之坐比尹降桂陽州同知弘治初年遷霍州知
州歷四川湖廣提學副使五年上疏奏辯請雪其愆陞南京右
通政本年丁憂八年補原職再以憂去十一年起復召入為太
常寺卿兼侍講學士十二年陞禮部右侍郎十五年轉左十六

年改吏部左侍郎詳內閣

李傑詳尚書弘治十五年右十六年左

王華字德輝浙江紹興府餘姚縣人成化辛丑狀元及第授官翰林院修撰甲辰 廷試進士為彌封官丁未充會試同考官

弘治改元與修 憲廟實錄充經筵官己酉秩滿九載當遷聞

竹軒疾即移病不出癸丑服滿陞右春坊右諭德充經筵講官

嘗進勸學疏 上然其言自是御講日數丙辰三月 特命為

日講官 賜金帶四品服四月以選正人端國本公卿會舉為

東宮輔導戊午三月又 命兼 東宮講讀於是 眷賜日隆是

歲奉 命主順天府鄉試辛酉主應天鄉試壬戌陞翰林院學

國朝列卿紀

卷之四十四

四十四

即文選

士從四品俸尋 命教庶吉士魯鐸等繼又命纂修 大明會

典踰年書成陞詹事府少詹事兼翰林學士五月復命與修通

鑑纂要六月陞禮部右侍郎仍兼日講 上以華講釋明贍故

特久任是歲冬 命祭江淮諸神乞便道歸省還 朝以岑太

夫人年邁屢上疏乞休以便色養 上不允尋陞禮部左侍郎

明年 武宗皇帝改元賊瑾用事奔走其門者如市華獨不之

顧時元子守仁方為兵部主事上疏論瑾罪惡瑾大怒既逐守

仁復移怒於華然瑾微時常從鄉人方習書史備問其平日處

家孝友忠信之詳心敬慕之怒稍解嘗語人謂於華有舊諷若

一見內閣之位可立躋華不行 意漸拂丁卯正月遂陞南京

吏部尚書詳南京吏部

劉機見尚書正德元年右十年左

張濂字仲澁廣西桂林府全州人成化戊戌進士選庶吉士授

編修弘治己酉年轉侍講戊午充 東宮講讀官辛酉主考順

天鄉試十二年進侍讀學士十八年陞學士尋遷國子監祭酒

正德元年擢禮部右侍郎二年轉左己巳陞南京禮部尚書詳

南京兵部尚書

白鉞詳尚書正德二年右

費宏詳尚書正德二年右四年左

斬貴字道充直隸鎮江府丹徒縣人弘治庚戌會試第二廷試

國朝列卿紀

卷之四十五

四十五

明史

第一甲第三及第授翰林院編修弘治丙辰 皇太子將出閣

講詔選正人以端國本戶部尚書侶鍾以貴名上遂兼司經局

校書未數日宮僚環侍 皇太子獨指貴問左右曰非靳先生

耶固已目屬之 孝廟幸講所尤加獎異有文綺玳瑁帶之

賜庚申進右春坊右中允癸亥會典成進左春坊左諭德兼翰林

侍講貴毋侍講筵敷奏雍容儀觀修偉重瞳屢回 武宗登極

以舊學歷太常寺少卿兼翰林院侍讀充日講是歲范夫人卒

戊辰服闋還職尋掌翰林院事授庶吉士業正德四年進禮部

右侍郎時逆瑾盜政常因事諷貴密書翰林官殿最以進貴不

從諭之時翰林多外遷貴亦左遷為光祿寺卿已乃復舊庚午

改吏部詳內閣

李遜學見尚書正德庚午擢戶部右侍郎提督太倉尋改禮部

壬申陞左侍郎詳詹事府

毛紀見尚書正德五年左六年丁憂

吳儼字克溫直隸常州府宜興縣人成化丁未進士選庶吉士

授編修丙辰充經筵講官 武宗出閣兼司經局校書庚申轉

左中允辛酉進侍講學士掌南京翰林院事正德丙寅召修

孝廟實錄充經筵日講官兼修玉牒丁卯與順天鄉試時逆瑾恃

寵招權儼於第二場以為臣不易命題瑾心已惡之會儼擅娶

經選掖庭女子瑾益振怒是歲朝 覲考曩傳 旨罷之瑾誅

國朝列卿紀

卷之四十四

四十一

胡守志

復職六年陞南京禮部右侍郎七年改北十年陞左侍郎十一

年擢南京禮部尚書詳南京禮部

石珪字邦彥直隸真定府藁城縣人成化丁未同況玠登進士

被簡為庶吉士弘治己酉授翰林院檢討與修大明會典同

考禮部會試少師李文正每曰諸後進可託以柄斯文者其石

氏季方乎辛酉充經筵展書官己酉滿九載遷修撰同修 孝

宗實錄正德丙寅 武宗初開經筵充講官 賜宴及銀幣尋

遷南京翰林院侍讀學士己巳擢南京國子監祭酒庚午改北

監尋陞南京吏部右侍郎乙亥改禮部丙子轉左侍郎兼翰

林院學士掌院事十二年改掌翰林院事詳內閣

王瓚字思獻浙江溫州府永嘉縣人博學雄文下筆數千言不

滯弘治丙辰進士授翰林院編修十三年丁憂十六年補原職

正德二年陞本院待讀三年陞國子監司業五年陞南京國子

監祭酒六年南京禮部移文本監撰述慶賀 皇上尊慈聖康

壽太皇太后慈壽皇太后表文瓚以非奉旨意不敢撰述答之

部復查有成化二十三年舊規本監乃與南京翰林院公同撰

述八年改國子監祭酒為人坦直未嘗欵怨北監諸生愛戴之

十一年尋陞禮部右侍郎十二年轉左侍郎十六年以議大禮

調南京禮部左侍郎嘉靖元年丁憂卒贈禮部尚書詳南京禮

國朝列卿紀

卷之四十四

四十二

胡守志

顧清字士廉直隸松江府華亭縣人生而穎異九歲從友蘭張

先生受小學過目成誦繼受詩於涇府長史怡菴任先生一見

即奇之字以甥女 十五謁張莊簡公公以元老負重望即衣

冠出見退語人曰大器也弱冠遊縣庠與錢太史鶴灘先生福

沈惟馨先生悅交最厚奮志於學鑽研討論廣閱羣籍而業日

進三人者藝皆頡頏而清獨以沈實識者占其遠到尤為督學

司馬公聖所器重每期以公輔家本儒素值歲稔有常情所不

堪者而清安貧固守有富家欲結納清書座右曰毋徇物而為

所溺毋徇物而為所乘自少立志已如此四試不利而不少判

弘治壬子吳郡王文恪公主南畿試事閱清文曰昔歐陽子謂

當讓蘇子瞻一頭地斯人也我固當讓矣遂薦為第十輿論允
愜明年癸丑長沙李文正公主會試名第二廷試吳文肅公為
掌卷官或欲導公往見清辭曰昔人所謂呈身者吾愧之竟不
往洎吳得清卷極力贊美以 九重字失提寅二甲第一改翰
林庶吉士讀書 中秘時傳文穆公與李文正公宗伯程公敏
政皆負文章重名慎許可公每試必在甲乙亟加歎賞清與同
年毛文簡公澄羅文莊公欽順汪宗伯俊四人每以名節自相
砥礪十月授編修與修 大明會典丙辰己未連同考試稱得
人戊午秩滿進文林郎癸亥正月丁內艱三月以會典成進侍
讀正德初還朝與修 孝廟實錄書妖人李孜省事焦公芳與

國朝列卿紀 卷之四十四 四十四 對文談 四百九十九

彭文思公有隙欲誣其附以得進貽公以風聞書清云據實直
書吏職也他不敢與聞焦不能強中官蔣琮誣逐臺諫涉歷既
次章疏雜沓時逆瑾方熾僉與觸其黨莫敢涉筆清潛披精核
盡載其實有嫌而欲節畧者清不為動亦卯王南畿鄉試尋充
經筵講官前後進講義必稽古兼規諷時政辭旨剴直多所裨益
逆瑾竊柄朝士多屈意與交清抗不為禮鄉人張文憲用事附
和者皆至羨官清絕不與通有言清請刺即高位可致清
叱曰吾足可輕動乎且吾但知做吾官而已邊知其他處辰十
月丁外艱己巳五月實錄成例當進秩瑾術諸翰林素不加禮
因矯 詔追論會典事以不諳政事為名降編修尋調南宮其

部車駕司員外會慶不赴庚午八月瑾誅還侍讀辛未五月陞
侍讀學士兼修玉牒甲戌主武舉考試乙亥掌院 詔同內閣
輔臣照例考察上疏辭免不允九月有文綺之 賜十一年丙
子四月秩滿進奉直大夫尋陞詹事府少詹事兼翰林院學士
充經筵日講官丁丑主考會試防範嚴肅校文崇雅黜浮得士
為盛奉 命教庶吉士陶鎔造就一時出門下者若江右舒芬
南廣倫以訓建康陳沂貴溪汪佃關中馬文簡汝驥至今稱為
一代名流又嘗教內書堂不結生徒不使與子弟相接常曰此
輩如穢物遠之猶恐其汚況近之也餘姚謝文正公每稱其臨
事有守以此時 儲位尚虛公疏請預定不報 武宗數巡幸

國朝列卿紀 卷之四十四 四十五 王卷

公屢疏請回鑾言甚切是歲六月陞禮部右侍郎與宗伯毛文
簡公協心秉正會 郊祀且迫而駕猶未還清草疏數百言上
之 上亦為感動秩滿進階通議大夫贈及再世如其官蔭一
孫入監讀書宸濠既獲 武宗駐蹕通州江彬在側人情洶洶
內閣會議疏請班師辛巳 武宗崩 世廟入繼大統復會議
迎 駕冊立勸進 頒詔易服臨喪諸吉凶大禮清援古證今
折中羣言時以清所議為得體從清居多有忌清欲傾之者嫉
臺諫撫他人事誣清不根特甚眾論驚然內閣亦持之不下而
清從容鎮靜因 詔例自引退無少濡滯一時皆為清不平王
文恪公方家居因作風聞論以雪之論一出而輿論益定於是

南北臺諫程英朱洗等四十餘人并撫巡各上章論薦 上乃起清南京禮部右侍郎清既歸自喜甚適絕意仕進不謂復有簡命不得已之任兩疏乞歸不允歸志已决疏益懇是秋得俞旨有歷事 先朝講讀年久多効勤勞既病篤懇辭陞南京禮部尚書致仕先是清以進 徽號賀表上京師至東昌閣 命有勸清謀以代進者清曰清被 皇上渥恩得遂私請今一事不終豈人臣之義乎時已力疾猶云縱不能覲 天顏得一拜關門為幸抵德州興疾而進卒於河間府瀛海驛戊子閏十月二十九日也得壽六十有九清疾革時知府牛天麟問以家事曰無以問也吾表安在謹護之牛深歎其忠勤始終敬畏不亂

國朝列卿紀

卷之四十四

四十六

陶紹

賈詠字鳴和河南臨潁縣人弘治丙辰進士改庶吉士授編修充 經筵講官正德四年為纂修事忤逆瑾改兵部武選司主事五年遷禮部祠祭司員外郎瑾誅還編修六年遷左春坊左中允九年轉侍講學士掌南京翰林院十一年拜南京國子監祭酒十三年改北監祭酒以父樂菴年九十有五便道歸壽頤人榮之隨丁父憂十六年服除 世廟登極擢禮部左侍郎奉命詣承天上 獻皇帝尊號賜白金文綺嘉靖二年改吏部詳內閣

注俊詳尚書正德十六年任右

劉龍字

山西潞安府襄垣縣人弘治己未探花 廷對勸

上崇敬畏傲逸愆獎忠斥佞建中和之極為禮樂之本使政出於一而達之天下擢編修進修撰正德 年忤逆瑾出為兵部職方司主事五年陞吏部考功員外郎持正不苟本年復修撰十一年陞侍講學士十五年改侍讀學士嘉靖元年陞禮部右侍郎丁憂四年復除右尋轉左七年陞南京禮部尚書八年改南吏部十二年改南京兵部尚書所在砥節礪行不與世浮沉為講官講誠能動物章引黃河清為証勸 世廟謙以履盛約以持益感溢 天顏又抗疏論 太后廟見并集議弭災十事又條宜大邊務六事詳南京兵部

吳一鵬見尚書嘉靖元年右二年左

國朝列卿紀

卷之四十四

四十七

高尚武

朱希周嘉靖二年右陞南京吏部尚書詳南吏部
李時見尚書嘉靖三年右四年左本年丁憂
劉龍見前嘉靖四年右尋左七年陞南京禮部尚書歷吏部兵部
翟鑾嘉靖四年右六年遷吏部入閣
桂萼見尚書嘉靖六年右
方獻夫見尚書嘉靖六年右
徐縉嘉靖六年右七年遷吏部左侍郎
嚴嵩見尚書嘉靖七年右八年左十年陞吏部左
李時見前嘉靖八年左

何塘嘉靖八年右本年陞南院右都御史

湛若水嘉靖八年右十年左十二年陞南京禮部尚書

夏言見尚書嘉靖十年右

顧鼎臣嘉靖十年右十一年遷吏部歷內閣

席春嘉靖十一年右十二年遷吏部右侍郎

黃綰詳尚書嘉靖十二年左

黃宗明字誠甫浙江寧波府鄞縣人號致齋祖瑛為廬陵教諭

龔薛姓弗克復與祖母董夜坐悒悒言致齋時八歲聞自任誌

不忘迨登第正德甲戌歲也首疏復黃姓別為祠祀薛祖禮也

乙亥授南京武庫司主事已卯陞武選員外郎宸濠反上江防

國朝列卿紀

卷之四十四

四八

高尚武

三策上諫南巡疏 武宗幸南都百官服單甲衣以朝致齋約

言官面奏不宜服褻不果遂告病歸寶巖山中辛巳陞工部屯

田司郎中不起癸未補南京刑部四川河郎中時羅峯見草疏

議大禮百僚醜詆曰奸邪云奸邪云致齋獨曰繼統者三代通

制繼嗣者王莽敢議我 祖皇帝純法三代公侯伯軍職承襲

或弟繼兄或叔繼姪皆曰弟自姪不曰子公侯伯如是 天子

何獨不然乃附名於疏卒正大禮乙酉陞江西吉安府知府下

車首建白鷺洲書院以道德勗諸生次平巨寇次治奸吏次決

健訟又行清算法次行團甲法次修義倉行備荒法皆有條緒

丙戌轉福建鹽運司丁亥召修 明倫大典丁母夫人憂弗克

行已丑陞光祿寺卿輯光祿須知為疏以進疏畧曰 帝王謹

德供御飲食至為切近文曰 宗廟薦祭竭誠致報去奢止欲

養德養身不可不慎又曰乞為中制使祀有常式薦有常品膳

有常味賓 賜有常格多寡有常數食饒無所於利 上嘉焉

著為令又應 詔言四事一曰求才臣記 太祖高皇帝有曰

英雄作事焉有深仇當時屈用羣策奮死効力者皆對挺角逐

之徒 太祖惟不知仇是以坐享成功 陛下以君之尊有父

之親臨馭臣子今日有罪明日誅斥今日赦之明日用之誰敢

懷怨臣願赦過宥罪舉四方廢棄之人以充任使仍令京堂各

舉部屬二曰勵志令百姓饑餓四方告變獨 陛下憂形於色

國朝列卿紀

卷之四十四

四九

劉大

廟堂之上恒若無事民且相食盜賊滋生尚悠悠不圖伏願益

加兢惕使百官明知 陛下心傲於有位崇儉節用易曰其亡

其亡繫於苞桑三曰定計今富國者患至始慮事過即休譬之

貧民無終日之計自成化以前淮安州臨清德州通州倉有儲

積饑饉有備正德年來冗食者眾京儲糧少倉廩空竭宜擇大

臣發銀百萬委之操出納歛散之權制四方盈歉之數專實淮

徐濟臨德通荒田可屯者屯之法敝壞者便宜區處期之數年

安邊足用之長策視今日相遠萬萬也四曰責任近日中外臣

工更代不常違眾獨立者多不理於口功將就緒事從中沮以

數月積累之勞墮廢於一旦願久任以責成功不為遙制不求

速效不以一事之失遂棄不以一人之言遽疑俾無畏忌而盡其材皆切時弊壬辰陞兵部右侍郎編修楊名言事下獄又疏論救因出叅閩省政癸巳冬 特召補禮部右侍郎乙未轉左侍郎丙申冬十一月卒于位

國朝列卿紀

卷之四十四

五

國朝列卿紀卷之四十四終

國朝列卿紀卷之四十五

南京禮部侍郎年表

師達 山東東阿人監生永樂二十年以吏部右侍郎署印

胡濬 南直武進人進士

吳廷用 福建政和人進士宣德九年任左理部事正統元年丁憂

陳璉 廣東東莞人鄉舉正統元年任左掌部事五年致仕

吾紳 浙江開化人進士正統五年任右六年卒于官

趙新 浙江富陽人鄉舉正統六年由南京吏部右侍郎改本部掌印

金問 南直吳縣人以楷書薦正統九年任右掌部事十二年卒于官

杜寧 浙江天台人進士正統十四年任右

國朝列卿紀 卷之四十五

姚夔 浙江桐廬人進士景泰三年任右

龔永吉 浙江義烏人鄉舉天順元年任右本年調南京大理寺卿

許彬 山東寧陽人進士歷內閣禮部右侍郎兼學士天順元年調任右本年降陝西參政

章綸 浙江樂清人進士天順元年任右四年改南吏右

廖莊 江西吉水人進士天順五年任右


俞綱 浙江嘉善人應天上元籍正統元年由生員舉天順七年任左成化三年致仕

倪謙 詳本部尚書成化三年任右四年劾免五年復任

章綸 詳前成化五年任左十年丁憂十二年致仕卒贈南禮尚書諡恭毅

李本 詳本部尚書成化十二年任右十三年掌部事

尹直 江西泰和人進士成化二十年任左



儀	直隸雄縣人進士成化二十二年任右
萬	四川眉州人進士成化二十三年署本部事
徐	江西金谿人進士弘治三年任右
董	江西寧都人進士弘治六年任右
李	直隸常熟縣人進士弘治十三年任右
馬廷用	四川西充人進士弘治十五年任右正德四年致仕卒贈南禮尚書
劉	見本部尚書正德二年任左
王	山東濱州人進士正德四年任右本年調都察院右副都御史巡撫大同
常	浙江嘉善人進士正德四年任右六年降山西參政尋閑住
吳	詳本部尚書正德六年任右
國朝列卿紀 卷之四十五	
楊	福建建安人進士正德七年任右
楊	詳本部尚書正德十年任右
王	浙江永嘉人進士歷禮部左正德十六年調南京禮部左嘉靖元年丁憂卒贈禮部尚書
汪	江西弋陽人進士嘉靖元年任右
劉	四川內江人進士嘉靖二年任右三年致仕卒贈南京禮部尚書
趙	南直臨淮人長陵衛籍進士嘉靖三年任右六年致仕
顧	詳本部尚書嘉靖六年由禮部右侍郎閑任起右
黃	浙江黃巖人官生嘉靖八年任右
林文俊	福建莆田人進士嘉靖十三年任右
費	江西鉛山人進士嘉靖十四年任右

呂	陝西高陵人狀元嘉靖十五年任右十八年致仕
崔	河南安陽人進士嘉靖十八年任右二十年致仕卒贈南京禮部尚書諡文敏
崔	南直海門人正德丁丑進士嘉靖二十年任右二十一年丁憂
徐	南直武進人弘治壬戌進士嘉靖二十一年任右
康	福建莆田人嘉靖乙未進士三十三年任右
林廷機	福建閩縣人嘉靖乙未進士四十年任右
裴	山西澤州人嘉靖辛丑進士四十二年任右
陳	浙江餘姚人嘉靖辛丑進士四十年任左丁憂隆慶元年起任左卒
呂調陽	廣西臨桂人嘉靖庚戌進士隆慶元年任右二年改北
孫	浙江餘姚人嘉靖癸丑進士隆慶四年任右
國朝列卿紀 卷之四十五	
萬	江西進賢人嘉靖癸丑進士隆慶五年任右掌國子監事
汪	浙江鄞縣人嘉靖丁未進士隆慶六年任右改北掌國子監
萬	直隸宜興人嘉靖辛丑進士隆慶六年任右左掌南監
董	直隸上海人嘉靖庚戌進士萬曆元年任右
殷	南京留守右衛人嘉靖辛丑進士萬曆二年任
羅	浙江會稽人隆慶戊辰狀元萬曆十二年以國子監祭酒陞任十四年丁憂
韓	直隸長洲人隆慶戊辰進士萬曆十四年任十五年丁憂
李	四川富順人嘉靖庚辰進士萬曆十六年由南工部改任
趙	直隸常熟縣人隆慶辛未進士萬曆七年由南祭酒陞任十八年改北
劉	直隸任丘人隆慶辛未進士萬曆十八年由國子祭酒陞任

南京禮部侍郎行實

師達字九達山東兗州府東阿縣人由縣學貢入國子生洪武二十五年擢監察御史革除中陞陝西按察使丁母憂去壬午召為兵部右侍郎轉吏部右侍郎永樂四年營北京宮殿命採木湖廣七年征虜命達總督餽運建議請軍量其程置堡使更遞轉輸則民不困乏而軍得足食從之十四年命督修漢府二十年命署南京禮部事二十二年陞南京戶部尚書詳南京戶部

胡淡字源潔直隸武進人洪武庚辰進士授兵科給事中尋遷右給事中永樂改元秋以奏對稱旨遷戶科都給事中丁亥

國朝列卿紀

卷之四十五

四

四百里

上察近侍中特淡老實可託遂命巡遊天下以訪異人為名實察人心向背丙申秋還朝丁內艱乞終制不允特陞禮部侍郎吏部奏禮部左右侍郎俱缺遂遷左侍郎十六年往巡江浙諸郡授嘉議大夫癸卯復自均襄還朝車駕駐蹕宣府馳謁行在上慰勞之曰卿驅馳良苦賜坐與說凡所歷山川道里郡邑豐盛民情休戚以至所聞所見保國安民之事悉為陳說上忻然納之向所疑慮者至是皆釋然比退漏下四鼓仁宗嗣位特賜誥命授正議大夫資治尹已而聞有密疏疑之乃轉太子賓客兼國子祭酒之官南京未幾閱章奏見所上密疏深嘉其忠方議重用之而龍馭上賓宣宗即位復禮部左侍郎兼職如

故洪熙乙巳冬自南京來朝上素重之及入見顧問良久即畱任行在禮部宣德改元春進尚書詳禮部

吳廷用字福建建寧府政和縣人永樂甲申進士授戶科給事中與修性理四書大全等書二十二年陞雲南僉事陞辭乞歸省親上曰爾居侍從幾二十年謹厚小心宜在朕左右

洪熙元年以內閣楊榮薦陞行在刑部右侍郎而令歸省在任不能持正阿比權勢時大理少卿戈謙言事過直廷用與呂震

吳中劉觀交奏其賣直沽名上後知之鄙其阿徇宣德九年陞行在禮部左侍郎理畱都禮部事正統元年歸省丁憂卒於家性通敏有幹才但阿徇為清議所薄云爾

國朝列卿紀

卷之四十五

五

張文

陳璉字廷器廣東廣州府東莞縣人自幼聰敏喜學從邑庠訓導黃先生勸受書經學成領薦會試不偶入太學選為桂林府學教授嚴條約以身先之時有詔武臣子弟皆就學公日進諸生講聖賢之道所謂忠孝仁義之說必使身體而力行之諸生雖文武不同莫不皆有所得都督韓觀總兵鎮守廣西猛悍不下士聞其教心悅誠服每以儒師加禮秩滿陞國子助教永樂初近臣言璉有治才不宜置之散地召試在優等擢知許州始至人以儒者易之及璉少有警發眾悚懼乃更以寬厚寧民未幾代還改滁州均徭賦時征斂禁奸戢暴民用太和太宗皇帝巡幸北京所過先遣廷臣察吏治問民隱治有異效者加

事四朝敷歷中外始終幾四十年清白一心守正不阿陞黜遷改不矜寵辱秉禮不煩持法公恕政務之集雖杯酒笑談之中灑灑落落不費措置故兩京縉紳皆重之六年秋紳新奉朝命主祀先師孔子未幾日而得疾遂不起年五十九

趙新字日新浙江杭州府富陽縣人永樂乙酉領浙江鄉薦入

國子監永樂十一年十月與脩永樂大典除工部屯田司主事

二十一年陞吏部稽勳司郎中宣德五年江西稅糧通負尚書

蹇義薦新為吏部侍郎奉勅巡撫江西討平蠻寇新察吏治

詢民瘼又議以漕淮之舟順載江西之粟兵農兩利其他耕獲

以時征斂立約運輸簡便浮費盡蠲少師楊文貞文敏等各賦

國朝列卿紀

卷之四十五

八

田文

詩記贈正統四年調南京吏部六年調南京禮部右侍郎時尚

書省革新掌部事一切禮文學校俱裁處有方詳淮南巡撫

金問字公疏直隸蘇州府吳縣人受易俞木家貧無書從人

借讀無不通解永樂二年被薦為司經局正字十二年官僚多

得罪問亦坐繫獄十年非義相餽皆不受時黃淮楊溥同坐繫

三人相得甚懽省躬念咎之暇各持一經講論曰此處愛惠之

道也洪熙初釋繫命待詔思善門制授翰林修撰備顧問論

時政之得失悉見獎納元年陞侍講學士宣德十年擢太常寺

少卿兼翰林侍讀學士正統九年調南京禮部右侍郎十二年

卒於官問文行敦茂義聞流著平生閱復否泰相尋而不變所

撰製述雅健精采燁然善書律魏晉筆法星曆之學尤精然未嘗以語人有集若干卷

縣箚所探云吾鄉禮部侍郎金公問在仁廟時常賜歐陽居

士集二十本寶藏之既而所居不戒於火公忘護持已失八本

後宣廟在文華殿公被顧問因從容言賜書事宣廟促令

內侍為補之踰數日得賜八本雖紙色不同而兩朝恩賜復

歸於完蓋殊遇也

杜寧字浙江台州天台縣人宣德丁未進士第二授翰林

編修正統三年陞侍講十四年命主考會試時岳正卷被同考

誤寘落卷寧見之曰此我輩中人遂擢第一及廷試賜進士及

國朝列卿紀

卷之四十五

九

鄭和

第後入闈以直節振世人服其有知人之明十四年陞南京禮

部右侍郎景泰元年改南京兵部右侍郎餘詳南京兵部

姚夔字大章浙江嚴州府桐廬縣人正統壬戌進士擢吏科給

事中歷南京刑部右侍郎景泰三年改南京禮部奉勅考察

雲南官吏黜陟允當四年還朝遂留禮部天順丁丑英宗

復位石亨輩竊弄威權勢焰可畏夔視之如常亨憾其不附已

乘間調夔南京禮部英宗素知夔為人且聞正月立儲之議

未幾驛召至京賜二品服轉禮部左侍郎詳吏部

夔永吉字天民浙江金華府義烏人叔安戶科給事中永吉三

歲失怙母夫人躬鞠育之見其秀異私喜謂襲有後祖母傅氏

亦鍾愛之甫七歲遣就外傳以次就小學四書九經讀之輒成誦諳悟大義言動進止如老成人識者咸謂其器度凝遠成童選充邑庠弟子貢業春秋夙夜研究得筆削褒貶之旨兼通諸子百家善楷書得鍾王妙法文章為本於程朱布帛菽粟之意絕去穿鑿附會之說朋輩多讓之領庚子浙闈鄉薦會試中乙榜不就入太學學行重六館宣德丙午夏四月授兵部職方司主事清慎有政聲秋八月扈駕征樂安二年丁未春會試掌卷三年戊申夏六月司內外武官 誥勅詹黃事竣 賜布絹楮幣有差五年冬十一月有湖廣調軍之役檄往治帖然眾服兵部尚書王驥極口稱賞以為得人六年辛亥夏聞祖母夫人

國朝列卿紀 卷之四十五 十 四百八十一

訃歸承重守制起復十年乙卯春二月 英宗皇帝登極 賜白金絹幣有差正統改元丙辰春二月陞武選司郎中秋九月被誣謫戍平涼皆抱不平吉處之裕如也二年丁巳春二月鞏虜犯邊 朝廷用人禦侮兵部尚書王公薦其可用 詔驛取之時副總兵都督趙安兵部侍郎柴車奉 命將兵出涼州而以永吉為佐軍行過海子赤林渡流沙抵鉄門關逐北戰捷執馘而還其籌策居多夏六月復職當在平涼時母夫人傅氏歿於家逾三年弗及丁憂既復職乃以其事 聞欲還終喪事不許九年甲子 詔靖遠伯兼兵部尚書王公驥南討麓川緬甸西巡延綏寧夏莊涼甘肅等處而以吉為佐其所歷遠近險場

關隘無不周知且便宜行事其才益著智勇之士見之莫不服讓既奏功衆多靖遠之知人十年乙丑秋奏還祭掃 賜幣楮二千貫十四年巳巳夏五月 詔靖遠伯將兵往麓川緬甸孟養等處征勦苗蠻經畫一委於永吉運籌決勝參贊惟勤用是負固不服者莫不望風降附班師還京論功行賞其勞為多冬十月擢大理寺少卿景泰辛未夏四月 賜誥命中順大夫天順改元春三月陞兵部右侍郎是年六月轉南京禮部秋八月調南京大理寺卿成化二年致仕見南京大理寺許彬山東兗州府寧陽縣人永樂乙未進士天順元年入閣後調南京禮部侍郎謫陝西叅政詳內閣

國朝列卿紀 卷之四十五 十一 四百七十二

章綸字大經浙江温州府樂清縣人中正統戊午鄉薦明年會試第三人廷試賜進士出身授南京禮部主事景泰元年陞禮部儀制司郎中適國家多故綸知無不言言無不盡首稱增會試取士額次言太平十六事累數千言俱准擬行北虜也先索使通好綸言宜暫結來往之盟以待天時人事之宜 車駕欲幸大隆福寺綸言以 萬乘之尊臨異端之地傳之後世誠非美事又因災異請下詔求致災之由上示撤樂減膳之敬下推捐俸救荒之仁節濫賜之費罷補官之俸慎差遣之擾備義倉汰僧徒諸事皆剴切初景泰元年 英宗皇帝歸自北狩尊為太上皇別居南宮 憲宗巳在儲位又明年乃易 兩宮疎隔嫌

隙滋萌災異薦臻人心恐懼無敢以言者綸特陳修德弭災十
 四事一畏天戒二任燮理三養 聖躬四節幸御五務儉約六
 勤論政七惇孝義八慎賞賚九重名爵十草巡撫十一擇重臣
 十二辨異端十三却貢獻十四汰冗員其畏天戒大意謂內臣
 不可干外政佞臣不可假威福後宮不宜盛聲色凡為陰盛之
 類請悉革罷其惇孝義則謂 上聖皇太后為天下母受天下
 養可謂尊之至矣然必躬修視膳問安之禮乃盡尊養之誠
 太上皇帝君臨天下十有四年 陛下向嘗親受冊封為臣子是
 天下之父也至是以天位授 陛下尊為 太上皇是天下之
 至尊也每月朔望及歲時節日宜率羣臣朝見於延安門以極
 國朝列卿紀 卷之四十五 十二

尊崇之道又復舊 皇后於中宮以正天下之母儀復舊
 儲於東宮以定天下之大本如此則倫誼篤而和氣充天意自
 回災異自弭矣疏上 陛下錦衣衛獄刑逼誣引大臣并
 南宮通謀榜掠酷體無完膚演訟者數卒無一語及他惟御史
 鍾同先嘗有言故并逮之俱欲重坐會天大風雨黃氣四塞刑
 乃少緩明年秋大理寺少卿廖莊入 朝亦以嘗請復儲杖於
 闕廷因命杖與同至百同死綸絕復生禁錮愈嚴綸了無懣
 悔意越二載 英宗復登寶位 憲宗還正儲宮首錄綸忠出
 之獄嘉嘆良深遂陞禮部右侍郎一時自玉公而下至里兒巷
 婦皆嘖嘖歎頌不容口曰天祐忠義何若是其較然也其後佐

禮部益侃侃不回天順二年山東水災守臣請蠲租未允綸為
 請得減其半宗室有被火盜乞賑卹該司沮以無例綸言 朝
 廷重親親宜出特恩遂賜金五百兩會南京禮部缺卿佐石亨
 楊善思綸陽薦於 上實疎之也 上面論曰根本重地非卿
 不可事有當言具以來聞 賜白金二十兩文綺二表裏以行
 四年調南京吏部八年 憲宗嗣位有司奉 遺詔百日外請
 行大婚禮綸言山陵尚新元朔未改百日從吉心實不安釋服
 公除在前代固有常例諒陰婚娶於今日不忍隨宜乞 特論
 禮部來春舉行時雖迂其言識者韙之成化紀元又陳救荒四
 事四年奉 詔考察南京官吏與都御史高明議不協遂劾之
 國朝列卿紀 卷之四十五 十三

并斥御史部屬數十人五年以星變求退位不許尋陞南京禮
 部左侍郎六年告歸展省逾歲還任丁母夫人包氏憂將起復
 遂乞休致 上許之家居創祀先祠及校定時祀拜謁儀節居
 家雜儀為子孫規宅西構重居以皮圖籍日坐其上觀書覽勝
 東構小軒假嶼西泉石時從賓客觴咏其中給事常得拜慶稱
 壽姻戚咸集綸極飲大醉歌吟笑呼甚樂也十九年以疾終先
 是宅前山岩崩摧聲振谷綸嘆曰吾其當之歟至是果然卒贈
 南京禮部尚書諡恭毅

學士尹直云正統之末 社稷非 景帝未知如何一時安攘
 之功卓矣所不超者易儲一事耳使當時廷臣有能直諫以身

狗之則儲未必易後有繼綸連章僉評必從乃已則可必復正
月十七日之變亦何自有萌奈何獨綸憤發一言遂罹毒豈
意生全復躋顯位以功名考終而榮及後人忠義之報何如哉
蓋綸孝友朴淳剛方坦易學問浹洽遇事敢言然皆正教大體
匪訐匪誣厥後 景帝拒絕間言全護 兩宮其亦終有悟於
綸之言也夫彼棘蠅市虎權鷹奸大之輩徒猥瑣細故而於宗
社安危綱常淪斃略不語及者皆綸之罪人也漢汲長孺之剛
直宋魯宗道之骨鯁杜祁公之勁氣直節以綸方之亦奚覩哉
春秋有大美惡不厭其詞重復肆余於綸忠讜始終言之其他
如文與行有過人者皆可略

國朝列卿紀

卷之四十五

十四

石金

尚書謝鐸誌云初御史鍾同亦上言令諸司各陳所以致災者
因以復儲事諷禮部老臣 縮不敢對曰作死作死公疏方
具奮曰我復不言誰當言者遂言之至是并逮同天順初首詔
釋公檢公疏無所得內臣有能舉以誦者 上擊節嘆賞鐸成
化初被旨入檢 先皇帝實錄見公景泰中論復儲下獄事輒
嘆息泣下曰公疏動萬言而一不之載何以示天下後世亟持
以告總裁官學士劉文安公公曰諸臣奏疏凡留中者例不得
書鐸曰天下事孰有大於此者此而不書將奚書公盍上其事
增入之公憮然曰業已成無益也鐸至今未嘗不以爲恨
侍郎儲確云景泰壬申 茂陵徙封沂王公特爲禮部郎中履

進言不恤至復儲事尤剴切當是時元臣故老猶多在位喋無
一語獨公以死爭 帝恣寘公獄瀆死或者謂 帝意他有所
在故罪公特甚是蓋不然公所言觸犯忌諱者多矣 帝於此
特遲留不即處分耳懷愍既薨 帝繼未有嗣舍故太子不立
而誰立乎此理勢之必然者異時 茂陵首詔復帝舊號且追
當時權臣不已 帝之意至是益彰矣嗚呼公之言惜不盡用
也使早用之 兩宮既睦羣志翕然定之豈有他日多故哉天
下事安危倚伏蓋相因特無人先言之并聽之者爾幸亦有言
者而君子獨小人衆又罔以共厥功覽公之傳益壯其事而悲
其意後世考公論列者尚知所繫之大如此云

國朝列卿紀

卷之四十五

十五

王錦

尚書邵二泉云寶嘗論名臣於正統景泰間劉忠愍敦君臣之
大義章恭毅明國家之大紀于肅愍建社稷之大功皆所謂願
爲執鞭而不可得者
廖莊字安止江西吉安府吉水縣人宣德五年進士八年選工
科給事中十年擢刑科給事中正統六年陝右饑 命往賑之
率以便宜從事賴以全活甚衆比還多所建白八年大理寺官
屬悉以事坐累命署寺事逾月權南京大理寺左寺丞十一年
陞南京大理寺左少卿景泰五年上疏請朝謁南宮及加恩禮
於 憲廟大意謂 上皇臨居南內問安侍養大聞曠闕且
上皇之子猶子也宜令親近儒臣講明經義輔成德器而端 國

家之本以係天下之心由是忤 旨留中不出明年丁母憂入見 命擬於廷幾死明日謫河州定羌驛丞與曳就道天順元年 英宗復位自定羌驛丞召還為大理寺左少卿時母服未闋聞外艱以情自陳 命賜祭營葬蓋特賜也服闋請調南京大理寺五年陞南京禮部右侍郎七年調南京刑部詳刑部 俞綱字宗立浙江嘉興府嘉興縣人寓籍上元為諸生改隸順天正統元年舉楷書修 宣廟實錄三年授中書舍人六年 邸王受封簡輔導 詔綱侍講歷審理正為人和愿縝密無疾言 遽色稱為長厚君子十四年 邸王即位九月以輔導恩陞太僕寺卿十二月進兵部右侍郎入內閣元年侍經筵三月命出 國朝列卿紀 卷之四十五 十六 孫奉

理部事景泰二年陞兵部左侍郎雖戎務非其所諳以于少保 掌部綱亦謹身率職三年易儲加太子少保仍兼原職天順元 年調南京戶部左侍郎六月改南京兵部七年改南京禮部左 侍郎掌部事成化三年致仕

倪謙詳本部尚書成化三年任本部右侍郎四年劾免五年復 任

李本詳本部尚書成化十二年任本部右侍郎十三年掌部事 尹直江西泰和人景泰甲戌進士成化二十年任禮部左侍郎 後入閣詳內閣

侯瓚字奉璋直隸保定府雄縣人景泰甲戌進士授戶部主事

天順中陞戶部員外郎成化二年陞鳳翔知府八年陞山西右 叅政十七年陞光祿寺卿二十一年陞巡撫甘肅會都二十二 年歷兵部右侍郎本年改南京禮部右侍郎在任未有顯績而 朴直坦夷亦無他腸二十三年改南京戶部右侍郎歷南京工 兵二部尚書詳南京兵部

萬翼字 四川眉州人內閣少師安之子也天順丁丑進士 由禮部儀制司主事成化十年任南京右通政累官南京兵部 右侍郎成化二十三年掌南京禮部事詳南京兵部

徐瓊字時庸號東谷江西金谿縣人天順丁丑進士及第第二 名授翰林院編修明年戊寅與修大明一統志五年志成蒙賞 國朝列卿紀 卷之四十五 十七 甘文

齊尋丁憂八年起復補編修會 憲宗御極興修 英宗實錄 成化三年丁亥實錄成以纂修校正功陞侍讀尋典應天鄉試 十三年秩滿陞南京翰林院侍讀學士掌院事二十三年南京 國子監缺祭酒以年勞陞南京太常寺卿掌國子監事待諸生 以恩義但在監時無所建明人以行宦少之弘治壬午陞南京 禮部右侍郎值黎文僖公淳為尚書同年及第又同官留務清 簡朝夕切劘以題咏相賡酬六年召為禮部左侍郎詳禮部 董越字尚矩江西贛州府寧都縣人成化己丑進士及第第二 授編修十五年轉侍讀甲辰二十年選侍 東宮講讀充經筵 講官弘治改元遷右庶子兼侍讀 孝宗登極詔使朝鮮宣布

德意部其饋遺有賦以紀其國弘治三年預修憲廟實錄成

陞太常寺少卿兼侍讀學士充日講官六年擢南京禮部右侍

郎十二年陞南京工部尚書詳南京工部

李傑字世賢直隸蘇州府常熟縣人成化丙戌進士選庶吉士

授編修十三年轉侍讀乙巳充東宮講讀官遷侍讀學士弘

治元年遷左庶子仍兼前職辛亥陞南京國子監祭酒守制八

年服闋改太常寺卿兼侍讀學士掌院事庚申擢南京禮部右

侍郎正德十五年改禮部右侍郎詳禮部

馬廷用字良佐四川順慶府西充人由鄉舉入胥監大學士丘

濬時為祭酒季試諸生太加稱賞名遂大振登成化戊戌進士

國朝列卿紀 卷之四十五 十八 廿文 四百四

改庶吉士授編修丁未轉侍讀充經筵官弘治乙卯典順天鄉

試預修大明會典丁巳遷侍讀學士掌南京翰林院事十五

年陞南京禮部右侍郎正德四年致仕卒贈南京禮部尚書廷

用敦朴樂易所在輒介臨事能斷在南京嘗攝戶部會江北大

饑流民渡江就食者相屬獨持議糶粟不俟奏請所全活甚眾

外守備官與太常議不合判數語立決為詩文亦華贍久居散

地勇于求退士論多之

劉忠見本部尚書正德二年任本部侍郎

王綸字 山東濟南府濱州人成化丁未進士正德四年任

本部右侍郎本年調都察院右副都御史巡撫大同詳大同巡

撫 常麟字 浙江嘉興府嘉興縣人成化辛丑進士授兵部主

事歷員外郎郎中弘治十三年陞河南右叅政十四年陞

右布政使正德四年陞應天府府尹本年陞南京禮部右侍郎

居官無善政以附權陞遷六年降山西右叅政尋令致仕

吳儼詳本部尚書正德六年任本部右侍郎

楊旦字晉叔福建建寧府建安縣人弘治庚戌登進士授吏部

驗封司主事即見重於太宰三原王公恕丙辰陞考功司員外

郎已未陞稽勳司郎中辛酉轉考功風采剛方品藻精確兩兼

述職之衡黜陟惟允甲子陞太僕寺少卿乙丑改太常寺正德

國朝列卿紀 卷之四十五 十九 張十

丙寅乞 恩歸省蒙路費寶鑑之賜丁卯起復逆瑾欲一覲見

卒不見遂以違限例出知於溫務極奸藜治之不遺力郡以大

治庚午起為浙江副使督學政校士允愜公議若板寧波生員

余本竟廷試及第至今浙江士夫猶服其精鑒辛未起為應天

府丞尋進尹順天順天素號繁劇難治治竟就緒壬申陞南京

禮部右侍郎嘗攝國子監事士心歸之時 武宗在位已十餘

年矣而 皇儲未建乃與司馬經川張公濂宗伯白岩喬公序

議請擇 宗室之賢者育于宮中以繫天心公忻然會九卿

具疏以請 上雖不果行人稱其忠尋轉禮部右侍郎掌太常

寺事累官吏部尚書詳吏部

楊廉詳本部尚書正德十年任本部右侍郎

王瓚字思獻浙江温州府永嘉縣人博學雄文下筆數千言不

滯弘治丙辰進士第二授翰林院編修十二年丁憂十六年補

原職正德二年陞本院侍讀三年陞國子監司業五年陞南京

國子監祭酒六年南京禮部移文本監撰述慶賀皇上尊

慈聖康壽太皇太后慈壽皇太后表文瓚以非奉旨意不敢

撰述答之部復查有成化二十三年舊規本監乃與南京翰林

院公同撰述八年改國子監祭酒為人坦直未嘗歛怨北監諸

生愛戴之十一年陞禮部右侍郎十二年陞禮部左侍郎十六

年以議大禮調南京禮部左侍郎嘉靖元年丁憂卒贈禮部尚

書 國朝列卿紀 卷之四十五 二十

汪偉字器之江西廣信府弋陽縣人禮部尚書汪俊弟也弘治

丙辰進士改庶吉士十一年授翰林院檢討十二年丁憂十六

年補原職正德四年補南京禮部儀制司主事本年丁憂八年

補檢討本年陞南京國子監司業十二年陞祭酒嘉靖元年陞

南京禮部右侍郎二年改南京吏部右侍郎三年改禮部未任

遷吏部右侍郎詳吏部

劉瑞字德符四川成都府內江縣人生而穎異十歲能詩文父

時徵歷山西僉事鍾愛之為作五清書舍期以聖賢之學因號

五清主人云時山東提學楊公瑯嘗集諸同寮于試之特許其

不凡未幾僉事公卒貧無以為飲寮索賻之適克西還應成化

丙午鄉試初擬發解監臨官以其儒士實第六速揭榜設宴禮

之與解元等人傳丙午六魁云舉丙辰進士讀書翰林三載授

檢討弘治己未清寧宮災下詔求言上疏論彌災之端有

人曰崇實德親儒臣嚴近習全孝思旌直言勵士風畏小民御

戎狄疏入孝宗嘉納所論直言如副使楊茂元郎中王雲鳳

雖已貶謫遂不次遷擢瑞之力也庚申北虜犯邊復上疏云虜

人有必勝之機而我師無可當之勢宜下求才之詔作賞罰

之權別用人之等定戰守之計時論韙之是歲重修闕里廟成

詔故少師西崖李公祭告因獻議欲更定先師封謚卒不果行壬

國朝列卿紀 卷之四十五 王

戊同考會試所取多名士楊果何景明其尤著者與修通鑑纂

要充經筵官有白金緡鈔之賜又嘗分獻大學皆殊遇也正德

丙寅武宗即位上疏乞端治本以光繼述一曰隆孝德二曰

求聖學三曰勤宣召四曰嚴責任五曰擢名望六曰明賞罰七

曰抑僥倖八曰絕異端九曰禁澆俗名望如祭酒章公懋更侍

王公整都憲林公俊雍公泰皆先後起用從其言也丁卯逆豎

劉瑾擅權亂政毒虐縉紳嘗言事者咸得罪瑞知不免即上章

謝病既出京之明日瑾矯詔斥大學士劉公健而下賢士大

夫凡五十三人為朋黨勒令致仕瑞與焉瑞聞之恬然恐驚母

田淑人不敢告既而田淑人知之曰而母以吾老為憂瑞奉母

行沿浙江沂鄱湖風逆幾覆舟亟以肩輿載母隨陸途行渡長沙江暮雨憇油草舖無從者假與人糧侍母達旦作油草歌歎已之累艱也由常德至澧田淑人女兒卽南京兵部尚書李公充嗣之母在焉適歲暮峽險田淑人不欲歸遂依李公居之李公以田數畝助其養殮之資時逆瑾憾不已會都憲雍公忝忤瑾除名謂瑞嘗薦雍罰米二百石輸大同坐是益貧養親樂道裕如也時太和陳鳳梧視學湖南檄諸郡邑士子從講學四方聞風而來者甚衆臨江蔡潮繼提學因以州後閒舍更爲澧蘭書院延講授其中後鳳梧參政湖藩復檄辰守戴敏創崇正書院請主之荆辰之士多造焉壬申正月丁田淑人憂五月詔

國朝列卿紀 卷之四十五 五十一

起爲山西按察副使提督學政以制弗行服闋乙亥改浙江提學副使以復古明道爲己任其造士先德行而後文藝有一行者必旌以廩食若行檢虧缺文雖工必黜於是士知向風人文大振遂定冠婚喪祭鄉飲鄉射之儀著名宦鄉賢之祀教廟廷釋奠歌舞之節而風化丕變矣部使者交章薦之將有顯擢適寧藩不軌鎮守者潛通逆謀浙民洶洶與巡按暨藩伯共定捍守之策民恃以安已卯冬陞南京太僕寺少卿上疏乞休不允時寺卿他出瑞署寺馬政久弊檄屬郡戒培尅禁姦豪憫貧弱故有牧場在著令歲久侵于豪民瑞復之有盜鬻馬者抵之法馬政爲之一新辛巳 今上入繼大統又請致仕弗許是冬

遷南京光祿寺卿與中官雜處弊端百出瑞痛革之復上疏釐正其事請著爲令且疏薦屬官之廉能者三人於是中官斂手而屬吏人人思勵民有侵光祿錢久繫於獄者死將半產不足以償瑞憐之爲奏釋其未死者七人癸未四月進南京太常寺卿瑞爲神樂觀樂舞生未有代耕之資奏乞以道童例納銀者免其赴京以其銀畀樂舞生爲糧直從之八月進南京禮部侍郎是冬地震雷電雨雪交作甲申元日地再震水旱疫癘江南北人相食瑞憂之條六事以進曰多發帑藏曰嚴督漕賦曰督察賑濟曰修祭告曰謹戎備曰端大本言甚剴切云時 大禮議起大臣暨侍從臺諫部屬以辯諫下獄謫罷者殆數十人瑞

國朝列卿紀 卷之四十五 五十二

將率爾都九卿諍之或爲之危瑞曰吾備位大臣且禮官也不敢爲首領計遂草疏極論帝皇受命受終之道太宗小宗之義及漢唐宋以來入繼大統之典據經援史凡數千言時議禮生正論者凡九百餘疏惟瑞之言簡明深切 上雖未盡從而亦不之罪也其卒之日晨尚入部視事既退食於家俄而疾作入書齋端坐而逝享年六十有五性至孝登孤事田淑人孝敬備至旣歿哭踊幾絕哀毀踰禮歸葬經萬流驛遇風舟人錯愕瑞焚香籲天風卽止人以爲孝感所致忌日追奠尤極哀痛家廟時祭齋戒必誠牲醴必豐潔緘息一遵於禮宦遊數千里必載水庄以行蓋近世士夫所鮮及者其事君如事親隨事建白言

無不盡坐朋黨久廢氣不少挫其居官惟法是守有干謁者輒峻拒之聞族人物故必為位而哭持服視禮為隆殺嘗畜內弟及族兄仲奇之女皆為笄字如已出蜀有劉雄者嘗為校官以憂去服闋赴選部客死瘞貧不能歸為作書示沿途有力者引便是孤兒寡婦船語聞者感動發卒賴之初僉事公在刑部貸李姓者千金弗及償瑞訪李之妻倍數歸之不受後舉進士復訪得其子竟昇焉陸東臯歿家貧謁其墓為文哭之出俸金二鎰為其夫入墓具以米二十石給其家除生蕭惠澍水死瑞廩其父除人稱之遇物甚誠心口一致聞人之善好之不啻已出不學無行者疾之如讐以是寡合於人所契合者惟當代名公

國朝列卿紀 卷之四十五 二四

數人而世學以程朱為正脉以居敬存誠為本以窮理致知為要病世之以心學名者空自大而卒流於禪也故操存嚴密德器深厚平居無戲言情色雖退食必冠帶終日未嘗傾倚食無兼味衣無鮮綺尤寡嗜慾室無勝妻與汪淑人處相敬如賓學甚博積書數萬卷口誦手披無斯須廢至老而彌篤雖刑名度數邊情民隱靡不周知維痛絕佛老異端之說每遇 國有齋醮輒疏諫止其督學及在禮部禁約尤嚴作文以孟子史遷昌黎六一南豐為法詩宗漢魏李杜而其要必本諸六經不為浮靡險怪之說所著有續漢書改本重觀錄幼學稿數納稿禁垣奏稿澧蘭錄講習錄并雜文古今體詩若干卷藏於家

趙永字爾錫直隸高唐府臨淮縣人長陵衛軍籍寄養順天府學沉靜簡默博洽淵冲從大學士李文正學文正曰此子風骨不凡而造詣宏博遠到之才也登壬戌進士授翰林編修纂修實錄忤逆瑾欲左遷銓部疏動慎竟復職瑾終術之永裕如也辛未甲戌兩主會試文衡崇雅黜浮文體復古授侍讀轉春坊 太子右諭德充經筵講官奉 命主武舉 武廟南狩以居守有勞 賜金麟服陞國子監祭酒兼建師模嚴飭士習抑請託進廉節動遵矩範不阿權要海內嚮風翕然不變 世廟登極仍命直經筵兼日講官每進講必先焚香閉戶積誠滌慮以冀感通 駕幸太學賜坐講尚書大禹謨敷陳剴切進止雍

國朝列卿紀 卷之四十五 二五

容 上屢注目罷講 聖諭褒獎真目率諸生表謝 上賜勅及彩幣二襲仍賜宴寵異偶因疾在告 上念講官無直諫者遣鴻臚寺賞 旨至臥榻諭起供職承感恩流涕力疾入謝未幾復以言忤當路辭解日講轉南京禮部右侍郎尋攝部篆永修禮敦俗風化一新時內閣缺輔臣永負時望大學士楊一清恐相遇不合伴以他意挑之永曰吾可以纓冕冕吾道乎且疏乞休隱居都下不出戶庭都給事中董進第御史王瑛率諫垣臺臣薦永名重玉堂化單壁水退居於葦葦之下而踪跡愈幽充養乎經濟之才而聲猷實富吏部亦曾疏起永竟不出築精舍數椽綠以筠檜橫琴抱膝若將終身焉戊申卒於家壽八

十所著有類菴稿文華講義南京錄瀛洲詩北歸稿
顧清詳本部尚書嘉靖六年任本部右侍郎

黃綰字 浙江台州府黃岩縣人正德五年由官生授後府

都事七年養病嘉靖元年行取陞南京都察院經歷五年陞南

京管繕司員外郎本年致仕六年行取光祿寺少卿本年陞大

理寺左少卿尋陞少詹事兼侍講學士七年陞詹事仍兼學士

本年陞南京禮部侍郎十二年陞禮部左侍郎十四年丁憂十

八年起本部尚書往諭安南未任閑住詳禮部

林文俊字汝英福建福州府莆田縣人正德辛未進士改翰林

院庶吉士八年授編修十年丁憂十三年再任十五年丁憂嘉

靖二年再任四年陞右春坊右贊善九年陞南京國子監祭酒

十一年改國子監祭酒十三年陞南京禮部右侍郎十四年改

南京吏部右侍郎十五年卒於官贈南京禮部尚書謚文修詳

南京吏部

費宗字子和江西廣信府鉛山縣人正德辛未進士嘉靖十四

年任詳禮部

呂構字仲木陝西西安府高陵縣人而敦厚穎敏少失母哀

毀如成人未總角輒有志聖賢之道不為詞章之習乃夏居煖

屋衣冠危坐雖炎日燠金不出戶限至於冬月祁寒則履籍麥

草誦讀六經恒夜以繼日弘治辛酉舉鄉薦正德戊辰會試第

國朝列卿紀

卷之四十五

二十六

張十

六及 廷對賜進士及第第一名授翰林院修撰構朴靜端約

力學慕古時逆瑾用事輒以構鄉人欲引嗜之驟與卿佐且援

先朝故事得入內閣構遜避不與來往託養病去之瑾憾甚欲

中傷之會五年瑾敗得已復任九年請告歸嘉靖元年復除修

撰三年議大禮下詔獄降解州判官六年陞考功司郎中九年

陞南京尚寶司卿十三年陞南京太常寺少卿十四年陞國子

監祭酒構篤實率人勤於誨迪每有條約動遵古義經書子史

博讀詳玩並有發揮門下環向請益耳聽口授無倦容無擇言

十五年陞南京禮部侍郎十八年致仕二十年卒於家構學務

實踐不侈詞華居官所在以名檢自礪後有得三原榆次安陽

國朝列卿紀 卷之四十五

二十七

陶

林縣陝州河內同志諸友於京師益相與規過輔仁博文以致

知約禮以力行久之踐履篤實粹盎外著蓋不知夫富貴之可

淫貧賤之可移滅武之可屈矣故自及第以至宗伯皆視如固

洵及志有未行見幾而作則舍車而徒飯糗茹草若將終身其

在朝在野隨寓盡道故所在有勳皆可紀述其因事進諫皆堯

舜之道仁義之言非迂非腐足可施行其微而至於一舉一止

一語一默未嘗偷惰苟且以至離道故縉紳學者親就以為師

表其訓釋經籍必以心求心以道合道以經什經故多躬行心

得之言有程朱所未發者故所至學徒雲集聽者心醉知孔顏

正脉所在而欲淫邪道之弊不足聽聞其發為文詞則仁

華顏精孔思而天德之純王道之懿有非遷固以來文士辭客所能測者嘉靖壬寅卒所著有涇野文習詩習內篇外篇史館獻納南省奏稿四書因問周易說翼尚書說要毛詩說序春秋說志禮問史約宋四子抄釋寒暑經圖解魏氏族譜宋氏族譜渭陽公集外詩上陵詩賦曲頌監規發明著解文移高陽縣志解州志義勇武安王集詩樂圖譜

崔銑字子鍾更字仲晃河南彰德府安陽人父陞仕至參政廉靖有聞母李淑人之娠也芝產門闥及兩月蛟龍驚寤而生啼聲洪亮風骨岐嶷見者異之五歲口占成誦十歲從父延安通四書毛詩能文章明年從諸儒官游博極羣書年十五講太極

國朝列卿紀

卷之四十五

二十人

四十一

圖通周易能筮弘治戊午舉於鄉庚申入大學祭酒謝鐸歷試稱首大奇之壬戌會試又不利乃與三原秦懌馬理高陵呂樞榆次寇天敘林慮馬卿同邑張氏隆相友約明經修行毋慕高虛毋溺誨誥毋號詞章毋蹈利名其志毅然以洙泗為師乙丑舉進士改翰林庶吉士正德丁卯授編修預校實錄戊辰會試為同考官執欲私其子以託銑銑不可竟出他手時闕璫竊政囚戊元老奴僕端搽銑與修撰何塘見璫長揖而已璫怒謂其黨吏部尚書張綏曰翰林白面後生輕薄如崔銑尤甚欲重罪之綏不可塘謂曰吾兩人不可易節對曰銑安義命久矣是歲實錄成璫偽傳 上旨史臣未練政體各陞俸一級調部滿州

縣銑改南京吏部驗封司主事部歲儲縱糧長易美惡銑廉出之糧長賂請權貴固執不可尚書謂曰爾謫僂也何苦為此對曰何勤非忠執忠非分竟格姦庚午璫誅 召還史館辛未會試再為同考時輔臣治文藝銑上書勸以及時悟 主救民薦賢理財強兵毋事瑣末懇懇千餘言癸丑冊封周藩歸卻厚餽便道歸省甲戌還京掌 廷試卷充經筵展書會講官有故故代之御史王廷相下獄瀕死亟請執政曲抹出之丙子經筵講說官啓 上以擇相輔德納誨去讒頑戒逸豫時權倖錢寧錢安慶鵬在側大呵之各歷三考晉侍讀丁丑春罷經筵引疾求去少傅梁儲素重銑固留之乃三為會試同考事竣得歸稱壽

國朝列卿紀

卷之四十五

二十九

四十二

二親時年已八袞矣已卯作後渠書屋董耕授徒制定二程遺書作郡書 世廟即位輔臣諫官交薦起修 武廟實錄以備經筵癸未講論語開陳治本啓沃懇切尋擢南京國子監祭酒諸生相顧曰吾輩得師矣銑開誠心崇正義明教條嚴祀事正文體獎雋彥警輕情禁遊戲清廩餘葦蠹耗日衣冠坐東堂諸生朝夕問難銑嚮答不倦周貧佚老問疾購喪士林大說逸尹梅繩南謫時友也抗璫奪官貧且卒矣其母自鬻書屋銑分祿以養為治棺飲先自內書堂中以待受教者厚幣來謁悉卻之甲申議大禮銑抗疏勸 上勤聖學辨忠邪以回天變自分必被逮已而報休銑曰 天恩蕩覆見老父幸矣諸生愕然如失

怙恃爲文贈曰忠孝兩全出處中道銑不役一夫囊無江南一物惟携古書數篋因自笑曰人言金祭酒我今若水矣公卿及諸生送者千餘人從而渡江者又數人人羣拜潸然涕下銑乘醉登舟歌曰故園菽水知堪養捷徑南山保未曾歸見父愉愉如也日讀書洎上折衷羣言明年喪內不復再處及四方來學者衆銑教以研經飭行曰道在五倫學在治心功在慎獨丙戌雁父艱哀更甚於母時著松窗寤言中庸凡演大學全文又著士翼政議中說考文苑春秋家居十六年初號後渠客有遺泗磬因號少石又定號曰洎野已丑立皇太子上慎選官寮起銑詹事府少詹事兼翰林院侍讀學士少師夏言政暇過談

國朝列卿紀

卷之四十五

三十

薛洪

夜午忘歸贈句有一字不曾通政府十年始得見先生尋進南京禮部右侍郎庚子署戶部篆清耗釐弊進賀萬壽聖節部例公贖悉拒不受時有風霾之變銑自劾溫旨慰留冬過家疾作杜客調攝著讀易餘言辛丑病不克南行議乞休未果病劇卒年六十四銑博學善談從遊者多所感發門人如吏部郎中王與齡輩皆日依之不能舍去撫按以訃聞上遣官治葬諭祭贈禮部尚書諡文敏所著書多行於世天下學者惟稱曰後渠先生

國朝列卿紀卷之四十五終

國朝列卿紀卷之四十六

兵部序

夫兵部尚書者非古制也自漢制尚書五曹未有主兵之任至魏置五兵尚書謂中兵外兵騎兵別兵都兵也晉大始中省五兵尚書大康中又置七兵尚書以中兵外兵各分爲左右東首及宋齊梁陳又爲五兵尚書後周置大司馬其屬有兵部中大夫小兵部下大夫其職並闕至隋開皇三年乃有兵部尚書統兵部職方駕部庫部四曹唐承隋制不改龍朔二年改爲司戎太常伯咸亨元年復舊光宅元年又改爲夏官神龍元年復舊天寶十一年又改爲武官至德元年復舊沿及趙宋相因不改

國朝列卿紀

卷之四十六

四

然皆爲尚書省屬官與周官大司馬掌邦政之意固有間矣國初沿唐宋之制設兵部尚書侍郎之職掌天下軍衛武官選授之政冷仍屬中書省洪武十三年革中書省陞六部每部分四子部各設郎中員外郎主事於是兵部其屬有四曰司馬曰職方曰駕部曰庫部二十九年改司馬爲武選駕部爲車駕庫部爲武庫職方仍舊俱稱清吏司永爲定制然國家自龍相以來政歸六部而兵部尚書侍郎即大小司馬之職及謀猷發往待立孤是加有若大征伐大簡練有若武官勳祿品命有若圖志鎮戍烽候有若輿輦車乘傳驛廐牧戎器儀仗之庶務靡無統矧北狄驚策南蠻增集所期制變弭患以寧九有者是惟

齊忠秉義振滌頹盡用保於有慶其或叨憤憤總邦恪修乃
 事類墜厥緒終附頹矧曰其有能董正太師以儆王國者哉
 惟兵部改置北京肇自永樂辛丑其提督團營初總於世勳宿
 將自正統十四年土木之變命兵部尚書于謙不妨部事統督
 軍務景泰三年該于謙會同武清伯石亨等議於五軍三千神
 機營揀選精銳馬步官軍二十五萬分為中營仍命于謙提督
 天順元年又命都察院右副都御史羅通不妨院事提督本年
 以邊方寧靖十營罷立總督官亦不復設八年尚書王竑奏復
 置成化元年又罷之三年該司禮監太監懷恩具奏該本部議
 擬復增立十二團營命兵部尚書白圭不妨部事提督十一年
 國朝列卿紀 卷之四十六 二十 石介
 自圭病故又命都察院左都御史王越不妨院事提督弘治元
 年又命都察院左都御史馬文昇不妨院事提督五年馬文昇
 改兵部尚書仍不妨部事提督於是劉天夏以後俱以兵部尚
 書不妨部事提督矣正德十一年給事中翟瓚奏要添設或尚
 書侍郎都御史一員提督該兵部尚書王瓊奏係于寧體重大
 奉
 自不必添設至嘉靖六年大學士楊一清奏准命兵部尚書兼都
 察院左都御史李承勳不妨院事提督於是汪鉉以後俱以都
 御史不妨院事提督矣二十年以提督事重特改劉天和為兵
 部尚書專一在營操練不妨以他務及二十一年劉天和致仕

奉
 自勅兵部尚書張瓚不妨部事提督於是毛伯溫以後俱以尚書
 提督矣二十九年北虜犯京師復改吏部侍郎王邦瑞為兵部
 左侍郎協理戎政專一操練遂定為常制歷年提督不同但其
 要在於得人楊一清謂非于謙不能定亦非于謙不能行其意
 微矣今次各官年表於後其行實見於事紀其勲德茂著者表
 為列傳
 國朝列卿紀 卷之四十六 三

國朝列卿紀卷之四十六

國初兵部尚書總論

聖祖奮神武以平多壘而天戈所指靡不歸附自洪武元年設六部而天下兵籍武官選授之政令與夫軍帥戍卒山川要害廐牧甲仗之數悉隸兵部雖命將出師授鉞闡臣而其柄未嘗不掌於大司馬及十三年革丞相升六部於是吏部主文事兵部主武事並為要任無復權歸樞密如唐宋事矣一時本兵大臣如單公安仁吳公琳樂公韶鳳唐公鐸溫公祥卿趙公仁茹公瑞或以謀略進或以文學著類謹抑小心雅稱 上旨若鐵鼎石忠義素著不預用於內至勢去數移始假重柄擁殘兵而

國朝列卿紀卷之四十六

中

劉汝恩

竟以節死亦無愧於

聖祖特達之知矣

國朝列卿紀卷之四十六

國初兵部尚書年表

陳寧	湖廣茶陵人 史員 洪武元年任 歷御史大夫
單安仁	直隸鳳陽人 洪武元年任 致仕八年 再任十年 致仕
安統	調山西行省 參政 後卒於官 洪武二年任 本年
劉誠	洪武二年任 人
滕德懋	直隸長洲人 洪武三年任 改戶部
劉貞	洪武三年任 人
吳琳	湖廣黃岡人 薦舉 洪武四年任 改吏部
樂韶鳳	直隸全椒人 元末 從龍 洪武五年任
國朝列卿紀	卷之四十六
劉仁	湖廣武昌人 故元 參政 洪武六年任
李澂	直隸山陽人 國子 生 洪武十年任
董俊	山西太原人 大才 洪武十二年任
唐鐸	直隸虹縣人 元末 從龍 洪武十三年任
何禮	直隸清苑人 薦舉 洪武十五年任
俞綸	武進人 洪武十六年任
溫祥卿	浙江長興人 儒士 洪武十七年任
趙仁	山東寧海人 人才 洪武十八年任 二十一年卒
沈潛	浙江錢塘人 進士 洪武二十二年任
秦達	直隸宣城人 進士 洪武二十三年任 改工部

五

劉汝恩

茹瑺 湖廣衡山人國子生洪武二十年任封忠誠伯加太子少保

齊泰 應天溧水人洪武丁卯解元三十一年任

鐵鉉 河南鄆州人國子生章除二年任

劉雋 湖廣江陵人洪武乙丑進士永樂元年任贈少傅諡節愍

金忠 浙江鄞縣人儒士永樂二年任兼少詹贈少師諡忠襄

方賓 浙江錢塘人國子生永樂七年任

陳洽 直隸武進人薦舉永樂十三年任贈少保諡節愍

趙恒 河南祥符人歲貢永樂十五年任

國朝列卿紀

卷之四十六

六

劉汝恩

國初兵部尚書行實

陳寧字 湖廣長沙府茶陵州人初名亮通經有治才元末

為鎮江小吏從軍至金陵館于單師家 太祖入金陵命諸將

言事單武人不能言令寧代為書陳之 上覽之甚喜召見擢

江西行省掾史已亥陞廣德知府辛丑除樞密院都事癸卯改

提刑按察司僉事甲辰陞浙江按察使乙巳拜中書省參議丙

午以事降太倉市舶令洪武元年人為司農卿八月設六部選

兵部尚書初太史劉基奏自京師達於郡縣皆立衛所大率以

五千六百人為一衛一千一百二十人為一所一百一十二人

為百戶所設總旗二名小旗十名管領鈐東通以指揮使等官

國朝列卿紀

卷之四十六

七

王貴

領之大小相聯以成隊伍撫綏操練務在得宜毋致紊亂空歇

有事征伐則詔總兵官佩將印領之既旋則上所佩印於朝軍

士洛歸其業復回本衛大將軍身還第權皆出於朝廷不敢有

所擅調自是征伐率以為常寧初任兵部依基舊法不敢更易

但待屬苛厲慘刻於軍士寡恩二年出知松江府詳御史臺

單安仁一名居仁直隸鳳陽府鳳陽縣人元末兵亂安仁集義

旅捍禦鄉曲號曰青軍自稱元帥元授樞密院判官丁酉從鎮

南王字羅普化守揚州鎮南王為長槍軍所逐安仁仍力守維

揚丁酉年 太祖渡江克金陵遣人招之安仁率眾來附 上

嘉其誠授元帥守鎮江署浙江副使以其軍守常州安仁事

上忠謹克効勞力屢從征伐有功其子單大舍在常叛降張士誠後克蘇州生擒之上付安仁自處之猶以鄉舊待安仁辛丑年陞浙江按察使甲辰年陞中書左司郎中吳元年調瑞州守禦千戶本年陞將作司卿洪武元年正月諭安仁製太廟祭器曰今之不可為古猶古之不能為今禮順人情可以義起所貴斟酌得宜必有損益近世泥古好用古籩豆之屬以祭其先生既不用死而用之似亦無謂孔子曰事死如事生事亡如事存其製宗廟器御皆如事生之儀於是造器以金塗之酒壺盃盞每事皆入朱漆并盤盃二百四十兩及揮椀篋筭幃幔浴室皆具二月諭安仁製綿布戰衣三萬襲用紅紫青黃四色八月國朝列卿紀 卷之四十六 八 王貴

設六部陞... 尚書時庶務草創安仁調度有方甚稱 上意二年正月 上諭安仁曰鷄鳴山祭功臣壇於上多起房子也做廚房庫房宰殺牲池并房子但係祭祀去處務要整齊又令委官將帶工作前去壇所量基址就帶各項木料星夜併工造成本年改兵部尚書致仕自八年起山東參政懸辭未任八年再召兵部尚書九年六月命錄用故武官有遺棄者未年致仕二十一年加階資善大夫初安仁以兵部尚書致仕秩正三品後革中書陞尚書正二品故安仁雖致仕以勲舊老臣有是命年八十五卒賜祭葬

安統字... 人洪武元年任兵部侍郎二年拜兵

國朝列卿紀 卷四六

部尚書本年十一月調山西行省參政後卒於官

劉誠字... 人洪武元年擢中書左司郎中二年十一月陞兵部尚書踰月免官

滕德懋字思勉直隸蘇州府吳縣人元季為江浙行省掾參政朶耳只班討方國珍辟為參謀渡海颶風大作舟且覆德懋神色自若人多服其有養國珍降留撫台州三年台人德之 國初徵擢丞相府掾從征陳友諒除知信州以才力不逮辭改建昌同知時陳氏故臣王溥守禦建昌所為多不法德懋以大義律之多所悛改進知潭州再進湖廣行省左右司郎中洪武二年十二月召拜兵部尚書三年改戶部詳國初戶部

國朝列卿紀 卷之四十六 九 高梁

劉貞字... 人洪武元年擢臨江府知府公勤泣事撫字有方百廢具舉民不知勞二年陞兵部侍郎三年以政績召為兵部尚書十一月大封功臣 上命貞同大都督府錄上諸將功績賜爵祿誥券有差四年調治書侍御史五年出為轉運使後卒於官

吳琳字... 湖廣黃州府黃岡縣人世詩禮名家琳性資純篤方問學毛詩小戴記甲辰年王師平陳友諒徵用荆楚名儒詹同薦琳通經學古能文章召為國子助教與同並教胄子琳才藻不及同至商確經義聲譽不倦同又曰我不及琳遠甚 上聽政暇時召琳咨時事輒進嘉言天下陰受其賜吳元年遷浙

江按察司僉事尋改兩淮運同皆効職有才名已而入為起居注獻納益勤洪武四年陞太常司卿尋進兵部尚書會京闈舉鄉試有司以主文請 上曰琳經學優命琳與司業朱濂典試事十月具奏京師將士之數凡二十萬七千八百二十五人各定衛所五年五月丁巳有事於方丘 上命琳與禮部主事宋濂選文學能賦之士以從琳選學士夏閱等從 駕人皆稱為盛典六年改吏部尚書誥詞稱琳學術既醇踐歷尤正其來事朕博士陞僉憲司二鹽臺起居注皆稱任使茲擢長天官其量材授官計考功能使賢愚有別而黜陟合宜斯副朕意詳國初吏部

國朝列卿紀

卷之四十六

高儒

樂韶鳳字舜儀直隸涿州全椒縣人元末兵起鳳有經世之志至正乙未謁 太祖於軍門與語奇之是秋扈蹕渡江參贊軍事從下金陵丁酉年授江南行省管勾洪武三年授起居注四年遷給事中尋進中書左司員外郎本年陞兵部侍郎六年陞兵部尚書正月戊午 上念天下既定恐中外將卒習於安逸遂弛武藝 命同省臺督府定議教練軍士法凡騎士必善馳射及用鎗刀步兵必善弓弩及刀鎗凡射十二箭內有六箭遠可到近可中者為中式并定賞罰各有差本年六月改翰林院侍講學士詳國初國子監祭酒

劉仁字

湖廣武昌府武昌縣人即劉任故元四川行省參

政仕偽夏為右丞相洪武四年 上以偽夏明昇據蜀阻聲教又寇歸州漢中命湯和傅友德廖永忠分道並進及永忠乘勝次銅鑼峽明昇與仁等大懼仁勸昇奔成都昇母彭氏泣曰事勢如此縱往成都不過延命旦夕何益仁曰然則何如彭氏曰大軍入蜀勢如破竹不如早降以免生靈於鋒鏑昇乃遣使往永忠軍納款永忠以湯將軍未至辭而不受癸卯湯和引師至重慶會永忠於朝天門外是日夏至昇面縛銜壁與母彭氏及仁等奉表詣軍門降永忠解縛承制慰撫下令諸將不得侵掠仍撫諭向大亨戴壽家屬令其子弟持書往成都招諭遣指揮萬德等送昇家屬并降表於京師 上留仁侍左右六年察其

國朝列卿紀

卷之四十六

高儒

不欺擢兵部尚書在部無所建明七年出為廣東行省參政九年召為應天府尹十年調左通政諭之曰壅蔽於言者禍亂之萌專恣於事者權奸之漸故必有喉舌之司以通上下之情以達天下之政昔者虞之納言唐之問下皆其職也今以是職命卿等官以通政為名政猶水也欲其常通無壅遏之患卿其審命令以正百官達幽隱以通庶務當執奏者無避忌管駁正者勿阿徇當敷陳者勿隱匿當引見者無留難毋巧言以取容毋苛察以邀功毋讒間以欺罔公直清亮以度厥心庶不負委任之意後卒於官

李激字

直隸淮安府山陽縣人洪武初年由國子生授考

功監令有幹濟才五年陞兵部侍郎自單安仁再起兵部尚書
事體練達然年老不可煩以政事及十年安仁致仕 上喜激
強果可任特陞兵部尚書十二年以事免官

董俊字 山西太原府太原縣人洪武初舉人才擢萊州府
知府爲政廉平寬猛得宜民樹碑頌其美九年陞兵部侍郎十
二年以政績陞兵部尚書十三年三月 上革中書省陞六部
正二品戒之曰識山川之險易嚴烽堠之分明尋令挨無籍貫
軍經十次回申者卽爲開豁未幾以事免官

唐鐸字振之直隸虹縣人元末兵起初守濠州庚子從 太祖
攻江州授西安縣丞召還除中書管勾出知延平府洪武三年

國朝列卿紀

卷之四十六

十二

劉石

召爲殿中侍御史四年正月己亥御史臺進憲綱四十條 上
覽之謂鐸等曰元時任官但貴本族中國之士不得入風憲豈
皆公道朕之用人惟才是使無問南北風憲作朕耳目任用得
其人自無壅對曰臣聞元朝遣使宣撫民爲之語曰遣使宣撫
問民疾苦來若迅雷去若敗鼓至今羞之 陛下視同仁任
官惟賢尤重風憲明立法度所以安百姓與太平也未幾復出
知紹興府陟刑部尚書改太常寺卿守制家居賜食半俸服闋
轉兵部尚書遷諫議大夫十七年四月己丑 上謂鐸曰人有
公私好惡不同故其言有邪有正正言務規諫邪言務阿諂諂
言近於忠諛言近於愛惟不惑於諂言則聽日聰而讒人自去

不眩於諛言則智益明而佞自絕矣鐸對曰聽言之難自古爲
然惟不爲所眩惑則讒佞自遠 上曰朕日總萬機所行有得
失非資人言何由以知故廣開言路以來衆言言有善者則獎
而行之言之非實亦不加罪惟讒諂面諛者決不可容也尋以

事左遷監察御史十八年陞右副都御史十九年復陞刑部尚
書三十一年復爲兵部尚書 太祖諭鐸曰各衛所軍有逃故
者令本管編成圖冊送兵部照名行取不許多差人各府勾擾
州縣類造軍戶文冊遇有勾丁按籍起解其民匠充軍者月支
米八斗牧馬軍士支一石及后復令民丁邊軍操練者月支米
一石二十二年置詹事院秩正三品 上謂吏部侍郎侯庸曰

國朝列卿紀

卷之四十六

十三

胡守志

今東官官屬詹事未設衆務無所統領兵部尚書唐鐸爲人謹
厚有德量可當是任其以鐸爲詹事仍兼尚書之祿詳詹事
衙禮字 直隸保定府清苑縣人洪武初以才行異等舉
十三年陞兵部侍郎十五年擢兵部尚書奏
准令廣東廣西福建浙江湖廣江西布政司淮安蘇州等衛馬
草不許科收馬料不許支給其各衛軍士有年老及殘疾有丁
男者許替役管軍官不許生情留難違者悉坐以罪十六年奉
旨令僉四府之民有占田四十頃以上者出上馬一匹三十頃以
上者出中馬一匹二十頃以上者出下馬一匹後又命各處驛
馬不問官給自備其草息聽令貨鬻惟爲事給軍馬匹有草生

仍令報官又奏准天下衛所善於射者十選其一於冬月農隙輪班赴京校試不中者罰其指揮千百戶中者賞鈔五錠連中者三錠不中者亦給道里費各邊軍士就於本衛較射本年以事免官

俞綸字 人洪武十五年任兵部侍郎十六年

擢兵部尚書十七年致仕

溫祥卿字 浙江湖州府長興縣人原籍山西因兵亂流寓

長興通陰陽家學丁酉年 太祖命元帥耿炳文劉成下長興

延禮祥卿用其策分兵據要害 太祖因改長興為安州立元

帥府以耿炳文為都元帥劉成為副元帥統兵守之及是士誠

國朝列卿紀 卷之四十六

十四

胡守志

遣左丞潘原明嚴再興率眾來寇屯上橋炳文與成擊之擒斬

三百餘原明遁去炳文部將費聚復追至鎖橋斬首三百級自

是寇退走不敢犯者四年祥卿贊畫居多洪武二年授大都督

照磨三年改秦相府錄事九年陞長史十二年出守儋州未幾

改太原府同知歷任明敏有為公廉不擾十七年召拜兵部尚

書五月庚寅 上諭祥卿等曩以雲南諸蠻恃險阻弗遵聲

教擾我疆場納我逋逃邊鄙之民漸罹其害遂命將出師討其

不臣今西南諸夷悉已平定凡從征將士已各加封賞酬其勤

勞獨念死者永違鄉土不得收葬誠可哀憫爾兵部移文有凡

征南將士有死者悉為收其遺骸給棺葬之十八年以罪降刑

部主事歷四川左布政使卒於官

趙仁字 山東登州府寧海縣人洪武初以人才舉薦五軍

都督府斷事審獄平允為 上眷知十七年特陞都察院右副

都御史與左都詹徽等並振風紀十八年陞兵部尚書十九年

八月奉 旨令從征沒陣者子孫襲職陞一級二十年四月奏

奉 欽依凡公侯駙馬伯出使其僕從及諸藩府使人無符驗

者不得擅乘驛傳船馬後以在外諸司不守成法泛濫給驛定

公差人員除應給外其餘尋常事務及各王禮節往來並不許

馳驛有擅應付及假以軍情為由馳驛者處死又奉 旨遣使

籍杭州嚴衢金華紹興寧波及直隸徽州等府市民富實者出

國朝列卿紀 卷之四十六

十五

周德

馮充鳳陽宿州抵河南鄭州驛馬二十一年正月河間阜城驛

馮戶以孳生馬來進 上曰馬戶應殺惟仰於馬然芻豆之給

其費不輕故嘗命兵部榜諭凡驛馬孳生聽民畜賣今復有來

進者豈朕言不信於民耶無乃有司奉行未至也其即還之

本年卒於官

沈潛字尚賢浙江杭州府錢塘縣人洪武乙丑進士授工部屯

田司主事勤於庶務以明敏稱二十年命試兵部左侍郎二十

二年陞兵部尚書三月奉 旨禁武臣不得預民事先是命軍

衛武臣管領所屬軍馬除軍民詞訟事重者許約問外其餘不

許干預至是廣西都指揮耿良造譙樓令有司起發民丁科歛

財物貴州衛造軍器亦擅科民財違越禁例至是申明其禁凡外諸司衛所遇有造作千戶所移文達衛衛達都指揮使司都指揮使司達五軍都督府奏准方許與造其合用物件并自官給毋擅取於民違者治罪五月奉 旨令都指揮原係世襲都指揮使者出職仍授世襲指揮使都指揮同知者出職仍授指揮同知俱遞降一級後又奏准祖從軍父爲事典刑襲祖職父從軍兄爲事典刑襲父職父從軍就爲事典刑者發充軍二十三年五月命各部掌印官更署改工部尚書誥曰昔聖人之世淳朴民俗敦厚官室什器制不飾華故所司之工皆無異技奇巧然而功務雖簡其成也必精其廢也必當故一舉而無再爲

國朝列卿紀

卷之四十六

十六

周德

一廢而無再造所以民逸者多勞者少因是而臣稱賢君稱聖後之受職任事則不然矣凡師事之際或務爲淫巧以勞人或假公營私而害政所爲如斯其有福臻而愆消者否也所以古人重其事而選用必在得人今朕設工部必法古制特以爾潛爲工部尚書當敬事信工無弊上下汝爲良哉未幾復爲兵部尚書奉 旨令天下衛所一戶充軍二名者免一爲民本年以事免

典故紀開曰 太祖嘗與兵部尚書沈潛言興治之道當進君子退小人潛對言君子小人粹木易識 太祖曰獨行之士不隨流俗正直之節必異庸常譬如良玉委於污泥其色不變君

維於衆人德操自異何難識也

秦達字文用直隸寧國府宣城縣人洪武十八年由國子生取乙丑進士歷事都察院奉檄清理囚徒寬嚴得體 太祖嘉其賢能特擢工部右侍郎有大興作多不召尚書止召達議十九年議定工匠驗其丁力定三年爲班更番復赴京輪作每月如期名曰輪班匠行間達復議量地遠近爲班次且置籍爲勘合付之至期實至工部聽發免其家徭役著爲令諸匠便之七月上以達在任公勤詔有司復其家二十年正月 上謂達曰春秋之世人紀廢壞孔子以至聖之資刪述六經使先王之道晦而復明萬世永賴功莫大焉夫食業則思樹藝之原衣帛則思養

國朝列卿紀

卷之四十六

十七

周德

蠶之始皆重其所從出也孔子之功與天地並立故朕命天下通祀以致崇報之意而闕里又啓聖降神之地廟宇廢而不修將何以妥神靈詔來世爾工部其即爲修理以副朕懷二十二年陞工部尚書五月 太祖以古帝王廟地界通衢藝而不嚴乃徙建于欽天山之陽遠以是月做廟功成自三皇五帝繼以三代兩漢唐宋元元勳碩德比侔者別像於庭袞冕輝煌 上甚嘉之二十三年五月詔各衛門掌印官吏更易改兵部尚書誥曰兵始黃帝至周爲備國君之軍六諸侯之軍三將率之左右副將副之偏裨二將參贊之其征戰將則爲隊長於是乎張九伐之威天下定民樂康然將之職有警則受民而行者也其

軍之資給功過之等第必有屬焉故主兵曹以總其務所期甲
仗精旗幟明戈矛必利橋梁舟車無不具備前期清道使無暴
尸則軍士氣壯武勇自備於此之職非忠良之士奚稱此任狀
今以爾為兵部尚書爾其敬慎乃職毋怠於是使兵備脩明朕
惟爾嘉懋哉未幾復以逵為工部尚書詳國初工部

茹瑞字 湖廣衡州府衡山縣人自幼有大志嘗掃書室題

詩云此室此室常不掃看看偏地生塵草丈夫焉事一室間我
欲掃之天下好識者知其不凡洪武中由國子監生擢吏科給
事中十五年陞通政司右叅議十七年陞左通政善於其職

太祖特加眷注 御製大誥曰諸進士監生立志成人特以目前

國朝列卿紀 卷之四十六 十八

居官有效者指示而激勸之如通政使蔡瑄左通政茹瑞戶部
侍郎楊清工部侍郎秦達皆同時由進士監生而登顯職各官
乃能率職以稱朕心其操也恪尊先賢之道故能伸於羣職之
上惟夙夜在公而已所以其家稅糧不供差徭不役有司吏卒
無有登門者其各家祖父伯叔年高者朝涉田園以為樂夕撫
兒孫以為懽或有居市者隨其所以而遂其情上無科差之擾
下無隣里相欺之患如此指示諭之十九年 詔復其家二十
年陞通政使六月 命勞西平侯沐英二十一年 命勞永昌
侯藍玉二十三年改右副都御史本年試兵部尚書二十四年
奏准凡武職父在見任不封嫡繼母在所生庶母不封再醮之

婦不封嫡繼母已故所生母見在合照子職封嫡母所生母俱
故止贈嫡繼母在嫡母已故合封繼母贈嫡母兄從軍弟襲其
職合封贈父母伯叔從軍姪代襲者係為人後合封贈伯叔父
母襲祖職者止封贈本父母其致仕官陞除不與陞授止與原
授後又令義男襲義父姓者當封贈義父母若出姓者不封贈
其親父母亦未得封贈若本官以後立功陞職者許封贈親父
母若代義父總旗先鋒自後自立功得官而尚隨義父母出
姓者封贈親父母女婿承襲妻父職者封贈妻父母若代妻父
總小旗役後自得官者當封父母二十五年加太子少保仍兼
兵部尚書併給其俸夏四月條例舖兵接遞禁例凡急遞舖接

國朝列卿紀 卷之四十六 十九

送公文必須辨認果是舖舖兵方許交領有詐冒押解赴京在
外衙門者應遞公文人兵當官交領其差使人員有公文亦須
經由所在官司辨驗方許接遞公文凡有人於中途舖分接下
公文不係知識者許舖司兵拏解赴京其有司官吏舖長司兵
有公文不行明白辨驗輕易接遞致令別生事端者俱治以罪
又奏准衛所總小旗補役以併鎗勝負為陞降遇有應併人役
到部照依比試事例行移會官於都督府監併其總小旗三故
親男弟姪女婿能併鎗者俱准併勝者補原役護衛總旗併鎗
免赴京雲貴四川兩廣從本都司官監併福建遼東陝西山西
行都司俱照此例後令異姓併鎗得勝者受役年月從本身始

不勝者總旗子降小旗子降充軍異姓不分總小旗名下
俱充軍不勝者俱不許再併其在陣失陷傷故殘疾出海運糧
覆沒者補役免併鎗又陳言故河南都指揮使弟羽無嫡嗣有
庶子皆幼請所宜立 上曰庶子論賢不論長第給以羽之
祿俟其長擇賢者襲之二十七年正月奉 旨令武官舍餘年
十五以下者許入府州縣學讀書上官無子者許其弟襲職三
月復奏稱凡內外指揮千百戶子弟未及二十歲者襲職至年
二十乃比試年及者即與試初試不中襲職署事食半俸二年
後再比中者食全俸仍不中者降充軍雲貴上官襲職乃免比
試其指揮千百戶陣亡物故者無子弟有父母妻給全俸三年

國朝列卿紀

卷之四十六

三

四百九

後給半俸有子弟年幼者亦同候襲職給本俸或以參隨歷練
未及授職者給半俸其病故無子弟有父母妻者給半俸終身
子弟年幼者初給半俸次年又半俸次年又半之及襲職給本
俸參隨未及授職者亦給半俸軍士陣亡或給糧三年或給月
米六斗或令有司給其家屬行糧送至京優給又奏定凡武臣
在任身故及征傷失陷者自指揮至所鎮撫妻並給米五石終
身無子孫者如之為事故無承襲者不給九月奏定凡宿衛軍
士務正身不許頂當直者父母妻或死喪或因病或本身有病
或嫁娶或公差或因事被監種植蔬菜五穀看守果木或婦人
產難皆是軍人有妨上直之事亦許准說京軍不出百里之外

有死喪慶弔許告假本管官吏即時准告放行以快人情其
直軍千戶差調百戶各帥本伍軍旗不許折散隊伍軍有暴疾
本管軍旗即放歸營所請醫調治或看視遲慢放回猶豫致令
病甚親管小旗杖一百總旗杖九十百戶准俸半月其軍人別
無餘丁或父母染病許在家侍奉不拘幾時詐冒者罪之單夫
隻妻者妻有病許看視妻室病痊上直或點大軍疾病不許扛
擡赴點凡赴點幼軍年十三赴點凡一應關請有孕婦不許入
內違者本管官旗杖一百若不令官旗知會匿孕婦私入者罪
坐本婦守衛諸門有人出入不由本門者雖係 國戚亦擒拏
守衛官員當直時須待朝後辰時乃許交班其內官內使出入

國朝列卿紀

卷之四十六

三

四百九

須要比對銅符依前搜檢其各處進納官物長解及內府諸色
人誤帶鈔貫等物入門搜檢止當放寄方許進門搜檢潔淨比
候出門搜出有帶出物件即時拏奏其官員軍民人等入奏事
務守衛官軍人不許問其緣故所持文書亦不許開視隨即徑
直引奏若擅問緣故及將文書開看者依律問罪二十八年四
月嚴民戶給養馬匹先是令飛熊廣武等衛每五戶養馬一匹
各領於監官至是革各監命有司提調羣牧江南二十二戶養
馬一匹江北五戶共養一匹內丁多家充為馬頭專一養馬餘
令津貼錢鈔以備倒失買補之用不許輪流有仍輪流及令孤
寡殘疾一槩出辦者發邊衛充軍如馬頭家畜不許令於貼戶

家看養兒馬一匹配騾馬四匹五萬立羣頭一人五羣立羣長一人每羣長下選聰明子弟二三人習學醫看治馬匹凡補領或孳生三歲騾駒每二年納駒一匹六月奉旨凡亡故征傷武官子弟襲職如有試弓馬不中仍令還衛署事與半俸二年後復比試不中者降為軍二十九年四月制補役之法塚即軍有幼男在伍者免勾丁生員應起解者起送翰林院考試成效者開伍發回讀書不成效者照舊補役七月立殺獲倭賊賞格凡沿海指揮千百戶獲倭艘及賊者陞一級賞銀五十兩鈔五十錠在船軍士擒殺獲倭賊一人者賞銀五十兩陸地交戰生擒殺獲一人者賞銀二十兩三十年三月上勅瑞等曰巴茶

國朝列卿紀

卷之四十六

三

薛洪

自國初徵派累年西番易馬近因私茶出境致茶賤馬貴不獨一國課有虧殆使戎羌放肆生侮慢之心蓋由守邊者不能禦防或濫交無度縱放私茶或假朝廷為名橫科馬匹以致番人悖信朝廷初不知此但謂西番不順豈知邊吏有以激之故常命曹國公李景隆賚金牌勘合直抵西番以傳朕命各番首領受牌為符契以絕奸欺尚恐邊衛將士巡防不嚴私茶出境爾兵一部備傳朕意諭守邊者知之於是瑞具禁約事宜遣人賚諭川陝守邊衛所仍遣僧管着藏卜等往西番申諭之四月以各處宜慰安撫等土官承襲先時皆本布政掌行及是以其職專掌土兵也乃改隸兵部其陝西潼關四川瞿塘亦隸之以其險要

也各府州縣巡檢驛傳土官亦然土官無子其弟女婿為夷民信服者許其襲職或許其妻襲職若指揮千百戶子孫應襲者若無文書亦不許襲未幾上以武官多私役軍卒踰法制命兵部考定其役人類於是瑞等議指揮使及同知六人僉事及千百戶衛所鎮撫四人皆於正軍伍內取用輪更直每三日一易下直則歸隊伍操練凡衛所直廳六人守門二人守監四人守庫一人正選老軍充役每月一更直奏上以正軍占役太多宜減其數指揮使至僉事人四人千戶以下人三人百戶以下人二人每三日一更餘如所議著為令三十一年改吏部會刑部尚書暴昭誣以賊罪黜為河南左布政使歲餘召復兵

國朝列卿紀

卷之四十六

三

陶仲仁

部尚書文廟入正大統以功封忠誠伯仍加太子少保兼兵部尚書止終本身仍錫券文曰咨爾兵部尚書茹瑞威儀山立器宇淵深執德不回秉心無競昔受知於太祖遂列位於上卿三至納言夙夜惟允一魁御史宿府生氣既輔青宮又領司馬二十餘年恩寵如一是以太祖有內外一人之語朝廷有中流砥柱之褒而卿能特立有持念太祖恩澤之在躬以社稷安危為己任非仁義不談以忠亮自守推誠竭力器物咸熙令聞昭著於四方乃心惟在于王室爰嘉爾績簡在朕心已未修太祖實錄勅瑞同李景隆曰昔皇考太祖高皇帝順天應人開基啓運自布衣提三尺劍十數年間創刈羣雄混一

六合功成治定制禮作樂身致太平垂四十年功德之勝亘古莫倫比者建文所脩實錄遺逸既多兼有失實朕覽之誠有歎焉今命儒臣重加纂修務在詳備庶幾神功聖德明昭日月垂裕萬世爾景隆國之懿戚自少暨壯服事皇考廟謨睿略多所聞知今特命爾監修瑞祇事先帝多歷年載信任彌篤常時聖政爾所悉焉其為之副尚端乃心悉乃力用著成一代之盛典豈惟仰答先廟寵遇之厚亦以副予惓惓之孝誠欽哉永樂元年遣瑞往陝西管長安郡主府第七年以事下獄卒於獄

齊泰字應天府溧水縣人洪武丁卯發應天府解始名德

受知于太祖改賜名益仕禮部主事一日雷震謹身殿上躬禱於天擇九年無過官員陪祀泰與焉乙亥遷兵部左侍郎三十一年戊寅進本部尚書常被召問邊將姓名泰歷數無遺又欲考諸圖籍泰出袖中手冊以進甚悉自是益承眷遇閏五月太祖有疾不召諸子入侍亦不令聞知及大漸將傳位皇太孫泰預受顧命輔之時諸王自秦晉外皆尊屬又皆所在各屯重兵專制於國地嫌勢偏恐由擁兵來京朝廷不能阻乃詔諸王哭臨各於本國上文遣泰使燕燕賂之泰皆受而歸請以為兵費上奇其識泰憤宗戚權重而朝廷勢輕思所以裁抑之遂與太常卿黃子澄各建議削奪之策命將出師

多其籌畫嗣君惟召學士輩討論周官法度處便殿弄柔翰而已詔問外事一以付泰遂移檄指斥親藩或難之泰怒曰名正言順敵乃可服是何言耶語聞成廟因是稱疾復遣人奏事救周王泰請執而訊掠得其情會燕長史亦上變遂力主征討內臣賈勅符追護衛官屬靖難師起首以誅齊黃為名泰以谷王漏師遁還慮遂王遂留之於是天下勤王兵稍集始戰猶有勝負及勢不可支朝廷詔謫其官以求解兵燕兵進益急復召泰返而嗣君出走矣泰追之不及奔廣德州圖再舉既而被執泰抗辭不屈赤其族

今言曰洪武三十一年六月武官選簿齊泰由兵部左侍郎進尚書至建文元年十一月二十三日附選齊公已不僉名十一月十七日選則茹瑞為尚書併公姓亦不載矣豈北平事急公有軍旅之役耶近見新官供詞往往有云鄭村塢殺敗齊尚書軍馬者豈公時轉部事理戎務耶或謂公倡晁錯之議及北平兵起復偃然居守令庸懦如景隆者為元帥卒以誤國豈公固未嘗居守耶據選部如此附之備考

鐵鉉字鼎石河南南陽府鄧州和豐鄉人洪武間由國子監生授禮科給事中調都督府斷事奏對詳明太祖喜之賜字曰鼎石是時羣臣奔走奉職各懷救過不贍鉉獨以才能稱上住使數被命讞法司疑獄有聲成廟在燕邸有言國事者

太祖召法司推問數日獄未成 上怒屬鉉鞠之片時而成由是
 益愛之未幾遷山東布政司參政庚辰靖難兵起曹國公李景
 隆駐師德州鉉督漕運飛芻輓粟水陸並進未嘗缺乏至臨邑
 間景隆已敗軍南奔道遇參謀高魏遂協募兵共守濟南城
 成廟至城下圍之數匝不能克鉉在兵間每出不意擊敵兵皆破
 城被攻壞者輒完築 成廟苦之一日許門開縱令將士解甲
 出降 成廟信之整軍駕入鉉豫於城上潛置板如期壓之幾
 為所中凡相守三月餘敵兵數不利乃棄去事聞於朝下詔褒
 美賜以金幣封三代如其官入 謝賜宴陞右布政使尋進兵
 部尚書佐大將軍歷城侯盛庸總天下兵壬午四月靖難師至
 國朝列卿紀 卷之四十六 三六 陶仲仁 四十五

宿州鉉奮擊大破之於小河中原震動當是時 成廟恐事不
 濟幾欲棄師北還已而用姚廣孝及諸將佐言且戰得大勝遂
 長驅渡江時鉉猶擁殘兵淮南規圖興復而大勢已去矣 成
 廟即位用計擒至相傳為一厚愛飲於山巔醉而縛之鉉入見
 灰背立庭中正言不屈 上令其一顧終不可得 命截其耳
 鼻亦不顧 成廟令割其肉納其口中使食之甘否鉉曰忠臣
 義士之肉有何不甘遂碎分其體罵不絕聲時壬午十月十七
 日比年三十七鉉以非常之才拒難奉國遭天命已改不能有
 所成然剛不少屈撓自其蚤歲受知 高廟已負託孤寄命不
 可奪之節後卒於志不屈 成廟後亦每對羣臣稱其忠云

守溪長語云鐵鉉色目人也為山東布政 文皇靖難師至城
 下攻之百方隨機設變終不能下 文皇擊其城破鉉書
 太祖皇帝牌懸城上師不敢擊鉉終不下後姚廣孝獻計曰師老
 矣不如舍之而去 文皇入正大統擒鉉至殺之其家屬發教
 坊司為樂婦鉉有一女入教坊司數月終不受辱有鉉同官至
 二女獻以詩 文皇曰彼終不屈乎乃赦出之皆通士人長女
 詩曰教坊脂粉洗鉛華一片閑心對落花舊曲聽來猶有恨故
 園歸去已無家雲鬟半挽臨粧鏡兩淚空流濕絳紗今日相逢
 白司馬尊前重與訴琵琶其妹有詩曰骨肉相殘產業荒一身
 何忍去歸娼淚垂玉筋辭官舍步蹴金蓮入教坊覽鏡自憐傾
 國朝列卿紀 卷之四十六 三七 丁文 四十五

國色向人休學倚門粧春來雨露寬如海嫁得劉郎勝阮郎
 弁山堂別集曰李文達天順日錄紀鐵鼎石死義事甚烈二公
 同鄧州人故知之王文恪紀聞謂公死後二女入教坊數月終
 不受辱有同官至二女為詩以獻 文皇乃赦出之按二詩首
 章所謂今日相逢云云不知同官者何人乃敢以此詩聞 上
 乎二章所謂春來雨露云云亦似已嫁後詩也按立齋閑錄云
 公于三十五年十月十七日典刑于福安發池河千戶所充軍
 大康安在鞍轡局病故妻楊氏送教坊司病故女玉兒四歲送教
 坊司文恪以精核名而所紀之不審如此二詩必出好事者然
 當時以鐵非內朝臣故數着 上且不屈而尚未至族誅

一書... 8 ...

劉雋字子奇湖廣荊州府江陵縣人曾祖伯華祖貴甫慶積于
躬鄉里歸重父從政益修善聞實有加一日夢天降赤幟上書
雋字是父雋生會鄉先生命名符於夢因以雋為名幼磊落不
羈讀書日記數千言下筆成文蔚然可觀既壯志益堅平居言
不出口遇事剖決有道鄉人皆奇之曰異時公輔之器必此子
也洪武乙丑登進士改翰林庶吉士擢駕部主事陞郎中革除
中遷右侍郎尋改侍中成祖入正大統復改兵部左侍郎本
年陞尚書總制邦政綱舉目張十二月命嚴武臣冒襲之禁初
上即位念諸將勤勞既老而無子孫弟姪者特許養子及婿襲職
一次以終養之用報前功其後有實緣易姓冒襲者故特禁之

國朝列卿紀

卷之四十六

二十八

商祐

永樂元年 上諭雋等曰朕平內難將士已論功陞賞朕念
九門者其功最先且難可再陞一級功小不在陞例者亦陞一
級陞未及數與未陞者通陞之又定軍功襲職例凡軍官舍人
旗軍餘丁或自願報効或選令征進曾歷戰功陞授職役正故
者其子孫承襲無子其父兄弟姪見授職役亦者俱准承繼職
事相等無應襲者義子女婿不許承襲若先不曾立功就與職
役後亦無戰功亡故者不許承繼指揮千百戶子孫隨征有功
先已陞指揮千百戶後入征進有功陞職准襲不曾征進者不
准致仕官守城或征進有功亡故年老告代者原代職子孫亦
嘗隨征進或曾任北京衛所職事及見支優給職任小者就與

父兄所陞職事若職事相等不許令次子孫別襲若原替職子
孫不曾於北京衛所任事次子孫曾隨征或於北京守城其父
祖欲令襲授所陞職者聽原替子孫革開四年丙午日南于紀
王師問罪釋廷臣有文武全才者總督軍務雋首受一命運籌畫
策夜以繼日師壓賊境罔不克捷既曰彼無辜患人為渠魁所
脅既獲元惡餘孽可以恩結之日南之民幸得以靖五年凱旋
上深嘉之六年餘孽肅林堡搆患愈深 朝廷以雋聲威昔者夷
賊攸伏仍 遣與大將軍黔國公往勦之雋曰此行吾當盡除
逆賊以死報國師行萬里直抵化州夷人聞之懼忻鼓樂獨元
首抗令不服雋晝夜不遑好謀慮勝總戎有莫能往者即親冒
矢石分軍前後掠敵所至輒有奇效一日以前軍得捷襲寇至
大安海口遇颶風大作揚沙走石晝夜莫辨南北進則人馬難
行退則敵眾掩合乃長吁曰天乎天乎夷賊夷天我實奉天遭
時如此豈天未欲邊民平治也耶口誦羅隱詩曰運去英雄不
自由時且戰且行略無退意卒致後軍弗前勢孤援絕遂陷賊
圍用言挑之謂若順我共享富貴保全爾生雋厲聲大罵逆賊
弗恭殘虐我百姓擾害我邊疆我前奉 命來討不肆戮殺撫
安而還豈我之兵威不振耶特彰 聖天子好生之德也不料
爾惡罔校復勞 天討今日之逼氣數爾賊戲曰可一揖縱公
注雋復罵賊曰 堂堂天朝衣冠大臣豈屈爾腥膻犬羊之下

國朝列卿紀

卷之四十六

二十九

朱榮

商祐

平劉尚書雖死天朝豈無劉尚書乎王師復至爾軍死無遺類口誦杜甫題諸葛亮詩日出師未捷身先死長使英雄淚滿襟賊見不協鼓衆而進遂遇害事聞上悼慟不已為之輟朝皇太子諸王皆遣祭名公鉅卿各為詩歌以輓之後皇太子即位是為仁宗猶慕慕之遣官諭祭賜以誥命贈榮祿大夫柱國少傅謚曰愍節官其長子奪為給事中

典故紀聞曰成祖問兵部尚書劉雋今天下畜馬幾何雋對以兵興耗損所存者二萬二千七百餘匹成祖曰古者掌兵政謂之司馬問國君之富數馬以對是馬於國為最重我朝置太僕專理馬政各軍衛皆令孳牧卿等宜嚴督所司庶有孳息國朝列卿紀 卷之四十六 三十一 朱榮

金忠字世忠浙江寧波府鄞縣人自少慷慨闊達負義氣壯遊京師遂遊齊魯趙魏以達於京居北京二十餘年成廟初舉義靖內難布衣入見署紀善遂從征伐明年署長史又明年陞兵部侍郎永樂二年陞兵部尚書兼詹事府詹事忠事上敬慎小心每被顧問知無不言退未嘗泄以是益見禮遇而委任益篤為輔導儲君以正直自持言無不盡尤見優待遇同列論事徑情直發不肯持兩端依阿而虛已服善沛然如決江河注之海也兵部機務繁劇嘗推讓同官之賢能或一事失當則必自引咎人有片善必稱之雖有素與忠異意者其人有他善未嘗

不稱也里人有數窘辱忠及為尚書時其人補吏來京師懼不為容忠薦用之或曰彼不於公有憾乎曰顧其才可用奈何以私故掩人之長尤好獎掖善類士有得一官而往見者必戒之曰國家待士厚所望為民造福耳所至一以濟物為務聞人出片言語涉暴刻輒艱然色變且襟懷坦夷神情灑落政務之暇朋徒往來酒一壺棋一局詠歌談諧相得也事兄世華盡恭撫

兄子如子篤交誼朋友卒其子無依為長育之亦有長育之而為娶婦者其他調貧乏恤喪葬所濟尤多博於史學每論當時成敗治亂之故娓娓千數百言不竭其源委折曲歷如身親親之者十三年卒於官年六十三初病且革尚書寒義侍郎盧淵國朝列卿紀 卷之四十六 三十一 張文

往僕之問所欲言忠曰命至此何言獨念忠始以一夫見上歷數年位列六卿寵極貴盛而未嘗效分寸之報忠即死能瞑目哉已而顧其種中兒謂二公曰忠不能報上恩矣生奇必志士所以寵我者銘我庶幾兒長而或有知也許聞上為文祭之有曰殫竭心膂克勤厥職悉心慎密始終無間皇太子為文祭之有曰能盡乃心知無不言助益多矣又曰老成忠厚方資之為輔而遽沒焉嗚呼觀忠若臣之際始終德生榮死哀亦可為奇遇云卒贈少師謚忠襄 方廣宇 浙江杭州府錢塘縣人洪武中大學生授刑部郎中數月改兵部革除中署應天府事坐累謫戍廣東以如帶

召復兵部郎中會 又廟靖難質與侍郎劉雋等迎 駕時見
委用遂進兵部右侍郎尋轉左四年雋出征黎賊質理部事有
幹才應務不滯及雋死交趾進質尚書益以通敏稱七年命扈
從北京兼掌行在吏部事八年扈北征質與內閣胡廣金幼孜
楊榮侍郎金純叅畫密勿効力居多寇平尋扈還南京時侍衛
缺人建議勅遣大臣分行各處選民間子弟二十以上爽健者
備侍衛各處頗被騷擾其軍悉隸府軍前衛數至萬有餘立千
戶所五領之年至六十驗有老疾實狀兵部奏請疎放仍於木
州縣照名選補人多苦之以後十一年十五年十八年俱扈行
在侍寵放肆無顧藉公納賄賂已徹九重會十九年議親征戶

國朝列卿紀 卷之四十六 三十一 石介

部尚書夏原吉約質同諫 上怒命夏理邊儲於口北質懼自

縊見北兵部

陳洽字叔遠直隸常州府武進縣人自幼端重不為兒戲甫成
童已屹如老成人稍長貌奇偉長身玉立與兄濟暨弟浚同游
鄉先生謝子蘭之門子蘭謂人曰陳氏兄弟才氣如此河東之
薛不得專美於前矣且以遠大期之洽讀書力學淹貫羣籍尤
工於書法弱冠用薦舉擢給事中命點軍卒過其自輒識其面
且記姓名弗忘有再至輒管之叱令其去總戎懼請罪洽上其
事 上嘉之賜織金鴻衣一襲後又奏凡大臣犯重罪雖蒙
恩宥不宜仍列本班必少加降抑以示勸懲 上從之詔敘列

八品九品後洪武丙子父以貞成五開以歿洽去官至家時丑
開蠻寇竊發簡劄將往以歸父喪或止之不應涕泣以行其後
觸瘴瘴危危險間關五千餘里竟負骨歸葬焉未幾少保兵部
尚書茹瑺薦其才可大用遂奪情起復授文選司郎中壬午年
成祖入正大統首陞為吏部右侍郎階嘉議大夫量才陞官銓衡
惟允復署地官事益有聲永樂三年乙酉遷大理寺卿持法平
恕民無告冤者丙戌交趾黎賊構逆 朝廷興師問罪命規賊
蹤跡調土兵三萬以佐總戎五年黎賊就俘交趾遂平改吏部
左侍郎除交趾流官既還朝命掌春官事論功定賞人無間言
繼署冬官名譽尤振歲乙丑交趾餘寇簡定作亂仍命英國公

國朝列卿紀 卷之四十六 三十一 丁文

張輔率師討之洽實叅贊機務遂擒其兇渠簡定而還時北寇
猖獗 車駕親征承命偕英國公訓練士卒於塞外辛卯復往
鎮交趾以慈和綏輯其民先教化而後刑法夷人安之蠻俗為
之不變而窮陬荒裔絃誦之聲相聞乙未還京師以功陞兵部
尚書十五年再命出鎮交趾兼掌布按二司事 仁宗即位勅
領交趾布政司按察司兩司仍叅軍事 宣宗改元之初蠻寇
黎利勢益張成山侯王通率師討叛仍與叅贊是歲冬十一月
八日出師討賊洽以為宜駐師石室縣之沙河以覘賊勢主帥
欲渡河而陣又反覆論以利害且陳方略主帥弗聽旬日五鼓
麾兵以渡洽弗能止次寧橋賊自已至未力戰洽遂自奮馬

入賊陣欲擒其首惡身被創甚而了無怖色既而墜馬左右扶掖欲還營中且曰主帥且退公何自苦如此洽張目叱之曰吾受朝廷厚恩四十年報國正在今日吾豈偷生忍恥者乎衆皆潰散洽奮勇持戈進手殺數人知力不能支大罵自刎而死賊相視駭歎洽自筮仕即居內庭恂恂謙謹清儉寡慾忠信孝友出於天性動止語默皆有禮度獎善嫉惡尤惡諂諛親仁好賢獨尚正直於人無所毀譽而遇之必以誠樂恬淡不事侈靡平生不畜勝妾所至惟家童二人以給便令晚年不喜飲酒閒居沉默寡言終日危坐人莫窺其底蘊有言兵者則曰兵兇器也古人尚德化必不得已然後用之博涉書史論至古將相忠義之事必正顏定色英氣橫發擊節稱嘆若已有之雖有邊徼經營軍旅之務稍暇即讀書自娛手未嘗釋卷其爲詩文敏捷往往皆有思致卒之明年主帥棄城而歸交趾遂爲賊所據卒之日年五十有七贈少保謚節愍

國朝列卿紀 卷之四十六 三十四

趙玘字雲翰河南開封府祥符縣人洪武丁卯歲貢入太學授兵部職方司主事歷武庫司員外郎陞浙江右叅政小心愼密士林重之壬午擢刑部右侍郎永樂二年改工部轉禮部五年冬拜禮部尚書十年壬辰督創隆慶保定永寧諸郡治撫輯有方而新集之民悉安其業不知其勞丁酉改兵部尚書以內艱去已而起復專理塞外兵政疾作上遣內官偕名醫往視疾

已入謝復命調理於家既康復命詣塞北訪牧地遂具順州處以聞於是出廐馬牧之孳畜蕃息壬寅大駕北征命督軍餉措理有方兵食充給 仁宗嗣位改刑部尚書蒞事南京詳南京刑部

國朝列卿紀卷之四十六終

三十五

兵部總論

夫兵部尚書者古夏官大司馬之任也馬者武也

夏整齊萬物天子立司馬掌邦政平諸侯正天下凡以象夏所

立者也至唐分六部惟吏兵二部資任尤美故宰相多兼領之

如唐宗初政以宋璟為吏部尚書以姚崇為兵部尚書其重可

知已自宋改握兵之將出於三衙管軍用兵之略制於樞密而

兵部特為閑局名為夏官其實安在哉卒之國勢不競有由然

矣我明法古為治設兵部尚書掌天下甲兵出入之政令即

大司馬之職及罷丞相以後而兵部尤為專任有若大征伐大

簡練有若武官勳祿品命有若圖志鎮戍烽埃有若輿輦車乘

傳驛庠牧戎器儀仗之庶務靡不總轄矧戎狄桀驁倭蠻猖獗

皆為中國隱憂使非文武兼資望實並隆欲責之董正六師以

佐王國不亦難乎今天造不論若永樂以來若于肅愍王莊毅

常已已之變一則身繫安危而社稷再造一則正色立朝而權

奸寢折與夫程襄毅之討平山都寧蠻項襄毅之盪定石城荆

襄余肅敏之建立榆林屯戍馬端肅之經略遼左哈密劉忠宣

之清理軍伍宿弊許襄毅之恢復西陲舊城河謂岳乾雷擊不

愧邦政之寄矣其餘如方賓之納賊自汗徐晞之狐媚王振陳

汝言之階梯曹石陳鉞之稽首汪直劉宇曹元之黨附逆瑾類

割軍士膏脂以寵債帥啟邊釁詎押豚膺指繼示已哉君子觀
於此則知所以勸懲矣

國朝列卿紀卷之四十七

兵部尚書年表

方賓 浙江錢塘人監生永樂七年任

趙犴 河南祥符人監生永樂十五年任十六年

李慶 順天順義人監生永樂十九年任加太

張本 山東東阿人監生洪熙元年任宣

許廓 河南襄城人舉人宣德

王驥 直隸東鹿人永樂丙戌進士宣

柴車 浙江錢塘人正統五

徐晞 直隸江陰人吏員正統

國朝列卿紀 卷之四十七

鄺埜 湖廣宜章人進士正統十一年任十

于謙 浙江錢塘人進士正統十四年任加少保兼

儀銘 山東高密人官生景泰三年任加

石璞 河南臨漳人舉人景泰七年任加太子

王驥 詳前天順元年以靖遠伯

陳汝言 直隸潼關人進士天順元

馬昂 直隸滄州人舉人天順二年任加太子

王圻 陝西河州人進士天順八年任成化

王復 順天固安人進士成化元年任加太子少

白圭 直隸南宮人進士成化二年任加太

程信 直隸休寧人進士成化三年任七年

項忠 浙江嘉善人進士成化十一年任十

余子俊 四川青神人進士成化十三年任十

陳鉞 直隸獻縣人進士成化十

張鵬 直隸涿水人進士成化十八

馬文升 河南鈞州人進士成化二十一

余子俊 見前成化二十二年任弘

馬文升 見前弘治二年任十五年改吏部加至

劉大夏 湖廣華容人進士弘治十五年任加太

許進 河南靈寶人進士正德元年任本年改吏

國朝列卿紀 卷之四十七

閻仲宗 陝西隴州人進士正德二年任加

劉六宇 河南鈞州人進士正德二年任三年改吏部

曹文元 大寧前衛人進士正德三年任五年入

胡汝瀾 寧夏左屯衛人進士正

王文啟 南京錦衣衛人進士正德五年任加

何鑑 浙江新昌人進士正德六年

陸完 直隸長洲人進士正德

王璣 山西太原人進士正德十年任加少師兼

王憲 山東東平人進士正德

彭澤 陝西蘭州人進士正德十六年任加少保

金獻民	四川綿州人成化甲辰進士嘉靖二年任四年致仕
李鉞	河南祥符人弘治丙辰進士嘉靖四年任五年致仕卒贈太子太保諡康簡
王時中	山東黃縣人弘治庚戌進士嘉靖五年任七年致仕後起原職調刑部尚書
胡世寧	浙江仁和人弘治癸丑進士嘉靖七年任加太子太保八年致仕卒贈少保諡端敏
李承勛	湖廣嘉魚人弘治癸丑進士嘉靖八年任加太子太保十年致仕卒贈少保諡康惠
王憲	見前嘉靖十年再任加太子太保十四年致仕卒贈少保諡康毅
張瓚	直隸滄州人弘治乙丑進士嘉靖十四年任加至少保兼太子太保二十一年卒贈太子太保諡恭襄
樊繼祖	山東鄆城人正德辛未進士嘉靖十九年添註三十年總制宣大勅免歷工部尚書督木
毛伯溫	江西吉水人正德戊辰進士嘉靖二十年任加太子太保二十三年為民
戴金	湖廣漢陽人正德甲戌進士嘉靖二十三年任二十四年開任
國朝列卿紀 卷之四十七 五	
唐龍	浙江蘭谿人正德甲戌進士嘉靖二十四年任本年改吏部加太子太保諡文襄
路迎	山東汶上人正德戊辰進士嘉靖二十四年任二十五為民
陳經	山東益都人正德甲戌進士嘉靖二十五年任加太子少保二十六年致仕
王以旂	應天江寧人正德辛未進士嘉靖二十六年任二十七年調總督三邊加太子太保後卒贈少保諡襄敏
劉儲秀	陝西咸寧人正德甲戌進士嘉靖二十七年任本年未任具辭許旨開任
趙廷瑞	直隸開州人正德辛巳進士嘉靖二十七年任二十八年為民
范聰	遼東瀋陽衛人正德丁丑進士嘉靖二十八年任本年未任許旨開任
翁萬達	廣東揭陽人嘉靖丙戌進士二十八年任本年丁憂二十九年再起降兵部左侍郎三十年開任贈太子少保
丁汝璽	山東霑化人正德辛巳進士嘉靖三十年任北虜犯順與州
王邦瑞	河南宜陽人進士嘉靖二十九年任三十年革職後起協理戎政贈太子少保諡襄毅

趙錦	順天良鄉人進士嘉靖三十年任三十一年謫戍
翁萬達	詳前嘉靖三十一年再起未任卒
聶豹	江西永豐人進士嘉靖三十二年加太子太保三十四年致仕卒贈少保諡貞襄
楊博	山西蒲州人嘉靖己丑進士三十四年任三十五年丁憂三十七年起總督任四十五年改吏部隆慶五年以吏部尚書掌兵
許論	高尚書 嘉靖丙戌進士三十四年任三十七年革職
趙炳然	四川劍州人嘉靖乙未進士四十五年任隆慶元年養病
郭乾	直隸任丘人嘉靖戊戌進士隆慶元年任本年致仕四年再任五年致仕
霍冀	山西孝義人嘉靖甲辰進士隆慶元年任四年開任
譚綸	隆慶六年任萬曆五年卒
國朝列卿紀 卷之四十七 六	
王崇古	山西蒲州人嘉靖辛丑進士萬曆六年任本年致仕
方逢時	湖廣嘉魚人嘉靖辛丑進士萬曆六年任九年致仕
梁夢龍	直隸真定人嘉靖癸丑進士萬曆九年任十年改吏部
吳允	浙江山陰人嘉靖己未進士萬曆十年任十一年致仕
張學顏	直隸肥鄉人嘉靖癸丑進士萬曆十一年任十二年致仕
王遴	順天霸州人嘉靖丁未進士萬曆十二年任十三年致仕
張佳胤	四川銅梁人嘉靖庚戌進士萬曆十四年任十五年致仕
嚴清	浙江嘉興人嘉靖甲辰進士萬曆十五年任以吏部尚書召掌部未上
王一鶚	直隸曲周人嘉靖癸丑進士萬曆十五年任

兵部尚書行實

方賓字 浙江杭州府錢塘縣人洪武中太學生授刑部試

郎中數月改兵部革除中署應天府事坐累謫戍廣東以姑瑞

薦召復兵部郎中會 文廟靖難執尚書齊泰赤其族賓與侍

郎劉雋等迎 駕特見委用遂進兵部右侍郎尋轉左四年雋

以尚書出征黎賊賓理部事有幹才應務不滯及雋死交趾進

賓尚書益以通敏稱七年命扈從北京兼掌行在吏部事八年

扈北征賓與內閣胡廣金幼孜楊榮侍郎金純叅畫密勿效力

居多寇平尋扈還南京時侍衛缺人建議 勅遣大臣分行各

處凡民間子弟二十以上爽健者皆選取以備侍衛頗被騷擾

國朝列卿紀 卷之四十七

七

其軍悉隸府軍前衛數至二萬有餘立千戶所二十五領之年

至六十驗有老疾實狀兵部奏 請踈放仍令本州縣照名選

補人多苦之以後十一年十五年十八年俱扈行在侍 寵放

肆無顧藉公納賄賂已徹 九重會十九年議親征戶部尚書

夏原吉約賓同諫曰公但來吾自言之夏人奏頻年師出無功

軍馬儲積十喪八九况今災青屢作內外俱疲 聖體少安遠

涉風沙誠未便 上怒命夏理邊備於口北賓懼自縊 上益

怒遂戮其屍賓有幹才善以機警揣 上意以此委任特隆但

文廟命解縉品臣於賓曰簿書之才馴禽之心 宣廟與楊榮論

永樂末年扈從之臣對曰是時賊貪方賓最甚則為公論所共

棄云

趙桓字雲翰河南開封府祥符縣人洪武丁卯歲貢入太學授

兵部職方主事乙亥陞武庫員外郎當道重之戊寅轉浙江右

叅政壬午陞刑部右侍郎永樂二年轉工部遷禮部累陞禮部

尚書十年壬辰督創隆慶保安永寧諸郡治撫輯有方面新集

之民悉安其業不知其勞丁酉改兵部尚書明年以內艱去已

而起復專理塞外兵政疾作 上遣中官偕名醫往視疾已入

謝復令調攝於家既康復命詣塞北訪牧地遂具順川等處以

聞於是出廐馬牧之孳畜蕃息壬寅大駕北征 命督軍餉措

理有方兵食充給 仁宗嗣位改南京刑部尚書詳南京刑部

國朝列卿紀 卷之四十七

八

本慶字德孚一字以善順天府順義縣人洪武末年以縣學生

貢入太學會 文廟靖難以潛邸知遇 特命署都察院右僉

都御史事本年補浙江紹興府知府永樂元年召為刑部右侍

郎剛直敢為不畏強禦二年以憂去四年起復改都察院左副

都御史理院事遇事有未便侃侃爭論甚為 文廟所眷注七

年十一年十五年十八年 車駕巡狩北京俱 命扈行在尋

進行在工部尚書十九年定鼎北京命兼署兵部事未幾改兵

部尚書二十二年 仁廟嗣位加太子少保時天下大小官員

入覲慶言於 上曰今歲北方之民畜馬頗蕃皆送至京已散

軍伍操用尚餘數千餘散民間畜則民甚敝不可重困之今遠

近方面郡縣 觀朝官皆集請每員給一馬俾畜可散一千餘
匹正官給牝佐貳以下給牡太僕苑馬寺歲課其息有虧罰與
民同 上令蹇義夏原吉商略可否以聞二人奏如慶議 命
已下大學士楊士奇聞之謂慶言必不可行慶忿甚不納楊士
奇遂詣慶前力陳不可得 旨改批止之語詳楊士奇紀中識
者謂慶此奏已知其無遠謀矣及宣德二年交趾復叛守帥奏
請益兵 朝廷命安遠侯柳升等將七萬人往益之 命慶參
贊軍事且勅慶凡六卿之屬才且賢者舉以自助所舉十數人
其最才且賢禮部儀制郎中史安祠祭主事陳鏞師行慶與同
卧起九月入交趾賊於官軍所經之處悉列柵以守升既連破
國朝列卿紀 卷之四十七 九

州府江都知縣壬午年陞揚州知府永樂元年陞江西布政司
左叅政四年 召為工部左侍郎六年坐累謫交趾七年召還
為刑部右侍郎二十二年陞南京兵部尚書兼都察院事洪熙
元年復行部三月調北京行部四月入見改為行在兵部尚書
宣德元年兼太子賓客兼戶部事少勤學治毛詩為人直諫通
敏有器識初在江都治縣有法豪猾斂庸雖上官素名悍暴者
不得下擾江都之民安之 成祖義兵及境衛府皆已歸附猶
率民治守具母夫人曰此天命也可違天以禍人乎遂率耆老
詣軍門朝內難平陞知府進江西左叅政 賜白金文綺是時
江西唐琮在都司劉辰在布政司周觀政為按察使三人皆負
國朝列卿紀 卷之四十七 十

之直抵鎮夷關升有矜色升雖勇然不好謀安鏞言於慶曰總
戎之意驕矣公宜力言之且夷賊謫詐不可以其屢敗忽之安
知其不示弱以誘我况 璽書數數戒飭謂賊專以設伏取勝
不宜輕率待之公宜速入言之時慶已病強起與升言升唯唯
而已實無戒慎意明日前進以數百騎獨先其副擊等隊皆在
後升前度橋遽壞後軍阻不得前賊伏兵四起升被創死明日
慶病不起又明日副將崔聚整兵以進聚固宿將然倉猝賊驅
象赴鬪眾亂聚被執寇大呼官軍降不殺慶與安鏞皆曰吾輩
見危授命耳皆死之十月十八日也世多惜之

張本字致中山東兗州府東阿縣人洪武末年由國子生擢揚
州府江都知縣壬午年陞揚州知府永樂元年陞江西布政司
左叅政四年 召為工部左侍郎六年坐累謫交趾七年召還
為刑部右侍郎二十二年陞南京兵部尚書兼都察院事洪熙
元年復行部三月調北京行部四月入見改為行在兵部尚書
宣德元年兼太子賓客兼戶部事少勤學治毛詩為人直諫通
敏有器識初在江都治縣有法豪猾斂庸雖上官素名悍暴者
不得下擾江都之民安之 成祖義兵及境衛府皆已歸附猶
率民治守具母夫人曰此天命也可違天以禍人乎遂率耆老
詣軍門朝內難平陞知府進江西左叅政 賜白金文綺是時
江西唐琮在都司劉辰在布政司周觀政為按察使三人皆負
國朝列卿紀 卷之四十七 十

四月被召入見言 國家大計時政得失遂留行在兵部毅然以革弊舉廢為務 宣宗嗣位知其忠直可任所言多見聽納高煦反 車駕親征罪人既得命撫輯其眾而錄其餘黨兵政久弊奸人以貨脫伍籍而援平民實伍者遠邇一轍且言於上擇廷臣四出清理悉用釐正又具奏該勾軍士除曾經二次以上回申丁盡戶絕等項無勾者照依先次奏准事理暫且住勾候各處衛所造冊完日通類奏請開豁其餘逃亡等項軍士又申明條例凡三十三條通行天下遵守如新勾軍士限半月之上收補月糧一箇月整理房屋候安插定方許差操及海軍一名優免戶下人二丁差徭若在管有餘丁亦免一丁差使與夫

國朝列卿紀 卷之四十七 十一 張文富

軍戶下止有一丁充生員起送兵部奏送翰林院考試如有成效照例除豁若無成仍發充軍皆曲盡情法可經久之其他釐正尤多 賜勅獎諭命兼太子賓客賜白金文綺鞍馬遂命兼戶部事戶部政紀尤弛夙夜不懈講求其故蠲積弊舉墜典凡上利國家下利民生者靡不盡心事日就緒宣德六年正月七日以疾卒訃聞 上深悼惜遣禮部尚書胡濙 賜祭遣中官賜賻鈔三萬緡 勅工部管葬戶部復其家比葬復遣官賜祭為人廉介有守其心未嘗斯須不在國事剛果嫉惡於治奸宄鮮所寬假而禮賢敬儒加崇尤厚年六十有五而卒卒之日家無餘貲亦可以觀其平素云

許都字文起河南開封府襄城縣人自幼知務學其父遺入邑庠受經遂領洪武己卯河南鄉薦明年試禮部弗偶入太學永樂丙戌擢錦衣衛經歷未幾超授工科給事中復陞鴻臚寺左寺丞皆能舉其職壬辰拜工部右侍郎時職務叢脞悉心殫慮以佐其長凡可惠工而利國者皆奏行之甲午 成祖親率將士往征北虜 命運糧餉隨軍往返六閱月而士馬給足人無暴擾乙未將營建北京 命提督神木廠事工繁役重益持謹慎始終弗渝己亥以交趾人戶田賦未有定規命往理之至則察人心事宜與總戎豐城侯李彬掌交趾布政司事尚書黃福等議其可否遂還朝條奏其利害數事 上皆嘉納之 仁宗

國朝列卿紀 卷之四十七 十二 張文富

卽位念其勤勞中外遷工部左侍郎 宣宗嗣位知其惇實可任益隆眷待宣德庚戌秋河南民饑流離者眾 上知其素為鄉邦者重 命往撫輯之至則產廉廉食勸善懲惡榜示有司弗復得有科擾禁豪右毋索取私錢凡夫匠雜役及諸採辦與積逋稅糧諸物悉免焉於是民皆趨走復業賦若父母還朝上慰勞甚至辛亥春正月降 勅獎諭陞為行在兵部尚書方夙夜經慮以圖報稱遽以疾聞 上賜藥命醫視疾至宣德壬子六月十二日卒年五十有六廓資貌豐偉襟度夷曠歷事三朝薦沐寵恩詳慎通密不驕不矜凡委任靡不竭盡心力故多稱其職云

王璣字尚德直隸保定府束鹿縣人自幼警敏年十三入邑庠為諸生卽有遠大志未幾父母相繼以歿哀毀盡禮能自樹立遂領鄉薦登永樂丙戌進士授兵科給事中尋出使山西見徐溝民困奏免鹽池虧課二十餘萬時應天府缺丞務急且冗委署之立辦復署行在都察院事持正不撓陞山西按察司副使洪熙元年仁廟素知其才名召為順天府尹才敏決不滯畿甸大治特賜誥以褒之宣廟卽位之明年陞行在兵部右侍郎時慮南京根本重地真定州畿內要衝秦蜀二王府護衛兵多兩遣分調屯駐皆處之得宜宣德乙卯進行在兵部尚書先是虜酋阿台朵兒只伯之軍猖獗塞下英宗卽位改元卽國朝列卿紀 卷之四十七 十三 高儒 晉全

遣視師許以便宜行事至見沿邊城堡不堅將無紀律嘆曰邊防如此宜乎寇至翼日大集官兵問曰往年出兵遇虜於魚兒海首先退縮者為誰咸曰都指揮安敬卽命左右引出斬之一軍為之股慄又普於衆曰自今遇敵有不前者罪如之號令一新兵威大振旣而虜首把禿孛羅入莊浪卽遣都指揮魏榮授以方略率兵勦之遂擒其部落以還虜始知懼遁走及聞甘涼軍兀曰兵貴精強乃汰三之一八月還京上親慰勞之未幾虜聞驢還復入寇上復勅往至則遣大將蔣貴率精騎數千出境且戒曰遇敵不捷無復相見也再遣偏將趙安率兵繼之與太監魯安都督任禮分兵為殿遂擒阿台俘殺醜類幾盡邊

境底寧捷聞上遣人齎金幣獎勞加兼大理寺卿明年還京先是雲南麓川宣慰使思任發叛累征不利大學士楊士奇等議遠夷不足較只為耕守計太監王振不從驥阿其意主用兵辛酉春復命蔣貴率諸道兵往討之仍命驥總督軍務賜以明鎧雕弓蟒龍緋袍以壯其行比至聞賊在大侯州卽遣都指揮馬讓授成箚以往斬首數百級餘賊遁去是歲冬分道並進會弓江以火攻之因風縱火斬獲無算賊首父子逃遁不可得邊平其窠寨捷聞勅獎勞召北還時蠻賊郎羅造孽於維摩州乃遣指揮萬誠先聲率土兵討之賊潰散郎羅逃之安南復傳檄諭之邊人遂函其首來獻廣南富州土官儂郎與沈政國朝列卿紀 卷之四十七 十四 高儒 晉全

警殺未餘年乃宣諭朝廷恩威兩暨頓釋至京上親宴於奉天門文武官僚以次陪宴論功封推誠宣力文臣特進榮祿大夫柱國靖遠伯食祿二千二百石特賜誥券追封三代未幾思任發竄入緬甸謀復叛上曰勞卿再一行耳復總諸軍至金齒遣人促緬甸送思任發至軍前緬人佯諾不遣驥曰緬人黨賊不可不加兵乃至騰衝分為五營與蔣貴及都督沐昂分督以進木邦宣慰使統兵萬餘駐於蠻江許觀我兵容驥貴以忠義賞以牛酒遂感悅而退緬人擁衆大至密令貴率兵匝江而下焚其舟數百艘大戰一晝夜賊潰首惡又遁去不可得捷聞召班師加祿二百石壬戌秋北虜近邊上復命出巡仍

許便宜行事乃自寧夏抵甘肅凡寨堡烽墩悉增修之仍授總
 將以破賊及練兵方略事竣還京麓川遺孽思機發思卜發復
 據孟養以叛戊辰春 上復命總督諸軍率兵往討之至金沙
 江賊於西岸立柵以拒乃伐竹為梁麾兵悉渡一鼓破之又以
 鬼哭山顛立柵與偏將親矢石往拔之二孽死於亂兵南服
 遂寧景泰初都督官聚征湖廣苗賊失利乃命佩平蠻將軍印
 代總其兵遂大破苗賊獲其酋偽稱刻平王苗中富檻送京師
 餘黨悉平振旅而還復增祿一百石子孫世襲承委總督守備
 南京壬申秋以老乞閒還京丁丑 景帝有疾同石亨等奪門
 奉 英宗復位仍兼兵部尚書理部事再閱月解職 賜誥加
 國朝列卿紀 卷之四十七 十五 傳元

號奉天翊衛推誠守正文臣特進光祿大夫禮遇甚厚驥天資
 通敏遇事敢為每陳國家利害生民休戚辭懇切孜孜不已與
 人交不立崖岸循循和易雖位兼將相曾無一毫驕矜之意見
 於顏面體貌清臚風儀俊整尤善談論見者為之懷然天順四
 年疾亟家人皆惶懼驥曰古人以死為歸何至是耶且對故人
 大理卿龔永吉敘間闊神思如常客甫出門就席而逝年八十
 有三追封靖遠侯謚忠毅

天順月錄云麓川初叛時沐晟尚在若彼時只遣人宣布 朝
 廷恩威赦其罪撫安之未必不從輕動舉兵又不委晟而另遣
 將以致王師失利適王振握柄之初乃逞其忿閣下議謂遠夷

亦足較且為耕守計振不從且與兵部王驥謀驥阿其意舉兵
 以驥督軍起東南兵十五萬給餉者倍之窮其窠穴而寇首惡
 終不可得焚寨而還殺無辜千數且以為功驥封靖遠伯以次
 陞者萬餘未幾寇勢復盛驥再往起兵如前數東南播擾軍民
 疲憊殆不可言復窮其所寇首亦不可得而還而又有功陞秩
 半前然麓川不如中國一大縣縱得其地與人有何利益而連
 歲興兵軍需所費萬不可計陞秩之俸又萬萬不可計皆出於
 民以所得較所失誠不忍言兵連禍結致有今日人以驥為功
 之首不知為罪之魁也

縣箚鎖探云兵部尚書靖遠伯王公驥管督師征麓川克之還
 國朝列卿紀 卷之四十七 十六 傳元

守南京沉靜有大略嘗閱師覆舟山北問將校曰部伍行列若
 何曰隊各五十人始為一字列聞鼓聲則變而為方圓斜直之
 勢今日所校練是也公笑曰此何以約束兵五人為伍必一人
 居中執旗幟四人者立四面此四人者皆聽中一人所使中一
 人恒堅立不動赴敵則五人必俱中一人使四人者相顧策應
 四人死中一人不得獨生由五十人為一隊最中一人執旗稍
 大以令其四面如前五人之法又倍而成伍則為一百二十五
 人其再倍則為二百五十人為一營左右前後相應而聽於中
 以一百二十五人分寄四隅與中為遊擊出奇而正兵一百二
 十五人堅壁不動互相倚賴而功可成矣又以五營如前法分

一多... 冊... 卷... 4... 卷... 內

布之則正兵一千二百五十人更以一千二百五十人如前法
為奇兵遊擊則總二千五百人為一師相機調遣聽於中軍主
將一人之令其下由伍而隊由隊而營各有一人為中中一人
者各以將之令令其餘人如是豈有紀律不嚴約束不齊而功
不成哉當時將校莫不信服公嘗誨人曰士大夫不可無憂國
之言其意甚善而所立軍陣法不知本於何人要其所自得者
為多也

柴車字叔興浙江杭州府錢塘縣人自幼聰敏喜學遊郡庠從
大章先生受春秋學成領鄉薦遂入大學諸生多推讓之永樂
甲申擢為兵部武選司主事以勤慎得名未幾陞員外郎已丑

國朝列卿紀 卷之四十七 十七

成祖北征與尚書方賓從行凡軍務倚辦隨機應變無留滯凡官
屬從者又能庇佑之眾皆樂從及還陞江西參議時營造事嚴
命入閩中取大材丁夫之貧病者處之有方故能集事而民不
告勞初經廣信太守與車有舊饋蜜一罌車疑其重發視之皆
白金笑曰此所謂故人知君君不知故人卒拒不納至閩縣有
婦人抱嬰兒哭訴曰夫亡田產見奪於豪橫車察實移文所司
斷還之歲餘入為職方郎中職方事最繁治之有餘方會諸言
當有變詔沿江都郡擇賢守以車知岳州鎮以靜民安之岳州
有江湖之險官船來往當役民上下挽送多或至千百人暮夜
促召不能集公私病之乃計主客戶有丁幾何約三丁役一丁

五十人領以一總甲署其名於小牌百人領以百長署之大牌
視所役多寡用之牌下皆來集無後者民得番休皆便之公事
之暇則至學宮與諸生講學或行田間視耕穫賞勤而戒惰居
三歲郡大治復召為職方郎中丁內艱奪情俾任事宣德庚戌
陞兵部右侍郎尋轉左侍郎正統元年阿台朵兒只伯寇塞下
西鄙戒嚴英宗命將往經略之俾車參贊軍務凡發卒蒐騎
積糧餉為戰守備皆有條法 上嘉之賜織金綺衣一襲先是
虜入鎮番副總兵劉廣自涼州出兵往援遇虜而退虜隨逼涼
州廣閉門不敢出虜大掠而去廣不以實聞反奏功微賞車劾
其罔上又陳其欺誑不法事甚悉請必寘之法 詔械送廣父

國朝列卿紀 卷之四十七 十六

子至京師又劾奏寧夏等守將失律亦召還 上益以車公廉
詳慎為國盡忠 賜白金三十兩文綺三疋有副車前後章疏
十上皆剴切人或以後患林之車曰吾敢發身以誤國也由是
同事者或不悅其所為車亦惡其樂燕樂忽大計遂斷酒肉滷
泊以自處凡燕樂皆不與而持論益堅必據理守正每有功賞
雖 勅下必覆驗而後行詐冒必糾正無毫髮私氓州上官都
指揮僉事後能以家人冒功得陞賞具奏罷所陞官能覆以為
請 上宥之又反覆論不可曰詐冒如能者非一人臣方按覈
皆請能今有能如餘人何若無功而得官則捐軀死敵者何以
待之 朝廷倘以後能士人宜寬假則以他名賜之爵人莫敢

援例若詐冒而陞臣實以為不可 詔嘉其忠誠遣使賜白金四十兩綺帛各四疋 特命從二品祿三年以秩滿陞尚書仍兼軍務既而事平西師亦解嚴庚申召還賜以羊酒 命視部事且侍經筵聽講其年八月告歸省墳墓 上可之然欲託以邊事 命車速來賜鈔五千貫遣焉辛酉三月還朝已感疾命太醫日往視而疾益甚數驚悸起日誤事誤事命速治行蓋心不忘忠而忘其身之病也 上聞而憫之俾還鄉治疾未行疾大作於六月二十五卒年六十七

國朝列卿紀

卷之四十七

十九

朱榮

王文端云朝廷之於西事蓋慎重矣常宿勁兵任良將又輟近臣往臨之欲以安內攘外然其忠於上仁於下不為利回不為勢屈者蓋無幾是以安攘之效不立迨 天子赫然更命將帥而公等夙夜圖議振頹去弊明賞罰以示勸懲而人始知有法思奮其材武以從征伐立功名於是殘虜影滅跡絕而天威振動於萬里之外矣今邊鄙晏安烽火不作雖神謀睿筭使然而公等之功亦豈細也哉若其交友敬臨財廉奉身有度待人有恩不附勢以干利其美蓋不可勝書

徐晞字

直隸常州府江陰縣人永樂中由江陰縣吏員授

繕工司都事歷工部郎中晞有巧佞才外示謙厚心懷機械多以智術籠人又善結中官王振宣德十年假督工勞超陞試兵部右侍郎命簡閱陝西臨洮諸衛軍士尋勅鎮守甘肅地方正

國朝列卿紀

卷之四十七

二十

朱榮

統元年召還實授兵部右侍郎本年虜酋魯兒只伯寇西陲復命鎮守涼州莊浪諸要害地晞規免其地又賄王振改遷南京戶部左侍郎及 張太后崩振益恣橫弄權六年麓川思任發初叛振不遣沐晟而另遣將以致王師失利事下內閣議大學士楊士奇等謂遠夷不足較且為耕守計振逞忿不從與兵部尚書王驥謀用兵又以晞為腹心薦督軍餉起東南兵十五萬給餉者倍之窮其窠穴而首惡終不可得疲耗中國濫費餉賞不可勝計且以為功封驥靖遠伯陞晞兵部尚書代驥理部事時振權日重喜人趨附廷臣初不知數以微譴見譎始懼晞感振引拔百計効勤極盡諂媚之態叩頭屈膝恬不知耻遂宣言於眾曰吾輩公物相送振遂大喜以為敝已待之甚厚且言振意不進見致物者為慢已必得禍眾聞知益具禮進見從此以為常初惟府部院寺大臣以後百執事俱行在外方面俱見之當朝觀日大開其門郡邑庶官能具禮者無不進見以百金為尋常重千兩者始得一飽一醉由是以廉者為拙以貪者為能被其容接者若登龍門上下交征利如水去隄防勢不可止君子付之太息而已卒之兵連禍結極於土木之變雖振罪不容誅而首開趨附之門儉邪小人如晞者乃先卒以脫天網識者至今有憾云

鄭堃字孟質湖廣郴州宜章人永樂辛卯進士遂入都察院理

刑獄以廉平得名永樂癸巳拜監察御史時車駕在北京有言南京鈔法阻滯命往察之衆謂將起大獄往擒市豪一以歸奏曰市人聞令皆震懼今鈔法已通矣上頷之而罷倭寇犯遼東命往按問戍守之失律者凡百餘人皆應死爲開陳其可矜狀甚明上然而宥之山海關吏卒邀阻行人以取財亡逃之人則受賂縱之去弊積滋甚壅廉得之歸至關悉擒治抵罪弊爲之省丙申北京營造執役之人累鉅萬上念有病者命醫與善藥又慮其奉行不謹命察視之乃躬履其地令潔其穢汚而時其藥食由是病者多不死戊戌石州人有詣關告變者州與陝人羣聚千餘謀不軌上擢爲陝西按

國朝列卿紀 卷之四十七 十一

蔡司副使往理其事果實卽以官軍勦戮毋貽民患賜之楮幣給驛而遣之比至察其誣乃反獄亡命妄言與脫死卽具以聞上命止弗問而誅其造誣者宣德己酉陝右饑華陰宜川尤甚公私廩皆竭楚巡歷其地憂之乃移旁縣粟賑焉羸病不能興者命官府煮粥食之民以全活庚戌任滿以憂歸道聞父喪哀愈甚喪祭一用古禮服除拜應天府尹輦轂之下賦急役繁一以養民爲務事無大小苟可與利去害罔不用其心至於市征田稅皆酌其平豪猾不得爲輕重賓興之歲設科取士厚其禮而峻其防得人爲多且樽節其費以待會試故事集而民不擾視異時益省十三歲大熟麥有兩岐者民歸德之拒弗受正統改

元進兵部左侍郎時西鄙有警尚書王驥出征楚獨任其事英宗嘉其才荆湘民多隸戎伍楚家亦與焉至是特除其籍以示寵己未京師淫雨壞官民廬舍乞罷歸田里上慰免之辛酉師征麓川舉蔣貴可任卒有功衆多其知人及徐晞以奸佞陞尚書理部事楚以正自持不激不隨晞雖險詐亦心服之既晞卒陞尚書蓋滌宿弊振舉戎務天下軍衛總旗小旗當代者於例必就試京師有道遠無資不能來者終身不得代乃請各於各都司試之人以爲便時有言欲變易將不勝其弊咎將誰歸卒不動嘗自念曰治軍吾職也當爲國家惜其力養其銳氣以備不虞故凡軍家利病有當興革者必爲上言之多見

國朝列卿紀 卷之四十七 十二

信從己巳夏瓦剌脫脫不花及太師也先入寇上命治軍旅權奸王振獨主親征不與外廷議及詔下楚力言但當嚴飭宣府總兵楊洪固守應禦不煩六師不聽又吏部尚書王直等皆以爲不可上章請留亦不聽七月十六日率六軍啓行楚從征出關屢奏言虜犬豕不宜屆至尊惟指麾諸將足以成功不聽權奸惡其數言事欲疎之勅楚與戶部尚書王佐隨老營至懷安墜馬幾殆從者請少留懷安就醫藥楚曰天子在前吾爲大臣豈可托疾求醫自便力疾而往至雲中車駕回鑾然行止疾徐惟權奸所命八月十三日至宣府過鷄鳴山虜寇踵至成國公朱勇出戰敗績楚深以爲憂再上章請疾驅入關而

嚴兵為殿皆不報最後殿中前請權奸怒曰腐儒安知兵事再
妄言必死楚拒言曰我為社稷生靈而言何得以死懼權奸愈
怒叱左右扶出楚與王佐相對泣帳中十五日土木營中無水
士馬皆饑渴虜四面集矢下如雨眾奮欲戰又為權奸所阻須
臾師覆邀留 上駕楚遇害明年詔贈少保官其子儀為主事
楚學博行莊士官四十年風裁凜然見重於士大夫威行惠施
近悅遠懷服仁蹈義至老不衰此其平生大節也權奸誤國而
卒陷焉豈獨公之不幸哉

天順日錄云兵部尚書鄺楚初任陝西臬司副使有聲其父教
至嚴嘗以俸易一紅褐寄之父大怒曰此子不才如此汝掌

國朝列卿紀 卷之四十七

王

陶仲

方刑名不能洗冤澤物以安其民乃索此不義之物汗我卽封
還以書責之楚欲見其父不可得以父為教職居閑秋闈聘典
文衡者謀於僚友往請其父父大怒曰此子無知汝居憲司吾
為考官何以防範且將遺請於人又以罵之楚一念之孝為此
舉不恤其他迎書跪誦泣受其教而已後為府尹益勵其操聲
價愈高召為兵部侍郎端謹小心行事績密沒於土木士林惜
之清德無所貶云

于謙字廷益浙江杭州府錢塘縣人生有異質甫七歲僧蘭古
春奇之曰此子他日救時宰相也長遊邑庠領承樂庚子鄉薦
明年登進士第宣德改元丙午拜山西道監察御史諫風儀峻

整音吐鴻暢每人侍奏對 宣宗必注聽院長都御史顧佐風
紀甚嚴獨器重謙巡按江西奏白誣獄出數十百人於死劾治
王府之以和買害民者一道肅然比還復同錦衣衛官校往理
官船之貨私鹽者謙不避權貴河道以清 上親征武定州罪
人既得命謙數其罪謙辭嚴義正矢口而成大稱 上旨師還
受賚與從征大臣等自是受知於 上屬意用謙矣庚戌河南
山西災廷議必得大臣兼舉之 上親署謙名擢兵部右侍郎
賜勅以往謙年方三十有二感 上知遇夙夜經畫遍歷梁晉
間問民所欲惡而興革之民大感悅九載秩滿進左侍郎謙在
鎮久多善政在河南尤著若勸農糶粟官為收糴以備賑荒預

國朝列卿紀 卷之四十七

王

陶仲

擬河患督採近地草束以備築堰公廩積久易敗卽減價而糴
旁省亦復以濟征輸稅有贏餘卽以鈔折納官民交便歲旱奏
減存留糧草積誠以禱雨澤民忘其災河流歲衝土城遂築大
隄以障植柳為固立鋪設夫以備收補植柳於道以陰行旅鑿
井以濟道渴迄今存焉時議者欲移山東薪炭及大名牧於河
南抗疏止之山東陝西民流徙其地乃為立里以居給田以耕
不使遺患地方後皆視以為法其在山西奏華大同鎮將役軍
耕種之弊盡入其田為軍屯復以大同遠在北邊乞專差御史
一員巡歷其地庶奸弊可革遂永為例議處修築鴈門軍役議
派柴炭人夫通融有法仍奏減七分之一以甦民困時災傷民

流移設法招撫又恐復業者憚於徵輸無復固志秦燕所欠稅糧請者今有司考績以有無流民為殿最使知警焉其地額養田薄稅當輸邊者多折資金銀奸民恒竊以逃具奏遣官解以懲其弊且請免煎銷以便分給尤為民利嘗自河南抵山西夜經太行山有羣盜持兵喊而前從者駭愕謙厲聲叱曰汝何為者耶盜聞言大驚散去其德威所著如此有參議劉孔宗者律已甚嚴頗與流輩寡合眾構賊罪汚之謙知其誣即奏白其事恒盈滿為畏懼請舉參政孫原貞王來以自代時中璫王振方用事有御史姓名類謙者嘗忤之意以為謙遂乘機嗾言者劾謙擅舉自代罷為大理左少卿二省之民倍道赴闕交章乞留

國朝列卿紀 卷之四十七 王五

親藩亦以不可無謙為請乃復命巡撫憲正統丙寅歲也性孤介不能媚權貴一出十八年明年復為兵部右侍郎留理部事時謙考妣相繼及皆命奔喪兩遣行人汪琰抵杭賜祭治喪事懇乞終制不許又明年己巳虜酋也先寇獨石馬營至秋遂猖獗上下詔親征謙與尚書鄭瑄上言邊方將官皆可託以制虜不必煩六師且皇上宗廟社稷主無輕臨戎懇留不聽八月望日師次狼山土木玩忽不為備虜奄至王師敗績消息輿北狩宣府懷來僅以自保緣邊城堡奔潰一空京師大震時謙獨任部事北望號泣誓以滅虜將議集兵為守護京師計會王太后命鄭王監國以係人心於時臺諫廷論土木之變罪歸王

振王始攝朝倉卒未有處分錦衣指揮馬順素附振意頗不平眾起梓順擊死復索振所親信二內侍將擊之班行諠譁無復朝儀王疑懼屢欲退諸大臣亦多欲避謙堅立不動時掖王請留且請降旨宣諭羣臣無擅動振罪候請命於太后行誅順罪應死勿論命將軍丞擊二內侍死眾乃定退朝漏過午刻謙袍袖為裂吏部尚書王直執謙手曰今日正賴公等若其百輩何能為謙辭謝不敢當尋以人望進兵部尚書固辭不獲始就職謙受任多事之際首劾扈從失律者武臣顧興祖輩文官王佐輩皆議罪以聞庶後任事者知所用命從之 憲廟春秋方富正位東宮羣臣合辭請鄭王嗣位尊 英宗為太上皇

國朝列卿紀 卷之四十七 王六

帝改明年庚午為景泰元年天下始知有君謙入見泣對曰虜賊不道犯我邊疆遮留大駕彼既得志將有長驅深入之勢不可不預為計邇者各營精銳兵械俱盡宜亟募兵易漕卒以備調令工部分局治兵器以備用京師九門尤為要地宜令都督孫鏗衛穎張軌張義雷通分守選給事中御史如王竑輩佐之列營於外以振軍徙郭外居民於城內隨地安插無為虜所害仍行虜所經由堅壁清野固守勿戰通州所積糧數百萬挽運固難棄之或以資虜宜令在官食糧者悉詣關支人以多寡受糧而歸全集京師庶幾兩便大同宣府嘗經標掠請 勅各地方守臣協力防鎮訓練修飭務使有備至於選用人才尤為

至務文臣如軒輅者宜令巡撫武臣如楊洪柳溥者宜為將帥
 軍旅之事臣請身任其責不效則治臣之罪此皆嘉納之時
 邊報絡繹訛言萬端謙先事預防達權變衆視謙以為安危
 大監喜寧胡種也士木之潰歸降也先因為之用導之入寇虜
 奉車駕趨紫荆關京師戒嚴朝臣至有挈家南奔者侍講徐
 理因謬言占象倡議南遷事聞六官人心動搖謙為慟哭抗言
 於廷曰京師天下根本官廟山陵社稷在此百官萬姓務藏
 食儲在此此而不守去將何之一動則大勢去矣宋南渡之事
 可鑑也太監金英特是謙言守議遂定主將石亨復為異議欲
 盡閉九門堅壁避賊鋒謙言不可請率先士卒躬擐甲胄出營

國朝列卿紀 卷之四十七 二十七

德勝門以示必死泣以忠義論三軍人人感奮勇氣百倍十月
 朔日也先入紫荆關傳言送駕還京前驅突至我軍堅不為
 動知我有備稍自引却也先次至城下對我壘而陳為亦在
 虞管虜覘我軍嚴整不敢有加於我我亦不敢向虜輕發一矢
 朝廷日遣使至也先壘問安喜寧嗾也先邀我六七太監出城議
 和且需金帛等物萬萬計蓋強所難從以起釁耳在議依違
 莫決禮部問謙謙曰今日止知有軍旅事他非所敢問對壘用
 老目是為十月既望虜移駕就寬燥地隔壘漸遠乃舉砲擊
 虜管虜死砲下者萬計也先大沮宵遁京師解嚴時謂不戰而
 屈虜兵實天生謙以為社稷也論功加少保總督軍務固辭久

之乃受嘗謂人曰四郊多壘卿士夫之耻城下但求盟耳今
 惟有聲罪討賊復還車駕乃臣子之職也復何言大同參將
 許貴奏欲遣使議和以緩虜兵徐為討伐計謙謂法外嘗遣都
 指捕罕鐸指揮岳謙厚齋金帛以往虜輒深入繼遣通政王復
 少卿趙榮往議迎復亦不見變與而回虜情詐詎測和不足
 恃況中國與虜不共戴天之讐和則背君父而忘夫義理固不
 可萬一可和虜肆無厭之求從之則害違之則變勢亦不可也
 莫若選將練兵養威蓄銳無輕遣使以取其侮從之謙以涿鹿
 真保定易州皆京師近地兵力單弱雖嘗遣都督劉安率兵巡
 視猶慮虜方遠道或肆剽掠力弗能支即奏遣都指揮陳旺石

國朝列卿紀 卷之四十七 二十八

端玉信玉虹章分益以兵往為之援復請勅右都督楊俊節
 之民特以安文以虜之深入必先攻犯白羊紫荆倒馬諸關復
 奏務與與源守官軍互為應援俾無債事謀報虜圍總兵朱謙
 於關下口明白復報追石亨於鴈門關烽火甚急遠邇騷動眾
 謂宜急發兵往援謙不為動即奏正方略密授亨等仍各營
 選調軍馬若將冠日大舉者旋報虜已出境乃服謙料敵之審
 謙謂喜寧不除虜卒弗靖乃以計授楊俊節送涼師謙廷劾其
 罪誅之自是虜竟畏憚悔禍不敢犯矣辛未也先遣使入貢請
 送大駕還京朝廷疑未之信下廷臣議謙因此天意也君
 臣大義兄弟至親當速遣使奉迎以承天心萬虜果懷詐我

有辭矣議乃決秋九月 英宗還自虜庭時邊事靖寧謙益修
安內攘外之政河間東昌諸處永樂安置降虜甚衆方虜入寇
時勢欲乘機而動謙因南征奏遣其有名號者以行遂留於彼
以爲潛消之計天壽山 祖宗陵寢所在而無城廓虜嘗犯其
地乃起成山伯王通城昌平徙民兵其中以衛陵寢且重邊關
之援臨清漕舟所經船輻輳實喉襟之地虜入寇時嘗有往據
之謀乃奏遣平江伯陳豫築城以守遂爲重鎮尋謀知爲虜謀
者乃我亡命小田兒也適雜虜使中來瞞虛實謙奏授計於侍
郎王偉因使大同道誅之初北邊獨石馬營八城爲虜所破謙
謂此不可棄卽奏起都督孫安授以方略率兵度龍門關且戰
國朝列卿紀 卷之四十七 三十九

茂七葉宗流廣東廣西有黃蕭養乘時竊發殘破郡邑一時命
將出師皆出謙籌畫雖遠千萬里之外懸制切中不啻親歷其
地卒用勦平貴州苗賊作亂侍郎何文淵奏乞罷布按司復置
宣慰司以土官蒞其地留都司以轄諸衛道大將鎮之謙謂貴
州自 祖宗開創八十年顧因小寇遽墮成功况土地人民皆
受之 祖宗者豈可輕棄事遂寢謙念北虜旣平軍國之務可
緩懇辭兵柄復以天變乞罷皆不許初也先犯京師石亨因謙
成功驟躋侯爵心不自安乃奏謙功宜官一子 朝廷卽授其
子冕府軍前衛副千戶累疏懇辭且曰縱爲子求官亦不當假
手於亨不許旣受命語冕曰我本書生當 聖主憂勤之日分
國朝列卿紀 卷之四十七 三十九

尤為謙所裁積成嫌隙亨姪彪本驍將時皆慮其門向握京
 兵議乃奏遣彪充遊擊將軍往戍大同一人不得遂所私益切
 齒於謙思有以傾之矣丁丑正月景皇帝不豫謙同廷臣上
 章乞復皇儲未報英宗皇帝復正宸極此實天與人歸之會
 亨等貪天之功掩為已有即誣謙等迎立外藩以為罪與大學
 士王文六七大臣俱下獄所司以金牌勅符俱存他無顯跡可
 據亨等必欲置之於死會徐理者以倡南遷為謙所斥久不獲
 進因易名有貞尤晰謙者廷鞠之日力言大肆拷掠宜無不承
 文不勝忿力辯不已謙曰亨等意已如此辯之何益所司承亨
 風旨乃以意欲二字附會成獄蓋即秦檜莫須有之故智也是
 國朝列卿紀 卷之四十七 手
 那二十三目狀上 上猶豫良久曰謙實有功眾未及對有貞
 直前曰若不置謙於死今日之事為無名 上意乃決時錦衣
 指揮劉敬方帶刀在宿衛目擊其事每言及未嘗不以為恨歿
 之日天日無輝朝野冤之太監吉祥麾下達官朵耳者聞謙死
 慟哭都市以壺漿酌謙祥聞之切責焉明日往哭如初此實忠
 義感激人心雖異類而天理固不滅耳先是杭之湖水竭土裂
 人驚異之孫原貞方以尚書鎮浙語人曰賢才之生實鍾山川
 之秀今日之兆哲人其萎乎蓋指謙也至是卒驗云謙之生為
 洪武戊寅四月二十七日得壽六十而已惜哉所司籍謙家自
 朝廷所賜外他無一物蓋謙平日自律之嚴也未幾陳汝言代為

兵部以賄敗 上命陳所籍物於大內應下召大臣入視且曰
 景泰間謙任事久且專沒無餘物汝言未幾何得賄無算耶
 上色變久之亨等俯首不敢動撫寧伯朱永出謂人曰今日觀
 上意亨輩將無逃矣一日邊報甚急集廷臣議恭順侯吳瑾進曰
 于謙在邊患不至此 上為之默然初謙被害時 皇太后未
 及知比聞嗟悼累日 上聞之益悟其冤深悔之既而有貞以
 罪遠戴亨等坐謀逆滅此皆上天有所懲而亦天道好還之明
 驗也初遺骸賴都督陳遠憫謙無辜密賄守者收瘞踰年子冕
 遣義兄康詣達達乃具棺衾俾康扶歸杭葬於祖塋即今建祠
 地也成化紀元冕訟謙冤 憲宗聞而憫之追復故秩遣行人
 國朝列卿紀 卷之四十七 手
 司行人馬暎往祭其墓其文有曰當國家之多難保社稷以無
 虞惟公道而自持為權奸之所害在 先帝已知其枉而朕心
 實憐其忠由是天下稱快曰此誠天日開明公道暴白之秋也
 於乎休哉而杭之父老白於巡按監察御史請即所居建祠祀
 之榜曰憐忠導制詞也弘治初年訓導儲衍泰諫功績宜賜贈
 謚立廟以祀言甚剴切禮部將上其事會給事中孫需復言古
 之節義諸葛孔明張巡文天祥今之節義則李時勉劉球于謙
 宜一體報祀以 後來廷臣合議以聞 詔歲一祀於鄉民所
 立祠未幾冕任應天府尹致仕歸復列謙平生行業請如制贈
 謚以慰泉下事下禮部議會謂古今人臣能為國家建大義成

大功者生則有旌擢之恩歿則有褒恤之典若前宋岳飛盡忠報國死非其罪其追謚祀祀在宋具已舉行謙受冤雖同而功業所就則大過之宜如其子所請制可賜謚曰肅愍建祠於墓表曰旌功命有司春秋致祭其文有曰逢時艱危安內攘外社稷之功世永不忘復 賜贈誥其略惟當 皇帝北狩之時正國步艱危之日乃能殫竭心膂保障家邦迴鑿有期論功應賞不幸為權奸所構乃殞其身與論咸冤恤恩已錫茲復贈特進光祿大夫柱國太傅用昭旌忠之典天語叮嚀垂之萬世蓋至是而謙之冤以白謙之功已著矣謙天性狷介不立私黨一以忠誠結 主知分謗任怨無所顧忌不貸賊吏而恒存小過急於薦賢不遺一善凡所甄拔如孫原貞王來皆在巡撫時所舉其他文臣武將功名顯著者尤多蓋知人之明如此所著聲績懋異遺愛不忘故江西祀之郡學名宦祠河南祀之開封府民祠之二省之民家有公像飲食必祀皆至於今不廢及已巳之變軍旅方興中外論事者紛然議下兵部謙悉裁之以理可者行之否則止之知無不言言無不盡一時克詰戎兵登崇智勇卒之肅清大慙迎復乘輿以安社稷以固邊圉此誠不世之功也歷事三朝位極人臣然故廬之在杭者未嘗增飾尺寸內外艱歸蕭然不異寒士孤忠峻節夷險弗渝可謂歟矣平居好學手不釋卷為文有奇氣詩詞清麗在江西時和祭酒胡頴菴山

國朝列卿紀

卷之四十七

三

張

居十詠在河南時和馮海粟梅花百詠詩皆頃刻而就膾炙人口尤長於奏疏至今以為準當政務旁午章日數十上累千萬言揮筆如流皆切中事機人服其明決率推為天下奇才焉平生著述甚多今僅存節菴詩文稿奏議各若干卷禍變之餘蓋千百之什一矣
可齋雜記云十月虜酋也先糾眾擁 太上皇帝入關直造城下索大臣王直胡濙于謙出迎知其詐不出乃遣通政叅議王復中書舍人趙榮充大臣出迎親見 太上諭二人曰彼無善意汝等宜急去三人方回而虜騎四面剽掠勢益張於是兵部尚書于謙督總兵分營憑城與戰互有殺傷連戰二三日不退
國朝列卿紀 卷之四十七 三 張
陳公循乃請為 勅調各邊精騎入衛又請 聖旨榜文數道諭回回達達并漢人有能擒斬也先來獻者賞萬金封國公藉以疑其心是月十四五也先果先遁去是時居內閣者咸未明而入抵暮方出勤勞比他日為甚而內外贊畫防禦于陳二公之力居多
復時正憐忠祠記云公持身嚴非分一毫不取諸人位至卿孤先世室廬盡昇其弟已唯市廛數間以居夫人董氏卒時公未五十不再娶以正事之多艱窮年不還私第居止朝房留一養子自侍食無重味非公燕不置酒言官常言柄用過重與安言只說日夜與國家分憂不要錢不愛官爵不問家計 朝廷正

要用入似此才尋一箇來換于其眾官默然退自是任之愈堅
菽園雜記云景皇帝信任于公方專召入以侍郎王偉奏授之
公叩頭認罪 上曰吾自知卿卿勿憾也公既出俸下堂迎問
曰今日 聖諭為某事公曰姑入語之既入復請乃笑曰老夫
不是處賢弟當面言之未敢不從也何忍至此乃出奏示之偉
惶愧局跡無地君臣相與如此誰得而間之此于公所以成安
社稷之功也

又曰于公謙王公文遇害時以迎立外藩誣之文稱冤謙但云
親王非有金符不可召當辯之即授尚寶內官聞之檢閱各王
府符俱在獨無襄王府者眾皆疑不知其故乃問一退任老內
府符俱在獨無襄王府者眾皆疑不知其故乃問一退任老內

國朝列卿紀 卷之四十七

三五

三五

官聞嘗記宣德間 老娘娘有旨取去但不知何在老宦某人
尚在必知其詳遂往問之云是 宣廟賓天時老娘娘以為
國有長君社稷之福嘗欲召及襄王取入後以三學士議不諧而
止今在後宮暖閣中某處 老娘娘張太后也於是啓 太后
求之果得其處蓋已積塵埃埋沒分寸矣使此老宦不存則典
守之死於寃者亦有之矣其後 英宗悟三人之死而悔者此
也斷大獄者可不慎哉
鎖綴錄云訓導吾豫景泰中應薦至京以屢言邊事兵部奏官
邊用而在邊久不得支俸請如吏部項侍郎曰是嘗擬我兵部
者何可與之尚書王公曰官必有俸自須與之然恐莫能與也

祿私計侍郎尚然尚書于公當何如然不得已乃以請於兵部
于公見公牘喟然曰奈何使應聘士至此遂與淮狀諸公所存
不同如此

弁州外史曰李夢陽為于謙祠記曰謙死一時慟之云鷺鷥水
上走何處尋魚噍而當虜之墟 太上而南至宣府宣府人登
俾曰賴天地社稷之靈國有君矣至大同而大同人登俾曰賴
天地社稷之靈國有君矣而謙獨處言曰社稷為重君為輕斯
言也功以之成禍以之生然歟否耶謙以介胄分不言和而言
戰守當 太上之迎復謙不為梗小梗者王文楊俊耳 景帝
之信謙謂其能禦圍非有布心腹之素一不合則睽再不合則

國朝列卿紀 卷之四十七

三六

三六

去夫人主以私愛欲易太子雖留侯不能得之漢高而謙能得
之 景帝乎哉天命所賦大寶中奪小人貪功伏機發元勳
甫就膺此禍烈智不及避勇不及決悲哉
儀銘字 山東萊州府高密縣人父儀智永樂中為禮部右
侍郎以恩蔭入太學 宣宗即位念智侍讀 東官舊勞特授
兵科給事中久之陞翰林院編修正統三年與修 宣廟實錄
成陞本院侍講時推 邸王講讀官大學士楊士奇欲舉之恐
銘見憾乃以故人侍講楊翥同舉侍 邸王講讀五年陞府
長史十四年北虜犯順太監王振力主 英宗親征以致 車
駕蒙塵百官請 邸王監國駕御午門左門言官大臣次第宣

劾王振章有旨朝廷當別有處衆心鬱憤呼號不已銘造膝前免冠有言於是衆皆免冠長號已而有旨急籍王振等家然呼號不辯人聲不能皆聽聞惟銘長號膝行而前去袍服纔咫尺忽給事中王竑衆起捽馬順至上前曰奸臣黨在是於是駕起門掩一閃間足履之下暴血血流矣百官稍退惟上直軍衛官候左掖門譚云尚有王長隨毛長隨在少頃校尉捽兩人送錦衣衛甫出左掖軍衛官捶死之矣蓋駕既行使人於門內伺外何爲而惟聞此言以爲出自百官殊不知因大駕出尤嚴門禁兩長隨日事鞭笞最結怨於軍衛而殺兩人者直官非百官也初屍血漬靴門官呼水滌之銘曰不滌可也留

國朝列卿紀

卷之四十七

三七

御製

與作樣子問官不能答識者壯之會 虜王即位力贊征伐尋以潛邸舊恩特陞禮部右侍郎景泰元年開經筵 命兼經筵官每講畢命宦官布金錢於地令講官拾之以爲恩典時文臣與者自內閣高毅江淵商輅侍講學士劉鉉外惟銘與吏侍俞山兵侍俞綱祭酒蕭鎡諭德趙琬數人而已未幾陞南京禮部尚書無所建明三年召改兵部尚書兼詹事然兵部既有于謙又加銘協之及與易儲旋進太子太保名位冗濫人情悵然不平於六年先卒贈太師諡忠襄其亦幸免於于王之難云石璞字仲玉河南彰德府臨漳縣人永樂庚子鄉貢歷御史正統十年任山西左布政使所至有聲十二年進工部尚書加太

于太保景泰七年春少保于謙病在告、朝廷諭內閣求一人協同之時江淵在內閣每爲同事者沮抑希代于謙諸閣老乘此謂之曰兵權任不輕非江先生不可淵忻然不辭乃屬學士商輅具擬內批少頃少保王文入商所以指畫掌中作江工石兵四字即出商領之畢封淵竟不知及 旨出調璞於兵部淵補工部淵大志失望璞剛介有才略丙子湖廣苗叛奸民李珍魏玄冲往爲向导引之寇掠作讖文以誑湖湘諸不逞者從而和之民用大擾命璞提軍往勦璞以計生擒珍玄冲檻送京師苗平還治部事天順元年致仕後起左都御史掌南京都察院事餘詳南院

國朝列卿紀

卷之四十七

三八

張文

陳汝言字時獻直隸灤州人正統壬戌進士授戶部主事歷郎中有幹才善以巧佞結權貴多受之景泰五年驟進戶部右侍郎甚爲公論所棄會 景帝有疾衆議請復 茂陵未上遂附武臣石亨張軼太監曹吉祥文臣徐有貞王驥楊善等奪門奉 英宗復位殺于謙王文并貶謫大學士陳循等數計人以迎駕功遂進兵部尚書及代于謙理部事益附權宦表裏爲奸凡石亨輩冒報陞官輒爲題請不下四千餘人又招權納賄天下都司及守邊將官多出門下有不出於門下者便中傷之初達人安置雲南兩廣湖廣貴州等處蓋非我族類其心必異所以防範於未然也汝言阿亨邪謀盡數取回物論沸騰敢怨而

不敢言且奸慧不測暗邀人心天順初以景泰易儲之故凡翰林有帶東官官銜者改別職用是冬汝言言於上曰翰林院官皆帶別衙門銜而本院學士乃無一人人事體自不便旨召家學王翺承旨對曰學士職不輕今似太多汝言折之曰唐文有十八學士今何多於是俱改學士及學士錢溥回館講所論母后徽號未加又言於上曰方今論功行賞殆無虛日而母后徽號未加獨非缺典歟英宗大嘉稱賞隨付史氏以行但貴官爵不可盈厭二年以賄賂籍其家上命陳所籍物於犬內庶下命大臣入視且曰景泰間于謙任政專且久沒無餘物汝言未甚何賄無等耶上色變久之亨等畏懼不能言於

國朝列傳紀

卷之四十七

三五

三

是亦謙之冤益雪而平輩之惡亦不能逃於上聖鑑矣未幾大崇士李賢稱論汝言取回達人之罪上甚悔之而亨等相繼籍沒亦得為小大權者之戒云

世馬昂字景高直隸河間府滄州人宣德中由舉人授兵部經歷官在都御史掌院事天順二年陳汝言以賄賂身傳者昂肅為英廟者法特陞兵部尚書時上勵精圖治慎簡老成於文則委諸吏部尚書王翺於武則委諸昂而參贊於大學士李賢賢有所薦舉亦必曰臣所知如此還須召其等再審昂與翺至御前膝各多與李賢相符合石亨等革去各邊文臣巡撫軍官縱橫暴士卒疲上召賢曰自朕初復位奉迎之人紛紛變異

以此為不便只得依從今乃知其謬卿與王翺昂昂商議推選務在得人且曰多舉數人擇而用之於是李賢王翺會身議推十六人上定浙江布政白圭在遼東山東布政王宇在宣府僉都御史李秉在大同監察御史徐瑄在延綏山西布政陳翼一在寧夏陝西布政芮釗在甘肅俱以京官巡其地後有軍事發冒官者俱革去賢因言在京軍官老弱殘疾者令兵部漸漸調出却以軍補其缺以省冗費其事雖李賢從中主持而行之不擾昂有力焉天順辛巳秋虜寇李來擁眾進西上命懷寧伯孫鏗帥師禦之而以昂節制其軍先是昭武伯曹欽及其黨以靖難功權傾中外上稍裁抑之遂著異志時以七月二日出

國朝列傳紀

卷之四十七

四

四

師欽約其兄都督鐸從兄都督鏞指揮鉉謀為不軌推其黨之黜者為謀主而以其部所典禁兵及其仲父宦者吉祥為內援并結番將都督伯顏也先等數千人樹黨候昂等早辭朝乘機殺昂與孫鏗等就擁入內為變是日都指揮完者亮亮請長安門告變夜二鼓中官聞變詔侍直中官執吉祥以候天曙漏下四鼓舉兵犯闕合番漢人五百騎直抵禁城搗鼓大振搥殺錦衣指揮遠泉擊李賢傷首并執尚書王翺於東朝殿鐸帥數騎而西殺左都御史寇深斬傷廣寧侯劉安時禁門未啓欽奮其黨縱火焚東西城皇門及東華門朝臣懼散莫知所出連聽王師始集詔會昌侯孫繼宗將之鏗督諸軍先登恭

續修四庫全書 史部 傳記類 七六六

順侯吳璉及諸將臣分道迎擊昂以精兵殿之首尾聯絡旗鼓相望欽退屯東華門鑄以衆接戰王師銳甚賊衆披靡自辰至午敗鑄斬之欽中流矢創甚振策以馳璉將五六騎出覘卒與欽遇衆寡不敵力戰死之還駐東大市街相拒至酉鉉以百餘騎往來馳突者三王師環結不動自相枕藉鉉令執潰者斬以狗責戰益急發神臂弓射之追斬鉉欽益懼使百餘騎還攻朝陽門不克諸軍進薄其衆大破之鐸爲亂兵所殺欽入其家溺符井中其黨伯顏也先等縋城以遁遣師追之皆被獲是晚乘輿出御午門朝百官 詔下吉祥及伯顏也先等於御史獄皆伏誅仍以鐸棄市而鐸欽尸籍其家以資將士餘黨並落職流

國朝列卿紀

卷之四十七

四十一

劉汝忠

嶺南旌死節功追封瑋梁國公諡忠莊贈深少保諡忠愍論功行賞加繼宗太保安太子少傅賢朝與昂並以本官兼太子少保鐸賜爵徹侯而進完者禿亮爲都督餘將士加官進爵有差明日下 詔恭欽罪於中外衆謂不測之虞雖靖於一旦而逆豎稔禍已久昂等防虞之疎不能少辭其責矣八年給事中王徽劾將領多以私暱進由本兵非人乞黜昂擇人用之不報尋改戶部尚書卒贈少保諡恭襄餘詳戶部

王竑字公度號顛菴又號休菴陝西河州衛軍籍湖廣武昌府江夏縣人幼好學尚志中正統戊午禮魁明年會試第五賜二甲進士累喪凡八年始授戶科給事中正色立朝彈劾無所迴

避世四年已巳虜酋也先入寇官官王振力贊規征以致皇輿北狩 景帝監國於午門竑率科道等官交劾王振盡政誤國之罪帝未有旨百官皆慟哭跪伏於庭乞速斷時班有錦衣指揮馮順者振黨也順從旁沮止其論奏叱百官起去竑奮臂起曰順前黨振陷 先帝蒙塵今 上前叱逐百官敢無上又如此卽粹順髮口咬其面順倒地衆因蹴踢順死 帝趨入宮猶倡百官慟哭不起 帝令太監金英問所欲言對曰王毛二長隨皆振黨請寘於法遂從門隙出二人捶死之天下大悅時餘黨尚多皆惶怖不自安而虜騎又充斥 朝廷欲姑安餘黨之心而嚴慎防虜之策乃令衛士傳宣諸論事者蓋欲諭以此意

國朝列卿紀

卷之四十七

四十二

劉汝忠

也 朝廷此意外猶未知之而餘黨卽爲流言以恐諸論事者竑與夫人暨諸子決曰吾今事乃忠義所發自不能已也忠臣爲國以死爲安脫有不虞爾爲吾之妻子當死節耳所遺幼穉寧無向義者爲我育耶遂與諸論事者入而 朝廷獨諭以前意不復有他說使衆知其餘黨流言竑退乃悉心經畫防虜之策既而虜騎薄都城兵部尚書于謙奏京城九門最爲緊要令都督孫鏜衛穎張軌張義雷通等領師出城守護 上以竑強幹有志節命同給事中程信等分投巡視尋陞左僉都御史董師以禦之竑卽戎服鞭馬赴軍號令區畫咸適機宜部伍行陣應時肅整將帥協謀士卒思奮乃出奇折虜寇之鋒而奪其氣

虜既奔北因驅逐盡境還鎮居庸時邊兵訥訥以犬義開諭之正色以率之沉靜以鎮之由是眾志帖然始定景泰二年奉命總督漕運尋進左副都御史巡撫廬鳳徐淮諸州郡值連歲水災民饑甚流離死亡不可勝計至有相煽為盜將遺朝廷之憂者乃蚤夜憊精劬力經畫救荒之策至忘寢食大發官廩及欲富人所輸之粟厚賑恤之諸廩已空獨廣運倉所儲尚富然是倉之所儲乃備京師用者故朝廷歲遣一內臣十戶部官以同主之竑欲先發是倉以賑然後以聞而主者有難詞竑謂之曰民惟邦本本固邦寧民窮至此吾恐貽憂於朝廷故欲亟發此耳爾不吾從有變吾先殺爾以治爾召變之罪以謝眾

國朝列卿紀

卷之四十七

四十三

廿文

怒以免朝廷廷憂而善則請罪於朝廷也坐者不復有難詞乃大發以賑濟近者有餉以粥遠者量散以米流徙者給以口糧疾病者委醫以治死亡者與棺以葬膏肓者贈還其人前後全活者二百二十九萬餘人醫治得生者三百四十餘人贖還家者一千三百四十八人及瘞葬者五千三百餘人於是居流之民舉安謐曰生我者父母活我者巡撫凶年不荒軍民安堵遂生祠祀之或又集為錄曰救災以傳所惡政先勦奸墨貪吏聞風多遁去其逮問者無所寬假悉置諸法閭閻蒙右夙肆橫侵者必捕罪之由是相戒毋輒犯一時吏民咸畏其威如神明然竑因言謹天戒當以進君子退小人為先又陳致治保

邦二十事其言多指斥權貴權貴人陰中傷之天順元年言事者附權貴追論其犯關事劾之謫浙江參政尋令戶部發泣夏為民後英宗覽奏疏見竑疏有正倫理篤恩義等語顧左右曰竑所奏多為朕也乃命還河州五年以副都御史越經略陝西尋改理漕運再至徐淮老穉迎拜道左如蟻歡聲動野數日不止會旱漕河涸禱祠輒大雨即日江水漲溢舟楫通行凡所注措威行惠施勳名大振甲申兵部缺尚書給事中張寧等交薦特陞兵部尚書具奏天下邊將各陳戰守方略嚴簡京兵勸屯種復武學時兩廣大肆劫掠陝西虜在河套四川趙鐸作亂廣西湖廣兩省徭種入境邊報日至竑居中調度規畫允合事

國朝列卿紀

卷之四十七

四十四

廿文

機是以都督趙輔都御史韓雍皆奉廟謨而行俱成功凱還時有言密雲古北之邊事者命下兵部議之竑以其言有理遂如其言以聞有忤上意越兩日猶未報竑具疏以待止不加罪或有為竑慮者私謂竑曰自今此事宜慎重事有大利害何苦而不計耶竑曰自今不過此等事則已脫過此等事吾亦如此處之使利害有大於此者吾亦不之計也為竑慮者為之愧服既而上疏復在京團營軍士舊額革除諸將私役宿弊及薦修撰岳正都給事中張寧三事內批不報竑因所謂大臣者以進事者不可則止吾可以行矣遂五上章乞休以歸既歸日惟課僕耕田教子讀書躬管宅兆自譟墓誌將終遺言曰我

無功德於時死後勿乞恩澤成化元年以疾卒正德間立祠贈太子少保諡莊毅

王復字初陽順天府固安縣人正統壬戌進士歷刑科給事中
以善奏對陞通政司左叅議十四年己巳之變北虜也先犯京
師特陞禮部侍郎使虜營使還理通政司事天順元年後歷兵
部右侍郎四年轉左會尚書王竑以勁直忤時致仕遂進兵部
尚書未踰年衆議戎政非其所長調工部詳工部

白圭字宗玉先世河南磁州人經亂徙隆慶州祖進忠仕元爲
千戶因避地又徙真定之南宮後遂爲南宮人自幼天資英偉
識度過人登正統壬戌進士除監察御史先是南宮士未有中

國朝列卿紀

卷之四十七

四十五

高崇

科者有之實自圭始至是進士久未有卽授御史者有之亦自
圭始圭持憲秉律恒存大體嘗奉 命監出塞捕虜軍及巡山
西己巳之變廷議簡朝臣有文武才幹者俾守要害圭得澤川
募士練兵悉可就用會虜退召還以能陞陝西按察副使司多
滯獄至鞠得其情悉斷遣之民掠官糧爲食者有司置之法乃
惻然曰民饑至此不幸也若拘於法死者衆矣乃杖而釋之景
泰中陞浙江布政使浙自葉宗流亂後民多凋瘵餘賊有伏草
莽者督巡撫兵部尚書孫原貞 宣德意捕誅連孽因迭儀奏
蠲其租賦發廩勸貸而賑濟之數辨疑獄申理冤滯民安堵焉
天順改元湖廣貴州苗賊弗靖陞都察院右副都御史巡撫其

地時賊據險我兵不能討至設法多爲疑兵分道進攻賊遂不

能支遁去擒其渠首斬之餘黨悉平在湖三年與利除害善政
沈多嘗有 勅督造戰艦甚急衆議欲賦材於民圭持不可請

於藩府得以抽分木代造民德之二年虜衆寇關內召爲兵部
右侍郎往贊戎務入對便殿 賜資優渥卽日就道至陝適總

賊者失利虜熾甚乃按兵不戰至固原值虜奄至從騎僅百人
冷悉下馬結陣以待虜衝突者三疑有伏兵乃引去躡之獲十

餘騎及牛羊以歸旣而花馬池海納都連戰捷虜解去還朝董
慈壽皇太后葬事於 景陵有銀幣羊酒之賜七年工部尚書員

缺 帝意屬圭執政者欲舉所知託以俸淺爲言 帝曰卿所

國朝列卿紀

卷之四十七

四十六

高崇

舉乃坊岳爾白圭由方岳歷都憲至此不可授乎卒授之 憲
宗卽位幸大學耕籍田開經筵皆預侍 裕陵營造承天門修
建董役俱有犒賜荆襄賊嘯聚推劉千斤和尚爲主攻元署
爲軍師總兵等號攻劫州縣 上命撫寧伯朱永總兵圭提督
軍務往討之至南陽分兵爲五路圭與撫寧由南漳入遇賊誘
之臨城擊破之乘勝進兵賊退入窠穴山險復雨淖恒先士卒
而登至格鬪賊憑高爲拒時諸路兵會已二日攻之不能下士
卒聞圭來各奮勇乃命裨將率卒千餘由間道出賊後焚其營
而自以大軍臨之賊萬餘迎敵顧其營火遂驚駭蹂亂走死者
無數斬首數萬級生擒劉千斤等獻俘京師適聞父喪乞守闕

州慶陽之寧州環縣選其民丁之壯者編成什五號爲土官原
點民壯亦改此名其優恤之法每名量免戶租六石常存二丁
貼其力役五石以下者存三丁三石以下者存四丁此時得壯
丁五千餘名委官訓練聽調此陝西土兵之所由始也

程信字彥實直隸河間衛籍徽州府休寧縣人正統壬戌進士
授吏科給事中轉左景泰二年陞山東右叅政改四川天順元
年陞太僕寺卿二年陞巡撫遼東左僉都調南太僕寺少卿五
年復陞刑部右侍郎成化元年起兵部轉左侍郎丁亥四川貴
州山都掌蠻據大壩山等之險破合江以上九縣勢甚猖獗邊
報益急 上用廷議進兵部尚書提督軍務與襄城伯李瑾發

國朝列卿紀

卷之四十七

四十九

杜加貴

川廣雲貴番漢兵討之信至永寧分大軍爲三道自督之以入
金鵝池而分四川軍由戎縣貴州軍由芒部雲南軍由普市入
授以方略期四路俱會大壩兵及李于關渡船舖賊恃險拒敵
飛梭下備如雨諸軍以神銃勁弩却之攀崖而上順風舉火焚
其龍背豹尾二寨賊退保大壩而貴州軍已躋其後四川雲南
軍已攻其左右驚顧四散不支連破三十餘寨獲銅鼓數千斬
獲五千級生擒二千人餘賊復走入天井水磨二洞洞窺幽暗
不可入信命諸軍以土石窒其門圍守月餘賊死洞中臭聞十
餘里信又陰察九姓土獠之附於賊者還師撲之不踰年都掌
悉平信復請移瀘州衛於渡船舖以控諸蠻公裂都掌故地隸

永寧芒部易大壩爲太平川立長官以轄熟夷凱選進兼大理
寺卿有白金綵幣襲衣之 賜四上疏請老俱不允辛卯春

上以雨澤不降令羣臣條陳闕失信止言其事可更張者四兵弊
可伸理者五大約謂當今在外惟延綏兩廣無歲無虜劫之患
四方流民悉聚荆襄此大可憂也而不求規畫之良以爲經久
之策在內惟京營乃天子六師所以居重馭輕四方有事恒病
其不練而困於不足凡此皆宜更張之大者兵弊五事亦皆連
類引喻 詔下兵部一時任事者難之未幾復有此事三方悉
如信言應城伯孫繼先多不法事覺有 詔下信多請賞之者
信執筆奮然曰侯伯乃武臣領袖懲一戒百正在於此遂盡發

國朝列卿紀

卷之四十七

五十一

杜加貴

其貪尅諸事繼先坐免黨與皆請成嶺表軍府肅然又北虜潛
伏黃河套中歲爲西患輔臣有請興師十萬以大同守將楊信
爲總制按勦之信乃言河套地曠遠無水草與師十萬則輓運
者加倍自古禦戎來者拒之去者弗追此不易之法而楊信亦
止請三萬人巡邊禦敵信曰此大舉亦繫國勢之強弱以三萬
人揆套則少巡邊則多蓋關陝連歲受兵公此之往勝形未具
而先自困豈謀國之道衆服信言卒與三萬人巡邊而罷揆套
之議七年調南京兵部尚書叅贊機務詳南京兵部
項忠字盡臣浙江嘉興府嘉善縣人正統壬戌進士授刑部雲
南司主事戊辰陞陝西司員外郎十四年己巳扈從北征編留

虜中飼馬忠仰天竊歎日圖歸事 本朝久之挾二良馬而南
 越四日馬疲遂棄馬步奔間道攀巖涉澗凡七晝夜達宜府視
 其足陷蒺藜刺者百數及還陞山東司郎中景泰二年陞廣東
 按察副使按部高州謀賊携男婦數百流劫村落部將請發
 兵忠曰流賊無携家理慎無妄殺及訊其俘果皆良家被掠者
 盡釋之癸酉從都御史馬昂征龍水徃賊有功加從三品俸是
 歲丁父憂後服闋改山東副使巡撫年富多委托之天順三年
 陞陝西按察使適陝饑以拯民為已任不待奏報輒發倉賑之
 全活以萬計壬午聞繼母喪陝西軍民赴關留者千人 詔奪
 情還任明年以大理寺卿徵既行陝人復詣 關借留 天子
 國朝列卿紀 卷之四十七 五十一

欲慰陝人乃改右副都御史仍撫其地軍民喜其來爭焚香遠
 送歡聲如雷甲申岷生熟番作亂忠調兵撫補之遂降其眾
 成化元年虜犯延綏忠與寧遠伯任壽調兵禦之虜遁去關中
 水泉斥鹵未有龍首渠歲久湮廢居民病之忠奏開一渠餘二
 十里涇陽鄭白渠亦久廢募募工疏通於平地則度勢高卑而
 穿渠遇巖則聚火鎔鑠而穿竇不二年而成名曰廣惠渠北灌
 田七萬頃人懷其惠立生祠祀之二年虜酋毛里孩入寇命忠
 提督軍務與彰武伯楊信禦之戰屢捷虜復遁三年 召還佐
 院事四年戊子固原土達滿四怨將官劉清生事構其醜類謀
 叛不三月間聚眾二萬據石城將舉大事遠近戒嚴守將寧遠

伯任壽廣義伯吳琮巡撫都御史陳价等率兵剿捕兩被殺傷
 都指揮費良死之事聞眾推忠 詔以忠總督軍務與都督劉
 玉討之伏羌伯毛忠戰死我軍遽退忠即陣斬一千戶以殉眾
 乃定會有星孛於台斗中外詢占者以木在秦州不祥忠曰
 賊虐害生靈惡貫滔天今仰仗 皇威問罪師直而壯兵法曰
 禁祥去疑昔李晟討朱泚焚惑守歲卒以成功今殆類此乃不
 候援至即以師據賊水草坐困其勢 朝廷尚慮師淹歲月
 詔問忠可否益兵忠即上疏謂京軍怯不諳戰益之無補時兵部
 及兩侯伯上章者惡忠與已各扇浮言忠堅坐困之策與賊
 相持百日彼漸有欲降者忠乃以二卒自隨單騎抵寨曉以禍
 國朝列卿紀 卷之四十七 五十二

福於是賊中脅從之眾相率來降獨滿四與左右復來劫營前
 後大小三百餘戰皆卻之已而滿四乃夜使愛將楊虎狸者出
 營遠汲被擒忠先揚言斬之虎狸乞命乃諭之順逆許以不死
 解所束金鈎賜而遣之約為內應以故滿四卒為虎狸所賣成
 擒斬首七千六百有奇俘獲二千六百因陳四事為經久計
 上皆從之先是忠日披堅於石城下督軍殺賊雖矢石如雨略無
 懼色鈞陽馬文昇嘗勸其持重忠曰奉 命討賊久無成功死
 所甘心輿論偉之五年還京以功陞右都御史仍佐理院事庚
 寅秋京畿大水民饑命巡視順天河間永平三府忠發官廩又
 勸分得米十六萬五千石銀布牛俱各萬餘全活不可勝計是

年冬荆襄賊李胡子者本劉千斤餘黨倡流民爲亂復總督軍
務乃遣人持榜入山招諭其負險不服者縱兵摻捕凡遣發還
者百四十四萬編成者萬餘斬首二千餘級獻俘於朝者百
餘人仍獻便宜十事 詔暫留撫治進左都御史會有星孛於
天田言者謂荆襄殺戮所致忠再疏自列言爲國任怨未嘗忘
殺因乞骸骨 上溫詔慰留且召之還後荆襄三十餘年牙孽
不作跡推創之力未必非撫綏之地也十年陞刑部尚書逾月
改兵部尚書忠曉暢戎務簡賢屬以自輔不敢惰廢事十二年
錦衣百戶韋瑛者挾汪直爲詞察屢興大獄至擅執京朝官中
外重足莫敢正言其非乃奮筆具疏草倡諸公卿奏之瑛坐戍

國朝列卿紀 卷之四十七 五三

邊 朝野稱快而其黨競讐忠不置又有千戶吳綬先在荆襄
撓軍法爲忠所黜時亦用事極力朋構欲寘之死忠廷辯慷慨
不少屈僅坐落職以去久之陷忠者次第皆敗 上洞察其枉
復兵部尚書致仕自去官家居者二十有六載中朝縉紳論舊
德宿望可當大任者蓋未嘗不屬望焉弘治初吏部侍郎彭韶
巡視兩浙嘗薦其可用而遘疾竟不果起贈太子太保諡襄毅
夫學士謝遷云自文武判爲兩途章甫逢掖之士克任軍旅者
寡矣 先帝嗣統之初四方多警赫斯徂征公以文儒屢當董
師之任所向克捷以弼大有爲之治求之簡冊所書如公者亦
豈可多得哉

余子俊字士英四川眉州青神縣人生十歲而孤自幼有大志
迥異常兒稍長從吳廉憲受詩經中景泰卒未進士授戶部主
事陞員外郎在部屬中獨開敏精勵嘗有兩勢家爭田久未決
部檄理之甲以其地名與己姓同執爲其家故產子俊曰然則
張家濟盡張產耶卒爲直之一時能名聞於上下出知西安府
西安會府公務叢委訟謀紛紜三邊之事咸萃於彼使車往來
無虛日子俊處之裕如初西安患城中水鹹苦民爲艱食子俊
於城西南三十里相交澧水欲開渠引入呈白巡撫奏允乃躬
督工役市關流通民用稱宜頌其功澤灞橋圯壞行途既沮民
田因折子俊先後建策管修二次橋成牢固水患遂無涇陽縣

國朝列卿紀 卷之四十七 五四

山西高水下不利灌溉乃出公帑責健卒鑿山開道溉田千頃永
爲秦民之利使者奏其治行爲關中七府冠 賜璽書旌異成
化初年陞陝西右叅政 年陞陝西右布政使子俊在陝藩最
久歲儲數百萬皆手畫心計不纖毫差胥吏之手無所措又先
卹民而後理財措剋聚斂之風爲之少息七年陞都察院右副
都御史巡撫延綏地方具疏言陝西有三邊延慶寧夏甘肅三
邊之中延慶爲內地 國初逐出北虜遠道黃河之外至正統
初渡河來犯近邊始於沿邊立界石創營堡築墩臺天順以來
虜知我東西諸邊各據險以守難於窺伺惟延慶一帶地無險
阻可以馳突屢來犯掠邊人以爲嚮導遂知河套所在入屯其

中自是處顧居內而我列屯守禦反在其外藉以爲莫若沿邊
一帶墩臺空處築爲邊牆立若堡况舊界石一帶多高山斗崖
依山形隨地勢或剷削或累築或挑塹延引相接以爲邊牆於
是東起清水營之紫城砦西至寧夏之花馬池延蔓二千里每
六三哩間爲對角敵臺崖若連比不絕於其空處築牆如新月
狀以偵敵避射凡爲堡十有二崖砦八百一十九小墩七十有
八大墩十有五兩月之間厥功告成皆精理可以又榆林列戍
始於正統歲調官軍未有衛至成化初立衛未就緒子俊請以
先年陝西清出遠年不明軍籍及有罪謫戍南土者之子孫免
其遠戍就近編伍以實之擇軍中子弟之俊秀者爲子弟員奏

國朝列卿紀 卷之四十七 五十五 杜加貴 卷九

請建學立師以教之俗不藝圃教民種稻蔬葱韭自是蔬菓與
內地等又於界石外開荒地萬頃以爲屯田得糧十數萬石以
助經費自是榆林爲重鎮而與寧夏甘肅鼎立而三矣虜自後
經城下必嚙指相顧不敢鳴鎗向之內申移鎮關中進右都御
史有 詔議阻盜安民之策選將勵兵之方條上事宜凡七疏
入皆從之行之至今十五年陞兵部尚書子俊熟知邊情擬畫
各有機宜善擇屬官賢者委任之不好自專肅有中官用事獻
定交南策以中旨索永樂中調軍數子俊命吏檢舊庫職方郎
中劉大夏故匿其籍以利害告遂拜服之事遂寢又永樂間
勅遣大臣分行各處凡民間子弟二十以上勇健者皆選取以備

侍衛頗被騷擾其軍悉隸府軍前衛數至二萬有餘立千戶所
二十五領之年至六十驗有老疾實狀兵部奏請疎放仍於本
州縣照名選補至是子俊議差官點選時選處多饑饉以大夏
言停止衆稱其服善未幾以丁憂去任十八年再起戶部尚書
爲錢穀之司苛者得公名平者有後患其流之弊知有賦而不
知有民旱乾水溢厭入 上聞子俊樽節盈縮不爲措剋計於
地方災傷 上聞必請蠲恤會宣大多事命以本官兼左副都
御史提督宣大軍務兼理邊儲子俊以大同宣府切近京師倣
陝西邊牆所已行者而爲之乃竟爲忌者所沮不克成二十二
年復召改兵部尚書理部事時年已衰疾乞休不允力疾視事

國朝列卿紀 卷之四十七 五十六 杜加貴 卷九

至弘治二年卒於官贈太保諡肅敏
大學士丘濬云公沉重簡默外若和緩內實嚴毅凡文移必自
起草每夜至二鼓方寢一生仕宦立朝之外皆在西北二邊而
於關中尤久故於榆林事爲詳其功尤大灼然在人耳目者脩
邊牆一事其後又以大同宣府切近京師依倣所已行者爲之
竟爲忌者所沮不克成論者爲其功程已有次第假饒未爲盡
善但十得四五而亦享四五之利不猶愈於盡廢乎
大學士楊廷和云公正不詭俗廉不近名其功業在 朝廷惠
澤在天下者夫人皆知之至其規畫之周祥奏請之委曲非稽
之奏議則或者未必一一悉其本末今去公既久而奏議始行

於世是固有待於後之賢子孫也公嘗語人曰人臣事君當隨事盡力凡有建樹卽近且小亦須有百年之計又曰大臣謀國遇有大利害當以身任慎勿養交市恩爲遠怨自全之地其城延緩時怨謗紛如不恤執之不易卒以成功人至於今利之且頌公之德不衰因言以求其志因奏以考其績蓋無一不相酌者

菽園雜記云陝西城中舊無水道井亦不多居民日汲水西門外參政余公子俊知西安府時以爲關中險要之地使城閉數日民何以生始鑿渠城中引灞澆水從東入西出環瓮其下以導水其上仍爲平地迤邐作井口使民得以就汲此永世之利也

國朝列卿紀

卷之四十七

五十七

即召景

陳鉞字廷威直隸河間府獻縣人天順丁丑進士授兵科給事中歷左給事中心術陰險善以驚術害人成化中進光祿寺少卿與中官相結納會山東災傷營內旨特陞左布政使抵任不飾名檢益務厚殖又強悍苛刻人不能堪巡撫都御史牟俸素裁抑之鉞恚恨甚會陞副都御史尋命巡撫遼東兼贊理軍務益恣情徇利蕩無紀綱建州衛自文廟以女直積類歸款分置建州女直毛憐海西等衛各授指揮等官所以渙其羣俾不相統攝以內戴中國外禦北虜誠以夷攻夷之上策也歷歲朝貢間有寇邊不爲大患惟嚴守備來則逐之耳及鉞行

事每方失夷人心又欲誘殺進貢夷屬以掩已過由是夷益懼爲亂朝廷命兵部侍郎馬文升整飭遼東邊務於凡鉞所行多被文升節制更易會太監汪直亦來巡邊鉞懼見罪乃戎裝遠避除道飾厨供帳鮮備賄託隨從見汪叩頭狐趨狗媚無所不至惟文升與汪無禮奴視其左右以是鼠輩多譽鉞而詆文升鉞亦乘間毀之汪直遂陰主鉞議邀文升偕行文升不聽先蒞其地招撫墨鑽忒等二百餘人比直至虜已解散直無所獲深啗之已亥言官劾總兵歐信韓斌及鉞激變事情逮繫至京鉞厚賂直捏奏女直建州請虜皆以文升禁不與農器交易故屢寇邊反誣文升妄起邊釁朝廷遣刑部尚書林聰往勘聰

國朝列卿紀

卷之四十七

五十八

即大能

畏汪直勢勸報如一直言遂下文於錦衣獄文升言實禁鐵器非農器也竟坐成重慶士論其忿不平鉞既恃直免又以建州寡弱說直立功固寵已亦會遣虛張邊警妄請出師汪直主之於內遂命撫寧侯朱勇擣鞏兵鉞提督軍務汪直便宜生殺陞賞時建州頭目六千餘人入貢過汪直於廣寧直誣以窺伺馳奏請拘囚之既到給就瀋瀋禮入門伏起三校擒一格鬪擾攘困乃就鄉監禁在衛虜衆不意大兵掠至皆逃匿惟餘老弱或殺或虜旋凱獻俘直將入城諸大臣皆遠避上御文華殿以俟論功陞賞直加祿米三千餘石勇進爵保國公鉞進右都御史未上改戶部尚書郎中王宗彝以督餉陞太僕寺

少卿尋改命都鎮遼鉞既同汪直征勦建州虜寇因而侵盜邊
 庫銀兩計數十萬私匿俘虜子女多人父子各占一妹又懷牟
 俸舊恨乘間言俸過惡直遣校尉緝得俸貪暴事跡賊以萬
 計俸適以差事到京遂連俸姻家侍讀學士江朝宗俱下獄拷
 訊追贓俸備受慘酷行賂指揮吳縉諷被逮所屬守令各代輸
 僅半朝宗坐交通調廣東鹽課提舉俸充鎮遠衛軍士論皆怒
 鉞而不敢言十六年又進兵部尚書賈官驚勦無所不至時西
 湖撒馬兒進二獅子至嘉峪關奏乞遣大臣迎接途撥軍護送
 事下兵部郎中陸容謂進 貢禮部事不從鉞必欲覆奏以求
 媚上容草奏言獅子固是奇獸然在 郊廟不可以為犧牲在

國朝列卿紀

卷之四十七

五十九

古文

乘輿不可以備駮乘並無用之物不宜受且引珍禽奇獸不育
 中國不貴異物等語為據力言當却之如或憫其重譯而來嘉
 其奉藩之謹則當聽其自至斯盡進貢之禮若遣大臣迎接是
 求之也古者天王求車求金於諸侯春秋譏之况以中國萬乘
 之主而求異物於外夷寧不貽笑於天下後世鉞覽之不能奪
 其議恐拂 上意乃咨禮部時尚書周洪謨亦言不當遣官迎
 接事遂寢識者譏其始欲要 上及其不可又貽責於禮部
 其反覆類如此未幾虜以復讐為詞屢侵邊堡搶去男婦雜畜
 火蒸支解以殉屯堡屏迹弗克耕種遼地驟然識者憂焉始以
 人言罷為民既罷家居寡嫂孤姪苦其凌轢潛赴京訴其事東

厥刺事太監即日以聞遣錦衣官校馳往逮之執其幼子拷掠
 具服所侵庫中玉瑚璉諸異品占所俘之妹俱追解赴京下錦
 衣鎮撫司鞫問人皆為之危鉞乃洋洋然對於眾曰金銀實有
 之俱當時分送某幾千某若干子女亦有之但送某幾人同時
 同事某收幾人而我所收皆眾所遺棄者以故大臣曾有所受
 者聞之皆膽戰心寒相與極力管解遂得無事仍放為民

張鵬字騰霄直隸保定府涑水人自幼卓異不與里中凡兒嬉
 正統丁卯以詩經領順天府鄉薦中景泰辛未進士授山西道
 監察御史立朝嘗諤有才名凡百施為務持大體略苛細常條
 奏時政關民之休戚者十事人服其切直 朝廷嘉納悉下有

國朝列卿紀

卷之四十七

六十

前祐

司施行甲戌監會試公明之譽籍籍尋按治隆慶等處乙亥監
 南和伯軍之湖廣丙子清理京畿馬政所在風裁益著天順丁
 丑武臣石亨特寵作威福人莫敢犯鵬奮不顧身率同列極詆
 其罪亨憾之竟被誣構謫戍遼東鐵嶺衛尋改廣西南丹衛後
 亨事敗人服其炳見幾先甲申 憲宗即位宥還乙酉召復舊
 官明年超擢福建按察使戊子夏廣西缺官巡撫擢都察院左
 僉都御史以往鵬常謫居其地備諳民夷土俗凡政令之出悉
 合時宜而邊境用寧已言官劾中外大臣不職者及之 上知
 其直獨留巡撫如故尋改理南京都察院事是非奪一以至
 公而臺綱振肅辛卯春復改都察院總漕運巡撫淮揚等處明

年盜發境內申勅巡視鳳淮揚廬四府徐滁和三州以恩信爲治緝捕有方踰年盜息甲午仍還南京理院事是夏擢右副都御史巡撫寧夏丁酉召爲兵部右侍郎已亥轉左侍郎壬寅特拜尚書甲辰春進階資政大夫冬加太子少保自是多疾常在告遣中貴偕太醫視療尋乞致仕勅馳驛以還命有司月給米二石歲給役夫四名丁未以疾終年七十二謚懿簡爲人剛直凡六爲臺憲歷內外邊方者八所至必感激自效其爲兵部責任益重以身殉國不計利害嘗戒僚屬曰處事不患不明特患不公耳公則何事不可爲耶京營團操軍士多爲將領私役力陳其弊上卽日命內外大臣并臺諫官簡閱得數既多

國朝列卿紀

卷之四十七

六十一

張一鳳

得人且精遂嚴私擾之弊申訓練之條管伍肅然故事主將偏裨缺人必集廷臣各舉所知以待兵部請而用之年久寢廢或舉亦未盡公乃請覈實具名以聞否則有罰自是號稱得人遼東守臣以擒獲虜幼男女來獻者旣而悉分給中貴鵬懼將士肆貪殘以啓邊釁卽奏止之去同官軍失機於夏未乃請治偏裨逗留不進之罪及大臣之統馭失律者並械赴京處置一時軍法大振雲南木邦爲其屬孟密思柄專利侵侮思柄因請自立爲官司領屬修職貢朝議旣從之鵬言此夷未奉旨尚爾恣橫况從其請使之得志乎宜降璽書以理諭而抑之也上可其奏人服其遠識有武臣真得金齒衛參將託權貴人薦用

力言其人非將才不可用辯論反覆語益直色益厲而竟不從有撫治流民者久不得遷上言流民非得風憲大臣治之不可其意蓋自薦也鵬言是在人不在官如其怠曠雖風憲大臣何益事遂寢又臨政簡約每以生事喜功爲戒當歲饑四方奏多盜而山西河南諸處尤甚卽報言此輩特逼於饑寒不得已爲盜耳惟罪首惡者一二餘悉宥之則其黨自散矣各道奉行未幾果無事其居官處事類如此爲人樸樸無華雖居顯要自奉如寒士資性樂易莊重不立崖岸不輕笑語其色侃侃若不

國朝列卿紀

卷之四十七

六十二

張一鳳

水東日記云真定邏卒獲一人爲虜語悉甚以爲先被虜見留虜酋也先將窺臨清使我等從宣府邊關入住城中數日而今抵此蓋先爲偵伺耳守臣以聞兵部奏虜酋爲計至此宜急遣廷臣預備紫荆等關因薦郎中陳汝言陳金等堪是任詔止治備而已都察院奏宣府守臣不覺察當罪使也先欲其首將携去久矣於是特命錦衣衛押其人至宣府會巡按御史勘問所主之家御史涑水張鵬心疑其事有款藹之得其實蓋平定州故荆郎中奴在京師以貿易習虜語不事稼業被筆楚潛匿於外妄爲此言被邏者從而附會之耳此雖事而臺省之張皇內批之鎮靜得體御史之明決能任事皆川記

馬文升字負圖河南開封府鈞州人景泰辛未進士權監察御史累官兵部左右侍郎請成重慶歷左副都御史右都御史巡撫遼東總儲漕運成化二十一年陞兵部尚書適貴州都勻里苗弗靖守臣請發兵往勦文升持不可奏差郎中御史各一員往彼勘處果無他虞尋忤時相改南京兵部參贊機務弘治元年召為左都御史掌院事兼提督十二團營慨然以身許國尤留心邊計具奏陝西路通甘涼止有蘭州浮橋一道若賊以數千人拒守河橋糧運不能通援兵不能進不數年而甘涼之地難保無虞萬一甘涼失守則關中亦難保其不危乞勅兵部計議方略預濟人馬并勅戶部查算甘涼各城糧草有無缺欠以

國朝列卿紀

卷之四十七

六

張

備慮患以孝宗嘉納之尋復改兵部尚書仍提督京營軍務七月京城大雨文升疏時政得失十事以彈災變占城為安南所侵請救眾議未決文升即會禮部拘朝貢使臣諭以禍福俾還侵地遂通好如故辛亥二月丁繼母憂上手詔起復文升懇求終喪不允仍出視事建州夷黨伏加謀叛械繫京師朝問文升辯不服文升徐以數語發其奸伏始惶懼請罪遂殺其首海南貴州苗叛文升議遣鎮遠侯顧溥率兵往擊之且授以方略克五十餘寨俘男女數千餘口而還自是震懾九月加太子太保六七年間因御史馮允中題裏河一帶驛遞煩雜彙強多勸過關米糧等弊議定站船二斗紅船五斗各於輪該走過水夫出

辦不許一槩科擾其宿弊稍除又因馬政廢弛題准差官勘處河南開封彰德衛輝等二府陳州等一十七州縣山東兗州濟南東昌等三府所屬濟寧州等七十州縣各論人丁每五丁養兒馬一匹每十丁養騾馬一匹共該人丁四十二萬八千五百二十二丁領養兒馬六千七百五匹騾馬三萬六千八百二十匹其直隸真定保定永平順德廣平河間大名等七府所屬定州等九十二州縣各論免糧地畝每地五十畝養兒馬一匹一百畝養騾馬一匹共免糧地七萬七千四十九頃五十一畝有零領養兒馬一萬七百九十五匹騾馬四萬三千一百八十四匹各照例兩年算駒一匹其餘人戶收候領養孳生馬駒其順天

國朝列卿紀

卷之四十七

六

張

府所屬霸州等二十七州縣亦各論免糧地畝領養各處解俵備用馬匹至今行之又因將材難得乞刊印五經七書分散兩京武學并各處應襲舍人以作養之九年具疏極論在京軍士疲困戰馬消耗兵器不精將不得入操練無方恐年復一年愈加廢弛乞今後凡有興作不許奏討團練軍士著為定例其坐管等官務曲加撫恤不許擅役科歛每營揀選精銳馬步軍各二千員名以為上兵遇警動調免致臨行挑選有誤應援仍差給事中御史等官同年老知識草場所在官一員取勘四正明白就為丈量不分內外勢要侵占俱令退出及後馬軍有將該支糧豆預費於人及將官馬顧人騎座事發問罪與預馬之人

罰馬一匹并 勅工部嚴令造作器械俱如式及通行內外衙門各舉將材其操習規矩遵依洪武永樂年操法五目之操走陣下營二日演習武藝三日不許煩換奏 上嘉納行之十一年春二月 皇太子出閣加少保兼太子太傅虜酋火節擁眾寇大同威遠勢甚猖獗京師爲之戒嚴 上親灑宸翰 賜以尚膳品具 召文升至內便殿咨以戰守之策文升因舉保國公朱暉等整檮官軍以待且令各邊謹斥埃脩戰具虜知有備卽時遠遁十四年春 旨諭將所議內修外攘禦虜安邊事宜開款條陳文升會集廷臣計議方略凡十三條於內欲命文職大臣總制大同宣府山西偏頭等三關及陝西延綏各路將官

國朝列卿紀

卷之四十七

本五

張楷

一行衆議謂哈密一方事耳今北虜在邊四方多故公往甘肅四方邊事付之何人乃議以兵侍張海督僉都侯謙往經略之張侯往修嘉峪關捕久通阿黑麻黠詐回回二十餘人發成廣西文升以此虜既遣使人貢復虜陝巴金印迫 勅使往又久不報其輕中國之心著矣遂請以寫亦滿速兒等四十餘人皆安置兩廣福建閉關示絕西域諸番入貢以孤其勢無何阿黑麻復令頭目牙蘭率番夷二百餘據哈密文升謂此虜若專示以恩而不加以威彼終不知畏因訪肅州撫夷指揮楊翥以襲殺牙蘭之策請 勅令肅州副總兵彭清統番漢兵襲殺牙蘭牙蘭知之遁去兵至哈密獲城追勦之僅斬六十餘而威聲大振阿黑麻以是畏威悔過遂遣使人貢并陝巴金印來歸西域遂寧文升之力也壬戌改吏部尚書餘詳吏部

國朝列卿紀

卷之四十七

本六

張楷

國朝列卿紀卷之四十七終